

1
PAVLI IOVII NOVO

COMENSIS EPISCOPI NV CERINI
IN LIBROS HISTORIARVM SVI TEMPO-
RIS SECVNDI VOLVMINIS

PRÆFATIO.

AD
COSMVM MEDICEM REIPV-
blicæ Florentinæ Ducem.

PUBLICANTI mihi secundum Historiarum mearum volumen Magnanimè COSME, satis superq; & præclare quidem augusti nominis tui, cui hæc dicantur, authoritatē, ab illustri patrocinio valiturā reor, aduersus eos qui fortasse comiter aut cōuitiosè postulabūt et requirēt, cur id totū luctuosissimæ tēpestatis spatiū quod à morte Leonis X. ad Rom. cladem decurrit, vel supina vel astutā præuariance præterierim. Quibus breuissima præfatione ita censeo respondendum, vt nec culpā diffitear, nec veniā deprecet. Quandoquidē nō ad alienæ voluntatis arbitriū, sed syncero liberaliq; prorsus animi iudicio, hoc grauissimū scribendæ historiæ munus susceperim, scilicet vt his qui adhuc viuunt, & posteris demū, per amœna exemplorū varietate cū oblectatione prodessem, & in hac vita aliquam mihi eternitatis spem, hoc tanto atque vtilissimo labore percipiendam arbitrarer. quam mihi obuenturam opto speroq; & singularem atque honestam voluptatem allaturam confido, modo sine periculo quæatur. Putabam siquidem, & insani et intemperantis ingenij fore, si libero ore loquutus nihil reticerem quod asserendæ veritatis interesset, & cuncta huius seculi incommoda propalarem, propterea quod inde quorundam dignitatem inuidiosa nec iniqua suggillatione vehementer offendi posse providebam. Profecto mei instituti nunquam fuit vel encomia fallasq; laudationes ad quærendam gratiam conscripsisse, ne que ex aduerso ad parandum odium satyricæ acerbitalis stilum exercuisse, vt à quibusdam impudenter factum videmus. Quoniam viro philosopho, seniq; maxime turpe sit, & ineptum, sibi, vt i oportet, in graui præcipuè negotio sapere nesciuisse. Itaque peritos medicos imitatus, carcinomata desperatæ curationis, quæ si attrectes, & acrimedicamine laceffas, in immensum furere, & pestifera edaciq; serpigine mortem afferre solent, naturæ relinquenda, neque his vlllo pacto manum admouendam iudicaui. Quamobrem existimationi salutiq; meæ consulens, diræ tempestatis materiam, tanquam abominabilis impij, operis, minime attingendam arbitratus sum, quando hæc aduersæ fortunæ accepta vulnera, insanæq; nostræ detrimentan non modò non prodenda posteris, sed pro virili occultanda esse videantur. Ea siquidem quæ Italicum nomen decorent, neque memoria recolī sine dolore, neque sine vberimis lachrymis scribi, nec sine flagitio pudoreq; posteris enarrari queunt. Ceterum quod ad rem pertinet, historiæ studiosorum iusto desiderio magna ex parte satisfecisse iudicari possum. Nam si vitas illustrium Ducum quas conscripsimus, curiosi diligenter euoluant, in Leone X. atq; Hadriano VI Pontificibus, Pompeioq; Columna, & Daualo Piscario, Magno Consaluo, & Alfonso Atestino, totius huius fuesti seculi historiæ texturam inuenient, sic vt ea facile quæ nos vel non scripsimus, vel scripta non inconsultè supprimimus, supplere et resarcire cumulatè possint. Quanquam & hæc, singulorum librorum Epitome suo ordine ad prodendam rerum gestarum seriem explicanda censuerim. Quòd si mihi quanquam pedibus capto, atque adeo grauiter se-

nescenti, Deus magnus fatalis horæ spatium extendat, perpetua proculdubio lucubratione
 nitari, ut totum id quod in clade Urbis ereptum, vel à me postea contumaci quadam indigna-
 tione prætermisum fuit, non diu à bonis mortalibus desideretur, te præsertim auspice omnis
 virtutis amantissimo, qui ut hæc conficerem atque ederem generosa cohortatione perpulsisti.
 Vale. Pisis. Calend. Maijs. M D L I I.

PAULI IOVII
 I V N I O R I S.

ILLUSTRES Populi, quos vel tulit Itala tellus
 Quibusue mater extera,
 Sen Mars assiduus quoscunque exercet in armis
 Virtute claros bellica,
 Sen quibus est studium Sophiæ complectier artes
 Gratumque Musis otium,
 Quid dubij vobis iamdudum in corde recusat?
 Ne, quæso, ne miremini
 Sirecti IOVIVS iudex infauista malignæ
 Ætatis acta præterit,
 Quæse cum Diris, geminisq; sororibus orco
 Erynnis atra sustulit,
 Crimina mille trahens secum, & ciuilia bella
 Cædes & impium nefas.
 Eheu quàm melior Populis & clarior ires
 Romana cælo gloria,
 Si non insanum deuoti sanguinis æuum
 Chartis notasset in suis,
 Extra odium quisquis priscorum scripsit, & extra
 Potentiorum gratiam.
 Quare vos potius IOVIO nunc soluite grates
 Bonam inque partem sumite
 Si, bene dum vestro decori, & sibi consulit ipsi
 Nomen tuetur Italum.

LIBRORVM QVI PRÆ-
TERMISSI SVNT EPITOME, QVÆ PRI-
MI VOLVMINIS LIBRIS SVO TEMPORVM
ORDINE OBSERVATO CONTINVATA
SERIE CONNECTITVR

DECIMI NONI LIBRI.

10 **V**MBRICI belli causæ & successus, resque multis in lo-
cis à Pontificijs fœdissimè gestæ libro Decimo nono
continentur; obiterque Francisci Mariæ Feltrij Vrbi-
natis Reguli multiplices victoriæ, suum regnum, quo
dudum iniuria fuerat eiectus, egregia virtute repetētis.
Maldonati quoque Hispani viri summæ authoritatis su-
spectam fidem, quod largitione corruptus videretur, a-
trocissimo spectaculo vindicatam, quum Hispani eun-
dem, & complices cogitati facinoris C. Maccium, Ferdinandum Rubrium, &
Plasollam cohortium præfectos, corona totius exercitus circumdatos inusitata
20 horribilis supplicij pœna confodissent. Explicat item Leonis Pontificis dolo-
rem ex adverso rerum successu, vulnereque Laurentij Medicis conceptum, &
Petrucianæ coniurationis pericula, eiusque detectæ vindicatam iniuriam,
sublatumque metum fœda nece Alfonsi Petruccij Cardinalis, & conspiran-
tium cum eo aliquot Cardinalium exilijs, & propterea supplendi senatus ne-
cessitatem, quum Pontifex unum & triginta Senatores honore purpuræ de-
corasset; egregio certè dignissimorum virorum delectu, qui ex omnibus pro-
vincijs præclaro virtutis merito petebantur: nisi à quibusdam pretio coëm-
ptus honor, liberalis atq; beneficentissimi Pontificis famam elevasset. Hispa-
nos quoq; mercenarios milites, spe præmiorum, iussuq; Principum diductos
30 à Feltrio enarrat, & adversum Feltrio belli exitum, Vrbinateque à Medice re-
ceptos, sed nudatos mœnibus: atque item Feltrium, deferentibus eum Hispa-
nis, recepti dudum regni possessione eiectum, quum Mantuā exulatum, gra-
vioris iniuriæ metu, maturè contendisset; seipsum vel ob id in tanta Fortunæ
iniquitate probe consolantem, quod Laurentium Medicē parto inique prin-
cipatu non diu lætatem, morte ereptum audisset: & Hispanos fermè omnes, à
quibus cōtra militię iusurandū fuisset desertus, ab Hugone Moncata navibus
impositos, ad Algerium Mauritanix oppidum, ubi paulò antè Didacus Ver-
ra exercitum prævalidum superatus à Numidis & Mauris amiserat, miserabi-
lenaufragium fecisse didicisset. Eodem anno Maximilianus Cæsar apud Vel-
40 sium Norici agri oppidum, quum intempestivè pharmacum incertæ potesta-
tis adversus morbum, quem sibi imminere putarat, hauisset; mortuus est; vir
præstantissimis corporis atque animi dotibus inclytus. Eius Imperium Caro-
lus ex Philippo filio nepos excepit, Cæsarum proculdubio potentissimus, pro-
pter regnorum amplitudinem Hispaniæ atq; Neapolis hæreditate adauctam.
Is non multò post Imperatorijs comitijs in Germania de more habitis, com-
petitorem habuit Franciscum Galliæ Regē, incertæ suffragatorum venalium
fidei innixum, & propterea, quod Germani procures animos nutantes ad pa-

triæ publicum decus reuocassent, repulsam ferentem. Quæ causa fuit eius altè concepti odij, quod mox contracto exitiali bello inter eos erupit. Præterea eius belli initia refert, quod in Belgis gestum est à Cæsarianis, Francisco Cecchingo tumultuario Germanorum militum duce, aduersus Robertum Marchium in Eburonibus regulum præpotentem, Gallicæque factioni semper addictum, atque item Maferiam oppidum, quod ad Mosam flumen positum est, magnis Cecchingi copijs, & inusitatæ magnitudinis tormentis acerrimo, sed irritò conatu quassatam, Baiardo Gallorum duce impigro fortiter defendente. Eodem anno Selymus Turcarum Imperator apud Ciurlium Thracie pagum pestilenti circa renes enato vlcere mortuus est, quum regnasset annis octo, & aduersum nos terra marique bellum illaturus crederetur, postquam Hysmaelem Persarum regem grauissimè cõtudisset, & duobus Sulthanis Regibus deuictis atque interfectis Aegyptum & Syriam imperio adiecisset. Solymanus vnicus ex Bosphorana vxore filius nemine obsistente æmulo, tot regnorum hæreditatem adiit. Atque eodem ferè mense, quo Carolus Cæsar est acclamatus, & ipse Solymanus paterno imperatoris titulo compos est factus. Cæterum audita Selymi morte Gazelles Syriæ præpositus rebellauit, ratus se sacramenti religione solutum, quod Selymo tantum, successorì verò minimè sacramentum dixisse prædicaret, & proinde sibi decorum fore arbitraretur, si coactis in vnum Mamaluchorum reliquijs, Syriam ad veterem Sulthanorum imperij conditionem, eiectis Turcis reuocare contenderet. Quando iam egregia voluntate incolæ Syri atque Arabes in id consilium sibi probè consentirent, nec defuturum in ea occasione Caierbeium arbitraretur, qui Aegypto præesset, quin se ex præfecto Regem & Sulthanum efficeret, postquam Memphiticus populus acerbo esset odio in Turcas, & in eius manu totius Aegypti arma & opes sitæ viderentur. Sed Gazelles trahendi in partes Caierbeij spede pulsus, quod hic certa tutioraque consilia dubijs atque asperis præferret, & Gazelli veteri à superioribus temporibus inimico, nihil planè confideret, ita Gazellis cohortationes reiecit, vt eius legatum supplicio afficeret, ne Campsonianæ proditiõis infamiam nouæ perfidiæ scelere cumlaret. Misit etiam Gazelles legatos Rhodum, vt inde tormenta atque arma aduersus communes hostes Turcas impetraret. Per eum modum quod serò Rhodius Magister ferendæ opis consilia explicaret, superuentu Frahatis Bassæ, quem cum magnis copijs Solymanus è Cilicia in Syriam transire, & initia rebellionis opprimere iusserat: impar viribus, sed animo inuictus Damascum se recepit, eam mente, vt cum his quas collegerat copijs, quamprimum cum Frahate conflingeret. Atque ita Damasco euuctis signis, vt honestè concideret, hostes inuasit, eo acerrimæ pugnae exitu, vt ipse peritissimè & constantissimè dimicans, cum suis omnibus, nihil de fuga cogitantibus interficeretur.

V I G E S I M I L I B R I.



CÆSAR per oceanum in Hispaniam deuectus, vtriusque auidi regni hæreditatem adiit: magnoque confirmatis antiquæ immunitatis legibus honorario vtriusque prouinciæ munere ditatus est. Ipso ad Belgas redeunte, Populi ingenti tumultu exorto ad arma consternati, nec obscurè rebellantes ab autoritate regio-

rum praesidium discesserunt, quod immodicè se expilari à praefectis Belgis quererentur. Quoniam Carolus Ceurius Belgae regis nutricius, ad arbitrium cuncta administrans, auræ monetæ regiae, quæ erat præstantis formæ & puritatis avidissimus extitisset. Seditiosæ multitudinî duces se præbuerunt Ioannes Padillia, Ioannes item Brauius, & Maldonatus. Atque ita exarsit bellum quo vrbs Medina Campi nundinis clara impetu Antonij Fonseca qui regias tuebatur partes, fortuito igne penè tota cremata sit. Sed confurgentibus cum regijs copijs Indico Velasco magistro equitum, & Henrico Ammirante qui erat in præfectura maris, seditiosorum copiae ad Villam Alariâ oppugnare deletæque sunt, capto Padillia cum socijs, de quibus supplicium publicè est desumptum. Nec remiserant animos seditiosi populares, quum Maria Paceca Tendilij Mendocij filia eruditi ingenij & virilis animi mulier, Padilliae coniugis vexillum ne concitatae multitudinî deesset dux, gerendo bello sustulisset. Ab ea Hispanici tumultus fama Franciscus Galliae Rex excitus, recuperandi Cantabriae regni occasionem arripuit, scilicet vt Henricum Ioannis regis filium reduceret, quod pater regno pulsus in Gallia exul paulo antè discessisset. Sed Galli à secundo rerum initio Algrunium, quod olim fuit Iuliobriga, usq; progressi, conferto prælio à Velasco & Henrico superati sunt, capto ipsorum duce Asparoto. Atque ita pristina tranquillitas perturbatae Hispaniae restituta est, singulari prudentia Hadriani Florentij Belgæ Cardinalis, qui Regia cum auctoritate in procuratione vtriusque Hispaniae à Carolo fuerat relictus. Eadem æstate Franciscus Galliae & Henricus Angliæ Reges, constituto in finibus Morinorum loco ad certam diem, in colloquium deuenerunt. Gallus qui cum ornatissimo totius Galliae procerum comitatu descenderat, sumptuosissimi operis tabernacula, multiplicesque papiliones patentibus in locis erexit. Britannus autem attulerat ligneam domum amplissimæ Regiæ instar cum luculentissimis ac amplissimis porticibus atque cœnaculis, quæ constabant ex materia miris modis elaborata, picta simul atque inaurata, tanto fabrorum architectorumque ingenio, vt aptissimis iuncturis atque vertebris, tota plicatilis membratim diuidi, & quum luberet iocunda commutatione tolli asportarique & rursus in varias formas distingui atque erigi posset. Cæterum eo colloquio nihil plus quo homines admiratione tenerentur enituit, quam duorum maxime insignium Europæ Principum humaniter sese complectentium, aspectus atque maiestas. Ambo namque ætate, opibus & victorijs nuper partis famæque bellicæ virtutis florentes, id oris decus præferebant, vt spectantes in admirationem adducerent. Quando ex his nemo qui adesset vtriusque gentis spectator, vel decore formæ vel habitu proceri corporis, tractandorumq; armorum peritia comparari posse videretur. Nā præter equestria spectacula in gratiam illustrium foeminarum, quæ vtrinque cultissimis cœtibus aduenerant, edita, & sæpius instaurata, nihil plus actum fuisse apparuit, quam vt vterque sese in mutuam comparisonem luxuriantis elegantiae prolatis opibus ostentaret. Nec multo post Cæsar, quod iam enata essent semina orientis belli inter se & Galliae Regem, ab Hispania rediens in Britanniam diuertit, non obscura obtrectatione eius colloquij, ita vt tres simul Reges coire voluisse crederentur. Sed vterque præmoliens bellum, & iam arma parans, Britannum socium sibi asciscere contendebat. Nam ille belli & pacis arbiter existimari cupiens, dudum animi sui argumentum tam aptum quam inso-

lens in foribus lignæ domus supra armatum ingentem sagittarium habitu Britannico scitè perpicuum, prætulera hoc titulo: Cui adhæreo præest. Eodem anno Solymannus maiorum disciplinam sequutus, postquam Syriam atque Aegyptū interfecto Gazelle virtute Frahatis pacatas didicit, in Pannoniam arma convertit, adortusque Belgradum, quod ad confluentes Savam atque Danubium situm egregium erat atque firmissimum totius Pannoniæ munimentum, expugnavit, Hungaris quidem propter trophæa ibi fortiter atque feliciter Turcis erepta maximè decorum: Barbaris vero supra quam dici posset funestum atque ignominiosum. Nam ibi frustra tentata oppugnatione Amurathes abavus, & proavus Mahometes magnis acceptis detrimentis inde repulsi re infecta discesserant. Solymano igitur cum paratissimis copijs adventanti, neque Hungari proceres, neque Ludovicus imbecillo ingenio Rex iuvenis necessaria præsidia opposuerunt, quod nihil inter se consentirent, & à pristina invictæ antea gentis virtute & disciplina defecissent. Eodem modo Belgradum ociosè oppugnatum, turpissimeque defensum in potestatem Barbarorum devenit, ut porta inferendis maioribus nostris cladibus panderetur. Eodem tempore Carolus Cæsar apud Vangiones Rheni accolæ Concilium Germaniæ procerum indixit, propter commotæ religionis famam, Martino Luthero Saxone cucullato novis placitis Romani Pontificis auctoritatem convellente, & pestilentissimis erroribus disseminatis imperatorum hominum animos depravante. In eo conventu Martino licuit superbi atque arroganter declamanti recitare causas, cur iure Christiano à Pontificis censura discedendum iudicaret, vel ob id præsertim quod avarissimi à Romana aula in provincias emissarii defunctorum animas in Purgatorii flammis criminum pœnas dantes, pretio venditata Pontificis clementia se eructuros profiterentur. Sed initis & protractis supra id negotium disputationibus, nihil tamen discussum est, sic ut Cæsar in ea re compescenda pio animo salubria decreta ad publicam salutem excogitanda censeret, nec multò post cum Leone Pontifice percusso fœdere iungeretur. Leo nanque gravissimis de causis extimulatus, Gallos Mediolanensi principatu extrudendos statuerat, ut Francisco Sfortiæ paternæ hæreditatis iure, communibus Cæsaris atque ipsius armis redderetur. Atque ita bellum quod apud Belgas inchoatum fuerat, incrementaque in Hispania sumplerat, in Italiam translatum est, diro prorsus consilio, quum inde Italia propè omnis vetustum decus, & pristinam libertatem amiserit. Causæque item odiorum in Gallos Insubrum ex multa Lotrechij superbia crudelitateque Lescuti fratris conceptæ referuntur. Lescutus dum exiles avidus persequitur cum ala equitum ad Regij portam delatus, prior Pontifici bellum infert, Guicciardino vix tuente urbem. Ob id iratus Pontifex arma expedit, delectusque imperator Prosper Columna cum Piscario atque Antonio Leva ad oppugnandam Parmam mittitur. Sed dimidia eius Urbis parte capta, reliqua pars quæ est cis amnem à Gallis impigre defenditur. Lotrechio vero cum magnis suis Venetorumque auxilijs appropinquante, Prosper ne cum duplici hoste dimicare cogeretur, ad Niceam amnem castra reducit. Cuius irriti conatus fama permotus Leo Iulium Medicem Cardinalem patruelem suum à Florentia in castra contendere iubet. Is allata ingenti pecunia perterriti & ferè languentis exercitus vires instaurat, & ducibus animos restituit, ac mox alia ratione gerendum bellum ratus traiecto Pado atque inde

de Ollio, ad Abduam peruenit, quod erat auctus Heluetiorum nouis copijs, quas Sedunensis Cardinalis adduxerat, nusquam Gallo acie configere auso. Per hunc modum Lotrechius, quum hostes ad Vaprium vicum noctu scaphis Abduam transissent, tumultuaria ibi parum prosperè à Lescuto fratre conferta pugna, Mediolanum se recipit. Nec insequentibus hostibus defuit fortuna: appropinquante namque Piscario Hispanorum cohortes occultum naclæ aditum intra munitiones irruperunt, apud quas Lotrechius inter suburbana tecta constiterat: tantusq; fuit tumultus vt Gallicæ vndique & Venetæ simul copiae propè sine vulnere funderentur, caperetur autem Theodorus Triuultius inermis Venetorum imperator, Lotrechius tanto accepto detrimento in urbem equitatum omnem introduxit, paululumq; moratus ad arcis aream, Comensi via in fugam se coniecit nullo hostium persequente, qui ad mediam fermè noctem à Mediolanensibus Ticinensem portam aperientibus cum magna gratulatione victores exceperant. Lotrechius Vandenesio Paliciæ fratre præsidio Comi imposito cum vniuerso equitatu Leucum contendit, superatoq; ibi amne Abdua in Cremonensem agrum deflexit, Cremonamq; nuper hosti deditam, priusquam præsidio firmaretur, potitus est. Sed demum nouis Bernensium et Sedunorum, qui sunt Heluetij nominis, legionibus confirmatus, Ticinum adortus, defendente Federico Gonzaga principe Mantuano expugnare non potuit, neque obsessæ circumuallatæque arcis opem ferre valuit: quoniam ibi M. Antonius Columna summæ virtutis dux tormento maiore à Prosperi patris munitionibus emisso fuerat interfectus. Intra paucos verò dies quum Lotrechius urbem Mediolanum castris ad Sextum vicum positus esset inuasurus, eique Prosper & Franciscus Sfortia cum omni Insubrum multitudine egressi urbe, sese opposuissent, ad Bicoccam vicum prælio certatum est, quo Gallis aduerso Albertus Petra Heluetiorum dux legionibus suis sclopettorum procella obrutis, cecidit. Ab ea victoria Prosper præeunte Piscario Laudem Pompeiã capit, & eodem mense cursuq; victoriæ Pisleonem supra Abduam oppidum expugnat, & mox Cremonam recipit, Lescuto honesta pactione urbem dedente, & demum Alexandria, excedente Gallorum præsidio, in potestatem redacta est. Dum hæc feliciter à Prospero gererentur, inexpectata mors Leonem ætatis atque temperaturæ robusto vigore florentem oppressit, paulo postquam de Mediolanensi victoria nuncium accepisset, atroci proculdubio toxici violentia abreptus. In eius locum suffectus Hadrianus Sextus, mira & certè putanda, si Italiæ decus respiceretur, Senatorum factiosorum suffragatione, quum festinatis comitijs, hominem apud Batauos extremi Oceani natum & tum in Hispania agentem, virtutis nomine, cunctis senatorij ordinis prætulissent.

VIGESIMI PRIMI LIBRI.

40



ALLI per interregnum comitialesq; occupationes, ratise Parmam facile recepturos, è Cremona aduolant, & à triplici loco tribus vno tempore editis prælijs, scalis murum transcendere conantur. Sed insigni Guicciardini præsidis studio, & summa Parmensium alacritate, quum Salomon Siculus, & Petrus Baccionius Ligur cohortium præfecti acerrimè propugnarent, hostes repelluntur. parique Fortuna in Placentinum

effusi agrum, & terrorem Placentiæ inferentes, à Pontificio equitum presidio sustinentur. Sequenti anno quod Genuenses Gallicum nomen Octaviano Fregosio ducetuerentur, Cæsariani duces impetrantibus Adurnijs exulibus ut reducerentur, ad Genuam castra faciunt: hinc Prosper cum Germanis, illinc Piscarius cum Hispanis. Sed Piscarius ab eo loco qui Faba Græca vocatur, tormentis murum aperit, impetuque facto pulsus defensoribus urbe potitur, & dum victor urbem percurrit, nullo negotio Prætorium capit. Venere in potestatem ipse Octavianus Fregosius, & Petrus Navarrus, qui dudum appulerat, ut non temerè timentium civium animos autoritate nominis sui confirmaret. Eo modo Piscarius Urbem multis divitijs opulentam diripuit, priusquam Prosper ingrederetur. Flisci autem Othobonus ac Sinibaldus peculiaria Fregosiorum hostes propter fratris eorum cædem probè vindictam exercuerunt, & Antoniotus & Hieronymus Adurnij, postquam decem annos exulassent, in urbe principes constituti sunt: à quibus non multo post Castellæ arx, quæ à Gallis defendebatur, maioribus tormentis expugnata est. Eadem ætate qua tanta Vrbs capta direptaque fuerat, Hadrianus Pontifex magnis precibus populi Romani, & cohortatione senatus ad Urbem evocatus Genuam applicuit: nulla civium recentem cladem suam lugentium lætitia exceptus, indeque Liburnum navigavit, ubi à Julio Medice Cardinale, legatisque Florentinorum, & aliquot Etruscis Cardinalibus expectabatur. Paucis inde horis Cardinales sequi iussit, & felici navigatione Romam devectus est. Per id tempus Rhodus a Solymano, qui in insulam cum ducentis armatorum milibus traiecerat, oppugnabatur. Eam verò consilij ingentis & perdifficilis belli occasionem audacter susceperat Barbarus, quod Christianos reges intestinis occupatos bellis didicerat. Cupiebat Hadrianus ferre opem, sed pecuniæ inopia, quominus officio satisfaceret, retardabatur. Nam quas ab Hispania advexerat pedum copias, factiosorum quorundam hortatu, non Rhodum, sed in Galliam Cisalpinam, quæ Cæsaris opes confirmarent, mittendas censuerat. Atque ita Rhodos quintum post mensem admirandis operibus & cuniculis ad deditionem compulsa est, Philippo Liladamo militiæ magistro desperatis auxilijs ad Solymanum egresso, & certa pactione urbem atque insulam dedente. Idque tantum vulnus Christianæ Reip. illatum est insanientibus aut oscitantibus nostris regibus, apud quos privata spes augendi imperij totum Christianæ pietatis decus extinxerat. Hadrianus Romæ aulæ rudis, & rerum Italicarum imperitus, serò detrimentum intellexit: exortaque est in Vrbe pestilentiae lues quæ quum severis legibus more nostro Pontifici minimè coercenda videretur, contactu egrorum ita exarsit, ut multa funera in compitis viserentur: appareretque vastari Urbem haud multo dierum spatio, nisi Græculus quidam nomine Demetrius Spartanus sedande pestilentig, favente ei turba hominum, negotium suscepisset, nemine superstitionem vetare auso. Nam ferum taurum cui dimidium cornu disseccarat, magico carmine dextram in aurem prolato repente ita mansuefactum reddiderat, ut iniecto renui filo ad integrum cornu, quo vellet perducens, pestilentiae placando numini ad Amphitheatum immolasset. Nec credulæ multitudinis spem ex toto sefellit, quum ab ea inanis sacrificij prospera litatione mitescere morbus coepisset. Nec multo post evocato ad Urbem Julio Medice Cardinale, Franciscum Soderinum Cardinalem custodiæ tradit, quod maligni eius animi, & adversi in Cæsarem studij indices literas intercepisset. Nam Soderius

contra Iulium ut Florentia pelleretur, copias in Etruriam miserat, Rentio Ce-
rite duce, pereussoribusque item in Iulij cædem præparatis. Sed detecta con-
iuratione nonnulli cives Florentini, concepti facinoris capite poenas dederant;
alii Iulio connivente profugerant. Rentius qui exercitum Senas perduxerat,
ut inde Florentia peteretur; inopia commeatus & terrore Helvetij præsidij
qui Iulio aderat, adductus, foedum cõsilij sui exitum tulit, vel ob id etiam quod
Feltrium Vrbinatem, Malatestamque Baleonum, hic è Perusia, ille Urbino
contractis viribus ad vindicandas iniurias secum bellum Iulio illaturos credi-
disset. Paucos verò post menses quàm Soderinus custodia traditus est, Ha-
drianus fato concessit, cui protractis aliquandiu comitijs, conspiratione iunio-
rum Iulius Medices desumpto Clementis nomine subrogatus est, qui ad tuen-
dam novæ dignitatis personam, egregiè se medium inter Cæsarem & Fran-
ciscum Regem præstare videbatur.

VIGESIMI SECUNDI LIBRI.



ORIENTE Hadriano Gulielmus Goffcrius appellatus Am-
miras in Italiam descendit cum quadraginta peditum & decem
equitum Gallorum milibus, & pulso ad Ticinum amnem Cæ-
sarianorum exercitu, positis ad Mediolanum castris urbem
obsidere constituit. Ineunte anno Prosper Columna moritur,
ei que in Imperio copiarum succedunt Carolus Lanoius Belga,
& Piscarius. Insubres pro Francisco Sfortia egregiè Gallorum vim & belli
detrimenta sustinent. Goffcrius multa nive cælo importunè delapsa à con-
spectu urbis discedere cogitur, cum parte copiarum Baiardum ad oppugnan-
dam Cremonam mittit, irritò eius incepto. Veneti copias suas & ducem Fel-
trium Vrbinatem ex lege foederis Sfortiæ qui opem ferant, mittunt. Quibus
iunctis exercitibus Galli aliquot in locis per partes opprimuntur, nusquam
iusto prælio contenditur. Cæsariani ponte Ticinum iungunt, Goffcrius i-
dem facere cogitur, ne quæ in tergo erant oppida ad Novariam inuadenda
hostibus relinquat. Interim Ioannes Medices cum Sfortianis copijs Medio-
lanensium iuventute auctus Abiatum tormentis expugnat. Nec multò post
Ticinum transgressus, coniunctusque Feltrio Garlascum oppidum aggredi-
tur, & quanquam præalta esset in fossis aqua, vel cum interitu multorum, id
expugnat. Exinde Goffcrius tot acceptis detrimentis quum se reciperet, ad
Sesithem amnem tumultuaria pugna gravi ictus vulnere funditur, biduoque
post dum tormenta defendere per Baiardum fortissimum ducem, atque ho-
stes acriter incumbentes sustinere conatur, Baiardo cadente exiit tormen-
tis, & cum multa cæde Helvetiorum terga tuentium, in fugam conijcitur, mi-
rumque videri potuit tantas Gallorum copias, validis Helvetiorum subsidijs
firmatas à Cæsarianis & Venetis sustineri atque deleri potuisse. Aderat Cæsaria-
nis Carolus Borbonius, qui paulo ante à studio sui regis malignè discedens, &
sele privato quodam Cæsari foedere coniungēs, prodendi regis sui, impugnan-
deque patriæ consilia agitarat, quibus detectis è Gallia in Sequanos profugerat,
declaratusque patriæ hostis Cæsari operā navabat, ita ut invadendæ Gallie consi-
lium susciperet, Hispanis a vide se sequuturos profitentibus, quod in Provin-
ciam, opulentam regionem, ubi non defutura amicorum studia averfa penitus

à rege, & procures quosdam ad rebellandum paratos se inuenturum iactabat. Lanoius quanquam id minimè probaret, permisit vt Piscarius cum Hispanorum, Germanorumque cohortibus in Prouinciam penetraret. Sed Piscarius Malsiliæ mœnibus frustra hærens, quòd validissimo Gallorum presidio teneretur, retrocedere coactus est, quum nemo Gallorum ad auctoritatem Borbonij nominis conferret, & regiæ copiae appropinquarent, & Borbenius cuncta opinione sua sibi infestiora, Gallo vero fideliora reperiret. Quapropter reuersus est per maritimas Ligusticasque alpes cum copijs asperitate itinerum defessis, & his sepe, vt sunt viri dicaces, Borbonio consilij leuitatem exprobrantibus. Eo autem tempore Rex Franciscus valido conflato exercitu vt Prouincia tueretur, postquam re infecta hostes Prouinciæ finibus excefferant, consilium flexit ad occasionem repetendæ Italiæ, miraue celeritate Pœninis, & Cœni alpibus in Taurinos descendit, progressusque secundo cursu ita Mediolanopotitus est, vt Piscarius cum Hispanis Laudem Pompeiam se reciperet, & Antonius Leua cum Germanis defendi Ticini munus succiperet. Atque ita Veneti & Clemens eius belli commutationem nequaquam ægerrimè tulerunt, quod inuadendæ Prouinciæ, & laceßendi Galli regis consilium tam immodicum quàm temeritati proximum improbassent, ob idque Cæsariani exulis consilio innixi, belli quàm pacis audiores apparuissent. Rex mediolano potius, consilij anceps Laudem Pompeiam ne ad opprimendos Hispanos, an Ticinum debellandis Germanis aggrediretur, in auspicata belliratione Ticinum protulit, vbi nulla memorabili earum rerum quæ tentasset prosperè confecta, quantum iam circumfidens & hærens mensem, diductis primo, mox & reliquis neficientibus viribus, quòd noua Cæsarianis auxilia adducere Borbonio superuenissent, prælio decertare coactus est, quo regis aduerso, nobilissimi quique Gallorum ducum & procerum interfecti sunt, & Rex ipse gnaviter dimicando sauciatus, prolabente mox equo captus est: eo præsertim effusus Hispanis & Germanis parta victoriæ lætantibus, quòd ipso Cæsaris natali die secundissimo euentu dimicassent, sic vt de efficiendo Francisco Sfortia cogitarent, & totius Italiæ immodicis animis imperium affectare dicerentur. Quando innotato rerum successu elati, nequaquam alieno commodo, sed suo bellum fortiter gessisse videri vellent.

VIGESIMI TERTII LIBRI




FRANCISCVS ineunte æstate à Genua in Hispaniam perducitur à Carolo Lanoio, qui ægro eius animo futuræ Cæsaris clementiæ spem iniecerat. Sed Cæsar multis de causis eum nequaquam videre sustinuit. Qua offensione Rex sua spe deceptus in grauem incidit morbum, ita vt infortunij sui miserias morte finitus videretur, nisi Cæsar per humano colloquio afflictum consolatus, eum se mature dimissurum promississet. Nec multo post certo inito fœdere, Cæsar ei sororem in matrimonio collocauit. Ea Emanuelis Lusitanie regis vxor fuerat, & è tribus regis liberis, maiores natu duos pater obsides tradidit, & in Aquitaniam abire permissus est. Ex eo fœdere ingens & atrox apud principes orta est suspicio, quòd inter se Franciscus & Cæsar in perniciem quorundam coniurare dicerentur, sic vt ad regem libertati restitutum vndique legati gratula-

tum mitterentur, & Clemens, & Veneti adiuncto Britanniae rege ad mutuam securitatem noua foedera percuterent. Quibus paratis undique copiis Caesari totius Italiae imperium affectanti obuiam iretur. Nam quod iniquissimum fuisse iudicabunt, Antonius Leua atque Piscarius imperium Mediolanense Francisco Sfortiae inuadentes, eum tanquam defectionis a Caesare consilia agitantem reum fecerant, grauissimoque laborantem morbo in arce obsederant, & aliquot urbibus ereptis hostem declararant. Ea calamitatis vis cum summa malignitate Sfortiae illata, Venetos & Pontificem mirum in modum pupugit, usque adeo ut consternati animis arma pararent, & Caesarianos impotenter atque superbe foederis fidem fallentes, atque impudenter sociorum existimationem contemnentes armis persequendos arbitrantur: & Piscario interim morte subrepto ad Mediolanum arma proferrent, ut Sfortiam obsidionis & vitae periculo implicitum matura ope allata liberarent. Sed tanta fuit Antonij, Alfonsique Vastij, qui Piscarij patruelis erat frater, militaris constantia, ut non modo oppugnantium hostium vim sustinerent, sed Mediolanensibus metu cedis subactis Sfortiam extremam perpersum inedia, ad deditionem compellerent. Eo modo Sfortia ad Cremonam calamitatis suae iniquam sortem lugente, nova Germanorum auxilia Georgio Fronispergo duce in Mantuanum agrum descenderunt, & Vgo Moncata cum Pompeio Columna Cardinale, Pontificem inducens quas dolose concesserant inepte confisum deceptumque, repentina in Urbem irruptione penè oppresserunt, ita ut direpto Vaticano, & templo maximo sedē profanato perterritus Pontifex in arcem elaberetur, & Caesariani, quod nullus esset in arce com meatus, triduo eum in potestatem redacturi crederentur, nisi Vgo Moncata tanti admissi sceleris pertæsus, vel contradicente Pompeio, & in extremam Clementis perniciem proclinato, obsidibus acceptis in arcem venisset, & certis conditionibus pacem cum Pontifice consecisset. Hisdem diebus quibus Caesar & Pontifex infestis armis inter se decertabant, Solymanus in occasionem semper intentus qua regni fines proferre, & Christianis maximè nocere posset, Pannoniae bellum infert, quod regem iuuenem, non suo iure, sed precario propè turbidissimae genti nec iusto consensu unquam parenti dominantem, & bellicis artibus propter aetatem nequaquam satis instructum, facile opprimere se posse confidebat, vel ob id praesertim, quod neq; Pannonici regni, neq; regis ipsius salutem proximis Germanis, neque ipsis consanguineis regibus Caesari, Ferdinandoq; & Sigismundo Poloniae regi, curae futuram arbitraretur. Quando neque Germani per se segnes in aliena causa, neque Austriae domus reges Italico occupati bello, neque Polonus, ne veteres inducias temerè abrumperet, ut se commouerent adduci posse viderentur. Ludouicus rex ingenio per se imbecillo, neq; salubri ratione confirmato, inexpectata aduentantis tanti hostis fama percussus, missis undique legatis frustra opem implorat. Hungarorum tamen concilium indicit, id est armatae multitudinis, & Rhacos appellatur. In eo sacri antistites de more stipendiarij, quas debeant in publico periculo semiplenas equitum alas, & minorem quam oporteret pecuniam in belli sumptum expediunt. Profani vero iuris procures totaque nobilitas, utpote qui veteres disciplinae oblitum nunquam Othomannorum regum castra viderant, sed minutis

tantum prælijs per incursiones pugnare consueissent, ab innata superbis eorum
 animis arrogantia Turcas ita contemnebant, ut se vel exiguo numero ingen-
 tia Barbarorum agmina consertis manibus insolenter concisuros & decu-
 ros iactarent. Sed unus maximè cucullati ordinis Paulus Tomoræus archie-
 piscopus Collocensis, aliquando in excursione subitario prælio cum Tur-
 cis dimicare solitus, tanta animi ferocia, tantaque speratæ victoriæ fiducia so-
 lidè pugna exferebatur, ut sacras ad multitudinem militum haberet concio-
 nes, & ante alios procures studio religionis inflammatus in aduersam Barba-
 rorum aciem infesta hasta se impetum facturum polliceretur. Paulo ante
 ex Pontificia pecunia Germanorum & Bohemorum cohortes conscripserat,
 quarum præsidio stabiliri aciem equitum & sustineri Barbarorum vim posse
 putabant. Neque enim accuratè recensendo peditum simul & equitum, co-
 piæ viginti quinque milium summam efficiebant, sicut ab omnibus peritis ei
 Tomoræi audacia, & reliquorum pugnam poscentium temeritas magno-
 pere damnaretur, quando veteres milites miserrimum esse dicerent, cum ce-
 hoste configere qui octuplo ampliores copias in aciem esset producturus.
 Propterea aliqui submovendum imminenti periculo regem iuvenem iube-
 cabant, frustra consulente Stephano Verbetio, ut Regis adolescentis persona ad
 publicam salutem extra pugnae discrimen, in utrunq; belli eventum Budam
 in arce servaretur. Sed obstrepebant efferi milites, nec se, nisi rege duce pu-
 gnaturos dicebant. Tomoræus dicta sententia pervicit, ut quam primum
 configeretur, & Rex generosus sub tutela Dei maximè pugnae signum daturus
 hosti obviam ire pergeret. Itaque vecordi impetu inlaustoque con-
 filio Ludouicus ad Mugacium usque signa promouit, quod est oppidulum
 medio fere itinere positum inter Budam atque Belgradum. Iam adven-
 bant prima Turcarum agmina, quum supremo concilio à præfectis & duob;
 est disputatum, an castra vallata currib; ad Danubij ripam essent tantisper con-
 locanda, donec auxilia Transylvanorū advenirent, quæ à Ioanne Sepsi pro-
 vinciae præfecto, qui Vayvoda Hungariæ appellatur, iustis itineribus adduci so-
 rebantur. Cæterum Tomoræus, cui novo superveniēti duci propter principis
 ræ dignitatem parendum foret, ut imperij ius integrū ad spem victoriæ refer-
 ret, omnem morę causam improbens, & in sua fata præceps ruens, ita famæ con-
 filijs obsticit, ut Regem incautum in periniquū pugnae discrimen perduceret.
 Barbari namq; quaternas equitum acies præmiserāt, quæ distinctis inter se no-
 ctis atq; diei spatijs perpetuò lacerantes regij castris circumveherentur. Quo
 persultante equitatu usq; adeo arctè regia castra obsessa sunt, ut nemo lignum
 aut pabulum exire, aut in proximam Danubij ripam potandis equis progre-
 di auderet nisi magno periculo, et iniqua conditione propter Barbarorū mu-
 litudinem certaretur. Qua necessitate impulsus Tomoræus instruere aciem, et
 pro antiquo decore invictæ anteagentis, dignitateque Regij nominis prælio
 configere coactus est. Aciei forma ferè simplex fuit, protensis scilicet pedi-
 tum cohortibus in oblongam seriem, ac intermixto idoneis in spatijs equitatu,
 ne Barbari numero superantes universam circumvenirent aciem, & Hungari
 penè in orbem pugnare cogerentur. Castra catenatis vallata currib; levi præ-
 sidio imposito ad dextrā reliquebantur, quib; non absurdo cōsilio Tomoræus
 alam unam lectissimorum equitum vallum propè contingentem appoluerat,
 ut ad

ut ad incerta belli rex eius firmo atq; expedito presidio protegeretur. Sed Hungarico nomini infaustus is dies, regi q; maxime inauspicatus, postremam eam feri consilij rationem evertit. Nam primo progressu concurrentes acies nostrę, tamet si nihil eis Barbarorum tormenta altius librata nocerēt, nullo tamen negotio pulsę protritęque sunt, cadente præsertim Tomoræo, & reliquis ad unum ferè proceribus interfectis, & Vlaronibus, qui sunt Hungarorum levis armaturę equites, dispalatis, & in fugam versis, totoque pariter equitatu fœde conciso. In tanta rerum asperitate, quum Barbarorum globus ad diripiendā castra convolasset, & ægrè a præsidio defenderentur; ea quam diximus levisimorum equitum ala quæ regi præsidio esse debuerat, contineri nequit, quin opem castris afferens in Turcas oppugnantes deferretur. Eodemque semihoræ momento Ludovicus Rex prostratis undiq; copijs, nudatus eo quod sperarat paraveratque præsidio, sese eripiens, in proxima palude reflectente se quo se quipalmis aquæ lutulento in gurgite suffocatus interiit. Ita tamen ut eum locum Cetriscus armiger eius & cubicularius genere Bohemus notaret & effugeret, & post multos dies decedentibus hostibus integrum regis cadaver Cetrisci indicio reperiretur, & regio funere tumultandum ad Albam regalem deferretur. Ab ea victoria Solymanus non obscura admiratione ductus fuisse fertur, quod Hungari tanta essent animorum temeritate, tantaque infamia regis consiliarij essent occupati, ut alienis viribus stultissima ratione animatis, ipsorum copias, quæ essent exiguæ, tanto exercitui obicere, quam regredi maluissent. Potius Buda, invisaque arce quam mirifice laudabat, nihil plus ad victorię suę monumentum sustulit, quàm æneas statuas tres ingentes, quæ Matthiæ bello paceque iuclyti regis fuerant. Eę Byzanti in Hippodromo collocatæ hodie visuntur.

VIGESIMI QUARTI LIBRI.




LEMENS, quod eius fama fœdè apud populum proscindere tur, nec ideo tantæ iniurię contumeliam animo sustineret, quoniam improvidè malignis hostibus credens confidensque doctis inducijs, ut imperitus rerum tantum cum publicæ tum privatæ existimationis, tum Vaticanæ suppellectilis quæ erat opulenta, iacturam fecisset, abrupto tanquam indecoro fœdere; & secretis obsidibus, bellum Cæsarianis inferendum censeret. Pompeium Columnam à senatu amoveret, & tanquam sacrilegum hostem aqua & igni interdicere, accersitoq; à Gallia Valdemontio Lotharingiæ Reguli fratre, quod esset stirpis Andegavensium regum, qui superiore sæculo Neapoli regnassent, terrarumque Neapolitanis bellum infert. Magnus terror Campaniæ infertur, 40 capitur Salernum; Valdemontius ad Neapolis portas, compulso intra urbem Moncata, se ostentat, & in Latio Columniæ familiæ oppida à Pontificijs militibus crudeli incendio passim excitato deformantur. Per eos dies Carolus Lanouius cum classe sublati Germanorum veteranis cohortibus, & Hispanorum satis valida tironum manu in Italiam traiecit. Inter Corsicam & Iluam insulas Hispanica classis medio in Pelago à tribus triremium classibus tormentis oppugnatur. Duces erant Andreas Auria, Petrus Navarrus, & Paulus Iustinianus Venetus. Sed aliquot navibus magno impetu pilarum incidentium pet-

foratis, & una atq; altera demerfis Lanoius è summo discrimine obortæ tempestatis beneficio se eripuit, provectusq; rapido vento in Stephanium Etruriæ portum, quod est in Occidentali Argentarij promontorij latere, se intulit, atq; inde circa Campaniæ litora milites exposuit. Eius advētu Pompeius Columna cum Vespasiano atq; Ascanio Columnijs proceribus conflato exercitu ad oppugnandū Frusinonem in Hernicos pergunt. Sed mœnia tumuluum aggeribus permunita, fortissimorū militum manu defendūtur, qui erant ex cohortibus veteranis, quas Ioannes Medices in Insubribus Pōntifici præsidio miserat. Nec multò post quod salus earū cohortium, & Hernicorū omnium cordi esset, iusto cū exercitu Rentius Ceres & Vitellius Tiphernas instructa ac supervenerūt, à quibus soluta est obsidio fuis & coniectis in fugā Cæsarianis, & his ægrè tormenta servantibus. Exinde à quibusdam tota ea cōtentio cessat, nam spem concordiæ revocata est, quod Pontifex pecuniæ pressus inopia & magnis vndiq; Cæsarianorū copijs circumventus, nequaquam diu belium impium sustinere posse videretur. Peropportune ad eam rem conficiendā ab Hispania in Urbem venit Cæsar Feramus Campanus, Cæsaris literas attulit, humanitatis & æquitatis, & quod intererat ad flectendū Pontificem, religio excusationis plenissimas. Atq; ita iterum Clemens adveniente in Urbē obediētijs ei datis Carolo Lanoio, in quo summa tum erat belli et pacis auctoritas, Cæsari cōciliatur. Foedus Reipub. dirum percutitur, ea conditione ut Lanoius in Etruriam iret, Borbonium averteret, qui cum Germanis & Hispanis, ductus undiq; factiosorum & perditorum hominum copijs ad diripiendā Remam contendere ferebatur. Borbonius enim in spem diripiendæ opulentissimæ Urbis aqumos sustulerat, quod Germani paulo ante ad Minturnum hostium copias Feltrio duce se transitu prohibere conantes submovissent, quū fortis tormenti ictu Ioannes Medices cecidisset, cuius fortissimi ducis imperium extraordinarijs prælijs gravia incedentium agmina carpentē sternentemque sustinuerant, nec multū insequentium Feltrij & Salassi, qui Veneras & Gabecas ductabant copias vim pertimescendā putabant. Itaq; Borbonio Apenninum Aretinis iugis superātū, Lanoius occurrit. Sed abnuentium pacē clamoribus, dirempto colloquio Borbonius proposito itineri ita instat, ut Pontificē dimissis importunè copijs inermem, nudatumq; præsidio inopie facile se opprimere posse speraret. Favit fortuna facinorosis consilijs, impiæ fraudi, uti iam pridem infesta Vrbi atq; Pontifici: intentissimo rancore cursu totius exercitus Borbonius ad Urbem pervenit, commectus egens, & tormentorum experts pridie Nonas Maij: statimq; scalis appositis, Clemens exterrito, neque ullum fugæ consilium explicante, ad eum locum, qui est contra obeliscum, humilia Leoninæ urbis mœnia superantur, frustra que inopem armis & trepidis animis obsistente urbana multitudo, Hispani atque Campani intrant, infinitam propè hominum frustra adiectis armis vitam petentium multitudinem crudelissimè trucidant, sacrosanctum & toro orbe venerabile templum direptis ornamentis, multo cruore ad singula altaria fuso immaniter sordant, atq; omnia sacrata vasa diripiunt, elapsoque in arcem Pontifice, Urbem semihora transcens inter Aureliam & Septimianam portam vetustate collapsis mœnibus irrumpunt, in eaq; cuncta avaritiæ, & immanitatis exempla in miseros cives edunt, arcem circumfidēt, & perductis fossis circumvallant, ne usquā Pontifici effugium pateat. Animus horret eas referre Barbari

et cruciatus miseras, quas pertulit infelix populus, olim gentium omnium victor. Hæc enim sine multis lachrymis, neque referri, neque audiri possunt: ita ut sacrosancta civitas Deos penitus aversos à salute sua existimare potuerit, nisi Dñi tutelares Urbis quanquam ad inane solatium præclaro suo ultore numine, perfidiosi atque immanissimi latronis hostiam in ipso capte Urbis limine mactavissent. Cecidit namque Borbonius dum scalam funesta manu mœnibus admovent, per inguen dextri femoris glande traiectus, ne diræ victoriæ suæ compos tanto sacrilegio lætaretur.

PAULI IOVII NOVO-
VOCOMENSIS EPISCOPI NV-
CERINI, HISTORIARVM
SVI TEMPORIS

LIBER XXV.



Ad famam usque adeo miserabili inexpectatoq; eventu capte Urbis, ac obsessi in arce sacrosancti Pontificis, uni omnium in Italia Florentini effuse lætari videbantur, Quod diu exoptatam repetendæ libertatis occasionem sibi ex tuto oblatam perspicerent, quam dudum enudatis in Mediceos veteribus odijs intempestive arripere tentavissent. Paulo enim antequam Borbonius Arctinas superaret alpes, & sese alienum ostenderet ab omni pacis conditione, repulso scilicet Carolo Lanoio, qui per amplā de compositione mandata detulisset, Florentine iuventutis globus paratissimis ad rebellandum animis arma coeperat, factoque impetu Prætorium occuparat. Eius autem ludi facinoris princeps fuit Petrus Salviatus multis propinquitatibus atq; divinis potētis. Huic nemo seniorum restiterat, quum gravissimi civium eius facti consilijsq; gnari essent, utpote qui dissimulando & connivendo, avidis, verum suspensis animis tantæ rei eventum expectare cernerentur. Erat in summo magistratu Vexillifer Aloysius Guicciardinus, multis quidem beneficijs Mediceo nomini obstrictus, sed apud eum hominē incertæ fidei, ab antiquo maiorum suorum studio libertatis avidum, cuncta facile obliterarat præsens occasio admittendi, maturandiq; facinoris, ea tamen simulati animi specie, reprehendere, detestariq; iuventutis audaciam coeperat, ut in re dubia atq; incertæ imaginis fidem syncerumq; personæ mutus tueretur: quādo nihil magis optare eum credi par esset, quā ut pulsæ Mediceis civitas sese affereret in libertatem. In ea verborum contentione iuventus, quæ iam planè rebellarat, curiaq; potita extremum decretum cōmutatæ Reipublicæ deposcebat, fremere atq; evibrare gladios coepit ad deterrēdos decuriones, è quibus Federicus Riccius severe obiurgans graviter caput vulneratus est à Iacobo Alamanno præferoci iuvene: ac ipse Vexillifer simulanter intentata sica penè violatus, quum etiam in conspectu eius Ioannē Francischæum loci & honoris decus obstitendo tueri conantem, attractū ad fenestram à seditiosis ipso præsertim Alamanno impellente, in forum præcipitem dare niterentur. Iam in aream curiæ singularum regionum signiferi sublati vexillis de more contribules suos addu-

xerant, & patritij ordinis magna multitudo ad magistratus ascenderat. Nemo enim ferè fuit vel ex ipsis amicissimis Mediceo nomini civibus, qui non properanter ascenderet, atq; pulcherrimi eius facti lætitia cōpleretur, sicut postea compertum est, omnes in unū conspirasse & defecisse existimari possent. Nam constabat signiferos regionum à Vexillifero pridie admonitos fuisse, ut parati instructique armis, quum res posceret, exortique tumultus strepitum tenderent, ad curiam progredierentur. Antonius quoq; Nerlius sacerdos factionis in turrem curiæ extortis à ianitore clavibus ascendit, ut ad sonitum campanæ æris populus ad arma vocaretur. His rebus Decuriones exterriti postulant iuventute adhortantibusque patritijs decretum perscripserunt, pronuncandumq; ad populum, publico præconi dederunt. Eo Medicei adolescenti Hippolytus & Alexander Reipub. hostes declarati sunt, bonaque eorum in hæc addicta, & liberati nonnulli cives, qui in custodia servabantur, quod hostilem animū in Mediceos, quos appellarent tyrannos, ostendissent. In promulgando autem atrocissimi consilij decreto, quod minimè prætermittendum videtur, Cosinus Saxetus podagricus nec insulsus Senator vultu resupinus & in oscitanti sublata voce interpellans præconem interrogavit, an ipse etiam Papa Clemens eadem qua gentiles eius exilij & capitis poena damneretur, & id quod altiore voce proboque nutu præconis par & æquum esse subderetur. Vox ergo, inquit, videritis cives, qui nihil libera patria carius habere vultis, an vobis ab hac mox iniuria sacris interdicti, familiari pane vestro satis pie vetulicæ, quod falsè dictum universæ concioni risum commovit, quod omnes adeo profricatæ essent frontis, ut in verecundam præconis vocem ineptissime uniuersatur. Ab hac tanta perfidiosaque decreti acerbitate, quum optimates, qui aderant frequentes de ordinanda Republ. disputarent, Franciscus Feltrius Vannas, Veneti dux exercitus, & Michael Salassius Regulus, Federicusque Longazaga cognomento Bozulus Gallorum duces urbem intrarunt, quibus ad secundum lapidem dudum obviam ierant honoris causa Sylvius Palestrinus Cardinalis legatus, ipsique duo pariter Cardinales Innocentius Chonius & Nicolaus Ridulphus à Leone avunculo in senatum lecti: cum his etiam aderam Hippolytus Medices adolescens, qui omnes inopinata civium rebellionē perturbati, in Urbem ingredi maturarunt, primusque omnium Petrus Honofrius Montedolius, Medicearum cohortium præfectus in forum advolat, omnique aditu regionum occupato invalis disiectisque popularium manipulis, prætorium expugnare parat. Ipsi quos diximus duces citatis equis superveniunt, certaturque missilibus ab obsessis atque obsidentibus, in magnumque metum atque periculum imperiti homines & ineptis instructi armis undique conjiciuntur. Erat curia plena patritijs, atque ea iuventute quæ primæ peridiæ vocem sustulerat, decretumque arreptæ libertatis in Mediceos ad plebem promulgari iusserat. Quibus omnibus quum iusta ad defensionem arma deessent, neque ullus esset in curia commeatus ex conscientia admisi sceleris, extrema supplicia metuebant. Nam Honofrius eo studio ferebatur, ut curiæ fores incenderet, & tormenta proferret, quibus curia quateretur. Iam enim introductis in urbem maioribus copijs, pavidos seniorum imbelliumque civium animos, præproperæ temeritatis & meritæ pœnæ metus invaserat, tanta trepidatione, ut nonnulli inusitato egressu dilabi festinarent, consilijque inopes, & maturæ opis indigi, prorsusque ad unum semianimes, admirabilem commutati ingenij perturbationem, gestu incondito, & demissis, pudendisq;

verbis ostenderent, dolerentque planè singuli vicem suam, quòd nimis celeriter & inconsultè nequaquam animaduërso periculo nondum maturæ libertatis munus expetissent. In nullum quippe cogravius aut periculosius saluti discrimen Rempub. incidisse ab vlla annalium memoria meminerant viri prudentes presentium & imminentium rerum casus expendere soliti, quum atrocissimam externarum gentium colluviem incendia & clades passim affererem in ceruicibus esse inter Senas & Aretium, alterum porro socialem exercitum quem ut Borbonio obsisteret, à Mugellano Apennini latere, euastatis militari licentia amœnissimis prædijs in urbem confluisse conspicerent. Quandoquidem nihil hic potius omisso verò hoste qui ad excindendam Romam properabat, quàm diripiendæ opulentissimæ vrbis prædàm spectare videretur, vè præsentis rebellionis admissum facinus vindicaret. Sed tanta extitit in Sylvio legato, adolescenteque Hippolyto, & Medicæ familiæ propinquis ciuibus clementia, tantumque in Feltrio cæterisque ducibus æquitatis & tranquillitatis studium, ut pro conseruanda salute ciuitatis, seditiosis atque rebellibus, modò sedederent, integra fide parcendum censerent. Atque ita quum iam Medicæ non dubiam spem recuperandæ curiæ venissent, fieretque armatorum concursus ad eorum domos defendendas, & in aream currulia tormenta peruenirent, Federicus Bozulus prodijt, pacatamque dextram ostendens, cessantibus utrinque telis, ad curiæ portam accessit, admissusque ad decuriones, ita loquutus est:

Nisi pro dignitate saluteque Italici nominis, principes Florentini, hæc armagestare regi Galliæ operam navans, quem huic civitati ab antiqua Caroli Magni conditoris vestri memoria, multisque nec unquam ferè intermissis in Galliæ reges officijs, amicissimum esse scio, huc utique nullo meo cōmodo impulsus ascendissem, quanquam ex benefactis officiosoque hoc munere suscepto, non inanem fortasse laudem expetendam rear, modo à vobis non omnino intempestivus orator existimer, si hanc libertatem quam honestè potius concupistis, quàm auspiciatò tenere videmini, vobis iam planè obsessis & circumventis, non dubio exitio futuram ostendero, dederoque obiter consilium cum vobis qui curiam tenetis, tum universæ civitati, omni ope quæ alicundè expectari possit, liquido certius atque præstantius. Æquissimas enim conditiones certæ pacis atque concordie vobis afferro, quas non insani homines sicuti vos hodie esse opto, minimè repudient. Primū siquidem repentinumque illum ardorem, quo hoc facinus cœptum patratumque est, in animis vestris ita deferbuisse crediderim, ad conspectum scilicet tot armatarum cohortium atque illustrium ducum qui vos circumfident, & propius vim admoveere parant, ut ea quæ publicam salutem respiciunt, nequaquam ægrè auribus vos arbitrer admissuros. Vos nanque omnes integra fide ad unum incolumes, salvamque urbem fore pollicemur. Quod si rationis & necessitatis quæ vos urget obliviscimini, & amicissimè oblata repudiatis, proculdubio (quod abominari potius possim quàm avertere) hanc curiam vestro sanguine inundatam, patriamque vestram intrōmisso nostro exercitu occupatam, licentiæ atque avaritiæ militum concessam, priusquam Sol occidat, cum summa uxorum & liberorum vestrorum calamitate atque miseria sentietis. Ut hæc verò præsentirè & liberè proloqui audeam, multa me inducunt, & vos, uti spero, etiam præclarè admonent, sicuti huc ascendēs ab obvjs didici. Primū omnium nihil hic pro

negotij atq; periculi magnitudine, uti oporteret, accuratè paratum video, quàm arma, tela, tormenta, & præsidia deniq; omnia vobis desint, & (quod horresco referens) cuncta etiam vitæ alimenta deficiant. Harum rerum inopia profecto, vel si cunctis civibus egregiè constans & ingens animus super sit, indomitos certè spiritus celerrimè franget, si superba, atque exitiali contumacia, furto quodam arreptam libertatem, postquam fata obstant, ferocibus tantum verbis retinere conemini. Hinc siquidem nihil vobis pro salute sperandum est, quum adversa vndiq;, atque aspera vobis immineant: Illinc verò benigne magni numinis pax certa, & publica omnium securitas comparetur. Hæc clarissimi atque certissimi vades repromittunt, ipse ante alios Feltrius imperator, duoq; summæ authoritatis Veneri Senatus legati, & nos deniq; regiarum copiarum duces, qui Barbaros Italiæ vastitatem & Clementi sacrorum Principum immane supplicium minitantes gloriòse persequi, quàm infami Etrusca præda ditescere malumus. Non me præterit viri Florentini aliquanto audacius queri quàm defendi libertatem, ab his præsertim hominibus, qui vitæ fortunarumque suarum certam salutem dubijs belli casibus anteponunt, nec aliunde quàm in oculi patriæ cuncta vitæ commoda atq; ornamenta expectant. Proinde vos hortor fortasse propensius quàm deceat virum militem, ut iuventuti noxam totius hodierni impetus remittere velit, modo ipsa vehementem illum quo non dubiam gloriam appetisse visa est, immodici ardoris studium remittat. Prædictum enim video iunioribus, secus ac ætate prouectis, quàm odiosum sit pacificatoris nomen: & quam deniq; ingratum atq; importunum militibus nostris, ac fortasse Mediceis, in ipso præsertim speratæ victoriæ limine sit futurum, quando illi sua spe prædæ fraudentur, hi verò quosdam fortasse vestri ordinis ulciscuntur, quam ingratos atq; æquo acerbius rebellantes, quàm in gratiam recipere maluit. Vos itaque in vestigio & deliberare, et decernere oportet, an beneficio nostro potius quàm occulto aliquo munere Fortunæ, quæ iam vos deserit, uti velitis. Nos certè si vobis hac in re Dei immortales mentem non eripient, decreta patris religiosa fidè sanciemus, atq; armis, si ita opus fuerit, pro dignitate nostri nominis, salutemque vestra obnixè tuebimur. Ad ea vexillifer Guicciardinus ita perterritus titubantiq; sermone respondit, ut fidelis ac opportuni consilij, et usque adeo propensæ voluntatis erga civitatem, Federico gratias agere potius, quàm quid esset in causa probaturus ostendere videretur. Primores autem patritij, in quibus eminebant Franciscus Victorius, & Nicolaus Caponius, uti probos veteresque senatores & rerum egregiè peritos decebat, peroranti, ex ipsa ardenti complexus, & pacati vultus significatione prorsus assentirent, multoque maximam primorum ordinum partem, eius consilia, quæ tam amicè quam humaniter dedisset, dubio procul amplexuram confirmarēt. Ad id fremente iuventute, & his superbè atq; indigner succensente, tanquàm parum fortibus, & iam pridem longo & præpingui servitio assuetis: Quando quidem aliena virtute, alienoq; periculo partam libertatem & ultro etiam inculcatam admittere tuerique nescirent. Multi quoq; de salute potius solliciti quàm de libertate quæ iam conclamata videbatur anxie requirebant, an ex tuto, rectèque publica omnium salus Pontifici offensionum odia recodere solito, committi posset. Quibus vocibus excitatis Federicus, ne timete inquit viri Florentini, hac in re siquidem ego unus me pro omnibus locupletissimum vadem, & sponsorem fore polliceor. An verò nos Pontifex cui impijs circumvento armis auxilium propere ferimus,

serinus, vel impudenter, vel ingratè decipiet: vel deniq; seipsum omnino falleret: qui non temerè Clementis nomen desumpserit. Cuncta enim vobis facile condonabit, ut augustæ pietatis munus impleat, & sacrosanctæ existimationis iura tueatur. Itaq; Federicus è curia ad suos reversus, quū renunciaret, quos animos in obsessis, ipsiq; præsertim senioribus reperisset, nemo fuit qui non concordiae studendum esse censeret: in id Sylvio enixè proclinato, utpote qui natura imbellis & degener, lentisq; consilijs stultæ gravitatis nomen aucupās, nequaquam parato & efficaci ingenio tantæ defectionis noxam inconsulto Pontifice vindicandam arbitraretur: & uti vir sacratus ad pietatem perculsi animi rimorem referens, à cruento consilio penitus abhorreret: nec Feltrius, & reliqui duces ulla omnino mora distineri vellent, quo minus festinanter Borbonium magis confectis itineribus accedentem persequerentur. Per hunc modum sagente cohortanteq; Francisco Guicciardino, qui de Vexilliferi fratris propinquorumq; suorum salute sollicitus pacis condiciones dictaverat, prolatis tabulis in proximam divi Michaelis Horto tabernam concessit, facileque obtinuit ut his Feltrius, Veneriq; legati & cæteri duces subscriberent. Singularem enim his rerum difficultatibus explicandis Guicciardinus auctoritatem afferebat, utpote qui Pontificijs copijs cum imperio præesset. Summa conditionum hæc fuit, ut obsessi in curia atq; item reliqui omnes, admissi sceleris veniam ferrent. Quæ in re Feltrius & legatus Sylvius sincere clementiæ fidem suam obligarent, oblivionemq; eius inconsultæ rebellionis ab ipso Clemente Pontifice accuratis precibus impetrarent: Florentini verò cives redirent ad officium, pristinq; fidei obsequium Mediceo nomini præstarent, atq; hisdem suffragijs inducto rescissoq; recētis malignitatis decreto, novum fideleq; commutata probè voluntate conficerent, excederent ex templo curia, & Rempubl. magistratibus administrandam relinquerent. Hæc mutuis assensibus transacta sunt sexto Calendas Maias: sic ut eodem die qui Veneri dicatus erat, intra paucissimas horas Clemens & amissæ & receptæ simul curiæ, pacatæq; civitatis nuncium acciperet. Nec multo post Guicciardinus Vexillifer, continuato cū Octoviris decurionib. magistratu, Calēdis Maijs de more successori insignia tradidit, privatusq; abiit domum. Creatus nanq; est in eius locum Antonius Franciscus Norius Medicearū partium studiosus, cuius pater ex Pactiana con-
 turatione cū Iuliano Medice in templo fuerat interfectus. Tum verò Feltrius privati commodi vel turbulento eo tempore nihil oblitus, priusquam sese & copias ad iter expediret, à decurionibus impetravit, ut inexpugnabile Castellum sancti Lei, Vmbrico amissum bello, attributumq; Florentinis sibi redderetur. Actum quoq; subinde est de renovando sœdere, in quo nuper Florentinica lege fuerant adscripti, ut nullum certum munus bellici oneris ipsis imponeretur, nisi ex arbitrio Clementis: idcirco legati Veneti Aloysius Pisanus, & Marcus Foscarus severè postulabant, ut quid præstare conferreq; vellent in id bellum, disertè in tabulis exprimerēt. Itaq; ad stipulantibus Octoviris qui toti negotio belli & pacis cum summa auctoritate præsunt, Practiciq; ab ipsis vocantur, Florentini separatim à Pontifice, ubicunq; in Italia gerendum bellum foret, socijs se daturos promiserunt cataphractos equites ducentos & quinquaginta: levis autem armaturæ equites galeatos bis totidem, atque item integram delectorum peditum legionem: iuravereq; invicem se nunquam separatim à socijs in amicitiam cum Cæsare ducibusq; eius esse redituros. Huius in-

eundi fœderis eximie astutus suasor Feltrius fuit, ex æquo in gratiam Veneti senatus, atq; odium Clementis, uti postea apparuit. Nam ab hoc fœdere Florentini pacti cum Gallo Venetoq; libertatem sibi eorum auspicijs incolumen futuram, ita Pontificem offenderunt, ut is sua spe repetendæ patriæ dicitur oblitusq; summæ eius acceptæ iniuriæ, id ipsum Cæsarem inexpectata & penè incredibili exulcerati animi conversione se contulerit, ut ipso Cæsare in Italiam evocato, ingratorum civium perfidiam vindicaret. His confectis rebus Feltrius educto exercitu, sed nequaquam ea celeritate qua opus esse videretur in eo Romanæ urbis discrimine, Romam est profectus, attonita adhuc civitate, quum nemo esset qui reputatione præteriti periculi non magnopere timeretur, & ex futuri & instantis solitudine metuendum esse non duceretur, quandoquidē necesse esset eorum animos perturbari, qui de belli eveni, propter externorū hostium vim singularem atq; invicta adhuc robora Germanorum dubitare cogerentur, & ex conscientia admissi facinoris clementie Pontificis parum confiderent, & tum à Sylvio legato, non ipsius modo curæ, sed cuncta regionū compita, portæq; Urbis singulæ, & ipsa Medietas firmis præsidijs teneretur. Cæterū abeunte Feltrio, & cum otantianis copijs Romana via iter habēte, simulatos Florentinorū vultus intruci admodumq; licuit, quum undiq; aut gratulandi, aut sui expurgandi causa ad Nedum domos cōfluerent, non sine risu multorū, qui eos dudum ineptiores, & instructosq; tumultuarijs & veteribus telis mirabundos & furentes viderent. Tūc vero illi eodem homines cōposita fronte solitis involuti pallijs, pro capite pendulis & civilibus integumētis, quæ ipsi Etrusci capuccia vocant, specie blandi & supplices spectabantur, utpotē qui unius tantū noctis interitum sicut in scena histrionibus accidit, diversas ē vestigio personas induissent. Enim est natura populi Florentini, ut nullis vel ingentibus beneficijs, nullis vel extremæ benignitatis obsequijs eos obstringi posse constet. Veniantq; potētis quæ in libera civitate singulis civibus dispensati dominantur, instar, oblivisci nescit, neq; eminentiam cōspicui cuiusquam, vel etiā modestissimi civis pati potest. Tanta siquidē ambitione, tamq; superbo livore prætiti sunt, ut quū quisq; ad clavum gubernandę Reip. sedere, potiri quoquo modo communis patriæ imperio, & publicas opes privato commodo complere cupiat, ea inexplebili cupiditate ardeant omnes, & prorsus insaniant, quocumq; minem tanquā ex æquo civem, vel opibus, vel dignitate superiorē ferre vident, & clariorem quoq; virtutem, melioremq; fortunam in aliena domo nisi a propolis oculis conspiciant: quando eadem ex parī merito sibi deberi iudicēt, si quid, nequaquam mirari lubeat, si elati & peracris ingenij, noteq; tenacitatis homines, plerunq; decus in lucro præsentiq; pecuniā, & immoderatis sepeq; etiam proprijs quæstibus reponant, eo etiam maiore reliquarum gentium admiratione quod domi nequaquā sumptuosam, ut pleræq; aliæ civitates, sed parcam universum & bonę frugis disciplinā exemplo veterum Græcorū ex quibus orti sunt, institutam sequantur. Quanquam alioqui, uti sunt pecuniosi mercatores, supra censum & totius industriæ spem magnificis ædificijs laudem quarant. Sed his vitijs quæ supra memoravimus, facile evenit, ut intestinis discordijs ferē continenter per trecentos annos gravissimē laborarint: tanta quidem rabie, ut modò patricos, modò populares alternante victoria, civitate in exilium expellerent, sævis cædibus integras sæpe familias delerent, &

crudelibus incendijs in nobilissima tecta grassarentur. Nec in his malis, nunquam mitigata feritate, dispuderet à sordidissimo opifice iugum accipere, vltro Barbaros tyrannos qui liberis leges darent, adsciscere, vti miserabili conditione experti sunt, ex ipsis Michaelis Landi, Gualteri que Athenarum Reguli, & Caroli Andegauensis abominandis casibus. Per hunc modum ciuitatem magnis perturbatam iactatamque fluctibus, maiores Medicei per integrum seculum saluberrimis legibus compositam, cum insigni veræ virtutis gloria confirmarunt, & auxerunt: & ne quid ad summam felicitatem pulcherrimæ vrbs decisset, affuere salutari sydere ortus Leo Pontifex, & Clemens vel alioqui moribus dissimilis. Hi continuata imperij successione atrocissimorum in leodiorum coniurationumque memoriam, ex Christiana pietate, amoreque ipsi vel ingratissimæ patriæ, pacatis animis deponere voluerunt, vt in ciues suos vel nihil tale merentes, cuncta honorum commoda, & totius certioris opulentia ornamenta, insatiabili studio, rediuiuaque semper liberalitate congererent, vsque adeo iniqua & serè insana benignitate, vt multos ex aula, de fide virtuteque benemeritos supinè prætermitterent. Quando non solum maiora minoraque sacerdotia, verum etiam vrbiū & prouinciarum præfecturæ, & munera legationum sacratis viris committi solita, vnīs omnino Florentinis mandarentur. Qui etiam vestigalia, & totum denique Pontificij dominatus patrimonium ad certissimos quæstus inuasisent, eo quidem exitu, vt nihil cuiquam etiam honestissimo ad sacri vel profani iuris prouentum Etruscis cuncta abradentibus relinqueretur. Neque tamen his tantis beneficijs atque muneribus accumulatè congestis, quicquam ad promerendos ciuium animos profecere, quum Leonis malo publico immaturè defuncti, omnem memoriā ingratissimis mentibus abiecissent, & tum Clementis viui regnantisque & diu etiam regnaturi maiestatem impiè contemnerent, nulla quidem misericordia eius inulitata calamitatis, quæ alienissimis etiam hominibus veras piasque lachrymas posset exprimere. Itaque Florētini (vt ad historiæ seriem reuertamur) nunquam ingenio pacati, nunquam exuta malignitate poenitentes, sed paratis animis, quos diuersis vultibus effingerent, renouare perfidiam, odiumque vetus exercere, id vnum expectabant, vt alicunde rescirent quorsum Cæsarianorum impetus euaderet. Postquam verò pridie Nonas Maias Urbem manucaptam, Romanosque omnes aut trucidatos aut acerbissimis tormentis excruciatos, ipsumque Clementem in arce cum patribus circumuallari atque obsideri nunciatum est, nullam sibi moram attulerunt, quin eosdem animos redintegrata perfidia constanter erigerent. Breui namque effectum est, vt frequentibus conciliabulis per coronas in foro passim habitis, multi patritij, sed rogati omnes Prætoriū intrarent, communicatisque consilijs ad Mediceam domū contenderent, & legatum amicissimis hortarentur verbis, vt postquā Romæ res essent perditæ cogenti fortunæ cedere probè & sapienter, & Rempub. ciuibus redere vellet. Erat legatus graui mœrore saucius ex clade Urbis, valdeque prostratus, sed multo grauiore perculsus metu, quum à Nicolao Caponio & nonnullis alijs, quos sibi amiciores putabat, acerbissimum nuncium accepisset, ita vt virilis cōsiliij inops, et de sua tantū pecuniā sollicitus et tenax esset, cuncta in præceps prolabi sineret, sibi que maximè timendū arbitraretur. Quod plerisque non temerè ab agrestib. responsis & morib. se inuisum putaret, quanquā Octavianus Medices incōcussa fide, & nonnulli fideli studio insignes nequaquam despondēdos

esse animos prædicarent, confirmandaq; liberali stipendio militum præsidia iudicarent. Sed reperiri expeditique pecunia non poterat, quod eam Franciscus Niger proquæstor, malignè apud Laurentium Strozam deposuisset, atque extemplo Lucam profugisset, vir utique supra eam perfidiam multis impietatis & avaritiæ sordibus coopertus. Eo frustra citato quæsitoq; Mediceis Honorio militaris præsidij præfecto animus concidit. Hic egregiè pugnavit & intrepidus, rem ad arma deducere cupiebat, pollicebaturq; se notorum sibi civium perfidiam, multa cæde vindicaturum. Verum Sylvius tanquam iactato navigio, & naufragium adeunti persimilis, neq; consilium, neq; pecuniam expedire potuit, unisq; obiurgationibus insultantis mulierculæ domo atque, ut be cum adolescentibus Mediceis exturbatus est. Hæc erat Clarice Medices minoris Laurentij soror, Philippo Strozæ nupta, quæ tuta suo sexu, & propriæ quitatis nomine, legatum coram rusticanum: adolescentes verò spurios, obiterq; hæreditate Mediceæ familiæ indignos, contumeliosis verbis appellarat, & domo & patria protinus excedere increpita mora iusserat; quanquam generose ei ab Hippolyto responderetur, quum eam omnino insanam esse diceret, quæ oblita sanguinis, potètiā principatus ad inimicissimos potius transferre, quàm conservare in domo propria in qua ipsa nata esset, malignè atque perversè properaret. Verum hæc frustra dicebantur, quum ad sceminam peracri iracundia flagrantem etiam accessisset Nicolaus Ridulphus Cardinalis, mitius quidem ingenio vir, sed non obscurè appetens libertatis, qui cedendum fortunæ & saluti maturè consulendū esse differebat. Id in Clarice excitarat odium Clemens, qui neque Petrum filium purpureo galero exornare uti promissum voluisset, virumq; ipsius Philippum pro obside Cæsarianis Neapoli custodiendum tradidisset. His vocibus peracerbisq; minis unā Sylvius atque ipsi adolescentes excessere patria in non dubium exilium, quanquam decuriones adleniendam subitæ atrocitatis invidiam, abeuntes benigniore decreto persecuti sint. Hoc erat, ut adolescentibus Hippolyto atque Alexandro maneret in integrum civitatis, ambobusque locus esset in Repub. ad capiendos eos honores, quos per ætatem adipisci possent, manerentq; eis incolumes totius Medicei patrimonij facultates: eos autem Philippus Strozza ex senatusconsulto comes datus, Pisas deduceret, ut arx oblata tessera reciperetur. Cæterū Strozza ex arcanis mandatis, ut eos retraheret iubebatur; quibus tamen propter affinitatem tanquam ab ætate tenera nihil tale meritis parcendum putavit. Conatus autem est Danthes Castellio ex Strozæ comitatu directo & penè incensescopetto Hippolytum interimere. Verum adolescentes subodorati vim sibi parari, concitatis equis inexpectatò Lucam provolarunt. Lucenses ex decreto publico eos amicissimè, & lautissimè de more civitatis susceperunt, & Florentinis per publicas literas sibi eos dedi deposcentibus, integra fide se illos conservaturos responderunt. Per hunc modum Medicea domus impotenti Fortunæ, civiumque perfidiæ ultro celsit, quum à reditu Ioannis Cardinalis electo Soderino quindecim annis patriæ præfuisset. Exinde novi creati sunt magistratus, revocata priore Soderini consuetudine, Norioque se ante exactum tempus abdicante magistratu, renunciatus est Vexillifer Nicolaus Caponius, ea conditione ut ipse & decuriones comitiale consilium popularis multitudinis indicerent, ut ex æquo cuncti cives receptæ libertatis fructu lætarentur: secundæ nanque & tertiæ classis turba insolenter postulabant, ut Reip. munera

latius quàm antea dispensarentur, ne populus suæ studiosus libertatis pro uno tyranno plures simul ex nobilitate superbos impotentesq; dominos esset perpeturus, ita ut iam planè patritios pœniteret recuperatæ libertatis, quam nequaquam suo ordini, sed indignis plebeisq; hominibus sua magna cum invidia, & cum demum iusto cum dolore peperisse diceretur. Nec multo post Florentinis arcem Pisanam dedit Paccionus Pistoriensis custos, quū pecuniam in stipendium cohortis custodiæ, quæ aliter in fide atq; officio contineri non poterat, expetenti obtestantiq; Sylvius Cardinalis submittere noluisse. Is subledebat Lucæ cum adolescentibus Mediceis, animoq; deiecto atq; eadem avaritiæ labe oppresso, verba pro auro, & inanē spem pro stipendio Paccionianis nuncijs dabat. Qua rei indignitate atq; offensione permotus custos, quum se malignè deseruà Cardinale quereretur, nec quicquā proficeret, Antonio Francisco Albicio arcem dedit, ea tamen integræ fidei erga Mediceos constantia, ut repudiatis præsentis pecuniæ muneribus quæ Albicius protulerat, expers omnis præmij, ob idq; inops solo incorruptæ fidei testimonio contentus, arce excederet. Eodem etiam cursu, sed nō eadem fidelis animi probitate exemplum sequutus Gallerus Barga accepto scdæ pactiois præmio Liburni arcem tradidit. Interea Franciscus & Henricus reges ex ea direptæ Urbis & capti Pontificis execrabili fama vehementissimè commoti, excitiq; ad quærendū novum decus, arma parabant. Id namq; adiuto liberatoq; Pontifice, & vindicatis eius iniurijs de Cæsariorum militum immanitate longè honestissimū proponebatur, eoq; iustius & speciosius, quoniam ad utriusque existimationem maximè pertraheret, tueri armis sacrorum Principē suprema propè ac inexpressibili affectum calamitate, & quod Christianæ aures vix ferrent, indignissima carceris contumelia cum Cardinalium senatu usq; adeo impiè mulctatum. Videbatur enim uterq; eorū peculiari officio obstringi, quod Franciscus suū vetus ex præclaris superiorū Galliæ regum meritis partū Christianissimi cognomen ferret, & Henricus ab illustri suo studio quū Iulium Secundū Ludovici armis oppugnatum protegeret, Pontificiæ libertatis Defensor ex senatusconsulto fuisset appellatus. Hos quoq; duo legati opportunè adversus Cæsarem cōcitabant, Salvatus Cardinalis in Gallia & Vbertus Gambarà apud Britannos, qui utrobique accuratè referēdo quanta immanitate in Romanos nihil tale meritos esset scivitum, quantoq; ludibrio sacrati episcopi in cathenis ad hastam venales fuissent circumducti, & quot demū honesti atq; infantes ex aula aut tormentis excruciat, aut in vinculis desperato redemptionis pretio trucidati perisisset, piorum hominū animos inusitata crudelitatis cogitatione suspendebāt: quando etiam permultos ante aram maximā summè venerabilis templi frustra à divinitutelaribus salutem petentes, inundato cruore pavimento cædeq; polluto cecidisse narrarent. His sermonibus per coronas utriusq; aule disseminatis, vetera novaq; utriusq; gentis odia, quæ vix dum in Cæsarem deferbuerant ex atrocitate tanti facinoris refricabantur, tanto altius quod Helvetij cū Gallo & Britanno in idem studium consensumque accesserant, quos Ennius Philonardus vetus apud eam gentem Pontificis legatus crebris cōcionibus per singulos pagorum conventus habitis, tanquā homines militares, nec tum vel agresti ingenio de religione potestateq; Pontificis malè sentientes, diligēter admonebat, ut quam Iulio Pontifici nuper circumvento & ferè oppresso sortem felicē, quæ operam præstitissent; eandem, aut certè maiorem in liberando Clemente

adversus impios navare vellent. Debere ipsos probè meminisse in quam egregiæ virtutis & probitatis existimationem apud cunctas nationes ex celeberrimis facti gloriæ pervenerint. Retulisse siquidem inde non opima modesta prædicia, quibus honestè locupletes evasisent, verùm quod esset omni auro præstantius, ad perpetuum gentis decus, illum cunctis publicis anteferebat ornamentis piæ virtutis titulum, quo Romani Pontificis defensores, imperiorumque principum domitores appellarentur. Itaque Lotrechius cum iusto exercitu, maioribus copiis subsequi iussis, in Alexandrinum agrum descendit, magnaque vi Boscum oppidum adortus, deiecto inde Ludovico Lodronio, qui Germanorum cohortibus præerat, oppidum cepit, castrisque inde ad Alexandriam positis eadem felicitate, quod exiguo præsidio teneretur, ea opportuna vrbe potitus est. Lotrechio quoque impigrè procedenti accesserunt Venetorum copiarum cum iusto tormentorum apparatu, coniunctisque viribus ad oppugnandum Ticinum processerunt. Præfecerat urbi Cæsarianoq; præsidio Antonius Leva, quum Mediolano sibi minimè excedendum, nulli gravissima de causa statuisset, Ludovicum Balbianum virum egregiè fortis, Sfortiano nomini inimicissimum, & quod ei non magnopere valida coheres adessent, quibus Gallicam vim sustineret, opem submisso Hispanorū pleniento laturum promiserat. Ceterum Lotrechius animadvertens urbem edoctusq; de his munitionibus, quas Ticinenses periculosa in parte micantem oppugnaturis Gallis opposuissent, incredibile Balbiano Ticinensibusque oppugnationis consilium suscepit. Conversis siquidem ad ipsam arcem omnibus tormentis, quæ ei ex Venetis castris collata erant, tanta vi turrem quadratam quater est adortus, ut ea cum adiuncto arcis muro, qui ad portam finis arcis ad viridaria educentem pertinet, ad aperta perforataque undique penè integra concideret, proruentibus una in eadem ruinam annexis his concubulis acutissimi prospectus, quæ Galeacius Vicecomes ante ducentos tertios annos admirandis sumptuosissimisque picturis exornarat; cui ædificatio propter incomparabilem structuræ pulchritudinem omnino parcendum fuit. Insuper Lotrechius ad famam celebre testimonium odij sui atque iracundiæ Ticinensium inquirere voluisset, quod ante sex annos ab ea parte urbis micentia turri frustra oppugnans a defensoribus multa detrimenta & summa eadem turris transverse oppositus accepisset. Oderat quoque Ticini urbis nomen delat Gallici exercitus, & capti regis recenti abominabiliq; memoria Gallis infestum & infamè. Balbianus tantis ex improviso territus ruinis, auxilij atque omnis consilij inops, quum servare urbem non posset, luctuosa Ticinensibus passionem se dedidit, eductusque per ruinas ad Lotrechium, sese impetrata salute conservavit. Tum verò Galli milites facto impetu per easdem ruinas nulli acriter reiecti, per arcem quod nemo crediderat in urbem irruerunt, miserabilemque in modum cæso magna ex parte præsidio & civibus capitis universam diripuerunt; usque adeo dirâ victorum crudelitate, ut nec templis, sacratissimisque virginum septis parceretur. Quamquam Lotrechio summa cura esset tuendi femine pudoris. Primum qui audacter in arcem urbemque irruerit, Hostasium Rhavennatem militem fuisse constat. Is à Lotrechio in præmiis navatæ operæ, æneam equestrem statuam, quæ Antonini Cæsaris esse dicitur, impetravit, quum ea antiquitus Rhavennatum fuisset, sed post Gothica tempora à Longobardis Rhavennam diripientibus trophæi modo in

signum victoriæ abducta Ticinum fuerit, & in foro constituta. Eo modo Hostilius decorum sibi fore existimans si vetus patriæ spoliū recuperaret, & sue pietatis memoria eo in loco ubi ablatum olim fuerat, renovata dedicatione poneretur, in forum descendit, & permittente Lotrechio cum manipularibus suis atq; item fabris deijcere statuam sede sua, atque excindere columnam basi suppositam superbo molimine conabatur: quo spectaculo (id enim longè miserrimū Ticinenses iudicabant) usq; adeo tumultuosus complorantis & deplorantis populi concursus fuit, ut oblitus domesticę calamitatis furiosè in forum decurreret, nullo modo passurus, ut patriæ quæ fortunarū omnium & publici decoris iacturam dudum fecerat, etiam nobilissimæ & vetustissimæ memoriæ monumentum eriperetur. Res eò erat perducta, ut cum armatis ab inimicis ex iurgio certandum foret. Verū Rhavennatē imperatoris Lotrechij diploma proferente, omnis ea Ticinensium turba suo recenti mœrore & cultus deformitate miserabilis, ad prætorium contendit, atque ibi unus patris ordinis Franciscus Boticella proiectus ad pedes ita loquutus est. Patere magnanime victor, ut victis, & inauspicatę constantiæ suę meritas fortasse pœnas dantibus, in victoria tua lugere liceat, & virtutis tuę atq; felicitatis odiū, quod nobis miseris æquo acerbius videtur, deprecari. Apud generosos namque verę clementiæ laus nunquam sordescit, quum cætera ex bellicis operibus atque periculis quę sita virtutum præconia, quod multis sæpe communentur, celeriter evanescant. Vna profectò clementia mortales superis æquat, eiusque muneris memoria, nunquam apud conservatos obsolescit. Miseri Ticinenses non suo pte quidem ingenio, aut publico decreto, sed perversa paucorum & planè fatali factione impulsī à vetere studio Gallorum defecimus, scilicet ut obsessi primū obsidente rege vestro, & cuncta intus atrocissimè vastantibus socijs Hispanis atq; Germanis, non deformatę modò, sed corruentis patriæ dirum spectaculū videremus. Nec (quod meminisse dispudet) ex victoria Cæsarianorū qui cuncta domi & foris civilis opulentię ornamenta deleverant, vel infastę fidei, vel constantię nostrę præmium tulimus, nisi ut ad hanc postremā adversi belli calamitatem à te expugnati eadem pernicio-
 37 sa Cæsarianorum societate raperemur. Sed quod in fatis fuit ab immiti Fortuna iam planè transactū est, nec à te id in integrum restitui potest, scilicet ut expugnati captiq;, & bonis omnibus expoliati gravissimè mulctaremur, nec nobis quicquam vel publicę vel privatę substantię superest, quo militaris avaritia exaturari queat, nisi unum publici decoris ornamentum equestris statua veteris atq; eximię pulchritudinis, quæ in foro, vestibuloq; templi maximi à peregrinis virisq; elegantibus cum admiratione spectatur. Hanc gregarius miles Rhavennas prædę nomine sibi concessam, demoliri avehereq; navigio per Padum insolenter parat. Id ne pati velis ciuitas suppliciter rogat clementif
 40 si me Imperator, ut pro tua pietate magnitudineq; animi sicuti dudū tua insigni severitate pudicitiam in matronis virginibusq; nostris inviolatam conservasti, hoc inanīs, sed vetustę tamen glorię ornamentum, infelici patrię nostrę conserves, ut perpetuum sit cum victorię tuę, tum clementię erga victos monumentum. Manabant cunctis Ticinensibus lachrymę quando eius statuę iacturam instar summe calamitatis atque miserię supra direptę patrię adversam sortem existimarent. Lotrechius ad misericordiam versus, Rhavennatem ex adverso promissum muralis coronę præmium ex diplomate repetentem
 cc

blandis verbis admonuit, ut præmium potius navatæ fortiter operæ ex sua liberalitate oblatum accipere vellet, quam tanta acerbissimè direptæ civitatis miseria lætari, ardereque demum invidia aliquando ei & Rhavennatibus nocitura. Itaq; vel indignabundus miles pro ænea statua pecuniam a quaestoribus accepit, quantum satis est pro murali corona ex auro puro fabricanda, quæ in fidem virtutis suæ cum elogio Rhavennate in templo poneretur. Tunc capto diversæ apud Lotrechium sententiæ dicebantur. Sfortiani ante alios legati cunctantem atque perplexum maximè urgebant, in quibus erat Franciscus Somalius inter Insubres nobilitate atq; opibus potens, Gallicæq; peritus linguæ, quod regis in castris aliquandiu militasset. Is recenti utendum victoria, & Mediolano, Antonioq; Levæ vim & terrorem admovendum diceret, quod Mediolanenses adversissima essent voluntate in Antonium & Hispanos, a quibus sævissimæ instar tyrannidis extrema rerum incommoda percellissent. Attenuatas namq; esse Antonij cohortes Hispanorū vario discessu, quæ ipse in præsidijs apud Comum, Leucum, & Tricium distribuisset, & hos veteranorum Romana in præda detineretur, nec ipse immitti podagra factus, & signatæ egens pecuniæ, tantū animi habiturus videretur, ut tot adventantium hostium vim, & gravissimis iniurijs exacerbati populi tumultum uno præsertim tempore sustinere posset. Id probabat Pisanus Venetorum legatus cum quo iure fœderis Francisco Sfortiæ favens, tum Reipubl. suæ commodum, & gratæ victoriæ securum finem spectans. Extrudendos siquidem Mediolano Cæsarianos, & finibus Venetis cavendum putabat: quoniam potentia Cæsaris vicinitas Veneto nomini maximè gravis atq; suspecta foret, ex recentis scilicet memoria Bergomi, Brixiae, Veronæq; creptarum urbium. Antonius quoq; Franciscus Albicius Florentinorum legatus, Veneto & Sfortiano præclare assentiebatur, vel ob id præsertim quod Mediolanum tanquam perennem præsentis pecuniæ thesaurum, aliquando Cæsarianis adimendum diceret. Ex adverso duo Cardinales Cibous atque Ridulphus, qui clade Urbis lapsi ad Lotrechium victorē pervenerant, & cum his Gregorius Casalius Henrici Britanniae Regis legatus, vehemētissimis precibus postulabant, ut liberanda Urbis Romæ, eripiendiq; inde Pontificis, potius quam oppugnandi Levæ negotium susciperet. Decorum scilicet ipsi factuq; facile futurum, quando nulla graviore de causa transcendisset alpes, quam ut tam glorioso quam necessario duorum regum decreto expedita pietate satisfaceret. Vbi enim ad Urbem explicatis vexillis iter intenderet, valitura esse arma pro religione suscepta, & passim fore auctiora firmioraque excitis undique voluntarijs, postquam latrones non Cæsaris milites, & incendiarios eversoresque sacrosanctæ Urbis persequeretur. Liberato namque Pontifice pristinam eius dignitatis atque potentiae existimationem ad fœderatos esse redituram: unde ulcisci acceptas clades, & reliquo metu atque sævitia hostium victor Italiam summa cum laude liberaret. Cæterū Lotrechij animum diversis distractum sententijs, vnus senatoris dignitatis vir Insuber, astuta & propè maligna oratione perpulit, ut omnem invadendi Antonij Levæ curam in aliud tempus differret. Quo consilio non cursus modò paratæ victoriæ interruptus est, sed expedita conficiendi belli spes omnis intercudit. Is erat Ambrosius Florentius ex veteri factionis studio Sfortiano nomini insensus, utpote qui semper superioribus temporibus Gallis adhæsisset. Itaque secreto Lotrechium aggressus: Noli, inquit, Imperator

rator existimare eandem esse suscepti belli causam, & potiundæ victoriæ rationem. Nam (quod me non fallit) tibi omnino obeundum est id peculiare munus, quod iussu regis, & ex autoritate fœderatorum virtuti tuæ iniunctum est. Id enim unum quærunt & expostulant, ut felicitate tui cursus uti velis, liberareq; Pontificem carcere cõtendas, cuius rei causa novum fœdus est ictum, & resumpta sunt arma, prospereq; transcensæ alpes, atque hæc etiam duæ valide urbes expugnatae, scilicet ut immanium hostium ferocia frangeretur, parareturque aditus ad opem capto Pontifici, ruentique Romanæ urbi opportunè ferendam, quæ propriam Regis nostri gloriam respiciunt, & socijs publicæ salutis authoribus honestissimum afferunt decus. Nec diffiteor ad sublevandam sociorum nostrorum existimationem plurimum interesse, si Mediolano potiamur: sed videndum est, ne hoc sit Gallicis rationibus alienum. Nam neque Antonianas vires elevare hoc loco lubet, neq; nostras attollere, ut cuncta nobis cessura facile credam. Certè hoc unum provideo cunctos laboris atque periculi nostri fructus, alieno prorsus commodo ineptè cessuros, non utiq; ut fœderi minus sincere servendum putem, verum ut hoc ipsum Mediolanense imperium (uti antiqua iura postulant) aliquando ad Regem reditum recordere. Si cunctemur expugnandaq; validissimæ urbi diutius hæreamus, eludet fortasse nos Fortuna, atque illa quam petimus occasio liberandi Pontificis evolabit. Quod si hostem in ruinis atq; luxuria opulentissimæ urbis sepultum, senescenteq; ferocia ad vini & Veneris voluptates desidè aggrediate, implebis officium prudentis pijq; imperatoris, occupandaq; Neapolis excuria exploratae victoriæ facultatem arripies, & quod bene ominari fas est, delebis immanium latronum legionibus, quas iam pestilentia fœdè absumi vulgaris morbis audimus, undiq; victor Italici imperij compos fies. Ab hac persuasione Lotrechius non ineptas consilij causas apud legatos ostendens, traiecto Pado Parmam se demisit, atq; inde modicis itineribus Bononiam profectus, amplissima ea in urbe & copiosissima hyemare constituit, quod sibi multo maxima virium mole bellum gesturo, nova copiarum supplementa à Gallis expectanda prædicaret. Verum quibusdam sociorum eum proculdubio parare dimissaq; victoriæ proventum, Francisco Sfortiæ invidisse apparebat, atque ideo cunctantius & segnius quàm pleriq; flagitarèt, Romanis rebus opem ferre videbatur. Nec deerant qui non obscure existimarent, ipsum probè regis iussibus obsequentem ostentare bellum è longinquo, & multo armorum apparatu perstrepere, quàm Cæsarianos aggredi atq; lacerare malle, scilicet ne Cæsar graviore iniuria atq; periculo exagitatus, animum in ipso rerum discrimine adversus metum facile pervicacem à spe pacis atq; concordia longius abduceret, quoniam ea esset ingenij Cæsaris vis atq; natura, ut placari precibus & ratione flecti, quàm vi & armis ad id quod spontè nollit, cogi posse constaret. Id unum siquidem Rex Franciscus ex arcano eo belli motu petebat, ut Cæsar multis rerum adductus difficultatibus ab se regiones adolescentes obsides datos, obliato auro redimi pateretur. Sed postquam eas spes recipiendorum obsidum frustra tentata in irritum celsit, ab omnibus ad easdè belli cogitationes recursum est. His rebus cognitis Cæsar sive tactus religione, sive permotus infamia, aut gravi rerum suarum periculo adductus, Pontificem custodia & tot ærumnis liberare constituit, Franciscumq; Angelium cucullatum Franciscani ordinis principem, pietatis & probitatis nomine expiandis criminibus sibi delectum

cum Verreio cubiculario ab Hispania Romam misit, deditque ei literas super ea re ducibus perferendas, quibus significabat Philiberto Aurantio, Vgonio Moncatae, atque idem Ferdinando Alarconi sibi equum piumque; videtur Pontificem dimittere, atque eum cum omni honore verborum in pristinam allere libertatem, subindeque sacrosanctam eius dignitatem obnixè defendi ceterisque oportere, modo alicunde pecunia pararetur, qua militibus merita stipendia persolverent, ut quum tempus posceret, Germanorum legiones urbe Roma adversus hostes educerentur. Sedulo autem caverent certis obsidibus, ne Pontifex si fortè iniuriæ nondum oblitus, hostilem animum indueret, ipsis non magnopere nocere posset. Erant hæc Pontifici in aliena potestate constituto longè gravissima, quum nulla omnino tuta ratio cogendæ representationis, quæque pecuniæ reperiretur; quod infirmissima fide esset Pontifex apud creditores, uti captivus & manceps factus, neque ulla in eo nisi dubia & anceps haberetur autoritas, sic ut de promissis firmiter cavere non facile posset, quando syngraphæ nummaria, addictorumque vectigalium tabulæ, & obligatorum contractus omnes ac assensuum stipulationes legitimo robore ex cetera communis iuris formula carere dicerentur. In hac verò negotii difficultate uni omnium Germani indomita feritate nequaquam eversæ civitatis spoliis exaturati, quum promissæ pecuniæ æquas publicanorum pactiones suspicerent, superbeque rejicerent, truculentissimè cunctis qui aderant in arce, Pontificique in primis atque senatui, nisi maturè pecuniam expedirent, terribia supplicia comminabantur. Res autem eò deducta est, ut Clemens longè rarissimos atque honestissimos ex familiaribus qui secum erant, representanda pecuniæ obsides, frementibus deposcentibusque Germanis, tradere sit coactus. Hi fuere Ioannes Maria Montanus Archiepiscopus Sipontinus, & Honoratus Bartholinus Pisanus Archiepiscopus: episcopi verò Antonius Puccius Pistoriensis, & Ioannes Matthæus Gibertus Veronensis. His accessere uti pecuniosi nobilesque, & arcta propinquitate Pontifici coniuncti Iacobus Salernitanus Ioannis Cardinalis pater, & Laurentius Ridulphus Nicolai Cardinalis frater germanus. Horum sacratis manibus illico minaces Barbari cathenas iecerunt, & tanta truculentia ad exprimendum aurum terruerunt, ut in Campo Floræ ad erectas dicatasque latronum suspendiis furcas damnatorum more cathenati perducerentur, parato ibidem ad lege agendum carnifice, si paulo asperior concionis fremitus annuisset. Per hunc modum miserè pallentes, & extremo supplicij metu perfusi, terque in concionem producti, præclara ope magni numinis servati sunt, quum spes auri vel in efferatis diuturna imminutione animis misericordiam exprimeret. Siquidem paulo post in carcere custodiis ex institutæ cænæ crapula, multoque Falerno consopitis cathenas exuerunt, & per vaporarium foci tubum in summa Riariæ domus tecta extracti funibus evaserunt: tanta felicitate ut pedibus egressi urbem ad Vrbinate castra, quæ tum erant in Umbriæ finibus confugerent, ubi non diu miseri tanquam illudente Fortuna in aliud prope discrimen incidere, quum eos Laurentius Martellius Florentinis præpositus copiis comprehendendos vesana temeritate censuisset: sed huius impij perversique hominis amentiam Feltrius & Bozzolus severissimis verbis retuderunt. Horum obsidum inexpectata atque admirabilis fuga Pontifici destinatam libertatem proculdubio maturavit. Nam Pontifex semper ad nova parandæ libertatis consilia solertissimè conversus,

propositis venalibus senatorijs aliquot galcris, qui consensu militum non obscura licitatione amicissimis Cæsarianarum partium ad eum honorem aspirantibus præsentii pecunia venderentur, brevi tantam vim signati auri, vel infami collatione coactam collegerit, & militibus numerarit, aut quū adversi rumores de secundis Lotrechij successibus sensim increbrescerent, milites in universum Hispani Germaniq; nequaquam egerrime pacarentur, & sese ducum imperijs & dicto audientes futuros dicerent. Pontifex quoq; ad declarandum fidelis amicq; animi studium, quinq; senatores, quos Cæsariani delegerant, obfides dederat, Pisanum scilicet Venetum, eius Aloysij qui in socialibus Feltrij

¹⁰ castris legati munere fungebatur filium, & Trivultium Mediolanensem Gallicæ factioni semper addictum, Gaddiumque item Florentinum pecuniosi publicani fratrem. Hi Neapolim perducti, in arceq; nova custoditi sunt: Pompeius verò Columna pro reliquis duobus qui fuere Franciottus Vrsinus, & Paulus Cæsius vadem se præbuit, & secum postea eos ad Sublaqueanum peramoenæ salubritatis secessum humaniter perduxit. Nec multo post in componenda transactione liberandi Pontificis strenuè satagētibus Pompeio Columna & Hieronymo Morono (hos enim certis liberalibusq; promissis reconciliatos, & prius emollitos precibus, ita in partes traduxerat, ut Cæsaris decreto, quod Angelius cucullatus adduxerat mirifice faverent) res appositè confecta est, eoque

²⁰ facilius, quod Vgo Moncata, & Verreius incerti & sæpe transversī consilij homines, Neapolim concessissent, et Aurantius apud Galeriam vicum hymaret, utpote qui suo opte ingenio captuq; mutabili & semper suspiciosè perplexo novas difficultates negotio allaturus esse crederetur. Itaq; post septimū carceris mensem Pontifex Cæsarianorum Alarconisq; præsertim iudicio dimittendus, decreto vix dum perscripto, quū se exiturum postridie dixisset, intempesta nocte evasit, nihil prohibentibus portæ custodibus, quū petasatus & penulatus subductaq; & velata barba se dispensatoris ministrum ignobili eo habitu mētiretur. Dispensator enim se preparandis alimentis exituro Pontifice ad singulas Calsiæ viæ mansiones præcursurū dixerat. Evasit autē Urbē occulta portā

³⁰ quæ est in Vaticani Viridarij extremo ad turrem rotundam angulo, cuius clavem abolitore paulo antea Pontifex impetrarat, atq; eo modo elusis custodibus Hispanico militari equo vectus, quē ei dederat Aloysius Gōzaga, cognomine Rodomontes, cuius fratrem adolescentem nomine Pyrrhum Pontifex in his ærumnis propensissimè legerat in senatū, ad iter sese extendit, subterq; Cæsarianum vicum, & Baccaniam sylvam Capranicæ paulum moratus, ad Orbitū oppidum naturali circumambientis vallis faxea orbita permunitū contendit, admirante moram & semidecepto Alarcone, qui ut Pontificē ad quotidiana sacra è cubiculo prodeuntem salutaret, in multam diem expectarat, non semel increpita apud cubicularios surgendi tarditate, quum Pontifex, vel obdormi-

⁴⁰ scens excitandus ad iter videretur, quod ægrè uti longum & lutulentū his brumalibus præsertim diebus obeundū foret. Cæterum nihil se commovere milites, quatinus nonnulli de animo fideq; Pontificis malè suspicarentur, qui ex repentino discessu quosdam duces, militumq; primores ipsum honoris causā comitari paratos, antecaptis intempestæ noctis tenebris parum pudenter elusisset. At Florentini ubi certius didicere Clementem custodia emissum, Orbiti tutissimo Tusciæ oppido cōstitisse, atq; eum frequenti hominum concursu, qui undiq; gratulatū coibant, itemq; multis principum & civitatum lega-

tionibus coli rediuiuaque authoritate quotidie supplicibus libellis subscribendo, senatum habendo, & sacerdotia conferendo, integri & probe coalescentis Pontificatus munia obire, metu atque invidia crescentibus, in omnes partes legatos mittere, & certa armorum præsidia nouæ libertati tuendæ parare ceperunt. Sedebat tum ad clauum Reipublicæ, idem Nicolaus Caponius, quem pulchris Mediceis Francisco Norio susceptum docuimus. Is uti erat multarum rerum experiens, optimusque civis, & patriæ libertatis amantissimus: in vnum pro salute publica consilium incumberebat, ut procures civitatis ex vetere studio Mediceæ familiæ addictos complecteretur, à popularium iniurijs defenderet, in partemque Reipublicæ communicatis honoribus susciperet. Sic enim inveterata factionis oblivisci posse iudicabat, atque honestissimo & tutissimo consensu cæteris civibus coniungi, ut iustum & benefanum novi status robur, in affecta & ægrè coalescente Reipublicæ pararetur, quo parto nihil intus ex omnium ordinum concordia, vel foris hostile esset metuendum. Eo siquidem tempore in valescebat antiqua factio mediocrium atque infirmorum civium, nata ad contruandam Reipublicæ tranquillitatem. Hæcnamque turba tam superbe quam mure, uti superioribus seculis, recentibusque Soderini temporibus consueverant, nullum bonum civem esse putabat, nisi qui Mediceum nomē maxime & acerbissime odisset, quod à Mediceis diu se in administranda Reipublicæ præmissos atque neglectos meminissent, ac simul honores omnes civitatis, vni optimatibus & nobilitati, iniqua ratione tributos quererentur. Ab hoc improbo, & uti mox apparuit pestilenti minorum civium ordine quassata primo et nova libertas quam fata pepererant, & demum vniuersæ civitatis misere diducis opes attritæ, conuulsæque sunt. His popularibus importunisque civibus signiferum sese præbuerat Balthasar Carduccius vetusta potius quam nobilitatis familia, qui Patavij ius civile profitendo claruerat, odiumque sibi Pontificis acceperat, quum tanquam æxul deplorando statum servientis patriæ, Patavij & Venetijs Mediceos appellans tyrannos, eorum famam contumeliose lacere consuevisset. Is fortunarius egens, & parum Florentiæ cognitus, inani invidioque iudicio ad summum Vexilliferatus honorem, unde clarescere & ditari posset insolenter aspirabat, vixque livido animo ferebat magistratum ex publico decreto in tres annos Caponio designatum, quia in sede honoris æquo diutius regnare Caponium, nonnullos etiam patritios ægris animis pati intelligebat. Erant hi Thomas Soderinus, quem fraterni Vexilliferatus memoria grata popularibus mirifice commendabat, & Alfonsus Strozza ex vetere perpetuaque similitudine pertinaci studio, Mediceo nomini semper adversus. Ambo autem eadem ambitione ita erant occupati, captique, ut non improbare Caponium tantumquam ex professo ab omni Mediceæ domus dominatu abhorrentem, sed eius locum exoptare, occulta dignitatis obtreptione crederentur, quem popularium suffragiis facile adipisci confiderent. Propterea Balthasari Carduccio ex turbidi atque præcipitis ingenij vecordia res novas molienti, atque item concitanti iuventutem astute adulabantur. Itaque Carduccius maledicentiæ suæ frenam exoluens intemperanter, & criminosè Clementis dignitatem, & totius optimatum ordinis decus proscindebat, secus ac cuperet ipse Caponius, qui eum ordinem stabiliendæ libertatis causa nequaquam contumelijs exagitandum, sed asciscendum ultro in curiam, & sincera civilique honorum communicatione complectendum arbitrabatur, ut obliterari sensim posset veterum benen-

ciorum memoria, quæ adhuc apud non ingratos civium animos vigeret. Dixerat enim palam in coronis Carduccius rabido furiosq; perlimilis, se nunquam stabilis Reipubl. decus visurum, nisi in multo cruore amicorum Mediceæ familiæ manus & pedes ablueret, & tyrannorum domum decreto publico dirui, & radicitus excindi conspiceret. Erat siquidem amenti propè ingenio truculentus, proptereaque ei obvenerat moribus eius aptum Scimitarræ cognomentum, quæ vox incurruï atque terribilis barbarici gladij genus significat, unde turbida atque insolens iuventus in foro spatiantis latera stipare consueisset, ut eo authore concessionem gestandorum armorum & custodiendæ curiæ munus, uti evenit, impetraret: postulante nanq; & acerrimè contentente Carduccio id impetratum est: quanquam decuriones nihil necesse esse responderent, ut armati curiam custodirent, quando nulla vis vel intus, vel foris à quoquam extimescenda videretur. Ea verò efflagitantium iuvenum procacitas fuit, ut vel nolens Caponius decreto assentiri cogeretur, eoq; properantius, quod seditiosos quosdā absq; periculo dignitatis, oratione coerceri posse desperaret. Per hunc modum impetratis armis iuventus per se audax & effrænis, ab ea licentia æquo fervidior atque insolentior adversus optimates effecta est. In vestibulo nanq; ipsoq; atrio curiæ, prætorix cohortis more stationem delecti coniuratiq; iuvenes habere cœperunt, tanta animorum ferocia, ut obsidere decuriones potius, & magistratuū dicta factaq; malignè observare, quàm curiæ limen tueri censerentur. Suspectus enim quibusdam popularibus Caponius evaserat, quod studiosius quàm oporteret, propinquos veteresq; amicos Mediceæ familiæ complecteretur, quos ipsi maxime odissent, & trucidare percuperent, scilicet ut Caponio authore nō popularis quidem status uti omnes expeterent in civitate, sed optimatium aristocratia conderetur. Proinde quidā è plebeio ordine antea insolenter Caponio dixerat, tam improbè quàm falsè, quum Medicei pellerentur: Tu, inquit, Caponi nequaquam sana & opportuna libertati cōsilia agitas: nam tabernæ vinariæ frondis signum non prioris dolij vinum mutare contendis, quod nunquam à te fieri patiemur. quasi diceret, sublati Mediceis, ipsum quidem tyrannidis nomen tolli, sed veteres eius ministros & fautores nimio Caponij & optimatium studio cōservari, qui demum multorum instar tyrannorum uti antea consueissent, populo superbè atque avarè dominarentur. Sed vir civili prudentia insignis modò publicæ salutis prospiceret, hosce adversos de se rumores facilè contemnebat, dabatq; assidue operam, ut Pontifex atq; propinqui eius nullis verborum contumelijs afficerentur, & quibusdam tenuibus officijs, quæ libertati cœptæ nihil officerēt, iusta Pontificis in rebelles iracundia molliretur. Dixerat enim sæpe Clemens, quum tanto obrutus infortunio, & diuturna fereque lethali correptus febre decumberet, ut nos lectulo familiariter assidentes audivimus, se totas perpessæ calamitatis & torquentis morbi pœnas tot peccatis suis ac erroribus debitas, etiam si DEVS sibi miserræ vitæ finem adduceret, æquo animo laturū, neque aliud ab ingratis civibus Florentinis postulaturum, quàm ut in propinquos veteresq; amicos familiæ Mediceæ grassari desinerent, hisq; aditus civili æquitate ad honores præberetur, redderentq; item sibi Catharinam neptem, quam ad vestales virgines deposuissent: paternam quoq; possessionum fructibus potiri liceret: quando totius patrimonij vectigal civilis oneris ærario publico esset soluturus. Quantum verò ad Pontificiam maiestatem pertineret,

hoc obnixè petebat, ut nullas, nisi ex Pōtificia authoritate sacerdotijs decimas imponerent. Hæc erant suprema languentis nec adhuc planè restituti Pontificis decreta, plena pietatis & equitatis, quibus per mercatores idoneosque homines Florentiæ significatis, Caponius indulgendum existimabat, utpote qui prudentissimi viri vim, & iam tum reviviscente eius dignitatē, minimè exagrandam, sed spatio & levi obtemperantia, his præsertim in reb. quæ publico voto nihil officerent, leniendā censeret, hac in re certissimus vates futurus. Quando quidem sæpe, & etiam ante magistratum prædicaret, libertatem apud protervos cito perituram, nisi Respublica moderatis consilijs regeretur. Quoniam his omnibus imperiti rerum plerique ciues, aut importunis distenti odijs, atque rogantius quàm deceret, tumultuosè miscerentur. Nec in hoc salubris sententiæ instituto Caponius invidiam facilè sustinebat, quum iuvenes qui ceteris armis insolecebant, à Scimitarra malo publico concitati, eum nonnunquam Venerum ducem, solis optimatum utentem suffragijs, ad conflandam invidiam per iocum appellarent, & ciues qui parum populares videri possent, convisatque minacibus oculis intuerentur, usque adeo arroganter, ut Iacobus Alamannus præcipitis audaciæ iuvenis, in Leonardum Ginorium honestum ciuem, quod modestiam in iuventute requirere videretur, in ipso curiæ limine ferrum distringeret, quo in loco lege lata, nefas esset arma adversus quendam nudare, aut tumultuari. Id factum quum summi magistratus maiestatem læsisse censeretur, nec ille amens, & exitiali superbia tumens curiæ arce cedere vellet, decuriones ad severitatem perpulit, apud quos Scimitarra ex vilis iuris lenitate tutari reum conatus frustra perorarat. Atque eo modo Alamannus captus, in superiore curiæ tabulato capitali supplicio affectus est. Meminerant enim illum eundem esse Alamannum, qui paulo antea curia à seditiosis occupata, Federicum Riccium è numero decurionum in cōspectu Guacciardini dictatoris nefaria temeritate vulnerarat. Ab hac festinata Alamanni damnatione, quum caput eius è summa curiæ corona populo decisum ostenderetur, audacia non mediocriter apud iuventutem refrixit, & Carducci, qui temerè exardescens graviter imminuta est. Paucis enim antè diebus ita exoraverat, cum huius concionantis, tum furentium iuvenum licentia, ut globosè cōto ascenderent ad summum magistratum, & vexillum deposcerent, quo uti bono patriæ oporteret, ordinati uterentur. Ea verò expostulatio superba atque intempestiva patribus visa est, quum seniores id negandum censerent, & Caponius fœderata iuvenum arma vereretur, quod in unius turbulenti significatione foret, sublato vexillo populum ad arma vocare, atque aggredi quodcunque vel crudele facinus, & civitatem intestino tumultu perturbare. Quum verò aliquandiu diversis sententijs esset decertatum, hunc ea contentio habuit exitum, ut decuriones quod negare ex tuto non poterant, moderata atque severa conditione concederent, lata scilicet salutari lege, qua cautum est, ut id datum vexillum intra curiam ad columnam porticus defixam sisteretur, capitaleque esset his qui iniussu summi magistratus revulsissent, & extra curiæ limen extulissent. Eo temperamento Caponius insolentem turbam opportunè pacasse, & publicæ saluti cavisse visus est. Armata siquidem iuventus, quæ suoptæ consilio effrenique libidine furere grassarique cœperat, nisi severis edictis ac imperijs contineri non posse censebatur. Nam paulo antea iuvenum globus tumultuosè in templum Deiparæ Virginis Nunciatæ irrumpens, ut itudum

dium suum erga libertatem, & ingens in Mediceos odium ostenderet, statuas Leonis & Clementis lanceis transfodiendo, nefaria atq; vanissima temeritate deiecerant, unusq; ante alios futilis & superbus civis Oricellarius cognomento, Cardinalis Clementinæ statuæ faciem ingentis alabardæ ictu deformarat, & Chiurlus Machiavellus dextrum Leonis statuæ oculum spiculo perfoderat: quas inanes iniurias stultæ animorum truculentia indices Caponius ita graviter fuerat detestatus, ut id facinus scelestè invidiosèq; editum, pœna vindicandum esse diceret, nisi patritiorum iuvenum amplior numerus quæ infami sacrilegio manus admoverat, à perscribendo decreto eum absterruisset.

- 10 Eodem quoque vesano impetu concitata iuventus, è scutis Mediceæ familiæ puniceas pilas passim deleverat usq; adeo provecta licentia, ut Laurentianum ingressa templum è sepulchro magni Cosmi, titulum quo pater patriæ decreto publico fuerat appellatus scalpellis abraderet. In id quoque consilium non multo post callidis seniorum & optimatum artibus frænandæ iuventuti remedium periculosum certè, sed eventu civitati salutare repertum est, scilicet, ut in universum civitati capiendorum armorum iura traderentur, & descriptis à militari ætate ad quinquagesimū annum cunctis civibus cohortes sub vexillis instituerentur, quæ divisæ per quatuor tribus collegiorum signiferis præstò essent. Erant hi signiferi numero sexdecim, quum urbs divisa in quatuor re-
- 20 giones, quæ singulæ quaternos haberent signiferos peculiaribus vexillorum insignibus, eleganti diversarum imaginum varietate figuratis distingueretur. Per hunc modum Caponius communicatione armorum, quæ non obscure feridæ violentæque iuventutis animos compesceret, popularesque modestiæ civilis admoneret, civitatem in officio continebat. Pari quoque prudentia turbulentos cives legationis nomine ablegavit, Carduccium scilicet in Galliam nihil unquam pro sano cogitantem, & Galeottum Iunium apud Alfonso Atestinum, qui & ipse iuriconsultus indomitæ feritatis & pertinaciæ civis inter populares habebatur. Eadem quoque de causa Franciscus Portinari elegantibus literis instructus, & Bartholomæus Gualterottus, quanquā
- 30 ingenij inefficacis iureconsultus, quod æquo acrius factioni popularium faverent, hic Venetias, illè in Britanniam missi sunt. Cæterum ordinatæ centuriatæ cohortes maxime lætum urbi spectaculum præbuerunt, quum inter duo augustiora urbis templa erectis altaribus traducerentur, iurarentq; singuli se patriæ libertatem contempto omni periculo defensuros, neque his uluros armis, nisi adversus hostem Reipub. servitutem afferentem. Hoc sacramento usque adeo devotis animis circiter quatuor milia hominum consociata sunt, ut fideli concordia diligentiq; armorum exercitatione coalescentes, magni sui patriæ fuerint, magnoque terrori non hostibus modò qui obsessuri erant urbem, forent, sed externo ascititioq; militum præsidio, quod mercede
- 40 ad tutelam urbis conduxissent, ne militari licentia compositæ & tranquillæ urbis disciplina turbaretur, quū armati vindices præstò essent, qui paulo insolentioris facti contumeliam ulcisci possent. IN T E R eas quoq; Lotrechij moras Veneti intentiore cura melioreq; spe copias undique conducebant, quod post elapsum carcere Pontificem, Cæsarianos cadaverosa in urbe, & magis ac magis pestilenti multis utique absumptis, multisque profundo luxu diffluentibus, facilè superari posse crederent, & quas in Apulia & Salentinis urbes antea possedissent, debellatis Cæsarianis ex foedere se recepturos arbi-

trarentur. Florentini quoq; eandem quam cum Gallis & Venetis ante cladem Urbis (uti memoravimus) societatem inierant, secuti, ante omnia Herculem Alfonsi Ferrariensis principis filium copijs suis cum summo imperij stipendijsq; honore præfecerant. Is tum nuptias cum Renata Ludovici regis filia Ferraria celebrabat: ex qua affinitate & ipse Alfonsus pater commutato studio eundem belli consensum veniebat. Videbatur autem id scædus tot principum arma consociantium non æquissimo tantum, sed longè etiam honestissimo iure percussum, quod salutem libertatemq; Pontificis ab initio respexisse censeretur. Verum hos omnes Cæsarianorum arrogantia cum summa impiebatate coniuncta vehementer angebat & inflammabat, quum se dira vastatione & crudelibus flammis nobilissimas Italiæ urbes deleturos minarētur. Erat enim edita in vulgus fama, eos conversis signis post absumptam & dirutam Urbem pari truculentia ad evertendam Florentiam ascensuros, facile invitante inextinguibiles Barbaros, & nulli unquam certi ducis imperio parentes opulentissimæ urbis præda, incitantibus maxime eos duobus è consilio Neapolitano senatoribus Ludovico Montalto Siculo, & Antonio Venafrano, quibus ut impijs sacri imperij decus maxime erat odiosum, scilicet ut effrænem atq; omnibus facinoribus contaminatam militum sociorum colluviem longè à Neapolitanis mœnibus averterent. Quibus adductos rumoribus Florentinos de renovando atq; arctius confirmâdo scædere consilia maturasse constat, quibus (uti postea compertum est) celeri atq; ipsis demum exitiosa festinatione, e. g. Galliarum regis & reliquorum principum prælata societate, Cæsaris amicum importune cõtemplerint. Ingentibus tamen sententijs de eo scædere incendo Florentijs certatū est, quum civitas in diversa studia promptis maximeq; studiis ad differendum civium ingenijs scinderetur. Movebant civitatē ut Cæsari potius quam Cæsaris Fortunam sequeretur, amplissimæ Franciarum Regis opes, gravis & excellens Veneti senatus autoritas, mirumq; locupletissimi Britannij Regis studiū, & Lotrechij præsentis rei secūde. Nam & tum Germani peropportune eiectis Adurnijs, qui Cæsari favebāt, in partes traducti, & Antonijq; Levæ pertenuēs in sustinendo bello vires, & auxiliorum ipse adhibere viderentur. Quæ res Florentinorū animos per se in Gallicum nomen proclives ita impellebant, ut magna pars populi privatis addicta lucris, quæ hac opima ex negotiatione Lugdunensis mercaturæ provenirent, Gallici scæderis decreto paratis suffragijs assentiretur. In tabulis autem diserte perscriptum est, ut descensuro ad liberandam urbem Romam, invadendamq; Neapolim Lotrechio, Etruscæ iuventutis legionem adiungerent: ex adverso ipse Lotrechius regijs viribus & copijs Florentinæ civitatis libertatē conservandam ab omni iniuria, defendendāq; susciperet. Atq; ita à Gallo rege missus est Florentiæ Claudius Velleius legatus, & à Venetis Antonius Surianus, qui scæderatę civitatis consilijs adessent. Non probarant id scædus Caponius ipse dictator, & optimatum atq; prudentium penè totus ordo, utpote qui ei parti, cui Pontifex adhaesisset, omnino adhaerendum censerent, & cum Pontifice honesta conditione, quæ incolumen liberę civitatis statū conservaret, pacisci oportere differrent. Providebant enim usu rerum periti Clemenē indomito spiritu ad pristinum patriæ dominatū aspirantem, facile oblivisci posse recentis acceptę cladis, tanquam non suæ, sed publicę omnium calamitatis, & Cæsari renovata amicitia rursus coniungi, ut illatam à rebellibus civibus peculiarem contumeliam vindicaret,

dicaret, ipsiusque Cæsaris felicibus armis in patriam reduceretur: quando quidem ipse suspirans & gemens, existimationis suæ iniuriam à Gallis vel intempeltivè, vel improbè dissimulatam quereretur, ipso præsertim novo fœdere, quo se illi Florentinis adversus eorum hostes opem laturos pepigissent, cuius nondum maturi, sed certè non multo post futuri rerum eventus, verissimus vates Caponius extitit, quum multorum imperitorū numerata suffragia adversus paucos rectissimā sentientes, uti plerumque fit, maximè valuissent. His rebus cognitis Clemens seipso amarior factus graviter angebatur, quanquam ad eum Viconius Turenus à Francisco rege missus, ea quæ iam transacta essent, elevare, mollireque, & subtilius interpretari contenderet: sic tamen lenire offensum non poterat, quin ille novi consilij curam coquere putaretur: suspensio namque animo ex rerum successu in complexum Cæsaris se dare, fortunamque eius sequi statuebat. Memini me eum familiariter sicuti solebat, his de rebus mecum cōtracta fronte sermones ferentem in hæc verba prorupisse: Quid mihi Jovi vel incolumi Pontificatus dignitate, vel hac restituta sanitate vitæ; opus est? si ab ingratis civibus patria pulso, & exuli perpetuo deploranda sit maiorum meorum vetus amplitudo, totumq; familiæ decus & fortuna principatus? Hæc enim omnia infami ignavia amisisse atque evernisse procul dubio existimabor, nisi eadem virtute qua illa longo tempore parta conservataq; fuere, & mihi & profugis adolescentibus recuperentur: referasque in annales tuos iustis votis meis non semper fortunam illuisse. At Lotrechius tota ferè hyeme Bononiæ absumpta communicatis cum Veneto, Florentinoque senatu consilijs, & constitutis itineribus per Æmiliam atque Flaminiam in Picenum duxit. Iam enim quas expectabat copię Helvetiorum & Germanorum atque item Vasconum, alæq; postremæ equitum advenerant, & Pisanus cum Veneto exercitu antecedens conducto Valerio Ursino ad Truentum amnem properabat. Valerius clade Romana elapsus Firmum pervenerat, ubi præpotentes habebat propinquos Brancadoræ factionis, cum Guerreria familiā de principatu contendentes, cuius princeps erat Federicus Cæsarianæ factionis. Is Firmanorum castella invadebat, nec Cariato antistiti Pontificis nomine Piceni præfecto parebat. Quibus de causis Cariatus Valerium sibi adiungit, & per eum qui alam veteranorum equitum conflaverat, Guerrerium interficit. Valerius quoq; quosdam Cæsarianos in Camertium iugis adortus Orpheo Aufidio duce cæso, profligarat, opulentaq; exuerat præda. Nā Sarra Columna ab Urbe Camerinū profectus, Varaniæ familiæ regulos vetere atq; legitimo dominatu depulerat, direpta urbe, & Catharina Ciboā, quæ Ioannis Mariæ uxor fuerat, omnibus ornamentis perfidiosè spoliata, & ad Ridulphum Varanium spurium, cui ipse sororem denupsisset dominatum civitatis detulerat. Ex ea Aufidiana præda Valerius coemptis undiq; equis, insignē alam auctam viris fortibus exornarat: qua fretus, cohortāte Pisano ad Aternū amnem contendit, nulloq; negotio, citiorem navigio atq; ulteriore turre potitus, tumultuarium pontē effecit, ad id operam insigni studio navantibus quibusdā Venetis nautis, qui forte ad fauces amnis erāt in statione, & subducta navigia multamq; materiam ad efficiendū sternendumq; pontem convexerunt. Hoc nuncio Pisanus vehementer ex hilaratus est, utpote qui neq; amnis ripam defensoribus vacuam, neq; profluentem submersi olim magni Sfortiæ miserabili interitu nobilitatum, facile transiri posse existimarat. Itaque promotis co-

prius Valerius eadem celeritatis felicitate Sulmonenses & Praetutini, Peligni-
 nominis gentes, in potestatem sine vulnere redegit, quod Caesariani duces
 eius regionis oppida, nullo militari presidio munivissent, rati Lotrechium non
 illac facturum iter, sed per Flaminiam ad urbem Romam recta perrecturum.
 Non videtur hoc loco praetermittendum, quid Venetis cohortibus praecunte
 eorum equitatu a Sulmone iter, habentibus acciderit. Eas siquidem ingenti vi-
 soque ventorum turbine exorta atrox tempestas miserabili ac inopinato cladis
 genere penè totas oppressit: nondum enim planè exacta hyeme, ut in aridis
 & montanis evenit locis serius in ver novum annus aperitur, & culmina mon-
 tium praealtæ diu insident & occupant nives. Inter duas Apennini arcus fau-
 ces imminantium utrinque altissimorum montium adversis iugis, non mul-
 tum lata, verum plana vallis extenditur, spatio quadraginta fere stadiorum.
 Hunc locum incolæ Peligni quinque milium planum appellant. Haec autem
 est eius angusti itineris natura, ut exorti venti quum ingruant, contrario in-
 se, & rapidissimo impetu convolvantur: sublatae nives è iugis deficiunt, & in
 gyros per aera vertant, quibus media in valle iter habentes, interclusio spem
 repente suffocent & perimant. Propterea explorare oportet inconstantis coeli
 serenitatem, quæ subitis sæpe momentis fallax, viatores decipit: quoniam
 abditi introrsus specus conceptum naturali terræ habitu spiritum, ex illis in-
 flecentium inter se montium anfractibus violenter expuant, certo semper
 exitio deprehensorum, nisi intento cursu celerrimè faucibus elabantur. Per-
 re in eo turbine trecenti ferè pedites, reperti quæ sunt rigentibus membris
 cæti, dormientibus planè similes, quum repentinæ procellæ tempestas deci-
 sisset. Cognito Valerij, Pisani quæ progressu, qui Aterni amnis transire possent
 essent, pontem quæ in eo nullo prohibente construxissent, Lotrechius quæ ad-
 huc erat circa Firmum incertus an transversis itineribus in Campaniam ve-
 verteret, celeritatem sibi adhibuit, & Venetas consecutus copias, tormentis
 Aternum amnem antè parato ponte transvectis in Apuliam penetravit. Pe-
 trus quoque Pisaurius apud Lotrechium legatus, & Camillus Virsius cum
 reliqua parte exercitus Veneti sese Pisano & Gallis coniunxerunt. Consta-
 bant Venetæ copiae mille ferè levis armaturæ equitibus, in quæ erant Epi-
 rotici & Græci generis pileati peltati quæ circiter quingenti, Andrea Cibrario
 duce. Reliqui Italico more galeati, thoracati quæ erant, inter quos armis splen-
 didior, & Thracibus equis validior Valerij ala censebatur. His adiunctæ e-
 rant aliquot cataphractorum turmae, ipsa quæ praesertim Alfonso Ferrarienti
 principis ala, Francisco Cantelmo nobili duce ad Lotrechium iure foederis mis-
 sa. Peditatus autem constabat Germanicis cohortibus octo mercede condu-
 ctis, quibus praerat Petrus Avogarius nobilis Brixianus: reliquæ cohortes e-
 rant ex delectu Italico, apud quas Gabriel Ripa veteranus summam obtine-
 bat auctoritatem. Eodem quoque tempore Gallicis sese castris adiunxit Pe-
 trus Navarrus, qui commeatibus cavens, & locorum notitia adductus cum Va-
 sconibus suis, & Cantabris, & per Sabinorum & Aquilanorum fines, Fuci-
 num quæ lacum, Capistrano oppido ex itinere expugnato, iter confecerat, Lu-
 ceriam quæ peruenierat. Atque ita Lotrechius positus ad Sanctum Severum castris,
 nusquam conspecto hoste copias recensuit, quæ & specie & numero, robore quæ
 firmissimarum gentium, triginta ferè millium numerum implebant. Valde mon-
 tius Lothoringiae reguli frater, qui superioribus annis ea spe Neapolim pene-
 trarat,

irarat, & Salernum manu ceperat, ut regno quod antiquitus Andegavensium
 regum fuisset (horum enim ipse legitimæ stirpis erat hæres) adiudicante Cle-
 mente potiretur, legiones duas Germanorum ducabat. Præerat Helvetie le-
 gioni Tēdanus Comes, Bastardi Sabaudi filius, quibus addebantur subsidia-
 riæ Sclopettariorum Italicæ cohortes. Equitatus autem Gallicus peramplus
 erat & illustris, cui Gherlindanus Britannus ab Henrico Rege missus, peculia-
 rem aliam adiunxerat. Hac procedentis Lotrechij fama permoti Aurantius
 & Vastius operam dabant, ut Germanos & Hispanos hærentes prædereli-
 quis, & de constituenda in Vrbe colonia cogitantes educerent. Exuisse enim
 10 uisq; adeo veterē ferociam, turpiq; ocio emarcuisse videbantur, ut nisi egrē mul-
 taq; comminatione severi imperij, signa sequi velle crederentur. Sed illatus ab
 infenso validoq; hoste metus, & salutis & decoris cura, vel segnes animos ad
 iter erexit. Atque ita vacua relicta Vrbe Latina via profecti exitinere Vastius
 Vallemontonium Latij oppidum, quod Baptista ē Comitum familia nobilis
 adolescens, neq; portas aperiret, neq; cōmeatum præberet, tormentis expu-
 gnavit, cruenta irruptione direpto oppido, quod in ingressu nonnulli viri for-
 tes, & in his Beltrandus Russius nobilis Parmensis, & Gallindus Hispanus cō-
 hortis præfectus, Vastioq; familiaris cecidissent. Exinde per Hernica oppidā
 in Campaniam iēre, ad levamq; deflecentes per Sidicinos, Exerninos atq; A-
 20 lisanos fines, & per Serram demū, quam vocant Capreolam, ex qua facilis est
 ab Apennino in Apuliam descensus, Troiam pervenēre. Hæc urbs ex veterum
 Harporum ruinis, cuius agri pars nomen adhuc retinet, ædificata dicitur, ma-
 gnamq; habet celebritatem, quod edito in colle posita, subiectæ Apuliæ cam-
 pos, Garganumq; montem, & Hadriatici maris litora prospectet. Lotrechius
 ubi hostes ad Troiam constitisse didicit, Luceriam ad Navarrū est profectus;
 sequentiq; nocte Valerium, quod firmis & expeditis turmis uteretur, & ip-
 se alacri ingenio navandæ operæ esset avidus, Troiana via exploratum misit,
 ut aliquo excepto de hostium consilijs numeroq; ac eorum sede & castrorum
 ordine certius cognosceret. Inter Luceriam & Troiam medio fermē itinere,
 30 flumen exigū verū cavis admodum ripis decurrit, in quies pari explorandi
 studio Vastius Hispanorum validam manum condiderat. In albescente itaq;
 celo Valerius ad amnem præveniens, quum paucos equites ab amne in ulte-
 riorem ripam evadere iussisset, hostes in insidijs occultatos deprehendit. Illi-
 co quid repererit (quod ita facere iussus erat) Lotrechium docet, petitq; ut sibi
 liceat transire amnē, & cum hoste manū conferere. Id severē negat Imperator,
 sed mox alacrium juvenū globus ē Gallicis alis Valerium subsecutus cōspecto
 hoste, quin pertransiret, vel obestante obistenteq; Valerio retineri non po-
 tuit. Accensum est leve primo prælium, sed sensim acrius & ardentius. quoniā
 multo frequentiores quā putassent Hispani pedites & equites ex deprexis
 40 locis prodibant. Pugna autem eō deducta est, ut Galli quanquam summa ala-
 critate depugnarent, in magnum discrimen perducti viderētur: quorum per-
 motus periculo Valerius vel contra Lotrechij imperium opem ferendam sta-
 tuit, ne in primo congressu ad omen universi belli aliquod detrimentum vel
 dedecus acciperetur, quando ea Gallorum manus ex equitibus primæ nobili-
 tatis constaret, cui se ducem præbuerat Griffæius cum Regis gratia, tum suo
 bellico vigore præstans juvenis. Nec mora, suo procurfu Valerius iam planē
 circumventos & perturbatos Gallos confirmavit, opportuneq; summotis
 dd

hostibus citra amnem reduxit. Nam aliæ atque aliæ hostium turmæ, & pedum cohortes eo consilio ex acclivibus locis se demittebant, ut aucto numero renovatoq; impetu, pulsos in amnem, præruptumq; cavæ ripæ alveum præcipites darent. Succensuit Valerio Lotrechius, quod suo iniussu amnem transisset, quasi eum puniturus, nisi Grisseius cum suis defensus, & proculdubio servatus, resq; peropportune & fortiter gesta, severi alioqui ducis iracundiam mitigassent. Postero die Lotrechius motis castris ad hostes rectâ contendit, in subiectisq; Troiæ campis equestri prælio summa utrinq; alacritate certatum est, nullis quidem interpositis sclopettarijs, ita ut levi cum periculo, quantum quisque eques lancea gladioq; valeret, ex cristis ac insignibus nosceretur. Cæptus est in eo congressu Martius Columna impiger adolescens, quem Pompeius Cardinalis patruus paulopost pecunia redemit. Cæsariani duces acclivibus in locis castrametati, distinctis atque ordinatis copijs sub Troia consistenterant: posteroque die Lotrechius sese in conspectum dedit, ita aciem flectens, & copias ostentans, ut multo tubarum clangore hostes è propinquo ad committendum prælium provocaret, & proVectis in gyrum curulibus tormentis, in adversos ea disploderet. Sed pilæ in erectos per acclivia hostes minime inferebant detrimentum, quod terreno statim haustæ vix uno aut altero interfecto, nec subilirent, nec confertis aciebus inciderent, sic ut uni tantum signifero Christophoro Ario cum vexillo dextra manus falconis ictu abripere videtur. Aptâ videri poterat occasio conferendæ pugnæ quibusdam audacibus, quod insolentissimi hostis conspectum tam diu minime ferendum putarent, eundemque ducem atque eosdem hostes sæpius victos acri concursu propelli & profligari posse arbitrarentur. sed Vastius et Dorbinus Auranti fervidos impetus moderari soliti, Gallos mora & cunctatione eludendos, retrigeraque demum earum gentium quæ impetu valerent, dimicandi cupiditate, sine vulnere, uti sæpe alias debellandos differebant, ob idque præsertim quod tum omni tormentorum carerent apparatu, & cataphractorum alas, Garzia Mamerico, & Ludonio ducibus, Neapoli profectas, atque item quorundam procerum Neapolitanorum auxilia, ipsumque præsertim cum suis cohortibus Fabricium Mamaraldum expectarent, ne priusquam bene explorata victoriâ, non de regno modo Neapolitano, sed de Mediolanensi quoque imperio unius prælii alea dimicarent. Id verò unum eos ad confligendum hortari poterat, quod nondum Horatius Baleonus cum Etrusca legione Lotrechii castris applicuisset, proptereaque si pugnam differrent, hostem non novis, sed exercitissimis sclopettariorum cohortibus firmiorem se postea inventuros intelligerent. Constabat enim ea Baleoni legio magna ex parte veteranis, quum sub Ioanne Medice ad summâ bellicæ virtutis opinionem pervenissent. Verum ut postea ab ipso Vastio, Dorbinoq; audiui, Hispani & Germani nequaquam pristinam eo die animorum alacritatem ostenderunt, quum multorum mensum desidia, & luxu captæ Urbis enervati, onusti q; præda, omni decori & laudi, quæ periculo parari possent, vitam anteferre, & partis divitijs atq; ocio frui velle videretur. Per hunc modum Lotrechius frustra provocato lacessitoq; hoste, ea copiarum & pugnæ ostentatione lætus, quod hostes alias pugnacissimi oblato prælio defuissent, copias suas reduxit in castra, & septem fere sequentibus diebus quid consilij agitaret hostis expectavit, quum perpetuo in eadem planicie, inter duo castra quotidiana exercitatione, minutis & diversis equestribus

stribus prælijs certaretur, decoro potius quam cruento spectaculo; quū ingens
 utrinque equitum multitudo, nihil intermixtis sclopettarijs, raro lethali vul-
 nere dimicaret. Cecidit tamen è Cæsarianis Teias Aghillarius levis armaturæ
 equitum præfectus, quum aurato insignis sagulo in aciem prodijisset, & hostes
 cum ab illo splendido ornatu Aurantium esse existimantes certatim adoriren-
 rentur. Hic est ille Teias immanis sævitiae Hispanus, qui capto in Vrbe Lau-
 rentio Granio Signino episcopo, Romana florenti eloquentia, quum ille e-
 gens pecuniæ, & direpta domo redemptionis pretium ægrè expedirèt, sacra-
 tum caput insolenti vulnere propè discidit. Interceptus quoq; est Ferdinandi
 10 Gonzagæ alæ equitum signifer Campegius cum vexillo; quum frumenta-
 rionibus præsidio missus in Gallos equites incidisset. Tum verò Cæsariani co-
 gito Baleoni adventu, qui non procul inde aberat, movenda castra statuunt,
 & rectà Neapolim multis de causis contendendum censent, ut ibi certiore spè
 com meatus, & maioribus præsidijs bellum gereretur. Sergianum verò Carac-
 cium cum sua cataphractorum ala, duabusq; Hispanorum, & quatuor Italò-
 rum cohortibus Melphim ipsius Sergiani ditionis urbem, ut præsidio sit di-
 mittunt, multisq; relictis ignibus, crasione matutina aura tecti, deceptis Gal-
 lis & præmissis impedimentis, peditatuq; omni novissimum agmen validi e-
 quitatus præsidio firmant, & per Creppacori iuga, quæ sunt arctæ fauces, è
 20 Samnio in Campaniam descendunt, serò persequentibus Gallis, qui in ea ex-
 ortæ nebulæ caligine, de discessu hostium nihil pro certo explorare potuerāt.
 Nec multo post Horatio Baleono obviam missis equitibus eius legionem ab
 apparatu specieq; militum cumulatè laudatam cum mutua gratulatione in ca-
 stra receperunt. Tum verò apud Lotrechium in consilio disputatum est, an
 hostè prælio decertare non ausum, & ex ignobili discessu in non dubiam con-
 verium fugam, uti credebāt, persequi præstaret, an expediendis com meatibus,
 nihil in tergo nisi pacatum, omniq; metu vacuum relinquere. Guidoni Ran-
 gono, qui multius dux habebatur, ipsiq; item Valdemontio, & præfectis a-
 larum ferè singulis, uniq; præsertim Valerio Vrsino magnopere placebat in-
 30 stare abeuntium tergis, & proculdubio à clandestino turpiq; receptu perterri-
 tes & disjunctis agminibus diversa itinera capientes, toto equitatu consecrari;
 fore enim ut insigne detrimentum novissimis inferretur. Si verò hostium e-
 quitatus ora cōverteret, ut postremi agminis terga tueretur, eum per sclopet-
 tarios Etruscæ præsertim legionis, qui essent summæ pernicietatis atq; peritiæ,
 facile sustineri atq; propelli, & si fugam intenderent, exui impedimentis: quo
 eventu nihil ipsis Romana præda onustis gravius, nostro verò militi lætius, et
 ad opinionem speratæ victoriæ confirmandam atque attollendam utilius &
 speciosius accidere posset. His Navarrus (si universi belli exitus spectetur) fa-
 tali sibi & Lotrechio, cæterisque ducibus & copijs maxime funesto consilio
 40 contradixit, veterem secutus belli rationem, ne si fervidis animis abeuntibus
 hostibus incumberent, ea omnis qua tum potirentur, adspiscendi com mea-
 tus facultas amitteretur. Neque enim sperare debere, ut vicos & oppida com-
 meatibus plena, per quæ antecedens & prædabundus hostis transiret, diffu-
 gentibus metu incolis reperirent. Relinqui siquidem in tergo Melphim o-
 pulentā urbem militari præsidio & peculiaribus Sergiani reguli viribus con-
 firmatam, unde frequentibus eorum eruptionibus impediri atq; intercludi
 subvectione frumētarias posse, nemo belli regionisq; peritus non dubitaret.

ita quæ sibi Melphim omnino aggrediendam expugnandamq; videri, & circumiecta oppida in potestatem redigi debere, ut nihil hostile retrò metuant, & deficientium ab hoste eius tractus populorum fama aucti, ex tuto Neapolim usque penetrent. Hæc apud Lotrechium sententia vicit, quum nec fugientes & perturbatos prope Cæsarianos Fortuna defereret. Nec mora Navarrus cum iusto tormentorum apparatu Melphim contendit, eisque prolaris magnum in muro hiatus fecit, sed nequaquam usq; adeo latum, ut non plus quàm bini aut terni milites irrumpere posse appareret. Subière tamen temere atque audacius quàm expediret Etrusca vexilla, quæ quum per ardua eniterentur, & difficiliorem opinione aditum reperirent, multis interfectis & vulneratis troversa sunt, egregiè propugnante Sergiano. Cæterū Vascones & Cantabri Etruscis succelsere, magnaq; vi ad deiecti muri aditum dimicatum est, maioris oppugnantium cæde atq; periculo: quoniam Navarrus ut conglobatis cohortibus latiore ingressum pararet, tormenta in eam partem cōtinenter ita adigebat, ut multi qui primi ascenderant, tergis pilas exciperent, & miserabilis sociorum strages ederetur. Sed his incommodis atq; vulneribus accensius riter Valcones & Etrusci, vi facta in urbem perruperunt, neq; quisquam fore ex Hispanis & Italis qui erant in præsidio irati victoris sævitiam effugie, manavitq; cædes ad oppidanos tanta rabie, ut infantibus & foeminis æque parceretur, & victores inter se de captivis & præda rixantes catervatim manus confererent. quæ res cæsum stragem accumulavit: Nam à Navarro circiter quingenti omnis generis milites desiderati sunt: ex oppidanis autem & prædianis cohortibus & turmis supra tria hominum millia cecidisse referuntur. Captus est ipse Sergianus Caracciolus, qui constantissimè, uti debebat, suam urbem defenderat. Melphi expugnata, Venusini Gallis deditiōem fecerunt, quorum exemplum secuta sunt pleraque oppida Lucaniæ & Apuliæ, apud quæ non ingratum erat ex veteribus studiis Gallicum nomen. Atque eo modo Navarrus quum nulla hostium manus occurreret, ad Lotrechium reversus est. At Cæsariani ex itinere Arriano oppido direpto, quod Arrianienses ex vetere factione Gallorum adventum expectare viderentur, præter Avellitum & Montefusculum lacteis figulinis nobile, tripartito agmine, quum Aurantius cum Germanis præcederet, Gonzaga cum equitatu latè diffuso, quod nemo instaret hostis, subsequeretur: & Vastius cum Hispanis Nolam peteret, paucis diebus uno fermè tempore Neapolim contenderunt. Cæterum Hispani ad Nolam more suo stipendia flagitantes, vix concionantis Vastii cohortatione, ad seditionem consternati, in officio contineri potuerunt, increpita scilicet malignitate atque stultitia eorum, qui præda divites instante tergis hostis stipendia vel merita, importunissimo tempore postularent. Ad id impudentiæ facinus milites Dorbini opera incitatos Salsedus eximiae virtutis veteranus dictitabat, non obscura dignitatis obtrectatione, quando is ad honorem magistræi castrorum, quo Dorbinusungebatur, vehementer aspiraret. Quade causa Dorbinus ut calumniam dilueret, capitale ausus facinus, spectante Vastio in Salsedum enses destrinxit, ei que brachium discidit. Eius atrocis & insolentis facti conspectu acriter permotus Vastius, in Dorbinum irruit, sua manu Salsedi iniuriam, & percussoris temeritatem vindicaturus. Quo animadverso Dorbinus ex irati ducis oculis vitæ suæ periculo, in genua procumbens, gladii cuspidem comprehensi capulum duci porrigens, hoc inquit in meam

necem

necem utere Imperator, qui iracundè potius quàm iniquè nominis tui offensa maiestate deliquerim. Tanta enim erat erga Vastium vetus Dorbini reverentia, ut effugere metu mortis dispuderet. Hic demissi & supplicis, nec mortem deprecantis habitus paratam semper in Vastio generosi animi clementiam facile excivit, ei quæ non modò pepercit, sed pristinum honorem qui erat summus in exercitu etiam conservavit: quod strenuissimi viri eo gravi bello virtutem magno sibi usui futuram iudicaret. Sed Salsedus nequaquam mortiferi vulneris, sed implacabilis animi dolore multos post dies Neapoli excessit è vita. Quum Cæsariani duces ad Neapolim coniunctis copijs pervenissent, & Vastius orantibus Neapolitanis, & sese omnes affatim commeatus suppeditaturos pollicentibus, castra idoneo loco extra urbem ponenda censeret, Vgonis Moncatæ, & Alarconis sententia prælata est, qui introducendum in urbem exercitum contendebant: quoniam dilabentibus, & in fidem nutantibus quibusdam Andegavensis factionis regulis, populum ab insita levitate novis rebus & regibus semper studentem defecturum crederent, quum primum Gallica signa conspiceret. Contineri enim in officio & fide facile posse præsentibus, & portas & moenia tuentibus militum præsidjs: quando paratus esset in urbe, & in arcis horreis frumenti & commeatus omnis generis copia, vique præsertim, qua una re allici promereri quæ Germanorum animos constaret. Hanc reliqui duces Aurantius & Gonzaga militibus id expetentibus favere soliti, sententiam approbarunt, vel graviter reclamante Vastio, qui eo consilio urbem miserè & propè hostiliter à socijs direptam iri intromisso exercitu prædicabat. Sed nihil eius ante provisæ calamitatis detrimentum externorum ducum animos permovebat, utpote qui neglecto omni civium incommodo, uni tantum defensionis urbis, publicæque militum saluti prospicerent. Atque ita frustra lugentibus Neapolitanis per idonea urbis loca exercitus regionatim est distributus. Nec multò post Lotrechius cum omnibus copijs in conspectum se dedit, castrametatusque editis in collibus, & perductis perpetuis munitionibus quæ ad mare usque pertinerent, præaltis atque admirandis aggeribus se circumsepsit, ipseque in Aragonij Montaltii villa prætorium fixit, quæ exeuntibus ab urbe Campana via ad dextram relinquitur. Navarrus autem diversis constitit in iugis, qui ad levam ultra divi Martini collem vergunt, & Ianuariæ portæ imminet, & in Ioannis Roscæ villa munitionissima castra constituit, eo consilio ut longam obsidionem terra marique instituerent, & vicinas Neapoli urbes Capuam, Aversam, Puteolos & Nolam, quas occuparent, præsidjs obtinerent. Tum verò Gallorum antecursores, atque admixtæ aliquot sclopettariorum cohortes ab æde divi Antonij ad Campanam usque portam decurrerunt, in quas Cæsarianorum globus erupit, certumque est tumultuaria pugna, sed paucis utrinque interfectis, quum Galli aucti numero vehementer urgerent, Cæsariani cadente Verreio intra portam compulsi sunt. Hic Verreius, ut supra diximus, ab Hispania missus à Cæsare Romam ad duces mandata detulerat: verum postea depravatus malignitate quorundam, ne interesset factionibus quibus Pontifex dimitteretur, astutè quidem, sed levissimè Neapolim concesserat, primusque improbæ suæ voluntatis poenas dedit. Exinde cunctis ferè diebus levia certamina serebantur, quum Galliciaudacter procurrerent, & Cæsariani erumpentes novi hostis ferociam egregie sustinerent. His minutis prælijs nonnulli utrinque ceciderunt, quod inter-

mixti equitibus sclopettarij rem gererent, & eos dispersos Hispani levis armaturæ equites turmatim aggredierentur. Per hunc præliandi morem Roscius Ciarius nobilis atq; fortissimus inter Etruscos iuuenis, quū suos dispalatos recipere conaretur, ab equitib. est interfectus. Interim Neapolitani inexpectata ab Hispanis atque Germanis domesticarum rerum detrimenta perpessi, & duriora indies expectantes, sese privatis obsidionis ærumnis, periculoque publico eripere cœperunt, atque inde nauigantes in proximas Capreas, Aenariam, Prochitam, & Surrentini litoris tuta ab hoste atque salubria loca se conferebant. E proceribus quoque Neapolitanis plerique diuasi sunt, & in his mutata fide multo maxima pars Andegauensis factionis ad Gallos transiit, priusque omnium Vincentius Caraffa Montis sacrae arcis oppidi regulus, Cæsarianis diffidens rebus ad Lotrechium se contulit. Huius viri iudicium quod exactæ militaris prudentiæ haberetur, multi sunt temere subsecuti, quod a tanto viro consilium anceps, nisi graui cum ratione susceptum non existimarent. Ex his fuere Caracciolus Murconij Comes, Ferdinandus e Pandona familia, Bouiani regulus, Federicus Gaetanus, Franciscus Aquinas Quadraræ in Apulia regulus: qui demum finito bello aut securi percussī, aut bonis mulctati, malefauæ & infidæ levitatis pœnas dederunt. Sergianus quoque Caracciolus qui animo tam forti quàm fidei apud Melphim captus fuerat, quum aliquandiu summis precibus ab Aurantio, ut redimeretur, impetrare nequiuisset, ab hac contumelia indignabundus Lotrechio liberanti sese addixit, dictoque sacramento a rege alæ equitum præfecturam promeruit, & decora sacri ordinis nobilium procerum torque donatus est. Interea Neapoli quanquā magna frumenti copia suppeteret, conficiendi panis difficultate usque adeo laborare coeptum est, ut Germani præsertim frumento cacabis excocto vescerentur. Nam & frumentariæ molg quæ sunt ad Sebethum fluuiolū, & aliæ quæ sunt in Campaniamne ad Acerras, atq; Suessulam, in potestate hostiū erant, cui incommode solerter occurrebatur ab Hispanis & Italis qui paruas lapide suburbane molas manu ductiles confecerant, quibus triticum egregiè, sed nequaquam satim molebatur. Nec vini iam tanta supererat copia quæ satis esset Germanis, quæ potum tanquam visceribus noxium abominantibus. Eius quidem desiderio tanquā æquum & debitū postulantes uniuersas propè vrbis cellas cum fremitu scrutabantur, sic ut Daualam ipsius Vasti domū sæua irruptione violare non veriti, aliquot Græci vini dolia, subter hortum manufactis scrobibus recondita, ex indicio infidelis fabri detegerent, factoque totius exercitus concursu, perpotando galeis & aquarijs cuppis asportando ocysimè exhaurirent, quod modicè parcendo, omnibus per aliquot dies suffectura crederetur. Interea accitus a Lotrechio e Genua Philippus Auria, Andreæ Auriæ Gallicæ classis præfecti legatus, cum octo triremib. circa Neapolim venit: cuius adventu propè omnis aduētitiij commeatus spes hostibus inrerclusa videbatur, eoq; arctius quod supra Ligusticam classem, Venetorum quoque triremes circiter viginti superato Mellanæ freto ad invadenda obrinendaque litora, propediem venturæ nunciabantur. Quarum fama adducti Cæsariani duces, priusquā Venetæ triremes Siciliae fretū transirent, cum Philippo configere statuerunt. Habebant Cæsariani sex tantum triremes, biremesq; duas, consiliq; virtuti militum, & quatuor magnarum navium scaphis quas sclopettarijs impleuerant, & reliquis pari ratione minoribus nauigijs, quæ frahatae vocantur, concurrere

rostris,

rostris, manusque conferere minimè dubitabant. Erat enim cum Vastio, qui cum Vgone Moncata prætoriam conscenderat, delectorum flos militum. Dorbinus accuratè fortissimum quemq; et Cantabrico mari affuetum virum delegerat, & in his promptissimos centuriones atq; signiferos, quos nihil maris nausea atque iactatione perturbari consueisse didicisset. Conscendit quoq; & ipse magister equitum Ascanius Columna, & pleriq; alij viri insignes sua sponte nihil de victoria dubitantes: & ne Germani quicquam Hispanis de virtute concederent, Conradino Glornio duce circiter duceti duas triremes contulerunt, magnaq; alacritate è Pausilipo solventes, ad insulam Capreas contenderunt, atq; ibi iuxta fontes ex iocundiore mora largius epulati, Consalvum etiam Barectæ Lusitano cucullato, qui religiosæ soliditudinis causa illis in rupibus tugurium condiderat, concionanti aures præbuerunt. Is vehementissimè cohortatus duces singulos obtestabatur, ut pristina virtute uti, pietatisque patriæ memores, crudeles ulcisci Ligures, atq; eos acri maxime impetu invadere ad non dubiam victoriam vellent, scilicet ut tot miseros Hispanici generis viros longè fortissimos, quos illi perpetuis verberibus & contumeliis affectos, & pro servis remigibus cathenatos ad transtra detinerent, ærumnosâ atq; infami servitute liberarent. Dum prolixè atq; inflammatè Barecta concionaretur, Biordus Agnesius Neapolitanus non tam Gallicæ factioni addictus, quam Hispanorum arrogantiae infensus, in adversum insulæ litus se demisit, & veloci vectus navicula ad Philippum advolavit, primusq; certum nuntium tulit de numero apparatusq; & ducibus Cæsarianæ classis. Quo cognito Philippus supplementum unius centurię sclopettariorum à Lotrechio postulavit & accepit. Nec diu post Cæsariana classis pluribus expansis vexillis conspicua, a Capreis discedens in conspectum hostium se dedit. Erat tum Philippus oram legens Salernitani litoris ad Concham stationem, quam promontorium tenue, Vrsi caput à nautis appellatum, suo obiectu efficit. Id abest non magno spacio à prominentiore Campaniæ promontorio, quod Athenæum antiquitus dictum, hodie Capellam incolæ vocant. Ea species ornatissimæ hostium classis non mediocriter Ligures commovisse visa est, sed rei navalis periti, eam mox non ineptè contemplerunt tanquam secus ac disciplina flagitaret, nullas ad mali summitatem caveolas, quas gattos vocant, habentem. Eæ cavæ summis alligatæ malis singulos speculatores simul & propugnatores continent, sicuti in carchesijs onerariarum navium fieri videmus, è quibus deni & sæpè pro navigij magnitudine viceni homines saxi, atq; missilibus propugnant. Tum verò Philippus advocatis in prætoriam navem trierarchis, his ferè verbis eos allocutus est, digito adventantem hostium classem ostendens. Viri inquit generosi invictæque virtutis, cives optimi, magnum hodie (uti video) ex certa propè victoria decus proponitur, quum numero triremium, cunctisq; rebus bellici apparatus, & fortitudine animorum, peritiq; rei navalis præstemus. Sint utiq; hostes nostri, ut ipsi iactant, egregie pugnaces terrestribus præijs, in navali certè cōcursu, neq; discurrere, neq; se conglobare expedire poterunt, quum inter transtra & angustis in foris sibi sit dimicandum excipiendeq; sint, uti fors feret, tormentorum pilæ, quum nullus receptui, aut declinationi locus propugnantibus relinquatur, præpediente præsertim remigum turba, quæ obiecta ictibus, & suo periculo terrefacta, facultatem consistendi, aut locum mutandi prorsus eripiet. Itaq; quum nihil de receptu nobis sit cogitandum.

& ne dedecus admittatur, omnino sit cum oblato hoste confligendum, existimate veterum maiorumq; nostrorum gloriam tot prosperis navalibus praeliis partam, in dextris vestris atque peritia esse repositam. Hanc uti reor quisque optimus civis, non conservare modo, sed augere plurimum debet, ne degeneres atque obliti disciplinæ à socijs pariter atque hostibus existimemur. Ipsum verò Andream Auriam imperatorem nostrum præsentem adesse putatore, & virtutis ac ignaviæ futurum testem, ut fortibus digna, aut æquo iure ignavis ignominiam paret. Trierarchi vocem sustulerunt, quam alacres & pugnavidi edere solent, paucisq; verbis de excipiendi atque invadendi hostis ordine inter se constituentes, ut quæ in rem opus forent, aptè pararent, ad vias suas continuo redierunt. Summa expediti decreti fuit, ut Philippus quinque rostratis suis in hostem inveheretur, cū reliquis verò tribus Nicolaus Lomellinus in altum evadens, ubi cœptum foret prælium, capto circuitu, relexoq; opportuè remigio in puppes lateraq; hostilium navium prætoria præcipuè petita audacter incurreret. Itaq; Philippus è promontorio in apertum mare progrediens, sese ad pugnam obtulit: neq; Vgo vel ob ideam deterritus ausus est, quòd tres quas diximus Lomellini triremes concepto metu aufugere crederet, & iniqua conditione quinas Aurianas secum concursuras arbitraretur. Vbi appropinquatum est, ambæq; prætorie ad mutuam concursura proas dirigerent, Vastius salubri ratione Vgonem hortabatur, ut prior manus tormentum emittere properaret, ut exorta fumi caligine hosti certior ictus eriperetur. Sed Vgo qui rei navalis peritissimus existimari volebat, & dum cunctis veteribus trierarchis ad Capreas pugnae aleam minimè subcundam differentibus, ignavia increpita contradixerat, tam diu displodere tormentum distulit, ut Philippus in id sedulo intentus, atque aptè collimans suum ingens tormentum, quod Basiliscū appellabat, in hostem emitteret. Huius immensa pila perfractis supra rostrum crassioribus pluteis, qui Rambartæ vocantur, horribili strage hominum per foros à prora in puppem pervolavit tanta violentia, ut discerptis supra triginta partim militibus, partim navalis officii magistris & remigibus, etiam in ipsa puppe multos insignes discerperet, & inter eos Petrum Cardonium Siculum, Vastij propinquum, qui geminos fratres Vgo & Pergas Masinij regulos, obrectatione amatoria apud Mediolanum interfecerat, & Leonem Talsinum Ferrariensem, à quo Gevarræ Potentiani reguli filius ex similitudine Vastij cum patre concepta magnæ spei adolescens, in fons nuper fuerat confossus. His accessit Gusmanus Hispanus miræ dulcedinis citharæcedus, qui ioci causa (uti fata trahebant) consensu iam principibus & oratorum solventibus, in prætoriam per remos prorepserat, sicut horum cruore atque visceribus Vastius & Vgo scædarentur. At Vgoniani libratores ita suum ingens tormentum in Philippi prætoriam direxerunt, ut præpediente hostili fumo non magnum inferret detrimentum, quoniam Ligures secus ac Hispani non per foros expositi ictibus, sed ad scalmorum proiecturas, quas posticos vocant, intra circumseptas solidis asseribus spondas proclinati, interremiges consistebant, & per fenestellas tanquam è mœnibus crassioribus sclopettis rem gerebant. Interim dispari Fortuna Cæsarianæ tres, quarum nomina hîc minimè prætereunda putamus, Gibba Iustiniano Ligure veteri trierarcho, in qua propugnatoribus præerat Cæsar Feramusca, & cum hac duæ Catelani generis Secamia à Secamo impigro trierarcho, & Villamarina pa-


riter à Bernardo Villamarino nuncupatae, concitato remigio Aurianas duas Peregrinam scilicet & Donzelliam, quæ vox pedissequam virginem significabat, adactis rostris invaserunt, vehementiq; edito certamine in eas Hispani milites egregio ausu transfugerunt. His conspectis rebus Lomellinus opportunè ex suo flexu conversis prorsis uti constitutū imperatumq; fuerat, ad navandam operam advolavit, tantoq; impetu in hostilem prætoriam invectus est, eo ordine, ut uno tempore tria maiora tormenta in hostem disploderentur. Maura puppem deterso gubernaculo perfregit. Cæterū patrona quæ ab inaurata Neptuni imagine Neptunia vocabatur, disturbato foco, & aliquot remigibus discerptis malum perfringens, ita convellit, ut quod miserrimum & in multis lethale fuit, antennæ conciderent, quarum casu complures oppressi sunt, & in his Hieronymus Tranensis, qui in universa tormētarij negotij præfectura Antonello patri Cæsaris munere successerat. Domina verò quæ matronæ perornatae ad puppem signum præferebat, rostrum & reliqua proræ tabulata decussit. Nec mora ex tres conversis remis iam ab hoste Peregrinae atq; Donzelliae captis maturè opem tulerunt. Porro Mauratum peritissimè se se circum volvens in oppositam Gibbam minorum & mediocrium tormētorum procellam grandinis modo effudit gravi Gibbae periculo: nam præter epibatas & remiges fœdè occisos, Cæsar etiam Feramusca smerilij, quod est minoris falconis genus, pila traiectus in mare decidit: ipsi verò Iustiniano trierarcho femur glande traiectum, & Baredus centuriæ sclopettariorum præfectus, tribus mortiferis vulnerib. est fauciatus. Alia in parte Perpenniana & Calabrensis Oriana nomē accipiens à familia trierarchi, qui inclyti olim navalib. victorijs Rogerij Oriæ stirpis esse dicebatur, quū hostiles Syreniam atq; Fortuniam adortæ, utramque magno affecissent incommodo, & ferè in potestatem redegissent, conspecta suorum clade incolumes in fugam se dedere. Desperata namque victoria, quòd stratum viderent prætoriae vexillum, & Villamarinam atque Secamiam circumventas, subindeque receptas, quas Hispani pauloantè occupassent Peregrinam atq; Donzelliam, dispalatamq; scapharum & biremium classiculā conspicerent, sese servare Cæsari, quàm cum reliquis eundem adversæ sortis casum subire maluerunt, quanquam id consiliū un nimis properè captum à multis improbaretur. Ab hac duarum triremium fuga, extemplò concessa est Philippo victoria: nam Vgo qui rotundo protectus scuto, nudatoq; ense paululum à puppe discesserat, dextrum glande brachium, coxamque sinistram parvi falconis pila ictus ceciderat. Valtius quoq; in cervice iuxta aurem fictili globo incendiarij pulveris graviter vulneratus, crebrisque lapidum è gattis iaculationibus contusa galea malè mulctatus, & Ascanius Columna dextra, & altero pede debilitatus Lomellino deditionem fecerant. Philippo autem in paranda victoria magno usui fuerunt Mauri, Turcæque remiges, quos promissa libertate exutisque compedibus, & distributis armis ad prælium accenderat tanquam veteres Hispanorum hostes, Vgonisq; præsertim nomini infestos. Hi nanque longè fortissimè atq; audacissimè dimicantes in hostiles triremes transcendere nudi prorsus, & gladijs scutisq; contenti nō dubitarunt, mortuoq; Vgoni barbarico fremitu aliquandiu illuserunt, cadaver circumflectentes, & cum risu interrogātes, num ad invadenda Africalitora esset reversurus. Per hunc modū ad Vrsi caput Amalphitani litoris navali prælio, quo nullum ætate nostra cruentius fuit, decertatum est.

Nam septingenti circiter veterani milites Hispani, præter totidem remiges & nautas Cæsarianæ classis, aut trucidati, aut demersi periêre: & Philippus victor in nuiversum epibatas & remiges ad quingentos, & in his aliquot peritos gubernatores & nautas, atq; unum omnino trierarchum desideravit. Ex hostilibus duas triremes, & ad has biremem, aliquot scaphas, mioparonemque unum, quem brigantinum vocant, demersit, binisque in altum, ut diximus, gigantibus, reliquas duas in quibus erat prætoria manu cepit: quibus suarum quæ tormentis quassatæ fatiscebant numerum supplevit. Præter Vgonem & Feramuscum fortissimi cohortium præfecti, interfecti sunt Macinius Data Cantaber, Ioannes Biscainus, Zambronius atque Baredus. In potestatem vero vivi deveniêre, præter ipsum Vastium & Ascanium Columnam, Franciscus Hicardus trierarchus, Ludovici arcis Neapolitanæ præfecti Germanus frater, cui pugnantî gravioris tormetî pila ab ima nate pulposum femoris exitu horribili, sed non mortifero ictu, quod habitus esset prepinguis, abripuit Philippus item Cerbellio sine vulnere, & Ioannes Caietanus, Vaurius Belga, & cognata Gallus Borbonij profugi satelles, & Seronius Hispanus Neapolitani senatus scriba, illustresq; equites Camillus Columna, & Annibal Gennarus Vgonis amicitia clari. Reliqui centuriones atque signiferi, militesque qui non essent vulneribus debilitati, iniectis catenis ad remum translati sunt, ut in locum demortuorum & Barbarorum qui edita sorti opera libertatem meruissent, opportunè succederent. Hæc fortasse aliquanto curiosius atque diffusius quam institutus præalti operis labor brevitatis admonēs postulare, desinuisse non piguit: quoniam hæc pugna inter memorabiles nostri sæculi maxime funesta extitisse visa est: & ego totius eius prælij eventus certissimus testis, & propemodum spectator fuerim, quum in Aenaria, ubi tum eram Romana arce elapsus, atque liberaliter à Vastio receptus, reboatu tot tormentorum commedito, qui per maris æquora longissimè diffunditur, commissi quidem prælij fama, sed incertæ victoriæ rumor nunciaretur. Obsecrantibus enim nobilissimis mulieribus, quæ de salute coniugum vehementer erant sollicitæ, ut honestissimum pietatis officium implerem cum duabus frahatis validissimæ remige instructis, fretus Philippi (si fortè victor evasisset) amicitia ad classes contendendi. Is nihil ea victoriæ elatus appulsum humaniter suscepit, facultatemque continuo concessit, ut duces captos in Mauræ trireme custoditos inviserem: quibus ideo gratissimus adventus meus fuit, quod de uxorum salute nunciam & opportuna quædam eorum calamitati lenimenta deferabam. Ab his de ratione eventusque prælij sigillatim edoctus, rediens ad Philippi prætoriam, mare cadaveribus constratum conspexi, sicut Philippus benignè studioseque differens, ea quæ audieram magna ex parte confirmaret, & multa quæ sibi accidissent, copiosè atque fideliter enarraret. Eius verò tanta fuit humanitas, ut à se inaurata Vastij arma, me deposcente, impetrari pateretur. Timebat enim Vastius ne Genuæ in trophæi morem, quod essent speciosissima celebri in templo, uti voto dicata suspenderentur. Quum essem apud Philippum supervenit Ioachinus Levantius Ligur à Lotrechio missus, qui deposceret captivos, sed ille negavit se daturum, quando eos ad ipsum Andream Auriam ammirantem deducendos esse iudicaret. Vgonis verò cadaver, ut illudentium Barbarorum contumelijs eriperetur, ad Amalphim urbem delatum est, in ædeq; Andree Apostoli tumultuarijs exequijs tumulatum. In hac urbe citio-

rum & medicorum odoratis nemoribus æquè peramœna & celebri, Magnæ
 usulum navigantibus hodiè familiarem & necessarium, adinventum fuisse
 incolæ asserunt. Celebratur quoq; hæc urbs admirabili liquore, qui ex sepul-
 chro apostoli quod est ad aram templi maximam, exsodat. Hunc religiose col-
 lectum æditui languentibus mirè prodesse persuasum habent. Ferunt Clemen-
 tem, ubi ex literis, quas ad eum ex ipsa Philippi victoris prætorii perscripserat
 de eventu eius navalis pugnae certius didicit, vel ob id magnopere fuisse læta-
 tum, quod ipse Vgo Moncata, & Cæsar Feramusca præcipuè cecidissent, quo-
 rum ille occupato Vaticano, & sacrarijs augustissimi templi direptis primū
 intulerit vulnus: hic vero ab Hispania pro legato Romam missus, nequaquam
 sinceræ Cæsaris voluntatis ad traducendum falsus vades extiterit, ut immor-
 talis demum DEVS totum id impietatis atque perfidiæ scelus, non serus ul-
 tor vindicaret.

PAVLI IOVII NOVO-
 COMENSIS EPISCOPI NV-
 CERINI, HISTORIARVM
 S VI TEMPORIS

LIBER XXVI.



SECVNDVM adversam navalem pugnam Cæsariani du-
 ces nihil sese animis demiserunt, tamen exuti classe vete-
 ranorum militum longè fortissimos amisissent, & iam
 Philippo victrici sua classe captivos in Liguriam perdu-
 cente, Petrus Landus, qui postea Venetæ Reipubl. effe-
 ctus est princeps cum viginti rostratis navibus à Mes-
 sanæ freto in Campaniam pervenisset. Superioribus nam-
 que diebus Corcyram delatus, ascito sibi cum aliquot tri-
 remibus Ioanne Moro Hadriatici sinus præfesto, Apuliæ oppida prosperè
 tentans Molam, Polygnanum atque Monopolim, quod hæc urbes iam pri-
 dem moderato Venetorum imperio assuetæ, ab Hispanis cupidissimè rebela-
 rent, in deditionem acceperat, & quum Brundisini ei portas aperuissent,
 alteram quæ à terra est urbis arcem oppugnare parabat, eo belli successu, ut
 omnibus Apuliæ & Calabriae, Salentinorumque oppidis potiturus esse cre-
 deretur, nisi acceptis à Senatu literis, superare Siciliae fretum iussus, interrump-
 to victoriae cursu ad Tyrrhena deflectens litora, Neapolim vela direxisset.
 Itaque Landus adventu suo legendo oram ab Athenæo Minervæ promon-
 torio usque Misenum mare intercluserat, ne ullum omnino navigium quo
 importari commeatus posset, Neapolitanum in portum proveheretur,
 perpetuisque custodijs a Cumano littore usque ad Formias, & Caietam
 extendebatur, & turrem quæ est ad ostium Liris amnis, tormentis ali-
 quando quassarat, molisque subinde frumentarijs, quæ sunt ad Scauros

potitus, minoribus etiam naviculis, quæ moliti tritici, & recentem pomorum ac hortensium rerum copiam obsessis expetitam advherent, comineandi facultatem eripuerat, tanta severitate, ut quosdam bis captos, laqueis in antennam suspendi iuberet. Sed is terror nequaquam erat tantus ut spem lucri in quibusdam minueret, naviculariis scilicet hominibus sæpe velocissimo intercursum triremium stationes eludentibus, quum ab Aenaria & Capreis, Prochitæque, & Surrentinis vicis solventes, felici audacia sese Neapolim inferrent. Quibus rerum subvectionibus obsessi veluti oblato recenti obsonio mirum in modum lætabantur, quandoquidem ingens eis frumenti copia abunde suppetere, unde famem vel in multos menses minimè timendam prospicerent. Quod verò conficiendi panis deesset facultas, huic desiderio varijs contusi, & æneis excocti tritici pultarijs occurrebant. Quotidianæ quoque exercitationis maioris & minoris pecoris præda ex hostico rapta, opportunè panis inopiam sublevabat. Nam nocturnis excursionibus emissæ prædatum turmæ cum obsidio peditum semper aliquid recentis obsonij referebant. Sed unus in Campania famosus latro, qui Verticillus appellabatur, quum exul præteritis maleficij veniam ab Aurantio per Fabritium Maramaldum impetrasset, obsequiosus in vecto multo pecore mirifice adiuvabat. Et si quidem saltuosus & nemorosus locis assuetò notissimi erant obliqui tramites, quibus Campania, suburbanæ præsertim ad incertum iter obsita est, eratq; ita familiaris vicis atq; oppidis, ut quot boum iugis ager araretur in numerato haberet, solertissimèq; invidiosus, ubi maximè nocere cuperet, quam volebat prædam abigeret, usque adeo scitè vitatis aut deceptis Gallis, ut una nocte supra centum boves Neapolim perduceret usq;, & ad belli exitum nihil industriam suam, uti pollicitus fuerat, usquam remittens, sæpe iuxta hostium castra impunè prædaretur, sicut Gallis frustra indignantibus magno detrimento foret, & Cæsarianis singularem commodum attulisse diceretur. Sed is confecto demum bello, ita in exoptatum eius beneficij præmium tulit, ut à Prætoris Capuæ viro Hispano, & uelut runque sit eius spolijs inhiantes, comprehensus in furca suspenderetur, nulla quidem veteris maleficij poena, sed omnino iniqua, si recentis publici beneficij memoria spectaretur. His Cæsarianorum terra marique obsessorum incommotis permoti aliquot Neapolitani proceres, ne inclinatae victoriæ eventum cunctantius expectare viderentur, in oppidis suæ ditionis Gallica vexilla sustulerunt. Novum etiam in Brutijs adversus Cæsarianos excitatum est bellum, quum plerique circa Cosentiam Andegavenis factionis nomen ex prioris belli memoria libentissimè complecterentur, cohortante eos ad rebelandum Simone Thebaldio Romano duce impigro, qui in eas regiones cum ala equitum, tumultuarijsque cohortibus (ex itinere siquidem milites conscribebat) a Lotrechio fuerat missus. Iam æstas à solstitio in autumnum inclinabat, & tertius obsidionis mensis agebatur, quum Ferdinandus Gonzaga sibi aliquid graviore eruptione tentandum ratus, Puteolana via per cryptam perforati olim à Cocceio Pausilipi montis, validam equitum & peditum manum eduxit, eo consilio ut hostes ab Averfa atque Puteolis excurrentes in insidias, uti evenit, præmissis Epirotis equitibus pertraheret. Favit astuto consilio Fortuna: nam quum Zucerus Epirota & Iannitius Hispanus sese ostendissent, non continuè se Galli equites, in quibus erant Scotorum cataphractorum turmæ, quin patefactis Averfæ portis, in conspectos statim hostes erumperent.

In quos Gonzaga qui depresso in loco iuxta Regiam Belvederij villam confederat, ex insidijs opportunè consurgens magnā eorum partem à levi armatura circumventam facto vehementiore impetu fudit, & quòd essent gravioribus protecti armis, & segnis utentes equis interceptit, usq; adeo graui cum dolore damnoq; Lotrechij, ut Aversani præsidij curam duplicato amissorum equitum numero confirmaret, quòd hostium audaciam, qui illuc usque insolenter excurrere atq; prædari consueuissent, iusto aliquo certamine vindicandam, pariq; astu acceptum incommodum omnino sarcindum esse iudicaret. Nec multos post dies Gonzaga, qui de Aversano equitatu adaucto didicerat, auidus rei gerendæ in eadem loca ampliores copias quæ frumentatorib. præsidio forent, eduxit. Nam tum demestæ segetis plenissimus erat ager, quæ res agalones et pabulandi simul, & frumentandi cupidos vehementer alliciebat. Gonzaga constituto ad tendendas insidias hoc ordine procedebat: cohortes Germanorum idoneo in loco collocantur (agminis enim frontem obtinebā) ipse cava in valle quam latrocinijs infamem Pecoream incolæ vocant, cum equitatu levis armaturæ, & cohorte una Hispanorum se condidit, quum antea Garziæ Manrico, ut cum sua cataphractorū ala in postremo agmine frumentatoribus præsidio foret, præcepisset. Theodorum verò Bocalum Spartanium senem inclytæ virtutis ducem cum suis alarijs præcurrere, & sese ad Aversam hostibus ostendere iussit, ut inde excitos præproperos naturā homines simulata fuga in insidias eliceret. Sed Galli recenti suo malo edocti non iam turmatim dissipati, verum densato agmine in quo erant equites galeati amplius mille, et pluribus expeditis sclopettarijs unā desumptis, usque adeo graui impetu retro se vertentem (ui à Gonzaga præceptum fuerat) Bocalum invasere, ut quum fugientem acriter persequerentur, ei institutum iter præciderent, sicut Græci equites cataphractorum metu, ipseque Theodorus, alia quàm putarat via per campos patentes effuse profugere sit coactus, & Gonzaga quòd ille secus ac præceperat tam diu tardaret, suspensè miraretur. Itaq; expectabundo & circumspectanti, inexpectati hostes superueniunt, dispalantur Græci equites, frumentatoribus perturbatis præsidium, cataphractorum improvise invadentium Gallorum impetu propellitur, & in fugam conijcitur. ipse Gonzaga multitudine celeritateque hostium ferè oppressus, magnum salutis discrimen subiit, quum sese è loco ad insidias tegendas idoneo, sed sinuosè anfractuoso, celeriter explicare non posset, & ut manus hostium effugeret, dimisso equo in pedes desilire, & ab alta præruptæ vallis crepidine se deicere cogeretur, ut id faceret suadente Francisco Ario equitum præfecto: atque eo modo per medios hostium sclopettarios qui ab acclivibus locis imminebant elapsus, consensu ignobili equo quem tubicen obtulerat, periculo se explicuit. Galli qui cataphractus fuderant, Garziæque Manrici legatum alæ Suatium ceperant, ipsoque alæ vexillo fuerant potiti, in Germanos iniquo in loco malè conglobatos se converterunt, & equorum impetu perturbatos, quanquam acerrimè resistentes, magna ex parte trucidarunt. Reliqui terga dare coacti, permixti que equitibus, per tenebrosam cryptæ iter amisso vexillifero qui signum servare frustra fuerat conatus, inter infestas equorum proculcationes Neapolim evasere. Neque postea nisi cautius à Cæsarianis frumentatum in eam regionem est itum, neque a Gallis usquam temere precursum, quod alterno successu par vtrinque audacia satis repressa & castigata videretur. Sub id tempus quum Lotrechiani aga-

es, & hippagij pueri perducendis potum iumentis ad Sebethum amicum
 am qui frumentarias agit molas, & ad Podium quem ab Alfonso regis villa,
 Regalem appellant, uberrimis fontibus insigne, quotidiana consuetudine a-
 quarentur, & Hispani agiles insidiosique milites manipulatim Carmelitana
 porta exirent, deiectisque agasonibus equos eriperent. Nauarrus ea offensus
 contumelia novam munitionem erigebat comprehensa casa, quæ erat inter
 Podium stabulaque regia quæ sunt ad Magdalenæ templum, ratus se cila-
 cinio obviam iturum, si eo loco permunito perpetuæ custodiæ stationem im-
 poneret. Hac re cognita Cæsariani duces, validam manum quæ opus discar-
 baret, fervidissima dici hora miserunt. In his fuere Ioannes ipse Dorbinus,
 Ripalta, Baracanes, atque Baredus, qui lactissimas habebant cohortes. Sed et
 Nauarrus sub sole linteo protectus umbraculo perficiendo operi intentus, cer-
 to tamen parato præsidio, ne quicquam incommodi à repentinis hostium in-
 cursionibus acciperet. Itaque ingruente Dorbino, excitata est tumultuaria pu-
 gna, & casa egregiè à Navarro defensa, quum multi è maioribus castris eo de-
 currissent, & ante alios Etruscæ cohortis perniciosissimi sclopettariorum. Iamque
 Dorbinus irritò conatu regredi parabat, quum Horatius Baleonus facili te-
 meritate longius à sua munitione progressus, ut suos ægrè ad tympani soni-
 tum parentes, sua voce compelleret, atque reduceret, inermis à Cantabro gre-
 gario milite qui sese recipienti incumbibat, adaucta in tergum alabarda cupi-
 de, quum à nemine nosceretur interfectus est: Vir impensè audax, & aequalis
 fortis, sed natura sanguinarius, utpote qui semper cædibus propter factiones
 pueritia studuisset. Cæterum Dorbinus expugnandæ casæ frustra hærens
 superioribus Vasconum castris, quæ erant ad Ianuariam, ut diximus, portum,
 tormentis peti cœpit. Atque ita paucis utrinque occisis aut vulneratis, ignarus
 an ille esset Baleonus quem Cantaber occidisset, vitato tormentorum pericu-
 lo in urbem est reversus. In demortui Baleoni locum Lotrechius Etruscis co-
 hortibus præfecit Vgonem Pepulum, egregiè nobilitatis notæque virtutis vi-
 rum, quem legati Florentini Marcus Nerus & T. Soderinus multis de causis
 comprobarunt. Nec multo post novi Duces, nunquam intermissa erumpen-
 di, atque invadendi hostis consuetudine, quod interdum Dorbinus facere ne-
 quivisset, noctu perficere posserat, expugnandæ casæ, inuadendæque muni-
 tionis negotium susceperunt. Eorum princeps fuit Ioannes Almeda, qui o-
 cios sibi asciverat Cornegium, & Sancium Vargam. Hi cohortium suarum
 milites, albentes tunicas superinduere iusserunt, sicut sæpe aliàs factum fuisset.
 Piscario Vastioque meminimus, ut insolito cultu hostes perterrerent, & inter
 se per tenebras perspicuè dinoscerentur. Magno silentio eductum est agmen,
 & ad casam munitionesque pleno gradu perventum. Sed impetu facto cuncta
 apud hostes, quàm crediderant intentis excubijs paratiora, atque instructiora re-
 pererunt. Nam Lotrechius unam præsertim à milite suo excubandi diligen-
 tiam exigere erat solitus, parata scilicet utrinque poena, & propositis præmijs
 summa disciplinæ severitate fideque. Quamobrem Vascones, atque his in-
 termixti Etrusci, ac Helvetij qui de tertia vigilia in statione erant, conspectis ho-
 stibus sese celeriter erexerunt, expeditisque armis in munitione promptissimè
 constiterunt, Hispanosque abrepere & conscendere conantes, omni telorum
 genere obrutos ita propulerunt, ut acervis cadentium fossa compleretur, mul-
 tique in ea sclopettorum glandibus traiectioni, aut gravibus alabardis, & lanceis
 vulne

vulnerati occumbrent. In queis fuit dux ipse Almeda, mucrone per os recepto in fossam præceps deiectus. Itaque Cornegius, & Vargas strenuè reiecti, desperata expugnatione munitionis sese recipere cœperunt, verùm in abeuntes & perturbatos subita eruptione facta Lotrechiani impetum fecerunt, tanta vi, ut Hispani debilitatos vulneribus relinquere cogerentur: eiusdem noctis victoria quanquam non magna, singulare tamen gaudium Lotrechio afferret. Neque postea Hispani, aut eandem causam oppugnare, aut munitiones aggredi, aut quicquid ab ea parte aduersus hostes iustis viribus tentare ausi sunt. Sed duces in id vnum gerendi belli consilium incubuere, ut nocturnis expeditionibus non modo suburbanos vicos sed remotiora etiam oppida invaderent, raptoque passim commeatu, & collecta præda reversi socios recrearent, adhortarenturque ad perferenda non diu duraturæ obsidionis incommoda, quando iam Gallorum hostium animi viresque labascere inciperent, & propiores obsessis quam obsidentibus videri possent: & iam affecta tetro castrorum odore militum corpora aut longis, aut mortiferis morbis tentarentur. Nam præterquam quod Galli Helvetique præsertim pomorum omnis generis maturescente vindemia erant avidissimi, quarum rerum intemperantia gluvie facile febres erumperent, ipse etiam aer subiectæ regionis à putri depressorum camporum halitu factus insalubris, eos contagiosis ferè morbis infecerat. Quoniam Lotrechius ab initio quorundam exulum Neapolitanorum monitu tam importuno quam postea exitiali, aquæ perennis aquæ ductum concidisset, ut obsessis copiosissimorum fontium, qui multis per urbem locis syphonibus largiter lymphas fundunt, commoditatem eriperet. Necessario namque tota ea aquæ vis multifariam corrivata per subiectam planiciem ita spargebatur, ut sensim exundante & mox subsidente humore, eorum camporum gleba putresceret, orireturque inde crassior nebula, excitata quidem sed semper indomita solibus, quæ ideo febres progigneret, et totis castris evulgaret. Ferebant etiam tum nonnulli (quod vix credibile videtur) quosdam im præ malignitatis milites, cum ex ipsis Hispanis qui Maurorum stirpis essent, tum ex Germanis Iudaicæ sectæ, virosis herbarum succis multoque lini semine indito, superiectisque item corrupti tritici quisquilijs, vicinos castris hostium puteos, & cisternas fermè singulas infecisse, proptereaque inde potantium ventres intumescere, turgescerentibus cruribus, ora hominum usque adeo lurida macie pallescere cœpisse, ut deformato habitu vix inter se noti commilitones noscerentur, rarique iam & segnes custodiarum munia obirent. Quibus rebus diligenter exploratis constat Giahennam Bæthicum equitum præfectum, qui unus omnium prædæ erat avidissimus, & solertissimus, opportunis horis circueundo Gallorum castra, speculandoque non semel intra munitiones irrupisse, aliquot rapuisse equos, & arma in tabernaculis exposita, è focusque etiam in

fixa verubus obsonia in urbem retulisse, quum stationum milites humi stratos, neque in pedes se erigere, invalidisque lacertis expedire & sustinere arma non posse, ad socios nuntiaret. Quæ furtivi incommodi contumelia Lotrechius graviter commotus, interiorem custodiam munitionibus imposuit, eo eventu ut Giahenna non diu sua temeritate felix, interceptus sit, & in carcerem Aver-sanæ arcis perductus. Hæc quam diximus morborum labes, ab Idibus Iulijs castra irrepsit, & præter vulgus militum, primores exercitus invasit. Quam obrem plerique ducum de salute sua solliciti, relictis castris, in proxima oppida

secedebant. Per eos dies Barbelsius novus Gallicæ classis præfectus, qui propterea ab Armorico Oceano fuerat evocatus, quòd Andreas Auria à Regis stipendijs gravi de causa discedens, uti suo loco narrabimus, ad Cæsarianas partes sese cum peculiari sua duodecim triremium classe contulisset, Lando se coniunxit, & ultra Seberthum ad pontem, quem vocant Ricciardum, noxiorum suspendijs infamem, proras adegit, & quas adduxerat copias in terram exposuit. Advehebat enim Rentium Ceritem, & quæstores Gallos, qui ad perfolvenda militi stipendia deposcente Lotrechio pecuniam attulerant. Eius appulsæ classis conspectu Gonzaga permotus, qui tum erat in hortis Regis sub Campana arce, repente dari tuba signum iubet, ad urbis portam progreditur, atque sibi arma præcipit, eaque celeriter induit, & cum primis equitum turmis quæ dispersim & properanter exhibant, contra hostes contendit. Hunc enim equitatum, expeditæ peditum cohortes subsequuntur, quos omnes Gonzaga cohortatur, ut hostes descensionem facientes, impeditosque sarcinis, sacro vehementiore impetu invadant. Parent milites & tumultuosissima statim magna editur, eoque acrior quòd Lotrechius validam equitum & peditum numerum, quæ descendentes in litus exciperet, præsidioque foret, ad mare premittitur. Terrebant Cæsarianos, tardabantque ipsa tormenta Gallicis, & Veneustriomibus in adversum litus emissa. Sed Hispani, diverso atque audaci flexu eam munitionem quam ad mare à Gallis perductam diximus, transcendentes, tanta vi in hostes procurrerunt, ut perruptis Lotrechiani præsidij turmis, & cohortibus repullis exposita iam pecunia propè potirentur, ac nisi Vgo Pepulus conglobatis turmis Hispanorum audaciam repressisset, proculdubio ea omnis pecunia ad Cæsarianorum manus pervenisset. Verum ardente prælio, & fortissimè depugnantibus Hispanis, Vgo ipse vel impigrè resistens vulneratur & capitur. Candalio quoque regiæ nobilitatis iuvenis Lotrechii propinquus, & inter Vasconum duces facile princeps, glande humerum trajectur, & circumventus intercipitur. Quum eo modo periculosissimum certamen esset contractum, Lotrechius novas turmas, & ante alios Valerium Visinum laborantibus subsidio misit, cuius superventu pugna iterum restituitur, accensaque est, & Hispanorum impetus vehementer est retardatus. Itaque redintegrato prælio Valerius mirifica virtute confirmatis Gallorum animis Hispanos equites fundit, proterit pedites, & duos longè pugnacissimos Hispanorum equitum præfectos Arium & Mirandam circumsternit, & capit. Ab Helvetia etiam cohorte quæ gravi facta impressione hostium pedites loco pepulerat, his permixtus tertium equitum præfectus cognomento Prætor confosso eiusequo captus est. Hi tres postea æqua permutatione cum Vgone atque Candalio vel tum ex vulnere moribundo, utrinque restituti sunt. Neque demum usquam ad belli usque exitum periculosius ut gravius dimicatum est. Cæterum Lotrechius tantæ classis appulsu aliquanto minore quàm sperarat signatæ pecuniæ copia sublevatus est, quum paulo post vixdum perluto veteri stipendio, novi exolvendi statuta dies instaret, id iam expectante & flagitante milite uti par erat, & iratè vociferantibus præfectis, unde exhausto castrensi ærario auri egens imperator à quibusdam præfectis, ditioribusque alarum legatis oppignerata fide mutuo pecuniam accipere, & quando hæc quoque deficeret, aliquot levis armaturæ equitum turmas ex authorare atque dimittere cogeretur. Cuius infausti consilij rationē vel extrema

necessitate expressam, ita veteres improbabant milites, ut ea parte viri hostes omnino superiores evasuros dictarent, atque obiter graue proflus detrimentum se accepturos male ominarentur. Horum erat princeps Nauarrus, qui a Lotrechio nunquam plane dissentire ausus, perseverandum in obsidione, minutisq; preliis, & crebris excursionibus, in quibus levis armaturæ equestris maxime valeret, premendum hostem esse disserebat, quando rem ad summæ apertæq; pugnae casum deduci posse desperaret. Rentius vero Ceres per castra à Valerio spectatū deductus, quod cohortes morbis & praeliis attenuatas, & semiplenas turmas, enataque in tabernaculis gramina notasset, detestatus loci insalubritatem, atque improbens laxiorem munitionis & aggerum formam, suadere conabatur, ut contraheret castra, eaque in editiora loca subduceret, & remotum obsidionis genus occupatis circumiectis urbibus & oppidis in quibus divisa forent praesidia, instituendum esse iudicabat: ut salubriore caelo atque opportuno com meatu copijs ægri fessique milites recrearentur, nec quicquam inde obsessis hostibus subportari sinerent. Quibus rerum difficultatibus compulsus, & diuersis distractus sententijs, secus ac antea fecerat, minores duces & veteres signiferos consultandi causa in praetorium advocavit. Nam ut tum à Cuidone Ragono accepimus, post ipsius discessum à Troia, in eam usque diem, nunquam uniuersis ducibus in vnum coactis, sed per partes à singulis sententias rogans, tanti belli consilia communicasse ferebatur. Nihil equidem illi, quod ingratum foret, auribus enunciari, aut disputando persuaderi poterat: ut pote qui ingenio suo indulgens errare mallet, quam alienis uti consilijs, ne quisquam ipso melior, militiæque peritior existimari posset. Itaque eius consilij exitus fuit, ut imperator natura obstinatus & perversus, & se ipso fatali superbia elatior & pertinacior factus, è veteri sua sententia villo modo deinceps aut dimoveri nequirit, professus utique se potius turpi nece moriturum, quam ut paratæ victoriæ spem flagitioso atque indecoro prorsus receptu corrumpere, vel si à multis defereretur, & copias atroci pestilentia totas absumi conspiceret, quando iam pro constanti sibi esset compertum aduersariorum animos auxilij desperatione magnopere frangi, crescenteque inedia, maioribus, quam ipsos affici incommodis, & ob id praecipue quod Germanos cum Hispanis sperixari, seditionesque miscere didicisset: ita ut de matura hostium deditione minime dubitaret, modo veteris suæ constantiæ meminisset, qua tot urbes egregia cum laude superioribus bellis expugnasset. Erant vera hæc, sed valde intempestiva, atque omnium confutata sententijs, meliora scilicet consilia preuertente fato, quod ad destinatam cladem cum ipsi Lotrechio, tum Gallico non mini properanter imminerebat. Quandoquidem, quod homines maxime mirarentur, Fortuna ex aduerso sui propositi nimium tenax, nusquam nisi Cæsarianis rebus secundissimo instinctu adesse consueisset. Igitur Lotrechius irritum incepto minime abscedendum ratus, eam tantum consilij partem probavit & arripuit, quæ reparandas copias novis delectibus, & suorum animos recenti praesidio confirmandos existimabat. Quam ob rem Rentius Ceres Aquilam continuo mittitur, qui quatuor milia peditum ex agro Piceno conscribat, persolvendisque stipendijs pecuniam à Quæstore Aquilano, qui id facere per scriptis literis iubebatur, accipiat, transversisque montium tramitibus in Appianam viam descendere maturet: ut per Fundanos Sueffanosque fines prætergressus Calenum & Campanum agros, ab Aversa demum vrbe, recta ad se in castra

perueniat. Erat Rentius, quanquam infaustus Urbis patriæq; suæ defensor nuper extitisse videri poterat, peritus tamen belli, & vna maximè probata fide singulariq; inuicti animi constantia insignis, & quod suscepti negotij plurimū interesset, Gallicæ factionis apprimè studiosus. Hoc supremi consilij decretum ratioq; vel ob id faciliè quibusdam probari posse videbatur, quod Lotrechius dediti urbem Aurantio, vel retenta arce, Cæsarianis omnibus incolumitate, & nauigia quibus Hispani aut in Siciliā, aut in Hispaniā vti mallent, aduehēter obtulisset, & Germanis menstruum stipendium quo se domum redeuntē alerent, per suos eiusdem gentis milites qui apud se militarent, sæpe promissile. Sed tanta erat alacritas Hispanorum, Germanorumque constantia, vt se potius inedia perire paratos esse, quàm Gallis se dedere, quos antea toties vicerent, quotidie prædicarent, subindeque eadem signiferis significando per manipulos sublati dextris, quod erat subitarium sacramenti genus, se præstituros iurarent, vsque adeo præclare vt dubios nonnunquam ducum animos confirmare censerentur, & omnis iam pridem de tanto hoste conceptus timor Neapolitanis decederet. Per eos dies vir è Montella Samnij oppido, se Gallicarum partium militem ab ipso albæ crucis symbolo, tesseraque mentitus, atque in insidias excurrentium Hispanorum ultro datus, quum Neapolim perducere tur, se magnæ atque instructæ prodicionis consiliū detecturum pollicens est, unde non missionis modo, sed multæ etiam pecuniæ premium sperare posset. Itaque uti oportebat ad imperatorem perducentibus Hispanis, qui eum ceperant, Fabritium Maramaldum cogitatē nefarię prodicionis reum fecit, quoniam is ad eam urbis partem, quæ Campanam & Carmelitanā portam interiacet, suis cohortibus stationem obtineret, & portam Lotrechio proditurum promississet. Ea re subitis auribus accepta, et ad suspicacem animum transmissa, Aurantius vocatum Fabritium, & deponere gladium iussu, custodiæ tradidit. Tum vero Neapolitani ex singulis tribubus consurgunt, & rei incredibilis furma vehementer offenduntur, quod præclaræ & antiquæ stirpis civis, spectatæ virtutis dux, & per omnem vitam Cæsariani nominis studiosus, ab agresti, & nemini penè cognito homine delatore, in discrimen salutis & famæ vocaretur. Propterea orabant summis precibus, ne præcipiti iudicio, sed accurata cunctatione eius accusationis cognitionem susciperet, & ille latronum more, inanis & proculdubio falsissimæ coniecturæ indicium seuera in quæstione prius perpurgaret, quam Maramaldus ad refellendā calumniam, uti æquum erat in dispari, probo atque pernobili reo caverent, tormentorum cruciatibus admoveretur. Indulsi hoc Fabritio nequaquam agrè imperator Aurantius, alioqui in grauibus rerum momentis faciliè suspicax atque præproperus, quum reum peropportunè Victoria Columna tanquam Piscarij coniugis sui alumnus, efficacissimis literis commendasset. Nec multo post accusator in quæstione diu & graviter tortus, quum tormenta secus ac ante periculum crediderat, acerbiora ferre nequivisset, se pecunia corruptum, subornatumque fuisse ab inimicis Maramaldi confessus est. Atq; ita ille scelestus calumniator tanta infamia Fabritium liberavit, & talionis pœnas in frustra dissectus dedit, statimque Aurantius pristinæ dignitatis atque custodiæ locum, unde iam cohortes dimoverat, Maramaldo cum multa verborum præfatione restituit. At Gallicis in castris usque adeo lentæ, atq; tabificæ febres ab Idib. Iulij ad nonas Augusti, invaluerant, ut tabernacula funeribus complerentur, & languentes passim milites,

milites aut irritis, aut desperatis medelæ subsidijs, fame sitiq̃ue enecti passim
 interirent, sepulorumq̃ue tumuli frequentes iuxta munitionum aggeres con-
 spicerentur. Quapropter plerique ducum, aut tentati morbo, aut instante pe-
 riculo perculsi, impetrato discessu per causam curandæ vel avertendæ valetu-
 dinis, in proximas urbes castellaq̃ue secesserant, scilicet ut mitioris cœli faciem
 quærirarent. Veneti legati in primis freti classe ad urbem Castellimarîs, quæ
 est ad veteres Stabias concessere, conceptoque iam morbo Vgo Pepulus Ca-
 puam, Valerius Vrsinus Nolam, Griffæius ad Grannianum Nuceriæ pro-
 pinquum dimissi sunt. Ipse verò Valdemontius ad Vicum Surrentini litoris
 urbem pauloantè se contulerat. Remanserant cum Lotrechio frigentibus iam
 consilijs pariter & viribus, Navarrus, Michael Salassus, Guido Rangonus, &
 nonnulli togati generis homines. Cæterum in Navarro veterem infracti &
 efficacis spiritus vigorem multiplicata militum funera, & expectatæ cladis nō
 temerè ingrueus metus, sermè totum eliserant, sic ut propemodū mussare in-
 terrogatus, aut respondens delirare crederetur: ipse autem Lotrechius attoni-
 to similis dissimulato animi dolore, ferociam suam & imperij vim iussis, edi-
 ctisque retinens obrepente morbo iaceret, atque eo contumacius, quod lega-
 tos Venetos, Pisanum in primis obsidis Cardinalis patrem, & secundum eum
 Petrum Pisaurium Griffæiumq̃; mortuos esse: Valdemontium autem supre-
 mo iactatum morbo, fatalem horam, quæ iam aderat, expectare didicisset. Nec
 Valdemontius vel ipso virium, & peregregij habitus vigore prævalidus diu
 vim morbi sustinere potuit, qui in spem regni triennio antea tumultuarijs vi-
 ribus frusus ad Neapolitanam portam sese ostentarat, cum civium voluntatis,
 tum fortunæ suæ, quæ stirpi regiæ inniteretur, periculum facturum. Eius mors
 Neapoli nuntata sicuti ingrata quibusdam Andegavensium partium, sic ma-
 xime læta Cæsarianis fuisse visa est. Quoniam constabat quicquid antiqui iu-
 ris vigeret in Carolo primo, qui Manfredum regem occidit, & regno potitus
 est, id totum per Andegavenses provinciæ reges recta hæreditatis serie ad Lo-
 thoringiæ regulos recidisse. Nam Valdemontius genitus erat eo Renato Lo-
 thoringiæ principe, qui Carolum Burgundiæ regem cōmisso prælio ad Nan-
 sim interfecerat. Maiore itaque animo diligentiaque intentiore Aurantius &
 Gonzaga perspectis decumbentis Lotrechij difficultatibus, laceßendos ho-
 stes perpetuisq̃; vigilijs conficiendos existimabant, sicut nō modo circūeundo
 eorum castra, & stationes pertentando laceßerent, & ad capiendâ arma semi-
 sopitos & affectos morbis interdium noctuque excitando perquam molestissi-
 me fatigarent, verum etiam iustis in proxima oppida, ubi hostes æstivare di-
 dicerent, susceptis expeditionibus eos adorirentur. Paulo siquidem ante
 Gonzaga noctu confecto itinere, ad Summam oppidum quod est Vesevo
 monti subiectum, cataphractorum alam oppresserat, & Nolana item via
 Helvetiorum cohortem, quæ commeatibus præsidio ierat, occultatus in insi-
 dijs sub Vesevo secunda expeditione trucidarat mirabili casu, quum sub auro-
 ram iuxta nemus delitescens fulmine ala equitum ex terribili tonitru tacta, a-
 liquot tantum equos vapore exanimatos nemine è selloribus læso amisisset.
 Iisdem etiam diebus Belmares equitum præfectus adiunctis sibi expeditis sclo-
 pettariis manipulis, aliam Gallorum equitum manum Matalonio in op-
 pido, quod est ad Tifata montē in conspectu Capuæ urbis expugnata statione
 deleverat. Saiavedra quoque natione Bæthicus diligens equitum præfectus,

recepta in prædæ societatem peditum cohorte, usque Avelinum nocturna profectioe contendit, improviseque in oppidum irrumpens, oppidanosque diripiens, Martiranum Insubrem eius urbis episcopum cepit, captivumque Neapolim perducens, ad contumeliam divulsis testibus, ut maiorem à captivo pecuniam exprimeret, diu torfit, vixque postea Aurantij clementia & Vastij precibus è manibus impijs Saiavedræ creptus est. Hæc paucis diebus accepta incommoda, quanquam vetantibus medicis Lotrechio languenti nunciari non poterant, emanabat tamen aduersarum rerum non obscura fama, sicut ipsi ægro intentis semper auribus atque oculis astantium & inuisentium facies explorati multa vel non integra delatione proderentur. Seuerè siquidem suscitabatur à pueris, an quicquam noui de hostibus audirent: nec mendacio erat locus, utpote qui si audita retinere, flagella ad poenam subire vererentur. Cognitis per hunc modum rebus improspere per suos gestis, necesse erat bilem commoueri, atque augeri morbum, eoque modo quum bis incisa vena sanguinem minuere frustra esset conatus, postridie Idus Augusti indignabundus excessit vitæ, vir certè bello egregie fortis, et pace equi pariter & iusti usque adeo tetus, ut severus & inexorabilis haberetur. Sed elatior quibusdam videri poterat, quum aspectu austeræ frontis, raro quenquam familiaribus oculis inueneretur. Erat ei facies digna prorsus imperio militari, quod honestas, nec deformes cicatrices Rhavennate in prælio acceptas ostentaret, & toroso habitu validior corporis, quanquam mediocris esset staturæ, certum & constantem integræ ætatis vigorem exprimeret. Sublatus est omni apparatu funebris pompæ, & in eadem villa Aragonij Montalti ubi prætorium fixerat, cumulo arena tumulatus. Qui optimo iure ætate nostra, si cæteros duces eius gentis recta æstimatione reputemus, peculiari cum laude expugnator urbium sit appellatus, repetito quidem cognomento quod olim Demetrio Macedoni obvenit, se constat. Mortuo Lotrechio, ad neminem summi imperij cura pervenit, sed reliqui duces in unum coacti, quæ poterant afflictis rebus remedia castrensium diligentia comparabant, ante omnia à Rentio Cerite supplementa copiarum expectantes. At Rentius Aquilam profectus, quum copias scribere, & evocare quosque Vrsinæ factioni, Gallicisque obiter partibus addictos cogere preperaret, tota potiundæ pecuniæ spe decidit, quod quæstorem Gallum, & Camillum Vrsinum cognomento Pardum, qui Aquilanis, Præcutinæque provinciae præerat, non exhaustos modo pecunia, sed publicè obæratos etiam reperisset. Itaque ad Neapoleonem Vrsinum se convertit, atque ab eo magnis persuasionibus cohortes impetravit. Erat tum Neapoleo recuperandis avitæ hæreditatis oppidis intentus, quæ post mortem Virginij avi Fabritio Columnæ Ferdinandi regis concessione obvenerant. Nam per eos dies propter eandem antiquæ litis controversiam cum Scipione Columna Reatino Episcopo collatis signis apud Manlianum extremis Marforum finibus conflixerat, cadenteque in acie Scipione ea oppida victor ceperat, quæ sunt ad Fucinum lacum. Hic Neapoleo publicam patriæ iniuriam vindicare se velle professus, infestis armis Cæsarianos quos in Vrbe vel in agro Romano deprehendere poterat, cruenta manu persequabatur, cupiebatque Galli Regis auspicia sequi, & eadem stipendia promereri, quæ & Iordanes pater, & avus Virginus maiores sui meruissent. Ad has Neapoleonis cohortes, alias è Piceno agro, Spoletoque in primis evocatas adiunxit, primasque earum Rentius uti statuerat in

Campa-

Campaniam præmisit. Iamque Paulus Petrus Cervarius cum sua cohorte Capuam pervenerat, & reliquæ antecedentem cum Rentio consequebantur, quum Cervarius de Lotrechij morte cognoscit. Nec propter eam famam, qui erant Capuæ, venienti & postulanti ingressum, portam aperiunt. Nam Iulius Capuanæ familiæ princeps, & Fabritius Maramaldus, ad recipiendam Capuam adventare ferebantur. Qua denunciatione de muro facta, ut se periculo eriperet, Cervarius ad Rentium est reversus. Lotrechij morte Neapoli nunciata Cæsariani duces nequaquam oppugnanda castra censes, obequitando castris, intercipiendo commeatum, & se munitionem invasuros ostentando, bellum gerebant, quod sine suo periculo & sine vulnere hostem pestilentia absumi prospicerent. Auster namque ventus per eos dies perflare & mortiferum crassioris nebulæ vaporem ex palustri ortum uligine per castra dissipare & circumferre ita cœperat, ut alijs ex causis conceptæ febres, in contagiosum propè morbum verterentur. Itaq; Gonzaga consuetudine quotidiana partiendo per vices equitatum & sclopettarios pedites quib. expeditæ celeritatis causa ignobiles equos attribuerat, turmis admiscendo circuibat castra, & per tubicines pugnam ciendo hostes morbis atq; inedia debilitatos orbatosq; imperatore, & præfectis magna ex parte ægris aut morte absumptis, assidue exagitandos susceperat. Cæterum Aurantius ipse cum Gonzaga per exploratores edoctus, numerosum hostium equitatum suscepta nocturna processione e castris Nolana via iter intendere, continuo cum expedita parte exercitus in eos erumpit, à medioque itinere abeuntes consecutus nullo negotio fundit, impedimentis exuit, & ferè omnibus aut cæsis aut captis cum magna præda Neapolim revertitur. Interea Galli duces asperrimis rerum omnium incommodis conflictati, & de salute publica desperantes, ad unum id consilium quod antea Lotrechius malefana obstinatione repudiarat, ex communi omnium sententia recurrunt, damnatisq; castris effugiendum censent, mensq; omnibus una est, ut Averfam se recipiant, dum aliquæ vires super sint, ne cunctis, si forte castris se tenere eaque pertinacius tueri velint, inhonestè atque miserime sit pereundum. Itaq; more militiæ tres acies, triaq; agmina instituunt, quibus singulis præsidij causa minores ternos falcones adiungunt, & equitatum æqua divisione partiuntur. Primi agminis cura Salasso regulo, Guidoniq; Rāgono attribuitur. Secunda Navarro. In tertia Pomperanus Gallus, Paulus, Camillus Trivultius, & Palicia cognomento nigra singularum alarum præfecti constituuntur, & sub auroram composita agmina silentio castris educunt, desertis muralibus tormentis, & relicto omni graviore castrensis apparatus instrumento, taciti quidem & sine tuba tympaniq; strepitu euadentes, atq; eo tectius quod densissimus imber, crebris fulgetris, & multo tonitru procellosus ingruerat, aptus hercle avertendo hosti, qui nec satis explorare, nec opportunè persequi, nec quicquam gravius per eam turbidissimā tempestatem tentare posse videretur. Cæsariani nanque duces qui pridie eius diei (is fuit quarto Calendas Septembris) consilio habito, quod nonnulli militum per Gallicas munitiones infrequentem & segnem stationem morbo atque inedia propè enectorum hostium se deprehendisse nunciassent, ea ratione copias partiti fuerāt, ut Dorbinus cum Hispanis adiuncto sibi Conrado Helsio cum quatuor cohortibus Vasconum castra quæ erant, ut diximus, ad Campum veterem supra Ianuariā portam oppugnaret. Ipsi verò Aurantius & Gonzaga cum reliqua parte exer-

citius ad motis tormentis castrorum hostilium aggeres aggredientur. Sed decedente pluvia quum tantisper reserenaasset, allatum est Gallos desertis castris ad Averfam se proripere coepisse. Quare cognita prope totus in abeuntes equitatus est effusus. Quod ad certam praedae spem quisque sibi vel iniussus properandum existimaret, nullo prope subsequente peditatu, quoniam Norbinus et Helsius in oppugnandis Vasconum castris sub eam horam vehementer essent occupati, & Vascones & Cantabri Agramontio duce suos aggeres acerrime & constantissime defenderent. Erant in novissimo abeuntium Gallorum agmine sclopettarii, partim ex nigra Etruscorum legione, partim ex cohortibus, quae a colore vexillorum albae vocabantur, hisque praecerat Caesar Scotus Placentinus. Ea manus primum aduentantium & irruentium equitum egregie impetum sustinuit, sed sclopettis semel displosis usque adeo acriter equites inveciti sunt, ut universos ad secundos ictus sese instruere perturbarent, quod viae eius itineris cavae, & praeralta saxaeque crepidine utrinque munire omnem discurrendi atque explicandi sese facultatem eriperent, magnoque Caesariani ului esset equorum impetus, quando in depressa & perangusta via a paucis vel fortiter conglobatis sustineri nequiret. Per hunc modum perrupto & iterum profligato Gallorum novissimo agmine, gravis illico tumultus ad medium agmen pervenit, parique sorte quum frustra a primo agmine subsidia expectarentur, quod id plenae passibus anteibat, ab eodem victore equitatu fusum, & parva cum cede armis, & sarcinis vexillisque militaribus & tormentis exutum est. Quandoquidem agra militum corpora languescuntibus dextris vix haurire intentarent, aut gladios distringere auderent, contra victores qui in deducendo humique proiectos & salutem deprecantes, contenti praeda a caedibus facili temperabant. Navarrus ipse qui utierat aeger lectica saepe vehebatur, & tum festinandi causa humilem mulam conscenderat, obliquos viae tramites querens ab Epirotis Graecisque equitibus interceptus est, Neapolimque perductus. Salallus vero & Rangonus expeditum nacti iter ad Averfam intacti pervenerunt. Sed eorum copiae usque adeo angusta portula receptae sunt, ut amplius tribus horis quum singuli introirent, victores iam adesse arbitrati, diutius fossa trepidanter ut admitterentur expectarint. Quibus tandem intra moenia receptis & paululum recreatis, quum duces in arcem de urbis defensione consultarent, Hispani pedites agminatim supervenere. Hi namque a Vasconibus repulsi ad fauam fugae hostium equitumque victoriae incitati ad iter capiendum antecedentibus sese aggregabant. Primis Hispanorum cohortibus in conspectum Averfae se dantibus, reliqui manipulatim se aggregabant, & quod perterritos atque imparatos hostes existimarent, adiuti paucis scalis quas ex suburbanis casis repererant, alij hastis innixi alij commilitonum humeris sublevati, e-reperi in muri coronam coeperunt, cohortantibus. Saiavedra et Ioanne Gaetano qui navali praelio captus dimissusque fuerat. Hi primi omnium conscenderant, plenaque iam Caesarianis muri corona, quod hostes metu praepediti nequaquam alacriter arma expedire viderentur, in urbem sese vel temere dimittere non dubitarunt. Sed eorum paucitas Gallis animos ita erexit, ut Guidone Salassoque ante alios prodeuntibus, & acriter inuadentibus, Hispani quibusdam suorum interfectis, aut captis, rursus subire coronam, atque inde se demittere cogentur, sicut nonnulli religatis ad pinnas sclopettorum funiculis, per eos vel abralis manibus desilirent, aut periculoso saltu praecipites in fossam se darent. Ab eo

irrito conatu Hispani quod iam frequentes armatos, et tormenta displodentes Gallos in mœnibus conspicerent, Aurantio & Gonzagæ quid rei gereretur significarunt, postulantes ut tormenta muralia atque ampliores copias summittere properarent. Quandoquidem hostes iam confirmatis animis de ditio ne colloqui recusarent, proindeque iusta vi expugnandos appareret. Itaque duces perterritis, nullum quo animos colligerent, aut vires alicunde resumerent spatium moræ dandum rati, tormēta ad Auerfam pervehi iusserunt: quo temporis intervallo castra Gallica nullo iam defendente invasa direptaque sunt, magna prædantium admiratione, quum præter arma tormentaque magnitudinē & numero amplissima suis locis reperta, ægri etiam moribundi que milites passim iacerent, & quod erat acceptæ cladis argumentum, in ornatissimis tabernaculis enata gramina conspicerentur. Erat ea forma castrorum situ munitioneque memorabilis, & prorsus sicuti vidimus, stupenda: sic ut plerique Cæsarianorum ducum nusquam peritius & accuratius à quoquam hac ætate castrametatum fuisse faterentur, & magnam partem eius disciplinæ à Nauarri ingenio profectam dicerent. Postero die Salassus ubi tormenta que ex Gallicis castris advecta fuerant, promoueri videt, suos componit, & distributis per idonea loca præsidjs, hostium vim expectare constituit, quod propugnando resistendoque generosa ortum stirpe armatum uti deceret occumbere, quam nullo Fortunæ aut virtutis suæ facto periculo turpiter se dedere honestius putaret. Eiusdem animi erant Rangonus & Pomperanus, parique alacritate & confirmatione animorum veteres milites defendendis mœnibus opportuna tela comparabant. Sed postquam ab Aurantio adactis maioribus tormentis verberari murus & mox aperiri cœpit, & introrsus repetiti pilarum ingentium ictus nequaquam diu sustineri posse censerentur, eadem infestæ Fortunæ violentia in genu Salassus grauiissimè vulneratur, resiliēte scilicet perfracti tormento lapidis fragmine, quo ex acie in domum relato, magnopere imminutus est paulo ante resumptus vigor, & eo quidem grauius, quod infestibus nuncijs allatum fuerat, hostes Capuam recepisse, ad quam dubijs & aduersis suis rebus Galli confugere posse sperauissent. Nam (ut supra diximus) Maramaldus cum suis cohortibus ad tentandam Capuam proficisci iussus, sinistrorsum capto itinere, loco idoneo sibi que noto non procul ab urbe confederat, & cum Iulio è Capuana familia Cæsarianarum partium, qui alæ equitum præerat, Campanos ad defectionem sollicitabat. Erant Capuæ Vgo Pepulus æger supremum exhalans spiritum, & Iulianus Strozza (is cum nigris cohortibus præsidio Puteolis nuper fuerat) præterea ingens ægrorum multitudo omnis generis. Nam Capuæ cunctis qui morbo tentarentur in castris, certus atque salubris erat receptus. Itaque Campani moriente Pepulo, Maramaldi adventum timentes, & de Gallorū victoria nequaquā temere desperantes, dissimulato consilio, cum militum multitudinem adhortantur, ut delectis his qui viribus valerēt, aut qui iam ex longa valetudine vires recepissent, facto equitum & peditum firmiore globo, exire prædatum vellent, quod nihil iam Capuæ pecoris superesset, qua excursionē aliquam pinguioris obsonij copiam relatu-ros, & quo successu à suis pariter atque hostibus bellum Neapoli gereretur, certius exploratu-ros. Probatur id consilium ab omnibus, quod callidum & non obscuræ perfidiæ plenum Campani obtulerūt, sic ut magna manus armis & equis se instrueret, & sub vexillo statim portis egrederetur.

Sed Campani egressis, & non multo post redeuntibus portas occludunt, eadem ferme hora qua Ceruarium ut diximus cum Rentiana cohorte venientem excluderant. Ob id desperato ingressu ea manus, uti cuique libuit, dilapsa est: & Maramaldus ab averfa porta in urbem est introductus, accumulata egris Gallis miseria, quando omni armorum & vestis instrumento expoliati captique essent, ipsiq; Vgoni iam mortuo, & inde sacra feretro imposito, inter natus sacrificulorum ornamenta equestris cultus detraheretur. Erat enim ex eo procerum ordine qui conchyliatum torquem Galliae regis munere eximij honoris causa gestare consueverunt. Maramaldi siquidem cohortes e rapacissimo genere hominum Lucanis & Brutijs constabant, quae ex Gallia Cisalpina, Etruriaque ingentes egerant praedas, Romaeque praesertim avarissime grallatae fuerant. Strozza autem qui cum pecunia Florentini quaestoris in arcem temere munitam confugerat, certa pactione se dedit. Ea Campanorum defectione Aversae pervulgata, nec cessantibus Caesarianorum tormentis, Aversani metu instantis cladis perterriti, iacentem Salassum adeunt, orantque suppliciter, ne pertinacia sua fidelem miserrimamque urbem in extremum salus discrimen adducere velit, maturaq; deditio, plorantibus tot matronis & pueris subveniat, postquam cuncta sese defendere conantes deficerent. Salassus mortifero ictus vulnere, atque extremo dolore compulsus, animum ad pietatem revocat, & Guidonem Rangonum ad Aurantium mittit, qui de ditione quam honestis possit conditionibus transigat. Is uti debebat in id consilium nitebatur, ut cunctis incolumibus, salvisq; vexillis & civitate conservata proficeretur: sed victor Aurantij animus nonnulla superbe repudiabat. Per hunc modum aliquandiu re disputata, quod interim tormenta nullo quidem temporis puncto cessarent, & iam perruptus ad grandem hiatum murus, coronaeque pinnis nudata conspiceretur, nec Rangonus re confecta mature uti sperare rediret, Salassus militum quorundam precibus, & Aversanorum lachrymis fatigatus, per idoneum hominem ad arbitrium victoris indecoram deditionem fecit. Eam vero foedae pactiois conditionem, vel miseris vel victis indignam putavit Guido, qui adhuc cum Aurantio de conditionibus subtilissime contendebat, quum transactae deditiois tabulae proferrentur, usque adeo Rangonus est averfatus, ut testaretur se a quo iure esse liberum, nec pudendis statutorum legibus, quando eius perscriptae legis beneficio uti noller. Hac ita coepta Caesariani interim recepti in urbem, quos pecunia redimere posse videbant ad unum omnes cepere. Ferunt Pomperanum in ea tantae calamitatis cogitatione defixis in caelum oculis obstupescens, acerbissimoque dolore perculsum, in vestigio concidisse, quum rigerent adhuc oculi, nec ullis fomentis ei exanimato, vita subito deliquio erepta, restitui posset. Hic est ille qui Carolo Borbonio proditionis damnato, totius exilij comes fuit, & eius postea admisi sceleris pertaesus, a clementia Francisci regis alae praefecturam promeruit. Illo etiam triduo, quod multis fortium virorum funeribus Gallis maxime luctuosum fuit, mortuus est ignobili & foedo in loco Ambrosius ille Florentius Insuber, qui mali aut certe fatalis consilij dirus author, Lotrechium ut diximus, ab oppugnatione Mediolani Neapolim pertraxerat, ob idque meritas factiosae malignitatis suae poenas dedisse videbatur. Eum quoque altero tantum die antecessit Petrus Paulus Crescentius Romanus, Clementis legatus, & Paulus Camillus Trivultius praefectus equitum in eadem pestilentis doloris

loris miseria excessit è uita, qui omnes uti erant nobilitate clarissimi, sepulture honore caruerunt. Pridie quam Galli Aversana in via funderentur, atq; eorum Cæsariani potirentur castris, Andreas Auria ipsos captivos Alfontum Vastium & Ascanium Columnam, quod Cæsaris stipendio sese commutavit voluntate addixisset, in Anaria insula, ubi illorum erant uxores, lætos exposuit. Nec multas post horas Vestius Neapolim est profectus, ut ducum consilij interesset. Is quod suæ perpetuæ benignitatis munus videbatur, Salasum Neapolim perductum omni humanitatis & munificentiae officio complexus est. Sed ille non multo post internecivo vulneris dolore mœroreque animi confectus, ultro propè accersita morte vitæ suæ finem imposuit. Vastius quoque Rangonum cum Hispanis an iure militiæ captivus dici posset, prolixè disputantem lata super ea remitiore sententia liberauit, & cum quibusdam notæ virtutis præfectis actuario navigio impositum in Anariam abire iussit, ut inde Romam, uti probè à fidelissimis nautis factum est, adveniretur. At Navarrus cui miserè capto quidam milites Hispani bina malesani atque infeliciis decreti transfugia obiectabant, in eundem pristinae, & tum supremæ calamitatis carcerem coniectus est, ea tamen Hicardi custodis indulgentia atque humanitate, ut extrui sibi in foco vaporarium camini tubum quo algens calefieret, impetravit, sed aliquando post vel æger vel senex, quum eum sicuti alios quieo bello defecissent, Cæsar perscriptis ab Hispania literis, capite plectendum esse censuisset, exanimatus in culcitra repertus est. Nec defuere qui crederent eum superiniectæ multiplicis stragulæ vestis pondere pressum, ultro necatum fuisse, quod Hicardus existimatione fortissimi ducis permotus, eum qui illam eandem arcem aliquando cepisset, revocata rerum fortiter gestarum memoria extra Cæsaris invidiam carnificis manibus subtrahere voluerit. Per eos etiam dies ambo Florentinorum legati Marcus Nerus, & T. Soderinus Auerse capti, apud Hispanos Neapoli vitam cum morte commutarunt: quum Nerus pecuniam, quam pepigerat pro redemptione tardius expediret, & Soderinus auri tenax, & vitæ prodigus, impositum tanquam æquo gravius pecuniæ pretium, se persoluturum obstinatè pernegasset. Verum nihil in eo belli exitu, quam infimæ multitudinis deformius atque miserius spectaculum fuit, quum semineces umbris hominum pares, pecorum modo ad stabula regia quæ sunt ad Magdalenam truderentur. Nam hoc pietatis officium a senatu Neapolitano ducibus ita iubentibus, ut ibi alerentur, curarenturque, impensum est. Verum corpora cuncta coeli, vigiliarum, & militaris laboris incommoda per quinque menses perpessa, usque adeo acervatim communicans morbis à contagiosa illuvie peribant, ut pauci superessent, qui in Galliam atque Germaniam remigrarent, atque ex eorum calamitate atrox pestilentia Neapoli relinqueretur. Ab hac inexpectata multis victoria felicitateque Cæsaris, & portentosa Gallorum clade, Fortuna nequaquam adhuc suo in eam gentem exaturato plenissimè odio, tam insolens quam atrox, in ipsum Lotrechij cadaver sævitiam exercuit, ut diuturni ludibrij victo, mortuoque contumeliam accumulare. Id enim Hispanus quidam impiæ atque impudentis argutiæ rapax, fabulo erutum è castris in Urbem retulit, & in regione, quam Sellariam vocant recondidit subterranea in cella, ut venalitium cadaver aliquem è Gallia pietate & reverentia insignem emptorem reperiret, qui redemptum repento multo auro in Galliam ad Fusis gentis sepulchra referendum

arbitraretur. Sed nemo unquam vel propinquorum qui sepulcræ iacturam magnificeret, aurumque rependeret, comparuit, ita ut valde mirum videri posset, quod in nemine apud Neapolim vel ducum vel procerum in eo flagitio inusitatae impietatis & iniuriæ generosus pudor humanitatem expelleret, quum in cella vinaria tanti nominis Imperator inhumatus iaceret, secus ac Valdemontio acciderat, qui sacratarum virginum, quæ in divæ Claræ claustris degunt, mirifica pietate honestissimo templi in loco collocari meruissent, quoniam id templum Andegavenses reges Valdemontij progenitores pia liberalique magnificentiâ condidissent. Cæterum Lotrechij mors sicuti militibus importuna, ita supra quàm credibile sit civibus Romanis ingrata, luctuosaque extitit, utpote quæ singularem Urbis tristitiam attulerit usque adeo, ut populus Senatusque Romanus in Capitolio non obscura summi doloris significatione e cunctis tribubus atra in veste cogeretur, ut ei quem Urbis liberatorem appellabat, quod Cæsarianos supremæ labis excidium communi gentium omnium patriæ immaniter afferentes detraxisset, iusti honoris causa parentalia decerneret, quæ eo ipso die quo nunciata mors eius est, instauratis regio cultu splendidissimi funeris exequiis, Laterano in templo quotannis celebrarentur. Id decretum religiosæ pietatis usque adeo ad diuturnam memoriam Lotrechio gloriosum videri potuit, ut non dubium victoribus, qui mortuo sepulturam invidissent, præduræ & propè infamis inclementiæ pudorem eximeret. Sub ipsam quoque Aversæ deditionem Agramontius publicæ labis Fortunam agnoscens, & reliqui cum eo Vasconum duces necessaria potius quàm æqua conditione se dediderunt, sic ut multa inermium & egentium agmina, quæ se Romana via ad iter expedirent, cernerentur. Hisdem etiam diebus post Lotrechij mortem Sanseverinus Salernitanus regulus, & Hieronymus Tutavilla Sarnensis comes ab Aurantio Nolam proficisci, & Valerium Vrsinum obsidere iussi, eum vix dum se ab adversa valetudine novis viribus confirmantem, in arcem se recipere, & postremo ea conditione deditionem facere compulerunt, ut cum præsidio ad castra Gallica deduceretur, quod erat parvo cum præsidio attenuataque equitum suorum ala, & Nolanorum paucissimi, ut ad pristinam Cæsarianorum ducum fidem redirent, ad arma parati essent. Sed in itinere cognitum est Gallorum castra nulla iam esse, quapropter Hispani equites eum iure captivum esse dictitantes, exutum armis & sarcinis Neapolim perduxerunt. Ibi de militari iure aliquandiu in ea controversia disputatum est. Verum commendatione multorum, ipsiusque præsertim Mirandæ precibus, quem paulò antè ab ipso Valerio captum, humaniterque dimissum diximus, ab Aurantio propter virtutem sæpius spectatam & generis nobilitatem, ut Romam enavigaret, impetravit. Quum eo modo res Gallica passim urgente Fortuna foedè concideret, Gallicæ Venetæque classis præfecti invadendi opprimendi que Andree Aurigæ consilium ceperunt. Erant enim ei concitante odio vehementer infensi, quod is à Gallo rege discedens, totius Italiæ causam importunè deseruisse, & perversa ratione nequaquàm iusta de causa sese Cæsarianis partibus applicasse videretur. Itaque prodeuntes ex Prochyta no freto, Auriam sub Iscla stationem habentem, ubi pridie Vastium & Ascanium exposuerat, conspicati in eum tormenta maiora in spatio viginti ferè stadiorum emittere cœperunt. Descenderam ego tum fortè ab arce ad litus prætoriamque conscenderam, ut summæ authoritatis virum, cui eram familiaris, hono-

honoris causa inviserem, gratularerque subinde quod commutata voluntate
 felici iudicio animum pro hostili erga nos amicissimum induisset, postquam
 insigni beneficio bello captos procures civili humanitate uxoribus & liberis
 atque penatibus restitutos videbam. Tum verò me secus ac putaram, navalis
 pugnae periculo implicitum cernentem, Andreas nihil prætervolantes pilas
 timere, & in certa puppis parte consistere iubet. Ipse molitur ancoras, aequi-
 lamque triremem omnium velocissimam præmittit, ut hostilis classis nume-
 rum certius exploret, expeditiq; armamenta omnia, tormentaq; dirigi in ho-
 stem præcipit, ea mente ut cum suis duodecim tantum triremibus, vel cum
 10 multo maiore hostilium numero, contempto omni periculo audacter con-
 gressurus crederetur. Sed quum hostiles multitudinem essent superiores, utpo-
 te quæ triginta quinque numerum, quæ iam freto excessissent facile excede-
 rent, Andreas prælium non temerè vitandum putavit, & in eadem statione
 substitit, quæ erat tutissima. Nam urbs Iscla quæ antiquitus Pythacusæ à figuli-
 nis & nō à simijs dicebatur, sterili in colle collocata in summo vertice munitissi-
 mam habet arcem, unde ei è vulgari Græco nomen est Ischia, siquidem mu-
 nitissimum locum Græcè exprimit. Hæc latè maria prospectat, tormentisque
 maioribus in hostilem classem directis, & prægrandibus pilis in eam vel ad in-
 certos ictus frequentissimè contortis, Venetas simul & Gallicas triremes ab
 20 accessu facile deterrebat ea conditione, ut è longinquo tantū crebris & inno-
 xis tormentis certaretur, & Auria lunato in loco rupium obiecta mole prote-
 ctius consisteret. Arx enim ad septentrionem directis in subiectum mare cauti-
 bus inaccessa est, quum in meridiem extensæ per gradus urbi immineat. Iungi-
 tur porro hic collis Anariæ insulæ oblongo ponte lapideo, sic ut urbs scopu-
 lo imposita & ponte annexa insulæ, navibus circum navigari nequeat. Cir-
 cumvolitabant tamen ex longinquo Venetæ triremes, & uno atq; altero in-
 genti tormento, quod Basiliscum vocabant, inanibus ictibus terrorem infer-
 re, & nostros in altum elicere conabantur, quod subire arcem nec ex propin-
 quo conferre triremes sine certo discrimine atque exitio se posse providebant.
 30 Itaque quum aliquandiu irritò conatu detrimentum inferre contendissent,
 intra fretum Prochytae unde exierant, se receperunt. Eo die tum primum
 Auria studium suum nudavit, aurataq; lilia, quæ erant Galliæ Regis insignia,
 & in extrema puppe spectabantur iracundè perfregit atque decussit: paucissi-
 mosque post dies Gallicam classem Neapolitano excedentem litore, & quod
 iam Veneta fractis & deletis partium viribus ad Messanæ fretum contendis-
 set, intentissimo cursu suæ classis persecutus est, tanta celeritate ut quædam na-
 vigia militaribus equis & pretioso castrensium rerum apparatu onusta con-
 sequeretur, & caperet, nec inde quicquam intermissa perpetui cursus diligen-
 tia, & segniores & longa navigatione debilitatas quasdam novissimi hostium
 40 agminis triremis interciperet, ut vix Tendanus regulus, quem præfuisse Hel-
 vetijs diximus, è manibus elaberetur. Locus admonet, ut quæ promiseram de
 alienatione Auria, & Ligustici belli causis (hæc enim à legentibus diutius ex-
 pectari non possunt) ex instituto operis exoluam: & seriatim enarrem, quan-
 dores bellicæ sub unum fortè tempus geste, ne texturam historiæ intercitant,
 atque ineptè confundant, suo ordine per partes explicandæ videantur.

Itaque operis præteritum erit paulò altius repetere à rebus gestis superioris an-
 ni, qui toti Italiæ non modò ab atroci terribiliq; armorum strepitu, sed ab

inuitata frugum penuria, & pestilenti cœli atque aeris inclementia supra omnes, quorum patres nostri meminissent, maximè dirus & perniciosissimus fuit. Erat is vigesimus septimus supra quingentesimum & miliesimum à portu Virginis, nefanda Urbis clade insignis. Igitur sub id tempus quo Lotrechius transgressus Alpes, eo modo, quo diximus, Boscum, Alexandriam atque Ticinum expugnavit, Franciscus Galliæ rex viginti duarum triremium classis Andrea Auria præfecto Malsiliensi portu emisit. Eum nuper honorificentissimo maritimæ præfecturæ titulo Amirantem mediterranei maris appellarat. Is Genuam obsidere iussus, superiora inferioraq; Liguriæ litora præcurrebat, idq; unum iniunctum diligenter obibat munus, ut frumentarias invectiones impediret. Nam tum Genuæ frumenti inopia vehementer laborabatur, & pestilentia sævire in cives cœperat, nec satis firma aderat classis Antoniotto Adurnio urbis & Cæsarianarum partium principi, qua Gallicæ classis obsisteri posset. Hæc dudum onerarias duas Ferrariam & Rapallinam prospero destitutas vento apud Florentium Corsicæ portum persequuta, sese intus ejicere compulerat, evadentibusque nautis atque vectoribus incendere. Quamobrem fiebat ut Genuenses onerarias naves ad coemendum frumentum in omnes partes dimitterent, & quotidie effusa in portum esuriens populi multitudine adventum navium expectarent. Earum fortè de frumento Siculo onustæ sese in Delphini portum intulerant, ut inde expectata idonea tempestate elusa Aurinarum triremium custodia ad urbem pervherentur. Qua de causa superioribus diebus apud portus fauces Adurnius munitionem erigi, inædificarique propugnaculum, & præsidium imponi iusserat, ut ibi ab alto intrantia navigia tutam haberent stationem, & ne à Gallicis triremibus oppugnarentur terrestri cohortium præsidio defendi possent. His Adurni consilijs diligenter exploratis Andreas classe proventus, idoneo in loco circum quatuor millia peditum exposuit, ut à terra portum & vicum occuparet, allectus spe totius hostium opprimendæ classis. In ipso nanque Delphini portu præter aliquot Ligusticas naves frumento & mercimonijs onustas septem aderant, partim Adurniæ, partim Cæsarianæ triemes: quarum proviso periculo Adurnius ferendæ opis consiliū cepit, Augustinumq; Spinulam prætorij præfectum cum multo maxima parte prætorianorum, eò terrestri itinere prohibesci iubet. Is naviter iussa faciens per montana aspera que itinera contendens ad vicum quem incolæ Bramapanem vocant, sub auroram pervenit. Tum verò exoriente sole ab hostibus, qui in litus descenderant Spinula conspicitur adeo præclare, ut quum per disruptos & angustos tramites se demitteret, militum numerus facile recenseretur, & Auriani ampliore numero suo confirmati obviam descendentibus eundum censerent. Erat modica planicies non longè à fano divi Michaelis trecentorum fermè passuum. Eam Auriani duces Antonius & Philippus proventus præoccupant, & Viscontem Cicadam nobilem signiferum, qui præfecti Auria gestabat vexillum cum valida sclopertariorum manu anteire iubent: ipsi mediam aciem excepturam descendentium impetum ex adverso instruunt. Viscontes nactus in his rupibus duos ingentes scopulos post eos suam manum collocat, & primos descendentium hostes, effusa glandium procella, transitu arcere conatur. Tum verò Spinula coniectus in locum unde se eripere sine ignominia graviq; suorum detrimento nō posset, quanquam numero hostium terreretur, brevi oratione milium animos

animos confirmat, docetq; hostes faciliè invadi superariq; posse si se prætorianos esse meminissent, quorum neq; virtutem neque impetum, aut Galli novi milites, aut Auriani semiremigès laturi viderentur. Nèc mora æquissimo loco se demittens, Viscontis sclopettarios è scopulis deiecit. Hi pulsi mediam aciem ex tumultuaria sua fuga perturbant, certatur tamen magna vi collato pede, sed vel paucorum hostium Auriani iniquo declivique in loco impetum non diu sustinent, continuo dant terga, & se in fugam per confragosam viam præcipites conijciunt. Spinula pulsis atque perterritis capto Philippo Auria instat. Ab Adurnijs victoriæ clamor attollitur, Galli que & Auriani timore
 10 occupati adeo perturbatè ad litus descendere conantur, ut pauci apprehensis remis in triremes evaderent, reliqui cæsi aut capti sunt, aut per avias & inaccessas rupes effugerunt, quum multo plures eorum præcipiti saltu se eripientes profundo mari mergerentur. Parta victoria admirabili casu accidit, ut eo ipso die Spinula ab Adurnio ad urbem revocaretur, quod Cæsar Fregosius à Lotrechio Genuam cum delecta manu peditum & equitum missus, in Pomeram Vallem se demisisse, & iam adesse nunciaretur. Quibus iussis Spinula parendum censens, suspicatus quod futurum videbatur, ut se discedentè Auria classem invaderet, trierarchos admonuit, ut se compararent ad prælium, & nudatas propugnatoribus hostium triremes aggredierentur. Quod
 20 si id facere præstareque uti oportebat non possent, in altum se proriperent, & in quos Fortuna vel Liguriæ, vel Etruriæ portas offerret properè confugerent. Cæterum vel terrestri victoria adiuti, nihil egregium aut fortibus viris dignum tentare ausi sunt, quod defensores pariter & remigès ad prædam incitati, conspecto hostium adverso successu in triremibus contineri nequivissent. Secundum verò complexi consilium, quum enavigare cœpissent, nec ullo prorsus vento iuvarentur, fessis remigibus animos ita desponderunt, ut intutum evadere posse desperarent, & continuo in eundem Delphinum portum redirent. Aluit occasione suæ intentus Auria, & in vectus in hostes, triremes præter unam omnes cepit. Hæc fuit Iustiniana cognomento Gibba,
 30 reliquæ fuere in potestate hostium, eo facilius quod nexi, servi que omnes ad transtra cathenati sublata voce libertatem invocassent, & propugnatores epibataeque omnes undique descensione facta dilaberentur. Captæ sunt ante alias duæ Genuenses, quibus præerat Iulianus Ripa Adurnij cliens. Aliæ fuerunt partim Siculæ, partim Hispanicæ. Capta quoque est & direpta pretiosi mercimonij plena navis oneraria cognomèto Iustiniana, quæ dudum è Chio Orientis insula in Delphini portum pervenerat. Hæc res gesta est sub Idus Augusti ita alternante vices suas Fortuna, ut qui terrestri pugna victores fuerant, mari victi, & mox debellati fuerint. Cæsar nanque Fregosius ad divi Petri farium, quod vocatur ad Arenam positis castris, caduceatorem regium in
 40 urbem præmisit, qui Genuenses ad deditionem hortaretur, & si id facere abnuerent, omnia infesti belli detrimenta, & villarum incendia dinunciaret. Adurnius qui paucis antè diebus ægra spe rerum suarum permotus decurionibus permiserat, ut legatam ad Lotrechium de concordia mitterent, caduceatorem repulit. Id autem legationis munus susceperat Vincentius Pallavicinus, æquissimasque conditiones à Lotrechio retulerat, præter id unum quod à Genuensibus enixè petebatur, ut scilicet Savonam urbem ademptam populo Genuensi redditurum polliceretur. Eam namque urbem Memorantium

regis gratia validum sibi impetrasse, & præfectum nomine Moretum imposuisse terebant, eo consilio ut Savonensi portu, quod esset Galliae Cisalpinæ opportunissimus, postquam Genua aliene esset ditionis, ad omnes belli commoditates uteretur. Ea re Genuenses nihil gravius sibi accidere posserat, quàm ut Savona tot seculis civitati contributa subtraheretur, repente commutata animis, à priore ditionis consilio discesserunt, ita ut Adurnius non obscuram spem retinendi principatus sumeret. Quapropter exploratis Cæsaris viribus noctu in eum eruptionem facere constituunt. Imposuerat Cæsar cum præsidio unius cohortis Borrachinum præfectum in æde sancti Benigni. ratis in supercilio montis, qui imminet ei turri quam à lychno nocturni luminis Pharus vocant, despectatque dextrorsum subiectam maris plagam, in qua, ut diximus, ad Arenæ templum Fregosius confederat. Cognito hostium adventu Adurnij, & paucitate copiarum eius contempta, eos invadendos decernunt, & post intempestam noctem eductis prætorianis rectâ ad eos proficiscuntur, adeo silenti agmine, ut apud Lazariam veterem portam Borrachini excubias parum intentè speculantes opprimerent. Ab his ubi sit Borrachinus, & ubi consistat Cæsar discunt, continuoque dorsum eius promontorii conscendentes, Borrachinū semisopitum, confisumque suis excubijs capiunt, præsidiumque eius paucis caesis, & nonnullis vulneratis fugatur, & per exteriorē rupis partem deijcitur. Fregosius audito strepitu & iam inalbescente cœlo confusus suorum fuga, appropinquanteque hoste sese colligens, munimentum quod sibi obtulit irruentibus opponit. In ea namque parte littoris ædificabatur oneraria ingens navis, cui Grimaldiæ nomen fuit. Iamque carina eius scamnis & trabibus canterijs, quos fabri scalos vocant, erat constituta, & costæ suis incurvis alferibus intexebantur. Itaque eo navigio promunitione usus, sclopettarios opportunè disponit, & glandibus coniectis hostes ab accessu arceat. Ibi bifariam divisam partem dextrorsum ad Fregosianas copias ubi erant equites nonnulli, Martinengo duce defertur, altera contra Cæsarem procedit. Sed factum est egregia fortitudine Cæsaris, ut qui in navigio erant, hostes loco pellerent. Nam Cæsar & a puppe & à prora cum suis profiliens in ipsos Spinulanos parum constitenter oppugnantes, & metu sclopettariorum perturbatos erupit, & reliqui Fregosiani Martinengum in congressu ita repulerunt, ut circumventus in medio caperetur, Spinulaque ipse deveniret in potestatem: & Sinibaldus Fliscus, qui cum clientū manu aderat parvo temporis & loci spatio ex hostium manibus eriperetur. Eo modo Cæsar semihore momento in ipsa propè rerum desperatione victoria potitus, pleno passu ad urbem contendit, & inter suburbana tecta viæ militaris, quam Fasciolam vocant, iuxta Theodori templū tumultuariam Hispanorum manum, quæ subsidio mittebatur, magno impetu fundit, & ad divi Thomæ portam provehitur. Nec diu post cives excitati Fregosij victoria uti antè statuerant, neque postea impleverant, Galliae regis imperio se dedere decernunt, missisque Ferrario & Lomellino legatis (hi enim erant Fregosianæ factioni addicti) qui portam aperirent, & Cæsarem exciperent, victores introduxerunt. Ipse princeps Adurnius, qui ad tumultum adcurrerat, ubi introductos in urbem hostes ex populari acclamatione audiit, converso equo in arcem propere cōfugit, paululumque moratus, ad novissimū consilium quod erat civilis potius pietatis quam bellicæ virtutis, descendit. Neque enim eum animi vigorem, quem Hieronymus frater adversis in rebus tulerat Antoniotus, uti erat

erat remissiore ingenio, & podagræ vitij correptus, ferebat. Statim siquidem Philippum Auriam, quem in arce captivum habebat, liberaliter dimittit, orat ut operam æternæ laudis patriæ præstare velit, ne necesse sit in ea mutatione principatus cædibus certare, quibus intestinis malis civitas omnino lacerrareturque deleri posse videatur. Sibi quoque in eam publicæ salutis curam intento nihil fore honestius arbitrari, quàm excedere arce, ut urbanis rebus tranquillitatem adveheret. Cum his mandatis Philippus æquè fidus & alacer ab arce in aream Aurianam descendit: advocat contribules, & plerosque alios cives, appositæque oratione persuadet, ut Galliæ regis imperium lubentibus animis suscipiant, veterum odiorum & factionum oblivisci, & ab omni contentione discedere velint. Ea Philippi oratione permoti cives ad comprimendum plebis & militum tumultum per urbem discurrunt, sedaturque illico moderatione Fregosij & civium precibus armorum strepitus tanto parendi obsequio, ut nulla domus præter decurionum Prætorium concursu plebis diriperetur: sic ut admirabile videri potuerit, quod in tanta perturbatione, nullo propè effuso civili sanguine urbanæ res fuerint compositæ. Quod si Aurianæ Gallicæque triremes quæ tum aberant, eo die portum tenuissent, rebantur cives, navales turmas uti prædæ avidas non facile coerceri potuisse quin effusissimè grassarentur. Itaque singulares à Senatu atque omnibus ordinibus Cæsari gratiæ sunt actæ, quod Galliæ Regis commodo quàm propriæ dignitati atque amplitudini quàm armatus arripere poterat, studere maluerit. Erat enim Cæsar Iano patre genitus, qui tum Venetis in castris militabat, Genuæque principatus Fortuna aliquandiu, ut suo loco diximus, fuerat potitus. Data sunt ei virtutis & clementiæ nomine præmia signatæ pecuniæ & certissimi annui redditus alimenta, quæ ad posteros transirent, è senatusconsulto constituta. Nec multo post pari civilis animi propensione Adurnius arcem civibus reddidit, & cum præsidio clientium suorum patria & principatu cedens, ad paterna castella se recepit, paucisque post mensibus quum ad Antonium Levam esset profectus, apud Mediolanum sine prole fato concessit. Non multo autem post dies Genuam venit Theodorus Trivultius, qui deductus in senatum consensu civium, satagenteque in eam rem ipso Auria, Decuriones in verba regis sacramento adegit, quum paulò antè Cæsar Fregosius ad Lotrechium in castra redisset. Eius diu anni inclinante autumno quo hæc in Liguria gesta sunt, & Lotrechius reiecto oppugnandi Antonij Levæ consilio, totas Francisci Sfortiæ præsentis atque obnixè orantis spes eludens, post eas urbes, quas diximus manu captas ad oppugnandam Neapolim ire properabat. Landus Venetæ classis præfectus in Siciliam navigavit, atque ingressus capacissimum Augustæ portum postulavit à præfecto arcis, ut sibi præsentî pecuniâ coemere frumentum liceret: quod quum præfectus spontè se concessurum Venetis ex professo Cæsaris hostibus pernegasset, Landus refractis horreis, quantum sibi opus esse iudicabat, frumenti copiam navibus imposuit, ea æquitate ut pretium Siculis egregia fide persolveret. Ab Augusta autè digressus, quæ est inter Pachynum promontorium & Siracusas, superato Melsanæ freto ad Æolias insulas cõtendit, circa quas triduo tempestate iactatus, & perflantibus demum modo Euro, modo Subsolano secundissima navigatione in Puteolanum sinum se intulit. Ibi quum tormentis peteretur è superiore Baiana arce, quæ est ad Baulos, in eo loco ubi olim Hortensij oratoris villa fuit,

longius secedens, directis proris atque tormentis oppugnare urbem Puteolos cœpit, ad quem classis locum Baianæ arcis tormenta pervenire non poterant. Ea namque arx in supercilio montis posita est, qui duo diversa maria despicit Puteolanum scilicet sinum, & Baianum portum, qui antiquitus Milenensis fuit, Romanorum navale tutissimum. Mare siquidem Milenis copulo illisum per arctas fauces ad lævam influit, & conclusum efficit pelagus, quod hodie perpetuæ tranquillitatis nomine, Mare mortuum appellatur, habetque iuxta ad certam æquationem fornicati operis piscinam, quæ ab incolis Admirabilis vocatur. Cæterū Landus nihil tantata per milites expugnatione ex condicto iussuque Senatus, ut Gallicæ classi iungeretur, Tyrrheno proventus inari, ad portum Herculis quod est ad Argentarium Senensis agri promontorium, Auriam obvium habuit, communicatisque consilijs in Corsicam primo, atque inde per fretum quod utramque insulam dirimit, in Sardiniam trajectum est, & copię, quas Rentius Ceres elapsus clade Urbis Gallica pecunia scripserat, in terram expositæ sunt. Primum quod occurrit, fuit oppidum nomine Genuense Castellum. Ibi promotis proris tripartito munere tres classes uno tempore diversis in locis murum verberare cœperunt, tuncque magna parte mœnium quassata & diruta Castellorum res, quamquam egregie sagittis præsertim atque lapidibus se defenderent, grave in discrimen adductæ videbantur. Quo permoti periculo oppidani Rentio significarunt, se certa conditione postero die dedituros. Is enim suos in acie continebat, ut cuncta quæ supervenire possent Sardorum auxilia continuo arceret, ne navalibus socijs oppugnatione occupatis ulla exterioris hostis videretur. Sed in metu deditioisque consilio versantibus oborta fortè tempestas turbulenta, qua ab importuoso littore classibus erat discedendum, salutem attulit. Nam repente sublatis ancoris intento usus remigio Auria ad Herculis insulam, quæ olim Diabata, hodie Asinaria dicitur, contendit, cursumque eius observantes Venetæ Gallicæque triremes in eundem portum concesserunt. Is est fidissimè recessus, & obiectum contra respicit Falconis promontorium, ab antiquis Gorditanum appellatum. Dum classes decedente tempestate tranquillitatem expectarent, qua freti ad expugnandum Castellum Genuense reverterentur, Rentius eos admonuit, ne renovato impetu de expugnatione oppidi cogitarent per causam obtinendi commeatus, quoniam ipse cum terrestribus copijs proximum oppidum nomine Sursam occupasset, quod erat ab incolis desertum, atque omni commeatus copia plenissimum, unde per multos menses universa classis ali posse constaret. Interea Rentio interiora insulæ pervadenti nunciatum est, Sardorum equitum alam cum ingenti sagittariorum peditum agrestium numero adventare: quibus excipientis Rentius expeditam sclopettariorum manum loco inter vepres & arbuta ad insidias idoneo collocavit, primoque impetu incautè præcurrētes hostium equites fudit & avertit, quum in primo agmine nonnulli glandibus traiectione cecidissent, & ante alios eorum dux cum signifero Bartholus cognomento Florentinus, usque adeo perturbatis reliquis, ut ea ala equitum ferme quingentorum refugiens, agmina sagittariorum perturbaret atque proculcāret. Neque postea ullo in loco amplior Sardorum manus sese ostendit. Itaque classibus Sursam præde & commeatus ingenti copia affatim repletis, Rentius ad Saxerim urbem præfecti totius insulæ sede, & Sardorum conventu claram accessit.

cessit, & quod præfectus munitiorem quærens locum Caralim aufugisset, eam urbem copijs suis occupavit, quo etiam appulit classis. Tanta verò omnis generis annonæ copia reperta est cum frumenti & vini, tum etiam ad opima milium & remigum salitæ carnis & casei, numerosique maioris & minoris pecoris multitudo, ut multa ingluvie earum rerum paulò antè exurientia corpora morbis tentarentur, nec secus ac in pestilentia accidit, magnus numerus ægrorum interiret. Nam supra intemperiem Sardoï cœli, quæ vel hyeme etiam erat gravissima, ea copia cibariorum & multiplex recentium præsertim carniū usus, deficiente pane, affectis et paratis ad mortem corporibus accesserat, usque adeo miserabiliter, ut non modò in milites & remiges, sed ad aliquot nobiles trierarchos ea contagiosa labe permaneret, & dimidia pars hominum absumeretur, reliqua lethaliter langueret, & ea clades adverso prælio major censeretur. Audivi ego Auriam eius infaustæ expeditionis consilia explicantem, propterea in eam calamitatē classes incidisse, quod sicuti propositi prioris erat, regijque consilij Siciliam gerendo bello invadere nequivissent, retardati scilicet longa expectatione Rentiarum copiarum, quas ille tardius quàm expediret, constitutumque esset, è Liguria ad Etruriæ portus adduxisset, subindeque adversissimis ventis maria clauderetur. Idcirco commeatus inopia adductos Corsicæ, ut necessitati parerent, oram legisse, atque Sardiniam apprehendisse, nihil hyberno tempore infamis insulæ inclementiam reformidantes, quum æstate solū & autumno Sardinia pestilens esse consuevisset, quasi cuncta uno tempore pro Cæsare admirabili conspiratione propugnarent, mirumque esse fateretur quod ipsorum consilijs rectissima deliberatione suscepta, tota ea navigatione adversa omnia, hostibus verò secundissima provenissent. Exinde ab infamilitore discedentes, Liburni portum tenuere, quem antiquitus Ciceroni Labronem fuisse constat, hodieque apud incolas priscum id nomen retinet. Instabat iam adventus ciconiarum prima non dubij veris signa afferentium, qui incidit in Idus Februarias, atque ita aperiente se mari Ioannes Morus primus omnium cum sua classe profectus Siculum transivit fretum Corcyramque pervenit, quem non multo post subsecutus est præfectus Landus. Gallicæ verò triremes reliquias Rentianarum cohortium sustulerunt. Ipse autem Auria ea conditione Genuam est reversus, ut cum octo trirenibus Aurianis Philippum Auriam propinquum legatumque suum cuius virtuti plurimum confidebat, non multo post ad Lotrechium Neapolim obsidentem mitteret. Initio autem æstatis (ut diximus) Philippus navali prælio propè Salernum cum Vgone Moncata commissis classibus conflixit, paræque victoria Alphonsum Vastium & Ascanium Columnam eo prælio captos ad Auriam perduxit. Hi pro redemptione æquum pretium pollicentes Auriam demississimis precibus orabant, ne se regi Gallo ad diuturni carceris miseriam tradere properaret. Repetebat enim eos rex multis de causis, quod lege militari & suis auspicijs capti tradendi censerentur. Sed id Auria ex privatis stipendij sui conditionibus se facturum pernegabat, quod longè molestissimum magnanimo Regi cupidissimoque ostentandæ liberalitatis atque clementiæ in captivos dolorem afferebat, usque adeo ut iracundia correptus Auria responsa tanquam insolentiæ & non obscuræ avaritiæ plena contumeliose detestaretur. Dicebat enim Auria nuper expetenti regi Philiberto Aurantium ab se mari captum & prægrandem pecuniam pollicentē li-

beraliter concessisse, neq; postea regem uti promississet, iuraque militiæ postulabant, pro captivo ullam omnino pecuniam rependisse, eumque pro accepto munere aliam non reddere gratiam, quam ut ipsum meritorum stipendiorum spe & longa expectatione frustraretur. Sed Auriam sicuti didicimus, ut duriores se æquo regis postulatis, inexorabilemque præstaret, nequaquam pecuniæ cupiditas, sed ingens amor erga patriam impellebat. Genuenses namque gravissime conquerebantur, Savonam sibi adimi, vetustissimoque ipsorum imperio subtrahi impotenti regis libidine, qui importuno detrimentoq; vectigalium præiudicio, portum atq; emporium ibi condere ad summam ipsorum contumeliam statuisset. Hoc siquidem publico dolore Auriam vehementer angere Vastius conspiciens, eius animum pertentare ausus, eam ægrum & nutantem perpulit, ut commutata voluntate, conversoque studio repudiataque regis amicitia Cæsaris auspicia sequeretur, à quo certissima præmia expectari possent, quæ spes omnes de liberalitate regis conceptas magnitudine honoris atq; stipendij superarent. Clemens Pontifex causis Auriæ alienationis compertis per Salviatum legatū regem amicissime permonebat, ut operam daret, ne Auriā causam depravati animi discessusque sui navet posset, quod vir ille possessione maris potens omnino in officio atq; amicitia retinendus esse videretur, ne si labesceret atq; deficeret ad hostem, spes omnis exploratæ prope victoriæ corrumpetur. Proinde imponendos esse iracundiæ frenos, ne publicis rebus officeret, si pertinacius vel iusto dolori indulgendum arbitraretur. Misit etiam Clemens ad Auriam T. Sangam ab epistolis, qui eum leniret, ne quid properè transigeret, hortaretur, quando perpetuum eius studium fidesque veteris constantiæ ab omnibus foederatis exigeretur. Cæterum Auriā quum audisset à Barbessio Gallicarum triremium præfecto sibi insidias tendi, & salutem eius ad sicarios propè deferri, opportunè sibi cavendum censuit, atque omnino Cæsaris amicitiam & militiam tanquam uberiorem certioreque complectendam ratus, è Genua ad Erycem, quod est oppidum iuxta Lunense promontorium positum, cum reliquis suis triemibus se contulit, dimisitq; sub fide Vastium ad Antonium Levam, ut cum communicatis consilijs de conditionibus ageretur, quæ deferri ad Cæsarem in Hispaniam deberent. Atq; ita non multo post Auriā torquem conchyliaz, quem honoris causa ab rege delatum acceperat, ad eum remisit, ab eaq; de more cerimonia sacramento militari se absolvit. Rex enim exactis stipendijs hominem retinere conatus, multa per Ioachinum Levantium Ligurem, quæ Lorechij iussu ab navali statim victoriā captivos à Philippo postulasse memoravimus, atq; item per Petrum Franciscum Pontremulanum frustra egit, quum iam seræ poenitentiae tempus incidisset. Per hunc modum Auriā singulari cum offensione Regis, magnoque eius incommodo cum Cæsare transegit, & uti diximus, cum duodecim triemibus ad Ænariam liberatos proceres Vastium & Ascanium retulit, deletisq; iam Gallis ad Aversam, & castris eorum captis, conlectabundus Gallicas naves, Genuam est reversus, eo infensi animi consilio, ut Gallos urbe depelleret, neque tamen novum aut Fregosij nominis, cui ipse antea enixè studuisset, aut Adurni, quod multis de causis iam pridem odisse videbatur, principatum induceret, sed ut omni externo dominatu repudiato, patria intestinis malis diu afflictā oppressaque nunquam deficientibus tyrannis, in libertatem suis auspicijs assereretur. Hanc enim Genuenses in uni-

universum multis annis exoptasse potius quam sperasse videri poterant, quod
 eorum ingenia nunquam satis pacata, novis semper studeant rebus, & muta-
 none principatus tumultuque urbano magnopere gaudeant, parata semper
 plebe ad excitandas seditiones suo pte instructu, impulsuque procerum, qui di-
 versas alere factiones, ostentare potentiam, & modo his, modo illis prout re-
 pentina libido tulerit, partibus adesse consueverunt. Civitas siquidem prioris
 seditionis seculi mores sequuta, infans & miserabili constituto non in duas uti
 prisce temporibus, sed in diversas atque multiplices factiones scindebatur. In
 Guelphos namque & Gibellinos diducta erat, quorum principes erant no-
 bilissimæ inter Ligures familiæ patritij ordinis nuncupatæ, Spinula scilicet &
 Auria ex professo Gibellinæ, & Flisca atque Grimaldia, quæ Guelphum no-
 men præferabant. Vetere autem lege diu observata cautum erat, ne quisquam
 civitatis principatu potiretur qui esset patritiæ gentis. Hunc enim honorem
 eximium populus usurparat, ea tamen conditione ut ex his esset familijs, quæ
 Gibellinæ partis forent. Nam populus eo etiam antiquissimo morbo labora-
 bat, & super hunc etiam nova factione dividebatur, quod aliqui maioris clas-
 sis quæ honestissimis atque ditissimis familijs constabat, vetustate numero at-
 que potentia patritijs æquarentur. Huius classis principes evaserant Adurnij
 atque Fregosij, qui Gibellinæ stirpis censebantur. Hi perpetua descensione à
 maioribus per manus traditum supremæ potestatis & imperij ex æquo decus
 petebant, certabantque odijs & armis, inclinante ad eos victoria, ad quos pa-
 tritius ordo, & popularium amplior manus accessisset. Magna quoque spes
 principatus posita erat in minoris classis studio: ea enim opifices infimamque
 plebem continebat, cuius erat multitudo ingens, & ad capienda arma ferendas-
 que seditiones paratior. Hæc infima populi classis ante viginti annos ab in-
 solentia, turbulentiaque ingeniorum tantum invaluit, ut sicuti suo loco me-
 moravimus, patritios tanquam superbè dominantes expelleret, erectoque po-
 popularium statu à Galliarum regis, in cuius clientela erat civitas autoritate dulce-
 deret. Qui tumultus usque adeo gravis fuit, ut vix adventu armati regis per-
 domita civitate coerceri potuerit. Igitur sub adventum Aurie Genuenses a-
 nimos à pristinis dissensionibus ad concordiam revocantes, de constituendo
 oblatæ libertatis statu, consilia inire cœperunt. Multa tum senatorum omnisque
 generis civium capita, eius damnati anni pestilentia sustulerat. Non deerant
 tamen in quibus vigeret studium complectendæ libertatis: propterea paulo-
 ante nunciata Gallorum clade, quæ ad Neapolim Lotrechio acciderat de a-
 bolendis veteribus factionum odijs, parandaque fideli concordia per coronas
 sermones ferere cœperunt, quos quanquam non obscuræ rebellionis initia
 viderentur, Theodorus Trivultius urbi præpositus minime verabatur, utpote
 qui Italicæ probitatis, & Christianæ disciplinæ putaret nihil pace & consen-
 su civili melius, nihilque factionum, quæ sæpe cruentæ extitissent, oblivione
 tutius atque salubrius. Andreas itaque iuxta urbem ei litori, quod Sarzanium
 vocant, cum tredecim triremibus noctu appulsus, notos sibi cives quosdā evo-
 cavit, rostratarumque singularum scaphas militibus cōplevit, iussitque ut explo-
 ratum intra molem præcederent. Orabant cives ut nihil bellica vi tentare pro-
 peraret, ne urbs foedæ direptionis periculo obijceretur. Idcirco Philippum
 Auriam, Christophorumque Pallavicinū in Auriam adoptatum familiam cum
 manu militum misit, qui per notos sibi aditus urbem intrarent, & quid facto

opus foret explorarent. Interea Galli trierarchi cognito Auriæ adventu nihil sibi moræ attulerunt, quin sublati ancoris ad prælium se compararent, & portu in altum se proveherent. Eo casu Auriæ scaphas suas revocat, recipit milites, & ad pugnam compositis armamentis procedit. Sed nox adeo obscura erat, ut classes inter se conspici nequirent, momentaneisque tantum quum tormenta incenderentur relucens flammis spectarentur. Quamobrem Auriæ non temerè tenebras detestatus, quod Gallos procurfu suo prælium appetere & congregari velle appareret, expectandam lucem esse constituit. Qua mora ei renunciatum est ab his quos miserat, urbem esse in potestate. Nam Philippus porta arcus portitus, & Pallavicinus per Giaretam quamvis cant portam iuxta navalia ingressus, pulsus ex itinere Gallorum excubitorum pervenerant, coniunctisque viribus ipsum prætorium depulsi Hætorum prætoria cohorte sine vulnere occuparunt. & quum libertatis ingenuum nomen undique audiretur, Theodoro arce se tenente civitas chota Gallici principatus libertatem complexa est. In albescente verò die quum piculatorium navigium Auriæ renunciasset, duas triremes è Savona restituta vigatione urbem petentes, ignaras earum rerum quæ accidissent, advenit. Auriæ ad eas opprimendas contendit. Earum altera in alto comprehensa, alteram concitatam in litus quod Cogoretæ plagæ est, suis catenatis remigibus plenam evadentibus propugnatoribus cepit. Nec multo post subditi Casariano vexillo, quo Vgonis Moncatæ prætoria capta fuerat, ad urbem suburbani littoris loco, qui Malpaga vocatur, classem appulit, exinde urbem in potestate esse certior factus, Gallicas duas item triremes, quas contra nati ad arma adversus trierarchos nexi remiges occuparant, propugnatoribus ad arcem confugientibus cepit, acclamantibusque ei populo tanquam victori assertori que libertatis, ad paternam domum ire contendit. Ibi concionam ad cives sui consilij causas aperuit, & suum erga patriam adductæ libertatis beneficium, ut agnoscerent, conservareque studerent, admonuit. Ipsi cives præ gaudio plorantes, certatim gratias agentes, receperunt se fortibus animo co uluros beneficio, quod optimus civis & patronus omnium fortissimus præstaret. Creatus est subinde advocato in consilio populo constituendæ Reipublicæ Decemviris magistratus, qui ordinaret civitatis statum, atque inter alter qui belli & pacis munia tractaret, quod plerique conscribendum exercitum censerent, quem descendenti in Pociferam vallem Francisco Borbonio Sancti Pauli regulo opponerent. Tantum porro fuit in plerisque civibus tendæ libertatis studium, ut ingentem pecuniam in ærarium liberaliter conferrent. Sed Borbonius retrò rebus desperatis reversus, in Galliam Cisalpinam unde venerat facile effecit, ut Theodorus Trivultius honestissima pactione redita arce sibi consuleret, & humanissimè dimissus ad tuta Gallorum præsidia proficisceretur. Nec multo post hisdem copiis, quæ contra Borbonium comparatæ erant, Savonam in potestatem redegerunt, Noviumque item oppidum, & Vadum castellum, quod est ad Vada Sabatia, Antonij triumviri ex Mutinensi prælio fugientis receptu clarum. Verum multo iracundiæ studio incitati Genuenses, ut bene mulctatos Savonenses relinquerent, in eorum portu duo magna navigia plena ingentibus saxis demerferunt, scilicet ut victis & æmulis omnem eius portus opportunitatem adimerent, imposita graviore etiam pœna si portum repurgare ullo unquam tempore tentavissent. Pari quoque

quoque Iaritia Castelleti arcem deferentibus Gallis receptam, funditus everterunt, ne ulla extaret arx quæ reponendo servitutis iugo vel civibus tyrannicis, vel externis regibus occasionem afferre posse censeretur. Ferunt ipsum Auriam cohortantibus quibusdam civium primatibus, ut dominatum civitatis quem bona fors offerebat, suscipere vellet, eius rei per amplum munus mira animi integritate atque constantia renuisse, quum diceret sibi exactæ propè ætatis senis, & satis opulento, nullisque innixis liberis, ineptum fore principatus nomen, satiusque omnino esse & multo gloriosius, id donum patriæ dedicare, quam inde à quoquam privato cive vel externo principe, qui sua ope ad imperium provehi posset, amicitiam & gratiam promereri, quando nihil ad veram laudem uberius, vel ad dignitatem honestius, vel denique ad reliquæ vitæ felicitatem firmiter atque splendidius fore iudicaret, quam eternæ suæ erga patriam munificentiae trophæum, post excussum ipsius auspicijs diuturnæ servitutis iugum, in foro memoriaque hominum, liberatæ à se patriæ statuisset. Nec multo post populus universus præclara ideoque perenni gratissimorum animorum testificatione legem rogavit, quam decuriones cunctis suffragijs sanxerunt, ut Auriae statua Colossææ magnitudinis è Lunensi marmore decerneretur, locareturque in foro, cuius bali his verbis titulus inscriberetur. **ANDREÆ AVRIÆ CIVI OPT. FELICISS. QVE, VINDICI ATQVE AVTHORI PVBLCÆ LIBERTATIS, SENATVS POPVLVSQVE GENVENSIS POS.** Paulo antequam Ligures tam vanæ publici status commutatione agitati, inexpectato libertatis munere pacarentur, Cæsar nutantem partium suarum Fortunam, novis copiarum viribus confirmandam ratus, è media Germania, Saxonumque finibus Henricum Brunsvicensem regulum in Italiam evocavit. Hunc Brunsvici dominantem (quæ vrbs eruditioribus Germanis olim Tulisurgium iuxta Visurgim amonè positum fuisse existimatur) Ferdinandus rex Cæsaris frater oblati stipendijs propositisque vberioribus præmijs, ætate florentem & bellicæ avidum laudis facile accenderat, ut ad quærendum novum decus domo proficisceretur. Coegit is parvo temporis spatio validissimas peditum legiones duas, armatorumque equitum ingentem manum, descenditque Tridentinis alpebus iusto tormentorum apparatu instructus, secum adducens carros vehiculaque Germanicæ generis, quibus non modo commeatus magnam vim, sed clybanos etiâ minorum instar furnorum convehebat, ut Cererem expedite vel in hostili solo percoquere atque inde se alere exercitus posset. Ad famam Henrici descendens, Veneri de salute oppidorum ac urbium suarum solliciti, continuo Feltrium imperatorem suum, qui amissam ferendæ opis occasionem, quam Clemens in arce obsellus frustra expectasset, in Piceno atque Umbria confederat, revocandum censuerunt, ut eo Germanis opposito suæ ditionis fines ab iniuria defenderent. Sed is peritus belli, neque Germanicæ virtutis ignarus, suasit senatui, ut vitæ dum omnino validi hostis impetum decerneret, nullum pugne discrimen subiret, & suas tantum urbes atque oppida confirmata præsidijs tueretur, quando ipse neque Italicis peditibus campestri in pugna confideret, adversus præsertim eas gentes quæ ab statario ordine acierum insuperabiles viderentur: neque levis ipsorum armatura equestri nisi temerè committenda foret Germanis equitibus, qui essent cataphracti robustorumque equorum constantia atque impetu maxime valerent. Itaque eas quoque copias que Sfortianis

coniunctæ cum Antonio Leva bellum ad Mediolanum gerebant, trans Abduam revocavit, validoq; præsertim præsidio urbem Bergomum permuniuit, quod fama esset illac hostes transituros tanquam Bergomatium præde inhiantes. Antonius porro Leva cognito Brunsvici adventu Abduam traiecit, atque unâ colloquutus, eum multis de causis ad oppugnandum Laudem Pompeiam perduxit. Ea enim urbs quæ prima omnium eo bello à Cæsarianis defecisset, Sfortiæ detrahenda iudicabatur. Nam Leva captum à Lotrechio Ticinuni-
gnavia Veneti, Sfortiani q; præsidij cui præerant Petrus Longena Brixianus, & Annibal Picenardus Cremonensis pessimè postea custoditum, inopinata hostis invasione receperat, ita ut eâ regionē quæ est inter Ticinum & Abduam prædabundi Cæsariani impunè percurrerent. Quibus rerū periculis ex novi hostis adventu cumulatīs Sfortia Brixiam suadentibus Venetis se recepit, Paulumq; Sfortiam ex patre Ludovico germanum fratrem præstanti virtute verum Laudi Pompeiæ præsidio imposuit, confirmatum aliquot Sfortiani nominis cohortium præfectis longè fortissimis. Brunsvicus Brixianum & Bergomatem agros effusè populatus, & sævis etiam incendijs bellum gerens, deducēte Antonio Leva Laudem Pompeiam superato Abdua pervenit, adnotisq; tormentis oppugnare cōstituit: quoniam Paulus Sfortia deposcenti Antonio Levæ, ut urbem Cæsari per insidias ereptam continuo redderet, nisi cuncta aspera & sæva experiri vellet, generosè respondebat se à fratre legitimo urbis principe custodiæ impositum, neque fidem, neq; spem de virtute sua conceptam fallere decrevisse, neq; his terriculis & minis terreri, quibus solè Leva quominus acriter strenueq; Ticinum adversus Gallū regem defendere, minimè succubuisset. Itaq; uti luberet mœnia tentarent, sperare enim urbem Dei maximi, divorumq; qui iustæ causæ nunquā deessent, beneficio & virtute militum suorum prosperè posse defendi. Nec multo post explorato urbis intra duobus in locis, quibus mœnia infirmissima viscebatur, triduo perpetua quæ-
satione murum perforavit, stravitq; summam pinnarum coronam, usq; adeo lato hiatu edito, ut faciliè invadi urbem, & capi posse promptissimi Hispani iactarent. Brunsvicus enim Germanis tanquā parum ad id munus expectantia primū prælij decus Hispanis concesserat. Neq; defuit alacritas atq; audacia ingens commendante Leva Hispanorum cohortibus, quæ primè Remiro duce subire murum cœperunt. Ii per arduum & acclivem mœnium aggerem conscendentes scuta prætendebant. Sed Sfortiani crebra glandium procella appropinquantes & subeuntes primò perfuderunt, occisisq; aliquot signiferis, qui intrare per ruinas ausi fuerant, lanceis & alabardis pulsos in fossam cruento impulsu præcipites deturbabant, sicut præ timore incommodoq; accepto instaurare prælium dubitarent, quanquam eos Antonius ignaviā increpitans, ut animos resumerent, rursusq; irrumperent, vehementer adhortaretur. Brunsvicus verò ut desinerent iniquissimo loco pugnam ciere Levam admoneret. Atq; ita Antonius receptui cecinit, quū occulto dolore angeretur, quod viri fortissimi aut cecidissent in fossa, aut lethiferis vulneribus debilitati sibi detraherentur, quorum desiderio extenuari sua præsidia, & difficiliorem defendendi Mediolani facultatem sibi futuram prospiceret. Paulus depulso fortiter periculo pro concione milites laudavit, honestavitq; muneribus eos præfectos, qui in muro & periculosa ea cōtentione singulari promptitudine dimicassent. Fuere hi Baptista cognomēto Mactus & Mannara ambo Cremonenses,

ses, Pelacanes item Bononiensis. Henricus qui eo cōsilio in Italiam venisse me-
 minerat, ut ad ferendam obsessis opem Neapolim contenderet, postquam ini-
 tia cōceptæ oppugnationis adversa funestaque provenerant, nec instaurato ap-
 paratu munitissima urbs iterum tentanda videretur, consilij inops; circa Me-
 diolanum æstivare, novaque belli ratione Cæsari operam præstare cogitavit,
 quod eadem à Mediolanensibus quæ Antonius imperare atque exigere con-
 suellet, gratuita alimenta atque stipendia se consecuturum confideret. Id veri-
 tus Antonius astuta simulatione Germano Italicarum rerum ignaro facile per-
 suasit, ut id consilium abijceret, & in Germaniam omnino redeundum arbitra-
 retur, quoniā pestilentia valde atrox iam in legiones Germanicas grassari cō-
 pisset. Nam eo infami anno pestilentis morbi lues diffusa per omnes Italiæ re-
 giones tertiam ferè mortalium partem absumpsisse ferebatur, deficienteq; pas-
 lum annona quæ immenso pretio cunctis in urbibus crevisset, multi inopesq;
 præsertim insolitis utentes cibis, contracta tabe sensim interirent. Qua de cau-
 sa Germani vel sua consuetudine pestilentia periculo contemnere soliti, con-
 spectus suorum funeribus, mortem ita timere cōeperant, ut stipendiorum certa
 spe destituti, ac urgentis inedia metu adducti, perosi que externum tanquam
 insalubre cœlum, manipulatim domum redire properarent. Neq; enim petere
 Neapolim aut tuto proficisci se posse providebant, quum per infesta hostium
 itinera esset transeundum; vel si in Etruriam aut per Togatam Galliam iter ha-
 bere ut, quando hinc Florentinos, illinc verò Ferrarienses Æmiliam attingen-
 tes viam pro insensibilis hostibus habituri dicerentur, appareretque ipsum
 sancti Pauli regulum qui cum novo Gallorum exercitu nuper in Italiam de-
 scendisset, occasionem minimè prætermitturum, quin iunctis cum Feltrio co-
 ppiis proficiscentium vestigijs insisteret, et iniquo aliquo eius tam longi itineris
 loco, grave detrimentū novissimis inferret. Hæc Antonius suo præditus astu
 prolixè & libentissimè differebat, utpote qui collegam præpotentē sibi adsci-
 cere nollet, ne enervatam opibus Insubrum civitatem, magno suo incommo-
 do delendam truculentia Germanorum volens traderet. Ferunt Henricum
 gravissime de malignitate Antonij apud suos conquestum, quod importunis
 perversisq; eius consilijs se deceptum fuisse prædicaret, quibus ab instituto iti-
 nere petendæ Neapolis retractus totum munus sibi ex consilio Cæsaris impo-
 situm, quā tempus appeteret, obire nequivisset, atq; ita iratum cōsternato ani-
 mo per Rheticas alpes Larium lacum et Grisonū fines in Germaniā rediisse, ma-
 gna parte bellici apparatus quæ attulerat relicta, et multis equis parvo pretio di-
 venditis, quod pleriq; eorum prægrandium & graviū, attritis ungulis intume-
 scentibusq; talis debilitati claudicarēt. At Philibertus Aurantius nō sine certo
 numine Gallis adverso tanta potitus victoria, primum omnium severa lege
 præscripta, citatos nec comparentes procures qui rebellassent, aut dubia fidei
 indicia præbuisent, erecto tribunali condemnavit, bonaque eorum, edito in
 milites ingenti donativo profusè distribuit, ea ratione ut ex merito spectatæ
 virtutis, pro dignitate ducum & præfectorum, redacta in fiscum oppida bene-
 meritis adiudicaret. Ipse contentus Asculo Apula urbe, Montis lacri oppidū
 quod in Samnio Vincentius Caraffa possederat, Vastio attribuit: Ferdinando
 Gonzagæ Arrianum. T. Caraffæ exulis oppidum, Alarconi Cæcilianæ val-
 lis quæ in Præcutinis est oppida, quæ Camilli Pardi fuerant, addixit. Turma-
 rum verò præfectis, & singulis propè pedestris ordinis centurionibus atque si-

gniferis Aquilanorum castella largitus est, & in his Epirotarum præfatione nomine Saccalo Naupliensi, qui Navarrum ceperat, castellum in Salentinis dono dedit, Philippoq; Belgæ Caroli Lanoij filio, Venafrum, quod Ferdinandi Pandonij fuerat: Beurioq; item Belgæ Quadratam in Apulia, quæ Aquinana familiæ reguli fuerat, concessit. quam largitionem eo animo ratam habuit Cæsar, ut Aurantium ea designatione præoccupasse suæ liberalitatis decus quereretur, eumq; ex alieno facile immodicum largitorem extitisse diceret. Ceterum magna vis pecuniæ ab his extorta est, qui nutasse in fide, afflatiq; defectionis suspitione, paratis in eam rem delatoribus accusarentur. Cuius classis fuisse Ferdinandus Vrsinus Gravinae regulus, & Bonifacius Oriæ oppidi in Salentinis dominus, Dragoneti lepidissimi poetæ pater antiquæ simplicitatis amator: Boviani autem & Venafrum regulo, & Federico Gaetano, qui in tempeste veni nihil de Lotrechij victoria dubitantes arma ceperant, & cum his Alcomari Aversano civi, in foro cervices abscissæ sunt. Incredibile dictu est quantam pecuniæ vim ex varijs criminationibus eo anno fiscus acceperit, in eam rem severæ inquisitionis diligentiam exercente Hieronymo Morono, quem pro captivo à Borbonio Romam perductum, in liberando Pontifice tam piam quam necessariam efficacis consilij operam præstitisse memoravimus. Non retro tentante biennio ab Urbe capta, quo Genuenses toties mutato rerum statu libertatem præstantissimo Auria civis munere receperunt, & Brunsvicus rebus infectis in Germaniam est reversus, Lotrechianæque demum copiae accedente pestilentia deletæ sunt, novum in Apulia bellum exarsit, Venetis (uti supra diximus) urbes pristini sui imperij repetentibus: & nonnullis Gallicæ factionis ducibus sese his in belli societatem aggregantibus. Nam ut memoravimus à Veneta classe Monopoli capta undique milites confluebant, & cum Camillus Vrsinus, quem à Troia in Apuliam a legato Veneto missum fuisse constat, coactis circiter quatuor milibus hominum Manfredoniam obsidebat, quam Cæsariani nominis cohortes duce Petro Aloysio Farnesio tuebantur. Cum Farnesio autem aderant cohortes præter suas peculiare nonnullæ etiam alie quæ Petri Mariæ Rufsij atque Alexandri Vitellij absentium vexilla sequebantur. Hi namq; post desperatas Pontificias res impetrata missione Cæsarianis adhæserunt, iussuq; Aurantij Farnesio se coniunxerant, qui ab initio secutus Cæsaris nomen cladi Urbis interfuerat. Gerebāt Rufsij atq; Vitellij vices duopeditum præfecti, Carlottus Parmensis cognomento Eques, & Alexius Lascares vir Græcus, quibus uno consensu urbem defendentibus frustra Camillus oppugnare atq; obsidere contendebat: quanquam turrim castris suis infestam, quæ erat extra urbem, igne cuniculis supposito, totam ferè cum clade defensorum, suisq; aliquot incendiarijs artificibus exscidisset. Erumpebant Cæsariani omnibus propè horis, & cum Venetis quotidiana exercitatione dimicabant iniqua conditione, quod Veneti multitudine equitum valerent, atque ex occasione ad cohibendas eruptiones, triremes obversis in litus prioris in erumpentes hostes tormenta conijcere consueissent. Eo tempore Veneti terramariq; impigre bellum gerebant. nam præter classem quæ magno sibi usui & terrestribus copijs erat, mirifica etiam Græcorum equitum opera utebantur, qui non solū circa Manfredoniam, sed tota quoq; Apulia & in Salentinis, Gallicis admixti copijs volitabant. Conduxerant namque fortissimorum hominum turmas, qui exosi Turcarum iugum à Peloponneso reliquaq; Græcia invicari

vitati stipendijs in Italiam transire cœperant. In his fuere, quorum nomina si-
 lentio minimè prætermittenda duximus, ut præclarè constet nō omnino exo-
 luisse equestris militiæ disciplinā tātopere apud eas gentes antiquis scriptorib.
 celebratam, Demetrius Maurelsius Ætolus, & Ioannes Palæologus Byzan-
 tius, duoque item Spartani Nicolaus Rhalla, & Emanuel Cladaus, & è Nau-
 plio Petrus Frossina, eo genitus Theodoro quem Brixia cecidisse docuimus,
 Ioannes quoque Coroneus cognomento Vasco, & è Zacyntho Lusius digni-
 tate equestri, Theodorusque Rhenes Epidaurius, ut Cæsarianos hoc loco mi-
 nimè nominemus, apud quos militare liquet inclytæ virtutis duces, Theodo-
 10 rum Buccalum Lacedæmonium, Demetrium Capuzzimadium è Nauplio
 & Zucerum Epirotica ortū stirpe, Megalopolitanū civē, quæ urbs hodie Lon-
 darium vocatur in centro Peloponnesi, loco valde campestri posita. Sed apud
 Venetæ militiæ Græcos à multis stipendijs præclaraque laude supra cæteros
 eminebat Georgius Bosichius, eo Dominico qui Paravino bello longè clarif-
 simus fuit, genitus: Simon quoque Romanus qui in Brutijs ab initio profectus
 eius regionis populos ad defectionem compulerat, magnasque res gesturus
 videbatur, postremo ad Montem Aureum non procul à Cosentia à Pignatel-
 lo Borellio acie superatus, per Lucaniam in Apuliam pervenerat, & auctus co-
 pīs quas ad eum Federicus Caraffa perducere serò fuerat conatus, Barolum
 15 ingressus, bellum Cæsarianis inferre cœperat. Quibus nuncijs permotus Au-
 rauntius ut Apulię rebus opem ferret, Ferdinandum Gonzagam cum dimidia
 parte equitatus, qui Quadratæ consisteret, in Apuliam misit. Reliqua enim
 pars hyematum circa Aquilam dimissa fuerat. Camillus quoque Vrsinus de
 Lotrechij obitu certior factus desperata expugnatione Manfredonis, cum suis
 copijs Tranium occupavit, propensissima Tranensium usus voluntate, qui à
 memoria pristini Venetorum imperij moderatum gravissimæ gentis domi-
 natum expetebant. Ex adverso Borellius Simonem Romanum ab se in Brus-
 tjs sulum, & Federicum Caraffam in Hpuliam se recipientes persecutus, cum
 his quas habebat copijs apud Andriam posuit castra, tumultuarijsq; excursio-
 30 nibus cum Cæsarianis iunctus bellum gerere cœpit, iniqua conditione: quo-
 niam diu equites magna ex parte Siculi, ineptis atque veteribus armis instru-
 cti & planè rudes, nequaquam Epirotis equitibus, arte sua per gyros hostem
 eludere solitis, pares evadebant. Quo mirifico equitatu fretus Simon cum Fe-
 derico Aufidum transgressus incursionem faciens repentinam in regiones Ca-
 nusiō & Cerrenniolæ, quæ Castellum Geryonis olim fuit, subiectas, magnam
 utriusque pecoris prædam abduxit, initoque cum veteribus præfectis consilio
 demunienda urbe cogitavit. Sub id quoq; tempus Rentius Ceres, qui uti me-
 moravimus circa Aquilam, Picenijs fines cohortes coegerat, ut opem Lotre-
 chio laturus Neapolim ire maturaret, audita Lotrechij morte desperatisq; par-
 40 tijs rebus, cum his quas habebat copijs (nam magna pars militū fuerat dilapsa)
 ad mare descendens, & ad Senogalliam naves nactus in Apuliam pervenit, &
 quod reliqui ante eum duces statuerant, muniendæ urbis Baroli consilium su-
 scipit, tanta cura, tantaq; sævitia, ut eam urbem dirutis omnibus ad unum sub-
 urbanis ædificijs, evastatisque civium possessionibus atq; delictijs, nec delubris
 sacrosanctis, ueteribusq; cœnobijs parcens, luctuosum in modum deformaret,
 tanquam longè omnium gravissima obsidio expectanda putaretur. Hisdem
 serè diebus Landus qui è Campania in Hadriaticum mare redierat, coniuncto

sibi Ioanne Moro, Ionij sinus præfecto, tota classe admota Melfictam urbem fortiter expugnauit, quum à terra uno tempore Simon Romanus & Federicus Caraffa suas copias admovissent. Muralis verò coronæ decus ad Dominicum Bembum nobilem trierarchum pervenit, qui per antennas muro appositus, primus pinas apprehēderat. Federicus autem Caraffa, qui refrigerandi causa æstuans galeam fortè detraxerat, lapide caput ictus occubuit. His de Causa Aurantius, quod in Apuliam hostium copias augeri, insignique classis beneficio bellum in Salentinos etiam extendi providebat, aperiente se anno maioribus viribus bellum gerendum conficiendumq; esse iudicans, novos duces suis subsidio misit, Alarconemque præsertim qui Borellio lethali febre ablumptus successerat, ipsumque Vastium cum tota mole peditatus, apparatusque tormentorum, ut Monopolim oppugnaret. Qua re provisa Camillus eductis Parolectissimis militum suorum, atq; his triremib; impositis, Monopolim est profectus, magnisq; operibus, atq; omni telorum genere ita se permunivit, ut Vastij impetum, cuniculis murum subruere conantis, aliquandiu ludificatus irrito incepto abscedere cogeret, quū ibi iuxta eum magno periculo Pompeius cubicularius tormēto fuisset interfectus, ita ut cruento discerpti eius viscera Vastius conspergeretur, & Mendanius Hispanus cohortis præfectus, gladio frontem penetrante occubisset. Is ille est Mendanius qui sub arce Mols Hadriani vetulam olitoris uxorem impijs manibus laqueo pro ianua suspendit, quod illa expetenti Pontifici binas lactucas in fossam opera pueri funiculo alligandas, & sursum extrahendas proiecisset, sic ut detestabili eius suspendij spectacula, prospectantis Pontificis oculi gravissimè per sex dies offenderentur, illeq; iusta indignatione permotus, hominem usque adeo impium execratus, paritiplicio devoveret. Cæterum eius Apulie belli nulla re præclare gesta memorabili, quod latrocinij & excursionibus, vastationeque urbium utrinque certaretur, cum habuit exitum, ut pacē inter Cæsarem & Franciscum regem confecta finiretur. Nam rex in eam curā totus incumbens, ut liberos quos obsides dederat, redimeret, cunctas sociorum rationes, suæ rei memor, atq; alienæ oblitus neglexerat, Cæsarq; petendæ Italiæ cupidissimus, ut de more sicuti obtulerat pontifex, honore diadematis ornaretur, facile obsides ab se redimipassus est, quum ei ducentæ aureæ monetæ miriades pro redemptione numerarentur. Hac pace vel muliebribus ingenijs tractata atq; confecta, nihil regi felicius, socijs verò fœderatis molestius atq; damnosius fuit. Nam hoc fœdere cū Venetum Florentini facile sunt prætermisisti, qui non sine calumniâ Gallorū eo pacis beneficio nihil adiuti, sed magno operè iniuriâ affecti, de fluxa fide regis conquerebantur, qui tametsi pudoris plenus eam duarū civitatū offensionē in formidinas tanq̃ pacis avidiores rejiceret, atq; eas iniquè deserere videretur, quibus tamen poterat verbis humanissimè solabatur. Ludovica namq; mater regis cum Heleonora regina nuru in Belgarum fines ad Cameracū contenderat, ut ibi celebri conventu habito cum Margarita Cæsaris amita de pacis conditionib; ex arbitrio exclusa omni vel legatorum externorum, vel iureconsultorum disceptatione statuerent, adeo occultatis consilijs, ut Balthasar Carduccius vesano propè sermone reipub. suæ dignitatem atq; salutem iniquè proditam quereretur, & Veneti non obscuræ suspicarentur, ea de causa id percussum esse fœdus, ut ipsi urbibus quas recepissent in Apulia decedere cogerentur. Quæ in re Nicolaus Campanus antistes Cæsarem monuisse ferebatur, ut quæ armis non fa-

cilè recepi possent, eius æquissimi fœderis beneficio recuperanda censeret, sagente in eam rem Clemēte Pontifice, qui Rhavennā & Cerviam sibi ereptas aliquādo ex illa cōspiratione duorum regū, sibi repetendas arbitrabatur. Itaq; ad pacis consecræ nuncium Gallicarū partium duces Apulię urbes tradiderūt, ultimusq; omnium eo bello Romanus Simon tormēto est interfectus, quum Brundulinam arcem oppugnare pararet, & se incautius speculabundus hostibus obiecisset, Veneti tñ aliquando tardius sua præsidia deduxerunt. Accidit autem ut his propè diebus in agro Insubrū, sancti Pauli Regulus ab Antonio Leva acie funderetur, et caperetur, quo nūcio Franciscum regē apparuit oportune pacē petivisse, quū eam omnino deteriorē accepturus videretur, si Cæsariani de Antoni Leve victoria tempestivè divinassent. Hic Sanctopaulus Boninus non multum efficax aut felix dux, iam unum atque alterum annum in Gallia Cisalpina transegerat, incensusque odio in Ligures qui ab rege defecissent, frustra bellum inferre fuerat conatus, atque item insidias Auriaę tetendert, quum eius domum nocturna incursione occupari, & diripi, quod esset extra urbis portam per Valacercam agrestium hominum cohortis ducem iussisset. Sed Auria domi non repertus facile periculum vitavit, neq; postea extra urbem in ea villa sine præsidio atque excubijs pernoctavit. Itaque Galli sese cum Venetis Sfortianis copijs coniunxerunt, ut Antonium Levam arctius obsiderent, egregiaq; simulatione speciem præbentes invadendi Mediolani, Ticinū continuo deflexerunt, quod ibi non multum validas in præsidio copias esse didicissent. Quorum profectione cognita Antonius parvo temporis spatio deceptus, uti cupiebat, Ticinensibus opem ferre non potuit. Erant in præsidio Petrus Biragus Insuber æquē strenuus & nobilis equitum præfectus, & Petrus Botticella patritius Ticinensis, Apontesque Hispanus, cuius virtuti Antonius multum tribuere erat solitus. Hi circiter duo milia hominum partim Italici & Hispanici, partim germanici generis coegerant, quibus addebantur promptissimi quique Ticinensium, qui pro patria supremum virtutis conatū edere decreverant. Sed bipartita oppugnatione, quum Galli paulo infra Periticiariam portam oppugnare adorti essent, Feltrius summa feliciq; industria traductis ultra Ticinum maioribus tormentis, intercedente amne navalia quaterere cœpit. Nam ab ea parte mœnium angulus prominebat, qui defensores in corona constitutos protegere videbatur, quo angulo celeriter decusso latera propugnatorum momento temporis nudata sunt, sic ut pilis coronam per longitudinem detergentibus, in muro consisteret nemo, qui subeuntes hostes destruderet. Magno namque conatu Gallos simul & Feltrianos atque Sfortianos, ut subirent & irrumperent ingens cadentis muri ruina invitabat, nec propugnatores, vel multis cadentibus, retardabantur, quin pari constantia dimicarent. Verum Birago & Botticella cadentibus, & defensoribus, eorum morte percussis, vis irruentium diu sustineri non potuit. Atq; ita Aponte ipso cum expeditis Hispanis & Germanis in arcem se recipiente, urbs non multa cæde capta est. Nam quum se reciperent Germani, atque hostes obvertentibus nunquam ora, & repugnantibus instarent, toto spatio per regiones urbis usq; ad arcem atrociter est dimicatum, sic ut hæc nobilissima Longobardorum regum olim regia, & nulli in Italia urbium fœcunditate agri, & opportunitate annuum, ædificiorū magnificentia inferior, accumulatis tot cladibus, funditus propè everfa censeretur. Hac expugnatione Feltrius singularem peritiæ militaris

& efficacis industriæ laudem omnium iudicio adeptus est, quod opportunè transvectis ultra Ticinum tormentis hostes decepisset, & secus quam illi credidissent, ex obliquo murum feriens latum ad irruptionem suorum aditum patefecisset. Ea die tamen nonnullos viros fortes amisit, & in his Paulum Manfronum inclyti nominis equitum præfectum, qui quū esset octogenarius & indomito corporis vigore frueretur, nunquam à militiæ laboribus atque periculis discesserat. Malatesta quoq; Cesennas nobilissimæ stirpis dum circa vineas versaretur, glande caput ictus occubuit. Quo pacto autem hic Franciscus Borbonius cognomento sancti Pauli Regulus in Antonij Levæ potestatem devenit, operæ prætiū esse reor paucis enarrare. Igitur per id tēpus que Andreæ Auria à stipendijs atque amicitia Francisci regis discedens, atque obiter se Cæsari applicans, cum incomparabili veræ laudis præconio patriam in libertatem asseruit, Borbonius quod eius facti contumelia, detrimentoque regem ipsam vehementer angi perspiceret, totus gravi incensus odio in Auriam & Genuenses demissis in Pociferam vallem copijs ferebatur. Sed postquam ut supradiximus, insidiæ nihil procellerant, & Genuenses opinione sua diligentiores paratioresque reperisset, retro Alexandriam se recepit, captaq; Mortaria, & pulsis Novaria Cæsarianis, cum Venetis & Sfortianis copijs se coniunxit, eo consilio ut novis auxilijs (erant ea peditum duorum circiter milium Hispanorum quæ à Barchinone in Italiam pervenerant) iter præcideret. Cæsar enim quod urbs Genua Gallis esset detracta magnopere gavisus, Genuenses fovendos sublevandosque opibus atque auxilijs existimabat, quod Gallo hosti ereptam Ligustici maris navigationem suo insigni commodo provideret. Verum Genuenses ea Hispanorum auxilia decedente iam periculo in urbem minime suscipienda censuerunt, quando sibi satis præsidij in concordia civium fore putarent, & externa, eiusque præsertim gentis præsidia, odissent. Erant hi viri non à fœda corporum illuvie, & longa maris nausea, deformem militum genus, utpote qui essent dudum necessario potius quam accurato delectu conserpti, magna ex parte non inermes modò, sed propemodum nudi, ut qui vili puliaque tunica, & carbatinis sparteisque calciamentis uterentur. Hos milites postquam non recipiebantur à Liguribus, Antonius Leva misso ad eos Ludovico Balbiano, ad se perducendos curavit. Hic enim superiore anno Ticini captus & Genuæ aliquandiu in arce custoditus, Gallorum manus evaserat. Is ut erat vir impiger, quum eas copias recto itinere perducere non posset, ne hostibus faciliè delendas obijceret, eas per transversos Apennini tramites, asperrimasque valles difficili ærumnosoque itinere in Placentinorum fines perduxit. Nam hostiles copię inter Padum & Apenninū constiterant, ut transire assos circa Derthonam & vicum Iriæ invaderent, transituque prohiberent. In adverso autem Apennini latere descendentes pacata amicaque omnia proponebantur, quod ex regionis Pontificiæ essent ditionis. Caterum Balbianus tertiam ferè partem suorum, sævitia montanorum Ligurum abrupti eius itineris saltus insidentium amisit. In festos siquidem & fame propè enectos è superioribus locis transeuntes sagittas & iacula suo more scutati iaciebant, & quum hæ deficerent, ingentia saxa obruendis Hispanis provolvebant, tanta locorum & armorum iniquitate, ut Hispanorum acervi profundis in vallibus præcipientes dati spectarentur, & passim quod eripi nequirent, à socijs deferrentur. Induerant siquidem Ligures sæva odia in Hispanicum nomē, quod ab his

Genuam

Genuam Liguriæ caput rapacissimè direptam meminissent. His superatis difficultatibus opportuneque deceptis hostibus Balbianus paulo infra confluentes Padum et Ticinum contra oppidum suum, cui Bello Iocosoque nomē est, intrinsecus copias traiecit, eamque manum insperato incolumem Antonius Mediolani recreandam vestiendamque suscepit. Is tironum Hispanorum adventus, Insubrum calamitates accumulavit: nam præterquam quod & stipendia præberi, & domi liberaliter alere veteres Germanos atque Hispanos cogebatur, tirones etiā seminudos, et ab extrema inedia famelicos suis laribus accipere, et domesticis copiis tueri oportebat. Hæc longè gravissima civibus, Antonius ut militi præstaret, diræ cladis vestrigal excogitarat, quo omnium pecunias abaderet, & singularum familiarum fortunas everteret. Severo namque edicto vir imperiosus & sævus, a quoquam cive cererem coqui vetuerat, quum venalis tantum panis ederetur, constitutis eius monopolij tabernis, unde esuriētes magno pretio panem coemerent, tanta edicti atrocitate, ut plerique inopes laquei metu fame passim interirent. Molendi utique tritici percoquendique panis verantes leges, pavidum vulgus perhorrebat, ita ut Antonius clarissimam paulo ante atque opulentissimam Italiæ civitatem, importato ingenti luctu, longe omnium miserrimam redderet. Tanta scilicet acerbitate atque sævitia crudelissimè legis auctoritatem tuebatur, ut vel ab egentibus mulierculis, quæ desiderio panis subcinericias conficerent offulas, & in sartagine placentas oleo suffrixissent, contusoque in pila tritico farinam exprimere conarentur, prægraves poenas exigeret, sic ut non infacete quanquam amarissimè Marcus Antonius Canicula quæstorij ordinis civis, in corona diceret, per amplam uti reor cives hic noster Antonius a Cæsare gratiā proculdubio referet, quando ei supra tot clara cognomina summæ maiestatis, novæ nobilitatis ergo, Furnarij titulum adiecerit. Nam & tabernæ furnariæ & venales panes Cæsareæ aquilæ nota signati, vulgo imperiales vocabantur. Verum neque Antonius neque Cæsar ipse ab ea execrabili divinarum atque humanarum rerum labe, fideliumque Insubrum miseris, ullam omnino infamiam ad se redituram putabant, modo opes suas adversus conspirantium hostium potentiam confirmarent. Quando neque Antonius deformatæ urbis aspectu commoveretur, neque Cæsaris absentis molliri animus, tot in Hispaniam frustra missis legatis, ut miseris finem imponi iuberet, ad misericordiam flecti potuisset, utpote qui alieno potius cum luctu eo bello victor evadere, quam inanis clementiæ laudē potiri vellet. Quibus rebus fiebat, ut Antonius studio militum firmior factus, & numero eorum auctior, quando illis cuncta ad prædam obijceret, hostes facile contemnebat. Nam neque Venetus imperator, ita operam exigente senatu, pugnax erat, ut qui periclitari vires noller (tenuis autem erant Stortianæ copiarum) neque apud Borbonium aut firmæ vires, aut expedita consilia videbantur. Quibus vim admoveere vel coniuncti castris, & cominus congregari audebant. Itaque communicatis consilijs, & abiecta oppugnandi Mediolani cogitatione, optimum factu censuerunt, ut hoc modo Antonius lentâ & longinquâ belliratione obsideretur. Feltrius in vetera sua castra concedens ad Calsianum supra Abduam, ubi amne ponte constrato ex Veneta regione com meatibus & copiis iuvare posset, id se præstiturum pollicebatur, ne quicquam per Martianam regionem, quæ erat refertissima omnibus rerum copiis, ad obsessos imporetur. A diversa verò parte Borbonius ad Abiatum cōsisteret, omnesque inde

quæ subvehi Ticini emissario possent, commeatus interciperet. Sperabant enim hostes postquam vi subigi non poterant, diuturnæ obsidionis incommodis minimè suffecturos. His constitutis apud Landrianum vicum, qui est ad decimum lapidem ab urbe, Feltrius castra movens, signa ad Calsianum dirigi iussit, Borbonium admonens, ut pari digressu ad Abiatum iter intenderet. Sed Borbonius inclinante die nequaquam moturum castra, sed postridie Ticinum se iturum dixit, quod ibi graviora quædam tormenta, impedimenta que deponere statuisset. At Leva qui diligentissimè in eam excubabat curam, ut ex occasione alicunde hostibus noceretur, ubi didicit Feltrium conclamatis vasibus a Borbonio discessisse, suspicatus id futurum, quod usu evenit, ut Galli nequaquam maturè proficiscerentur, præfectos omnes advocavit, instructis quoque militibus, paratos ad profectionem de secunda vigilia sibi adesse iussit, cohortatusque eos ut alacri studio secum expeditionem susciperent, pollicitus est post exortum solem victos eis ad prædam Gallos se daturum. Quod si, inquit, ut non planè reor, festinantius effugerint, postremum certè eorum agmen certissimæ prædæ vobis cedit. Milites sublata voce responderunt, ut fortia consilia digna superioribus victorijs ingenti animo agitare pergeret, se namque quod imperasset periculosa profectionis dubiæque aleæ munus alacribus & impavidis animis esse subituros. Nec mora, quanquam ipse cunctis propè membris articulorum dolore caperetur, fulgentia arma induit, præmittit equitatum, duplicique instructa acie, hinc Germanis, illinc Hispanis latera cingentibus, Italicis vero cohortibus tormentorum præsidio constitutis, ad hostes contendit, quos nondum profectos & expediendis impedimentis intentos deprehendit. Borbonius qui nihil minus putarat, quàm Antonium instructis copijs sibi ad præparato superventurum, quum oriente iam sole lintheata de more hostili agmina conspexisset, obstupuit, graviq; metu, uti deprehensis accidere solet, nequaquam temerè correptus est, ob idq; præsertim quod ab hesterno consilio condonem Rangonum primo præpositum agmini Ticinum præire, atque ibi hospitia parare iussisset. Imparatus itaque, & multo spatio à prima acie diluctus, tanta perturbatione medijs postremique agminis circumventus est, ut tantum tuosissimè aciem instruere, & repugnare frustra cogeretur, & vi celeritateque incumbentis hostis animo concideret. Præbuit Antonio Fortuna spatium parandæ victoriæ ab inopinato casu: nam quum maioris tormenti currus, per fractis rotæ axibus media lutulenta in via concidisset, vel ob id magno fuit incommodo, quod Galli etiam nobilissimi equites id sublevare atque reficere conati in pedes desiliissent. Vetere siquidem suo instituto turpe ducunt, tormenta ex itinere ocupanda hostibus reliquisse. Hac mora sicuti Rangonus iusto festinantijs quàm ita facere esset iussus, tantum anteeundo confecit itineris, ut neq; revocari, neque admoneri de repentino adventu hostium opportunè potuerit, neq; obiter Antonio producendi peditatus defuerit tempus, qua pedestri acie promota, & equitatu audacissimè dimicante, media Borbonij acies, cui se coniunxerat postrema, puncto tēporis terga vertere cœperit, quū Antonius in sella fulgentib. protectus armis cristisque conspicuus, succollantibus baiulis in aciem sese inferre iussisset. omnium namq; oculos in se converterat, quum aperta galca adhortaretur suos voce terribili, & peracri oculorum obtutu Gallos terreret. Interim Germani qui Gallis militabant, quod nunq̃ ferè aliàs acciderat, turpissimè terga verterunt, utpote qui essent ex collectitijs, qui superiore tem-

pore Gallica stipendia interverant, aut ex ea regione essent conscripti quæ est
 citra Rhenum, Lothoringiæque fines attingit, nec multam habet Germanicæ
 virtutis & disciplinæ opinionem. Germanos Galli pedites, & secundum eos I-
 talicæ etiam cohortes, nulla de decoris cura subsecutæ sunt, parvaque ideo cæ-
 des edita est, quod neque a sclopettarijs inter confusos permixtosque ordines
 opera exigi potuit, neque tormenta nisi pari periculo displodi potuerint. Ipse
 Borbonius latam fossam periculoso æqui saltu superare conatus, ab equitib. ca-
 ptus est. Nec longè ab eo, eandem sortem tulit Claudius Rangonus vir impi-
 ger, qui postremæ aciei præfuerat. Stephanus quoque Columna in fossam præ-
 cepso datis, concidente equo magnum salutis discrimen adiit, quum galeatus,
 in lacuna ferè summersus ægrè sese è manibus hostium eripuisset. Leva potitus
 omnibus tormentis atque vexillis, & duce capto, ab eius rei gestæ fama usque
 adeo inclaruit, ut nemo eius ætatis dux, vel in consilio capiendò solertior, uel
 in exequendo acutior, & efficacior haberetur: Hispanique eum si prospera ute-
 retur valitudine, Magno Consalvo eius magistro parem evasurum dicerent.
 Cæterum Galli scèdo eventu superati de Guidone Rangono non obscure con-
 querebantur, quòd eos deseruisse & præpropera eius festinatione prædicarent,
 quanquam ille ita imperanti Borbonio iure militiæ obsecutum fuisse testaretur.
 Sed eam impositæ contumeliæ controversiam, quæ Guidone indignante
 & provocante obtrectatores Gallos, singulare certamen postulabat, Feltrius
 familiari sermone ita diremit, ut & Borbonium & Guidonem pari propè er-
 rore à disciplina discessisse iudicaret, approbantibus ipso Leva & Vastio, qui
 una Mantuæ tres clarissimi nostri seculi duces fortè coiuerant, apud Hippoly-
 tum Medicem qui tum è Pannonia legatus redibat, ab Hercule Gonzaga car-
 dinale hospitio domi susceptum. Dictis namque sententijs, quibus ego præfatus
 interfui, è disciplina rationeque bellica disseruerunt, singulorum ducum esse
 muneris, qui distinctis agminibus in itinere faciundo præsint, per dispositos
 equites mutua diligentia emensi itineris spatia metiri, nihil extra conspectum
 signa præire sinere, anteriores medios, medijs posteriores, quibus passi-
 bus eant observare, ut una quæque acies ad subitos hostium in-
 cursus ex propinquo parata sit, quæ circumventæ o-
 pem ferat, & universis coactis viribus
 confligat.

PAVLI IOVII NOVO

COMENSIS EPISCOPI NV-

CERINI, HISTORIARVM

SVI TEMPORIS

LIBER XXVII.



DICTATORE Caponio Rempublicam administrante Florentini recenti suo incommodo & tot adversis Gallorum casibus perculsi, in eam curam incumbebant, ut Clementis consilia diligenter explorarent, opportunaque adversus imminenti prope belli vim praeclidia compararent. Non inanibus siquidem coniecturis adducti suspicabantur Clementem ad amicitiam Caesaris esse dicturum, ut invictis eius copiis contra ipsos uteretur. Pro-
videbant enim eum, postquam in libertatem esset restitutus, minime inquieturum, donec vetere patriae dominatu potiretur, offensum scilicet Louechiano foedere, in quo disertè perscriptum fuisset, pudenda sibi & damnoissima conditione, ut popularis Florentinae civitatis status in clientela Galliarum foret, defendereturque eius peculiari officio munereque, postquam suas copias ad Lotrechium communes hostes oppugnantem Neapolim misissent. Propterea Caponius non ignarus quam graviter offensus esset Caesar, qui nolum sibi a Florentinis iniuriam inferri debere existimans, eo Etruscae legionis auxilio suos duces oppugnatos atque obsessos fuisse didicisset, Pontificem non iniqua quaedam à civitate postulantem, molliendum potius æquissimis responsis, quam acerba negatione exagitandum putabat, ne Caesari foedere iungere-
tur. Erant enim gravia & molestissima eius animo quæ ad suggillandam maiestatem, minuendamque nominis existimationem perscripta fuerant his foederibus, quibus se obsesso captoque in arce Alfonso Ferrariensis princeps Caesaris opportunè detractus videretur, & Veneri nova conditione in foedus Gallicum essent recepti, quorum ille Mutinam Pontificio imperio diu possidem per occasionem pessimè à Fortuna mulctati pontificis recepisset, si vero Ravennam & Cerviam occupassent. Quæ omnia quanquam ex autoritate Innocentij Legati atque assensu aliquot Cardinalium transacta essent, Pontifex nisi planè inlanus, & suæ dignitati ineptus hostis foret, rata habere non poterat, utpote qui de recuperanda potius amissa ditione, quam de vindicanda iniuria sibi cogitandum esse censeret. Iam enim per Antonium Musetulam senatorem Neapolitanum, quem Viterbium accersiverat, legati Caesaris vices implentem, & qua erat mirifica solertis ingenij industria præditus, Caesarem Pontifici reconciliare maturantem, de concordia agere cœperat, adeo feliciter, ut propensissimis utrinque auribus ea res tentaretur, nec multos post dies bene auspicato solennibus tabulis conficeretur. Quod ut crederent Florentini in univèrsam adduci non poterant, ut qui Pontificem in expiabilis eius recentis iniuria,

iniuriæ, si generosi spiritus foret, oblivisci non posse prædicarent, quorum opinionem ob id falsam esse eventus docuit: quoniam in Pontifice tanta erat e-
 reptæ ab ingratissimis civibus patriæ repetendæ cupiditas, ut omnem recentissi-
 mæ calamitatis acceptæ memoriam, ipso novæ spei pondere superaret. Eo-
 dem rerum consiliorumque successu missus est cum præscriptis mandatis Hie-
 ronymus Vasonensis antistes, Pontificiæ familiæ dispensator, qui apud Bar-
 chinonem Cæsarem convenit, atque his ferme legibus cum eo foedus percussit.
 Pontifex Christianæ pietatis titulum prætendens, miseratusque; quallatæ diro
 bello Italiæ vastitatem, synceram deteris superioribus odijs voluntatem atque;
 10 amicitiam Cæsari offerebat, pollicebaturque; se de more capiti eius imperatorij
 diadematis coronam impositurum, si Cæsarianis viribus in patriam reducere-
 tur, unde sua cum iniuria propinquis ipsius expulsis amplissima civitas Flo-
 rentia sæda atque; acerbissima popularium imperitorumque; hominum tyranni-
 de premeretur, optimatibus scilicet contumeliose atque; arrogenter eiectionis, anti-
 quisque; ritibus divinarum humanarumque; rerum usque; adeo impie atque; insolent-
 ter perturbatis, ut in florentissima dudum urbe publica salus, desperata concor-
 dia conclamata videretur. Adiectum est ut postquam Florentini adversum Cæ-
 sarem, consilij incertæ Gallorum victoriæ arma tulissent, maiestatis rei facti liber-
 tate & antiquis superiorum Cæsarium concessis immunitatibus severe priva-
 20 rentur, obiterque; civitati principem Alexandrum adolescentem imponeret, cui
 ipse Cæsar ad confirmanda foedera augendamque; Alexandri dignitatem, Mar-
 garitam filiam se cælibe susceptam in matrimonium desponderet. Dum hæc per
 idoneos homines tractarentur, tumultus inusitatae perturbationis atque; periculi
 apud Florentinos in curia exortus est unius male sani atque; efferrati civis insolentia.
 Hic erat Iacobus Gerardus contumaci fronte popularis, qui non in Medi-
 ceos modo, sed in patritios omnes livore atque odio percitus ferebatur, ob id
 tum seipso turbidior atque; arrogantior factus, quod per id tempus sederet inter
 Octoviros decuriones supremæ potestatis, qui dictatori consulandi gratia per-
 petuo in curia assistent. Is literas à quodam Ioachino Serralio Iacobi Salviani
 30 apud Pontificem toti summæ consiliorum præpositi cliente, ad Caponium per-
 scriptas, delapsasque; eius sinu malignè collegerat, nactusque; materiam calumni-
 andi, obiurgandi que; dictatoris, eò rem turbulenta vociferatione deduxit, ut di-
 ctator perfidiæ reus fieret, accusatusque; concursu in curiam turbulentæ iuven-
 tutis insultantis & propemodum vim inferentis, vitæ discrimen subiret, quum
 nonnulli è fenestra illico præcipitem dandum dicerent, qui aliena à salute li-
 bertateque patriæ cum Pontifice infensissimo hoste consilia agitare, nefan-
 dumque profecto facinus in necem optimi & probatissimi civis editum fuisset,
 qui optima fide magistratum gereret, nisi Laurentius Sagnius qui erat O-
 ctovir è decurionum numero iuvenis æquitate & constantia animi præstan-
 40 tissimus, superbiam & atrocitatem imperitorum, petulantiumque; civium dete-
 status, corpus suum furentibus opposuisset, abductumque; in suam cellam dicta-
 torem extremo pallentem metu conservasset. Earum literarum exemplum Ge-
 rardus paulo ante miserat ad quosdam sectæ suæ cives, qui in privatam domum
 foro proximam convenerant, & de tollendo dictatore summæ atrocitatis con-
 silium, accersita seditiosorum manu inierant, curiæque; superioris scalas atque; o-
 stia occuparant, concitantibus præsertim Thoma Soderino & Alfonso Stroz-
 za, qui nequaquam ex similitudine Caponio infensi, sed ex damnatione eius hono-
 hh

rem petitori videbantur, quod popularis studij prærogativa summa nobilitatis atq; existimationis homines ad dictaturam aspirarent. Postero die coacti in consilium octoginta viri, atque ñ simul qui ex reliquis magistratibus atque collegijs publica consuetudine adiungi solent, abrogatus est Caponio magistratus, atq; is honor biduo post delatus ad Franciscu Carduccium, quem nemo candidatum fore putavisset, ita ut Soderinus & Strozza sua spe deiectionis ex conscientia animi pudoreq; repulsæ, perversa miseræ civitatis comitia damnarunt, & pleriq; irriderent, quod homo in Hispania dudum decoctor, & paucis in Republ. notus, tenuioris Fortunæ, nec præclari quanquam vetusti generis ab incondito populi studio clarissimos cives anteisset. Valebat Carduccius solertis ingenij firmitate, & perurbana eloquentia, sed qui obliquo oculo & pallida facie nequaquam decentem aut parem tanto honori habitu præferret. Sequenti die Caponius nihil ægre ferens quod magistratu excidisset, seu de salute sollicitus, quanquam ut sese animo confirmaret, & timere desinere, amicissimi & magna pars senatus cohortarentur in pallio atro, & civili capitis integumento ad dicendam causam paratus venit in senatum, serenioris vultu pacatiorq; animo quàm pridie, quum tum coccineam familiarem togam sumens pro se pauca, Petriq; filij salute præfatus causam suam demissimè magistratibus commendasset usq; adeo supplici ter, ut innocentiam suam in dubium revocasse amicorum propensissimi iudicarent. Erat enim Caponius natura lenis, nunquam ulla in re iratus aut fervidus, utpote qui patientia & moderatione cuncta aspera ferri & superari debere prædicaret. Protulit Gerardus immitis accusator exemplum earum literarum quas solo sustulerat, lecturaturaq; in senatu est. Cuius sententia talis fuit, uti nos ex Etrusco sermone vertimus. Iochinus Serralius Caponio dictatori salutem. Quoniam non semper tota tibi offertur occasio scribendi, præsentem nactus nuncium nolui differre, quin te facerem de instituto negotio certior, de quo probè scis ex arcano me agere cum gravi illo, quem nosti, homine, maximeq; familiari Pontificis. Is mihi retulit Clementem satis prosperè & firmiter convalescentem, eo esse animi decreto, ut se honesta conditione cum civitate conciliet, & belli consilia penitus abijciat, neque ægerrimè sit laturus, quod populus perpetuò remp. administret, & parta libertatis iura tueatur, modo per æquas condiciones civili more propinquorum suorum ratio apud magistratus habeatur. Sed quoniam plura scribere non licet, à te vehementer petimus, ut ad condictum locum extra urbem colloquendi causa Petrum filium ad me mittas. Ab eo enim cuncta fideliter exprimente præclare cognosces, quæ in negotio conficiendo operæ sint. Vale. Hæc quæ ex literis recitabantur apud suspiciosos homines inanimos commovebant, ut plerique maligno per subsellia murmure oborto, cuncta perversè interpretarentur, & magna tamen senatus pars communicatis sermonibus cum proximo assidentium ordine submissè deliberando, eius rei culpam à toto læsæ maiestatis crimine suspicioneq; remouendam censere. Inter eos qui mirificè Caponio faverunt, extitit Petrus Victorius eius contribulis, qui tum erat sexdecim vir collegiorum ordinis civis honestissimus, & de optimis literarum studiis egregiè meritis. Tum verò Caponius à dictatore causam dicere iussus, in hanc sententiam constanti vultu, miroq; omnium silentio loquutus est: SE Q V V T V S morem & disciplinam maiorum meorum amplissime dictator, prudentissimiq; causæ meæ iudices, nihil unquam

carius libera patria, nihil unquam præclara rectæ conscientiae laude honestius duxi. Quandoquidem remp. uti probè novistis, pluris semper fecerim quam privata commoda. Pudebat enim ea expectare ferreque præmia, quæ turpi obsequio vel adulatione facile pararentur, ab his qui ex ulu dominatus pro libidine cuncta dare, atque eripere poterant. Hoc instituto animi ingressus curiam ad obeunda munia civitatis per quinquaginta annos ita favi semper prospexique exoptatæ nec unquam desperatæ libertati, ut in utraque Reipub. fortuna modo fortem, modo incorruptum, nec unquam demissum animum ferent: quippe qui vitæ innocentia, & domesticæ frugalitatis laudè contentus (quæ duæ virtutes (absit invidia) domui nostræ semper peculiares fuere) opportunitates temporum expectandas atque omnino maturè captandas arbitrabar, quo excitari, ingentibusque civium animis constitui sine perturbatione labesque civitatis securæ libertas posset. Affuere itaque Dii immortales non vritis votis civium uti piè conceptis, & libertatem inter mortuam insperato excitant, civitati que nullo effuso sanguine, quod ipsorum miræ benignitatis fuit, largiti sunt. Hanc ego ante alios flagrantissimo studio complexus, ut diu apud nos vigeret atque floreret, omnibus consiliorum artibus adnitebar, providebamque ne infirmas eius radices ulla adversa tempestas revelleret, primumque omnium Clementem ipsum nobis his præsertim lenimentis & officiis quæ libertati nostræ nihil officerent, pacandum, aut omnino spe & mora dūtinendum existimabam, ne accumulatis iniurijs irritatus, alicunde nobis insidias atque arma moliatur, uti quis non imprudens ominari facile potest. Probè siquidem agnoscimus quos spiritus gerat, quo angore animi torqueatur, quod patriæ dominatum horribilis ruinæ casu oppressus amiserit: qua demū machinatione bellici conatus eum recipere cupiat, & ulcisci odia in illos, qui dignitatem eius pudendis contumelijs obtriverint. Hæc eius exagitatæ mentis consilia, ut à nobis averterem, ægro blandimenta afferenda, iustasque iras mitigandas rebar, spe iniecta non iniquæ conditionis, si nos æquitate rerum potius quam importuna libidine voluntates nostras moderemur. Quamobrem per lacum Salviatum, quem non plus de vita Pontificis propinqui sui, quam de salute libertateque patriæ sollicitum esse comperio, scioque, operam dabam Serratio internuncio, ut cum Pontifice de compositione ageretur. Verebar enim ne foedere Gallico, quo illigati sumus, vehemèter offensus, desperato meliore consilio, vel invitus ad Cæsarem verteretur, quod nobis magnopere cavendum timendumque hodie magis ac magis existimo. Proinde iam ab initio, ne properè cum Gallo foedus percuteremus enixè contendebam, nisi eidem foederi Pontifex iungeretur, scilicet ut eo honesta utrinque cautione conciliato, validiora certioraque præsidia adversus invictas adhuc Cæsaris copias pro cōmuni salute pararentur. Sed in ancipiti deliberationis negotio intempestiva uti pernoscere fas est, vicit plurimorum sententia, atque ita elapsi salubris consilij rationem omnem intercidisse, quod dolet, agnoscimus. Quæ huiusmodi fuere, ut huius officij pro securitate publica suscepti, nō contumeliam, quæ mihi gravi cū periculo paratur, sed gratiam omnino expectandā à vobis putarim. Quinque ille à nobis hæc postulabat, ut patrimonij fructibus, vectigali æqua oneris lege perfoluto potiri liceret: sibi puella neptis redderetur: propinquis eius aditus secundum leges in remp. petendis honoribus daretur, & quod ad tuendā Pontificij nominis authoritatē pertinet, Florentini à decumandis sacerdotijs abstineant,

& sacrosancta templorum donaria suo iniussu avara manu non attrectent: potestremo etiam, ut deiectas gentilitiis insignibus pilas, privatis saltem familie ædibus aut templis maiorum suorum pia liberalitate ædificatis restitui patemur. Hæc rerum capita, æquissimi cives, si diligenter considerem, nec improbe expendam, vel si cumulate & exactè cuncta cōcedantur, facile fatebor me non videre quid incommodi aut detrimenti reip. afferri possit, quum iam pridem eiectis adolescentibus Mediceis, quod spontè nobis tantū hortantibus dominatu excelsissent, ius civitatis ex decreto publico relinqueritis, nec ideo ex si de vestra sit, dignitateq; senatus id decretum sustulisse. Bono itaq; iure repeti quod publica obligetur fide iudicare potestis, nisi aliquot civilium prædiorū redditu augeri publicas opes, & sarciri bellicos sumptus ineptè existimet ea civitas, quæ per sexdecim annos inexhaustis opibus perpetuum cum Pisanis bellum gesserit, & me teste, atq; adiutore confecerit. Nunquam enim pecunias huic urbi alendo & sustinendo bello defecturas crediderim, si sit firmum apud cives, quod rectè optare facilius quàm sperare possumus, communis concordie studium. Nec item satis provideo quid nobis officere possit puella novennis patruo sacrorum principi deposcenti benignè reddita. Nam præterquam quod eam & sexus, & ætas tutam ab omni contumelia reddant: cavere etiam oportet, ne hac in re, dum Pōtifici nocere quàm morem gerere malumus, Galliæ regis fœderati maiestatem offendamus, si regio ortā sanguine, & nihil tale merentem diutius in vestalium virginū septis adservandam iudicemus. Tantum verò abest, ut cōplectendo cives universos, atq; his honores equali lege partiendo Reip. noceatur, ut hac civili benignitate eam firmiorem florētiorēq; evasuram arbitrer. Amantes siquidem patriæ & constitutæ libertatis studiosos, verōq; bono tranquillæ pacis gaudentes, una maxime concordia lætari decet, oblivisciq; item omnis privatæ iniuriæ publicæq; simultatis. Insuperabilem nanq; civitatem, non arma, nō pecuniæ, sed unus publici decoris conatus efficit. Porro quod quarto loco petitur, ita mihi, & bono cuiq; civi æquum videri potest, ut nihil tœdius & invidiosius accidere posse existimem, quam si spreta, & violata summi Pontificis autoritate, tanquam diro sacrilegii piaculo polluti, infami prorsus avaritiæ nomine aqua & igni interdīcamur. Postremo autem ut deiecta insignia & tituli reponantur, summa ratione indulgendum putaverim, ne gloriæ nostræ, communibusq; ornamentis stultissime invidere videamur. Nam & si quicumque Medicei nominis principatu potius sunt, re nomineque fuerint tyranni: in civitate tamen si non verè libera, non intolerandis certè compedibus vinctā, quàm plura, quod fateri licet, gloriose laudis monumenta condiderunt, quæ homines elegantie studiosi plurimum admirantur, advenæ, peregriniq; suspiciunt, & nostri cives æquè iusta acque difficili imitatione emulantur. Quod verò ad deformatū Cosmi sepulchrum pertinet, non est quod quicquam aliud ineptius & inanius factum fuisse iudicem: quandoquidem ea dera si tituli iniuria, cuicumq; non insulso ridenda sit. Illius namque ingeniosissimi viri ossa ad perennem memoriam non angusto quidem loculo, sed luculentissima incomparabilis templi testudine continentur, quæ sine inexpressibili & propè impia totius humani generis invidia excindi delerique non possit, ut hîc prætereamus literarum sempiternæ famæ præsidia, quibus Medicei ferè omnes tam astuta quàm liberali disciplina impensissimè semper faverint. Ea namque vel nobis invitis perpetuò durabunt,

nisi putemus totius Europæ gentes, ad quas historiæ manarint ad iracundiæ
 nostræ libidinem, cunctos annales quibus eorum nomina cum laude inserta
 sint inusitata conspiratione crematuras. Vos itaque qui Romanæ virtutis e-
 xempla æmulari honestissimum ducitis meminisse oportet, præclaram virtu-
 tem, vel summis adumbratam vitis tantam habere in se vim ac admirationē,
 ut pop. Rom. diri hostis Pœni Annibalis statuam in foro cunctis perpetuo
 spectandam collocasse maximè decorum existimarit. Hæc sunt crimina qui-
 bus fecisse adversus rep. accusor, unde me nonnulli fervidiorē tuendę publi-
 cæ existimationis studio provec̃ti, improbo aut certè illoto ore patriæ prodi-
 10 torem appellare non erubuerint, vel ob id præsertim quod huiusmodi consi-
 lia ex arbitrio meo subtilius & tectius concepta decemvirali octoviraliq; col-
 legijs comunicanda non existimaverim: cuius obiecti nomen facilè dilui-
 tur, quando hi ante alios Laurentius Segnius, & Iacobus Morellius optimi
 cives, ac nonnulli alij ex hoc ordine me secum de hac re loquutum fuisse, & has
 ipsas literas quæ mihi sinu exciderint, ostendisse, præclari testes esse possint.
 Neque propterea quod non omnibus hæc communicanda iudicarem, parum
 sincero animo, parumque integra fide consilia, quæ ad summam rerum perti-
 nent agitalle existimari debeo. Verebar enim ne disseminata apud suspicio-
 20 sos & imperitos, uti sæpe accidit, latius efferrentur, atque inde eo quem opta-
 bam, sperareque licebat, successu carerent. Neque enim usque adeo angustæ &
 circumscriptæ potestatis dictatorem esse putabam, ut ei quæ cogitet & coquat
 silentio tegere non liceat, quum eius sit muneris & officij vigilando & pensi-
 tando id unum respicere, quo plurimum reip. prodesse possit. Hoc animi in-
 stituto sicuti supremi honoris ratio postulabat, dictaturam vestro insigni be-
 neficio mihi delatam prorogatamq; privato meo tantum, non publico pericu-
 lo gelsi. Itaq; si peccavi, dare pœnas vel indigna morte paratus sum. Sed apud
 vos obsecro id moderandis sententijs, ferendoq; suffragio valeat, totius vitæ
 meæ cursus, in quo nusquam improbè fefelli: valeat patris mei memoria, qui
 pro patria pugnās, Pisano bello occubuit: valeat, ut maximè opto, pristini iu-
 30 dicij vestri testimonium, quo me nihil ambientem, minimeq; prehensantem
 hoc summo honore dignissimum existimastis, quum recens recepta libertas
 nequererum imperito rectore egere censeretur. Nemo quidem repente fit
 malus, quod de me suspicari homines nolim, quum idem sim, qui semper a-
 pud vos integer vitæ omnisque expers sceleris, sexaginta ætatis annos exege-
 rim. Nec ideo deprecor integerrimi iudicij vestri severitatem, quàm obtrecta-
 tores mei, accusatoresq; longè maximam atq; acerbissimam requirunt, ut a-
 pud vos certa clementiæ laus paretur. Existimatote siquidem vos non de di-
 gnitate vitaq; & fortunis meis in suffragium ituros, sed facturos iudicium de
 publica salute, quā ita superi incolumem servant, sicuti me à vobis benigniore
 40 decreto conservatum iri & spero & opto. Caponio perorante, secedenteque
 in interius custodiæ cubiculum, eo modo liberis suffragijs iudicium est factū,
 ut magno assensu cunctis ferè sententijs absolveretur. Movebat enim popu-
 lum viri gravis maiestas acrioribus calumnijs circumventa, magnoq; eius diu
 spectatæ virtutis & integritatis argumento curia excedentem omnes optima-
 tium ordines domum deduxerunt tanta frequentia, ut quum ad paternæ do-
 mus limen trans Arnum agendis gratijs substitisset, novissimi agminis pars
 gravior & honoratior præ turba ad curiæ limen adhuc hæreret, & multi ex his

qui eum damnatum voluerant, astuta dissimulatione comitantibus admiscerentur, instarq; magni triumphi ea frequentia pompa intermixto lachrymis gaudio Caponii gentiles & propinqui, probiq; cives maxime lætarentur. Tantum vero abfuit, ut quicquā pristinae existimationis in ipso ex tanta summi honoris iactura deperiret, ut superata inimicorum acerbitate, nova quadam incorrupti constantisque animi gloria adaugeri, & reflorescere censeretur. Verum eam splendidissimi comitatus frequentiam facile inde oriens invidia corripuit, quum postridie mane duo summæ autoritatis legati Claudius Velleius Gallus, & Antonius Surianus Venetus eum domi humaniter invisissent. Quamobrem Caponius graviolem apud populares invidiam veritus, amicis admonentibus in agrum suum clam secessit. His cognitis rebus Clemens vehementer adversus Florentinos exacerbatus est, quod in omnibus eorum actionibus atrox contra se odium emeretur, nec se quicquam vera aut simulata lenitate apud corruptas cunctorum fere ordinum voluntates proficere posse perspiceret, nec deessent, quod maxime impium & contumeliosum putabatur, qui eum sine ulla honoris aut sanctitatis præfatione nominare, Clementemq; nudo nomine appellare, & tanquam spurium neq; ideorū Pontificem creatum dicere consueissent, & in patritios ipsosq; præsertim Mediceorum necessarios, qui veteris illorum erga se beneficentiæ memoriam reuererent, nec aperte studium suum pro Repub. nudare vellent, perpetuo gratarentur. Amoto namq; Caponio Reip. facies immutata videbatur, quū ius & æquum civilisq; humanitas nusquam vigerent. Vis enim & acerbitas immitisq; superbia apud efferatos cæca rabie populares & turbidam præsertim iuvenum virtutum loco censebantur. Ipse siquidem Carduccius ea mente Remp. fuerat complexus, ut eam his artibus quæ maxime populo placerent, administrandam existimaret. Neq; enim alia via suis suffragatoribus gratiam referri posse providebat, nisi se maxime popularem, acerbissimumq; patritij ordinis, & diceaq; familie hostem futurum ostenderet, quum alioquin diligentem accurateq; industrium & factioni probe addictum senatorem prestitisset, & suscepto dictaturæ honore impavidus & constantissimus libertatis defensor haberi percuperet. Id enim sibi ex eo magistratu decus petebat, ut fide inclytus, incorruptus pecunia, & pro factione inexpugnabilis & invictus propugnator evaderet. Quæ tamen non incertæ virtutes in ipso ita elucebant, ut turpissimis inusitatæ malignitatis maculis scædarentur. Nam impio erga patriam consilio literas, quas è Gallica legatione Balthasar gentilis eius ad senatum perferrebat, aut suppressere, aut notarijs perversè interpretandas dare conabatur, ut populus commentitijs fabulis deceptus in consilio reip. deterrimo distineretur. Nam quum è Gallia nihil propensum à rege, nullumque ab eo efficax præsidium ad salutem servandæ civitatis Carducci literis afferretur, inanis spe auxiliorum animos imperitorum sustentabat. Nec quisquam tamen optimus civis, & à factione semotus reperiebatur, qui in Gallo rege iam planè Cæsari conciliato quicquam spei impetrandæ opis reponendum censeret, quo ille ante omnia vel cum sociorum detrimento liberos obsides recipere maturaret. Accessit ad hoc infame prorsus nequissimi facinoris factum, quod vehementer ipsius Carducci existimationem læsisse videri potuit. Nam amoenissimas, quæ ornamento urbi erant, Mediceorum & Iacobi Salviati villas intemperantis, & turbidæ iuventutis impetu incendijs absumendas iussit, quanquā

id non imperasse, sed dissimulanter delendas obiecisse fateretur, scilicet ut ex tam horribili foedoq; maleficio, nunquam veniam impetrari posse diffideret, quando id scelus promiscuæ iuventutis ad omnes ferè civitatis familias pertineret. edicto quoq; inusitato, & si religionem spectes, & testamenta piorum animorum æstimentur, maximè nefario xenodochiorum, hospitaliumq; domorum & templorum prædia confiscanda venundandaque proposuerat, & non cõparentibus emptoribus ea locupletibus, sub pœna maiestatis coemundanda addixerat, quæ impotenter decreta cum certa labe privatorum fortunas ad excidium redigebant. Verùm Carduccius lugètes sua incommoda specie pietatis admonebat, ut patriæ securitatem privatis divitijs antepondere vellent, quando incolumi patria, optima fide pecunia reddi posset. Quod si contumacius cessarèt, officioque patriæ deessent, fore ut improbi consilij pœnas darent, paulopost extremam cladem aut ab hostilibus barbaris, aut ab impijs tyrannis extra pœnitentiæ locum daturi essent. In eandem quoque sententiam paulo ante Carduccius quum esset Decemvir, mentionem primus intulerat, cum decogenda pecunia ageret, ut donaria templis religiosissimè dicata tollerentur, quod ea non tam ad ornamentum pacis quàm ad belli subsidia collata existimari debere magnificè prædicaret. Ociosas scilicet opes, & nihil profuturas ad salutem patriæ impendi transferrique debere, sicuti charitate patriæ ducti boni cives, si salus publica quæreretur posthabendas iudicarent. Quum de his Carducci imperijs nonnulli cives mœsto liberoque sermone in corona differrent, quod minimè prætermittendum videtur, Antonius Albertus vir honestissimus & perurbanus non infacetè dixit: Non est optimi cives quod quicquam à dictatore commodius & mitius expectetis: nam postquam decoctori Remp. commisitis, necesse futurum esse prævideo, ut nos omnes cum ipsa Repub. decoquamus. Sed tum quum hostes longè ab urbe abessent, neque adhuc appropinquantis belli incommoda sentirentur, de ea re à Carduccio decretum fieri non potuit, quòd nondum aut certa, aut propinqua advenisset necessitas, ut opus esset civitatem infamis sacrilegij flagitio contaminare cum multo maxima offensione Pontificis, quod nisi ex eius anthoritate ritè tolli posse viderentur: quandoquidem ea donaria extra prophani iuris vim iam sacra essent, ob idque præsertim quòd Leonis fratris memoria, qui ea ornamenta ad cultum altarium pia liberalitate contulisset gravissimè læderetur. Ita tamen eius rapinæ spes malis civibus illata est, ut id scelus Carducci successorì patrandum relinqueretur. Præbuit tamen ansam turpi consilio exequendo, quum matronas nuptialibus ornamentis, singulasque familias vetere argenti atque auri supellectile spoliandas censuisset, veterum Romanorum exemplo quum extremis Punici belli casibus matronæ dites generosa propensione omne aurum & argentum ex suo mundo, ut pecunia cuderetur, in ærarium deculissent. Carduccius quoque quum ad mœnia hostem expectaret, tam fortem quàm inexorabilem dictatorem gessit, quum proxima mœnibus ædificia, vel summæ amœnitatis dirui iussisset, ne venturo hosti munitam sedem præberent. Acerbissimè autè imperavit, ut quæ possent usui hostibus esse, omnis generis commeatus, pabuliq; præsertim in urbem conveherentur, & quæ transferri nequirent, ultro incendijs corrumperentur. Qua edicti severitate lugentibus sua detrimèta minoribus præsertim civibus ex ardente invidia, ingès contraxit odium, quanquàm id futuri belli dira cõditio flagitaret, & cunctis civibus

patriæ salutem privatis opibus anteponendam censeret. Adiecit quoque animum muniendæ urbi, ita ut si quid vetere in muro vitij aut ineptæ defensionis foret, ea omnia novis artificijs emendarentur, institutisque operibus, & curatorum collegio opportunè creato præpositus est, qui hæc omnia ex disciplina bellicorum operum impleret atque perficeret Franciscus Sangallius architectus, civis bonus & industrius. Is præcepta et documenta ducum et militum sequutus, portis nova propugnacula imposuit. Sub id enim tempus Florentini Malatestam Baleonum certis de causis diductum à Pontifice, nec ei qui Paulum patrem capitali supplicio affecisset satis fidentem, ex auctoritate Francisci regis conductum ducem creant, Stephanumque Columnam dispartitis muneribus urbanæ militiæ præfecerant, minoresque aliquot duces, & in his Marium, Neapoleonemque Vrsinos, & Georgium Sanctacrucium Romanos stipendijs suis addixerant: quibus pari studio satagentibus egregie muniri urbs cœpta est magno operarum ardore, quæ ex agro excite opus accere cogebantur. Iam enim Pontifex ad urbem acciverat Philibertum Auran- tium Cæsariani exercitus Imperatorem, & cum eo de inferendo Florentinis bello consilia inierat, confectoque bello Apulo, & Alfonsus Vastius cum Hispanorum cohortibus, & Ferdinandus Gonzaga cum equitatu in Umbriam pervadebant, ut inde in Etruriam descenderent. Increbuerat etiam fama Cæsarem ab Hispania citeriore propediem Auriana atque Hispanica classe Cænuam esse perventurum, ad quem Pontifex tres summæ dignitatis legatos misisset, ut honoris causa illum quod iret deducerent. Hi fuere Alexander Farnesius senatus princeps, & Franciscus Angelius Hispanus, cuius diligentia Pontificem carcere eductum, ob idque summæ pietatis officium purpureo gaudio donatum fuisse diximus, & Hippolitus Medices Iuliano Pontificis fratre patrueli genitus, & cum eo Alexander Medices Cæsaris gener designatus. Adventabant quoque è Germania novi duces cum validis equitum & peditum copijs Philippus Arescotus Belga, & Felix Vitembergus è Suevia, qui Cæsari præsidio adessent, Tridentinis alpi- bus sese demittebant. Ipse quoque Pontifex cum universo cœtu Cardinalium minorumque præsulum, id iter per minimam viam, ut Bononiam peteret, ibique Cæsarem opperiretur sese accingebat. Quibus de causis Carduccius permotus in senatu retulit, Cæsarem nulla legatione excolendum molliendumque sibi videri, & eum quibulvis conditionibus oblati, ne hostis foret præoccupandum, utpote qui eius invicti imperatoris vim potius per conditiones quam armis avertendam putaret: ratus hoc facile posse impetrari, quod iam latè fama ingrueret, Solymanum ab Hadrianopoli profectum cum innumerabilibus copijs in Pannoniam pervasisse eo consilio, ut regnum ab se iure belli partum, Ioanni- que Sepusio beneficiario iure concessum, ipsdem victricibus armis repeteret, eumque Ferdinandi armis Pannonia pulsum reduceret, quod suæ dignitatis atque amplitudinis arbitratetur, cum tueri atque defendere, quem ipse, vel Christiani nominis titulum præferentem liberali munere Budana in regia deposcentibus Hungaris regem constituisset. Nec barbarus tantis instructus armis conquieturus esse crederetur, nisi partem Norici Austriani- que principatus Budano imperio adiungeret, & cumulatè iniuriam acceptam vindicaret. Quibus de causis Cæsarem tanquam domestico terrore atque periculo adductum flectere consilia, ideoque ab Etrusco bello abstinere posse crederetur: quoniam Italiæ viribus barbaro hosti

hosti formidolosissimo opportunè esset resistendum. Quibus gerendis rebus Cæsarem apparebat una omnino pecuniæ inopia laboraturum, si Germaniæ roborâ propositis stipendijs evocata, barbaris opponenda statueret. Itaq; consentientibus patrum sententijs delecti sunt quatuor legati, qui ad Cæsarem ire maturarent, summæ authoritatis atque prudentiæ ciues: ipseq; in primis quod magnæ gloriæ ei fuit, Nicolaus Caponius è rure tanquam ab exilio in urbem revocatus, & cum eo Thomas Soderinus, Matthæus Strozza, & Raphael Hieronymus, iam pridem Cæsari notus, quod in Hispania legationis munus obivisset. His verò proficisci iussis, actitatum est in senatu, an Pontifex pari legatione ad spem pacis flectendus, aut certè exploratis eius consilijs pertentandus foret. Quod quum à plerisque tanquam æquum & planè pium probaretur, tanta fuit perversi dictatoris astutia, tantaque popularium superbia, atque impudentia, ut nec civem, nec sacrorum principem, cuius nomen cunctis gentibus esset venerabile, vel adeundum, vel excolendum decernerent: quoniam eius congressu à quo nihil è republica impetrari posse confirmarent, contagione non obscura constantia liberæ civitatis scèdari posse putaretur. Tanta siquidem popularium animos invaserat insania, ut facilè suspicarentur, in optimo quoque cive deesse fidem. Quandoquidem qui legationis munus susciperent, facilè muneribus adulationeque Pontificis corrumpi posse iudicarent: nec quemquam usque adeo probum crederent futurum, qui Pontificis pollicitationes, expeditaque præmia publico bono anteponenda non duceret. Superabant tamen cogitatio periculi, atque imminentis belli metus, omnem depravatorum civium pertinaciam, ita ut pudore per subsellia oborto, Petrus Franciscus Portinarius, qui è legatione Britannica redierat, ad Pontificem legatus destinaretur, cui adessent duo mediocris existimationis collegæ. Cæterum opera Carducci nequaquàm mandata publica proficiscèri data sunt, quod ea Decemviri in itinere se submissuros mentiendo pollicerentur. Quamobrè necesse erat, ut ea legatio, quæ certis mandatis non inniteretur, inanis foret. Hæc res indigna Pontifice, animū eius vehementissimè pupugit, quū civium usq; adeo aucto acerbioris furore, insanabiles animos armis omnino perdomandos censeret. Interea Cæsar Barchinone oram solvès Auriana prætoria vectus, comitātē Portundo, qui Hispanicæ classi præerat, Genuā pervenit, præstoq; ei fuerunt Pontificis legati. Cæsar autem in ædibus prætorianis susceptus est, excepereq; cives eius comitatum proprijs penatibus impetrante hoc officij genus Andrea Auria à singulis familijs, quod ægrè Genuenses in universum suscepturi Hispanos hospites viderentur propter recentem adhuc memoriam, ab ea præsertim gente direptæ civitatis. Cæsar ipse secus accrediderant homines, faciem prætulit lenis clementisq; animi indicem, ipsoq; iuventæ flore maximè decoram, quā honestabant mores civili modestia conditi, et eloquia benigni comitatus, sicut famam conceptæ apud Italos feritatis extingueret: quandoquidē nequaquam eius imperio, sed dira atq; immani ducum suorum acerbitate quæ perpessi essent summæ calamitatis incommoda illata fuisse crederentur. Nec multum inde Florentinorum legatos admisit, qui ab eius æquitate clementiaq; demisse postularunt, ut civitati parcendum duceret, si quid fatali coacti bello maiestatem eius lesisse videretur, paratam quidem esse cuncta facere, quæ imperaret, modo eam veteri consuetudine liberam, sua qua potiti essent libertate frui pateretur, pro qua omnino cōservanda tuendaq; populus universus, non urbium

modò sibi subiectarum opes, sed liberos & coniuges, delubraque & fortunam omnes, contempto omni belli periculo devovisset. Propterea maxime decorum fore si civitas quæ esset totius Italiæ longè pulcherrima, & ad ipsius Cæsaris auctoritatem ultro se conferret, libera atque integra servaretur. Ad ea Cæsar paucis respondit, Florentinos iniquè arroganterque fecisse, qui nulla lacerati iniuria Gallis hostibus suis adhæsisent, fœdereque icto Etrusca auxilia oppugnandis ipsius ducibus Neapolim misissent. Quo inexprabili delicto superiorem Cæsarem concessas libertatis immunitates, vel ingratè vel perhædiosè corrupissent. Hæc tamen si uti maximè fœda omnino armis vindicanda censerentur, se tamen noxam, & totum eorum maiestatis crimen pro sua humanitate, magitudineque animi remissurum, si sacrosanctum Pontificem, eundemque civem suum eximiæ moderationis, quem impudenter patria occisissent, conversis voluntatibus reciperent. Hanc unam siquidem ipsis relinquendam viam parandæ pacis, quando nullo alio auspice sequestrove, eam impetrare possent. Proinde si sani forent, in id enixè satagerent, si incolumes esse vellent, ut pristinam gratiam à Pontifice honestissimo obsequio promerent. Neque enim aliter se fidei præstare, neque officio suo quod percussi fœderis legibus esset obstrictum satisfacere posse, nisi sacrorum principi & civi de Florentina Republ. optimè merito, sua patria redderetur. Ab his prægravibus Cæsaris responsis legati diverso animorum habitu ab Genua discesserunt. Caponius & Strozza provisus asperrimi belli difficultatibus, vel non æquas, & præcæti Reip. incommodas certæ pacis conditiones dubio bello facile præferrebant. Soderinus autem ita horrebat bellum, ut animi anceps pacem improbare, quod ea propter gentilitias similitudines, nisi reductis Medicæis parari possederetur. Raphael autem occulta correptus ambitione popularis factionis studium suscepit, astuta quidem ratione, ut quum esset patritius & multis nominibus Medicæo nomini obstrictus, utriusque ordinis voluntates promerere, petitionique suæ quam animo agigaret certa suffragia compararet. Itaque Soderino per causam valetudinis Pisus subsistente, quod Caponium apud Castrum novum Calphurniani saltus ex morbo perisse: Strozzam vero qui comes affuisset metu belli, & turbulentæ popularium factionis tædio Venetias abiisse didicisset, magna festinatione Florentiam contendit, ita ut in eo cursu in curiam ire pergeret, & penulatus petasatusque ad præoccupanda hominum studia ad dictatorem & decuriones ascenderet. Eius adventu frequens factus est in curiam hominum concursus, quum quisque quod à Cæsare relatum esset, noscere percuperet. Ante omnia Raphael Carduccium arctè complexus, cohortatusque ut eundem quem maximè fortem pro salute patriæ animum induisset, generosè confirmaret, causas namque vel timoris vel periculi aliquanto minores esse quàm putarent, postquam Cæsarem exploratis & experitis consiliorum eius explicandorum difficultatibus adhæsisent, & ex colloquio multis contumaciæ responsa iustis ipsorum postulatis aliena retulissent. Primum omnium advectas esse ex Hispania non multas, easque tironum inermes copias, nec satis quoque auri signati adductum, quo Hispanorum & Germanorum cum veterum, tum novorum qui è Germania expectarentur, stipendijs satisfaceret: vigere adhuc bellum adversus Antonium Levā, quod à Venetis simul & Sfortianis continenter gereretur. neque vlla alia re Cæsarem cum Pontifice certius atque propensius coniungi, quàm ipsa adipiscendi diadematis cupiditate,

ditate, propter quam invitus æquo plura quàm rebus suis expediret, indul-
 genda promittendaq; existimasset, quæ non faciliè præstari possent propter
 terrorem quem Solymanus incuteret, non Pannoniæ modo, sed paternis eius
 regnis, quando certior fama vulgaretur, eum cum trecentis milibus hominū
 egressum Pannoniæ finibus, rectā ad oppugnandū Viennam contendere. Sic
 ut non obscuro deorum immortalium munere, Florentinis auxilio ingentis
 potentiæ barbarus mitti videatur, postquā rex Gallus aliena pericula pro suo
 commodo supinè contemnens, & Venetus astutè semper cunctator inani tan-
 tum legationum specie spes sociorum sustentarent. Fore etenim ut Cæsarem
 10 Italiam attigisse, propterea pœniteret, quod in Germaniam difficili periculo-
 soq; proposito bello ad defendendum, protegendumq; fratrem secus ac putas-
 set, importunè vocaretur. Pontificem verò rerum omnium pecuniæq; præfer-
 tum egentissimum frustra suscepisse vota, quibus pertenuis arrideret occasio,
 his rerum initijs appareret. Itaq; viribus fortibus, & pro patria adversus tyran-
 nos pugnaturis, non defuturum victoriæ successum, nisi intempestivè despe-
 rarent: quandoquidē satis magna habituri essent præsidia cum externorū mi-
 litum, tum civium ipsorū, quibus egregiæ firmitatis mœnia proculdubio de-
 fenderent, neq; defuturam in stipendia pecuniam tanta liberalitate singulorū
 20 ordinum substantiam omnem pro libertate patriæ conferentium, postquam
 summæ charitatis studium pro salute publica suscepissent. Cæteris autē rebus
 eam fore egregij dictatoris & magistratuum curam & diligentiam, ut nullum
 vel in urbe tumultum, vel extra mœnia extimescendum hostium impetum ex-
 pectare deberent, modò commeatus dividendi cura severis legibus intende-
 retur. Hæc magnificè differendo, & Cæsaris & Pontificis apparatus, qui erant
 amplissimi, inanibus verbis elevando Raphael boni civis optimiq; popularis
 nomen ita consequutus est, ut privatae libidini incumbens, sibi ad petitionem
 dictatoris, vel exitiosis artibus viam permuniret, unusq; ipse malo publico, pri-
 vatoq; exitio suo proclinatas iam ad pacem civium voluntates pervertisse dice-
 retur. Itaq; Carduccio ad arma paranda vehementer inflammato, constantis-
 30 timeq; pro popularibus Remp. administrāte, quæ excogitari poterant pro de-
 fensione civitatis accuratissimè adversus hostes parabantur. Interea Cæsar è
 Cœnua Placentiam contendit. Ei adventanti tres Pontificis legati præstò fue-
 runt, ut eum Pontificiæ ditionis fines intranssem sacramēto adigerent, quo de
 more iurare cogebatur, nunquam se Pontificiæ libertati vim allaturum. Ea au-
 tem iusiurandi formula verbis ritè conceptis ex sacris cerimoniarum libris pe-
 tebatur. Sed Cæsar sui imperatorij iuris appositè memor, ita iuravit, ut se de
 iure suo nihil decessurum testaretur. Placentiam siquidem & Parmam ur-
 bes tanquam Mediolanensi imperio antiquitus attributas: quoniam id Cæ-
 40 sarum imperatorum beneficiarium semper fuisset, non obscuro, nec intermis-
 so iure repetere videbatur. Antonius quoque Leva ad invisendum edocen-
 dumq; Cæsarem Placentiam descendit. Is Cæsari aulq; proceribus cum mu-
 tuagratulatione dux mirus & incomparabilis est visus, vel ob id præsertim,
 quod tantis rebus gestis, totq; partis victorijs, vel occupante totos artus mi-
 terabili morbo, animo pariter & corpore indomitus nunquam à munere mi-
 litari discessisset. Sæpe enim lectica vectus, illigatusq; fascijs propter acerbissi-
 mos nervorum dolores acie conflixerat, expugnarat oppida, diversorum-
 que hostium sibi incumbentium conatus infregerat, ita ut si prospera utere-

tur valetudine, non suæ modo, sed superioris etiam ætatis duces, fama & laude supergressurus crederetur. Is disertè atque appositè quæ gessisset, & quæ gesturus foret discrens, pacem è cogitationibus Cæsaris excutere conabatur, quòd vir belli gerendi conficiendiq; avidus, unde sibi certum decus, immensasque divitias pararet, omnia sibi facilia ad plenioram victoriam de hostibus parandam, obventura prædicaret: eo quidem fortasse iactantius quam prudentem deceret ducem, quòd Sfortianas pariter tanquam exiguas. Venetas verò copias tanquam parum efficaces, & pro alieno commodo nunquam superioris pugnae aleam subire solitas facile despiceret, eoq; præsertim contemptius & tutius: quoniam Venetos descendantibus Germanis ad oppidorum suorum præsidia, Feltrium ducem ipsum & cohortes quas ad Abduam haberent, revocatos divinare. His Levæ sermonibus fiebat, ut Cæsar magno peregauderet, neque tamen ab instituto parandæ pacis consilio se derectum, longe abduci pateretur, quòd ea quæ Clementi promiserat, ratafacere suæ dignitatis esse statuisset, ut tandem ipse imperatorij diadematis honore compos fieret, medereturque afflictæ Italiæ incommodis, & propterea pacem pararet ut fratri Ferdinando Turcarum circumvento armis matura præsidia dignatissimo, traductis in Germaniam Hispanicis copiis præberentur. Clemens enim ad quem unum salutis suæ causa Franciscus Sfortia confugiebat, ratus Etruscum bellum nequaquam confici posse, nisi compositis Galliæ Cisalpinæ rebus, præcipuè sicuti semper aliàs à Cæsare postulabat, ut ipsum Sfortiam quem in fontem criminis existimare fas esset, in gratiam reciperet, & in regnum patris hæreditatis restitueret: ex cuius facti gloriosa liberalitate studia hominum sibi esset conciliaturus, postquam undique victori principique magnanimo nihil potius appetendum foret, quàm eximiae moderationis decus, quòd maxime speciosum atque honestissimum esset. His Pontificijs adhortationibus quanquam Cæsar omnino obsequendum statueret, magnopere tamen dudum maxime pulcherrimique imperij potiundi distinebatur, usque adeo ut plerisque commutata voluntate in consilio restituendi Sfortiæ nutare crederetur: ob idque præcipuè, quoniam dum hæc per legatos tractarentur, Antonius Leva nullam gerendi belli occasionem prætermittendam ratus Ticinam urbem rursus occuparat, ingenti celeritate admotis castris, avaro scilicet periculoque præsidij præfecto Aunibale Picenardo impudentissimè atque turpissimè se defendente, ut sese incolumem cum præda omni quam undiq; cogerat opulentiam ex pactione conservaret. Sed eius facti ignominia non multò post usque adeo atrociter laboravit, ut vituperantibus cunctis, ad mortem usque infamia corripere. Pari quoque felicitate Antonius Castellum sancti Angeli Laudensi via ad Lambrum amnem positum, in potestatem redegit, misso in eam expeditionem Ludovico Balbiano cum delecta parte copiarum. Is uti erat impiger Sfortianoque nomini maxime insensus, ita oppidum adortus est, ut nactus noctem plenissimo imbre turbulentam, Sfortianis & Venetis præsidiarijs frustrare pugnantibus, muri corona potiretur, quum imber omnem penitus sclopettorum usum, extinctis funiculis, defensoribus eripuisset. Edita est non parva cædes, quum sclopettis abiectis, ad hastas & gladios rem deduxissent, iniqua propugnatorum conditione, quando pauci, armis tormentorum præsidio, cui maxime confidissent, tanquam deserti à Fortuna, inopinatoque timore præpediti sternerentur. Id oppidum inexpectato amissum

sum tanto dolore Sfortiam affecisse visum est, ut geminatis cladibus, tota spe impetrandæ pacis decideret, & Clemens longè gravissimè perturbaretur, veritus scilicet ne Cæsar nova secundarum rerum fiducia impulsus, uti à familiarib. factiosisque depravatus, ad bellum sprete pace traheretur. Sed ea fuit in ipso animi constantia, eaque ratio moderationis atq; virtutis, ut ullo pacto flecti nequiret, quod conceptæ atque propositæ pacis spem, eluso Pontifice minimè corrumpendam arbitraretur. Id verò ut statueret graviter adducebatur, propter Turcas quos in Noricum effusos esse didicerat, summo Viennensium periculo, cladeque regionis, quando quidem cuncta cædibus & incendijs permiserent. Sub id quoq; tempus Rodericus Portundus Hispanicæ præfectus classis Barchinonem reverti iussus summum fœdæ calamitatis infortunium subiit, commisso namque navali prælio cum Turcis prædonibus, classe exutus est, atque interfectus, tam sua exitiali, quàm Reipub. damnosa temeritate. Quomodo autem res gesta sit, paucis enarrare lubet; ut nostri homines nusquam superbia efferri, nec barbaros, qui pertinacibus animis nullo mortis metu ferrum in nostros exercent, despicere condiscant. Portundus ex itinere prædones se adepturum ratus, qui tum Balearico in mari vagabantur, quum ad Ebusum insulam pervenisset, ibi didicit prædonum quindecim navigia, quæ remis agerentur, ad Colubrariam insulam confedissee. Ea abest ab Ebuso decem milibus passuum Frumentariaque à nautis appellatur. Itaq; evectus in spem opprimende piraticæ classis, ex quindecim suis triremibus, validissimas octo deligit, easque cæterarum remigibus, & epibatis complet, impetratq; à prætore Ebusano centum circiter, & quinquaginta notæ virtutis propugnatōres, quos in triremis dispersit. Hoc auctus numero, confirmatoq; suorum persidio, non dubitat quin cum barbaris omnino sit confligendum, compositisque armamentis de tertia vigilia ab Ebuso solvit, & ad Colubrariam progreditur. Barbari à medio pelagi spatio adventantes triremes conspiciunt, celeriterq; è litore se expediētes navigia conscendunt, atque arma parant. Portundus quum Ioannes eius filius iam in albescēte cælo, hostilium navigiorum classem numerasset, ideoq; admoneret patrem ne properaret congregi numero impar, vehementer eum aterbeq; ignavia increpita obiurgavit, usq; adeo insolenter, ut diceret eum nō esse ipsius Portundi filium, qui hostem reformidaret biremibus tantum ex speculatorijs mioparonibus instructum quando ipse vel sua tantum prætoria trireme, cuncta ea barbarorum leviora navigia esset demersurus. Erat Portundus animo certè egregio & forti, sed valde elato superboq; quando quidem ab inani iactantia contumacem & indomitum, nulla vel certi, vel præduri discriminis reputatio, nullaque vel horribilis præsentis periculi oblata facies perterreret. Tum filius qui cum virtutis, tum prudentiæ præcellentis erat, dii faxint pater, inquit, ut nos concepti timoris dispudeat potius quàm doleat. Eo modo Portundus suæ prætoriæ ita cursum intendit, ut reliquas quæ remigio minus valebant, anteiret, & respiciens, remos tolli iubere cogeretur, scilicet ut consequendi spatium præberet, quæ ad æquandam frontem cum voce, tum maritima significatione, ut accelerarent accersebantur. Haidinus Smyrneus archipirata, cui Cacciadiabolo cognomen fuit, ubi in æqualem hostium cursum deprehendit, quod longam intercisa serie nullam conserturi frontem cum prætoria videbantur, advocatis commilitonibus navigiorumq; magistris (ita enim barbari trierarchos appellant) hoc consilij expedita deliberatione suscepit, ita dis-

visis pugnae muneribus, validiores biremes nostris hostilem classem rectâ ferirent: leviores autem singulas binæ à lateribus aggredierentur. Favit fortuna prædonibus æqua, nostris verò infestissima: nam Ailanes Celebinus, & Solymanus audacissimi omnium & pugnacissimi uno tempore, hic à latere, illerectissimè à prora in prætoriam inveciti, priusquam succurri posset, Portundum capta Prætoria cum suis omnibus propugnatoribus trucidarunt, ita ut vexillum repente, quod magnopere cæterorum animos imminuit, sterneretur. parique celeritate Haidynus ipse triremē succedentem Ioannis Cantabri quæ a Gallo, id erat puppis insigne, cognomen habebat, conscendit, & Cantabrū cum universis navalibus focis interfecit. Eodem puncto temporis Salecus Derhulensem triremē, in qua erat Ioannes Civeres Trierarchus proximamq; huic Ioannis Portundi filij, magno impetu adortus interfecto Civerio, & Ioanne capto, propugnatoribusque omnibus trucidatis occupavit. Eodem quoque semihoræ spatio Matthæus Sances à Saba prædone expugnata trireme interfectus est. Maggalis verò postremas, & conversis puppibus aufugientes usque adeo acriter est confectatus, ut alteram in qua erat Martinus Ariegus, velis & remis prospere antecedentem amitteret: alteram verò in qua erat Ioannes Corduba, scopulis sese illidere cogeret, quæ effugientibus omnibus cum solo trierarcho, qui superesse cædæ cladi noluerat, capta est, Turcis ex victrice classe defensionem in litus facta effugientes ex trireme ita confectantibus, ut multo plures qui evaderent, integri caperentur. Aidinus tanta parta victoria tridui quiete remigibus concessit, atque inde ad Barbarussam cum septem captivis triremibus Algerium traiecit, cuius adventu victoriaque maximè lætatum ferunt Barbarussam, qui ex eius victoriae fama apud Solymanum imperatorem plurimum inclaruit, quum ei Byzantium usque dono misisset splendidiora eius victoriae spolia, ipsumque in primis Portundi prætorium vexillum, & sumptuosi operis puppis integumentum. Hoc loco minimè absurdum putavimus, prædones barbaros proprijs nominibus appellasse. Id verò duabus de causis fecimus, quod sequentibus bellis, quæ suo ordine referentur, eorum virtus efficax, si hoc honesto nomine vis effera vocanda, sic crebro nostro incommodo multum inclaruerit, & demum illi victi pulsiq; Tunetanæ Cæsaris victoriae famam auxerint, insignique omnium mari nostro navigantium latitia latius extenderint. Cæterū Barbarussa accessione tot triremium captivorum, totq; nostris hominibus ad transtra cathenatis, instructior atq; validior factus, maiora animo agitare cœpit, asciscereque sibi novas vires, atq; ardentis Fortunæ secundas vices experiri constituit. Iam enim fraterni imperij compos, Hariadenus vocari volebat, ad differentiam Horucci fratris, qui primo idem ab ænea barba cognomentum tulisset, cuius cognominis & Fortune hæres multis rebus in Africa fortiter atq; feliciter gestis, terra marique rex metuentus evaserat, magno quidem Fortunæ ludibrio, si humilis piratæ despiciendam ab initio conditionem reputemus, postquam ad id humanæ superbix fastigium ascenderit, sicuti suo loco exordientes à prima eius è patria Lesbo profectio diffuse narrabimus. Igitur ante omnia misso ad Mœnicem insulam, quam Gerbim vocant, Tabacco trierarcho Synam Smyrnæum cognomento Iudæum summæ prudentiæ uti constat archipiratam, certo fœdere sibi coniungit. Is viginti quatuor biremibus imperabat, unique triremi, quam Gallis ereptam cognomine Nigram appellarat, cui Halicolam Corsum à pueritia

lumnium

lumnum pro trierarcho præfecerat, qui & suo nomine expeditam triremem
 cognomento Calabram trahebat. Synas quum subduci & refici classem iussis-
 set, interea Tunetum contendit, ibiq; repertum insignem prædonem è Cili-
 cia, qui Halicotus vocabatur, æqua conditione transigit, ut secum ad Barbarus-
 sam enaviget, atq; ei operam præstet. Halicotus quatuor habebat biremes, &
 duas quæ Neapolitanæ fuerant, ad Argentarium montem captæ, quum for-
 te tormentarij pulveris & pilarum certam copiam ad Cæsarianos, Florentiam
 oppugnantes, iumentis deportandâ exposuissent. Altera fuit Iustiniana Gib-
 ba quæ in litus effugientibus remigibus pariter atq; vectoribus, vacua in po-
 10 testatē devenerat. At altera fuit Aloysij Hispalensis, qui expugnata trireme in-
 terfectus est. Horum omnium viribus in unum coactis Barbarussa ad Algeriū
 classem iustravit sexaginta navigiorum militariter ornatorum, initaq; delibe-
 ratione cum socijs, urbem Gades in freto propter opulentissimi emporij famā
 adoriri constituit. Dum proposito consilio Barbarussa diligenter incumbit,
 Halicotus cum dimidia ferè classis parte Algerium mittitur, ut ibi magnam
 vim frumētī nactus, nautici panis, quē biscoctum vocant, ampliorem copiam
 paret, & reliqui cōmeatus iusto numero se instruat, armamentaq; pluteos &
 tormenta coaptet. Hæc quum Algerij, Cercelliq; impigrè atq; avidè parantur,
 Andreas Auria vehementer offensus incommodo cædeq; Portundi, vetereq;
 20 suo contra prædones odio incensus, quod publicam iniuriam vindicandam
 rebatur, validissimam rostratarum navium classem Genua eduxit, cui se Gal-
 licæ triremes adiunxerant: quoniam rex Franciscus maximè pium, sibiq; de-
 corum existimabat armis persequi Piratas communes humani generis hostes,
 oblivisciq; in dudum cōciliati Cæsaris gratiam, totius simultatis, quæ sibi cum
 Auria nuper intercessisset. Auria ad Baleares insulas cursum tenuit, ibiq; didi-
 cit Piraticæ classis alteram manū esse Algerij, alteram sedere ad Cercellum. Id-
 circo consilium expedit alteramq; earum priusquam in unum coniungantur,
 invadendam censet, apertoq; mari rectā in Africam Cercellum versus cursum
 intendit. Erant ei triginta octo rostratæ omnes triremes. Has advenientes
 30 Mauri è specula promontorij olim Carapulæ, quod nos Battalium: Pœni ve-
 ro Gyra Flumar appellant, facilè conspiciunt. Id verò quod vidissent referen-
 tes, Halicoto se Barbarussæ classem quum deciperentur, adventare confirma-
 bant: sed ut id crederet Halicotus, vel ea ratione adduci non potuit, quoniam
 ea adventans classis parem navigiorum magnitudinem certa specie referret,
 quæ proculdubio esset externa atq; inimica, postquā nulla inter eam minora
 apparerent navigia, sicuti necesse esset in Barbarussæ classe, quum maiores mi-
 noresq; biremes, & parvos mioparones speculatorios ex sua consuetudine ef-
 fer adducturus. Iam sensim appropinquantēs Aurianæ triremes quales essent,
 sese intuentium oculis præclare ostendebant. Propterea Halicotus raptus in
 40 id consilium quod inopinata necessitas afferebat, singulari celeritate Christiā-
 nis remigibus cathenas detrahit, qui erant numero circiter octingenti eosque
 in subterraneum carcerem detrudit, partem triremium perforata carina, ne
 his potiatur hostis, in portu demergit: Turcas omnes secum adducendo ar-
 cem intrare iubet, præcipitq; Mauris ut oppidum relinquāt, & ad evocandos
 proximæ viciniae Numidas, & montanos egestes, bellicososque homines in
 auxilium accersant. Dum hæc turbatè administrantur Auria adactus prorsus
 portum atq; oppidum occupat, tresq; cohortes sub vexillo ad quærendum car-

cerem, liberandosque Christianos servos dimittit. Nec mora, certo indicio ergastula omnia refiguntur, & cum magna gratulatione servi è summa miseria beati repente facti per triremes distribuuntur. Cæterum navales focij per oppidum discurrunt, cunctasque domos diripientes, per varias regiones dissipantur, nec reclamante, revocanteque ad tubæ cantum Auria se recipiunt, quum rapinæ spes omnem pudorem in milite nuper collecto conscriptoque penitus extingueret. Id dissolutæ disciplinæ factum ab arce Halicotus deprehendens, subita eruptione dispersos invadit, opportuneque superveniunt auxilia Numidarum, qui equato peditum atque equitum cursu, inopinantibus nostris advolarant. Commissa est atrox cædes in nostros potius quàm pugna, quod nemo præpeditus complexu prædæ, & inopinato pavore perturbatus usquam consisteret, aut viriliter repugnaret: nam quisque ad repetendam classem concitatus à pluribus trucidabatur. Eam verò fugæ ignominia iratus Auria, ut aliquo in medio sisteret, postquàm nemo imperijs suis parebat, paululum è litore triremes abduci iussit, ut spe insiliendi erepta, milites ad pugnam, salutis metu armatiq; animos cõverterent. Sed tanta erat impressio Barbarorum nemini parcendum, Turcarumq; præsertim qui gravibus suis incurvis gladijs rem gerebant, ut per res natandi imperiti, & malignè propter id dedecus à classiarijs adiuti, foedissimo interitu mergerentur, sic ut paulo minus quadringentos Auria desiderare quum vix sexaginta cum Georgio Pallavicino nobili signifero vivi in portum tem hostium venissent. Verùm Auria id detrimentum æquiore animo tulit, quod ab se tot Christiani nominis servos in libertatē assertos esse videbat, & aliquot eorum maiora navigia remulco secum abduxisset. Hac re gesta procumbens Gadibus salutem attulerunt: nam Barbarussa ea spe deiectus ad minoralatrocinia descendit. Iam Cæsar (ut ad historiæ seriem revertamur) circiter duos menses Placentiæ Parmeq; exegerat, quum optatissimum à Ferdinando fratre nuncium accepit, Turcas, qui per multos dies irritò conatu Viennam obsederant, & cuniculis oppugnassent, desperata expugnatione retro abijisse, Solymnumque ipsum non dubio concepto pudore, quod ei Fortuna ceptis aliàs aridere solita tantos conatus elusisset, tripartitò in Thraciam reverti cepisse. Tempus postularet ut hoc loco quo impetu Solymanus in Pannoniam venerit, reiectusque à Viennæ mœnibus inglorius in Thraciam redierit, ex rarè gestarum serie narraremus, sed bono iure hic historiæ tractus in alium locum minino commodiorem atq; aptiorem trañciendus videtur, ne dum singularium membra secare, & præcipuis temporibus coaptare contendimus, rerum cognitio concisè atq; confusissimè legentib. proponatur. Hac singularitatis perfusus Cæsar, rectà Bononiam contendit, quò iam paulò ante Caleud. novembres Clemens pervenerat. Ex itinere autem susceptus est apud Regium Lepidi, Mutinamque magnificentissimo Alfonsi Atestini Ferrariensis principis apparatu. Excipitur ergo triumphali pompa summis honoribus, incredibili omnium lætitia, ipse paludatus, & militaribus armis una dempta galea undiq; protectus, albo insigni equo, regio sumptu phalerato, à Mutinensi porta in forum provehitur. Præcesserant quaterna vexilla, cum levis, tum gravis armaturæ Belgarum equitum, sagulis, cristis, & colorū varietate ita inter se distinctis turmis, ut quorum ducum essent, ab ipso insignium & vestitus argumento facile noscerentur. Successit inde peditatus toties victor, non tam opimis hostiū spolijs exornatus, quàm armorum fulgore ac aspectus feritate terribilis, ad truce-

æm tympanorum sonitum, & graves tiliarum modulos, gradu superbè com-
 posito, sub signis introductus. Quadratam umbellam auro purpuraque distin-
 ctam gymnasiarchæ, & celeberrimi bonarum artium professores in togis seri-
 cis præferabant. Latus Cæsaris à decora Bononiensium iuventute, non custo-
 dia, sed honoris causa cingebatur. Prætor urbanus, & decuriones cum vexilli-
 fero, et à Quadraginta virali magistratu, primoribusq; patritijs splendidissimi
 succedebant. Constitit in medio foro Antonius Leva æger pedibus, sed vivaci-
 bus oculis pugnacissimi ducis habitum præseferens, ac ut magis ob recentem
 bellicæ constantiæ & rerum gestarum gloriam, omnium oculis offerretur, in
 10 sublimi sella gestatus, hinc veterana Germanorum legione, illinc Hispanorum
 cohortibus, ita prædensa acie directis, aut obversis, & tormentis in fronte col-
 locatis, ut exercitus concursurus esse videretur. Erant iuxta Cæsarem illustres
 reguli, auro in lacinijs vel solido bracteato, vel acu pingente inducto, vel ad lu-
 xuriam conciso, itemq; exquisitis armorum & equorū ornamentis maximè su-
 perbi. Secundum eos prælata est Romana Aquila aureo in vexillo picta, ac itē
 candidum aliud vexillum purpurea cruce distinctum, sub quibus totius aulæ
 familia ex flore gentium omnium delecta, & nobilissimi Hispaniæ sacrati reli-
 gione equites Cæsaris vestigia sequebantur. Prætorianus miles custodiæ cor-
 poris assuetus, diversis sub signis Hispanus, Belga, Germanus, in croceis sa-
 20 gis agmen extremum clausit, & quicquid in foro spatij reliquum fuerat, oc-
 cupavit. Erat erectus in Petroniani templi vestibulo peramplus ligneus sug-
 gestus, peristromatis, & aulæis ad loci dignitatem undique protectus, in quo
 Cardinales & episcopi, cæterique minores sacerdotes purpurati, suo quisque
 ordine confederant. In medio autem præalta in sede mitratus Pontifex Cæsare
 expectabat. Ille itaque nobilioribus tantum regulis, principumque legatis sibi
 afficiis, equo descendit, subeuntem per gradus Cardinales duo deduxere. Tum
 vero ut prodijt, omnium oculi in duos longè maximos terrarum orbis domi-
 nos sunt coniecti. Explorabat enim quisque valde suspensus & tacitus, propter
 memoriam veteris dissensionis, & recentis amicitiae, an ora ipsa interiores sen-
 30 sus nunquam ex toto fallentia, subitis illis affectionum & nutantis animæ mo-
 mentis obedirent. Erat vultus Cæsaris in gestu militari & gravi, blanda qua-
 dam lenitate, verecundiaq; perfusus. Clementis verò facies ita subito ad eius oc-
 cursum exhilarata est, ut vel ob id maximè letari crederes, quod illū multo hu-
 maniore & augustiore quàm putarat, esse conspiceret. Varia siquidē ab Hi-
 spanijs, & falsa quidem, de Cæsare plerique malignè retulerant, & multi etiam
 ultro trepidis animis, propter acceptas tot inusitatas clades, sibi illū finge-
 bant, ut alterum Ariovistum, aut Rotomalcem, aliquo scilicet vultu Cimbrico &
 feritate Gothica metuendum, ac ipsius denique militibus, ferocia & spiritus
 immanitate per similem, qui devictis & stratis tot hostium exercitibus, tot ur-
 40 bibus direptis, evastatisque provincijs, divina ac humana omnia dira confu-
 sione misceissent. Sed iam fuerat exceptus Genuæ, Placentiæ cognitus, Parmæ
 demum, Regij, & Mutinæ, cum summa omnis generis hominum gratulatio-
 ne salutatus, utpote qui passim humanitatis, abstinentiæ, pietatis, atque iusti-
 tiæ monumenta, absq; ullo vel superbie, vel crudelitatis, vel libidinis vestigio
 reliquisset. Enim vero, quo nihil est in rege popularius & gratius, aditum cun-
 ctis, atq; aures summa benignitate & singulari patientia præbuerat, dederatq;
 obiter responsa spei, æquitatisque plenissima, quæ propositis postulorum

figillatim rectissimè responderent. Illam verò militum licentiam diuturnam punitate confirmatam, ijs qui vel oblata rapuerant, vel ante diem arroganter stipendia flagitarant, supplicio protinus affectis, ita represserat, ut illo quod teneret longe maximo omnium imperio dignissimus haberetur. Sed nec cum (quanquam ætate Fortunaq; florentem) villæ vnquam vel licitæ voluptates, a perpetuis rerum maximarum consulationibus auocabant, ita ut in eo simul iuuentæ decor eximius ad Martiam laudem emereret, & consilia senili maturitate proprijs non alienis cogitationibus exquisita, elaborata, directaq; manerent. Nunquam enim præclarum, nobile & firmum eius ingenium, vel irarum impetus perturbabat, vel cæca vindictæ libido pupugerat, vel ulla humana mollieties, quin recta sentiret, expugnarat. Erat eius vultus, ut hoc quoq; curiosi minimè desiderent, argenteo & grato quodam pallore dilucidus, oculi carulei, suaves, nulla acris severitate formidabiles, & ij quidem ad ingenium pudorem virilemq; modestiam instituti. Nasus à medio clementer assurgebat, quod magnitudinis animi signum in Persarum etiam regib. ab antiquis fuit observatum; mentum erat ad exiguam vanustioris iniuriam paulo prominentius, & quod grauitatis speciem addebat, subcrispa & flauenti barba conuictum; capillum verò fulgore pallentis auri, more Romanorum Cæsarū circumtōsum ostendebat. Porro statura corporis, ut in ipso ætatis integræ flore & prosperrima valetudine, non ab inertis succo, sed à valido nervorum nexu longè firmissima; per amplæ item robustæq; manus ad stringendū ferrum idoneæ, crura autem venustissimè extantibus toris, trunci proportionē directā, quod tum maxime apparebat, quum equo veheretur. Tanta enim ei inerat cum dignitate equitandi peritia, ut nullus eo armato, atq; equum incitante & ingyrum reflectente, vel pulchrior, vel vividior, vel in ferendo armorum potius patientior eques reperiri posse videretur. Cæterum ad pontificis pedes flexo genu prouolutus, ac mox dextra læti arridentisq; Pontificis erectus ad osculū, Hispanica oratione, Veni, inquit, sanctissime pater ad pedes tuos, quod summo voto semper expetiui, ut fessis Christianæ Reip. rebus communi consilio succurramus: oro Deum Opt. Max. qui me huius voti compotem fecit, nostris consilijs adsit, atq; hic aduentus meus Christianis omnibus sit salutaris. Tum Pontifex, certè hoc ipso congressu, inquit, sicuti Deus immortalis, & sancti cælites certissimi sunt testes, mihi nihil vnquam fuit antiquius, & iam superis gratias ago quod te videam prosperè atq; feliciter mari terraq; perductum, resq; eò deductas intuear, ut te authore de concordia omnium & solenni pace minimè desperemus. Obtulit subinde Cæsar auri signati circiter libras decem; deductusq; est summa comitate à Pontifice ad templi limen; atq; ita digressi Cæsar ad aram maximam supplicaturus superis contendit; Pontifex verò in prætorium cum vniuerso sacerdotum ordine continuo est reuersus. Nec multo post Cæsar & ipse prætorium intrauit, cui paratæ erant summa ædium partes, ita coniunctæ Pontificijs, ut inter vtriusq; cubilia solus intresset paries, aditum præbente portula, ut quum vellent, ignaris omnibus remotisque arbitris, interdum noctuque, de summis rerum negotijs familiarissimè disputarent. Eo modo sæpe arcana sensum, mutua & sincera animi liberalitate detegendo, ac odiorum origines ad fatalem vim & consiliariorum & ducum insaniam referendo, facile Dijs bene iuvantib. viam inuenere, qua pax egregiè componi, & tot malis & funestis incommodis optatus finis imponi posse vide-

recurr,

retur. Veneti per Gasparem Contarenum divini ingenij & felicitis industriae legatum non proferendi imperij, sed tuendae publicae omnium libertatis causa, adversus Caesarem arma coepisse testabantur. Proinde eas urbes quas in Apulia, Galliaque togata possiderent, Caesari atque Pontifici statim esse reddituros, adiuturosque pecunia Caesarem, si ille erga Franciscum Sfortiam clementia & lenitate liberaliter uteretur. Caesarem etiam ipse Pontifex ab initio belli fuerat obtestatus, ut Sfortiam deprecantis Italiae praecibus condonaret, vel humani iuris aequitate, si ei falso perfidiae contumelia fuisset imposita, vel illa praecleara clementiae virtute, qua reges Dei immortalibus aequantur, si in maiestate tem aliquid ingrato infidelique animo lapsus admisisset. Ad quam quidem rem singulare Pontificis studium, ac insignis auctoritas momenti plurimum afferebat ijs consilijs approbandis, quae honesta, tuta, decora, atque uti omnibus commoda censerentur. Nemo enim eo gravius atque prudentius de magnis rebus disputare, & diversas sententiarum opiniones acutius ponderare, confitereque didicerat. Addebant dictis fidem utriusque Fortunae facta pericula, & quae Christianos animos facile perstringit, illa inveterata religionis opinio: & ea quoque erat promissae barbae intempestiva & veneranda canities, ut apud Caesarem cuncta pie & graviter aestimantem, & carceris & tot cladum memoriam facile renovaret. Sed tanta erat altitudo iudicij Caesaris, tanta moderatissimi eius animi religio, & tantum denique pacis & concordiae studium, ut nihil regali fastigio dignius atque praestantius existimaret, quam omnia consilia ad verum decus, ad solidam pietatem & ad animi magnitudinem revocare, ut arma in Turcas, adeo inter nos impie foedeque tractata, verterentur. Quippe qui non adumbratam, sed veram & vividam, non Fortunae adminiculis quaesitam, sed a fonte ipso propriae virtutis profluentem gloriam sectaretur. Itaque Solymano Turcarum imperatore iam a Viennae Noricae moenibus cum strage ignominiaeque depulso, atque eo Byzantium precipiti fuga properante, quum nihil iam hostile inde amplius esset timendum, pacare cuncta constituit. Evocatur ex templo Bononiam Franciscus Sfortia: procumbit ad eius pedes, redditoque diplomate, quo illum data fide ubique terrarum Caesar saluum & tutum esse iubebat, salutem, imperium, & spes denique omnes uni Caesaris probitati, fideique committit. Quoniam innocentia fretus, omnia se ex illius equitate humanitateque sperare praedicabat. Tum vero stupentibus cunctis, viderelicuit quanto Caesar esset omni sua fortuna maior & excelsior. Certarat pro imperio Madiolanensi, desertus a socijs, ab omnibus oppugnatus, in qua contentione omnes omnium vires ingentibus partis victoris praecclare contuderat, & quum aliquando nutante partium Fortuna, in dubia spe victoriae versaretur, honestas pacis conditiones semper elato constantique iudicio repudiarat, ne quod virtute atque una animi magnitudine erat factururus, veluti ignobili metu subactus, & praesenti impulsus necessitate fecisse videretur. Habet enim hoc in se regius eius animus, veluti excellenti & perfecta virtute praeditus, ut nunquam vel acriter urgente Fortuna, abiectum se demittat, vel ea penitus arridente intemperanter extollat. Ergo ubique victor & triumphator, supplicem in gratiam recipit, Mediolanensium ducem appellat, & tabulis Augustialibus rite confectis, totum ei paternum regnum adiudicat, neque amplioris pecuniae tributum imponit, quam ab initio & ante dissensionem imponendum esse censuisset. Nec multo post Calend. Ianuarijs solenni adiecta precatione sacra peraguntur,

ab incredibile hominum frequentia, exoptatum afflictis Italiae populis, insperatae pacis nomen excipitur. Praesentes Clemens Pontifex & Carolus Caesar, orantis Romuli Amasæi viri eloquentissimi voce Christiani nominis conservatores, ac optimi maximi Italiae parentes appellantur. Obortas præ gaudio lachrymas vix continent viri togati, optimi cives, sanctissimi sacerdotes, legum regum omnium, Gallie scilicet, Britanniae, Lusitaniae, Scotiae, Pannoniae, Sarmatiae, Daciae, Veneti Senatus, ac item Allobrogis, Ferrariensis, Mantuani, Vrbinateque, regulorum, ac liberarum etiam civitatum, Genuensium, Senesium & Lucensium, cunctique; demum proceres & principes, ipseque; ante alios Franciscus Sfortia honoris causa sessum inter postremos Cardinales receptus. Eodem dies tranquillitati initium, & ærumnis finem allatura videbatur. Itæ iam per urbes Italiae, externasque; provincias omnes Veneti senatus æquitatem, abstinentiam, in appetenda pace studium, in gerendo bello constantiam admirantur. Clementis verò quod desperatae pacis conficiendae implicatum turbidum quæ negotium generose divineque; suscepit graviter appositeque; tractari, prosperè & salutariter confecerit, iudicium subtile, industriam vehementem: inusitatam verò felicitatem, in cælum eximie laudibus ferunt. Cæsarem uti verè imperatorem quod omnibus proferendi imperii cupiditatibus imperaret, uti verè victorem, quod seipsum alijs parcendo præclarè devinceret: uti verè liberalem, munificum, largitorem, quod regnum dare quàm accipere maius & pulchrius existimaret, admirabili quodam genere gratulationis et laudis prosequuntur. Soli mortalium veterani, quibus natura odiosum pacis nomen esse consuevit, molestè & insolenter ferre id inexpectatum, & propterea clarissimum Cæsaris factum vehementer dolere, ac invidia commoveri, quod perpetua belli commoda, & victoriarum præmia, eo importuno pacis nomine perderentur. Summa tamen Cæsaris æquitate & liberalitate ex agro Infubini assensiente Sfortia, præmia sunt decreta Antonio Lege, ac Alfonso Davala Vastio, minoribusque; ducibus, qui eo bello fortissimam operam navassent. Interea Cæsaris uxor Isabella puerum peperit: cui propter avi materni memoriam Ferdinandi nomen impositum. Eius nuncii læticiam celebrare insignes Hispaniae reguli, magnificentissimo apparatu, arteque; mirabili, ad equestris pugnae simulacrum Maurorum iaculatorum cultu, in scuta passim coniectis arundinibus decurrètes. Quum hinc Osorius Astorgius, illinc Pacecus Astalonius, ornatissimi duces singulas turmas spectante Cæsare in forum pugnaturas induxissent. Concurrere etiam quadriduo Itali, Belgæ, Hispanique; equites cataphracti insignibus amatorijs & militaribus ornamenti valde cõspicui, panno aureo ac altero item purpureo, à senatu Bononiensi ad virtutis præmium, et in honorem Cæsaris hylari benignitate proposito, tulitque; præmium Altamirus ex ulteriore Hispania regulus, quod plures quàm quisquam alius hastas in adversis concurrentium pectoribus infregisset. Per eos dies Hispanorum & Germanorum copiae ex agro Mediolanensi, Brixianoque; iussu Cæsaris, hortatuque; Pontificis ductæ, diversis Apennini iugis in Etruriã descenderunt, hæsere tamen in nivosis saltibus genea tormenta, quum vapore Solis resoluta, & curruum pondere fracta glacies, cœnosaeque; nives, rotas ad axes usque; devorassent. Eas copias in unum coactas, Vastius à citeriore Arni fluminis parte in suburbana ad conspectum Florentiae urbis perduxit, ut Florentini duobus exercitibus, hinc ab ipso Vastio, & illinc e veteribus castris trans Arnum ab Aurantio, obsidione & minutis

lenæ

tentæ oppugnationis prælijs premerentur, omnisque pabulatum & lignatum
 exeundi facultas, præcis egressibus concluso hosti, & nisi per summa pericula
 erumpenti, penitus adimeretur: Postquam eos qui rempublicam gubernarēt,
 obscuros novosque homines ad privata potius commoda, quam ad urbis ac im-
 perij, & publicam denique totius populi salutem respectantes, nihil pro sanis
 facturos apparebat: Quoniam legatos cum mandatis inanibus & parum expe-
 ditis de pace postulatis ad Cæsarem Pontificemque misissent, & tunc maxime
 electis optimatibus libertatem illam non modo lenissimo Mediceorum do-
 minatu, sed quavis acerba tyrannide sæviorem, obstinatis insanisque animis tue-
 ri usque ad interitum patriæ statuissent. Interea Cæsar propter pituitæ redun-
 dantiam, quam grave per hyemem cælum invexerat, periculoso anginæ mor-
 bo laboravit, sollicitis de eius salute omnium animis: quoniam Philippum pa-
 trem, & Maximilianum avum, ea sæpius tentatos fuisse meminerant. Sed Nar-
 cissi Neapolitani medici valde fortunati peritia, qui ei ab adolescentia semper
 astiterat, celerrime convaluit. Per eos dies senatus Venetus longè omnium quas
 unquam emisisset, ornatissimam legationem ad Pontificem Cæsaremque trans-
 mittit. In ea fuere Marcus Dandalus ætatis honore, & optimorum studiorum
 gloria facile princeps, itemque Aloysius Mocenicus summæ gravitatis patri-
 tius, & Memphitica ad Selymum legatione clarissimus, et Hieronymus Gra-
 denicus vetus senator qui Romæ apud Hadrianum legatus fuerat. Porro Lau-
 rentius Bracadenus florentis eloquentiæ philosophus, & Nicolaus Teupulus
 gravissimarum artium, & Etruscorum carminum laude celebratus, & Anto-
 nius Surianus vir eximio rerum usu & doctrina præditus singulari, & Ga-
 briel Venerius vir prudens, efficax, assiduus, constans, qui Sfortiæ difficilli-
 mis temporibus semper affuisset: postremo Gaspar ipse Contarenus Veneto-
 rum ab excellenti virtute lectissimus. Erant in lato clavo vel aureo vel purpu-
 reo ad humeros fibulato, torquati ferme omnes, & à quodam augustæ gravi-
 tatis habitu venerabiles. Pontifex eis senatum dedit, advocatis etiam minori-
 bus aulæ sacerdotibus, & triduo post Cæsar in peramplo conclavi constituta
 sede, proceribus circumseptus eos suscepit. Bracadenus utroque in loco oratio-
 nem habuit splendidam, gravem, luculentam, exquisito laudum genere plenif-
 simam, qua gratias nomine senatus agebat, quod optatissimam pacem turbu-
 lentissimo tempore Christianis ferè omnibus peperisset, offerebatque Venetas
 opes, si quid egregium, & summis Christiani nominis principibus dignum, con-
 cordibus animis agitarent. Latine oranti continuo per utriusque principis epi-
 stolarum magistros, qui erant à Pontifice Evangelista Tarasconus, & à Cæsare
 Mercurinus Cardinalis, brevi latina oratione fuit responsum. Donavit de-
 mum singulos legatos Cæsar quingentis aureis, & quanquam dimissi essent, a-
 liquandiu tamen Bononiæ subistere, ut eum diem quo Cæsar Romani imperij co-
 ronam esset accepturus, ad declarandum senatus studiū honestarent. Cæsar enim
 multis de causis Bononiæ coronari statuerat, quāquam id antea Romæ faciun-
 dum esse decrevisset, ubi superiores Cæsares tanquam in sanctissima sacrorum
 sede, et felici nationū omnium domicilio, Urbeque ipsa veteris imperij honore an-
 tiquorum triumphis, & stupendis supremæ fortunæ monumentis longè clarissi-
 ma, coronas legitimo iure suscepissent. Sed evasitate urbis & nondum novis com-
 modis sublevatæ calamitosa tenuitas, & opulentæ supellectilis ornamentorum-
 que penuria Cæsarem avertabant, quamvis Romani eius spe adventus ab omni

tristitia & sordibus ad lætitiā veteremque splendorem revocati viderentur. Erant præterea Cæsari multa opportuno statutoque tempore in Germania perficienda. Nonnulli scilicet pacandī reguli, qui ad arma consternati bellum quā pacem malle videbantur: aliquæ liberæ civitates confirmandæ, quæ se ad Helvetios certo percusso fœdere contulissent: Appellandus item novus Cæsar procerum suffragiis, & deniq; Pannonicis rebus occurrendum: quoniam Ioannes Vayvoda, quem regem Solymanus Budæ statuerat, magnā regni partem obtineret, fretusq; ingentibus Turcarum præsidij, ad primā veris signa in Noricum irrupturus esse crederetur. Itaque evocatis omnibus regulis deligitur Iovis dies sexto Calend. Martias, Matthiæ Apostolo dicatus, qui erat natalis Cæsaris, semper ei faustus, & Ticinensi etiam victoriā lætissimus. Amadij prætoris fenestris patefacto aditu pons ligneus, pensilis, sublicis impolitus incurvo tractu per forum & Petronianū templum ad aram usq; maximam protrahitur, & festa fronde, pictisq; tapetib. exornatur, ut sine tumultu confluentis & prementis turbæ Pontifex & Cæsar in pompa prætervecti spectarentur. Erat de more veterum Cæsarum ut Modociæ propè Mediolanum coronam ferream susciperent, quæ indicaret Romano imperio firmitatem ferro & militaribus copiis comparari. Tres enim coronæ Cæsaribus debentur. Prima est argentea Germanici scilicet regni, quam suffragio procerū Aquilgrani decennio ante susceperat. Secunda ferrea regni Longobardici: Tertia vero aurea Romani imperij. Præstò igitur affuere Modoetensium legati, cuius erant principes Polydorus Vectius, & Paulus Velanius, qui ad retinendam veteris prærogativæ dignitatem vetustissimi operis coronam, & annalium codices antiquitate pernobiles detulere. Ea erat sine florentibus pinnis, in simplicem & latum orbem circumducta, ferro introrsus tempora præcingente, sed externis auro & gemmis exornata. Biduo itaque antequam tertiam coronam acciperet, in sacello domestico astante Pontifice sacris peractis Cæsar ungitur, terreeque corona & cæteris regis insignibus decoratur, iisdem ferè ceremonijs quas paulo infra memorabimus. Prætulere ante Cæsarem summi honoris causa Avarus Oforius Marchio Astoricensis aureum sceptrum. Didacus Paceus Ascalonius ensē gemmata vagina conditum. Alexander Medices dux Pannensis Cæsaris gener, orbem aureum cum præfixa cruce gemmis distinctum. Bonifacius autem Marchio Montisferrati, Modoetensium coronam. Hiscebus ritè confectis advenit demum dies maioris aureæ coronæ pompæ destinatus: & is quidem, quum noctu pluvisset, superis mirè faventibus, incredibili serenitate perspicuus. Ante alia Pontifex universo Cardinalium, & episcoporum ordine in mitris, & pluvialibus sacris pallijs, cæteris verò sacerdotibus in coccinea veste per pontem solenni pompa traductis in præalta sede gestatur, & comitantibus prætorianis sub umbella templum ingreditur. Iam in forum Antonius Leva pedestres copias adduxerat, & obversis in omnes aditus maioribus tormentis & signis in medio constitutis, cuncta loco perpetua militum statione firmaverat. Interim è lacubus qui in summo prætorianæ porticus fornice fuerant fabrefacti, per syphones rubra & alba vina fundebantur, panes ab alto in subiectos milites spargebantur, torrebaturque in machina verfatili bos integer, ingens, hædis, vervecibus, ac omni ferè volucrum genere fartissimus, ut in tāta festa hilaritate milites sub armis in acie stantes, ad manum paratis obsonijs cum iocunditate vescerentur. Nunquam ab ulla memoria, vel

vel ad celeberrimi triumphī, vel ad inauditi spectaculi famam, maior atq; nobilior mortalium insignium numerus in vnam urbem confluxit. Erant adeo plena loca omnia quæ foro imminabant, ut multi in alto suspensis & pendens speculis, alij in ædium proiecituris & periculosis locis cum aliorum admiratione prospicerent. Ipsa porro domorum tecta pueris & fœminis in eamira cupiditate scandentibus, tantæ multitudinis pondere fatiscebant. Fœre etiam erecta inter Columnas templi ad theatrorum imaginem, podia gradibus excelsa superædificatis quoque suggestibus, unde illustres matronæ suspicerentur, & cuncta ipsæ pariter iocundissimè despectarent. Iam Pontifex sacras tunicas & chlamydes induerat, & sacra solennia ex cultis altaribus parabantur, quum Cæsar sub umbella cum ornatissimo procerū comitatu ad templi vestibulū pervenit, ita ut vix eo paucis passibus prætervecto, tabulata pontis, prægravante prætorianorum turba frangerentur. Ibi pleriq; militibus immixti fœdo casu procidentes sese pilis atq; securibus induerunt, inter quos fuit Albertus Pighius Belga theologus Lutheromastix, minima tamē pro tumultu clades incidit. Sed facile fuit æstimare ex atrocitate periculi quis in Germano milite supra ferociam militarem natura implacabili animorum habitus esset futurus, si ad certam omnium perniciem Cæsar ipse se paululū vertente Fortuna cecidisset. Sed intrepidè respectans Cæsar leniter arrisit, ita ut fortunam suam certius agnoscere videretur, quæ cœptis & votis omnibus benignissimè semper aspirasset. Erant omnia ad imaginem Vaticani templi constituta, & novæ sacellis appellationes impositæ, ut ea sigillatim ad veterem consuetudinem ex Pontificijs libris responderent. Affuere igitur Romani sacerdotes quibus sacra Vaticani templi sunt commendata. Ii ad aram Cæsarem susceperunt, lintheaq; sacerdotali tunica superiniecta in collegium eius sacerdotij cooptarūt. Eum Salviatus Cardinalis in verba ex libris Pontificijs concepta, sacramento adiecit, ita ut in summa libens iuraret, se Pontificiæ dignitatis perpetuò futurum esse defensorem. Ab hac ara duarum turrium nuncupata duo Diaconi Cardinales, Salviatus scilicet ipse, & Ridolphus, ambo ex patruelibus Pontificis nepotes ad templi limen deducunt. Flexo genu supplicantem Picolomineus presbyter Cardinalis certis precationibus expiatum in sacellum sancti Gregorij perducit. Ibi linthea tunica deponitur, sandalia margaritis & gemmis picta statim induuntur, & Dalmatica veste in morem Diaconi prius assumpta, paludamento demum convestitur. In eo habitu præcedenti Puccius Cardinalis ad Porphireticam rotam, quæ est ad Vaticani templi medium mitatus occurrit. In geniculatus Cæsar ad aram maximam obvertitur, solenni q; altera precatione, ut eius imperiū stabile, perpetuum, victoriarū, pietatis & laudis plenum faxit, Deo maximo, in cuius manu sunt regna, commēdatur. Sunt enim multa antiquitus à pijs præstātibusq; ingenijs cum summa verborū elegantia, & Christiana gravitate composita, quæ ex sacro libro ad status rerum & locorum ceremonias, ab alijs atq; alijs sacerdotibus in frontem Cæsaris perleguntur. Quæ omnia in illis Pontificum iam editis libris, quisque curiosus facile poterit invenire. Ascenditur demum versus aram maximam ubi Innocentio Cibo Cardinale letanias præeunte, alternis precibus piè pronunciatis, Divi divæq; omnes propitiantur. In lectisternio supplicanti Cæsari Campesgius Cardinalis astitit, & de scripto oratiunculā, ut auspiciatō coronaretur, religiose recitavit. Inde mox Cæsar à Farnesio, quoniā is erat senatus princeps &

Cardinalium vetustissimus, intra sancti Mauriti j sacellum est deductus, ubi diffusulata Dalmatica, humeros & brachium dextrum sacro oleo adiectis parvis, & pijs orationibus inungitur. His rebus ritè confectis solennia sacra eruditio phonaſcorum concentu, alternantibus choris, operante Pontifice, ipſo Cæſare in ſacra veſte miniſtrante protinus inchoantur, quæ miro ordine ceremoniarum, ſumma gravitate ſacerdotum, inſigni omnium religione adeo in ſerum diei ſunt protracta, ut vel piè curiosos fatigare potuerint, ſi is longe omnium clariſſimorum principum admirabilis conſeſſus ſpectantium oculos ſola in parte ſatiare potuiſſet. Neq; hîc eſt necesse, ut cuncta ſicuti ſigillatim ſunt celebrata, à nobis minutiffimè referantur, quando ea in libris Pontificum beneficio publicatis ad amiffimè deſcripta videamus. Legati interim Germani & Senenſes quum de loci dignitate inter ſe contumelijs pugniſq; contendere, templo iuſſu Cæſaris exacti ſunt. Cæterum ſumma ſacrorum fuit, ut Cæſar de manu Pontificis Romani imperij inſignia traderentur. Itaq; ſolennis præſentatione ſemper adhibita Pontifex ei ſupplici ſceptrum aureum dedit, florentiſſimum cumine cõſpicuum, quo piè gentibus imperaret; itemq; nudatum enſem, quo Chriſtiani nominis hoſtes perſequeretur, ac pomum aureum, quem uti terrarum orbem inſigni pietate, conſtantia, virtuteq; regeret, & poſtremo thiam illam potius quam coronam bicipiti faſtigio, multisq; adamantibus inſignem capiti impoſuit. ille piè inflexo genu, pronus exoſculato pede Pontificem adoravit. Tum demum Cæſar in illa tot gemmis ac unionibus exornata triumphali trabea ad lævam non procul à Pontifice in ſede auro protecta, ſed paulo humiliore, ſeſſum eſt perductus, & Romanus imperator appellatus. Quod ubi in foro militibus eſt renunciatum, Antonius Leva ad declarandam honorem, maiora minoraque tormenta diſplodi iuſſit, ita ut terribili ſonitu cælum crepitare, terra quati, & tecta nutare viderentur. Nec multo poſt Pontifex ſacraſſimæ Euchariſtiæ hoſtiam humillimo quodam oris geſtu, puriſſimoque animi habitu deſumpſit, atque eam obiter Cæſari omni labe criminum expiato religioſè communicavit. Peractis ſacris templo exceſſum, ad præparatos equos ſacerdotes, legati, proceres diſcurrunt, omnis repente multitudo in equis conſpicitur, acclamationes, tubarum cantus, tympanorum ſtrepatus audiuntur. Conſcendenti equum Pontifici Cæſar ad lævam pedes aſſinit, benignè auratam ſtaſſam ſacratio pedi protinus inducturus. Sed pium Cæſaris obſequium Pontificis humanitas, religioſaque modeſtia ſuperavit. Ergo iunctim equo uterque albo, ſed Pontifex Thracio, Cæſar Hispanico confidentes umbellam ſubeunt, ſummæ dignitatis hominibus ad eam geſtandam honoris ſimul & labori ſuccedentibus. Præcedebat miro pompæ ordine tum Cardinalium tum procerum utriuſque aulæ familia, in tergo ſigna erant viatorum, qui curſores appellantur. Ad hæc ſubſecuti ſunt ſeptem viri inſignes armis, trabecis, militariſus equis, & pedestri comitatu valde conſpiciui, qui totidem ingentia vexilla deferabant. Angelus Ranucius Bononiienſium vexillifer, qui eſt ſummus apud eos magiſtratus, primum detulit cum titulo libertatis, ſecundum erat ſenatus populique Romani Iuliano Cæſarino Romani ſanguinis adoleſcenti ab ipſa familiæ prærogativa demandatum. Ad hos ſecuti ſunt Ioannes Menricus, & Hotrechius Belga, hic Cæſaris aquilam, ille candidum vexillum cruce purpurea diſtinctum geſtabant. Tum demum tria ſunt præſentata Clementis ſcilicet Pontificis cum Mediceis inſignibus unum, alterum ſanctæ Ro-

Romanæ ecclesiæ: tertium verò illud Christianæ crucis adversus Turcas aliquando deferendum. Signiferi fuere Leonettus Sidicinus, Ludovicus Ran-
 gonus, & Laurentius Cibo prætorij præfectus. Traducti præterea aliquot
 albi asturcones sine fessoribus auratis ephippijs instrati. Prætulere etiam ado-
 lescētes eximiae nobilitatis in scipionibus præfixos galeros Pontificis purpu-
 reos quatuor. Nec multū inde succedebat Eucharistia sub aurea umbella locu-
 lo cristallino inclusa, & selle generosi & tamen pacati equi superimposita. La-
 terna ingens ante & circum dena funalia ferebantur. Tum demum promiscue
 gentium omnium honestissimi quique succedere, ut decuit in tanta hylari-
 10 tate regio sumptu supra quā credibile videatur exornati. Nemo enim ex to-
 talia paulo vir illustris non venerat, nisi vehemēti valetudine præpeditus.
 Hispani, Itali, Belgæ, prout libido genijq; tulerunt, auro textile & serico om-
 nis coloris eleganter variegato, itemq; Phrygijs operibus, & acu pictis sagulis
 spectantium oculos præstringebant. Germani in veste obscuriore, sumptuos
 satamen torquibus aureis relucebant. Visebantur passim equi ex omni regio-
 num sobole maximè generosi, & infano sumptu toto terrarum orbe conqui-
 siti. Notiores Hispani reguli fuere Alvarus Osorius Astorgiæ marchio, Di-
 dacus Pacecus Ascaloniæ dux, Indicus Mendocius Saldaniæ comes, Infanta-
 florum ducis filius, qui Franciscum Gallorū regem in Carpentanis regali ho-
 20 spitio susceptum, admiradis muneribus exornavit, & Petrus Toletanus Mar-
 chio Villafranchæ, Albano duce genitus, qui filiorum & nepotum sobole fe-
 lix, & fide virtuteq; præditus ad regni tutelam in Hispania conquiescit. Præ-
 terea paulo minores comites Agillarius Fonteius, Cosantanius Altamirus, &
 supra hos, quem ingenio fideq; spectatum Fortuna extulit, Franciscus Covus
 consiliorum omnium particeps, & in regno legionis sacratorum equitū ma-
 gister. Sed quis reliquos nobiles, opulentos, clarorum principum progenie e-
 ditos suo ordine numerarit? Neq; Italos alacritate & sumptibus inter se certan-
 tes sua serie arbitror recensendos, ne si in tanta vel Fortuna vel claritate propè
 æqualium equitum turba aliquos nominemus, cæteri se indignè vel iniquè
 30 prætermittos conquerantur. Fuere tamen inter tot regulos maximè conspicui
 Alexander Medices, & Ioannes Aloysius Caraffa Statilianus princeps. Bel-
 garum autem longè dignissimi succedere Henricus Nansous comes cubiculo
 præpositus, cuius est summus dignitatis & gratiæ locus apud Cæsarem, Phi-
 lippus inde Croius marchio Arescotæ, præfectusq; equitum, & Cæsari san-
 guine coniunctus. itemq; Hadrianus Roseus Cæsarianæ familiæ magister. Ve-
 nerat etiam ipse Andreas Auria, cui Cæsar maris imperium detulerat, non à
 cultu corporis, amictusq; luxuria, verum ab aspectu gravi & militari, ipsaque
 proluxæ barbe spectanda canitie, & rerum gestarum fama conspicuus. Subtra-
 xit pompæ Franciscum Sfortiam non importunus modo, sed gravis etiam
 40 morbus. Ferdinandus etiam Sanseverinus Salernitanus princeps, ne primum
 locum Ascalonio concedere videretur, intra limem domi se continuit. Fede-
 ricus verò Gonzaga Mantuanus, ad exornandam urbem, ut summo cum ho-
 nore Cæsar exciperetur, domi remanserat, & ob id etiam ne cum Bonifacio
 Montisferrati regulo, de loco & dignitate disceptaret. Alfonsus Atestinus Fer-
 rariæ dux ideo non venerat, quod Cæsar pacificator, uti postea fecit, nondum
 ei diem quo pro cōcordia ad Pontificem veniret, omnino statuisset. Nec Pyr-
 rhus Antonius Sanseverinus Beslennianus princeps, quamvis properaret, in
 kk

tempore supervenit. Erat cum ijs, quos diximus, minorum regulorum atq; honestissimorum equitum numerus, vestibus & equorū ornamentis magnis regibus exæquandus. Sed unus omnes omnium nationum Astorgius eruditissimis sumptibus superavit. Erat enim eius prætexta verè triumphalis margaritis & gemmis ad delphinorū imagines opulentissimè depicta. Ad hos sequuntur variae legationes, & mox ipsi purpurati Cardinales. Inde non procul succedunt umbella, sub qua duo longè augustissimi terrarū domini in mitris illis stupenda & inæstimabili gemmarum & unionum varietate pretiosis, ita colluctum & temperato passu incedentibus equis, ut ij certa ingenij gravitate, quales scilicet res veherent, sentire viderentur. Antecedebant umbellam ipse Montiserrati marchio solenni in chlamyde, & corona gemmis ornata, qui Cæsaris sceptrum deferbat. Franciscus inde Maria Feltrius dux Urbini, Venetorū imperator: & quoniam erat præfectus Urbis in veste purpurea Dalmatica cum inuoluta in metæ formā capitis tegumento, aurea cruce distincto, & cænis utrinque pendentibus, nudatum ensē prætendebat. Philippus verò Palatinus, quem decora proceritas & obsidio Viennæ adversus Turcas fortissimè tolerata clarissimum reddebant, aureum orbem detulit in talari toga purpurea, astrictis manicis & plano pileo candidis pellibus redimito. Postremus erat Carolus Babaudius Allobrogum dux, pileolum ferens unionibus, smaragdis & carbunculis colludentem, qui quum oporteret, nobilioris officij causa, ademptam capiti Cæsaris coronam prætentis manibus deferret. Inter hos summi ordinis principes, & umbellam ipsam Cæsaris quæstor obequitabat, qui per singulas regiones certis passuum intervallis ad dimovendā turbam, excitandamq; iracundiam effusè in populum argenteam atq; auream stipem signatam imagine coronati Cæsaris dispergebat. Secundum umbellam binis cubicularijs & medicis locus fuit. Tum verò antistites opibus & autoritate præstantes, qui vel legati regum erant, ut Gabriel Agramontius Tarbensis Gallus, & Bernardus Tridentinus Germanus, vel Cæsaris consiliarij, in quibus fuit Gabriel Barenus pace & bello rerum maximarum administrator, vel ij quos ab insigni gratia Pontificis assistentes vocāt, ut Hieronymus Vasionensis, qui Cæsarem in Italiam adduxerat, & cæteri demum episcopi in violaceis pallijs, & post hos minores sacri viri successerunt. Novissimum agmen clausere cataphracti equites Belgæ per alas turmasq; distincti, eo ordine indutis galeis & prætentis hastis subsequentes, ut non modò tantæ pompe præsidio, sed ornamento esse viderentur. A templo, ut diximus, profecti, modico ad lævam flexu ad urbis umbilicum ubi est turris Asinellorum altitudine Italicarum nulli secunda. Inde per regionem albis & cyaneis pannis coopertam, quæ ad Flaminiam viam portam perducit, inter acclamationes longo tractu processum est: porticibus hinc & inde spectantium foeminarum multitudine refertis, sicut pompa omnis sine tumultu omnium oculis ad incredibilem voluptatem ostentata quietissimè spectaretur. Tum demū ad regionis bivium, quod dicitur ad Clavauras, Cæsar à Pontifice digressus ad divi Dominici templum contendit. Ibi venientem Romani Lateranensis templi sacerdotes cum summa veneratione susceperunt, & uti Vaticani dudum fecerāt, in collegium cooptarunt. Inde Cæsar ad aram divi Ioannis supplicavit, & multos omnis generis oblatos nobiles equestri dignitate, gladio leviter percussis humeris ornavit. Nec multò post alio itinere quam ille Pontifex, ad prætorium est reversus. Erat maximo triclinio ad epulum

epulum præbendum aulæis undique strato coniunctum cubiculum Hippolyti Medices Cardinalis, in id familiariter Cæsar coronatus excluso ferme omni famulatu se recepit, trabeam deposuit, exuit sandalia, & auream talarem togam sumpsit, atque hylaris aliquandiu ab illo tanto prætextæ chlamydis, & prægravis thiaræ pondere conquievit. Interea præcinentibus tibijs & tubis epulæ miro ordine ministrorumque silentio introferri sunt cœptæ. Itaque affuere Cæsari præsto quatuor illi principes in sua quisque solenni chlamyde, ut insignia præferrent, atque item alij illustres reguli, ut eum ad mensam deducerent. Cæterum priusquam exiret, ex eorum numero septem equestri ordini adscripsit, & ante alios ipsum Astorgium qui longè omnium in pompa cultissimus extitisset, & Philippum Palatinum, qui Viennæ divina virtute propugnando, non modo Germanos, sed Christianos omnes summo metu & incredibili periculo liberasset. Cœnavit solus Cæsar singulis imperij insignibus in mensa collocatis, quæ erat aliquot gradibus excelsa: at in alia infra gradus in conspectu tamen Cæsaris discubere, Sabaudius, Palatinus, Urbinas, & Montisferrati reguli. In exteriori verò triclinio epulum cæteris proceribus præbitum. Remotis mensis iterum Cæsar gladium cœpit, & plerosque nobiles equestri dignitate decoravit. Accidit verò dum nudatum ensẽ Urbinas porrigere vellet, ut pomum manubrio insertum excuteretur, atque eo cadente in pavementũ inclusæ gemmæ ad circumstantium pedes prosilirent. Fuere qui id prodigij loco accipere viderentur, quasi futurum esset, ut Cæsar absens aliquando exercitum bene regere nequiret, capite scilicet eximie gravitatis indigentem. Alij autem felicius interpretabantur, Cæsarem ad Orientis regna unde gemmæ provenirent gladium esse vibraturum, simulque futurum, ut duces & milites ab ipsa victoria quæ gladio pararetur, ingentibus illis Turcarum opibus potirentur. Hisdem diebus quibus Cæsar Genua discedens Placentiæ subsegit, & Solymanus castra posuit ad Viennam, Aurantius ab urbe Aquila promotis copijs in Umbriam est profectus, eo cõsilio, ut Malatesta Baleonus, quem Florentini ex autoritate Galliæ regis sibi ducem designarant, urbe Perusii apelleretur. Reiecerat hic satis equas condiciones à Clemente propositas, quod nequaquam, ut supra diximus, eius fidei magnoperè cõsideret, arbitrareturque ignobili & dubia pace bellicũ decus esse præferendum, unde clarescere, opibus augeri, atque omnino ut vir maximè bellicosus proferre potentie nomen posset. Suadebat Florentinis ut ad tuendã civitatis libertatem, bellũ quod immineret, quantum fieri posset longius ab urbe Florentia alendum sustinendumque censerent, ne suburbanus summæ fertilitatis ager pendente præsertim vindemia, nec planè reconditis colonorum frugibus & reliquis copijs, expositoque passim ad prædam maiore minoreque pecore ad primas hostis incursiones vastaretur, & demum populus bellicæ insolens cladis amœnissimarum villarum, uti necesse foret accidere, è mœnibus incendia prospectaret, quibus barbari insita animo eorum agresti ferocia minimè parsuri viderentur. Itaque sibi videri maximè tutum, & quod ad existimationẽ civitatis confirmandam plurimũ pertineret, ut sibi eas quas haberent circa Cortonam & Arætium copias, pecuniamque item in stipendia submitterent: se namque sperare ut Aurantius aliquandiu expugnandis oppidorum præsidijs distineretur. Neque enim eum tanti animi, aut tantarum virium fore, ut Perusiam ex propinquo oppugnandam susci-peret, quam ipse inexpugnabili situ permunitam fretusque ob-

strictorum sibi civium studio, & quo polleret fortium atq; fidelium veterum militum numero esset sine ullo periculo defensurus. Quod si Nigrarum cohortium nova praesidia submitterentur, & hostes desperata expugnatione Persuasi, in Etruriam penetrare, Florentiamq; contendere velint, ipsum non esse praetermissurum, quin deductis ex omnibus Umbriae oppidis certis praesidiis, iusto cum exercitu, eoque tormentis maioribus egregie confirmato, abeuntes hisdem vestigijs insequeretur, & aliquam rei bene gerendae occasionem pararet, circa transitum paludis, quam Glanis amnis efficit, nec aliter ea quam duobus aut tribus ligneis pontibus posset pertransiri. Id Malatestae consilium tanquam salubre quanquam magnopere placeret Zanobio Bartholino, qui in procuratione negotij bellici Florentinorum finibus cum autoritate erat praepositus: nulla tamen ratione, vel Carduccio, vel Decemviris probari potuit, quum ille diceret, bono medico conservandi cordis, in quo vita consisteret, peculiarem curam esse reponendam, neglectis quae ferè nihil ad salutem pertinere, exterioribus membris: & in eandem sententiam cum Decemviri, tum decuriones facile adducerentur. Id quoque consilium Francisco Ferruccio probabatur, qui assuetus Nigris cohortibus stipendio militi numerando apud Soderinum solers minister prope Averfam captus fuerat, atque inde pecunia redemptus, utilem Reipub. operam praestiterat, colligendis scilicet undique veteranis, sic ut eo bello legationis militaris honorem consequutus, diu aequo fortis & acer dux secundissimo studio civium uteretur, quod ex humili loco inter cives multo ausu perpetuoq; labore clarum militiae locum sibi quaesisset. Caeterum haec sana consilia fatalis insita Carducci animo rabies, & insana expers querationis confidentia, & supra id pervicax popularium consensus, in irritum facile rapiebant. Timebat namq; Carduccius non obscure, ne populus tot conspectis urgentis belli detrimentis perculsus, sicuti pleriq; optimatum suadebant, ad petendam pacem verteretur. In ea siquidem persuadenda Clemens multis de causis vehementissimè laborabat, ut qui parcendum patriae, avertendaque belli incommoda putaret, ne pro paucis malis civibus, universa civitas, saevo atque irrevocabili periculo implicaretur. Interim Aurelius frustra pertentato Malatestae animo, in Fulginatam agrum progressus, vi ad montem & deiectis Menavia, Montefalco, Assisioque Malatestae praesidiis, ad oppidum Hispellum, quod erat peculiare Baleonae ditionis, castra admovebat. Defendebatur oppidum acerrimè ab his cohortibus, quibus praerant Baptista Borghesius Senensis patritius, & Leo Baleonus. Hi Hispanos post editam tormentis superioris coronae ruinam, scalas apponere atque subire ausos, tanta vi omni telorum genere, trabibusque deiectis obruerunt, ut multi interirent: alij vehementer fauciati oppugnationem relinquere cogerentur. Eo die Ioannes Dorbinus apud Hispanos primum existimationis post Vastium qui aderat locum, non claritate quidè natalium, sed fortibus factis fama late parata promeritus, crassioris sclopetti glauco supra genu vulneratus est, lethifero quidem vulnere: nam paucos post dies Fulginium delatus interiit, quo nemo consilio manuque melior apud pedestres Hispanorum copias putabatur. Cesare facile cum nobilioribus gentis preferente, quod praecellam virtutem omni nobilitate digniorem, utilioremq; sibi fuisse iudicaret. Eius morte Romanos laetatos ferunt, quod is, què in occupanda urbe crudelissimè caedibus gratulatum norant, superis id scelus non serò vindicantibus, Borbonio, Vgonique Mon-

Moncatur tertius dux Vrbi funestus, comes ire maturasset. Nec multo post His-
 spellani duces, honestas conditiones offerente Aurantio si oppidum dederet,
 cum eo pepigerunt, ut salvis rebus oppidum traderent. Sed Hispani ita exue-
 runt armis singulos milites, atque vniversas domos diripuerunt, ut fidem ab
 Aurantio datam fefellisse dicerentur. Hispello & cohortibus amissis, reliquis
 que omnibus exutus oppidis Malatesta, quanta poterat simulatione anticipis
 periculi sui consilia regere contendebat, ob id magnopere perplexus, quod si-
 ne Florentinorum auxilijs, neque urbem tueri posset, civibus praesertim satis
 importune bellum detestantibus, & iam plane animis in Pontificem proclina-
 10 tis, neque se inde sine gravi pugnae periculo, si erumpendum & Florentiam quod
 vocabatur, contendendum foret, tot circumiectis hostibus certas utrinque difficul-
 tates evasurum prospiceret. Itaque agro, sed maxime constanti animo ad neces-
 saria deditionis consilia ea ratione descendebat, ut extra omnem urgentis belli
 metum, quae necessitas afferret ad pietatem patriae referre videretur, & civium
 voluntates ea ostentatione virtutis mirum in modum conciliaret. Praedicabat
 enim se eo esse animo, ut ab omnibus civitatis incommodis abhorreret, nec pati
 vellet ut cives sicuti Pontifex denunciasset, ipsius pertinacia aquae & igni inter-
 dicerentur, vastaretur ager, & civitas vetere sua libertate, & gymnasijs honore
 spoliaretur. Propterea se malle incolumi patria, atque integris civium fortu-
 20 nis excedere, & Florentinis auxilio ire, ne officio susceptoque muneri deesset,
 quam patriam in periculum laesae religionis, & totius belli discrimen devoca-
 re. Itaque ad Aurantium legatos mitterent, a quo si honestas pro se conditiones
 impetrarent, certa quoque fides sibi a Caesarianis pariter & Pontificijs ducibus prae-
 staretur, sine mora copias educturum, atque hos omni belli metu liberaturum.
 Aurantius Hispello in potestatem redactus, & dimissis ea conditione his co-
 hortibus quae se dederant, ut intra tertium mensem hostibus Pontificis nequa-
 quam militarent, Perusiam quae aberat spatio quindecim milibus passuum, re-
 cta contendit, positisque castris ad pontem sancti Iohannis quo Tiberis iungitur,
 expectabat quidnam consilij Malatesta caperet, atque ita auditis Perusinarum
 30 legatis, non contempsit conditiones quae proponebantur, vel ob id praesertim
 quod Pontifici curae esse intelligebat ne Perusinus ager ulla belli clade vasta-
 retur, sed protinus Florentinis bellicum terrorem admooveret. Propterea his
 conditionibus Umbri bello finis est impositus, Malatesta Perusia excede-
 ret, eamque urbem Pontifici regendam relinqueret. excedenti Aurantius cum
 universis eius copijs tutum egressum, atque iter praestaret. Caesariani anteirent
 innere capto ad locum Tabernas dictum: Malatesta postero die subsequeretur,
 interim Perusini utrique exercitui commeatus copiam praebere: tutus Perusie
 uxori & liberis Malatestae, atque item propinquis eius atque clientibus receptus
 foret, liceretque ei duodecim aenea tormenta urbe educere, eaque ad servanda ad
 40 Vrbis natum principem transmittere, ea lege ut his adversus Pontificem nus-
 quam uteretur. De lite autem & controversia, quae sibi cum Braccio & Sfor-
 tia intercederet, qui Gentilis patris heredes dicebantur, arbiter fieret & disce-
 ptator Antonius Montanus Cardinalis Umbriae legatus. His rite transactis,
 Aurantius movit castra, & ad oppugnandam Cortonam profectus est. At Ma-
 latesta dextrorsum itinere capto, recta Florentiam nullo incommodo accepto
 perrexit. Cortonenses qui satis valido quatuor cohortium praesidio teneban-
 tur, quam portas clausissent, nec de poscendi colloquium Vastio quicquam pa-

cati responderent, & tormenta murum ferientia oppositis novis aggeribus e-
 gregiè sustinerent, & audacissimè adversus subeuntes Hispanos præliarentur,
 Valtius portam promotis, quæ à delubro Vincentia vocatur, multis ictibus
 maioris tormenti quassatam, succendi iussit, primi quæ omnium inter Hispanos
 promptissimi centuriones Securre, & Alfonsus Vallius, id munus coniectis
 facibus impleverè, unoque tempore duobus in locis contractum est certamen
 valde cruentum, quum in subeuntes Hispanos ipsi propugnatores glandibus
 & saxis intrepidè rem gererèt. Sed ardentem portam duo eximiae virtutis co-
 hortium præfecti Iacobus Tabussus Vmber & Rodolphus Alsissas restantibus
 ignibus Hispanisque repulsis pertinacissimè defenderunt. In alia quoque parte,
 singulari constantia propugnarunt Franciscus Sorbellius, Marcus Empolua-
 nus, Goriusque Montebenicus, eo pugnae exitu, ut Hispani multis acceptis vul-
 neribus, et nonnullis interfectis, se recipere cogerentur, atque eo maturius quod
 Securre & Alfonsus valvas concremare conantes, graviter sauciati pugna ex-
 cessissent. Cæterum Cortonenses, quum Valtius maioribus viribus redintegrare
 re oppugnationem statuisset, & per caduceatorem ad decuriones missum urbi
 excidium comminaretur, nisi intra horæ spatium portas aperirent, perterritis
 civibus, vel nolentibus præsidii præfectis, deditiorem fecerunt, ea conditione
 ut incolumes servarètur. Hæc deditiæ formula præsidii milites excluderebat,
 sic ut se ingratè prodii, tradique iratis hostibus quererentur. Sed Valtius pro sua
 humanitate ita omnes urbe exeuntes conservavit, ut armis tantum & vexillis
 exueret, quod pertinacius quam oporteret tanti exercitus vim contempsisse
 viderentur. Verum non eandem exempli sortem tulerunt Castellionenses
 Cortonæ proximi, tot invadentibus copiis resistere ausi: nam dum tormenta,
 paratamque hostium aciem despiciere videri volunt, & fortissimè propugnare,
 crescete periculo, quum se dedere velle serò significarent, expugnati direptique
 sunt. Aretini autem aliquanto salubrius nihil de defendenda urbe cogitantes,
 continuo portas aperuerunt, quod Capinsaccus exigui præsidii præfectus, in
 arcem confugisset, suadente Roscio Bevignanæ comite cive Aretino, qui Aus-
 rantij gratiam promereri, & patriæ suæ dominatum invadere perfidiosis va-
 nitate cupiebat. Id primùm amissi Aretij incommodum Carducci non obscura
 malignitate, & Antonij Francisci Albitij temerario obsequio acceptum opti-
 mates asseverant, quod ille adversis de adventante hoste rumoribus permo-
 tus, eas copias cum Florentini nominis, tum Perusini, quæ Aretij coivissent,
 & se urbi præsidio futuras summa spe defensionis professæ fuissent, ad se Flo-
 rentiam perducere iussisset: Albitius vero factioso animo Carducci literis, quæ
 non erant ex decemvirali sententia, nimis properè atque improbè paruiisset. Ne-
 que enim dictator civium studiis diffidens, se tutum esse adversus factionis sui
 fragia fore putarat, nisi urbem militari præsidio confirmaret, ut qui inter spem
 pacis, & belli metum nutabant, quominus hiscere auderent præsentibus ar-
 matibus terrerentur. Hoc autem suo pte ingenio consilium Carduccius ita susce-
 pit, ut nihil decurionibus communicandum putaret, ne contradicendo impe-
 diri posset, & inconsultis Decemviris ad Albitium perscriberet, qui Zanobio
 Bartholino in eo procurationis munere successerat, vir turbido ingenio, alic-
 na semper à Repub. coquens, nec quicquam stabili mente per occasionem pro-
 bans. Itaque nullam sibi Albitius moram attulit, quin perlectis Carducci lite-
 ris, detractas undique & collectas in unum cohortes Florentiam mitteret,

provinciamque & urbem Aretium præsidio nudaret, haud dubie hostibus mox occupandam. Id admissum facinus Carduccio pariter, & Albitio capitale fuit, quum in exitu belli, successuque temporis contra leges maligne atque arroganter fecisse ab Octoviris iudicarentur. Aretio occupato Aurantius copias effudit in peramœnam frequentemque oppidis, & nobilitate Trebiani vini percelebrem regionem, quam superioris Arni Vallem appellant, ea clementia, ut seверо edicto milites ab omni præda atque licentia cohiberentur. Eo modo per quatrimum recreato exercitu recta per Incisiam vicum Florentiam contendit, quâ Annibalem olim transisse ferunt, certissimo argumento quod ibi elephantum ossa ab aratoribus hac ætate reperiantur, quas bestias multo gelu alpium correptas amiserit. Primæ alæ equitum Hispanorum & Epirotarum secundum Arni ripam descendentes, in regione, quæ Plana Ripolis, & Paradisi vocatur, magnum fugientibus incolis tumultum excitarunt, sicut sese insinuarent usque ad suburbana ædificia, quæ Recorbula nuncupantur. Is adventantium hostium conspectus & fremitus a divi Nicolai porta in urbem, & trans Arnum in forum & curiam usque permeavit, tanta populi trepidatione, ut plerique pavore concitante portis sese in agros cum uxoribus & liberis eijcere properarent, vixque paventium turba imperio magistratuum, & obstructis iam portis sisteretur, quum eodem tempore tormenta è propugnaculo portæ divi Nicolai, atque item ab adverso aggere munitionis, quæ erat trans Arnum Crucianæ portæ imposita, in proVectos hostium equites, horridono reboatu disploderentur, & Malatesta milites suos arma capere, & in muro consistere: urbanam vero iuventutem Stephanus Columna sublati vexillis curiæ aream & fora tueri, perstreptentibus undique tympanis iuberent. Ea repente commotæ perturbatæque urbis facies, imbellium præsertim oculis atque auribus insolita, usque adeo vehementer patrum animos perculit, ut iam petendæ pacis consilia, quam gerendi belli potiora censerentur. Aurantius postridie speculatus urbis situm, à meridie apud templum Margaritæ Montichiæ castra posuit, contra mœnia, quæ excelsi montis supercilio impositam, eam urbis partem quæ est ultra Arnum, à divi Nicolai porta, modo erecto, modo declivi muro, usque ad Fridianam portam præcingunt, quod nusquam eius tortuosi & inequalis muri structura debiliior appareret, & si arduo eo colle, cui tota civitas subiecta est, potiretur, inde productis tormentis hostes subigi posse iudicaret. Quamobrem Malatesta deprehensis militari coniectura hostium consilijs, intentissima cura extruendis aggeribus incubuit, æquato civium & militum studio laboreque tanta contentione & celeritate, ut quum facibus accensis periculosa loca noctu permuniret, omnis paulo antè conceptus timor civium animis decideret, vel ob id maxime quod Malatesta ex consilio Stephani Columnæ & Marii Ursini, totum divi Miniati collem templo insigni, & excelsa sacrae turris specula maxime opportunum, ne eo potiretur hostis, valida munitione, fossaque circumcidi, urbi que adijci curavisset, turremque tormentis iussisset instrui, quibus hostium castra in subiecta valle posita, ad destinatos ictus omnibus propè horis peterentur. Aurantius porro geminos terrenos colles è sua valle ubi castra locarat, molliter assurgentes, Miniatini que montis equantes supercilium occupare, munitionesque maioribus tormentis instruere constituit, quod ubi à Florētinis ducibus est animadversum, cohortes quæ toto montis aggere frequentibus propugnaculis præsidio erant impositæ, signo accepto in hostes decurrerunt, ductante Mario

Ursino, cuius impetum excepit Petrus Maria Roscius ab oppido sancti Secundi comes vocatus. Hunc Aurantius ex Apulia cum veteranis cohortibus evocavit, & propter virtutem nobilitatemque generis inter carissimos in honore habebat. Itaque acerrime dimicatum est, tantaque crescentibus utrinque auxiliis contentione praelium est confertum atque protractum, ut multis interfectis, multoque pluribus vulneratis, vel occidente sole ægre dirimeretur, & sequentibus diebus alterno impetu utriusque partis milites, ad maiorem praecepti divum, quem Giramontem appellabant, iusto propè praelio concurrerent, nullaque in re vel audendo, vel resistendo Etrusci Aurantianis cederent, quorum principes Hispani, quod agilitate corporum armaturæque genere viderent, videri cupiebant. Ad extremum, quum his collibus aliquandiu acerrime & cruentissime decertatum esset, multis de causis intermissa contentione, Aurantius eos obtinuit atque permunivit, sic tamen ut casam in proximo Baoduciae villæ, quam uti invadendæ hostium munitioni opportunam occuparat, prementibus Amici Venafrani, & Perusinorum cohortibus, relinquere cogeretur, iubenteque Malatesta, totum id ædificium succenderetur. & in conspectu hostium deleretur. His praeliis mirum in modum ad capiendam pugnam, ostendendamque virtutem, utrinque ita exarserant militum animi, ut neque Aurantius de subigenda urbe desperaret, neque Malatesta constanter usque adeo civibus, de felici rerum exitu dubitare videretur. Nam huc tanta cum singulari diligentia ordinata dispositaque erant pro mœnibus veterum militum præsidia, ut neque vim hostium ab ulla parte, si murum tormentis aggredierentur, extimescendam prædicaret, neque intus ullam tumultus procellam oriri posse arbitraretur, postquam milites & armata iuventus mutua præsidii ope (uti oporteret) in officio religiosè continerentur, summa namque magistratuum providentia, neque esculenta in foro venalia deerant, nec quicquam aliud frustra à milite desiderari poterat, quando certa quæstorum fide, ad diem singulis cohortibus stipendia provenirent, omnisque vel iurgii, vel contentionis materia subito tolleretur severitate Zanobii Bartholini, & Raphaelis Hieronymi, qui cum autoritate summi imperii per urbem volutantes, & miram in foris & compitis tranquillitatem ad apertas tabernis, nec intermissis usquam tribunalium officiis, summæ securitatis & pacis oculum representabant. Aurantius autem præter cohortes Germanorum & Hispanorum, quæ erant vetustate stipendiorum & longæ exercitatione firmissimæ, acciebat sibi nobilissimos quosque ac fortissimos Italicæ disciplinæ procures, quos ob id quod plures secum treharent cohortes, vulgò Columellas appellabant. In his erant præter ipsos qui Romæ & in Apulia militassent Roscium sancti Secundi comitem, Petrum Aloysium Farnesium, & Alexandrum Vitellium, plerique alij, inter quos eminebant Romani sanguinis Ioannes Baptista Sabellus, Martius Columna, eiusque gentilis Camillus Mutio viro forti genitus, atque item Pyrrhus Stipicianus, & Scalengus Astensis: præterea Braccius & Sfortia Baleoni fratres peculiari odio Malatestæ infensi: & secundum hos Andreas Castalius Neapolitanus, & postea non serò applicuit Fabritius Maramaldus, & vetus dux Ioannes Saxatellus à Togata Gallia cum validis copiis accersitus, iussuque Pontificis Ramazottus cum armata multitudine militum clientiumque suorum. Nam apud montanos homines vir factiosus ab antiqua nominis autoritate plurimū valebat, ex Apœninoque in Mugellanum agrum descen-

descenderat, & interceptis comitatibus magna Florentinis detrimenta afferebat, obsiderique urbs coepta cis Arnum existimari poterat: quoniam e Bononia Felicis Vitembergi legiones, & Hispanorum tironum cohortes à Mutina transversis Apennini iugis propediem descensuræ, & diversa ab Aurrantio intercedente Arno flumine, castra facturæ dicerentur. Italici generis milites, qui his quos diximus Columellis parebant, supra viginti milia pedum summam efficere putabantur. Veteres Germani & Hispani sexdecim milium ferè numerum implebant, præter eos quos Felix adducebat, & tirones Hispanos, qui Petro Velleio Ghevara duce nondum advenérat, sic ut veræ æstimatione ad non dubium omen diurni belli, longissimæque obsidionis utrinque vires victoriæque spes æquatæ censerentur. Quandoquidem Florentinos non pro libertate tantum, sed pro gloria civitatis, Etruscique imperii dignitate ab omnibus socijs desertos, oppugnatosque ab invictis gentibus, summisque principibus arma induisse minimè poeniteret, & unicam veræ constantiæ laudem spectantes, quicquid vel iniqua belli sors afferret tam æquis quam indomitis animis laturos viderentur.

PAULI IOVII NOVO-

COMENSIS EPISCOPI NV-

CERINI, HISTORIARVM

SVI TEMPORIS

LIBER XXVIII.

RÆPOTENTIS nobilissimæque civitatis constantiam, quum inauspicatæ libertatis nova iura defenderet, ingentique animorum pertinacia antiquissimarum gentium gloriam æmularetur, armis fameque perdomitam narraturum, tantisper respirare, & priores spiritus resumere non puduit, dum instituti ordinis seriem sequutus, ea quæ distulimus, servato temporis tenore, suo loco referantur. Operæ itaque pretium duxi serviendum historiæ, ut non intercisâ dissipatis membris, sed per partes inter se non absurde coniunctas, integra legentibus proponatur. Quo fit ut promissi memor ad Solymanum me convertam, qui ab obsidione Viennæ inglorius discesserat. Sed priusquam hæc dicere aggrediamur, opportunum esse arbitror, ut rerum in Pannonia gestarum successum paulo altius reperamus, scilicet ut boni mortales, quibus de causis cum Solymano contractum sit bellum, liquidius cognoscant, & hinc quoque Christiani reges, quantum nobis hæc bellua ab immenso eius imperio, expeditisque opibus reformidanda sit reputando, expendendoque pericula, consilium pro publica salute dignissimum aliquando suscipiant. Igitur Hungaris ad Mugacium trucidatis, & rege ipso ad sædum interitum palustri lacuna submerso, victor Solymanus Budam rectâ contendit. Vrbe, regiaque positus, ad Danubium posuit castra, invisitque regiam arcem, ita tamen ut in ea minimè pernoctaret, quod antiqua Othomannorum

lege cautum sit, ut Imperator nusquam muris, sed suæ tantum custodiæ munitis confidat. Ibi ad eum delata sunt occisorum antistitem & procerum cruenta septem capita, quibus renidenti ore illuisse visus est, quum purpurati ea singula ligneo in gradu collocata, simulante honoris causa inclinata cervice, & dextris ad pectus compositis nominatim salutarent, Papasque strenuos per iocum appellarent. Sed Solymanus gravi fronte, quum singulorum nomina indicarentur, vehementer detestatus fuisse ferebatur, unum præceteri Ladislaum Salcanium Strigoniensem antistitem potentissimum, obiecto fœdæ avaritiæ probro, quod is regem suum in tanta urgentis belli difficultate aurum mutuo deposcentem, quum multa pondera in eius thesauris laterent, ad iuvare recusasset. Tomoreum porro stolidæ temeritatis incusavit, quod virificiendis sacris dicatus alienæ functionis munus arroganter usurpallet. Ex adverso Franciscum Perenum Varadinensem antistitem, nobilissimi generis virum, seræ prudentiæ nomine laudavit, quod imminentis publicæ cladis nequaquam falsus vates, in consilio non insulse dixisse didicisset, quum Tomoreus de committenda pugna importune decerneret: postquam eius sacri functionis obfisti non posset, se providere quid cucullatus imperator postmodum esset facturum. Eum namque tanto ausu nihil omnino aptius præstaturum, quam ut celeberrimum diem Christiani calendarij fastis insereret, a cæde nonginta milium Hungarorum martyrum pro tuenda religione à barbaris iniquissima prælii conditione concisorum. Eos enim Christiani martyres vocant, qui pietatis causa pugnantes, ultro egregiæ morti se devovent. Reliquos tyrones audaculos appellavit, & in his præsertim Georgium Sepusium, Transsylvaniæ præfecti germanum fratrem, & multa canicie senium præferentem, Ambrosium Sercanum, nobilitate generis, opibus & dignitate illustrè. Quum verò ei Ludovici & Mariæ uxoris simulacra ostenderetur, generoso ore dixit, se adolescentis regis calamitatē misereri, qui usque adeo male sobrios in re gravissima consiliarios nactus, pugnam absurda ratione committere properasset, & se non eade causa, ut ei adimeret regnum, sed ut acceptas ab Hungaris contumelias ultore gladio vindicaret, in Pannoniam venisse affirmaret. Propterea si pagum discrimen evasisset, proculdubio certa tributis conditione imposita ei Pannoniæ regnum redditurum, quando non sua, sed aliena culpa cladem accepisset, & sibi gloriæ futurum testaretur, si Sigismundi Regis socij sui fratre genitum, & tantis Austriacæ clarissimæ domui affinitatibus coniunctum cōservaret, tanta clemētissimi sermonis magnitudine differens, ut hæc animi sui decreta Mariæ reginæ, quæ Buda Posonium belli metu profugerat, enunciari iubere iussit. Nos ab his qui interfuerunt accepimus, quod profecto pro falso de barbari regis æquitate humanitateque dictum videri posset, nisi præclaro testimonio ingentis suæ liberalitatis paulo post Ioanni Sepusio, nequaquam regia stirpe nato, & tum etiam hostilis animi speciem retinenti, id Pannoniæ regnum, vel nullis præeuntibus meritis dono dedisset. Exinde æneas statuas tres prisce artificij sustulit, quæ in vestibulis regiæ à rege Matthia Corvino, omnis virtutis atque elegantiae studioso constitutæ fuerant. Hæ clavigeri Herculis, citharæ, & Apollinis, & pharetræ Dianæ formas referebant, quas pro trophæo Pannoniæ victoriæ monumentum Byzanti in Hippodromo collocari iussit. Abduxit etiam tria inusitata magnitudinis, operosique artificij tormenta, quum passim ad ornamentum insignia & literæ argento scalptoria arte æri

incluso

incluso essent admiranda, quæ Illyricæ Bosnæ regis fuisse dicebantur in expu-
 gnatione Sciabatij oppidi ad Savum capta, atq; item gneas aliquot strati ope-
 ris columnas, quæ portarum epistylia sustinebant. Moratus est ad Budam dies
 ferme viginti, quo spatio innatæ suę genti sævitie indulgit: nam diversa in pro-
 ximas provincias equitū agmina prædatum sunt emissa, quibus hinc ad Gra-
 varinum usq; illinc ad Tibiscum annem regio omnis improvisa atque horri-
 bili populatione ita vastata est, ut supra centum & quinquaginta hominum
 milia omnis ætatis & sexus, aut gladio cæsa, aut in servitutem adducta referan-
 tur: quas prædatorias manus postquā redeunt in castra recepit, eodem quo
 10 venerat itinere Byzantium est reversus. Hisdem verò diebus Ioannes Sepu-
 sius à Transylvania e ductis copijs, ut Regi opem ferret, serò in Pannoniam
 venit, non obscure Regis morte, & magno suo cōmodo lætatus. aspirare nam-
 que cepit ad Pannonici regni fastigium, quando ipse nulla extante regia pro-
 le, inter Hungaros procures esset clarissimus, & propter victoriam quondam
 de agrestibus, Georgioque Secalo Bornomissa collega partam bellica laudē
 illustri haberetur. Itaque Ioannes valido prudentique ingenio vir erectus in
 spem potiundi regni, singulos procures diligenter prehensare cepit, obesta-
 nque ne proximis comitijs Hungarici nominis decus prodere vellent, si ve-
 nissent dignitatis imperium ad externę atq; inimicę gentis nomen traduci
 20 paterentur. Debere Hungaros probè meminisse quantas clades superioribus
 tempestatibus acceperint, quum alieni externiq; sanguinis reges sibi accer-
 rent, & adversus Turcas inauspicata eorum signa sequerentur: satis præclaro
 documento esse debere superiorum temporū calamitates, quas vel Sigismun-
 dus Bohemus, vel superior Ladislaus Sarmata ad Nicopolim semel, atque ite-
 rum ad Columbatium, & ad Varnam demum infelicitè cum hoste barbaro
 dimicantes Pannonijs importarint. quando ea detrimenta quæ vel longa La-
 dislai ignavia, vel hac dudum infelicitis filij temeritate subijmus, memorare di-
 ffo deat: sub quo militaris disciplina gloriaq; Hungaricę virtutis penè tota in-
 terijt: se credi potest. Superesse profectò procures Pannonici sanguinis & anti-
 30 que, ideoq; imperio dignissimę stirpis, qui generosos spiritus gerant, atq; ani-
 mos restituendę publicę dignitati, & tuendo regno pares in hoc publico lu-
 ctu consilia fortia atq; arma expedita invictis animis proferant, inter quos usq;
 adeo demissi vel hebetis ingenij numerari nolim, vel si me nonnulli clariores,
 honore natalium atq; opibus antecedere videantur, ut me regendo regno, ad-
 ministrandoq; bello quenquam virtute aut Fortuna meliorem fore confitear.
 satis namq; fortē atq; animi virtute pernobilem præstabo regem, si ab hac cæ-
 ra fidelis animi propensione, suffragio vestro dignus existimabor. Hac viā in-
 gressus multū rogando satagendoq; Ioannes multorū studia promeruit, eoq;
 facilius quod Stephanus Bator procerum clarissimus ad Ferdinandum pau-
 40 lo ante in Bohemiam contendisset, & Ferdinandus apud Bohemos indictis
 comitijs vehementer esset occupatus, quibus primatū & popularium præoc-
 cupatis voluntatibus rex erat appellandus. Per eos dies Hungari celebrandis
 regijs exequijs animos intenderunt, quū Ludovici integrum cadaver Cetrif-
 chi armigeri indicio repertum, è Mugaciana palude ad Albam regalem fuis-
 set relatum. Dictis namque solennibus inferijs, insigni pompa apparatuque
 tumulatum est apud ea sepulchra, quibus superiores reges condi consueverāt.
 Exinde exequijs ritè confectis, Rhacos est indictum, id est comitiale cōcilium

armatæ multitudinis, cuius authoritate acclamationeque ex vetere legis instituto Pannoniæ reges creantur. Eius autem Rhacos is fuit exitus, ut Ioannes, quum neminem in publico luctu competitorem habiturus videretur, quando nemo vel clarissimus candidati nomen profiteri auderet, magno omnium applausu rex appellaretur, præstoque ei maturè adfuit Petrus Perenus, in cuius custodia vetustissima ex rudi auro Hungarici regni corona servabatur, quales lenni cerimonia legitimi reges coronari soliti sunt. Ea Stephani primi Pannoniæ regis fuisse traditur, servaturq; in arce Vicegradensi antiquissimorum procerum, more per manus tradito servatoque. Atque ita Ioannes rite coronatus consecratusque est de manu Pauli Antistitis, qui in locum Ladislai Silesiani Strigoniæ antistes fuerat suffectus, & Stephani Brodarici præfuit Vindobonensis, quem propter eruditi ingenij vim, & dexteritatem in omni rerum actione singularem epistolarum scriniq; regij magistrum effecit. Americum vero Cibachum in præfectura Transylvaniæ Vayvodam sibi constituit, qui Vindobonensi etiam præfulatu interfecti ad Mugacium Pereni loco dudum fuerat exornatus. Regi autem creando ex ordine militarium procerum ministrorumque runthi, quos è Transylvania alarum præfectos adduxerat, viros bello pacique præstantes. In his eminebant Hungarico sanguine progeniti Stephanus, & Albertus, qui Romæ apud Leonem legatus fuerat, & Paulus Artandus, atque Gregorius Peschenius, & Nicolaus Gleffa, Ianusq; Docia. Per hunc modum dum novus rex firmandis imperij viribus, asciscendisque sibi & promovendis proceribus liberaliter atq; humaniter studet, Ferdinandum Hungarici imperij æmulum in Bohemia regem creatum didicit. Is ex vetere controversia eiusdem, quæ agitata fuerat inter Matthiam Corvinum & Federicum Cæsarem proavum, præclara hæreditatis iura proferebat, ducta scilicet à Ladislai morte, qui in Bohemia in ipsa nuptiarum celebritate, veneno sublatus ferebatur, ambitione malignitateque Georgij Poggibracj, qui Bohemiæ affectans regnum id paulò post occupavit: videbaturque advenisse tempus, quo Ferdinandus Bohemico auctus regno, & Caroli fratris opibus subnixus, nec oblitus honoris, Pannoniam non iniqua ratione repeteret, Austriano sanguini, ideoque ab Alberti principis memoria debitam. Neque Ferdinando præter Austriacas & Germanicas vires quorundam Pannoniæ procerum studia decrant, quum apud eum essent semitransfugæ turbulentique homines, novarum rerum cupidi, & quo facile impelli poterant livore corrupti, invidentesq; prorsus Ioanni Hungarici diadematis decus, tanquam precipitatis comitis tumultuarioque favore imperitæ multitudinis, ipso dignioribus creptum. Non præter Batorem, cui petendi adipiscendique regni prærogativa optimo iure obvenire posse dicebatur, eminebant & alij pari propè nobilitate, & bellica virtute illustres, Valentinus Turaccus, Stephanus Maylarus, Ianus Sala, Gaspar Scredius, Balthasar Pamphilus, & Ferentius Gnarus. His accesserat Paulus Bachitius genere Triballus, vir eximie bello fortis, qui apud Turcas Mahometanis initiatus sacris, ex necessitate fugiendæ servitutis ad nostros redierat, renovatoque baptismo Christiano ritu fuerat expiatus, & Mugaciano prælio intactus evaserat. Horum omnium hortatu Ferdinandus suo pte ingenio repetendi sui iuris avidus, confususque Bohemorum auxilijs & Norici copijs, quibus accedebant è Rhetia superiore cohortes evocatæ, & satis magnus è Stiria, Carinthiaque levis armaturæ equitatus, Budam rectè perrexit:

cuius

cuius adventu graviter permotus Ioannes, ut qui rerum omnium difficultatis
 bus erat circumventus, nec satis haberet copiarum, quibus agnoscere stabili-
 reque novi regni opes posset, atque infirmissima apud se partim metu, partim le-
 vitate gentis studia fore perspiceret, nequaquam hostem Budæ expectandum
 esse constituit, hortatusque duces suos, ut cedenti, & adversis infestæ Fortunæ
 flatibus vela dare coacto adesse vellent cum his copiis quas adduxerat, & quas
 demum conscripserat, Pestum traiecit, atque inde nusquam consistere ausus iu-
 stis confectis itineribus superato Tibisco, ad Tocaïum castra fecit. Id erat mu-
 nitum castellum, in ulteriore ripa positum. Eius discessu cognito Ferdinan-
 dus sine vulnere Buda potitus est, ubi aliquandiu permansit, consultatumque
 est, an aufugiens hostis esset persequendus. Eorum autem sententia vicit, qui
 perterritum hostem priusquam auxilia compararet, aut nova consilia suscipe-
 ret, adhibita celeritate consequendum censebant. Itaque Ferdinandus his ma-
 xime ducibus, quos memoravimus, omnes copias commisit, qui continuatis
 itineribus quanta festinatione equorum lassitudo pateretur, & pedites gra-
 dum intendere poterant, ad Tibiscum pervenerunt, & navigiis quæ carris ad-
 vexerant connexis, contabulatoque ponte Tibiscum superantes, explicatis ve-
 xillis ad Tocaïum ubi Ioannis erant castra, instructa acie pervenerunt. Quo
 hostium superventu perculsus Ioannes, communicata cum ducibus eius peri-
 culi difficultate, consilium capit sibi necessarium potius quam decorum. Sua-
 debant enim duces promptissimis animis pugnam poscentes, contemptis ferè
 hostibus, ut ipse paululum acie excederet, amoveretque se periculo, & si ita i-
 niq̃uor prælii fors ferret, sese incolumem secundis Fortunæ casibus reserva-
 ret, ipsos namque quod turpissimum sit Hungaris ad arma natis oblatum ab
 hoste prælium detrectare, invictis atque in domitis animis adversus transfugas
 constantissimè pugnatueros. Eminebat inter duces Ferentius Bodo singularis
 virtutis & fidei dux vetus, cui rex præcipuum militiæ sceptrum atque vexil-
 lum de manu tradiderat. Is summa peritia pro numero genereque militum a-
 ciem instruxit, in medio ipse cōstitit cum Hungaris, cornua Transylvanorum
 copiarum tenuerunt. In Austriana autem acie Valentinus mediam pariter aciem
 cum Hungaris tenuit, ubi erat vexillum, duas medio agmini coherentes bra-
 chiorum instar firmaverunt: hinc Stirianæ, illinc Noricæ equitum alæ. Sed
 Paulus Bachithius ex Turcica disciplina astu & insidijs uti solitus cum globo
 Vsarorum, qui sunt levis armaturæ equites, latrocinijs assueti, remotiore in
 loco struendis insidijs idoneo contra lævum hostium cornu consedit, ita ut ex
 occasione successus qua parte oporteret in hostem impetum facturum videre-
 tur. Tum verò militum animis non multa ducum cohortatione ad pugnam
 accensis, minora utrinque tormenta currulia, quæ gallinacei ovi magnitudine
 pilam evomebant, displosa sunt: parvo quidem detrimento, quum procurre-
 re & manum conferere simul turmæ properarent, alternis utrinque cornibus
 alæ pulsæ profligatæque sunt: nam Stiriani equites Transylvanorum vim non
 diutulerunt: quum in altera parte Noricus equitatus cataphractus, novas &
 collectitias Bodonis copias in lævo cornu prostravisset. Eodemque tempore
 ab utraque media acie paribus Hungarorum animis atque artibus contractum
 est certamen, usque adeo acriter invehendo procurfandoque, ut nusquam an-
 tea vehementius & pertinacius dimicatum fuisse appareret. Sed novo cata-
 phractorum impetu, qui pulsu dextro cornu in hostium lacus ruebant, tota Bo-

donis acies vel egregiè resistens fortissimeque dimicans, loco pulsa perturbataque est, eo quidem eventu, ut ipse Bodo imperator, qui vexillum servare re parareque aciem aliquādiu fuerat conatus, incumbente Paulo Bachithio ab V. saronibus caperetur, & reliqui duces desperatis rebus profugerent, non multa; cede edita tormenta ad unum omnia, vexillaque in potestatem hostium devenirent. Quum rex ipse conspecta suorum strage, periculo ingenti fugæ cursu se eriperet ad ipsos Sarmatiæ fines, victores, uti oportebat, in Transylvaniam penetrarunt, quibus populis nullo negotio in ditionē acceptis, universa provincia ad auctoritatem Ferdinandi regis se contulit: Bodo enim porro cum reliquis nobilioribus captivis atque vexillis ad Ferdinandum miserunt. Ceterum Bodo quum vel proposita libertate flecti non posset, ut sacramentum Ioanni dictum violaret, & contra eum militaret, ab clementissimo alioqui rege in tenebricosum carcerem Novæ civitatis relegatus est, atque ibi aliquantulum post pedore consumptus, miser fato suo concessit. Nec multo post Ferdinandus inclinantibus in eum Hungaris ferè omnibus ex usu victoriæ rex est adclamatus, atque eadem veteri aurea corona, quam idem Perenus vir incerta si dei, ideoque facile ad officium rediens detulerat, cum Anna uxore quæ Ludovici regis erat soror, insignitus est, celebratis eius solennis pompæ ceremoniis apud Albam regalè. Exinde Ferdinādustriusque regni rara felicitate compositus, in Bohemiam rediit, præsidesque qui Pannoniæ regnū administrarent, delegit. Hi fuere Stephanus Bator, qui cum summa potestate Prorox est creatus, cui collega addebatur Paulus Strigonienensis antistes, qui & ipse à Ioanne defecerat. Berethsaxium autem epistolarum magistrum fecit: Alexium vero Tursonem Moravæ gentis, cuius soror Petro Pereno nupserat, ærario præfecit. At Ioannes usque adeo acerbè mulctatus à Fortuna, ad Hieronymum Laschum profugit, virum inter Sarmatas ab illustri nobilitate, eruditaque virtutis nomine clarissimum. Instanti hospitis occasione lætus nihil antiquius habuit, quam ut regem in eas amissi regni calamitates præcipitatum accuratissimè recrearet, pollicereturque ei in spem recuperandæ dignitatis opes suas, quæ non erant mediocres, & quod redvivæ felicitatis interfuit, ingenium suum in omni actione humanarum rerum valde mirificum. Non erat ingrata Sigismundo regi ea Laschi erga regem hospitalitatis liberalitas, quanquam ne Ferdinandum offenderet amicitia atque affinitate sibi coniunctum ingenue clientis officium dissimulare videretur, vel ob id quod antea ipsius Ioanni Sepusiani tum reguli Germana soror in matrimonio regio fuisset. Quæ de causa hæbat ut Laschus nihil tenerioris officij in percolendo hospite prætermitteret, nec tamen Sigismundi regis existimatio læderetur. Quum vero multum inter se colloquendo deliberandoque integrum ferè mensem absumpsissent, Laschus excelso solerti que ingenio gravissimarum rerum consilia agitare atque aptè terminare solitus: postremo ad id unum descendit, ut ab uno tantum Solymano maturam opem afflictis & perditis rebus sperandam censeret, arbitrareturque generosissimum eundem & longè maximum regem, supplicis & eiectionis preces minimè neglecturum, si ipso miserante sublevanteque restitutus foret, ex tanto beneficio se clientem factum ex auctoritate Othomannici nominis regnaturum profiteretur. Intelligebat siquidem Laschus à tanto elatissimi que animi Imperatore, non regna quæ illi abundè superessent, nec facile enumerari possent, postquam magnam orbis terrarum partem impe-

imperio complecteretur, sed magnificentissimæ laudis gloriam peti, quæ præ
 insita orientis regum animis vanitate, eum impensè oblectari didicisset. Hoc
 erat consilium, ut usu apparuit, Ioanni maximè salutare atque honestissimum,
 si expulsi atque exulantis conditionem respiceres, sed in causa Christiana non
 obscure nefarium, postquam privati commodi nomine Resp. in longè maxi-
 mum atque horribile discrimen adduceretur. Verùm ægra mortalium mens
 quum de salute sollicita parū speret, nulla unquam vel ancipitia, ideoq; sæpe
 nocitura remedia repudiat. Nec multò post decreto factò Laschus, qui nomi-
 nis sui famam præclaris operibus extendere cupiebat, legatione suscepta By-
 zantium contendit. Fama est Sigismundum non modo euntem non reten-
 tasse, sed iuvisse etiam diplomate, atq; instruxisse eum literis, quibus tanquam
 civem familiaremque suum extraordinariæ & peculiaris legationis munus
 susipientem, sibiq; carissimum, purpuratis & nonnullis Sarmatici etiam san-
 guinis, qui in aula Solymani gratia valebant, commendabat. Itaq; Laschus e-
 menso itinere ubi Byzantium pervenit, primum omnium allatis muneribus,
 quæ elegantia potius quàm pretio placitura grataq; præcipuè uxoribus eo-
 rum futura non absurdè existimarat, purpuratorum nō modò, sed ianitorum
 etiam amicitiam promeruit: quando apud venales barbaros nihil magis in
 pretio sit quàm simplex vel astuta liberalitas. Inter purpuratos qui Bassæ vo-
 cantur, eo tempore authoritate præstabant Lustebeius, in cuius matrimonio
 Solymani soror viscebatur, & Habraymus ex Acarnania Pargæ humili vico
 natus, & cum Solymano à prima pueritia molliter educatus. Is Visir, hoc est
 purpuratorum princeps evaserat, & quum teneret regium sigillum, cunctisq;
 supplicibus libellis & epistolis subscribere consueffet, reliquos aulae proceres
 honoribus validos, ex peculiari atque firmissima gratia, authoritate anteibat.
 Per hunc modum insinuatus & sæpius apud purpuratos sine interprete lo-
 quutus, quòd Illyrica lingua omnibus ferè in aula esset familiaris, Ioannis re-
 gis causam egit, atq; eum mirificè commendavit: nam salutato tantū Solyma-
 no sub primum ipsius adventum de negotio acturus ad purpuratos de more
 fuerat reiectus. Neq; enim Solymanus virum Christianum intra septa aulae ad
 colloquium admittere consuevit. Petebat Laschus à Solymano, ut Ioannes
 Ferdinandi Austriæ principis iniuria, & quorundam Hungarorum perfidia
 regno pulsus, Pannonig rex & Othomanici nominis beneficiarius appellare-
 tur, ideoq; Turcicis armis in regnū reduceretur, sicuti proprium esset Otho-
 mannicae ditionis, postquam illud iure belli adiudicante Fortuna ab ea in si-
 gni victoria Solymanus felici dextra vindicatis iniurijs, devictisq; hostibus si-
 bi peperisset. Ioannē qui commendatione virtutis publico in concilio Hunga-
 rorum omnium legitimè rex fuerat appellatus, & ritè etiam ex antiqua regni
 formula coronatus, nunquam si in clientelam tutelamq; reciperetur, reduce-
 returq; tanti beneficii memoriam animo depositurum, egregiaq; fide gratissi-
 mi animi maiestatem Solymani perpetuo cultu veneraturum, atque ea quæ
 imponeret tributa quotannis persolvēdo, initæ clientelæ nomen cunctis gen-
 tibus declaraturum. Id verò si Solymanus supplici concederet, tam ipsi hono-
 rificum, & ad beneficiæ famam splendidissimum fore, quàm Ioanni utile
 vel decorū. Nam præterquam quòd magnanimi reges beneficio dando potius
 quam accipiendo Dijs superis æquētur, etiam id Othomanis magnopere con-
 ducere constaret, ut Turcæ infirmo & beneficiario regi potius hñitimi sint,

quam Ferdinando, qui à Bohemis rex ascitus, & Caroli fratris, cui Germani bellicosi homines parent opibus fretus, bellum inferre, quā in finibus pacem tueri malle existimari possit. Non ineptè siquidem cavendum esse Turcis, ut quæ sibi bellando paraverunt, ñsdem armis defendant, nec quenquam supra ceteros potentia atq; opibus augeri sinant. aliquando etenim fieri posse, ut Carolus autoritate virium amplissimus, in eandem indicendi sacri belli causam reliquos principes trahat, & pro religione uti superiores Europæ reges fecerint amissa, omnino repetenda iudicet, cuius viribus non facile demum resisti posset. Hæc difertissimè dicta, quū Solymano ex occulta fenestella auscultanti à purpuratis referrentur, non magni negotij fuit imperatorem gloriæ, potentiaq; avidum eò perpulisse, ut Pannonicum bellum rursus suscipere, & Ioannis preces ad animum admitteret, pollicereturq; ex usu novæ victoriæ concessurum quæ postulare, modò fidem tueretur, & ingrati nomen maxime abhorrendum existimaret. Interea Ferdinandus non temere Pannoniæ regnū sibi gravi ratione confirmandum existimans, neque alicunde vehementiorem, quā à Turcis vim timens, pertentare Solymani animum atque eius amicitiam appetere constituit, ratus eam honesta conditione posse comparari, si quo iure inductus Pannoniæ regnum invaserit & cœperit, apud barbarum nequaquam abhorrentem à iustitiæ laude antiquæ suæ litis seriem explicaret, & se legitimū eius regni hæredem præclaris nostræ legis monumentis demonstraret. Existimabat enim Solymanum tot undique victorijs auctum, & iam planè tot regna fastidientem, veluti summa gloria contentum, pace paratū quando conquieturum. Petebat autem hisdem conditionibus amicitiam atq; inducias, quibus Ladislaus & Ludovicus filius per aliquot annos ab Othomannis regibus antea meruissent, & tum etiam Sigismundus Sarmatæ regi pari induciarū tranquillitate eius amicitia beneficio frueretur. Itaq; idoneum nactus hominem, qui hæc mandata Byzantium deferret, Ioannem Oberdanscum virum Pannoniū deligit: hunc iusto comitatu exornat, & muneribus, quæ purpuratis largiretur, decenter instruit. Sed ubi Oberdanscus emenso itinere Byzantium pervenit, Solymanus sua spe durior est inventus, avertitq; se penitus purpurati à mentione induciarum præbuerunt. Nam tametsi legatus humaniter à Solymano fuerat receptus, auditusq; patientissimè in conspectu purpuratorum facundè & diligenter causam egerat, in exitu tamen legationis, nihil plus quā superbi atq; insolentis decreti responsum tulit. Dixerat enim Solymanus alienum esse à maiorum institutis, eos in gratiam amicitiamq; recipere, qui Othomannico nomini iniurias intulissent, proinde Ferdinandum impudenter facere, qui alieni iuris regnum invasisset, atq; id retinere posse confideret, quando eius vetera iura planè inania quæ ostentaret recenti sua victoria, Marteq; iudice oblitterata antiquataq; fuerint. His de causis eum toto induciarū & amicitia munere indignū videri, seq; eo esse animo ut contumeliam quam acceperit, probè vindicandam ducat, indictoq; bello rursus sibi Pannoniam omnino repetendam: tantis autem se copijs eam expeditionem suscepturum, ut Ferdinandum vel intra Norici, Germaniq; fines sit invasurus. Proinde ei omnem belli cladem pro inducijs atq; amicitia denunciaret, propereq; Byzantio excedere maturaret. Cæterum Oberdanscus ubi Viennam est reversus, quæ retulerat regijs præsidibus communicando, barbarorumq; minas & maturum Solymani adventum pronunciando, quū nemo Germanorum,

ut accrederet adduci posset, aliquandiu pro vanissimo nebulone habitus est. Quamobrem ut effugeret invidiam vera pro falsis interpretantium, ad Ferdinandum pervolavit. Is tum erat apud Spiram Nemetū urbem ad ripam Rheni positam, ubi petitioni suæ suffragatores comparabat, quod ea instaret apud Germanos comitia, quibus ipse coronato Carolo fratre Cæsar esset designandus. Is nuntius non mediocriter eum perculit, quod eorum quæ diceret, & se facturum profiteretur hostis barbarus, non facile fidem fallere solitus, proculdubio eventura prospiceret, alienoq; tempore auxila à Germanis petenda viderentur, si tanto hosti obviam eundum, & Hungarorum saluti consulendū foret, Carolo præsertim fratre Italicis implicito bellis, & rebus undiq; ad mul-
10 tam rei nummariæ inopiam reductis, qua una cogi milites & barbaris resisti posse iudicaret. Adulto vere & læto iam gramine virentibus campis, Solymanus nihil ab instituto consilio repetendæ Pannoniæ discedit, magistris equitum imperat, ut copias omnes ad signa vocent. Europeis equitibus imperabat Habraymus, Asiaticis autem Berambeius: hic ad edictum ex Asia copias in Europam traducit, ille advocat Sanzacos omnes, qui sunt provinciarum præfecti. Ab his ex vetere disciplina accersuntur Subases, Vayvodæ & Flammarani, qui distinctarum alarum atq; turmarum præfecti sunt. Hi omnes indi-
10 die opportuno loco conveniunt, præcipueq; apud Sophiam Triballorū urbem, quæ Europei magistri equitum certa sedes est, sicut Asiatici urbs Cuthæa Galatiæ. Præmittuntur itaque voluntarij equites, qui sunt extraordinariæ militiæ, temporarij; stipendi ex omnibus provincijs, Transdanubijsq; præsertim ad prædæ speim evocati, ideoque eorum lingua Achangi appellantur. Eorum ingens numerus esse consuevit, utpote qui supra quinquaginta milia numerum impleant; reguntur autem imperio peculiaris præfecti, qui ex antiquissima Turcarum familia, uti virtus provehit ex vetere prærogativa deligitur. Istum erat Acomathes Michaloglis, qui anteire magistri equitum agmina, & primus in hostilem regionem irrumpere, & latè prædari, ferroq; & incendio cuncta absumere iubetur. Itaq; Solymanus præeuntibus Europeis et
10 Achangis, Asiaticis terga tuentibus, Hadrianopoli profectus, quintis decimis castris Belgradū pervenit, superatoq; Savo Dravoq; fluminibus iter rectā Bucan extendit. Hisdem ferme diebus Solymanus Belgradum applicuit. Ioannes rex quanto maxime potuit honestissimo Hungarorum procerum comitatu septus, ipso Lascho comite ad Solymanū venit, ut honoris causa in gratiam clientelamq; suscipientem præsens agnosceret, tutelarem eius dextram oscularetur, atq; eum ut promissa præstaret, gratias agendo veneraretur. Ille gravi fronte, sed amico obtutu parum se e pulvino commovens, dextram suam fide virtuteq; præstantem, ideoq; semper valituram apud eos quos in amicitiam
10 reciperet, porrexit, testatus nihil sibi optatius & melius à maximo numine posse tribui, quàm ut miseros ab ipsius præsertim hostibus iniqua & indigna perpeffos sublevare posset. Proinde bono animo esse vellet: cuncta enim quæ ultore gladio in bello de hostibus pararet, liberali animi decreto ei protinus esse concessurum. In conciliando autem Solymano Ioannes Habraymi Bassæ efficaci studio profecit, quæ antea per Laschum Byzantijs ita precibus atq; muneribus præoccupato eius animo, sibi benevolum amicumq; paraverat, ut regiæ causæ patrociniū facile susciperet, Aloysio Gritto præsertim internuntio feliciq; auspice. Is enim castra sequebatur, & uti erat Andrea Venetorum

principis filius, ideoq; præclara eius nominis commendatione insignis, & omnis elegantie peritus, ab intimo convictu secretioreq; consuetudine familiaris, tanta valebat gratia, ut Habraymum ab occulto quodam sydere Solymani genio non obscure imperantem, eo quò vellet facile perduceret. Gruttumaliquidem Byzanti natum atque educatum, ideoq; Turcicæ usque ad admirabilem facundiam peritum linguæ, generosi mores & domestici apparatus splendor, summaq; in omni re, agnoscendisq; præsertim, & perite æstimandis gemmis, quarum mangones domi aleret, mirabiliter commendabant, usq; adeo ut in eius hortos, quos apud Peram habebat, ex Italica disciplina cultissimos, Solymanus ipse oblectationis causa ab Habraymo perduceretur, atq; eo secessu iocundis sermonibus tenuioris amicitie gratiam aucuparet, inde magno quaestu vectigalibus atque portorijs præficeretur. Adventantis Solymani, rectaque Budam ire pergentis, Budenses metu perculsi, ferme omnes urbe profugerunt, & in proximas urbes, pars Strigonium, pars Albam regalem, alij Possonium demigrant. Itaque vacua penè potitur Buda, & arcem, quæ Germanico præsidio tenebatur, oppugnari iubet. Turcæ perfectis per cuniculos subterraneis operibus, vectibus & dolabris, ima turrium fundamenta subvertre conantur, ut suppositis ignibus arcem exscindant. Quibus barbarorum operibus territi Germani, quòd paribus cuniculis ex disciplina obviam ire nequirent, nec tormentis sese defendere possent, & imminentis excidii propinquum iam discrimen præsentirent, de deditione signa proferre, & cum barbaris colloqui cœperunt, inter quos nonnulli erant Germanicæ periti lingue. Præerat archi Thomas Nadaustus inter Hungaros nobilitate generis, eruditiq; ingenij dotibus illustris. Is uti debebat egregie fortis custos, milites cum hostibus colloqui vetat, & in hostes tormenta converti & dirigi iubet, ignavia simul atq; perfidie eos arguit: comminaturq; eis poenam fœdi supplicij, nisi extrema queque oppugnationis pericula sustinenda censeant, & decus Germanici nominis, Ferdinandi q; præsertim, à quo stipendia acceperint, atq; opima præmia expectare possent, constantissimè tueantur. Sed iam sulphureus vapor succens in cuniculis tormentarij pulveris, ad nares Germanorum permeabat, & ex discurrentium spectantiumq; Turcarum habitu, non obscura concaluit, mox turris indicia deprehendebantur, quo ingentis periculi metu adducti rursus ad idem deditionis consilium redeunt, quòd præsentis vel maturæ iam cladis pavorem altè conceptum, nullus vel teterrimæ poenæ metus, aut admisi flagitij pudor, aut custodis amplissimi viri reverentia superaret. Itaq; quum Nadaustum minaci fronte vociferantem in sententiam decretæ deditionis adducere non possent, eum comprehendunt, vinculaq; iniiciunt, ne resistere aut hircere queat, cōspirantes cum hoste salvis rebus paciscuntur. Id ratum habuit Solymanus. Cæterum quum eius præsidij milites, qui erant fere septingenti ex conditione incolumes, sarcinisq; suis onusti in Possonium abirent, & Ianizeri occupata arce Nadaustum solutū vinculis pariter dimissuri essent, Solymanus de militum perfidia, probitateque Nadausti certior factus, quo nefario flagitio contaminatos sua lenitate indignos putaret, ut alienæ perfidiæ scelus ulcisceretur, Ianizeris ad unum trucidandos obiecit: Nadaustum verò ipsum stipendio invitatum, idq; renuentem humaniter dimisit: ipsius etiam Ioannis regis commendatione adiutus, quanquā soror eius esset in matrimonio Stephani Maylati desertoris primò, & mox atrocissimi sui hostis. Id sævæ cædis facinus immani

mani imperatoris iussu non iure modò, sed ad laudem etiam veræ virtutis atque iustitiæ patratum videri volebant barbari, qui sacramentum militiæ nullo vel præsentis metu mortis violandum censebant: quod fortasse æquum existimari posset, nisi atrox atq; perpetuum barbari hostis in nostras gentes odium, si iusta humanitatis iura æstimentur, elevaret penitus & everteret. Cur enim Germani, qui beneficio ipsius peccavissent, & diplomata concessa libertatis obtinuissent, usq; adeo crudeli nece mulctandi videri potuerint, quum ipse Solymanus in ea alienæ perfidiæ causa propriam abrupte fidei notâ subiret, & quâ querebat iustitiæ laudem tam crudeli quàm turpi sententia perverteret? Exinde Solymanus eo consilio, ut Viennam duceret, castra movens, ex itinere Altaburgum Bohemico custoditum præsidio admotis copijs adortus, vel impigre Bohemis aliquandiu propugnantibus, sed mox cadente ipsorum duce, concepto gravi metu murum deserentibus, expugnavit, interfectis ferè adunum Bohemis. Ab Altaburgo Acanzes versus urbem Quinqueecclesias vocatam prædatum dimisit, qui intercepta ingenti omnis generis hominum præda, nemine usquã resistente prætervecti Viennam, lucuosas ad Linzium usq; excursions fecerunt, ita ut passim atrocibus incendijs ædificia conflagrarent, & magnus Viennensibus incuteretur timor. Hjs barbarorum præcursoribus antea provisis Ferdinandus gravi incensus cura, quas potuerat evocare & cogere copias, intra Viennam contulerat, & maioribus cogendis præsidijs implorabundus opem, singulos regulos, singulasq; civitates adiens volitabat, quæ in re aliquanto quàm pericula postulabât, segniores Germanos reperiebat, ideoq; etiam tardius, quæ vellet conficiebat: quoniam celeritate Solymani præoccupatus fuisse diceretur, in oreq; omnium esset Oberdanscus, qui tanquam non falsus vates probo ore, quæ à barbaro imperatore dicta fuerant, nō serò futura prænunciasset, & Viennenses vanitatis & incredulitatis suæ poeniteret, & tum fervidissimè quæ opus erant pro tuenda salute munimenta circa urbem præpararent. Paucis autem diebus secundū amissæ Budæ famam circiter viginti milia peditum & equitum Viennam confluxêre, quibus præstantissimi præerant duces, inter quos eminebant Philippus Palatinus, Nicolaus Salma, qui Ticinensi prælio, in quo rex Galliæ captus est, inclaruerat, & secundum eum Gulielmus Rocandolphus regiæ aulæ magister Italicis clarus bellis, & Ioannes Cazianer vir pugnax natione semi-Illyricus, cui postea Viennæ præfectura obtigit, et secundum hos Nicolaus Turrianus, Ioannes Hardecus, Leonardus Velsius, & Hector Raysachus, inter Germanicos proceres cū genere, tum bellica laude illustres. Ab his præparata sunt ænea circiter centum curulia tormenta præter minora. Hæc erant ferè trecenta, quæ pilam plumbeam infra anserini ovi magnitudinem ferrent, & pro corona mœnium iuxta pinnas, earumque fenestellas in canterijs disponebantur. Circiter Idus

Septembres Solymanius Viennam pervenit, aliquanto tardius quàm sperarat, quòd eius cursum toto ferè itinere propter plenos & creberrimos eius æstatis imbres, amnes inflati multis in locis alveorum marginibus superatis inundantes, retardassent, ob idq; Danubius se ipso largior atq; turgidior, minus idoneam aut tutam navigationem subeuntibus tot navigijs, overarijsq; præsertim lintribus, præberet. Igitur Solymanus quinis castris diverso atque opportuno loco positus urbem circumplexus, tantam per omnes campos tabernaculorum multitudinem Viennensibus è sacra turre, quæ à media urbe ex-

cellissima atque pulcherrima structura exurgit, prospectantibus ostendebat, ut octona undiq; suburbanī agri millia passuum occupare censeretur. Habraymus montem ubi castellum est antiqui operis desertum preoccuparat, unde non interiecto magno vallis spatio totā urbem despicere posset, extratamen tormenti iactum. Becrambeyus autem confidebat contra Purgatoriam quam vocant portam, iuxta Sancti Vlderici templum. Tertia castra erant Michaloglis: quæ secundum acclivia montis ad templum sancti Viti latissimè extendebantur. Quarta erant posita ad Scotorum portam ad Danubij ripam pertinentem, qua in parte constitutæ furant Asaporum turbæ, quibus admiscebantur validæ lanizerorum cohortes, quæ repentè erectis munitionibus prælongius sclopettis rem gerebant, nec quemquam in muro Viennensium consistere patiebantur; adeo namque peritè glandes dirigebant ut pluteos perforarent, atque his appositi milites sternerentur, & sedulo collimantes destinato inragittarias fenestellas crebrò glandes conijcerent, & in statione pro corona consistere ausos vulnerarent: superfunderetur autem tanta sagittarum vis intra urbem, ut per regiones qui non essent geledi tanquam e coelo decidentibus sagittis gravissimè ferirentur. Cæterum Solymanus ad diui Marci templum prætorij vexillum grexerat, septus hortorum lateritijs munitionibus, & per Asapos actis cuniculis mœnium fundamenta subruere, & delabris & vocibus non uno in loco muros præcidere iubebat: nam quum muralibus caereret tormentis, ad id oppugnationis genus via rectior & potior videbatur, vel ob id præsertim quod magno Viennensium commodo accidit. Volfangus Hoder Possonio exiens cum iusto tormentorum apparatu expeditusq; copijs subeuntem adverso flumine Turcarum classem eo eventu aggregius fuerat, ut multa navigia minora demergeret, & lintres aliquot magnos, quibus maiora tormenta ad oppugnationē mœnium subvehebantur, perforaret atq; demergeret, & Turcæ amissis pluribus e numero sociorū navalium, multisq; militibus, qui classi præsidio impositi fuerāt interfectis, insigni clade afficerentur, paucisq; suorū amissis Volfangus Possoniū victor rediret. Reliqua turba barbarorum classis ubi Viennam pervenit, primo impetu pontes omnes præcidit & diruit: nam Danubius paulò supra urbem in aliquot partes diductus parvas efficit insulas, quæ pontibus iunguntur, per quos Austriana via in urbem dirigitur. Ea classis ita versus arcem constitit, ut neque terra neque flumine aditus ullus liber aut tutus exituris vel ingressuris relinqueretur, & si armatorum cuneis effectis portis erumperent, facile à barbarorum multitudine intra urbem cum detrimento retruderentur. Nam paulò antè Ioannis Ardechi equites vel egregiè pugnantes & splendidis muniti armis erumpere ausi, detrimento accepto, cum ab equitibus, tum à lanizeris sclopetarijs reliquisque sagittarijs tanta perturbatione pulsi reiectique sunt, ut multis interfectis & vulneratis Volfangus signifer cum vexillo caperetur, qui non multo post à Solymano insigni donatus veste ad suos remissus est cum mandatis, ut ad deditionem præsidarios milites simul & Viennenses cives hortaretur. Ipsum enim, si pertinacius resisterent, pro humanitate atque muneribus quæ offerebat, in omnem ætatem & sexum gladio sæviturum. Sed ea erat omnium constantia, ut nihil tanta multitudine hostium terrerentur, & probè se mœnia defensuros confiderent, postquam nulla hostibus esse muralia tormenta perspicerent, quibus facile murus quati atque perfringi

fringi posset, nisi Volfangus è Possonio navali prælio victor aliquot inusita-
 10 12æ magnitudinis tormenta demersisset. Neque enim quæ barbari advexerant
 curulia tormenta campestribus potius prælijs apta, quàm pulsandis diruen-
 disque mœnibus idonea, nullam nisi in summa corona ad pinnas vim affere-
 bant, videbanturque peritis tot ducibus Germanorum Viennæ mœnia tan-
 quam ab imperitis architectis antiquitus structa, ob id magnopere inepta esse
 atq; invalida ad sustinendam gravissimam tormentorum oppugnationem;
 quoniam rotunda & tanquam circino in orbem circumducto nulla extantio-
 20 ris prominentiæ propugnacula haberent, unde oppugnantium hostium la-
 30 32tera per obliquos pilarum ictus feriri possent. Nam neq; antea Ferdinandus à
 quoquam finitimo vim timens, neq; Viennenses qui multis annis hostem nō
 vidissent, muniendæ urbi curam intenderant, utpote qui nihil antea vel ad-
 monente Oberdanco de barbarorum adventu timuissent, vixq; terrenam ne-
 quaquam densi aggeris munitionē, quæ idoneam propugnaculi haberet pro-
 iecturam crexerant, circa unam tantū Carinthiæ portam; alijs autem in locis li-
 gneas extantis podij modò casulas protulerant, ut inde nihil ab hoste conspe-
 40 42cti defensores gravioribus sclopettis rem gererēt. Sed his falconum hostilium
 crebris ictibus disiectis & deturbatis, aut perpetua glandium minorū grandie-
 ne crebratis, totus penè murus propugnatoribus nudabatur. tanta quoq; fuit
 50 52temporis exiguitas, ut duces uti oportebat ex gleba cespiteq; altiora intus mu-
 nimenta erigere nequirent. Ibi enim de more constitui debebant maiora tor-
 menta: nam magno numero imposita currubus suppetebant, quæ longissimè
 hostium castra globos ferreos evibrarēt, ita ut illorum nullus esset usus, quod
 nullo alto stabiliq; propugnaculo collocari possent. Apparebat siquidem si in
 altiores aggeres educerentur, quos hodie propterea quod emineant & excel-
 si sint cabellerios vocamus, magna clade Turcarū castra posse affici: nam pau-
 60 62lo ante duo Hispani Davalus & Aquileria tormentū mediocre quod mediam
 colubrinam vocant, in præalta mœnium parte, usitato ergatæ molimine funi-
 bus eduxerant, cuius ictibus aliquot hostium tabernacula prostrata fuisse spe-
 70 72rabantur. Itaque omnibus labor totaq; spes subruendi muri apud Turcas po-
 sita erat in cuniculis, qui tribus in locis subter fundamenta mœnium duceban-
 tur, quorum operum sonitum sedulò auscultantes Germani, & quo tende-
 rent telluris commotæ pulsu certis (ut alibi diximus) plenorum aqua pelvium
 & tympanorum militarium instrumentis deprehendentes, paribus cunicu-
 lis occurrebant, quando necesse esset tympana solo apposita, vel ex minimo
 80 82terræ motu commota membrana palpitare: vasa autem pariter concussa tellus
 recrispantem aquam ostendere. Ad hæc suspectis in partibus murum intror-
 sus ingentium trabium tibicinibus effulciebant, ut casura extrorsus mœnia
 proruerent, uti tum accidit quum excitatis ab hoste cuniculorum ignibus ad
 90 92Carinthiam portam magna pars muri tremefacta, incolumi tamen turre hi-
 sceret, atque extra prolaberetur, Turcæ præpediti ruina & confertim ingredi
 conati facile ab armata Germanorum phalange repellerentur. Nec multò
 post contra templum divæ Claræ proruens murus binis hiatibus editis, sed
 his non omnino latis Turcæ ad irrumpendum invitarentur. & quanquam
 propter angustias tenui cuneo intrarent, cruentum tamen, sed suo maximè
 sanguine, certamen cum Germanis eius stationis contraxerunt, tanta barba-
 100 102rorum audacia constantiaq; nostrorum, ut protectæ splendentibus armis co-

hortes facile inermem turbam hostium temerè proruentem, & cuspidibus se ultro offerentem egregiè sustinerent: & quòd barbari essent numero impares, multos eorum confoderent, tergaque dare, & tumultuose regredi multis cadentibus cogerent. Triduo post atrocissimè dimicatum est, quum par muri iuxta Carinthiam portam non longè à priorè mœnium ruina ita concidisset, ut Turcæ nostrorum phlanges in pomerio constitutas, paratasque ad pugnam excipiendam patenter ruina conspicerent, adorirenturque ardentibus animis, & abiectis demum utrinque sclopettis & arcubus ad gladios incurves & prælongos enses Germanicos, quos ambabus regunt manibus, rem deducerent, quū eadem ratione qua Germani duces hortabundi phalangem promoverent, & Turcarum præfecti suos non verbis modò feroq; ululatu compellere pugna, sed illatis vulneribus ad prælium compellerent. Certabatur omni genere telorū igneq; missili, sic ut nusquā acrius & periculosius hoc seculo pugnatum fuisse diceretur. Ambustus est Othingus nobilis regulus, & nonnulli pariter è barbaris ordinum præfecti: quoniam Asapis & Ianizeris equites ipsi dimissis equis suisque protecti scutis & incurvis armati gladijs equestribusque hastis audacissimè miscebantur. Ad extremum quum tribus horis in pugnam, Turcæ insigni detrimento accepto per easdem ruinas extorius præcipites dati sunt. At Solymanus tot irritis & maximè cruentis suorum prælijs permotus, supremum immanium virium suarum conatum editurus, præfectos omnes advocat, acerbissimis castigat verbis, quòd pars propèctorig defuerint, ignavissimeque contra morem invictæ gentis à limine semicaptæ urbis (quòd pudeat viros fortes) pedem retulerint. Propterea confirmarent animos, & rursus ad renovandam pugnam corpora atq; arma pararent, ne dedecus admitteretur. Se enim putare turpissimum incepto abscedere. Proinde existimarent, aut egregiè in posterum diem expugnata urbe vincendum, aut ignominiosè pereundū. Ab hac atrocè denunciatione possumus qui fuit idibus Octobris, supremo conatu redintegrata est pugna usque adroterribilis, ut quum barbari agminatim per easdem ruinas in urbem irruerent progredierenturq;, & densatas horrentesq; hastis nostrorū acies conerent, præeunte incredibili crepitantium sclopettorum procella, collato pede pugnaretur. Sed magno statim nostrorum commodo nonnulla maiora tormenta certis locis peritè disposita collibrataq; in proruentes Turcas emissa sunt, tanta strage edita ut milites prodeuntium ducum imperijs & minis parere desinerent, & Turcico gladio interfici quàm Christianis tormentis iterum satius & melius arbitrantur, atq; eo modo finis Viennensium periculus est impositus, & insolentis tyranni pertinacia fracta est, non dubia cū laude Germanicæ virtutis atq; ignominia barbarorum. Postero die Solymanus sibi discedendum multis de causis iudicans, captivos quosdam ornatos veste serica, pecuniaq; donatos in urbem remisit, ut ducibus Viennensium referrent, se non eo consilio obsessum oppugnatumq; Viennam venisse, ut urbem caperet, sed peculiari de causa, ut Ferdinandum hostē suum nancisceretur, quo cum de Pannoniæ possessione nobili prælio controversiam finiret. Verū postquam eum Viennæ non esse, & in ulteriorem Germaniam abiisse didicerit, moturum inde castra, & ad quærendum persequendumq; eum tanquā præcipuum hostem esse progressurū. Proinde ipsos rectè facturos, si sese dederent. Quòd si facerent, ipsum neq; ingressurum urbem, & Viennenses præsidariosq; eorum

incolumes salvis rebus servaturum, donaturumq; perpetua immunitate. Hæc
 Viennenses uti à barbaro propter desperatam urbis expugnationem prolata
 miserunt, maximoque rerum discrimine se liberatos confessi sunt. Nam pos-
 tridie, qui fuit trigessimus dies obsidionis, Solymanus castra movit, tribusq;
 itineribus, & tribus maximis agminibus iter cœpit. nam Strigoniensi via, at-
 que item altera, quæ ad Cranium Semilliricam regionem ducit, & tertia qua
 iter est in Bofsinam digressum est, ita ut Habraymus ultimo loco regî agmi-
 nisterga clauderet, & classis totis Danubij ripis omnes commeatibus, & reli-
 quarum rerum facultates terrestri agmini suppeditaret. Verum à tanti hostis
 discessu, lætitiâ ingens perfudit luctus: quoniam supra sexaginta milia Ger-
 manorum capitum in servitutem abducta ferebantur, & magno Viennensium
 incommodo totus ager succisis vitibus & frugiferis arboribus fœdè de-
 formatus visebatur. Solymanus autem Ioannem Budæ constituit, beneficia-
 riumque & amicum ex diplomate & solennibus codicillis appellavit, adiun-
 xitque ei Gritum, ut ea pararent, quæ confirmando regno opportuna vide-
 rentur. Accidit autem (quod minimè prætermittendum videtur) tametsi bar-
 bari laudem respiciat, ut Solymanus Ioannem in eius tabernaculum cum pro-
 scribis Hungaris admissum impensè rogaret, ut Paulo Strigoniensi & Petro
 Pereno clementer parcere, & in pristinum gratiæ locum recipere vellet. Nam
 Ioannes ab eorum ingenij amicitiaque plurimum abhorrebat: quoniam illi
 fluxa fide sacramentique immemores idem quod sibi antea dum coronaretur
 officium Ferdinando præstitissent, tanquam desertores oblitique Hungarici
 sanguinis ad Germanos defecissent. Ad id clementiæ munus quum durior em
 se ostenderet Ioannes, atque prædiceret eos propter ingenij levitatem præcla-
 ram malignitate cumulatam, nequaquam in fide permansturos, rursusque qua
 deficerent occasionem priore tupiorem inventuros, Solymanus vocem pau-
 lulum intendens non barbaro, sed optimo rege dignissimam, an tibi, inquit,
 in hac vita melius atq; honestius quicquam evenire posse putas, quàm si ex tua
 clementia, qui tui sint hostes ingrati apud mortales evadant, hoc est æterno i-
 gnominie probro notati, quum in te sempiterna probi & clementis animi laus
 mansura sit? Nec multo post instantis iam hyemis frigora timens infesta iumen-
 tis, camelisque præsertim calidioribus sub cœlo natis, iter cœpit ad Belgradum,
 atq; inde in Thraciam est reversus. Cuius discessus aliquanto maturior quàm
 sperassent homines, sicuti Cæsarem ingenti cura metuque liberavit, ita Floren-
 tinorum animos magnopere conturbasse visus est, qui nō ineptè speravissent
 Cæsarem suo permotum periculo barbaris occursum. Quid enim ineptius
 atq; absurdius, quod ad existimationem eius pertineret, quàm proprias vires
 impia quadam obstinatione alieno atq; invidioso implicasse bello, dum Nori-
 cus ureretur ager, & Ferdinandus frater novo Pannoniæ regno pulsus, patri-
 monij sui dira incendia prospectaret, scilicet ut liberam civitatem, secus ac su-
 periores Cæsares fecissent, urbes tyrannide oppressas liberare soliti, ad ve-
 terem redigeret servitutem? Quid porro ignominiosius Pontifici accide-
 re posse, quàm Cæsarem retentare, qui peculiare deflagranti patriæ suæ sub-
 sidium afferre deberet, suo pteque ingenio publici periculi causam genero-
 sa voluntate, nisi sacrorum princeps religionis oblivisceretur, esset defen-
 surus? Sed vel in deiectis tanta spe animis, nihilo secius vigeat illa per-
 unax voluntas, ut omnes pacis conditiones abnuerent, quæ specioso susce-

ptæ libertatis nomini officere possent, nec tamen alicunde reperirent, vel privatis vel publicis consilijs, quæ ratione diuturno resisti bello posset, postquam deserti ab omnibus socijs, oppugnatiq; constantissimis duorum maximorum principum viribus nihil de belli exitu dubitarent. Id verò fiebat quòd in civitate populares dominarentur, imperiti homines, uti paulò antè uni tantum mercaturæ dediti: peritis autem rerum, patritijsque præsertim & recte sapientibus nullus esset in repub. locus, utpote qui is tantum optimus civis existimeretur, qui acerbissimè eos civium ordines, qui antea in administranda repub. valuissent, proscinderet, & de Pontifice insolentius loqueretur. sicuti paulò antè intemperanter evenerat in publicis concionibus quas in templis sacras & dissimili quidam iuvenes ad populum habuerant, ut iuventutem ad capessendam institutæ urbanæ militiæ disciplinam hortarentur, qua civitatis dignitas & publica omnium salus constaret. His autem orationibus singulari ausu atque omnium commendatione exceptis unum id maximè petebatur, ut Medicæ familiæ dominatus probroso nomine tyrannidis appellarent, eorumq; civium ordines, qui illius beneficia muneraq; sensissent, aut proinde in curiam fuissent, tanquàm improbos adulatores, oblitosq; publicè dignitatis fusè criminarentur. Sed unus ante alios Petrus Philippus Pandulphinus, præstanti quidem avo, sed vecordì patre genitus, furioso quanquam erudito orationis genere, usque adeo petulanter in Medicum nomen est invehctus, ut quum in templo Laurentiano Cosmi pietate atque opibus ædificato, ubi iuniorum Medicæ gentis sepulchra cõcionaretur, ad abolendam tyrannicæ stirpis memoriam templum illud decreto publico funditus evertendum diceret. Multo autem æquioribus auribus auditus est apud sanctæ Crucis templū Baucius Cavalcantes. Is moderatæ & perelegantis eloquentiæ nervos intendens, quæcunque essent aptius persuaserat quàm nonnulli alij qui maledicentiæ frænala laxavissent. In his fuerat præter Pandulphinum Aloysius Alamanus poeta Etruscus, qui multum antè nefariæ coniurationis in necem Iulij Cardinalis susceptæ, quum complices capite pœnas dedissent, elapsus damnatusque diu in Gallia fuerat. His cohortationibus nō iuventus modò, sed tota civitas haurior atq; paratior ad tuendam libertatem reddebatur, ita ut eximium robur urbana iuventute esse putaretur, quæ splendidis armis & divite cultu ornata sub singulis tribunorum vexillis instructa prodibat, & uti dux eorum Stephanus Columna iussisset, militiæ munera implebat. Certabatur enim quotidie, nec urbana iuventus contineri poterat, quin veteranis militibus, ubi periculum posceret, aut virtus digna verò milite ostendi posset, audacissimè misceretur. Aurantius porrò totum Urbis ambitum, qui est trans Arnū à Nicolai porta ad Fridianam lunato circuitu complexus, ita diversarum gentium castra castris perductis munitionibus coniunxerat, ut Florentinorū eruptiones perpetua statione militū, & tormentis aptissimo loco collocatis facillè contemneret. Ita enim fiebat, ut quicquid mœnium à media divi Georgij porta, quæ editior urbis clivo erecta est, Hispani eruptiones hostium ex superioribus locis observarent: Itali verò ad ortum Solis usque ad Roscianam villam extenderentur, quæ excelso ædificio insignis clivoque imposita urbem ab orientali latere trans Arnū prospectabat. Germani autem paulò remotius in valle circa Baroncelliam villam constiterant, ubi erat forum rerum venalium, & Aurantij prætorium visebatur. Nihil tamen Aurantius tentandum de oppugnatione & pro-

& prolatis tormentis usquam quassanda mœnia arbitrabatur, quod murus ad mirabili structura firmissimus, nisi longo labore, multoque sumptu atque periculo aperiri diruique posset, tot præsertim propugnatoribus, qui audacia numeroque præstarent ad omnes hiatus hostilemque impetum occursuris. A Giramonte autem tumulo quem maioribus instruxerat tormentis, eius munitionis frontem quam in Miniati templi horto erectam fuisse diximus, creberrimè quassandam susceperat. Nam ab ea substructione lignea altior suggestos à Malatesta fuerat eductus, unde subiecta hostium castra verberari poterant frequentibus pilis multa cum perniciè commœnantium militum. Nam ab ipsa etiam ¹⁰ fœra turre quæ cuncta prospectabat, uno atque altero falcone peritè constituto à quodam Lupo Florentino qui turri præerat, diligentissimè res gerebatur. Eam autem turrem demissis storijs duplicibus, densissimisque culcitrīs & lanarum saccis circumquaque munierat, ut immixtas pilas crassa mollitiè obiecta obtunderet & eluderet. Nam ab Aurantio maiora tormenta in Giramonte cōstituta in turrem intentissimè dirigebantur, quæ causa fuit ut minutis prælijs quotidie certaretur, & multi viri fortes interirent, in quibus fuerunt Bartholomæus & Fano Fortunæ spectatè virtutis præfectus, & Iacobettus Corsus eximie promptitudinis centurio: è Caesarianis autem Cispa Pisanus & Bonifacius Parmensis. Vulnerati quoque plerique illustres, & in his Roscius ipse, Alexanderque Vitellius, quum recipientes sese Etruscos admodum constanter Mario Vrsino reducente, audacissimè premeret. Ea autem erat natura vulnerum ut qui glandib; circa ossa paulo vehementius essent vulnerati, difficillime mortem evaderent, & multo longa plagarum sanie tabeque affecti, irritis remedijs morerentur. Propterea Florentini operam dabant ut ampliores militum manus mercede compararent: nam præter urbis custodiam, minora etiam præsidia reliquis urbibus atque oppidis quæ erant in potestate imponenda videbantur. Magno nanque ad sustinendam obsidionem usui erant, Pratum, Pistoriū, & à Pisana via ad septimū lapidem Lastra castellum, atque inde Empolis, quod est medium Etruriæ mercatu celebre oppidum, quod antiquitus Emporium ²⁰ fuit, atque inde Pisæ, & sinistrorsum Volaterræ. Itaque pecuniam in stipēdium Neapoleoni Vrsino mittunt. Is in agro Romano propter familiæ clientelas & opes erat potens, & se aversum à Pontifice, & Caesarianorum hostem profitebatur, numerumque earum quæ antea habuerat cohortium & turmarum auxerat, accitusque in Etruriam penetrare iuebatur. Cuius consilio cognito Aurantius Alexandrū Vitellium, qui eius transitum impediatur, in Tifernates suos mittit. Is diligenter exploratis hostium itineribus, coacta valida manu Tifernatium, Neapoleonis copias iuxta sancti Sepulchri oppidum improvise adortus paruo negotio fundit, ereptisque vexillis et exutos armis profligat, ita ut prope ipse Neapoleo caperetur, & Vitellius re bene gesta ad Aurantium rediret.

³⁰ Hisdem ferè diebus quibus Alexander Vitellius ad Umbriæ fines adversus Neapoleonem est missus, Stephanus Columna audaci suscepto cōsilio, ad invadenda hostium castra nocturnam eruptionem instituit, quod magnæ sibi gloriæ futurum apud cives, atque ipsum Galliæ regem, cuius auspicijs operam navabat, rebatur ipso id plurimum expetente Carduccio dictatore, si non defensuros modò mœnia Etruscos, sed ingentibus etiam animis castra adoriri, prodireque in aciem ausuros ostenderet. Id facinus eo ordine silentioque constitutum atque initum est, ut cum Malatesta, paucissimisque tribunis re communi-

cata, nocti subobscuram noctē ex condito tribus portis erumperent. Ioannes scilicet Taurini cohortes à cliuo diui Georgij, & Octauiani Signorelli à Catellina porta, quū his cœptæ pugne ex instituta tessera, vel ad faciundum impetū vel ad receptum signum daretur. Stephanus ante omnes à diui Nicolai porta magno silentio per mediam vallem, quæ est inter Rosciana villæ collem & Girammotem, vbi erant perpetuæ hostium stationes iter habuit, cum Ioanne Taurino præfectorum pugnacissimo, sexcentisq; delectis militibus, quibus adiunxerat Florentina iuuentutis cohortem. Hæc Alamanini Pacti tribuni vexillum sequebatur, in quo Monocerus erat depictus, eo Stephani edicto, ut nemo longam hastam deferret, ne iter habentibus & in angusto pugnantibus impedimento forent, quod secures & lato ferro breuiora hastilia, quæ parthenia appellatur, & prægrandes enses, qui ambabus reguntur manibus ad cædē faciundā habiliora putaret, nec sclopettos magno vsui fore arbereretur, ne a strepitu, quod esset præcipue cauendū, hostes excitarēt. Stephanus quū nemo in hostium sentiente præterueheretur planæ vallis spatiū, in Sarre Columnæ cohortes impetum fecit, quod propter veteres similitudines in Sarram internecio adindeferebatur, tanto autem silentio, ut quum ex itinere ad compitū, cui Quinqvix nomen est, excubias semisopitas extemplo oppressas iugulasset, ad Margaritæ Montichia templum ædificiaq;, vbi Sarranarum cohortium statio erat, peruenerint, adorti q; improuiso multos trucidarint, ægrè Smaragdo Parmensi tribuno inexpectatum hostium impetum angustiore in loco sustinente. In Sarra tum fortè ægri & absentis vices gerebat, atq; opem magnis clamoribus excitatis à proximo quoque præsidio petere, & suos magnoperè perturbatos conglobare contendebat. Accidit autem magno casu ut irrupentibus per ædificia Etruscis, et multam cædem in obuios per tenebras edentibus, laqueum cuiusdam castrensis stabulum rivullis postibus aperiretur, indeq; magnus gradus cum ingenti atq; horrifono grunnitu prosiliret, tam graui atque inexpectato impetu per crura militum peruadens, ut oppugnantium ceteras perturbaret, & multo grauior pugnantium atq; opem implorantium strepitus augeretur, & ad ipsum Auranti imperatoris prætorium, & Germanorum castra, tanti tumultus terror dissonus & incertus, cunctis ad arma conclamantibus, peruaderet; atque accurrentium undique auxiliorum accensæ faces, appropinquantisque ipsius Auranti funalia spectarentur; aliquanto hercle maturius quàm Stephanus crediderat. Nam hostes nequaquam ipsius inuadentis impetum, non ante seufuros putabat, quàm duorum tormentorum geminatis horribile tessera his daretur, qui opportunè post contractum certamen in auersa & ad Montichiam vbi erat tumultus properantes, erant erupturi: quum ab ipsa sancti Georgij porta, vbi præparatæ erant Ioannes Taurini cohortes, & à Catellina, Octauiani Signorelli Perusina essent subsidia, quæ erumpendi signum expectabant. Itaque quum ab omnibus partibus ad arma conclamaretur, Stephanus non temerè veritus ne sibi reditus præcideretur, uti antea constitutum fuerat, magni cornus cantu receptui cecinit, multis quidem hostium interfectis & nonnullis etiam equis in reditu captis. Deceptus utique spatio temporis, nec parum præpeditus à porcis, nullo accepto incommodo in urbem rediit; non parua tanto ausu collecta apud ciues gratia, quum ad non inanem victoriæ spem, si pari successu primis iniitijs media respondissent, operam longè promptissimam ea nocte nauasse diceretur. Ab eo noctur-

nae trepidationis periculo singuli hostium duces iubente Aurantio, nequaquam
 aperis in locis, sed novis munitionibus circumductis, se adversus nocturnos
 diurnosque impetus diligentissimè consenserunt, sic ut in posterum audacissi-
 ma gentis vim atque solertiam minimè contemnendam esse declararent. Præ-
 erat Emporio Franciscus Ferruccius Florentinus, novæ militiæ laudem quæ-
 rens, quod Neapolitano bello apud Soderinum proquæstor fuisset, multum-
 que ideo apud Nigras cohortes versatus, reip. fortem operam, ut inde claresce-
 ret, præstare cupiebat. Is Lastram oppidum, quod diximus firmo validū mu-
 ro, iusto tuendum præsidio ratus, quoniam magno usui obsessæ urbi ad suppe-
 10 tendos commeatus iudicaret, eò cum trecentis militibus tres centuriones Mi-
 chaelem Angelum Paranium, Florivantium Pistoriensem, & Octavianū Ber-
 tinorum è togata Gallia ea spe misit, ut eos continuo per ampla tormentarij pul-
 veris copia, & commeatu adiuturū promitteret. Sed cēturiones oppidum va-
 cuum temerè ingressi, confisiq; Ferrucci promissis, dum ea parant quæ ad de-
 fensionem opus sūt, hostes contra se adventare cognoscunt. Aurantius namq;
 hīdem de causis, quòd id oppidum opportunum hosti fore providebat, expu-
 gnandumque censebat, ad id munus Rodoricum Ripaltam cum Hispanorum
 cohortibus è castris misit. Tum verò centuriones, quos antea dixi constantia-
 nimo Hispanos muro scalas apponentes multis vulneratis repellunt. Quare
 20 permotus incensusq; Ripaltā ab Aurantio postulat, ut sibi tormenta muralia
 submittantur. Nec ille petenti deest, mittunturq; cum tormentis muralib. duo
 milia Germanorū, quorū adventū murus quatitur atq; perrumpitur, Germa-
 niq; illac intrare contendunt, dum Hispani ad inferiore oppidi partē scalis rur-
 sus murum aggredierentur. Centuriones deficiente sulphureo pulvere, nulloq;
 commeata adiuti à Ferruccio uti sperarant, animo perterrentur, nec intrantiū
 hostium vim fortissimè sustinent, sic ut abiectis fœdè armis, frustra q; salutem
 deprecantes crudelissime a Germanis trucidarentur. Ab Hispanis verò reliqui
 omnes, qui in inferiore erant oppidi parte, paucis vulneratis caperentur, & cē-
 30 tarios nō iniqua sorte in Hispanos incidentes, dedentesq; se ex quo militiæ iu-
 re, ab his demū se centenīs singulis aureis redimerent. Dum Lastra quateretur
 capereturque iam perditis rebus, supervenerunt auxilia: nam Ocho Montacu-
 tus cum vexillis quatuor peditum è Prato, & Georgius Sanctacrucius, et Ami-
 cus Arsula cum equitibus urbe emissi per Signinum pontem se ostenderunt, in
 quos tantus ab hoste impetus est factus, ut equites citata fuga cōtinuò se eripe-
 rēt eodē pōte et pedites intento cursu evadētes ad Montelupū, naviculis Arnū
 transire cogerentur. Amissa Lastra Florentini quòd, uti supra diximus, Rama-
 zottus cum valida mōtanorum agrestium manu ex Apœnino se demiserat, &
 Florentiola oppidulo, Scarpariaq; castello occupatis, prædatum diversas suo-
 rum manus emittebat, quæ se in Mugellatum agrum usq; ad Vicum pagum, et
 40 illinc dextrorsum ad Barbarinū oppidum effuderant, & eos cōmeatus, qui in-
 ferri obsessæ urbi possent, intercipientant: ut tot malis aliqua ex parte obviam
 irent, Othoni Montacuto imperant: ut Prato copias educat, & operam det, ut
 quos nancisci possit ex his agrestib. opprimat. Secreto etiam monetur, ut Tre-
 biam villam Mediceæ gentis, quæ est medio ferè itinere inter urbem & Scar-
 pariam intret, atq; ibi Mariam Salviatam cum puero Cosmo filio comprehen-
 dat, quod hæc Iacobi Salviati esset filia, apud Pontificem summa auctoritate
 vigentis, ideoque obses paternæ fidei foret, & puer uti populares dicebant, ty-

rannico sanguine progenitus tolleretur. Sed fata quæ consentientibus astris puero Etruriæ imperium destinabant, & vlla humani consilij malignitate præuerti non poterant, ab eo facinore Othonem auerterunt; siue quod suopte ingenio parcendum puero iudicaret, quod sub Ioanne patre nuper ordinis duxisset, siue eam villam valido quorundam veteranorum, & eius vicinæ magno agricolarum numero, quos Saluiata ibi aleret, falso teneri didicisset. Trebia nequaquam adita Otho sinistrorsum deflexit ad Barberinum, vbi nonnullos ex hostibus qui aliquantam pecoris prædam coegerant, improuus opprimeret. facile itaque evenit vt eos profligaret, & prædam relinquere cogeret, atque inde Pratum est reuersus. Sed non multo post Otho in speciem patræ cædis in quendam ciuem Lutherij prætoris alumnum reus factus: re vera autem quod apud Trebiam vt iussus erat, Saluiatam cum Cosmo filio comprehendere noluiisset, & illi opportunè ad Scarpariam oppidum relictus, tacitæ pœnæ loco captus tortusq; est, et inde in tetrum carcerem coniectus: quod octouiralis magistratus inuidiosum fore prospiceret, si de vico fortis nequaquam evulgatæ suspicionis crimine circumvento capitale supplicium sumeretur. Eodem hyemis initio Pyrrhus Stipicianus cum suis cohortibus adoluendam obsidionem Peccioli oppidi in agrum Pisanum ab Aurantio missum cum Florentinis copijs bis improspere conflixit; semel ad turrem quam diu Romani vocant, & iterum ad Martis pagum, qui est inter Palaïam vicum atq; Montopolim. Descenderat è Calphurnianis saltibus in Etruriam Hercules Rangonus, ab Alfonso Atestino cum valida equitum & peditum manu missus (nam is Hercules ipsius Alfonsi principis filij vices gerebat, quem paulo ante Florentini numerato stipendio conductum, eorum milite ducem summum appellarant): verum deterrente Cæsare in Pontificis gratiam, ne huius mitteret Alfonso, quum adolescens Hercules toto eo belli munere subtraheretur, quin copias mitteret tanquam acceptis iam stipendijs Florentinorum sacramento addictas, adduci non potuit. Itaq; Rangonius Ceccoto Tosingo Florentinorum legato adducente, & ex præsidijs Pisanis augente eius copias, Castrum Foroliuensem, cum ala Aurantianorum cataphractorum Peccioli inuentam obsederunt, tripliciq; certamine fatigatum eò plane iam perpulerunt, vt diu hostium vim sustinere non posse appareret, quum aduentu Pyrrhi relictæ oppugnatione perterriti ad Pontaderam se ita receperunt, vt postmodum Pyrrhus excursionem facta magnam maioris pecoris prædam abigeret, & sequentibus diebus dispositis insidijs Ceccotus atque Rangonus cum satis patenti campo adepti immisis cataphractorum turmis facile funderent; quanquam Pyrrhus indomito corporis atque animi vigore aliquandiu fortissimè resistit. Capti sunt tres eius cohortium præfecti, quum multi ex eius peditatu aut cæsi aut vulnerati fuissent; sic tamen vt non multos post dies à Pyrrho, qui apud Castellum Florentinum copias instaurarat, in eundem agrum redeunte a victoribus Hercules cognomento Brasichella Pisani sanguinis egregie fortis fusa eius cohorte apud vicum Furculas interficeretur. Secundo vero prælio (vt diximus) maiore aliquanto accepto incommodo, quum ad Montopolim se recipere posse credidisset, eo euentu profligatus est, vt quum Michael Montopolitanus qui rursus oppidanos a Florentinis rebellantes ad fidem redegerat, e cliuo cum armatis decurrisset, Pyrrhus qui pertinacissimè equestri prælio contenderat, in præpeditam fossam præceps propelleretur, vnde quum ad

salutem nullam sibi opem superesse conspiceret, relicto suo, qui tenaci voragine hæserat, atque alieno repente conscenso equo, fuga se eripuit, quo casu Pal-lota Perusinus & Bartholomæus Spiriteus, nonnulliq; alij clari nominis præ-fecti in potestatem Rangoni devenerunt. Nec multo post sub ipsum brumæ e-xitum magno luctu occupata est civitas, quod duos inclytæ virtutis duces, uno hostilis tormenti ictu amisisset. Nam quum in horti munitione, quam iuxta cœnobium divi Miniati ligneis substructionibus erectam fuisse diximus, Ma-rius Vrsinus, & Georgius Sanctacrucius specularundi prospectarent, è Gira-monte emissa colubrina quæ lateritiam columnam perfregerat, interfecti sunt, 10 quorum mortē eò lugubrius luxit populus, quod eodē ictu accumulatis fune-ribus interiisset Averranus Petrinus, Etruscæ iuventutis formosissimus. Exe-unte anno, qui erat trigessimus a partu Virginis supra mille et quingentos, Car-duccius dictatura se abdicat, quod is honos promulgata lege prorogari nō po-terat, et successor Calen. Januarijs esset ineundus, scil. ut tāta dignitas latius dis-pensata, propositaque ex æquo à pluribus peteretur. Suffectus ei est Raphael Hieronymus, quem è legatione Cæsaris redeuntē elevatis hostium viribus, se-natū in pristina spe tuendę libertatis, sustinendiq; belli prolixē cōfirmasse dixi-mus. Hic nō singulari tantū popularium studio adiutus est, sed mirifica etiam optimatum suffragatione, & præclaro assensu eorū civium, qui Mediceo no-20 mini addicti, honestā pacem potius quā asperū & difficile bellū probarent. Existimabant enim pleriq; cives, Raphaelem nequaquā tanta duritiæ acerbita-teq; qua dudū Carduccius se totum à cogitatione pacis subduxisset, magistra-tum gesturum, quod multis affinitatum necessitudinibus patritio ordini con-iunctus, publicū bonum popularium factioni præferre velle crederetur. Sed eum usq; adeo nova summæ potestatis insignia spe clarioris famę inflaverant, depravaverantq; eius animū quorundā amicorum malignæ cohortationes, ut facile omnium rerū, quæ publicam salutem respicerent, oblivisceretur, & sum-mum decus in obstinatione gerendi belli reponeret: exitioso quidem consilio, cum sibi uti evenit, tum etiam nonnullis alijs qui propter insanā pervicaciam 30 abhorrentes à pace, dignas postea improbitatis pœnas dederunt. Sed dicta-tor ut declinaret invidiam importuni consilij sui rationes honestissimis sen-tentijs atq; sermonibus contegebat, eoq; simulantius, quod dudum apud Bo-noniam singulari cum laude Cæsaris, Franciscum Sfortiam Mediolani prin-cipem restitutum, Venetosq; item, qui Rhavennam & cerviam Pontifici red-derent, à Cæsare ex amplissima eorum legatione in amicitiam receptos didice-rant. Alfonso quoq; Atestinum Ferrariensium principē, qui sub fide pu-blica Bononiam venisset, totam ipsius de Regio Mutinaq; urbibus cōtrover-siam ad arbitrium Cæsaris disceptatoris relaturū: Pontificem verò dexteritate ingenij & longa prudentia in rem suam opportunē prædiū, cuncta quæ vel- 40 let ab ipso Cæsare impetraturum. Propterea Germanos Apœninū transisse, tirones Hispanos descendere in Etruriam, & tormenta maiora per Apœninū superatis asperrimis saltibus transvehi ad mœniā à duplici loco ferienda ape-riendaq; postquam nihil adhuc Aurantius è sua parte murum maioribus tor-mentis pertentasset. His adversis famæ rumoribus cives in universum admo-nebantur, ut maturē æstimatis periculis æquam pacem aspero bello facile præ-ferrent, ob id iam in coronis detestabantur id Carducci consilium, quo dele-ctis legatis, atq; his diu retētis, et postremo sine mādatis publici decreti missis,

Pontificem non impudenter modò elusissent, sed noua contumelia plurimū exacerbassent. proinde aduenisse tempus credere, quo legati mitti ad Pontificem deberent, quando Cæsar à nemine quàm ab ipso Clemente exorari posse crederetur, neq; ob id vllò piaculo ciuitas offendi posset, si à sacrorum principe ciueq;, quem alias non inhumanum, sed beneficum experti essent, supplices iustam peterent pacem, eoq; demissius quòd eam necessitate potius quam voluntate expressam peti appareret, ab his qui diuersis obfelli castris, & à Gal-
lis deserti, neq; à Venetis adiuti, nullā præterquàm à Dijs immortalibus opem expectarent. Quo fremitu populi adductus Raphael, quanquā cuncta eius consilia ad bellū essent destinata, vt certius ciuiū animos exploraret Nonis Ianuar. vniuersum concilium indixit, vt liberis suffragijs decerneretur, mittendi nec essent legati ad pontificem. Coiuere mille et sexcenti homines, atq; in suffragium iuere, vsq; adeo in id decretum propensis animis, vt mille supra trecentas annicoloris fabas numerarent, eorum scilicet qui probassent, reliquorum verè albæ a bonis ciuibz irriderentur. Quod aduerso inopinatoq; suffragiorū euentu fractus atq; deceptus Raphael astuta præclareq; nefaria prævaricatione vñs decretum fieri vetuit, reiecitq; ad peculiare consilium octoginta virorum, quod id Consilium explorandæ tantum voluntatis, non conficiendi decreti causa vocatum, impudentissimè decepta republica iudicarunt. Hac actione dictator præclare exitit popularis, & sicuti apud bonos ciues intempestivæ atq; leuissimæ improbitatis notam subiit, ita apud populares, quos vulgo ab infanabili pervicacia rabidos vocabant, mirè laudatus est. Alteram quoq; minoris inuidiæ labem suscepit, quum postulanti Malatestæ sceptrum & vexillum lupremi militaris imperij insignia, atq; ornamenta, altera eius inchoati magistratus actione concessisset, contradicentibus multis, qui supremi imperij potestatem nondum planè explorato eius hominis ingenio, aut cautè, aut nunquam tribuendam censerent. Multa nanq; in ea republica, quæ tota popularis euaserat, rapidè & inconsultè fiebant, quæ sæuitiæ labes præcipuè apud rabidos & turbidos eius factionis, tanquam necessaria probabatur: nam capitale erat obloquētibus de eo Reip. statu, aut quoquo modo cōplectendæ pacis mentionem inducentibus, siquidem vel leuissima suspicione rei maiestatis facti testinato supplicio plectebantur. In his fuere Laurentius Soderinus, quòd literas accepisset à Baucio Valorio, qui in castris prolegato apud Aurantium Pontifici operam præstabat. Iniecto siquidem laqueo é fenestra latronum more præcipitatus est, & Ficinus Marsilij clarissimi philosophi nepos, quòd Cosmum Medicem, à quo vrbs admirandis ædificijs, templisque præcipuè esset adornata, iustum patris patriæ titulum meruisse dixisset, abscisis à carnifice ceruicibus, stulti proloquij, quanquam non inepti, pœnas dedit. Carolus quoq; Cocchus, quòd in corona dixisset æquum esse, vt in libera ciuitate cuncta belli & pacis consilia per omnes ciuium ordines dispensarentur, vt vno consensu ciuitatem liberam & libertatis iura tuentem sentirent & agnoscerent, intempestivæ sententiæ, quanquam non iniquæ, capitali supplicio pœnam subiit: sic vt nec cucullato Franciscani ordinis, cui Rigogolo cognomen fuit, peperciant, quòd Pontificem alloquutus fuisset, imposito maiestatis crimine, quasi tormenta apud diui Miniati templum collocata clavis per spiramenta indicis configere cogitasset, in ipsa cuculla miser sacerdos decollatus est. Quin etiam ab in-
temperanti odio in Mediceos, quod ciuitati maximè pudendum, & hostibus
pariter

pariter ridendum fuit, Antoniū Carasullam à veterē infania non infusum motionem, Mediceæ domus familiarem, in eum carcerē, qui Stincus appellatur, duci iusserunt, quod perambulando urbem, vociferandoq; comitantib; et arri dentib; pueris, decuriones & ædiles dixisset nunq̃ recte annonam curaturos, nisi Mediceorum instituta ad memoriā præsentemq; usum revocarent, qui vili pretio commeatū omnis generis coemendum in omnib; foris proponere consuevissent. Sed Carasulla quum traheretur à licitoribus subinde dixerat (quod diuturnæ ei calamitati fuit,) Neque vos apparitores, qui me invitū perducitis, propterea minoris pretij emptam, quam sesqui aureo nivei panis heminā comedetis. Nam tum maximè annona creverat, & magna obsoniorum in urbe penuria esse cœperat, ita ut milites opimi aliàs convictus consuetudinē, ut stipendijs parcerent, ad Etruscā frugalitatem redigere cogerentur. Iam sese aperuerat annus, & vere novo utrinque milites segnitiam torpida hyeme conceptam, ita corporibus atq; animis discutiebant, ut minutis prælijs quotidie certaretur, & Florentini nihil intermittebant, quin circa urbē institutas munitiones perficerent. Nam sicuti suburbana ædificia, quæ tot sæculis condita à singulis portis extendebantur, miserabili consilio funditus everterant, antemurales pro portis aggeres extruebant, tormentis atq; prælijs impositis, ne alicunde hostis ex propinquo tormenta subvecturus atq; oppugnaturus sese insinuaret.

Termentorum namque omnem apparatus, qui per Apennini iuga, præaltasque crepidines asperrimarum vallium advehebatur, in plana ad Campum mutuum oppidulū pervenerant. Huic præsidio erat Petrus Velleius cum septem tironum Hispanorū cohortibus. Is totus apparatus qui genere, magnitudineq; & numero erat admirabilis, atq; ideo hostibus metuendus, magno fabrorū labore reficiebatur, quo iniquissimo itinere luxatis currubus & perfractis rotis, in præsens usui esse non poterat. Quibus de rebus fiebat, ut Florentini Pratum oppidum ultro desererent, & ad famam tanti tormentorū apparatus, magnus agrestium & novorū militum numerus ad Cæsariana castra conflueret spe prædæ siquidem allekti non dubitabant, quin ad motis tormentis urbs caperetur, & singulari tot gentiū obsidentium letitia diriperetur. Ob eandem causam Hispanorū vexilla septem, quæ Cæsare à Bononia in Germaniam profectiōē pariter sequi noluisent, proptereaq; iussu irati Cæsaris privati stipendijs, et cū ignominia à Vastio dimissi fuissent, sub Fesulano mōte cōfederant, ita occupatis pulcherrimarum villarū ædificijs se permuniverant, ut undiq; prædatū irent, & urbe egredi excurrereq; ausis è superiorib; locis insidiarentur, sic ut nemo lignatum prodire auderet sine certo militari præsidio, ut tum accidit quum lignatoribus Cruciana porta egressis, quæ tutiorem, quod esset maximè aversa hostibus, egressum habere videbatur, cruentæ conferendæ pugnae occasio præbita est. Ibatur namque secundum Arni ripas, & lævorsum in eos campos, qui à

cœnobio sancti Salvij plana vocantur, ubi ante ducentos annos Henricum Cæsarem Florentinos oppugnantem castra posuisse memorabant. Exeuntium autem peculiare munus erat succidere passim virgulta, atque his fasces conficere quibus in cōstruendis aggeribus ad continendas glebas intermiscendo & coequando uterentur, simulq; iumenta quædā maioris pecoris, quæ ab agricolis in urbē coacta fuerant, in herbidos campos pastū educerent. Secundum hos bingerternæque militum cohortes præsidio ibant, ex militibus, qui ea de causa in urbe certis locis erant collocati, ut extraordinario munere, ubi opus foret, operā

navarent. Eo die id munus obvenit Anguilloto Pisano, & Frâncisco Bardo Florentino. Pisanus propterea quod à Roscio sub quo ordines ducebat, paulo ante è castro, quod nunquã antea acciderat, in urbẽ transfugisset, ipsi Roscio ita erat invisus, ut Aurantiũ iudicio turpissimę necis exitio destinaretur. Fortẽ autẽ ex-euntibus porta cohortib. eius vexillum conspectum notatumq; est à Casari-
 nis, ipsoque præcipue Roscio, qui trans Arnum è collib. cuncta prospiciebant. Nec mora Roscius Aurantium adit, occasione opprimendi Anguilloti adesse docet, si Arnum traiciat, & frequenti atq; expedito equitatu vagos hostes pa-
 tentib. campis adoriatur. Probat consilium Aurantius, accersitoq; Ferdinan-
 do Gonzaga, & subsequentib. multis ducibus atq; præfectis, intra tertium la-
 pidem contra Rapazanũ pagum, reperto vado traicit, bipartito hostes invadi-
 imperat. Ipse ante alios galeatus patenti strata via defertur versus portam, reli-
 qua manus ad dextrã latiore flexu concitata hostes circumdat. Itaq; præciso feri-
 in urbem reditu Anguillottus frustra composito suorum globo præliatur, equi-
 tes undiq; confurgunt, peditatumq; eius serò fugam meditantem consequun-
 tur, prosternunt, lateq; trucidant. Ipse ingēti ictu clavę ferreæ caput percussit,
 quum Ferdinando Vitello Neapolitano equitum præfecto se dederet, nec ulli
 agnitus ab eo reciperetur, quod Vitellus eum ad subeundam perfidiã carnifi-
 ci tradere infame sibi fore testaretur, Ergo, inquit, Anguillottus patere, ut hoc
 a te impetrem viro forti, scilicet ut tua potius quàm carnificis manu concidant,
 atque ita vir alioqui strenuus, quodam liberali misericordiæ genere, singula-
 tus à Vitello occubuit. Eius verò signifer Cicchus Buteius qui una transfo-
 gerat, quum iam deditus & captus esset, manu ipsius irati Rosci per illa trans-
 fossus interiit. In Franciscum verò Bardum humanius res gesta est: nuntius
 cum sua cohorte penè tota captus, & persoluto redemptionis pretio dimissus
 est, quum milites armis tantum exuerentur. In eo improvisæ equestris præ-
 cellæ strepitu Ioannes Vinciũ, portæ custodiæ cum sua cohorte præpositus,
 quod esset Anguillotto familiaritate coniunctus, opem ei ferendam exstima-
 vit, desertaque porta ad Salviana usque plana progressus est, spectator edacæ
 cædis potius quàm non serus circumventis & oppressis adiutor, magno quo-
 dem salutis suæ periculo: quoniam Malatesta è monte prælii commissi tumultum
 cernens, gravioresq; impetum inde facturos hostes putans, cum Zano-
 bio Bartholino ad Crucianam portam advolarat, quam ubi desertam custodia
 reperit, magno iræ impetu accensus, invehiturque in Vinciũ temeritatem, la-
 queum paravit, quo rediens Vinciũ in porta suspenderetur. Sed is quum iam
 rediret de adventu Malatestæ atque eius iracundiã admonitus opportunè re-
 celsit in Salvianum templum, conscensaque sacra turre tam diu delituit, donec
 Malatestæ ira deferveret, ignominia tamen propter admissum summi pericu-
 li facinus adempta ei est portæ custodia. Cæterum Aurantius Anguilloti & si-
 gniferi eius cædes satis expiatum eius transfugium ratus, nihil se ulterius promo-
 vit, atque eodem amnis vado in castra reversus est. Nec multis inde diebus ex-
 tra Pratensem portam equestri prælio certatum est, quum forte Aurantius &
 Vastius explorandi loci causa cum ala equitum amnem transissent, apud eum
 vicum qui Lignarius appellatur, melopeponũ fertilitate insignem. Non enim
 longè ab eo vado munitio quædam perducebatur ad Germanorũ castra, quæ
 non multum inde aberant. Ab ea nanque parte mœnia latè speculati tanquam
 infirmiora expugnationi destinabant, ad eosque acciti propter eandem cau-
 sam

sam Petrus Velleius, ipseque Ludovicus Lodronius, quem in loco Felicis Vi-
 tembergi discedentis Cæsar Germanis præfecerat. Hi omnes quum explicatis
 & discurrentibus turmis è summo portæ propugnaculo extra tormenti ictum
 prospicerentur, atq; ad eam portam Malatesta decurrisset, ipsius iussu Iacobus
 Bichius Senensis, quem Neapolitano bello inclaruisset diximus, in procursan-
 tes Hispanos repentinus erupit, nobilisq; à solis equitibus pugna edita est: nam
 sapius instaurato impetu cum utrinq; crescentibus auxilijs novæ turmæ pu-
 gnam capefferet, adeo acriter dimicatus est, ut unus ante alios Bichius albican-
 te crista conspicuus promptissimè dimicans, vel ab hostibus impense lauda-
 10 retur. Eo ardentis pugnae spectaculo ipsos Aurantium & Vastium in certa-
 men allectos atq; protractos ferunt, quod Vastij hasta corolla serica ad cuspi-
 dem redimita: illius verò pileus è purpureo serico villosus turbinatus, a pleris-
 que noscerentur. Sed eum pugna habuit eventum, ut Bichius pressus multitudi-
 ne incumbentium hostium inaturre nec indecenter se recipere cogeretur, re-
 ceptusque intra portam cum galeam aperuisset, honestissimis accumulatis
 laudibus à Malatesta commendaretur. Eo die tanquam ex condito tor-
 menta quæ erant trans Arnum Olivetano in podio collocata, & quæ erant
 in superiore portæ propugnaculo cessaverunt, ut equitum virtus lætius &
 tutius utrinque spectaretur. Sed Bichius non diu ea laude honoreque læ-
 20 tatus est, quum intra paucos dies præstandæ operæ cupiditate incensus ab
 eadem prodijisset porta, vel negante Malatesta, ut ad eam quam diximus à Ger-
 manorum castris ad Arnum usque perductam munitionem excurreret, scilicet
 ut aliqui eo vado comiteatū in maiora Aurantij castra devehentes subito incur-
 sa interciperentur. In eum siquidē equo albo vectū, hostes ab Olivetano aggre-
 re falcone direxerunt & contorserunt, cuius pila dextrū ei crus abripuit, perfos-
 so & cadente equo, sic ut semianimem nonnulli equitum in pedes desilientes
 sublatum intra portā cum multo luctu referrēt: neque eo mortuo quisquam e-
 quitum æquē fortem operā postea Reip. præstasse visus est. Interim Florentini
 tot fortissimis intra paucos dies ducib. infelicitè amissis, crescentibusq; in dies
 30 hostium viribus, ac undiq; desperatis auxilijs graviter affecti, quod difficiliora
 sensim cuncta sibi obventura prospicerent, ita suspensis animis honestæ pacis
 nomen complectebantur, ut iterum de mittendis legatis mentionem inducere-
 rent. Rebantur siquidem ipso Cæsare nondum Bononia profecto, æquā à Pon-
 tiſice pacem se facile impetraturos: quoniam Clementis animus vel tot exulce-
 ratus ipsorum contumelijs, cohortante Cæsare, non inani Christianæ pietatis
 verecundia, & civili quodam pudore leniri expugnariq; posse videretur. Sed
 ad eam rem toties frustra actitatum, quum quisq; gravissimus senator facile re-
 curreret, nemo tñ quid in arcano animi sentiret, in consilio publico atque ipsa
 curia liberè proloqui audebat, propterea quod plerique cives privato adducti
 40 periculo pulicam salutem potius negligendam q̃ odium irritatis popularibus
 periculosa cum laude parandum iudicarent, tanto consensu ut quum mustarēt
 omnes, libertas ipsa non media in urbe quæ hoc inani titulo gauderet, sed in se-
 natu maximè quæreretur. Verum non defuit in Repub. honestissimus iuve-
 nis, qui eam animorum consternationem malo publico inter cives obortam,
 gravi facundia detestaretur, atque discuteret. Is fuit Philippus Melior proba-
 ore, uti sibi licebat, quod esset iuxta tribus collegij signifer, è suggestu apud
 senatum frequentissimum in hanc sententiam loquutus est: Sæpenu-

mero audiui, cives optimi, ab his natu maioribus qui auctoritate prudentia in hac civitate maximè valuerunt, nihil in ipso imminentis periculi limine permittiosius esse longa deliberatione, quæ exiguo temporis spatio circumscripta rectè sentiendi atq; opportunè agendi facultatem eripiat. Quandoquidem magno sit usui celeriter explicare & terminare consilia, quum necessitas urget, & in medio discrimine salutis ultima remedia deposcit. Propterea sicuti prædare video animadvertoq; extrema nobis consilia incumbunt, vel ob id tractatu atq; explicatu duriora, quòd nullum mox ubi semel statuetueris salubrem habean receptū, unde afflictis & difficillimis rebus nova subsidia quaerantur. Alia namq; atque alia in consulendo disputandi & decernendi ratione uti oportet, quum occasionum & temporū singula momenta sapientes facile respiciant. Nam sicuti initia suscipiendarum & gerendarū rerum prolixè differendo, maturè apteque expendere, & media astrictius perfinire decet: ita demum ultimum expeditis sententijs claudare, nec ullam quum maturè factò opus sit aggrediendi rei occasionem elabi sinere, saluberrimum existimatur. Disputatur hodie diverso consultantium studio, num è Repub. videri possit, si in hoc asperitatum rerum statu positi, legationem ad Pontificem decernatis, qua si optanti cet non iniqua conditione ea petatur pax, quam ab initio Cæsar negavit, illam eam Pontifex consentiret. Primum omnium non video cur decernere neque legatos in salubre sit, vel quòd ad dignitatem pertineat, parum decorum: quandoquidem nihil melius, nihilque honestius esse possit huic civitati, quam animos sicuti bello invictos, ita à communi concordia non abhorrentes ostendisse. Optandum enim est ut hi qui nos pervicaces potius quam fortes, impetunæque infantiæ vela inflantes appellant, non semper obstinatè pertinaces & imprudentes existiment, qui à bellicosissimis gentium prope omnium copis diu obsessi, pressique his malis quæ diuturnum affert bellum, sæva armorum pati incommoda quam de concordia cogitare malimus. Nam præterquam quòd mittere legatos & de concordia æquis condicionibus agere minime pendendum est, quum ad supremæ fortunæ potentiaque principes mittantur, etiam nobis non erit inutile cum Pontificis, tum Cæsaris intimos sensus penetrasse, & quòd plerunque frequentibus colloquijs evenit, ad abdita eorum consilia exploratius penetrasse: quandoquidem de compositione æquis conditionibus agendo, nihil de nostro iure depereat, quum nullam omnino pacem de his simus accepturi, nisi ea tuta honestaque sit, & integra libertatis iura discretissimè nobis reservet. Hoc enim legati qui non sint gravissimarum rerum imperiti, sed fideles probiq; senatores, sicuti vos diligentissimè lecturos arbitramur, ante omnia cavebunt. Neque putarim, nisi me studium & amor erga patriam fallunt, Clementem tam adversum à patriæ pietate, Christianisque legibus fore, ut quum iam agerrimè tot sumptuum pondera sustineat, nihil nobis deracundia sua veteri, tristicique severitate remittere nolit. Quòd si ille etiam atque etiam obduret, nec Cæsar ipse quum in Germaniam cogitet proclivi ad concordiam ingenio sicuti suspicari licet, hoc bello se explicare velit, nec proinde ad pacem inclinè, nos certè hoc supremo legationis officio dignitati tamæque nostræ satisfecerimus, atque eò alacriter & fortiter, quo nostra pietas & fortuna urbis ducat, ire contendemus, sic tamen ut extremos belli casus ultro minimè subeundos existimem, si pius erga patriam, nec omnino insanus civis esse velim. Nihil enim magis miserum & calamitosum nobis esse potest quam

quorundam consilium, qui nefaria crudelitate potius Saguntinorum & Campanorum exemplo, quum saluti suæ impiè diffidant, una tecum universam civitatem miserabili exitu interire, quàm quoquomodo incolumem servare percipiunt, secus aliquando avorum nostrorum memoria Vbertus Farinata, vel hoc uno tantū generoso animi decreto civis æternis laudibus attollendus, qui vinci exilioq; mulctari, quàm ad excidium florentissimæ patriæ cum factiosis nefarijsq; civibus conspirare maluerit. Perorante Philippo non dubitavere patres, quod eius oratio tanquam à moderato, nec harum vel illarum partium vive profecta videbatur, quin legatos omnino mittendos decernerent. Sed ea
 10 præpedientium malignitas fuit, ut non hi quos negotij magnitudo flagitabat, sed levissimæ alioqui authoritatis, verum egregiè populares homines legerentur. Hi fuere Aloysius Soderinus, qui nihil usque adeo gravi negotio dignum abuserum præter familiæ nomen præferbat, & Andreolus Nicolinus assiduus & diligens potius mercator quàm senator, atque item Robertus Boncius, quem iam pridem Thomæ Soderini socii propinquitas quominus enixe concordia studeret, maximè suspectum faciebat. Hos ubi Bononiam pervenerunt, Pontifex quod nec satis dignitatis, nec satis industriæ, sinceræque voluntatis & fidei in his conspiceretur, adeo contemplit, ut effusè rideret, quod ad se pro eximijs senatoribus mercatores, nec primæ quidem clasis de
 20 Florentia misissent. Nam quod ad elevandam legationis existimationem maximè pertinuit, apparitores ministrique vectigalium Bononiensium, in ipsorum sarcinis nexi auri-filorum ad telas aureas texendas, magnam vim mercimonij causa, ut portorium subterfugerent, deprehenderant. Quæ calliditas in neptæ negotio longè gravissimo, tanquam involuta tenuissimi lucri sordibus, eo validius ridenda fuit, quod nihil certi ad conficiendam pacem prolatis mandatis attulissent, atque ita Clemens ridente etiam Cæsare, mercatorum avaritiā atque imperitiā in maximarum rerum consilio periculoque, ad exiguam lucipem revocatam stomachatus, sic pertinaciam insanix proximam exprobraret, ut inde non obscure explodi dimitterentur. Vbi verò domum sunt reversi,
 30 quod nihil omnino pepigissent, tanquam patriæ dignitatis egregiè memores atque constantes, ab ipsa factiosorum multitudine laudati celebratique sunt, gementibus bonis civibus, qui desperata concordia nullum nisi maximè funestum belli atque obsidionis exitum expectabant. Nec multos post dies ab insigni generosoque certamine Florentinorum quatuor iuvenum inexpectatæ celebratis spectaculum est editum, quum Ludovicus Martellius inter cives nobilitate insigni, ac corporis & animi vigore florentissimus, Ioannem Bardinū pari virium ac ingenij robore præstantem, quod in castris apud hostes esset, ex provocatorio libello hostem communis patriæ compellasset, proptereaq; eum ad singulare certamen devocasset in arenam, ut ibi Marte iudice uter ipsorum
 40 honestiorem causam tueretur, ostenderet. Conditionem non abnuī Bardinus, dixitq; ei si Martellius sibi ascisceret in eam dimicationem focium, ei se parem hisdem instructum armis in stadium producturum, atque ita Martellius Danthem Castellionum præferocem ex tota iuventute virum delegit, cui à Bardino oppositus est Albertinus Aldobrandus vix dum pubescens immoderati spiritus juvenis. Aurantius iuxta castra locum eis sub publica fide funibus circumseptum, triumq; gentium præsidio vallatum certantib. præbuit, quū pari numero è Germanis, Hispanisq; & Italis delectæ cohortes, pugnares simul &

spectantes ab omni iniuria defenderent. Arma fuere singulis singuli militares
 gladij, neque aliud tegumentum præter unam in dextris ex lorica ferrea chi-
 rothecam. Dantes cui sorte ducta par Aldobrandus obvenerat, quanquam
 circa brachij dextri nervos primo congressu grave vulnus accepisset, hostem
 in se infano procursu ruentem ea impavidi animi firmitate sustinuit, ut ambu-
 bus manibus gladium prætendens, in os incumbentis insereret, eumque eva-
 mentem cum sanguine animam extemplo conficeret. Contrario eventu pu-
 gnabat Bandinius: nam alternante fortuna Martellio supra oculum vulnus
 inflixerat, admirabilique iudicio & gladiatoriae artis peritia hostem eludens,
 adacto supra costas gladij mucrone victum & deditum fateri coegerat. Sed in
 Martellium relatum intra urbem usque adeo gravis ex adversa sorte certami-
 nis occupavit dolor, ut angore potius animi quam vulnerum dolore mortem
 accersisse crederetur. Id certamen sicuti eximiam virilis constantiae laudem
 Bandino peperit, ita Danti par ferè decus attulisse videbatur, quanquam ille
 detractis spolijs, planeque integer & omnis expers vulneris gloriose victo-
 riae suae trophaeum præferret, & spectatores præclarum totius belliomen ac-
 ciperent, quod victis pariter atque victoribus non omnino lætum finem fu-
 turum arbitrarentur. Ab hoc alterne cædis singulari certamine Florentini va-
 rios in coronis serere sermones, accendi tamen ferè omnes ad sustinendum
 gerendumque bellum, tanta obloquendi libertate, ut non milites modo, sed et
 ducem quoque ipsum Malatestam nimis longæ atque importunæ cessatio-
 nis convitio perstringerent. Non enim mœnia vigilanter tantum defendenda
 videri, sed audacibus consilijs erumpendo laceflendoque aliquam recessen-
 di hostis in spem universæ victoriæ occasionem aperientem esse discubant.
 Viros quippe fortes & pro libertate pugnantes, nullo vel difficultum rerum
 periculo terreri debere, quominus fortiter audeant, & tentata sæpe dubij Ma-
 tis fortuna non constantiae modo, sed vividæ virtutis famam ardentissime de-
 fendendam demonstrent. Non eandem siquidem esse obsessorum & obsiden-
 tium conditionem, obsessæ namque urbis opes ab immodicis stipendiis in
 sumptibus sensim atteri, absumi interim commeatus, et spes omnium infirmari
 ri, quum ex adverso obsidentibus nihil earum rerum omnino sit defuturum.
 Qua spe freti hostes nec admoveere tormenta audeant, nec murum usquam
 tentare velint, quod perpetuas promptissimorum militum & civium cohore-
 tes fulgentibus per muri coronam galeis atque thoracibus perpetua in statio-
 ne conspiciant. Proinde ad existimationem cum externi præsidij, tum urbane
 militiæ tuendam, omnino conandum esse aliquid valida eruptione, ne mili-
 tum torpescant manus, studiaque populi languescant, et hostes cum viris lon-
 gè fortissimis æquissimæ causæ nomen tuentibus perpetuò se dimicatu-
 ros intelligant. His sermonibus non obscure offendeantur militum animi, uni-
 versum totius suæ rei censum ad unum decus bellicum referre soliti. Sed multo
 magis hæc evulgata intemperanter Malatestæ nomen lædebant, ita ut non o-
 mnino devotanda existimaret, palamque diceret, nequaquam ea ratione qua
 imperitus populus censeret, sed ea qua probus nec incautus imperator utere-
 tur, urbis salutem defendendam, atque ita vociferando intempestivas populi
 voces redargueret. Sed idem decurionum, reliquorumque magistratuum erat
 sensus, præcipuaque omnium experiendarum virium voluntas: quam quum
 dux prudens frustra improbando damnandoque diutius sustinere non pos-
 set,

set, postulansibus militibus, ut id impetrari pateretur, eruptione certare constituit, severe proloquutus ad id se invitū trahi, quando hostium munitiones non modo non expugnari, sed nec sine maximo detrimento tentari posse testaretur. Existimabat Malatesta nequaquam absurdis rationibus impetum ad castra Hispanorum esse faciundum, ut acerrimæ & pugnacissimæ gentis vim experiretur, opinionemq; de eorum virtute latè conceptam aliquo illato detrimento apud Italicos milites elevaret: quod accidere posse rebatur, si tribus uno tempore prælijs trina eruptione facta eos munitione loci confisos, & nihil tale timentes adoriretur. Neq; enim antea Hispani superioribus prælijs ad Giramontem factis sese immiscuerant, nisi per extraordinarios excurrentium manipulos: quoniam diversissima in parte essent constituti. porta namq; divi Georgij, quæ est in excelsa collis supercilio iuxta editissimum aggerem, quem Amicus Venafranus suarum cohortium peculiari præsidio tuebatur, Hispani longo tractu occupatis villarum ædificijs usq; ad Olivetani cœnobij montem extendebantur, despiciebantque urbem e perpetuo colle, eoq; præsertim, cui Scopero nomen est, & divi Donati templum habet, adeo Catelinæ portæ ex propinquo imminentes, ut muri corona colli subiecta, non plus quam ad teli iactum distet, sic ut perpetuis munitionibus obsessa Romana via à Catelina porta, & Pisana item via, quæ initium habet ab ipsa Fridiana, quæ occidentalis est, cuncta complecterentur: ipsis porro Hispanis in tergo ad meridiem Germanorum castra apud Auranti prætorium essent, & Italicæ cohortes ad diversissimam ab oriente divi Nicolai portam iuxta Arnum perpetuis custodijs obtinerent. Cæterum Venafranus, qui à suo latere Hispanos aggredi distine-
reque iubebatur, imposito muneri adesse non potuit, quū forte eo die à Stephano Columna propter contemptum superbis verbis sui nominis decus infra Miniatum templum fuisset interfectus. Neq; enim signifero sui præfecti inopinata cæde perterritus animus fuit invadendi hostis, qui in Venafrano excelsus proculdubio, & maxime efficax futurus sperabatur. Sed Malatesta nihil eo casu permotus Catelina porta Octavianum Signorellum inter Perusinos præfectos nobilitate virtuteq; facile principem erumpere iubet. Hunc consequantur pugnacissimi minores duces, Binus Mancinus, Blasius Stella, Raphael Orbetanus, Prosper Cornea, Marguthes Piccininus, Caccia Altovitus, Hadrianus Cauda, & Paulus Corsus, qui intrepide strata via inter procellam glandium dextrorsus evadentes, in collem cum Hispanis terribile maximeq; tunc certamen contraxerunt. eodemq; puncto temporis à Fridiana porta erupere cum suis cohortibus Bartholomeus Montanus & Rodolphus Asilius, qui in lævam flexi ab Olivetano monte cum Hispanis à tergo sese ostendentes ingenti ausu, impressioneque novam iniere pugnam, sic ut Hispani & in fronte sustinere hostem, & in tergo ancipiti periculo dimicare cogerentur.

40 Sed his magno fuit præsidio Baracanis Cantabri mira constantia, qui eo die solertissimi ducis, & fortissimi militis munia implebat. Nam cohortatus est suos, ut impigre consisterent, inveteratæque virtutis ante partum decus adversus collectitios milites, urbanamque turbam tueri veilent. Itaq; coeuntibus ad vexilla undiq; Hispanis, & sclopettis egregie rem gerentibus, adversariorum impetum constantissime sustinebant, tantusque erat sclopettorum strepitus, & tantus volitantium glandium stridor, ut multi undiq; caderent, & longè promptissimi, qui intrepide pugnam capellerent, vulnerarentur.

Ad eum ardentis praelij tumultum excitus imperator Aurantius proximas Italico-
 rum cohortes Andreae Castalij laborantibus Hispanis subsidio mittit,
 tormenta produci displodiq; in hostes iubet, & Germanicam phalangem in
 ipsa Romanae viae latiore area constituit. Ferdinandus quoq; Gonzagalevis
 armaturae equites inter Marignolae pagi campos, & Scopetum montem indu-
 cit, ita ut amplissimi iustiq; praelij apparatus, & à castris, & ab urbe conspice-
 retur. Nec Malatesta quanquam infirmo atq; imbecillo corpore, animo tamen
 adversus pericula indomito, & egregie provido, laborantibus suis decras, quā
 opportunè fessos & sauciatos reciperet, & novis atq; integris cohortibus pu-
 gnam saepius instauraret, quando nulla ex parte Etrusci vel in summa loco-
 rum iniquitate quicquam Hispanis de virtute concederent, donec Baracae
 glande traiectus occubuit. Nam tum Etrusci veluti redintegrata victoria spe
 ardentius incubuerūt, sic tamen ut pari propè virtute Rodericus Ripalta, Ma-
 cicaus, & Buccanigra mirificè resistentes Etruscos sustinerent, & mox acce-
 dentibus Neapolitanis Castalij vexillis, loco pellerent, & per deiectus mon-
 tis summos urgendo deturbarent. Quibus suorum atque hostium casibus
 animadversis Malatesta, quod multi cecidissent, plurimique essent vulnerati,
 receptui cecinit, atq; ita nihil iam tormentorum muralium metu, persequen-
 tibus Hispanis praelium diremptum, quo nullum eo bello cruentius editum fu-
 isse constat. Nam utrinque quingenti fermè milites ex fortissimorum numero
 desiderati sunt, multi porro vulnerati mortiferis glandibus. Ante alios autem
 Octavianus Signorellus, quum se recepisset ad portam, & fessus longo prae-
 lio equum conscendere vellet, crassiore ictus glande occubuit, & secundum
 eum medio in certamine interfecti sunt Fantaccius Corsus, & Giubbonarius
 Ferrariensis eximiae fortitudinis cohortium praefecti, atque item Ludovicus
 Machiavellus Nicolai Florentinae historiae scriptoris filius, quum cohortis
 signum gestaret, Petrusq; Pactius eximiae nobilitatis civis. Septem quoq; clari
 nominis centuriones graviter vulnerati discesserunt. Apud Hispanos autem
 praeter Baracanem ipsum Cencius Neapolitanus Castaliae cohortis praefectus,
 dum laborantibus suis opem ferret, interfectus est. Multi autem & in his duo-
 signiferi mortiferis vulneribus affecti sunt. Malatesta in urbem rediens Octa-
 viani mortem, & totum eius cruentae pugnae detrimentum, eo animo vuln-
 ferebat, ut renidenti fronte obvios interrogaret, an cupiditati ipsorum incon-
 sultè pugnam poscentium planè satisfactum putarent, postquam quantum
 posset loci iniquitas, & quantum veterani externiq; militis dextrae valeret,
 facto periculo didicissent. Tantū verò abfuit ut hoc irritum adversoq; prorsus e-
 ruptionis conatu, vel civium vel militum animi perculsi aut imminuti sint, ut
 cōstans opinio vulgaretur, Etruscos, qui praestantissimis animis eruperāt, ex-
 cellentiq; virtute dimicarent, aut insignem victoriam relaturos, aut singulare
 detrimentum non Hispanis modò, sed reliquis etiam hostibus illaturos fuisse, 40
 si ab altera parte sicuti fuerat constitutum, Venafranae cohortes erumpendo
 parem operam praestitissent, nec subeuntium è reliquis duabus portis acerr-
 imum initioque felicem ascensum, una potius locorum iniquitas, quàm ho-
 stium virtus importunè retardasset. Quo animorum habitu fiebat, ut cives
 neq; praclarius studium ostendende virtutis in praesidiario milite requirerēt,
 neq; in Malatesta efficacioris animi atq; operae officia desiderarent, quando il-
 lis, qui pro dignitate Etrusci nominis dimicando ceciderant, decreto publico
 iustus

iustus exequiarum honos haberetur, & dux amplissimis honestaretur laudi-
 bus, vel ob id præsertim quod certissima ratione usus, ea quæ parum secundè
 evenerant, rectè providendo præsensisset. His de causis quod instantia ad cer-
 tum diem stipendia nisi ingrati viris fortibus, & de Repub. benemeritis pro-
 trahi nequirent, dictator ab inopia ærarij, & quod iam esculentorum rerū gra-
 vis penuria sentiretur, perturbata mente, elisaq; penitus religionis & pietatis
 ratione, ad id decretum, quod antea à Carduccio inductum fuisse diximus, in-
 vidiosum utique bonis omnibus atque nefarium descendit, quod è fanis cuncta
 donaria tolli atq; divendi iubebantur, inter quæ præter auream crucem præ-
 grandibus gemmis ornatam, quæ erat in delubro divi Ioannis, etiam fuit mi-
 tra illa insignis pretiosissimis redimita gemmis, à Leone Pontifice pari libera-
 litate templi maximi altaribus dicata consecrataq;. Sed nemo ferè reperiebatur
 qui ea ornamenta profanis manibus attrectare vellet, & Bernardus Baldinus
 gemmarum estimator peritissimus, id impij nominis officium se præstare pos-
 se pernegaret, nisi alienis manibus violato sacrario detractæ gemmæ ipsi æsti-
 matus proferrentur. Sed in mora non fuit Leonardus Bartholinus ad id à
 Raphaele missus, qui impia voce, uti erat omnis religionis contemptor, sacra-
 ri armaria sublati avidè donarijs, vel in horrescente trementeque ædituo per-
 fregit. Per eos dies magna Decemviros incelsit cura de retinendis, defenden-
 disq; ab hoste Volaterris: nam eius civitatis animos alioqui fideles, suspectos
 habere cœperant, quod principes civitatis, inter quos eminebant è Maffea fa-
 milia Mediceo nōmini addicti Marius vir sacratus, et Paulus eruditæ elegan-
 tiæ studiosi homines sollicitarentur ad defectionem ab Alfonso Piccolomineo
 Amaphiltano regulo, qui Senis educata equitum & peditum manu post reda-
 ctam in deditionem Cæsarianorum Florentine ditionis oppida, ipsumq; in pri-
 mis Collem et Sanctogeminianum: in Volaterranum etiam agrū excurrebat,
 ut direptione iacturaq; rerum suarum permoti cives à Florentinis ad Pontifi-
 cem rebellarent. Quo tempore Covonus Florentinus prætor Sanctogeminia-
 no a Cæsarianis pulsus cum præsidio quatuor cohortium Volaterras se recepit,
 ut fidelium confirmaret animos, & nutantes in fide à consilio defectionis præ-
 sentimanu deterreret. Confederat extra urbem in suburbanis tectis. Dum ve-
 rò de confirmanda civitate multis alloquutionibus ageret, furto quodā dum
 se recensurum copias simulat, in urbem irrepsit, continuoq; ascendit in aream
 curiæ, ubi decuriones advocatis in consilium primarijs civibus de Repub. con-
 sultabant. Primo impetu Covonus Volaterranæ iuventutis cohortem, quæ in
 areæ stationem habebat, hostili facta invasione deturbat. Quo tumultu duo
 gemini fratres interficiuntur, & nonnulli vulnerantur. Exinde ipsos decu-
 riones occupata curia obsidet, eamque in potestatem redigit. Id insolens fa-
 ctum non tulere Volaterrani, & ut sunt militari ingenio ferè omnes, stirpe
 ducta à vetere Romanorum Colonia, qui Syllanarum partium fuerint, ex-
 templo arma capiunt, fenestras saxi onerari iubent, aditusque viarum inter-
 septis trabibus præcludunt, magnaq; armata multitudine Covonianos in cu-
 riam confugere cogunt. Eo armorum strepitu Covonus perterritus certis
 conditionibus pacem impetrat. Hæ fuerunt, ut cohortes dimitteret extra ur-
 bem. Paret Covonus, ex temploq; Gorium Montebenicium qui geminorum
 fratrum cædem fecerat, atque item Paulum Corsum cum suis cohortibus urbe
 egredi iubet, reliquas duas Tincto Battifolio, & Hercule Pisano ducibus pau-

Iō post cives adeo iofensis vultibus urbe extrudunt, ut signiferi involutis vexillis, & milites hastas inverſa cuspide verrentes ſolum traherent, quod ignominioſum militiæ habetur. Cæterum Volaterrani uti planè caſtigata Covoni arrogantia Florentiam perſcribunt, excuſantes urbanum tumultum nequaquam ipſorum culpa, ſed malignitate Covoni excitatum, prolixè pollicentes ſe in veteri fide permanſuros, ſi in Covoni locum improbè prætoris poteſtate abutentis, alium honeſtum atque æquum civem ſummitterent. Itaque Decemviri non mediocriter Covoni inſolentiæ ſuccenſentes, ei Bartholum Tedaldum ſufficiunt. Hic Piſis proſectus adduxit quatuor peditum centurias, quibus præerant Franciſcus Brocca Corſus, & Alexander Monaldus, & Muggellanus cognomento Fortuna, atq; item galeatorum equitum alam ducere Amico Arſula Romano. Adventantem Tedaldum Volaterrani egreſſi honoris cauſa alacriter ſuſceperunt, atq; eum cum paucis ea conditione introduxerunt, ut cohortes atque alarios equites apud ſuburbana tecta relinqueret. Eo fortè die Pyrrhus Stipicianus ad Cecinam uſq; amnem advenit, & cum expedita equitum & peditum manu prædatus agrum, magnū numerum maioris pecoris abegit. Quo tumultu ad urbem perlato, Volaterrani ut prædam hoſti eripiant, erumpunt, et ſecundū eos eodē itinere pertendit Arſula. Cōmittitur leve prælium cum Pyrrhi ſclopettarijs, quos ille cū præda antecedēs de induſtria in inſidijs collocarat. Sed Arſula maiores inſidias veritus, neq; temere volantibus glandibus equites ſuos obijciens, vel obnixè orantibus Valaterranis, ut continuato curſu unā perſequi hoſtes velleret, inſequendi ſinem fecit. Iduoq; poſt cum ſuo equitatu & dimidia parte peditū diſceſſit, Covonum lemicaptivū ad dicendā cauſam ad Decemviros perducēs Empolim primo, & mox Florentiam eſt reverſus. Sub id tempus Alexander Vitellius in Volaterranum agrum hoſtiles incurſiones fecit, ſanctiq; Dalmatij oppidum, & Villam magnā, ac nonnulla alia ſuburbana oppida manu cepit atq; diripuit, perpetuiſq; illatis detrimentis, quum etiam incendijs graſſaretur, eò Volaterranos compulſit, ut amicè ſecum in ſpem futuræ deditiois paciſcerentur: nam ad eum è civitate legati miſſi Villam magnam pervenerant. Quibus cognitis rebus Tedaldus, quum ſuſpicaretur cives gravi rerū ſuarum detrimento compulſos ad hoſtes omnino defecturos, cū reliquis militibus ſuis, incolisq; cunctis Florētini nominis in arcem ſe recepit, moxq; tormentis maioribus urbem quatere cœpit, in feſtiore aliquanto, atq; acerbiori animo in perniciem civitatis, quam paulò antea Covonus, concepti odijs iracundiam effundens. Propterea cives frequentibus circa tecta affecti incommodis, & contumelijs indignitate permoti, Baptiſtam & Carolū Borgheſios fratres Senenſes patritios ſtipendio conducunt, arcem obſidere & circumvallare inſtituunt. accitur etiam ipſe Vitellius, qui peritè doceat, quibus operibus eruptionibus hoſtium reſiſti poſſit. Eo autem poſtea diſcedente Volaterrani prætorio nomine poteſtateq; Thadeum Guiduccium Mediceæ factionis probum civem, in locum Roberti Acciajoli ſuſcipiunt. Robertus enim præſtantiffimæ authoritatis inter Florentinos cives, qui inſolentium popularium vim impotentem ſimenter, ſpontè patria exceſſerant, paulò ante ſe conciliatorem inter Volaterranos atq; Vitellium obtulerat, tranſactaq; pactionis reſtis interfuerat. Exinde Volaterrani, Tedaldo nihil iracundiam ſuam remittente, ſed aſperrimè tormentis domos perrumpente, ad Clementem legatos decernunt, qui Bononiam pertendant,

tendant, & ab eo maiora tormenta, quibus arcem evertere possint, expositum, obtineantque obiter à Pontifice honestissimas deditiois condiciones. Nec multò post curavit Pontifex ut quinque muralia tormenta navigio è Genua ad vada Volaterrana devehrentur. Dum hæc Volaterris tam stulta Bartholi arrogantia, quàm peracri civium pertinacia gererentur, Ferruccius qui Empolitano præsidio præerat, de Volaterranis rebus magnopere sollicitus esse cepit, quòd eò à civibus accersitum Vitellium, & arcem circumvallatam cognovisset, quanquam Vitellius postea in urbe minimè permanserat, quum dealendo persolvendoque præsidio cum civibus sumptui faciliè parcentibus

nequaquam convenire potuisset, ideoque esset ad occupandum Pistorium profectus, quò itidem à civibus Panciatice factionis adversus Cancellarios Guelpho nomini impensè faventes, fuerat vocatus. Propterea Ferruccius Decemviris perscribebat Volaterranæ rei tumultum minimè negligendum videri, quod iam planè cives ad Pontificem rebellassent: proinde si ipsis è Repub. fore videatur, cum validà atque expedita manu eò se advolaturum, atque ea initia defectionis celeriter oppressurum. Id verò se præstare non posse, nisi successor novo cum præsidio sibi è Florentia summitteretur. Re ad consilium delata, quòd magno ad universi belli victoriani momento sibi futurum credebant, si Volaterras urbem natura munitissimam omnino recuperandam censerent,

continuo utendum Ferrucci viri strenui atque peracris opera, eique præsidium mittendum decernunt. In id decretum valde proclinatorum dictatorem fuisse apparuit, vel privata de causa, quòd duas filias, quarum alteram Bardo Altorvito, alteram Vincentio Thadeo nuptui dederat, in Volaterranam arcem ab initio belli tanquam procul ab armorum strepitu futuras, confugere iussisset. Putabat etiam sui privati decoris, & publicæ dignitatis fore, si arcem obsidione liberandam statueret. Mittitur itaque Ferruccio successor Andreas Iunius popularis factionis civis, & cum quinque vexillis una eunt Nicolaus Strozza, Speronus Borgenis, Nicolaus Saxoferratus, Ioannes Scuccula, & Balordus strenui cohortium præfecti. Hi magno silentio & per obscura nocte urbe egressi, elapsique per medias hostium stationes, quum diu errassent, quòd militaris via vitaretur, nec faciliè per invios calles & inculta loca expeditum iter haberent, sub auroram ab hostibus còspecti sunt. Ad quos persequendos Ferdinandus Gonzaga equitatum eduxit, persequutusque per aspera obsitaque virgultis & vepribus loca, aliquot eorum ad Pese amnis vadum interfecit, & in his Nicolaum Saxoferratum dum agminis terga constantissimè tueretur, ac nisi densata acie se proripientes, & sclopettis arcentes equitatum, cui præpeditum undique arbutis iter ad incurrendum aperta spatia minimè præbebat, fessi longo itinere ad villam turritam, quam Frescobaldiam vocant, se contulissent, proculdubio ab equatu confectante, ad unum omnes deleri potuisse

constabat, quanquam ea vis equitatus multa inde non equorum modò, sed virorum vulnera à sclopettarijs retulisset. Nam Ferdinandi ipsius & Roscij à sancto Secundo reguli, equi nobiles vulnerati sunt, & Nicolaus Crisia Epirotarum præfectus, cui Capiti nigro cognomen erat, fuit interfectus. Quum ad Frescobaldiam equites persequendi finè fecissent, Etrusci cum singulari Strozze ductis laude toto eo liberati periculo, nemine postea lacessente, Empolim ad Ferruccium pervenerunt. Nec multò post Ferruccius Iunio successorì oppidi custodia obnixè commendata, relictoque ibi cum aliquot cohortibus Pe-

tro Orlandino, Tincto Battifolio, & Urbeco Casentino veteranis peditum præfectis, Volaterras iter intendit, adducens secum bellicosos delectarum cohortium duces, quarum signa paulò minus duorum milium peditum summam continebant: equitum verò præfectos Amicum in primis Arfulam, & secundum eum Gerardum Gheradeschæ comitem Pisani sanguinis, & Musaccinum Epiroticæ stirpis, quorum omnium ex turmis ducenti amplius galeari equites recensentur. At Volaterrani qui hostis Ferrucci advenitum nequaquam maturè præferant, ubi signa eius conspexerunt, levi commissa pugna cedentes, eo consilio confestim in urbem se recepere, ut postquam imparati viribus instructa acie advenientem ascensu prohibere non poterant, munitiones saltem institutas impositis custodijs defenderent. Ferruccius itaque præmissis equitibus ad arcem ascendit, vixq; semihora ad quietem qua tentarent militibus concessa, quum frustra per tibicinem decurionibus, nisi exemplo se dederent, ferro atq; igne urbem vastaturum denunciaisset, atq; illi tantæ rei decretum ad maius consilium referendum responderent, instructis ordinibus per diversas regiones ad expugnandam altiore munitionem descendit, tanto impetu ut milites, quos longi itineris labore fessos segnius subire prospiciebat, vulneribus inflictis pugnam capeßere cogeret, & tanta contentione ad munitiones utrinq; pugnaretur, ut neq; acrius Ferrucciiani, neq; constanter Borghesij cohortes admixtæ civibus dimicare posse censerentur. Nulla alia res magis Ferruccium perpulit, ut non plenè recreato milite subita eruptione pugnaret, quàm inopia commeatus, & venturi Volaterranis auxilij metus. Protractum est certamen ad mediam ferè noctem adeo varium, atrox, & cruentum, ut quum Ferruccius ædificia propinquiora arci coniectis facibus incendi iussisset, mulierum ululatu & pugnantium clamore horifonum atque terribile redderetur. Sed Ferruccius rem obtinuit, potitusq; summa urbis parte, & expugnatis munitionibus divi etiam Augustini templum occupavit, in quo hostes sclopettis rem gerentes ex occulto multos interfecerant, eo eventu, ut nonnullos cives, & in his circiter quatuordecim milites Hispanos, qui sub Borghesij vexillis militabant, caperet, atq; inusitata crudelitate in tetrum carcerem coniectos enecaret fame, & demum ad ignominiam gentis eo modo enectos laqueis ad pinnas arcis suspenderet, quod se ab ea gente Neapoli captum atq; inhumaniter cruciatum fuisse prædicaret. Desiderati sunt eo prælio ex utraq; parte æquato ferè numero circiter trecenti: vulnerati autem multo plures, & quod longè gravissimum fuit, amissa sunt ea tormenta, quæ e vadis pridie in urbem ad expugnandam arcem fuerant advecta. Sequenti die Volaterrani quarta ferè urbis parte etiam tum ardente, uti nusquam restinctis, sed annexa quæq; populantibus incendijs, & multa item suorum cæde terrefacti, ac desperatis auxilijs impetrata salute incolumitateque rerum ad fidem pristinam Florentini imperij redierunt, sic ut pleriq; ex ditioribus cives, et ante prælium factum, & post concessam hosti patriam urbe profugerent, metu scilicet gravioris incommodi: nam Ferruccius crudeliter & immodicè victoria utendum adversus rebelles ratus, atrocissimè se vivere cœperat, id maxime deposcente Tedaldo prætore non immitti modò, sed implacabili, qui privatae iniuriæ suæ contumeliam publico civitatis excidio vindicare properabat. Ante omnia siquidem quum Borghesium cum suis cohortibus dimitti iussisset, atque ei integra fide abeunti cum rebus suis vexillisq; facultatem concessisset, quodam

dam opulentos cives in carcerem detrussit, imperatisque pecunijs, nisi propere eas expedirent, fame sensim enecatuos minabatur. Vno quoque dicto pronuntiavit his capitale fore, qui urbe excedere auderent: & ut reliquos terreret, duos cives qui fugam fuerant meditati, laqueo ad prætorij fenestras suspendit. Distribuit autem per omnes domos milites, ut gratuito civium copijs alerentur, donec alicundè pecunia representari posset, qua pro stipendio emerito frequentibus iam id convitiose flagitantibus militibus solveretur. Nam irate & petulanter milites querebantur se parata prædæ spe excludi, quum multo sanguine parta victoria, rebellantem urbem se æquissimo militiæ iure direpturos speravissent. Sed Ferruccius non insulsa ratione Reipub. urbem quomodo incolumem servare, quam avaritiæ militum urbium excidijs vel parvo suo lucro gaudentium obijcere mallet, aliò ad parandam pecuniam ita vertebatur, ut sacrilega manu donaria antiquitus dicata templis, & religiose usque in eam diem custodita non cunctanter auferret, & res pretiosas carioresque civium in ipso belli metu in sacrosanctis virginum cœnobijs absconditas suam esse prædam diceret, denunciata capitis pœna his, qui abdita biduo non revelassent. Quod verò summo religionis contemptu factum videri poterat, cælata argento altarium frontalia atque abacos cum candelabris atque calicibus conflari iussit. Postremò divorum urbis tutelarium Octaviani scilicet atque Victoris argentea simulacra, quibus vera capita ipsorum martyrum includebantur, ad hastam venalia in foro proposuit, ingenti cum luctu civium, muliercularumque præsertim crebris eiulatibus, quæ pietatis causa conceptis votis eminentem aperto paululum vertice sanctissimæ reliquiæ calvam exoculari consueverant. Hac in re ipso duce prudentior & religiosior in universum miles est inventus. Nam quum à Volaterranis omni pecunia expoliatis capitare redimi non possent, ne conflarentur, ipsi milites tacti religione pecuniam in pretium contulerunt ferè serius, quod eorum iam alterum simulacrum aurea barba pretiosius & magnitudine augustius ad quæstoris officium nam delatum, propereque conflatum fuerat. Violavit etiam atque diripuit nullo pudore, nullaque prorsus misericordia, publicam ipsamque domum, in qua multa suppellex collata fuerat, ab his qui egentes exiguo scœnore res cariores oppignerare sub fide publica consueverant. & quum cives publicos redditus cogendæ pecuniæ causa, quæ militi præberetur, locupletioribus cœmundos adijcere vellet, Ferruccius licitationem fieri vetuit, quod Tedaldus immittis & asper cuncta publica privataque civitatis tanquam rebellis fiscum respicerent, & nisi ad nutum Reipub. alienari non posse clamitaret. Hæc raptim violenterque fiebant: quoniam Fabritius Maramaldus cum magnis copijs adventare nunciabatur, & tum fortè importunè quum Ferruccius spe recuperandi Sanctogeminiani, Donatum cognomento Saltamacchiam eo ad percontandos oppidanorum animos cum iusta manu equitum misisset. Donatus erumpente acriter Borghesio fuerat pulsus, & multis suorum amissis scœdè profligatus. Ab hac adversa adventantis hostis fama ipsoque, ad Sanctogeminianum irritum conatu Ferruccius ad muniendæ urbis curam properantius ferebatur. Ceterum Fabritius quum instructa acie adventare ab ipso Ferruccio, qui in edito colle confederat, & equitatum explorandi lacessendique hostis causa præmiserat, facile conspiceretur, contracto per equites modico certamine, & repulsis hostibus ad suburbana tecta pervenit, atque ibi deiecto Ferruc-

cū præsidio, cuncta ad prædam vertens, positis castris consedit, & subitario opere, ut egressu hostes prohiberet, contra divi Francisci portam, quæ Pilsana est, aggerem extrui iussit, parique diligentia à Ferruccio introrsus obstructa est, ipso turrem demoliente, ne percussa hostium tormentis, interius portæ spatium ubi statio militum consistebat, ruina obrueret. Dum utrinque minucia præliis certaretur, & Fabritius cuniculos ad eam moenium partem ageret, quæ divi Dalmatij cœnobium introrsus respicit, probrosæ militum voces audiebantur, Fabritii tanquam cæci ducis & imperij conatus irridentium, quibus maximè irritabatur, ut in Ferruccium privati odij prægravem iram conciperet, ob idque præcipuè, quoniam Ferruccius ipsius tympanistam secialium more ad eum missum, ut sibi illico dedi urbem peteret, insolenti verbo offensus, insolentior dux miserum tanquam impiè locutum corripi, laqueo quævispendi iussisset. Quod facinus contra militiæ morem superbè editum, ipsi demum Ferruccio exitium peperit. Accidit autem per eos dies, ut utrinque ab inopia stipendij milites foeda consternatione deficerent: nam duæ ferme integre Brutiorum centuriæ à Maramaldo ad Ferruccium transierunt, & Ferruccius ipse ob eandem causam Corforum seditione exorta penè interfectus est. Ex his erant cohortibus, quas Camillus Appianus à Populoniæ oppido adduxerat, gens fera, peragrestis & rapax. Sed Ferruccius vel multo civium damno ita sedavit tumultum, ut in Camillum ducem odium exitiale reservaret. Dum hæc ad Volaterras gererentur, Aurantius in spem occupandæ Empolis venit, quod ibi discedente Ferruccio non multum præsidij esse, novumque prætorem Iunium ignarum prorsus belli, & ab una tantum ardentis odij in Mediceos commendatione suffectum fuisse didicerat. Itaque Didaco Sarmiento negotium datur, eiq; præter suos tirones quos ductabat, Valtius veteranorum Hispanorum validas cohortes adjungit, curatq; diligenter ut iustus tormentorū apparatus ad eum perveniret. Hec ubi convecta sunt, Empolimque copię omnes pervenerunt, eo ordine oppugnatio cœpta est, ut uno tempore duobus in locis murus quateretur. Sarmentus cum Hispanis ad Ormum fluvium castris positus tormenta inter Arnū & oppidum promovit, atq; eum muri partem quæ spectat septentriones, vehementer quatere cœpit. Ab occidentali verò loco contra Deiparg virginis templum Alexander Vitellius cum Italicis copiis oppugnare adortus est. A parte Sarmenti primū omnium Calcella Apulus tormentorum magister molas frumentarias paucis ictibus disiecit, atq; ita perfregit, ut decurrentis aquæ profluentem, quo machinæ molaq; vertebantur, & fossę demum oppidi implebantur, opposito aggere lævorsum diverteret, & fossa proinde totius aquæ copia solito flumine destituta siccaretur, Hispaniq; milites illac se irrupturos confiderent. Exinde murus ducentis amplius maiorum tormentorum coniectis globis peritè verberatus, patefactusq; est, ut Hispani fossam transire, & per ruinas subire auderent, eo etiam minore periculo, quod defensoribus summa corona propter frequentes pilarum & glandium ictus nudaretur: nam supra capita oppugnantium atq; intrare conantium prætervolabant. Sed magno irrupturis erant incommodo procidentis extra & corruentis muri ingentia frustra, quibus multos cooperiri atq; opprimi necesse erat, præterquam quod præsidij cohortes, ipsiq; Empolitani strenue, ubi periculum deposceret, hostes hastis, ferreisq; tridentibus repellebant, & in fossam deturbabant, quanquam in eo certamine Tinctus

Battifolius præfectorum fortissimus, tormenti ictu cecidisset, & iam interiorem munitionem alacri concursu non virorum modo, sed & mulierum laeres, glebas, & tigna comportantium extruere properarent. Per eum modum Sarmentus quod periniquo atque admodum periculoso loco obniti, non sine certa perniciæ milites providebat, tanquam tormentis locum inutaturus receptui cecinit. Eodem quoque tempore Vitellius postquam aliquantum muri distulerat, nec satis ad irrumpendum apertus foret, abstinuit prælio, alia via aditum quæsiturus. Interim Titus Orlandinus cognomento Pullus, qui erat apud Vitellium, per Petrum Orlandinū Florentinæ cohortis præfectum gentilem suum postulavit, ut Iunius prætor in colloquium devenire non gravaretur, prodeuntemque sub fide publica hortatus est, ut constantiæ laudem sua atque oppidi salute nequaquam potiorē arbitraretur, postquam tantas non haberet præsidij vires, quibus binis ducibus è diverso oppugnantibus diu resisti posse cōsideret. Iunius ad ea elato in præsens animo respondit, se quinquagenario maiorem satis vixisse, proinde nihil sibi longiore vita opus esse, quæ vel imbellis ingenio, vel fluxæ erga Remp. fidei notam afferendo, antiquum Iuniorum familiæ nomen dedecorare posset. Hæc tamen eum non ita intrepidè dixisse apparebat, ut percussæ & attonitæ mentis signa non emerent. nam quū paulo antè sæpius ac sæpius ad Odoardū Giachinottum prætorem Pisanum mataram implorans opem perscripsisset, ut sibi trecentos saltem sclopettarios summitteret, vix demum unam centuriam, cui præerat Borna Lucensis ab eo acceperat, quum ægrè cum Vitellianis hostibus certando ad oppidum pervenisset. Eodem metu summi discriminis adducti Empolitanorum primores eadem nocte quæ primum oppugnantium conatum sequuta est, legatos ad Sarmentum emiserunt, qui de concordia agerent, quorum princeps erat Bacinus decurionum scriba, in cuius custodia totus tormentarj pulveris apparatus servabatur. Is ut existimari potuit insigni flagitio ea pactione egisse ferebatur, ut oppidani essent incolumes: præsidium verò Hispanis prædæ esset. Oriente sole Ioannes Bandinus, quem singulari certamine palmam retulisse diximus, qui erat apud Sarmentum per abrupta tormentis mœnia in oppidum venit cum Lucio Mannellio, ut Iunium prætorem ad deditionem eadem ferequa pridie Pullus egerat adhortatione impellerent. Sed eadem respondente Iunio non multo post Hispani facto impetu nemineque prohibente per ruinas ad aperti muri in oppidum irruperunt, quod Orlandinus muri custodiam ut pransum iret, importunè deseruisset vel contradicente signifero, & illac certum periculum irrupturi hostis demonstrante. Quod flagitium vel turpi ignavia, vel intempestiva transactæ deditionis fiducia admissum multi crediderunt, non sine etiam nota perfidiæ, quando non statim Orlandinus prenam veritus ad urbem nisi perdomita, & commutata republica redierit. Cæterum Hispani in oppidum irrumpentes aliquandiu hæserunt in fossa, quum adeo profundo, & inextricabili cœno præpedirentur, ut luto lenti umbilico tenus ereperent, sublevatique sociorum manibus mœnia superarent. Primus omnium Buccanigra in domum Orlandini per tecta de lapsus, in quam omnes prope nobiliores sceminæ, multæque Florentini nominis matronæ ut securiores essent confugerant, eas omnibus ornamentis exuitusque ad monilia, maritalesque anulos, & corollas divorum supplicationibus dicatas. Reliquas verò domos gregarj Hispani ea Sarmentilege diriperunt, ut

neminem è præsidio militem violarent. Iunius prætor, & ipse Orlandinus, quod summe essent authoritatis apud milites, capti sunt, parique puncto temporis Vitelliani in oppidum penetrarunt, atq; ignobiliore præda potiti sunt. Sed eos postea Sarmentus excedere oppido, & in castra redire coegit, quum Vastius ipse seram opem direptis & miseris offerens supervenisset: quantum tamen authoritate atque imperio poterat maleficia prohibendo, involatasq; scæminas præstando, non mediocriter in ea calamitate Empolitanos est consolatus.

PAVLI IOVII NOVO

COMENSIS EPISCOPI NV-

CERINI, HISTORIARVM

SVI TEMPORIS

LIBER XXIX.



DE R hunc modum inter parum sincera colloquia Empoli capta direptaque, Vastius inde celeriter copias educens cum Sarmento Volaterras est profectus, quod ad expugnandam urbem Maramaldus iustum tormentorum apparatus sibi advehi crebris nuncijs postulari. Nihil enim cuniculis profecerat, nec minis Ferruccium hostem, nisi murus magno conatu quateretur terreni, & ad deditionem cõpelli posse providebat propter incomparabilem naturæ loci difficultatem. Nam Volaterræ in arduo monte sitæ sunt, vetere priscorum studio excelsa quærentium iuga tanquam tutiora contra omnes hostium impetus, salubrioraque campestribus locis, quæ sæpe immo caliginosis atque densissimis nebulis obsidentur: nam Volaterram originem suam à Tyrrheno Lydorum ducere repetunt, qui olim duodecim nobilissimas Etruriæ urbes condiderit. E summo montis iugo quinque præcipue descensus oblongo dorso ad infimos pertinent campos, qui radiorum instar ad imaginem extentæ cum digitis palmæ manus, interiectis profundissimis vallibus dirimuntur, ita ut convalles transiri nequeant, quum abruptissimæ sint, atque ita densis arboribus obseptæ, ut exercitibus inaccessæ fiant: quoniam ab his aditibus scilicet stratis, quum paululum ascenderis in proximas vias nullo modo ad mutuam opem ferendâ transiri possit, quod præaltæ crepidines undiq; subsint, ad quas comitantium oculi propter profunditatem facile caligent. Ad has naturæ munitiones accesserunt mœnia antiquitatis è quadrato lapide cõstructa, quæ hodie suburbana præcingunt tectat quoniam urbs nova, quæ hodie incolitur, post calamitatem à Pannonijs acceptam, aliquanto astrictiore quàm antea muri ambitu munitur. Vastius ubi advenit, contemplatus situm admirabilis munitionis, quanquã asperrimas sibi rerum difficultates ad oppugnandum propositas videret, quod nisi argerrimè pertrahi constituiq; tormenta non posset, communicatis cum Maramaldo con-

Mſs ad Portonem, qui eſt antiquæ portę munimentum, humilem naſtus col-
 lem caſtra poſuit. Nec mora in Hiſpanos tentoria ponentes Ferrucciani auda-
 cter eruperunt, contractaq; eſt cum imparatis aſperrima pugna, ſed ſerente ce-
 leriter opem Maramaldo, paucis utrinq; deſideratis in urbem compulſi ſunt.
 Exinde Vaſtius diligentius locorum ſitum ſpeculatus, ad divi Andreæ tem-
 plum aliquot Fabritij cohortes, Barone Neapolitano duce tranſire iuſſit. Qua-
 re conſpecta Ferruccius nullam ſibi moram attulit, quin exturbandos eo tem-
 plo hoſtes decerneret, atq; ita emiſit Camillum Appianum cum ſuis Corſo-
 rum cohortibus. Ab ea eruptione certatum eſt amplius duabus horis, ſed mul-
 10 tis utrinque interfectis & vulneratis, Camillus ſe recipere coactus eſt, eo im-
 petu incumbentibus Fabritianis, ut quū ſe obverteret, in genu mortifera glan-
 de vulneraretur, uti aſſerunt, ipſius Ferrucci iuſſu in eius odium vehementer
 incitati, quod portum ad Arcum, cuius cuſtodia Camillo fuerat attributa, hoſ-
 tibus prodi poſſe ſuſpicioſe iudicaret, ac ſimul vitæ ſuæ periculum, quod re-
 centi Corſorum ſeditione ſubſiſſet, ulciſci properaret. Eodem quoq; tempore
 Ferruccius ſuos à Florentina porta contra hoſtes, qui ad Portonem conſede-
 derant, eruptionem facere iuſſit, ut diverſo hoſtium impetu Hiſpani, quo mi-
 nus ſocijs opem afferre poſſent, ancipiti prælio diſtinerentur. Sed Ferrucciani
 hunc audaciæ ſuæ exitum tulerunt, ut Franciſcus Brocca egregie fortis Corſo-
 20 rum tribunus, non paucis utrinq; amiſſis & vulneratis occideretur. Nec mul-
 to poſt à Vaſtio duobus in locis duplex oppugnationis genus eſt inſtitutum:
 alterum adverſus ſancti Lini cœnobium, cuius hortī ad mœnia pertinent, Ma-
 ramaldo attributum eſt: alterum ipſe deſumpſit iuxta portam Florentinam.
 Vaſtius conſtitutis, partim ex directo, partim ex obliquo aſpectu maioribus
 tormentis tanta vi utrobique quaſſari iuſſit mœnia, ut amplius quadringentis
 ferreorum globorū ictibus murus ad apertus ſit, ſed multo maxime apud Ma-
 ramaldum: nam ſupra triginta cubitorum ſpatium proſtratus eſt, tanto Fer-
 ruccianorum pavore, ut quum nonnulli tormentis icti cecidiſſent, ipſeq; Fer-
 ruccius lapidis fragmine cubito percuffus ſe recipere cogeretur, milites in rui-
 30 næ aditu nequaquam intrepide conſiſterent, & equites inſtratis equis fugam
 pararent, confugereturque undique in arcem, hoſtes interrumpere potuiſſe
 conſtaret. Fabritius namq; per audaciſſimos prius milites, qualis quantusque
 per ruinas aditus pateret, explorandum ratus, quum impetum fieri iuberet,
 quod locus ruinis impeditior, & æquo ad invadendum difficilius renuncia-
 retur, importuna cunctatione ſerò pugnae ſignum propoſuit, occaſionemque
 victoriæ corrupit, quum ab ea mora hoſtium ceſſationeq; multi propugnato-
 res redintegratis animis extruere introrſus aggerem, admirabili conſtantia atq;
 que celeritate properaſſent, Morgante præſertim Caſtellioneo ab ingentibus
 lacertis validiſſimo centurione, & Ioanne Broccardo paris animi Volaterra-
 40 no cive, rem adminiſtrantibus. nam in aggerem multuarium adiuvantibus
 maxime ſceminis, oblata quæq; & ex cœnobio abrepta, lectos culcitraſ & co-
 phinos, pretioſiſſimis etiam rebus plenos infarciebant, ut munitio in iuſtam
 altitudinē educeretur, pro qua mox acerrime decertatum eſt, aucta ſpe propu-
 gnantium, quum Ferruccius lenito vulnere cum valida fortiſſimorum mili-
 tum manu decuriſſet, & Fabritius recēti ſubmiſſo ſubſidio, ſæpius inſtauran-
 do pugna multa utrinq; cæde edita, irrumpere eſſet conatus. Eo die inter Fa-
 britianos multum enituit Angeli Baſtardi viri Zacynthij origine Volater-

raai virtus, quum sæpius certamen restituisset. Altera porro in parte Vastius quanquam non adeo latè murum patefecerat, satis pro tempore animadversa introitus conditione prælium iniri iussit, pugnatumque est aliquandiu ab Hispanis audacissimè. Sed eorum impetum ea animorū & corporum promptitudine defensores sustinuerunt, ut pulsi non parvo accepto incommodo repellerentur. Cæterum Vastius nihil eo duplicis conatus detrimento permotus, paucos post dies iterum geminam oppugnationem instituit, alteram ad sinistrum eiusdem Florentinæ portæ latus, quod Pinzianam respicit vallem, alteram iniquissimo loco contra fontem perennis aquæ, quæ Ducciola vocatur. Ibi ea forma mœnium est, ut murus utrinque per declivè ductus ad insulam vallem ubi fons est in angulum se coniungat. Proinde putabat Vastius eum locum propter inæqualis loci difficultatem ægerrimè defendi, & ex adverso illac faciliè suos percurrere posse, quum in eam partem sodulo collibari tormenta atq; displodi iussisset. At Ferruccius ubi periculum posceret, non opponebat munimenta, & supra fontem præcipuè aggerem erexit, unde collocatis tormentis, oppugnantes hostes destinatis ictibus peterentur. Sed quod id opus novæ munitionis fervere atq; exurgere ab hostibus conspiceretur, in id coniecta colubrinæ pila, in signis præfectus cognomento Scuccula interficitur, nec tamen intermitteri opus Ferruccius imperat: nam paulo post in eo falcones duos collocavit, quorum ictibus quator ex hostibus noti tormentorum libratores abrepti sunt. Nec multo post ab Hispanis cohortante Didaco Sarmento prælium est coëptum tanta contentione, ut aliquot vexilla Hispanorū impigrè summo in muro figerentur, instaurataque sæpius admodum cruenta pugna certaretur, inter fortissimos Sarmento armis & crista conspicuo, & secundum eum Macicao Cantabro, qui castrorum erat magister, audacissimè subeuntibus. Verum non diu post Sarmentus, spectatæ eius virtuti invidente Fortuna glande traiectus occubuit, quum longiore vita dignus videretur, & Macicaus pluribus confectus vulneribus propè exanimis retrahentibus suis ægerrimè servatus est. irrumpentibus autem Hispanis maximè efficiebant dolia saxi plena, quæ per deiectus stratæ viæ magno strepitu devolvebantur, ita ut faciliè appareret universos hostes angusto in loco velles omnes intrassent, ea doliorum & lapidum mole obrui potuisse. Nec feliciore eventu certatum est in altera oppugnatione: nam tametsi prostratis mœnibus alacriter subirent Hispani admixti Italis, non longum tamen certamen, sed æquè cruentum ac Ducciolanum extitit. Vastiani quippe propiore accessu faciliè loci iniquitatem propter hostium munitionem, & præsentem paratamq; vim reformidantes, nequaquam pertinacissimè expellentibus reitabantur, quum ab utroq; latere intra pomerium fossas perductas, & aggeres tormentis permunitos, & adversus armatorum aciem se irrupturos prospicerent, quando per id totum etiam edendæ pugnæ spatium ad insidias dispositi murices & tabulæ peracutis cōfixæ clavis eminente cuspide conspicerentur, quibus indui prius necesse esset, quàm ad equites qui in pedes desilierant, & suis gravibus protecti armis pugnam essent excepturi, pervenirent. His præliis multi viri fortes desiderati sunt, & in primis ipse tormentorum magister Appulus Calcella, quo nemo eius artificij peritior habebatur, ut qui Antonio Levæ mirificam operam superioribus bellis navasset. Interfectus etiam est Donatus Tranius, qui eius artis commendatione in Calcellæ locum succellera

cesserat. Constat Ferruccium aliquanto maiore detrimento hostes afficere po-
 tuisse, nisi summa sulphurei pulveris inopia laborasset, quod eius paulò antè
 non modicam copiam Tedaldus, ut iracundiæ suæ stultæque ferociæ impen-
 sius indulgeret, & urbanis tectis maximè noceretur, intemperanter absump-
 serat: qua de causa Ferruccius per turmas equitum, salis nitri ad conficiendum
 pulverem aliquot pondera à vadis usq; Volaterranis proximi litoris petere
 fuerit coactus, ut sportulis ad equorum clunes coaptatis fallendo hostium cu-
 stodias in urbem cōportarentur. Ferunt Vastium à tanto irritō conatu summū
 concepisse mœrorem, ita ut nonnulli ad eum consolandum de Maramaldo
 obloquerentur, quasi ille in prima oppugnatione propterea cessavisset, quod
 indignaretur Vastium supervenisse, ut paratam sibi expugnatæ urbis gloriam
 eriperet. Quandoquidem ipsum nequaquam venturum, sed uti postularat,
 tormenta tantum submissurum credidisset. Atque ita Vastius adeo bile ple-
 nus ad Aurantiæ castra rediit, ut Fortunam, quæ sibi paulò antè ad Montopo-
 lim adversa atque infesta fuerat, convitiosè & intemperanter inculcasset. Ma-
 ramaldus autem longo circuitu per Pisanum agrum paulò antè calendas Iu-
 lias Volaterras relinquens, versus Pistorium, combustis prius vineis, atque
 everlis operibus est profectus. Florentini quanquam aliquanto maiore da-
 mino Empolim oppidum urbi propinquum, & ad sublevandam multarum
 rerum inopiam opportunum amisisse censerentur, quàm Volaterras urbem
 longinquam insigni commodō recepissent, nihil tamen sustinendi belli cu-
 ram ullis consilijs remiserunt, adoriendaque Germanorum castra statuerunt,
 auctore Stephano Calumna, qui non obscurè Malatestæ emulus, & tentare i-
 pse aliquid suo ingenio, & erecto animo dignum facinus aggredi cupiebat, ut
 civitatis animos redimeret, qui Venafrani tanquam bellicosissimi viri impor-
 tunam cædem agrè tulisse videri poterant, nihil magis cupientes, quàm ut
 præliarii milites frequentibus prælijs sese exercerent, tubeundoque vel sum-
 mi certaminis aleam, fatiscientis Reip. extremis casibus subvenirent. Hæc res
 diu explorata à Stephano, delataque ad dictatorem, quum ascisceretur in eam
 consultatione dux Malatesta, ipso oblique tantum contradicente, graviterq;
 expendente totum id dubij periculi discrimen, quod subituri essent, in id tota
 deliberatio cecidit, ut ab omnibus probaretur, ipseque demum Malatesta in eo
 negotio collegam adiutoremque Stephano fortia audenti sese offerret, quod
 Lodroni castra non nisi magnis viribus & validissimo impetu invadenda iu-
 dicaret. Quintiles iam Idus aderant, torrenteq; aestu Germani in vigilijs sta-
 tionibusq; se ipsis languidiores facti videbantur, sic ut eruptiones hostiū con-
 temnere potius quàm timere consueissent. Castra eorum, ut diximus, coniun-
 cta erant templo, cœnobioq; sacratarum virginum, quod divi Donati in Pul-
 verosa nomen habet, eo ordine ut septa quadratis aggeribus, intra quos tende-
 bant milites, hortos virginum perpetuo vallatos muro annexos continerent,
 & dux ipse Lodronius sacris ædificijs uteretur, duobusq; ad castrorum agge-
 res propugnaculis erectis, in quibus collocata erant aliquot tormenta, utranq;
 viam, quæ ab urbe hinc Pratensi, illinc Faventina porta ferebatur, respiceret,
 & perpetua statione ab omni hostium impetu aptissimè defenderet. Itaq; ma-
 gno cōsensu, magnaq; omnium expectatione Stephanus & Malatesta copias
 instruunt, partiuntur inter se munia impetus faciundi, & triplici egressu vete-
 ranas ferme omnes atq; lectissimas cohortes educunt, ea ratione ut Florentini

populi vexilla, quæ in locum decedentium militum in muri atq; aggerum, qui erant in monte, custodiam succederent: & si casus ferret, his in locis propugnando patriam defenderent, donec milites re bene gesta ad solitam muris stationem reuerterentur. Ad confirmandos tamē armatæ iuuentutis animos verum militū aliquot centurias interposuerūt, & quatuor cohortes conglobatas loco medio atq; opportuno cōsistere iusserunt, ducibus Francisco Tarulio & Barbarossa Bartholo, ut commodē ubi res posceret ciuibus aduersus hostes operemferrent. Media quoq; in vrbe simili ratione reliquarum tribuum vexilla constituerunt, quibus addebantur quaternæ cohortes, quæ fuerūt Pacerini, Grometti Senensis, & Corforum duæ ex Pasquinianis. His rebus aptè constitutis Stephanus Pratenſi porta milites eduxit, ad vnum omnes candidis tunicis indutos, ut inter se noscerentur, & ea specie per tenebras hostibus terrori essent. Nolanteſta autem ea Prati portula, quæ ad Arnū ducit, eo consilio egressus est, ut secundum flumen totum ripæ marginem equestribus & pedestribus præſidijs occuparet, ut si forte ē maioribus Aurantijs castris hostes laboratibus Germanis operemferre, & flumen tranare auderent, uti accidit, circa vada amnis morderentur. E Fauentina autem porta tertia manus erupit; eo consilio ut superiore circuitu ad Germanorum castra verteretur, & diuerso metu illare Germanos eo temporis momento distineret, quo eos Stephanus adoriretur. Pasquinus Corſus quum præmiſiſſet expeditam suorum centuriam, duos hostium vigiles extra munitionem excubantes ita oppreſſit, ut altero occiſo, alter quanquā fauciatus ad suos confugeret, qui adesse hostes semefopitis nunciavit, atque ita Pasquinus ad munitionem caſtrorū impetum fecit, pauloq; post conclamantibus iam ad arma Germanis, Stephanus gradum intendens, ut in paratos & incompoſitos inuaderet, apprehenſis & superatis munitionibus in castra transcendit, impigrè rem gerente Ioanne Taurino, qui inter Pasquinum & Stephanum ipſum aggerem adortus, iaculatusque ardentes tubas, Germanos ita submouerat, ut vndiq; frustra resistente hoste, Etrusci certatim in castra irrumperent, atque hos animosa Florentinæ iuuentutis cohors Dante Castelliono ſignifero audacter irrumpeſſe conſequeretur, & prius quā Germani Lodronij ducis ſuperuentu adhortationeq; componi & conglobari poſſent, fœdo incepto exituq; ad diripienda tabernacula diſcurrerent. Quo tumultu ingens non militum modo ſed fœminarum & lixarum numerus per tenebras trucidatus eſt, atque item multi ex eius noctis ſtatione, qui impetum irruentium numero atq; animis imparis ſuſtinere nequierant. In ea rerum perturbatione Lodronius admirabili conſtantia circiter duo milia hominum in reſeſu caſtrenſis aræ conglobari, retinereq; ordines, neque vſquam acie excedere iuſſit. Stephanus ſemiparta victoria, niſi milites prædæ cupiditate adducti diſſipatis viribus pugnam ſubiſſent, increpitare reuocareq; ſuos conatus, in phalangem hoſtium denſatam non ſemel impetum fecit; ſed poſtremo, quod immota prætentis haſtis egregiè reſiſteret, & mox inducente Lodronio in diſperſos & imparibus pugnantes armis impreſſionem faceret, nonnullis vtrinque cadentibus, ipſe Stephanus vehementer eſt vulneratus lanceæ cuſpide, quæ in os recepta ei dentes excuſſit, & inguine pudendisq; alabardæ mucrone ita tranſfixis, ut exturbatus ē munitione in foſſam deiſceretur, multiq; ſimul vulnerarētur, atque in foſſā conciderent. Interfecto Virgilio Romano, qui diu Stephano comes repugnarat, Zagoneq; viro ingenti proceritate corporis, atq;

animi

animi vigore terribili per femur transfixo, & Ioanne Taurino hastarum impulsu extra aggerem electo, Etrusci se receperunt, vel ob id præsertim nequaquam redintegrata pugna, quod iam ab Olivetano monte tormenta displo-derentur, vincereturq; Malatesta ne Aurantius è Giramonte suorum statione invaderet, quas discessu militum civili præsidio, si gravior pugna incideret, nequaquam fore firmissimas arbitrabatur. Id vero uti postea cognitum est, Malatestam magnopere permovit, quod equitatum è castris hostium signo tuba proposito, e ductum decurrere secundum ulteriorem Arni ripam fenerat, utpote qui non temerè timeret, ne si conglobato agmine humilioribus vadis tra-nerent, non facile sustineri possent, quin ipse erepta ab hoste receptus facultas, porta urbis excluderetur, & populus ipsis ambobus ducibus extra urbem diverso prælio occupatis, portaq; interclusis, incumbente Aurantio aliquod gravis vel summæ etiam calamitatis detrimētum acciperet. Nec tamen deerāt, qui Stephano laudem astruentes, assererent a Malatesta receptus signum maturius datum fuisse, obtrectatione non dubia alieni decoris, ut parem exitum ac ipse nuper ad Catelinam portam fuisset expertus, inconsultæ audaciæ eruptio tulisse videretur, apud cives qui non æque prudentiam cauti ducis, quàm bellicosi audaciam è Rep. esse iudicabant. Cæterum ab hoc irrito conatu Florentini in universum non obscuro dolore, neq; inani concepta tristitia turbabantur, propterea quod ad extremam esculentarum rerum inopiam erat per-ventum: nam neq; equis, neq; alinis, neq; etiam felibus pepercerant. Nec de-ferre plebeijs, qui mures avidè confectarentur. Frumenti autem ea erat pe-nuria, ut panes ex milio veteri & panico, atque ea olivæ scandellæq; segete ad-umenta in alimentum destinatæ, confici vendiq; inciperent, & vulgus igno-bile ea nigri milij segete culmosa, alias dicata suibus, quam Trâspadani Meli-cam, Etrusci vero ipsi Saginam vocant, vesceretur. Vini nusquam erat copia, nisi quæ sacrificijs atq; ægris in medicinæ usum servaretur, potabant omnes a-quam hilariter, sic ut ipsi cives frugi homines hæc a multibus incommoda to-lerant, si mæ terre mirarentur, laudarentq; eos, quod fideli perseverantia nus-quam excitato tumultu, suisq; contenti stipendijs, pro militari tantū gloria a-liaq; libertatis causam adversus exterarum gentes generose defenderent. Sed quū nullus belli exitus desperatis auxilijs, nisi valde lugubris atq; durissimus pro-spiceretur: versabat iam multorum animos cura ingēs publicæ salutis, pruden-tioresq; iam plane ea abominabantur supplicia esse subeunda, quæ Romani nuper pertulissent, si vinci armis quàm pactiōne se dedere mallēt. Neq; tamen quisquam reperiebatur, qui effari auderet, adeo erat certum his, qui ferociam animi deditionis cogitatione remisissent, foedæ mortis supplicium, ut pleriq; tacitè animos desponderent, eum subituri casum, quem vel iniqua fors publi-cis rebus attulisset. Primus omnium Zanobius Bartholinus, qui dudum à to-ta civitate libertatis defensor, gravitate consilij, industria, & vigilantia singu-lari cum summo imperio legatus extiterat, simulato corporis morbo nequa-quam occulte concepta animi egritudine, è curiæ limine se subduxit, quod au-thoritate ratione q; multorum elseratorum civium insanitiæ mederi posse de-speraret, agitareq; animo quam ratione cōsiliij affectæ civitati prodesse pos-set, & quum nihil deditionis pactiōne utilius atq; salubrius fore iudicaret, sæ-penumero de eare in arcano cum Malatesta & Stephano fuerat colloquutus, per quem tentandum Auranti hostis animum esse statuebat: occasio vero eius

tractandę rei non semel petita est, quum munera ad ducem in castra mitterentur: idoneus autem interpretis erat Cencius Perusinus cognomento Strabo, astu atque prudentia militari insignis, proptereaq; Malatestę fidus. Is Aurantium reperiebat nequaquam abhorrentem ab honesta concordia, quū ille decenta tantum milia aureorū nummūm ad persolvenda militi stipendia postularet, subindeq; peteret, Mediceam familiam servato libertatis nomine, ut antea consuevissent, pristinę dignitati restituendam: & obiter à Clemente Pontifice præteritarum offensionum oblivionem se impetraturum polliceretur. In quas condiciones non Baucius modo Valorius, prolegato à Pontifice ab initio belli in castra missus inclinabat, sed Aurantius ipse, undecim iam prope mensium obsidionis tædio affectus, & quod maxime urgebat, pecunia inope, quod multo lusu aleę ingentem pecunię vim stipendijs destinatam, gemens Valorio legato, importunissimę perdidisset, & Conradus Helsius, vetus Germanorum dux, & valde felix aleator, eam ferme totam abstulisset, adeo impertunę ut quum Hispani atque Itali debita stipendia flagitarent, Aurantius pendendis circumventus difficultatib; nihil potius atq; expeditius reperiret, quā ut expressa vel non acerbis conditionibus deditiōe, ærumnoso bello huius, imponeret. Ad ea persuadenda ipsius Valorię autoritas plurimum valebat. Quoniam ex arcanis mandatis à Pontifice de patrię salute sollicito etiam atque etiam admonebatur, ne expugnandę per vim urbis casum necessarium duceret, daretque operam, ut sine sanguine victoria quæreretur, quod nequaquam sibi deleta patria, sed incolumi, opus esse prædicaret. Eadem etiam Pontifex prescribi ad reliquos duces, Ferdinandumque in primis Gonzagam iubebat, ea conditione, ut his certis præmijs gratiam servatę patrię relaturum polliceretur. Hęc ubi Cencius e castris rediens Malatestę renunciabat, cum bona spe concordię Zanobio communicabatur, & per eum sedulo, & quantum fieri poterat occultę, ad eos emanabant cives, quos incolumis patrię cura totius oblata facitionis oblivisci cogeret. Verum recta salutariaque paucorum prudentium, insana multitudo imperitorum popularium facile superabat, ipso præsertim dictatore perversissimis opinionibus imbuto, & rem ad extremum violenti conatus casum deducere cupiente, ita ut accersendum cum omnib; copis Ferruccium, defensis Volaterris ingenti virtutis opinione à popularib; sublatum, & periclitari extremo conatu Etrusci imperię fortunam statueret. Itaq; Ferrucciuse senatusconsulto revocatur, & quid fieri oporteat ex præscriptis mandatis docetur. Summa consilię hæc erat, ut per Pistoriensium montes ad urbem Florentiam duceret, & decedens dextrorsum à Fesulis, ipso Malatesta erumpente, atque excipiente occasionem nobilis pugnę edendę, qua patria obsidione liberari posset, opportunissimę præberet. Ferruccius qui quasi lata mœnia refidebat, acceptis à senatu literis, Marco Strozze, & Baptistę Gondo, qui Florentia missi fuerant, viris prætorijs, urbis custodiam cōmendat, & cum singulismilitum centurijs attribuit Nicolaum & Gualterotum Strozzas, Alexandrumque Monaldum. Imperat etiam Volaterranis decem obsides, qui castra subsequantur, captoque itinere secundum Cæcinam amnem, ad vada Volaterrana descendit, atque inde per Liburnum, antiquę Labronę turratum oppidum, Pisas contendit. Ibi aliquot consumpsit dies apparandis his rebus, quę ad profectiōem pertinerent, imperandisque præsertim pecunijs, ut milites qui stipendia seditiosę flagitabāt, tumultu à Corsorum cohortibus orto, præbita pecunia

pacarentur. Eam autem viritum mercatoribus imperatam, usque adeo impotenter extorquebat, ut quibusdam præsentem laquei mortem horribili voce interminaretur, alijs porro in summa domus coenacula contrusis, nisi pecuniâ expedirent, fame pereundum esse denunciaret. Qua sævitia acerbitateque usus, sicuti Volaterranos afflixerat, ita à Pisanis magno fœnoris impendio patrimonialia distrahere coactis, tantam auri summam, quæ menstruo stipendio satis foret corrasit. Exinde Pisanos ad unum omnes qui arma ferre possent, tanquam veteris memores libertatis, proptereaquæ ab iusto odio Florentinis suspectos, patria excedere iussit, quando Pisanorum optimates octoginta numero, obsidum nomine Florentijs servarentur. Adduxerat paulo ante Pisas aliquot exercitatorum militum cohortes Paulus Ceres, Rentij filius, dux impiger. Cum eo belli gerendi consilia Ferruccius communicat, cogitque in unum omnes copias. productis autem omnium vexillis, quum inspicerentur singulae cohortes, censa sunt tria milia peditum, galeatorum verò equitum numerus, & pileatorum Epirotici generis levioris armaturæ, qui erant peltati, quingentorum summam implebat. His præerat Nicolaus Masius à Nauplio Peloponnesiaco vir egregie fortis, cui Pulledro Epirotica lingua cognomen fuit, Galeatos autem thoracatosque ductabant veteres ac clari nominis præfecti Carolus Civitellæ regulus, & Amicus Arfula. Præter has copias sollicitarat etiam montanos Pistorienses homines Cancellariæ factionis, qui sicuti promittebant suis illaciter habentibus præstò futuri sperabantur. Sarcinarijs autem iumentis multis undique violento imperio contractis, supra centum ligneas tubas, quæ sulphuream flammam evomerent, imposuit, atque item decem minora tormēta, quæ moschettos appellant, & ligneis canterijs imposita subitaria in pugna ad confirmandas acies peditibus præsidio adversus equites esse consueverunt. Cum his copijs eoque apparatu, & cum aliquanta commeatus copia, biscoctique præsertim panis, more nautico, quæ properantibus per nemora & sylvas sufficeret, vel si nihil omnino parati commeatus, montanorum agrestiumque hominum tenuitate nancisceretur, reluctante genio Lucensi porta signa eduxit, conversusque ad quosdam præfectos fatali proloquio, fortissimi viri, inquit, ad subeundam durissimi eventus Fortunam ire iubemur, neque reformidanda est ulla periculi vis imminēs, quum omnino senatui sit parendum qui nos alit, & in dextris nostris supremæ salutis suæ spem reponit. Apparebat enim eum quibusdam secus ac consueisset parum alacriter loquutum fuisse, quasi divinaret, qua sorte ad Alieum arbitrium suscepta expeditione esset pugnaturus. Reliquit autem in præsidio Pisanum, qui Odoardo Giachinotto prætori parerent, cum singulis cohortibus, Mathiam Varanium Camertem, & Bettum Ranucinum Florentinum, Michaelque à Montopoli, & cum his Epiroticæ stirpis inquilinum cum ala equitum Musacchinum, Musachio vetere forti que equitum præfecto genitum. His rebus constitutis per Lucensium agros, atque inde subter Pisciam, & Collodium oppida ita agmen duxit, ut signa sensim ad lævam in superiores montes erigeret, confragosisque & sylvestribus locis recta versus sancti Marcelli pagum progreditur. Interim Aurantius de consilio itinereque hostium per speculatores certior factus, communicatum cum paucis totius negotij consilium per hunc modum maturè explicat: Ferdinandum Gonzagam in obsidione relinquit, & cum eo ferme omnes Hispanos pedites, multoque maximam Italicarum cohortium partem. Ultra Arnum porro suis in castris Lodronium consistere, obser-

uareq; hostium motus, atq; intentius euigilare iubet. Scribit autem ante omnia ad Fabritium Maramaldum, atq; Vitellium qui in agro Pisano circum oppida Vicū, Sanctæ crucis, & Focensium pagos æstiuabant, ut coactis cohortibus ad præcidendū Ferruccio iter, vestigijsq; insistendo quanta possent celeritate maturarent. Ea quoq; Hispanorum tironū manus, quæ per aliquot menses Clauentio duce diuagata per agrū, & mutando loca rapto sese aluerat, tanquam edocto Cæsaris stipendijs castrisq; exclusa ad Altopassum confederat, Vitellianas cohortes est subsequuta, adhortante ipso Vitellio ad nauandā ea expeditione operā, qua omnē consternationis, & diuturnæ secessionis noxā redimerent, & noua promoreri stipendia properarent. Præmittit etiam e castris Roscium, Martium Columnam, & Scalengum cum suis cohortibus, atq; item Roscij alianjs equitibus Theodorū Bischemium Epirotarum equitum præfectum adiungit. Hos subsequitur veterum Germanorum legio. ipseq; postridie cum vniuerso levis armaturæ & cataphractorum equitatu e castris proficiscens, trauato flumine Arno versus Pistorium contendit. Noctu autem iter faciens peruenit ad locum, cui Lagoni nomen est, castaneis arboribus frequentem, qui locus est inter medius inter Pistorium & Gabinianum oppidulum. Ibi aliquātiſper substitit, ut equos modica quiete, & milites leui ientaculo recrearet, atque interim nuncios opperiretur, qui de itinere hostium certius referrent. Eo modo quiescenti superuenit cursu citato fessus sacerdos, qui Aurantium requirens, adesse in Ferruccium, eumq; sancti Marcelli oppidum intrasse, direptumq; incendisse, vnde ipse vix effugerit, anxie nunciauit, subdens Ferruccianos in tergo a Cæsarianis premi, quod ex multo sclopettorum strepitu nosceretur. Ab hoc nuntio bonæ spei plenus Aurantius, quū lagenas poposcisset, & vina latis pateris iunderentur, circumiectisque in coronam ducibus Francisco Prateo, Rosalique Hispanis, & Zucero Epirotæ hylariter propinaret, densissimus repente celo dudum sereno imber effusus est, usque adeo largus, ut cunctos sub diuo perpotantes latè perfunderet, & ad omen à quibusdam verteretur. Arrisit ad id subito lætiore cachinno Aurantius, & commilitones inquit (uti video) in hostes nequaquam temulento agmine provehemur, postquam nobis superi vina cæronantes pocula benignè propitæque diluunt. Hæc fuere suprema eius verba, continuo efferrī signa iubētis, quum paulo antè ducibus sua munia in omnem eminentis pugne casum tam sobriè quàm opportunè per hunc modum dispensasset. Hos enim quos diximus duces cum uniuerso levis armaturæ equitatu præire iubebat, quibus præsidij causa addiderat Pompeium Farinam cum trecentis pernicipibus sclopettarijs, monueratque eos ut passim si qua paulo angustiora in itinere reperirent loca, per quæ difficulter equitatus transire posset, idoneis tumultis certas sclopettariorum manus imponderent, ut quū hostes conspexissent, si fortè premerentur ad ea præsidia sensim se recipere possent. Quod si planiora occurrerent loca quæ non inepta equestri prælio fore prospicerent, tam diu distinere hostes lento certamine niterentur, quoad ipse cum cataphractis superveniret. Vbi equites ad Gabinianum oppidum pervenerunt, & portas sibi pandi postularunt, oppidani non aliter eos se admissuros responderūt, nisi Aurantius fidem daret sine maleficio milites ingressuros. Erant Gabiniani adversæ factionis, qui edoctis de Ferruccijs adventu fallacibus responsis tempus extrahebant, quorum consilium nō multo post ab Aurantianis est intellectum, quum oppidani e sacra turre conspectis e longinquo Ferruccianorum vexillis,

vexillis, eorum scilicet qui præcurrebant equitum, sacri campani æris sonitu adesse iam Cæsarianos hostes significarent, atque eo modo dum expectatur Aurantius, qui fidem præsens oppidanis daret, quod multum interesset ad victoriam parandam, eo opportuno plenoque commeatus oppido potiri, equites circumflectentes se subter mœnia versus sancti Marcelli oppidum excurrerunt, & cum antecursoribus hostium leves pugnās ferere cœperunt. Siquidem Ferruccius sanctum Marcellum ingressus, paucis interfectis, & eorum domibus qui erant adversæ factionis crudeliter incensis, Gabinianum petere statuebat, ratus hostes nequaquam tanta celeritate occursuros. Dum oppido egredere-
10 tur, conspexerat turbam mulierum cum liberis rerum suarum onera capitibus portantium, quæ adversa porta exiissent, in montes altissimos evadentem. Nonnulli propterea locorum periti milites, qui de adventu hostium certius cognoverant, Ferruccium cohortari cœperunt, ut eodem montium dorso, quo reppergerent mulieres, agmina educere vellet, quod id montanum iter angustam viam, & utrinque abruptissimos haberet deiectus, sic ut hostes illac non facile persequi possent ascendentem in ea Apœnini iuga, quæ demum æquiores quanquā longiores vias dextrorsum haberent, & per eas ad Scarpariam & Mugellanum agrum descendere possent. Paulus Rentij filius levem putabat impedimentorum iacturam, modo incolumes elusis hostibus eo pervenirent, quo vocarentur. Sed Ferruccius elato spiritu id consilium, quod timoris & fugæ indicium præbere posset, detestatus, rectā progredi cœpit. Præibant equites Carolo atque Arsula ducibus, & quum non amplius duobus millibus passum Gabinianū abesset, antesignanæ cohortes, quas ducabat Bernardus Strozza, cui cognomentum Captivantio fuit, ad Gabinianam portam applicarent, postremæ aciei vexilla ad portam sancti Marcelli adhuc erant. Iter non admodum erat impeditum, sed paululum per acclivia descendere oportebat, quoniā sancti Marcelli oppidum in ima valle positum est, & perpetuis undique montium iugis præcingi videtur. Iam Cæsariani qui cum Roscio, Theodoroque, ut diximus, præmissi fuerant, insistentes vestigijs novissimos carpebant: nam Roscius expeditam sclopettariorum manum sublati singulis in clunes equorum
10 advexerat, quæ procursaudo displodendoque magnopere hostes vexabant. Maramaldus autem à Calamecha vico, ubi pridie hostes castra fecerant, eos sanctum Marcellum petere conspiciens, ad lævam fidis viæ ducibus usus, per superiorum montium & sylvestrium tramitum compendia ad Gabinianum pervenerat. Alio quoque breviori itinere quanquam aspero, Vitellius non procul ab oppido dudum confederat. Interea Ferruccius albo vectus equo districtum tenens gladium suos hortabatur ut compositis ordinib. ad præoccupandū oppidum, quod erat in conspectu festinarent, propellerentq; urgentes hostium equites: nam Carolus & Arsula singulari virtute dimicantes, non sustinebant
40 modo, sed redintegrato sæpius utrinque impetu per declives ripas adversos, & terga vertentes hostes se recipere cogeabant. Dum tumultuosissimè magnoque strepitu pugnaretur, quod è Ferrucciana acie certè sclopettariorū manus emittebantur, & Pompeiani, quos diximus, equitū præsidio missi, equestri prælio se immiscuerant, multiq; iam ceciderāt, Maramaldus ab adversa porta, & partim à facile disiecta mœnium maceria oppidum est ingressus, Ferruccio iam ab anteriore porta signa inferente. Atq; ita per oppidū atrox & cruenta editur pugna, sicut in medio foro magna cōtentione certaretur: nam Ferruccius ingenti

animo in pedes defiliens, abrepta pedestrilancea fortissimè rem gerebat. Nec suis deerat Maramaldus, quin magna vi factò cuneo, toto plateæ spatio potiretur. Interim ex Ferrucciano agmine pars sequuta ducem, ingressaq; oppidum operā navabat, pars deflectens secundum murum, apud castranum ingentes arbores idoneum nacti locum, quo se adversus insultantes equites tuerentur, displosis sclopettis adversa glandium procella hostes obruebāt. Ab his, ut postea compertum est, qui erant numero fermè quingenti, quum Auranus adducto cataphractorum agmine, ut praelio interesset per arduum ripa callem eniteretur, vectus spadice, & gladium vibrans, gemina glande traectus quo decidit, nec tamen statim est agnitus, quum argentea veste & auratis armis carptim exueretur. Ferunt eum prius quàm vulneraretur cum Nicolao Masio, qui primus occurrerat, singulari certamine collatis equis contendisse, quum Græcus ferrea clava ei galeam pertunderet: ipse verò equestri mucrone ad eum perfodiendum iteratis ictibus uteretur. Sed Masium cataphractorum impetum veritum, ad castaneas refugisse. Aurantium autem audacius se provehentem lethalia vulnera sustulisse. Eodem ferè tempore Vitellius in agmen secundæ hostium aciei, quam Paulus Rentij filius ductabat, ex obliquo peropportunè inVectus, ad primam ferè impressiōem ita perturbavit atque disiecit, ut omnibus vexillis in unum de more conglobatis potiretur, vel acerrimè resistente Paulo, qui dimisso equo constantissimè pugnans, aciem componens, & pugnam instaurans, ad oppidum perumpibat, ut Ferruccio opem ferret. Cæterum ubi Aurantium cecidisse, & cataphractorum agmen, totumque visu atque incredibile dictu, se totum retrò in fugam præcepit dedisse vulgatum est, Ferrucciani sublato victoriæ clamore se conglobare, & perterriti consistere cœperunt, ac nisi Germani qui se nihil adhuc commoverant, sed phanaginem suam instar arcis ad sociorum receptum non procul ab oppido in acie continebant, in viam progressi tumultuarios hostium procursus represissent, proculdubio nemo equitum fugere destitisset, quum eorum plerique, & ante alios Rossales exemplum Antonij Hisceræ qui cataphractis præerat sequeretur, intenta fuga usque ad Pistorij portas profugisset, tanta perturbatione, ut & in castris ad Gonzagam, & in urbe ad dictatorem interfecti Aurantij, fusi quæ exercitus fama deferretur. Eodem puncto temporis Vitellius Pauli cohortes oppidum intrantes urgendo cædendoque aliquandiu persequutus, opportunè deflectens ad portam, qua Maramaldus intrarat, ut ei maiorem opem ferret, signa intulit, & usque adeo sævum certamen renovatum est, ut in plateam coacervatis cadaveribus impeditam penetrari vix posset. Sed Ferruccius & Paulus ex longa pugna, maximoque meridiani temporis fervore fatigati, in quandam editiorem domum se receperunt, atque inde sclopetis rem gerere perseverarunt, donec ab equitatu levis armaturæ, qui Rossalem fugientem præ pudore sequi noluerat, confertis turmis conglobato, hostium equites ad unum omnes profligati delictique sunt, quum paulo antea cohortes vel quæ oppidum ingredi nequiverant, vel quæ Ferruccij iussu extrâ remanserant, Aurantiumque interfecerant, clavis utendo ferreis, quibus galeæ quidem vix resistebant, prostratæ fuissent: neque ea die magnopere victis profuerunt præparatæ ad id tubæ sulphureum vomentes ignem, quum aliquot tantum in Germanos & equites iacere licuerit, nec direptis & perturbatis impedimentis, moschetti expediti, aut canterijs, uti sperassent, imponi nequiverint.

Ferruccius & Paulus aduersæ pugnae exitum, atq; infestam Florentino no-
 mini Fortunam agnoscentes, quum ipsorum milites aut interfecti, aut capti
 essent, expugnatisq; atq; direptis singulis oppidi domibus, Maramaldus certa
 victoria iam potiretur, se dediderunt: moxque Ferruccius, vti erat armatus, ad
 Maramaldum perducitur. Tum verò Fabritius, An quū Volaterris tympanis
 tam meū contra militiæ morem laqueo impiē suspendebas, te vnquam ad ma-
 nus meas peruēturū putaras? Tum ille: Hæc non iniqui semper Martis fors est,
 quæ tibi bellū gerētī obuenire potest. Sed tu si me occidas, neq; utilē, neq; deco-
 rā ex mea nece laudē feres. Sed itidem obiurgans, & ex mercatore ducem factū
 appellans, victor ei galeam & thoracē detrahi iussit, gladiumq; gutturi impe-
 git, & militibus conficiendum reliquit. Erat Ferruccius excelso corpore, excel-
 loque animo, sed admodum superbo, tumidioreque facundia; ita vt non
 longo quidem belli vsu edoctus, sed naturali quodam Etruscae solertiæ vigo-
 re peæditus, singula munia cum admiratione non ciuium modò suorum, sed
 militum implēdo, strenui militis & iusti penē ducis speciem præferret; sed qui
 adunco naso, palloreq; multo & oculis sanguineis insitam feroci ingenio cru-
 delitatem fateretur. Audiui ego postea à Maramaldo, quum eius cædis damna-
 retur, se nequaquam ex priuata iniuria, sed quodam non impio pudore
 percitum cum seruare noluisse, ne incolumis hostium dux, postquam tantus
 imperator cecidisset, seruaretur. Quando sibi honestissimum fore duceret, si e-
 um in gratiam militum, Germanorumq; præsertim, pro victima Auranti, ma-
 nibus immolaret. Cæterum Auranti cadauer iam armis omniq; amictu unda-
 tum sub ipsam cataphractorum fugam Tentauilla Gallus eius familiaris, agni-
 tum collectumq; extra oculos militum asportauit, et stragulæ laneæ vesti in-
 volutum in sacello collocauit, donec parva victoria susceptus in ceruicem ro-
 bustioris equi, brachijs & cruribus vtrinque pendentibus, lugubri humanæ
 miseriæ spectaculo Pistoriū est deuectus; non absimili fati sorte ac Borbonius
 fuerat ereptus, quum vterq; in limine victoriæ suæ ceciderit. Ferunt in eo qui
 nondum trigessimū ætatis excefferat annum, perillustres liberalis animi,
 & pugnacis ingenij virtutes, quibus studia militum, vt alibi diximus, cum
 insigni gloria, & non obscuro quodam dolore Cæsaris promerabat; quum mi-
 litibus defensi Neapolitani regni oppida, tanquam sua, quæ aliena erant pro-
 fusissimè largiretur; & ante alios semper in acie conspicuus pugnam cicret.
 Ortus erat Salonia familia apud Sequanos illustri, præferebatq; indolem in-
 clyti futuri ducis, nisi id summæ gloriæ decus intempestiua præuaricatione,
 quæ temporis spatium atque integra ætate pararetur, præferuidus affectasset.
 Cecidere ea in pugna paulò minus duo milia hominum vtriusque partis: nam
 multi postea ex vulneribus perierunt. In his autem fuere acerrimè pugnantes
 Ferruccianorum cohortium præfecti, Capitaneus Borgenis, & duo è Cor-
 forum gente, Paulus & Franciscus, atque item Carolus Ciuitellæ comes, qui e-
 questri prælio longe omnium promptissimè dimicarat, & Alfonsus Stipicia-
 nus Farnesia matre genitus, ipsius Pauli Ceritis propinquus. Ex Fabritia-
 nis verò Ioannes Maius inter Brutiarum cohortium præfectos pugnacissi-
 mus, & tres cum eo signiferi occisi sunt. Amicus quoque Arsula Martio Co-
 lumnæ pecunia redimenti traditus, necatusq; est, quod Scipionē Colūnam pa-
 truelē suū Malliana in pugna, ipsius Amici manu interfectū fuisse dicerent; no-
 bili hercle facinore, sed vilitato huius seculi Romanis, qui iniuriarum perpetuò

memores, vindictæque avidi, inimicorum sanguine propinquorum suorum manibus avidissimè parentare consueverant. Mafius vero à sua gentis equitibus captus, æquo iure militiæ facilè se redemit. Captivantiùs quoque Stronza graviter vulneratus, curatusq; apud hostes, mille aureorum nummum pretio dimissus est, quum Paulus Ceres eadè militiæ lege aureis nummis quatuor milibus à Maramaldo libertatem impetrasset. At Florentini vel hoc adverso Ferruccianæ pugnae eventu vehementer perculsi, nihil se animo demitterant, nihilque obiter ad petendæ pacis consilia flectebantur: nam populares infamæ contumaciæ & summæ acerbitalis homines, quorum pervicacibus ingens respub. regebatur, extrema supplicia à barbaro hoste perpeti, & captae confiantisq; patrie interitum conspiceret, quàm deditione se victos fateri malent. Et quoniam suprema auxiliorum spe decidissent, devenissentque ad ultimam alimentorum inopiam, qua una non civium modò & imbellium tanquàm propinqua morte, sed militum vires atque animi frangerentur, ad id extremum consilij decretum decurrebant, ut longè gravissimo impetu ad salutem, aut si non ita fors ferret, non indecorum communè exitum, in hostes erumpendum esse censerent, ipso ante alios concitante dictatore, cuius mentem inveterato depravatam odio, atque ipsa afflictarum rerum desperatione perturbatam, neque religio, neque erga patriam pietas, neque ulla demum prudentiorum consilia sanare poterant, quin in ipso honore magistratus ipsoque iam proviso peritura libertatis & cadentis urbis funere, mortem oppetendam decerneret. Hinc diu insistentes cōsilio, per eos dies quibus Ferruccium Pisis movere iussit, à Mafiatesta Stephanoque intente & graviter postulabāt, ut in eandem committendæ pugnae sententiam devenirent, & fortibus explicatis consilijs, expectandæ efficacibus armis secum adesse vellent, qui pro libertate saluteque patrie supremi certaminis aleam subire statuisent. Ad ea duces, quod ita ex usu saluteque civitatis, & sua dignitate rebantur esse, descripto his verbis dictatori, decurionibus, decemvirisque responderunt, ut eos iusta militiæ ratione à temerario exitiali que decreto deterrent, utpote qui honesta pactione, ut antea periticiam Strabonem Aurantijsensus pertentassent, de deditione transigere, quæ rem ad periculosissimum prælij discrimen deducere, multo satius atque salubrius esse iudicabant. Quum sæpè aliàs accuratè deliberando, excelsi Reipub. præsides, de eruptione consultaretis, semper nobis una atque eadem sententia fuit, ut id periculosaæ aleæ discrimen tanquam funesti exitus, libero ore detestaremur. Nam pro disciplina cuncta bellicæ rationis momenta diligenter expendentes, facile providebamus, nos iniquissima locorum & rerum omnium conditione cum hostibus pugnatuuros: quandoquidem numero virium inferioriores, uti præclare liquet, & vos omnes factò sæpius periculo perspexistis, nisi temerè & cæco impetu hostem adoriri expugnareque non possumus, munitissimis scilicet & distinctis vallatum castris, æquitate loci fretum, & multo tormentorum apparatu instructum. Itaque nihil à priore sententia discedimus, nostri nanque muneris atque existimationis est, ea asferre consilia, quæ civitati tuta, atque salubria sint: ea verò quæ certum incommodum, & luctum, atque adeo summam calamitatem prænunciant, repudiare penitus atque damnare: nec mediocris subinde animis nostris bellici decoris cura insideat, ne si militiæ parum peritis, quod syncerè dictū vos equo animo laturus scimus, temerè atque indulgenter obtemperemus, nō obscuræ inscitia, tumentisq; arrogantiæ apud

universas gentes damnemur, & superos hoc tanto admissio piaculo graviter of-
 fendamus, inexprabilemque subeamus invidiam, si malè sano præcipiti que no-
 stro consilio, patriam vestram omnium florentissimam, & quod ad Italiæ pu-
 blicum decus attinet, avaritiæ atque immanitati Hispanorum & Germanorū
 occupandam atque delendam, teterrimo urbis Romæ exemplo obijciamus.
 Sed postquam à nobis nunc hoc unum postulatis, ut quæ erupturis via inter
 omnes maximè difficiles, tutior atque aptior videri possit, demonstramus: Pri-
 mum omnium scire vos oportet, castra hostium ita perductis & cōiunctis mu-
 nitionibus esse permunita, ut nequaquā ē montibus, sicuti speculando depre-
 hendimus, aliunde instructa acie descēdere liceat, quā duabus omnino vijs,
 quarum altera est secundum Roscianam villam, & subter Margaritæ Monticij
 templum, qua ad ipsa Aurantiæ castra pervadere possumus: altera relinquitur
 per vallem, quæ ad Gallum, ubi Hispanorum sunt munitiones, perducit: nam
 utrinque aggeres aliquanto longius quā alibi inter se distant, ut sine detrimento
 ad ipsas usque munitiones perveniri posse appareat. Neque enim ē Fridiana por-
 ta conservatis ordinibus erumpere licet, quod evadentibus tormenta hostium
 Olivetano in podio constituta & certius collibrata imminēant, quæ singulare
 incommodū affere posse facile demonstrant, sicut Germanos etiam ē suis Pul-
 verosæ castris, cognito nostrorum egressu nihil moraturos credere par sit, quin
 at ergo vehementer atque celeriter incumbant. Pari quopue ratione quo pa-
 tello Catelina porta tuto educi agmina possunt, non videmus, quum hostiū mu-
 nitiones adeo mœnibus sint propinquæ, ut intra teli iactum portam dispiciant,
 egredientesque non maioribus modo tormentis, sed ipsa sclopettorum procella
 obruere facile possint, prius quā componi atque instrui ordines queāt. Quod
 si sancti Georgij portam respiciamus, liquidò nihil infanlius & perniciosius ac-
 cidere posse iudicandum est, quā si illac erumpere conemur: quandoquidem
 in conspectu sit Barducciæ casæ propugnaculum, quod portæ opponitur, mul-
 titudine tormentorum undique permunitum, quo vetari potest et egressus ipse,
 & tota adimi instruendæ aciei facultas. Barduccio quoque coniuncti sunt per-
 petui aggeres, qui directâ serie totius protractæ munitionis ad Giramontē usque
 pertinet, & usque adeo urbi proximi sint, ut aliunde quā duobus ijs, quæ diximus,
 itineribus tentari eruptio nequeat. Ceterū nos magnopere permoveret, omnemque
 audacioris consilij rationem & spem perturbat, dubius & anceps qui proponi-
 tur expugnandæ munitionis eventus. Sed esto quod impigrè aggeres conscen-
 damus, atque ipsa hostium munitione victores potiamur, num idcirco speran-
 dum est, ut Germani atque Hispani sibi desint: nec se colligendi instruendique
 spatium habeant: ut dispersos, & in expugnanda munitione fessos, inordina-
 tosque nostros conferta acie nequaquam invasuri credantur. An non Italicas
 cohortes, quæ & in tergo & dextrorsum sua minora separatim habent castra, in
 tanto tumultu cessaturas, quin accurrant, putabimus? Et non rectè suspicabi-
 mur Lodronianos Germanos ē Pulverosæ castris, & tirones quoque Hispanos
 superato Arno laborantibus suis occursuros? Quod si planioribus locis iux-
 ta Arnum maiore circuitu, ut quibusdam videri potest, sit erumpendum, infe-
 lici certè audacia, atque infausto consilio agmen nostrum per patentia loca per-
 ducetur, quum universum hostium equitatum vestigijs extemplo insequuturū,
 & pedestres copias equestri nudatas præsidio perrupturum facile ominari
 possimus, præterquam quod aliquanto minore cohortium nostrarum numero

Id iter sit tentandum, quum necessario relinquenda sint firma præsidia in munitionibus, quæ sunt ad sancti Miniati, sanctiq; Georgij colles, quæ urbem tueri valcant, si fortè hostes animadverso neglectoque longiore nostrorum itinere, non absurda occasione adducti, commodeque invitati, montem invadant & occupent, atque inde urbem vacuum militari præsidio confestim adorian-
 tur. Proinde penitatis utrinque viribus rerumque periculis in hoc decretum descendimus, ut nos confirmare non pudeat hostes undique numero, viribus, æquitate loci, apparatuque rerum omnium esse superiores, melioreque idcirco quam nos Fortuna, uti factò sæpius periculo, omnino pugnatu-
 ros. Nihilotenus tamen profite-
 mur, si imperabitur nullum vel salutis vel existimationis nostræ discrimen reformidatu-
 ros, modò ea quæ dictator in rem opportuna sæpius promissit, egregiè præstet, ostendemusque proculdubio, neque fidem neque industriam, neque, si dicere fas sit, virtutem probis dignam ducibus nobis erga vos omnino defuisse. Hæc tradita decurionibus, & per omnes ordines lætata, quanquam iniquis auribus atque animis acciperentur, aliquos tamè de salute publica maximè sollicitos impulerunt, ut in tanta negotij difficultate sententias à præfectorum primoribus separatim exquirendas censerent, vel ob id quòd Malatesta & Stephanus de scripto significarent, se omnes cohortium præfectos pridie advocasse, propositoque pugnae consilio, & qua nam parte quove itinere, si ineundi prælij opinio probaretur, erumpendum foret asseruisse, eam esse omnium sententiam, nisi iniquissima conditione prælio certari non posse, sicut civitatem maximè evidenti supremæ calamitatis periculo ob-
 constaret. Itaque quum ab aliquibus probatae virtutis & fidei præfectus singulatim sententiæ exquirerentur, neminem ferè reperiebant, qui tantæ rei difficultates audacioribus elevaret verbis, aut ullam omnino prosperè edendi prælii spem promitteret: quanquam ad unum omnes se dicto atque imperio obtemperatu-
 ros, & fortem navatu-
 ros operam pollicerentur. Sed unus ante alios artis honore, & longo militiæ usu facilè superior Pasquinus Corsus, qui sub Iovine Medice spectata cum laude ordines ductarat, quanquam inculta facundia non inepta tamen usque adeo liberè commemoratis difficultatibus atque periculis differuisse visus est, ut nihil stultius atq; damnosius fore testaretur, quam si eruptione pugnandum statuerent, proptereaque infensis torvisq; oculis cum populares intuerentur, & nonnulli comprehendendum, atque extemplo capite puniendum dicerent. Quo rumore ad eius aures perlato Pasquinus postea curiæ limine abstinuit, nec nisi suorum cohortibus stipatus in arca versari ausus est. Neque propterea magistratus quin obstinatè in sententia persisterent, persuaderi ullo modo poterant: nam identidem singulis diebus ab utroque duce flagitabant, ut omnino ad erumpendum corpora atque animos & necessaria arma compararent. Quibus importunis expostulationibus duces ita & de scripto semper respondebant, ut magnopere ea consilia detestarentur, quando manifestum totius belli, summæque rei discrimen agnoscerent, ideoque pacis atque concordia æquas rationes præferrent, ac obiter postquam de conditione loqui cœpissent, postulabant, ut sibi ad Aurantium duos legatos mittere liceret, quorum fideli industria eius introspicere explorarique sensus omnes, atq; referri certius possent, quoniam de eius voluntate postulatisque, diversa ab his quæ magistratus dicerent, audiebantur, nec ea quidè de causa, ut ipsis tractandæ compositionis negotium eriperent, & sibi usurparent, quod publici magi-
 stratus

stratus muneris esse faterentur, sed ut exploratius quæ tractarentur, agnoscerent, sibi quæ, uti deceret atque æquum esset, tempestivè cauere. Id verò prædare confirmabant, si superbus hostis honestas pacis condiciones repudiaret, & libertatis nomen revellere, potiri quæ ad arbitrium dedita civitate contenderet, aut si populus ab omni concordie mentione averfus foret, pugnandum quæ decerneret, ipsos non recusaturos vel certissimæ mortis periculum, quin donec vita suppeteret, pro salute dignitate quæ urbis decertarent, quando se nusquam aut nobilius aut honestius vitam morte commutaturos arbitrarentur. Sed id unum præcipuè ab æquitate summi magistratus postulare, ut advocato maiore populi consilio, ipsis concionandi libera facultas daretur, scilicet ut propositis instantium discriminum difficultatibus, an eadem omnium foret, quæ tum decurionum esset, repudiandæ concordie atque appetendi prælii voluntas, numeratis suffragiis explorarent. Quod si ex mora & proluxa cunctatione temporis beneficio frui posse confiderent, subinde quæ remedium certum afflictiis rebus alicunde afferri posse sperarent, sibi magnoperè opportunum & plane necessarium videri, urbem multitudine imbellium exonerasse, quo inopia levaretur, quum iam fames urgeret. Ipsos etenim certis præsidibus eam turbam in tuto loca moenibus feliciter educturos, deceptis scilicet, aut si ita casus ferret, strenuè repulsis hostibus. Tum vero se daturos operam, ut milites æquissimis animis obsoniorum omnium, vini quæ inopiam ferrent, modò illis præsentem pecuniam ad diem stipendia solverentur: & quando cuncta alia eos alimenta deficerent, panem etiam cibario atque fursuraceo contentos fore. Interim dum senatus his gravissimis dissentientium ducum responsis severisque obtestationibus, angeretur, ferè uno tempore in curiam certius allatum est, Aurantium postridie Cal. Augusti cum delecta parte exercitus è castris ad opprimendum Ferrucium contendisse, posteroque die eo eventu conflixisse ad Gabinianum, ut ipse in primo congressu caderet, & eius equites terrore concepto in fugam verterentur. Sed mox tanta vi à reliquis ducibus instauratam fuisse pugnam, ut Ferrucianæ copie ipsarum duce interfecto, & Paulo Cerite capto, amissis vexillis funditus delerentur, nec iam ulla spes reparandi exercitus superesset. Quo atrocissimo, quanquam in universum civitas admonebatur, ut ad deditiois tractandæ condiciones tempestivè decurreret, nihil tamen principes popularis factionis qui erant in magistratibus tanto communi periculo permovebantur, sed magis ac magis duces urgebant, ita ut ab his in ipsum committendæ pugne decretum præsentem operam exigerent, qua eorum virtutis simul & fidei in extremo Reipub. discrimine periculum facturi essent. Eratis pervicacium animorum habitus usque a peo stabilis & confirmatus, ut Malatesta magnoperè miraretur, cur Florentini præsides nihil omnino de prioris sententiarum ferocia remitterent, quando quidem res adversæ alias comminuere vel insolentium spiritus solerent, ipsis autem adaucto periculo mirum in modum augerentur, sicut hæc non ab inusitata animorum fortitudine, sed à violenta quadam rabie, desperatione quæ rerum proficisci prædicaret. His de causis fiebat ut nonnulli ex primoribus popularium eam Malatestæ oris libertatem, & obsequendi contumaciam tanquam dubiæ fidei implicitam apertè calumniarentur, adijcerent quæ non ideo illum, qui natura pugnacis esset ingenii, reformidare prælii eventum, quod hostium vires insuperabiles putaret, nec quod urbanas res æquo impensius propter annonæ inopiam afflictas arbitraretur, re-

pugnare magistratum voluntati, officioq; suo deesse, sed eum prorsus Clementis promissis atq; muneribus corruptum militiæ sacramentum negligere, ob idq; se dicto atq; imperio audientem minimè fore statuisse. Nec defuit ieroculus notus senator Andreolus Nicolinus, è decurionum numero, qui diceret, Malatestam quum veniret in curiam comprehendendū esse, atq; exemplo Pauli Vitellij exemplo capite mulctandum. Quā atrocissimi de se iudicij cognationem Malatesta facilè subodoratus, vsq; adeo grauiter tulit, vt quū inermis, & paucis à pedibus seruis humili vectus mula, quod esset tenuissima valetudine, ad decuriones consultandi causa ascendere consueffet, vir æq; ferox & suspicax, numeroso satellitum comitatu septus, eo diè ad senatum accederet, ita dispositus in limine atq; atrio curiæ scalisq; , & superiorum conclauium singulis foribus, armatorū presidijis, vt aduersus omnē intestinam vim quæ inferri posset munitionissime se confirmaret, & libero ore in confesso quereretur fidem suam in dubium à quibusdam contumiliosè reuocari, despiciq; sua consilia, quæ de compositione protulisset, studio quidem propensissimo conseruandæ ciuitatis, postquam ipsis cuncta omnino aduersa, hostibus autē, si tot irritos conatus enarrarent, prospera atque felicia prouenissent. Propterea se superos orare, vt eum mentē senatui darent, vnde ipsorum consilia complecterentur, quæ Reipub. salutaria forent, postquam eò esset deuentum, vt minimè prolixa deliberatione opus esse iudicarent. Decuriones ad ea mitissimis verbis responderunt, dixeruntq; adeo appositè totā eam suspicionem, vt ipsi & Stephano binos legatos ad Ferdinandum Gonzagam mittendi facultatem concederent, (ad eum quidem mortuo Aurantio militari consensu summa imperij authoritatis recubarat) quibus de compositione loqui referriq; liceret. Tum vero Malatesta defecit, & re cum Stephano communicata, legati confestim ad castra hostium missi sunt. Sequenti die dictator cum decurionibus atq; decemuiris legatos auduit, qui eam esse mentem Cæsaris à Ferdinando referebant, vt incolumis libertas ciuitati seruetur, & his quidem conditionibus, quæ neq; immodicæ, neque ab vlla parte omnino spernendæ videri possent. Sed adeo malefana erat popularium voluntas, vt nihil sibi ex condicionibus detrahi vellent, quibus formam intelligabant, vt reductis Mediceis atque patritijs, popularis status forma mutaretur, vnde ipsos qui tum publica munia in lucro haberent, magna ex parte excludi apparebat. Nam plerique non ad decus Reip. sed ad priuatum quæstum magistratum honores reuocabant, quibus mediocres & nonnulli ex fece populi homines ditari consueuissent; postquam nobilitas perculsa popularium metu in exilium abiisset. Itaq; non multum inter se consultantes propositæ concordie condiciones superbi repudiarunt, & ad pristinum experundæ prælij Fortunæ decretum redierunt, tanta obstinati animi perseverantia, vt Malatestæ eam esse senatus vltimam voluntatem significarent, ipsorum ducum consilijs vtī nolle, sed ab his tantum fortem fidelemque militie operam requirere. His acceptis mandatis duces vsque adeo intempestiuā atq; execrabilem decurionum, dictatorisque præsertim pertinaciam stomachati, quod ipsorum vel certissimæ rationis consilia nihil valerent, atq; improbè despicerentur ab his qui militiæ imperiti corruere, & secum in eandem ruinam extremæ calamitatis patriam cæca libidine trahere mallent, quā necessario non iniquæ factionis remedio sese suaq; omnia cōfirmare, his verbis per Cenciū Strabonem descripto responderunt. Postquam vobis excelsi Reipub. presides immota manet

nemens, ea penitus aspernari cōsilia, quæ toties opportuna periculo quo pre-
 mimur syncerè studioseque protulimus, nunc tandem arbitrati sumus sicuti
 viros militares, & non obscura præditos dignitate decet, oportetque, cunctas
 scilicet militiæ rationes ad bellicum decus revocantes (id enim unum ipsa vita
 carius esse debet) nobis maturè consulendum, ne vobiscum si impio vestro im-
 perio parandum putemus, in idem exitium cum inexpiabili existimationis no-
 stræ infamia perducamur, quandoquidem nihil turpius atque ignominiosius
 nobis accidere possit, quàm si huic urbi, quam undecimum iam mensem impi-
 grè defendimus, volumusq; non modo incolumem, sed salvis etiam, quòd ma-
 ximè optatis, liberæ civitatis legibus florentem, horribile supremi excidij peri-
 culum ab insana inauspicatæ pugnæ cupiditate procreemus. Proinde certum
 est interesse nolle, neque nos duces præbere huic perversæ, ideoq; exitiabili fu-
 nestæque eruptioni. Illud autem ut hoc consilij susciperemus vehementer im-
 pulit, quòd universæ civitatis iudicium sequi iustum honestumque sit, quum
 multo maximæ partis civium voluntates ad deditionem proclinas intelliga-
 mus, & idcirco civibus maius consilium uti poposcimus, denegatum fuisse su-
 spicemur, quo non dubiè adversis suffragijs pertinacia vestra frangeretur. Hæc
 scripta quum à decurionibus legerentur, Cencius militari libertate insolentes
 quosdam sermones, quibus magistratuum offendebantur animi, ita ferere cœ-
 pit, ut ex transverso decurionum obtutu non obscurus omnino metus ei incu-
 teretur. Itaque vim apparitorum veritus ille celeriter se explicuit, scalasq; ma-
 gnis passibus descendit. Quum ea ducum responsa verbaq; Strabonis aliena
 prorsus ab eorum mentibus & planè contumeliosa viderentur, Decemviri cū
 decurionibus dictatoresq; in unum coeuntes, utpote qui elati atque severi ad-
 versa vel acerba audire nunquā antea didicissent, raptim Malatestam ipso ho-
 nore militaris imperij abdicandum censuerunt, solenni q; diplomate cum sum-
 ma verborum lenitate perscripto, quo se dimitti perspiceret, ad eum extemplo
 duos senatores, qui ea in re magistratuum decreta certius referrēt, miserunt. Hi
 fuere Andreas Nicolinus, legatione dum Bononiæ esset apud Pontificem fun-
 ctus, & Franciscus Zattus, ambo populares, aversique penitus à concordie stu-
 dio saluteque civitatis. Habebat eo tempore Malesta trans Arnū Binianis
 in ædibus Catelinæ portæ propinquis, expectabatq; ut magistratuum mitesce-
 rent animi, & ad meliora consilia verterentur. Proinde admissis legatis, atque
 his mandata quæ habebant referentibus, usque adeo vehementer conturbatus
 iracundiaq; correptus est, ut Nicolinū districto pugione repetitis ictibus, sed
 dextra tñ debili vulneraret, quòd arrogantius quàm deceret proloquutus vide-
 retur, vixq; illum astantes milites ut legatis parceret obnixè deprecantes, leni-
 ta ducis iracundia morti subtraherent, ipse verò Zattus gravissimo metu per-
 funderetur. Eius à Malesta editi facinoris perinde atrocis atq; superbi fama
 celerrimè pervasit in curiam, & inconditum tota urbe tumultum ita excitavit,
 ut eodem propè momento temporis cum cives ipsi, tum milites ad arma decur-
 rerent, & tota area singularum tribuum vexillis compleretur. Hic armorum
 strepitus ad id Malatestam impulit, ut occupandæ Catelinæ portæ consilium
 caperet, & Marguttem Perusinæ cohortis præfectum eò convolare iuberet, à
 quo fores refringerentur, & tormenta quæ in propugnaculo erant in hostes
 obversa, ad terrorem atque perniciem civium, si quid hostile auderent, illico
 converterentur. Tum verò dictator è fenestra armatas tribus prospectans, &

subita exardens iracundia, quod Malatesta perfidiose atq; insolenter legatos violasset, tanta animi perturbatione casum est indignatus, ut sibi omnino in hostes, armato consequente populo erumpendum, ideoq; honestè cadendum esse statueret, sibiq; instratum equū dictatorijs operimentis exornatum adduci iuberet; iamq; desumptæ lorice dictatorijs potestatis paludamentū, quod paulo ante in hos usus confici curarat, superindueret, & singularis amentiae quodā furore percitus, spumantib. labris & dentibus infrendēs descendere pararet, sic ut eum pleriq; ex populari factione, qui desperata venia plurimū de salute dubitabant, si aduersarijs succubuissent, dictatorem laudando, quatiendoq; arma, magnopere concitarent. Eoq; die profecto lugubre ciuitatis spectaculum Raphael furibundo similis edidisset, nisi cōstantissimi probiq; animi vetulstissimæ familiæ ciuis Cecottus Tosingus effervescentis animi motum in dictatore graui dehortatione mitigasset. Is enim propius accedens, pater, inquit, dictator, ut voce liberi ciuis utar, & te non importune tui muneris, tuæq; dignitatis, & publicæ omnium salutis admoneam. Nihil enim incommodius & pestilentius in magnis consilijs præcipiti iracundia esse potest. Proinde compescenda est hæc tua ardentis animi vis impotens; eaq; omnis ad rationem salubreque consilium omnino conuertenda videtur; ne cuncti, si eodem impetu cum externo atque intestino hoste pro dignitate tui imperij dimicaturum subsequamur, vel non inulti miserrimè tamen barbarico gladio pereamus. Nam esto quod duces ad sanitatem redeant, & milites dicto audientes esse velint; non video tamen qua via nobis sit erumpendum, nisi mœnia demoliamur, ut egredi furis latus aditus paretur. Neque enim quatuor horarum spatio tot armate ce horres Carolina porta educi posse constat; sic ut sisensim educantur, non ante instrui queant, quàm hostilium tormentorum non dubia atq; inuitabili procella consternantur. Hos Tosinghi sermones nequaquam conuiciosè prolatos, ita nonnulli alij æquè prudentes exceperunt, quod Thosinghus magni in re militari usus haberetur: nam ab adolescentia Pisano bello præclara cum laude ordines duxerat; ut in dictatore impetus omnis conceptæ iracundiæ deferueret, et sese reprehendi ciuili modestia pateretur, omnesq; propè qui aderant, ut ex vultu singulorum agnosci poterat, petendam pacem potius quam expensunda arma iudicarent. Accedit autē ut eadem hora trans Arnū magnam multitudo ciuium in aream templi Sancti spiritus conueniret, & Malatestæ causam, factiq; ipsius nomen, quanquam violato ciue non magnopere improbaret, de testareturq; palam magistratuum acerbis, qui vel honestas cōcordiæ conditiones abnuerent. Decuriones autem offensi iracundia, atq; alienatione Malatestæ, ne Rempublicam in summum discrimen adducerent, dissimulata iniuria Nicolini, Zanobium Bartholinum, quem tanquàm amicissimum Malatestæ maximè idoneum iudicabant, ad eum inter duos supremi magistratus viatores miserunt, ut molliendo exorandoq; operam daret, ne ex eius perturbatio ne respublica detrimentum pateretur. Is facile placato Malatesta, uti optimus ciuis, & publicæ salutis amantissimus rogauit etiam eum priuato nomine, ut in negotio impetrandæ concordie sicuti cœperat satagere vellet, quando iniquissimum esset atq; miserrimum vniuersam ciuitatem extremæ labis calamitatem subire, si paucis perditæ obstinationis, desperatisq; hominibus assentiretur, qui improbi atq; impij sui exitus famā ab excidio deletæ patriæ querere properarent. Excusauit Malatesta paucis verbis iustæ iracundiæ suæ impetum, quem

quem in Nicolinum effuderat, Cenciumque Strabonem paulo post in castra ad hostes misit. Is Ferdinandum aliquanto molliorem reperit, quod eum Valorius de salute patrie sollicitus, magnis precibus Pontificis nomine diligenter, atque vehementer obsecrasset, ut de concordia transigere maturaret, ne paucorum pertinacia, & sua cunctatione urbs nobilissima in periculum supremi casus devocaretur. Iam enim excitati in urbe tumultus fama strepitusque in castra pervenerat, exindeque alacres fiebant milites, qui opulentissimam urbem praeda suae destinassent. Nec multo post magistratuum pervicacia meliorum impulsu, atque ipsa prorsus necessitate superata, ex senatusconsulto quatuor legati ad Ferdinandum decreti missique sunt. Hi fuere Bardus Altovitus, Laurentius Strozza, Petrus Franciscus Portinarius, & Iacobus Morellius, qui apud Ferdinandum atque Valorium summæ Cæsaris atque Pontificis auctoritatis nomen præferentes, his conditionibus de compositione pepigerunt. Ante omnia constituendæ atque ordinandæ Reipub. facultas arbitrio Cæsaris permittitur, sic tamen ut incolumi libertate Florentini suis antiqui iuris legib. utantur. Civitas mulctæ nomine octoginta aureorum nummum milia, ut stipendia militib. præberi possint, quadraginta in præsens, reliqua intra sex menses persoluito: de promissa verò pecunia obsidibus caveto: & quos imperet Ferdinandus numero quinquaginta cives nominatim traduntor, qui in castris custodiantur, donec pecunia repræsentetur. Florentini his urbibus & oppidis atque agris, quas præsidij obtineant, confestim excedunt: & quos in carceribus Florentiæ, Volaterris, & Pisis custodirēt extemplo dimittantor. Malatesta & Stephanus militum sacramentum, quod antea populo Florentino dixerint, solenni renunciatione facta statim eiuranto, obligataque fide Balanzoni Belgæ Cæsaris cubiculario promittuntor, se tam diu in custodia urbis cum his copiis quas satis esse putaverint, permanuros, donec concordiae conditionibus plane ut satisfactum, alimenta que civitati omnis generis commeatu a Cæsarianis interea præbentor. Ipsius verò Malatestæ officij atque muneris sit, tam diu quàm Cæsarianæ copiae dimittantur, Florentiæ permanere, atque ipse demum urbe excedito, quum id facere Pontificis imperio iubebitur. Cunctis autem Florentini nominis civibus, libera migrandi Romam facultas esto, et quibuscunq; locis placeret, domicilium figere, habitareque impune potestas conceditor: cunctique vel Etruscæ vel cuiusvis gentis milites, qui Florentinorum stipendia fecissent, & propterea vel exilio, vel pecunia et bonis a Pontifice mulctati essent, eamoxa poenaeque liberantor. Mediceorum animis acceptæ offensiones, iniuriæque sincera fide deterguntor. Hæc verò perscripta tractataque sunt in castris ad Monticiam villam quarto Idus Augusti, anno à partu Virginis trigésimo supra millesimum & quingentesimum, ea lege ut Ferdinandus Gonzaga, & Baucius Valorius prolixè pollicerentur, se intra spatium duorum mensium curaturos, ut Carolus Cæsar & Clemens Pontifex cuncta ex formula æquissimi iuris comprobarent. Per hunc modum compositis reb. milites utrinque commeari cœperunt, introitque urbem ipse Valorius magna frequentia gratulationeque populi susceptus, dimissique sunt omnes qui erant in custodia, & traditi obsides, quos Valorius iudicio suo nominatim eligendos perscripserat, ex eorum numero qui Mediceo nomini inimicissimi fuisse dicerentur. Sed hi non multo post persoluta pecunia, uti fuerat constitutum, in urbem redierunt. primi autem omnium Germani veteres, quos Aurantius adduxerat,

acceptis stipendijs missionem impetrarunt. Secundum eos Hispani, ultimo loco Itali. Cæterum vix dum compositis rebus Florentini longe grauissimum salutis suæ discrimen è seditione militari subierunt. Fortè accidit ut ex Pyrrhi cohortibus, duo noti nominis milites apud Hispanorū præsidia in rem suam euntes, quod ditioꝛe cultu essent, non simultatis sed latrocinij causa interficeretur, atq; eorum cadauera, vti postea ab exuvijs cognitum est, ad occultandum facinus in puteum deicerentur. Qua crudeli iniuria offensus Pyrrhus, pares infidias idoneo in loco tendens, bis totidē deprehensos, quos patrata cædis confcios putarat, occiderat. exinde creuere odia & vtrinq; accensis ad vindictā ammis, captis repēte armis cōcursum est tāta vi, vt tumultuario pꝛælio certaretur, dirimereturq; tamen autoritate atq; intercessione ducū, sed nondum pacatis Hispanis: qui demum confirmatis viribus eo animorum impetu Italos quosq; depositis armis, nihilq; tale expectantes adorti sunt, vt multos intericerent. Tum verò Martij Columnæ, Castalijq; & nonnullæ ex Roscianis cohortes se in vnū conglobarunt, & cum irruentibus Hispanis vehemētissimè conflixerunt, quo Italici nominis decus aduersus Hispanos, qui superiorib. annis hīdē de causis seditiones miscuissent, defendendū putarent; promittentibus pꝛæsertim Germanis neutris opē laturos. Verū quū tirones Hispani, qui erant in Arnum non longè à Lodronianis castris, cognito suorum periculo, instructa acie vt veteranis essent auxilio superuenissent, subindeq; Italis creuissent pericula, atrox certamē contractum est, eoq; Hispani iam perducti erant, vt non dubiam cladem accepturi crederentur; nisi Ferdinandus in eo valde aspero exitabiliq; tumultu, quod nihil deprecando deterrendoq; autoritate valuerat. Tamisium monuisset, vt Germanorum phalangem promoueret, Hispanisq; applicaret; quod Itali propter vetera in externos odia, delectis semel Hispanis, nequaquam ipsis Germanis parfuri crederentur; ob idq; pꝛæsertim quod euulgatum esset, Malatestā ex conducto, vt Italiam excusso penitus externæ gentis iugo seruitute liberaret, vrbe copias suas educiturum. Eo inexpectato promota phalangis aspectu talicæ cohortes cōmotæ, sese recipere cœperunt, tanquam impares, & insolenter prementibus Hispanis terga vertere coactæ sunt, tanta perturbatione, vt suis castris atque tentorijs pellerentur, & dum Hispani direptione tabernaculorum occupati essent; neq; Sabellus è Rosciana villate commoueret, vt pulsus opem ferret; Arnum transierunt, quum iam trina Malatestæ vexilla conspicerentur; atque eo modo exuræ impedimentis sub Fesulanis collibus dispersim per villas confederunt. In eo tumultu ferunt amplius trecentos vtrinq; fuisse desideratos, fauciatos autem bis totidem, sed Italicas cohortes maius accepisse incommodum, quod rerum suarum iacturam fecissent. Hisdem diebus Maramaldus, & Vitellius, atq; item Zuccerus, cum maiore parte equitum leuis armaturæ, in Pisanū agrum à Ferruciana victoria descenderunt, positisque binis castris in vtraq; superiore Arni ripa, & impetratis a Lucensibus muralibus tormentis, urbem intercepto multo pecore obsidere cœperunt. Quum verò Vitelliani vsque ad sancti Marci portam excurrerent, Michael è Montopoli, quem Pyrrho singulare detrimentum intulisse diximus, contineri non potuit, quin ad aperta porta prosiliret, & cum hostibus leue certamen contraheret, quo ipse audacius pugnās occubuit. Nec multo post Odoardo Giachinotto pꝛætori, à Florētinis initæ concordie cū tessera nunciatus est missus, à quo Aloysius Guicciardinus in eius locū successurus, statim est intro-

introducitur, cui Pisani ex templo sacramentum dixerunt. Ipse vero Odoardus traditus iam arcibus non multo post à Guicciardino comprehensus est, diuque tortus, quod paulo ante Pisis Iacobo Corsio eiusque filio Florentinis civibus summa crudelitate ex levissima suspitione cervicem abscidisset, pari supplicio affectus est. Maramaldus autem atque Vitellius Pisano agro excedentes, hic per Elze vallis pagos ad Florentinum castellum, ille vero per Nevolaë vallis vicos ad Montecatini oppidum concesserunt, donec persoluto militi stipendio cohortes dimitterentur. Recepta patria, & e sententia compositis Etruriæ rebus, Clemens usque adeo incredibili lætitia affectus est, ut eam totum id committat legaudium, quo Pontifex fuerat renunciatus, superasse fateretur, diceretque urbem aliàs de religione benemeritam, accuratis sanctissimarum virginum, piorumque hominum precibus, incolumem proculdubio fuisse conservatam, quando Deum superi imminentem cladem præclara miseratione depulissent. Eo autem impensius exultari videbatur, quod Aurantius cuius ingenti merito nequaquam facile satisfacere posse iudicaret, in ipso victoriæ limine cecidisset. Is namque non obscura fama ferebatur Caterinam, ipsius Pontificis neptem, suis desponsasse nuptiis, ut ex ea Mediceæ domus legitima hæreditate in Etruria dominum conderet, inflante eum ad id quorundam præfectorum turba, qui ab Aurantio potius liberali comitate, quam à præduro parumque munifico Pontifice amplissima præmia se laturos sperabant. Iam enim Francisco Ruscio quodam Aretino impellente urbem Aretium ditionis suæ facere cogitavit, Aretinorum studio non absurde comparato, quum arcem eorum à Florentinis edificatam, gemente Valorio funditus evertisset. Cæterum Pontifex, quod suæ existimationis pietatisque fore existimabat, tueri nomen quod sibi desumpserat, moderata utens ultione, paucissimorum poena contentus fuit. Duodecimviratum creavit, cuius magistratus auctoritate civitatis status regeretur. Is constabat ex lectissimis civibus, qui omnibus temporibus Mediceo nomini mirifice studuissent, & tum ante alios usu rerum, civilique prudentia laudem ferebant. In his fuit princeps ipse Baucius Valorius, in quem Pontifex omnem arcani consilii summam contulerat, & secundum eum Zanobius Bartholinus, Matthæusque Nicolinus, & Armannoctius Detus, ambo iureconsulti, Aloysius item Stufa equestris dignitatis, Antonius Gualterottus, Andreas Minerbettus, Leonardus Ridulfus, Philippus Machiavellus, Octavianus Medices, & ipse quoque Raphael Hieronymus dudum dictator, & adversarum partium princeps: postremo autem loco Nicolaus Troschia popularis ordinis. Ab his creati sunt novi decuriones, & reliqui ex prioris formula magistratus, Raphaelque ipse Duodecimvirali honore contentus, abdicavit se dictatura, successusque fuerat in eius locum Ioannes Corsius optimis instructus literis, & Mediceæ familie multis nominibus addictus. Exinde creati sunt Octoviri, qui vitæ & necis traditam à decurionibus habent potestatem. Ab his aliquanto post in curia comprehensi, rei que facti maiestatis, capitali supplicio damnati sunt Baptista Ceus, & Aloysius Soderinus, & secundum hos aliquot post dies Bernardus Castellioneus, Iacobus Gerardus & Franciscus ipse Carducci, qui acerbissimus popularium partium fuerat dictator. Hi pro multis debitas perversis ipsorum moribus poenas dederunt, privatis quidem criminum nominibus in quaestione convicti. Non enim eo nomine damnabatur quod Mediceo nomini insensissimè hostes fuissent, & pertinacissime pro tuenda libertate propugnassent, id

siquidem non honestum modo, sed valde etiam decorum putabatur libertatis nomen constantissimè defendisse, quanquam id esset inane in imperitis scilicet & sævis civibus, principatum impotètem tyrannidq; proximum sævisimè exercentibus. Ceus ante alios acerbæ malignitatis civis, uti è singulorū confessione tormentis per Octoviros expressa, descriptaq; publicis in tabulis rerū capitalium ad memoriam eius legitimi iudicij sempiternam constar, perperam suæ sententię tenore concordiam detestatus, supremum ineunda pugna consilium tanquam salubre vehementer extollebat, usq; adeo assiduus ut Malactam, quod dicto audiens non esset, neq; antea ad pulverosam Stephano Germanorum castra invadenti maturam opem tulisset, capite plectendum apud Decemviros decurionesq; censuisset. Neptem porro Pontificis novennū puellam, quæ claustris Vestalium virginum servaretur, in ipsa muri coronam inter duas pinnas collocandam obijciendamq; hostium tormētis sualisset, atq; item ut Mediceorū domus urbis ornamentum decreto publico excinderetur, quod ut certius à senatu impetrari posset, sæpius ac sæpius cum Foiano egit, ut inter sacras conciones in eam sententiam populū perducere conaretur. Soderinus autem ex legatione Bononiensi impudenti mendacio retulerat, in finitimas esse Cæsaris vires, atq; adeo exhaustum Pontificis ærarium, ut non diutius contineriq; exercitus eorum posse periti rerum homines existimarent, consternatos esse Germanos, nec procul abesse à seditione frustra utiq; expectatis sperandis: Hispanos autem ducibus nequaquam parentes rapto vivere, divagariq; per Etruriam manipulatim. Quibus falsis evulgatis rumoribus populū ab omni concordia consilio deterreri, retardariq; posse speravisset, propterea Foianum cucullatum acerbissimas in templis habentem conciones, ut eum populo nunciaret, hortatus fuisset. Bernardus Castellioneus insatiæ propolulentię, uti efferrato ingenio vir, quum antea Aurantio bellariorū donec tulisset, Vastio cohortanti, ut Pontifici aliās optimo civi, nec nominis sui dementiæ defuturo, patriam cōcedendam curaret, superbe responderat, labiat atq; ostentata argentea pelvi quam habebat in manibus exclamans, non alio modo Florentinos, quā in cineres redactam patriam ea pelvi reddituros. Dixerat quoq; sæpius in adversarū partium cives invectus, si hi unam tantū haberent cervicē, se illam cupidissimè uno dextræ suæ ictu, districta latiore sica detruncaturum. Confessus etiam est se perpetuis sententijs in patritium ordinem ipsosq; Mediceos tanquā tyrannos inimicissimè fuisse proloquutum, adeo neptem Pōtificis nunquam reddendā esse, sed quum adolereret, contrudendam in Marmarucos fornices, ubi tum foedissimū erat lupanar, in verecundè censuisset, semperq; in senatu à sententia querendæ cōcordiæ procul absuisset, incitassetq; iuventutem per Dantem fratris filiū, notę ferociæ apud turbidos ducem, ut nullā aliam quā in armis, internecioneq; inimicorū, salutis sperare putarēt, & obiter in adversam factionem effusè grassarētur. Hæc tamen de re vel malelang voluntatis crimina nequaquā ab ipso reo cōfessa, sed ab inimicis malignè affixa, impositaq; fuisse pleriq; crediderunt, scilicet ut in visus, effusq; terribilis, & indomiti animi senex è Repub. tolleretur. Gerardus autem quod semper maledicentissimè de Cæsare atq; Pontifice fuisset obloquutus, se vaq; malignitate Caponium probè & sapienter Remp. administratē temulentā acculatione in discrimen capitis adductum, dictatura spoliasset, & in senatu ad cōtumeliam sacrosancti Pontificis petenda esse auxilia ab immanibus

Turcis pro tuenda libertate cēfuisse, turbidumque se & periniquum in omni actione civem præbuisse, promeruit ut ab amicis Caponij imitioribus tormentis torqueretur, & ab Octoviris cupidissimè damnaretur. At Carduccius sicuti recentis dictaturæ honore cæteris superior, ita quum acerbius à Norio torqueretur, graviora confessus est. arguebatur enim non obscuræ in Remp. perfidiæ, quod literas à Balthasare Carduccio apud Galliæ regem legato missas, pro concione legi ad populum vetuisset, invertique demum eas nefaria interpretatione per Donatum Giannottum scribam iussisset, scilicet ut postquā ille nihil certę opis ab eo rege, qui amicitiam Cæsaris commodum suo appeteret, populo Florentino nequaquam expectandam significasset, civium animi tota sustinendi belli spe deciderent, et ad parandam pacem verterentur: scelestoque demum hortatu suo seorsum iuventutem concitasset, ut in villas suburbanas Mediceæ gentis, & Iacobi item Salviati crudelib. incendijs desævirent, ut propter eam barbarici maleficij atrocitatem civitas omnis desperata venia, à cogitatione concordie penitus averteretur. sed multo maximè eius famam prægravabat, quod dictator inconsultis decurionibus atque Decemviris, ad Antoniū Franciscum Albiciū Aretij tum legatum, ut copias omnes in urbem adduceret, malignè perscripisset, ut civitatem imparatam, & ob id de concordia cogitantem, ad gerendum bellum erigeret: contra Rempub. enim fecisse censebatur, quod eius rei consilium magistratibus nequaquam communicandum existimasset. His tamen omnibus concessum est, ut maiorum sepulchris inferrentur. Zanobio autem Bartholino Malatesta, Raphaelique Hieronymo Ferdinandus Gonzaga salutem impetrarunt. Dantem Castellioneum Stephanus Columna impolita sacrificuli cuculla secum abduxit, tanquam virum egregiè sortem, qui singulari certamine pro dignitate patriæ dimicasset. Cæterum Raphael in Pisanum carcerem relegatus est: nam erumpente publico odio, summa deflagrabat invidia, quod in tormētis cōvictus esset fecisse adversus Remp. quum ē Genuensi legatione rediens, atq; ante collegas præcurrens confirmandis civium animis, & ad gerendum bellum incitandis, Cæsarem atque Pontificem usq; adeo imparatos esse, atq; adeo rei numerariæ inopia pressos dixisset, ut prius omnis eos decocturos, quàm Florentinorum moeniū, vel unā tantum pinnam caperent, vanissimè testaretur. Quo mendacio tantum diuturni belli detrimentum patriæ attulisse credebatur. primis quoque inchoantis dictaturę suę diebus, quum se à concordia minimè abhorrentē fingeret, deque mittendis legatis maiore populi advocato cōsilio ageretur, ac ideo collectis suffragijs manifestè pacem ab omnibus ferè peti animadverteret, nullo ea de re factō decreto, non modò optimos quosque cives, sed ipsos etiam populares ex conscientia animi perosos belli incommoda, tam improbè quàm impudenter decepisset. Pontifex autem eo animo fuit, ut Raphaeli parceret, nisi ille ex importuna verborum contentione cum præfecto arcis indignabundus, non dubiæ libertatis beneficium festinata morte prævenisset. Effudit autem Pontifex totum contumeliæ suæ odium in Foianum cucullatum, qui eum illoto ore in sacris concionibus intemperantissimè lacerasset. Coniectus siquidem in baratrum molis Hadriani totius insanæ facundiæ suæ pœnas sceda morte persolvit. Nobis compertum est damnatos evadere, & longè è castris primo, et ex urbe de muro profugere potuisse, quod post ipsam deditionem antequam caperetur, & de his ferretur capitalis sententia, duorum ferè mensium spatium invenisset.

quum interim Raphael literis Nicolai Scombergi, antistitis Campani, amicissimi hominis admoneretur, ut si pacatum sibi vellet Pontificem, continuo ad eius pedes supplex ire maturaret. Sed is ita hærebat curiæ, ut ambitiosa quadam ingenij vanitate, quod esset lectus inter duodecim viros, non dubia novi honoris cupiditate teneretur, & qualis dudum fuisset summæ potestatis oblivisci non posset, quin sibi peramplum in ea Rep. qualiscunq; futura esset, locum destinaret. Fit enim aut imbecillitate, aut superbia humani ingenij, ut non facile quisquam ubi peccaverit, vel secum ex conscientia se deliquisse fateri velit, nec ideo aliene severitatis & malignitatis impetum magnopere formidet. Carduccium angusta domi res, quod avaritia incorruptus ex dictatura abstinentissimas manus retulisset, necessitate quadam in urbe retinebatur, quod ad opum alicuius urbis præfecturam aspiraret, quæ dictatorijs & consularibus viris vetere consuetudine deberetur, usq; adeo ut ea spe vir alioqui peracutus & callidus, se ipsum depravate ingenio stultè deciperet, arbitrareturq; dictatore suæ actiones ad duodecimvirale iudicium devocari non debere. Audivimus Philippo Nerlio patritio, qui actionum urbanarum diurnales comitarios precepit, à Carduccio fuisse rogatum, ut pro se Volaterranam præfecturam sibi paulo antè à senatusconsulto destinata impetraret: ipsum verò eo respondisse vultu sermoneq; ut id petere ausum castigaret, qui præmia ab his, quibus magnopere nocuisset, promereri posse ineptissime speraret, ideoq; si saperet, ad tutiora consilia verteretur. Eo autem die, quo in curia custodiæ traditus est, quum duodecimvirali imperio vocaretur in curiam, nec statim ire vellet, postulavit ab Antonio Alberto sibi ex cognatione amicissimo, ut pro se in curiam ad magistratus ascendere minimè gravaretur, diceretq; suo nomine, Carduccium quidem paratum venire, sed timere inimicorum insidias, ne subito vim inferrent, scilicet ut Albertus ex vultu verbisq; qualis esset erga se magistratum voluntas exploraret. Officium præstitit Albertus, renunciatque nullum aliud à duodecimviris responsum retulisse, quam ut dicerent, Carduccium satis prudentem existimari, quo responso non obscure admoneri videbatur, ut sibi caveret. Sed non multo post eo ambigente hærentem venit à curia ostium pulsans publicus viator, qui eum argenteam præferens clavam in curiam deduxit, atq; inde custodiæ traditus est. Quibus argumentis & ex multis quoq; sermonibus ipsius Pontificis coniectari licuit, eum ad clementiam uti personæ memorem decebat, proclivem futurum, si amici eius graves recentium offensionum oblivisci, quàm civili sanguine manus imbuere maluissent. Non defuere siquidem ex civibus, qui privato incitati odio Pontificem ad exercendam crudelitatem impellere conarètur, sed is cunctis in rebus quæ poenam aut præmium respicerent, vel supra æquum temperatus, importunam vindictæ libidinem moderatissimè contrivit, utpote qui incendiarios, maleficosq; extreme pervicaciæ homines, exilio multasse cōtentus fuerit, quum adversarum partium principes, Thomam Soderinum, & Alfonso Strozam honoris causa in villas ipsorum voluptatibus dicatas relegasset: reliquam verò turbam publico damnatâ iudicio, eodemq; nomine relegatam per Italiam oppida disseminasset, ea conditione ut pro merito nunnuli effertatos spiritus retinentes insalubribus locis, sicuti Graviscis, Centumcellis, Terracina, & ad Superum item mare Senogalliæ, Pisauri, & Rhavennæ sedem sortirentur. Per hunc modum temperatæ severitatis urbe perniciosis civibus repurgata,

adve.

advenere ab Augusta Vindelicia decreti Cæsaris diplomata, solennibus latæ
 membranæ codicillis perscripta, ob signataque aureo sigillo, quibus Cæsar di-
 lertè explicabat, se idcirco ab Hispania venisse in Italiam, ut sublatis bellis certâ
 atque optimam pacem afflictis Italiæ rebus apportaret, contentiones tolleret,
 partaque cum omnibus, quibuscum antea armis contendisset, concordia, sacrû
 bellum contra barbaros Turcas indiceret, quo nihil sibi antiquius atque nobi-
 lius, vel Reipub. Christianæ utilius fore existimaret. Vnos omnium verò re-
 pertos esse Florentinos, qui pacis & tranquillitatis nomen odissent, animos fe-
 roces iniquissimè retinerent, & cum privato, tum publico commodo obstina-
 10 tius adversarentur, utpote qui antea rebelles animos induerint, Mediceam fa-
 miliam, à qua privatim & publicè commoda atque ornamenta ingētia omni-
 bus temporibus acceperint, patria pepulerint, oblitique prorsus beneficiorû,
 & immunitatum, quas superiorum Cæsarum indulgentia liberalitateque retu-
 lissent, ab ipsius demum authoritate discesserint, ipsorum copias & duces ad-
 versum se Neapolim miserint, adventantique exercitui suo portas occluserint.
 Quas multiplicis iniuriæ contumelias, quum pati non posset, & suæ dignita-
 tis esse statueret rebellem civitatem perdomare, coactum fuisse inferre arma,
 postquam tentata sæpè concordia, atque æquissimis oblatis conditionibus, vel
 vitio temporum, vel pertinacium quorundam civium malignitate corrupta,
 20 a pace se prorsus alienam ostendisset, proptereaq; integrum terè annum obse-
 derit: Se tamen quum armis fameque perdomitam iure optimo expugnare, at-
 que militibus diripiendam tradere posset, nihilo secius Cæsare clementie nun-
 quam oblitum, populi resipiscantis pœnitentia fuisse contentum, atque ipsius
 Pontificis maximè precibus adductum conservare voluisse. Quum vero, sicuti
 ex deditiois conditionibus liqueret, ipsius Augustæ potestatis, imperato-
 riq; arbitrii sit leges condere, & Rempub. ordinare, ideo optimum fore exi-
 stimabat, quod perpetuam civitatis tranquillitatem respicere videatur, Medi-
 ceam familiam reduci, atq; restitui in pristinam dignitatem. Et quoniam præ-
 ciale manifesteque constat, in liberis civitatibus nunquam vigere concordiam
 30 propter diversa dissidentium facilè civium studia, easque improspere semper
 atque infelicitè regi, nisi stabili perpetuoque Reipub. capite gubernentur, de-
 clarat Alexandrum Medicem, quem sibi generum asciverit, Reipub. caput, cu-
 ius singuli magistratus authoritatem sequantur, eaque dignitas ad liberos eius
 legitimos pertineat, atque his deficientibus, ad proximiores Mediceæ stirpis
 totius eius præminentia & dignitatis iura deolvantur, subindeq; Cæsar cun-
 cta veterum beneficiorum atque immunitatum privilegia, quæ aliàs prome-
 ruerint, sincero affectu confirmat. Hæc ut perpetuò servantur imperat, & his
 qui violaverint decē myriadum puri auri mulctâ indicit. Huius diplomatis sen-
 tentias, quæ latinè perscriptæ erant, Italica loquutus lingua, ut ab omnibus in-
 40 telligeretur, vertit, & promulgavit Antonius Muscettola Neapolitanus iure-
 consultus, qui tum Cæsaris legati munere fungebatur, membranam explica-
 tam, aurcoq; sigillo & manu Cæsaris subscriptam sæpe ostendens, & legendam
 his qui vellent, libentissimè præbens. Ipso autem Muscettola perorante as-
 surrexit dictator Benedictus Bondelmontes, qui nuper eductus fuerat é Vola-
 terranæ turris carcere, in quem antea populares relegarant, is iuxta assidebat,
 hisque verbis respondit. Grata nobis atque lætissima erit hodiernæ diei recor-
 datio in omnem ævi posteritatisque memoriâ: quandoquidē præclaro magni

numinis munere, & invictissimi Cæsaris beneficio optime constitutæ Reipub. ac duraturæ tranquillitatis initium auspicamur. Quod igitur felix laustumque sit Florentino populo, leges nobis latas à Cæsare, ad non dubium huius rectè atq; appositè ordinati status incrementum suscipio, venerorq; servaturumq; polliceor, ac pari studio atq; obsequio magistratus, cunctiq; civitatis ordines, qui præsentés adsunt, suscipient, atque optima fide servabunt. Tum verò ad dictatorem legatumque simul à dextris assidentem, singuli magistratus viritim accesserunt, tactoq; diplomate, atq; honoris causa inclinatis caputibus, quæ dixerat dictator approbarunt. Primi fuere decuriones, Octoviri & Decemviri, qui ab integritate iudicij, fama; probitatis boniviri vocantur. Ad hos tres Guelpharum partium duces defensoresq;, qui magistratus in urbe vetustissimus habetur, itemq; Octoviri, qui belli & pacis negotio præsumunt, deque Practici nuncupantur. Hos subsequuti sunt Octoviri, qui summam viæ & necis habent potestatem. Cum his iere Quinqueviri, qui ærario præsumunt, itemque Septemviri, conservatores legum appellati. Post hos Triumviri fisco præpositi, & secundum hos mercaturæ Sextumviratus, & Quartumviri urbium muniendæ curatores. Postremo Duodecemviri, quibus ab initio ordinandæ Reip. munus fuerat demandatum. His accesserunt ex Mediceorum amicissimis viginti & septem primores: ita ut in universum centum & viginti primitivum civium numerum implerent. Eo die videre subnotareq; licuit diversissimos eorum civium vultus, qui ordinatim ad tribunal ascendentes non obscura iusiurandi significatione in sententiam dictatoris pedibus ibant, atque vias, quas dixisset Cæsar, legibus obtemperaturos confirmabant. Nam quum multi præ gaudio plorarent, quod se in posterum incolumi & pacata patria, interstinæque dissensionis & turbulentiae omni malo vacua liberataque porturos prospiciebant, diverso animorum habitu pleriq; alij tristes atq; demisso vultus certi doloris indicia præferebant, usque adeo procul à dissimulatione positi, ut emigrantis & ereptæ libertatis exequijs interesse viderentur. Eadem quidem die, quæ Iulias Nonas antecessit anni trigessimiprimi supra millesimum & quingentesimum, dictaturæ simul & decurionum nomen, antiquata veterum magistratuum formula sublatum est, & principatus ex decreto Cæsaris in civitate, vel non planè libero civium assensu feliciter introductus, sic ut Alexander Medices à Belgio rediens, ubi tum agebat apud Cæsarem, inauguraretur, & Reipub. Florentinæ dux, quæ vox hodie dynastam & principem exprimit, gratulantibus penè omnibus appellaretur. Eiusdem anni principio, quo hæc Florentiæ confecto bello transacta sunt extremæ terrarum in Belgii regiones, quæ Gessoriaci litori incumbunt, repentina atque inusitata prorumpentis Oceani inundatione summā cladem subierunt, qua nobiles paulo ante urbes, frequentissimaq; oppida superfundente sese mari perire, usq; adeo miserabili calamitate, ut infinita propè mortalium multitudo intercepto fugæ remedio opprimeretur. Nam horribili prodigiosoq;, sicuti coniectari licuit, terræmotu concussus Oceanus, ita magno æstu intumuit, ut institutos antiquitus, & perpetua custodiæ diligentia ferè quotidie ab accolis instauratos aggeres, quibus submoveri arceriq; æstuantis maris fluctus consueverant, concitato quodam & vehementissimo incurso perrumperet, interiorisque plagæ terris altissimarum & reciprocantium undarum pelagus per transcendentes margines effunderet, animantiaq; subinde omnis generis irritis cursum, in aridas

aridas litoris partes perfugere conantia ocissimè mergerentur, quibus longo natatu fessis & fame morientibus, marinæ belluæ non dubio pavore attonitæ, impulsæq; fluctibus conterritorum piscium agmina succedebant. Prænunciabant hanc cladem triduo antè densissimi imbres diraque tonitrua scintillantis aeris, & crebra motatio telluris, perpetuoq; biduo cōcursantium inter se ventorum diversi turbines ita horribili pavore concussis mortalium mentibus, ut quum tecta nutarent, & ingruente inevitabili aquarum mole colluctantibus scilicet elementis, tota universi orbis compages resoluta, in antiquum chaos redigi crederetur. Ea porro calamitas longè maxima incidit Caneniphatum, & Batavorum insulis, quæ Selandæ & Holandæ à nostris hodie nuncupantur. Nam præter eas quæ inundantis maris impetu multorum cubitorum altitudine penitus submersæ fuerant: Alendebucha quoque & Harles, & Exclusæ clara oppida, ita fluctibus oppressa devorataque sunt, ut vix sacrarum turrium & templorum fastigia extarent, quæ horribili æquè & sæpe metuenda excidij memoria cladem testarentur. Sed Nonæ Novembres tantis malis finem attulerunt, quum porstidie Calendas sereno (quod mirum fuit) cælo, sed mox portentosum in modum ab repentina effusi imbris, & certantium inter se ventorum procella commutato, dira ea tempestas accidisset, tanta admiratione mortalium, ut nulla ab orbe condito maior et gravior ullis gentibus clades post diluvium Mosaycis literis celebratum incidisse crederetur. Nec multo post sequenti mense Ianuario, par propè exitij clades Lusitanis in ipsis proculdubio visceribus terræ furente debachanteq; Æolo illata est, cuius impetu urbs Vlyssipo in primis incomparabile detrimentum sensit, & post eam Coloniam, Sanctæ arene, & Azemburger, Almeriniq; urbium publica privataq; ædificia, inusitato terræmotu conquassata proscissaq; magnā vim mortalium ruinis oppressere, & nonnulla etiam navigia turbulento inflati maris hiatu absorpta sunt, sicut Tagus insanis allidentis maris fluctibus repulsus, discedentibus in utranq; ripam suis undis, sicca in medio vada obstupentibus cunctis ostenderet, nemoq; iam tota propt Lusitaniā tectis suis confideret, subsultante scilicet solo, ideoq; non citò desitura terræmotus vim ita præmonstrante, ut regis & reginæ exemplum sequuti universi ferè incolæ tabernacula aperis in locis castrensi in more erigere cogerentur, neq; in his tamen soluti metu pernoctarent, quum repentinum aliquem terræ hiatū quo absorberi possent, non temerè extimescendum arbitrarentur. Hisdem quoq; diebus Ferdinandus Caroli Imperatoris germanus frater Cæsar est appellatus, suscepitq; eius novæ dignitatis ornamenta apud Belgas, opulentiore atq; augustiore apparatu ad Aquisgranum urbem, Caroli magni olim sede, sepulchroq; clarissimā, quæ antiquis Nuagerra fuit, quum superiore biennio Bohemici regni diadema apud Pragam suscepisset. Nam sicuti Marcomannorū, qui hodie Moravi sunt, & Bohemorū, qui Ercynio saltu circundantur, & Slesitarū, qui Sarmaticos attingunt fines, frequentiam & cultum Germani autoritate atq; opibus superiores facile superabant, ita utriusq; pompæ spectacula cum ipsius Caroli imperatoris præsentia tam opulentissimorum procerum, & antistitum admirabilis comitatus incomparabilē illustrium hominum conventum representare censebatur. Nihil enim vel preciosius vel operosius excogitari potuit apparatu atq; instrumento utriusq; aulae, quum in eum totius Europæ ad exornandum triumphum lectissimæ opes, insigni studio certantium inter se gen-

tium collatas fuisse appareret: sacris namq; cerimonijs & ludis equestribus, geminatoq; præsertim epulo totius eius pompæ apparatus constitit, in quo accumulati luxus exquisitissimæ & copiosissimæ dapes alendis etiam plebeis hominibus superfuerunt. Imperator ipse usus eo prægrandi ense, quo Carolus ille Magnus omnibus sacri belli prælijs uti consueſſe fama erat, quanquam esset à multo vetustatis situ eruginosus, clarissimum quemq; Germanorum & Belgarum leviter contactis humeris equestri dignitate nobilitavit, dimissisq; conventibus uni ei curæ institit, ut consentientibus Christianarum gentium regibus pia arma in Solymantum, nimio plus immodicas vires extendentem verterentur. Namq; tum constans apud pios mortales fama erat, quorundam etiam vatum oraculis comprobata, nullis quàm Austrianorum fratrum certissimis auspicijs barbarorū vires malo nostro in immensum sese attollentes posse superari: quod existimare credereq; fas erat, postquam & his Ferdinandus à matura iam indole summæ pietatis atq; virtutis Pannoniæ atq; Bohemiæ regna bellicosissimarum gentium paterno Austriæ imperio dudum adieciſſet, & fraternæ demum amplitudinis, imperatoriæq; dignitatis succellor & hæres esset designatus: Carolus verò augustiore maximarum virtutum & opum concursu exaggeratus undique victor inusitata felicitate ad Occidentem per Oceanum auriferis regionibus potitus, Christiani imperij terminos ad Antipodas usque protulisset.

PAULI IOVII NOVO-

COMENSIS EPISCOPI NV-

CERINI, HISTORIARVM

S VI TEMPORIS

LIBER XXX.



ARMORVM maximè ingentem terra mariq; apparatus, & qualem nulla maiorum ætas viderit, aut literæ memoriae ad admirationem posteris traditurus, paulo altius belli causas repetam, ut magis illustria sint, quæ mox dicentur. Pacata Italia Cæsar è Belgis, apud quos alterum iam annum egerat, adverso Rheno profectus, Ratisponam ad Danubium venit, ubi totius Germaniæ concilium multis de causis, & sanandis præsertim Lutheranorum mentibus, erat indictum. Eo enim tempore celeberrimis in urbibus vehementer convulsa erat Christiana religio, ob idq; in partes diducti pleriq; populi inter se bello contendebant: adeo ut Germania armis, opibus ac ingenio florens, dum insanis erroribus servit, sublato consensu, atq; interrupta religione, auctoritate gravissimum vulnus acceptura videretur, eò præcipue quod eius diræ pestis venenum ad animos potentium pervaserat, qui impiè atq; arroganter ea dogmata tuebantur. In his erant Fridericus Saxonū, & Philippus Langraviius Cattorū principes, Carolo & Ferdinādo infensi, veteresq; hostes Austriæ

Austriæ domus, cuius opes & dignitatem maximè infringi debilitariq; eare-
 ligionis cōturbatione existimabant. Vuillermus quoq; Boioariæ regulus, qui
 multis præclaris cum familiæ tum virtutis subsidijs fretus, ad imperium aspi-
 rarat, æquo animo ferre non poterat, Ferdinandū superioribus comitijs veluti
 adoptante fratre, Cæsarem appellatum, querebaturq; Romanum imperium
 una in Austriæ domo tanquā hæreditarium perpetua quatuor Cæsarum suc-
 cessione confirmari, adeo ut eum vitio creatum diceret, et nova subinde comi-
 tiav eluti prioribus ambitu largitioneq; corruptis flagitaret. Angebat etiam
 Vuillermū genus à præalta stirpe repetentem ignominia repulsæ, quam tulerat
 in petitione regni Bohemorum, superante suffragijs Ferdinando, quanquā
 ipse Bernesthenij & Cauphonis procerum, qui autoritate maximè valebant,
 amicitia & studio plurimū inniteretur. Quibus de causis fiebat, ut Cæsar ne-
 quaquam eorum sincera fide, aut egregia voluntate uteretur, qui vel piæ san-
 ctæque de sacris potestateq; Pontificis sentirent, proptereaque minus facilem
 eius causæ cognitionem iudicaret, quanquam à Laurentio Campegio Cardi-
 nale legato cuncta propè firmissimis rationibus refellente, tractari, & iure op-
 timo damnari posse Lutheri placita viderentur: ea enim non reiicienda modò
 atque abolenda, sed risu excipienda esse censebant, qui sacrarum literarum pe-
 ritia mediocriter valerent, quando nulla constantia plures discipuli ipso ma-
 gistro infaniores, provecta in immensum interpretandi lididine à primæ re-
 bellionis argumentis impudentissimè descivissent, ut ipsi de nomine peculia-
 res lectas conderent, & imperita multitudo ad factiones atq; intestina bella
 traherentur. Dum hæc exploratis procerum animis pertractant, & profani
 iuris controversias finiunt, certis rumoribus affertur Solymantum innumera-
 bilibus instructum copijs à Byzantio in Mysiam pervenisse, eadem confirmat
 Clementis, Venetorumq; literę, magnus timor Germanis incutitur, Noricisq;
 præsertim, qui proximis barbarorum incursionibus abacta pecora, raptos in
 servitutem liberos cum uxoribus, & fratres trucidatos, incensaq; ædificia re-
 pentina belli clade conspexerant. Fama erat ea de causa redire in Pannoniam
 Solymantum, ut Viennam expugnaret, à cuius mœnibus paulò antè fortiter
 repulsus, cum ignominia discessisset: aut si Germani duce Carolo Cæsare con-
 traprodiarent in aciem, de totius ferè terrarum orbis imperio decertaret: ip-
 sum enim se unum esse, ad quem Romanorum imperium legitimo iure perti-
 neret, dicere solitum ferebant. Quoniam magni Constantini, qui universi or-
 bis Augustus imperator extitisset, sedem & sceptrum atq; urbes eius imperij
 teneret, uti proavus Mahometes expugnata Constantinopoli, & Constanti-
 nosupremo Græcorum imperatore superato occisoque, hæc omnia iure belli
 capta Ottomannicis regnis adiecisset: propterea quum de Carolo sermones
 inciderent, vel literę scriberentur, eum nō Cæsarem, sed Hispaniæ regē super-
 badisimulatione vocare consueverat. Elatus enim tot suis, maiorumq; suo-
 rum victorijs, quibus a Mæotide ad Erythræi Indiciq; maris angustias, & ab
 extremis Illyrici finibus ad Armeniæ terminos imperium protulissent, deco-
 rum maximè & nominis sui fama dignum putabat, in Germaniam penetrare,
 terrorem, cedes, incendia circumferre, ostentareq; aciem, ut Carolum acerbis-
 simis suorum cladibus permotum ad pugnam provocaret: sperabat enim eum
 nequaquā universo prælio certaturum, quod Germanos per causam Luthera-
 næ superstitionis inter se dissentire didicisset, unde sibi nō dubiam erecto tro-

phæo ex aliena infamia laudem pararet, quod si eo animo esset Cæsar, ut pro-
dire non dubitaret, & patentibus campis Christiana signa committeret: tum
verò ipse sua occasione ad optimam spem exploratæ victoriæ uteretur, quan-
do pedestres magna ex parte nostrorum copias circumducto innumerabili e-
quitatu, fame enecare, spe prælii latè frustrari, ac demum funesta necessitate
cedentes & dissolutos in fuga proterere facillè posse videretur. Cæterum suæ
dignitatis esse statuebat Ioannis iniurias defendere, quem ipse in Pannonia
regem constituisset. Is quanquam Ferdinandum maiore semper animo quam
viribus contra se bellum gerentem contemnere poterat, Caroli tamen poten-
tiam veritus, qui ex propinquo copijs, pecunia, autoritateq; fratri opem lau-
rus esset, a Turcis auxilia petere cogeatur. Fuere qui crederent Solymanum
invito Ioanne in Pannoniam venisse, Polonorum scilicet & Gallorum co-
hortationibus inductum: quoniam hi Cæsarem qui bellagerere per legatos
singulari felicitate consuevit, gravissimo bello periculosiq; prælijs impu-
tum videre percuperent: illi verò Ioannem uti affinitate Sigismundo regi con-
iunctum, in Pannoniæ regno conspiciere mallent, quam Ferdinandum, cui
gravem aliquando è tribus regnis hostem Sarmatiæ futurum. Sed de hoc qui
nihil pro vero sit compertum, haud temerè censuerim hos magnos piosq; re-
gēs, tanta infamia liberandos, adeo ut arbitrer Solymanum non magnopere
his de causis & precibus permotum, tantū itineris suscepisse, sed veterem po-
tius suum, Ottomanorumq; principum morem secutum, qui exercendæ mi-
liti bella ex bellis serere, nihil è veteri disciplina segni ab otio corrumpi suere.
& finitimos quosq; tanquam veros hostes, prædæ, victoriæ ac laudis materiam
putare consuevit. Quo instituto alternis annis universas copias educendo
omnibus gentibus, cum quibus collatis signis sint congressi præter viros Scy-
thas, bello superatis supra viginti Asiæ atq; Europæ regna imperio suo adie-
cerint. Ferdinandus ubi sit certior Solymanum prima agmina per Thraciam
extendisse, ad eum cum muneribus & æquissimis de pace lœdereq; mandatis
tres legatos mittit, quorū princeps erat Leonardus Nogarola nobilis Vicen-
nus literarum & multarum linguarum peritia insignis. ij in Triballorum finibus
obviam facti Solymano, humaniterq; suscepti, nihil plus retulerūt, quam
ut castra sequerentur. His Ratisponæ nunciatis, Cæsar Germaniæ proceres,
legatosq; liberarum civitatum alloquitur, docet in eo communi & gravissi-
mo rerum periculo nihil tutius esse consensu, nihil dissensione calamitosius;
proinde excitarentur ad id classicum, quo sævus & barbarus hostis cunctis ca-
thenas & compedes, & templis ac urbibus vastitatem denunciaret, se constan-
tissimo animo paratum esse contra hostes proficisci, ad tuendam religionis
causam, ac nominis sui dignitatem, si ipsi fortiter & alacriter coactis copijs
Christi vexilla & victrices aquilas sequerentur, atq; unâ more maiorum, pro
salute omnium & veteris gentis gloria bellum susciperent, accituum se conse-
sturi Hispanorum & Italarum expeditas cohortes magni roboris auxilia, qui-
bus Germanorum statariæ legiones firmarentur, Clementemq; Pontificem in
hos apparatus magnam auri vim collaturū, uti esset pollicitus, si hæc gnaviter
parari & egregia fide administrari didicisset. Ad ea principes legatiq; propen-
sissimis animis responderunt, in animo esse Germanis omnibus, ut ab antiquis-
simis temporibus factum meminissent, salutem publicam & communem o-
mnium, imperijq; præsertim existimationē tueri, propulsare iniurias, & Chri-
stianæ

stituti religionis hostes bello persequi: Cæsarem verò prolixè collaudare, qui
 se eo bello imperatorem futurū profiteretur, et externa item auxilia defenden-
 dis, adiuvandisq; Germanis esset adiuncturus. Idcirco ipse, fraterq; Ferdinan-
 dus darēt sedulo operam, ut ea quę usui essent, maturè & diligenter expedirēt:
 ipsos enim ex veterē formula tabularū Romani imperij, uti esset descriptum,
 æstimato provinciarum atq; urbium censu, delecturos milites, & ad conductū
 Viennam undiq; in una castra transmissuros. Itaq; fit decretum ē summa con-
 ciliij, ut in aliud tempus Lutheranae causae cognitio differatur, cæterisq; cōtro-
 versijs et rebus omnibus postpositis, omnes in unum belli apparatus animos
 intendant. Igitur Cæsar Alfonso Vastio in Italiam perscribit, ut veteres præse-
 ctos advocet, & per eos cohortes cōscribat, & quantum maximè, potest sclo-
 pettariorum numerum paret, simulq; Hispanos omnes Tridentinis alpibus
 ad se celeriter in Noricū adducat. Andree quoq; Auriginiungit, ut pari studio
 triremes ac plures onerarias militariter exornet, & adversus Turcarū classē
 in Græciā trañciat. Accersit etiam ē Belgio, Burgundiaq; gravis armaturę or-
 natissimum equitatū, & ab Hispania complures nobiles veteranosq; milites:
 et sibi quoq; privatim, cohortium prætorianarū nomine, duodecim milia Ger-
 manorū, ex his qui in Italia plura stipendia meruissent, mercede cōducit, qui-
 bus præficiuntur Maximilianus Hebersthenius, atq; Tamisius Italico bello
 clari duces. Vni Galli multis de causis, quas suo loco memorabimus, nihil
 huic bello sese miscuerunt: rexq; Britannus ab infami repudio legitimę uxoris,
 quæ Cæsaris erat matertera, uti planè hostis depravatū & penitus alienum ab
 amicitia & religione animū ostendit. Interea Clemens dabat operā, ut pecu-
 nia: à quæstoribus undiq; cogerētur: volebat enim in tanto rerum discrimine,
 uti communē omnium parentem decebat, erga remp. præclarum pietatis stu-
 dium ostendere, cōciliandis præsertim Lutheranorū animis, qui eo beneficio
 atq; ea liberalitate ad sanitatē reduci posse viderentur. Erat ærarium Pontificij
 imperij penitus exhaustum superiorum temporū calamitate, præcedentibusq;
 iacturis ac impendijs: nam Etrusco bello decies centena milia aureorū num-
 mū expēdisse ferebatur. Quamobrē in senatu decretū est, ut quinq; decumæ
 sacerdotijs imponerētur, quę res minores sacerdotes, sacratasq; virgines, & sa-
 cras hospitales domus vehemēter afflixit: nam exactores cum imperio in pro-
 vincias emissi, dum privato quæstui studerēt, incredibili acerbitate humana
 & divina omnia perturbabant, adeo ut pleriq; sacerdotes templa desererēt, &
 passim sacrata vasa & antiqua donaria cōflarentur: erant & qui prædia dicata
 altaribus venditarēt, ut decumę solverētur, neq; honestissimus sacri belli præ-
 textus, ac extrema propè necessitas invidia leniebat: quoniam Cardinales qui
 opima sacerdotia possiderent, immunes evaserant, quasi illis ad tuendam Ro-
 manæ aulae amplitudinē de solito vitæ splendore nihil remittere moderariq;
 liceret, quum ex adverso plerisq; egentibus ultima vitæ alimenta raperentur.
 Per hunc modū coacta pecunia Hippolytus Medices Cardinalis, qui bello in-
 terfit, Legatus efficitur, ut in summe nobilitatis excelsiq; animi Legato summa
 authoritas & dignitas emineret, eoq; pignore tradito Clemens propensissimā
 voluntatem erga Cæsarem præclare testaretur. In eum iuvenem alterū & vige-
 simum agentem annū natura Fortunaq; certatim maxima dona congefserant,
 specie formaq; corporis ac ingenij rara felicitate insignis erat, & super hæc pe-
 ctacula edendo, donandoq; liberalis famā consecutus, adeo studia populi com-

moverat, ut sugillata Clementis avaritia quadam naturæ similitudine Leonis patruī memoriam revocaret, et opes iam vel insanis ipsius sumptibus pares esse cœperant: nam ei Clemēs Pompeio Columna ad Neapolim vita defuncto, eius sacerdotia ac officia, quę erant amplissima cōtulerat, quanquā esset attus ac ingenij vigore ad tractanda arma, quā ad obeunda sacra paratior: propterea quum ex lectissimis hominibus comitatū instrueret, aliquāto plures milites, quā togati viri ac antistites proficiscentem sunt secuti. Eius adventus Ratisspōnæ cum à Cæsare, Ferdinandoq; rege, tum à Germanis lætanter exceptus est: nam ingentē pecuniam multosq; viros fortes, & notos cēturiones ac militares equos adduxerat, & super hæc sine ullo fastu Cardinei cultus oris habitū ingenuę promptæq; virtutis plenū præferebat. Igitur cōsilijs cum Campegio communicatis, atq; eo in Italiam dimisso, quod tum maximè nervorū doloribus laboraret, magnam auri partē effudit cōducendis octo milibus equitū Hungarorum, quos se habiturū Ferdinandus promittebat, si ad eos in finibus Pannoniæ dispersos, atq; operam adversus Turcas navare cupientes, stipēdia mitterentur: transierant enim ad Ferdinandū duo supra ceteros duces Valentianus Thracus, & Bachithius Paulus, hic Triballus erat, ille Hungarus, admirandę virtutis homines, sed fide instabili: nam uterq; apud Solymānū in honore habitū, diu in Turcarū castris antea militabant, ac demū non ignobili transugio ad Ioannē, atq; inde cōmutata voluntate in Germaniā venerant. His Hippolytus legatus singula vexilla honoris causā de manu tradidit, in quęis pię erant imagines crucifixi Servatoris nostri, ad cōmovendam vel in ferreis Ludovici norū pectoribus pietatem: addidit etiam vestes ex auro purpuraq; militares, & sicas Italicas, aureosq; torques, nec se passi sunt eorū ingentes animi liberalitate superari, quū paulo post & equum insignem cursu, & gladios more gentis incurvos æquato munere rependerint. Iam primā Turcarum agmina Savandriam pervenerāt, quum Ioannes arma expedit, Gritto negotium dat, ut Strigonię arcem tormentis expugnet. Situm est Strigonium in ripa Danubij viginti passuum milibus ab urbe Buda: cuius arx egregiē munita Ferdinandi presidio tenebatur. Igitur Grittus terrestribus atq; navalibus copijs diu antea operantem, ad motis muralibus tormentis aggreditur: cuniculi aguntur, per quos suppositis ignibus ab imo totus corruat murus, atq; extremæ in propugnaculis pinnæ ferreis pilis decutiuntur: consistunt tamen fortiter in muro Germani, seque acerrimè fortissimeque defendunt: sed cum rerum prope omnium inopia laborarent, & minus salubri aqua uterentur, pluresq; morbus plane servus invaderet, desperata salute à Posonianis auxilia, vexillo & fumo interdiu & noctu ignibus petere cœperunt. Erant Posonię Thomas Agriensis episcopus, & Vulcanus iureconsultus, Cæsaris Ferdinandiq; legatus: ij cognito Strigoniensium periculo ad Viennæ præfectum conscribunt, hortanturque ut priusquam Solymanus Savum tranſciat, deductis è Vienna presidijs, et demissa graviore classe, terra simul flumineq; Danubio obsessis opem ferre maturarent. Grittus enim inconditā multitudinem Vngarorum et Servianorum admixtis Turcis in castra contraxerat, nequaquam idoneam sustinendo prælio, si à peritis ordinum atque militiæ in subitum pugnæ discrimen adducerentur. Præerat Viennensi præsidio cunctisque Ferdinandi copijs Catianer, quem superiore bello adversus Turcas egregia cum laude Viennæ mœnia defendisse memoravimus. Erat Catianer sicuti in conferenda pugna fortis & impiger, ita

non semper sobrius, & turbidus in suscipiendis consilijs alacritate quadam inanis & pervicax, sive quod Turcas putabat ad oppugnandam Viennam, ut arcem belli, protinus advolaturos, & propterea eam urbem nulla ex parte nudandam iudicabat, sive quod satis virium in sola classe futurum arbitrabatur, terrestri itinere nihil tentare constituit, prætermittensque facile patrandæ rei occasionem Posonianis rescripsit, ut Nasadias quantas haberent propugnatoribus instruerent: pollicetur verò se paulò post graviora navigia maioribus tormentis referta, atque exornata more maritimarum triremium, ut Nasadijs præsidio essent, continuo submissurum. Ungari Nasadias vocant navigia oblonga remorum ordine valde expedita, biremibus prædatorijs, quæ in mari nostro visuntur, disciplina celeritateque similima. eius generis ad sexaginta in statione erant Posonij, quas vir Germanus, cui Corporano cognomen fuit, rei navali præpositus, uti Catianer præscripserat, deducit, ac remige militeque & minoribus tormentis complet: eo consilio ut in Comaria insula, quam paulo infra Posonium Danubius efficit, desertum quoddam castellum occuparet, atque inde cum graviora navigia è navalibus Viennæ demissa applicassent, in hostium classem inveheretur: ea erat in obsidione Strigonij distributa in stationes, ut flumine nihil omnino obsessis importari pateretur. Dum hæc ad Posonium parantur, Grittus per speculatores de hostium consilio sit certior: erant enim permulti Hungari in partibus Ferdinandi, qui non valde turpe ducebant, uti libido ferret, hæc & illac transire: gens enim effera præsentis tantum gnara commodi, atque eventuum spectatrix, studiorum commutatione magnopere gaudebat, adeo ut nemo ferè in partibus Ioannis esset paulo notior atque nobilior eques, qui non aliquando cum Ferdinando rege militasset. nec satis firma etiam fides apud sacros antistites, qui non semel animos atque opes alternæ Fortunæ successibus applicassent. Igitur Grittus celeriter consilium capit præoccupandi hostis, conferendæque pugnæ, priusquam graviora hostium navigia Nasadijs coniungantur. Erant ei Nasadiæ numero Posonianis ferme pares: gubernatorum verò scientia & militum virtute aliquanto inferiores, quam obrem in has complures sagittarios & sclopettarios Turcas distribuit: proponit præmia singulis, qui spectatum facinus ediderint, atque omnes ad præstandam gnaviter atque celeriter operam cohortatur. nec mora adverso amne per noctem ad hostes magno silentio provehuntur. At Posonianum, qui iam ad Comeriam pervenerant, ubi ex pulla remorum renunciantibus speculatorijs navigijs de adventu hostium cognoscunt, vehementer perturbantur, ut non plerunque solent, quibus præoccupari deprehendique contingit dum insidias hosti moliuntur. Erat præpositus quinque Nasadijs Pestanus senex, negotij navalis admodum peritus: is Corporanum monet, ut congressum devitet, atque sese Posonium recipiat, ipsum à postremo agmine totius classis terga validissimis Nasadijs esse defensurum. non esse credendum hostes, nisi magna de causa & certa cum spe, veluti rebus exploratis, adverso amne subisse: proculdubio totius consilij decretum per Hungaros hostibus esse delatum, profectionemque proditam: satis honestum videri posse eum receptum omnibus militiæ non ignaris, postquam graviores naves nondum advenerint, quas etiam Catianer expectandas esse præceperit. Corporanus ingenio ferox nihil de Pestani monitis ad aures admittit, sive quod flagitiosum putaret non expectare hostem ultro subeuntem,

præliumq; poscentem, sive quod suorum virtuti nimium confusus, adversariorum vires magnopere despiceret: ergo prælii, signum præponitur, dividitur classis in acies tres. Pestanus omnium primus prorumpit, profluentisque secundo cursu concitatus hostes adoritur, eo impetu quatuor eorum Nasadijs perfringit, primum agmen perturbat, magnam victoriæ spem sequentibus præbet. At Turcæ confertis navigijs vim atque impetum invadentium constanter excipiunt, fit prælium atrox, omittunt pleriq; remos, consis & gladijs rem gerunt: tormentorum sonitu ac fumo, & dissono clamore tot gentium omnis oculorum atq; aurium usus eripitur: ad hæc nebula crassior, ut sit, orta diluculo, ita amnem totum & classes intexerat, ut navium magistri non plane perspicerent, quamnam in partem flectendi remi, & proræ essent indicanda. erat Turcis fluminis impetus maximè gravis & adversus, sed ea iniquitas coniuncta inter se eorū navigia maximè confirmabat, adeo ut contra veluti æquata conditione, Posonianorum oculi adversis orientis Solis radijs ferirentur, tum vero Turcæ discussa nebula tantam vim sagittarum adversis navibus infunderunt, ut propugnatores simul & remiges his confixi, sclopettorumq; glandibus traiectione, in fugam verterentur. In eo tumultu Pestanus egregie pugnans interficitur. Corporanus cum tredecim omnino Nasadijs, quæ celeritate reliquas anteibant, adverso flumine profugit: reliquæ aut demerguntur, aut desiliens in proximas ripas militibus atq; remigibus vacue capiuntur: ex mille & septingentis hominibus qui in Posoniana fuerant classe, fere quarta pars interiit, cæteri terrestri itinere evaserunt, nonnulli etiam capti, dirisq; ab hostibus non multo post Posonium sunt reversi. Post id prælium Cretus, quod cuniculis nihil profecerat, & duo muralia tormenta ab crebro usu, uti accidit, fervefacto metallo disrupta fuerant, arcis oppugnationem intermisit, ratus circumvallatum hostem, non diu obsidionis incommoda tanquàm desperatis post navalem victoriam auxilijs esse toleraturū. Sub id ferme tempus Hispani, qui in agris urbium Æmiliæ viæ stativa habuerant, fertilissimique tractus incolas circa Scultennam & Gabellum amnes, ad Padum usque magnis detrimentis afflixerant, ad alpes pervenerunt. Erant in eorum castris supra viginti milia hominum, sed tertia fermè pars inutilis turbæ tantum septem milia veteranorum peditum censerentur: cum multis enim impedimentis & iumentis onusti vetere præda secum fortunas suas omnino deferendas esse iudicabant, adeo ut nec scorta & voluptatum instrumenta relinquerent. Hanc militum licentiam atque luxuriam, quum Vastius præcipuè commeatus inopiam veritus, castigando iubendoque cohibere, sarcinarumque numerum præscribere vellet, ad Athesim militaris seditio exarsit. Nonnulli enim centuriones opulenti, quibus adeo longinquæ & periculosæ militiæ labor erat ingratus, concitare vulgus militum, & stipendia flagitare coeperunt, adeo ut non excessuri Italia viderentur, nisi consternatis, & in unum animi decretum consentientibus pecunia solueretur. Vastius qui ad minuendam ipsius existimationem à paucis inimicis adversum se exagitari multitudinē haud obscure intelligebat, dissimulandum in præsens ratus, quædam temporis necessitatiq; tribuit, donativumq; pollicitus quum ad Cæsarem pervenissent, menstrui stipendij pecunia cohortes pacavit, & in Germaniam sublati signis est profectus. nec multo post Italicæ cohortes sunt secutæ. Tanta enim alacritate in Cisalpina atq; togata Gallia, Piceno, Umbria, totaq; passim

Etruria milites bello assueti nomina dederunt, ut duplicatum signorum nu-
 merum quisq; præfectus adduceret, & Vastius nonnullos nobiles Circum-
 padanos opibus insignes, quos præfecturis honestarat, & in magnos bellici
 apparatus sumptus adegerat, superante militum multitudine cum magna in-
 vidia repudiare atq; relinquere cogeretur: non enim Italos tum primū laxa
 pace perfruentes tanta promptitudine virtutēq; animi eam ancipitem duram
 que militiam subituros crediderat, ut præcipuē Germanis opem ferrent, a qui-
 bus tot clades acceperant: propterea potentes opulentosque rogarat, prolixē-
 que invitarat ad capeffandam laudem, quibus clientes atq; oppidanos mini-
 me ad sequenda signa defuturos iudicasset. Id autem invitis fecit: quoniam ei
 certum militum numerum Cæsar præfinierat, iusseratq; ut cæteris reiectis si-
 gna & cohortes uni tantum spectatē virtuti & fidei veterū præfectorum com-
 menderet. Ii fuere Martius Columna, Petrus Maria Rubeus, Philippus Tor-
 niellus, Ioannes Baptista Castalius, Fabritius Maramaldus, & qui novissimē
 omnium alpes transiēre, Pyrrhus Stipicianus, & Camillus Columna Mar-
 ti frater patruelis, veteres præfecti omnes, & bellica virtute, & studio erga
 Cæsarem admodum illustres, in his cohortibus fuere amplius quatuorde-
 cim milia delectorum peditum præter voluntarios, qui undique Viennam
 postea confluxerunt. Secutus est legiones Ferdinandus Gonzaga cum duo-
 bus circiter milibus galeatorum equitum, in quibus fuit ala ab Alfonso Atesti-
 no missa, & trecenti veteres Hispani equites, & Græcorum aliquot turmae ac-
 cedere, & his pleriq; e tota Italia sine stipendio nobiles strenuq; equites, qui
 antea ordines duxerant: existimabant enim se ignominia notatos iri, si uti de-
 sides & parum pñ sacro bello minimē interfuissent. Hæc tanta multitudo ad
 Halam, salinis celebre oppidum, navigiis imposita, secundo amne Orno ad
 Boiodurum, quod hodie Patavia dicitur, Danubium intravit. Sub id quoq;
 tempus Cæsar inspectis Sequanorum & Belgarum alis, quæ erant mirificæ,
 tormentisq; maioribus, quæ Nurnbergæ præsentī pecunia compararat, ra-
 tibus impositis a Ratispona Lintium devehitur. Nunquam tot navigia, totq;
 milium à Romanis usq; temporibus Danubius tulit. erant maximi lintres ad
 effigiem terrestris ædificij cum cubiculis & porticibus fabrefacti: visabantur
 latissimæ rates equorum agmina deferentes: erant navagia tabulatis contecta,
 plena com meatibus. præter hæc, innumerabilis navicularū multitudo inter-
 mixta maioribus navigiis sequebatur. undique audire erat consalutantium ac-
 clamations, timponorumq; & cornuum ac tubarum concentus, & cum na-
 vigia defuissent, etiam ripæ frondosis arboribus convestitæ sinuosi peramœ-
 nique fluminis ad iocundissimum quoddam spectaculum equestribus atque
 pedestribus copiis complebantur. Interea Solymanus, qui sextis & quinqu-
 gesimis castris Belgradum pervenerat, Savo amne multis simul pontibus con-
 strato, innumerabilem equitum multitudinem in Pannoniam effudit, relicto
 in dextra Danubio, paululum ad lævam deflectens, ut intactæ superiore bello
 regionis copiis uteretur, & in Valeriam provinciam late fertilem, & Nori-
 co ad meridiem coniunctam, quæ Stiria hodie dicitur, rectā contenderet. In
 eo itinere Guintium occurrit, quod Nicolizza vir fortis domestico potius
 quam externo præsidio tuebatur. Id est oppidum non longè ab urbe Saba-
 ria in plano positum, quadrato nec magno ambitu & modicis quidem mœni-
 bus cinctum, tenuē opibus, & prorsus ignobile, nisi ab ignominia Turcarum

claritatem accepisset. Igitur Nicolizza reſectis propugnaculis, repurgata ſoſſa, oppidanis & paucis militibus animo confirmatis, vel ob id præcipue, quod in Turcarum caſtris nulla eſſent tormenta muralia, vires minasq; tanti hoſtis contemnere, ſeque ad extremum rerum exitum tueri conſtituit, ut inde belli- cæ virtutis & conſtantix habiturus famam, aut ſi cum oppido cadendū foret. Pannoniorum fidei & fortitudinis præclarum ſpecimen æditurus. Habraimus ipſe Baſſarum princeps, cui Solymanus, quod nemini unquam ab Otho- manis datum meminerāt, ſupremi imperij poteſtatem cōmunicarat, ad Guintium proſectus, Nicolizza fidem promiſſis & minis pertentat: noverat enim hominē Habraimus, dum ille Byzantij legationis munere fungeretur, eumq; veluti virum fortem ac induſtrium, ſibi & Solymano cōſervare, quā omni- no perdere cupiebat. ſed quum Nicolizza nihil pacatum, nihilque demuſſum reſponderet, copix innumerabiles in coronā mœnibus admoventur, aguntur tribus in locis cuniculi, ut ſubditis ignibus mœnia ab imo diſrupta frangeretur. Cæterum quum diſciſſo & proriente muro Guintiani præſentibus ani- mis introrſus munitiones extruerent, & cuniculis diligenter, vel a ſceminis obviam iretur, ac in ſtatione ubi periculum poſceret, audacter conſiſterent, & multi utrinque tormentarijs glandibus peterentur, Habraimus agmina Aſaporum, atque item Ianizeros prætorianos, ad eam muri partem converſit, quæ meridiem ſpectat: à Septentrionibus verò ubi multi paſſim colles ex- gunt, oppidoque imminent, curulia tormenta perducit, eo conſilio, ut terga propugnantium hoſtium, ab excelsioribus locis intercedente oppido verberaret. Ea res non ſtatim animadverſa magnum Guintianis attulit detrimen- tum, quum eodem tempore adverſi ſclopettariorum & ſagittariorum mul- tudinem vix ferre poſſent: averſi verò plumbeis pilis ſternerentur, erant et tormenta non diruendis muris, ſed ad campeſtres pugnas idonea, levitate & brevitate expedita, ita ut commodè ſubductis rotis ſingula camelis ſingula veherentur. At Nicolizza quanquam ſuorum clade percuſſus ſeſe non defe- rit, ſublataque ex ædificijs magna tabulatorum atque aſſerum multitudine perpetuam munitionem introrſus à muro, pedes duodecim erigit, quæ m- tes protecti atque occultati commeando & propugnando conſiſtere poſſent. eo ſubitario opere perfecto Turcæ incertis demum ictibus tabulata petebant, ita ut pauci, & caſu quidem interirent. Sed quotidie non parvus numerus ſceminarum, puerorum & ſenum vulnerabatur, qui concluſi domibus cum parandis alimentis, tum ſaucijs percurandis vacabant, quod in ligneas domos frequentes pilæ terebratis repente tabulatis in nihil tale expectantes incide- rent. Interim ducenti fermè equites Turcæ è caſtris ſpeculabundi prædabun- dique ultra Neoaſtadium excuſſionem fecerunt. qui quum diu vagati ad Leo- poldium vicum perveniſſent, incidere in inſidias, ſic ut inter amniculum, qui illac præſeptis ripis perlabitur, & mediam vici regionem, quæ publicum iter præbet, intercluſi fermè, omnes ab Hungaris equitibus cæderentur aut ca- perentur. Leopoldenſes enim ingenti ſtipite prælongi arboris ita militarem clauſerant viam, ut cum is ſtipes in lignea tricubitali columna ad libramen- tum ſuſpenſus eſſet, & in axe verteretur, facile quum vellent in directum ex- tenſo ſtipite à læva dextraque aditum aperirent, vel eo contraria ratione re- ducto per obliquum levi momento præcluderent. Ea enim erat agre- ſtis machinæ forma, quod eſſet undique armata præacutis ramorum truncis

late prominentibus, ut Turcæ equites qui nec artificium moliendi noverant, nec quin infestis ingentibus stimulis induerentur, transilire audebant, tanquam indagine clausi caperentur. Præfectus alæ Pauli Bachitij, cui à vitio distorti cruris Claudio cognomen erat, detruncata humeris hostium capita Viennam detulit, & ad omen victoriæ, spectaculumq; coeuntium undiq; militum in moenibus præfixit. Tum verò ex captivis certius est cognitum, duplo ampliores copias, quàm quisquam rex Othomannus ad bellum eduxerit, & ob id ferè innumerabiles esse in castris, ipsumq; Solymanum sine muralibus tormentis adventare, ut quamprimum collatis signis cum Cæsare confligat, aut si hostis armatus non occurrat, ferro ac incendijs cuncta obvia devastet. Eadem quoq; legati Ferdinandi retulerunt, quos serica talari veste & singulis argenteis pateris donatos à Guintio dimiserat, ut literas ad Ferdinandum Cæsaremq; deferrent. eas nos tum vidimus in oblongo & per angusto dentatæ cartæ volumine aureis atq; cæruleis literis Arabicè scriptas obsignatasq; aureo sigillo & sacculo purpureo inclusas. utpote quæ tantis involucris barbari vanitissimiq; regis superbiam præferrent. In his enim usurpatis multorum regum titulis tumidissimè se terrarum prope omnium & gentium dominum ac imperatorem præscribebat: sed summa hæc erat, Se vindicandis iniurijs, quas Joanni regi beneficiario atque amico suo intulissent, domo profectum in Pan-
noniam venisse, processurumque infesto exercitu in ipsorum provincias, ac si quis contra resisteret, prælio certaturum secundissimis auspicijs Dei optimi maximi & Mahometis, qui pro iustissima causa stare consueissent. Proinde si regni hominis memores esse vellent, & armati progredierentur, uno prælio finiri posse controversiam, atq; ipsos totius orbis imperium in premium victoriæ aut duros protinus aut accepturos. Cæterum legati uti ex captivis varijs percunctationibus fuerat expressum, multitudinē quinquaginta myriadum in castris esse referebant, & tormenta ænea curulia circiter trecenta, è quibus longè maxima vix anserini ovi magnitudine pilam emitterent: castra plena esse omnis opulentiae, securitatis, silentij, disciplinæ: Solymanum ipsum, si superstationem demeres, ab æquitate, continentia, liberalitate, magnitudineq; animi tanta fortuna dignum videri: statura esse supra mediocrem, habitu gra-
vioso, cervice oblonga, ore candido & exanguis, ac osseo propemodum naso, atque eo plurimum ad unco: raros patere ad prætorium aditus, sed cum cuncta benignitatis officia per Habraimū humaniter implere: lautitiam sibi castrensi more largè præbitam fuisse, nihilq; sibi extra vini desiderium defuisse unquā: universum exercitū egregiè ali vervecinis carnibus atq; criza, nullū panis esse usum, nisi subcineritij & tumultuarij: equos in universum campestri pabulo contentos esse, cuius magnam copiam ex regiones ferant: nam prata nequaquam de tonsa falcibus, quod spontè tulerint, præaltè adustum, & planè
siccatum præbent: unum esse in castris Habraimum, ad quem veluti ex æqua-
ta cum Solymano militaris imperij potestate rerum omnium summa respiciat: eum esse ingenio excelsio, gravi, expedito, & ad virtutem exornandam maximè proclivi & liberali: penes hunc maximarum & secretissimarum rerum arcana recondi, adeo ut Solymanus in eius viri consilio, fide ac vigilantia secure conquiescat: ab eo proximam dignitatem tenere Ajacem & Cassimum magistros equitum, quos Bellerbecos vocant: huic Asiaticorum, illi Europæorum Sanzachos parere: secundum hos Michalogli Mustaphæ

nomen celebrari, qui voluntarijs equitibus præsit. Ii sunt eorum lingua Ancanzy, qui longè lateque præcurrere, regiones explorare, demorari, distingere, que hostes, atque omnia ferro atque igne vastari soliti sint. hunc esse Turcica stirpe ortum Ottomannis vetustate originis parem, militari prudentia ciarum, antecedere eum castra duorum dierum itinere, & sicuti superiore bello fecisset, ante alios cum centum milibus equitum intra proximos Austrig fines esse præcursum. Interim Habraïmus quum plures dies irritò conatu in oppugnatione Guinthi contrivisset, quòd abscedere incepto neq; Solymani nequæ suæ dignitatis esse statuebat, duo inusitatae magnitudinis propugnacula ante fossam erexit. hæc non murum modò, verum & turrim, quæ erat in angulo ad Austrianam portam altitudine superabant, ea etiam ratione muriculi complexus, ut ex primo, quod erat latius & excelsius frontem hostium verberaret. & ex secundo per obliquum ipsorum latera peterentur. Ea continenti totius exercitus labore quatuor omnino diebus fuere constituta, & in summameducta altitudinem, ut hinc etiam Turcarum multitudinem aestimare liceat. Imperatum enim fuerat singulis propè equitibus, omnibusq; lacerarijs iumentis, ut cæsam Asaporum securibus materiam è proximis sylvis in castra cõveherent. scapos enim ramorū magnorum aut discissarum arborum decisis frondibus equali, & ea quidem tricubitali longitudine ita collocabant, ut alternis ordinibus modò recta, & modò obliqua serie, alteri scilicet alterisq; impositi ingentem lignorum struem efficerent, ad effigiem latissimæ turris, e qua non modò qui in muro consisterent, sed & qui intra oppidum vagari velent, à sclopetarijs & sagittarijs conficerentur. Eo opere incredibili celeritate perfectò, repletaque fossa, & compluribus in muro occisis & vulneratis, Turcæ, quam murum cuniculo disruptum diximus, in oppidum impetum fecerunt, quibus irrumpentibus Nicolizza quantas habebat copias, uti in extremo conatu necesse erat, haud cunctanter opposuit. Sed quum iam prope intra murum pervaderent prætoriani, tantus sublatus est clamor cum eiulatu ab imbelli puerorum, & scæminarum multitudine, ut stupefacti potius quam territi impetum represserint. Ea cunctatio sicuti subeuntes tardavit, ita a nimios propugnantibus in immensum adauxit. Natura enim fit, ut homines tum maximè audeant, cum repentè commutata fortuna timere desierint. Eo modo quum præfecti cohortium milites castigando atq; item verberando nihil profecissent, pugnae finis est impositus. Referebant Turcæ se integri erumpentis ab arce præsidij strepitum, clamoremq; putasse, equitemq; districto gladio ipsis subeuntibus comminantem in aere conspexisse. eam proculdubio extitisse divi Martini speciem, qui Sabarienses omnibus dubijs temporibus certò tutelari numine conservasset. cæterum eius miraculi fides apud Nicolizzam relinquetur, à quo demum obsidione liberato Vienna eam rem longa percunctatione didicimus. Porro Habraïmus pudore atq; ira vehementissimè conturbatus, dum vi Nicolizzæ animum pervincere nequit, honestissimis oblati conditionibus expugnat: data enim fide publica evocatum ad se in castra cum summo honore verborum eius virtutem commendare cœpit, rogavitq; ut fortunæ periculū facere desineret: oppidum in eius potestate se relicturum, si in verba Solymani iuraret, & in speciem præsidij aliquot Turcæ veluti tradito oppido reciperentur. Nicolizza qui ex octingentis strenuis defensoribus vix tertiam partem, atq; eam cõfectam vigilijs & vulneribus debilitatam,

tam, sibi superesse meminerat, omnino transigendum existimavit. Quid enim
 optatius accidere poterat, quàm ipsum cum præclara fide virtutisq; laude re-
 tinere oppidum, & cum sola verborum inanium iactura tantam suorum mul-
 titudinem supremo metu atq; periculo liberare? Quum in colloquio nullum
 timorem præferret, & præsidij vires effusè mentiendo adaugeret, affirmavit
 se antea oppidū dedere paratum fuisse ob amicitiam Byzanti initam, sed sem-
 per fuisse prohibitum, quo minus votum impleret, à Germanis & Hispanis,
 feris violentisque hominibus, qui in præsidio essent, eos quoque tum vel ex-
 orantibus pueris ac fœminis, ut ipse exiret, ægerrimè permisisse. Itaque se pol-
 10 liceri Turcis omnibus, qui illac transirent amicum fore, eisq; quos posset com-
 meatus ex copia attritæ regionis præbiturum liberaliter, & Ottomannicum
 vexillum in summa turre præfixurum. id verò quod ad Turcas introducen-
 dos pertineret, ut dediti oppidi acceptique præsidij species præberetur, se præ-
 stare omnino cupere, sed plurimū vereri ne à Germanis ac Hispanis, qui Tur-
 cum sanguinē inducti religionibus maximè sitirent, tumultu facto discerpe-
 rentur, ut demum violato iure gentium, & corrupta spe deditiois, ad funesti
 belli discrimina sit redeundū: debere eum qui maximis eo bello rebus geren-
 dis immineret, ut se inde explicaret, spontè dediti, & in veterem amicitiam re-
 cepti voluntate et fide contentum esse, sicuti ipse quū oppido exiret, uti secu-
 20 rus de salute ac reditu sese nunquā antea exploratè fidei commisisset. Ad extre-
 mum Habraimus, virtute atq; astu Nicolizæ superatus, id tantū impetravit,
 ut Ianizerorum decuriam intra portæ limen admitteret, quibus introductis,
 & Illyrica lingua ad potandum vinum, cuius ea gens est avida, comiter invita-
 tis, & sibi & Habraimo cumulatissimè satisfecit, cum neque Germanos neque
 Hispanos in præsidio habuisset. Nec multo post Habraimus, & ipse qui non
 longe subsederat Solymanus, a Guintio discedūt, & in Carinthiæ fines ad Mu-
 ram amnem feruntur, in lævam longè à Danubio vertentes agmina, & peni-
 tus à nostris discedentes, qui iam magna ex parte trinis circa Viennam positis
 castris convenerant, ac adventum hostium alacriter expectabant. Erat enim
 30 opinio orta primò à præfectis, uti sit, ac demum edita in vulgus, Solymanū in
 Neostadianos & Viennenses campos à Guintio statim esse progressurum, ut
 equitatu, qua parte virium erat superior, undiq; præmisso aciem ostentaret, &
 si nostri obviam irent iusto prælio cōgrederetur: sed ab earatione alienum id
 iter adeo timorem antea de Turcis non ab re conceptū ex animis omnium de-
 terisit, ut qui tanta mole virium incubuisset, tantæ arrogantiæ & tantī fastus im-
 perator existimatione & dignitate spoliatus profugere crederetur, Turcasq;
 iam nostri milites, uti ignaros rudesq; militiæ munitionumq; præsertim & o-
 perum penitus irriderent, postquam oppidulū tantis circumfessum copiis, &
 tantis operibus oppugnatum, viginti trium dierum spacio capere nequivissent.
 40 cæterum tribus de causis id iter Solymanum tenuisse, postea à captivis com-
 pertum est: primo sicuti ipsi iactabant, ut ad Cæsarē breviori compendio con-
 tenderent, quem nondum à Ratispona Lintium pervenisse, cunctanterq; Vi-
 ennā devehi cognovissent: secundo quòd Neostadium, uti paludibus cin-
 ctum, magnoque tormentorum apparatu, & valido militum præsidio firma-
 rum, nequaquam sibi tentandum esse decrevissent, quo ab hostibus incesso, at-
 que in tergo relicto, ad Viennam sanis hominibus minimè fuerit proceden-
 dum: tertio, ut tutissimo fertilissimoq; itinere inter Dravū Savumq; suscepto,

quum æstas in exitum præceps & gravis imbribus autumnus suaderent, ad Belgradum reverteretur. Nos potius credimus Solymanum perspecta totius Germaniæ ad id bellum alacritate, cognitoq; Italarum atq; Hispanorum adventu, de quorum numero ad eum ampliora & maiora vero à speculatoribus veteribusq; amicis deferrebantur, repressisse animi ferociam, & tuto evastare provinciam, quàm ancipiti eventu nostrorū vires collatis signis experiri maluisse. Sub id fermè tempus quo Nicolizza Guintij maxime laborabat, Viennæ militaris seditio exarsit, non modò propinquitate hostium periculosa & penè exitialis, sed disunctione animorum, & disciplinæ conturbatione gravissima, nisi dñj immortales celerem atq; inexpectatā opem rebus propè perditis attulissent. Rochandulfus enim regiæ familiæ magister, quum in adventū Cæsaris, totq; regulorum & legatorum hospitia præpararet, Hispanos qui in Pannonia militabant, urbe excedere, & in proximis campis extra tenderent, illi id se facturos pernegabant, nisi merita stipendia præberentur, quod Viennensium hospitij affluenti, omni castrensi suppellectile, pecuniâq; carenti. in hos Rochandulfus contumaciùs hærentes impetum fecit, excitisque morum militiæ ad arma Germanis & Viennensibus tormenta currulia prope ex itinere se deferunt Hispani quanquam numero inferiores, & in oblongam regionem conglobati sensim pedes referunt, portamq; occupant, quæ in castra deferrebat, admissuri in auxilium Hispanos, qui dudum ab Italia venissent, atq; item Italos, qui in aliena terra viribus ut essent firmiores, antea cum Hispanis cōsortante Vastio privatum fœdus inierant. Res eò perducta est, ut quum Rochandulfus vir admodum iracundus & ferox, armatus in equo vehementiusurgeret, & tormenta producerentur, contraq; Hispani obversa sclopettariorum cohorte consisterent, penè crudeli prælio certaretur: tantus erat utrinque forentium ardor ad conferendas manus, ut deprecantibus summis ducibus qui aderant, non modò non parerent, sed promiscuè omnibus minarentur, adeo ut Vastius & Antonius Leva, Hippolytusq; legatus, qui eò ad visendū bellum apparatus à Ratispona decurrerat, quum deprecando orandoque nihil valerent, sese intra proximam domum recludere cogerentur. Dum arma quatinus atq; ignes tormentis imminet, haud dubiè cœleste aliquod numen Christianis rebus adfulsit: spontè etenim veluti ex equato utrinq; periculo milites arma depresso humi, Rochandulfo ira deferbuit, adcurrere duces, dictæ sunt cōditiones, atque æquis auribus acceptæ, promissa item stipendia, in pacandis utrinque animis Antonij Levæ, qui in sella humeris hominum inter armatos illatus ora converterat, autoritas plurimum enituit, Vastio præsertim, legatoque & Ludovico inter armatos iratosque iam deposito metu sese misceribus. Paulo antè ad Crementium, quod est oppidum in ulteriore Danubij ripa inter Lintium & Viennam, Hispani authore Hieronymo Leva, seditionem moverunt. Iusserat Cæsar, ut milites nominatim per manipulos atque centurias recenserentur: nam æmuli atque inimici ipsius Vastij, ut eius dignitatem & gratiam convellerent, Cæsari detulerant, falsum ab eo in cohortibus numerum militum referri, ob id Petrum Consalvum Mendocium triclinij præfectum Crementium miserat, ut milites inspiceret diligenter, & descriptis sigillatim stipendium numerari curaret, antea siquidem præfectis cohortium universa pecuniâ dabatur, ut illi iudicio suo in ea dividenda uterentur, quum disceret cohortes in templum instituto ordine à quæstoribus citatæ essent, &

unicuique militi stipendium de quaestoris manu solveretur, militibus novum
 morem approbantibus, uni omnium ex Levaniana cohorte reclamare, tumul-
 tumque miscere coeperunt. Hæc ubi videt Vastius, qui initia seditionum au-
 dacter opprimenda esse didicerat, districto gladio in medios irrupit: duos qui
 seditiosius commilitones incitarent, ex conscientia sceleris e templo profugere
 conantes vinciri iubet. ex his quaestione habita Mendocius cognoscit seditio-
 nis authorem esse Hieronymum Levam, qui ad Athesim eius consternatio-
 nis, quam diximus princeps extitisset. Itaq; Mendocius re ad Cæsarem per ta-
 bellarios delata, brevi mandata recipit, damnatusq; Hieronymus Macicæ ca-
 10 strorum magistro traditur, atq; ita ad minorem ignominiam in tabernaculo
 iugulatur, vir egregie fortis, ingenio validus: eloquentia verò & vultu antiquis
 duobus comparandus. Ferunt Mendocium aliquanto libentius atq; maturius
 de reo supplicium sumpsisse propter simultatem Mediolani conceptam, quæ
 Hieronymus in tradenda arce ipsi Mendocio Cæsaris literas afferenti parere
 recusasset. Leva sublato cæteri in officio permansere: retulitq; Mendocius, se
 plenissimas optimis militibus cohortes reperisse, adeo ut eas res ab invidis con-
 ficta, maligneque delata ipsi Vastio apud Cæsarem gratiam ac benevolentiam
 magnopere confirmarit. Dum hæc fiunt, Michaloglus iubente Solymano ex
 voluntarijs prædatoriam manum emisit duce Casono, qui superiore bello va-
 15 stibundus ad Lintium usque præcurrerat: huic præcipit, ut iter non intermit-
 tat: longè lateque totam eam regionem pervagetur, quæ est inter Danubium
 & alpes, ut de Cæsare hostiumq; copijs certius cognoscat, ac demum id præstet,
 ut maximè funestam & luctuosam Germanis adventus sui memoriam relin-
 quat. Erat per se Casonus vir impiger, & prædæ avidus, sed eo etiam prom-
 ptiorem operam pollicebatur, quod superiore incursione se maximè illustrem
 atque opulentum evasisse meminerat. Igitur in tres alas ad quindecim milia e-
 quitum, modicis tamen intervallis dividuntur, in agris latè pagisque præfer-
 tum, & in fuga plena timoris atque tumultus: magnam mortalium omnis se-
 xus & ætatis multitudinem improvise repentinique opprimunt, senes invali-
 20 dis feminaeque catenis & laqueis tracti, equorum cursum adæquare cogun-
 tur: ædificia item, & in his infantes pueros barbara feritate succendunt, adeo ut
 per centum & quinquaginta ferè miliaria rectis & transversis itineribus cun-
 cta ex continenti fumo, Hammis atq; ignibus collucerent. Casonus ad Lintium
 usq; proventus, quum ad Anassum amnem tertio ab urbe lapide pervenisset,
 tantum terrorem intulit Lintianis, ut rex Ferdinandus, quod ibi nullum esset
 militum præsidium ab Hippolyto legato cohortem Italicam posceret, cuius
 præsidio Anassi pontē tueretur. Is primus omnium à Crementio rediens, con-
 spectis ab adversa ripa Turcis, de eorum adventu nuntium attulerat: itaque eo
 confestim mittuntur viri fortes Sfortia Baleonus atq; Otho Montacutus cum
 40 valida sclopettariorum manu. Hi contractis aliquot ligneis dolijs ad caput
 pontis subitariam munitionem erigunt, continuoq; revocant Hispanicam e-
 quitum alam, quæ in prima trepidatione, Rosale veterano duce, quin Danu-
 bium transiret retineri nequierat. Sed Casonus sive ponte non animadverso,
 quod frondosæ arbores prospectum impediret, sive vado superius improspe-
 re tentato, sive ut credi par est, quod non usq; adeo audendum putaret, ut ad
 oppidi portam progrediretur, ad lævam deflexit. nec ibi rex Ferdinandus uti
 oppido diffusus diu constitit, sed ad Aciliam urbem, quæ Strabinga dicitur, ad

Cæsarem ut copias pararet, ea nocte contendit. At Casonus coacta ingenti præda, evastataque universa regione, quum paganos ad arma concurrentes passim cæderet aut eluderet, eodem ferè itinere regreditur, Solymanum ratus se aut Quintij, aut in proximis supra Neostadium campis esse reperit. Sed is iam promotis castris ad urbem Gratiam, Stiria Metropolim, quæ est ad Muram amnem, iter intenderat. Id vig consilium ex falsa opinione susceptum, Casonum importunè decepit, atque ei pariter supremam propè attulit calamitatem: nam ubi ex frequentibus incendijs cognitum est, Turcas ad Lintium usque regionem latissimè & crudelissimè populari, ex omnibus castris copias sese effuderunt, ut transeuntibus occurrerent. Germani enim ad recuperandam prædam, vindicandasq; iniurias vehementer excitabantur, & quisque dum privatum sibi consilium desumebat, quum in universum consultandi & cœundi, & tempus exiguum, & hostium inaudita celeritas, omnem facultatem eriperent. non enim prædatorias tantum alas evagari, sed adesse robora equitatus, atq; ipsum etiam Solymanum adventare crediderant. Itaque Valsusa Crementio Danubium traiecit, & per nemora versus divi Hippolyti oppidum ad hostes fertur. Federicus Palatinus omnium auxiliorum, quæ Germania contulerat, Imperator ad Viennam superato Danubio castra movet. Austriaci duces Sigismundus Prandsefer, & Ricianus à Neostadio copias educunt. Ludovicus Lodronius alio opportuno loco castra constituit. idem Bohemi, Moraviq; equites, & ipsi ante alios Hungari impigrè faciunt. loca ad tendendas insidias quæritant, per quæ transituros hostes arbitrantur. Vastius frustra iuga & nemora triduo pervagatus, quum & commeatus deficeret, & Turci retrò conversi longè abessent, iam senescente in his locis eorum fama, Crementium & mox Viennam copias reduxit. Secant mediam Austriam Norici perpetui montes, qui ab alpihus Rhætici oriuntur, seseque mollioribus sensim iugis ad Danubium usq; demittunt, adeo ut in ripa fluminis perangustum iter equis nonnunquam & curribus relinquunt, ea montium congeries usque ad Vindelicia fines pertinere dicitur, castellis satis frequens, multis annis irrigua, pecoris abundans. In hac regione multæ atq; latissimæ sunt convalles, partim aratris cultæ & pascuis fertiles, partim sylvis atq; nemoribus impeditæ, eæ ad exitus fauces habent, pertinētes ad eam planiciem, quæ Noricum a Pannonia citeriore determinat, & ad Sabariam Vespriniumq; perducit. Ad hoc cōvallium exitus nostri duces, uti quisq; ab oppidis fumo & scloppis significatione facta de Turcarum adventu cognoverat, distinctis locis copias admoverunt, intentè expectantes, unde nam hostes essent erepturi, quum in quadam convalle circa frumētarias molas ad amniculum Casonus aquationis commoditate inductus confedisset. Neostadienses de adventu hostium certiores facti, utpote qui in propinquo erant, primi omnium cum quinque millibus peditum ad occupandas fauces advolarunt. Erat despectus in vallem ab edito collum iugo, ita ut nostri cōspectis hostium castris, ut eo declivi molliq; descensu quin continuo decurrerent, contineri nequiverint. erant eg cohortes quatuor exeditæ Hispanorum atq; Italorum sub Ludovico Coveio nobili atq; impigro, sed ea die nimis præcipiti atq; præporero duce. Nam qui modicis passibus & silenti agmine descendere debuerant, effuso cursu & clamore edito præcipientes ierunt, adeo ut cum fatigati & cursu & armorū pondere pervenirent, excitatis iam ad arma Turcis numero & viribus impares essent, ita occisis paucis frondato.

datoribus, qui obvii primò fuerant, adcurrentium mox equitum vim ferre nequiverunt. cecidère in prima fronte ingentibus gladijs obtruncati Ferdinandus Cabreria præfecti Sardiniae filius, & Franciscus Rocha centurio, Villazanesque signifer, & Martinus Gorea nobilis Tarraconensis. milites magna ex parte sunt cæsi, nonnulli in paludem profugientes umbilico tenus totam noctem latuerunt, cæteri agiliores conscensis montibus evasere, ipse Ludovicus vallum rusticanæ areæ concitato equo, salu superavit, & ad Germanos est reversus: ij Sigismudo & Riciano ducibus cum ab alto sociorū cædem fugamq; conspicerent, uti instructa acie descendere atque opem laborantibus ferre vel-
 10 lent, nulla ratione adduci potuerunt. At Casonus ne sibi in valle & palustri impeditoq; in loco, ubi dilucesceret, cum pedestribus hostium copijs esset dimicandum, captivos quatuor milium numero, ne oneri essent, barbara feritate ad unum omnes interficit, et intempesta nocte duobus factis agminibus castra movit: alterum Ferisio duce, ad meridiem perrexit, succiso nemore & patefacto exitu, quod mirabile fuit, equitum securibus, nullo accepto incommodo ad Solymanum pervenit: alterum ipso Casono duce per Storambergi oppidi vallem erumpens in Palatinum incidit. is ad Leopoldium vicum cum xij millibus peditum, & duobus equitum gravis armaturæ, tormentisque viginticurulibus in acie constiterat. Fortè tum orta erat ex proxima palude nebula
 20 densior, quæ mutuum utrisque aspectum omni ex parte sustulerat, qua demum dilabente in adversos Palatinus tormenta displodit: his vehementer Turcæ perterrentur, & quū deflectere paululum nolunt, ut pilas evitent, in paludem proximam equos imprudenter adigunt: ibi multi tenaci in voragine impliciti perierunt: nonnulli equis longo cursu debilitatis & macie consumptis, quum extricare sese nequirent, pedites evaserunt, multo maxima tamen eorum pars ad nostrorum acies se convertit, solis peltis protecti, & districtos gladios in humero deferentes, adeo intrepide, ut ante densissimam hastatorum phalangem decurrerent, spectantibus & conservantibus locum atque ordinem non modo peditibus, sed ipsis etiam equitum alis nihil se in prætereuntes evadentesq; incitantibus. Tum Palatinus conversus ad suos, spectatores ergo, inquit,
 30 non bellatores erimus commilitones: si ut sese ultro hostes nostris cuspidibus induant expectamus. in citate acriter equos atq; hastas intendite, ut prætereuntium agmina perrumpamus: nec mora signo tuba dato, armati equites in latera densatis cuneis incurrunt, magna equorum atque hominum strages editur: postremum Turcarum agmen interclusum à primis undique urgentibus cataphractis cæditur & profligatur, pauci evadunt: sternitur eorum vexillum, et ad Palatinum deferitur: cecidit & ibi Casonus, uti impigrum ducem decuit, supremo virtutis opere edito. Nam à novissimo agmine, ut suis spacium ad evadendum præberet, diu acerrimè ferrea ingenti clava dimicans restiterat. erat enim inter omnes insigni crista conspicuus, ea fuit ab aurea vagina in fronte e-
 40 xurgens ala vulturis, quæ ut ab omnibus nosceretur appensi atque ideo volitantis plumei veli mappulam trahebat. ea demum Cæsari dono data, occisi eo prælio Casoni fidem fecit. Cæterum Turcæ amisso duce vexilloque, & tertia ferè suorum parte desiderata, quum in patentes campos evasisissent, vix emensi iter septem milium passuum in Lodronianas copias inciderunt. Lodronius enim ubi tormentorum boatum audivit, ratus quod erat, Palatinū cum Turcis prælio congressum esse, eò signa converterat, unde cavæ per anfractus val-

les iterato percussu acceptum armorum strepitum reddebant. Necnon Turcæ conspiciuntur, & ante alios ferè trecenti, qui amissis equis in nostros pedibus tanta vi, tantaque alacritate impetum fecerunt, ut sese lancis induere, & offerre tormentis minime dubitarent, modo nostros vel semivivi, traieciq; vulnerarent, tantus inerat aut desperatis aut devotis animis mortis contemptus. his celeriter interfectis affuere equitum agmina modo confectis, modo dissipatis ordinibus, in hæc Lodronius tormenta emitti vetuit, ne nostros qui terga fugientium cedendo è Palatini castris subsecuti fuerant, uti erant hostibus permixti, temerè sternerentur: ita Lodronius omisis tormentis magnū spacium directa peditū acie complexus: atq; item pari cōsilio Ioachimus Brandenburgensis cum duobus milibus equitum lunata acie venientes excepit, ubi vecordia sive temeritas hostium debitas invenit pœnas: nam sicuti intermittere fugam atque etiam fervida ora convertere cœperant, ut dexteris conficerent, & se minime animis fractos ostenderent, ita vi atque impressione nostrorum perturbati pecorum modo cædebantur: nullæ enim eis lorice, aut galeæ, rari arcus, hastæ rarissimæ, utpote quas per nemora diversis casibus et fragilent, nec deerant qui cedis facierate aliquos caperent ut ostentari possent, & demum sacri belli iure pro servis venderetur. Tanto accepto incommodo, Turcæ uti sese e nostrorum manibus explicabant, agminatim in patentes canypos efferebantur. Equi enim eorum quanquam continenti tot dierum labore & inedia confecti, natura tamen agiles & in extrema necessitate vehementer incitati, facile Germanos qui gravioribus armis & equis utebantur, vel immodico spacio reflexi in gyros, eo modo profligatos nequicquam persequentibus Germanis latissima planities excepit. ea utrinque parva habet, mora solo herbido, & raritate arborum adeo peramœna, ut equestribus præliis tota Europa nulla commodior esse videatur. Hæc exitum habet ad Neocrichum oppidum, cuius mœnia abluit modicus amnis, virentibus ripis & aquarum salubritate ponendis castris opportunus. Ibi dum Turcæ velut desperatis omnibus eius diei difficultatibus conquiescere parant, & equi utique promiscue summa lassitudine defessi è profluente bibunt, & tenuis alimentis ex salita carne atque ea siccata in pulverem reliquias expediunt, novorum hostium superventu perturbantur. Catianer enim ipse & Turrianus equitum magister cum tribus milibus equitum diu quæritando hostes evagati: accepta demum, ut diximus, per manus ex fumo & tormentorum bombis significatione Neocrichum decurrerant: ita tumultuarium prælium exoritur, ubi Turcæ uti in gramine strati deprehensique dum equos frenant, ephippiaque substringunt, latè cæduntur, mox ita æquatur pugna, ut cuncta fortissimi quique validioribus utentes equis in tergo constantissime dimicarent, reliqui capto moræ spacio ad evadendum antecederent, & sæpe conversi ac demum aversi certamen redintegrarent: nostri tamen omnibus rebus ac animis præsertim superiores ita perturbatis, fessis, vulneratisque instabant, ut passim per amplum eorum numerum prosternerent: reliqui tamen magna ex parte evasuri viderentur, nisi, quod summam Turcis attulit calamitatem, & feroces adhuc eorum animos latè perfregit, nequaquam antè expectati Hungari supervenissent. Valentinus enim & Paulus, itemque Balthasar Pamphilus & Claudius è montibus decurrentes, cum singulis alis in transversos impetum fecerunt, atque eos ad æquato equorum cursu per sexaginta amplius stadia terga cædentes

dentes sunt persecuti. Erant enim equorum pernecitare, & armorum genere,
 & pugnandi disciplina Turcis simillimi et eo terribiliores, quod recte tribus
 equis advenerant, & Turcica lingua ad eos perterrendos, dum fugam incre-
 picant, & superbè insultant, feris ululatibus utebantur. Eadie quum à tribus
 exercitibus tribus in locis esset pugnatum, summa virtutis laus penes Hunga-
 ros fuit, eò tamen æquiorè conditione, quod tribus iam præliis proli-
 gatos, & in fugam coniectos, neque postremo paratos ad prælium deprehenderant.
 Vni Austriani Sigismundo & Riciano ducibus, qui biduo ante communio-
 num cædem ab excelso loco despectarant, & se demum in Neostadium ur-
 bem recreandorum corporum causa receperant, tantæ victoriæ participes ef-
 fenoluerunt: eos enim somno vinoque sepultos in tanta occasione Rauber
 Labacensis antistes vir gravissimus ut arma caperent & oppido exirent, ex-
 citare non potuit. Quum Hungari insequendi finem fecissent, Turcis effu-
 gium patuit, solitudines sylvarum petentibus, sed hî demum pars ad Perreo-
 caltrum, pars ad Vesperinium & Balatonem lacum in manus effusorum ad
 prædam populorum devenerunt, adeo ut ex octo milibus vix pauci ad Bel-
 gradum: nulli verò ad Solymanum in castra pervenerint. Porro Cæsar ubi
 Solymanum didicit ad Gratiam contendisse, Lintiana in arce duces ad consi-
 lium vocat, sententias exquirat an brevi & recto itinere ad hostem sit prope-
 randum, ut Stiria maturam opem ferat. Gratia, Lintium, & Vienna urbes ita
 inter se iunctæ sunt, ut æqualium ferè laterum trianguli figuram efficiant, sed à
 Lintio Gratiam iter est expedito equiti trium dierum maximè asperum, &
 convehendis præcipue curulibus tormentis impeditum, id enim quum a Da-
 nubio recesseris, per Vellensium fines, & Salisburgam, quæ antiquitus Iuva-
 via dicebatur, perpetui montes & abruptæ valles excipiunt. Erant qui dice-
 rent cum Turcis æquiorè conditione posse configi, si in regione montosa &
 per angustia, per expeditos pedites bellum gerendo, equitatus hostium, quo il-
 li maximè valerent, inutilis redderetur. Id consilium quanquam maximas ha-
 beret difficultates, quod ab ore strenuorum ducum proficisci videbatur, eò
 Cæsarem adduxit, ut Apontius Hispanus, qui apud Autonium Levam castro-
 rum præfectus fuerat, ad explorandum iter mitteretur. sed is paulo post quum
 desertæ passim omnia incolarum pavore & fuga comperisset, pauca atq; ea in-
 certa de hostium itinere speculatus, Lintium rediit: tum verò ex omnium sen-
 tentia pronunciatum est, ut Vienna peteretur: ibi enim convenisse totius Ger-
 mania copias, ibi provisæ re frumentaria commoditati tanti fluminis, tantisq;
 minorum amnium, qui ab utraq; ripa in id influerent, rerum omnium deve-
 ctionibus nō defuturos commeatus: & deniq; ibi recensendum lustrandunq;
 universum exercitū, & si hostis regrederetur, ante urbis mœnia collatis signis
 esse confligendū. Non defuere tamen qui petendæ Viennæ consilium, uti di-
 versum ab hoste, & à gerendo bello penitus alienum haud obscure damnarēt,
 quasi hostis in ea calamitate provinciae à Cæsare omnino fuerit persequendus:
 sed aliam inferentis bellum, aliam propulsantis rationem esse constabat, adeo
 ut dignitate integra Cæsar prætorio in Viennensibus campis semel posito, i-
 gnobiles hostium motus excursionesq; spectare, & inanem strepitum superbi
 hostis à multo terrarū spatio provocantis simul & recedentis irridere posse vi-
 deretur. Itaq; Cæsar Viennā classe devectus, Hispanos atq; Italos decurrentes
 more militiæ & pugnae simulachrum edentes cum summa admiratione ac vo-

luptate inspexit. Antecedebat Vastius cum pedestri fraxineo conto, auratis armis, & sua insigni proceritate conspicuus. Is densando & celeriter explicando cohortes ad varias acierum effigies, quanta arte superioribus bellis pugnatum esset edocebat. Sequenti die Cæsar Germanos invisit ferina pelle contectus, ut vel ea militari comitate quale esset erga eos studium, usurpato gentis habitu testaretur. Tum Federicus Palatinus virtute animi atque oris habitus antiquis Germanorum ducibus, qui quondam Romana arma exercere, persimulis, iuxta peditum phalanges displois miro ordine tormentis quadrata equitum agmina traduxit. Ibi videre erat prægrandes equos ferreis bardis protectos, ingentia virorum corpora longè pulcherrimis munita armis, omnibus intortæ & rutilantes barbæ, atque ora bellicum vigorem spirantia, quales antiqui Theuthones Cimbrique fuissent, ex literarum memoria referebant. Neque enim gregarios equites tot reguli totque liberæ civitates, sed maxime generosos aut fortibus factis illustres, dum certatim studio atque opibus excellere cuperent, ad id bellum miserant. nam quicquid in Germanico nomine aut exquisiti roboris, aut delecti floris fuit, à Vistula amne ad Rhenum tam late quam litora lambit Oceanus, & Rhæticiis Iulijsq; alpibus, ac Hercynia iuxta concluditur, id totum aut iussu principum nomina dederat, aut sponte conscriptis adhæserat, quando nihil tale unquam à maiorum suorū, vel annualium recordatione contigisset, ut cōsensu uno Germania omnis pro publica salute ac dignitate arma capere cogerentur, præsertim adversus eas gentes, quæ ab ultimis Asiæ Syriæq; & Ægypti finibus venissent, ut Germanos Romanorum armis indomitos & vetere militiæ gloria, & præsentī libertate spoliarent, quibus maxime rebus supra cæteras gentes omnibus seculis absq; ulla dubitatione floruissent. Nec Bohemorum castra longè aberant, Slesitarum & Moravorum copiis adaucta, quas gentium inclyti duces Hardechius et Bernesthenus adduxerant. Præerat omnibus Bohemis Sedislaus Lippa, summi magistratus honore insignis. Ea gens cum lingua, quæ Illyrica est, tum castrorum disciplina & armorum genere plurimum à Germanis differt, curribus castra vallantur, ingentiumq; scutorum ordine firmantur acies, equites, peditesq; peritibus me sclopettis utuntur. Mos est & genti in Hercyniæ saltu latrocinijs affuer, parvas è chalybe secures, ad certissimos ictus eiaculari, ferreas item clavas cubitales, cathena hastilibus appensas ambabus regere manibus, atq; his armatos magnis ictibus prosternere. Hi populi regiones ad Albim in Hercynia tenent, quas olim Marcomanni & Hermanduri tenuerunt. Ferdinando regi parent, quum regem nequaquam è popularibus, sed ab externis nationibus, quæ virtute atq; iustitia potiorē putaverint, vetere instituto sibi deligant: ita ut modo Hungaris, modo Polonis, & uti hodie videmus, nonnunquā Germanis Bohemi regnum deferatur gravi & contentiosa ambitione principū: nam qui Bohemorum rex evaserit, in creando demū Cæsare septimi suffragij prærogativa & potens & insignis efficitur, adeo ut quum Germani sex proceres ad quos comitiorum ius, potestasque pertinent, ex pari numero utrinq; terni dissideant, addito demū utri libuerit suffragio suo Bohemus cum magna gloria Cæsarem pronunciet. Nec defuere aliquot Polonorum turmae, non publico, sed privato consilio bellum secutæ, connivente ad ea Sigismundo rege, qui sicuti non temerè cavebat, ne inducias violaret, quæ sibi cū Solymano erant, ita ne Christianæ causæ deesset, fortissimis viris ostendendæ virtuti locū præclaradis-

radissimulatione relinquebat. Quum tantarum copiarum numerus iniretur, reperiebamus Cæsarem, non deductis urbium præsidijs, nonaginta descriptorum peditum, & triginta armatorum equitum milia in aciem esse producturum, nequaquam adnumeratis peditum atque equitum ministris, qui servorum loco, si labores officiaq; respiceres, æstimari poterant: si verò ætatis, ingenia, equi atque arma censerentur, nemo esset militiæ peritus, qui eos putaret vel robore, vel usu, vel ipsa spe veris militibus inferiores. Erant enim tum ad Viennam, coniunctis in castris supra ducenta & sexaginta milia hominum, quibus Ariovistus Vilerini Baioarij frater Pataviensis Episcopus cōmeatum interres menses se præbiturum certa pactione receperat. Neque enim unquam ab ulla memoria tantū insignium ducum, lectorumq; militum ullis in castris coivisse crediderim, si singularū gentium nobilitatem, ac famam assiduīs quæstibus bellis & privatae virtutis decora animo reputemus. Nam cohortes serè integræ ex his constabant, qui paulo antè centuriones signiferiq; fuissent, & curia refertæ erant veteribus præfectis, aut ijs qui egregiè pugnando, & præclarum nomen, & militaria dona, torques aureos, & aurata calcaria meruissent. Porro in quota parte virium censebitur curulium tormentorum apparatus: qui in veterum castris aut certè nullus fuit, aut qualiscunque fuerit, is omnino ætate nostra sit deridendus, cum operosas è materia turres & machinastremenda effigie, & asperis suis tantum nominibus terribiles, maiores nostros timuisse videamus, ea tum apud Cæsarem tot erant egregiè fabrefacta, ut perpetua eorum corona instructæ acies præcingi & latè muniri, ad non dubiam victoriam facile posse viderentur. Omnium enim ducum id fuerat decretum, nihil à flumine Viennaq; discedere, nihil omnino progredi in apertos campos, ne hostium equitatus sua multitudine atque audacia à latere insinuat, ab urbe demum Danubioq; interclusis nostris, omnem supportandi comatus facultatē eriperet. hoc verò ordine exercitus noster expectare hostem paratus, non procul à mœnibus amplissimo in loco statuebatur. Tres peditum hastatorum quadratæ phalanges, latis inter se distinctæ spacijs pari & æquata fronte contra hostes sic locabantur, ut ipsis medijs intervallis equitatus omnis bipartitus reciperetur: neq; enim putabant numero exiguum aperto in loco extra pedites trecētis fermè Turcarum equitum milibus esse obijciendū. Dextrum cornu equitum Cæsar, lævum Ferdinandus eo modo desumpserant, ut levis armatura sclopettariorum, quæ viginti milium numerum efficiebat, undique hastata quæ diximus agmina, relicto triginta passuum spacio coronaret, horum acies longior & rarior erat, & quinque tantū militum ordinibus in latitudine constabat, ut expediti & nihil inculcati, habili manu, dum primi sclopettos emittunt, & secundi implent, alternantibus eo modo ordinibus perpetuam glandium procellam effunderent. neq; enim multum referebat, si tenuior esset: quoniam sclopettarijs omnibus, siurgerentur, paratus erat ad proximos hastatos receptus. Circumdabant ergo & frontem & latera atq; etiam terga, continuata serie, quæ duobus tantum in locis erat interrupta, ut egressus liber atque expeditus, quum oporteret, equitibus densatis absque ulla peditum perturbatione præberetur: ante verò levem armaturam constituta erant tormenta, ea ratione, ut postquam diu emissæ fervere factaq; usui esse desinerent, in valli morem firmissimo quodam monimento irrupturis hostibus opponerentur. Soli Hungari extra munimenta se pugnatuuros professi à Valen-

tino Pauloque ducibus in ingentes alas expandebantur. Hæc ipsa spectantibus præ gaudio manabant lachrymæ veluti concepta non sine ingenti spe de barbaris certa victoria, si se audacius superbus hostis efferret, ac nostros totius copiis adoriretur. Cæterum Solymanus, qui è sua vetere disciplina campos quærebat, in queis nostros expanso & circumdato equitatu, nunquam minus oblata pugna fatigaret, ubi de apparatu consilijsque Cæsaris certius cognovit, ultra Muram est profectus. Is amnis antiquis Savaria fuit: effunditur in Dravum paulo infra Petoviam, urbem Romanorum castris & hybernis claram: eo superato Turcæ ad Marpurchum oppidum delati, tumultuarius pontibus effectis, Dravum transierunt: atque ita Solymanus qui universum propè terrarum orbem eius suscepti belli fama commoverat, nulla memorabili re gesta, undique repulsus & cæsus Stiria excessit, & inter Dravum & Dravum directo itinere ad Belgradum est reversus, passim sævitæ suæ veltigine relinquens, & sæpe respectans, an Cæsar in tergo esset, quando postrema agmina à paucis Illyrijs & Croatis equitibus cæderentur. Ferunt eum supra triginta milia Christianorum capitum in servitutem abduxisse, & aliquot milia diversis in locis per Michalogli præsertim equites trucidasse: nam dispersæ agrestium armatorum manus, dum coire in unum conarentur, à repentinis altiusque equitibus passim ex insidijs circumventi facile opprimebantur. Cognito Solymani discessu Cæsar, omnium opinione celerius in Italiam redire constituit, deprecante Ferdinando, ut postquam innumerabiles copię tanto sumptu tantoque labore convissent, ea occasione atque eo apparatu uterentur adversus Ioannem, quem planè destitutum, & in magno regionis spacio disiunctum à Solymano & Buda urbe, & tota demum Pannonia facile essent expulsuri. Sed Cæsar quod hyems suberat, et commodissimis itineribus libitalpes omnino transeundas iudicabat, in proposito discedendi perstitit. Inviatabat enim eum ad festinandum mira cœli serenitas, eo suspectior in reliquum tempus, quod per plures dies æstiva potius quàm autumnalis extitisset: eam tum, ut ex naturæ causis credi par est, in cœlo per xv dies apparens crinitum sidus, siccatis planè terris attulerat. pestilentia quoque contagijs serpens in urbe, & in castris, & in ipsa demum aula multos cotidie & insignes quidem rapiebat, ut non modo Cæsarem, sed etiam constantissimum & gravissimum quemque magnopere perterrere. Id verò Cæsar & communi causæ & fratris precibus dedit, ut Italicas cohortes omnes relinqueret, quæ adiunctis Austrianis copijs in Pannonia cum Ioanne bellum gererent: ipse autem cum Hispanis & Germanorum Maximiliani atque Tamisij legionibus in Italiam proficisceretur. Delectus verò Italis dux est, Vastio efferente, Fabritius Maramaldus, nec de stipendijs quicquam est constitutum, ut cohortes ad præstandam operam accendi, ac in officio contineri possent. Ea res primò reliquorum præfectorum animos vehementissimè pupugit, quod unus cæteris omnibus non sine aliorum dignitatis offensione præferretur. Ut verò in vulgus militum emanavit, centuriones & signiferi notique milites veterum præfectorum suorum nomen & amicitiam secuti, se in Pannoniam non esse ituros testari, nisi rex Ferdinandus, aut ipse Vastius, aut Antonius Leva imperij militaris munus susciperent: gregarij verò milites palàm dicere missionem esse petituros, nisi trimestris pecunia solveretur, quam per se non multum pecunioso Regi, & tum maximè exhausto, defuturam esse intelligebant.

telligebant. Oderant & plerique Maramaldum, uti violentum, & in exercenda disciplina nimis severum, minimaque errata militum aut morte aut inflatis vulneribus sæpissimè punientē. Vastius non uno in loco ad milites verba fecit, cohortes monendo ut sacramentum militare respicerent, & decus quod tanta alacritate & celeritate adventus sibi ipsis ac toti Italiæ peperissent, remanendi perseverandi que constantia tueri vellent: ad eos enim recuperatæ Pannoniæ laudem & gloriam esse perventuram, nec fortes viros unquam eguisse stipendijs: omnia virtute victoriæque parari, quæ certa atque explorata videretur: quantum ad ducem pertineret, eum semper satis generosum & dignum videri, qui esset rei bellicæ peritus, & strenuè hostem ferire ac profligare didicisset: in Fabritio tamen non desiderari honestos natales, & excellere comitatem, & ipsum quum vi corporis ac ingenij vigore nemini cederet, etiam ætatis honore cæteros antecire. Sed in hoc præcipuè spectari debere iudicium Cæsaris, qui eum uti potiorē delegisset, & modestiam, parendique obsequium in milite ante omnia requirere, & maximè commendare esset solitus. His cohortationibus Vastius tantum profecit, ut stipendio præbito pacari atque inflecti posse viderentur, sed ad id Cæsar quæstorum malignitate durior est inventus. Nondum enim persolvendi stipendij dies advenerat, verum id æquitate quadam milites sibi deberi postulabant, quum novo & longinquo bello sub hyeme illigari sine pecunia nollent, & arma quoque discedentes ab Italia stipendij nomine acceperant, quæ quarto demum mense per partes levi cum incommodo solverentur: ita accidebat, ut quibus arma publicæ divendita fuissent, illi maximè in alimenta vitæ pecunia carerent. Interim quum Vastius e castris in urbem ad explicandas huiusmodi difficultates perrexisset, nox advenit opportuna miscendæ seditioni, utpote quæ in certa luce pudorem metumque demeret, & ob id flagitio & petulantia locus erescente licentia præberetur. Fortè allatus erat ex urbe nigerrimus panis, planeque muccidus, quem emptum milites infixumque hastilibus ita comilitonibus ostentabant, ut cum insigni dolore bileque Ferdinandi regis nomen maledictis incesserent, qui in regno suo, ipsoque belli initio, re frumentaria negligentissimè procurata, externos exercitus ad se præcipuè defendendum augendumque venientes, eo corrupto & ob id pestifero cibi genere alendos putaret. & paulò antè insolentius etiam egerat gregarius Hispanus, qui prætorium ingressus simili pane ad Vastij pedes cum execratione duorum Cæsarum proiecto, magnas turbas excitaverat. Itaque milites ante tentoria in coronam coeuntes, dum adversa atque aspera de stipendio, de cōmeatu, de Hungarici belli difficultatibus proloquuntur ad signa Parmensium ex omnibus cohortibus plurimi confluxere. Ibi Titus Marconius Volaterranus, cæteris turbidior & eloquentior coacervatis iumentorum clitellis impositus, seditiosissimo quoque centuriorum incitante, ut pro dignitate saluteque omniū liberrimè disliceret, ita locutus fertur: Ergo, inquit, commilitones, uti audivistis, Hispani in Italiam ibunt, & nostro malo in vetera hyberna concedent, atque etiam quod pudeat præclari hospites cum uxoribus nostris cubabunt: nos verò exulabimus, & in Pannonia hac hyeme cum glacie & nivibus bellum geremus: pugnaturi scilicet pro egenissimo rege, & eo quidem si Hungaros spectemus, insititio & peregrino contra indigenam acceptum suis popularibus, superque cætera omnia Turcarum copijs ac opibus longè firmissimum, & quod fortibus viris maximè mo-

vere stomachum possit, duce Maramaldo, qui sæpe cæcus ira, præcipiti crudelitate, ita latera nostra avidè gladio petere est solitus, ut non aliunde libentius, quàm ex nostra cæde & supplicio ducis nomen usurpet. neque vos qui sæpe signiferi centurionesque fuistis, usque adeo insanisse crediderim, ut sine ulla spe stipendi, aut commeatus, aut victoriæ, aut deniq; reditus sub gregario duce militetis. profectò non tam me iuvat huc venisse pro laude Italici nominis, vel non pluris quàm triginta denarijs æstimatum, & si hæcenus undetasti pendia meruerim, quàm hodie dispudet hunc fœdum antè finiti, quàm cœpti belli exitum spectare, sed in regia fortuna nullus est pudor, sicuti nec ulla equitas in referenda militi gratia: militarem enim operam hodie reges una belli necessitate metiuntur: hæc una, inquam, nobis præmia expedit, amorem conciliat, auget dignitatem, quæ omnia demum post victoriam parta pace penitus obsolecunt. Ita vobis hodie evenit comilitones, Cæsar & Ferdinandus gravissimo belli metu liberati, ut hac nostra multitudo exonerentur, nos tanquàm pecora in Pannoniam detrudere contendunt, ita ut sperent nostro sanguine victoriam esse relatuuros, aut in adversa nostra fortuna, nullam omnino iacturam facturos, si nos Turcæ & Hungari Danubi glacie, & Alpinis nivibus interclusos, fame & ferro penitus absumpserint: verum hæc fortasse non agnoscitis, sicuti nec planè novistis, quid hic durus, & verè sanguineus comeres vibratis in Italiam radijs portendat, certè hic nec Solymano nec Cæsari fatalis adfulget, quum verius nobis calamitatem ac interitum minetur: illi enim pari consilio securitatis atque prudentiæ pleno, viam fatis aperire noluerunt, dum in diversa abeunt, atque omnes committendi prælii casus devitant. Ergo filis planè licuit, & salva quidem maiestate egregiè cavisse, ne prælii aleam bibrent, quum utrinque dimidius terrarum orbis præmium victoriæ spectaretur, nos minimè cavebimus, ne eò demittamur unde nullus nisi funestus exitus esse videatur: quum id absque flagitio & optimo quidem iure, nulla præposita mercede facere possimus. hoc modo valde præclarum tanto bello finè impositum videtis, in quo uni omnium Itali pro laude & donativo contumeliam ferimus, & ob id fortasse in Pannoniam relegamur, ut in Italiam hoc hostium re militum detractò longeque semoto, Hispanorum & Germanorum coloniæ deducantur. Profectò nimis miserum videtur, ablegari in solo barbarico, ubi omnia hostilia occurrent, nec ullus desertos & errabundos omnino pacatus locus excipiat. Experiemur quoque vel inviti quàm grave sit, atque intolerandum corporibus simul atque animis hyberni & ancipitis belli erumpos pati, atque interim ægro animo & molestissima reputatione meminisse, quid domi ab Hispanis atque Germanis liberi, fratres, consanguinei, & ipsæ denique uxores nostræ patiantur. Itaque hodie commilitones pluris interest rectè sapere, quàm fortiter pugnare. Ad certam salutem, ad verum decus occasio quæ se nobis præbet, in præcipiti vertitur, maturè factò opus est, & priusquam Hispani vasa conclament, nobis est provolandum, ut magno intervallo castra & prima agmina Cæsaris antecedentes, primi omnium Italiam intremus. si prolixè consultando paululum cunctemur, & Vastius aderit, & ipsi præfecti nostri advenient, Italici sanguinis proditores, qui nos suo quæstu & malo nostro in has difficultates adduxerunt, scilicet deprecantes, & denique fallacissimis artibus multa stipendia pollicentes. At vos, si viri estis, eos tanquam publicos hostes à colloquijs arcebitis, atque etiam iure optimo, ut veterum scelerum

lerump pœnas pendant, interficietis: non deerunt in hac corona viri fortes, at-
 que etiam magnitudine animi et vitæ innocentia illis multo meliores, qui nos
 educant, agmina subsidij firmet, aciem instruant, & hac vestra virtute vestrisq;
 animi feliciter utantur. Vos si sapitis expedito consilio corpora atque animos
 ad iter parate, Dñi maturantibus ubique aderunt: nam facile voti compotes
 evadunt qui præoccupant. Hæc dicentem excepere turbidissimi quique ex
 varijs cohortibus laudando atque approbando cuncta ordine, uti Marconius
 perorarat, moxque fremitus tota concione est auditus, qualis apud consterna-
 tos ad arma esse consuevit. inde evulgata profectio signa sunt revulsa, &
 10 densato agmine ad Neostadium iter est directum. nec mora in agmine tribu-
 ni militares tumultuarijs suffragijs cum imperio creantur, nec his ubi nomen
 est recitatum, honoris recusandi facultas relinquitur. Hi fuere Montebellius
 Vmber, Nerius Tiphernas, Molearius Parmensis, Sanctiusque Picens, &
 à Mediolano gemelli fratres Glusiani, qui ad octo millia hominum secum
 traxere, reliqui partim pudore, partim metu suspensi apud Maramaldum,
 Torniellumque in obsequio permanserunt. Eo modo profectos Vastius,
 præfectique, & plerique centuriones proVecti equis ad sextum ferme lapidem
 consequuntur, orant ut consistere, nec tantum scelus admittere velint, parata
 esse stipendia docent, & precibus minas addunt. At illi obaudire, nihil mo-
 20 rari, ira simul atque flagitio efferata ora convertere, adeo ut in adversos mi-
 nora tormenta disploderent. Ibi Vastius dum retentare agmen, & tribunos
 deterrere, revocareque ad imperium conaretur, non mediocre vitæ pericu-
 lum adijt. In ea interpellatione Molearius, qui ut sese expurgaret, atque ope-
 ram sedandæ seditioni polliceretur, paulum extra agmen in colloquio hæse-
 rat, interceptus à Castalio præfecto iugulatur. Vulneratur & C. Anguil-
 lius Florentinus, capiturque ut eo indice seditionis authores quæstione habi-
 ta noscerentur. eo atroci facto semel consternatis, ira in immensum accendi-
 tur, ita furentibus similes multa millia progressi, ad Martis lucum perve-
 niunt: id oppidum quod portas clauserat succensis valvis expugnant atque
 30 diripiunt, continuatisque & maxime extentis itineribus cuncta obvia crude-
 liræ populantur: omnia exempla scelerum passim edunt, avaritiæ, libidi-
 nis, immanitatis. His iniurijs Ferdinandus vehementissime commotus,
 quod recuperandæ Pannoniæ tota spe deciderat, & ab his à quibus summum
 beneficium expectabat, inexpressibilis iniuriæ detrimenta pateretur, omnibus
 Sciriæ, Carinthiæque populis scripsit, ut nemini Italico parceretur. id irati a-
 nimi decretum, quanquam in supplicia meritos ederetur, tamen aliquanto
 acerbius & atrocius est visum, & prorsus eo rege indignum, qui in omni a-
 ctione antea pietatis ac humanitatis laudem ferre concupisset: quoniam ne-
 minem eo periculo eximeret, adeo ut tot reliqui milites, tot legati, totque sa-
 40 crati antistites, atque ex omni Italia honestissimi viri in id cædis discrimen
 cum sceleratis hominibus miscerentur. Ad hanc edicti famam decurrentibus
 undique Germanis ad obsidendas itinerum angustias, multæ cædes factæ, in
 dispersos præsertim & alimenta quærentes: sed ubi conglobatæ cohortes, ad
 vestigia cædis, & ad ipsa cadavera perveniebant, tum verò animis ira ac indi-
 gnitate percitis in ædificia grassabantur, sicut passim cubitalibus literis ex car-
 bone incendiorum causam præscriberent, ut subsequentes id nequaquam te-
 mere, sed vindicandis iniurijs factum scirent, caverentque ne ipsi pariter in

saltibus impediti Germanorum insidijs sternerentur. Interea Cæsar profecturus, Viennæ edixerat, ut hoc ordine in Italiam iretur, ex primo agmine cui ipse præesse volebat, Ferdinandus Gonzaga cum levis armaturæ equitibus antecederet, inde Vastius cum Hispanis, & prætoriani equites succederent; interposito autem biduo subsequeretur Hippolytus legatus, cum toto legatorum sacertodumque & togatorum ordine, quorum omnium comitatus erat amplissimus: tertium & postremum agmen, in quo Albanus regulus cum Hispanico equitatu erat, Germanorum legiones clauderent. Sed hunc ordinem militari consilio constitutum Hippolytus abruptit iuuenili quadam impatientia leuitateque, quum natura feruido & volucri ingenio vlla in re nullam moram ferre, & nulli, uti accidit in amplissima fortuna, parere didicisset, adulantibus præsertim clientibus nonnullis, & centurionibus, quos incredibili sumptu sibi adsciuerat. Hæc enim eum insana libidine militare imperium affectantem, tanto exercitu dignum ad maximas res ingenti ausu gerendas dignum esse dictitabant, ita optimo quoque familiarium frustra deprecante, relicta sacerdotali purpura, garroque, quem maxime fastidiebat, ferina pelle contectus, cum paucis armatis equitibus præcurrit. Id factum ad altioris consilij recessum plerique reuocabant, ceu legatus in summa rerum opportunitate consternatos milites ad patrandum aliquod insigne facinus in Italiam stipendio præbito esset adducturus: sed intimi amicorum, qui eius ingenium ætatis voluptatibus occupatum, & nullo adhuc stabili vel grauiore decreto satis firmatum sæpius excusserant, nihil tale verebantur; in eam tamen suspicionem adductus est Cæsar, ut eum qui spiritu valeret, & Pontificia pecunia potiretur, ad occupandam Florentiam condentere iudicaret; allocutus enim milites fuerat, & secum adducebat Roscium præfectum, à cuius cohortibus seditionis initia emanasse ferebant. Itaque precurrentem Cæsar, nec reuocantibus ipsius nuntijs obtemperantem, ad oppidum sancti Viti cum Roscio comprehendi custodiri que iubet, ne pax tanto sumptu, tantoque labore omnium in Italia parta, eius adolescentis audacia turbaretur. Verum non multo post Cæsar cum certiora de eare didicisset, nec patrui Pontificis animum acerbioris offensione exagitantum putaret, violatique sacrosancti legati infamia permoueretur, quinto die eum emisit, retento Roscio, qui & ipse demum facile impetrante Ferdinando Gonzaga affine, custodia est eductus, quod eum prædaro multorum signiferorum & centurionum testimonio, culpa vacantem castrensis prætor absoluisset. Quum in itinere Cæsar esset, Paulum Iouium qui has conscripsit historias, in agmine adequantem ad se vocauit, ut eius paulo durioris facti famam leniret. nactus enim idoneum hominem, uti sibi notum, ac Hippolyto familiarem, per quem cuncta ordine ad Clementem fieri berentur, docuit, non voluntatis, quæ esset egregia erga Pontificem ipsumque legatum, sed summæ necessitatis fuisse consilium. quid enim acerbius accidere potuisset vel ipsi, vel Pontifici, si Italia, ipsaque imprimis Florentia seditionum militum incursione in discrimen noui belli fuisset adducta? scire se quantopere Clemens paci quietique studeret, qui iam pridem graui iudicio & Alexandrum Etruriæ principatu, & Hippolytum senatoria dignitate contentos esse voluisset, ut diuisa & communicata in vnū consensum, deuersa

rum virium potentia, Medicæ domui firma & diuturna felicitas pararetur. Bellorum initia sapientibus maximè esse pertimescenda, quæ cum à peritis plerunque temerè atque imprudenter serantur, ubi demum creverint, nisi gravissimo conatu periculoq; vix à maximis & prudentissimis regibus tolli vel opprimi possint, non debuisse Cardinalem, qui tanti muneris personam gereret, desumere sibi habitum militare, ut seditiosos & castrorum atque militum desertores cōsequeretur, & cum ijs quæcunq; in exitu forent, consilia communicaret: nequaquam enim eum quieti vel moderati animi dedisse signa, cum neque edicto, neque precibus audiens esse voluisset: quorsum enim eius dicta
 10 factaque tenderent, quis non insanus minimè divinaret, quum ille & sua & aliena dignitate vel improbè vel arroganter abuteretur? profecto eum uti ante tentasset, Florentinæ civitatis otium conturbare cupivisse, aut certè reliquis præclaram eius importuni consilij suspicionem, quum nulla spe vel laude coram castrensis disciplinæ rationem intempestiva excursionem corrupisset. Ceterum se ea, & quidem propensissima voluntate, qua semper fuisset, Cardinalem loco fratris habiturum, satis facturumque ei molliore excusatione, cum in Italia antecedentem foret consecutus: id verò se in summa testari, quicquid fieri iussisset, id non suo, sed Clementis commodo factum fuisse, quum etiam publicam Italiæ quietem unius inquieti hominis amicitia carior habuisset.
 20 Sibi vero pergratum fore, si id totum animi sui iudicium, uti ab æquitate præsentiumque rerum ratione minimè alienum, ad Pontificem accurata fide præscriberetur, quod mox Iovius diligentissimè fecit. & id quidem æquissimo animo tulit Clemens, quum & captum simul & dimissum Cardinalem uno tempore cognovisset, sæpe quærens eius ingenium à deterrimis adulatoribus fuisse depravatum, quanquam in eare Cæsar se ipso suspiciatior & asperior exitisse videretur: erat enim in Cæsare, nisi naturam acerbioris facto exagitates, summa æquitas, rara modestia, patientia singularis, adeo ut in tanta fortuna nihil repentinum aut insolens, vel iudicio vel sermonibus eius excideret. At Hippolytus ubi custodia est emissus è sancti Viti oppido, quod Virunum
 30 nonnulli antiquitus fuisse putant, ingenti cursu Venetias contendit, bis cum summo vitæ discrimine per infessos à Germanis saltus feliciter elapsus, quum Mercadus Hispanus dux itineris, Germanicæ peritus linguæ, ostentatis cultu ipso regis aulæ insignibus ea pericula depulisset. Porro tribuni militares quum incredibili celeritate continuatis die noctuque itineribus ad Vacorium pervenissent, quod hodie Villacum dicitur, in ripa Dravi amnis constituerunt. is amnis aquarum mole & suo rapido cursu concitatus, nequaquam vado superari poterat: pons verò sublicius quo iungebatur oppidi portæ, ita erat insinuatus, ut per mediam oppidi regionem ad adversam portam via militaris extenderetur. Quum Vacorienes in muro essent, & in ulteriore ripa
 40 non exiguam equitum & peditum armatorum multitudinem ostentarent, tribuni in lunato ripæ tractu extensis ordinibus aciem instruxerunt, quæ aspectu ipso & genere armorum latè splendentium, & sclopettariorum multitudine terribilis non rudibus modò populis, qui à multis annis armatos exercitus non vidissent, sed exercitatis etiam militibus terrorem incutere poterat. Pollicebantur Itali, si ponte transitus præberetur, & venali com meatu iuvarentur, se continenti agmine sine maleficio eorum finibus excessuros, si id minimè concederetur, ipsos sua industria & parvo quidem cum labore inven-

turos viam, qua succisis proximis arboribus flumen transirent, subindeque adnixuros ut Vacorienes inhumanitatis & contumaciae poenas darent. Parati erant oppidani commeatum dare, ponte oppidoque recipere, sed per cohortes separatim, ut singulae per oppidum caeteris omnibus exclusis, sine periculo transmittirentur. Eam condicionem minime probantibus Italis, quod neque tuta esset, neque ex dignitate videretur, oppidani qui fortunas suas cum desperatis minime in periculum temere deuocandas esse existimabant, ponticulum subitarij operis a proximo maioris pontis capite iuxta oppidi murum ad frumentarias molas celerrime perfecerunt, atque ita ad mutuam securitatem vtriusque integra existimatione, praecclare atque opportunè consulam Drauo superato, quintis demum castris, & multo pacatioribus quam antea itineribus ad Tiliauentum flumen est peruentum, atque inde dissolutis cohortibus milites vario itinere, uti quisque patriae proximus, cum execratione eius infausae militiae domum sunt reuersi. Nec multo post Caesar Italiam intraui, singulari Veneti senatus studio liberalitateque passim susceptus: eam vero pacati amicique animi modestiam praese tulit, ut Venetae ditionis vrbes seminemè ingressurum esse testaretur. nolbat enim qui validissimis copiis cinctus aduentaba, vllam omnino affectati Italiae imperij suspicionem praebere, quum paulo ante ab diro bello tot vrbiu excidia pertaes, ut pacem adiret, ea quae victricibus armis tenebat, incredibili aequitate magnitudineque animi veteribus dominis reddidisset.

PAVLI IOVII NOVO

COMENSIS EPISCOPI NV

CERINI, HISTORIARVM

SVI TEMPORIS

LIBER XXXI.



ADVENTANTE In Italiam Caesare, Andreas Aura cum triginta quinque onerarijs & quadraginta octo rostratis nauibus Messanam venit. ibi cum instrumenta bellica & nauticos praecipue commeatus, nequaquam ingenti cura ac diligentia a praefecto Siciliae, quem tum importune morbus inuaserat, parata atque expedita reperisset, alio quanto serius quam volebat, in Graeciam traiecit. Audierat enim Himeralem, Ottomannicae classis praefectum, in Ambracio sinu aliquandiu defuisse cum septuaginta triremibus imperite & nequaquam militariter instructis, utpote quibus vsu periti nautae gubernatoresque deessent, & remigum turba magna ex parte ad naualem operam rudis, uti ex mediterraneis saepe hominibus impotenti imperio in naues cogi solita, vulgato per singulas triremes morbo laboraret, sic ut cum nullo prope negotio si maturasset, oppressurus fuisse crederetur. Erat tum ad Zaccynthum

cynthum insulam Veneta classis sexaginta triremium Vincetio Capellio præ-
 fecto, qui insulas & urbes litora que Veneti imperij vigili cura tuebatur, utri-
 que iure foederis amicus & hospes, nulli socius, spectator tantum, sed ex pro-
 fesso illis futurus hostis, qui subiectis Veneto nomini populis terra aut mari
 vim intulisset. Fuere qui crederent Venetos, ut neutris æquitate officij deesse
 viderentur, uno tempore & Aurigæ de Turcarum clade per Corcyreos miopa-
 ranes significari iussisse, & monuisse item amicæ atq; opportune Himeralem,
 ut Ambracico sinu quamprimum educta classe Ionio mari excederet, ne ab Au-
 rianis triremibus, quæ apparatu caleritateque præstarent, dum parum salubri
 10 instatione moram inutilem trahit, deprehensus opprimeretur. Itaque Auria
 à Lacinio promontorio, quod hodie Columnneum vocant, dimissis in altum
 onerarijs navibus, ut recta ad Peloponnesi insulas cursum dirigerent, Iapy-
 gium Salentinorum, legendo Magnæ Græciæ oram tenuit, indeque Corcy-
 ram & Cephaleniæ prætervectus Zacynthum venit. Constitit in acie Ca-
 pellius penè hostilis paratiq; animi speciem præbens, ut apparatus atq; ip-
 sam nondum vel diuturna pacē senescentem maritimi negotij disciplinam o-
 stentaret: & vetera quidem odia memoriæ subibant, quibus Ligures Lucia-
 no Auria duce, ipsius Andregæ tritavo, ad internitionem propè Veneti nomi-
 nis ad fossam Clodiam dimicassent, atq; inde Auria subirato tristiciq; animo
 20 Luciani interitum defleret, qui victor eo navali prælio cecidisset: sed sanctissi-
 mæ religionis & foederis iura ita animos continebant, ut quum utriq; impru-
 dentes vel incauti videri nollent, præbito insigni spectaculo concursuri vide-
 rentur. neq; inutile vel iniucundum posteris futurum putaverim, si acierum
 ordo paucis verbis explicetur, quando ætate nostra nequaquam simile conti-
 gerit, ut id literarum memoriæ mandaremus. Collocarant in alto Veneti ingen-
 tem onerariam navem quaternis funibus à puppe proraq; ad totidem ancho-
 ras, in obliquum ductis, firmissimè deligatam: ab hac utrinq; binæ galeaciæ in-
 gentium tormentorum apparatu formidabiles ita constitutæ erant, ut ex inter-
 vallo onerariæ navis frontem non æquarent, & utrinq; tantum spatij relinque-
 30 retur, quantum satis esset, ut à læva dextraq; viginti singulæ triremes, quæ erant in
 cornibus erumpere posset: tertia verò acies ex reliquis viginti triremibus, in qua
 erat ipse Capellius, in tergo subsisteret, hinc aut inde allatura opem, uti prælij
 casus & incursus hostium poposcisset. eo pacto onerariæ navi ad emittenda
 tormenta latum & vacuum mare, à fronte & à lateribus relinquebatur, & ga-
 leaciæ in altum exporrectæ, triremium latera tuebantur. Ab Auriana classe
 tres speculatoriæ triremes antecedeant insigni velocitate: tres verò acies quin-
 decim triremium eo ordine subsequerantur, quem in agmine navigationeq;
 tenuerant: ubi verò in conspectum Venetæ classis est deventum, Antonius Au-
 ria, qui primo præerat agmini, in dextrum sensim deflectens, remos sustulit, ut
 40 sequentes expectaret, & Andreas, qui medium tenebat agmen, suo cursu pro-
 gressus, sese introrsus ad cornu dextrum applicavit: Salviatus verò Rhodiarum
 totius tertij agminis præfectus, interim in levam ita cōcitavit remiges, ut pun-
 cto temporis ad medium agmen proveheretur, adeo ut æquata omnium tri-
 remium fronte, uno pariq; impetu concursuræ crederentur. Reddidere veri
 prælij simulachrum tormenta utrinq; ad consalutationē honoris causa, exem-
 ptis pilis miro ordine displosa. Venit ad Auriam Canales nobilis vir atq; item
 fortis, Ionij maris custodiæ præpositus: per eum Capellius, portus, stationes,

commcatus amicè obtulit, excusauitq; se, quòd integra senatus fide confociare vires, & publicos hostes persequi nequaquam liceret: ob stare enim fœdus, antiquitùs cum Ottomannis perculsum, quod ipse etiam Solymanus renouasset. At Auria Cæsaris nomine gratias egit, quòd senatus eo animo esset, vt maiorem æquitatis atque iustitiæ, quàm vllam bene gerendæ rei rationem respicere cogeretur, sperare se tamen Cæsaris auspicijs talem ad ingentem victoriam Venetis occasionem esse præbiturum, vt eæ fœderum compedes, ab ipsis vltro pietatis et certæ victoriæ causa cupidissimè frangerentur. Et certè quum hoc animo reputamus, nostrorum temporum condicionem deflere, Christianorumque principum insaniam detestari lubet, qui dum inter se bello aut odio dissident, ita Ottomannis parant, vt qui toties superari delerique potuerunt, non immeritò adaucta in immensum potentia, ad totius orbis imperium aspirent. Himerale enim tum in fugam actò, atq; eo, si periculi forent, facile deletò, quæ reliqua vnquam Solymano clas sis superfluit: qui nam Byzantij, Cæsarianæ Venetæq; clasium imperum tulissent, nisi uirònes prætorianos, aut eunuchos ad custodiam fœminarum domi relictos, uirònia egregiè defensoros credamus? quū in Pannonia procul ageret Solymanus & Græci ex ipsa vetere libertatis ac imperij sui memoria, vt rebellare ex quo possent, non quidem accessum Christianæ clas sis, sed vix ipsam tantam aduentus famam, erectis animis expectarent. Cæterum Auria vbi didicit Himeralem superato Galli promontorio, quod antiquis Acritis fuit, ad Maleam contendere, Antonium Auriam cum delectis septem triremibus qui persequerentur misit. sed ille ad Cytheram insulam vsq; frustra persecutus, quo hostes Agolicum sinum prætergressos, Atticæ Sunium atq; inde Chalcidem petere ardebat, ad classem est reuersus; ea tum in Sphragiæ insulæ portum, quem nos Sapiëtiā vocant, supra Methonem ad explicanda consilia se contulerat. iam enim onerariæ ab alto, remissioribus vsq; ventis, in conspectum se dederant. Fuere qui dicerent Methonem oppugnandam esse, & ante alios Salmaturus piger iuuenis, Rhodiarum triremium præfectus: profitebatur enim se eam turrim, quæ subiectum mare despiceret, & cæteris munitior esse videretur, effreturum maioribus tormentis, et protinus occupaturum, vt potè qui situm vrbis interioresq; munitiones apprimè nossèt: superiore siquidem anno in eum ipsum Sphragiæ portum cum aliquot triremibus à Melita insula noctu illatus, præmisso ignobili nauigio per simulationē exponendi mercimonij, in cuius carina armati conditierant, felici dolo vrbem occuparat; Iano Mario, viro Græco summæ virtutis id facinus ingenti animo patrante; sed occisis custodibus, occupataq; porta, & iam capta vrbe, nostri milites aliquanto prædè, quàm decoris audiores, quū ad diripiendas domos solutis ordinibus discurrerent, facile à Turcis, qui animos receperāt, turpiter cæsi expulsiq; nobilis victorig initium fœdo exitu corruerunt. ob id Auria ex priore periculo intentiorem firmioremq; custodiā adaucto Turcarum numero futuram ratus, Coronem oppugnare constituit. Distat ea vrbs à Methone duodecim fermè passuum millibus si terrestri itinere petatur, mari verò paulò minùs viginti. nam Acritæ promontorium medio ferè in eruallo in mare procurrit, & in læuo promontorij latere sensim litora curuantur. In hoc sinu sita est Corone, adeo porrecta in palagus, vt magna ex parte maris fluctibus alluatur: altera pars cuneata in latam cuspidem, transuerso muro, eoque senis turribus insigni & ferrata porta, proximam litore,

litori, quam Insulam vocant, penitus excludit, & ita à mari recendes sensim attollitur, vt perpetuo saxo mœnia imposita ad trianguli formam oppidum efficiunt. In oppido, vt firmiore nobilioreq; , Turcæ domos habent, Græci insulam inhabitant, ad extremum verò oppidi angulum præalta in rupe arcem Veneti quondam fecere, quæ mediterranea despicit & suburbana tecta; hæc viam militarem excipiunt, quæ in septentrionem perpetuo accliu collis dorso in campos extenditur; sed ea suburbana quum ad sagittæ iactum à porta oppidi processeris, alio intermedio muro portaq; diuiduntur: porro ad mare ab vtraq; vrbis parte duæ sunt percommodæ stationes: nam quū Euri Vulturniq; vel è diuerso Fauonius & Corus sæuius perflauerint, ex hac in alteram nauigia repente confugiunt. In læua statione ex vetusti operis mole portus efficitur, verum adeo angustus, vt vix septenas triremes tuto recipiat. Auria terra mariq; explorato vrbis situ, cohortantibus maximè Græcis, qui ad nostros e suburbanis edificijs cupidissimè transierāt, aggressurus urbem, in hunc modum ad oppugnandum loca muniaque distribuit; Circunductæ primò sunt in amplissimam coronam naues onerariæ, & ante eas triremes, vt totam eam conuexi muri partem, quæ insulam à mari præcingit, contractiore ambitu complecterentur, proiectis in litus sub muro anchoris, vt inde per ductarios funes ergatarum beneficio attracta nauigia, quantum maris vadum pateretur, ad mœnia promouerent. Scaphis autem magnarum nauium pluteis ac asseribus protectis, anchoras prouehi & in litus ad scopulos inter tela Turcarum ab alto incidentia collocari iubebat. ex nauium proris nouo quodam artificio pontes paribus extantibus antennis impositi tabulisq; constrati, à fronte prominebant, ita vt summitati mœnium æquarentur, atque inde clypeatæ armatæque cohortes procursuræ & irrupturæ in oppidum viderentur. In durarum verò longè maximarum nauium Grimaldiæ scilicet & Rhodiæ summis carchesijs ab excelsissima scilicet mali summitate, sacri, falconesq; bini constituerant, vt inde non propugnatores modo qui in muro consisterent, sed interiora insulæ certis ictibus peterentur. Terrestres verò copias ita diuisit, vt Hieronymus Tutauillas Sarnensis comes duceret Italicas cohortes, & à læua parte supra molem latum propugnaculum septem tormentis quateret. Hieronymus verò Mendocius cum Hispanis à dextra, paulo à mari longius, non insulæ tantum, sed & oppidi murum totidem tormentis & scalis aggrediretur. Ipse Andreas locum sibi delegerat apud molem, Sarnensi maximè propinquum. Pontificiæ autem triremis contraria in parte Antonio Auria deposcente, dextrū cornu tenuere. Saluiatus in medio Rhodias mœnibus admo-
uit. Nunquam ab vlla memoria, tantum tormentorum ad vnam oppugnationem collatum fuit: nam à terra quatuordecim, à mari verò centum & quinquaginta muralibus tormentis vno vndique tempore murus est vehementissimè verberatus: minorum verò tanta vis fuit, vt neq; prospici quicquam, neq; exaudiri facile posset, fumo scilicet in crassissimæ nebulæ morem latè diffuso, & crepitu reboatuq; tormentorum cuncta quatiente. Apud Sarnensem Itali magno animo, sed irritò incepto ad proruptum murum scalas apponere, & scandere conantes, ter à Turcis accerrimè propugnantibus insigni detrimento accepto sunt repulsi. Neq; enim tantum muri dirutum fuerat, vt attingere scalæ possent, et vndiq; ab latere minoribus tormentis sternebantur, nec Turcæ è muro saxa, ignes, feruentem arenā, calcemque & picē leuata tam prouoluere

ac infundere subeuntibus cessabant. Sarnensis in his periculis fortiter æque atque feliciter versabatur, nec reuocandi milites locus erat: nam implicati inter se hastis et in casarum angustias, quæ muro suberant, metu retrusi quanto magis à muro recedebāt, tātō apertius ac certius vulnerabātur. Perire in eo conatu receptuque Theodorus Boschites Græcus, qui in Italia alæ equitum cum laude præfuerat: atque item Franciscus Carnaus è Neapoli, & Iacobus à Capua, strenui centuriones, & cum his trecenti ferè milites, & supra mille vulnerati debilitatique, in queis fuit Alphonfus Capanius signifer, cui sclopetti pila ab alto demissa, perfosso oculo linguam abripuit. Ex altera parte Mendocius nequicquam quassato muro, quum omnia ardua ad ascensum forent, cauto consilio prælii fortunam non subiit. At nauales loci felicius, quum Auria subeundi & scalas afferendi vti antea edixerat, tuba signum dedisset, in insulam peruaserunt, cedentibus muro Turcis metu pontium, quos superstantibus armatis appropinquantibus continuo apprehensuros murum omnino crediderant. Primus ex naue Grimaldia imberbis Ligur genere humilis, sed eo saltu satis clarus, vexillum in hostili muro defixit, proxime ei succedere Hidrontinus è Galeone miles, ac demum Lamba Genuenses; atque ita multis interfectis insula capta direptaque est, refugientibus infra oppidum per ferratam portam Turcis, qui ex eo quem diximus turrato muro, nostros præda occupatos vagantesque sclopettis et sagittis vulnerabant. At primis tenebris Sarnensis suos, qui sub muro conditi protectique multis horis subsisterant, incolumes ad se recepit, & tota nocte laboratum est in erigendis munitionibus, quibus in oppugnando oppido ipsi milites tormentaque ab hostium turribus regerentur. Sequenti die plures Turcarum equitum manus, ut Coronæ opem ferrent, in conspectum se dederunt: namque singulos ferè proximorum oppidorum præfectos, et fama Aurianæ classem, & auditus tota Peloponneso tantus tormentorum strepitus, exciuerant. aderat à Lacedemone, quam Misenam vocant Zadares, cui Tridigito cognomen. is à Londario Charitena Messenique expeditos equites circiter septingentos adducens, secundum litus iter facere cœperat, ut à dextro latere in urbem irrumperet. erat inter suburbana tecta, portæ quam diximus, in statione collocatus cum cohorte Theodorus Spinula, iussuque Sarnensis milites intra sagittæ iactum intercisa militari via transversam fossam opportunè duxerant. Itaque Zadares quum ab Erasmo Auria qui in iditum triremen obuenterat, tormentis peteretur, à litore discedens trium amplius milium capto circuitu ad læuam peruenit, sinuosoque itinere intra suburbana tecta se intulit, magno impetu ad portam prouectus, adeo ut Theodorus irruentium vim ægrè sustineret, eratque res adducta in maximum discrimen, nisi Sarnensis Theodoro cum paucis repugnanti peropportunè opem tulisset, submissio Petro Tolfio cum trecentis sclopettariis: non postremam partem Turcarum agminis retro auertere, ingressique suburbana, ita reliquos in fugam desperato ingressu urbis compulere, ut quum Turcæ concitatis equis effugere conarentur, in fossam inciderent. Ibi Zadares labente equo præceps datus interficitur, nec ulli ex Turcis omnino parcitur. eo modo multis occisis, capita ad munitiones deferuntur: quibus conspectis Turcæ qui oppido arcique præerant, siue metu siue commeatus & tormentarii pulueris inopia adducti, ea condicione urbem atque arcem dediderunt, ut cum rebus suis armisque in pacata loca discedere liceret. Corone capta, atque ibi præsidio Hispanorum constituto, & receptis

ptis in fidem Græcis, disputatur in consilio, an in longo portu, qui parum à Corone distat, ut certus tutusq; in ea ora Christianis clasibus sit receptus, castellum ædificare expediat, aut luncum oppugnare. Id hodie Nauarinum, Pylum antiquitus fuit, subiecto portu insigne, ignavia custodis Veneti, qui postea capite pœnas dedit, Baiazeti in Methonenli victoria traditum. Cæterum Auriam multis de causis, & quod nunquam defuturos portus nostris clasibus speraret, ea consilia abiicit, & ad oppugnandas Patras iterum adita Zacyntho cum classe descendit. Deferuerant ad apertam urbem incolæ Turcæq;, & in retractiorem locum sub arce præalta fossa muroq; munitum milites cum magna puerorum & foeminarum multitudine se receperant. ²⁰ Expositis copijs subuectisque tormentis octo muralibus Sarnensis ad mille sclopettarios secernit, qui defensoribus murum nudent, cæteros virgultorum singulos fascēs adferre iubet, ut æquata fossa ad murum scalæ deferantur. Non diu tormentis restitit murus, Coroneo vetustate debilior. Primus omnium Ioannes, Traiani Cabanilla filius, castrorum præfectus in fossam delinquit, subsequente ipso Sarnensi cum tribus signiferis & integris demum cohortibus, scandiq; murus certatim est ceptus, sed defensores Coroneis virtute constantiaque dissimiles, impetum nostrorum fuga in arcem facta, diutius non tulerunt. Ita urbe paruo labore, & penè sine militum nostrorum vulnere celeriter capta direptaq;, ad arcem in ³⁰ adito sitam tormenta subuexere. Erat oppugnatio futura difficilis, si cum militari more Turcæ defendendam suscepissent, sed exemplo Coronensium, atq; item eius imbellis turbæ misericordia adducti, quum tantam multitudinem diu alere, vel in tanto seruitutis ac vitæ discrimine tueri posse desperarent, emisit ad Auriam oratoribus ea conditionem deditioem fecerunt, ut recepti in fidem inuiolatiq;, saluo imprimis foeminarum pudore, cum singulis vestimentis in Etoliam transerent, id egregie Andreas præstitit, adeo ut inter alas militum utrinq; extensas exeunte trium ferè milium capitum multitudine, cum nonnulli petulantius foeminas attrectare, atq; his ornamenta detrahare inciperent corripì, extemploq; suspendi, aut iugulari iussit. horum supplicio cæteris ab ³⁰ omni licentia deterritis, eo ordine Turcæ ad naues sunt deducti, ut Sarnensis & Saluiatus antecederent, ipse postremum agmen cogeret vultu seверо imperiosoq;, & ad sumenda supplicia, si qui paulo licentius iussa contemnerent, maxime parato. Quærebat enim iustitiæ & præclaræ fidei famam apud ipsos præsertim Turcas, ut ex gentes religione ac ingenij captu nobis dissimiles, factò periculo manifestè perspiccerent, in Christianis ad militare decus non deesse fidem ac humanitatem, qui adeo moderatè victoria virtute parta vterentur. Exercitu ad Patras relicto, & terrestri itinere subsequi iusso, Auria ad Nau pactei sinus angustias triremibus est deuectus; ibi fauces adeo coarctant eum influentis Ionij maris sinum, ut vno minus stadio, à Peloponneso Actolia ⁴⁰ distet, qua ad Hellespontum interfluo mari Europa atque Asia dirimantur. His angustijs gemina antiqui operis castella imminet, quæ Dardanellos appellant. Fuere olim in Achaia Rhium, et in Actolia Molycreum, sed Actolicum Achaico Baiazetes, superaddita turre ingenti, et duplici muro adiecto, multo validius atq; munitius reddiderat. In his tormenta inusitatae magnitudinis, multiplici fenestrarum ordine ad libellam aquæ ita constituta & collibrata erant, ut vel exiguis & humilioribus nauigij ingressus, & exitus precluderetur, nam utrinque ad aduersam regionem emissæ bipedalis diametri

faxæ pilæ facile perueniebant, vti eadem ratione ad Helleſpontum hodie fieri videmus. Auria citerioris caſtelli præfecto per Græcos homines extrema ſupplicia comminatus, ſi expectandam tormentorum vim putaret, facile pepigit, vt Turcæ incolumes caſtello excederent: quibus nequaquam cunctanter eductis, quicquid vel annonæ, vel bellici apparatus in caſtello erat, diripiendum militi conceſſit. Reperti ſunt thoraces, halifæque veteres, itemque lorica & peltæ more gentis, cum militari & minimè pretioſa ſupplectile. Ea ſpolia quum Aurianarum triremium milites nauatq; efferrent, cæterisque aduentantibus oſtentarent, adeo appropinquantium cohortium animos dolore ac inuidia exagitarunt, vt quum opimiorem fuiſſe prædam crederent, & tardius veniſſent, ob idq; præda penitus excluderentur, continuo ſeditionem miſcerent, ipſi Auria vehementer irati, quo primò ad Coronem, & inde ad Patras, & tum etiam ad Rhium, quaſi Turcarum ſanguini paſſem parcendum putaret, eas res ciuili pactione, quàm ferro & bellica vi conſicere maluiſſet, ita præmia laborum & vulnerum ſolatia militibus eripi, atq; auerſi diuertit prædam, vt ipſe inde apud hoſtes intempeſtiuam humanitatis & clementiæ laudem priuato nomine ferat, & ſoli propè nauæ Ligures ditentur; ipſis verò armatis militibus terræ & maris incommoda perpeſſis, nec locus ad perfectam laudem, nec ſpes ad certa probatæ virtutis præmia relinquantur, & quod fortibus viris minimè ſit ferendum, omnium ceruicibus & iugulis, qui & pugiones, vel in minimo delicto, & ſublata quidem ſpe dicenda contra proponantur. Hæc quum multiplicatis per coronas militum ſermonibus dicerentur, & iam planè conſternatæ eſſent aliquot cohortes, Neapolitanus ſignifer, quem ſtrangulati ad Patras amici militis dolor incitabat, vexillum ſuntulit, alta voce commilitones inuitans, vt ſe ad opulenta caſtella euntem exemplo ſequerentur, ibi non viſuros crudelem ducem, & ingentem prædam virute quaſituros. Nec mora, illum quinque aliæ cohortes Italorum ſunt ſecuti, hisque vexillum Hiſpanorum acceſſit. iere citato agmine non tam iratis quam audidis animis in propinquos Græcorum pagos & villas, execrante eos Aetia potius quàm reuocante. Iam Sarnenſis cum valida manu expeditorum caſtrum traiecerat in aduerſum Aetoliæ continentem vt exploraret caſtelli ſitum, & ponendis caſtris munitionem inciperet, quum Turcæ in noſtros faciendò operi intentos protinus erumpunt: ſed egregiè Sarnenſis per ſclopettarios eorum impetum ſuſtinet, multisque vulneratis intra portam compellit, interim nondum perfectæ caſtrorum munitione, equites Naupacto egreſſi in conſpectum ſe dedere, vt caſtellanis opem ferrent. noſtri quanquam pauci pro caſtrorum ſpatio, quod erat ampliſſimū, vti ad continendas omnes copias vſitata ratione dimenſum alacri tamen animo in munitionibus conſtitere, in aduerſos ſclopettis rem gerentes, & nonnunquam erumpentes, vbi audaciùs prouectos hoſtes conſpexiſſent. Cæterū Turcæ multis in gyros decurſionibus ad caſtra factis, latè omnia ſpeculati, quum ſe ſe prouehere audaciùs, & cominus pugnare nollent, Naupactum redierunt, intromiſſo equite ad caſtellanos, vt eorum animos ſpe celeris auxiliij confirmarēt. At Sarnenſis, qui ea ſpetraiecerat vt copias omnes conſeſtim ſubſecuturas crederet, vbi de conſternatione diſceſſuq; militum certior eſt factus, intermiſſo caſtrorum opere ad Peloponneſi litus, vbi Auria conſtiterat conſeſtim redijt, et ad eos pagos eſt proſectus, in quos deſertores milites diuertifſe dicebantur, ducibus præſertim Græcis, qui ſuas

suas iniurias cum lachrymis deferentes, è proximis vicis ad castra decurrerant. Eos Sarnensis nequaquam seuerè, sed comiter reprehensos, quòd adeo leuiter insanire cœpissent, haud magno cum labore ad officium reduxit. iam enim eos admissi facinoris poenitebat, & satis verecunde signa & centuriones agnoscebant, quum villas & pastorales casas omnibus esculentis raptim consumptis, & ignobili etiam collecta præda vacuas fecissent, sed reis & ex conscientia poenam meritis Auriæ seueritas tantum pauorem inferebat, vt nonnulli metu supplicij præstare dicerent cum Turcis pacisci, & apud eos stipendia facere, quàm ad seuum ac inexorabilem ducem reuerti. Sed Auria regionis & temporis rationem habendam existimans cunctis pepercit, ita tamen vt seueritatem ac iracundiã vultu sermoneq; retineret, nec veniam deprecantes recipere vellet, nisi vti cohortes decumaturus ad arbitrium militaris imperij se dederent. is paucorum omnium animis incussus, pro poena ad retinendam imperij existimationem Auriæ satis fecit. Nec mora, ad delendam secessionis infamiam parati animis in Actoliam sunt traducti, simulq; exposita in litus tormenta duobus circiter millibus passuum supra castellum, vt tutiore itinere conuehi possent: nam è castello Turcæ ea litora tormentis infestabant. Ea Christophorus Auria vir impiger negotio præpositus attracta funibus & impulsâ militum humeris per centurias labore distributo, in castra conuexit. eodemq; tempore Cabanilia cum trecentis sclopettarijs antecedens, opportuno & ante, vt diximus, explorato loco castrametatus est. Dum hæc administratur, Turcæ Naupactō magnas peditum et equitū copias educunt, & in nostros pleno passu deferuntur. iam enim & à Corintho, & ab oppidis quæ sunt ad Acheloum amnem, totaq; Peloponneso & Actolia, præfecti equitū raptis quas poterant turmis, Naupactum conuolarant. nec Sarnensis, haud quaquam ea multitudo line territus, sibi deest; ad quatuor milia peditum in vnum agmen cogit, & quadrata acie contra hostes progreditur, extra ordines verò delectam sclopettariorum manum rem gerere iubet: in tergo castellum relinquebatur, & in nostris munitionibus præsidium erat relictum, quo eruptiones cohiberi possent, & in ipsam castelli portam tormēta perire atq; oppurtunè directâ fuerāt: insultantibus vndiq; & procurrentibus Turcis, nec pedestres copias in aciem producentibus. Sarnensis se recipere, & in castra se conferre cœpit, in tergo extraordinarij ad angulum dextrū quadrati agminis constituti, sine periculo insequentes Turcas repellebāt: circumueniri enim non poterant, & cum aliquantum in aduersos procurrerēt displosis sclopettis tutissimus ad agmen erat receptus. Prælio ad occasum Solis protracto, Turcæ nulla re memorabili gesta Naupactum sunt reuersi. Sarnensis in castra copias reduxit, totaq; ea nocte quæ secuta est ad aggeres fossasque perducendas milites in opere fuerunt, constitutaq; suis locis tormenta muralia quæ exterioribus ædificijs protegabantur, oriente sole turres quæ prominēbant magna vi quassari cœptæ. Nec Turcæ constantissimè & acerrimè propugnando vlla in parte timoris signū dabant: erant enim in his pleriq; veterani Ianizeri in custodia oppidorum atq; arcium relictī. ad extremū is exitus oppugnationis fuit, vt perfractō muro multisq; intro varijs casibus interfectis, nostri in castellum irrumperent, trecenti ferme Turcæ, nemine capto, trucidati; nonnulli insigni animorū contumacia media inclusi turre, se ipsos & turrim totumq; pene castellum, non sine nostrorum clade, succenso tormentorio puluere cōcremarunt, tanto ruentiū murorum crepitu, vt litora veluti terræ motu

periremerent, & triremes, quæ suberant ad sagittæ iactum, lapidum fragmentis penè obruerentur. Andreas è prora prætorix triremis prælium spectauit, donauitque Sarnensem & Saluiatum singulis ingentibus tormentis: tanta enim vis aneorum tormentorum in castello reperta est, ut septuaginta milium aureorum pretium excedere diceretur. Ea demum tormenta ita pendæ magnitudinis Arabicis inscripta literis, ad victoriæ monumentum Genuam delata, in portus mole constituit, ubi de piratis ad Planasiâ insulam superatis, sacellum Deiparæ virginis ex manubijs antea consecrarat. His confectis rebus posito ad Coronem Hispanorum præsidio, atque vrbe tormentis, & multorum mensiũ comineatu diligentissimè permunita, Mendocium ita animo confirmauit, ut fidem daret, & prolixè pelliceretur se, vel priuato impetu, si id Cæsar facere differret, in eius auxilium classem esse transmissurum. Interim Saluiatus suis triremibus in intimum sinum prouectus, ad Lecheum, vique portum, hodie diui Demetrii vocatum, sub ipsa Corintho pauorem excumtulit, & veteris Sycionis, quam hodie Basilicam appellant, & quæ in aduersa parte est, Creusæ litora succensis hortorum ædificijs latè vastauit. Nec multo post Andreas appetente hyeme, & acceptis à Cæsare literis, quibus discessum à Pannonia Solymani, & suum in Italiam aduentum significabat, delici vsus nauigatione, Neapolim, atque inde Genuam est reuersus. Interea Clemens per Tiphernates iter habens, asperis inusitatisque itineribus superato Apœnino, ne ingrata patriæ mœnia conspiceret, per Aemiliam Bononiam venit, excepitq; Cæsarem Mantua profectum; nec quicquam ea hyeme memorabile vel cottidianis congressibus est actum, quam ut lis de repudio Henrici Britannix regis toties agitata pronunciant Pontifice finiretur. Exardebatur enim iam tres annos rex ille, alioqui in multarum virtutum laude insignis, seuo ac impotenti amore Annæ Bolaniæ, quæ in aula reginæ liberius educata, ei infantiæ amatorem regem propulerat, ut Catharinam Ferdinandi regis filiam ipsiusq; Caroli Cæsaris materteram, præstantia, pudicitia, & singulari humanitate modestiaq; reginam, exturbandam domo repudian damq; decerneret, potuisset ut ipsa in vacuum thorum expellicatu in spem masculæ atque legitime prolis reciperetur. Neq; enim Henricus aliam prolem ex Catharina suscepit, quam puellam iam propè nubilem, quæ suauitate formæ, & morum elegantiâ plurimum exellebat. Huius impuri insaniq; consilij fautor extiterat Thomas Eboracensis Cardinalis, perpetuis adulationibus summum potentix locum apud regem consecutus. Is docebat, Catharinam vxorem legitimam esse nequiuisset, quoniam Arcturo fratri antea denuptisset, vetari id sacrosanctis noui ac veteris instrumenti legibus, neque Iulium Pontificem, quæ diuino iure essent constituta, vel accepto multo auro, rescindere potuisse. proinde repudian dam esse, ne incestus crimine perpetuo pollutus, post mortem sempiternis inferorum ignibus damnaretur: neq; idcirco filiam videri spuriam debere, quoniam am optima fide eam factis rite nuptijs genuisset: si verò legitimam ex totos infu læ delectu vxorem duceret, ipsum & sibi, & regno ad certam successionem suscepta virili prole consulturum. Addebat Thomas, non deesse ex Parisiorũ gymnasio sacrarum literarum professores, qui secundas nuptias ritè fieri posse, damnato priore coniugio, validissimis rationibus comprobarent. Hic Thomas magno Fortunæ ludibrio, quum summũ dignitatis, atq; potentix fastigiũ teneret, & se ipsum auaritia, ambitione, superbiaq; tumentem capere nequiret,

quiret, præceps datus improbæ adulationis pœnas fœda morte persolvit. Fecerunt cum Francisco regi occulta fide & egregia in diversum simulatione conjunctum, utpote qui Gallico auro, regisquæ muneribus maximè gaudebat, magnis artibus repudio favisse, ut Henricus à Cæsaris amicitia ex ea longè graviſſima contumelia penitus divelleretur, & subinde Gallico nomini absq; ulla spe receptus, arcto & necessario quidem fœdere iungeretur. Cæterum Clemens, qui ut eam controversiam aliquandiu aleret, continendis in officio regum animis tanquam ambigui iuris ad duodecim virale iudicium reiecerat, ubi videt diversa petentes integra authoritate diutius non posse distineri, ius & æquum ita Britanni regis amicitia prætulit, ut Henricum omnino moneret, se ei intra certū tempus aqua & igni, & Christianis sacris interdicturum, nisi repulsa Anna Catharinam in pristinum coniugij locum recepisset. Ea inanis intempestivæq; severitatis comminatio inexprabili malo summoq; detrimento rei publicæ postea cessit: quando rex ille non multo post ab authoritate Romani Pontificis, suæque pristina pietate discesserit. Actum subinde est de tuenda pace, quam tanto sumptu, tantisque periculis quæsiſſent: nam in eam pacem, quæ publico fœdere biennio antè Bononiæ fuerat constituta, Genuenses nequaquam adscripti fuerant, queis tum maximè infensus erat Franciscus. Gennæ siquidem imperium, uti antiqui Gallorum regum iuris, nec inclusum recentis fœderis legibus repetebat, adeo ut negociatores Ligures Lugdunensi emporio pellerentur, nec alicui importare eorum merces fas esset, & a Massiliensibus trierarchis infesto ubiq; mari, Genuensium navigia magnæ civitatis detrimento caperentur. Minabatur quoq; Franciscus se in subalpinis Salassorum oppidis equitum & peditum copias hybernorum specie transmissurum, ut clientibus suis præsidio essent: nam Franciscus Salassus regulus pulso fratre, & matre custodiæ tradita, qui partium Cæsaris erant, in Galliam ad Franciscum se contulerat. Venerant quoq; Bononiam summe authoritatis viri Acromontius atq; Tornonius Cardinales, qui à Pontifice postulabant, ut Hispani, uti confectis bellis & pace parta, tandem Italia deducerentur, si id fieret, Franciscum regem omnes superiorum temporum iniurias satis æquo animo esse laturum, quod si inveterari aliq; in Italia Cæsaris copias ad augendam eius potentiam conspiceret, se libertati dignitatiq; amicorum & veterum clientium suorum, qui sibi in Italia non deessent æquissimo iure consulturū. Veneri quoq; ullo alio, quàm veteri fœdere illigari volebant, seq; omnino prestaturos profitebantur, quod disertè in fœderum tabulis essent polliciti, maturamq; opem Francisco Sfortiæ protinus allaturos, si alicunde bellum eius finibus inferretur: neque enim ex dignitate Veneti senatus fore, si veluti tributum nomine annuam pecuniam tuendæ paci penderent. Ipsos enim nequaquam vereri novum armorum motum, nec si bellum fortè ingrueret, ut semel partā pacem tuerentur, vel magnis sumptibus esse parafuros: sed Veneti nequaquam permoti sumptu, qui erat exiguus, dum sese novo fœdere excluderent, duas res opportunè conſequebantur, in quibus tuendæ existimationis ac libertatis maximum inerat momentum. Nolebant enim Franciscum regem veluti desperata in reliquum tempus ipsorum societate, ab se penitus alienare, atq; illū eò prorsus adigere, ut cōmutato animi decreto, novam sibi amicitiam, novamque fortunā querendam putaret, e qua demum dissimulata in præsens graviore iniuria minores principes uti ingratos & aversos ulcisceretur. Nec Cæsarem

omni suspitione metuq; vacuum omnino sinere, vel sapientis consilij fore arbitrabantur, ne ille Gallos penitus contemnendos esse putaret, si tota in ipsum nomen ac amplitudinem consentiente Italia undiq; tutus & principū longē maximus redderetur: exæquari enim tantorum regum potentiam ac vires incolumi Cæsaris amicitia cupiebant. Propterea nō obscura fama ferebatur, admonitum fuisse in Pannonia Solymanū, ne universo prælio decertaret: quoniam copiae Cæsaris, & numero, & animis, & disciplina insuperabiles viderentur, scilicet ne ex unius pugnae eventu in alterutra victoria, aut Cæsari, quoniam nihil gravius, aut ipsi Solymano, quo nihil miserius accidere posset, omnibus foret serviendum. In Clementis quoq; pectus altè descenderat iniuria ex modo citio Cæsaris gravissimè concepta, quum Cæsar disceptator & arbiter Rhegnae Mutinae principatū Atestino Alfonso, prædamnatis pōtificij imperij iuribus, adiudicasset. Optarat Clemens, ut si aliqua de causa vel ambigui vel parum aequi iuris secundū se litem dare nollet, iudicialis arbitrij præfixum tempus elabi pateretur. in ea enim dilatione neq; præiudicari Alfonso, neq; sibi & Pontificio nomini multū noceri: sed iureconsulti Cæsaris aliquādiu Pontificis legatum in ipem secundissimi litis eventus malignè ludificati, accepta pecunia, tradidit Clemens, ut sententiam ferret, Cæsare propulerāt. Eius rei gestae nuntius eo ipso fortè die Nonarum Maij e Belgio in Urbem venerat, qui, ut erat Urbis excidio maximè luctuosus ex acerbissimæ cladis memoria, Clementis animum magnopere perturbavit. Itaq; excludentibus sese Venetis, atq; id dissimulanter probante Pontifice, sordus est renovatū in sesquiannum. Ex huiusmodi leges, Vt communibus copiis atq; pecunijs, si bellū inferretur, id ad tuendam pacem propulsarent. Dum pax esset, xxv milia aureorum nummūm ex veteri censu Pontifex, Cæsar, Franciscus Sfortia, & Alfonsus Atestinus, itemq; Liburni civitates, Florentini scilicet, Genuenses, Senenses, Lucenses conferrēt, quæ ad alendos centuriones præfectosq; equitum Antonio Levæ dispensanda traderentur. eum enim bello ducem designarāt, custodemq; pacis & oculi apud Mediolanū esse voluerant. His rebus constitutis, quæ præcipua in omni eius vita Clementis laus fuit, Hispani ita dimissi deductiq; sunt, ut ad Coronē in Peloponnesum multo maxima pars: alij ad Siculārū urbem præsidia: alij in Salernitanis & Calabris ad tuendas arces mitterentur: nonnulli ultro in Hispaniam redirent. ob id factum sapienter atq; feliciter populi totius ferè Italiae, Galliq; præsertim Cisalpinæ Pontificis prudentiam, Cæsaris æquitatē, Venetiq; senatus iudicium atq; operā eximij laudibus celebrabant, quod eorum incomparabili beneficio a rapacissimis sævissimisque militibus liberati, de libertate, de vita, & de reliquis fortunis tum primum benè sperare inciperent. At legati Cardinales Acromotius atq; Tornonius, qui ab initio instrepere, reclamareq; & libero ore conqueri cœperāt, quod ea principum coniuratione non iniqui fœderis prætextu gravissimam & minimè ferendam Gallis omnibus contumeliam inferrent, postquam eos Clemens subtiliter admonuit, ut pacati con-
40

magna

magna belli necessitate coacturum: propterea desinerent repentini atq; ad-
perti esse, præsentia dissimulare, futura prospicere, & præteritorum memoriam
retinere inciperent, patientia ac tolerantia omnium rerum necessitas sapissi-
me superari: hac via esse Cæsarem, illa Gallos, atq; ita non immerito, & ipsos
ingentia incommoda ab æquitate Fortunæ, & illum amplissima beneficia re-
tulisse. Per eos dies, in gratiam Cæsaris, in numerum Cardinalium ascitus est
Gabriel Merinus à Betica, ex infimo hominum ordine quondam ab Ascanio
Sfortia, ac demum à Leone in lucem Pontificiæ aulæ provectus. Erat is ingenio
ad omnia obsequia, obeundaq; maximarum rerum munera, valde acuto para-
toq; sed literarum penitus experte, ita ut Clemens non obscure reprehendi pos-
se videretur, quod nonnullos tum virtutis eximiae prærogativa candidatos,
quum hunc efferret, eodem galero cohonestare minimè voluisset. Cæsar primo
Vere Bononiæ profectus, Ticinum venit, ut campos & sua victoria, & Gallo-
rum clade per celebres, & manentia adhuc castra et munitiones inspiceret, mon-
strante singula loca Vastio, ac eius prælii eventus enarrante. iuvabat enim Cæ-
sarem tum maximè lætum, & curiosè divagantem ipsis in locis vestigia figere,
quibus insigne aliquod facinus editum constabat. Nec Vastius honestissimo
officio deerat, quum de se ipso parcissimè loqueretur, & nomina meritaq; for-
tium virorum Cæsari cumulata cum laude commendaret. Mediolani demum,
summo omnium, & Francisci præsertim principis studio susceptus est. Is in
privatam domum digressus, arcem ipsam Cæsari tradidit, ædificij laxitate atq; e-
legantia, itemq; bellicorum instrumentorum apparatu, toto terrarum orbe me-
morabilem. Inde paucos post dies superato Ticino amne, ad Viglebanum ve-
nationibus intentus aliquandiu desedit, donec paratam esse classem, & idoneas
ad navigandum tempestates esse ex literis Auriæ didicit, atq; ita Genuam est
profectus. Excepit eum hospitio Andreas in suburbanis hortis, quos regio
apparatu ita instruxerat, ut discedenti Cæsari ea ornamenta dono daret. Erant
enim aulae serica, & intertexti auro & purpura lecti, itemque exquisitæ ar-
tis signa & tabulae, quæ omnia eo nomine suscepit, ut ea hisdem in cubiculis
& conclavibus sibi reversuro in Italiam asservari verecundè & comiter iube-
ret, nec multo post oram solvit, provectusq; ad Stæchades insulas, quarum pri-
mæ Malsiliæ portum efficiunt, biduo ibi constitit. Attulere ei dona tenerimi
commeatus Tendanus Comes Gallicæ classis præfectus, atq; item trierarchi.
suborto demum secundo vento in altum vela dedit, & paucis diebus in Hispaniam
pervenit. Eodem quoq; tempore Clemens via Flaminia Anconam est profe-
ctus. Eam urbem paulo antè per simulationem Turcici belli præsidio occupa-
tam, Pontificiæ ditionis fecerat, redactis in ordinem decurionibus, qui arro-
gantius quàm deceret libertatis nomen præferentes, Pontificum imperia con-
temnebant; ea de causa suspectos cives relegandos curaverat, donec arcem lo-
co opportuno conderet, ut ordinata demum Republ. nobilissimo emporio,
sua libertas non soluta ad arbitrium multitudinis, sed astricta æquissimis legi-
bus redderetur. Inde Pontifex Deiparæ virginis Lauretanæ templum adivit,
& ad aram maximam miraculo et vetustate memorabilem sacra confecit, mo-
dicisq; demum itineribus per Recinates, et Septempedanos, qui Sanseverina-
tes hodie dicuntur, & Camertes, in Urbem est reversus. Ineunte æstate eius-
dem anni crebris nuntiis allatum est, Turcarum classem Gallipoli educam, in
Peloponnesum cursum tenere. Nec multo post Mendocius, qui Corone in

præsidio erat, Petro Toletano proregi Neapoli literis significavit, se terra marique vehementer obsideri, sed egregie defensurum urbem, dum alimenta suppetere. Verum caput omnium inita ratione nequaquam tantum frumenti & reliqui commeatus omnino reperiri, ut id tota estate suffecturum existimaret. Proinde Cæsarem etiam atque etiam monebat, ut ante omnia Græcorum studio & voluntati, quæ esset mirifica, deesse nollet, si Coronem defendi vellet, & ad id maiores copias submitteret, facile sperari, ut Turcæ rebellantibus Græcis tota Peloponneso paucis exceptis arcibus pellerentur. Sed ab Auria præsertim maturam opem implorabat, adeo ut quum hostilis classis apparatus elevaret verbis, ut certa spes parandæ victoriæ iniiceretur, etiam eum monebat, ut datæ sibi fidei memoriam retinere vellet. His rebus cognitis Cæsar Auriam præcipit, ut classem instruat, ad id pecuniam curari iubet, & duodecim triremes, quas Alvarus Bazanius in Hispania ædificarat, se continuo transmitti iurum pollicetur. Igitur coactis circiter triginta onerarijs navibus, & viginti septem triremibus Auria Neapolim venit. ibi veterani Hispani, qui efflagrantis stipendijs ab autoritate Vastij, proregisque discesserant, occupataque Aversa urbe, & fœdè direpta, magna detrimenta circumiectis Campaniæ oppidibus intulerant, persoluto stipendio navibus sunt impositi Roderico Macicæ duce, qui erat castrorum præfectus. Conscendit & triremes cum manu nobilium militum Federicus Toletanus ipsius proregis filius adolescens, ut eo sacro bello prima militiæ rudimenta deponeret. Vastius ipse, qui se iturum dixerat, suborto ventris profluvio Neapoli substitit, fuere qui crederent dolore contumeliæ adductum potius quam occupatum morbo, ea expeditione maxima operam præstare noluisse: quoniam nuper Bononiæ dum fœdus iniretur, sibi prælatus esset Antonius Leva, articulari etiam impeditus morbo, qui in Italia, si bellum ingrueret, fœderatorum omnium esset imperator. Dum hæc parantur, Andreas ut Coroneorum animos confirmaret, ne desperatis auxilijs durius sibi consulerent, Christophorum Pallavicinum in familiam Auriam adoptatum expediti & maxime pugnacis ingenij iuvenem cum velocissima trireme Coronem misit. is interdiu per mediam Turcarum classem directa prora in portum invectus, obsessos ingenti alacritate complevit, nec multo post inspectis & diligenter exploratis rebus omnibus, ut de hostium consilijs ac viribus certiora ad Auriam deferret, meridiano serè tempore improvisus erupit, felici audacia inter medias hostium stationes elapsus, adeo ut spectaculum miraculo proximum cunctis præberet, & persequentes velis & remis, extento maxime cursu frustrarètur. At Auria è Neapoli Messanam provectus, ubi de maritimis terrestribusque hostium copijs, & de apparatu numeroque triremium certius didicit, omnem spem & rationem inferendi præsidij in celeritate positam ratus, nequaquam expectato ab Hispania Bazanio in Græcia cursum intendit. Audiebat enim prædonum accessione quotidie adaugeri hostium classem, Morumque præsertim archipiratum Alexandrinum expectari: cuius consilio ac disciplina præfecti Turcæ in omni eius belli administratione uterentur. Quum verò Zacynthum venisset, docentibus Venetis aliquanto ampliorem & instructiorem quàm putarat classem hostium ad Coronem stare comperit. Nam Luphibeium Gallipolis Sanzacum, cuius præfecturæ maris imperium esse consuevit, & Solymanum Acarnanem, Morumque ipsum circiter octoginta triremes coegisse, magnumque numerum pro-

pugna-

pugnatorum ex Ianizerorum ordine in triremes distributum esse referebant, adeo ut nostros nisi pleniore vento uterentur, Ottomannicæ classi impares futuros esse iudicarent, & nonnulli propterea triremes Hispanicas omnino expectandas atq; evocandas arbitrarentur. Ceterum Andreas, ut de classe stationeq; hostium certius exploraret, Christophorum Auriam cum insigni sui trireme speculatum misit. is quum Acritem promontorium superasset in proximo sinu universam classem conspexit iuxta litus obversis ad terram puppibus longo ordine collocatam, confestimq; inde persequētib; Turcis ad Auriam reversus retulit, duplo ampliore triremium numero quàm antea ad Coronem vidisset hostes adauctos, eosq; sibi videri non alio consilio sub Acrite in statione consistere, quàm ut confligerent, quum nostri superato promontorio ad Coronem proveherentur. At Auria qui neq; Bazanium expectabat, neq; multum ea hostilis classis amplitudine terrebat, nihil cunctari, & instituti itineris cursum tenere constituit. Itaque suborientibus Etesijs, qui venti æstate pomeridianis horis ab occidente perflare consueverunt, nostri hoc ordine acie instructa Acritem superant, & recto cursu ad Coronem deferuntur. antecede-
10 bant duo maximigaleones, quorum navigiorum formam alio loco descripsimus: alterum ipse Auria magno sumptu ædificarat: alterum pari magnitudine adduxerat Belhomius Siculus. his erat iniunctum, ut in lævam vela converterent, & quum hostium classis à litore proveheretur, deiectis anchoris medio inter utranq; classem loco consisterent, ut quum opus foret, tormenta quæ erant eximie magnitudinis in adversam disploderent. hos onerariæ naves
20 plenis velis sequebantur: in tergo fuere triremes omnes latissima fronte onerariarum agmen cogentes: dextrum cornu Pontificiæ Rhodiæq; triremes, quibus præerat Salviatus: lævum Antonianæ hosti proximum obtinebant: mediam verò aciem ipse Auria tenebat. Turcæ ad primum conspectum à litore non discedentes procul tormenta emittere, & demum provehi cœperunt, ut ex propinquo rem gererent, cohortante alios Moro, qui audenter in nostrorum latera, et deniq; in terga vertebatur. Nam nostri quum propositum suum
30 tenerent, & nihil in lævam conversis prors rectà ad Coronem contenderent, fugæ speciem præbebant, eò præsertim quòd triremes à dextro cornu, metu tormentorum adductæ in altum magno capto circuitu ferebantur, & pleræq; aliæ ex media, Antonianaq; acie onerarias consecutæ confusius quàm deceret inter eas sese insinuabant, quanquam nullum prope detrimentum ab hostium tormentis acciperent: nec galeones cursum intermiserant, quum consistere debuissent. In ea perturbatione nostræ classis Morus Luphtibeium est cohortatus, ut pulcherrimæ occasione non deesset, sed illo cunctantius & consideratius provehente sese, Auria ab onerarijs triremes explicavit, & ad Coronem secundo vento est devectus: duæ onerariæ implicatis inter se antennis, quum cæte-
40 rarum cursum equare nō possent, in tergo hæserunt. ad has opprimendas exemplò universa hostium classis advolavit. Tum verò Hispani nequaquā pro sua virtute, uti deserti & negotij navalis rudes insano pavore conterriti, in scaphas desilire cœperunt, ut nostros cōsequerentur, in suam Hermosilla ipsius scortum cum magno auri pondere demiserat, in alterā Petri Sarmenti signifer desilierat, nonnulli, mirum dictu, quanquam natare nescirent, quòd eos scaphæ non caperent, in mare præcipites se dabant, ut ad nostros enatando per-
50 fugerent. Andreas cōversa prætoria à scaphis funium oram sibi porrigi magna

voce petebat, ut onerarias remulco attraheret, sed illi nequaquam funis caput attulerant, ut qui crepto consilio tantū de fuga occupati metu cogitassent. Itaque Turcæ scaphas opprimunt, & circumiecta triremium corona, onerarias adoriuntur, in minorem navem erepentes, Hispanis quod nunquam aliis acciderat, animos despondentibus eam capiunt. ex hac multis interfectis in excelso rem transcendunt, in ea cruentum editur prælium: nam amissa prora & medio ponte Hermosilla ad puppis castellū se receperat, & ab ima carina ferro tormēto saxea pila ingens emissā triremes duas, interfectis ad triginta Turcis vehementer afflixerat. At Auria perturbato, sed ingenti animo, ignominia loco ducens, si in oculis nostrorum naves circumventæ atque expugnæ caperentur, cohortatus trierarchos ut proras converterent, & remis contenderent ad opem ferendam, in hostes cursum intendit. Id conspicati Morus, & Luphtibeius & Solymanus, quod iam plenior Favonio ad Coronem sensum detraherentur, & ab ingenti colubrina, quæ in turre erat constituta, emissæ pilæ ad ipsorum triremes vel in trium milium spatio perveniebant, magni tumultu explicare remos, & desertis navibus se recipere cœperunt: in eos Auria adixit pilas ferreas contorsit, & in multo spatio continenter diverberatis eorum puppis est persecutus: iam Antonio Auria ad oppugnandas onerarias converso. Ibi Hispani qui egerrimè pugnam sustinebant, quum Turcis, uti paulo antè ipsis acciderat, commutata fortuna animus concidisset, in medio navis ponterepugnare audacius cœperant, & Antoniani mirabili celeritate undique scandentes in summa castella evasere. in ea contentione trecenti ferme Ianizeri, qui singulari virtute naves occupant, à suisque deserti fuerant, interfecti aut capti sunt. In his fuit Iuluphius senex mille Ianizeris præpositus, quem Auria fericeis vestibus, atque aurea torque donatum, ut ad similem quoque liberalitatem hostes provocaret, ad Methonem sine pretio dimisit. At præfecti classis, uti postea cognitum est, ad gravissimas verborum contentiones descendunt, quum Luphtibeius à Moro, Solymanoque Acarnane: & denique ab omnibus increparetur, quod cupientibus militibus, & singulis obtestantibus trierarchis æquissima conditione dimicare nolisset: sed ille secretiora mandata à Solymano imperatore sibi data dicebat, ut omnino servaret classē, atque omnem pugne aleam sedulo devitaret. Interea dum ad onerarias naves pugnaretur, Mendocius in desertā hostium castra erupit: nam conspecta nostrorum classe, atque inde magno timore concepto, terrestris exercitus, nequaquam plane collectis vasīs effugit: in his castris non exigua copia commeatus & castrensis supellectilis est reperta. Itaque Andreas re feliciter gesta, frumentum, vinum, & reliqui commeatus magnam copiam, tormentarijque pulveris cados plures exponit, Macicao, cohortibusque eius urbem custodiendam tradit, Græcos confortatur, hortaturque ut ea obsidionis & belli incommoda patienter ferant: Cæsarem enim in ea præcipue cogitatione versari, ut incunte Vere, terra, marique in Peloponneso cum Turcis bellum gerat, eumque nihil ducere honestius, aut ad gloriam splendidius, quàm benemeritam de se Christianoque nomine Græcorum gentem ex diuturna servitute in lætissimā restituere libertatem. Fuere qui existimarent, Turcas universā classe exui ea die facile potuisse, si Auria Bazanianas triremes expectare, quàm infirmis viribus à Messana festinare maluisset, sed alij eas graviore rectorum consilio in freto Siciliae opportunè substituisse dicebant, ne Italiae litora penitus omni navali præsidio nudarentur. Neque enim

enim universas triremes in unius pugnae periculum devocari Cæsar volebat, utpote qui nequaquam præclare exploratam haberet Gallorum voluntatem, qui augendæ atque adornandæ classi ad Malsiliam toto eo anno magnopere studuissent. At Auria veterē exercitu in naves imposito, à Corone discedens ad insulam Ticanussam, quam Veneticam hodie vocant, supra Acritem constitit, ratus Methoniensi portu egressuros hostes, ut prælio contenderent. Sed quum nullis artibus elici, neq; tuto oppugnari possent, uti erant mole ipsa, turribusq; protecti, Corcyram venit, atq; inde Messanam est reversus. Nec multis inde diebus Morus, quum Venetis onerarijs navibus, quæ mercaturæ causa Syriam petebant, insidiaretur, cum Hieronymo Canali apud Gretam nocturno prælio confligit. ex tredecim Mori triremibus, quatuor perfractæ demeritæq; sunt, tres captæ, reliquæ magna ex parte remigibus nudatæ Alexandriam ex fuga petiverunt. in his trecenti ferè Ianizeri, qui Memphim deportabantur, itemq; ad mille Turcæ ex navali turba interfecti. neq; enim Veneti prædonibus parant, quod catenatis servis ad remum minimè utantur, unus tere omnium Morus, quum nomen profiteretur, iam gravi vulnere transversa fronte suscepto servatus est, & cura ingens adhibita accitis medicis, ut sanaretur. ambo enim mutui erroris veniam deprecantes, egregia simulatione testabantur, se similitudine triremium, & falsa de hoste coniectura deceptos: nam Morus pro Aurianis Venetas se adortum fuisse prædicabat. Canales vero pro Moro Barbarussam credidisse, qui tres Venetas triremes superioribus annis interceperat. Nec Solymanus eam iniuriam iniquo animo tulit, Venetiq; legato ad Byzantium, demissa, & in erroris excusationem composita oratione satisfacere contendenti, Canalem rectè militariterque fecisse respondit, qui vim illatam fortissimè repulisset. Ex Cæsarianis verò tres triremes Adurnio duce, quæ omnium postremæ in ora Brutiorum vecturæ & mercimonijs causa aliquādiu hæserant, ad Palinurum a Sina prædone, cui Iudæo cognomen fuit, circumventæ captæq; sunt. Sub id tempus Clemens Pontifex Catharinam iuniorē Laurentio Medice genitam Henrico Francisci regis filio despondit, apperentq; colloquium rege Malsiliam, ut ibi nuptias insigni conventu habito celebrarent, navigare constituit. maximè decorum enim sibi futurum rebatur, si qui Cæsaris filiam domi suæ tanquā nulum erat habiturus, regis quoq; & longe nobilissimæ stirpi suum sanguinē inseruisset. ea affinitas uti ambitiosius expetita, atq; id maximè colloquium importuno tempore quæsitum vehementer Cæsaris animū commovit adeo, ut minores quoq; principes, & Italia totius populi magnopere terreretur, quasi Pontifex qui dudum tanta prudentiæ cum laude, afflictæ evastatæq; Italiæ pacem atq; ocium peperisset, depravato demum animo & commutata voluntate renovandi belli causam esset præbiturus. Constabat enim Cæsarem urbe Mutina Alfonso Atestino adiudicata adeo Clementis animum perturbasse, ut pleriq; eam iniuriæ molestiam, quā nec ille simulanter devorasset, alienato planè stomacho percoqui minimè posse existimarent. Sed Clemens, qui consilia sua assiduis cogitationibus evigilata terminarat, magno sibi artificio & temperamento Cæsaris pariter, & Francisci regis amicitiam tuendā esse arbitrabatur. periculosum enim esse prædicabat unam tantū amicitiam colere, quæ cū alias excluderet, durissimæ servitutis proxima videretur: Pontificiæ siquidem dignitatis & æquitatis esse, commune se omnibus parentē atq; benevolum profiteri, neq; adeo Gallorū re-

gem tanti nominis, & qui Christianæ religionis sæpius defensæ propagatæq; titulos præferret, contemnendum existimare, ut colloquium cupienti pieque petenti, quum id ipse bis Cæsari dederit omnino denegetur. Anne aliter excindi, aboleriq; posse Lutheranae hæresis malum, quàm si Franciscus concilio faveat, autoritate & viribus adsit, & in eam præsertim causam, sensus, & consilia Galliæ plena pietatis cum Cæsare coniungat: se profecto ea mente in Galliam proficisci, ut pacem atq; otium confirmaret. quid enim alienius a natura sua, & quid deniq; stultius, quàm pacem evertere, qua ipse ante alios tantopere gauderet, & ut ea diu frueretur cum acerbissima rerum omnium conturbatione, summa vitæ & dignitatis pericula subiisset. Proinde timere & malignè suspicari desinerent, qui sua in rempub. merita minimè nossent, aut quid superioribus temporibus essent perpessi obtuso vel ingrato ingenio minime meminissent. Igitur inclinante æstate Ioannes Stuardus Albanig regulus cum viginti triremibus è Malsilia ad portum Veneris venit: eius vxor Catharinæ sponsæ matertera erat, ipseq; iungendæ affinitatis author, & sponsalium præcipuus interpretis extiterat. Itaq; Albanus sponsa ad Niceam Provinciæ mari devecta, ut inde terrestri itinere Malsiliam perveniret, converlis inde velis, Liburnum est profectus. Iam Clemens per Etruriam Pisas venerat, expectatq; idonea tempestate quum ad mare descendisset triremes Gallicas conscendit. affuere ex composito à Messana redeuntibus cum sua quisq; classe Auria, Alivaresq; Bazanius & Salviatus, qui ante portum decurrētib; cum insignior ornatu vexillorum triremibus, displosisq; omnibus tormentis, Pontificem consalutarunt. eo die qui ipsi omnium lætissimus fuit, Clemens ad Herculis Moneci portum, qui Villafrancha dicitur, perflātib; Euris, atq; inde in duo post Malsiliam pervenit. Exceptus est ab Anneo Memorantio regiæ famiæ magistro, incredibili apparatu sumptuq;. postridie rex ipse cum Eleonara regina, tribusq; liberis affuit, totius Galliæ nobilitatem trahens. Nec multo post in solenni Cardinalium episcoporumq; confessu medius inter liberos ingenua procumbens, hilari osculo exceptus, allevatusq; est. Oravit tum Latine & luculenter Ioannes Bellaius episcopus Parisiensis, quū eum congressum suæ pæ felicitatis maturum iam publicæ pacis fructum, fessibus Christianorum rebus allaturū ominaretur. Gravissimis inde cōsultationibus extracti aliquot dies, tanto consiliorum silentio, ut ne arbitrum quidem, qui lumen proferret, nocturnis colloquijs admitterent: ipsorum enim cubicula paries tantū cum secretis foribus dirimebat. Fama erat, utrunq; mutuis cum lachrymis recentes calamitates deflevisse, repetisseq; origines antiquorum cōsiliiorum veluti uno ordine connexis erroribus, quibus demum in tantas carceris miserias decidissent. Nec deerant curiosi abditarum rerum interpretes, qui subtiliter excepta auribus, aut ingenij libidine conficta enumerando, Clementi gravē invidiam apud Cæsarem conflarent, quasi ille iam regi certissimo fœdere iungeretur, ut quum per occasionem cōmovere virium lacertos possent, in Italia bellum renovarent, quo simul & hic Mediolanum repeteret, & ille Rhegio & Mutina potiretur. Augebant suspicionem maturatæ nuptiæ, quæ impares regio sanguini viderentur. Siquidem nobilissimus adolescens Henricus quanquā ætate tenerior, Catharinā celebratis insigni cerimonia nuptijs ex virgine mulierē prima nocte reddiderat, cui quanquā materna oppida in Arvernīs atq; item centū milia aureorum nummūm cum unionibus multisq; gemmis et pretiosa thori

thori supellectile coniugalis mundi nomine affluenter accelsissent: nihil tamen exæquari videbatur: nonnullis dotem simul & novæ nuptæ natales obliquo sermone elevantibus, qui Pontificem maximè suspectum Cæsarianis reddere contendebant. Vnde & illud falsè dictum Philippi Strozæ legati apud regem in vulgus emanarat. Regis enim quæstoribus, quum illis repræsentata dotis pecunia solveretur, admodū exiguam eam dotem esse pro regiæ domus fortuna dictitantibus responderat, se plurimum mirari, quod ea dignitate homines nequaquam arcani regis participes viderentur, postquā nescirent Pontificem insigni chirographo tres inæstimabilis pretii gemmas, quarum insana cupiditate maximi reges deflagrarent, in supplementa dotalia promississe: illis verò læto vultu quænam essent requirentibus, quod è sacra tiara detractas iri putaret, arridens subiunxerat, apud peritos rerum eas fore Genuā, Mediolanum atq; Neapolim. Quæ res sicuti risum movere potuit, ita & mox apud Cæsarianos subamaræ suspicionis aculeos reliquisse videbatur. Nobis certè cōstabat Clementem alienato maximè ingenio, eam Cæsaris sententiam pertulisse, qua ille Alfonso Atestino Rhegium & Mutinam adiudicarat, adeo ut iniuriā libero ore conquestus contra morē, barbā alternante manu demulceret, & aliis irati animi decretū in colloquijs non nimia dissimulatione fateretur. Cæterum Malsiliæ cōvivijs, saltationibusq; triginta quatuor dies insumpta tanta principum minorumq; ordinum contentione & cura implendis totius munificentia ac humanitatis officijs; ut is conventus, eaq; nuptiæ, neque iocundiore comitate, neq; effusiore sumptu, neq; liberiore lætitia celebrari poterint. Aderant tres regis filij, in quos ora hominum vertebatur. In Francisco Delphino eminebat ingenium grave, multa reconditarum rerum cognitione defixum. Henricus autem iucunditate animi, corporis & cultus militari habitu, sermonis alacritate, Gallorum naturæ similior studia faventis populi promerebatur. In Carolo autem puero id erat decus oris, ea eruditi & admirabilis ingenij suavitas, ut nemo eo rege, prole felicior haberetur. Honestavit nuptias Helconora regina, serenitate, modestia, munditijs tanto rege dignissima. Nec indigna erat nova nupta regio fastigio, quum haud dubiè Leonis decimi maioris patris indolem à magnitudine excelsi liberalisq; animi, honestissimisque moribus referret. Ipse autem Franciscus sua peculiari liberalitatis laude supra cæteros principes maximè insignis seipso splendidior apparuit: singulis enim Cardinalibus opulentiæ ex Galliæ sacerdotijs pensiones dono datæ, honestatiq; sunt amplissimis muneribus, qui vel studio partium, vel Pontificis gratia pollebant, & non ante omnes præcipua benignitate, qui optimarum literarum, & præstantis ingenij fama noscebantur. Hos rex ipse omnis elegantia arbiter, & nobilissimarum artium peracutus æstimator, in summam familiaritatem erudito sermone pertrahebat. Neque passus est se donis à Pontifice superari: nam quum Pontifex monocerotis bicubitale cornu aureæ cælata basi inclusum, ad depellenda epulis venena dono dedisset, id latissimo aulæo rependit, in quo Belgarum arte suprema Christi cœna cum discipulis serico atque auro intexta visebatur. Dedit & cupiditati Hippolyti Medici Cardinalis, quum ingenuo pudore maiora dona repudiasset, mansuefactum leonem eximiae proceritatis, quem è Mauritania Hariadenus Barbarussa cum legatis transmiserat. Discessurus autem Pontifex, quatuor viros Gallos legit in senatum, commendatione atque iudicio Regis delectos. Ii fuere

Odettus Castellio, cui Anneus Memorantius aulæ magister erat avunculus, & Philippus Bolonius Albani frater, & Claudius Gibrius Philippi Sciabotti amirantis avunculus, & Ioannes Venurius ab innocentia comitateq; ingenti regi carus, & cæteris ætate superior. His rebus confectis concluso iam propè hybernis tempestatibus mari circiter Idus Novēbres è Mafilia solvit, tenuisque portum ad vada Sabatia: inde conscensis Aurianis triremibus, quū Gallias remississet, Centumcellas pervenit, terrestriq; demum itinere in Vibem est reductus: ita ut adveniēns alterutra sui fama frueretur. aliqui enim, ut in libera urbe impunè accidit, eum sapientissimū appellabant, quod neptem suam maximi regis nūrum, & in domo sua Augusti Cæsaris filiam rara felicitate cōspiceret: & contra alij criminose admodum id factum vituperarent, quasi deposita sacrosancti Pontificis persona privatis familiæ commodis, quàm publicæ quieti consulere maluisset.

PAVLI IOVII NOVO

COMENSIS EPISCOPI NV

CERINI, HISTORIARVM

SVI TEMPORIS

LIBER XXXII.



VIX dum exacta hyeme Cæsar frequentibus amicorum sociorumque literis admonebatur, ut etiam atque etiam prospiceret, caveretq; maxime à Francisco rege, qui conquiescere & pacem pati minimè posse videretur. Agitare enim illum animo nequaquam pacato ingēs bellum, confisumq; recenti Clemētis amicitig id unum opponebat, ut alicunde bellum erumperet. Propterea perpetuis Gallorū legationibus sollicitari aliquos Germaniæ regulos, qui Austriæ domui veteres hostes fuissent, & Vlderico Virtembergensi propinquitate ac amicitia coniuncto auxilia præbituri dicerentur. Inter quos eminebat Philippus Lantgravius Catthorū princeps, ingenio ferox, armis & clientelis potens, & super hæc Cæsari vehementer infensus. Hunc enim in disceptatione hæreditatis cum Henrico Nansao litigantem ab se Cæsar penitus alienarat, quū ipsius iudicio secundum litis eventum tulisset Henricus: unde ille è Ratispona, nondum peracto concilio, perturbatus iratusq; discesserat, adeo ut ab eo iudicio ad Martem appellaret, & se suo iure iniquissimè fraudatū suū perbo ore quereretur. Itaq; non obscure parabat bellum, auro Gallico, ut plerique existimabant opportunè subnixus, profitebaturq; se Vldericum in paternam ditionem, vel repugnante Cæsare, armis esse reducturū. Errabat exul iam multos annos Vldericus domo pulsus à Suevis, quum illi Reidlingensium iniurias vindicassent. Maximiliano siquidē vita functo Vldericus infans con filio Reidlingum ad motis castris oppugnarat & cœperat. Id non tulere Suevorum fœderatæ civitates, quarum in fide erant Reidlingenses. Itaq; decreto pu-
blico

blico Vlderico bello persecutæ, eo impetu intulere arma, ut recepta urbe u-
 niversa etiam Wirtembergensis ditionis oppida in potestatem redegerint. Id
 Vlderici patrimonium Carolus Cæsar uti optimo belli iure captum, coemittit
 a Suevis, qui bellicos sumptus ea pecunia resarcire maxime cupiebant, Ferdin-
 andoque fratri & domui Austriæ adiecit. Vlderico demum opem imploranti
 a Gallis & Helvetijs, & oppida sepius repetenti, cuncta irrita adversaq; obve-
 nerant, iacuitque in obscuro provincialibus invisus, quod esset ingenio turbido,
 crudeli, furioso, adeo ut uxorem clarissimis natalibus ortam, quæ Vlerini
 & Ariovisti Baioriæ principum germana erat, vecordi impetu diverberaret,
 6 agitaretq; calcaribus, quum prostratæ iumenti more temulentus & insanus
 insideret. Ceterum ex ea susceperat Christophorum, militari indole juvenem:
 in hunc repudiato patre Baioarij avunculi, atque item Philippus Lantgravius
 benevolentiam & studia sua contulerant, et in eum apud Wirtembergenses mi-
 rus amor populari quadam charitate refederat, quum illum ab arroganti ve-
 savi patris immeritis exilij luentem poenas cum dolore conspicerent, adeo ut
 eum desiderio veterum principum suorum paratis ad defectionem annis re-
 quirere viderentur. Postularat Christophorus aliquandiu Augusta in aula
 versatus, ut certis paterni imperij oppidis, quæ maternæ dotis erant æquitate
 ac indulgentia Cæsaris donaretur: sed in eam liberalitatem Cæsar adduci non
 10 potuit, utpote qui juvenem ingenio patri dissimilem, nec obscuro provincia-
 lium studio in spem repetendi imperij erectum, provinciæ paulo ante sue ca-
 stellis minime insinuandum iudicabat. Ab hac repulsa Christophorus ad Fran-
 ciscum Galliæ regem confugerat, qui ea tempestate insigni largitione alacri-
 tateque Germanorum procerum amicitiam expetere, itemq; miserorum & e-
 xulum causam tueri erat solitus. Nec multo post ipse & Vldericus pater regi
 bellicæ arcis Montem, quod hodie Pellicardum vocat, præsentem pecunia ven-
 diderunt. Id est in finibus Helvetiorum, ad Rauracam Basileam, inter Rhenum
 & Vosegum montem quæ iter est in Tulingos, maximamq; inde Gallis præ-
 bet opportunitatem ad conducendas ex Germania copias. Qua coemptione
 20 Franciscus iam pridem Ferdinando, Caroloq; Cæsari non obscuram suspicio-
 nem novandarum rerum iniecerat. Sed tum quietis rebus in fama erat Lant-
 gravius, quem vulgo ferebant, ubi Christophorum in paterni imperij ditio-
 nem reduxisset, continuo in Italiam turbandis Cisalpinæ Galliæ rebus cum
 ingentibus Lutheranorum copijs pervasurum. Is enim a maiorum sacris religioneq;
 contumaci, atq; insana quadam ambitione discesserat, ut novæ eius supersti-
 tionis professione & patrocinio supra opes suas clarior atq; validior haberetur.
 His de causis Cæsar gravi consilio dabat operam ut pacem in Italia tuere-
 tur. Iam enim totum id tempus effluxerat, quod in foedere præscriptum Bo-
 noniæ fuisse meminimus. Itaq; Christiernæ & Francisci Sfortiæ nuptias om-
 40 nino maturandas existimavit, ut sollicitum & dubia spe nutantem principem
 in fide confirmaret, liberaretq; omni cura Venetos, & Insubres, ipsumq; Pon-
 tificem, qui Franciscum procreandis liberis operam dare, propagareq; Sfortia-
 num nomen insigni sobole cupiebant, ne Cæsar coelibis & languentis princi-
 pis heres, Mediolanensi imperio potiretur, de cuius possessione ad exitum to-
 tius Italiæ funesto eventu paucis antè annis esset dimicatum. Magna igitur o-
 mnium læticia & gratulatione, adducta è Belgio puella: nuptiæ Mediolani ce-
 lebratæ sunt regio sumptu, & ob id populis admodum graves; sed toleratæ

tamen alacribus animis: quoniam nudata Cæsaris voluntate amplissimâ spem diuturę pacis attulisse videbantur. Feltrium demum Vrbinatium principem, qui Veneti exercitus erat Imperator, restituta ei Sora urbe incredibili beneficio sibi devinxit. Abstulerat ei Soram, ut suo loco diximus, multis antè annis Ferdinandus Hispanię Rex: eam verò Carolus Cæsar Ceurio nutritio suo, qui tum incomparabili autoritate pollebat, dono dederat, cesseratque demum eius hæredibus, adeo ut Cæsar qui liberalitatem suam erga nutritiū posteros perpetuam volebat, pecunia ingenti Soram coemere cogeretur, quo munificentię genere eximium eius studium eò præclarius apparuit, quod in promerenda hominis voluntate eam urbem dono daret, quam antea penè promissam in præmium partæ de Gallo rege victoriæ, petenti Piscario concedere noluisse. Feltrium enim Mediceo nomini, Clementique præsertim valde infensum & maximè idoneum disturbandis illius consilijs existimabat, quum ab Vmbrijs Picenique finibus molientem res novas Pontificem expeditis armis urgere facile posse videretur. Quin & Columnię familiæ procures, tanquam peculiæ Pontificum hostes, Cæsarianarumque partium defensores, novis muneribus persecutus est, qui è propinquo urbi Romę imminerent, explorarent consilia motusque suspecti Pontificis, atq; cum in obsequio fœderis occulto quodam metu contineretur. Quanquā Pontifex prolixè testaretur, se nunquam eius fœderis & amicitię iura violaturum. Quid enim sibi vel ad familiæ felicitatem optatius, quā Cæsaris filiam in domo sua nurum cōspicere? Quid denique ad personæ dignitatem atq; amplitudinem maius atq; præstantius quàm parta pace uti, pertruiq; illa digna pio Pontifice Christiana tranquillitate unde afflictis urbanis rebus diuturnā securitatem parare, et indicto concilio perturbatę religionis ceremonias ad veteris cultus censurā revocare confideret. Sed eum tunc Pontifex suę antiquę simulationis fructum ferebat, ut quum verè diceret, ancipiti eius ingenio nulla fides haberetur. Honestavit itē Cæsar Metaphitano principatu Andream Auriam, ac eius propinquos & trierarchos uberioribus stipendijs sibi obstrinxit: in eius enim viri consilio virtuteque totius Ligurię opes & classes, copiæq; navales sitę erant. Ita Cæsar undiq; rectissimè provisum iudicabat, quum nulla omnino defectio ab his foret timenda, quos magnis præoccupatos beneficijs in fide, vetereque obsequio confirmasset. Veneti siquidem, uti antea pepigissent, se Franciscum Sfortiam defensuros pollicebantur, & Alfonsus Atestinus recepta Mutina se totum ad Cæsarem contulerat. Nec deerat studium Mantuano, qui Montisferrati principatum sibi adiudicari æquitate Cæsaris expectabat, quum Bonifacius uxoris frater, curren-
te equo lapsus, sine prole descessisset. Interea ad Coronem Hispani Græci-
que quanquam aliquot navigia, plena comœatu hybernis tempestatibus eò ab Sicilia felici cursu pervenissent, multarū rerum inopia laborare cœperunt: ante alia summa erat penuria vini & pecoris, panis fursuraceo similis erat: nam ad-
terendum triticum molis quotidiano labore manu ductis utebantur. Cister-
næ quoque ab assiduo tormentorum strepitu, commotis scilicet ab imo parietibus, adeo crebras & insanabiles rimas contraxerant, ut vel hiemales aquę à copiosis imbribus minimè in æstatem suffecturę crederentur. Nullos enim eg-
gressus tutos Turcarum stationes, incursionesque relinquebant: nam expediti equites ex insidijs undiq; prodibant, magnum numerum mulionum, armigerorumque puerorum & lixarum, quum n̄ paulò longius ad colligendas o-

livas progredierentur, insidiosis incurſibus interceperant, nonnullos milites
 ante portam repentina invaſione oppreſſerant: ita enim evagabantur, ut nul-
 lo in loco diu permanerent, & omnibus ex partibus improviſi adeſſent, ut po-
 te qui rectiſſimo & minimè barbaro conſilio, remotam à mœnibus & maxi-
 mè longam obſidionē inſtituebant, ut noſtrorum vim atq; impetum frustra-
 rentur, nunquam ſeſe ad iuſtum prælium offerrent, & nuſquam ex propin-
 quo ad pugnae caſum expoſiti conſiſtere vellent: editis in collium iugis ſpecu-
 læ erant, in queis die noctuque vigiles excubabant, ut cuncta quæ vidiffent, in
 caſtris nunciarentur. Ea erant ad Andruffam oppidum Meſſenij agri, quod à
 10 mari ipſaq; Meſſene urbe quondam nobili, quæ hodie Petalidia dicitur, in-
 trorſus ſeptē milibus paſſuum diſtat, & à Corone triginta quinque; ad Tiffoum
 amnem, qui Panyſus olim fuit. Exiſtimabant enim Turcæ ex tanto intervallo
 noſtros nullam unquā expeditionem eſſe deſumpturos, quæ vix quatuor die-
 rum itinere ab armatis hominibus militari paſſu conſici poſſe videretur. Cæ-
 terum milites Hiſpani brumalibus fermè diebus cum tædio tam lentæ & diu-
 rnae obſidionis, tum multarum, ut diximus, rerū inopia adducti, à Macica
 duce petere cœperunt, ut contra hoſtes ad inſigne aliquod edendum facinus
 educerentur, quando iam planè cuncta deficerent, & longinqua ſpes eſſet expe-
 ctandæ claſſis, quæ vaſto & ſævo mari nequaquā ante Calendas Apriles, niſi
 10 inſano auſu committi poſſe videretur: inutili enim æquè ac ignobili otio tem-
 pus ceri, abſumiq; interea ſenſim cuncta famis ſubſidia, & cõtabeſcere conce-
 pra valetudine militum vires, & timeri debere peſtilentiam, quæ conſuſis &
 inuſitato cibariorum genere veſcentibus, cum ſeſe aperiret annus, minimè de-
 futura crederetur. Poſtremo præſtare in acie mori & non inultos quidē, quàm
 deſperatione ac inedia cōfectos tanquam fœminas in ſuprema neceſſitate im-
 manibus hoſtibus dedi, quod ſi quid audacius tentent, & virtutis innatae tor-
 tiesq; ſpectatæ periculum faciant, facile poſſe incautos, & nihil tale ſuſpectan-
 tes Turcas opprimi atq; deleri: nunquā enim Fortunam conſuſis, & miſero
 ac inſani otio deſidiis ad futuram, uterentur iniquæ ſortis beneficio, & ra-
 15 tionem & diſciplinā non ad cautæ prudentiæ nomen, ſed ad unam tantū invi-
 cti animi magnitudinem revocarent, futurū proſectō ut ipſa præſentium rerū
 neceſſitas expeditam viam nobilioribus factis aperiret. At Macicaus, qui mu-
 neris impoſiti, ac offici deniq; ſui probè meminerat, compellere has voces, &
 docere quantum flagitiū admitteretur, ſi præſidio temerè excedendū putarent,
 ipſos nequaquam eo conſilio veniſſe, ut in mediterraneis Peloponneſi hoſtes
 quærendos arbitrarentur, quos à mœnibus primo adventu, deſertis caſtris ef-
 fugere coegiffent, parſimonia & tolerantia, uti ſæpe antea feciffent, eas difficul-
 tates poſſe ſuperari: neq; ſe dubitare, quin ad prima veris ſigna claſſem Cæ-
 ſaris, & nova auxilia ſint viſuri. Proinde eius inſani conſilij penitus obliſce-
 20 rentur: quid enim levius & deniq; ſtultius eſſe, quā paucos ſine equitibus in a-
 liena & incognita regione cum iuſto prope exercitu, valido imprimis equita-
 tu: & multis prætorianis cohortibus longè firmiſſimo dimicare? & quod au-
 res vix ferre poſſint, relinquere deſertam urbem per aliquot dies in poteſtate
 Græcorum, quos vel fideliffimos, neq; pro natura gentis leviffimos ipſa fames
 & futuri ſupplicij metus inducere poſſint ut facile fidē fallant, & protinus ad
 veteres dominos rebellent. Proinde ſibi in animo ſitū eſſe pro diſciplina tueri
 urbē, eamq; Cæſari ſervare, & omnia aſpera prius perpeti, quam deſertæ urbis,

& proditi exercitus infamiam subire. Quid enim acerbius fore, quàm in ipsa
 felici temeritate, si etiam Fortuna votis annuat, nullam omnino laudem ferre
 & contra etiam militari iudicio pœnam promereri? porrò quid calamitosius,
 quàm in aduerso euentu cum ignomina leuitatis atq; stultitiæ in vestigio pœ-
 nitere simul & perire? mollitiem eam esse animorum non magnitudinem, vti
 falso nomine appellarent: non enim eos esse viros fortes, qui dolore fatiscerēt,
 & famis metu frangerentur, adeo vt salutem proijcere, indecoroq; vitæ exitu
 miseris finem afferre, quàm statutum cœlo fatum expectare malint. Erat Ma-
 cicæus, vti ab obscuro Cantabriæ oppido non natalibus, sed insigni virtute cla-
 rus fortibus factis, & multa corporis ac ingenij patientia, ab infimo peditū ore
 dine, vti antea Nauarro, Ioanniq; Dorbino cōtigisse constat, ad præfecturam
 castrorum prouectus: ob id maiore lenitate comitateq; imperij vim exercebat,
 adeo vt non elato, sed temperato ingenio in consilijs vteretur, & ad declinan-
 dam inuidiam nunquam vsurpata ducis appellatione sese cæteris centurioni-
 bus cœquarēt, inter quos eminebat spectatæ nobilitatis Didacus Touarres, ei-
 us sententiæ facilè princeps, & vsq; adeo vehemens, vt quum alios penè omnes
 secum traheret, vix illi à Macicæo resisteretur. Cæterum re in præsens dilata, &
 continuo demum triduo magnis disputationibus in vtramq; partem habitis
 vehementer agitata, Touarres, & Hermosilla Macicæum expugnantillē vi-
 ctus precibus atq; iudicio militū dat manus, eundūque esse decerint, testatur
 tamen se inuitū trahi, & nimia eorū cupiditate ac intempestiua desperatione,
 totius belli summam, & salutem omnium in id discrimen adduci, in quo nulli
 propè spes secundi euentus, aut omnino tuti receptus emereret. ad id quoque
 fortiter audendum magnopere cogeatur à Græcis de sua salute libertateq; soli-
 citis, inter quos rei bellicæ peritiā, & Turcarum stipendijs clari plurimū emi-
 nebant Lazarus citeriore Macedonia oriundus, & Buseus dignitate equestri
 & ipse ante alios Barbarius Græcorū longè fortissimus. is Turcicæ peritus lin-
 guæ, singularem totius regionis ac itinerū omnium notitiā tenebat, hortaba-
 turq; vt se duce & antesignano ad eam expeditonem vterentur: se enim dan-
 rum operam, vt occulto itinere ad hostes consopitos, aut nihil tale verentes ma-
 turè atq; opportunè peruenirent. Macicæus, qui alienā temeritatē sua pruden-
 tia & diligentia maximè sarcire cupiebat, ante omnia integro triduo cauere
 quis omnino Græcorum vrbe egrederetur, ac demū Liscanio atq; Mendasio
 centurionibus vrbe commendata cū ægris ac ætatē grauib; in custodia relin-
 quebantur, hisq; iniunctum est, vt portas cunctinuo obseruarent, ne profectio-
 nis fama ad hostes deferretur. De secunda vigilia educto agmine ad Andru-
 sam Barbatio duce contendit, sinuosis & inusitatis itineribus, vt culta ac frequē-
 tia loca, et Turcarū custodias deuicaret. ea nocte dimidia ferè itineris parte con-
 fecta (nam à brumali solstitio longissimæ noctes erant) & exorto sole in caua et
 nemerosa valle copias condidit, atq; eo inclināte in vespērā, curatis quiete cibo
 q; corporibus, eo gradu ad Andrusam perrexerit, vt paulo antè auroram hosti-
 bus appropinquaret. Erat in oppido Caranus è præfectis prætorianorū cohor-
 tium virtute insignis, & cum eo circiter tria milia peditum, in quibus fuere sclo-
 pectarij è Ianizerorum ordine mille & quingenti, cæteri è genere Asaporum
 partim sagittarij, partim hastati erant: extra oppidum verò Acomates, cui à præ-
 stanti forma Iusello cognomen fuit, in suburbanis tectis ad mille delectos equi-
 tes continebat. Summa omnium, & Macicæi, Barbatijque in primis sententia

erat, nullo cum strepitu, & suspensis quidem passibus stabula & castra equitum pertransire, adoririq; extemplo oppidum: murus enim uti non uno in loco confectus ex cratibus argillaq; ad lateritij parietis crassitudinem, & partim vetustate, partim incolarum negligentia perruptus, non omnino difficilem scaturis, & sublevatis aliorum humeris militibus aditum præbebat: ita divis inter se muneribus & copijs Macicaus ad oppidum progreditur, Hermosilla contra hostium equites quietus consistit, sed tanto silentio negotium patrari non potuit, quin nonnulli agasones & stabularij Turcæ casu excitati nostros sentirent, & in dubia luce collucentibus sclopettorum funiculis prospicerent, 10 si primi omnium vigiles, quorum nulla propè erat diligentia, et demum equites sopitos somno clamoribus editis excitarunt. Nec cunctatur Hermosilla, expectatos, & adhuc imparatos, prius quàm coeant, atq; equos ascendant, magno impetu invadit. Turcæ eo casu perturbati ædificiorum ianuis sese tutantur nostri stabula perrumpunt, multos trucidant, ignemq; stramentis iniiciunt, ut equi, viri, arma atq; ædificia eodem igne concremètur. Tum verò cuncta tumultu clamoreq; misceri: sed valde terribilis erat equorum hinnientium fremitus, qui dum vincla abrumpunt, & ambusti terrefactiq; ardentibus caudis & crinibus undiq; deferrentur, inusitati tumultus strepitum reddebāt. Eo modo res ad improvisum casum importunè deducta, excitatisque in oppido 15 Turcis, nostrorū spem fregit, atq; animos imminuit: datū enim est spatium Carano ad capienda arma, & iam Turcæ ad muri perrupti aditus portasq; adcurrerāt, animadversa q; paucitate nostrorū densatis ordinibus, ubi periculū posceret, intrepidè præliabantur. Hermosilla delendis equitibus intento, et serius quam oporteret auxiliū ferre conante, Macicaus dum portule, quæ erat in latere, valvas revellit, sclopetti glande per frontē traiectus cadit. Interficitur & Didacus Tovarres, eandemq; fortunā milites muro porteq; proximi subeunt: auctiq; animis Turcæ, in deprehensos clara iam in luce, & disunctos facta eruptione deferuntur. Nostri ab acclivi accessu in æquum locū retrogressi, recepto & cōiuncto sibi secundo agmine, & cōversa in hostes fronte se recipere cœperunt. Hermosilla per sclopettarios latè insequētes summovebat, terga agminis 20 tuebatur, atq; expeditos ad latera disponebat adeo peritè & constanter, ut undiq; Turcæ audacius prouentes certis propè ictibus sternerētur. Iam equites qui ab incendijs evaserāt, et qui in remotis mappalibus tendebāt eò frequentes adcurrerant. Acomates cristis cōspicius in acie circumfusis alis versabatur, sed nostri ea animorū constantia gradum referebāt, ut orbatis duce ac itinere planefatigatis, quū fortuna deesset, egregia virtus ad sustinendū redintegrandūq; prælium superesse videretur. Turcæ magno ad stabula detrimēto accepto, & pluribus ex Acomatis militibus desideratis, quòd oppressi delatiq; penitus nō fuissent, pro victoria ducebāt, atq; ita lentius urgere abeunt, & in frequenti 25 peditū agmine persequi cœperant. sed Acomates, rapientē fato, quū occasione deesse nollet, traditos à Carano sclopettarios circiter ducētos ab totidē equitibus in clunes equorū confellores recipi iubet, et nostros persequitur, alios equites sagittarios ac hastatos advocat, & à postremo nostrorū agmine nō discedit: sed dū multa passuū milia proVectus, audacius in nostros equū adigit, sclopettiglande per lunatā peltam traiecitur. eo cadente nostri purpureā mitram multo auro intertextam cū cristis, atq; item clypeum rapiunt: Turcæ corpore potiuntur. Eo modo duce amisso, multisq; illatis et acceptis vulnerib. persequen-

di finem fecere, indeque nostri quietiore agmine Coronem sunt reuerſi; nec diu ad Andruſſam Turcæ morâ traxere, nâ auribus ac naribus noſtrorū decilis, atq; his ad oſtentationē æquatę cladis Byzantium tranſmiſſis ad Londarium, quod Megalopolis olim fuit, reliquum hyemis egerunt. Turcis verò diſcendentibus à Corone, iterū Andruſſa à noſtris eſt repetita, vt tot fortium virorū cadauera relicta feris atq; volucribus humarentur, & in his ſepeliendis vicini Græci ab oppido Callamata, quod olim Pharæ dicebatur, ſingulare Chriſtianæ pietatis officiū præſtiterunt, & à noſtris Macicai caput, quod hoſtes in prælonga hafta præfixerant, planè agnitū, cū honore Coronem eſt relatū. nec multo poſt ſuborta peſtilentia, multiplicatis funerib. vaſtare Caronem cœpit, eo grauior, quod ſupra cæteras difficultates acceſſerat. Quibus de cauſis Hiſpani, vt in ſumma rerū deſperatione accidit, naſti nauigia, quæ frumentū à Sicilia detulerant, ſuſceptis Græcis cum eorum ſupellectile, ablatisq; tormētis oppidum vacuum reliquerunt. Fuere qui dicerent Hiſpanos non metu aut iudicio ſuo, ſed niſi Cæſaris Coronē reliquiſſe; neq; enim crediderim tantum momēti in vnus vrbis poſſeſſione fuiſſe reponendum, vt in nullum propè exitum Cæſar grauiſſimis ſumptibus id bellum alere voluerit; quum conſtet eū Venetis, & Perſici, ac ipsis deniq; Rhodijs, qui in Melita erant, eam urbem tuendam poſſidendamq; obtuliſſe, poſtquā in eos ſumptus pecuniam conferre grauarentur. Cupiebat Clemens prudenti ſanè conſilio, in multos annos Turcarū metu liberari, egeratque Byzanti cum Aloyſio Gritto, per Gerardū Florentinis mercatoribus iuri dicundo præpoſitū, vt reddita Corone in decem annos induci eſſent. Solymano cū omnibus Chriſtianiſ, quod maximè vt fieret Habraimus approbat, nam excitato iam penè Perſico bello; in orientem animi omniū armæ arma vertebantur. Pacis ſiquidem & belli iura, vt alio loco diximus, in eius vrbis iudicio atq; authoritate poſita erant; neq; enim Chriſtiano nomini erat inferuſus, vt credi par eſt, & paternæ religionis memoria, ſecus ac cæteri Turcæ & Schyticæ præſertim ſtirpis, qui inexorabili odio noſtros homines perſequentur. Induciæ quoq; & ipſi Gritto magnopere placebant, quum in Pannoniam ad eas res componendas eſſet profecturus: ſed dum Cæſar, vt planè inter ſuſus hinc dedecoris metu, & illinc præclara commoditate, animi conſilium tardius explicaret, tranſigendī negotij tempus effluxit, ita vt Cæſar quum Ferdinando fratri aſſiduus attrito bellis, quietē atq; otium parare, & grauiſſimis ſub inde eius belli ſumptibus parcere reſtituta Corone commodè poſſe videretur, ab ea cunctatione ſummæ vtilitatis occaſionem amiſerit. Sub id quoque tempus Philippus Lantgrauius Cattorum princeps, Ferdinando regi bellum intulit: Aderat Vldeſicus, vt memorauimus, belli cauſam ad æquitatis ſpeciem præbens, & ob id ab omni nobilitate liberaliter adiutus. Nam Germania reguli, vetuſto more gentis implorantibus mutuam opem, non ad eſſe neſas eſſe putant. Hoc ſanctiſſimo liberalis amicitia iure, humiles et infirmi ſe ipſos ab iniuria & ſuperbia potentiorum facilè defendunt. Igitur quum in ſigni ſtudio vndiq; auxilia gratuito præberentur, Vldeſicus paucis diebus ad quinquemilia galeatorum equitum coegit. Adductæ item ſupra triginta peditum cohortes, à Villermo Fuſtenbergo ſummæ nobilitatis iuuenes. Argentinenſes quoque et Vlmenſes tormenta bellica contulerūt. nam liberæ Sueuorum ciuitates quæ iam pridem ſocietate conſenſerant, diſſuluto demum fœdere ſeparatim rebus ſuis ita conſulebant, vt tum Vldeſicus earum ciuitatum amicitia & viribus

oppor.

opportune atq; feliciter uteretur, quibus antea dum id scelus vigeret, ditione sua & domo fuisset expulsus. At Ferdinandus suo more per legatos bella gere-
 solitus, quā ad paranda auxilia per Vindeliciam, Noricum atq; Bohemiam
 discurreret, copias suas Philippo Palatino commiserat. Huic regio genere
 orto, & defensæ ab se Viennæ gloriâ illustri, peritissimi duces parebant, Con-
 radus Hefsus, qui in evastanda urbe Romæ Germanorum princeps extiterat,
 & Maximilianus Heberstenius in Italia clarus. Hi tres legiones externorum
 peditum ducebant, accesserantque subitarij delectus ex ea regione cohortes
 cum iusto tormentorum apparatu, & ad has duo milia armatorum equitum.
 Interim à Cæsare sustinendo, extrahendoque bellò per mensarios pecunia pa-
 rabatur: sed id aliquanto minore diligentia fiebat, quā gravis & repentinus
 hostium adventus postularet. Lantgravius enim Necharo amne superato, tri-
 nis castris in Virtembergensium fines exercitum induxit, adeo celeri ac im-
 provisa irruptione provectus, ut regij nullis speculatoribus usi, non prius de
 adventu hostium certiores sint facti, quā armatæ acies in propinquo colle
 conspicerentur. Ea re cognita Palatinus, qui ad vicum Louffen in valle cōsti-
 terat, equitum repente educit, ad explorandum levis armatura præmittitur.
 Lantgraviani signa promovent, tormenta displodunt: prælium equestre com-
 mittitur: admiscuntur utrinque expediti pedites. Quum diu esset dimicatum,
 & regij multitudine hostium premerentur, Palatini equus tormento ictus
 cadit, ipse vehementer in talo eadem pila vulneratur. Duce eo modo pugna
 excedente, & urgente hostium equitatu fit magna perturbatio regijs in castris.
 Non deest occasione Lantgravius, & productis legionibus incumbit. Quum
 vero ab equitibus quæreretur, quonā in loco essent hostes, & eos in Louffen es-
 se, qui exploratum excurrerant, responderent: Victoriæ, inquit, milites omen
 accipio, postquam hostes in fuga esse nunciantur: id enim nomen Germani-
 cæ fugam significat. Neque inane eius nominis augurium fuit. Nam regiae
 copiae omnes nec tentato quidem certamine in longe turpissimam fugam con-
 iectæ terga verterunt, gravi admodum Maximiliani Heßque periculo, qui
 retentare, conglobareque suorum aciem, & conversâ fronte se recipere cona-
 bantur. Ab ea victoria Vldericus, & Stocardia, & omnibus ferè veteris im-
 perij sui oppidis incredibili populorum alacritate est receptus. Asperga, in
 quam Palatinus ex vulnere confugerat, biduo tormentis oppugnata deditio-
 nem fecit. Auracum postremo & ipsum altercatione militum, qui in præsidio
 erant, sine vulnere in potestatem cōcessit. Nec multo post quum Lantgravius
 Austrianae ditionis fines ingressurus, atque inde demum impellentibus Gal-
 lis in Italiam pervasurus esse diceretur, Ferdinando regi pax data, deprecanti-
 bus Germaniæ regulis, ea conditione, ut Vldericus beneficiario iure ab Au-
 striana familia ducto, ditione sua potiretur. Invidēbant quidem Austriæ do-
 mus felicitati, sed eam exequatis viribus incolumen volebant. Cæterum Lant-
 gravius apud Gallos occulte invidia deflagrabat, quod eorum auro instructus
 secus quā magnis pollicitationibus se facturum ostenderat, in tanta occasio-
 ne gerendarum rerum, represso impetu summæ spei victoriam omisisse vide-
 retur: sic ut præclare constet, Ferdinandum una maxime pecuniæ inopia id
 vulnus accepisse, quum multis diebus ab Hispania necquicquam optime expe-
 ctasset. Curarat enim Cæsar per mensarios certum auri pondus in stipendia
 militum, sed id aliquanto cunctantius quā circumvento fratri in ea celeri-

tate hostium expediret, adeo ut victus exutusque; provincia, pacem petere cogeretur: hostes tamen ut aliquid specie honoris Cæsaris nomini tribuere viderentur, tormenta bello capta remiserunt, & Wirtembergensis iunior provincialium studio insignis, ad declarandum studium suum in reliquum tempus, tributo tenui sibi imposito, nunquam se illaturum arma Austriani principibus repromisit. Interea Clemens diuturno stomachi vicio tabefactus, sexto calidas Octobres moritur, anno Pontificatus vndecimo, ætatis verò quinquagesimo septimo. Inerat ei ab se uero ore gestusque; & sermone ipso grauitas naturalis, exculta, uti vidimus, per omnem ætatem ciuili æquitate, moderatione, & patientia insigni. Sed deerat in eo, qui fortasse in Leone fratre superfuit, generosi & liberalis animi vigor, dignus principe, et uti volebat existimari, Medicæ prope progenito. Ea siquidem erat natura eius ingenij parsimonia & dissimulatione gaudentis, ut illiberalis & durus potius quàm sæuus atque maleficus esse censeretur. Neminem enim plane oderat, quum neminem adamaret, præterquam ab occultiore causa conciliatos. his certè vnus adeo intemperanter fauit, vnde summus honores, aut ad summum auctoritatis locum, stabilesque; diuitias nullo pudore prouheret: multorum verò constanter obliuisceretur, qui ab optimis literarum studiis, veteresque; obsequio commendatione & præmia meruissent. Hos quidem per blandè appellabat, ut imagine gratiæ detineret, sed occulte odabat, tamquam creditores. Et hercle nisi Gibertus literarum & virtutis amore maritus, uti erat in administratione Reipublicæ, optima eius sæculi sorte Clemens intimus, negantem cuncta prædurumque; principem molliendo fallendoque; ad beneficentiæ decus reuocasset, præclara profectò aliquot, fecundaque; ingenua dolore simul & pertinaci sterilitate perijissent. Dedit tamen omnia vel impernolens, quæ suis parum benigna facie denegarar, et inimicis quidem superbus & indignis: quàm in re aliquando suspirans se miserum esse confessus est, quum animus aut præsentis utilitate inductus, aut ignobili compulsus metu, ad id inexplicabili necessitate, vel reluctante iudicio raperetur. Ex vno enim triginta Cardinalibus, quos legerat in senatum, vix vnum atque; alterum probabat, quod eos præteritis honestioribus, nequaquam exquisito decoroque; delectu, uti desiderasse videri cupiebat, sed vi subita inter impotentes regum preces, armorumque; strepitum circumuentus & coactus edidisset. Cæterum qui occultare naturæ vitia, & studia hominum promereri expedita liberalitate nesciebat: eximiam certè laudem adsequebatur facilitate aditus, per urbana comitate, & populari quadam molestissimarum rerum tolerantia: nunquam enim in finorum etiam hominum vel preces, vel spes ipsas iratus, aut fastiditus abruptit. In eo quoque; enitebat, quod certè familiæ proprium fuit, rerum prope omnium, præcellentiumque; artium notitia atque; censura singularis, eo admirabilior quod nullis prope literis inniteretur, verum ingenio ad infimas artes sumptuariasque; rationes adeo demisso herentique; ut opificum arcana subtilitatesque; operum nimia & prope turpi solertia scrutaretur. Et certè is fuit, quem nemo vnquam in paruis rebus fefellerit, ut obiter non sit mirum, si in magnis demum, quæ publicam salutem respicerent, sæpissimè fuerit deceptus. In grauiore etenim consilio omnem vim summæ eius prudentiæ fatalis auaritia penitus elidebat, ut pote qui in proferenda pecunia, quum opus feret, adeo suspensus & anceps tristi cunctatione torqueretur, ut in perleui momèto gerendarum rerum occasio facile deperiret. Hic vir profectò alioqui peregre regie cautus, et maxi-

marum

marum rerum experiens, nequaquam villo planè illustri vel expedito spiritu;
 vltima animi decreta promere, & consilia terminare didicerat: vti tum maxi-
 me publicæ salutis interfuit, quum ipso consultante non omnino improvi-
 sa clade obruti fœdè perijmus. Sed excusare eum hoc loco lubet, et profectò
 iuuat, tanquam non minore ignauia suorum ducum, quàm hostium per-
 fidia in eas miseras præcipitatum, postquam excellenti demum consilio, ab in-
 signi Cæsaris æquitate feliciter ducto, pacem pepererit, magnamque Italiæ
 partem luctuosa Hispanorum militum acerbitate liberarit: hoc certè hone-
 stissimo factò, in ipsa saltè morte, qua omnis inuidia facilè extinguitur, præ-
 claram virtutis laudem meritis, nisi vti posthumus, patre crudeliter interfecto
 priusquam ab utero matris in hanc lucem ederetur, planè infelix malè au-
 spicatum & verè lugubrem Pontificatus sui memoriam reliquisset. Sæuum
 enim id bellum, & quo Roma funestius a multis seculis non sensit, pestilentia
 propè inuitabilis, dira fames, & prodigiosus Tyberis auctus accumulatis
 cladibus exceperet, adeo vt omnis ordo & denique populus vniuersus, diu ex-
 pectata & demum audita eius morte, magnopere lætaretur, iocatiq; summa
 libertate nonnulli gratias agerent Curtio medico, qui firma videntem valetudi-
 ne innatoque membrorum robore præualidum, in multa spe longioris vitæ:
 novis præceptis & commutata vitæ ratione, dubio procul occidisse credebatur.
 Laudauit eum in funere Laurentius Granius Signinus antistes Romana fa-
 cundia, ita relatis in fatalem iniuriam cladum acceptarum causis, enumeratis
 que virtutibus, vt Cardinales Reipub. probè atq; opportunè consulturos dice-
 ret, si proximis comitijs Pontificem pari animi virtute, sed ea aliquanto scelici-
 ore creauissent. Peractis in funere nouendialibus sacris Cardinales triginta-
 quinque conclaue sunt ingressi, nam pleriq; è prouincijs in urbem ad comitia
 conuolarant. Eminēbat inter omnes in toga candida Alexander Farnesius se-
 natus princeps, quem per quadraginta annos senatorem, atq; omnes ætatis
 honore superantem Roma patria, præclaræ maiorum imagines, eximia atq; in-
 ueterata virtus, & præcellentes literæ magnopere cōmendabant, adeo vt Cle-
 mens, quum toties repressio, & rursus erumpente morbo, omnem vitæ spem
 constanter abieciisset, eum sibi successorem testamento scripturum affirmaret,
 si Pontificatus hæreditate pararetur. Propterea Hippolytum Medicem etiam
 atq; etiā fuerit adhortatus, vt vnum omnino Farnesium collatis amicorum stu-
 dijs, attolendū ornandumq; susciperet, quādo nemo in administranda Repu-
 blica, & tuenda dignitate sacrosanctę maiestatis eo potior esse videretur. Subin-
 de asseuerans eius summi beneficij memoriam, vt in homine pernobili sangui-
 ne progenito, nequaquam esse perituram. Itaq; Medices & sua sponte, & suo-
 rum omnium hortatu, & amicorum Cardinalium propensione adductus, cū
 Ioanne Lothoringo, quem propter morum similitudinem vehementer ada-
 mabat, ad apertis sensibus arctè coniungitur. Hi duo longè nobilissimi toti-
 us ordinis, quum supra viginti senatores in suffragium adducerent, Pontifica-
 tum vti vellent & dare, & eripere poterant. Igitur vix paucis communicato
 consilio ad Farnesium pergunt, eumq; primos comitiorum æstus pacato ani-
 mo in cella expectantem aduoluti pedibus Pontificem salutāt. Consequuntur
 statim amici Cardinales, idem faciunt dubij; nec ipsi demum competiores &
 aduersarij diu cunctantur quin accedant, atq; eum veluti subita tacti religione
 protinus adorent. Nulla vnquam comitia a multis seculis maiore simplicitate

te, concordia, religione, inita peractaq; sunt, utpotè quæ ipsi Christiani nominis diui tutelares & principes, nullo liuore extracta fœdataue, nullo corrupta ambitu, nulloque metu præcipitata haud dubiè rexerint, atque finierint. Paucis enim horis & ciuem optimum, & virtutis opinione lectissimum, ut optarat potius quàm sperarat, populus Romanus Pontificem accepit: & eo quidem vberiore lætitia & gratulatione, quod ipsum cœleste munus Dñi immortalis ad compescendam latronum & sicariorum audaciam, quæ in prouincijs & in Vrbe per interregnum eruperat, mira prorsus ac inusitata celeritate cumulassent. Non enim syngraphis suffragiorum obsignatis, & de more in sacratam urnam coniectis, sed publico consensu, et præclara voce totius senatus Pontifex est renunciatus, coronatusq; demum triplici chiara defuncto Pauli tertij nomine, secundo Nonas Nouembres, qua die ab eo fœlici auspicio publica hilaritate percelebri in eius honorem nobilissimi Romanæ iuuentutis per Vaticanam aream simulachro equestris pugnae edito iucundissime decurrerunt. Hisdem fermè diebus quibus defuncto Pontifici nouendialibus sacris de more parentabatur, Aloysius Gritus Andreae clarissimi Venetorum principis filius, in Transyluania vehementi multarum gentium coniuratione obfessus, interfectusque est. Venerat is e Byzantio missus à Solymano cū amplissimis mandatis ad Ioannē Pannoniæ regē, ut Budæ consideret, tueretur in his regionibus Ottomannicū nomen, consilijsq; omnibus belli et pacis interesset. Nolebat enim Solymanus contra Persas ad longinquū bellū profecturus quæquam in ea prouincia commoueri. Nam fama erat, Ioannē prouincialium cohortationibus inductum pacem appetere, & id demum agitare, ut quietem atq; otium a Germanis atq; Bohemis impetraret, ea condicione, ut dum vitia peresset trāquille regno potiretur, ab excessu vitæ autem, iura omnia Pannonici regni ad Ferdinandi liberos transfirent. Itaq; hisdem fermè diebus quibus Solymanus in Armeniam cōtendit, et Hariadenus cum valida classe in Italiam, atq; inde in Africam adnauigabat, Gritus Byzantio profectus in Valachiam imperato Histro peruenit. Ducebat secum præsidij causa aliquot Turcarum equitum alas, atq; item eximiam peditum manum, in qua erant pleriq; laetæ numero prætorianorum; præterea multi serui liberaliter instructi, amiciq; familiares Italici generis, & antè alios Hungari duo duces cum singulis turpis Vrbanus Batianus, & Ianus Docia: quorum numerus septem nullum summam facile implebat. nam & ingens lixarum turba cum insigni apparatu castrensi, militisq; camelis & impedimentis sequebatur. Valachia olim Mysia superior fuit, finitima Bastarnis & Getis, nunc ea in duas partes diuisa est, altera propinquior Histro Moldauia, altera verò quæ ad Pontum atque Boristhem vergit, Transalpina vocatur. In Moldauia imperabat Petrus, iam pridem certo fœdere ab Ottomannis in amicitiam receptus. Ab hoc Moldauo Gritus explicatō Solymani diplomate prolatisque eximjs muneribus postulabat, ut sibi in Pannoniam contendenti, consilio opibusque adesse vellet. habere enim se mandata à Solymano ad Ioannem regem, ut de pace cum Germanis ageret, statumque eius regni maximè perturbatum componeret. Accepit dona barbarus, amicitia dextram iunxit, deditque fidem se vbi opus foret, neque Solymani causæ, neq; iure hospitij inita amicitia defuturum. Nec multo post Gritus hac noua Moldauæ societate auctior et elatior factus in Transyluaniam deflexit, edicta pasim proponens, ut ad se procures, ciuitatumque legati

conuenirent, tanquam ad rerum omnium desceptatorem & arbitrum, legatumque Solymani, qui cum amplissimo munere regiae potestatis singulas Hungarici regni controuersias esset cogniturus. Tantum enim sibi gratiae apud Habraimum, Solymanumque parauerat, ut inusitata liberalitate fiduciaque cuncta magna atque ardua eius industriae, & virtuti committere minimè dubitarent. Erant in Gritto Byzanti nato, educatoque inter Turcas, exquisitae artes conciliandis barbarorum animis, nam eximio splendore vitae, multa largitione, frequentibus epulis, cultu demum incessuque, & illustri praesertim eloquentia aulae proceres coeperat, ipsumque praecipue Habraimum, summa Solymani gratia conspicuum, nec obscurè Christiano nomini fauentem, adeo felici familiaritate sibi adiunxerat, ut ex multis mercaturae monopolis publicanus effectus, se ingentium vectigalium redemptorem profiteretur. Sed Andrea pater Venetis ad principatum euecto, mirum in modum autoritate atque opibus creuerat, unde profusiore indies sumptu, sese uti ampliori Fortuna dignum ostentabat, usque eo largitione progressus, ut suburbanam villam in morem nostrum luculenter aedificatam, cum multa hortorum amoenitate, Habraimo ad voluptarios secessus dono daret, in quam & ipse Solymanus, cum Habraimo oblectationis causa, priuato desumpto habitu transibat. hinc ei à Turcis Beogli pernobile cognomen inditum, quod principis filium sonat. Nam domus eius ad aperta omnibus à legatis multarum gentium, maximorumque regum speculatoribus frequentabatur. Erantque specie, aut questu mercatores, qui venales gemmas, resque ingentis pretij Solymano dignas afferebant, eoque uno interprete & arbitro utebantur: quoniam in indicatura cognitioneque gemmarum, quarum studiosissimus erat Solymanus, acre iudicium adferebat. Securus demum Habraimi castra, & ab eo in Pannonia relictus, non modo procuratoris diligentissimi, sed & optimi ducis decus promeruit, quum Ferdinandi regis exercitu fortiter repulso, Budam cum magna gloria defendisset. Hinc cum Ioannes rex quaestorem regni fecit, ornauitque Antonium eius filium sacerdotio Agriensi maxime opulento. Quo rerum prouentu elatior factus, spes suas ad immoderata atque ardua exitiabili ambitione prouehere coepit. Nam Byzantium reuersus, producente laudenteque Habraimo, in colloquium de grauissimis rebus, quod nemini nostrorum hominum antea licuit, cum Solymano deuenerat. Nec deerant qui cum crederent magnis pollicitationibus inductum, aliquando abiurata religione Christiana, ad Mahometis sacra defecturum, ut inter purpuratos, qui Vesirij Bassae dicuntur, adscriberetur. quod nequaquam verisimile nobis videtur. Quis enim arbitrabitur eum virum, qui in omni vitae decreto pius & generosus extiterit, immani flagitio nomen suum scedare, & patrem grandeum senem, sua gloria & merita felicitate perfruentem, inflicto tanto vulnere ad mortem adigere voluisse? Quando etiam praeclare constet, asportatis thesauris, ut à periculosa barbarorum tyrannide sese incolumi existimatione subduceret, fortunas suas in Pannonia collocare cupiuisse, ubi inter Christianos singulari cum dignitate summaque securitate degeret, subindeque se totius Pannoniae praefectura potiri posse speraret, si rex aliquo fatali casu esset interceptus, quum haud dubie beneficiario rege extincto Solymanus maiorum exemplo regnum in prouinciam esset redacturus. Hac inusitata cupiditate imperium militare & magnas opes affectantem Hungari, in primis quos diximus Batianus & Docia adulando cohortandoque magis

& magis incitabant. Hi iam pridem malignitate eorum ingenij à regis amicitia discesserant, sequebanturq; Grittum Solymani fauore subnixum, vt eo authore et regis emulo nouam sibi apud suos dignitatem pararent. Regis siquidem maiestatis nomen, veluti colligam imposito, vehementer imminui, conuellique maxime cupiebant. Erat Docia præfecto Transyluanie admodum intentus, quod sibi in quadam altercatione vociferanti genam pugno contudisset. Is erat Americus Cibachus episcopus Varadinensis, vir singulari nobilitate, summa potentia, præcellentiq; virtute, cui Ioannes secundum regiam dignitatem, primum honorem detulerat. nam & rex ipse sub Ludouico Transyluania præfectus, quem Vaiuodam vocant, multis annis extiterat, ita vt in vnus Americi fide virtuteq; opes suas collocasse videretur. Igitur Americus Gritto prouinciam intrante, quum tardius & cunctantius iter facere, & parum eius aduentu commoueri, veluti despecto Solymani imperio diceretur, Gritti animus vehementer offendit, qui præclaro initio existimationem suam egregia prouincialium voluntate, præfectiq; obsequio excitari, confirmariq; volebat. Vnde am fama erat Americum, Christiano animo ab amicitia Turcarum plurimum horrere, neq; pati vt Turcæ prouinciæ finibus insuescerent, vt pote qui instanter & strenue cauendum arbitraretur, ne prouincia viris & equis abundans, rerumq; omnium & auri præsertim, fructibus modo paslim nascentis, maxime opulenta, in potestatem Mahometanorum hominum deueniret. Considerans ad oppidum Braxouium Grittus, quum pluribus nuncijs affertur, Americum aduentare, castrametatumq; inde decem millibus passum apparare sese, vt cum ornatisimo comitatu in colloquium deueniret: habebat enim secum multas equitum turmas militariter instructas. Nam Hungari ciuitatum antistites, ex iacis redditibus valde opulenti, vetere instituto alere equites, ductareq; eos in aciem aduersus Turcas solebant, quum valde decorum putarent religionis causam a sacratis maxime ducibus defendi. Sed tum præcipue finitimi quique proceres liberaliter adornati ad Americum concurrerant, vt antistiti summæ dignitatis & præfecto, cuius imperio parerent, officij causa frequentes adessent, ad ornatis comitatus iusti prope exercitus speciem præberet. Eares Gritti ingenium vehementer commouit, quasi apertis in campis, veluti cum hoste, spectantibus copijs esset colloquendum. Enata enim erat inuidia, lethale malum, diracuni honoris obrectatione, quum hic singulari & planè Turcico fastu parum pati nolleret, & ille contumaci libertate, nobiliq; propolito superiorem in prouincia sua minimè passurus esse videretur. Quum e conuiuio discedens Grittus concepta ira fisteret, & his non obscure minaretur, qui imperijs suis minime paruissent, tegumentum capiti detraxit, quod erat Turcarum more oblongum ex pretiosis Scythicarum Sibellinarum pellibus, manibusq; dilatans, hoc inquit, duo capita non capit, necesse ergo est vt vni tantum coaptetur, idq; rursus capiti imposuit. Eum sermonem Ianus Docia ad vindictæ suæ occasionem excipiens, rectè, inquit, assimilas Gritte, nam & hæc quoq; prouincia duos ex æquo præfectos & dominos capere non potest, nec tu herclè iure tuo potestatis ac imperij vnquam potiri, nisi hodie expedito virilique decreto, & tuam & Solymani causam defendis: Americum præfecto, illam inquam immani superbia belluam non nosti, cuius ego feritatem ac insolentiã si iusseris celerrimè frangam. Solymanum enim odit, nec regi paret, & nomē tuum contemnit, vt pote qui nō obscure ad regnū aspires, & decere ait, vt Transyluanie præfectus in

regium

regium nomen adoptetur. Quoniam in his terris Decebalus Dacus aliquan-
do regnauerit, quem Romanae vires, & Traiani virtus ægrè subegerint. Pu-
ta hoc homine neminem inflatus & arrogantius de se prædicare, neminem a-
stutius & simulantius amicitias colore. Dona quidem afferet ad beneuolentiae
speciem, atque etiam dextram perfidia potius quàm fide præstantem iunget,
ut quum prætergressus fueris edictis ac imperiis tuis illudat. Dignitati pro-
fecto, foelicitatique tuæ hostiliter inuidet, quod in Pannonia belli & pacis le-
ges sis daturus, & quum regnum præclare affectet, te vnum maximè timen-
dum arbitratur, ne eius consilia perturbes, auctoritatem frangas, & denique
temeritatem atq; audaciam castiges. Non ferendus herde tibi est hic æmulus &
contemptor, atque etiam iure optimo tollendus, ut nominis tui dignitatem in
limine operum tuorum, petendæque gloriæ aditu tueare. Nihil enim obrecta-
tore socio & occulto hoste periculosius, quem præsertim in tergo sis habiturus.
Nam quum ex occasione animi libidinem nudauerit, insidiosius demum
atq; lethalius nocebit. At Gritus ubi hæc ad animum admisit, iam planè tur-
bidior factus, maturandum, utendumq; imperij viribus censet. Dociam collau-
dat, gratiamque egregij studij erga se breui relaturum pollicetur, si aliquo in sig-
ni facinore edito, Americi superbia contundatur. Ferunt Gritum nihil omni-
no durius statuisse, quàm ut Americum quoquomodo comprehenderet, ut de-
mum Turcico more cathenis vinc-tus, sub custodia Byzantium mitteretur: pro-
uinciam autem regendam traderet Hieronymo Lascho Polono, qui maxima-
rum legationum honoribus functus, Byzantijs, & in Gallia egregiam fidelem
q; operam Ioanni regi præstiterat, in eam spem tot aditis asperrimorum itine-
rum periculis, ut sicuti sibi promissum ferebat, Transylvaniae præficeretur. Sed
Ioannes quum se pro Hungaro Polonum hominem peregrinum, nec Hunga-
ricè satis loquentem, nisi periculosè vel incommode ferocissimis gentibus præfice-
re posse iudicaret, necessitate quadam Americum prætulit, adeo ut Laschus, qui
ingenio multarum rerum usu, & exquisitis literis instructo, præaltos spiritus ge-
rebat, in ea repulsa nullam vel honestorum verborum excusationem reciperet, &
se deceptum et elusum ab rege grauissimè quereretur. manebat tamè in officio,
& quorundam oppidorum quæ rex dono dederat, in Sarmatiæ finibus possessio-
ne potiebatur, sed non obscure alienatus interea sese Gritto in familiaritatem cli-
entelamq; dederat, ut Solymani auspicijs alteram Fortunam experiretur, & re-
gliterum minus familiariter industriam suam, & virtutis dignitatem ostenta-
ret. Cæterum Docia separatim ab Urbano Batiano, iussu Gritti validissima
Turcarum ala, & in primis Hungarorum turma traduntur. Is noctu à Braxouio
maximè occultus discedit, & ad castra Americi repentinus aduolat. Quum paulo
antè per Hungaros speculatores didicisset, cum patentibus in campis vi ad-
gestus causa iuxta pagum tentoria collocasse, & ut in nullo metu, sine vigile, & sine
custodia militari, cum pueris & familiaribus in tabernaculo pernoctare, comi-
tatum verò eius undique diuersos in pagos esse disparitum, ita ut tot equites
non facile coire possent, quum etiam edicto in crastinum diem profectioni se-
se compararent. Ita Americus ignarus suæ sortis, quum inimicos contemneret
potius quàm timeret, à Docianis satellitibus opprimitur. Iacenti & vix
dum à cubicularijs exprorecto, quum latè inuadentium equitum fremitus &
clamor audiretur, ipse Docia caput detuncat, castra omnibus in locis trepi-
datione luctu & fuga complentur: Turcæ equos ornamentaq; diripiunt, exci-

tantur proximiores, cunctiq; demum Turcis agnitis, inermes discinctique in multa rerum omnium conturbatione profugiunt. At Docia tanto patrato facinore Braxouium reuersus, Americi caput ab auricula manu suspensum Gritto spectandum defert. Aderat Laschus eius consilij & cædis prorsus ignarus, qui quum in re atroci & subita, vt sæpe fit, omnem simultatis memoriam naturalis misericordia superaret, & ob id indigna inimici morte minime læraretur, conuersus ad eum Grittus, an tu, inquit, Lasche non agnoscis hoc derastrum caput? magni quidem viri est, sed ambitiosi, contumacis, & maxime superbi. Adid Laschus, qui contracto & tristi vultu inhorruerat, talem mihi, respondit, non est visum, quum suis in humeris conspiceretur; veluti qui plane id crudele factum non probaret. Tum vero omnis in Gritto verborum ac animi feruitia refrixit, adeo vt non sine quodam pudore iam poenitere videretur, statimq; subiungeret, Americum quidem iure cæsum esse, sed eum capi potius quam interfici cupiuisse. Nec mora pleriq; Hungari Turcæq; discedunt ad occupandos Americi thesauros, qui in remoto inde oppido seruabatur. Cæterum vbi de eius cæde fama percrebuit, propinqui prouincialesq; ferme omnes incredibili dolore cõcepto aduersus Grittum coniurant, vindicandam armis sacrosancti atq; optimi antistitis mortem decernunt, ipsique publico decreto Siculi, et Saxones per Colonias Transyluania antiquitus inserti, & Podolij Semisarmata ad ferendam opem euocantur. Nunquam vllæ gentes pro salute sua & publica dignitate ad propulsandam iniuriam, vel intentiore studio, vel grauiore impetu, vel maiore celeritate ad arma concurrerunt. Paucis enim diebus supra quadraginta milia peditum & equitum coiuere, adducente Gothardo Saxonica pæpibus, in ea prouincia claro, Stephanoq; præcipue Mailato duce electo, qui vnus maxime Americum percolebat, & in luctu publico princeps, nefarie crudelitatis authores latronum more persequendos puniendosq; censuerat. Porro Grittus, quum tantus iratæ multitudinis tumultus cum ingenti armorum strepitu, vel ex remotis regionibus fama atq; auribus sentiretur, incertus quid faceret, ad oppidum Magas expeditis itineribus se recepit. Oppidani quum Turcas ab edito conspexissent, nullo modo adduci poterant, vt portas aperirent, tamen Docia et Batiani cohortationibus id impetratum est, ut in interiori rem oppidi partem copiae omnes reciperentur, ipsi vero in æditiora sese resque suas subducerent. In colle enim erat templum cū sacratis ædificijs per amplum & excelsum, quod arcis speciem spectantibus præbebat. Gritto id erat consilium, vt resecto muro adiectisq; nouis munitionibus, & comparato comœatu tantisper se teneret, donec auxilia conuenirent, quibus in condita hostium multitudine, acri et repentina eruptione pelleretur, atq; inde ipse vel amisissis impedimentis superato Tissaamne, qui olim Tybiscus fuit, in Pannoniam euaderet. Erat ferè undiq; cinctus, hinc Danubio & Tybisco magnis fluminibus, inde Hercynia sylua, quæ non facile penetrari poterat, ita vt nullum nisi redeundo ad Moldauiam effugium patere videretur; sed eum receptum vti fugæ persimilem, nequaquam pro dignitate sui nominis esse statuebat, quando mori prestaret quam indecoro deformique reditu demandatum legationis munus deserere, conuertereque id iter ignobili metu, quod tanta hominū opinione suscepisset. Itaque dum impigrè ad munitiones materiam comportari iubet, aggerem extruit, ad laborem suos adhortatur, nunciosque simul plures et tabellarios ad impetrandam opem in amicas regiones dimittit, superueniunt hostes terribili

clamore edito munitiones adoriuntur, temeritate tamen ac audacia potius quam ordine & bellica ratione. Propterea non terretur Grittus per sagittarios Turcas, sclopettariosque maximè lanizeros rem gerit, multos vulnerat & interficit: ita hostes qui sine apparatu tormentorum accesserant, ad murum sagittis confixi, & glandibus traiectione repelluntur. Eo accepto detrimento Mailatus belli rationem commutat, obsidionem instituit. Docet si leviter tantum laceessant, brevi hostes sine ullo ipsorum vulnere in potestatem cogente fame deventuros. Ita distributis per intervalla copiis, latè oppidum corona præcingitur. Interim in tanta auxiliorum expectatione versantem Grittum, 10 a omnia obsidionis incommoda forti animo sustinentem invasit morbus, eo gravior: quoniam nihil omnino de auxiliis afferebatur. Nam Ioannes qui a muli incommodo atque periculo non obscure lætabatur, quum tot gentibus æquissimo iure ad arma consternatis, nisi summa cum invidia & periculo obistere posse iudicaret, alam tantum equitum ab æstivis evocarat, quæ lentis itineribus in Transylvaniam mitteretur. Balibei etiam & Halis, Belgradi, Samandrieque præfecti, malignitate simul & ignavia, neque provincia excedere, neque Danubium transire iniussu Bellerbeci magistri equitum sibi licere perscribebant. Ipse quoque Laschus ex socio alieni periculi spectator factus, quum paulò antè discessisset, ut equites cogere adducereq; maturaret, studium suum extenuata fide remiserat, & Megetiani qui aliquandiu pacati con- 20 stiterant, perseverantia suorum obsidentium, & Turcarum incommodis invitati ex superiore loco præliabantur, & iam alimenta defecerant. His tantis circumventus malis Grittus per Hungaros dabat operam profusè largiendo, ut Transylvanis magno auri pondere distributo, in Pannoniam abire permitteretur, sed omnem avaritiam in efferatis dolore animis vindictæ libido superabat. egit demum separatim cum Muldavo, ad quem hospitalis amicitiae iure suppliciter opem implorans gemmas & uniones dono miserat, ut loci custodiam à suis laxari iuberet, & se cum liberis ex composito erumpentem, in pacatum abduceret. Paulò antè etiam a Batiano erat desertus, qui in eo metu è 30 castris hostium significantibus & eripientibus quibusdam veteribus amicis fuga sibi consuluerat. Itaque dubia spe, & urgente fatali necessitate, ad conditam horam ab ea porta, quæ ad Moldavos ducebat, erupit, dextra Solymani diplomata prætendens: sed barbarorum fraude nequaquam inventis Moldavis, in Franciscum Scendenum incidit Americi propinquum, & Mailati maximè familiarem. Hic primus omnium contumelioso ululatu tegumentum illud capitis è Sibellina pelle pretiosum rapaci manu insolenter invasit, eumq; morbo invalidum & nihil resistantem immisis equitibus comprehendit. Tum verò à Transylvanis horribili clamore sublato, eius comites copiarque & Turcæ præsertim cæduntur, atq; ita undiq; vertuntur in fugam, ut cuncti 40 ferè in eo tumultu admodum cruento, quum indagine ingentium copiarum clauderentur, interfecti captiq; sint. Servavère tamen Turcas quantum licuit Moldavi, sed eos demum infesta latronibus itinera equis & armis exutos exceperunt. At Grittus quum ante prætorium armatorum corona circumseptus interrogaretur, cur Americum iussisset interfici, nihil se tale unquam imperasse constanti animo, & gravi fronte testatus est. Conclamantibus verò cunctis ut ea hostia Americi manibus mactaretur, Mailatus eum Francisco ad supplicium tradidit, atq; ita caput ei ingenti machera detruncatum est. in eius cruore

procures, & propinqui penulas militares solenni cerimonia more gentis intinxerunt, ut diu secum exactæ vindictæ memoriam deferrent. Sed Ianus Dociā maiore ira, & graviore supplicio affectus, discerptusque est. Gritti liberorum nemo nostrorum hominum amplius vidit, sed non desunt qui eos adhuc vivere apud Moldavum dicant, veluti grandī pecuniā ab avo principe redimendos. Quum Gritti truncus à carnifice nudaretur, locus in femorali cum gemmis imminenti pretij repertus est, adeo ut ea omnis præda aureorum nummorum quadraginta miriadas superasse dicatur ab his, qui domesticum Gritti apparatus in rationes vera æstimatione contulerunt. Nec multo post & ipse Laschus à rege Budam evocatus, non mediocri vitæ periculum adijt, quū in questione sub tormentis Gritti consilia explicare cogeretur. Sed is demum deprecante pro eius salute Sigismundo Sarmatiæ rege, custodia educus, è regia aula in Poloniam profugit.

PAVLI IOVII NOVO.

COMENSIS EPISCOPI NV

CERINI, HISTORIARVM

SVI TEMPORIS

LIBER XXXIII.



ADEM æstate Solymanus Turcarum imperator, effusis ultra Euphratem ingentibus copiis adversus Tammam, magni Hismaelis filium, bellum suscepit, validaque simul instructa classe invasit Africam, occupandæ Sicilia atq; Italiæ maximè opportunam. Conceperat enim ingenti spiritu totius orbis imperium, facile Alexandriæ magni potentiam æquaturus, uti ab Europa metu liberatq; omni solutus cura, postquā in eo diro insanoq; Christianorum regum dissidio, consilia nostra nequaquam recta & illustri ratione ad pietatis gloriam, & publicæ salutis nomen, sed impio quodam livore ad intestinam perniciem vertebantur. Franciscus enim eo animo pacem ferebat, quod bellum gesserat, indomito, contumaci, & planè invicto, haud dubiè ad repetendam Italiam iterū vividæ virtutis, & totius Galliæ virium periculum facturum, si Carolo Cæsari distrahendis eius opibus, alicundè gravis hostis incumberet. Idem quoq; Britannus spectabat, quum iam pridem Cæsaris cognatione atq; amicitia, uxoris repudio sceleratissime violata, à Romani Pontificis auctoritate discessisset. Ioannes item in Pannonia Turcarū præsidio tutus erat adversus Ferdinandū in eo Germaniæ motu agere Lantgraviana arma sustinentem, & rex Polonus cum Moscovitis & Tartaris bello cōtinenter occupatus, his quæ sibi cum Solymano manebant inducens fruebatur. Tuebantur & Veneti veterem pacem, adeo ut Solymani amicitiam religiose admodum colere viderentur. Neq; in ipso Clemente Pontifice tantū inerat præclaræ autoritatis, ut eum restinguere odia, & dissidentes componere facile posse sperandū foret;

nam

nam Massilię apud Franciscum nudatis egri animi sensibus, commemorando & deffendo communes misérias: ita cogitationes suas protulerat, ut vindicandis iniurijs occulte consilia à quiete penitus aliena cum rege miscuisse crederetur. Cæterum Persici belli causas ab ipsis usq; avorum odijs repetitas, & eventus mutuis cladibus memorabiles, suo loco narrabimus. Invadendæ verò Africæ author & cōcinator extitit Hariadenus Mithylenæus vetere Horucij fratris cognomēto Barbarussa à nostris appellatus. is in Numidia proxima Mauritaniæ Algerij regnum à fratre antea partum adeo frequentibus victorijs amplum clarumq; reddiderat, ut nostri æquē ac finitimi Pœnorum reguli, & vago Numidę, eius opes atq; audaciam magnopere timerēt, et Solymanus ad fortissimi viri famam iam publica virtutis cōmendationē illustrem frequēter excitaretur. Non alienum erit ab instituto opere breviter recensere, quibus artibus Mithylenæi fratres ab una tantū prædatoria bireme ad regium fastigium irreperint, ut hinc quoq; in hac rerum humanarum varietate colludentis Fortunæ ostenta posterī mirentur. Igitur patre Græco, atque eo Mahometis sacra secuto, in insula Lesbo geniti, quum inopiam domi ferre non possent, arrepta bireme spes suas omnes mari commiserunt, sese Camali archipiratæ in disciplinam tradentes. Sub hoc Camale Horucius, qui uti nātū maior ad se ducis nomen trahebat, cum Hariadeno multa præda, multisq; servis atq; navigijs adauctus: ac demum ascitis in societatem minoribus piratis prædabundus in Mauritaniam pervenit. Eo tempore Algerij regulus cum fratre armis de imperio contendebat: hic quum Numidas equites, qui hodie Arabes appellantur, pretio sibi in auxiliū ascivisset: alter opportuno novæ gentis adventu maghoperē lætatus, pecunia cum Horucio transegit, ut se defendendum susceperet, paucisq; diebus Horucius cum valida manu sclopettariorum, quibus præcipuē Numidæ terrentur, eo impetu gessit atq; confecit bellum, ut Turcarum nomen cum Numidis, tum, Mauris omnibus terribile esset. His rebus gestis, atierat ingenio validus, viribus pollens, & regni maxime cupidus, quū eo bello comperisset Mauros per se inermes, ignarosq; militiæ, ac ingenio mobiles, nullaq; inter se stabili cōcordia nixos, facile per partes opprimi & subigi posse: Numidas verò vagos, et inter se dissidentes, vel in amicitia trahi, vel si abnuant nullo propē negotio sustineri, improvisò fidem abrupit, repenteq; hostis factus, quos cœptis suis adversari posse putarat facile sustulit, breviq; post sævitiam liberalitatē exercendo Algerij regno potitus est. Nec multo post finitimū quoq; regulum Circello imperantem vi dolisq; aggressus expulit. distat Circellum, antiquis Carcenna colonia vocatum, ab Algerio, quod Iulia Cæsarea fuisse dicitur, ad occasum sexaginta passuum milibus, antiqua ad portū mole, & operoso aquæductu, multisq; Romane magnificentiæ vestigijs adhuc insignis. Inde & ab Algerio mare undiq; infestum reddebat, & in mediterraneis cum expeditis cohortibus evagabatur: ita militiæ munera cum fratre alterna sorte partitus, ut nihil terra, marive pacatum relinqueretur. Ab eo rerum successu, ut regni fines aliquāto latius proferrentur, Bugeam magno apparatu invasit. Hispanis, qui in præsidio erant, ad summas rerum difficultates reductis, nec prius abstinit tam forti incepto, quā ei dextra manus tormenti ictu abrepta est: inde ferream sibi fecit, qua ad cubitū religata multis in prælijs postea feliciter est usus. Nam Algerij non contemnendum Hispanorū exercitum Didaco Vera duce circumventum fustumq; delevit, & aliquanto post Vgonem

Moncatam, qui veteranos Hispanos ab Italia transportarat, egressum in litus, iniquo nostri loco cōmissa pugna compulit in naves, subortaq; tempestate copias ferè omnes luctuoso naufragio fluctibus eiectas crudelissimè cruciavit, aut ad remum trierarchis distribuit. Ad extremum immodicæ spei plenus, & rerum proventu factus audacior, quum Tremiseni regem, amicum, lociumq; à Carolo appellatū, regno expulisset, immineretq; Orano, Portuq; magno, quæ Hispanorum præsidij tenebantur, Punica simul & Christiana arma, adversum se concitavit eo bello, uti suo loco memoravimus, superatum, & fuga in solitudines evadentem Hispani, Mauriq; equites consecuti cum paucis familiaribus interfecerunt. Horuci caput in Hispaniam transmissum circumlatumq; in lancea, populis præsertimq; maritimis insignem attulit læticiam, quod sublato prædonum rege diu exoptata securitas litoribus reddita videretur. Sed Hariadenus neq; spiritu, neq; bellica laude Horucio inferior, accitamentibus militibus imperium suscepit. Is non modò regni, sed virtutis, & deniq; artium cogitationumq; omnium, quæ in fratre eximia fuerant, hæres factus, adoptatusq; etiam in fratris cognomen, ad imperium totius Africæ aspirare cœpit: ratus ea, quæ parta essent, animo suo minora angustioraq; atq; arma proferre, Mauris & Numidis terrori esse, modò cum his pace ac induci uti, modò bellum gerere. porro aucta classe Hispaniæ, Sardinia, ac Balearum oram prædari, asciscere sibi novos piratas, clarus æquè ac formidolosus timis esse. Hæc audentem & molientem nusquam Fortuna destituit. Nam Eiamerem Numidam magni agminis ducem sibi infestum, per insidias interfecerat, & ad Cocum oppidum Benchades inter regulos Numidas longe clarissimus multis prælijs superatus, in solitudines abcesserat, Amidamq; in finibus Tremiseni regni adeo frequentibus detrimentis attriverat, ut sedes mutare, ac in interiora profugere cogeretur. Mari quoq; ea Fortuna res gessit, ut Vgo Moncata supra Sardiniam nocturno prælio victus, graviterq; vulneratus, amissis aliquot triremibus vix effugerit, & Portundus Hispanicæ classis præfectus, amissa fœdè classe cum filio impigro iuvene fuerit interfectus. His capta triremibus, quum aliquot etiam, quum Siculæ, Neapolitanæq; tum Venetæ rostratæ, varijs interceptæ casibus accessissent, maximè validus atque terribilis esse cœpit, auxitque sibi virium atq; animi famam ipso Andrea Auria ad Circellum repulso, quum ille oppido tam fortiter expugnato, quam fœdè amilio, ad quingentos milites disciplinæ oblitos, nec Turcarum eruptionem sustinentes amississet, duæq; tum onerariæ Ligusticæ, dum ad Circellum cursum haberent, onustæ armis, milite, com meatu supra Populoniam, quod ingentem Genuæ luctum peperit, expugnata atq; demersæ. Postremo arcem Scopulo impositam, Algerio urbi imminentem, defensamq; per aliquot annos ab Hispanis, summa vi adortus cœpit atq; delevit, ruinis profundo mersis, & iacta mole, ut per commodus regiae urbi portus adderetur. Quum hac rerum gestarum fama floreret, Solymanus à Pannonia reversus, ad eum legatos misit, qui evocarent, summosq; honores & maris præfecturam Byzantium venienti pollicerentur. non sustinebat enim animo Solymanus ignominiam in Peloponneso acceptam, quum præfectus classis Himerales adeo fœdè profugiens, Coronem & Patras, castellaq; item Naupactei sinus Aurianæ classi expugnanda reliquisset. Ipsi quoq; purpurati Balsæ, & eorum princeps Habraymus in consilio & valida classe & perito strenuoque duce opus esse differebant, non modo ad

do ad recipiendam Coronem, quæ tum terra marique segniter obsidebatur, sed etiam ad tuendam veterem existimationem, quando Baiazetes ad Methonem victor navali apparatu Christianorum ferè omnium classes anteisset, & tum fama erat Auriam, qui obsessis opem ferret, cum amplissima classe in Græciam à Sicilia traiecturum. Et certè unus ipse Hariadenus inter omnes eminebat, quem ætate & maritimarum rerum usu, vigoreque animi, & parti propagatiq; regni gloria, Auriam parem dicerent, censerentque unum omnino eum Christianis classibus opponendum. Ita Sinas unus ex intimis ianitoribus ad eum legatus mittitur, advehitque eum celeri trireme Mangalis pirata Rhodi præfectus. Is ubi in Mauritaniâ pervenit, ab Hariadeno summo cum honore susceptus est. audita legatione Hariadenus incredibili lætitia afficitur: inde haud inani spe concepta potiundæ totius Africæ, si colloquendi cum Solymano potestas fieret, ut quinam in Africa rerum status, & quantæ Christianorum classes, quæve animi & dissensiones eorum essent, appositè atque ordine doceretur. Itaq; Agim virum fortem, & Ramadâ Celebim patruelem suum Algerio præficit. his Asanem filium duodeviginti annos natum commendat, datque circiter quadraginta triremium biremiumque instructa proficiscitur: circa verò Tyrrheni maris oram adeptus aliquot Ligusticas naves, quæ ad coemendum frumentum in Siciliam cursum habebant, difficili & maxime
 20 cruento prælio eas expugnat & incendit. qua in pugna Delisusum piratam opulentum ipsius Hariadeno dolo interfectum ferunt, ut eius trireme de Venetis capta, quæ erat eximie celeritatis, itemque servis atque pecunia potiretur. Inde conversus ad Iluam insulam, Rium in ea oppidum nocturno prælio capit, atque omnibus Rienfibus in servitutem abductis, ingenti onustus præda Byzantium pervenit. Deductus est à principibus aulæ ad Solymanum, ab eoque lætissimo vultu est susceptus, vel ob id quod dono dabat, quos insigni cultu produxerat, aliquot pueros decora facie, itemq; lætissimas virgines, eunuchosq; & Libycas feras, leones & pardos. Porro reliquis diebus quum de gerendo bello, & de tota ratione Punicarum Christianarumq; rerum differeret,
 30 aliquanto quàm solebat rarius & difficiliter admittebatur. Suborta enim erat invidia crescentis dignitatis semper comes, ita ut pleriq; dicerent, non esse Ottomanici moris homines è piratarum ordine latrocinij infames, regie classi præficere: non defuisse unquam, nec defuturos ex principis aula, qui virtute, magnitudineq; animi, & deniq; optimis artibus valerent, & ad proferendum Turcicum nomen terra mariq; fortiter atque feliciter operam præstarent: occupasse illum in Africa contra fas & æquum, hoc est dolis ac insidijs alienare regna, impijsq; armis semper esse persecutum regulos, & gentes quæ Mahometem colerent: nullos profecto ei certos deos esse, nullam fidem, utpote qui vanissimo, atque eo quidem paternæ religionis desertore, patre Græco genitus,
 40 ab ineunte ætate prædo immanis, & publicus humani generis hostis extiterit. Quum hæc efferentur Hariadenus facile intellexit quàm importunè abesset Habraimus, cuius amicitiam exquisitis officijs, annuisque muneribus colere erat solitus. Is eo tempore ad Persicum bellum profectus in Comagena ad Alepum hyemabat, Euphratem ad prima Veris signa traiecturus. Solymanus tamen per Aiace & Cassimum Ballas respōdit, eius suscipiendi negotij summam ad Habraimi iudicium deferendam videri, quod eius præcipue hortatu suasuque è Mauritania esset evocatus. Proinde si quid impetratum vellet, ad

eum in Syriam proficisceretur, ut ex eius autoritate atq; sententia, quæ in rem
 forent decerni atq; apparari possent. Eo modo in Syriam reiectus, quanquam
 non obscuro repulsæ nomine existimationis suæ iacturam facere videretur, id
 tamen dissimulante tulit, atque eò terrestri itinere omnino pervolandum esse
 iudicavit. vir enim novi belli noviq; imperij maximè avidus, neque ætati neq;
 labori parcendum putabat, quominus Amani montis iuga, vel tum obsesta
 nivibus, transiret. Erat tum Alepi Habraimus: is singulari cum honore susceptum,
 & in colloquijs de genere atque ordine gerendi belli occupandaq; Africa
 differentem, ita admiratus est, ut neminem eo peritius atque felicius, mari
 gesturum bellum arbitraretur, Solymanoq; demum rescriberet, in Hariade-
 no ingenium vigere omni bellicæ virtutis laude cumulatam. Propterea ipsum
 rectè facturum, si in gravissimis consilijs ei viro fidem adhibeat, honoris causa
 inter Bassas annumeret, atque ei universæ classis imperium tradat. Eo modo
 Hariadenus Habraimi mirifica voluntate Solymano commendatus Byzanti-
 um redit, suscipiturque propensissimis animis: nam tanta erat autoritas &
 gratia vel absentis Habraimi, ut omnium planè voluntates sermonesq; adu-
 latione vel metu ad nutus eius tanquam ad summa imperia verterentur. Ad-
 vexerat secum Algerio Hariadenns Roscetem Pœnum, Muleasis, qui Tunc-
 ti imperabat, regis fratrem, pulsum domo aliquot ante annis, & ex calamitate
 ad se profugum, uti mox dicemus. huic facile persuaserat, ut unâ Byzantium
 veniret: fore enim ut se authore duceq; à Solymano in paternū regnum redu-
 ceretur. Itaq; hoc Roscete in occasionem Africani belli purpuratis ostentato,
 multisq; de suscipiendo bello disputationibus habitis, ad Solymanum intro-
 ductus, in hanc sententiam verba fecit: Quod Ottomannis Cæsaribus ad sup-
 plicandum ingredientibus templum, præclara voce precari sacerdos solet, id
 unum & ego tibi precor, Solymane, scilicet ut memineris, progenitores tuos
 hoc tibi imperium, quo nemini maius atque opulentius dñ dederunt, iustitiam
 & pietate peperisse. hac enim via euntes nusquam fefellit Fortuna, & tu hacten-
 us ita institisti vestigijs, ut facile supra eorum nomen & gloriam sis prove-
 ctus, quum inter tuos iustitiam coleres, & quod veræ pietatis est munus, ad-
 versus religionis nostræ hostes bella continenter gerenda, æternæ spe laudis
 incensus arbitrareris. Itaque captum est Taurunum, expugnata Rhodos, tru-
 cidatus in acie rex Hungarus, bis evastata incensaq; Germania, adeo ut Caro-
 lus, quem tibi Christiani imperio & virtute parem volunt, quum ingentibus
 nationum ferè omnium auxilijs niteretur, armorum tuorum strepitu terrefa-
 ctus pugnam detraxerit. Sed quoniam ulla imperia quantumvis ampla, aut
 ullæ vel perillustres victoriæ, nec excelsi animi magnitudinē implent, nec glo-
 riæ satietatem adferre possunt, idcirco adversus Parthos, Persasque victoricia
 signa præmisisti, ut eæ gentes, quæ à divinis legibus impiè defecere, expiata
 veluti sacris armis, & deniq; victorijs tuis lustrata, ad antiquos religionis ri-
 tus revocentur. Sed sit hoc tibi vel incepto, vel exitu maximè decorum atque
 magnificum, modò mihi liceat in armis atq; periculis seni factus, ea commemo-
 rare quæ expediant, & deniq; ea quæ longo usu didici ad ampliorem augustio-
 remq; tui nominis gloriam aperire, neq; à me hoc ambitiosius dici, fortasse in-
 terpretare. satis enim superq; Fortuna rebus meis favit, quæ me domi inopia
 pressum, et ancipiti cum spe eius flatibus vela dantem, ad multas victorias am-
 plasque opes, & denique ad regium nomen evexerit. Verum super hæc nihil
 in ihi

mihi melius dare Dñi potuerunt, quàm ut ad te venirem, & de gravissimis re-
 bus differendo in consilium adsciscerer. Nam id quo nihil in rebus humanis
 bellicisque præsertim utilius atque præstantius dari potest, consilium fide &
 rerum experientia plenissimum dabo, & quanquam senes nihil ultra adferre
 posse videantur, tamen in vegeto corpore robustæ vires adhuc supersunt, ut
 fortem operam in omne maris terræque discrimen æquè præstare ac polliceri
 queam. Huic autem uni curæ ab adolescentia dies noctesq; invigilavi, Horucij
 litatris viri fortissimi consilijs ac sensibus inhærens, ut nostræ religionis termi-
 nos proferrem, Christianos terra mariq; persequerer, & nihil maius optarem,
 10 quàm ut tuæ classes copiarq; studij atq; opibus meis adderentur: & deniq; dux
 aut certè signifer, quando melioribus parere non piget, auspicijs tuis efficerer.
 Cuius voti si me Dñi compotem fecerint, brevi tota Africa Hispani depellen-
 tur: Mauros ad Beticæ vetus imperium in Hispaniam traiecisse audies: Pœni
 & Numidæ tibi parebunt, et ut Sardiniam Corsicamq; omittam, Sicilia nostra
 erit: ea occupata, Italiam fame enecabimus, & undiq; classibus aggrediemur
 discordia principum laborantem, infirmam disjunctis viribus, & quantum ad
 eius partem Siciliæ & Macedoniæ proximam attinet, qualibet conditione ser-
 vituram, modo Hispanorum iugum excutiat. Noli enim existimare, eas opes,
 cumq; in Italia esse consensum quæ fuerunt, quum Hydrunte capta, non Italis
 20 modo, sed cæteris etiam populis maximum terrorem intulit proavus Maho-
 metes. Is enim successu eius belli, ad quod sustinendum vix universi Christia-
 ni principes suffecerunt, haud dubiè urbe Roma potitus foret, ut occidentis ac
 orientis imperia secundum ius & equum vetere sua augusta sede iungerentur.
 Sed ille ab humanis repente discessit in cælum raptus, scilicet ut hoc tibi, sicuti
 fata sydera que promittunt, consummate virtutis opus relinqueret. Nec te hac
 iniectâ spe summi inusitæque triumphî vel interpello vel demoror, quomî-
 nus in orientem contendas veteres impiosque hostes, & ultima supplicia me-
 ritos armis persequare. classis enim mihi erit satis, qua tibi minime est opus in
 mediterraneis regionibus bellū gerenti, ut dum tu Asiam subigis, ab alia par-
 30 te ipsa Africa, quæ est tertia pars orbis, in potestatem redigatur. Ante omnia
 autem pellendus est Tuneto Muleasles inexplebili avaritia, fœda impoten-
 tiq; libidine, immani q; sævitia, dñs atq; hominibus invisus, qui duodeviginti
 fratribus per insidias interfectis, aut quod ipsa morte acerbius videtur, præu-
 sto oculo crudeliter occæcatis, ita regnat solus, ut neminem sibi vel consangu-
 neum vel amicum reliquerit: nam animo tam ingrato quàm perfido paternos
 etiam amicos, qui ipsum insigni studio ad regnum extulerunt, ut gratiæ meri-
 ta celeriter exolueret, ad unum omnes iugulavit, cum hac bellua nobis res erit,
 quam quum nemo amet, facile omnes oderunt: Numidæ quotidianis incur-
 sionibus exagitant, quorum iniurias ita sustinet, dedecore, ignavia, et metu in-
 40 famis, ut eas ferre quàm ulcisci malit: & hic semivir Turcas viros fortes in ca-
 thedis detinet, nec augustū nomen tuum, à quo humana divinaq; iura undiq;
 petuntur, planè agnoscit: & quod minime est ferendum, Hispanis ad Tripo-
 lim favet, ut Agis & Moses strenui duces Turcæ Taiorea urbe depellantur.
 Hanc feram uti unguibus ac dentibus exarmatam, vel ob id facile conficiemus:
 quoniam apud nos est Roscetes eius frater, Pœnorū omnium votis ac preci-
 bus expetitus. huius persona vel in speciem nobis erit utendum, ut res, quum
 copias ad Tuneti portas ostētabimus sine ullo omnino vulnere patrari possit.

Tui demum erit arbitrij statuere, quem Punicis rebus præesse velis, mihi certe satis imperij & gloriæ quæsitum erit, quum tibi debellatis hostibus e Perside redeunti maxima pars Africæ devicta pacataq; tradetur. Ex itinere verò quod privati muneris nomine me polliceri iuvat, enixè dabo operam, ut suas quoq; clade lugeant Christiani, atque Auria si occurrat, suis maleficijs non diu exultet: hunc enim unum uti verum propriumq; hostem, vel a cladium acceptarum memoria, vel æmulatione gloriæ persequendum mihi desumo. eo autem oppresso tibi uni maria patebunt, & mihi crede, qui victor mari evadet: facile etiam terrarum imperia tenebit. At Solymanus qui excellentum principum more, gravi aure excepta ad animum transmittere, perpendereque cuncta, ac ingenti demum iudicio consilia terminare erat solitus, collaudato Hariadeni studio, consilium dimisit. Nec multo post in sententiam Habraimi decretum est factum, ut Hariadenus tribus Bassis, qui est supremæ dignitatis honor, quartus adderetur, essetque ei summum maris imperium, ita ut insulæ, portus, urbes, populi que maritimi ei parerent, ius ei fasque esset quos vellet, ubique vellet, remiges, nautas, milites conscribere, & in naves compellere. His promulgatis Solymanus postridie Idus Maias ei vexillum, sceptrum, gladiumque manu tradit, monet ut promissis insigni facinore edito fidem præstet, eumque regia egressum Ajax & Calsimus Bassæ, ipseque prætorij præfectus celebri pompa prælatis novi honoris insignibus ad navalia deducunt, octiesque ei centena milia aureorum nummum in bellicos sumptus ex ærario depromuntur: attribuunturque ei ex ordine prætorianorum Iannizeri circiter octingenti, nec multos Byzantij moratur dies, classeque octoginta triremium acque aliquot biremium armis, viris, & comeatu abundè instructa, Hellesponto egressus in Italiam cursum intendit, relicto cum duodecim triremibus Amuratus rarcho, qui Solymanum eiusque exercitum ad Persicum contendente bellum ab Europa in Asiam transportaret, isque demum omnibus transvectis, Hariadenum ad Methonem est consecutus. Quum improvise adventu Messanæ fretum transiret, Mamertini ad arma conclamantes urbi portuique magnopere timuerunt, sed prætervectus Hipponiatem sinum in Brutiorum ora sancti Iacobi oppidum invalit, id olim Tempia dicebatur, impositum rupi, qua mare despectat, & muro haud temerè munitum, sed is à terra subeuntium Turcarum impetus fuit, ut deiectis propugnatoribus diu defendi nequiverit, eo maiore incolarum calamitate, quod nemo fuga est elapsus, quum prætor in ea trepidatione averfam ab hostibus portam diligentius reconditis clavibus obfessisset. Inde ingenti omnis generis rerum ac hominum potitus præda, ad Citrarium contendit, ubi classem ædificari à captivis didicerat, id uti vacuum incolarum fuga statim est incensum, atque eodem igne septem triremes, imperfectis adhuc puppibus & foris concrematae. ubi verò à Capreis supra Neapolim universa classis in conspectum est data, adeo terribili spectaculo totam eam oram conterruit, ut plerique affirmarent, si hostis expositis copijs ad mœnia repente successisset, Neapolitanos in subito metu ægrè urbem fuisse defensuros. Eo cursu ad Prochitam provectus oppidum cœpit, arcisque exiguae custodibus sub fide se dedentibus libertatem reliquit, & quum in Caietæ portum noctu invehere, ita ad Speluncam superato promontorio cursum deflexit, ut occupandæ Caietæ occasionem parum naviter prætermisisse crederetur: nam & præsidium urbi arcique exiguum erat, præsertim repentino nocturnoque in metu, & Caietana juven-

na iuventus assueta maritimis quæstibus, & in prædijs occupata ab urbe per
 eos dies aberat. Spelunca oppidum extremis Fundanis montibus adiacet, qua
 delincentes rupes plagæ maris planiciem excipiunt, ex ruina quondam antri
 Tiberij Cæsaris insigni periculo in historijs Cornelij Taciti celebratum. Spe-
 luncani inexpectato appulsu tantæ classis territi vix tentata defensione animos
 desponderunt, ingressusq; hostis circiter mille & ducentos imbellis maximè
 sexus & ætatis cœpit. Refugerat in arcem Pelegrinus, qui inter Speluncanos
 divitijs eminebat. Hunc Hariadenus monuit, ut sese dederet, nec vim experia-
 retur, id si extemplo faceret, integra fide liberum futurum: si conaretur sese at-
 que arcem tueri, brevi stultæ pertinaciæ poenas crudeli supplicio atq; incendio
 oppidi protinus daturum. nec ille meru exanguis diu cunctatur, quin spem vi-
 tæ vel in barbara fide certi propè exitij periculo potiore ducat: ita egresso in-
 litus, & ad genua procumbenti concessa libertas, & quod fuit humanitatis,
 uxor, filius et neptis inter lachrymas præ gaudio utrinque manantes restituti.
 Eadem quoq; nocte ad duo millia e Turcarum classe per asperos vepribusq;
 impeditos colles ad urbem Fundos, decem inde milibus passuum pervene-
 runt: uti creditur ducibus indigenis ex eorum numero, qui superioribus annis
 mari capti, tædio præduræ servitutis ad Mahometis sacra defecissent. Ea ve-
 ro ad volantium & refringentium portam celeritas fuit, ut Julia Gonzaga
 Prosperi Columnæ quondam nurus vix spacium sit nacta, quo seminuda iu-
 mento imponeretur, atque inde iam conspectis hostibus ad montes se prori-
 peret. Ferunt Barbarussam, uti ipse postea minimè diffiteri est visus, eam cum
 admirabilis formæ tum virtutis fama florentem capere cupivisse, ut Solyma-
 no dono daret. Cæterum Fundani cæduntur, atque omnes ferè capiuntur. fa-
 cit & deditionem Stecatus prætor imbellis, qui cum turba mulierum in tur-
 rem confugerat, quum succensis iam foribus & barbarorum clamore, & fœ-
 minarum eiulatu terreretur. Turre in potestatem redacta Turcæ ad spolian-
 dum sanum conversi, sepulchris Columniorum procerum ornamenta detra-
 hunt, vexillaq; item militaria picta auro dilacerant, onustiq; præda ad classem
 revertuntur. Alia quoque triremium manus Tarracinam divertit, ibi quoque
 populo ad montes fuga elapso, in templa sævitum, in validique senes, & ægri
 aliquot in lectulis trucidati. Is terror à Privernatibus propere Romam deia-
 tus, ita consternavit omnium animos, ut si hostis eo impetu ad Ostiam esset
 provectus, tota civitas sese in Sabinū, Etruscumq; agrum effusura crederetur:
 nam neque Clemens tum gravissimo conflictatus morbo, consuli poterat, ne-
 que amplius omnino quàm centum viginti spiculatorum Germanorum, &
 quadraginta septem levis armaturæ equitum præsidio, quo tum principis atq;
 prætoris custodia stetit, publica salus nitebatur, nec ullus erat cum peregrinis
 & inquilinis Romanorum consensus, quum quisq; privatis potius quam pu-
 blicis rebus studeret. Coivère tamen in eo periculo Cardinales, & effractis æ-
 rarij repagulis ex autoritate senatus Hippolyto Medici Cardinali pecuniam
 deprompsère, ut tuendæ oræ maritimæ curam susciperet. is alacriter cohör-
 tes conscripsit, sed eas, uti in subitario delectu accidere solet, ex pelsimo & in-
 condito hominum genere, adeo ut per summam iniuriam Privernatibus ex
 itinere cæsis atque direptis, oraque Pyrgensi & Tarquinienfi scedè vexata, nul-
 lo pudore in hostilem rabiem animos vertisse viderentur. Porro Barbarus-
 sa vetere consilio suo innixus, quum statim in Pontias aquandi causa diver-

tisset, in Africam traiecit, tanta usus celeritate, ut prius eò pervenerit, quam ab nostra ora discessisse crederetur: voluit enim ea diversa navigatione fallere Muleassem, ut imparatum opprimeret, & ipse antea famam simultanter ediderat evasandæ Italiae, Liguriæque præsertim & Hispaniæ, vindicandis scilicet iniurijs, quas Auria Coroneis atque Patrensisbus intulisset, ita ut non omnino inani coniectura, postquam Mellanæ freto superato Italiae litora legere, & cuncta urere cœpisset, Liguriam, ac demum Hispaniam invasurus esse putaretur. Et Veneti quoque Muleassi & Pœnis aliqua ex parte timorem minuebant, quum validam classem instruxissent, quinis decumis ex sacris redditibus sacerdotum ordini, vel idægreferente Pontifice, impositis, ut ex ea pecunia remigi-
bus stipendia præberentur. Quid enim petente Africam Hariadeno, Venetis opus esse tanta classe: præsertim quæ tanto sumptu & tanta cum invidia pararetur: profecto summæ prudentiæ homines, qui Turcarum consilia Byzantij diligenter explorare & excipere essent soliti, pro certo cognovisse totitimes adversum Auriam comparari, ut pares & duplicatæ clades Christianis redderentur. Ad hæc quoque Muleasses per speculatores didicerat Rosceton fratrem, quem maxime metuebat, Byzantij in libera custodia esse relictum, veluti aliena tum ab Africæ rebus expeditione suscepta. Neque enim utilis armis validius se peti atque invadi posse existimabat, quam productoregniæ mulo, in quem ex conscientia scelerum suorum omnes propè Pœnorum ordines & Numidas inclinatu-
ros appareret. Sed quoniam ad hunc locum est deven-
tum, operepretium erit paucis enarrare, quæ de Muleassis imperio, moribusque Pœnorum didicimus: nam multa digna cognitu, quæ diu solis mercatoribus comperta fuere, nobis scribentibus victoria Cæsaris aperuit. Africam Romani ever-
sa Carthagine, sublatisque regibus propter agrorum ubertatem multis eò deductis colonijs excolendam atque illustrandam susceper-
e, tenuer-
eque eam proconsulari imperio usque ad Vandalorum adventum, quos in contumeliam Romani nominis immani rabie sævientes Belisarius devicit atque delevit. Inde facta est provincia Græcorum imperatorum, à quibus in eam quotannis duces & præsid-
es mittebantur. Postremo eam invale-
scere Mahometis secta, Saraceni e Syria, Aegypto, Arabiaque inducti religionibus tanta vi invaserunt, ut pulsis Christianis, in-
vestaq; & iatè propagata superstitione in Hispaniam usque victores trans-
cenderint, & quum Afri, Numide, Mauri, & denique omnes Pœnorum gentes nova sacra facile suscepissent, in Illiberi Be-
tica regia urbe, quam Granatam nostri vocant, posita est Maurorum sedes, & Cordubæ gymnasium cum celebri bibliotheca constitutum, ubi Arabicarum literarum professores, iuventutem docendo, excipiendoque inter morientes apud Græcos optimarum scientiarum atque artium disciplinas cum insigni ingenio-
rum gloria floruerunt. Nihilominus & in his militare studium enituit, adeo ut quum diu cum Oretanis Celtiberis, & Carpentanis esset dimicatum, à Mira-
molino irrupente penè omnis Hispania Punicis armis cesserit. Sed post sex-
centos demum annos, ætate nostra Ferdinandi regis virtute obsessa, captaque Illiberi, omne Punicum nomen ab Hispania pulsum. Hac tempestate in Afri-
ca opibus ac amplitudine imperij cæteris præstant Tunetani & Fessani reges: sed Tunetanis ab longa imperij vetustate, eximiaque stirpis claritudine au-
thoritas maior & augustior: nam ab his sacra & iura omnia petebantur. supra Tuneta enim itinera trium dierum urbs est Carvenna, per antiqui templi
reli-

religione, & sanctissimorum sacerdotum collegio maximè venerabilis, & ob id libera & immunis, in qua functi fato Maurorum & Numidarum proceres vel è longissimo terrarum tractu tumulantur. Quoniam persuasum habent eorum animas, quorū ossa sacrosancto eo in loco sita sint, uti purius expiatis, ad impetrandā cœlestis vitæ felicitatem illorum sacerdotum accuratiore cœrimonia superis efficacissimè commendari. Imperium Tunetanum octingentis fere milibus passuum in ora ab occasu ad Orientem extendebatur: nam Bugæ, & Tripolis emporio & gymnasio claræ urbes, quas Navarrus in diversis regni finibus bello cœpit, Tunetanæ ditionis erant, quum & ea introrsus ad Æthiopum harenas usque pertineat. Porro Fessani in Tingitana Mauritania impositi Salæ amni, qui in Oceanum magnarum navium capax evolvitur, bellico apparatu & militaribus copijs antecellunt, egregiè enim sustinent Lusitanos, cum quibus continenter bello exercentur, adeo ut triginta equitum milia in aciem educant, paratissimisque animis ac viribus litora tueantur: reliquas regiones urbesque reguli, quos Scecos appellant, circa oram præsertim possident. At in mediterraneis Numidæ uno nomine dicti Arabes vagantur, cum Afris bella gerunt, venalemque pacem habent. his mos est belli causas excitare, alere controversias, semper armis exerceri, pecuariæ, colendique agri ministeria per servos obire, præsertim Æthiopes, quum se omnium gentium nobilissimos iactent, quod impermixti sanguinis ab antiqua Pœnorum origine progeniem ducant. Divisi in multa agmina à Nilo amne introrsus ad Atlanticum Oceanum extenduntur, & quum incertas sedes habeant, certis tamen pagorum finibus imperia præscribunt. Hyeme longius à mari ad Æthiopum fines recedere solent, tepore soli & clementia aëris invitati. Æstate verò ad vix dum maturas segetes revertuntur, ut alieni laboris fructū intercipient. Nemo apud eos præter paucos sacerdotes literas addiscit, neque enim adeo accurate, uti Mauri, sed simplici atque expedito cultu religionibus student: his haud dubiè fide, integritate, virtuteque animi, et denique bello & pace meliores. Incredibile dictū est quàm tenui convictu, & vires & valetudinem tueantur: nam ficu sicca, dactylis, pulricula, atque acido lacte convivium finiunt, tum verò epulantur, quum è venatione falconumque aucupijs, quibus maximè gaudent, prædam retulerint. Totius patrimonij eorum census est in equo pernici, quem seminudi egentissimique homines immenso parant pretio: nec mirum, quando vita & vigilia eorum omnis, si bellum desit, in latrocinij venationibusque consistat. Vxores adeo humiliter viris ancillantur, ut equos curent & insternant. Æstate pariter atque hyeme equites pellicea talari tunica utuntur, quod ea peregregiè sustineat ventos, & in magnis fervoribus soles non admittat, capiti linteum intortis à mento spiris nō indecens tegumentum, desilientes ab equis in clunes confidunt, parcuntque pedibus, ut vix exiguis spacijs obambulent. Plicatione verò assidua, contentioneque artium, itemque frictionibus calorem excitant. Hac exercitatione procul à morborum cruciatu, medicinæque periculo ad summam perveniunt senectam: adeo ut fatalem horam minimè præsentiant, & læti evanescente potius quàm intercepto spiritu, inter colloquia liberorum leniter expirent. Ex hac gente fuit Lentigesia Muleasis mater, virilis animi mulier, Doracis reguli soror, cuius ingenio virtuteque Maleasses adiutus & impulsus regnum arripuit. Nam Mahometes, qui multo luxu, & multa cum gloria triginta duobus annis

regnauerat, quum sibi vitæ finem adesse cerneret, Maimonem inter duos & viginti filios natu maximū legitimo iure regni hæredem scripturus esse videbatur, nisi Lentigesia corruptis pretio regis satellitibus, maritum in supremis vitæ angustiis fatigatum precibus, dolisque deceptum prævertisset, ut in filium regis nominis Fortuna transferretur. Itaque Maimo qui paulo ante affectati regni suspitione ob præclaram bellicæ virtutis indolem à patre in carcerem fuerat coniectus, eo expirante dum è custodia ad imperium se proripere sperat, iussu Muleasis interficitur. Roscetes natu secundus, qui extra arcem cum uxoribus habitabat, comprehendere non potuit: cæteri fratres grassante Muleasse in suum sanguinem, barbarico more partim iugulantur, parum caudenti ferro oculis admoto lumine privantur. In his fuere Barcha & Relethes atque Saetis statura ætate, & in spem imperii una matrum nobilitate procreati, qui quum Tunetum in ipsa Cæsaris victoria caperetur, ob eam calamitatem cum gravi probro atque invidia reducti Regis, apud nostros homines Punicæ sævitiae fidem fecerunt. Ex fuga quoque biduo post Laselies & Habramus, & cum his fratres quatuor vix dum puberes, in Bagrada amne tum fortè hiemalibus aquis latè inflato, trepidè vadum quærentes, Solax Numidarum dux interceptit, acceptoque pretio vir æquè venalis & sævus Muleasi ad supplicium tradidit. Porro cæteri omnium reliqui Roscetes & Abdemelech, dum supra Hadrumentum profugerent eodem penè casu, sed non iniqua sorte in Morhabitum inciderunt, à quo advoluti pedibus, & salutem suam regiaeque stirpis sanguinem commendantes, ita servati sunt, ut quum in Numida opulento generosi animi laus quæreretur, sævitiae tamen arbitrium Muleasi vendicaret. accepta enim est traditionis merces, & interim illi uti deceptis custodibus ad Benticsem amicum suum, ulteriorem Numidarum ducem opportunè emissi. Verum & apud hunc proditores passim grandi pecunia subornante Muleasse, alijs atque alijs petiti insidijs ad Biscarim urbem maximè mediterraneam recessere: ibi Abdemelech tædio tam ancipitis Fortunæ omni spe regni prorsus abdicata, sacratio in otio religionibus se devovit. Roscetes verò apud Abdalam urbis principem, & mox socerum adeo sollicitè atque accuratè ab omnibus Muleasis dolis est custoditus, ut etiam veneni metu, non alia temerè in convictu, quàm semesa ab se uxoreq; esculenta genero præberentur. Eo modo Muleasles paterno potitus regno, quum nemini ex regia sobole parcendum esse statueret, aliquot etiam pueros fratrum filios enecavit, paternosq; amicos Manisetem & Mesuarem in primis summæ authoritatis, quorū studio atq; ope Maimonem præoccuparat, varijs cruciatibus diu tortos & laceratos interfecit, quòd præclari beneficii gratiā exolvere nollet, atq; eos idem aliquando contra se tanquàm ingratum facile molituros arbitraretur. Deserxis & in aliquot novercas, impellente Lentigesia, atq; etiam cōcubinas patris nefaria crudelitate, quum ipse præposterus, & in mares proclivior in Mahometem patrem palam inveheretur tanquam mulierosum ac effœminatum, qui exhaulto ærario ingentes fecisset sumptus, ut ducentè simul ad libidinem feminæ regis in hortis alerentur, è quibus tot suscepisset liberos, qui in imperio æmuli forent, ob idque sibi in his occidendis pergrave & plenum invidiæ negotium reliquisset. & fuere qui existimarent patrem in supremo morbo, qui ex subita animi defectione ad spem vitæ sublevaretur, medicata potione a patricida filio fuisse necatum. Nec multo post Dorax, qui favente sorore delectus

erat Imperator adversus Mefchinem regulū Numidam peculiari nomine bellum suscepit: ab eo enim aliquot antè annis, vivo Mahomete, cuius gratia plurimū valebat, graves acceperat iniurias, et parte agri fuerat expulsus. Sed Mefchines præpotenti hosti facile celsit, uti imparatus & invalidus, scilicet ut coactis auxilijs ad propulsandā iniuriam dum hostis recederet, opportunè revertèretur. Ea contentio utrinque vario belli eventu sæpius agitata, ad extremum regem ipsum in id bellum traxit, è dignitatē sua existimantem, cepto semel bello non deesse, ac avunculi eiusdemque Imperatoris sui partes egregiè tueri, asfirmantē Lentigesia id totum Regio nomini ademptum videri, quod Dorax
10 segniter aut cunctanter adiutus amitteret. Itaque Muleasse in Doracis castra cum magno equitatu & Turcarum mercenarijs peditibus profecto res cum habuit eventum, ut Mefchines profligaretur, & rex ardentius ostentato erga avunculum studio suo iam planè maturas segetes incenderes. Ea inusitatae ac immanis iniurię acerbitas quum frangere Mefchinis animum nequaquam posset, adeo vehementer permovit, ut eo adeunte, & tota penè Africa concitante singulos Numidarum duces, ingens & maximè periculosum Muleassi bellum sit conflatum, Roscetesq; à Biscari in spem regni sit evocatus, non uno tantum, sed proximo quoque regulo Numida, equites, arma, opes insigni studio adversus Muleassem conferente, quum quisque nisi omnes in unum icto
20 fœdere consentirent, Mefchinis exemplo rebus suis timere cogèretur. Contulere cum Mefchine consilia, copias & opes, Vlethes Iacob, atque Morhabitus clarissimi Numidarum duces, Rosceteque à Biscari educto, & regijs insignibus adornato, castra facere non longè à Bechia urbe, quæ itinere unius diei à Tuneto distat. Ea adventantium hostium fama Muleassem quanquam suo pre ingenio pugnacem, sed tum solito timidiorē factum, & ex scelerum conscientia sibi diffidentē magnopere conterruit. verum is non minus astu quàm sævitia insignis adeo egregiè metum dissimulabat, ut compressis diligenti portarum custodia de Rosceterumoribus, festa hilaritate nuptias Amidæ filij celebraret, universoque populo solenne epulum præberet, & singulis tribubus
30 præter id novum munificentiaē genus, esculenta omnis generis congiarij nomine largiretur. Numidas verò propinquos, & Pœnorum optimates varijs artibus & donis sibi conciliarat. At ubi Roscetis adventus diutius occultari non potuit, vexilla, arma, tormenta ex arcē proferre per Doracem, Numidas quos poterat mercede conducere, ex Afris equites & pedites conscribere, obsecrare prædones Turcas, ut accepto stipendio pro se militarent. erat enim ea tempestate ad Tunetum tantus piratarum concursus, quum ibi cunctis huiusmodi generis hominibus tutissimus esset receptus, ut ea urbs Turcarum colonia videretur. Cum his antea Muleasses certo fœdere pepigerat, ut captivorum prædæque omnis pars quinta in fiscum referretur, magno quidem suo
40 quæstu, & Tunetanorum emolumento, adeo ut sibi nullum omnino ex tot urbibus vectigal atque portorium vel uberius vel certius esse censeretur: sed his proventus, uti ab hostibus humani generis iniuste atque impie quæsitus, non multo post Tunetanis, uti mox dicetur, dignam sæva atque avarissima gente peperit calamitatem. Quum Roscetes appropinquaret, qui superato Bagrada amne in profluentis ripa cum Vlethis filia epulante exercitu nuptias celebraret, Dorax ante portam urbis, quæ ad Bardeos desert hortos, in acie constitit, Muleasse degeneri animo arcis mœnibus se tenente. cum eo erant

Solax, & duo fratres reguli cognomine Benaones, cum septem serè milibus equitum Numidarum, magnaue Afrorum peditum multitudo, & in quo ab virtute, & disciplina, genereque armorū firmissimum erat præsidium Caradinus Turca, cum delecta cohorte sclopettariorum, & septem curulibustormentis; his accesserat ala prætoriana Christianorum equitum, qui ex reliquis veterum expeditionum in Africa remenserant, et ob virtutem in honore habitæ uxores duxerant, & nihil intereunte sobole & disciplina, extra meridianam portam in oppidulo Rebatto, à quo ipsi Rebatini dicti, templa, & domos, & familias habebant; quum Tunetani reges vetere instituto salutem suam externis & Christianis tutius quàm Mahometanis & Pœnis committendā existimarent. Prouolauit ante alios Meschines, proprius Doracis hostis, cum quatuor milibus equitum: hunc Morhabitus cum ampliore agmine continenter est subsecutus: Vlethes ipse postremam veluti subsidiariam progressis & pugnam ineuntibus cum Roscete aciem tenuit. Restitere aliquandiu regi, Dorace primos impetus fortiter sustinente, sed Morhabiti vim, non tulere Benaones & Solax; quum vndiq; perturbati, & cū multa cæde præcipientes ac in fugā verterentur: defuit spatium Caradino ad dirigenda tormenta, nā repentini hostes obliquo alarum flexu non in frontē, sed in transversos incurrerant, tantusq; eo tumultu excitatus erat puluis, vt in incertum tormenta emitterentur, nec planè dignosci posset, utrā in partem prælii Fortuna in eo maxime turbulento & confuso certamine victoriam inclinaret. Constat ab ea pulueris nube occupandæ portæ, & ingrediendæ vrbs facultatem Meschinianis fuisse receptam, quū rarecente sensim desidenteq; puluere, & patefacta regionū strage, et fuga Rebatini primo equites, & demum Caradinus densata cohorte, sed amissis tormentis ad portam serecepissent, atq; eam simul atq; urbem conglobato præsidio seruauissent. Roscetes cruentiore quàm pro more gentis potius victoria, sed vrbe exclusus, quum nemo ex Tunetanis se cōmoueret, nullusq; omnino vel à timore, vel à seditione, vti futurū putarat, in vrbe tumultus oriretur, ad proximam regionem quam Martiā vocant, deflexit: ea est circa magnæ Carthaginis ruinas omnium rerum copia & fertilitate, multisq; puteis & fontibus abundans, & pulcherrimis villis ac ædificiis frequens. Ibi circiter viginti moratus dies, quum frustra expectando urbanos motus nihil proficeret, vel populantibus cuncta Numidis in oculis Tunetanorum, vt grauiore tandem periculo damnoq; eorum animos aduersus Muleassem concitaret, totum id oliuetum immani crudelitate succendit, quod summa pariter amœnitate atq; vbertate conuestitis collibus à summa arce Carthaginis ad Tuneti vsque moenia protenditur. Ferunt nullum vnquam vel obsellæ, vel bellica clade afflictæ vrbi, eo acerbius ac luctuosius spectaculum extitisse: exurebatur enim continenti incendio suburbanus ager, miseras suas omni populo è muris magnis eiulatibus deplorante: Sed conturbatis ac incensis indignitate tam immanis iniuriæ ciuibz rex aderat, consolando ac adhortando, vt eam calamitatē equis finis animis ferrent; se enim ea detrimenta singulis præsentī pecunia liberaliter exoluturum, & daturū operam vt comparatis maioribus auxilijs, Meschinis, atq; Morhabiti & Vlethis prædia ad eorum prædam effusa populatione vastarentur. Nec multo post quū Tunetani supra præstitæ fidei sacramentum, & portas externo milite custoditas, efferatos iniuria animos à Roscetis studio penitus auertissent, Numidæ dilabi, quod eis post confectum prælium minimè probro

probroadatur, atq; Roscetem ut longè secederet, servaretq; se felicioribus consilijs monere cœperunt. At ipse quum alij atq; alij suspensum & nutantem in diversa distraherent, Numidarum perfidiam, & fraternas insidias timens, eò animum inclinavit, non improbane Vlethe socero, ut Algerium ad Barbarullam confugeret, scilicet ut illic ultiores spēs suas ad invadendum paternū regnum securius atq; nobilius agiteret. Eo modo apud Turcam iam tum latè subactis finitimis regulis dominantem, aspirantemq; ad imperium totius Africę, in cultu propè regio permansit usq; ad id tempus, quo Byzantium, uti diximus, est devectus. Is Punicarum rerum status erat, quum Hariadenus Pontia profectus perpetuo cursu ad Bisertam improvisus appulit classem. Bisertani & tædio Muleasis, & sua mobilitate impulsī, audito statim Roscetis nomine Turcas oppido recipiunt, præfectumq; repugnantē oppido expellunt. descenderant enim Hariadeni iussu aliquot Afri familiares comitesq; Roscetis, qui eum adesse, sed prodire non posse nunciabant, fatigatum scilicet nausea laessente atq; accedente febricula mentientes. Adiacet Biserta piscosi stagni faucibus, per quas subiectum mare statis suis æstibus irrumpit, & infusum aquæ dulcissimè exorbetur & emittitur, efficitq; portum lato alveo, vel magnis navibus cōmodum, ab Vtica triginta ferè passuum milibus distantem, ab antiquis à circumfluentē lacu, qui olim Tritonius fuit, Hippodiaritos appellata.

Collaudatis Bisertanis Hariadenus, utpotè qui cōsiliij sui summam in una maximè celeritate reponebat, classem celeriter eduxit, prætervectusq; Vticam & Carthaginis promontorium, eius turris atq; munitionis, quam Gulettam nostri vocant, in conspectum se dedit, ita ut eam displosis omnibus tormentis in lætitiæ atq; amicitiae signum de more salutaret. Gulettani custodes quū salutem redderent, amicè et graviter responderunt, se in eius potestate statim futuros, qui Tunetanæ urbis imperio potiretur, iam ab excelsa Tuneti arcē cōspecta classis, & à Biserta totisq; litoribus frequētes nuncij ingentē in urbē tumultum excitarent. Erat enim civitas erecta in expectationem novī regis cū ipsius Roscetis amore, quod mite & liberale ingenium præ se ferret, tum odio Muleasis, quē avare & crudeliter imperantem aliquot iam annos in luctuosa servitute pertulissent. Nec ipse adeo famæ suæ erat ignarus, ut alienatos ab se civium animos nequaquā intelligeret, nec præsentiret, quā parum spēi in populi studijs esset reponendum, quum principū civitatis ora atq; oculos intueretur. Erant enim Tunetani vel ob id ei vehemēter irati, quod uti Roscetis bello solenni pronunciatione fuerat pollicitus, nequaquā eorum inopiam liberalitate sublevasset, qui exustis atq; evastatis olivetis, & villis dum cōstanter ei staderent, miserabilem carissimarū rerum iacturam fecissent. Itaq; egressum arce, & in foro concionantē deseruerunt, quum ea præmia, si pro se arma caperent degeneri vultu polliceretur, quæ nec incolumis & victor præstare posset.

Monuere quoq; restitantem adhuc nonnulli, specie amicitiae, & in his Abdahar (Gerebat is tum magistratū, qui Mesuar appellatur) ut cederet Fortuna, extemploq; profugeret, & tum fortè de adventu Turcarum rumor increbuerat, quæ res per se pavidū, & ex meritō insidias undiq; timentē, destitutumq; à civibus in fugam concitavit, adeo turbata mentis ratione, ut in arce aurū & gemmas, et regia ornamenta relinqueret, occultata scilicet secretioribus latebris, ut his demum hostis potiretur. Primi omnium duo Hispani abrupta sacramenti fide a Muleasse ad Hariadenum defecerunt, Abezes ex Granata urbe, is erat in

magistratu qui dicitur Monifetes, & Fetuches Tarraconēsis, qui custodiē arcis erat præpositus. Hic Roscetis vxorem liberosq; eius, qui a Muleasse incustodia se tuabantur, statim eduxit, & regio cultu ornatos in solio Muleassis constituit. Mosesq; item, et Caradinus, & Agis prædones Turcæ detractis catenis exsolvuntur, vt cū aduentante rege, Hariadenoq; his dono oblatis, eximiū sibi gratiæ locum pararent. Abezes autem phaleratum insignem equū Hariadeno misit, quo in urbem adueheretur, itemq; alios trierarchis & ducibus distribuēdos, hortatusq; est vt maturaret: egregia etenim voluntate Tuncitanos, vt eū susciperent, sese obuiam ad apertis portis effusuros. Nec mora Hariadenus expolius in terram copios, conscensoq; equo cum quinque milibus Turcarum ad eā portam peruenit, quæ stagno atq; naualibus est coniuncta, ab ea ad aduersam vrbis partem, vbi amplissima & edita arx in tumultū exurgit, lata & oblonga regio pertinet, officinis rerum venaliū frequens, & mercatorum porticu conuentuq; percelebris. At Tuncitani quū Hariadenu per mediam urbem ad regiam cōtēdentem, magnis gratulationibus excepissent, & in perpetua Turcarū acclamatione nihil præter Solymani, aut ipsius Hariadeni nomen audiretur, cōmoueri vehementer perturbariq; cœpere, incensis scilicet dolore animis, quod Roscetes nusquam compareret, diu frustra oculis requisitus expectatusque, vt egerādem lectica aut nauigio ad urbem subueheretur. Auxere tumultum Rascensis familiares nequaquā sponse Byzantio aduecti, qui nullo metu contineri poterant, quin mœsti oblatis veteribus amicis summissē dicerent, Roscetem frustra expectari, qui Turcarū & Hariadeni fraude in Asia et in catenis quidem esset relictus. Ii etenim natura Punico nomini fauere cogeantur, magnoque cum dolore perfidię ignominiam animo sustinebant, quū speculatorū munera obire apud suæ nationis homines & ciues, seruireq; immanibus piratis metu mortis, & patriam prodere maximē turpe & flagitiosum putarent. Eo modo detecta fraude Tuncitani frementes ira circa forum conglobantur, conciliū ducem se præbet Mesuar, quem antea diximus, autoritate, spiritu, & eloquentia Pœnorum facillē princeps. Is dudum nobilioris gratiæ locum apud nouum regem quærens Muleassem repentinō Turcarum aduētū perturbatum, & ab amicis opem, fidem, fortemque operam implorantem, non modo contempserat, verū difficultates atque pericula verbis adaugendo, hostili plane animo egerat, vt ille vrbe atq; arce protinus excedere properaret. Tum vtriusque spe deceptus, vti erat mobili ardentiq; ingenio, reuocare Muleassem, & Turcas in arce obsidere atq; oppugnare statuebat. Itaq; ad populum ad arma consternatū ab altiore porticu conuersus, magna voce, Nefaria, inquit, fraude decepti sumus fortissimi ciues, Roscetes enim quem pro legitimo rege expectatis, in catenis Byzanti calamitatē suam luget, nos verō nisi pro libertate extemplo captis armis enitimur, externis prædonibus perpetuō seruiemus, expediti consilij & festinatae operæ occasionem præsens negotium vobis ostendit, proinde qui seruire & venūdari nolunt, correptis repente armis Turcas inuadant: dux ipse vobis adero, vt publico consilio fraudem vlcisci, & patriā & libertatem pro dignitate Punici nominis tueri videamur. Nec mora omnes ad arma conclamant, repentino impetu Turcas inuadunt, obuios ac nihil timentes obtruncant, attollitur vndique clamor, magno tumultu arma proferuntur, Muleasses reuocatur, qui cum Dorace ad Restabianos hortos substiterat, ciuium ingenijs diffidens, sed tamen retentante matre euentum expectans. Er-

rat Tunetanorum valde ingens, sed incondita nequaquā militaribus instru-
 cta armis, quæ vix sustineri posset, nisi vecordi impetu potius, & præcipiti te-
 meritate, quàm periti ducis imperio, & disciplina regeretur. Itaque concursu
 undique facto ad arcem contendunt, advolantq; ad id propugnaculum, quod
 ascensu facilius esse videbatur, portamque habebat pertinentem ad oppidum
 suburbanum, Babasvechum ab Tunetanis appellatum. In eo Turcæ vexillum
 præfixerant, ac inde fortiter ac intrepidè propugnabant: sed scandentibus A-
 fris atque omnis generis tela iaculantibus, ardentesq; faces concremandis so-
 ribus itidem ingerētibus ægrè sustinere, & sese in retractiorem munitioremq;
 locum recipere cœperant, quum Baetius Hispanus, quem abiurato religionis
 cultu Turcæ Ramadam vocabant, tormentum æneum in editiorem arcis spe-
 culam, expedito consilio, ingentique celeritate impulsus humeris militum at-
 que eductum, in confertissimos hostes emisit. eo ictu multorum strages edita,
 & multo maximus ceteris illatus est pavor, quum ab tota etiam muri corona à
 sagittariis peterentur, & quod maxime terrebat, sclopettorum glandibus ster-
 nerentur. Deerat Hariadeno temporis spatium, quo cōsiliū in re subitā op-
 portune caperet, & quid fieri uellet, militibus imperaret: nam & hostiū, quos
 pacatos putabat, repentinus incursus, & situs arcis nondum planè oculis col-
 lustratus, & cōmeatus, qui vix triduo sufficeret, ex penu atq; horreis renun-
 ciatus, etiam egregiè constanti, & in summis asperrimarū rerum periculis sepe
 verisato perturbationem afferebant. Sed hunc timorem cum singularis furen-
 tium potius quàm pugnantium hostium imperitia, tum suorum militum spectata
 virtus magna ex parte minuebant, quū & nō successu ipso, & protractione præ-
 lij, magis spe atq; animis confirmati propugnarent: illi verò quod primis ausi-
 bus fortuna defuisset, in periculoso atq; irritō conatu conspecta suorum strage
 & vulnere foeditate, iam planè concepto metu frangerentur. Verum Dorax
 cum ala equitum Numidarū, & ipse Muleasses reversi, provectiq; per Baba-
 svechum suburbanum usq; ad portam, vel nomine ipso & clamoribus oppu-
 gnationē iam bis intermissam atq; redintegratam adiuvabāt. In ea rerū asperi-
 tate Halis Levanus ē Malacha Baticę urbe, qui ad Mahometis sacra defecerat,
 vir belli peritus, utpote qui in Navarri & Piscarij castris in Italia aliquot annis
 militasset, cōversus ad Hariadenum: Eruptione, inquit, nobis est dimicandū,
 si arcem defendere, ac omnium salutem recentemq; nominis tui dignitatē tue-
 ri egregiè volumus. si cominus enim collato pede manus conserantur, non fe-
 rent nostrorum imperum, qui nunquam aciem verorum militum viderunt, i-
 nanisque audaciæ protinus pœnas dabunt, quum nec in servitute nequissimi
 regis pacem pati, nec in ipso quietis ac otij limine, authores acceptæ libertatis
 grato animo ferre voluerint. Quum Halis sententiam ferè omnes lauda-
 rent, & in primis Moses & Agis, viri fortes, quos custodia eductos fuisse dixi-
 mus, atq; item Haidinus Smyrneus, cui Cacciadiabolo cognomen fuit, inter
 piratas longè fortissimus, comprobante Hariadeno, et prælii signū dante, dua-
 bus portis erumpunt, circumventos ab diverso latere trucidant, insignis tribus
 in locis editur pugna, magna vis inermium Pœnorum interficitur, et ipse Me-
 suar glande traiectus cadit. Tum verò ab oppugnatione discedit unaqueq; tri-
 bus pulsa loco in suam regionem. Instante demū præmenteq; Turcam mitem in
 plateis & compitis cruento maximè prælio aliquot horis est decertatum. Ad
 extremum Tunetani superati, atq; intra domos compulsi, quum non pro res

ge, sed pro vxoribus & liberis certaretur, inde Halis recepit suos, cæde, astu
 liti & multo labore defatigatos. Ferunt ea die supra tria milia Tunetanorum
 disiderata, vulnerata vero ad triplum. In eo successu Muleasles desperatis
 rebus ingenti cursu se proripuit, comitante, protegenteque Doracis equitatu.
 nam persequentibus Turcis, quum in tumultuosissima fuga ægre sese inter
 hortorum macerías explicasset, parum abfuit quin in potestatem hostium de-
 ueniret. Dorax superato Bagrada animi in pacata loca suæ ditionis cum per-
 duxit; non longè à Constantina vrbe, aluitque eum liberaliter, & summa fide
 protexit, vsque ad Cæsaris aduentū. Constantina, vt literæ saxi ad mœnia in-
 cifæ manifestò indicant, Cyrtha Numidię regia olim fuit, distatq; à proximo
 maris litore vbi nunc tenue oppidum stationē habet nomine Collum, colona
 Cullu antiquitus appellatū. Ceterum ea nox, quę prælium & regis fugam loca-
 ra est, Tunetanis pariter et Turcis insomnis fuit. actæ nanq; summa cura vtri-
 quę vigilę, dispositis in muro pariter & ad arcis exitus armatorū cohortibus,
 sed dies pacem atq; otium vtriusq; attulit. Nam Pœni inter tot funera suorum
 & vulnera, vtpotè qui satis improspere virium suarum periculum secissent,
 cæso Mesuarè, pacem quàm bellum malebant, præsertim quum rex ipse pro
 cuius imperio ac dignitate certabatur, opibus atque animo fractus in solitudi-
 nes effugisset, et id quoque Hariadenus impetrare cupiebat, non ignarus eam
 quam habebat militum multitudinem, pertenui copia commeatus vix indue-
 re in arce posse sustentari, summeq; rei spem partamq; victoriā deuocare in aper-
 tum discrimen, si Tunetanorum animi desperatione veniæ, aut vindictæ ra-
 bie inducti, accitis vndique Numidis et Afris, ad obsidendam arcem vteretur.
 tur. Itaq; impetratis inducijs Hariadenus, solenni sacramento dat pacem & ac-
 cipit, alloquitur vrbis primores, ostendit eo consilio se venisse, vt ciuitatem se-
 uissima Muleaslis tyrannide liberaret, liberatamque quantis maxime posset
 beneficijs atque muneribus augeret simul ac ornaret: qua benignitate Tun-
 etanos sub longè maximi atque optimi principis tutela, breui sperandum foret
 diuites atque beatos ex egentissimis atq; miserrimis euasuros. Promde id
 vnum ab ipsis postulare, vt Solymano & sibi eius præfecto fidem seruent,
 in ea libertate conquiescant, quam multo suo labore & sumptu, Deorum-
 que præsertim immortalium beneficio potius, quàm ipsorum merito suscep-
 rint. Quòd si aliquando futurum esset, vt ipsius ac Turcarum imperij & ami-
 citiæ Tunetanos pœniteret, & Roscetem omnino desiderarent, se minime du-
 bitare, quin Solymanus regna vel Christianis dono dare solitus, si per legatos
 id peterent, eum in Africam concessò regno, & regalibus donis adauctum es-
 set transmissurus: sed etiam atque etiam cauere ne eo consilio exitialis belli
 potius quàm tranquillæ pacis materiam querere viderentur. Ad ea Abilchuri-
 nus, qui postea Mesuar est effectus, respondit, non debere eum Tunetanis suc-
 censere, si vti ob omni annalium memoria regibus antiqua stirpe editis assueti
 eo eiectò qui tyrannidem per decem annos exercuerit, alterum qui æquitatis
 atque iustitiæ fama floreret, sibi regem exoptarint, præsertim quum is ab ipso
 classe aduectus & penè dono datus esse crederetur. Non mirum idcirco fuisse si
 in contumeliæ nomen commutata beneficij fama, ipsi vti fraude, aut certè o-
 pinione decepti, adeo insanire sint visi, vt vinci armis quàm dolo subigi ma-
 iuerint, quando ipsis atq; Muleasli multo satius fuisset occlusisse vrbis portas,
 quum externa classis Africæ litoribus appulisset, quàm incertis omnino rumo-
 ribus

ribus incautè credidisse. Proinde Tunetanos tanquam Fortunæ iudicio in deditionem acceptos, optimo iure paratos esse iurare in verba Solymani, atq; eo quidem æquiore animo, quod pro egenti & in suis miserijs iniqua sorte iactato, longè amplissimum & foelicissimum terrarum orbis regem nequaquam voto, sed præter spem arridente Fortunâ, quod Punico nomini bene verteret, essent consecuti. Compositis Tunetanis rebus, & creatis magistratibus Hariadenus antè omnia operam dedit, ut Numidarum principes sibi foedere ac benivolentia iungerentur. quod ubi largitione atq; muneribus apud homines egenos, & ad ineundam dissoluendamq; amicitiam ab venali ingenio procliuves, celeriter est consecutus, Asariagam eunuchum genere Sardum, cui maxime fidebat, atq; item Halim Leuanum, cum Ianizeris & tormentis aliquot curulibus ad recipiendas Africæ vrbes misit. Paucisq; diebus nullo labore aperientibus cunctis portas, mediterraneæ pariter atq; maritimæ vrbes deditionem fecere: vna omnium vrbs Caruenna, quum se vetusta sacrorum religione, & sacerdotum domicilio immunem ac liberam existimaret, aliquandiu restitit, sed victa excidij metu Turcarum armis facile cedens præsidium accepit. Inde Hariadenus regiam nouis ædificijs exornare simul atq; munire orsus, septum in Cauedio, in quo Turcarum more pro tribunali ius diceret, instituit, conatusque est multis seruilibus operis aperire nouas fauces, ac immittere per eas id mare, quod à promontorio Carthaginis lunato flexu ad stagni munitiones extenditur. In eo litore geminae sunt turres ab aquæ salisque nomine à nostris appellatae, ubi olim ille insignis Carthaginensium portus viscebatur. Id opus earatione Hariadenus efficere contendebat, ut tuto, peramploq; & maxime expedito portu vteretur. nam vadose admodum erant angustiae, quibus Guletanæ turris ab ortu aduersæ continenti ligneo ponte committitur, ita ut triremes agrè humeris seruorum, & tractorijs machinis in stagnum impellantur & educantur. Ad his faucibus Pœni leuibus tantum nauiculis, propter humilia vada, ad urbem Tunetum adnauigant, videturque id stagnum centum ferè stadiorum diametro in orbem veluti circino circumductum, & id multo cœno multa; vligine passim vadosum. Cæterum id opus Aquilones facile disturbarunt, inuecta scilicet aggestaque continuis æstibus ac fluctibus arena: adeo, ut quum priscarum molium fundamenta reperissent, Hariadenus, ne veteris portus quanquam parum commodi iactura fieret, suadentibus piratis incœpto abfisteret, quum stagnum exiguo tempore expleri penitus atq; obstrui posse videretur. His rebus quæ in Africa gesta sunt explicatis. ad Persas (vbi promissimus) ex ordine temporum reuertemur. Sophus Hysmael, qui apud Persas ab admirabili rerum gestarum foelicitate Magni cognomen promeruit, quum immaturo prorsus nondum quatuor & quadraginta natus annos fato concessisset, quatuor reliquit filios, ex vnica legitimaque vxore susceptos. Eorum natus maximus totius imperij hæres extitit, nomine Tammas, ea condicione ut reliquis fratribus regnorum præfecturas impartiretur. Hi fuerunt Helcas, Becramus, & Somirza, qui sortiti eas inter se, uti ex testamento patris adscribebatur, in prouincias suas concesserunt. Assyria, vrbsque ipsa Bagadat, quæ Babylon Semiramis fuit, Helcas cum Mesopotamia cecit, Becramo Media, Hiberis, & Albanis, Caspioq; mari finitima. Somirzæ Parthia obuēnit, vicina Hircanis: qui Coraxeni hodie sunt, & ad Zagataios pertinent, qui fuere antiquitus Arj, Aracosj, & Margiani. Hi sunt Sogdianæ, Bactrianæq; regionum

populi. Ipse Armenia, Perside, & prouincijs Oceano Indico proximis contentus, idem quod pater Hysmael odium aduersus Ottomannos induerat, & tum ægerrimè ferebat Selymum, qui penetrasset in Armeniam, & Calderanis in campis iusta acie victor apparuisset, quanquam non omnino multum, Persarum inuictam antea vim, sagittasque ipsas, & acinaces euasisse. Persico siquidem imperio subiectæ gentes, quæ hodie vno nomine Agiamij vocantur, vsque adeo turgentibus dolore animis eius Selymianæ irruptionis detrimenta sustinebant, vt aduersæ eius pugnae memoriam renouato bello, rediuiuaque virtute abolendam esse decernerent, quò antiquum Arfacidarum decus illustre semper antea, vno eo accepto incommodo obrutum plane quæ obscuratum arbitrarentur. Is animorum habitus apud Persas viros militares facile iuuenem regem, & per se paternos gerentem spiritus, magnopere excitabant, vt Solymanum sibi hostem destinaret, optaretque nobilissimum bellum, quò ipsius virtus vindicatis paternis iniurijs enitescere posset. Sed Tammalum nonum iam regnantem annū nulla alia exercuerant arma, quam Hircanorum, Zagataiarumque gentium quas diximus: nam penes hos ex procella diuersæ factionis, & vt inter finitimos, bellicososque facile accidit, apud quos armorum causæ nunquam defunt, semina simultatum relicta ab Hysmaele adhuc vigeant, vel hoc vno cognomento, quò hæ gentes Cacepas à viridicæ pitum integumento vocarentur, sicuti Persæ ab initio ciuilis discordiæ, propter nouæ superstitionis causam, Cuselbasæ, hoc est rubra capita, appellari consueverant. Verum his bellis ex multa fatigatione virium vtrinque enata inducia finem attulerant, sic vt pacis compos Tammalus regnorum suorum tranquillitate frueretur, nec tamen à finibus vsquā Persæ, Gordique præsertim pupuli, latrocinij abstinerent, & aliquando insolentius prouecti superato Euphrate in Mesopotamia in Comagenem irrumperent, vt antea Sulthanorum temporibus audere consueuissent. Gordos eos esse arbitror, qui vetus nomen adhuc retinent, & Gordianam regionem Ptolemæo notam incolunt, commune omnium opinione latrocinij infames, quò prædabundi ex notis impeditisque regionibus commeantibus illac mercatoribus crudeliter insidiantur. Ceterum Selymi præsides, qui Syriacis rebus præerant, sæpius sibi inferri iniurias frustra questu, quam & ipsi tanquam violatis ab hoste inducijs arma expedirent, transeunti que nonnunquam Euphratem circa Byrtham incursiones in Mesopotamiam repentinas facerent, sensim præludentes graui inchoando bello initia præbebant. Quibus rebus nunciatis Solymanus vehementer excitabatur, viriumque suarum conscius, & paternæ foelicitatis memor, elato animo Persicum agitabat bellum, indignabaturque se à Christianis regnis quibus inhæret, importunè reuocari, quando Christiana arma laceissent, fortiterque audēti nunquam Fortuna defuisset. Pari nanque odio in nostros, & Persas infensus, vtrobiq; religionis causas expendebat. nam sicuti Christianos continentibus armis persequi maximè pium rebatur, ita si Hysmaelis progeniem, quæ nouæ sectæ, peruersæque opinionis circa sacras leges auctoritatem tueretur, excindere atque delere honestissimū iudicabat. Eum itaque pari studio diuersissima bella meditantem Habraymus, qui incomporabili adeoque summa pollebat gratia inter purpuratos principes, frequentibus alloquijs impellebat, vt in Orientem arma conuerteret. Sed quoniam præpotentis, & iniusto immensæ gratiæ sub pondere perituri hominis fœdū exitum posteris tradere iuuat, Habraymi

condiciones & mores paucioribus quàm potero verbis attingam. Is ignobili pago supra Pargam vicum Buthrociæ regionis in Epiro natus, more Turcarum præsidum Christiani nominis puerorum delectus habentium adductus, Scanderballæ à prima pueritia seruiuit. Hic ille est qui truculenta irruptione superatis Natisone, Lipientia, Soncioque, & Tiliauento altissimis fluminibus, per Euganeos fines in conspectum usque Venetiarum excurrit; tum fortè quum Venetus Senatus indignante Baiazete cum Gallis ad excidium Sfortiani imperij coniurasset. Apud hunc Scanderballam Habrymus Mahometanis initiatus sacris, stupenda celeritate, uti erat arguto ingenio, Arabicè legere, scribereq; & cithara scitissime personare didicit: et quod ad muliebres illecebras pertinebat, ingenio mirus, facetissimoq; sermone periocundus, ita in gynæceo gratiam famamque promeruit, ut productus ab vxore ad virum Scanderballam, viri militaris naturaque seueri animum, in omni munere tenerioris officij peracutus & dicax, semperque elegans oblectaret; ideoq; Solymano Selymi imperatoris filio tanquam festiuissimi moris seruus dono mitteretur, viuo adhuc Baiazete auo, atque eo etiam iocundas garruli pueri præcoces delicias admittente, sic ut cum Solymano ætate sibi æquali educaretur, & ad heri-
genium cunctis numeris elegantia responderet. Per hunc modum vnicè ad-
matus adoleuit, tantisq; arridentis Fortunæ suffragijs usus, usq; adeo enituit,
ut cum cunctos aulae gratia præteruectum inter purpuratos legeret, eique de-
functi Scanderballæ filiam opulentissimæ hæreditatis in matrimonio colloca-
ret, Memphiticaque demum præfectura ornaret atq; ditaret. Exinde Habray-
mus Hungarico bello totius Europei equitatus magister Balerbeci nomen
obtinuit, & singulari prudentia virtuteque militiæ munia implens, Veturis
inter purpuratos dignitatem, quam nulla maior dari potest, adeptus est, quum
Solymanus honoribus adaucto, ei quoque regij scrini sigillum tribuisset, &
nō modò consilij arcani particeps esset, sed voluptatum horarumq; omniū co-
mes aulam circumageret, & toto summæ authoritatis honore potiretur, ac in
immesum crescentis potentia nomine à cunctis aulae ordinibus usque adeo
30 eminentur coleretur, ut nemo iam esset qui ei parendum esse non duceret, post
quam eum tanquam consortem imperij vel graui cum inuidia domi & foris
amplissimi quique suspicerent. Hac itaque præclara gratia dignitateque vali-
dus, quam ei peregregia virtutis animi, & cunctarum aulae artium officia pa-
ratis semper in omnes obsequijs adstruxerant, Solymanum secretis alloquijs
hortabatur, ut postquam Pannonia esset potitus victoriæ suæ modum impo-
neret, quando Germani & gentes, quæ omnibus sæculis armorum gloria flo-
ruissent, minimè laceffendæ viderentur. Germanos siquidè amplitudine op-
um & virium, bellicæq; virtutis fama præpotentes, sicuti lingua & moribus ab
Hungaris differunt, ita perpetuis etiam odijs disiungi, ut non magnopere cu-
40 rent de possessione Pannoniæ, satisq; pro dignitate sui nominis esse statuant, si
Noricus ager, qui ipsorum gentis est, communibus Germaniæ armis defendatur.
Carolus verò Cæsarem cuius longè maxima sit apud Europæos omnes au-
thoritas, minimè sibi armis laceffendum videri; quum è suis regnis pugnacissi-
marum gentium copias conscribere atque educere queat: quandoquidem ade
dictum Romani Pontificis honestissimo nomine, si sacrum (ut aiunt) bellum
suscipiatur, immensa propè pecunia à pijs hominibus ultro contributa parari
soleat. Quæ robora autè peditū atq; equitū pro salute publica, vel tantū ab ipsis

duobus germanis fratribus cogi, produciq; in aciem possint, tum manifestè deprehendi potuisse, quum Viennam à nobis summis conatibus oppugnata fortissimè defenderint: neq; postea Carolus ipse, nuper amplissimis atq; lectissimis auctus copijs, vti apparuit & Christiani omnes impensè iactant, vniuersi certaminis alea reformidarit. Sed quanquam illū præclarè inuictum, si se ad pugnae casum obtulisset, à te tanto imperatore, tantisq; instructo copijs, quod est etiā tuq; nō dubiæ felicitatis superari potuisse existimē, non diffitebor tamē de his gentibus suo more vndiq; ferro permunitis victoriā nisi multo nostro rū sanguine parari posse. Hęc vti reor, nō ineptē te admonere possunt, vt Christianos intestinis mutuisq; bellis implicitos confici sinas: nā attritis vsqueque eorum viribus, paulo post nullo nostro periculo certam in prædā nobis cedent, sic vt Parthicum bellum Germanico anteferendum omnino iudicem, ob idq; præsertim quod satis superq; ad occidentem imperij fines protuleras, quos vsq; adeo id remotas regiones extendisti, vt iam graue sit tueri parta, atq; tutelæ tēdio, & nobili quodam contemptu, quæ est generosi animi tui immensa liberalitas, alienigenis & semihostibus donanda censueris. Quanto itaque magnificētius fuerit, si summū gloriæ decus affectes, tuis coniuncta finibus, ideoq; facile imperio tuo adiicienda, iustis armis petiuisse, scilicet vt inuic abominataq; stirpis Hyasmaelitas, auito paternoq; exemplo persequendos armis, atq; Asia exturbandos censeas. Erit enim Ottomanniico nomini maxime decorum, si religionis causam, vti soles, egregia pietate respicias, & ad famam quoque incomparabile facinus, si detestandæ superstitionis authores ex Asia te vindice conuellantur. Sed quænam vlla inferendi belli causa iustior atq; nobilior videri potest, quàm ea qua te prophetæ Mahometis diuina dogmata iuersus impios defensurum proficere: atque obiter maiorum tuorum perpetuos hostes, quod supremum Selymi patris votum fuit, vlciscendos atque delendos decernas? An hos feres qui insolenter imperitent, & quemque finitimum suum hostem, suamque esse prædā existimant, & te quoque tuis contentum finibus occupatum in Europa & Asia planè quiescentem, furtiuis irruptionibus prædabundi prouocare atq; irritare audeant? Nimirum qui Vssumcalianis proauī immani latrocino, legitimorum nobilissimorumq; antiqui sanguinis regum in sedem irrepserint, & rapto etiam nunc viuant. Crede mihi imperator, si hanc totius Asiæ labem pestemque, tua insigni pietate virtutēque tollendam esse constitutas, erigetur tibi proculdubio media in Perside trophæum incomparabilis dignitatis & amplitudinis, quod Selymi gloriam et triumphum vel æquet, vel superet. Mea namque sententia aliquanto nobilior erit atque celebrior. Non enim tantundem est Mamuluchos conditione seruos, & Sultanos agrestis superbiæ Syriæ atque Aegypti regnatores iustis armis deluisse, quàm subegisse Persas fama rerum priscis sæculis bello gestarum gloria inclytos, qui Alexandro Macedoni toties victi atque perdomiti Magni cognomentum attulerint. His frequentibus alloquijs in otio pariter atque negotio excitatus Solymanus, vehementer impellebatur, vt ab Europa in Asiam vertenda arma decerneret, ob idque Habraymus in arcano voti compos magno opere lætaretur. Is namq; iusti & æqui natura tenax, quum vel Arabicis imbutus literis nunquam ex intimis animi sensibus à Christiana professione discessisset, tactus non dubia religione deo Christo vota faciebat, ipsam Mahometis disciplinam vsque ad affectationem palam ostentans, scilicet vt impotens tyrann

tyrannus tantis subnixus opibus, à Christianorum principum odio commutata voluntate in Persas verteretur. Quod præclarè agnosci poterat ex perpetuo atque mirifico in mercatores Christianos patrocinio favoreque, quo multa lucra atque emolumenta ex victigalibus, vel inuitis & indignantibus Turcis parabantur. Propterea compositè egerat cum Solymano, vt concessis decem annorum inducijs Christiani nominis principes omni suspitione Turcici belli, si Corone esset reddita, liberaret. Id maximè cupiebat Clemens, atque in eam rem sedulo satagebat: vt pote qui postquam pacem in Italia peperisset, sibi etiam ad laudem longè honestissimum fore existimaret, si verè diuturnæque tranquillitatis otium cunctis Europæ gentibus, ipsiq; in primis Italiæ largiretur. His autem impetrandis inducijs studium suum & diligentiā intenderat Aloysius Grittus, Andreæ Veneti principis filius, ipsi Habraymo ex quotidiana consuetudine intimus, atque inde sensim Solymano mirifice commendatus. Hinc Clemens grauib; promissis ac adhortationibus accenderat per Aloysium Gerardum Florentinum, Byzanti inter mercatores quies ius dicentem, vt inducias impetrare niteretur. Promittebat autem Pontifex se Antonio ipsius Gritti filio, qui beneficio Ioannis Pannoniæ regis, Strigoniensis antistes esset designatus, id opulentum sacerdotium liberali diplomate collaturum. Sed Cæsar eam de inducijs occasionem, peculiaris spe commodi præteruectus est, quum ex autoritate Ferdinandi fratris Coronæ redditurus esse videretur, vt illinc non ignobilis doni merito Pannoniæ atq; Austriæ pacem pararet. Res ita cecidit vt priusquam hæc Byzanti à Ferdinando offerri & transigi possent, Hispani præsidarij, ducis Macicai clade exterriti, Coronæ excedere cogerentur. Quo casu nihil incommodius accidere potuisse Clemens differebat, ita vt quæ postea insequutæ sunt à barbaris terra mariq; clades, obuenturas esse mihi hæc scribenti prænunciaret. Obtulerat prius Cæsar Coronam Christianis principibus, sed neq; Pontifex, neq; Venetus senatus, neq; Melitæ insulæ magister, qui eam in insulam Cruciferos equites Rhodopulso transtulisset, neque ipse Franciscus rex præsidio tuendam, sumptu periculoque deterriti, suscipere voluerat. Cæterum Habraymus Mulearabem Damascenum sacrarum literarum, abditissimarumq; arrium, & magicæ etiam diuinationis opinione Byzanti clarum, in Solymani amicitia insinuarat, vt per eum tãquam vatem speratæ victoriæ Solymanus magis & magis accenderetur, frustra eum contrarijs obtestationibus dehortante matre, quæ bella Orientis infausa Ottomannis esse prædicabat, quando quidè Persæ suo more refugientes, absumptas incendijs regiones frustra pugnam poscentibus relinquere, atq; hostem acie congregi paratum intentissima fuga eludere consueissent, vt Turcæ qui manu superari nequeant, difficultate rerum omnium, atq; inedia, sicuti Selymo patri vel acie victori penè acciderit, conficiantur. Maternis quoq; consilijs Roxolania vxor teneriores preces addiderat. Ambæ siquidem multis nominibus Habraymi potentiam perosæ, vel ob id quod imperatorem longius abducendo, ab ipsarum complexibus diuellere contenderet, eum sæpius Pseudoturcam, & ex animo Christianum per contumeliam appellebant. Sed hæc muliebria impedimenta facile reiciebat Solymanus, non obscura cupiditate maximi triumphî incensus, & præ insita magnis regibus vanitate in appetenda gloria vaticinatione Mulearabis facilè inflatus, qua in re persuadenda mirus & efficax magister extiterat Vlamanes Persa, qui à Tammafo ad dicen-

dam causam citatus, quod eius milites apud Taurisium auarè seditio seque-
 gissent, metu poenæ ad Solymanum paucis ante annis transfugisset. Hunc enim
 uirtute bellica illustrem, atq; inimicorum æmulatione et inuidia circumuen-
 tum, Habraymus fouendum, attollendumq; suscepit, sicut Vlamane Per-
 sico bello se fortem fidelemque operam præstiturum profiteretur. Itaq; Solymanus bona spe perpetuæ felicitatis confirmato animo Habraymi consilia
 complectitur, utrumq; militiæ magistrum admonet, ut Sanguachos excitis at-
 que instructis omnibus ipsorum copiis ad signa vocent, Europæiq; omnes in
 Asiam trājiciant, & ad Niceam inter se coniungantur. Lustibeyum autem cum
 parte copiarum in Peloponneso Coronem obsidere iubet, & ab se Aloyum¹⁰
 Gritum in Pannoniam dimittit, ut ibi in procuratione regni loannirigi ad-
 sistat, detq; operam ut rex in officio permaneat, Hungariq; procures in hunc
 contineantur, & quantum fieri possit in Germaniæ sinibus pacem tueatur. Ipse
 ex suæ superstitionis consuetudine votis pro victoria nuncupatis, in templo ri-
 tē se ipsum lustrat, & Vlamane Persa itineris duce usus in Lycaoniam ad Ico-
 nium, quod hodie nomen retinet, progreditur. Non enim eo quo iterat Solymanus pater, in Persas eundum censebat, quum ille sinistrorsum per Ancram
 Sebastam, & Amasiam, per Trapezuntios fines, superato ad Ariengam Eu-
 phrate in Armeniam penetrarit; quoniam id iter multo longius & alio-
 putabatur, quam id quod ab Iconio per Cæsaream ad Malathiam, ubi Euphratis per Antitauri valles erumpentis celebris est traiectus, quam urbem anti-
 quitus Amalthā fuisse, ut ex dimensione Ptolemæi constat, coniicimus. Hinc
 Mesopotamiæ Persarum ditionis fines sese aperiunt, quos Solymanus sine ma-
 leficio præteruectus, pabulo, & venale commearu, qui paslim ab infirmis in ro-
 lis præbebatur, contentus, quartis & quinquagesimis castris, ex quo & Nicea
 Bythiniae discesserat Coim peruenit (quod oppidum in Armenia maiore in
 ruinis Artaxatæ clarissimæ quondam urbis conditum fuisse alibi diximus)
 tanta Turcarum admiratione, quod nulla paulo validior Persarum manus oc-
 curisset, ut Solymanus veritus insidias subsistere, castraque munire cogere-
 tur, quum nondum fidelibus nuncijs vbinam Tammās esset, & quidq; arat¹¹
 pro certo didicisset. Sed Vlamane cum Alcanzarum equitatu præcedente, &
 ex notitia locorum diligentius consilia hostium explorante, reperiebat eam
 esse Tammās mentem, ut nullo in loco diu consistere, verum vrbes deserere,
 & sese in montes subducere cogitaret, nulloq; modo iusta acie confilgendum
 arbitraretur, ratus expectanda Hiberorum & Albanorum auxilia, qui læuis ar-
 maturæ operam præstare, & cataphractos Persas antecedere consueissent, ut ex
 occasione Turcas tanti itineris cursu fatigatos, & com meatibus indigentes, ac
 uti accidit, sub alieno cœlo aduersa valetudine tentatos adoriretur. His re-
 bus exploratis Solymanus castra mouit, rectā profectus in eam regionem
 in qua Tammās copias cogere ferebatur, & quum eum deserta vrbe regia¹²
 Taurisio vltiorem montibus suppositam regionem petiuisse perspiceret, ita
 Taurisium nudatū moenibus intrauit, ut continuo ostentatis tantum copiis,
 nihilque vexatis incolis egrederetur, & ad urbem Sultaniā non multum in-
 de distantem contenderet. Diximus alibi Sultaniā Persarum olim regiam,
 quæ adhuc vetustæ suæ dignitatis templorum ornamenta retinet, à Tamerla-
 ne Scytharum duce clarissimo fuisse deuastatam. quum ad eam urbem per mul-
 tos dies regionis vbertate fretus, Solymanus statiuā haberet castra, expecta-
 bundus

bundus ut Tammās à montibus descenderet, atque in aciem prodiret, ut dire-
 pte provinciae iniurias vindicaret, & nominis sui famam nihil reformidato
 hoste tueretur. Eam regionem, quam Solymanus non procul ab urbe Sulta-
 nia amplissimis occupabat castris, altissimi præcingunt montes, quorum iuga
 perpetuis obfessa nivibus è longinquo etiam spectantur. Hi montes antiqui-
 tus fuere Nyphates, Caspius, Coathras & Zagrus, orti proculdubio ab ipso
 patre montium Caucaſo, coniuncti inter se longa & diversa serie latissimas di-
 rimunt provincias, & ad ortum Solis per Zagataios ita diffunduntur per-
 petua quadam cathena protracti, ut ad Indicum usq; Oceanum, Malibarræq;
 regionis prominentem plagam se extendant. Hæc in Cumerum extremum In-
 diæ promontorium, non secus ac Italiam Apenninus dissecat, contra Zeilam
 insulam, florentissimum Indiciſ divitijs emporium desinit. Cum in ea loca
 campis utiq; ad edendam nobilem pugnam aptissimis, Tammās descensurus
 putaretur (is namq; in Coraxenos penitus absceſſerat) turbidior & sævior tem-
 pestas, quàm unquam antea per id anni tempus Persæ meminissent, ex illis
 montibus descendit, usq; adeo inusitata, quod esset paulo ante æquinoctium
 æstivum, ut plenissimis imbribus, atque his concreta ex nivibus glaciæ repen-
 sina hyems invecſta videretur. Nam certantium inter se ventorum ea fuit ra-
 bies, ut transversis flatibus nivosa montium culmina verterentur, præaltaque
 nix subiectis campis incideret: qua horribili procella Turcarum castra everſis
 tabernaculis sternerentur, iumentaq; & ante alia magnus camelorum nume-
 rus interiret, & ingens lixarum, & ægrorum militū multitudo oppressa pro-
 cinus extingueretur: non parvo etiam ipsius imperatoris periculo, quum circa
 eum pleraq; tentoria, eadē procella disſiciente cōcidissent. Cuius mali remedia
 intempestæ noctis tenebræ, & extincti paſſim ignes, ita præpediebāt, ut Tur-
 cæ eo averſiſſimo omine magnopere terrentur, donec orta luce Sol utique
 præclarus salutaribus radijs multos prope rigētes & attonitos reſovit, & quod
 ad reliquam vitæ securitatem opportune pertinebat, campos hoste vacuos de-
 cexit. Nam supra totum usque adeo tantæ procellæ detrimentum improvſi
 hostis adventus & incursus maxime timebatur: nec deerant qui affirmarent,
 eum intempestivæ vehementissimæque procellæ turbinem à Persarum ho-
 stium magis diro carmine, & notis genti cantaminibus cælo evocatā ad Tur-
 carum exitium. Quo gravi incommodo, & quod maxime efficax videri pote-
 rat, non levi ostento permotus Solymanus, recreato tantisper exercitu, & col-
 lectis vasis castra sinistrorsum movit, capto itinere in Assyriam, multis de cau-
 sis suadente Vlamane, qui Solymano non dubiam spem occupandæ Ba-
 byloniæ iniecerat. Eam urbem cum totius provinciæ præfecturæ tribuerat
 Tammās post Becrami fratris mortem, Mahometi satrapæ, cui Cani cogno-
 men fuit. Hunc Vlamaneſ vetustæ amicitiae nomine sæpius antea sollicitarat,
 magnis oblatiſ muneribus, ut ad Solymanum deficeret. Id enim si faceret, ip-
 sum pro annui, & circumscripti honoris præfectura perpetui atque opulenti
 dominatus satrapiam esse consequuturum à Solymano, qui neq; rationem
 à præfectis exigere, neque eos vel mediocriter ditatos expilare consueſſet. con-
 traria ratione ac Persarum reges, qui nobilissimis provincialibus perpetua
 non obſcuræ ſeveritatis officia tenuiſſimo ſtipendiū munere obiecto impone-
 reſſent ſoliti. Sed Mahometes his Vlamaneſ muneribus atque promiſſis in-
 corruptus, nunquam adduci potuit, ut ſidem falleret: ſic ut Vlamaneſ homi-

nem obstinatum ad motis armis terrendum, & ad defectionem cogendum arbitratetur: quoniam eum nequaquam firmis militum praesidijs munitum esse didicerat: propterea quod paulo ante ad primos rumores trañcientis in Asiam Solymani magnam partem sui equitatus, & defloratis quidem omnibus reliquis alis, ad regem id postulantem misisset: neq; eum egregia Babyloniorum voluntate uti constaret, propterea quod nonnullos cives, quorum nomina non omnino certis criminum indicijs delata fuerant, severius in quaestionibus distortos, praecipitiq; demum iudicio damnatos, ut bona in fiscum redigeret, ultimis affecisset supplicijs. Ob eas res Vlamanes maiore animi fiducia Solymano confirmabat, si recta Babyloniam ire pergeret, inexpectato improvisoque adventu Mahometem facile oppressurum, cessuramq; sibi Babyloniam nullo obistente externo milite, & a Babylonijs alienatis iam pridem animo nullum more spatium facturis, quin venientem ad apertis portis exciperent. Non defuit Fortuna Vlamani, singula ut accidit probe divinanti: nam quum magnis antecedens itineribus per compendia viarum raptato Alcanzarum equitatu, nihil eum morantibus fluvijs, ubi non procul à Babylone abesse renuntiaretur, Mahometes qui nunquam ad se venturos Turcas putarat, ebur omnibus imparatus atque deprehensus animum despondit, & se per Mesopotamiam ad Bethlim desertam urbem regia profugit, tanto Fortunae arridentis successu, ut Solymanus non multo post à Babylonijs avidissime propter odium in Mahometem susciperetur. Ea in urbe clarissima Caliphæ sacrarum principis sedes est, qui à cunctis Mahometani nominis regibus excolitur, veteremque obtinet praerogativam adoptandi, & ex certa coemptionis cerimonia confirmandi Assyriae regis: sicuti Sultanos etiam Memphiticos recenti adhuc memoria à Saracone Comanorum ducere repetita, qui Aegyptijs ante trecentos annos principatum eripuit, ut ibi Mamalucorum servorum imperium conderet. Ab hoc Calipha Solymanus veteris superstitionis instituta sequutus insignia atq; ornamenta suscepit: multaq; largitione propitiatis sibi Babyloniorum primoribus, & populis item liberali congiario delinitis, ea in urbe antiquissima propter Semiramis, pensiliumq; eius hortorum memoriam hyemare constituit. Amplissima namq; est omnium urbium cogniti orbis, si priscæ structurae magni ambitus rectis dimensionibus aestimetur: nam urbis Romæ magnitudinem exuperat. Sed in tanta vastitate videre est præter cultissima rura, & innumerales hortos ædificijs coniunctos: atq; item per amœna viridaria pomiferis, et odoratis cõsita arboribus, visuntur etiam latissima arva, quæ ad segetem aratris proscinduntur, nec in ea sylvæ nemoraq; defunt, captivis & inclusis feris dicata, ut ad voluptatem præfectorum atq; primatum iocunda atq; expedita venatio suppeditetur. Mediam urbem interfluit Euphrates, lapideo sumptuosi operis ponte iunctus. Is à confluyente Tigri amne ita suis atq; alienis crecitur undis, ut maioribus etiam navigijs usq; ad Oceanum Persicum tutissime pernavigetur: nam apud Balzaram emporium, quod est in insula Teredonis nomine antiquitus vocata, quam bicornis amnis efficit, mercimonia et cõmeatus omnis generis excipiuntur, quotidianaq; navigatione ad Ormucium freti Persici urbem & insulam devehuntur. Vtramq; autem ripam profluentis, frugiferis arboribus atq; vinetis esse cõsita constat, castigato nõ secus alveo, ac Rhenum per Germaniam descendens miro passim cultissimorum litorum ornatu conspiciamus. Babylonij in universum quanquã Syris & Arabibus sanguine per-

mixti eundem ferè colorem, staturæque habitum, & civilium morum consuetudinem, ac nostri homines præferunt, quòd eodem quo nos fruuntur cœlo, & sese excolant literis, & à reliquis barbaris captu ingenij, atque humanitate plurimum distent, mercaturam solertissimè exercent, varijs præsertim sericæ telæ textrinis. Verùm nobilitas equestris militiæ studio tenetur, sagittisq; maximè gaudet. Ac fuit aliquando tempus, quo è Babylonia accepta ab Indis aromata Asiæ mercatoribus divenderentur, quæ ætate nostra per Arabicum sinum Alexandriam devehì videmus: quanquam multò maxima pars Lusitanis classibus ab India per incognitum paulò antea Oceanum Æthiopici litoris in occidentem deferatur. Cæterùm quæ ab antiquis scriptoribus de Babylonijs pensilibus hortis, regiaq; admirabilis structuræ, crassitudineq; mœnium referuntur, nequaquã sunt extra fidem: nam horum ingentium operum præclara monumenta adhuc extant. Exurgit siquidem prætorium regalis amplitudinis instar arcis editiore urbis parte, quæ orientis Solis radios excipit, & præterfluentem despectat Euphratem: mœnia quoq; partim lapide, coctiliq; laterculo constructa, vel laceffente atque absumente vetustate, priscae opulentissimorum regum magnificentiæ testimonia relinquunt. Tanta verò propensione Mesopotamiæ, Assyriæq; urbes Solymano deditionem faciebant, ut ad eum qui sine vulnere tanta potitus esset victoria usq; à Balsera emporio, quod est ad ostium Euphratis in Persicum sinum erumpentis, legationes venirent, & Mesopotamiæ ad unam ferè insignes urbes Caramida, Meredinum, Orfa & Asanceva, Turcarum præsidia acciperent, & per totius Babyloniæ provinciæ oppida Turcæ milites in hybernis constituerentur. Nam præter copias ex Europa atque Asia minore in eius belli expeditionem perductas, etiam tetrarchæ cum Memphitico Bassa, qui sunt eius Sanzachi Alexandriæ, Iudææ, utriusque Syriæ & Comagenæ ad Imperatorem pervenerāt. Per totam autem hyemem magnæ celebritatis spectacula edita sunt, acciditq; ut hisdem ferè inchoari iam anni Saturnalitijs festis, diverso ritu Carolus Cæsar ex Africa victor, Neapoli equestres ludos ederet, & à Solymauo Assyriæ & Mesopotamiæ regis potito, apud Babyloniā festæ hylaritatis, diversique apparatus spectacula celebrarentur. Cæterùm Solymanus recreatis per hyemem copijs nunquam instaurandi atque exornandi exercitus, Persicique belli curam remiserrat, utpote qui Tammalum redintegrato impetu invadendum decerneret, Habraymo atque Vlamane identidem, ut Fortuna uteretur suadentibus, ad adiutus quippe Ægyptiacis & Syriacis copijs in spem veniebat, Tammalum ex Hyrcaniæ montibus ad pugnam conferendam in patentes campos posse elici: & si id metu occupatus abnueret, ad gravissimam Persici nominis contumeliam veluti exprobrata ignavia, Taurisum regiam ipsius urbem in oculis occupari atque vastari. Igitur adulto iam Verè Babylonia profectus, ductante Vlamane per idoneas regiones ad Taurisum iter intendit. At Tammalus qui Solymano apud Babyloniā hyemante Taurisum redierat, ut qui hostem reversurum minimè credidisset, cognito eius adventu, uti imparatus, & vetere suo innixus consilio, ne usquam acie confligeret, in Coraxenos iterum se recipere instituit, certas tantum suorum manus passim relinqueñs, quæ sese persequentibus hostibus ostenderent, & montium valliumq; notas angustias tuerentur, observarentq; eorum itinera: nec nisi ex insidijs et carptim insequentiū hostium agmina abruptis & iniquis locis lacefferent. Eo modo recedentem, et

aliquot dierum itinere provectum Vlamanes frustra persequutus, & per captivos incolas exploratis Tammasi cōsilijs, ita iussus erat, ad Solymanū redire, suasiq; ei, ut Taurisium desisteret, & cōfessione hostis retrō per asperos montes fuga elabentis sese victorem ostenderet, ex usuq; victoriæ eius regia potiretur. Itaq; Solymanus indignante animo, eoq; ad quandam superbi contemptus iracundiam concitato, quod nusquā Persæ, uti maximè cupiebat, ad illi prælii occasionem se offerrent, Tammasumque ipsum in asperas maximeque steriles, & frequentibus rupibus impeditas regiones abscedentem consequi posse desperaret, secus ac superiore anno fecerat: Tarvisium, quod nulle pericinctum esset muro, hostili irruptione inVectus est, miseros incolas magnas affecit detrimētis, quamquam inermes essent: ideoq; victoris imperium se patētos subire demissē profiterentur: nam milites cōtineri non poterant, tametsi cædibus temperarent, quin singulas domos invaderēt, et ubi libebat cunctam libidinis atq; rapinæ licentiam exercerēt. Ante omnia autem Solymanus Vsumcallanis atq; Hysmaelis ornamenta ex regia, quam antea Selymus prope ranter deformatat, tolli iussit: sic ut nec picturis quidē, & auratis laqueatibus parceretur, & integras quasdam familias telæ sericæ opificijs celebres abducendas iuberet, magnumq; servorum numerū, & delectæ iuventutis ætatis & formæ, omnisq; sexus discessurus cōprehendi & abduci sineret. Neq; enim in amplissima urbe occupatis, & dispersis ad prædam atq; libidinem omnib; ferē copijs diu cōsistere posse iudicabat, quod Tammasum Hiberorum & Albanorum auxilia accersivisse, cataphractorumq; validissimas turmas Parthis Medisq; & Armenijs coegisse nunciaretur. Quamobrem Solymanus haec illi occupata atq; direptæ Persarum regię ad nominis famam laude contentus, circa æquinoctiū motis castris in Mesopotamiam est reversus, vixq; Com & Calderanos campos paterna victoriā claros præterierat, quum inexpectata Periarum agmina abeuntes hostes in tergo lacessere, impedimenta diripere, fatigatos & ægros trucidare nunciatum est. Crebri quoque rumores totis castris permanarant, ipsum Tammasum auxiliaribus confirmatum copijs brevi affore, qui hisdem vestigijs Armenia provincia decedentes hostes persequeretur. Quod a Turcis ideo facile credi poterat, quod iam ex opportunis vallibus frequentes Hiberorū alæ prædandi atq; insidiandi causa ab incertis locorum & temporum intervallis sese ostentarent, notisq; evadentes saltibus tanquā confisi impeditis regionibus audacter pugnaturi viderētur. Qua hostium audaciā permotus Solymanus, eo ordine profectiōni intentus singula agmina expeditis præsidijs confirmanda statuebat, ut è duobus Ægypti, Syriæque præfectis, quos Bassas honoris causa vocabant: alterū in novissimo agmine constitueret: alterum verò ad ipsa mediū agminis latera, partitis utrinq; copijs applicaret. Vlamanes porro uti locorum & hostium peritus, sicuti eorum cursus deposceret, providendo atque adhortando omnibus in locis versaretur. Ad hanc præstandam operam quum amplius quadraginta equitum milia essent constituta, circiter duo etiam milia sclopettariorū ex numero prætorianorum, qui universos incedentium agminū ordines corona quadā circumseptos tuerentur, erant instituta, qui maioris etiam præsidij causa currules parvos aliquot falcones convehabant, ut è longinquo in persultantes & provectos hostes dilploderentur. Quibus præsidijs aptē constitutis facile fiebat, ut Persæ minus audacter erumperent, rarius se darent in cōspectum & remissiorē quā antea im-

teā impetum facerent, utpote qui falconum globulis, & sclopettorum glandi-
 bus magnopere terrerentur, sæpeque pugnam ciere ausi cum detrimento, e-
 quorumque præsertim, repellerentur. Per hunc modum tripertito exercitu re-
 da ire pergens Solymanus nusquā conspecto hoste, ita iter intendit, ut emen-
 sis camporum spatijs cum primo agmine antecederet, & nondum exacto au-
 cummo Amidæ consistere, atque ibi reliqua suorum agmina operiri statueret.
 Amidam hodie frequentissimam Mesopotamiæ urbem Caramidam incolæ
 vocant, hoc est cognomento Nigram: quod pingui & subatro solo ad fertilita-
 tem segetis aptissimo, arva nigerrima passim ostendat. In ea urbe Christiano-
 rum templa visuntur, & sacræ turres à Baldovino Hierosolymitani regisatre
 conditæ, qui eam urbem peculiari virtute captam suæ ditionis fecerat, quum
 Gothifredus frater Hierosolymis imperaret. Interea Tammās iustis compara-
 us copijs è Coraxenorum montibus erumpēs Taurisum repetit: ratus hostem
 Turcam urbanis delitijs hærentem repentina irruptione oppressum iri. Sed
 eo lapsus, & inspectis eius civitatis incommodis, ad iniuriam deformatæ re-
 giæ vehementer indignatus, statuit eum omnino quocunq; iret persequen-
 dum, & ad Coim usq; progressus est. Ibi verò mutavit consilium, quod multo
 spatio Solymanus antecelsisse nunciaretur, & nobilitas omnibus gravibus
 protecta armis, nisi certo cum equorum detrimento fugientes persequi non
 posse confirmaret, & se in usum conferendæ tantum pugnæ, non ad longin-
 quos cursus, institutos & paratos esse dicerent: Tammās q; ipse, remissa utiq;
 iracundia ad disciplinæ rationem reversus idem fateretur. Tum verò polli-
 cente præcipuo atque fortissimo satraparum Delimenthe, se novissimum a-
 gmen adepturum, si sibi expeditorum & delectorum ab se equitum tertia pars
 tribueretur, præferocem resumpsit animum. Erat Delimenthes è Caramania
 oriundus, qui inter pugnacissimos tantam virium et animi magnitudinem in
 prælijs ostendere erat solitus, ut non temerè insanus ab inusita temeritate De-
 lis vocaretur, quod nomen hodie apud Turcas strenuissimis, & vitæ contem-
 ptoribus imponitur. Ab ea pollicitatione Tammās Delimenthem multa cum
 laude commendatum, oneratumq; amplissimis promissis bene auspicato di-
 misit: tenuitque ille confestim nota indigenis viarum compendia, ea festinan-
 di celeritate adhibita, ut hostes postremi agminis non magno itineris antece-
 dentes spatio apud Tauri montis radices (uti evenit) ad Bethlim se assequutu-
 rum consideret. Bethlis oppidum est satis clarum in finibus Persici imperij,
 quibus Mesopotamiam attingit, positum in valle non iniocunda, quā exiguus
 amnis ex Antitauri iugis delapsus alluit, habetq; arcem Persarum præsidio cu-
 stoditam. Ad id duo, quos diximus, Turcarum præfecti cum postremo agmi-
 ne ductante Vlamane pervenerant, ratiq; cuncta se evasisse pericula, quæ pau-
 lo antè à vi crebrisque hostium incurSIONIBUS timuissent, idoneo in loco con-
 40 sederant, recreandis iam tandem copijs, postquam Solymanum, atq; item se-
 cundum agmen Amidam pervenisse fama constaret, neq; ideo insequenturos
 Persas suspicarentur. At Delimenthes fidelibus & diligentissimis incolarum
 exploratoribus usus, quum non plus unius diei itinere ab hostibus abesset, cer-
 tior factus, Turcas ad Bethlim fessos itinere timoreq; omni vacuos nulla pro-
 pè cura vigiliarum & stationum septos considerare, delegit obscurissimam no-
 ctem, multaq; etiam pluvia impeditam, & hostes adoriri constituit. certiore
 facit custodem Bithlinæ arcis de cōsilio quod agitabat, ut & ille signo accepto

ab arce descendens, diversum in hostium castra impetum faceret. Tanta autem fuit atq; adeo felix temeritas Delimenthis, ut ipso ingruente, consopiti & nihil tale timentes Turcae undiq; opprimerentur, ingensq; eorum caedes fieret, & ipsis penè Bassis ad insternendos & conscendendos equos spatium emperetur, nec in tenebris summiq; periculi tumultu prætoriani pedites, sclopettos expedirent, & currulia tormenta caperentur. Persis autem sese aggregarant montani agrestes, qui superioribus temporibus Aladolo regi paruerant, eoq; debellato summa à victoribus Turcis fortunarum detrimenta acceperant. His castrensis apparatus omnis & sarcinae camelorum in prædam cesserunt. Delimenthe verò usq; quaqua concidente Tufcas aliquot Sangiachi resistere ausi obtruncati sunt: nonnulli deditionem fecerunt, & prætoriani iam Bassis am-
 bobus cum Vlamane è media clade elapsis circiter octingenti, cohortantes eos Delimenthe, ut se sub fide dederent, exuti sclopettis & reliquis armis in potestatem concesserunt. Ferunt nusquam Turcis maius incommodum, vel cruentissima acie fuisse illatum: quandoquidem amissis tormentis atque tentorijs, omnibusque spoliatis castrensibus vasis & impedimentis supra dimidiam partem equorum amiserint. Incidit ea clades Turcis ad tertium Idus Octobris, qui dies ingenti Persarum omnium læticia postea celebratus est, quum Delimenthès onustus spolijs & cruentam clavam, qua ea nocte mactandis hostibus plurimum usus fuerat, elata dextra ostentās, ad Tammalum rediisset. Ea vero clades tanquam è naufragio evadentibus præfectis Solymano renunciata, usque adeo eius animum concussit, ut omnem renovandi contra Persas belli cogitationem abijceret, quod id acerbissimum vulnus, sicuti prædixerat mater, quo Mulcarabe certior vates, nequaquam virtute hostium, sed dolis veluti superis eorum insidijs non obscure faventibus, inflictum accepisset, atque ob hoc profundè & dissimulanter iratus Habraymo Byzantium redeundum esse decerneret. Redeunti Solymano ad Iconium obvii fuerunt Hariadenus Bazarussa, & Sinas cognomento Iudæus, qui nuper ab Algerio cum reliqua, quæ supererat classe, Byzantium pervenerant, terrestreq; iter susceperāt, ut de parta Mesopotamia Assyriaq; Imperatori coram gratularentur, & ut (quod eorum existimationis intererat) quo eventu tantam Christiani belli molem, & ipsius Caroli præsentis impetum sustinere conati, ex summa rerum iniquitate elapsi fuissent, certius enarrarent: facile demonstrantes, neque Turcis virtutem, neque sibi ducibus industriam, sed unam omnino, quæ humanis consilijs bellicisque præsertim impotenter dominaretur, fortunam defuisse. Ciementi vultu eos accepit Solymanus, atque ita ad pedes projectos erexit, ut testaretur aliquanto esse præclarius ab infracti animi constantia, quàm à felici victoriæ successu laudem tulisse, quod innatæ fortitudinis, invictique animi munus peculiaris virtutis specimen extitisset: nec multum referre si vel bene consulta usi multis subiecta casibus fortuna prævertisset. Proinde eodem animo quomodo fuissent adversa eiusdem fortunæ indignationes expectarent, ipsum enim inimicum potentia felicitateq; perpetua suarum actionū maturè daturum operam, ut sarcindi incommodi, spectatæque iam ipsorum virtutis latius extendendæ locus daretur. Applicantem verò confectis itineribus ad Bosporum, ut Byzantium trañceret, Habraymus qui antecesserat, litus ei honoris causa triumphali serico stravit: atque ita bireme peculiariter adornata sublatus in oppositos septæ regię hortos se intulit. Tum verò multis de causis in Habraymum
 atrox

atrox invidia sensim erupit, immodicæ eius potentiaæ sæva comes: sic ut in ar-
 cano apud principē tota eius gratia convelleretur, ingenti conspiratione mul-
 torum procerum, qui vel æqualem vel inferiorem rebus omnibus unum ante
 omnes gratia eminentem ferre non poterant. Et fatalis odi semina a sceminis,
 matre scilicet atque uxore iacta fuisse constat, quæ Imperatorem ad nutus Ha-
 braymi circumagi flestrique pro libidine tam impotentis servi indignum esse
 dicebant: mater quidem quod filius adversus auguria Persici belli periculis
 obiceretur, cuius provinciae bella maioribus abominata semper fuissent, us-
 que à superioris Baiazetis memoria, in quem à Tamerlane clades diræ cala-
 mitatis incidisset, & recentibus etiam Vssumcassanis & Hysmaelis exemplis
 quorum prælia nunquam nisi detrimentosa vel victoribus Ottomannis fuis-
 sent experti. Roxolana verò quæ coniugem delinimentis quibusdam, atque
 adeo etiam philtris uxorium fecisset, vel ob id Habraymum oderat, quod Mu-
 stapham privignum, uti ex liberis natu maximum impensissimè coheret, atque
 imperatorios honores ad aperto studio intempestivè deferret. Id enim Ro-
 xolana muliebri libidine accensa, Baiazetem filium nefaria prævaricatione
 Mustaphæ anteponebat, ut certus imperij hæres & successor, si
 fara Solymano vitam abrumperent, Ottomannicæ domui pararetur. Propterea
 privignum longè ablegandum in Cappodociam curarat, ne ad invaden-
 dam paternam sedem, si pater vita excederet, è proxima Magnesiæ præfectura
 celeriter adesse posset. In id consilium occulta largitione sollicitabat prætorianorum
 principes, quos ad id audendum facinus idoneos rebatur, exemplo Scy-
 lymī, qui postremus regiae prolis favore prætorianorum maioribus natu fratri-
 bus regnum præripuisset. Verum ambitiosæ mulieris perversæ artes una
 Habraymi diligentia atque autoritate turbabantur. Is nanque quod rectum
 esset, naturæque muneris atque inveteratæ consuetudinis, Solymano erga fi-
 lios exquisitissimo patri probari intelligebat, tamen uxoris molliores preces non-
 nunquam illum inflecterent, ut eadem quæ ipsa cuperet, quanquam absurdi
 iuris quam quicquam aliud æquius & iustius malle videretur. Cæterum to-
 tam Habraymi existimationem non obscura fama magnopere prægravabat,
 odiosa Turcis, quod Christianos ad aperto studio complecti foveret; dicere
 tur, nonnulla siquidem extrahantur indicia corrupti eius animi, quod Venetis lar-
 gitionibus parata in eos, & Austrianos fratres arma ad orientem converteret,
 gratificareturque ea in re Carolo Cæsari, cui dudum Venetus senatus isto no-
 vo cedere sese coniunxisset, scilicet ut maritimis opibus potentia Cæsaris au-
 geretur singulari damno atque periculo Ottomannici nominis. Habraymus
 quoque per eos dies Marcum Nicolai Venetum ignobilem mercatorem, qui
 ab Italia mutatis ad celeritatem iumentis ad eum Babylonici agentem cum
 secretis mandatis ac literis percurrisset, redisset; enatis non temerè paulo post
 his de ipsius perfidia suspicionibus, Byzantij pro speculatore comprehendi,
 noctuque iugulari, et in mare proijci iusserat, scilicet ut detegendo crimini cer-
 tius indicium tolleretur, nec inde totius institutæ atque obitæ legationis cau-
 sa iudicio nosceretur. Paulo ante siquidem Turcæ solitos suspiciones facti,
 Andream Quirinum patritium Venetum apud Alepum in Comagene cla-
 rum mercatorem teterrimo supplicio affecerant, quod Caroli Cæsaris lega-
 tum, nomine Robertum, natione Britannum, in Persidem ad Tammatum pe-
 netrantem iumentis, ducibus, atque pecunia iuvisset. Destinabatur enim Cæsar

Solymano post Tamasum debellatum usque adeo procul præcipuus hostis, qui cum Persis amicitiam & foedus agitaret, ut per eum Tammias maiore tormentorum apparatu iuvaretur, suppeditatibus è finitima India Lusitanis, qui se propter odium Turcici nominis, Persarum amicos & socios, quum expediret, fore profitebantur. His tantis circumventus insidijs Habraymus, & conceptæ perfidiæ reus factus, mense Martio circiter Idus, superiore consuetudine quum admitteretur in regiam, nusquam postea comparuit. Ferunt eum severissimè obiurgatum fuisse à Solymano, quod summis honoribus auctus, et dignitate sibi ferè æquatus, ingratisimo animo summæ amplitudinis beneficia nefario scelere corrupisset, & meritam vitæ exitus pœnam deprehensus inveniret: neque Solymanum ullis iacentis ad pedes lachrymis ad misericordiam flecri potuisse, quum interceptas quasdam eius literas immitti vultu ostēderet, & an signum agnosceret ferocibus verbis identidem interrogaret. Eadem autem quæ sequuta est nocte, in cubiculo per eunuchum carnificis munus obire solitum, in pulvino dormitans, cultro adunco, quod de manu Imperator tradiderat, iugulatus est. Ferunt Habraymum, quum summa Solymani gratia potiretur, familiari sermone aliquando postulasse, ne se tantis honoribus onerare contenderet, ne demum amplitudine odiosa supra æquum florentem, e gradu tanquam e fastigio summæ fortunæ præcipitem dare atq; occidere necesse haberet: fidem verò in ea verba ita principem dedisse, ut nunquam ei vivo vitam erepturum polliceretur, sic ut ea inanis iuramenti religione obstrictum, ne datam falleret fidem, non aliter quàm altè stertenti necem intulisse quoniam Talismanes sacerdos divini interpretis iuris, dormientem nequaquàm cenferi inter vivos, quum una vigilia totius vitæ actus constaret, asseveraret. Occisum an spectarit, dirisq; persecutū execrationibus cadaver multo pondere appenso mari mergi iusserit, ut nonnulli disertè commemorant, nihil ad historiam pertinet. Oborto certè Sole, quæstores suppellectilem atque pecuniam eius omnem in fiscum retulisse constat, ita conturbatè, raptim & diligenter, ut nihil ferè præter dotem miserrimæ uxori relinquerent, & vulgata Habraymi nece, extemplo tanquam iure damnati nomen populus probrolis capit minibus, & vocibus laceravit, factoque impetu statuas, quas ille ex Hungarica victoria trophæi instar ante domum suam in hippodromo collocarat, coniectis lapidibus ita deformavit, ut etiam veluti priscarum gentium, & numinū inania simulachra turpissimo cœno descenderet. Hunc vitæ potentiaq; suæ exitum tulit Habraymus, quo nemo eorum unquàm antea, qui maximorum regum gratia potentes evaserint, ad exemplum illudentis fortunæ ante obitum fortunatior atq; felicior fuit. In eius locum Vesir cooptatus est Ajax, & Barbatussa propter rei navalis peritiam Amiras declaratus, purpuratorumq; collegio additus: Forestius autem Galliæ regis legatus, qui paulo antea Habraymi opera fuerat dimissus, ne discederet admonitus est Imperatoris iussu, quod postquam Habraymus notæ perfidiæ reus pœnas dedisset, ad veterem diuq; antea institutam Europæi belli cogitationem, uti evenit, opportunè reverteretur.


PAVLI IOVII NOVO.

COMENSIS EPISCOPI NV-

GERINI, HISTORIARVM

SVI TEMPORIS

LIBER XXXIII.



ANNVS longè omnium ætatis nostræ securæ domi pacē,
mira cœli clementia, lætaq; passim agrorum ubertate,
& Punica victoria insignis, Pauli tertij Pontificatus ini-
tia nobilitavit. Nam Leone decimo ad iniuriam huma-
ni generis immatura morte surrepto, qui luctuosa demū
Hadriani, Clementisq; tempora evaserant, se tum pri-
mum natos credere, salutem fortunasq; suas in tuto po-
litas arbitrari, existimareq; expiatis tot cladibus inve-
ram esse aurei seculi felicitatem. Ipse Paulus in administranda republica illu-
stri quodam in speciem diversarum virtutum temperamento, ita Pontificis si-
mul & principis nomen tuebatur, ut in omni consilio singularis pietas emine-
ret, nec tamen obscura esset amplificandæ suorum potentia voluntas. Nam
ante omnia, quod in rem magnopere expediebat, se neq; harum neq; illarum
partium, sed communem omnium parentem futurum profitebatur. Propte-
rea nequaquam adduci potuerat, ut id sædus renovaret, quod Bononiæ Cle-
mente, Cæsareque authoribus pro tuenda Italiæ pace haud obscure ad arcen-
dos Gallos percussum fuerat, quum ab utroque aliquod fortuna sua dignum
munus expectaret. Quin & concilium toties à Germanis veræ pietatis deser-
toribus ad terrendos Romanos Pontifices afflagitatū, à quo gravissimis de cau-
lis Clemens diffugisse videbatur, ultro se appetere, & ad id locū, tempusq; de-
cernere paratum esse prædicabat, ut uno nobili salutarisq; decreto ea vetus con-
troverfia finiretur, quæ in immensum & placita Christianæ religionis, & sum-
morum Pontificum authoritatem insano quodam errore lacerasset. Missis
quoque pro tuenda sacrosancti nominis dignitate, qua privata spes tegeren-
tur, in Galliam & Hispaniam legatis assidue dabat operam, ut Franciscus uno
consensu ad oppugnandos Turcas cum Carolo Cæsare iungeretur. Cœperat
enim esse formidolosus tum ipsi Siciliæ atq; Sardinia, tum etiam Italiæ, Hispa-
niæq; litoribus Mariædenus Barbarus, illa opulentissimo Africæ potitus regno,
immensisq; Solymani opibus ac ingenti eius classe subnixus. Sed quanquam
eximia esset Pontificis authoritas apud Gallos, nihil tamen quod ad conferen-
da auxilia pertineret, impetrari potuit. Franciscus enim, ut erat animo excelso,
apertoq;, amplitudinem & felicitatem Cæsaris ferre non poterat, utpote qui
adeo acerbè mulctatus, ac Italia pulsus, donec amissum Gallie decus recupera-
ret, nequaquam in ea, veluti parum honesta, vel indecora pace quieturus es-
se videretur. Quicquid enim tot calibus adversa Fortuna rapuisset, id totum
iniquo iure, & læva rerum conditione sibi ademptum esse existimabat, &
eo quidem animo, ut non obscure Mediolanum, Genuamque repeteret.
Id si Cæsaris æquitate, & Pauli intercedentis studio consequeretur, non mo-

dò navales terrestresq; copias Cæsaris opibus adiuncturum, sed ipsum quoq; ad Turcicum bellum alacriter uti legatum adiutoremq; Cæsari, quò iuberet esse profecturum. At Carolus qui antiquissimo superiorum Augustorum iure per manus tradito, singulos ferè totius Italiæ principatus ad se pertinere arbitrabatur, & Marte iudice ad arbitrium regulis, & liberis civitatibus leges dederat, indignabatur ea à Gallis per obliquas querimonias repeti, quibus discessimè ex fœderum tabulis excessissent, præsertim quū ipse dudum in gratiam Clementis, Venetiq; senatus imperijs urbium antiquis possessoribus liberaliter adiudicatis, & insigni pace constituta, non sine præclara æquitatis & abstinentiæ, moderationisq; animi laude exercitus deduxisset, qua in re etiam plurimum Gallis esset gratificatus, qui nihil magis cupere, postulareque essent soliti, quàm ut veteres Hispani, Germaniq; milites Italiæ assueti dimitterentur, quorum præsidio ipsius potentiam & existimationem magis ac magis confirmari ac amplificari maximè iudicassent. Is erat animorum habitus in duobus longè maximis Europæ regibus, nequaquam adeo obscura contentione discedentibus, ut amicitia, quæ inter eos publicis tantum fœderibus, legationumq; officijs, & quadam affinitatis imaginè sustentabatur, aliquando in aperta odia, & funestum bellum evasura crederetur. Meminerat Cæsar superiore anno Germanos adversus Ferdinandum fratrem Gallica pecunia fuisse concitatos, qui duce Lantgravio Wirtembergensem regulum tunc exulantem pulsi Austriani copijs in Stocardiam paternæ ditionis oppidum reduxissent. Tam verò certis rumoribus afferebatur, evocari in continentem ipsum Britannia regem, qui infano nefarioq; scelere, Catharina uxore legitima thoro & patribus expulsa, pellicem in matrimonium duxerat, & reginam appellari iusserat, ut colloquio habito, & subinde cōsociato sibi Carolo Gheldrio Menapiorum & Sicambrorū principe, Belgicas urbes invaderet. Erat quoq; fama, Henricum Navarra regem, cui Francisci regis soror antea nupserat, paratis copijs, si bellum alicundè erumperet, veluti occupato Cæsare in Cantabriam pervasurum. Constabat etiam quæstores Gallos in proximis Helvetiorū conventibus magnas fecisse largitiones publicè & privatim singulis pagis, & notis centurionibus. Nec Massiliæ navalis apparatus intermittebatur, atq; item ad Oceanū Armoricum, ubi magno sumptu stupendæ magnitudinis onerariam navem, & pleraq; alia in bellicos usus sabrefacta navigia ædificarat. Ad hæc Franciscus novo, aut certè à maioribus intermisso & eo quidē nobili consilio, septem legiones Romana disciplina instituebat, ne sibi semper vel in repentinis bellicibus, peditatus ab externis gentibus mercede foret cōducendus. Nam Galli per antiqua consuetudine in uno præcipuè equitatu studium, spesq; omnes, & nominis gloriam reponere erant soliti. Sed ubi per frequētes sclopettarios, Romanoq; more per pedites bella geri cœpta sunt, in prælijs nulli prope usui equites esse compertum est, propter equorum graviora vulnera & densatas hastatorum phalanges, quas nulla vis equitum vel æquato ferè numero facile perumpat. Eæ legiones ex delectu exquisito septem Galliæ provinciarum scribebantur, & undique certa parataque essent præsidia ad sustinendum pariter atque inferendum bellum. Nam ad hæc etiam lustrato vetere equitatu, atque per supplementa refectionis & stipendio persoluto, quatuor milia cataphractorum, & his totidem levis armaturæ equitum censebantur. Quæ omnia, tametsi in præsens extra belli cogitationem, ac veluti ad exterrendum

ingrata

Ingratae pacis ocium, edendaq; spectacula ordinari atque apparari plerisq; videri poterant, proximi tamen periculo in magnas erupturi ex improvviso belli suspiciones adducebantur, praesertim Genuenses, qui ob id Andrea Auria naviter excubante adversus Gallorum motus, terra mariq; vigilabant: & Franciscus Sfortia Alexandriae & Comi, Ticinique & Abiatae moenibus novas addebat munitiones. Alexander quoque Medices validissimam arcem, quam Clemente vivo Florentiae inceperat, cōductis innumerabilibus operis perficere maturabat, eo accuratius ac intentius, quod fama erat ab exulibus Florentinis, natura Gallico nomini addictis, Hippolytum Cardinalem maiorem patrualem suum ab se diduci, excitariq; ad spem potiundi in urbe Florentia principatus, quē ille aemulatione inductus, sibi deberi legitima haereditate ab avo Laurentio, Iulianoq; patre ducta praedicabat: ea in re detestatus Clementis patris iudicium, qui iniqua praevericatione Alexandrum sibi aetate, multisq; rebus inferiorem pretulisset, ut ipse veluti emancipatus intra septa religionis opes omnes Mediceae domus, Etruscique regni fastigium, & nuptias demum filiae Caesaris apud fratrem tanta Fortuna ipsius collatione indignum conspiceret. Nec deerant qui in fervido iuvene, galeri dignitati militiae honores facile praeferebant, eos spiritus laudarent, tanquam honestae ambitionis, suaderentque ut ad pellendum fratrem, uti Caesaris beneficiarium, designatumq; generum auxilia a Francisco rege peterentur. His de causis Caesar, uti erat cauto graviq; ingenio, & eo quidem quum decoris cura, rerumq; necessitas accederent, flagranti atque expedito, omnium consilijs avertendum ratus, arma parare constituit, ut qui res novas occulte moliendo pacem turbare cogitabant, se parato instructoque rebus suis timere inciperent. Summa consilij in eo vertebatur, ut Barbarissam ad Tunecum praecipue occuparet. fama enim erat, cum validissimis praedonum omnium coactis classibus, non modo uti superiore anno fecisset, Italiae litora praedaturum, sed etiam proxima aestate traiecturum in Siciliam cum ingenti Turcarum, Afrorumq; multitudine, ut ad reliquas spes proferendas, quibus barbarē atque arroganter Neapolitanum imperium concepisset, Italiam horreo potiretur. Erat eius belli ratio plena pietatis & gloriae, utpote, quae publicum Christiani nominis decus, publicamq; omnium, & maritimarum praesertim gentium salutem respiceret. Extinguebat etiam Caesar hoc honestissimo ausu omnem invidiam, quam tot parti de Christiano hoste victorij anteā vitare nequivisset: sic ut illā in eos reiecturus esse videretur, qui Punici belli spectatores, quam socij atque adiutores esse mallent. Porro Pontifex cum magno honore verborum collaudato Caesare, ei statim in bellicos sumptus sacerdotiorum totius Hispaniae decumas concedit, ipseque pecunia sua novem triremes Genuae exornari iubet. Has ad veteres tres, quae in custodia Romani litoris esse consueverant, adiungit: omnibus praeficit Virginium Vrsinum navandae operae cupidum, ut ea generis claritas praefecturae maiorem auctoritatem adstrueret, eique attribuit Paulum Iustinianum Venetum, cuius consilio uteretur, navali peritia insignem. Easdem quoque decumas exequata liberalitate Francisco regi concedit, quo ille munere accepto si usus posceret ad tuendam Etrusci maris, Pontificiaeque ditionis oram, Malsilienses viginti triremes se missurum pollicetur, quanquam pari concessione Pontifex Caesarianos offendere crederetur, quod ea sacra pecunia Galli minime iuvandi viderentur, utpote quos religionis causa nullam omnino operam ea aetate mari praestatueros appare-

ret, occupatis scilicet proprio bello ad Tunetum prædonibus. Excitata ad
 pium bellum universa Hispania, conventibusque peractis Cæsar è Carpen-
 nis Barchinonem venit. Eius adventus omnium opinione celerior, tantusque
 navalium & terrestrium copiarum apparatus haud dubie inimicorum animos
 in pace continuit, adeo ut rumores qui de Gallis, Britannoque rege, et de Hel-
 vetijs allati erant, penitus exstinguerentur, regulique Italig, uti cæco metu libe-
 rati cupidius atque liberius in id bellum officia præstarent. Soli Veneti in a-
 micitia Solymani perseverantes ex fœdere, quod ante triginta annos cum Ba-
 iazete eius avo percussissent, neutri parti ferenda auxilia censuerunt. Interim
 Andreas Auria, quem Cæsar toti maritimo negotio præfecerat, cuique uni pro-
 pter spectatam fidem rerumque peritiam profectionis suæ atque supremæ con-
 silij decreta cōmunicarat, incredibili adhibita celeritate ac diligentia multarum
 ingentium navium, ac triginta rostratarum classem instruxit, in quibus erat qua-
 driremis una, quæ prætoris loco Cæsarem veheret. Ea erat laqueari aurato, &
 cæolata pictaque introrsus puppe, contexta item umbraculo ex auro purpuræque
 intertexto, remigibus serica tunica, & epibatis omnibus vestitus ac armaturæ
 cultu plurimum exornatis. Præterea vim ingentem nautici commeatûs, instru-
 menta navalia novi artificij, tormentorumque omnis generis ac telorum co-
 piam vel maximo suffecturam bello in naves distribuerat, quibus totius Ligu-
 riæ iuventutem, & ex nobilitate fortissimum quemque, certatim cunctis nomi-
 na dantibus imposuerat. Ad eum hæc ipsa ingenti cura fama que administran-
 tem, ut præclare virtuti suus honos haberetur, Paulus Pōrifex gladium de mo-
 re solennibus ceremonijs consecratum dono misit. Is erat gemmato capulo, ce-
 lataque vagina cum baltheo aureis bullis & fibulis valde conspicuo, & præter
 eum etiam villosus è serico pileum margaritis Phrygio opere depictum. Ea sunt
 eximij præque ducis adversus Christianæ religionis hostes depugnantis insignia
 magnis regibus dono dari solita, sic ut non immerito strenuus senex quanquam
 multatam navali gloria plenus, ad petendam novi decoris laudem accenderetur.
 Dum hæc Genuæ ingenti Auris, atque Ligurum omnium studio paratur,
 Alfonso Vastius bellica laude illustris, ab Ænaria literis Cæsaris evoca-
 tus, ad Andream Auriam pervenit, atque inde transgressus Apœninum in ur-
 be Viglebano Franciscum Sfortiam, & Antonium Levam convenit. Iubebat
 enim Cæsar ut Vastius suo antiquo pedestris militiæ imperio fungeretur, le-
 gionesque Germanorum ac Italorum in Africam transportaret: Antonius vero
 Levam Gallis Cisalpinæ præsidio permaneret. Huic enim Cæsar, quanquam
 ducem animi virtute insignem secum adducere cuperet, omnino parcendum
 putabat: quoniam esset sævissimis articulorum doloribus conflictatus, ob idque
 ad perferenda navigationis incommoda imbecillo admodum corpore vide-
 retur: & in Italia quidem opus erat constanti & impigro duce, qui in utrumque
 bellicarum intentissime vigilaret. Huic autem præcipue est iniunctum, ut se-
 vero edicto prohiberet, ne quis è numero veteranorum Hispanorum novi belli
 cupiditate ad mare dilaberetur. Nolebat enim solitis stationibus provinciam
 nudari, adeo propinquam Gallis, Helvetijsque finitimam, quorum incertæ fidei ni-
 hil omnino præsidio vacuū foret relinquendum. Deliguntur itaque Itali tres præ-
 fecti, qui cunctis viginti quatuor cohortes cōscribant. Is numerus quinque milium
 hominum summam efficiebat. Hi fuere Hieronymus Tutavilla Sarnensis co-
 mes, qui superioribus annis in Peloponneso egregiam sortemque operam præsti-
 terat,

terat, & Federicus Carectus in Epantheris Liguribus, & in ora Ingauniorum,
 ad Finarium oppidum clientelis atque opibus potens, cui Auria vitricuserat:
 itemque Augustinus Spinula bello clarus. Hi statim hinc atque inde digressi
 celeriter ex optimo genere militum cohortes implent, tanto veterum novo-
 rumque militum concurſu, ut conſcriptis plerique voluntarij ſine ſtipendio
 miſcerentur. Interim Maximilianus Eberſteinus dux vetus per Tridentinas
 alpes octo milia Germanorum in Lunenſem agrum perduxit, in quibus fuere
 plerique nobiles e ſtirpe regulorum ſine mercede Punici belli famam ſequuti.
 Hos humaniter liberaliterque ſuſceptos, ſimul et Italos pulcherimis armis Me-
 diolano adveſtis inſtructos, advocata concione cohortatus eſt, ut patientiſſi-
 me dum navigarent maris tædia perferre, ac ubi terram Africam attingiſſent, o-
 ptimè de victoria ſperare vellent. Pugnatuſque enim ipſos pro dijs immortalibus
 & pro Cæſare, qui nunquã pijs & fortibus deſuiſſent. Ita ſumma omnium
 alacritate conſenſæ ſunt onerariæ naves triginta octo, quarum præſidio Anto-
 nius Auria magnitudine animi & navali virtute uni magno Aurie ſecundus
 duas & viginti roſtratas adducebat. Nec multo poſt Vaſtius e portu Veneris
 ſolvit, ita ut triremibus oram legeret: onerariæ verò ad conſpectum in alto ve-
 liſuterentur. Sed alternantibus ſepe ventis, & inflato nonnunquam mari, tar-
 dius quàm ſperarat in Traiani portum ad centumcellas pervenit, quo iam Pon-
 tificex ab Urbe decurrerat, ut ſacris precationibus Deum optimum maximum,
 divosque Chriſtiani imperij tutelares ad victoriam de hoſte parandam navi-
 gantibus propitiaret. Ita ipſo Pontifice præeunte verba, & hymnos ſacerdo-
 tum choro decantante, triremes navesque onerariæ, quæ mira felicitate ada-
 quato curſu ab alto in conſpectum ſe dederant, ab excelsa ſpecula expiata lu-
 ſtrataque ſunt. Datum eſt item vexillum & ſceptrum Chriſtianæ religionis in
 templo de manu Pontificis Virginio Verſino: poſtridieque Vaſtius cum eo na-
 ctus idoneam tempeſtatem, Neapolim curſum direxit. Ibi Petrus Toletanus
 prærex, regulique peculiari ſtudio impenſaque ſingulas triremes ædificarant. In
 his fuere duo Sanſeverini Salernitanus & Beſennianus, itemque Spinellus &
 Caraffa, Hiſpanusque Alarco Neapolitanæ arcis præfectus. Ad has ſeptem aliæ
 acceſſerant, quas ipſe Toletanus publica pecunia cõfectas deduxerat, & noxijs
 nefarijsque hominibus ad remum damnatis impleverat. Dum cuncti in eo appa-
 ratu eſſent occupati, Vaſtius in quosdam more militiæ animadvertit, qui per-
 tæſi nauſeam maris, & longinquæ navigationis incommoda reformidantes,
 conceptas de victoria ſpes malignè extenuare, ſtipendij tenuitatem deteſtari,
 conſternareque multitudinẽ, ut ſigna deſererent, ſeditioſis ſermonibus cœperant.
 Ad authores tantum pœna pertinuit, adeo ut involuti ſaccis profundo mari ſpe-
 ctante claſſe mergerentur. In his fuere Michael Tarraconenſis, & Molina qui
 apud Caveanum oppidum excitandæ ſeditionis initia præbuerant. Parato, &
 in naves omnis generis cõmeatu abundè congeſto, impositisque militibus, Hi-
 ſpanisque præſertim veteranis, qui à Corone redierant, oram ſolvit. Eum ſecuta
 eſt univerſa propè totius Campaniæ iuventus, arreptis undique navibus, tanta
 omnium cupiditate, ut nemo Neapolim relictus eſſe videretur. Invitarat enim co-
 mitate in ſigni, quosque opibus ætateque florentes, ac notos ſibi militie veteranos,
 quod illis pulchrum eſſet, vel emerita ſtipendia, vel tirocinij præclarã indolem
 memorabili victoria nobilitare. Profectus eſt & una Federicus præregis filius,
 ingenio bellici decoris avido juvenis, paucisque diebus Panhormum in Siciliam

est peruentum. Hisdem quoq; diebus & ipse Andreas Auria diuersa nauigatione in Hispaniā ad Cæsarem peruenit, cum vetere sua sedecim triremiū classe, tribusq; celocibus quos galeones vacant. Ea sunt nauigia structura militari, formaq; ad omne vel tormētorum vel tempestatis contumeliā egregiē sustinendā idonea, paulo minora onerarijs, humilioraq; instructa quadratis velis atq; etiam aliquot remis, vt ē portubus in apertū mare ad captandos ventos facile sese prouehere, & promontoria superare. His ferme vtūtur, qui piraticam exercent, quoniam innumerabilem tormentorum copiam ferant, quibus vel plurimas triremes in multa malacia ad se oppugnandum appropinquantes perfringere maioribus tormentis atq; demergere facile possint, quū directis ad libellā tam mae aquae per fenestellas validissimis colubrinis in orbem vndiq; ferreae pilae ad multum maris spatium emittantur: perflantibus verō ventis reliquorū nauigiorū cursum antecedant. Cæsar delectibus habitis circiter octo milia peditum magna ex parte tironum conscripserat, et septingentos equites vltioris Hispaniæ regulis imperarat, ex vetere eius regni consuetudine legeq;. Nam superioribus bellis, quibus cum Mauris de Bæticæ imperio dimicatum est, nemo procerū fuit, qui non certā equitum manum cōferret, & contra hostes in castra perduceret, cuius impositi oneris causa magnas tulerant immunitates. Ii letas armaturæ equites dicebantur, quod nihil præter apertam galeam & thoracis ferreis laminis squamoso opere confertam, leueq; item ex præduro corio scutum Maurorum more, & lanceā latæ cuspidis, gladiumq; habilē gestarent. His omnibus copijs præerat Mendocius Tendiliū filius, cognomēto Montegius. Sed pleriq; illustres reguli, & ex toto nobilitatis ordine frequentes euocati, ad Cæsaris aulam conuenerant, qui grauiorib. protecti armis, ac instructi generosius quis pro censu & amplitudine ditionis aliquot clientes liberaliter armatos trahebant, vt loco stipendiū gratiam Cæsaris, & ex alacri pioq; studio ad nauandā operam certę laudis decus promererent. Inter hos authoritate nominis eninebat Ferdinandus Toletanus Albę regulus, non dubiā magni futuri ducis spera præbens, quū publico pietatis nomine & priuato voto vehementer incitatus, in Barbaros deferretur, vt Garziæ patris cædē vindicaret, quem ab Afris ad Carthaginē in insula cæsum fuisse docuimus. Venerat etiam ab Occano portuq; Gallico Ludouicus Lusitaniæ regis germanus frater, cuius soror in matrimonio Cæsaris spectabatur, cum classe viginti quinque nauium eius generis quas carauellas vocant, Indicis nauigationibus assuetas, magnaq; rerū omnium & tormentorū onera & quantamlibet irati maris iniuriā facile perferentes. In his videre erat excelsum galeonem incomparabili tormentorum apparatu perarmatum. Ea in classe duo milia peditum descriptorum præter nauitas recensebantur. Applicarant etiā ē Belgico Oceano per Gaditanū fretum supra sexaginta onerariæ naues, quæ copias pasim paratas, & cōmeatus singulis mediterranei maris portubus susciperent. His aduectus fuerat magnus damnatorum numerus, quibus per Belgicas vrbes vita ex decreto Cæsaris idcirco fuerat concessa, vt in supplementum remigum in triremibus operam præstaret. Nam eius generis hominum ærumnoso in labore facile deficientium inopia momentiminimē leuis futura credebatur. Itaq; Cæsar copijs & com meatibus in naues distributis, totoque ad edictum exercitu designata nauigia ea lege conscendere iusso, vt nemo scortum aut puerum nisi ætate militari secum adduceret, ē Barchinone orā soluit, tenuitq; cursum in Magonis portū minoris insule Balearis,

atque

atque in deturbulenta navigatione in Sardiniam Caralim pervenit, quo nuper Alphonſus Vaſtius ex Sicilia cum ſua claſſe applicuerat. Nec multo poſt Ceſar ipſo Auria reliqui conficiendi curſus rationes explicante, atque adhortante ut omnis moræ cauſa præcideretur (nam Hiſpanica claſſis iam penè tota con-
venerat) in Africam traiecit, & in Vtica portum, quem Farinam nauæ vo-
cant, leni Coro remigum laborem ſublevante univerſam claſſem intulit. Ma-
gno autem caſu una omnium prætoria quadriremis, qua Cæſar ipſe veheba-
tur, dū intraret, ſabuloſo in vado hæſit. Quo animadverſo periculo Auria ex-
pedito conſilio dimidiā partem vectorū & remigum in adverſam ſpondam
10 declinare iuſſit, tanta agilitate, ut ad imperium canentis fiſtulę quadriremis u-
tripondere ſublevata impulſaq; demū dextro remigio eum arenæ tumulum e-
vaderet, & incolumis cum plauſu univerſæ claſſi redderetur, nequaquam le-
viter cōmoto Cæſare, qui ſimile vitæ diſcrimen Philippū patrem ſubiſſe me-
morabat: quum ille in Oceano tranſverſa abreptus tempeſtate in arenę cumu-
loſ periturus incidiſſet, niſi ingentis fluctus beneficio elata navis atq; ultra ex-
tante ſabuli cumulum transportata, magno miraculo Britannię litus evaſiſſet.
Ab Vtica mox diſcedēs claſſis circumvecta promontoriū Carthaginiſ, totum
que eius regionis litus, quā Martiam vocant, exciſæ quondam ſuperbæ urbis
ruinis, & nova regionū hortorum amœnitate celebratum, appulit contra tur-
10 rem, quā de ſubiecto fonte Aquariam vocant. Hæc eſt in ea plaga, ubi ſtabula
elephantorum florēte Carthagine fuiſſe putamus. Nam & Cotum inſulā & to-
tus antiqui portus formā, navaliaq; quibus Romani victores inviderint, tan-
tiævi vetuſtas mutare & abolere facilè potuit. Barbari qui ab imminentibus
Vtica collibus, alijsq; paſſim ſpeculis, & ab excelsa arce antiquæ Carthaginiſ,
quam Byrſam fuiſſe memorant, adventum & curſum explicatæ claſſis cōſpexe-
rant, Hariadeno Barbaruſſe renunciarunt, hoſtilem claſſem innumerabilibus
omnis generis navigijs cōſtare. Erant enim ſeptingentæ ſermè naves, in queis
duæ & octoginta roſtratæ triremes frequentibus exornatæ vexillis conſpicie-
bantur, quæ ſpeciem æquo maiorē & terribiliorem hoſtium oculis præbebāt,
20 Verum id Barbaruſſæ animū magnopere perturbavit, quod alij atq; alij præ-
currentes nunciabant, in claſſe pro certo eſſe Cæſarem ipſum Chriſtianorum
maximum Imperatorem, tantasq; equitum & pedicū copias ampliſſimæ claſ-
ſi fuiſſe impoſitas, ut nemo qui arma ferre poſſet, in Hiſpania atq; Italia relictus
eſſe videatur. Hoc affirmari à quibuſdā ſervis Mahometani nominis, qui præ-
terita nocte ex utriſq; cōpedibus ex hoſtili trireme in proximi litoris dumeta felici-
ter enataſſent. Non putarat enim inſolēs Barbarus, noſtrarumq; virium con-
temptor, Cæſarē periculoliſ in explorati maris caſibus in ignota præſertim, ſte-
rili, ac æſtuoſa terra, dubio bello ſe cōmiſſurum: ſed quod captivi à piratiſ Tu-
netum perducti dicere ſolerent, per legatos, ipſumq; præſertim Auriam non
30 Tinetū quidem ipſum, verū ignobilia tantum eius ore oppida tentaturū. Cu-
ius confirmandæ opinionis ante alios author fuerat Aloyſius Præſenda hone-
ſto loco Genuæ natus, qui in itinere ſupra Adrumenſi captus, in libera prope
cuſtodia Tineti habebatur. Ab hoc Barbaruſſa crebris percunctationib. mul-
ta de Italicarum rerū ſtatu moribusq; noſtris tanquā à perito diſertoq; homine
ſpem præbens maturæ libertatis, ſibi opportuna didicerat. Hunc itaq; ira per-
citus, quod falſa pro veris de Cæſare aſtutē perfidiōſeq; narraſſe crederetur ad
ſe perductum, oneratumq; malignitatis contumelia in veſtigio interfici iuſſit.

Hæc immitti in fontis hominis cæde, tanquam vanissimæ suæ crudelitatis ex-
 pto dolore, Barbarussa ad gerendi belli cogitationes se conuerit: pri-
 mumque omnium aduocatis in consilium trierarchis, quibus propter specta-
 tam virtutem maximè fidebat, docuit viris fortibus nihil omnino de victo-
 ria dubitandum: quando eam ipse hisdem de causis iam pro certa atque ex-
 plorata perciperet, quibus Cæsarem id difficile atque anceps bellum (si non
 omnino insanius foret) minime suscepturum credidisset. Quis enim inquit, re-
 gionis non ignarus (ut hic vires nostras non extollam) hostem non iudicet am-
 bitiosæ cupiditatis inconsultæq; audaciæ poenas daturum? qui iniquissimo an-
 ni tempore solstitialibus diebus in loca æstu torrida, & aquæ prorsus indiga,
 minutissimisque obliata arenis, quas ventus in ora atque oculos incedentium
 verberet, certaturus aduenerit? An hostium milites, quos audio magna ex parte
 esse tirones, grauib; onustos armis faciliè progredi regrediue, aut in vestigio,
 ut variis improuisæ pugnae casus deposcat, fortiter consistere posse arbitramur?
 Quum præalta & faciliè cedens arena, ad furas vsque pedes deuoret, ne
 ordines rectè constitui sinat. Quapropter bellandi arte, & peditum Turcorum
 vim, & Numidarum equitum perpetuò laceffentium repentinos impetus
 sustinebunt, aut eludent? Si verò tot sunt, quos istiasserunt, quinam commo-
 rus, si bellum trahatur, tantam hominum colluuiem pascent? Hoc proinde
 bello, viri fortes, nouū & incomparabile trophæum in terra Africa defigemus.
 quod Carolus summæ opulentia & dignitatis hostium imperator aut truci-
 datus concideret, aut optimæ futurus prædæ in nostrā veniet potestatem. Quod
 ad me attinet enixè dabo operam, ut nihil vel armorum, vel commæus, vel
 auxiliorum administrando atque gerendo bello vobis desit. Vetera enim ar-
 mamentaria pandam, aperiā horrea, referabo ararium, & ad Numidas quos
 iam amicitia conciliatos habemus pecuniam in stipendium, exoptataq; gen-
 tium munera confestim mittam. Tunetanos verò in spem præmiorum exigua mer-
 cede in officio contineri, & hostibus obijci faciliè posse scitis. Hoc autem vnum
 militiæ munus à vestra virtute vehementer exoptulo, ut Guletam quæ non
 vrbi modò, sed totius imperij, & subductæ præsertim clasfis certissimum est
 propugnaculum, acerrimè & constantissimè defendatis: in eam enim hostes
 primo impetu deferetur. Vos itaque eam mihi & Solymano imperatori inui-
 ctis animis seruatote, ut irritò incepto tentata, & à vobis fortiter defensa, hos-
 tis Cæsar deceptus sua inani opinione, & tota existimatione sui nominis ipo-
 liatus, non iam de expugnanda vrbe Tuneto, sed de reditu, saluteq; desperet.
 Hæc quum dixisset, trierarchi vno consensu responderunt, se paratissimis ani-
 mis cuncta facturos quæ imperaret, nec commissuros, ut dedecus pristina sua
 virtute indignum admitteretur, & id iureiurando singuli confirmarunt. Hos
 omnes Sinas Smyrnæus dextro captus oculo, quem Turcæ Cæfitem (hoc est
 Iudæum) vocabant, cum ætatis honore tum militaris prudentiæ autoritate fa-
 cilè anteibat. Huic proximi accedebant Haidinus Cilix, cui propter terribilem
 impetum Cacciadiabolo cognomen erat, & secundum hos Salecus ab Ionia,
 & Tabacchespirata Laodicens, & ex ordine Ianizerorum Giaffer centurio,
 virtute animi & corporis viribus insignis. Is Guleta situs est, ut lateritia tur-
 ris etiam adiecta munitione his faucibus imminet, per quas Carthaginensis si-
 nus mare ad australe litus allidens, sensim in stagnum sese insinuat, quo paruis
 nauigijs ad urbem Tunetum aditus patet. Neq; enim hæc palus longior est,

aut latior duodecim miliaribus, sed utrinq; ita humilia sunt vada, ut nisi medio eoque profundiore alveo pernavigari queat. Ingressum à mari turris prohibet, quam circumadiectæ munitiones augent, ea amplitudine, ut iustæ manus præsidium facile capiat. Hanc Barbarussa multis tormentis instruxerat, ut suam classem, quam intra stagnum propulerat, ab hostili iniuria tueretur. Carthagenensis autem sinus ea forma est, ut eius ingressus ab alto adnavigantibus abscondatur: quoniam Clupeæ promontorium antiquis Mercurij & Pulchri vocatum, multum in occidentem Solem sese extendit, & introrsus demum se reflectens, alterum efficit promontorium, olim Apollinis, hodie Zafranum à nautis appellatum. Inde verò lunato ambitu ad Guletæ fauces recurvatur, & ad lævam Radæ urbis calidarum aquarum salubritate celebris, regionem relinquit. Ex adverso autem collapsæ Carthaginis situm spectat, atq; item colles olivæque & litus ipsum Aquariæ turris, qua nostra classis appulerat. Cæterum Guletæ fauces pons ligneus cum adversa orientali parte coniungit, quo transirent qui ab Tuneto terrestri itinere commeabant. Huc enim atque illuc Turcæ iter habentes sese divisim per vices excubijs permutare erant soliti. Nam rerum omnium copię in quotidianos usus per stagnum levioribus lembis advehebantur. At Cæsar tota classe ad anchoras constituta, pronuntiari iussit, ut milites expediti in triremium magnarumq; navium scaphas desilirent, & toto litore descensiones facerent, quod usque adeo compositè administratum est, ut tota undiq; litora Barbarorum agminibus nudarentur. Neq; enim nostrorum clamorem & sclopettorum strepitum ferre potuerunt, quin in fugam nullo contracto certamine protinus se darent. Veteranos Hispanos Itali, & hos demum Germani subsecuti sunt, cunctosque munitis castris Vastius consistere, nec temerè vagari iussit, donec equites, & relique omnes copię, totusq; tormentorum apparatus in terram exponeretur. Descendit & Cæsar ipse bonæ spei & certæ alacritatis plenus, qui alas hostium occupantes litora, & descensum nostrorū prohibere conantes in fugam versas cōspexerat. Erexit autē prætorium idoneo in loco inter duas turres, quarum alteram vocari Aquariam diximus: alterā Barbari Salinariam appellant. Interim variæ militum manus emillæ sunt, quæ proxima explorarēt loca, & cisternas puteosq; quaritarēt, hostiumq; simul casas, & vicos mapalibus similes occuparent usq; ad summos colles, ubi vetusti templi ædificia visebantur: quo in vertice duarū cohortium Iralicarum vexilla præsidij causa cōstituta sunt iuxta antiqui operis aquæ ductum, quo olim magna perennis aquæ vis in urbem Carthaginē perducebatur. Afripedites, equitesq; præsertim Numidę velox, insidiosum, & summi laboris militū genus omnibus horis locisq; repentini ac infesti nostris occurrebāt, locorumq; notitia cōfisi, uti erant inermes & agiles nostros sæpe incautos ac impeditos armis circumstitebant, sagittis, iaculis atq; lapidibus rem gerentes tanta feritate, ut nemini vel dedito parcerent. In quibus fuit Hieronymus Spinula Ligur centurio, cui Numida eques ictu inversæ lancee prostrato ab equo deliciens, priusquā subveniri posset, caput præcidit, & cōlensò rursus equo celeriter asportavit. Eadem quoq; mala fors incidit Federico Carecto regulo: is quū à Vastio exploratū duceretur, eius lateri hærens sclopetti glande traiectus est. Sed eā hostium agilitas ferociaq; Cæsarem minimè retardabat, quin ipse com paucis exploratum iret, et in conspectu volitantium undiq; Numidarū cuncta oculis perlustraret: ea quidem animi constantia, ut ab amicis gravioribus fru-

stra admoneretur, neminorum ducum munia tanto suo publicæq; salutis periculo usurpare vellet. Iam Vastius non longè à Guleta legiones promouerat, crebris passim obliquis fossis sinuosè perductis, & constitutis munitionibus, vt tutò milites cōmeare, in opereq; versari possent, & continuos tormentorū hostilium ictus pauescere desinerent. Faciebāt autem opus non serui modo remiges, sed milites ipsi omnium ordinum magno quidem cum labore, verum alacritate singulari, vt post quibus Cæsar præsens ac indefessus esset adhortator, & pleriq; duces certatim ligonibus & batilis pròptas manus admouerent. Erat enim extensæ munitionis ingens spatium. nam Cæsar nequaquā properè, sed paulatim proferenda opera censuerat, vt tutò produci milites & tormenta muralia opportunè subuchi, atq; inde inuadi hostes possent, qui nihil omnino apud nostros remissum, aut paulo negligentius munitum esse patiebantur. Tantos siquidem spiritus barbari prædones sibi desumpserant, vt vltro erumpere, et nostros ad confrendas manus prouocare, accedereq; propius admuntiones, atq; eas subire auderent. In prima erecti aggeris fronte, præcipuum ibi locum depoposcerat Sarnensis regulus, elatus spectatæ virtutis fama, quam Peloponnesiaco (vt diximus) bello fuerat adeptus. Is rotundi ambitus agger, muralis instar propugnaculi, sed paulo quàm ex disciplina oportet angustior rem erexerat: nam in medio tabernaculum splendide extensum, ferme totum loci spatium occupabat. Intra hunc aggerem quanquam arctè, cohortes contulerat. Sed vir æquo acrior, & parandæ laudis audior, quum forte hostes in conspectum se dedissent, quin in eos confestim erumperet, contineri non potuit. Salecus enim ausu astuq; piratico insignis, cum delecta suorum manu, ad eius munitionem excelso tabernaculo conspicuam aduolarat, magnamque & repentinum tumultum apud nostros excitarat, sic tamen vt sclopettorū glandibus repulsus, coactusq; se recipere videretur. Tum verò Sarnensis quosdam præfectorum suorum contumeliosè appellatis, quod eos timidi & cunctantius egressuros & subsequituros appareret, in hostem callide tergivertentem, ira feruidus erupit, obuios acriter vulnerans atq; prosternens, vt fato suo non inhonestam viam aperiret. Ita Salecus nostros satis magno intervallo a cæteris disiunctos, edendæq; cædi opportunos videns, ad suos conuersus, milites, inquit, quam exoptastis de hoste prædam indagine clausum tenetis, proinde conuertite ferrum fortiterq; pugnate, vt nemo ex his audacis tironibus viuus aut integer euadat. Nec mora conglobantium sese ea fuit impressio, atque is in hostem impetus, vt nostri pauciores aduersus multos non diu resisterent, sed tumultuosissimè terga darent. Sarnensis ipse antè alios acerrimè depugnans cum Belingerio affine suo cohortis præfecto trucidatur: reliqui eandem in fuga oppressi Fortunam subeunt. Cæteros intra munitionem confugientes irretitosq; tabernaculi funibus, quos minus expedita fuga se reciperent, Turcæ audacter intrantes contrucidant, à quibus argentea suppellex ipsius Sarnensis properè direpta est. neq; fuit quisquam ex proxima Hispanorum statione qui satis maturè socijs perturbatis & profligatis opem tulerit. Ferunt enim Hispanos sociorum Italorum cladem non omnino tristibus spectasse oculis, tanquam bono iure indignantes, quod propinquæ hosti, ideoque periculosi custodiæ locum arrogantia quadā Sarnensis desumpsisset, qui nouus propè miles, quanquā apprimè nobilis et valde pugnax, id ambitiosius quàm deceret primi honoris causa à Vastio impetrasse diceretur: caput eius

cum

cum dextra ad Barbaruffam delatum est. At nostri, barbaris ex successu eius diei lætitiā crebris tormentorum bombis celebrantibus, magnopere tristes, vix animis accepti incommodi ignominiam sustinebant, querebanturque iidem ab Hispanis nequaquam alacriter fuisse adiutos. Sed Vastius, quā multum valebat, molli oratione afflictos est consolatus, sic ut eos non virtute hostiū, sed ipsorum & preproperi ducis timeritate contractū fuisse decurionem, ostenderet. Verū id totum, quod malè auspīcatum accidisset, probè expiatum videri ipsa ducis cæde, qui totius accepti incommodi author extitisset. Proinde confirmarent animos, et quicquid dedecoris esset admissum nova virtute sarcindendum existimarent. Hispanos autem seueris castigauit verbis tanquam parum misericordes, quod nequaquam amice erga socios voluntatis suspicionem parandi odij plenam, leui de causa præbuisent. Sed Fortuna non iniqua plerumque libidine, bona pariter & mala inter mortales dispensare solita id Hispanis non induxit, ut ab hesterno inflicto vulnere diu socios contemnerent: par enim eis dedecus Tabacches attulit. Sub auroram nanquē erumpens cæto & festinato procursu Hispanorum munitiones adortus, vsque adeo vehementer stationem perturbauit, ut consensu aggere aliquot defides & operis labore fessos, alios reposita repetentes arma, in fossā oppresserit, clamoreque edito reliquam custodiæ manum valde perterritam terga dare coegerit. Atque ita Barbari momento temporis fossorij potiti ferramentis, & rapto Francisci Sarmienti vexillo, quod erat in summo aggere defixum, intersectoque in fossa Mendefio cohortis præfecto, qui ab multo abdomine grauis, fugam capessere naquiuera, multis improviso cæsis & vulneratis, prius se receperunt, quam auxilia adcurrentium cohortium superuenirent. Adcurrit & ipse Cæsar armatus ad tumultum totis castris excitatum, seuerè increpitis, qui commissum stationis locum trepidè deseruissent, & vsque adeo segniter et supinè custodias obissent, aduersus eum hostem qui suo astu, velocitate, atque audaciā repentinus, & insolens, & ferox, à peritis ipsisque præsertim veteranis, nisi temere contemnendus videretur. Id insigne editum facinus pudorem Italis abunde deteruit, quum dedecus Hispanis opportunè communicatū viderent, & eo quidem acerbiorē aduersi euentus sorte, quod veterani disciplinæ parum memores aliquanto inusitatius & turpius deprehensi cæsiq; fuissent, quā Itali tyrones, qui committendę pugnæ studio temerè progressi & elici, et conferto certamine à multis trucidari facili potuerint. Sedato tumultu Vastius veteres præfectos, primorumque ordinum centuriones in tabernaculum vocauit, conuersusque ad eos, viri, inquit, alioqui semper fortes, qui multas incomparabilesque victorias mecum Cæsari inuicta virtute vestra peperistis, paucis omnino verbis cohortandi videmini, ut pristinum spectatumque semper bellicum vigorem ad animos reuocetis. In vobis enim (ut vidio) quod piget, pudetque, antiquæ partē laudis memoria penitus refrixit, te insolito metu obtorpuerunt manus, & noua pigritia corpora alanguerunt, ut non horum inermium prædonum insolentiam vestro forti ausu frenandam vindicandamque putetis. Irrisistis, ut nonnulli obiectant heri sociorum inauspicatæ promptitudinis coniunctā cum pœna temeritatem: at illi hodie vestram incuriam degeneremque segnitiam iure optimo rident, sic ut hoc commune dedecus vestro præsertim aliquo celebre & pulcherrimo facto abolendum esse fateamur. Censeo itaque & seuerè iubeo ut ad nouam parandam laudem arma atque animos quamprimum præparetis,

& hostes si rursus laceffant, & munitiones tentent, eruptione facta fodiendo eorum inermia pectora, & terga cædendo, malè mulctatos intra Guletæ portum compellatis. Strenuè instantibus atque prementibus fortasse advenit Fortuna, ut inimixti perturbato agmini, munitiones intretis simul & occupetis, in quibus ipsorum spem omnem repositam videnus. Quod si hoc secus acciderit quàm sperandum sit, saltem cum Cæsari, tum mihi decorique vestro, vel hoc vno insigni conatu abunde erit satisfactum. Ad ea continuo Aluarez Gradeus, Cisnerius, Rodericusque Ripalta, & cum his Sarmentus, Didacus Abyla, Franciscusque Ruitius, responderunt se vsq; adco præstantem operam nauaturos, ut in ipsis neque vim, neq; omnis periculi contemptum, aut expectatæ quærendæ laudis ardorem, viris fortibus impigrè pugnare solitis dignum desideraret. Nec Barbari aduerso nostrorum successu elati, quin eadem consuetudine audacter crumperent, plus tridui mora conquierunt, meridianoque tempore Giasfer, cui id munus fortè contigerat, cum Ianizeris, Afrorumque iaculatorum manu superiores munitiones inuasit, ratus se ea hora nostros, cum labore operis, tum Solis feruore confectos, in statione segnes & imparatos aggesserum. Jam Barbari inopinantibus nostris, uti remissa passim eius feruentissimæ horæ custodia, aggerem conscenderant, & certatim in subiectos vndeque glandes, sagittas, & lapides conijciebant, quum extemplo ad leuem tympanorum sonitum sclopettarij nostri sicuti fuerat imperatum, duobus simul locis eruperunt. His Vastius subsidiariam manum ex galeatis thoracisque militibus, qui alabardis, breuioribus hastis, aut partesanis lato ferro Italorum consuetudine rem gererent, opportunè submisit. Phalanges autem suo ordine compolitas intra munitiones constituit, ut si quid leui armaturæ durius accideret, eam pedem referentē pedites reciperent, & ad pugnam parati simul cœstruerentur, ceptique certaminis euentum expectarent. Pugnatum est virinque summa contentione: nam Ianizeri quanquam graui nostrorum impetu repellerentur, uti milites pro dignitate prætoriani sui ordinis nusquam terga dare soliti, non multum constantia aut virtute animi nostris cedebant. Sed Giasfer ipso, qui ante alios ardentius dimicabat, duobus simul glandibus trajecto, cadenteque, ora conuertere fugamque respicere cœperunt, & mox expulsum ducem erigere atque referre conantes, redintegrata ob id acriore pugna, quum alij supra exanimem vtrinque cecidissent, effuse in fugam se dare coacti sunt, nostris tanto ardore persequentibus, ut Guletani receptis primis periculum verti quartam ferè suorum partem obseratis repente portæ valuis excluderint. Verum hi deflectentes versus stagnum, postico ferè aditu, qui nostris erat inexploratus, intra munitionem se receperunt. In eo tumultu, quod Sinas totam munitionis coronam propugnatoribus egregiè muniuisset, periculosus atque difficilis nostris receptus est datus, Didacusque Abyla nouellariæ cohortis signifer, in hostili aggere vexillum defigere ausus, multis simul glandibus petitus, & sagittis confixus occubuit. Neque tamen vixillo potitus est hostis, quum illud proximus miles ex occupantium manibus intrepidè rapuisset. Rodericus quoque Ripalta crassioris sclopetti glande collisa vehementer galea grauè vulnus accepit, multoque plures è nostris in receptu quàm in pugna desiderati sunt: quoniam e rota munitione Barbari omnis generis tela & tormenta (quod extra suorum periculum antea tanquam in permixtos fieri nequiuerat) certatim contorquebant. Eo tamen die Barbarorum audacia egregiè repressa est,

& spes

& spes expugnandę munitionis nostris non obscurę præbita, quod ex propinquo munitionis natura consideratius explorata certam victoriam aggressuris promittere videretur. Nam ea inter omnes enata erat opinio aliquanto infirmiorē esse, quā crederent Guletę munitionem, persuasumq; habebant eo aditu, quem diximus, postico & nostris incognito per stagni marginem irumpi potuisse. Qua de causa Sinas animaduerso aggeris vitio, quod non esset perpetuus nec lateritio ædificio coniunctus, nouum & subitarium ex remis munimentum erexit. His enim longa serie humi defixis, & sumium lorica, transuersoq; leuiorum asserum munimine confibulatis, ingressum præsepit, ne aut intrare hostis, aut suos ex obliquo intercedente paludis parte conspectos, certis sclopettorū ictibus petere posset. At Cæsar paucis diebus in ipso rerum apparatu deliberationeq; consumptis, statuit non esse terendum tempus, quin protinus Guletanis vim omnem, et verum terrorem admoueret: multę enim cuntes ad expedienda consilia vehemēter hortabantur, suorū in primis animi abunde restituti, hostium verō non vano planē metu perculsi, quos nouo præsidio erigi in spem, cōfirmariq; nolebat. Didicerat enim varia Numidarum agmina mercede conducta ad Tunetū appropinquare, contra suos aduersa tētari valetudine, vt pote qui interdum immoderato Solis feruore torrerentur, noctu verō largissimo cœli rore madefacti, astrictis, & propē gelatis artibus rigerent, nec aqua dulci aut planē suaui leuendę litis desideriu explerent, nec exoptata ægris recentis obsonij subsidia claslis præberet; militari namque industria effossi toto litore putei, et Aquarię item turris latices iniucunda salu gine redundabant, sic vt ægri pariter & incolumes compressa acrioribus pomis siti facile contabescerent, quanquam his malis Cæsar insigni pietatis cura liberaliter obuiā iret, & Ferdinandus Gonzaga Sicilię præfectus, rerum prope omniū aduersus in ediam & sitim, imminentesq; morbos opportuna præsidia, onustis pluribus nauigijs, in castra illico subsecuturus transmississet. & Alarco Neapolitanę arcis eustos, completa ingenti naue, pari studio ad Cæsarem esset profectus. Iam enim Aurianę claslis, Hispanicęq; præsertim nauticus patius mucorem & cariem sentire cœperat. Itaq; ad Idus Iulias promotę sunt munitiones in conspectum hostium, prolatusque omnis tormentorum apparatus. Hęc omnia protegebant oblonga munitio ex vinineis corbis vlitata ratione confectis, & ligneis item vinaris dolijs quę arena sola complebantur, quod Africę solū his in locis neq; glabram neque cespitem ad opus faciendum præberet. Auria suo vsus munere a mari oppugnandę Guletę negotium suscepit, ita totius claslis diuisis ordinibus, vt rostratę naues sibi per vices tripertito succederent, displosisque tormentis cædendo, sequentibus locum darent, maiores verō onerarięque naues idoneis in locis ad ancoras constitutę, ex castellis prorarum & puppiū, & ab excellis summi mali carchesium iugiter operam nauarent. A terra autem tribus in locis tripertito pariter singula munera diuisis inter se per nationes copijs Vastius partiebatur, vt singulę acies ex æquo attributi laboris onus, et speratę laudis fructum sentirent. Nunquam ab vlla hominum memoria, postquam tormenta ad excidium humani generis reperta sunt, vel acriore vi, vel maiore apparatu, exactioreque diligentia munitus vsquam locus est oppugnatus. Tanto enim crepitu, adeoq; horribili reboatu fragor ingentis terrę motus instar est editus, vt non quati modo & grauissimē concuti, verum tota passim terra hiscere, & iam iam mortales absor-

bere videretur. Mare autem quod modo tranquillitatem pacati æquoris ostenderat, fluctuosius concitari in orbes, remotaq; etiam pelagi spatia, repente excitata flauenti spuma cõturbari, lateq; feruere spectarentur, quã corium superfusa tot excitationis ignibus fumea caligne, omniũ oculis esset ereptum. Ab aurora ad meridinem maioribus colubrinis nusquam est cessatum. Itaq; turris cum adiecto suo antemurali terebrata vndiq;, & penitus diffracta hinc concidit, vnde tormenta suis apposita fenestellis, horumq; libratores, corruentium parietum, & profissa testitudinis ruina contegeret, munitionesq; circum omnes, nudate propugnaculis late passim perfossæ atq; desiectæ, non omnino difficilem nostris ascensum præberet. His ad accendendos animos cucullatus sacrosdos crucifixi Christi seruatoris ligneam imaginem præferebat. Nec mora cohortes quibus singulis senæ scalæ erant attributæ, eo ordine vt tum hostilem munitionem inuaderent, quum signum tubarũ cantu esset datum, nostrorumque tormenta cessassent, cohortante iubenteque Cæsare procurrerunt. Neq; diu Barbari quamquã in subeuntes tela omnis generis, naualiq; artificio misilem ignem tenaci flamma armis adhærentem conijceret, vim nostrorum tanquam terrefacti, magna; introrsus obruti clade sustinere potuerunt, sed occupatã a scandentibus munitionem, amissa spe defensionis deferere, præcipitesq; se in fugam dare coacti sunt. Sinas ipse cum ducibus ponte ligneo se eiecit in aduersam continentem, lœuoq; litore intẽto cursu Tunetum profugit, quo itinere multo maxima pars suorum sese proripiebat. Alij cæsi pulliq; in stagnũ detrudebantur, quos enatare conantes, & dextri litoris appetentes marginem Hispani equites & sclopettarij præsertim venatoria consuetudine passim opprimebant, tanta in sectandi voluptate, vt tota paulus Barbarorum cadaueribus constrata videretur. Nostri paucis amisissis, omni tormentorum apparatu, totaque iampridem subducta (vt diximus) hostium classe sunt potiti, quo nihil iucundius Cæsari Hariatleno verò acerbius accidere potuit gementibus piratis, qui maris & ratiis nauigationis facultatem, qua vna maxime valerent, amisisse querabantur. Constabat enim Barbarissam in ancipiti deliberatione aliquandiu steatẽ ambiguum, tuereturne regnũ terrestri manu, an ipsam potius maris possessionem retineret, qua ipse ab ineunte ætate factis sæpius Fortunæ sue periculo, duobus opulenta regna, & longè clarissimam peritiæ naualis existimationem ei ob consecutus. Sed in superbo ambitiosoque homine vel improbantibus trierarchis præualuisse confirmandi regni cupiditatem, tum maxime sibi aduerso Põnorum studio, qui alienigenã, & multa cruentũ cæde prædonem sibi regem impositum abominati, rediturum Muleassem expectabant, quem veteres amici ex Tunetanis expeterent, & præcipuus inter Numidas auunculus Dorax induciturum polliceretur. Verum ego postea ab ipso Auria accepi, Barbarissæ nihil famæ de aduentu Cæsaris credenti, tempus omnino defuisse, quo classem deducere atque instruere posset: nam quæ intra Guletæ fauces reducta, in ipsa paludis tuta statione seruabatur, nisi magno ergatarum & funium molimine, longoque militum & seruorũ remigum labore extrahi, appararique non poterat. Neque enim Barbarus vir acutus, ac utriusque militiæ peritissimus, vtrobiq; si copias diuideret, rem iustis viribus, & bona spe geri posse iudicabat. Qua de causa, sicuti superiore libro demonstrauimus, nouũ intra paludẽ portũ efficere, mareque apertũ nouis faucibus ad occasum excauatis immittere cogitabat, & iam magna ex parte perfecerat, vt expeditã instructamque suis armamentis clas-

tis classem securo in loco, & vndique tormentis permunito continerent. Sed
 cum pertinacissimè vacante operi, & passim veteribus Carthagenensibus molis
 reliquis occurrentem aquileges deterruerunt, affirmantes exiguo tempore
 futurum, ut Guletae munitio à continente abscissa, & redacta in insulae for-
 nam, nouo terrestri præsidio (si vsus posceret) confirmari atq; defendi non
 posset, & allidentis maris fluctus perflante Aquilone stagnum inuectis arenis
 oblimarent, exaggeratisq; vadis summæ utilitatis Tunesana nauigatio tollere-
 tur. Cæterum Barbarussa tanto accepto incommodo perturbatus & exterritus, ve-
 nientem ad se cum reliquis Iudæum ita turbido infestoq; supercilio excepit,
 ut ignamiam cunctis, scedumq; terrorem nimis propere conceptum exprobra-
 ret, grauiq; admissi dedecoris contumelia prosequeretur. Ad ea tamen Sinas
 pro omnibus respondens, Hariadene, inquit, quamdiu cum hominibus arma
 ascertandum nobis fuit, uti planè scis nec hostes disstentur, operam existima-
 tionem nostra, & tuis auspicijs dignam edidimus, vbi verò nobis cum diro Sa-
 thana, furisq; eius infernalibus, qui in nos horribili cum incendio terræ mo-
 tum extremi terroris atq; periculi excitarunt, repugnare necesse fuit, tibi mi-
 tum videri non debet; si immortalium humani generis hostium inuiscatam
 viam effugimus, ut tibi meliore Fortuna de imperij vrbisq; tutela certaturo inte-
 gri seruariemur. Neq; nos dispudet, tanquam iterum pugnatu-
 ros videri, è quo tu si interfuisses summæ constantiæ vetus dux, & mi-
 les, non turpè modò, sed planè honestum (si libero ore tecum loqui li-
 cet) incolumen emeruisse arbitrare. Hæc in primo congressu dicta fuisse ab
 his qui sermoni interfuerunt didicimus. Hariadenus compresso animi dolori,
 verborum contentioni finem imponens, leniore oratione singulos vehemen-
 ter est cohortatus, ut secum pro republica saluteque omnium aduersus hostes
 bellum sustinere, intentissimaq; cura gerere vellent. Seperare enim se post quā
 ampliora iam Afrorum peditum auxilia, & ingentes Numidici equitatus tur-
 mæ appropinquarent, hostes non diu Guleta capta latatu-
 ros, indeque mox
 adparanda quæ opus erant omnem industriam studiumq; conuertit, prolata
 statim ex ærario ampliorè pecunia, dispensataq; liberaliter inter Afros & Nu-
 midas, ut propensiorum confirmaret amicitiam, & nouo beneficio dubios ob-
 stringeret. Interea rex Muleasses ex vltiore Numidia cum modico propin-
 quorum & clientium comitatu ad Cæsarem in castra peruenit. Confederat in
 sella regia Cæsar medio in pretorio, in quod admissus est Muleasses suo cultu
 mitratus, cui lintea fascia a mento demissa guttur protegebat, & tibiae talaris
 adornabat vestis è serico viridi & cyaneo discolor. Erat is procera statura,
 suffusco vultu, planeque virili, sed oculorum lumine ita peruerso, ut spectan-
 tes malignè contueri videretur. Postquam verò exosculatus est Cæsaris dex-
 tram, tapete substrato, humi collectis cruribus more patrio sedens, per inter-
 pretem in hanc sententiam est locutus: Nullo meo, ter maxime imperator, in-
 signi officio prouocatus, quod ita religiones quibus dissentimus tulerunt, in
 hanc terrā armatus, & iam planè victor aduenisti, nō sine, uti reor, præclaro in-
 stinctu magni numinis, quod & nos pari pietate colimus, scilicet vlturus sum
 mæ perfidiæ & crudelitatis tyrannū & prædonem, humani generis hostē a-
 trocissimū, de quo propè iam partā expugnata Guleta, & capta classe victoriā
 ita prouideo, ut propediem cum maiore eiciorū omniū te vindice pernas daturū spe-
 rem, et eo quidē meo vberiore gaudio, quod scilicet atq; victoriæ tuæ fructus

ad me sit rediturus, me quidem in paternum & auitum regnum restitueret, quod à summa tua equitate atque virtute supplex & exul speraui. Erit enim tibi in primis vtile planeque decorum, si me, regem antiquissima stirpe progenitum, & magnis Numidarum & Pœnorū propinquitatibus clientelis quæ validum, complectare. Nec recuso vel tributum pendere, vel me beneficii iuris nomine Christiani imperatoris clientem profiteri. Fidei vero nec talis erit locupletior vades, quàm accepti beneficii memoria, quæ apud me honorosq; meos erit indelebilis, vel ob id præsertim quod ingrati nomen abominer, & exhorream, perenniꝫ amicitia vestra adeo propinquis è Sicilia Sardiniaq; præsidij confirmari mihi opes, & Punice gentis studia conciliari in agnarus rerum intelligam. Cæsar ad ea respondit, se eo animi decreto in Africam traiecisse, vt multorum temporū iniurias, quas Barbarus sa cunctis regnum suorum litoribus intulisset, armis vindicaret, maleficientissimumq; hominum genus piratas excinderet. Huic voto suo piè cōcepto Christi Dei numen secundū belli successum dare, aspiraturumq; iam procul dubio, vt Tuncto capto tumma victoria potiretur. Tum verò se cuncta ei quæ ex vsu rerum fructusq; victoriæ forent, benignè concessurum, modo fidem non falleret, quæ sibi suspensa tanquam Punica videri posset, nisi eam beneficii memoria regio in animo gratissime confirmaret, aut armorū metus abundè tueretur, quādo hisdem vineis & regna benemeritis dari, & rebellibus adimi facile possent. Muleassès me grauem se præbuit, tanquam pristinae Fortunæ suæ nihil oblitus, quum Cæsar porrecta manu humaniter complecteretur. Ita verò comem ducib; se ostendit, vt ad spectaculum in quo conspici vellent, quum hasta longior me quassata, & cōuoluta in auersos & aduersos ictus, edmirabiliter se existeret, et serio præliantibus nostris admisceri cupere videretur. per otium cum philosophis de natura vniuersi, & de motu cœli, potestateq; siderum exactissime ex Auerrois disciplina disputaret. Ei Cæsar tabernaculum tendit, hospitalis munificentia munera in quotidianos vsus præberi iussit. Valerius & Albanus, & secundum hos reliqui procures omni honore adhibito fuerunt. Cupientem verò castra conspicerè, spectatum comiter deduxerunt, quas aggerum moles nostri celeriter extruxissent, quantus tormentorum apparatus, quæ custodiæ armatorum in statione pro castris excubarent, quantam vim peritiæ militaris, tot legiones non lingua modo, sed ipso oris habitu, & cultu armorum maximè diuersæ præferrent, præsens agnosceret, tuereturq; oculis an tot lectissimarum copiarum præsidia, quæ Cæsar inuictus imperator, ipsius qui iam reduceretur insigni beneficio in Africam adduxisset, ad debellandos hostes satis forent. Muleassès ante omnia numerū, atq; ordinem tormentorum, & incredibilem in foro rerum venalium omnis generis copiam, miramq; præsertim coementium paslim militum tranquillitatem, vehementer est admiratus. Nec multò post duces consertis in arcano sermonibus diligenti percunctatione multa ab rege ad gerendū bellū opportuna didicere: de Tunctanorum in primis studio & viribus, de situ item vrbs naturaq; mœnium, & munitione arcis, de suburbanis puteis & cisternis, & quam longè lateq; proxima oliueta, quæ densissimi nemoris speciem præberent, ad ortum Solis protenderentur: quales porro Afrorum & Numidarum essent copiae, quæ mercede conductæ tirāno operam nauarent. Id postremo non mani coniectura, tanquam mox euentu minimè cariturum, constanti ore protulit, Barba-

Barbarissimam nequaquam mœnibus, quæ tot nostrorum tormentis non magno labore prosterni possent, esse confisurum, sed omnes sub signis ad ostentationem educturum copias, ut inconditæ multitudinis conspectu procursumque terrere nostros, & immisso Numidarum equitatu, magnisque de more gentis sublatis clamoribus perturbare niteretur. Nec tamen Turcas pedites, quibus unis maxime fideret, & parcere vellet, in aciem esse producturum: verum reliquam Afrorum turbam obiecturum armato hosti, ut quid efficere posset, extra suorum periculum, Punico tantum sanguine vir astutus & callidus experiretur. Nihil enim eum suis nationibus magis alienum, magisque miserum arbitrari, quam si collatis signis collatoque pede confligeret cum eo hoste, qui phalanges splendenti protectas ferro, & prælongis horrentes hastis stabili gradu promovens, nudos iaculatores & sagittarios, carpentesque incedentia agmina inermes Numidas irrisurus esset, & nullo negotio prostraturus. Nostros autem nihil omnino perperassuros aut sensuros infestius quam ardorem Solis & obortam inde sitim, cui tamen malo facile occurri posset crebris aquæ subvectionibus. Eam namque è propinqua classe utribus, & cupis ligneis per servos & frequentibus naviculis per stagnum abunde posse comportari, dispensarique per acies, quanquam in proximo non longè a mœnibus veteres cisternæ satis magnam vim aquæ dulcis sitientibus præbituræ crederentur, nisi eas malignus atque atrox hostis communi incommodo venenis inficeret. Hæc suo ordine ad Cæsarem perlata, eum in sua spe non dubiæ victoriæ confirmarunt, isque totus in eam cogitationem generoso consilio incubuit, ut nihil militaris studij curæque remittens quam primum universas copias Guletræ & Tuneto admovendas decerneret. Cæterum parandis his rebus instruendisque militibus, & noscendis hostium consilijs, quum impensè vacaret Cæsar, varia nostri quotidie cum Numidis prælia serebant, sic ut semel iusta prope pugna cum barbaris certaretur, quæ initium hoc modo habuit: Barbari æneis aliquot tormentis inter oliveta dispositis, pilas continenter in castra iaculabantur. Ea re cognita Cæsar omnibus Italis & veteranis compluribus Germanorum Hispanorumque cohortibus aggeri & castris præsidio constitutis reliquas copias & equitatum educit, quum paulò antea Montegium equitatum Hispanico præfectum contra hostes præmisisset. Cum Barbaris aliquandiu vario eventu certabatur: nam tamen per aliquot sclopettarios pedites satis prosperè contra hostes nostri rem gerebant: Hispani tamen equites, uti ex clientibus procerum parum armorum usu peritis conscripti, Numidarum & Turcarum equitum vim ferre non poterant: sic ut inspectante Cæsare perturbati & terga dantes, ad gravis armaturæ vexilla confugerent, & ipse dux Montegius vel acerrimè pugnans solido thorace Numidica cuspidè perforato graviter sauciaretur, atque ægrè servaretur: & idem vitæ periculum vulnere accepto adiret Garzias Lalsius nō genere modo, verum poetica lauro perillustis. Hunc sauciatum & circumventum Federicus Caraffa nobilis Neapolitanus suo hostilique sanguine perfusus servavit. Id autem pugnae genus eiusmodi erat, ut magno impetu primo procurrerent: deinde quum premerentur, consultò terga darent, & hostium impetum cedendo refringerent: rursus conversi infestis signis irruerent in hostem. Sed aliquanto iniquius Hispani: nam tamen optimi generis equos adduxerant, minimè tamen eos huiusmodi prælijs insuetos habebant. Quoniam equestri exercitatio post depulso Bætico im-

perio Mauros iam pridem exolevisset, præterquam quod hastarum longitudine etiam Barbaris erant impares, ideoque pauci adversus multos ingruentes consistere non auderent. Cæsar ubi suos a Barbaris acrius premi, ac cedere paulo longius vidit, celeriter cum gravioris armaturæ equitibus ad volatucius adventu & acri impressione Barbari tormentis currulibus amissis, præcipientes sese fugæ mandarunt. In eo concursu Cæsar ipse, uti ante agmen armatus constiterat, divum Iacobum, quod est Hispanorum equitum tutelare numen, pro tessera clariore voce invocavit, & in Barbaros ita investus est, ut non duobus modo intrepidi, sed pugnacissimi etiam militis officium præstaret, coronæq; civicae honorem promereretur, quum Andream Pontium equitem & Boetica nobilem equo perfollo deiectum, & graviter in facie vulneratum, ideoque circumventum ab hostibus suo interventu servavisset. Vni eo die nostris paucissimi equites Græci, duce Lazaro Coroneo, Barbaros usque adeo mirabili feriendi atque eludendi arte, præsentique audacia repellabant, ut sæpe dare terga congerent. Sed Græcorum & Lazari inusitata ferocia temeritateque fiebas, ut quum abeuntium agmina lacescendo instandoque intemperanter persequerentur, oborto pudore Barbari indignanter in id præcax & pileatum hostium genus ora & signa converterent, redintegrataque pugna refugientes effuse confectarentur usque ad cataphractorum alas, quas Græcorum periculo commoveri laxarique necesse foret; id graviter ferente Cæsare, qui abeuntium terga potius a nostris eo tempore quam ora pugnantium spectanda iudicabat, tanquam equitatu suo valde perterritus diffusus: sic ut Lazarum sæpe revocatum, nec dicto audientem districto gladio persequens, nisi laxatis forte ephippii cingulis ex equo in arenam prope decidisset, percussurus esse crederetur. Per eos quoque dies accidit, ut barbarorum circiter triginta milia ad occupandam turrem, in editiore antiquæ Carthaginis tumulo sitam, magno studio & velocitate contenderent. In ea turre Cæsar, quod castris immineret, paulo ante præsidium paucorum militum reliquerat. Barbarorum agmen magus quidam sacerdos Numida superstitioso ululatu edito præibat, spargens circumquaque quoddam syngraphas, quibus Christiani nominis militibus dirum exitium imprecabatur, iamque nostros inclusos turri, atque igne & fumo circumventos vehementer premebant, quum Cæsar ipse protinus promotis equitum & peditum aliquot ordinibus, Barbaros invasit, atque omnes celeriter mago sacerdote ante alios interfecto, terrore perculsos in fugam coniecit. Audivi ego postea a Cæsare, quum apud Neapolim mihi scripturo totius partæ victoriæ seriem enarraret, se balistariorum equitum alam magno proculdubio usui contra intermes hostes futuram, eo die plurimum desiderasse, ut Numidæ & equi eorum præsertim, quos magno parant pretio, ideoque secundum vitam longe habent carissimos, verutis configerentur, instauraturumque propterea eius scorpionarii ordinis dudum intermissi, & sensim exolevissent peculiarem alam, qua si opus foret adversus Barbaros uteretur, sicuti ipse paulo ante inter prætorianos custodiæ corporis equites habere consuevisset. Per hunc modum Hispanico equitatu perculso, plerique putaverunt nostros equites, si universo prælio certaretur, neque numero neque genere armorum Numidæ hosti pares futuros: exploratam tamen per sclopettarios, & ceteros pedites victoriam existimari, qui audacter effusos adoriri, & sese in oliveta insinuare, condereque ad occasionem invadendi hostis solerent, & multa illis ex occulto detri-

menta

menta inferrent, ut tum accidit, sicuti supra demonstratum est, quum conglor-
 batam in proximo tumulo Afrorum manum, constitutaque ibi duo currulia
 tormenta in nostros sæpe displodentem, facto impetu depulerunt, potitique
 tormentis, aliquot eorum in capeßenda fuga pertinacius hærentes contruci-
 darent. His de causis quæ supra commemoratæ sunt, nonnulli graves toga-
 tique homines bello minimè imponendum finem, sed maturè recedendum ex
 Africa dictitabant, quòd satis profecisse Cæsar videretur, vel ad laudem, quam
 iam non mediocrem Guleta capta, occupataque hostium classe esset consecu-
 tus, vel ad utilitatem, totis scilicet Europæ litoribus prædonum metu libera-
 tis, & tum maximè quum vulgò milites fœdis atque mortiferis alvi profluvij
 laborarent, ægrorumq; numerus in dies augeretur: ex adverso autem præpo-
 nentes Numidarum reguli veteres Muleasis inimici ad Barbarussam perve-
 nisse nunciarentur. Horum intempestivas voces Cæsar opportunè compescen-
 das ratus, contra eos gravi oratione differuit, tanquam ineptius atque timi-
 dius, quàm homines constantiæ & virtutis opinione ab se in consilium rece-
 ptos deceret de rerum successu, futuraque victoria angustissimis usque adeo a-
 nimis dubitarèt. Eam enim se ab ipsis tanquam inutilem & prorsus infamem
 studi operam non requirere, ut de salute sua potius quàm de dignitate solliciti
 esse velint. Ea siquidem ante susceptum & bono eventu semiconfectum bel-
 lum, prius quàm in Africam trañceretur, commemorari debuisse: nam tutò se
 in Hispania bello vacuum conquietescere, atq; omnes maritimæ oræ iniurias &
 miserorum querelas contemnere facile potuisse. Cæterum gravissimis (uti ipsi
 scirent) de causis eò esse perventum, ubi ad retinendam cum publicæ dignita-
 tis, tum privati nominis existimationem, aut opima parta victoria, aut si id su-
 peri nollent, honesta saltem morte famæ satisfaciendum esse censeret, quan-
 do ipse omnem vitandi dedecoris, & parandæ laudis rationem ipsa vita cario-
 rem semper habuerit. Proinde sibi satis impavido, vel adulari, vel fortibus in-
 auspiciatum terrorem incutere desinerent, & quicquid ad belli exitum fortuna
 adveheret, se duce constantibus animis in crastinum diem expectarent. Con-
 flicturum enim se iusto prælio, aut si hostis abnueret, admotis tormentis Tu-
 neti mœnia quassaturum, ea mente, ut Deum divosque omnes, quos susceptis
 ritè votis propitiasset, sibi pro pietate & summæ equitatis causa bellum geren-
 ti proculdubio affuturos crederet. Cæsar præsidio Guletæ imposito, dirutæ
 munitionis aggerem instaurari, captaque tormenta more nostro subditis ro-
 tis reconcinnari iussit, quæ magnis inserta trabibus, & navali rudique artifi-
 cio armillis præcincta ferreis, neque verti commodè, neque aptè dirigi facile
 poterant. Indeque latè explorata regione, quæ inter oliveta & dextros stagni
 margines nudum & expeditum iter ad urbem ostendebat, castra promovit,
 ita composito agminum ordine, ut parati ad pugnam instructa acie adversus
 omnes insidias, incursumque Barbarorum iter facerent. Ad lævam Itali stagno
 proximi, Hispani ad dextram oliveta spectantes, mediam Germanorum pha-
 langem suo incedentem passu utrinque tuebantur. Iuxta hanc erant tormenta,
 & secundum hæc impedimenta totius exercitus. In principijs Vastius, penes
 quem concessu Cæsaris eo bello, eoque præsertim die militaris imperij pote-
 stas erat, speculabundus & hortabundus versabatur. Albanus valido equitatu
 delectisque cohortibus confirmatus, in postremo agmine curabat. Cæsari in
 medio apud vexilla locus fuerat attributus, cuius lateri cohærebat Ludovicus

Lusitaniæ regis frater. Italij peculiaris erat adhortator princeps Salernitanus, Hispanis Alarco dux vetus, et Germanis Maximilianus Ebersteinus, sed cunctis ordinibus adequitans armatus Cæsar aderat, alacri vultu & fiducia pleno, commemoratis superiorum temporum victorijs, quas sibi invicta virtute peperissent. Eo autem die ab ipsis operam longè gloriosissimam expectare, postquam adversus Christiani nominis hostes, qui essent inermes, dimicandum foret. Itaque fortibus animis armorum pondera, cedentis arenæ molestias, pulveris & Solis æstus, & ipsam denique sitim tantisper ferrent, dum conspecto hoste conseri manus possent. Victoriâ profecto Deum divosque omnes, pro quibus pugnarent, haud dubiè præbituros. Ipsos autem manere opulentæ prædæ præmia, quæ ex direptione dirissimæ urbis expectari possent. Succlamatum est à cunctis agminibus, ne his quas commemorasset difficultatibus angeretur, sed speraret suos milites cuncta incommoda æquissimis animis toleraturos, ut egregiè pugnando veterem spectatæ virtutis opinionem non fallerent, & ipsum non in Africa modo, sed Hierosolymis recepto Christi sepulchro supremum summæ gloriæ Imperatorem constituerent. Subdlexerat Vastius è dextra Hispanorum acie, quæ oliveto erat coniuncta, duas sclopettariorum manus, quas manicas vocabant, quod cornuum instar diverso Itatorum agmini eo modo erant coniunctæ, ut admixtis eorum sclopettarijs ad olivetumque longo tractu sese extenderent, & cum Barbaris dispersim extraordinario pugnae genere præliarentur, Barbarique ad postremum usque agmen carpendo signa verterent. Verum eos Albanus pari ordine per sclopettarios & instantas ad id equitum turmas egregiè reprimebat. Iam ad cisternas, quas Muleasses, & plerique alij periti regionis indicarant, erat perventum, hisque procul conspectis, nostri sub ardentissimo sole pondereque armorum, lacessente immodica siti fatiscientes, potandi desiderio abruptim ordines deferere, & ad eam citato cursu deferri cœperunt, frustra vetante, comminanteque Vastio, qui magno incommodo dissolvi aciem, & propinquos hostes ultro ad rem bene gerendam accersiri nostrorum impatientia providebat. Quum ille retentantio verberandoque nihil proficeret, eò decurrit Cæsar ut præsentis autoritate ægriparentes in ordine atque acie contineret. Verum ubi valida atque intoleranda sitis sudantia corpora perurgeret, neque cōspectus Cæsaris, neque vis imperij quicquam valebat, quod multi tum prope exanimis in arena procumberent, ita ut Cæsar quosdam properantius se demergentes ut potarent, hasta tragulæ percuteret. Tum quoque Arpinas insignis Centurio, qui Tullij Ciceronis nomen ferebat, & sub Clemente Pontifice Urbis prætori Magaloto dextram detruncarat, avidè potabundus in cisterna periit. Per hunc modum temeritate castigata celeriter ordines sunt restituti. Hoc autem merito illis accidisse videbatur: quoniam Vastius pridie totis castris pronunciari iusserat, ut quisque miles utriculum aquæ, aut vini lagunculam sibi ad zonam subligaret, quanquam publica diligentia per acies opportuna adversus sitim remedia plenioribus vas circumferrentur, quæ in re Germanis largius indulgendum fuit. Nec defuere qui propemodum exanimati à proximo commilitone aquæ semihauftum binis aureis ægrè impetrarent. Composita igitur acie signa adversus hostes promota sunt: Barbarum enim magnis peditum & equitum explicatis agminibus, in quibus Barbarorum consuetudine multa ad terrorem inanemque speciem vexilla spectabantur, ad tertium ab urbe lapidem pervenerat, productisque aliquot

aliquot currulibus tormentis nostrorum aciem, uti prædixerat Muleasses, perturbare conabatur. Vastius crebro displodente Barbarussa, nec ullum tamen detrimentum Christianis ordinibus afferente, tormenta proferri in primam aciem frontem iussit, ut his adversi hostes impeterentur. Eea verò quum ægrè tardeque adduci animadverteret, quòd iugatis servis & funibus traherentur, currumque rotas arena devoraret, & pilæ ferreae, sulphureique pulveris cadi. remigum & nautarum humeris segniter comportarentur, consilium repente mutat. Cæsarem edo cet, sibi nequaquam videri contendendum esse tormentis in ea occasione, qua milites pugnae desiderio incitati summa omnium alacritate signum sibi dari vehementer expeterent, rem omnino fortissimis militum dextris, fortunæque ipsius bono eventui semper aspirantis audacter esse committendam: Nedum (inquit) tormenta non semper magno usui repentinis in præliis futura, serò expectantur, inutili mora augeatur Barbaris animus, & totus hic non dubiæ victoriæ prænuncius militum animis conceptus ardor importuna cunctatione refrigescat. Ad ea Cæsar ab erecto in spem invictoque animo pugnae avidus: Davale, inquit, si tibi hoc probatur, quòd disciplinæ ratio mihi pariter ostendit, signa canere iubeto. Hoc ille exemplo faciam respondit, subiungens æquum esse, ut qui toti propè terrarum orbi imperaret, ei parere condisceret, quem gravi cum onere pudoreque eo die tanti exercitus ducem, abdicato Imperatoris nomine esse voluisset. Itaque iure meo, inquit Davalus, iam utor, inbeoque, ut hinc abscedas ad mediam aciem ubi sunt vexilla, ne fortuito incidentis pilæ casu, universa communis Fortunæ salus unius hominis periculo, inexpiabile subeat discrimen. Ad id subridens Cæsar, & ne id timeret subdens, quando Augustorum Cæsarum nemo unquam tormenti violentia concidisset, confestim ad signa se contulit. Itaque pugnae signo multo tympanorum crepitu, & tubarum clangore edito, in hostes est procursum, aliquanto pleniorum ordinum gradu impetuque præsertim levis armaturæ, quam Sol cuncta exurens deposceret, ut emissas ab hoste pilas periculi spatium emensi celeriter evitarent. Erat in prima procurentium fronte Ferdinandus Gonzaga, cuius eo die extraordinaria opera utebatur Cæsar, quòd nullum ei esset certum in exercitu militaris imperij munus. Is concitato equo primus omnium insignem Afrorum ducem hasta transfixit, districtoque gladio & repetitis ictibus ita proximos perturbavit, ut consequentibus nostris hostilem aciem facile perumpendam fundendamque præberet. Tanta autem exitit glandium procella, ut ante congressum trecenti amplius ex Barbaris sternerentur: ex reliquis peditibus consisteret nemo, sed agminatim desertis tormentis ad Barbarussæ aciem confugerent. Is incumbens nostrorum neque vim, neque conspectum diu tulit, sed præ dolore atque ira dentibus infrendens equum convertit, in urbemque cum Turcis est reiectus, postquam suscepti consilij initia adverso conatu minime processerant, nequaquam universo prælio decertandum rebatur, ut qui Cæsaris copias intolerandi æstus incommoda, multarumque rerum, & quæ præsertim inopiam non diu perferre posse crederet, speraretque ab his hostium difficultatibus præberi sibi posse occasionem rei benè gerendæ, si tantisper defensis urbis incenibus cunctaretur. Numidarum autem & Afrorum agmina, quæ nostris undique circumfusa nihil memorabile gesserant, ad Babasuecham atque Restabiam suburbana tecta diverterunt. Alij ad Bardeos usque hor-

tos sese extendere : reliqui in Rabatinorum ædificia urbi coniuncta recepti
 sunt. Cæsar ea hostium fuga, quorum centum millium numerus esse fereba-
 tur, magnopere lætatus, eodem in loco ubi hostis constiterat, castrametatus
 est, inito statim susceptoque consilio, ut sequenti die omnem tormentorum
 apparatus Tunetanis mœnibus admoveret. Interim Barbarussa non ob-
 scuro percussus metu, multisque simul distractus curis, se ipso factus atrocior,
 inusitatae crudelitatis consilium cœpit, occidendi scilicet servos Christiani no-
 minis, ita circumposito & incenso tormentario pulvere, ut ad unum omnes
 in ergastulis concremaret, certus id exequi, nisi Iudæus Sinas execrabile faci-
 nus dissuassisset, testatus huiusmodi consilium viro forti tot victorijs inclyto,
 regi quæ diadematis honorem præferenti indignum existimari, quando non
 multo post esset futurum, ut patrati tanti sceleris ipsum maxime pœniteret.
 Quid enim esse quàm concepti summi timoris & supremæ desperationis in-
 dicium? quæ duæ res asperum sustinenti bellum gravissimè nocerent, &
 anteaquæ vitæ decora deturparent. Caveret proinde ne ex atrocissima facti
 fama Solymani Imperatoris inexpressibile odium adversus se concitaret, qui o-
 mnis inhumanæ feritatis expers, immania scelera detestari & vindicare con-
 suesset. Vivere igitur sineret Christianos fatalibus suis vinctos cathenis, quan-
 diu fors ferret, qui diligentissimè custoditi atque inermes, non multo post uti
 esse, nec sine certa perniciæ sese commovere possent, si inauspicata libera-
 tis cupiditate tenerentur. Ab his profecto nec dari hosti, nec sibi eripi, vel
 denique morari speratam victoriam posse. Erubuit ad hæc tyrannus, con-
 cellaque miseris vita arce est egressus, & in longè maximum Urbis templum
 concionaturus se contulit. illuc enim principes Tunetanorum evocavit, ut
 quæ ad defensionem urbis paranda essent perdoceret. eorum verò animos
 adhortatione confirmaret, quibus iam pridem arma tanquam suspectis ad-
 emisset. Hæc agente Barbarussa maxime lætus & felix miserrimis servis dies
 illuxit, mox ater conversa Fortuna valdeque funestus Barbaris rediturus.
 Id namque diri tyranni votum non diu tegi celarique potuerat: certus si qui-
 dem barbaræ crudelitatis, imminensque adeo atrocis periculi rumor per
 totam arcem usque ad ergastula permanerat, misericordia quorundam liber-
 torum, qui domini truculentiam abominati, tactique religione animos ad
 veterem, veramque pietatem revocarant, primates servorum sibi notos per
 secreta colloquia ad libertatem excitantes. In his fuere Franciscus & Mede-
 lino Hispaniæ oppido, & Vincentius Catareus Dalmata, defectæ virilita-
 tis eunuchus. Hic Giafferagas vocabatur: Illum à pueritia educatum, & A-
 rabicas edoctum literas, Hariadenus in delictis habuerat, & Memim appel-
 labat. Hi duo memorabile, maximeque pium facinus ausi, patefacto carceris
 aditu, erectis in occasionem, & audacter consurgentibus, ad abruptas ca-
 thenas instrumenta præbuerunt, atque ita præclaro magni Dei miraculo
 circiter sex millia nudorum hominum, varijs rebus, saxisque præsertim dex-
 tras armantium, in Turcas erupere. Iam Ramadas & Bactia Hispaniæ oppi-
 do, præfectus arcis, inexpectato atque horribili tot cathenas effringentium
 strepitu excitatus cum armatis, quos repente cogere potuit, ad arcis portam
 decurrerat, in cuius limine Siculus iuvenis ingenio manuque promptissi-
 mus, arrepta repaguli trabe, unum atque alterum custodem prostraverat, ob-
 seratisque serreo vecte postibus porta fuerat potitus. Sed Ramada impe-
 tum

tum faciente, Siculus uti erat inermis conficitur, & reliqui portæ aditu depelluntur. Ipse reſerata porta ſibi ac ſuis egreſſum parat, & cum aliquot generoſis equis & ſarcinarijs iumentis, quibus carioris ſupelleſtilis partem raptim impoſuerat, ad Barbaruſſam acerbiffimi caſus nuncium ferens contendit. At Chriſtiani exutis compedibus tumultuariæque interfectis aliquot Turcis, totam occupant arcem, armamentarium refringunt, atque omni regia gaza, commeatu, armisque potiti, ab excella parte arcis de ſua victoria Cæſarianis ſignificant, partim fumo, partim flammis ab incenſo ſulphureo pulvere excitatis, expanſoque demum vexillo, quod Sarmentinæ cohorti apud aggeres ademptum fuiſſe docuimus. Hæc tamenſi dubiæ ſignificationis argumenta, noſtri in multo ſpacio nequaquam præclare perſpicerent: crebris tamen Tunetanorum ad Cæſarem, Muleaſſemque transfugijs adducebantur, ut gravem omnino apud hoſtes exortum eſſe tumultum crederent, & Cæſar cum expedita manu Giahenum & Buccanigram, qui ſervis opportunè rebellantibus opem ferrent, ad explorandum urbi atque arci appropinquare iuberet. Interea Hariadenus Iudæo in primis, qui importunè obſiſtendo expeditum, & ſalubre conſilium evertiſſet, falſisque item Dijs ſuis crebrò maledicens, ad arcem revertitur. Obſerata ianua ſupplex & propè lachrymans ſervos orat, mœnia portamque tenentes, ut ſe cunctis parcere integra fide paratum extemplo recipiant. At illi veteris novæque Fortunæ ſuæ memores, juſtoque exacerbatî odio, in eum certatim lapides conijciunt, adiectisque contumelioſis vocibus ſummovent: ſic ut ille ira & dolore præpeditus & furens, in conſpectos ſua manu ſagittas dirigeret, & rebus planè perditis & clamatis, deformem in fugam verteretur. Secuta ſunt fugientem Turcarum agmina, quorum numerus ſeptem millium ſummam implebat eo conſilio, ut ad urbem Hipponam, quam hodie Bonam vocant, divi Auguſtini præſulatu celebratam, ſe conferrent. Ibi enim ſuas triremes conſcendere, marique potius, quam terra reliquos Fortunæ ſuæ caſus experiri volebant: quoniam Hariadenus in ſtagno iuxta urbem & arcem influente, triremes quatuordecim tantam in ſtatione tutiſſima reliquerat, ad incerta belli, ſi opus foret, deducendas. Armamenta autem cum remis atque tormentis depoſita erant in arce, quam ſuo præſidio tuebatur. Cæſar ubi hoſtem deſperatis rebus effugere, Bardeosque prætergreſſum hortos, ad Bagradam amnem, qui à Pœnis Magiordêch appellatur, extentis itineribus properare certius didicit, Tuneti portis omnes copias admovit. Adventanti præſtò antè aſſuere civitatis magiſtratus, qui allatis portarum clavibus deditiõnem facerent, eiq; incruentæ victoriæ felicitatem gratularentur: ſe autem gratiſſimo animo, quod eſſent ſerviſſima Turcarum tyrannide liberati, cuncta quæ imperaret, protinus eſſe facturos. Id unum petere ab æquitate optimi & clementiſſimi Imperatoris, ut milites extra urbem in caſtris continere, & civitatem cum ſulato obſtrictam beneficio inviolatam præſtare vellet, poſtquam Muleaſſem antiquiſſimæ ſtirpis iſpſorum regem, ſingulari benignitate reducendum adduxiſſet. Nihil enim milites ex urbanis rerum omnium copijs, quæ ſuppeditari poſſent, eſſe deſideraturos. Pro ſuis quoque civibus deprecator aderat Muleaſſes, vehementer de civitatis ſalute ſolicitus. Sed Cæſar quanquã ad id præſtandum ſatis propenſo animo eſſe videretur, tamen quod de Punica fide nō temerè dubitabat, et quã Tunetani per Muleaſſem pecuniã ſe in ſtipendium præbituros antea promiſiſſent

astutē & cunctanter extrahendo tempus expedirent, utpote qui de supremis Barbarissæ consilijs eventum expectabant, ut ad id prolixè polliceretur adduci non poterat, & quominus Poënis quicquam certum de eorum salute promitteret, vel ob id admonebatur, quod turbidas frementium militum voces audiebat. Dictitabant enim se periniquè simul & ingrati tot navigationum ac itinerum extrema perpercos incōmoda iusto victoriæ præmio fraudari, postquam ipsos illuvie obritos & inopes, nihil iam aliud sustēteret & aleret, quam oblata spes prædæ, quæ sibi lacera veste vix pudenda tegentibus, exultisque longo labore & siti inclementer eriperetur, scilicet ut Tūnetani religionis hostes perpetuique receptatores & hospites immanium prædonum Christiana victoria lætari possent. ipsi autem victores elusi undiq; suas ærumnas perpetuò lugerent. Suspenso adhuc Cæsare Vastius cum parva manu ad arcis portam accessit, & à servis qui se in libertatē vendicarant, cum insigni gratulatione receptus est. Inspectati autem Barbaricas opes, & totum arcis apparatus, servus Ligur absconditæ pecuniæ latebras indicavit. Demerserat enim Barbarissa in cisternam ad triginta milia nummū aureæ monetę, pluribus insutę culis. Hos expiscatus Vastius, à Cæsare prædę donativi q; nomine, ut sibi concederentur faciliè impetravit. De se enim omnibus bellis optimè meritum, & ex natura liberalis ingenij inter principes eius ætatis maximè largitorem, commovere dignissimum existimabat. Verum arce inexpectata felicitate in potestatem redacta, & iam diripientibus cuncta servis, miles diutius contineri non potuit, quin agminatim intraret urbem, & per cunctas regiones ad prædam discurreret, Tūnetanis nihil ferè hostile expectantibus, & magno eiulatu edito Muleassidis fidem frustra implorantibus. Paulò siquidem antè conspectio Muleasse gens æquè mobilis & infida, pronaque in adulationem magnæ ususitæ lætitiæ significationes manuum plausu, & crebra gasticulatione corporum, secundisque acclamationibus omnis virorum & mulierum ætas ediderat, scilicet ut antiqui in nostros odij libidinem recondere, ob idque victores nostri nullo eorum merito ad misericordiam flecterentur, quum ex conscientia incertæ fidei id summæ calamitatis incommodum ultro sibi ipsis contraxissent. Primus inhiantium prædæ impetus, uti invadentium & effringentium fores varij casus tulerunt, promiscua cæde cruentus fuit. Sed Hispani atque Italici in avaritiam pronioribus, Germani ab insita animi feritate Mahometano cruore sitim explere properantes, ita cadaveribus cuncta complerunt, ut imbellem omnis sexus & ætatis turbam, ad inanum Deorum templa confugientem sine discrimine trucidarent, & pavimenta damnatis in templis multo inermium sanguine inundarentur. In eo cadentium miserorū strepitu, lugente obtestanteq; Muleasse, Cæsar sævitie modum imposuit, pronunciariq; iussit capitale fore, si quis Tūnetanum violaret civem, aut in servitutem abduceret. Fieri tamen nequijt quin multi, adolescentesq; præsertim, & fortiores sceminae ad classem raperentur: nam socij navales fama diripiendæ urbis exciti ad urbem convolabant. Quamobrem Muleassi licuit, quos noverrat è manibus prædantium in libertatem exiguo pretio vendicare, sic ut unam ex uxoribus eius, quæ antea inter carissimas fuisse dicebatur, binis redemptam aureis constet. Cæsar ingressus arcem servos, qui clarissimo facto summæ parandæ victoriæ occasionem præbuerant, collaudavit, divisaque viri-
tim certa pecunia, qua sese alerent, liberos fore dixit, pollicitus navigia, &

com-

commeatum, quibus in suas terras transportarentur: Medelinum autem & Giffetem, quos Barbarussæ alumnos, & effringendi ergastuli authores fuisse docuimus, pecunia, vesteq; donavit, à quibus postea multa de Barbarussæ consilijs, arcanisq; moribus didicimus. In ea arcis direptione tria incomparabilis iacturæ detrimēta Muleasses deploravit, Arabicorum voluminum in primis, quæ conturbata atq; direpta bibliotheca perierunt. Asservabantur enim antiquissimi codices, non disciplinarū modo omnium præcepta, sed superiorum etiam regum res gestas & Mahometanæ superstitionis interpretationem continentes, quæ rex ipse postea me audiente, se unius urbis pretio (si fieri posset) avidè redempturum disserebat. Secundo loco fuit unguentorum odoratique Indici aromatis officina, in quā patris Mahometis exemplo, prodigiosi sumptus, in usitatæq; luxuriæ orientis opes contulerat. Siquidem plumbeis in loculis, æburneisq; arculis tanta vis ambræ, musci & zibeti (harū rerum antiqua vocabula adhuc ignoramus) in balnei quotidianos usus, & nocturnos diurnosq; cubiculorum suffitus erat recondita, ut ingentis auri ponderis pretium excederet. Quæ tamen omnia Hariadenus victor militari duritia subagrestis, & damnarat, & effusè contemplerat. Postremo varia maximeq; pretiosa pigmentorum genera, ab ignaris servis atque militibus præsentis tantum & manifesti lucri spolia quærentibus, stultè prætermissa dissipataq; sunt. Nam acervi plures cærulei transmarini, quod cyaneum efficit colorem, & à Græcis authoribus lazurium vocatur, in armarijs reperti sunt, multiq; culci, cocco & lacca Indica pleni, quæ purpuræ colorem æmulantur, & a pictoribus eximijs, & lanarum telæque sericæ insectoribus magno coemuntur pretio. Quæ omnia tum scædè pessundata nemini prædè futura disperierunt. Ingens quoque balistarum, & nostri moris telorum & armorum, thoracumque præsertim ex laminis, & galearum apparatus est repertus, agnitæque sunt in his cassides, ocreæ, scemoraliaque Gallorum equitum, ab eo tempore quo Ludovicus rex Galliæ Tuncum ante trecentos annos obsederat, à Pœnis de Christiano hoste parta, quæ ad eius belli memoriam custodita servabantur. Interea Hariadenus ad Bagradam amnem, qui Maiordech à Barbaris appellatur, iter intendit, vadoque propter æstatis siccitates facile reperto, transgressus est, ne quicquam persequente vel laceffente Numidarum ala, quam Muleasses ex veteribus amicis, avunculiq; Doracis clientibus coactam, abeuntes Turcæ persequi iusserat. Eo namq; ordine Barbarussa iter habebat, ut postremo suorum agmine certis sclopettariorum & sagittariorum præsidijs more militiæ confirmato, neque manus conserere, neque appropinquare quidem ausos facile contemneret, & Hipponam omnibus suis incolumibus, uti statuerat, intactus evaderet. In transitu tamen Bagradæ amnis Haydinum Smyrneum inclyti nominis piratam desideravit, quum is in magno Solis ardore longoque itinere fessus, & multo adipe prægravis cogente siti ex profluente avidius potando disruptis præcordijs in ripa expirasset. Hariadenus ubi Hipponam pervenit, primum omnium recreandis copijs bidui quietem dat, concioneque habita universos consolatur, hortaturque ut quodcunque incommodum iniqua fors attulerit, id nequaquam hostium virtuti, sed servorum perfidiæ tribuendum existimare velint. Fortunam invictis patientissimisque animis ferendam, eamq; nova virtute conciliandam arbitrarentur. Sibi esse in animo classem educere, atq; inde continuo Algeriū proficisci, ubi maioribus præsidijs cōparatis,

classeque adaucta, & novo suscepto consilio, rem ipsorum votis parem, & sua
 existimatione nō indignam sit ausurus. Nunquam ulli duci ab adverso rerum
 eventu fracto subactoque, alacrioribus animis à militum corona succlamatum
 fuisse memorant, quum ultro deposcerent, ut quæ vellet vel gravissima atque
 asperrima universis imperaret. nihil enim se recusaturos, modo ad rem geren-
 dam educerentur. Itaque incredibili studio & promptissimis suorum viribus
 fretus, triremes quatuordecim demersas in stagno, ipsoque profluentis flumi-
 nis vado admirabili celeritate educit, suisque impositis armamentis protinus
 exornat. In margine stagni aggerem erigit, productaque munitione in eam
 tormenta confert, non inani coniectura iudicans non multo posse nostrorum
 classem affuturam, ut egressum impediret. In eo quoque consilio Cæsar & Au-
 ria pariratione versabantur, ut hostem evadere parantem præoccuparent: rati
 eius classem priusquam deduci adornarique posset, si pars ipsorum classis eo
 mitteretur, tormentis in statione demersuros. Ad eam rem conficiendam ab
 Auria deligitur Adamus Centurio Genuensis, nō magnopere rei navalis pe-
 ritus, sed affinitate Aurie & multis divitijs æquè fidus & potens. Is certam tri-
 remium numerum socijs imperat, & sublato vexillo cum quatuordecim an-
 tūm rostratis ad Hipponam provehitur, certam facilemque victoriam, inge-
 ntēque inde sibi laudem de imparato hoste se adepturum sperans, quod in ap-
 paratu instruendæ classis occupatum Barbarussam fore crederet. Sed postquā
 Bisertum prætervectus Hipponæ appropinquare cœpit, Barbarussam incom-
 parabili celeritate classem eduxisse, & munitionem tormentis instruxisse cer-
 tius didicit. Quare vehementer perturbatus consilium mutat, monentibus
 trierarchis, ut omnem certaminis aleam devitaret, quod in sociorum triemi-
 bus, Hispanicis præsertim, Siculis & Neapolitanis rari essent propugnatores,
 ut qui ad prædæ spem antea, iniussu in terram descendissent: ideoque iniquissi-
 ma conditione cum Barbaris numero, feritateque præstantibus pugnavisse
 censeretur. Itaque opportunè prudens obverti proras iubet, & velis remisque
 regreditur, ut maiorem partem classis accersat. At Barbarussa, uti postea co-
 gnitum est, diu in incerto habuit, an nostrorum classem ad spem victoriæ con-
 sequeretur, postquam pari triremium numero foret confligendum, an potius
 in veteri proposito petendi Algerij persisteret. In hanc sententiam inclina-
 runt trierarchi, ignari prorsus infrequentiae imbecillitatisque nostrorum: atque
 ita occasione magni certique proventus prætermissa, modico Turcarum præ-
 sidio arcu imposito, oram solvens Algerium enavigavit. Redeunte autem A-
 damo rebus infectis plerique principes ægerrimè tulerunt, quod incuria quo-
 rundam imperio ægrè parentium, & flagitio sociorum navalium, qui iniussu
 in litus descendissent exoptatæ victoriæ occasio elapsa videretur. Hoc enim u-
 num eo bello ad summam Cæsaris felicitatem defuit: nam præferoci hosti sui
 classis à nostris crepta aut demersa fuisset, nullus omnino tutus ad fugam lo-
 cus relinquebatur: quoniam innumerabiles Numidæ Turcarum ex professo
 hostes per mediterranea ærumnosum iter habentem ex notis saltibus inva-
 suri, & priusquam Algerium perveniret, omnino deleturi crederentur. Cæ-
 terum Auria graviter indignatus sibi & suis, nec tamen desperans hostem
 se adipisci posse, cum tota sua peculiari classe, cæterisque validioribus socio-
 rum rostratis, Hipponam contendit. Cognito autem Barbarussæ discessu ur-
 bem cœpit, murosque diruit: arcem verò quàm tormentis in potestatem rede-
 gerat

gerat præsidium imposuit duce Alvaro Gometio, regressusque est ad Cæsi-
rem. Cæterum Gometius, tametsi vir erat bello fortissimus, usque adeo tamen
avaritia erga hostes pariter & socios evasit infamis, ut iudicij metu manus ad
turpem vitæ exitum sibi conscisceret, & Cæsaris iussu arx ipsa, quæ nisi magno
sumptu defendi poterat, funditus everteretur. Exinde consultatum est de Mu-
leasse: Cæsarque cum Tuneti regem maiorum suorum consuetudine regnatu-
rum cōstituit, binosq; tantum falcones ad aucupium, & binos e Numidia per-
nices equos tributum nomine quotannis imposuit, ea conditione, ut Christiani
nomini amicus: Turcarum vero gentis perpetuus hostis Cæsaris nomen cole-
ret, & Guletano præsidio, quod ex Hispanis amplius mille imponebatur, sita
pendium persolveret. Cogitatum subinde est de oppugnanda urbe Africa, quæ
in Adrumentino sinu valido Turcarum præsidio tenebatur. Hæc urbs anti-
quitus parva Leptis fuit, hodie à nostris Africa, & à Barbaris Mahamedia ap-
pellata. Sed adversæ tempestates classem superare Clupeæ promotorium (hæc
hodie Calibia dicitur) & sese in sinum Adrumentinum, quem vocant Maho-
metæ, inferre prohibuerunt atq; ita classis Siciliam tenuit. Cæsar Panormi &
Messanæ triumphali pompa exceptus est, donatusq; passim pecunia Rhegium
traiecit, & per Brutiorū oppida hospitaliter à Santeverino Besenniano regu-
losusceptus Neapolim pervenit. Quum esset in itinere, nunciatum ei est, Fran-
ciscū Sfortiam e vita decessisse, cuius morte gravissima exorta sunt bella. Nam
Franciscus Galliæ rex, Cisalpinæ Galliæ imperium à Cæsare sibi concedi po-
stulabat, cum suo iure antiquæ hæreditatis à Valentina Vicetomiter repetito,
tum præclara Maximiliani Cæsaris concessione, qui id tabulis rite confectis,
acceptaq; honorarij muneris pecunia, Ludovico regi post exactum captumq;
Ludovicum Sfortiam adiudicasset. Sed Cæsar non ignarus quantum sibi au-
thoritatis, potentiæ, & certi quotidianæ pecuniæ proventus, ex Galliæ Cisal-
pinæ possessione imperioque accederet, ullis precibus adduci non poterat, ut
opulentissima Italiæ pars præpotentibus Transalpinæ Galliæ regibus adije-
retur. Hos enim patto Mediolanensi imperio (uti eos iam pridem fecisse me-
morerat) minimè quieturos existimabat, sed aviditate proferendi imperij, a-
liena ipsiusque in primis regna protinus invasuros. Neque eum quominus
constanter in sententia sua maneret, Italiæ principes deterrebant, quibus po-
tentiam suam, tot auctam opibus magnopere suspectam, ideoque formidan-
dam intelligebat, uti recenti exemplo didicisset, quum illi authore Pontifice
ad arma consternati cum dira rerum omnium perturbatione, vel sæpe victi,
multatique omnibus adversæ Fortunæ malis, hoc pertinacissimè exposulaf-
sent, & demum impetrassent, ut Mediolanum Francisco Sfortiæ redderet, Hi-
spanosque milites omnibus populis graves deduceret. Ex adverso Franciscus
nihil æquum in seque propensum à voluntate Cæsaris expectans, nec tamen
ea in re animum despondens, ut qui armis adversus Cæsarem primus uti nol-
let, extincto Sfortia, in Carolum Sabaudium arma vertit, ut per eius ditionis
fines expeditum sibi iter in Italiam pararet. Causam autem inferendi belli
hanc præferebat, quod Sabaudius Nicæam Provinciæ urbem, antiquitus
à Gallis certa pecunia oppigneratam sibi eripi nollit, ne opportuna & muni-
tissima urbe, quæ Galliam ab Italia determinaret, exueretur, Rege eam plu-
rimùm flagitante, restitutaque pecunia redimere contendente. Is enim
urbem excelsa arce validam, & propter Herculis Monæci portum, magnas

navigationibus commoditates afferentem, si bellum gerere oporteret, magno sibi usui futuram providebat. Alienarat rex iam pridem animum ab amicitia Sabaudij gravibus ictus offensionibus. Nam is tamen si Francisco erat avunculus, uxoris tamen Lusitanæ illecebris depravatus, defatigatusque assiduus precibus (hæc erat uxoris Cæsaris germana soror) neglecto Gallo, se totum ad auctoritatem nuntumque victoris Cæsaris ita contulerat, ut urbem Astam ab eo sibi dono oblatam accipere non recusaret, filiumque; tanquam fidei obsidem in Hispaniam Cæsari educandum mitteret, quæ tum importunè atque impudenter admissa fuisse Galli dislerebant. nullum enim Gallo certius erat in Italia patrimonium ipsa urbe Asta, quam amplius centum annos sine cōtroverſia possedisset. Verum eam Cæsar qui Gallos Italia penitus eiectiones, ulla ad spem reditus in Italia certa sede potiri volebat, avidè expetenti Lusitanæ, nec abnuente viro eius, facile concessit, quæ urbs coniuncta inclusaque Subalpinis oppidis Allobrogico regno præclarum amplitudinis & roboris decus additura videretur. Fuit aliquandiu magno consiliorum æstu iactatus Sabaudius vir egregiè probus, ad æquitatemque proclivis, nec alieni unquam appetens, nisi esset uxorius, an Gallo regi de Nicæa obsequendum foret, quum in ea nullum aliud quam inveteratæ possessionis ius sibi esse fateretur. Verum Franciscus Sfondratus senator è Mediolano Cæsaris nomine legatus in Allobroges missus, eum ab huiusmodi consilijs impensè deterruit, testatus eum adversus Cæsarem facturum, si quicquam cum rege Gallo pepigisset. Eo modo Sabaudius, ne Cæsarem offenderet cognationis iura, & Allobrogum principum veterem amicitiam, quæ hætenus cum Galliæ regibus inviolata permanſerat, eam minaci obtestatione perterritus, tueri non potuit, miserabili profectò conditione, quod quum neutrum offendere vellet, utrique demum, sicuti mox evenit, se prædæ futurum prospiceret. Nec mora Galli duce Philippo Sciabotto, quæ à præfectura maris Ammirantem vocabant, coactis copijs, eum Transalpinæ oppidis, quæ pertinent ad Allobrogum fines inermem desertumque ab omnibus exuerunt, transgressique alpes aliquot munita oppida Subalpinæ regionis, in primisque Taurinum, Fossanum, Penarolum, & Cherium occuparunt. nisi Antonius Leva eductis Mediolano copijs, cuncta invadentibus occurrisset, repressaque Gallorum audacia iusti exercitus vim rebellantibus ostendisset, futurum erat, ut Vercellæ, & magna pars Subalpinæ ditionis in potestatem Gallorum devenirent. Neque tamen ulla res in ipso bene cœptæ, provenientisque victoriæ cursu Philippum magis retardavit, quàm Ioannis Lotharingiæ Cardinalis adventus. Is enim à rege ad Cæsarem cum amplissimis de pace mandatis missus, ubi in castra ad Taurinum pervenit, sua auctoritate, quæ apud regem erat eximia, Philippo persuasit, ut subsistere citra Duriam amnē; neque ulterius arma proferre vellet, ne summæ spei paratæ pacis atque cōcordiæ occasionem offenso exacerbatoque Cæsare corrumperet. Existimabat namque se Cæsarem super preſis armis, suspensoque bello molliorem & faciliorem inventurum, utpote quem neque vi subigi, neque ullo rerum suarum periculo permoveri posse intelligeret, ut quicquā suo nomine indignum cum armato hoste pacisceretur. Id Lotharingi consilium ægrè admittebat Philippus, detestantibus præsertim ducibus, peritioribusque præfectis tanquam importunū, inutile, & grave mox incommodum ex fera pœnitentia gerendis rebus allaturum. Aderant enim letissimi procures, ducesque, & præter Gallos in quibus eminebant Montegianes,

nes, Palicia, Burrias, etiam Italici nominis Stephanus Columna, Paulus Renti Ceritis filius, & Sergianus Caracciolus Melphiae regulus. Sed contra omnes Lotharingi sententia valuit, vel ob id quod Philippus eius viri dignitati, & ad rem conficiendam ab arcano Regis peculiaris officij summam auctoritatem afferenti tribuendum putaret, & se satis his belli prosperis inijs ad laudem profecisse videretur. Ad id inexpectatum ingratae pacis nomen milites gerendarum rerum studio vehementer incensi extemplo perturbatis deiectisque sua spe animis usque adeo indignanter in iram exarserunt, ut plerique praedolore gladios abijcerent, hastasque diffringerent, iactis in ducem probris tanquam non postea resumpturi: vel si imperio iuberentur, postuam importuna celsatione Imperator uti parum bellicosus imperitusque rerum sese a cogitatione belli, cursuque victoriae ad incertae pacis spem convertisset. Neque id postea militaris iudicij factum inane extitit, quando & tum paratam victoriam interpellasse, & graves demum Gallico nomini clades importasse videri potuerit. Eo namque intempestivi consilij decreto, non multo post Philippus non inscitiae modo, sed prodicionis prope apud regem accusatus, tanta exarsit invidia, ut honore bonisque severa damnatione spoliaretur: atque inde summam calamitatem aditurus esset, nisi foedis probris laceratum prostratumque ab exilio uxoris affinitas & clementia regis erexissent. Hyemarat enim Caesar Neapoli amoenissima in urbe, excultus procerum omnium liberalibus officiis, et quod ad popularitatem pertinuit, per octiduum Carnevalium dierum, qui pro Lupercalibus a nostris instituti sunt, Tuncitanae victoriae laetitiam, editis equestribus ludis, magnificentissime repraesentarat, in quibus ipse Maurisiano cultu decurrit, saltantiumque illustrium foeminarum choreis, remissa ingenij severitate personatus interfuit, eo quidem licentius, quod per eos dies Margaritam filiam, Alexandro Medici iam pridem destinatam celebratis nuptiis in matrimonio collocarat, praecleara cum laude summae probitatis, quod non secus ac vivo Clemene veteribus promissis integram fidem attulisset, quanquam ne id faceret interPELLARETUR a Florentinis patricijs, qui exules facti Neapolim coibant, usque patrocinio Salviati & Rodulphi Cardinalium, Alexandrum omni existimatione, principatumque Etruriae, & denique uxore, vel paratis nuptiis spoliare nitebantur, quum uno consensu ingentia auri pondera quotannis offerret, si repudiato genero, eoque Florentia exacto, civitati pristinam libertatem restitueret. Eum siquidem per contumeliam spurium exagresti ancilla genitum, immitemque nobilissimae patriae tyrannum, scriptis atque edictis orationibus appellabant. Sed Caesar civitatem Gallico nomini non obscure faventem, optimoque belli iure propter infidelitatis noxam, omnia hostilia de se meritam, ita oderat, ut omnes restituendae libertatis condiciones repudiandas iudicaret, eo praesertim tempore quo excitari ingens bellum providebat, quum paulo ante ab ipsis exulibus Hippolytum Medicem Cardinalem ab Alexandro, qui patruelis erat frater, depravatum atque diductum meminisset, ut eorum dissidio Mediceae domui excidium pararetur. Hippolytus siquidem exules Florentinos, veteresque familiae hostes sibi asciverat, vanitate ingenij inductus, ut per eos Alexandro atroces insidias moliretur. Eum enim astuti homines, validaque facundia, & miris consulendi artibus instructi, eo perversa atque insana ambitione correptum perpulerant, ut Etruriae principatum in sua fata praeproperus affectaret, abdicareque se honore purpurei galeri vellet, atque inde ad eiusdem filij Caesaris nuptias aspiraret: quod nisi sublato Alexandro fieri non poterat. Cuncta

enim tum sibi secunda, si Cæsaris gener euaderet, obuētura confidebat. Itaq; dū in eius infani sceleris cogitatione versaretur, per Bapustā Ciboū Masiliensem episcopū, Innocentiūq; Pontificis nepotē, teterrimā necem ex incenso tormentario puluere Alexandro machinatus est. Harū autem inlidiarum indicia Deo maximo detegente ab Alexandro deprehensa sunt, atq; illico Romam ad Paulum Pontificem delata. At Pontifex tamen si ruituræ Mediceæ domus excidio quod aliena cum inuidia pararetur, mirē gauderet, in spē scilicet ingentis lucri ex amplissimis sacerdotijs, quę in Farnesios nepotes transferrentur, tamen Alexandri iniuriā omnino negligere videri noluit, quū Octavianum Zengam hominē facinorosum ex Hippolyti satellitibus, nefarij cōsiliij cōscium cōprehendī iussisset. Eo capto Hippolytus vehementer exterritus, detectæq; malignitatis suæ pudore confusus, ex vrbe in Catilum Tiburtini agri castellum profugit, atq; inde non multo post ex pœnitentia concepti facinoris cōmutata voluntate, ad sanitatē redire, et quorsum euaderent maligna exulū consilia ferro agnoscere cœpit: sic vt Alexandro se conciliare, & a Cæsare pacis condiciones accipere percuperet. Qua de causa Neapoli conducto nauigio, ad Cæsare in Africa bellū gerentem enauigare properabat. Verum Petro Toletano prorege cinauigiū pernegante, ad oppidū nomine Iter Fundani agri, quod est viæ Appiæ impositum, inops consilij substitit, vbi oborta pestilenti febre, iuuenis longē omniū cruditi ingenij nobilitate, decore vultus, & illustris vitę splendore florissimus sexto die ex humanis est creptus, magno hercle exulū letitiā, quorū Philippus Strozza erat princeps, & Pontificis cōmodo, quum hic eius spolijs suos ditaret, illi verō vno erepto alterū tanquā fratris ope destitutū, vt mox evenit, facile tolli posse diuinaret. Nec defuere exules authore Strozza, qui eius immaturę mortis causam ad venenū referre cōtenderent, vt Alexandri exultatio ea infami suspicione suggillari videretur. Verū ob id Andreas Etruscus epulus mēsis inferre solitus, temere accusatus, quū diu tortus fuisset, & nihil de carcere fiteretur, carcere tanquam insons eductus est, affirmantibus præsertim medicis nullum esse venenum, quod certo ex intervallo lacefferet et fureret, sicut in tertiana febre bilem effervesce videmus. Is. n. morbus cui Hippolytus cecidit, statæ periodi exacerbationē redibat, ideoq; eius morbi casum ad nouā permutati aeris intemperiem referrent, qua nōnulli ex eius comitatu iuuenes gratae florentes pari oppressi morbo cōcidissent. Nec multo post Cæsar audiēdis popularū querimonijs, qui in usitata regulorū acerbitate auarissimē se vexatos et ex-pilatos cōquerebantur, seuerē intētus didicit minoris insulæ Balearis populū a Barbarissa supremā cladē accepisse. Is enim vt supra docuimus, fatali nostrorum incuria erroreq; maximē pœnitendo Hippona elapsus, vbi Algeriū peruenit, resecta classe, eaq; nautico cōmeatu optimē instructa, & cura rerum Afani filio, cui tutor atq; adiutor Salecus aderat, demandata, Byzantiū enauigare cōstituit, eo animo vt ex itinere prædabūsus Cæsariang ditionis oram percurreret. Primū autem omniū in Ramadam Baetium Tunetanæ arcis præfectū capitali supplicio animaduertit, q̃ minus in tenta custodia carcerē ergastulaq; nexorum obseruasse, indeq; totius amissi regni cladē attulisse putaretur. Hunc inter libertos, Christianę religionis desertores, longē carissimū habuerat, solerti eius planeq; Baetico ingenio in omni hætenus rei bellicæ negotio magnopere delectatus et adiutus. Ab Algerio itaq; oram soluens in Magonis portum, minoris insulæ Balearis, Barchini Magonis vt credi par est, vnde nomen accepit, mor

rit, morte & tumultu nobilem, se intulit, Punicoq; ad fallendū usus dolo; ita intravit, ut Cæsariāne classis speciem, explicatis Christianorum insignium vexillis præberet, & ab effusis ad spectaculū oppidanis, multis de more tormentorum bombis salutaretur. Magnum enim numerū huiusmodi vexillorum Barbari varijs casibus, Portundoq; præsertim Hispanicæ classis præfecto super Sardiniam aliquot ante annos oppresso nostris ademèrant. Adiuvit etiā astum dolosi hominis Lusitana navis, quæ in eundem portū tempestate impulsā ancoras iecerat. Præfectus nanq; eius Consalvus Perelia, eadē captus imagine pilas ferreas tormentis eximi, eaq; inani sonitu ad lætitiæ signū honoris causa dif-

10 plodi iusserat. Sed postquā à tot rostratis repentē circumventus Barbarorum ora, & peregrina armā, simulatēq; amicitiae dolos propius & certius agnovit, sero sese atq; navigiū strenuè tutari conatus, à Barbaris cruento certamine expugnatus trucidatusq; est: iniquiore etiam eius sorte, quod navigium reticulato ex funibus velamēto contegi muniriq; solitū, tum fortē tanquā tutissimo in portu minus necessario eo munimine careret. Capi enim non posse videbatur, nisi cetera cum perniciē insiliētiū, quū inferius per castella & toros parata essent venabula, quibus conscendere ausi transfoderentur, & validis colubinarum ictibus rostratas faciliè perfringi demergiq; posse appareret, nisi Perelia earum globos pernicioso adulationis officio incautus eximi iussisset. Eo

20 modo Lusitanis ad unū interfectis, Barbarussa ad oppugnandum oppidū tormenta cōvertit: sed quum oppugnatio fortiter se tuentibus oppidanis, Turcis durior evaderet, præfectus imbellis, metuq; occupatus, de oppidi deditionē cū Barbarussa transegit, ea conditione, ut cum uxore & liberis incolumi libertate servaretur. Atq; ita scelesto præfecti consilio Magoniani ad unū omnes miserabili infortunio capti, & in Africam abducti sunt. Verū præfectus integra fide servatus, non multo post admissi flagitiī pœnas dedit, quū eum Martinus Durrea insulæ præfectus laquei supplicio puniendū imperasset. Barbarussa autem universā prædā Algerium retulit, atq; inde autumnales Boreæ flatus contemens, parī audacia, felicitateq; longissimæ navigationis, uti antē statuerat,

30 rat, Byzantium pervenit. Interea Cæsar acerbè bellū adversus Gallos coquens, nec obscurè parans, quod summi eius cōsiliū summæq; prudentiæ fuit, Venetos in partes traduxit, diu opinione suspensos ab excessu Francisci Sfortiæ, nec temere de Italiæ libertate dubitantes, quando longissimè providerent, si Galliæ Cisalpinæ imperium, uti hæreditas postulabat, reliquis tot Cæsaris regnis accederet, præpotentem accolam sibi præcipuè formidandū parari, quod Cæsar regna regnis adnectere solitus, quæ sibi legitimo iure ab indulgēte fortuna tribuerentur, uti immensa auctus potentiā, si æquitatis ac amicitiae oblivisci vellet, vicinas ultra Abduam urbes invasurus esset, recenti Maximiliani & Ferdinandi avorū exemplo, qui eas Mediolano antiquitus contributas, abreptasq;

40 impotētibus Venetorum armis repetissent. Sed tum Cæsaris nomen in tanta erat gratia atq; existimatione apud Venetos, ab eā præsertim Punicæ victoriæ laude, ut pleriq; ea favere, provehereq; eius opes dictis sententijs minimè dubitarent, ipso præsertim Urbinate Feltrio copiarū Imperatore ante omnes propensissimo, qui uti erat indefessa atq; admirabili facundiā potēns, multos quō vellet patritios impellebat. E senatorio autem ordine aut præmiorum spe allecti, aut suo pte ingenio accensi, quod ita fore è republica crederent, Cæsari mirifice favebant. M. Antonius Contarenus, qui ei aderat longa functus lega-

tione domi verò & in senatu M. Antonij Cornelij perpetuo studio, illustri-
 que eloquentia, partes Cæsaris subleuabantur. Nec deerant plerique senio-
 res, in quibus multus semper fuit Aloisius Mocenicus, qui nihil nisi pacatum,
 & ab summa æquitate moderatum, vel ab armato, vti semper inuictò Cæsare,
 expectandum esse disserreret, quanquam exactæ prudentiæ grauisimarum-
 querum experiens ipse Grittus princeps, multa reipublicæ prorsus aliena
 detrimentosaque ex eo fœdere obuentura diuinaret. Sed ea quæ Grittus dice-
 ret, vti facile apud imperitos euenit, vehementer cleuabat perpetuum eius &
 pertinax studium erga Franciscum regem, quòd tantus rex, præclarus Veneti
 imperij restitutor, nisi ingratus & improbe deserendus videretur, eo præsertim
 tempore quo Mediolanensis imperij hæreditatem, aut beneficio liberalitate-
 que Cæsaris, aut vi & armis, vti sæpè antea, esset aditurus. Itaque facile electi
 fuerant in legatione, quæ ad Cæsarem de Punica victoria gratulatum Neapo-
 lim mittebatur, Cæsariani nominis apprimè studiosi: contra verò his patris
 honorifico diuersæ legationis munere imposito, qui reipublicæ studentes,
 commodo Galli regis fauerent, Romam non obscure ablegati sunt, ne domi
 consilia Cæsarianæ factionis intercedendo atque impediendo perturbarent.
 Nec multo post Neapoli de fœdere transactum est, his ferme legibus, quibus
 Sfortiæ principatum tueri tenebantur, spemq; præberet Cæsar id flagitantibus,
 futurum esse vt Mediolanense imperium sua Augustali authoritate, nouo
 regulo maturè concederetur. Id enim maximè Venerus expetebat, ne sibi
 cum Cæsare regum maximè opulento atque inuictò, sed cum infirmo, alieni-
 que arbitrij Fortunæ obnoxio, de finibus certandum foret. Hoc tamen
 fertè condicionibus non adscripsit Cæsar, qui id se facturum videri volebat,
 quando id vt faceret villo modo adduci non posset. Statuebat enim in arcano
 nunquam Mediolano esse decedendum, nisi armis pelleretur, sic vt eum præ-
 clare pœniteret, id paulo antè Italiæ precibus condanasse, quum in Norici
 Turcarum arma perstreperent, & Solymanus grauiores opinione paucorum
 hominum clades illaturus crederetur. Hoc federe Cæsar peropportune
 confirmatus certius & efficacius consilia de bello aduersus Gallos gerendo
 re explicareque cœpit, atq; ingenti cura in Germania delectus equitum & pe-
 ditum per fratrem Ferdinandum, amicissimosq; sibi proceres haberi iussit,
 deditq; operā per legatos, vt ab Heluetijs impetraret, ne vllam in partē se com-
 mouerent, sed eius belli spectatores tantum esse vellent, quod sibi necessario
 suscipiendum foret prò salute Caroli Sabaudij, qui immaniter à Gallo rege ip-
 soq; sororis filio, improuisis ac impotentibus armis vndiq; vexaretur. Perme-
 re enim ad dignitatem Rom. imperij, vt federatorū beneficiariorum, & ipsius
 præsertim Sabaudij propinqui sui opes, præsidio suo defendantur, ac quantum
 fieri possit, ex æquo Christiana arma conquiescant. Proinde Heluetios tanquam
 imperio Sabaudicæq; principibus antiquo fœdere cuniunctos nihil vtilius atque
 honestius facturos, quam si ab ea contentione abessent. Heluetij nihil se temere
 decreturos responderunt, memoresque officij sui vtriusque partis iura fœde-
 rum ac amicitiae seruatuos, donec eorum arma Reipub. Heluetiæ neque peri-
 culosa neq; incommoda fore summi ipsorum magistratus iudicarent. Appare-
 bat enim regem Gallum nullas omnino alias quam Haluetiorū copias pro sa-
 lute defensioneq; regni esse coacturū. Verū, quod maximo vsui fuit, Cæsar his
 legationibus impetrauit, ne cohortes apud eos mercenariæ conscribi, & addu-
 cin

ci in Italiam adversum se paterentur, quod eos Cæsar retineri non posse intel-
 ligebat, veteribus utique obstrictos fœderibus, & præmijs qui laboranti ex-
 terno bello Galliæ præsidio forent. Quæ de causa adductus fuisse dicebatur
 Philippus Ammiras, ut Lotharingo Cardinali potius pacem suadenti, quam
 Gallis bellum atque aciem deposcentibus obtemperaret. Nam frustra cohorte-
 res ab Helvetijs deposito stipendio postulanti, quibus aciem Gallicam stabili
 robore confirmaret, ut conscriberentur negatum fuerat, quum tamèn ex ad-
 verso Antonius Leva eius gentis tumultuarias cohortes duas in castris habe-
 ret. Egit quoque Cæsar cum Maria sorore, quæ Belgis imperabat, ut quantas
 10 ea maxime posset pecunias cogeret, quibus validæ copiæ e Germanis condu-
 ci, Belgarumq; item & Sequanorum equitū alæ, equis & armis instrui atq; e-
 xornari possent, quando sibi in Galliam cum duobus magnis exercitibus ini-
 tio æstatis irrumpendum esse statuisset. Propterea cogendæ pecuniæ studio
 diligenter incumbens, dabat operam, ne unius qui timeri poterat auri defectus,
 sed diverso sumptu adversus prepotentes hostes grave & geminatum, nec cito de-
 siturum bellum molientem, in cursu gerendarum rerū impediret. Nam præter
 eam signati auri summam, quæ à Neapolitanis & Siculis honorarij muneris
 nomine cōferebatur, supra triginta myriades aureorum nummum, ab Hispani-
 niæ regnis expectabat. Id autem præsidēs exactis ante diem vectigalibus, aut
 20 his publicanorum Ligurū societatibus cum gravi fœnoris impendio addictis
 suppeditabant. Multam quoq; auri vim singulis Mediolanensis imperij urbi-
 bus imperabat. Nec deerant qui expetentem liberaliter adjuvarent, quum Se-
 nenses & Lucenses, tum ipse maxime Alexander Medices gener, Etrusci prin-
 cipatus compos factus. Ea autem imposita bellici sumptus incōmoda, Hispani
 quæstores ducesq; Cæsarem maturè & cumulatè refarturum remissurumq; o-
 nera prædicabant, ex ea ingenti auri copia ditatus, quæ ex auriferis occidenta-
 lis Indiæ regionibus in Hispaniam adveheretur. Tum enim reperta fuerant ad
 Australem Oceanū in adversis Paria & Darienæ terræ regionibus, Peruræ &
 Cuschæ regna immenso auro refertissima, quod nullo fodientium aut legen-
 30 tium labore paretur, quando id in domesticos conquinariosq; usus, rudi arti-
 ficio fabrefactum, sed non planè putum Hispani apud Indos inveniant. Eius
 autē omnis copia advecta Hispalim in officinam publicanorū ea lege confere-
 batur, ut vectigalis nomine quinta pars esset Cæsaris, reliquū negociatores con-
 flarent, & demum admixta purioris venæ auro, reiectisq; exactæ cōflaturæ in-
 tertrimentis, ad pondus puritatemq; monetæ Cæsaris Hispanica nota cudi cu-
 rarent. Non ineptum hoc loco fore existimaverim, si qui hæc reppererunt tan-
 quam publica laude dignissimi memoriæ prodantur. Nam postquā Colum-
 bus Ligur admirando ingētis animi capto, eruditoq; iudicio vir, & uti quibus-
 dam apparet Hercule Græco inusitatæ famę gloria maior & illustrior, alterum
 40 propè terrarum orbem vasto atq; intentato prioribus seculis Oceano, ad occi-
 dentem nobis aperuit, non defuere alij atq; alij ex Hispanis eo apud Hispalim
 defuncto, qui pari emulatione laudis, & spe quæstus eadē litora sequuti, ulteri-
 ores novę terræ, quam Pariam vocabāt, terminos quæritarent, dispari quidem
 fortuna suscepti cursus, quū nonnulli eorū (ut credi par est) immenso in explo-
 ratoq; absorpti Oceano nusquā apparuerint, & aliqui ab Antropophagis, qui
 Canibales appellantur, capti comestiq; fœdā miserabilis audacię memoriā re-
 liquerint. Ea terra Equatori subiecta (ut suo loco memoravimus) a Gaditano


freto rectâ inter occidentem atq; miridiem nauigantibus emenso bis mille am-
 plius leucarum itinere occurrit, frondoso ingentium rupium pronio torio,
 tanquam rostro Oceanum proscindens: nam æquis lateribus, litora infinito
 tractu, hinc ad occidentem, illinc ad meridiem immensis adhuc spatij ex-
 dantur. Sed post Columbum tres antè alios ex Hispanis foelici ausu, & rebus
 gestis maximè clari & memorabiles extiterunt, Ferdinandus in primis Corte-
 sius, qui in postremum occidui litoris sinum delatus ad Mexicana regna ter-
 restri itinere contendens, subactis Indis Themestitana vrbe positus est, quum
 fabricatis nauighs eam vrbe falso in stagno positam, ædificijsq; & incola-
 rum frequentia Venetæ vrbs instar admirabilem, multis prosperè factis præ-
 lijs expugnasset. Maxicana genti, superis viuôs homines, sed maleficijs dam-
 natos, immolare fas est, placariq; numina humano sanguine credunt, & post
 mortem non interire animas persuasum habent, vt credi par est, ex disciplina
 superstitioneque Druidarum, quorum summa authoritas antiquissimis tem-
 poribus in Gallia pariter atque Britannia viguisse constat. Ita vt Cortesio non
 omnino difficile fuerit, subactam armis gentem per se ingeniosam & docilem,
 tormentorumq; miraculo terrefactam ad Christi cultum abdicatis idolorum
 superstitionibus traduxisse: literas enim iam nostras admiranter & libenter
 discunt, reiectis hieroglyphicis imaginibus, quibus annales conscribere sole-
 bant, varijs picturis regum suorum memoriam posteris tradentes. Quorum
 annalium volumen ex perpetuis, sed introrsus complicatis folijs confectum, u-
 gridisq; maculoso tergore protectum, vir illustris Franciscus Couos, Cafaria-
 ni scrinij magister, mihi dono dedit. Mexicanos pro rege suo et pro libertati
 dimicantes, nulla res magis exterruit quàm equestris turmae impetus, quum e-
 quitem integrum esse animal Centauri specie putarent. Sed postquam equi
 duo Indicis confossi sparîs, mactatiq; clauarum ictibus conciderunt, deprehen-
 so errore, detracta statim equis coria, vsq; adeo exactè tomento repleuerunt, vt
 viuorum effigiem repræsentarent, & in templo tanquam admirabilis rei specta-
 culo suspendere. Cæterum Cortesius è Mexicana regione per occidentalem
 lineam terrestri itinere profectus, non longè abesse maria ab incolis didicit,
 paucisq; diebus ad litus exterioris Oceani peruentum est: vnde si classes ades-
 sent, peti posse confideret per Antipodas, Sinarum regna Catainasq; oras ad
 orientem nostrum, iam pridem aditas Lusitanis non longè à quibus in eo tra-
 ctu beatæ multo aromate atq; vnionibus Molucchæ insulæ sub æquinoctiali
 linea sitæ esse dicerentur. At Cortesio perpetuis Hispanorum historijs celebra-
 to, claritate nominis æquari potuit Blasus Nonius, nisi turpissimo vitæ exitu
 pristinae laudis decus obscurasset. Ab hoc enim diu peruagante Paria terra, &
 Darienæ regionis litora, repertus est isthmus ad Vrabanum sinum, quo duo
 ingentia maria dirimuntur. A Comogro siquidem ingentis amnis ostio Darie-
 nisq; litore per inaccessos prope montes monstrantibus iter indigenis Blasus
 summa iuga tenuit, & subiectum in aduerso litore vatisimi pelegi sinum con-
 spexit, in quo auri et vnionum ditissima regna reperta sunt, atq; item conspe-
 ctæ aditæq; aliquot insulæ earum rerum opulentia insignes. Itaq; inuento mul-
 to auro Blasus breuiorem transitum quærens, non plus inter se distare diuersa
 maria quàm centum miliaribus deprehendit, sicuti in Oceaneis decadibus Pe-
 trus Martyr Anglerius scitè refert, verū itinere adeo densissimis nemoribus &
 abruptis petris, frequentibusq; fluuijs impedito, vt nisi magno cum labore pe-
 riculo.

ricolq; illac nostri permeent, quum pasim in hospita ac insidiosa gentes ve-
 nenatis instructae sagittis occurrant. Quibus de caulis Blascus eius tractus regu-
 lis aut muneribus delinitis, aut cruenta acie subactis, quatuor castella, vt com-
 meatibus ab utroq; mari tutissimus esset receptus, opportunis intervallis con-
 stituit: aedificata etiam classicula in proximo portu, cui diuo Michaeli nomen
 fuit. Ceterum dira auri sitis nouiq; imperij libido, Blasci animum non multo
 post occupauit, eo rerum exitu, vt affectati regni crimine damnatus capite ple-
 cteretur. Indignus hercle eo supplicio nisi perfidiosè defecisset, quod ad laeuam
 longo tractu Perurana & Cuscana regna auro & gemmis scatentia successori-
 10 bus Almagro atq; Pizarro demonstrarit. Ibi enim ferunt nullam aliam quam
 solido ax auro priuatis in domibus vasorum omnis generis supellectilem repe-
 riri. Montium rupes ingentis adamantibus, praecipueque sinaragdis, et cya-
 nis, & carbunculis collucere, flumina proinde vniuersa auream arenam trahere.
 Solum fecunditate rerum omnium incredibili, & perpetuo fere autumno flo-
 rere. Ex mira quoq; coeli clementia, homines integra valetudine, seculi aetatem
 implere, sic vt intempestiua mors Blasci videri possit, quo auctore tanta vt dixi-
 mus vis auri & gemmarum in Caesaris aerarium deferatur. Sed supra Cortesi-
 um & Blascum, portentosa nauigatione inclytus fuit Magalanes Lusitanus
 exul, qui aspicio Caesaris alterum Pariae terrae litus in orientem obuersum, quin
 20 que nauium classe percurrit, legendoq; oram praeteruectus lineam Capricorni
 atq; ostia immensi Argentei fluminis, vti Hispani vocant, ferorum gigantum
 instar praegrandes homines belluarum pellibus contactos reperit. Nec mulla-
 tum inde, vti auidè quarebat prope Antarcticum circulum in anfractuosa fau-
 ces audacter inuectus est, non inani conspectura iudicans noui orbis terras illac
 irrupente Oceano esse pernicioles, eumq; profecto sinum non longo tra-
 ctu in apertum ad occidentem pelagus desinere. Neq; eum ratio ex naturae le-
 ge ducta fefellit, qua terra omnis circumfluente Oceano varijs sinibus ambitur.
 Ad laeuam niuosae rupes spectabantur, suis culminibus primam aeris regio-
 nem excedentes. Ea pertinebant ad eam plagam perpetuo gelu (vt credi par est)
 30 rigentem, quae Antartico subest. Sed nec in ea coeli parte polus vti aquid Arcti-
 ci contingit, lucidiore aliquo astro notatur, quum paruae stellae nullo vel certe
 languido fulgore nitentes, polare punctum designent, duabus nubeculis stabili
 pigroq; rotatu immobili poli sedem ita circuiuentibus, vt vrsae nostrae tenorem
 & speciem nautis obseruatoribus, nusquam fallente magnetis vsu certissime
 praebat. Procedenti per occiduam lineam Magalani tortuosae & inaequales sem-
 per fauces occurrebant, mare autem modo fluctuosum, spumosisq; vorticibus,
 & saeuo mugitu reboans, modo tractabile & pigrum prout obiectis incideret
 cautibus, aut in latos sinus expansum deferueret, vario velorum flexu persulca-
 bat, nusquam arctiorem sinum trium miliarium spatio, nusquam septem latio-
 40 rem nactus, quum a dextra depressiora litora arboribusq; vestita, nulla tamen
 apparente hominum cultura, ad laeuam verò cuncta gelu horrentia, maximeq;
 scopulosa spectarentur, collucere tamen ad dextram excitati introrsus ignes
 ab incolis, vt de aduentu nouae classee proximis populis significarent. Cete-
 rum Magalanes diu crebris orationibus sustentatos delinitosque nautas, qui
 iam animos desponderant, quod neq; progredi neque regredi, nisi incerta vige-
 spe posse crederent, post vigesimum & septimum diem ex quo sinum intrasset,
 in apertissimum vastissimumq; Oceanum eduxit, ad dextram vela dilectens,

ut pote qui terras ad antarcticum ultimæ continentis esse putarat, & ad lauari
 mitiora omnia se inuenturū arbitraretur. Quando iam ad Tropici capricorni
 circulum, & ad ipsam Aequatoris lineam rediret, sub qua Moluccas quas qua-
 rebat insulas omnino sitas esse didicisset. In dextra itaq; Perurana & Cuscana
 regna, totumq; illud immensum Pariaæ terræ occidentale litus relinqueban-
 tur, quod Blaschus post transcensum Vrabanum isthmum Hispanis successo-
 ribus, ad condenda regna, ferendaq; etiam, propter auri sitim, intestina praelia
 demonstrarat. Nihil enim inde Magalanes terrarum vsquam vidit, præter du-
 as insulas quæ desertæ appellantur, perhibentq; eas cosmographiæ periti ex di-
 ametri ratione Italis esse antipodas. Discessit inde Magalanes, planè contemp-
 to omni com meatu, lenissimis atq; his vno tempore perennibus vsus vannis,
 trimestri confecto cursu, obuersis semper ad Aequatorem proris non Moluc-
 cas quidē attigit aromatū præciosorum fertilitate celebratas, verū immensū pro-
 pè ambitus insulas, lauanā, Pornem & Subuthā, ipsa Britannia maioris, è qu-
 bus Moluccæ satis exiguae, sed præstantia rarioris aromatis insignes incolarum
 digitis tanquā propinquæ monstrabantur. Sed Magalanes fatalis voti sui com-
 pos, in limine qui eas viderat adire non potuit: cum Mauthane siquidē insulae
 regulo, Suethani socij regis auspicio, acie dimicans occubuit, eiq; successit
 Serranus, qui nihil commodius duxit, quàm ab his insulis inhospitaq; terra per-
 fidiosæ gentis protinus excessisse, q̃ sibi ad paucos redactō numeroiā bellicosæ
 eius gentis manus incuteret metum, quoniam ferreis gladijs & præpi-
 tis hastis vterentur. Verum dum adit regulos Serranus, amicitiasq; & iocunda
 iungere, ac Christianæ religionis cultū inducere contendit, & quod in itinere
 rat, naturam et magnitudinem Moluccarū scrutatur, regulis vno consensu ad-
 uersus peregrinos ad arma concitatis in Bornæ insula captus, misereq; a socijs
 desertus est, qui insidias veriti, publicam salutē noui ducis libertate, & vite an-
 reponendā censebant. Atq; ita cariophylli & cinamomi, nucisq; mirrificæ far-
 culos ex natali solo colligentes, ut testimoniū certā fidem referrent, ex quatuor
 nauibus vetustate semicorruptis duas magna cura, vti illarum armamentis ma-
 teria & clavis refecerunt, Eurisq; vela dantes incogniti Oceani immensis spa-
 tijs vsq; adeo audacter se crediderunt, ut præteruecti auream Cherfonsiam
 et Samosatarū, quæ Taprobana olim fuit, Gangeticiq; item sinus emporia &
 Cumerum promontorium, ac deniq; Calecutam superarint, nusquam a Lusit-
 anis conspecti qui Indicā oram præsidijs obtinebant. Inde verò ad Bonæ spei
 promontoriū cursum habentes, eo superato dextro rursū per Aethiopiæ litora
 ad Hesperides insulas contra Praxium promontorium, altera tantū nauis, non
 amplius quā vigintiduo homines semiuui peruenere. Ibi qui totū vndiq; en-
 si orbis ambitū circuierant, Barbarorumq; mille insidias, & omnem maris seu-
 tiem euaserant, a Lusitanis insulae præsidibus custodiæ traditi sunt. Nec multo
 post tamen ex his Hieronymus Plegaphæta Vicentinus, voto pro salute redi-
 tuq; suscepto, ad Clementē Romā venit. Is tanto subter nauigati orbis miracu-
 lo fidelibus testimonijs comprobato, multa nostris admiranda, obseruandaq;
 posteris, pictura & scriptis adnotata deposuit: sic ut Magalanes nihilo foelicior
 Blasco, sed inusitata laude præstantior existimari possit, nisi inauditi antea freti
 faucib. adiuuentis, tantæ rei infirma adhuc fides famam eleuaret, quum nemo
 hæcenus à viginti quinque annis eas fauces sedulo quæritans intraret, aut vide-
 rit. Ne-

rit. Neq; operæpretium esse reor, ut à legentibus hoc loco, & ad historiæ contextum properantibus, veniam deprecet, quod me ij tres viri inclytis heroibus comparandi, ab instituto longius abstraxerint, quando eos omni laude ad perennem nominis famam exornandos putem; veterum Græcorum more, qui ingeniorum fecunditate & gloria pollentes, non ipsos modo admirandarum rerum, & regionum inuentores, sed minorum etiam artium opifices, carminum suorum præconijs æternitati consecrarunt.

10 PAVLI IOVII NOVO-
COMENSIS EPISCOPI NV-
CERINI, HISTORIARVM
S VI TEMPORIS
LIBER XXXV.



20 AVLT O iam vere Cæsar Neapoli profectus, Non. Aprilibus à Capena porta Romam intrauit, triumphali exceptus pompa ab omnibus sacerdotum, Romanorumq; civium ordinibus. Adduxerat præsidij causa veteranam Hispanorum legionem, & septingentos equites cataphractos, eò minore populi lætitiâ, quòd pleriq; eosdem militum atroces vultus agnoscerent, qui recentis cladis, omniumque suppliciorum, quæ perpesi essent, memoriam renouabant: eo quidem gravius & acerbius, quòd Paulus Pontifex nouo exemplo ad exornandos regionum arcus, singulis mercatorum & opificum collegijs pecuniam imperallet, scilicet ut Cæsariani importuno sumptu studio
30 se colerentur, à quibus summæ calamitatis iniurias pertulissent. Exceptus est ea parte Vaticanæ domus, quæ exornata laquearibus aureis, & marmoreo insignis podio despectat Urbem, qua etiam Alexander sextus Corolum Galliæ regem susceperat. Exinde disimulata persona cum paucis perambulauit Urbem, miratusque rotundi templi, quod olim Pantheon fuit, incomparabilem structuram, in summum fastigium eius testitudinis per plumbeos gradus ascendit, ut vniuersam urbem oculis subiceret. Quatriduo autem moratus Romæ, non obscura succensus bile in Gallos pridie quàm proficisceretur grauisissimam habuit concionem, qua animi sui intimos sensus ardentissima facundia denudauit, quòd Gallorum legati penè conuitiose postularent, ut Henri-
40 co regis filio Mediolanensis principatus dominatum beneficiario iure adiudicaret. Id siquidem Cæsarem concessurum perplexis paulo antè sermonibus promississe Claudius Velleius assererat. Quibus propè importunis atque alienis reflagitationibus Cæsar ita offendebar, ut fidem suam nulla certa sollicitatione obstrictam Gallorum procacibus verbis sugillari ægerrimè ferret, respondendumq; ideo Gallis, & nomen suum à callumnia defendendum generosa concione arbitraretur. Itaq; grauiter commotus, in eo conclau, in quo Paulus Pontifex iturus ad sacra obeunda solennes amictus induere, & gemmâ

ta tiara exornari consuevit, aduocatæ concionis instar in corona stans verba fecit, astante Pontifice, cunctoq; senatu, & principum ferè omnium legatis, sic vt circumfusa totius aulae turba Hispanico sermone loquutus audiretur, Primum omnium veterem odiorum causas, quæ adhuc inter Gallos Austria namque domum vigerent, facundissime commemorauit, ostenditque nec Franciscum regem, neque superiores Galliarum reges, ictorum foederum legibus vnquam stecisse, quum sibi Burgundiam creptam, & repudiata atque iniquissime intercepta connubia quereretur, & passim Franciscum regem acerbe perstringeret quod bello victus, captusq; ac humaniter dimissus, nihil eorum quæ pro obtinenda libertate pepigerat, custodia statim exiliens, præstitisset, sed abrupta fide iurisiurandi, totum propè terrarum orbem aduersum se tam ingratè quàm impiè concitasset, quum ad Turcas vsq; miserit legatos vt hostilia pari odio aduersum se molirentur, scilicet vt inania aut exolata iura estans Cisalpinæ Galliarum dominatum inuaderet, quod sibi Augustali atq; legitimo iure partum, tanquam tuendis reliquis ipsius regnis maximè opportunum, omnino sibi retinendum statuerit, ne sibi maritimum adeunda Hispaniæ, aut terrestre adeundis Germaniæ et Belgarum regnis turu & liberum iter præcidatur: quandoquidem nequaquam sit dignitatis in Cæsare per alienas terras transitus facultatem precario petiuisse. Propterea Franciscum nefario iussu Caroli Sabaudij auunculi sui Allobrogum regiones in Transalpinis, et aliorum in Subalpinis immaniter occupasse, vt inde ad inuadendu Mediolanense imperiū ire pergeret, Galloru consuetudine, qui nouaru provinciarum audi, quin aliena & proxima quæq; occupent, neq; pudore, neq; iure conueniri queant. Quarū rerum in uestigio eos sæpe poenitere oporteat, quum vi & armis æquo semper Marte iudice, eorum insolentia retundi reprimiq; soleat. Id vero agrestis impudentiæ sibi videri, quod Franciscus Mediolanensis imperij possessione ideo sibi concedi expeteret, vt singuli minores eius liberi, sublata omni honoris atq; potentiæ obrectatione pariter exornentur atq; ditentur, ac scilicet Henricus iusto dolore angitur, quum in fratre minore Carolo Aurelianensem principatum, in Francisco autem maiore, non Gallie modò, sed Britannia etiam citerioris coronam, ex paterna hæreditate conspiciat. Non hoc equidem esse vel dignitatis vel Fortunæ suæ, vt alienos potius quàm suos liberos exornet, & stultissima ratione intempestiuæ liberalitatis laudem quærat, qua inimicæ stirpis dubiæq; fidei hominum opes augeantur, quibus aucti rursus aduersum se instructiores, vt semper fecerunt, inquieta arma resumant. Itaque neq; hæc insolenter postulanti tributurum, neq; passurum vt Sabaudius Carolus tanta cum iniuria spoliatus dimidia parte regni, diutius ab se, vt antiquitus in Romani imperij clientelam recepto oportere, iustam atq; certissimam opem imploret. Proinde se recta ad Alpes, & in Galliam vsq; progredi statuit se, vt propinqui sui, sociique principis, & Romani imperij clientis iniurias defendat. Hæc adeo graui concitataque facundia, oreque flagranti protulit, vt subiungeret, se inuitum in id bellum trahi, in quo multas gentes nihil mali meritas et in fontes, ipsorum principum iracundia atque obstinatione, cladem essent subituræ, propterea pietate Christiana tacto sibi satius videri, & reipublicæ quidem utilius, vt ipse & Franciscus ad singulare certamen descenderent, enseq; et pugione dimicantes controuersia finirent. Tum vero Pontifex clementiora ornatus, Cæsaremq; cōplexus obsecrauit, ne vel non inique iracundiæ impensius quam

quam pietati indulgere mallet, Gallosq; oratores Maconium & Velleium quemdam respondere paratos diremit. nam hi ab initio concionis à Cæsare frustra postularant vt Gallica lingua vti vellet, vt opportuna ipsorum responsa acciperet. Sed Cæsar se ideo Hispanicè loquuturū dixit, vt à pluribus id idioma Romano eloquio proximum acciperetur. Per hunc modū prolato animi sui decreto, et reiectis regijs legatis, per Cassiā viam in Etruriam contendit. Senenses intra tem ipsorum fines Pientia vrbe liberaliter exceperūt, veteresq; suo studio Cæsari addicti, quū Senis appropinquaret, erectis passim triumphalibus ornamentis, cum exquisita Tunicanæ victoriæ gratulatione, subeūti portā vrbis clauem ad declarandā antiquę propēssionis fidem obtulerunt. Alfonso Picolomineus Amalphi regulus equi frenare rexit, cunctiq; demum ciuitatis ordines, viriq; sacrati præcinentes hymnos, ad aram templi maximi deduxerunt. Suscepit cum pereleganti hospitio, mirōq; ornatu perpolitio Marius Bādinus, in quo vel ob id quod Archiepiscopi germanus esset frater, summū Cæsarianarū partium, & popularis factionis studium eminebat. Nam eo tēpore populares in factiosa ciuitate principes euaserant, quū obsolescente potentia antiquę nobilitatis, reliqui duo ordines, qui tū Nonarij & Reformatores appellabātur, eximia auctoritate in Repub. Pandulfo Petruccio principe potiti, impotentē denum popularium impetu per cruētas contentiones interfecti pulsiq; fuerant, quoniā Clementi Pontifici, & Gallis fauisse credebantur. Inuisit Cæsar urbem luculentissimè omnibus, quę excogitari poterāt, elegantię ornamentis instructā, spectatūq; mirabundus innumerabilem prope sexinarum multitudinem. nam he inter Italicas præcellentis formæ, & elegantis ingenij singulare decus constanti omnium ferè fama obtinent. Exinde iuuentus extremæ iucunditatis spectanti Cæsari theatrales ludos edidit, per histriones variarum linguarum cum multo sale leporem affectantes, pugilque omnis Senensium ætas ab inueterato ludicri certaminis studio ad Cæsaris oblectationem incomparabili ardore dimicauit. A Senensibus autem ad Florentinos prouectum Cæsarem Alexander Medices gener excoluit, & Cosmianis in ædibus ita suscepit, vt Etruscis ar-
¹⁰ tificibus ex mirifica ingeniorum solertia simulachra, varijq; generis pegmata erigentibus, non modo superasse Senenses, sed veterum Romanorum magnificentia equasse censeretur. Inuisit Cæsar arcem nuper ab ipso Alexandro conditam, instructamq; admirabili tormētorum apparatu, vsq; adeo mirabundus vt quum tanta vidisset præsidia, quando reliqua sibi curæ fore diceret, graniter obtestaretur generum, vt liberis operam daret, de vnaq; præsertim salute corporis sollicitus esset, tanquam in subacta armis ciuitate regnanti, insidiæ à multis forent pertimendæ. Paucos pulcherrima in vrbe moratus dies, discessurus exitinere Caianam adiit villam, admirabili structura terreno in cliuo ædificatam à magno Laurentio Medice, nullumque tum ea loci facie, tum erudito
⁴⁰ ornatu, iucundius ædificium se vidisse testatus est. E Caiana Pistorium atq; inde Pisciam, & mox Lucam intrauit tanta alacritate amicæ ciuitatis, vt neque splendidius excipi, neque donari liberalius, neque vberius ali exercitus, comitatusq; omnis posse procures iudicarent. Inuisit etiam vrbis de sua libertate sollicitæ munitionem, intra extraq; muros circundans, laudauitq; militaris peritiæ erecta propugnacula: triduoq; moratus, ornatissimæ quanquam modicæ ciuitatis opulentiam, quæ tyrannis aliquando seruiuerit, & superioribus temporibus Cæsari auspicijs libertatis iura defenderit, decurionibus commē

dauit, & vt in colenda fide perseverarent admonuit. Luca profectus per Macrae amnis valles, Apuanosque saltus Apœnino transgresso ad Aftam urbem contendit, vbi reperit Fossanum ab Antonio Leua expugnatum, & Franciscum Salassum regulum alienatum à Gallis, proptereaque deficientem Antoni opera in partes traductum, quanquam eius equites fide integra erga regem, eam ad hostes euntem minime sequerentur, sed ad Gallorum praesidia decelti praefecti sui facinus redirent. Quo foelici rerum initio Caesar, vt Alpes mauere transiret magis & magis accendebatur. Philippus siquidem Scabotus Ammiras, vt supra docuimus, damnosa interpellatione Ioannis Lochanigiae Cardinalis spe pacis deceptus, à cogitatione belli discesserat, & oppadam quæ redegit in potestatem praesidijs confirmans, audito Caesaris aduentu ad regem redierat, existimabatq; occupata facile se defensurum aduersus Caesarianos. nam Tuarini custodiam Burria viro forti attribuerat, & Paliciam illustri Sciabania stirpe progenitum iuuenem, proptereaq; auiti decoris auidit, cum duabus alis grauis & leuis armaturae equitum, & tribus peditum vexillis Fossani collocarat, quin paulo ante Hanebaldus Penerolum tuendum suscepisset. Cæterum Palicia aliquandiu tormentis oppugnatus ab Antonio, & multarum rerum inopia pressus, quod malignitate atq; perfidia Francisci Salassi, ad Caesarem transire cogitantis, vti ille iussus erat nec satis commeatus accepisset, nec demum frustra expectatus, vti promiserat, vllam opem attulisset, plane deceptus, victusq; his malis atq; periculis Antonio deditioem fecit, ea conditione vt cum suo omni praesidiario milite incolumis abiret, sed generosos equos & militares ad vnum omnes, rerentis tantum ad iter in Galliam obeundum milioribus, cunctaq; simul tormenta victori relinqueret. Habebat in animo constitutum Caesar omnino inuadere Galliam, vt ita faceret ab Antonio Leuam arcano persuasus, sic vt de itinere tantum rationeq; inferendi belli à duobus sententias esset quaesiturus. Exploratam enim & plane certam fore victoriam diserebat Antonius, si domi suae Gallos nihil hostile metuentes, & impatrum adhuc regem adoriretur, & copias quæ erant magnæ atq; mirificæ ad praedam ditem opulenti regni statim induceret, lateq; euagaretur. Neq; enim apparebat regem prelio certaturum, nullis praesertim Helueticorum auxilijs fretum, & ad Flandricos fines nouum contra se Belgarum exercitum expectantem, quando nihil infanlius atque miserius Francisco regi videri posset, quam si Galli periculosam pugnae aleam subirent, quandoquidem in vnum aduersi praeculi casum atque discrimen, & salutis omnium & imperij Fortunam adducturi crederentur. Vna siquidem celeritate aiebat Antonius preoccupanda esse Gallorum ingenia, ne expedire consilia, & sese colligere possent, postquam diuerso perturbati bello, & ancipiti distracti metu, tantas vires quantas opus esset ad resistendum habere nequirent: proindeq; nusquam in acie consistere audentes, terram patriam passim terribico hosti peruastendam permissuri essent. Bestias feras nusquam aptius atque facilius à venatoribus opprimi & capi conficique posse, quam in ipsarum cubiculis & lustris, vbi cum catulis commune vitae periculum subeant. Antonius ex prouentu victoriarum suarum, vsq; adeo Galli cae militiae elatus contemptor euaserat, vt ex vaticinatione quorundam futuræ praedicentium, Carolum Galliae regem euasurum, & se voti compotum apud Parisios in ipsa victoria fato concessurum profiteretur. Huic tanquam immodico, & vt videri poterat intèpestiuo consilio, vnus ante alios Vastus ipse

& fer.

& Ferdinandus Gonzaga ita refragabantur, ut Vastius de scripto sententiam suam proferret, & postea publicaret, & Taurinum ante omnia expugnandum censeret. Eadem erat sententia Gonzagæ, qui Gallos Fossani expugnatione perterritos, si tot vires, quæ iam paratæ essent, Taurini mœnibus admoventur, minime laturos arbitrabatur. Non enim vel cives ipsos natura imbelles, vel ipsorum præsidij Gallos, qui non essent multi, iustum oppugnationis impetum toleraturos, quod si fortius aliquandiu sustinerent: nullam tamen tantam undique obsessos, qua se alerent, commeatus facultatem habituros: ideoque brevi facturos deditionem affirmabat. Taurino siquidem, quod esset

provinciae caput, in potestatem redacto, cuncta facile reliqua oppida ad pristinam ipsius Caroli Sabaudij naturalis atque humanissimi principis fidem elleditura: atque eo modo firmissima Pœninis & Coctij Alpibus claustra posse imponi, ut in posterum ab Italia Transalpinae gentes arcerentur. Porro Cæsar ire in Galliam certus, præterquam quod unius Antonij Levæ iudicio virtutisque plurimum tribuebat, tribus etiam de causis in id bellum ingenti animo ferebatur, quod Mariam sororem Belgis imperantem, uti erat virilis animi mulier, e Belgio Gallis arma inferre iussam, & iam per amplas cogentem copias, commutato consilio neque eludere neque deserere volebat. Pro certo quoque didicerat Gallos ab Helvetijs auxiliares legiones sua consuetudine ob-

laris stipendijs in communi eius gentis concilio impetrare nequivisse, quod astituragens neutri partium ex professo studere videri cupiebat, ut aucta apud Gallos sustinendi belli necessitate opem suam carius veditaret. Postremo quod Franciscus Salassus Antonij Levæ opera à Galliae regis amicitia veteris clientelæ, militiaque diductus in partes transisset, & Galli nullum prope peditatum præter duas Germanorum mercennarias legiones, quas Gulielmus Frustembergius dux turbidus, & multorum perditorum atque exulorum militum collector adduxerat, cui rex confideret, essent habituri. Reliquas enim copias ex Galliae selectibus constare, quod genus militum e singulis eductum provincijs non magnum militiae usum habere iudicabat. Quod si paulo audacius atque felicius in media Gallia res gereretur, Gallos profecto domesticis incommodis permotos, & Taurinum, & reliqua oppida sine vulnere deserturos. Adjuvabat etiam decretum Cæsaris Andreas Auria, qui non dubiam spem præbuerat, Rhodanum amnem stabili triremium suarum catenato ponte posse coniungi, & per Narbonensem regionem ab Hispania, tum commeatus, tum omnis generis auxilia bene gerendo & conficiendo bello expectari posse prædicabat. Suberat etiam in arcano Cæsaris occulta spes potiunde per prodicionem Massiliæ: nam sicuti postea à præclaris ducibus accepimus, per Antonium Levam quosdam, qui eam urbem proderent, sed qui postea fidem mutarint, promissoque defuerint, tentatos fuisse constabat. Itaque coeuntibus iam undique longe maximis equitum & peditum copijs, Cæsar multiplici itinere, sed præcipue per maritimas alpes, & per Tendanos colles Provinciae fines intravit, subse-

quente à Savonæ portu Auriana classe, quæ multas Italicarum cohortium copias sustulerat, quibus Ferdinandus Sanseverinus Salernitanus princeps imperabat. In his clari veteresque præfecti eminebant Augustinus Spinula Ligur, & Petrus Maria Roscius Parmensis sancti Secundi regulus, Hippolytusque Coreggius, & Hieronymus Sanctovitalis Salensis. Horum primo impetu capta direptaque est urbs Antipolis, quæ est ultra Varum amnem posita

contra eas insulas, quas Lerones antiqui, nostri hodie Leres vocant. In ea op-
 pugnatione, quod ab armatis agrestibus impigre defenderetur, & triremes à
 mari ad motis proris tormenta in socias cohortes, tumultuario procursu mu-
 rum invadentes aberrante ictu disploderent, amplius trecentos milites Saler-
 nitani amisit: atque inde Ferdinandus Gonzaga cum suo equitatu adductis
 secum aliquot Salernitani cohortibus ad urbem Gratiā proventus, eam sine
 vulnere in deditionem accepit: subsequenteque universo exercitu, ipsoq; Cæ-
 sare ad Forum Iulij celebrem olim urbem, & Vocontiorum planam, frequen-
 temque ædificijs regionem penetratum est, in Alpibus quodam omine capto
 ex sylvarum incendijs, quæ continenti flamma ardentibus facile pinetis, non
 parvum numerum calorum atq; lixarum, mercatorumq; & mulierum præ-
 fertim castra sequentium turbam combusserat: concrematis multis impedi-
 mentis & sarcinis, quibus milites, ne eodem igne corriperentur, opem ferre ne-
 quiverant. Fuere enim tum qui dicerent his ignibus victoriam portendi, quod
 prelucentes undiq; flammæ lætitiā prænunciarent. Alij à periculoso ingres-
 su infaustum belli successum, & iacturam impedimentorū, uti postea evenit,
 significari contendebant. Cæsar circa forum Iulij advenientes copias in unam
 coegit, productasq; sub vexillis lætus inspexit: nam sicuti à Vastio accepimus,
 nusquam maiores & ornatiores copias Christiano bello Cæsarem unius in ca-
 stris habuisse constabat. Nam Germani quinquaginta serè cohortium vexilla
 implebant, quæ Germanica consuetudine paulò minus quingentos pedites
 singulæ continebant. Has legiones imperio regebant Tamisius dux vetus, &
 Gaipar Georgij Franispergi clarissimi ducis filius. Hispanos autem octo mi-
 lium numerum superasse, cuius gentis nusquam antea tantam multitudinem,
 adeoque militariter instructam se vidisse dux ipse testabatur. Hunc Hispano-
 rum numerum superabāt Italici, qui præter descriptos conductosq; stipendie
 voluntariam & liberam prædæ spe militiam sequebantur. Magnum autem
 gravis armaturæ equitum numerum Maximilianus Iselstenius Belga ex Bura-
 gundia, inferioreq; Flandria adduxerat. Sed cataphractos omnes vel Italici vel
 Hispanici generis ducibat Ferdinandus Toletanus Albæ regulus. Veterano
 autē levis armaturæ equitatu præerat ex suo veteri munere Ferdinandus Gon-
 zaga. Huic adiunxerat Alexander Medices alam Etruscā Valerio Vrsino
 duce, quæ manus in universum mille galeatorum equitum summam efficie-
 bat. Tormenta verò magna ex parte suppeditabat claisis, quæ oram legere ius-
 sa, commeatibus etiam ex propinquis litoribus castra sublevabat. At Francis-
 cus de animo Cæsaris adversum se vehementer concitato, & de singulis insti-
 tuti ab eo belli consilijs edoctus, quod ad eum Ioannes Bellayus Cardinalis Pa-
 risiensis memoriter excepta atque descripta ea Cæsaris concione, quæ in Vati-
 cano habita fuerat, dissimulato habitu, mutatisq; ad celeritatem iumentis in
 Galliam percurrisset, tota sua inani spe cōcordiæ deiectus, facile agnovit quan-
 to cum incommodo Philippus Ammiras paulò antea ad Taurinum in ipso
 cursu bene gerendarum rerum fuisset retardatus, & quàm ipse esset imparatus,
 ad sustinendum bellum gravissimi hostis, à quo terra mariq; præmissis ingen-
 tibus copijs peteretur. Hæc anxie quoq; confirmabat Cardinalis Lotharin-
 gius, qui apud Senas frustra cum Cæsare de compositione fuerat colloquutus,
 assereratq; ea mente esse Cæsarem, ut non modo Mediolanensis imperij pos-
 sessionem sibi retinendam esse, sed asperrimo in visceribus Gallie excitato bel-
 lo, Bur-

lo, Burgundiam citeriorem, quæ ad Heduos pertinet, armis repetendam decerneret. Itaque Franciscus uti pericula postulabant, undique evocatis ad bellum beneficiarijs suis, & tota nobilitate arma capere iussa, legiones iam pridem institutas in provincijs accersebat, cogebatque circa Lugdunum, ut inde ad Avinionem progrediretur, ex propinquo irrumpentium hostium adventum & impetum dispositis præsidijs exciperet. Interim per Legatos dabat operam ut ab Helvetijs iusta auxilia mercede compararet, & Picardiæ fines validis copijs adversus Belgarum irruptiones confirmaret; nam a Maria regina conscribi magnum exercitum Henrico Nanfoo duce atque induci in Galliæ fines audiebat, qua poterat etiam diligentia eos duces, quos in præsidijs Subalpinæ regionis decedens Ammiras reliquisset, pecunia & novis copijs confirmabat. Nam Iacobus Medices ad obsidendum Taurinum relictus a Cæsare, & Franciscus item Salassus passim bellum gerebant adversus Gallos, sic ut cruenta minuta prælia in expugnatione oppidorum ederentur, quibus clari nonnulli fortissimique viri utrinque caderent. Nam M. Antonius Cusanius Insuber, quum emissus Taurino ad oppugnandum Sabinianum contendisset, positusque exteriore templi ædificio magnam vim telorum & armorum omnis generis è Cæsarianis ibi præparatam succensa domo concremasset, & Scalen-gum subsidio cum cohortibus ire ausum commisso certamine profligasset: in ipsa victoria vir excellenti virtute glande traiectus occubuit. Interea Franciscus nihil quod ad salutem Galliæ pertineret, intentatum relinquens, in Italia parandas novas copias, Genuamque Cæsari opportunissimam urbem detrahi posse ratus, ad Mirandulam conscribi novum exercitum iussit. qua in re studiosi Gallici nominis duces cogendis undique cohortibus operam dabant, Caninius Gonzaga, Cæsar Fregolius, Annibal Novellarius, & Pallavicinus Vicecomes Insubrum clarissimus, quibus etiam accesserat Petrus Strozza Florentinus exul. His omnibus rex præfecerat Guidonem Rangonum, cuius militari ingenio magnopere confidebat. Itaque Guido cum octomilibus pedum præter Parmam atque Placentiam ire pergens, Derthonensibus ex itinere recommeatum ei præbentibus præter Scriviam amnem, Genuam superato Apennini iugo provectus est. Interea Cæsar è foro Iulij motis castris ad sancti Maximi Vocontiorum oppidum pervenit, passim effugientibus incolis, sed plenos varijs commeatibus vicos ita relinquentibus, ut Cæsariani alerentur simul & aliquantam prædam reperirent, quum nulla hostium armata manus occurreret. Erat autem adeo multa singulis in pagis rusticanisq; tugurijs præter triticum, multiplexq; legumen, aridæ ficus & amygdalæ, casei, & salitæ carnis copia, ut si frumenta deessent, his cibarijs multo amplior exercitus per multos dies ali posset, postquam adulta iam dum estas fructus recentes affatim undique suggereret propter admirabilem pomiferarum arborum, quibus ea terra passim consita est, frequentiam. Auria quoque in Tolonæ portum classem intulerat. Is antiquitus Taurenta portus fuit, turremque habet, quam metu tormentorum territis custodibus Auria in potestatem redegerat, commodeq; terrestres copias cunctis subsequenti classis per oram copijs sublevabat. Galli autem edicto regis quantum poterant frumenta & commeatu omnes longè ab ora maritima, itinereque hostium ad remotiora ædificia, munitaque loca reducebāt, cui negotio præpositi fuerant Montegianus insignis equitum præfectus, & Boissivus Gofferus Arcturo patre, aulæ regiæ quondam magistro,

Gulielmoq; Ammirante, qui ad Ticinum cecidit, patruo clarus. Hi cataphractorum & levis armaturæ equitum binas alas adduxerant, & tres peditum cohortes, quæ equitibus præsidio forent, progressique in eas partes, per quas Cæsariani iter facturi videbantur, paganos excedere ædificijs & demigrare, & domesticas copias retrò avehere, ne his potiretur hostis, cogeant: qui segnius id fecissent, atrociter mulctabantur: sic ut accumulatis antea pabulis faces subdere, & scædæ vini dolia perrumpere, ac frumenta quæ asportari non poterant, eodem igne corrumpere lugentibus incolis properarent. His conficiendis rebus occupatos hostes, exploratores Epirotæ ante euntes, suoque more prædam quæritantes, ad Brugnolam oppidum processisse Gallos Gonzagæ renunciarunt. Is uti maximè cupiebat longius & introrsus ad hostes nondum percurrerat, ægreque à Cæsare impetrare potuerat, ut suo munere fungi, quod esset utilissimum & propè necessarium noscendis hostium consilijs permutteretur. Cæsar enim uni Antonio cuncta deferebat, qui sine se quicquam tentari, ut laudis cupidissimus nolens, hostes ipsos tota mole copiarum invadendos, nec aliter excitandos esse differebat. Itaque cohortante Vastio, & Cæsare permittente, Gonzaga omnem ferè levis armaturæ equitum multitudinem aditer expedit, postulatque ut Tamisius cum legione Germanorum secum eat, ut equitibus præsidio sit: primosque omnium præmittit Paulum Luciaichum, & Zucerum Epirotam, spectatæ solertiæ atque virtutis veteres præfectos. His præcurrentibus ad Brugnolam Montegianus atque Boissivus ab incolis, qui refugiebant, de adventu hostium cognoscunt: & quum alter extemplo abeundum esse, nec ullum pugnae discrimen subeundum diceret: alter Montegianus ingenio elato ferocique, turpe sibi fore testabatur, si de profectioe prius cogitaret, quàm ora hostium vidisset. Nec multo post undique Cæsariani volitantes conspiciuntur, & Boissivo se subducere parante Montegianus equitibus tuba signum dat, ut arma capiant & conscendant equos. Gonzaga novas turmas primis submittit, imperatque ut præliando hostes distineant, donec ipse cum reliquis alis, & Tamisius cum legione ad oppidum perveniant. Itaque invadentibus Cæsarianis prælium oritur, obvertunt se Galli equites, & fortiter repugnant tanta constantia roboreque densatæ alæ, ut primi pellerentur, sed aucti subsidijs pugnam instaurarent, quo casu Sampetorius Corvus, qui cohortibus præerat, ad equitatum utrinque lunato flexu cohortes peritè applicat, & per sclopettarios rem gerit, multiplicatisq; insultantibus Cæsarianorum turmis atrox prælium editur, duoque fortissimi præfecti, Pelacanes Bononiensis, & Stephanus Puveius virtute animi & decore formæ nemini secundus, ideoque Gonzagæ carissimus, interficiuntur. Sed superventu Valerij Vrsini, & Cantelmi Populensis reguli cohortes perturbantur, proculcataque equorum impetu capto Sampetrio proteruntur: funduntur equites peditum præsidio destituti, paucisque interfectis ad vnum omnes, ita ut nec tubicem effugeret, capiuntur. Montegianus ipse vesana ferocia diu repugnans à Marsilio Brixiano equite capitur: eandem sortem subiit Boissivus, repertusque abiectis insignibus gregarij equitis habitu ad Gonzagam de facie agnitus deducitur. Eo die Gallorum temeritate Montegianiq; præsertim insolentia id acceptum incommodum fuisse constat, quo Brugnola effusè direpta est. Exinde cognitum est ex captivis, regē ad Avinionem copias cogere, nihil tamen de pugna cogitare, nisi Helvetiorum auxilia recepisset, quæ impetrata fuisse, & iam esse in itinere

nere Galli dictitabant. Cæsar eo felici initio letatus, supra Massiliam ad Aquas
 Sextias castra promoverè cōstituit, atq; itē propius Massilię mœnia intueri,
 & certius explorare, an aliquis in ea urbe tumultus à proditoribus novisq; re-
 bus studentibus civibus sentiretur. Itaq; diu urbis munitiones ex propinquo
 contemplatus, quum nemo suorum sciret, cur in conspectum se dedisset, paulò
 post ad castra redijt: & Vastius in Arelatensem usq; agrum excursionem fecit,
 eo eventu, ut pleriq; Arelatenses nihil hostilē expectantes, vagatq; per villas
 ruraq; ab equitibus interciperētur. Per eos dies Franciscus rex, Franciscū Del-
 phinum filium hæredem regni & nominis destinatum repentino oppressum
 morbo amisit, tanta totius aulæ mœstitia, ut ab omnibus æquato dolore iuve-
 nis florentissimus, virtuteq; bellica insignis, & regijs præditus virtutibus tan-
 quam immitti fato ereptus, effusissimè lugeretur. Nec desuere qui suspicarentur
 eum veneno fuisse sublātū: cuius nefarij criminis repentē reus tactus quidā Sa-
 bastianus Montecuculus pœnas dedit, quum ab equis in compito in diversa
 currentibus discerperetur. Nonnulli præcipiti iudicio eum damnatū ferebant,
 tanquam insontem, qui dolore victus inter immania tormenta, ut calamitati
 suæ finem imponeret, se reum miser fecisset, & authores tanti facinoris Anto-
 nium Levam & Ferdinandum Gonzagam nominasset, qui obruti tantæ infa-
 miæ nomine calumitiam à perdito impudentissimòq; homine temerè impos-
 sitam anxie diluere cōtendebant, quum nonnulli Delphinum ex nimia iacta-
 tione in ludo parvæ pilæ æstuante, sudoreq; madentem, frigidam intempe-
 ranter hâuisse prædicarent, nullis præsertim apparentibus veneni indicijs,
 quando præcordia visceraque eo immodico rigore correpta extincto penitus
 innato calore mortem accerserint. Quum ad Aquas Sextias castra haberet, nec
 iam classe iuvaretur, quod magnum regionis spatium à Tolonæ portu ad A-
 quas Sextias intercederet, itinere præsertim latrocinijs infesto, quod incolæ
 desperatione rerum suarum notos saltus insiderent, & viatores præsidiaq; eo-
 rum invadentes interficerent, fames in castris sentiri cœpit, quod cocta Cerere
 carerēt, & fructibus noxjs milites uterētur. Nam tamen frumenta undiq; sup-
 petebant: nulla tamen molendi tritici erat facultas: quoniam à Gallis paulò an-
 te molæ frumentariæ perruptæ dillectæq; fuerant: ac nisi ab Hispanis, & qui-
 busdam Italis refectæ custoditæq; certis prælidjs molę forent, nemo in castris
 vel inter procures nobilissimos erat, qui convivjs panes apponeret. Quibus
 de causis fiebat, ut Germani præsertim morbos cōciperent, atq; eo pestilentio-
 res, quod musto ex uvīs nō planè maturis expresso è galeis avidè biberent, quę
 ventres facilè contaminabant: sicut interneciva profluvia passim orirentur, &
 superibus castra complerētur. Quibus malis obviam ibat Cæsar validis iustisq;
 prælidjs ad classem missis, ut inde opportuna famis subsidia peterentur. Nam
 Auria multa tritici copia abundans pluribus simul furnis & clibanis Cererem
 excoqui iubebat, cæteraquē expediebat cibaria, & in his nauticum panem, cu-
 ius magnam vim in classem ideo cōtulerat, ut terrestribus etiam militibus de-
 serviret. Mirabantur homines cur Cæsar tam diu apud Aquas Sextias ferè in-
 glorius hæreret, nec quicquam pristino ardori suo simile moliretur, nec gene-
 rosa consilia digna ipso celeriter expediret, prius quàm exercitus, Germano-
 rumq; præsertim, gravioribus morbis tentaretur, & Helvetij hostibus auxi-
 liares supervenirent, qui brevi affore nunciabantur. Languebat ferè quarta
 pars legionū, & multo plures morbos absumpserat, inter quos fato cesserat al-

ter ducum Gaspar Franispergus cum minoribus præfectis atq; signiferis supra
 viginti. Ipse quoq; Antonius Leva prioris sui consilij non obscure poenitens,
 rarius & segnius apud Cæsarem sententiam dicebat: perplexusq; atq; obrutus
 magnitudine difficultatis Fortunæ manus dabat, decumbebatque corpore æ-
 ger, atq; animo deiectus, ita ut Cæsar ipsum de victoria despondentis animum
 agnosceret, & Vastius ex prioris sententia Levæ oppositus, difficultatis causas
 cōficiendi & repræsentandi panis militibus afferret, nihil ad inferendam stre-
 nueque gerendum bellum obstare, quando Germani cæteri q; milites trico-
 cacabis excocto Neapolitanæ obsidionis incōmoda patientissime tolerarent:
 ideoque intempestivè parumq; honestè turpem Cæsari: ignominiosam vero
 ducibus maturari, receptus vulgato inter milites rumore famam parari, proinde
 de milites quò iuberet Cæsar dum vires essent integræ, fortiter esse periculi-
 ros, vel si hostem regem ad Avinionem æstivantem invadere cuperet, vel ad-
 to Lugduno in Burgundiam antiquæ suæ ditionis pervadere luberet. Cæte-
 rum quum in his versaretur consilijs Cæsar mari delatū ab Auria tristem nun-
 cium accepit, quo Guidonem Rangonum ad invadendā Genuam appropin-
 quare, et in Pociferā vallem se demittere ferebatur. Igitur Auria de patris solus
 vehementer sollicitus expedito consilio septingentos circiter milites Auguti-
 no Spinulæ legendos attribuit, continuoque triremibus Antonij Auria de-
 vehendos imponit. Antonius pari studio sollicitudineq; ad ferendam patriæ
 opem incitatus, ususq; nocturnæ auræ flatibus, velis & remis ire contendit, in-
 gressusque portum cives magna trepidatione liberavit: nam tota fere civitas
 inexpectato metu perturbata eò descendebat, ut plerique uxores & liberos, va-
 rioresque res suas navigijs imponderent: alij plebsq; in primis rerum novarum
 prædæque avida, reduci Fregosios, & vetus Gallicæ servitutis iugum induci
 clamitans, correptis armis ad defendēda mœnia discurrebat, sic ut incerto stu-
 dio per regiones urbis tumultuosè deferretur. Sed conspecto Spinula, qui va-
 lidam præsidij manum adduxerat, primos cives obliti veterū factionum, me-
 moresque receptæ libertatis, in qua beatius viverent, magna ex parte levati
 metu recreantur. Iam hostes ad sancti Thomæ portam, quæ est ad occidentem,
 pervenerant, allatisque pluribus scalis & conscensis, in summum murum eva-
 dere, coronamque occupare nitebantur. His conspicui cohortatores aderant
 Guido ipse atque Fregosius, qui quum frustra portam sibi aperiri amicè ingres-
 suris postulassent, adversum à civibus responsum retulerant: propterea q; vni
 admovendam rati acerrima atque audacissima conscensione facta in urbem
 transcendere conabantur, eo quidē maiore Genuensium periculo, quod ad or-
 rientalem portam, quæ ad Feritorē hodie Bisamnem fluvium ducit, Pallavici-
 nus Vicecomes, & Hercules Fregosius Cæsaris frater altera castra fecissent, ut
 diverso pavore illato cives ad deditionem compellerent. Cæterū supra sancti
 Thomæ portam non longè ab ea turricula, per quam Piscario duce Adurnios
 proceres reducete, urbem ante quatuordecim annos captam fuisse memini-
 mus, magna contentione certatum est, eo successu, ut Baptista Corsus cogno-
 mento Farina agrè locum defenderet, & Guidoniani vexilla in summi muri
 pinnas audacter efferrent. Verū superventu Spinulæ ingenti animo propu-
 gnantis, ereptū est ascendenti signifero vexillum, ipsoq; vulnerato atq; in præ-
 ceptis deturbato, repressisq; subinde et vulneratis, qui scalas subibant, ea mœniū
 pars usq; adeo egregiè defensa est, ut quū Hector Neapolitanus invadentium
 pugna-

pugnacissimus cecidisset, Guido multis suorum amissis & vulneratis receptui cani iuberet, tanquam redintegraturus pugnam uti videri volebat. Ceterum dux prudens, quod nulla ad quassandum murum, atque ideo ad terrendum hostem tormenta secum adduxisset, neque uti sperarat Fregosius, ullus omnino in urbe faventis populi tumultus oriretur, admonitis socijs, qui erant ad Ferritoris portam copias collegit, regressusque per dextros Pociferæ vallis montes in agrum Subalpinū, Tanaro amne superato, ad Gallicos duces pervenit, ingenti equidem metu atque periculo, uti inopinatis casibus accidit, liberata civitate, quanquam Guido in discessu oblata ex itinere oppidula diripuisset. Inde Guido proventus ad Astam, quum nemo Cæsarianorum prodiret, abacta aliquanta præda maioris pecoris, ad oppugnandum Carinianum contendit, quod oppidum infirmo custoditum præsidio adortus, uno atque altero tumultuario certamine sub mœnibus edito, ad deditionem compulit, ibique magnam vim parati à Cæsarianis commeatus nactus, Taurinensium, & reliquorum præsidiorum inopiam, æqua dispensatione opportunissime sublevavit. Nec multo post admotis copijs Carnagnolæ, munito oppido, quod Salassi erant ditionis, potitus est. Quibus rebus gestis tametsi ab irrita spe potiundæ Genuæ frustra bellum suscepisse videri poterat: his tamen captis oppidis egregiè nominis famam tuebatur. Quibus cognitis rebus Cæsar & Auria, periculosa levati cura, magnoperè lætati sunt. Per eos dies Cæsare circa Aquas Sextias commorante, & pestilentibus morbis legiones pervastantibus, quum Nansous cum valido Belgarū exercitu Galliæ fines ingressus levibus quibusdam equestribus prælijs prosperè factis ad oppugnandam Peronam, quæ est urbs Picardiæ ad Samorobrinam amnem posita, contendere nunciaretur, Helvetij vel nihil ex decreto magistratuum impetrante rege, ingenti multitudine voluntariorum eius gentis ad stipendia, quæ offerrentur excitata, duce Calcemito descenderunt, & Gallos adventu suo ita confirmarunt, ut Cæsar de belli exitu timere videretur. Erant enim Helvetij delecta ferè viginti milia peditū, quæ conniventibus pagorum magistratibus arma capere, dare nomina apud questores Gallos, & sublati vexillis proficisci permittebatur. Nam sicuti antea magistratus publicæ Cæsari se in neutram inclinatueros partem promiserant, ita quod stipendiorum & lucri iacturam cunctantes facerent, pagorum ferè omnium iuventus exercendis nata armis ferre non poterat, ut ei bello non interesset, quum plures eminere, qui ex fœdere veterū pactiōum minimè committendū prædicarent, ut Galliam tanto circumventam periculo contra ius & æquum indefensam diripi paterentur. Habendam enim esse rationem perpetuæ societatis, qua ad tuendam Galliam præclaro fœdere Galliæ regibus essent obstricti, à quibus omnium temporum perpetua atque opima bello et pace premiaretur. Calcemitus autem quanquam corpore pusillus, ingētis tamen animi præfectus, quem prælio ab Bondincum prosperè facto adversus Ferrarienses multum inclaruisse memoravimus, in corona dixisse ferebatur, nequaquam esse ex commodo dignitateque Helvetiæ gentis circumventum diverso bello, gravique luctu oppreßum regem, qui florentissimum regni que hæredem ex liberis amiserit, parum pia atque inepta magistratuum cessatione deferere, scilicet, ut viri fortes stipendia facere & virtutis præmia ferre soliti, sua spe lucri, atque occasione parandæ laudis defraudentur, ut finitimos Germanos veteres hostes, ipsamque præsertim natura infestam Helvetio nomini Austria;

nam stirpem immodica potentia augeri sinant tanquam non aliquando ipsorum libertati negotium allaturam. At magistratus prætoresque pagorum non obscure Gallo favere cupiebant, quanquam avarius atque tenacius quam oportet secum egisse ab initio quæstores Gallos dicerent, qui intempestive veluti nondum inchoato bello pecuniam in stipendia minime se prolaturus dixissent; atque eo modo integro publicæ fidei pudore dum nihil publicæ de mittendis auxilijs decretum esse testarentur, privatorum militum cupiditati, & publico commodo dum conniverent, nec euntes & nomina dantes retentarent, publicæ existimationi callide satisfacere volebant. His tantis confirmatus auxilijs Franciscus rex certius exploratis hostium consilijs, atque eorum incommodis, quæ contagiosa planè lues pestilentiae modo in dies validius serpens afferebat, animadversa quæ apud eos salubris & expetiti commeatus difficultate, secundo Rhodano de vectis exercitus impedimentis ad Cabellonem processit. Eavetus Colonia posita est ad amnem Druentiam in Rhodanum influentem, egregiamque habet ponendis castris opportunitatem. Ibi Anneus Memoranius totius Galliae equitum magister, cuius tum propter eximiam militiæ peritiam, maximeque sobrii & perspicacis ingenij præstantiam summa erat apud regem autoritas, dimensus accurata ratione admirabilique munitione complexus latissimum spatium vallata castra erexit, quibus undique tormentorum corona permunitis, amplissimæ copiae contineri, atque his infesta reddi itinera poterat, quæ ad Cæsariana castra, & ad maritimas comæationes, viasque Alpium pertinerent. Nam per superiores dies Paulus Ceres cum valida manu Italicorum & Gallorum equitum, expeditarumque cohortium Druentiam flumen tranando, nonnulla detrimenta ex occasione dispersis hostibus intulerat. Perfectis igitur ad Cabellonem castrorum munitionibus, atque intra has equitatu è tota Gallia recepto, & collatis in eas Fustembergi mercenarijs Germanis, & Gallicanarum legionum copijs, Helvetij expectabantur, qui iam aderant, usque adeo multiplicatis cohortibus, ut nemo eius gentis domi relinqui videretur: quoniam plerique & bellicosissimus quisque suo pte ingenio ad iter incitati, neque duces, neque vexilla expectanda censebant. Id impensius & alacrius gentis studium, sicuti maxime sumptuosum Galli quæstores sibi fore providebant, ita Cæsari imminuta spe eius conceptæ victoriæ, procedendi atque audendi consilio frangebatur: nam (sicuti nonnulli paulò antea probarant) si discedere longius à mari, et per Lugdunensem agrum in Burgundiam penetrare percuperet, id neque tutum, neque facile videbatur, quod maximis hostium copijs in tergo relictis, atque his quas antea despexerat, adventu Helvetiorum mirifice confirmatis, rex proculdubio ex occasione certaturus credebatur, cuius rei consilio si casus incideret, nihil alienius & iniquius accidere posse Cæsari cuncti ferè duces affirmabant, & tum maxime in Antonio Leva intolerandi totius corporis, omniumque propa artuum dolores, ita animum lethifera vexatione fatigabant, ut omnem eius ingentis animi vim eliderent, ipseque deceptus sua spe immodica destinatæ victoriæ intra paucissimos dies ad mortem adigeretur. Visus est Leva accepti vaticinii sui fidem implevisse, quum in Gallia, uti cupiebat, extremum vitæ diem obierit, & relatus in Italiam apud templum sancti Dionysij penes Mediolanum insigne sepulchrum meruerit: sed non apud Lutetiam uti crediderat, ubi Dionysiano celeberrimo in templo tumulum cum elogio funeri destinasset. Eo mortuo Cæsar de consilio reliquorum ducum, nihil ultra eo bello tentata prælii

prælii Fortuna se recipere, atque in Italiam redire constituit. Interea à Paulo Pontifice binæ legationes in Provinciam pervenerant: altera Trivultio Cardinale legato, quæ Franciscū regem respiceret: altera Rodolpho Pio Carpenie, quo Cæsar adiretur. Eorum adventus quanquam serus, non omnino irritus fuit: nam propterea quod ex diverso factionis studio inter se dissidebant, idonei videbantur, qui ab utroque armato principe pijs precibus impetrarent, ne summo Reipubl. Christianæ incommodo armis concurreretur. Quæ legationes quanquam nihil quo ad levandas simultates, & minuendam eius sui cepti belli controversiam pertinerent: eximium tamen sacrosanctæ æquitatis iudicium Pontifice, qui pacificatoris nomen quærebat, specimen præbuerunt. Eo modo Cæsar magis & magis ingravescente autumno, deductis undiq; præsidis, & cõstitutis agminibus per easdem maritimas Alpes subsequente classe in Liguriam ita est reversus, ut ipse cum tota ferè aula ad mare iter haberet, turremq; quandam agresti Gallorum præsidio munitam, quod iter illac habentibus Cæsarianis infesta esset, & Garziam Lassium Hispanicæ nobilitates bellica laude, & poetica lauro insignem lapide iectum interfecisset, multa vi expugnaret, defensoresq; deditos, quod pertinacius resistissent supplicio affici iuberet. Tum vero Franciscus quibusdam Gallorum facili paratæque victoriæ defuisse visus est, quod abeuntis hostis vestigia statim non esset subsequutus: nam plerique etiam ex Cæsarianis affirmabāt, novissimis agminibus grave incommodū afferri potuisse: quoniam Germani, & non parva Hispanorum pars lentioribus morbis tentarentur, & equites Germani, Belgæque præsertim magnam equorum multitudinem, aut exustam fervoribus æstivis, aut turgentibus talis debilitatā amisissent. Sed nos postea huius cessationis causam ab ipso rege requirentes, hanc fuisse reperiebamus. Primū omnium quod Helvetios cū Germanis tanquam perpetuos eorum hostes committere nollet, spectante præsertim Fustembergog, neis offensus iniuria, si fratres & consanguineos suos ab Helvetijs Germanico nomini inimicissimis trucidari cõspiceret, propterea indignabundus ad tuendos suos verteretur, quum ipse Fustembergus tanquam

30 omnis sacramenti cõtempitor, ingenio impius & præceps facile secessionem fœda consternatione factururus crederetur, & ipse multis eruditus antiquorū documentis, à certo & tutissimo disciplinæ militaris præcepto discedere nollet, quo fugienti hosti nō fabricandos modò pontes, sed auro etiā sternendos veteres censuissent: satisq; sibi gloriæ, & laudis partū eo bello fuisse, postquā tantos impetus, tum Cæsaris in Provincia, tum Nansoi in Belgis egregiè regno incolū sustinuerit & finib. expulerit. Per eos namq; dies Nansous irritò conatu magnis Belgarū, & Germanorū adductis copijs Peronā urbem frustra oppugnat. Cæterū Cæsare triremibus Genuā advecto, Aurianisq; in ædibus ornatissimis suscepto, Vastius per Ingaunos Ligures exercitū, Hispanosq; præsertim in Subalpinam regionem reduxit, quod ibi Gallorum præsidia accessu Guidonis Rangoni firmiora, nihil his in partibus bellum remitterent, novoq; ausu vicina oppida invasuri viderētur. Quo successu autē Nansous bellum gesserit, Peronamq; oppugnarit, paucis operæ precium erit enarrare. Perona oppidum est Galliæ Belgicæ, ad Samarobrinam amnem, quem Somam hodie vocant, Veromāduris antiquis vicinū populis, qui etiā nunc vetus nomen retinēt. Id autem determinat Gallorū ditionem a Flandris Cæsaris imperio subiectis. Palustris ea est regio, & quod ad sacra attinet Novioduni antistitis auctoritatē

respicit. Perona tamen si neque magna sit, neque ideo urbis nomen habeat: frequentes tamen habet incolas generosos, & Galliae regibus valde addictos. Exercentur Peronenses belli tempore quotidianis ferè excursionibus & praeliis cum finitimis, Bapalmenisq; praesertim. Bapalma siquidem ad Flandros pertinet, extremoq; in limite posita adversae ditionis Peronam respicit. Hoc itaq; oppidum quum Caesariani duces neq; praesidio valido, neq; multo com-
meatu, neq; exquisito opere satis munitum existimarent, omnibus copiis aggredi statuerunt, quod Perona capta facilem sibi in Galliam aditum patefactum iri providebant. Priore autem consilio sancti Quintini oppidum Samarobrinorum praecipuum, hybernisque olim C. Iulij Caesaris clarum invadere cogitarant, sed accurate & praeterea munitionis validiq; praesidij fama Nanionum averterat. Hic enim genere Semigerminus summæq; dignitatis regulus apud Caesarem favente regina copiis praerarat, habebatq; in castris circiter viginti milia Germanorum peditum: equitum verò partim è Menapiis atq; Sicanbris, qui nunc Clevenenses appellantur, atq; item ex Eburionibus, reliquisq; Belgis septem milia equitum: magnum autem numerum tormentorum muralium, magnamq; vim militaris instrumenti expugnandis urbibus undiq; sibi advehisse iusserat. Hec dum à Nansoo pararentur, Galli senatorij ordinis publicis negotiis praefecti apud Lutetiam: quoniam rex abesset, atque in Provinciam Caesari sibi obviam eundum statuisset, animadverso Peronensium periculo, priusquam Nansous hostis perveniret, eius oppidi custodiam Florantio Roberti Sedapij filio tribuerunt. Is pluribus bellis clarus, uti paternae virtutis aemulum decuit, Marescalchi dignitatem fuerat consequutus. Mareschalchi siquidem muneris est ordinarium regis equitatum inspicere moderariq; & in arduis praeliis primam aciem ducere. Itaq; Florantius equites cataphractos centum quinquaginta, milleq; legionarios pedites delectos ducens, celeriterq; Peroram contendens, ante Nansoi adventum pervenit, & Peronenses ex vetere suo studio promptissimos ad sustinendum hostium impetum, defendendamque patriam, magnifica concione in foro habita confirmavit. Damnantium regulum summæ virtutis atq; constantiae virum arci tuendae imposuit, qui suam peculiarē alam cataphractorum dimissis equis introduxerat. Cercheium autem virum egregie fortem peritumq; militiae peditibus praefecit: equitatum verò omnem attribuit Ioachimo Hangelsto summæ spei, & iam spectatae virtutis iuveni. His rebus quæ ad munitionem pertinerent instituendis atque parandis occupato Florantio, Nansous cum omnibus copiis supervenit, complexusque oppidum lunatis castris Idibus Augusti tormenta promovit, quæ erant cum numero, tum magnitudine obsessis maximè formidanda. Itaq; quum Peronenses postulanti Nansoo ut se dederent, alacriter respondissent, se nequaquam adeo demissi esse animi, ut se patriæ moenia defensuos dubitarent, postquam his regionum militum praesidijs essent confirmati, qui sæpenumero ipsos hostes obsedissent, & ipsi alias arctissime fuissent obsessi, non modo hostium minas cōtemnere, sed armatos vim inferre ausos multis in locis fortissimè repulissent. Adactis autem tormentis Nansous usq; adeo terribili violentia murum quassavit, ut moenia per partes cōvulsa perfractaq; prociderēt, & patentes aditus per ruinas Caesarianis præberētur, quibus succedentib. & audacter irrumpere conantib. ferrea atq; perpetua cataphractorum acies dimissis equis pedes pugnas opponebatur. Certabatur aut cominus hastis atq; securibus: sic ut Gallica acies
immota

immota constantissimè irruentes sustineret atque propelleret: nam Florantius
 submittendis recentibus subsidij diligenter intentus, nusquam deerat: exem-
 ploq; suo ardentissimè propugnās, & unumquemq; vel militū vel oppidano-
 rum ad resistendum accendens, in muro impavidus versabatur, sic ut quū per
 quinque horas cruento praelio esset dimicatum, Nansous multis suorum amissis,
 & vulneratis se reciperet, atque alia ratione oppidum expugnandum esse
 arbitraretur. Erat arx oppidi non multum ab his mœnibus, quæ ab hoste
 quassata fuerant, antiquissima turre insigni, quam à Julio Cæsare olim condi-
 tam fama per manus tradita Galli prædicabant. Hanc Dammartinus, quem
 diximus, defendendam suscepit, atque inde tormentis rem gerendo subie-
 cta hostium castra detrimentis afficiebat. Proinde Nansous nequaquam tor-
 mentis demoliri eam posse ratus, cuniculos instituit, ut suppositis tormenta-
 m pulveris cadis, noto artificio erumpentibus flammis turrem excinderet.
 Nec Nansoum concepta fefellit opinio: nam actis subter fundamenta binis cu-
 nculis Dammartino nihil sentiente, intra paucos dies perfecto opere subditis
 ignibus repente revulsa funditus turris corruit, ruinaque Dammartinum op-
 pressit, & cum eo nonnullos ex præsidio. In ea turre Peronenses referebant
 superioribus temporibus regem Galliarum à Veromandurorum regulo per insi-
 dias captum, ibique custodi traditum vitæ finem invenisse. Cæterum Nan-
 sous expugnata vel excisa turre, penitusque ad aperta nihil profecit, ut inde vel
 arcem vel urbem iterata ingenti conatu oppugnatione caperet. Nec multo
 post desperata victoria obsidionem solvit, & intra Flandriæ fines regressus est.
 Florantius verò restitutis tumultuario opere mœnibus ad regem contendit,
 qui Cæsare Provinciæ finibus excedente, in interiora Galliarum redierat, ab eoq;
 quonam eventu hostes Peronam oppugnassent certius didicit, collaudatoq;
 Florantio, Cerchioque & Ioachimo Hangestio militaria dona ad argumen-
 tum eximiae eorum virtutis tribuit, & ut dijs immortalibus gratias ageret, qui
 Galliam propicio numine summi periculi discrimine liberassent, per triduum
 supplicationes haberi iussit. Florantius autem non multo post ardentissimis
 solibus & Peronæ dudum militari labore exustus, lethali concepto morbo fa-
 to concessit, paremque non multum inde Hangestius, qui Florantio suffectus
 fuerat, eodem bello apud sancti Pauli oppidum, interfectus: honestum vitæ,
 atque militiæ finem imposuit. Sub id tempus quo Cæsar Provinciæ finibus
 excesserat, & Nansous improsperè oppugnata Perona armis atque incendijs
 Galliarum fines populatus in Flandriam dissolutis copijs redierat, Franciscus pa-
 res hosti rependendas clades ratus, quas coegerat copias in Belgicos fines in-
 duxit, magnoque apparatu Hedinum munitissimum oppidum, Britannico
 limiti vicinum, in ea Belgii parte, quæ Artesia vocatur, adortus est, multoque
 maximo tormentorum apparatu admoto, quinquagesimo obsidionis & op-
 pugnationis die in potestatem redegit, quod Belgæ multis imparati rebus in-
 opinatam hostium adventū sustinere nequiverant, nec regina post dimissum
 à Nansoo exercitum obsessis maturam opem afferre potuisset. Id oppidum a-
 missum maximè pupugit Cæsarem, qui facile intelligebat Gallos nullis par-
 suos sumptibus, quin illud egregiè atque celeriter permunirent, tuerenturq;
 iusto præsidio tanquam opportunissimū ad reliquam eius provinciæ regionē
 invadendam. Itaq; sororem admonuit, ut vires repararet, et per idoneos duces
 redintegrato impetu hostes nihil tale expectantes invadere maturaret. Nec mo-

ra Belgarum proceribus ad bellum excitis, vexilla explicantur, & milites ad signa coguntur. In his fuere Hadrianus Beurenus, & Philippus Arescorus e Croia familia, quæ est summæ dignitatis apud Belgas, & vetere suo studio fida Cæsari, Galloque maximè infensa. Cæsariani itaque magnis freti copis, quanta belli clade poterant fines Gallicos intrantes, ad Hedinum delati, quod validioribus, quàm putarant præsidijs teneretur, lævorsum ad Teroannam Morinorum urbem deflexerunt, atque acri obsidione, oppugnationeque instituta expugnare conati sunt. Obsessorum res ad grave periculum deducta videbatur, propter commeatus & tormentarii pulveris inopiam. Sed Galli qui apud Ambianos castra habebant, certiores facti de sociorum difficultatibus, coactis undique sarcinarijs iumentis & plaustris, his rerum copis quibus Teroannenses egebant, opem ferre statuerunt, suscepitque negotium Hanebaldus cum ingenti præsidio ordinarij equitatus, & evocatorum atque nobilium eius provinciæ, qui ei muneri deesse sibi ignominiosum fore iudicabant. Itaque usus nocturno itinere fretusque peritis itineris ducibus, Teroannam sceleriter pervenit, atque urbem, uti oportebat, non commeatu modo, sed novo etiam præsidio permunivit, sero sentientibus, & prohibere conantibus Belgis. Sed Hanebaldus quum alio quàm venerat itinere, tanquam breviori tutioreque se reciperet, conficiendique itineris liberum ab hoste spaciū relinqueretur, quosdam e suis Gallicæ nobilitatis immodico pugnae desiderio incitatos, neque prohibendo, neque iure imperij comminando continere potuit, quin illi in proximam, nec se commoventem Belgarum aciem stolidam irruptione incurrerent, & ad pugnam audacissimè provocarent. Quorum insolentia permoti Beurenus & Arescorus, ita illos exceperunt, ut multis interfectis & captis, densatas alas in reliquum Gallorum agmen immitterent. Erat apud Hanebaldum Georgius Capuzmadius Epirota vir multis versatus in prælijs, qui quum Cæsari militaret, paulo antè in Subalpina regione à Gallis quadam excursione fuerat interceptus. Cæsare vero eum minimè redimente, oblata à Gallis stipendia accepit, quibus eius viri virtus minimè contemnenda videbatur. Is Hanebaldo suadebat, ne quod egregie perfecisset stolidè corrumpere vellent: proptereaque sibi videri deferendam esse eorum procacium iuvenum manum, quæ temerè neglecto imperio certamen contraxisset, tanquam periculosum omnibus futurum, nisi se ad receptum celeriter expedirent. Sed Hanebaldus, quum neque ea quæ diceret Epirota facile probaret, neque quosdam ex sibi notis circumventos ab hostibus deferere vellent, incumbens demum Belgis, ita in fugam tumultuosissimè coniectus est, ut quum per paludem ligneis constratam pontibus esse evadendum, perfractis passim primorum transitu pondereque pontibus equiceno haurirentur. In his fuere ipse Hanebaldus & Capuzmadius. Ea autem fuga eum habuit exitum, ut quingenti ferè equites levis armaturæ Italici Epiroticique generis anteirent, & persequentibus hostibus ad Hedinum confugerent ubi in præsidio custoditi æstivabant. Hi ferme trecenti numero, recentes in oppido nacti equos conscenderunt, atque eruptione facta persequuti hostes, & prælii & itineris labore fessos tanto impetu tergis instando perturbarunt, ut nemo ferè eorum madentibus sudore equis resisteret, multi que sine vulnere caperentur, quorum permutatione adiecta aliquanta pecunia Hanebaldus dimissus est, Capuzmadius iniqua sorte iussu Cæsaris tanquàm transfuga

fuga capitali supplicio affectus. Eiusdem anni, qui fuit trigessimus sextus supra millesimum & quingentesimum, ineunte ætate, qua hæc à Cæsare atq; Nansoo adversus Gallos tentata improspere gesta sunt, Henricus Britanniae rex novum in iustitiae severitatis facinus edidit, Anna Bolenia uxore adulterij damnata, & palam capitali supplicio affecta. Hanc siquidem quum infani prope amoris libidine correptus, Catharinae uxori repudij libellum misisset, in coniugalem thorum receperat. Causam autem repudij probasse ferebatur Thomas Volseius Cardinalis Eboracensis, quo nemo mortalium vanitate dignitatis atque potentiae superbior, nemo fortunis opulentior, nemo ingenij malignitate atque adulatione Britanniae pestilentior fuit. Prætenderat siquidem religionis titulum in adulationem regis novas appetentis nuptias, quod Catharina Arcturo ipsius regis fratri Germano antea nupsisset, asserere enim ex placitis Christiani dogmatis nefas esse eam ducere uxorem, quæ in fratris thoro inter maritales complexus concubuiisset. Hanc causam aliquandiu iactabant inter se iureconfulti, divinarumque legum periti, quum Clemens Pontifex obstrictus officio, neque Henricum neque Cæsarem offendere destinasset, lata sententia, sed tergiversante Pontifice ea lis eum habuit exitum, ut Henricus, uti æqua iura postulabant, periniquè atque impiè Catharinam repudiasset in gratiam Cæsaris decerneretur. qua iniuria animus malefano amore depravatus veterem suam omnem virtutis & pietatis laudem & gloriam abdicaret, nova & damnata religionis dogmata sequeretur, & ab autoritate Romani Pontificis discedendum censeret. Quare rebellionem ad sævitiam animum impulit, multisque supplicijs damnatorum procerum aulam funestavit: sublato antea alios, ut is promeruisse videri poterat, ipso Thoma Volseio Cardinale, qui nefarijs consilijs prævertisse regem atque infatuasse invidentis populi iudicio accusabatur: sic ut rex postea districto sæviore gladio nonnullos verecundæ probitatis viros, & literarum doctrina illustres interfecerit, in quibus fuere Thomas Morus regij scrinij magister, & Rossensis Cardinalis. Boleniæ itaque regalia tradita sunt ornamenta, & tanquam ex legitimis nuptijs communicatus genialis thorus. Quibus animadversis iniurijs Catharina miserabiliter thoro domoque pulsa, quum dolorem sustinere non posset, fato concessit. Exinde Bolenia sublata veluti pellice, thoriq; æmula inauspicato triumphans, & maculam prolem affectans in spem successionis regni, existimavit Henricum ingravescente iam ætate, & à multo abdomine pigrescentem, parum idoneum fore, qui marem progigneret, quod antea foeminas tantum suscepisset. Quamobrem nefaria concepta libidine uteri foecunditatem adulterino semine experiri constituit, pellecto ad concubitum Georgio fratre Germano, ut is detestabilis, ideoque incredibilis extra omnem suspensionem scelus contegeret. Sed non multo post fraternos concubitus inanes experta, adiecit procacem animum, nec præsentibus contentum, ad Norreium & Bruertonium equites ex aula illustres: sic ut his exaturata ad Marcum etiam musicæ artis magistrum sibi familiarem inverecundè descenderet. Hæc flagitia ab ancilla, quæ cum amatore suo ludens severius ab ipsa Bolenia castigata fuerat, ad regem delata sunt: atque eo modo tortis atque interfectis adulteris Bolenia damnata est, astante inter iudices & suffragium suum ferente Thoma ipso Bolenio patre. Producta exinde in vestibulum Londiniæ turris, satis interrito vultu pedissequas circa se plorantes servandi pudoris admonuit, collectaq; subter retis

culum coma lacteam ceruicem, quæ tantopere regi placuerat, carnifici laqueo stringenti gladium porrexit. Exinde rex Semeram virginem celebratis nouis nuptiis matrimonio sibi iunxit. Hæc mediocris familiæ nobilitate regi impar, sed ingenuo pudore statæ formæ, quod ad genium responderet egregie par, hunc peperit Odoardum regem, quem colit Britannia, quod in eo repudians vitis paternæ tantum virtutis indoles effulgeat. Sed is partus regi faustus, matri infœlix extitit, quum ex partus dolore statim perierit, quarus & quous nuptiis apud immodicum regem locum relinquens.

PAVLI IOVII NOVO.

COMENSIS EPISCOPI NV

CERINI, HISTORIARVM

SVI TEMPORIS

LIBER XXXVI.



ICanius qui fuit à partu Virginis supra mille & quingentos trigessimus septimus, varia bella in diuersis maris orbis terrarum partes dispersa continebit; sed quæ magnis potius regum contatibus, quàm certis aut peramplis victoriis famam tulerint, idcirco tamen non paruum legentibus afferent voluptatem, quoniam admirabilem grauisimorum consiliorum rerumq; gestarum varietatem explicent; proindeq; maximorum principum animos intueri agnoscereq; iuuat, qui bella ex bellis serere, proferreque potentiam, quàm pacem frui malunt, scilicet ut nomini dubium decus varijs Fortunæ iussibus subiectum superba contentione per anxios ancipitesque labores quærant. Antè omnes Solymanus parandis nouis regnis tam sua insatiabili quàm visita Ottomannis regibus cupiditate incensus, ad occupanda Indiæ emporia, pellendosque inde Lusitanos animùm adiecit, nequaquam sibi decorum aut tutum fore existimans, si Christiani nominis gentem præpotentis Lusitanæ regis opibus fretam, maximeq; inuictis clasibus pollentem, firmatis in peris inueterascere in India sineret, ubi iam pleriq; reges antiquissimis ritibus fabulosa numina colere soliti, Mahometana sacra suscepissent. Recentique bello quod cum Tammafo Persarum rege gesserat, inter eius auxilia Lusitanos sclopettarios, tormentorumque magistros, qui maiora tormenta fusili metallo fabrefacere, perireque dirigere Persas hostes suos docerent, militasse didicerat. Cæterum Solymanus magno afficiebatur incommodo, quod Lusitanæ classes Arabici sinus nauigationes interclusissent, quibus Memphim atque Alexandriam aromata atque odores, Indicaque omnis generis mercimonia aduehi in Europam solerent, magno quidem totius Ægypti vectigalium detrimento, quum ea mercium negotiatio ferè omnis per immensum Oceanum in Hispaniam

niam averteretur, dispensareturque inde per emporia Belgarum, Britanno-
 rumque, & extremæ Germaniæ, quarum regionum regna, Gothosque popu-
 los Venetorum advectionibus repleti paulo antè solitos constabat. Provide-
 bat quoque Solymanus eandem curam incelsisse animo Campsonis Memphi-
 tici Sultani, qui sub id tempus quo eum invadebat Selymus pater, ingentem
 classem Rubro in mari ædificasset, ut inde Lusitanos fretum Erythræasque an-
 gustias ingrediaufos, non Arabico tantum sinu, sed ulteriore etiam India, ubi
 iam munitas arces condidissent, expelleret: sed Amyraasis & Ray salomonis
 præfectorum dissidio atq; perfidia factum est, ut tantorum sumptuum appa-
 ratus in felicem exitum habuerit. Itaque Solymanus adhortante Ægypti præ-
 10 fecto ingentem triremium classem instituit, quæ Lusitanos adoriretur. Præ-
 rattum Ægypto Solymanus Eunuchus natione Epirota propter militaris in-
 genni solertiam inter Bassas receptus. Is materiam ædificandis triremibus à si-
 nu usque Attalico Ciliciaque cæsam & dedolatam Pelusium devehî curabat,
 atque inde adverso Nilo Memphim ratibus perducî iubebat, ubi ita magnum
 navalium fabrorum numerum cogerat, ut paucis mensibus multas plicatiles
 triemes efficeret, quæ demum camelis membratim ad Suetiam olim Arsinoes
 portum Rubri maris per arenas siticulosa regionis trahebantur, atque ibi in-
 textis carinis & erectis malis, atque instructæ omnibus armamentis in mare
 20 deducebantur. Id iter à Memphi ad Suetiam octoginta milium spacium im-
 plet. Constat autem antiquissimis temporibus dum Ægypti reges ad exten-
 dendam nominis famam prodigiosis operibus vacarent, fossam pernavigabi-
 lem à Memphi ad Arsinoem, admirando labore sumptuque fuisse perductam
 ad summas convectionum commoditates, quæ demum oblimante vetustate,
 arenis scilicet alveum sensim opplentibus, quanquam pernavigari nequiret:
 Niloticam tamen aquam secundum amnis incrementa ad ipsas Arsinoes cister-
 nas deferabat. Sed huius quoque salubris aquæ copia atque usus ferè omnis ad-
 ventu Arabum Mahometanæ sectæ, qui illac irruperunt, & totam ferè Afri-
 cam superato Nilo usq; ad Atlanticum Oceanum invaserunt, ita est interrump-
 30 ptis, ut eius regionis incolæ à remotis quibusdam puteis saliores & iniucun-
 dos ad potum latices per utres camelis impositos petere cogantur. In hoc isth-
 mo terræ, intimoque Arabici sinus termino, mons Sinas natura saxeus & ab-
 ruptus in cælum exurgit, adeo ut difficilem laboriosissimumq; ad cacumen e-
 vadentibus ascensum præbeât: nam in summo iugo quo maria despectantur
 positum est delubrum divæ Catherinæ dicatum, quod peregrini ex omni Eu-
 ropa Christiani religionis causa adire solent, immensoque pñs animis gaudio
 concepto, monumenta Mosaicæ historiæ de Mari rubro, quod Pharaonis im-
 pñ regis copias transire ausas miraculosa inundatione totas oppresserit, oculis
 intueri liceat. Hanc quam diximus fossam Sesostris Ægypti rex opulētissimus,
 40 & uti aliqui tradunt, pyramidum etiam structura inclytus, & post eum Ptole-
 mæus ipse Philadelphus, profundius excavare cogitarunt, ut mediterraneo
 mari Rubrum immitterent, atq; Indica regna eorumq; opes Ægyptijs finibus
 expedita navigatione coniungerent: sed ille præpropèra morte interceptus,
 vel insanum opus intermisit. hic verò à peritis naturæ rerum admonitus ab in-
 cepto maturè destitisse fertur, ne totam Australis Oceani aquarum molem
 Græciæ atq; Asiæ, quæ nō dubium gentibus altero veluti cataclysmo in vecto
 exitium afferret, insana ideoq; abominabili gloriæ cupiditate infundisse dice-

retur. Igitur singulari studio atq; industria eius Eunuchi, qui sævo imperio circumiectas gentes ad id opus adigebat, incredibili celeritate octoginta circiter insignium nauigiorum clasſis effecta atque adornata est. In ea fuere rostrate triremes viginti, & biremes viginti & septem, præaltæ verò triremes, quas Veneti Galeacias vocant, adferenda maxima tormentorū & mercimoniorum onera opportunas numero quatuor; naues quoque capaciores aduehendis commeatibus, & toto militaris apparatus ornamento idoneas, quas Mahonas vocant, septem. Reliqua porro nauigia quæ erant iustæ magnitudinis supradicti numeri summam efficiebant. Hanc classem conscendit Eunuchus, quum in eam nautas, gubernatores, & remiges, fabrosq; nauales Venetos contrulerat.¹⁰ Nam paulo antè imperatoris Solymani iussu Venetæ triremes mercaturæ causa Alexandriæ portum intrantes, à Barbaro custode eius turris quæ pharum habet, contra fidem abrupta pace hostiliter interceptæ fuerant: ita vt Antonius Barbadius & Hermolaus Barbarus patritij earum præfecti cum omnibus ad vnum nautis atque vectoribus custodiæ traderentur, & mercimonia apud hunc scriberentur, eiusq; omnis naualis turbe delectu habito Eunuchus quos idoneos putarat Memphim, atq; inde ad Suetiam in classem distribuerat. Iam enim Solymanus leuissimis de causis odio in Venetos concepto bellū coquebat aduersus nostros, vt credi par est, à quibusdam qui nimia fœlicitate Cæsaris offendeantur vehementer incitatus. Sublato namq; Habraymo, qui singula¹⁰ ri patrocínio Christiani nominis gentes apud principem fouerat, Lulibei & Ajax purpurati abstinendū à rebus Persicis differebant specie pietatis, quod Ottomannica arma non in Mahometanos, sed in nostros continenter exercenda censerentur, præclaro maiorum exemplo, qui semper Christianis bellis cum triumphali gloria victores discesſissent, vt ipse nuper esset expertus quum de Belgrado, Rhodoq; expugnatis, atq; interfecto Pannoniæ rege admirabiles victorias retulisset, quas frustra tentando quum Mahometes proauus, tum abauus Amurathes superioribus annis expetissent. Satis sibi gloriæ partum exultare debere, q̃ Tammaſo Persarum rege maiorum regia expulso, & in Hyrcaniam vsq; fugato, cunctarum gentium testimonio victor Assyriæ regnum, vt¹⁰ beaq; ipsam Babiloniam cum Mesopotamia Persis ademerit, nec vllam adierit cladem, nisi quam aduersa numina cœlo demiserint. Neq; enim niues et leuos ventorū turbines, quos apud Sulthaniam pertulerit, aliud omnino quam Mahometis nomen obieciſſe, immodicè scilicet perſequenti Persas: quoniam nefas esset gentem, vel insanis superstitionibus deditam, tanquam verū & commune ipsis numen colentē interficere, penitusq; delere. Eandem proinde effecum sacerdotum, tum ipsorum ducum & militum voluntatem, vt arma in Italiam verterentur. Facile siquidem occupari posse Salentinorum regionē, quæ extrema Italiæ sit, & à conspectu Epirotici litoris modico traiectu dirempta clasſibus pateat. Eo etiam tempore Ioannes Forestius Gallie ragis legatus post mortē Habraymi, sicuti diximus, in aula permanere, muneriq; suo continēter vacare iussus, ostendebat Cæsarē, qui vnus tanquam præcipuus hostis odiosis sinē petebatur, nequaquam tanta habiturum præsidia vt tueri Apuliæ oram vno tempore, & Gallis in Subalpina resistere posse confideret, quandoquidē rex ipse cum magnis copijs in Italiā ipsa eadem æstate descendere statuiſſet. Sub id quoq; tempus ad Solymanū pro transfuga se contulerat Troilus Pignatellus exul Neapolitanus nobili ortus familia, peritusq; militiæ vir, propterea quod

quod Andream eius fratrem Rhodiæ militiæ equitem Petrus Toletanus pro-
 rex, aliquāto severius quā ipse putarat, capitali supplicio cōdemnasset. Quo
 iniuriæ dolore permotus recta profugerat ad Solymanum, ab eoq; liberaliter
 militiæ inter Mutfaracas fuerat ascriptus, cuius ordinis equites è toto terrarū
 orbe lectissimi, quæ velint numina colere permittuntur, peculiaremq; tantū u-
 ni eunti ad bellū Imperatori operam præstant. Eius siquidē transfugij causam
 probarant Barbari, & Troilum quod duxisse apud Cæsarianos equitū ordines
 secundamilitiæ fama didicissent, purpurati maximè idoneum fore iudicabant,
 quem ipsis invadendæ Apuliæ cōsilijs adhiberent, tanquā multa de siculitorū,
 10 atq; oppidorum cōditione opportuna traditurum, & cuncta ad id bellum se-
 cunda fore pollicentē. Troilus etiam quarundā machinarum artificia ligneis
 atq; minutis exemplis vir ingeniosus & vafer apud rudes earū artium Barba-
 ros protulerat, ad sustinēdum vel improvisum hostium impetum, si per oram
 maritimam descensiones fieri prohibere conarentur: cuius artificij formis So-
 lymanus ita oblectabatur, ut quū pluteos currules, præfixosq; ferreis venabu-
 lorum mucronibus, uti apud Ravennā à Navarro excogitados fuisse diximus,
 maximè miraretur, hominem tanquā subtilioris maximeq; efficacis industriæ
 purpuratis magnoperè commendaret, Lustibeioq; præsertim, quæ classi cum
 imperio præfecerat, quanquam in ea Hariadenus ipse Barbarusla ab sua singu-
 20 lari scientiæ navalis existimatione spectatus emereret. Affirmabat quoq; Tro-
 ilus esse Apulorum omnium, & Salentinorū voluntatem, ut oblata occasione
 à Cæsarianis, à quibus immodicis tributis diu vexati essent, omnino deficerēt,
 modò Galli aliqui conspicerentur, quibus Turcarum beneficio in terram ex-
 positis, & classis præsidio confirmatis se dederent. Seniores etiam Turcæ me-
 minerant, quam facile ante quinquaginta annos occupata Hidrunte, eaq; de-
 mum urbe peregrei defensa, quā grave periculōsumque Italiæ in Salenti-
 nis bellum excitassent, quo haud dubiè non Neapolitano modò regno, sed ip-
 so etiam Romanæ urbis imperio Acomates Bassa brevi se potiturum sperasset,
 nisi ipse Mahometes Imperator præpropere ereptus fato totam eam spem pa-
 30 ratae victoriæ præcidisset. His persuasionibus adductus Solymanus, terra ma-
 rique uno tempore Italiæ arma inferre constituit, tanta celeritate expediti con-
 silijs parata classe, & terrestribus copijs è Thracia sinistrorsum per Tessaliam
 proficisci iussis, ut penè prius improvisus in Epirum pervenerit, & cum ducen-
 tis armatorū milibus circa Macedoniæ oram ad Aulonem cōstitit, quā By-
 zantio profectus à nostris crederetur, qui Barbaros vel ob id in Pannoniā re-
 versuros existimabāt, quod fama increbuisse Austrianos Germanos nequa-
 quam cum Ioanne rege, Turcisq; qui essent apud limites in præsidijs, inducias
 tanquā parum equas servaturos, classis autem numerosa pariter & ornatissima
 in Ionium delata, à Cephalenijs atq; Zacynthijs penè prius spectata est, quā
 40 Veneti sua consuetudine iustam classem creato maris præfecto ad tuendam ip-
 sorum ditionis oram versus Corcyram navigare, atque inde terrestres atq; ma-
 ritimos Barbarorum motus observare iuberent. Ceterum Solymanus è Thra-
 cia profectus, emensusque totius Macedoniæ latitudinem, nihil eum moran-
 tibus fluvijs, ad Scardos montes perrexit, & per eorū valles ad mare descendit.
 Hi montes ad Taulantios, & Dassaretas, atque Dardanos, qui hodie Albani
 sunt, pertinent. Eo autem itinere vel magna & subito inflata flumina facile tra-
 iecit, & ante alia post Hebrum (qui hodie Mariza dicitur, non longe ab Am-

phipoli clarissima olim vrbe Macedoniæ regum, Seres hodie vocata, vbi Barbarorum moneta peculiari officinæ sede cuditur) Strymonem amnem, Marmarum ab incolis vocatum. Exinde Axium, qui nunc Vardaris appellatus ad septimum lapidem iuxta Thessalonicam in mare decurrit, & secundum hunc ipsum Halyacmonē, qui hodie dicitur Asambaba, Mustaphæ purpurati sumptu, qui Selymi gener fuit magnificentissimo ponte iunctum. Is amnis in Thermaicum sinum effunditur, non procul ab Heraclea sentica descendens, quam nouo nomine Scopiam esse nonnulli Græcorum affirmant. Nec multo post Lustibei & Barbarussa ab Hellesponto Maleam superantes ad Ficerium, ore Leucadiæ portum dulcis aquæ fontibus clarum, aquandi causa peruenerunt, indeq; Acarnaniæ ac Epiri litora lambentes præteruectiq; Corcyram vbi Veneta classis Hieronymo Pisaurio præfecto stationem habebat, mutua salutatione multis de more tormentorum bombis amicissime celebrata, ad Aulonem per Piscofas fauces quas Laous amnis stagnans efficit, classis partem intulerunt. Tum vero Solymanus Italiam quam habebat in conspectu extemplo perendit ratur, ut si cœpta prosperè prouenirent, ipse etiam totis copiis transiret, Lustibei, & Barbarussam transfretare, atq; explorare Salentinorum voluntates iussit. Aderat eis Troilus exul nauandæ operæ cupidus. Is uti peritus rerum, quod insignes vrbes Brundisium & Hidruntem egregiè munitas Cæsarianorum præsidis teneri intelligebat, ab Iapygio promontorio, quod hodie Hidruntinum caput appellant, in sinum Tarentinū ad dextram deflexit, ad Castrum oppidum. Distat id octomilibus passuum ab Hidrunte, habetq; arcem celitis dorso impositam. Id erat ditionis Mercurini Catinariæ viri Vercellensis. Hic nequaquam militiæ assuetus improviso Barbarorum aduentu exterritus, atq; omnibus ad resistendū imparatus rebus, persuasus etiam Troili internuntiis, ita deditionem fecit, ut Barbari ab omni maleficio se temperaturos pollicerentur, oppidanis in eandem pactionem cum ipso regulo facile credulis, propterea quod Forestium Galliæ regis legatum adesse existimarent: sed is ad Aulonem substiterat lethali oppressus morbo, vbi paucos post dies interijt. Itaque Barbari, naualesq; præsertim turmæ prædæ inhiantes, neq; Troili deprecatione permoti, neq; Lustibei & Barbarussæq; imperijs parentes, oppidum sub lato clamore diripuerunt, delectaq; ætatis captiuos cum Mercurino ad classem deduxerunt. Verum Lustibei non dubio pudore fidei perfusus Mercurinum incolumem dimisit. Eodem autem tempore magnus omnis generis hominum & maioris pecoris numerus toto Salentino litore ab equitibus Turcis interceptus est. nam per Hippagogas latiores naues, quas nostri Palandrias vocant, transfuchendis equis idoneas, nonnullæ equitum turmæ nocturna vlsæ aura ab Aulone traiecerant, sic ut à Tarento Brundisium vsque Salentinus agger magno metu atq; periculo quateretur, cui non dubiam ab Italia pestem superis auertentibus, inexpectatam opem attulit vnus Veneti trierarchi temeritas. Is fuit Alexander Contarenus spectatæ nobilitatis atq; virtutis trierarchus, qui cum circumerrantibus Turcis triremibus casu quodam improvisus occurrisset, nec Turcæ, sicuti ex consuetudine debebant, honoris causa vela dimittere, & inanibus bombis pacati animi significationem ostendere vellent, in eos superbiæ suæ atq; odi violentiam subito conuertit, incitatisq; remigibus in Turcas rostra direxit, perforatasq; magno impetu hostiles duas demersit, in quibus Vistamæ Gallipolitanus præfectus interijisse dicebatur. Id facinus à Contareno,

tareno, vti postea apparauit, malo Reip. importunissimè editum, referebatur
 ad priuatam simultatem, quod mercatoriu n nauigium ipsius Contareni, quod
 ab oriente pretiosas merces aduehebat, à Turcis Prædonibus paulo ante fu-
 isset interceptum, sic vt Contarenius ex priuata iactura concepto odio indul-
 se dolori, et publicam causam neglexisse diceretur. Paulo ante quam Turcæ
 in Salentinum agrum trañcerent, Andreas Auria Cæsarianæ cleslis præfectus
 apud Messanam certior factus, Solymanum ad Aulonem positis castris con-
 stitisse, classemq; eius eodem peruenisse, iratus sibi quòd nulli hostium clas-
 10 parti, sicuti maximè cupiebat, occurrisset, superato Spartiuenti promontorio,
 quòd olim Zephyrium fuit, per Ionium vela dedit, & se ad Zacynthum &
 Cephaleniam vsq; prouexit, sperans; vti euenit, aliquibus nouissimi hostium
 agminis nauigijs occursurum. Fortè incidit in aliquot eius generis nauigia
 quæ a Turcis Schiratia vocantur. Ea erant onusta varij generis commعات
 copia, & lino vtiq; Alexandrino; quod mercimonij causa priuatim à nautis de-
 ferebatur. Ea clascula ad Solymanum contendens, vbi procul Auriana vexil-
 la conspexit, non Ligusticam atq; hostilem rata, sed Venetam amicamque
 temerè iudicans, vbi propius errorem suum detexit, nihil tentata defensione
 irrumpenti Auria se dedit, qui omnibus vel Turcis vel Aegyptijs Mahome-
 20 tani nominis captis, & ad transtra triremium traductis; translata continuo in
 triremes præda omni, nauigia incendit. Per eos dies per quos Ionium vndiq;
 circuitis atque exploratis insulis Auria percurrerebat, Solymani binas triremes
 incenderat. His triremibus lunusbeius supremæ authoritatis interpres, quem
 Barbari Dragomanem vocant, a Solymano ad præfectum claslis pro legato
 missus Corcyram aduehebatur. Siquidem quum Turcæ insulæ appropinquā-
 ces nullam honoris causa de morè salutationis significationem fecissent, Vene-
 30 ti aliquot trierarchi tantam inesse Barbaris arrogantiam indignantes, in eas
 hostilem impetum fecerunt, & in litus Turcas se ejcere coegerunt, sic vt mag-
 na Turcarum pars cum ipso lunusbeio ac Acroceraunis latronibus caperen-
 tur. lunusbeius tamen ægré se explicans, & præfenti pretio se redimens ad So-
 40 lymanum est deductus: vacuas autem atq; desertas ambas triremes Auria illa
 cunctitorum explorans nactus, quòd semifractæ vti grauius elisæ nequaquam
 sibi adducendæ viderentur, protinus incenderat. Ex ea re Barbari in Venetos
 odij sui vim omnem tanquam ab iusta causa vehementer intenderunt, vt apud
 Solymanum de iniquissimi facti iniuria prolixè conquerentes; id in immen-
 sum paulo post ad hostiles acerbitates prouherent, quamquam Venetus præ-
 50 fectus cunctis humanitatis officijs cum lunusbeio eius facti nouitatem periculij
 que dolorem expiare niteretur, quòd ab vtriusq; imprudenter nauales discipli-
 næ leges importuno casu violatas ostenderet. His fortuitis paruarum rerum
 successibus, non dubia abrumpendæ pacis initia apud Turcas quæsita sunt,
 60 eoq; validius & properantius, quod per eos dies Auria diligentissimè inter-
 diu noctuq; sulcando maria atque omnes portus explorando, nactus triremes
 hostium duodecim, apud Merleias quas vocant insulas supra Cassiopeū Cor-
 cyræ promontorium positas (hæ fuere antiquitus Ericusa, Marathæ, Elaphusa
 & Malthace) nocturno atque cruentissimo prælio deleuerat, Turcis ferè
 omnibus aut prælio occisis, aut in concursu demersis, quum pauci viui atque
 integri in eius potestatem deuenissent. Erant enim duo genera pugnacissimo-
 rum militum Turcici nominis, qui incredibili virtute propugnantes triginta

quinq; instructissimarum triremiū impetum ita sustinuerunt, ut sauci gravis-
 simis vulneribus fessiq; pugnando occumbere quā se dedere maluerint, des-
 pondentesq; animos singuli macheras incuruas, quas magno parant pretio, in
 mare proijcerent, ne his nostri potirentur. Hi erant Ianizeri ex pretorianorum
 ordine, atq; item delecti equites, quos Spaches appellant, perpetua equis me-
 rentes stipendia: nam tum suos quisque equos terrestri itinere per Aetoliam &
 Acarnaniam per agafones suos ad Solymani castra præmiserant. Ea autem vi-
 ctoria non multum Auriam letatum fuisse constat, quum magnum numerum
 ex propugnatoribus suis atque remigibus, magistrisq; triremium amiserit, &
 Antonius ipse Auria incundę pugnae princeps, vehementer vulneratus disce-
 sisset. Ea verò nocturni eius prælii fama fuit, ut si quatuor aut quinque trire-
 mes Turcis subsidio superuenissent, dubio Marte Auria, aut certe graviore cū
 detrimento pugnaturus crederetur. Parta victoria Andreas ad Leucam pro-
 montorium orientale Corcyrae contra Paxum insulam parvam, quę retinet ve-
 tus nomen, classem contulit, ut aliena suaq; accepta incommoda certius impet-
 ceret. Nec mora quod audiret Barbarussam à Solymano cum octoginta trire-
 mibus aduersum se proficisci iussum non longe abesse, antevertit iter, & abdu-
 ctis aliquot, quę erant integrę, hostium triremibus captiuis, feliciter ensisus
 Ionium ad Lacinium promontorium, quod hodie Culumnas vocant, perve-
 nit, atq; inde Messanam ad repetendam classem traiecit. Hoc insigni ab Auria
 detrimento affectum, & geminata contumelia à Veneto lacesitum Solyma-
 num, vique adeo acris iracundia exarisse ferunt, ut Barbarussę maledicendo as-
 perimē succenseret, quod per incuriam segnioresq; impetum nusquam vi-
 lum operam præstitisset: Venetis autem gravissimē comminatus, capitalis odi-
 clades denunciaret, a quibus se despectum, & vana antiquæ pacis specie decep-
 tum differebat, ita ut eos proculdubio cum Cæsare ab occulta societate consen-
 sisse iudicaret. eos propterea Auriam uti semper alias opportuno consilio, &
 com meatibus adiuvissē, recepissēq; portubus, & ut ille aptius atq; feliciter ad-
 uersum se impune prædaretur, vndiq; per Græcos speculatores navigationum
 indicia detulisse. In hunc modum suapte iracundia inflammatus imperator;
 Iunusbeius ipse Dragomanes, et Barbarussa, atq; Ajax, novis additis facinor-
 ut pacem abrumpere incitabant: ille quidem priuatam ulturus iniuriam, illi
 verò ut commutata belli ratione, maiorem prædam, vberioreque laudem si-
 bi pararent, ut potē qui proximis insulis inhiarent, Corcyraeque præsertim &
 Zacyntho, Cephaleniæq; postquam in Italia ad inuadendum expugnandum
 que duriora omnia spe ipsorum essent inuenturi: quando quidem nec rex Gal-
 liae adhuc transisse Alpēs, nec aliquas paratas ad inuadendam Italiam habere
 copias nunciaretur: & fama esset Petrum Toletanum proregem Neapoli eg-
 ressum cum magnis copiis aduentare, et passim maritimis in urbibus augeri
 præsidia, & iam Turcas equites, qui ab Aulone in Salentinum agrum traie-
 cissent, a præfecto totius Iapygiæ Scipione Sommeio virò impigro passim im-
 pugnari, atq; interfici dicerentur. Itaq; Solymanus ira percitus commutato cō-
 silio bellum aduersus Venetos decernit, & ab Aulone castra mouens Vagiuf-
 sam amnem, quem veteres Ananitem vocabant, superat, & ad Communitiā Bu-
 troiæ regionis castra constituit. Communitiæ locus olim Regi Fontis nomen
 habebat, vnde vberissima profluit aquatio portui mirē opportuna. Quum eo in-
 litore Solymanus haberet castra, Acroceraunij agrestes ferique homines, qui
 Chimeram

Chimeram incolunt montem, immane consilium susceperunt, tabernaculi regij noctu inuadendi, concitante eos Damiano quodam latronum duce, abstrusorum collium qui sunt in ijs rupibus & syluis peritisimo. Non reformidabant vllum vel certæ necis periculum viri rerum omnium egentes, ideoque latrocinij affucti, & nullos certos colentes Deos, vt incredibili præda atq; inulicati facinoris gloria potirentur; si longè maximum terrarum orbis imperatorem in tabernaculo semisopitum, & frustra tot custodij consilium occiderent: magno siquidem silentio ferarum more sese insinuatuos concubia nocte in stationem faciliè sperarant: sed Barbaris ad id audendum facinus paratis Fortuna defuit: nam dux ipse Damianus è notis rupibus delapsus ad explorandum prætorij situm, & circumiectæ stationis formam, vigiles & excubantes prætorianos non sefellit: conspectus enim in arbore ex fragore abruptæ frondis, vti erat semipensilis et speculabundus à Ianizeris est comprehensus, & per tormenta detectis quas parabat insidijs, iussu imperatoris belluæ captæ modo discriptus est, vnde mox magna illis agrestibus clades illata est, emisiss scilicet in eos Asapis & Acanzis venationis modo ad trucidandum, & quam maxime possent delendam horridæ atq; infamis gentis stirpem. Ab hac enim genus ducunt Huscochi maritimi prædones Dalmatiæ scopulis assueti, & Haidones qui Illyricis nemoribus inerrant, & cunctis mortalibus ex professo hostes, vsq; ad interiores Pannoniæ limites latrocina exercent. Per hunc modum Solymanus durum agreste genus ad satietatem vltus Corcyram oppugnare constituit, Barbarussam cum omni tormentorum apparatu è continente in insulam transfredi iussu. Is paulo antè reuocatus ab Iapygia ad Saxonem insulam, edito ingentis tormenti bombo vniuersam classem ex ea significatione contraxerat, & eodem cursu nusquam reperto Auria, per fretum Corcyreum ad Regios Fontes, Solymani que castra peruenerat. Quibus Turcarum consilij opportune perspectis Pisaurius aliquot triremium propugnatoribus, & validissimis remigum detractis vtramque arcem oppidi aucto præsidio communiit, & se imparem mari Barbaris fore iudicans, cum vniuersa classe ab insula se subduxit et in Hadriaricum sinum profectus est, eo consilio, vt cum socia altera Veneta classe, cui Ioannes Vetturius præereat, se coniungeret, & litora Venetæ ditio nis contra Barbaros tueretur, pugnae casum subire paratus, postquam & sibi auxilio futurus Auria videretur, accedenteque Vetturiana classe superiores existimari possent. In id quoque consilium Pisaurius si pugnandum foret, Alexandrum Buondelmerium ingentis & propè stupendi apparatus galeoni præfectum, qui tum erat circa Zacynthum, admonuit, vt in Dalmatiam ad se nauigaret. Paruit imperio Buondelmerius nauandæ operæ cupidus, deuectus que est ad insulam Cursulam, quæ antiquitus Corcyra nigra fuit, Meliteis olim catulis ad foeminarum delitias clara. Cæterum Pisaurius atq; Vetturius suas classes in Rizonicum sinum, quem hodie Cathareū vocant, intulerunt, quum Solymanus magnam copiarum suarum partem ad diripiendos Corcyreorum vicos transmisisset. Pagos namque omnes & notos vicos perscrutati Barbari infinitam propè miseræ gentis multitudinem captam in seruitutem abduxerunt. Ad oppidum autem Aiace purpuratum & ipsum Barbarussam singulis aduectos nauiculis propius accessisse constat, vt certius quæ opportuna essent ad oppugnandū specularentur. Sed ea visa est turriti oppidi & frequenti præsidio confirmati, portusq; munitio, vt eam Solymano inexpugnabilem

esse renunciarent. Præerant Corcyrae duo Patritij Veneti Aloysius Ripa, & Simon Leonius. Hi non temere Barbarorum vires quæ terra marique erant maximè metuentes, eò descenderunt vt suburbana recta quæ erant instar oppidi perpulchra atq; mangnifica vltro excinderent, ne his transgressi Turcæ potirentur, atque his protecti ad oppidi murum tutius atq; facilius accederent. Fuit ea res maximè funesta et lachrymabilis, quum etiam remotiora ab oppido prætoria, & villas ad commoditatem atque delitias longa in pace ædificatas Barbaricis facibus absumi conspicerent. Sed in summo discrimine publicam salutem respicere summæ rei periculum cogebat, eaque omnia quantum ardebant libertate incolumitateq; ciuium viliora ducebantur, quando nouo sumpta refici atque instaurari non magno tempore posse appareret. Ceterum præfecti quos diximus, longæ obsidionis metu ad ducti, quod neq; iniquum tantum commeatus in vrbe esse conspicerent, vt diu à Barbaris terra marique acriter obsessi inopiam ferre possent, omnem imbellem populi multitudinem extra oppidum expulerunt, adeo tristi lugentium spectaculo fœnoqueremedio, vt quum Turcæ idoneis in locis munitiones, & propugnacula militum operum instructa tormentis circa urbem erexissent, miserabilis ea multitudo electa foras in fossis pernoctare cogeretur, et quum turbulentissima fortè tempestas extrema Augusti mensis nocte incidisset, multi præsertim puerorum ceruicibus implicati, ea spurcissimi imbris iniuria, & propinquo Barbarorum metu miserabiliter interirent. Vnum ex omnibus Corcyreorum castellis, nomine Angelocastrum, in mediterraneis insulæ ad quietum decimum lapidem ab vrbe positum, frustra oppugnantibus & comminantibus Turcis, oppidanorum egregia virtute defensum, supra tria milia humanorum capitum, quæ eo confugerant prosperè conseruauit quum passim diuente Turcarum manus cæteris locis diram vastitatem attulissent. Turcæ ad terrendos Corcyreos occupato monte, multa in eo tabernacula constituerant, & è scopulo, qui Maripetrus vocatur, maiores pilas in oppidum contorquebant, & contra oppidum in ruinis conflagentium ædificiorum occultè consistentes sclopetis ita rem gerebant, vt plerosque apparentium in coronam certissimis ictibus vulnerarent, & circumuecti triremibus singulae propriis maiora tormenta disploderent, maiore tamen obsessorum metu quam damno. His de causis, quod parum proficerent, sicuti antea confirmasse diximus duces ipsos Lustibeium, Barbarussam, & Aiacem, Solymanus susceptæ expeditionis pertæsus, soluere obsidionem & Byzantium reuerti constituit non sine pudore irriti conatus, quod vtrobique, & in Salentinis, & Corcyra, Fortuna vel iusta vel immodica eius vota fefellisset. In hoc decreto erat Barbarus imperator, quum certius didicit à suis nulla fide cum Castrensibus rem gestam fuisse, qui deditioe facta secus ac crediderant pro beneficio, summæ crudelitatis atque avaritiæ contumelias retulissent, direpti scilicet & abducti in seruitutem, quum incolumi libertate saluas omnium Fortunas fore sperauissent. Quo maleficio suggillari maiestatis ipsius nomen iudicabat, qui semper in sponte deditos fidei atque iustitiæ obseruantissimus esse confuisset. Captandos siquidem Christianorum animos certa spe humanitatis atque clementiæ, vt in exemplum idem reliquæ gentes adducerentur: nec esse omnibellicæ cladis acerbitate diuexandos, qui vltro honesta pactioe à veteribus dominis deficerent. Itaque expiandam omnino esse eius patrati facinoris infamiam

infamiam putauit, generosoq; animo quos comperit maleficij authores fuisse supplico affecit, & Castrenses captiuos omnes diligentissimè perquisitos, impositosque nauigijs ad penates suos reduci iussit. Quum administrante Barbarussa ad edictum copię omnes decedere insula, & in aduersam continentem transire iuberentur; Corcyrei discessu hostium animaduerso eruptionem fecerunt, vt institutas ab hostibus munitiones diruerent: sed qui fidentius & inordinatius exierant, quod nondum Turcæ omnes discessissent, eorum superuentu in oppidum compulsi sunt, nondum planè euerlis operibus: sub æquinoctium tamen à Turcis Corcyreorum detrimentis finis est impositus. Constat autem eo bello supra sexdecim milia è Corcyreis omnis sexus & ætatis capta atq; abducta in seruitutem fuisse. Solymanus itaque castramouens, legente oram classerecto per Acarnaniam & Actoliam itinere, positis commodæ aquationis causa ad amnes qui occurrebant castris, ad Aractum scilicet, qui Ambracium influit sinum Arctæum de vetere eius amnis nomine hodie vocatum, & Acheloum Ætolix, qui propter eximiam aquæ claritatem ab Incolis Aspropotomus hodie vocatus in Naupactum sinum euoluitur, Byzantium est reuersus, deditq; extemplo operam vt à Cassimo Bassa, Nauplio, & Epidauro, in Peloponneso reliquis Veneti imperij vrbibus bellum inferretur: idemque vt facerent Illyrici præfectis imperauit, vt multis simul in locis vno tempore Veneti Turcico bello vexarentur. Discedente autem Barbarussa atq; appellente classem, propter aduersas tempestates, ad Butrotum, quod oppidum clarum antiquitus vetus retinet nomen, id omnibus incolis incursu naualis turbæ captis, atrociter direptum atque deletum est. Per eos dies Pisaurius Venetæ classis præfectus inito consilio cum collega Vetturio, in eum Dalmatiæ sinum qui ad Scardonam claram olim urbem pertinet, classem intulit, expositisq; militibus, ad oppugnandam urbem duxit. Distat ea à proximo litore septem milibus passuum, tuebaturq; eam vir Turcici nominis a fuscidine oris Æthiops vocatus. Is oppugnantium vim diu sustinere non potuit. Nam Veneti decussis toto muro propugnaculis impetu facto in urbem perruperunt, & cæsis autem captis hostibus eam diripuerunt, edictoq; præfecti vetera mœnia funditus euerterunt, ne Turcæ repetita possessione opportunæ vrbis castellum ibi inædificarent, instaurandeq; & muniendæ vrbis occasionem arriperent. Imminabant liquidem Barbari, ab immensa eorum proferendi imperij cupiditate, maritimis vrbibus Venetæ ditionis, vt quum eas minutis ac assidujs incursionibus mediterraneo omni ferè agro spoliassent, etiam ad ipsa maritima oppida istam vim admouerent. In ea contentione finium Veneti operam dabant, ne Turcæ opportunis locis potirentur, quæ ab ipsis facile ad vexanda vicina oppida muniri posse intelligebant. Erat oppidulum cum arce distans à mari sex milibus passuum Obroatium à Dalmatis appellatum, quod antiquitus, vti reor, Argyrutum fuit. Hinc Turcæ Vscoccis feris prædonibus admixti latrocina exercebant, patebatq; his ad prædæ receptum id vnum maximè castellum. Quibus de causis Vetturius cum sua classe qua Hadriaticum sinum cum imperio tuebatur, ab Hiadera exiguo eius maris sinu circumuectus copias exposuit, ita vt propugnatores naualesque socios triremium in ordines componeret, Gabrieliq; Ripæo Veronensi copijs præfecto Obroatium continuo oppugnandum imperaret. Veneti inopinantes adorti Turcas peracre certamen inierunt sed quoniam muralibus tormentis carebant, nec minutis pilis quicquam

proficerent, & idcirco de expugnatione desperarent, superuentu Amurathis, qui cum paucis equitibus Turcis, & tumultuaria Vscoccorum pedum manu oppidanis opem laturus adcurrerat: nostri conspectis Turcis repentinore perculsi, primoq; impetu in scædam coniecti fugam instantibus Barbaris, & multo clamore maiorem ipsorum multitudinem adesse præbentibus, cæni profligatique sunt, tanta ignauia vt quum nemo se militem esse meminisset, neq; se conuertere, aut in hostem arma stringere auderet, eo exitu vt vix Gabriel ipse præfectus conscenso equo desertisq; militibus cædi se eriperet, nec tamen vt ignauia ignominia notatus, non multo post seueritate Pisauri præfecti in ipsa prætoria prora capite plecteretur. Amurathes autem re bene gesta cum multis captiuis, multisque hostium spolijs ad præfectum totius Illyrii Vscosum, cuius erat alumnus, reuerteretur. Hic Amurathes è Sico oppido ciuis, quod hodie Sebenicum vocant, ad Mahometis sacra defecerat, sed cique virtute omnibus Pannonicis & Dalmaticis bellis inclaruerat, adeo vthonestissimis honoribus & præmijs ab Vstreso indulgenter ornaretur. Paulo siquidem antea insignem apud Clissam de Christianis victoriam retulerat, ex qua facile famam consequutus à Solymano imperatore iusta præmia retulerat. Erat supra clarissimam urbem Salonam, oppidum Clissa in edito colle permunitum, quod ab infirmo regulo Christiani nominis tenebatur, cui Petro Croficcio nomen erat. Id his in locis ad sustinendas Turcarum incursiones magnam habebat opportunitatem: apparebatq; magno Christianorum incommodo Clissam in Barbarorum potestatem esse deuenturam, nisi communis timorum auxilio aduersus Turcas defenderetur. Sustinuerat diu Croficcio insulantiū perpetuoq; insidiantium Turcarum arma. Sed is, vt erat tenuissimæ Fortunæ regulus, viribus diffidens, totiusq; viciniae periculum ostendens, ad Ferdinandi regis, Pauliq; Pontificis auxilia decurrerat, vt eorū matura adiutus ope, sese atq; oppidū tueretur. Ferdinandi namq; plurimum iuterat, longius suis finibus Barbaros arceri, qui Seniam urbem, quæ in ora est, ad se peruenire dictitabant, quod Pannonicæ ditionis esse videretur. Pontifex autē suæ pietatis & officij esse meminerat, tueri Christianū nomen aduersus impios. Non plorauit frustra opem Croficcio: nam Pontifex eum conscriptis Anconæ cohortibus, et opportuno tormentorū instrumento, atq; item cōmeatu libenter adiunxit, quū pari studio Ferdinandus Nicolaum Turrianū virum bellipertum cum duobus milibus Germanorū misisset. Turcæ per id tempus duo castella subitarię munitionis instituerant, vt Clissam arctius obsiderent: alterum ædificabatur paulo supra Salonam non longius quàm sex milibus passuum ab oppido Clissa (Id Maleuicinū Dalmatæ vocabant) alterū in aduersa parte quæ ad mediterraneam regionem vergit. Hinc facile iudicabat Croficcio, si institutę munitiones ab hoste perficerentur, breui desperatā fore Clissanorū salutem. Itaq; Turrianus, et Lucas Anconitanus, qui Pontificijs præerat auxilijs, vtrumque castellum adorti, eas munitiones diruere cœperunt, quum fortē Amurathes opportunissimo tempore superuenit cum trecentis equitibus, & expeditis peditibus septingentis, ab ipso Illyrici præfecto missus. Is terribili impetu facto, clamoreque sublato nostros inuadens tanta vi perculit, vt neq; Itali, neq; Germani audacter prælium exciperent, sed nusquam densata acie profligauit terga verterent, non secus ac Gabrieli Ripæo ad Obroatium accidisse meminimus. Petrus ipse Croficcio quum incitato equo aufugiens ad mare peruenisset,

exitiali consilio equum dimisit, & in navigium se intulit, ut ad salutem com-
 pendio parvæ navigationis uteretur. Cæterum id navigium prægravante in-
 filientium ex fuga militum multitudine, è litore vel multo adnitentium remis
 & contis conatu propelli in altum mare arenoso è vado non potuit, sic ut Tur-
 cæ supervenientes, & ipsum unum Petrum præcipue petentes, in navem insi-
 luerent, trucidatisque omnibus ademptum Petri caput ad Amurathem refer-
 rent. Quo capite Clissanis ostentato oppidani terrore correpti, & exiguo freti
 commeatu, desperatis rebus aufugientes, vacuum oppidum victori relique-
 runt. Turrianus autem, & Lucas qui equis ad fugam usi fuerat, dimidiam suo-
 rum partem, quæ cæsa aut capta fuerat, desiderarunt. Cremonius quoque Tur-
 riani præfectus, quum se per diversos tramites ad Vanizzam vicum confuge-
 re speraret, à consecrante equitatu cum universis peditibus fere ducentis in-
 terfectus est. Non parva quoque Spalatensium incolarum, qui temerè Salo-
 nam processerant, turba ut Malevicini castelli expugnationem atque exci-
 dium spectaret, superventu Turcarum equitum in receptu portæ oppressa est,
 nihil eam protegente arcis custode, qui in Turcas tormenta dirigere poterat.
 Is siquidem abruptæ pacis ignarus, nihil Turcis à Veneto nocendum esse exi-
 stimabat. Sub id quoque tempus idem Amurathes Nadinum castellum lade-
 rentis agri, quod est edito in monte pro specula positum, per prodicionem a-
 vari custodis occupavit, magno eius provinciae incommodo: quoniam Chri-
 stiani amissa ea specula improvisis quotidie Barbarorum incursionibus vexa-
 bantur. E Nadiniana siquidem arce antea custodes, quum Barbaros procul con-
 spicarentur, circumiectis eius viciniae oppidis de hostium adventu modò i-
 gnibus aut fumo, modò propositis vexillis, & certis tormentorum bombis si-
 gnificabant, ut incolæ cognito periculo celeriter ab invadentibus se eriperent.
 Tum verò fiebat ut Turcæ occupata specula, uti nusquam animadversi, impu-
 ne grassarentur. Sed Veneti his exagitati iniurijs non multo post misso in Dal-
 matiam, qui laderæ præfesset, Camillo Vrsino paria fere hostibus detrimenta
 rependerunt. Nam ab Laurana oppido coactis copijs duo præfecti in Turci-
 cos progressi fines Ostrovizzam oppidum manu expugnarunt & incende-
 runt, & Obroatium, quod nuper amiserant, per Iulium è Montevechio Vm-
 briae, virum militiæ peritum receperunt. Sed id quod non rectè commodè ve
 custodiri posse iudicabatur, à Camillo Vrsino ex præscripto senatus dirutum
 & solo æquatum fuit. Eodem autumno quo Solymanus Corcyrae insulam ef-
 fuse populatus Byzantium redibat, & de Dalmatig castellis cum Venetis cer-
 tabatur, gravissimum ex insperato detrimentum Ferdinando regi ad Exechium
 a Turcis illatum est, quo nullum ætate nostra vel futurius vel ignominiosius,
 si trucidatum quatuor gentium militum & ducum florem, & foedam ducis fu-
 gam reputemus, Christiano nomini extitisse visum est. Superiore bello Tur-
 cæ à Mugaciano prælio victores, eam citerioris Pannoniæ regionē, quæ Pos-
 sega ab Hungaris appellatur, sibi vendicarant, eo decreto ut nequaquam Ioan-
 ni Regi tradendam, sed sibi eam omnino retinendam existimarent, propter
 opportunitatem expediri itineris, quo ipsi superato ad Belgradum Danubio
 pervasuri in Pannoniam uti consueissent. Poslegam duo amnes, Savus &
 Dravus longo cursu ab occidente raptis secum aliquot minoribus fluvij in o-
 rientem verli, æqualiq; fere semper spatio inter se distantes totam præcingunt
 & alluunt. Savus è Iulys Carnicisq; Alpibus placido alveo navigabilis delabi-

tur: Dravus autem è Valeriæ regionis, quam Stiriam vocant, Noricisq; montibus emergens Mura fluvio comite recepto, in Danubium evolvitur, pariter exitu Savus ad Taurunum, quod est Belgradum, Danubio sese immiscet. Cæterum ab occasu Crassus amnis penè eam efficit insulam. Hæc regio à fronte atque utroque latere amplissimis septa fluminibus ab Illyrica meridionali que ripa Savo dirimitur: Dravus autem citerioris Pannoniæ margines lambit, effectoq; eius terræ cuneo ad Danubium extēditur. In ea urbs est nobilis quinq; templorū, quæ ibi constituta sunt, nomine Clara. Tota autē regio oppidis frequens & rerum omnium abundans dirimente Savo, Turcicis finibus ad Illyricū iungitur, finitimaq; est Croatiæ atq; Corbaniæ provincijs, quæ perpetuò cum proximis Turcarum præsidjs Illyrici atq; Bosnensis regni bellū gerunt. Eo tempore præerat Belgrado Mahometes Iahiaoglis spectatę virtutis atque prudentię autoritate inter Barbaros dux summus, cui Solymanus non temerè ingenio eius cōfusus, limitum præfecturam, tutelamq; Pannonici regni commodo Ioannis regis attribuerat. Is superiore anno ita præsidij vires exercuerat contra nostros, ut multo astu validisq; armis fretus supra triginta castellaregionis, quæ ad Despotis Rasciæ patrimonium pertinebant, in potestatem redegerit, & Illyricę præfecturæ, quæ Bosnensis appellatur, adiecerit. Vnum vero ante alia summæ opportunitatis castellum, quod est in Bosoga, nomine Exechium accuratissimè cōmunivit, quod id ad traiectū Dravi in Pannoniam pertinere providebat. Itaq; Mahometes iustis erectis munitionibus, cōplexus insigne templum atq; eius oppidi cœnobium, Exechium totius belli arcem locavit, unde innumerabiles agebat prædas atq; arma nostris passim insidiosus, atq; terribilis inferebat: manebat tamen certa induciarum conditio, quæ ex inæterata consuetudine in his locis minuta prælia & extraordinarias incursiones ad mittebat, quod ex disciplina videretur, relinquendā esse militibus exercendę virtuti, insuefaciendisq; equis occasionē, quæ nihil pacis tranquillitatē abrumperet, nisi iustis copijs cum iusto tormentorum muralium apparatu vis intereretur. Hoc falso induciarum nomine usi superiores Hungari à Matthiæ regis temporibus cum Turcis bella serere cōsueverant. Sed mutato bellandi more, eas militandi leges regiæ Germanicęq; copiæ alienas, & sibi magnopere damnosas experiebantur, quod Turcæ graviores armatorum equitum impetus pernicipibus equis facile eluderēt, & fatigatos demum ex multis flexibus & gyris nostrorum equos, & plerunq; equites onustos armis opprimerent. His de causis Ferdinandus improbè laceratus, utpote qui ægre ferebat inducias vigere, quas Solymanus suo commodo adversus Persas bellum suscepturus indixerat, nec eas pati posset, tanquam inutiles damnosasq; paranda arma iudicavit, non obscuro consilio, ut si Turcas possessione Possège depelleret, inde mox superato Dravorecta Budam repetito iure suo adversus Ioannem proficisceretur. Rex enim generosus ferre non poterat Pannoniæ regnum impotentibus Barbarorum armis sibi ademptum, & quod iniquissimum videbatur, alieno homini nullis subnixo iuribus, nec regia orto stirpe, se spreto contemptoque in contumeliam prorsus Austriani domus, quæ tantæ esset dignitatis & amplitudinis, dono datum. Non deerant tamen apud eum qui dicerent, nequaquam temerè excitandum bellum adversus eam gentem copijs atque pecunia, terra marique insuperabilem, nisi uno consensu & sumptu omnium Europæ principum arma caperentur. Fore enim providebant ut Solymanus toties laceratus

cessit nihil de sua feritate in nostrum sanguinem, nihilque de sua proferendi
 imperij cupiditate remitteret, quandoquidem suæ dignitatis existimer ultro
 laescentes hostes ulcisci, nullam à quoquam ferre iniuriam, & nullam deniq;
 aut iuris aut facti contumeliam pati, utpote qui dudum ex levi offensione, u-
 niusq; tantū demersæ suæ triremis iniuria cum Venetis vetustissimæ pacis le-
 ges abruperit, & tanquam impotens tyrannus nullā penitus excusationis ra-
 tionem auribus admiserit, ut ex instituto Ottomannicæ ambitionis immani-
 bus sug gentis latrocinij ianuam aperiret. Erant vera hæc & prudenti alioqui
 regimagnoperè probabantur, sed singulæ eius imperij gentes usq; adeo erectis
 10 ad suscipiendū id bellum ingentijs ardebant, ut si tantæ occasionis bellum dif-
 ferretur, se nunquam postea adversus Turcas arma laturos confirmarent. Ca-
 rinthiæ quippe Stiriaq; & Croatiæ ac Noricæ gentes, incursionibus Barbaro-
 rum expositæ, & toties bellicæ cladis perpessæ calamitates, rebantur parvo ne-
 gotio Turcas ea provincia posse expelli, quod Mahometes non magna habe-
 ret vires, neq; maiores exacto iam penè autumno, instanteq; hyeme, habiturus
 crederetur. Apparebat etiam Cæsarem valida fratri præsidia summissurum,
 quod cum Gallo rege de maturis inducijs agere didicissent. Ita Ferdinandus
 magna alacritate omnium undique milites cogit: Evocat tanquam ad solenne
 sacri belli edictum pios atq; fortissimos quosq; præfectos & regulos, breviq;
 20 iustus exercitus, genere tamen delectuq; militum quàm numero validior effici-
 tur, in quo phalanx erat Germanici peditatus, cui cohærebant tanquā cornua
 aliquot Italicæ cohortes, quas ex sclopettarijs Ludovicus Lodronius in Rhetia
 Tridentinis alpibus Italiaq; propinqua, & in Gallia Cisalpina cōscripserat.
 Hic peditatum peculiari imperio regebat. Coiverant ad regia vexilla Bohemi
 equites & Slesii, Moravique his coniuncti, qui fulgentibus armis tegebantur.
 Nam Carinthiæ Stiriaque equites (his Ioannes Vngenotus: illis verò Antius
 Macer Saxonica stirpe ortus præerant) medio quodam armaturæ genere ute-
 bantur, quum Hungari, quos ductabant Paulus Bachithius & Ludovicus Pe-
 30 chrius magna ex parte peltati essent, & levis armaturæ Vlarones appellaren-
 tur. Horum omnium numerus octomilium equitū summam implebat: pedi-
 tum autem omnis generis sexdecim milia censebatur, quibus aderat validus &
 numerosus omnis generis tormentorū apparatus. Erant hæc copię usu belli atq;
 animis delendo vel maximo Barbarorum exercitu pares, si acie & iusto cōcur-
 su certandū foret: atq; his imperaret dux gravis, & uti sepe aliàs extitisset probè
 fortunatus. Is erat Ioannes Cazzianer genere Croatus, quem multis exercita-
 tum bellis, & defensæ nuper Viennæ fama inclytum, rex Ferdinandus impi-
 gri pugnæque hominis ingenio captus ad summum militaris imperij decus
 evexerat, quanquam eum plerique à turbida, parumque sobria mente præci-
 40 pitem esse contenderent: ideoque alæ potius levis armaturæ equitum, quàm
 totius exercitus præfectura digniorem. Nunquam enim Ferdinandus ipse
 quodam consiliorum eius, in timorumque amicorum non improbando insti-
 tuto belli, præliorumq; periculis obijci erat solitus, & tum præcipuè quum ad-
 versus Turcas certaretur, à quibus plures Europæ reges superiore tempestate
 in acie deletis eorum copijs essent trucidati: sicut rex ille egregiè pius & fortis,
 & in quo nō deerat bellicus vigor Maximiliano avo dignus, non timore qui-
 dem, sed fatali tot Europæ regum infortunio adductus, summa prudentia vi-
 tandos Barbarorū impetus existimasse censeretur. At Mahometes his cognitis

rebus quæ adversum se parabantur, e' proximis Pannoniæ præsidij militibus accersit: neque ei Budæ præsides ulla in parte desunt, quin auxilia submittant. Bosnensis autem alios Vstrephus, qui ampliorem ex omnibus Europæ Sanzachis equitum numerum alebat, Amurathem alumnum suum recenti Clusana victoria clarum cum numerosa ala exercitatisimorum equitum mittit. Hunc quoque adduntur pedites expediti ex feris montanisque hominibus præsentipecunia conducti, qui uno nomine ab Hungaris Haydones, à Dalmatis Hulochi, à Turcis & Illyrijs Martellosij vocantur, qui sagittis & sclopettis remgere, & saxa fundis vibrare didicerunt. Discinctum & agreste id hominum genus est, sed pernicitatis indomitæ & frigoris & inediæ patientissimum. Erant turbam regebant, & sua virtute & disciplina confirmabant certæ Ianizerorum manus prætoriani ordinis, deductæ ex singulis præsidij, & usque etiam à Belgrado atque Samandria evocatæ. Hos consequebantur plerique ex Rascianis & Servianis, spe stipendiorum & prædæ allekti, invitantibus paucis Turcis singularum provinciarum quæstoribus, qui liberaliter coeuntibus ad signa duorum mensium stipendia persolvebant. Itaque communi studio sua undique auxilia conferentibus Sanzachis, Mahometes copias, neque numero, neque virtute nostris contemnendas coegit, & ad Exechium hostes expectare consilium. Iam Cazzianer ad Caprunzam oppidum pervenerat, satis accurate atque opportunè antea initis & constitutis rei frumentariæ rationibus, si eius imperijs atque præceptis totius commeatus curatores celeritate & diligentia respondissent. Erant quippe viri totius provinciæ clarissimi alioqui negotio pares planeque industrii, qui auctoritatem Simonis episcopi Zagabrienensis respiciebant. Is nanque Simon siue studio supra æquum plurimum incensus, siue imbecillitate iudicii deceptus, ingentem totius annonæ copiam in castris ad militam usque pretij vilitatem se suppeditaturum promiserat, quod huic ministerio qui procurarent quatuor collegas cum imperio sibi substituisset, quibus convectores indigenæ, partim curribus, partim navigijs operam præstantes, multis enatis paucis impedimentis respondere non poterant, neque conferentium tarditas ex tuto castigari poterat, quum validi & præpotentis hostis propinquitas totam corripiendæ tarditatis facultatem eriperet, & Mahometes dispositis per Savum & Dravum Nazadarum præsidij, alisque equitum undique volitare iussis, aut cōvectiones nostrorum perturbabat, aut promisso maiore annonæ pretio utriusque amnis accolis certi tutissimique lucrispem nusquam deficiente pecunia proponebat. Sed eam spem nusquam defuturi commeatus duo in primis augebant, Simon ipse Zagabrienensis, qui undique per suos, quos diximus vicarios magnam quam poterat curruum multitudinē conquirebat, & Iodochus Lilembergus, qui regio cōmeatui ex peculiari munere præerat. Is magnam vim moliti tritici, vini, & ordei, atque item panis nautico more biscocti certam copiam subsidia famis ægrorumque remedia sibi minime defuturam pollicebatur. Hunc accedebat Franciscus Barthianus hac inani commeatus spe impulsus tanquam peritus regionis omnium rerum abundantiam promittens. Itaque Cazzianer à Caprunza movet eo ordine, ut alternis diebus modo ipse, modo Albertus Schichius Bohemorum dux præcederent, quod honori Bohemicae gentis id concedendum esse censuerat, decimoque vix die ad arcem Verucze perveniunt, quæ circiter quadraginta miliarium intervallo à Caprunza aberat: minoribus namque itineribus propter septem prægrandium tormentorum difficili-

lem con-

lem convectionem progredi necesse erat. His de causis itinerumq; difficultatibus, si non sentiri, provideri tamen à peritis annonæ penuriâ cœperat, quod ea quæ expectabantur tardius confectis itineribus, maleque explicatis rei frumentariæ rationibus nondum adveniebant, necesseque esset ea absumere alimenta, quæ ad duriores casus non incipientis, sed producti longius belli reservassent: propterea Severis literis & Simon & ceteri curatores asperrimè castigabantur, iuebanturque omnem adhibere diligentiam, ne ante adventum auxiliorum, qui non diu è longinquis regionibus advenissent, tantæ spei sperata victoria non virtute hostium, sed desidia curatorum propter commeatus inopiâ corrumperetur. Interea Cazzianer & Schichius tantisper cōsidentum atq; expectandos commeatus censent, mittiturq; exploratum Paulus ipse Bachithius cum ala mille Vsaronum, & expeditis sclopettariorum Italicorum cohortibus duabus, qui ad Zopiam arcem præcurrat, atque operam det, ut ex captivis hostium consilia cognoscantur. Bachithius ubi ad Zopiam ab hostibus conspectus est, Turcæ, quod adesse universum exercitum existimabāt, nullam sibi moram attulerunt, quin avecto omni commeatu aut corrupto, incensaq; arce ad naves subiecti amnis confugerent. Ex his tamen Bachithius in fuga aliquot capit, quorum indicio Cazzianer reperit, quod antea per suos speculatores compertum habuerat, unum esse Mahometis & Turcarum omnium consilium, ut ad Exechium positis castris consisterent, hostesque expectando de eius loci possessione dimicarent. Eo biduo Saxonum equitum ala supervenit, atque alia auxilia copiarum & commeatus non procul abesse nunciabantur. Disputatur in consilio an progredi, opperiri ve reliquum sociorum agmen, & commeatum qui advehebatur, expediret, postquam hostes ad Exechium uti didicerant, pugnandi copiam facturi dicerentur. Est mons qui Sclavoniam atque Posslegam dividit, & in longum protenditur, à dextra eius montis radice per Posslegam: à sinistra autem per Sclavoniam ad Exechium iter patet, Sclavoniam Dravus, Posslegam Savus, atque item alij ignobiliore amnes alluunt. Ab hac parte iter saltuosum, & convehendis maioribus tormentis asperum atque difficile: sed pagorum atque villarum copia frequens, arcesque passim & castella plura continens: in altera porro iuxta Dravi ripas iter campestre, & planum rarioribus ædificijs unica arx Zopia impedire poterat: sed ea tum ultro ab hostibus cremata nihil difficultatis & moræ illac transituris allatura credebatur. Igitur in consilio decernitur omissa Posslega per Sclavoniam omnino iter esse faciendum. Antecedit usque ad Zopiam Ladislaus Moreus Hungarus cum Vsaronibus trecentis, quibus cataphracti Saxonum cum duobus vexillis præsidio succedunt. Illinc octo dierum itinere ad Valponium, quæ est arx permunita Petri Perenij ditionis perveniunt. Occurrebat progressuris flumen Crassus, qui vado transiri non poterat. Ibi nostri dum fluvius ponte iungitur atque consternitur ad traiectum septem dies immotis castris absumunt: perpetuis tamen horis itur in consilium, in quo variæ dicuntur sententiæ. Iuniores Exechium continuo properandum: alij Exechio omisso proximum quoddam castellum nomine Villach, ex hostico, aut aliam huic proximam quandam arcem obsidendam censebant, quum cæteri cautiore reliqua auxilia & commeatus, quæ parata & promissa à Scamburgo regulo adventare credebantur, expectanda dicerent, quod nihil nisi consideratius r̃s agendum esse videretur, qui gravissimi momenti expeditionem suscepissent. Cæ-

terùm fervidis atque audacibus sententijs dictis, plerique ex adverso omnem moram grave detrimentum cessantibus allaturam testabantur: frustra siquidem singularum provinciarum auxilia, si sensim progredi, cessare, cunctariq; libuit, evocata fuisse: si cautius agendo Cazzianer perplexè cunctetur, neque in hostem alacriter infesta signa vertat, procul dubio milites & equites tanquàm à ducibus vitato hostium congressu, reformidatoque prœlio in patriam essere verifuros. Satis quippe commeatus, latisque virium esse in castris, ut de victoria non dubitent, si duces consilia atque animos inanibus atque superfluis deliberationibus exoluant, nechyemem expectent. Neque enim hostes Barbaros alias multitudinì suæ confidere solitos, quum non magnas tum habeant copias Christiani exercitus tot tormenta trahentis conspectum esse laturos, & continuo Exechium desperata defensione deserturos, neque ex fuga in persequentes, & fulgentibus protectos armis ora conversuros: quandoquidem cataphracti nostri equites inermem eorum turbam, si resistere audeant perumpendo prostraturi videantur. Huic sententiæ iuniores, qui nondum Turcarum arma fuerant experti, tanta alacritate atque ferocia favebant, ut vel bidui mora paratam atque expeditam interpellari victoriam existimarent. Exemplò igitur procedendum esse statuunt, & copias recensent. Censa sunt ad decem milia equitum utriusq; armaturæ: quo equitatu si roborum equorum ac hominum ornatum, munimenta q; armorum solido ferro fulgentia certius estimetur, nihil apparatus atque validius ullo subituario bello coactum fuisse plerique indicabunt. Sed peditatus, qui erat ex omni provincia lectissimus vehementer erat imminutus, utpote qui vix octo milibus integrorum militum constaret: nam magnus iam agrorum numerus in castris esse cœperat: reliqua pars quum multi etiam longo itinere fatigati, & passim hærentes dilapsi essent, vulgoque omnes propter lutulenta itinera palustri cœnosaque illuvie deturpati, ex autumnaliq; pluvia madentes & algentes, affectiq; pariter inedia nequaquam satis apti aut firmi ad sustinenda imminentium prœliorum incommoda viderentur. Inter nobiles autem duces morbo gravissimè laborabat Iulius Hardechius. Hunc Valponio in oppido subsistere: reliquos omnes trium dierum cibaria parare & secum ferre iubent, ac sperare paulò post certam omnis generis commeatus copiam usq; ad pretij vilitatem in castra obventuram. Præscriptis autem legibus edictum sub poena capitis proponitur, ut nemo Turcarum hostem vivum capiat, vel ultro se dederem, nisi quum planè confecto prœlio sit debellatum: nemo item præda se oneret, quandoquidè eam omnem æqualiter inter milites se divisuros duces promittunt. Hoc edicto à præconibus & tympanistis per omnes ordines promulgato, iter quod planius & rectius apparebat, ad Exechium suscipiunt. Tertio die perveniunt in vallem quandam ad tertium ab Exechio lapidem, atq; ibi castrametantur. Postridie Turcarum agmen conspicitur, & à nostris acies instruitur. Verum id nullo certamine comminus edito tormentis tantum maioribus repellitur. Sequenti verò die effusis ab oppido hostibus levia certamina conferuntur, & multis utrinq; interfectis, æquo Marte disceditur. Eo die Simon Zagabriensis antistes cum suo equitatu, aliquantaq; annonæ copia supervenit, cuius advētu apud nostros minuitur timor de inedia paulo antè conceptus: sed interduntur à ducibus levia certamina, quod plures ex nostris vulnerarentur, & Turcæ suis usi artibus facile superiores evaderent, quum sclopettarios lanizeros, Alaposq; sagittarios turmis suis

fuis admiscerent, & equitibus nostris sua agilitate freti multa vulnera inferrent, quod nulla ratione nostris interdictum videri poterat, quum militum animi, qui pugnae studio, & mutuis cum hoste congressibus accendi, & de victoria bene sperare soleant, eo demum ignobili ducum iudicio frangerentur, quasi hostium vires, pugnandique artes nostris nosci vetarent. Dicebant enim ab huiusmodi extraordinarijs praelijs Mugacianam cladem initium coepisse, reservandosque ideo milites & equos in ipsum universae pugnae diem, ut recentissimis virorum & æquorum viribus pro victoria certaretur. Ab hoc decreto imperatur tormentorum magistris, ut in hostium agmina ubi ea prodire conspexerint, maiora statim tormenta dirigant, quibus perite administrantibus fiebat, ut Turcae à coniectis subsilientibusque tormentorum globis certa acciperent detrimenta, neque miscere, uti cuperent, levia certamina possent. Hoc animadverso periculo Mahometes in proxima palude, quæ ab exundante stagnanteque Dravo amne erat enata, Nazadas multas sclopettarijs completas instituit, quæ totius paludis margines obsiderent, & nostros aquatione prohiberent: castra etiam nostra, quæ erant in conspectu coniectis in ea minorum falconum globulis infestarent. In singulis namque Nazadarum proris constituta erant in canterijs, & aptè collibrata minoris generis tormenta, quæ à nostris moschetta de nomine minimi accipitris vocantur. Bi valli in qua nostri locarent castra, imminabat collis non planè arduus. In eo erat pagus, in quo Turcae constiterant, levi praelio nostros excepturi. Ad eos deiciendos postero die ab omnibus ad arma conclamatur, instruiturque acies, & ne hostes suis tumultuarijs praelijs laceßere aut perturbare nostrorum agmina queant, in progredientes dirigi atque displodi tormenta iubentur, alacrique nostrorum successu Turcae locum deferere coguntur. Sed illi loco depulsi ad demorandos nostros pagum continuo succendunt. Neque tamen nostri à proposito itinere discedunt. Interim pagum totum flamma pervadit, atque inde hostes ad unum incolumes se ad suos recipiunt. Tum vero à ducibus superato colle Exechium in planicie ad Dravi ripam positum cõspicitur. Id circiter duo milia passuum à colle aberrat. Ibi Cazzianer loco aquationi, pabulationi & lignationi idoneo castrametatur, imperatque tormentum maius ante castrorum portam provehi, facturus periculum, an inde emissa pila oppidum Exechium attingi possit: sed id longius quam oculis appareret abesse compertum est, quum pila altius etiam coniecta paulò supra medium eius vallis spacium pervenisset. Hoc facto periculo & certius æstimata loci distantia nostri duces facileprehendunt, si ab ea oppidi parte castra admoveantur, oppugnandi & quatiendi causa exercitum necessario periniquum in locum esse deducendum: nam à colle illo, quem tenebāt, & duobus circiter passuum milibus ab Exechio distare diximus, contra oppidum aperitur campus declivis, qui spaciosam vallem efficit, quam planè totam detegit castellum editum ex cœnobio Christiano, temploque, ut supra diximus, à Mahomete ædificatum. Id, ut credi par erat, diligenter ab hoste permunitum, ita descensuris nostris & castrametantibus imminabat, ut nemo nisi insanus castra hostium tormentis exponenda iudicaret. Itaque illud desumunt consilium conspicati, scilicet ultra Exechium satis editam planiciem ipsa valle superiorem: atque ideo oppidi mœnia æquantem. In eam castra transferre, tormentisque murum adoriri constituunt, sed in eum locum ex tuto se mutare castra non posse provident: quoniam circumeundus erat rursus collis, & sal-

tus trium milium passuum, qui à dextro latere iter præbebat, ut in eam demum planiciem, quæ oppido imminet descenderetur: quod iter diversum & laboriosum erat, ob id præcipuè quod via regia, quæ ad Valponiū ducebat, inceptè deserebatur. Neq; enim exercitus noster tantus erat, ut totum oppidū Exechium, in quo supra sexdecim milia hominū esse ferebantur, perpetua obsidione in corona cingere posset, neque tanti erant in obsidentium castris commeatus, ut absque continua subvectione inedia laborandum non esset, quando hostium equites cuncta perpetuis excursionibus itinera obsessuros, atque omnem commeandi facultatem erepturos appareret. Dum varijs certaretur sententijs, & modo huc, modo illuc inclinaret Cazzianer, exorta est à gravissimis viris portuna sententia, qui hisdem in castris, atque eodem colle persistendum esse censebant, illicque nostros commeatus, qui non procul a Valponio esse dicebantur, expectandos, & ad præsidium curruum, quibus annona convehebatur, tria milia equitum mittenda, neque ullo pacto exercitum in difficultate eius asperrimi saltus, qui intercedebat, & maximè crebris arbutis esset impeditus perducendum videri. Nonnulli verò alijs levissimis sententijs annonam apud hostes esse tenuissimam, proindeque eos oppido inclusos, inopiam & famem non diu laturos: nullā quippè alijs expectandorum commeatum esse spem: sic aut oppidum deserendum, & fuga saluti consulendum, aut denique iniquo loco pugnandum esse Turcæ milites existiment. Hæc à transfugis Christianis se cognovisse dictitabant, affirmabantque Mahometem peculiari sua supellectile preciosa navigijs imposita fugā moliri, nec ultra tertium diem obsidionis incommoda toleraturum. Proinde sibi videri saltum illum transire posse superari, ipsis ad oppugnandum alacriter pervadentibus. Bellum vero trahere perniciosum: postquam tanta esset in castris biscocti panis copia, ut tam tantū præter alia obsonia universus exercitus moderatè partiendo in septimū usque diem alipossit. Idcirco non esse committendum desidiosè, vel timidè, ut tam infestus hostis, tamq; oppulenta præda è manibus emitteretur. Quo spatio Scambergum regulum cum novo commeatu, novisque copijs adventurum facile sperarent. Interim non esse cessandum: propterea quod tantum tempus, inclinante in hyemem autumno, & imminentibus Idibus Octobribus sit absumptum, ut nisi quid egregium properè tentandum sit, brevi exclusi tempore rebus utique infectis cum ignominia sit decedendum. Apparebat etiam quassato uno propugnaculo, quod erat in adverso oppidi angulo cum ultuariè extructū, nulla ratione hostes ab ea parte nostris posse resistere: illac etiam rectum iter hosti ex Belgrado ad necessarias rerum subvectiones liberè commeandi penitus eripi, quo itinere intercluso proculdubio futurum, ut Rasciani & Coloni omnes nostris necessaria omnia subvehant, concursuramq; omnino magnam eorū multitudinem immaniū Turcarum tyrannidē pertasam, cuius opera & oppidum expugnari, & Christiani Exechiani, qui non pauciores Turcis in suburbanis tectis remanserant, ad defectionem adduci possent. Hæc ut efficacius confirmarent, asseriebant cuncta propè, quæ essent apud hostes tormenta numero serè ducenta versus vallem ita à Barbaris fuisse disposita, ut nisi magno cum labore dimoveri traduci que non possent. Non enim curribus & rotis more nostro erant imposita, sed trabibus, magnisque stipitibus inclusa, utpote quæ armillis ferreis, aut funibus materiæ colligata essent, & solo circumcirca adactis cuneis confirmata. Qua ratione inutili Turcæ nullam

tradu-

traducendis, & uti oporteret, convertendis tormentis facultatem habituri cre-
 debantur. Hæc igitur sententia vicit tanquam nobilior, & apud viros fortes o-
 mino decentior. Itaque postero die nostri longiore circuitu saltum superant,
 & instructis agminibus ad eminentiorem, quem diximus, campum contem-
 dunt. Tum vero Mahometes ex coniectura loci animadverso nostrorum
 consilio, & cognita profectioe statim per compendia viarum nota ipsis in sal-
 tum mille expeditos equites, & Ianizerorum sclopettariorum delectam ma-
 num præmittit, qui ultimum nostrorum agmen carpant. Id ex Italico & Bo-
 hemico pedite constabat. Bohemus in fugam vertitur: Italus strenue resistit,
 cui ægre sustinenti subsidio mox advolant gravioris armaturæ Carinthii equi-
 tes. Hostis terga dat, parvoque accepto incommodo nostri saltum evadunt.
 Castris positis, quæ ad oppugnationem erant idonea, diligenter instruuntur,
 & summo diluculo instructis aciebus proceditur, & post decoram armorum
 ostentationem hosti pugnandi fit copia. Sed ille oppido se continet, nostrosque
 tormentis eminus ex propugnaculo petit, ex adverso nostri maiora duo tor-
 menta in proximum tumulum educunt & emittunt, quorum pile & aggerem
 & mœnia magno terrore hostium penetrasse conspiciuntur. Interim nostri in-
 tegrum ferè eum diem hostium tormentis expositi in acie consistentes, & ad
 pugnam descensiones hostium frustra expectantes, aliquo sed non magno
 vel à frequentibus hostium pilis accepto incommodo sese receperunt. Mahome-
 tes siquidem gravi consilio suos pugnam flagitantes cōtinebat, de nostrorum
 inedia certior factus, & ut ferebant transfugæ, severiore epistola à Solymano
 imperatore admonitus, ne ullo pacto vivus locum defereret, atque cuncta ibi
 obidionis hostilisque impetus mala, nisi teterrima atque ignominiosissima
 nece perire mallet, fortiter sustinenda decerneret. Per hunc modum quum
 nostri gerendæ rei avidi nusquam congregiente hoste distinerentur, absum-
 proque omni comœatu totus exercitus inedia premeretur, nec in consilijs
 quotidianis duces ullum salubri consilio locum reperirent, & certissimus fu-
 turæ cladis timor mentes omnium occuparet, Balthasar Pamphilus ex ordine
 Hungarorum procerū dux spectatus in consilio his verbis loquutus est: Præ-
 posterè duces, inquit, agimus, dum enim quo pacto hostes superari possint
 prolixè consulimus, exercitus nostri vires præ inedia usque adeo debilitantur,
 ut milites iam planè non obscura fame tabescentes, neque incessu regant cor-
 pora, neque languentibus lacertis arma sustineant, & in universum fortissi-
 mus quisque animum despondeat, & desperata pugna occasione miserè atque
 deformiter cadendum esse conspiciat. Itaque nobis maturrimè ante omnia fami,
 quæ nos vehementer urget, occurrendum arbitror, sic ut hinc castra movenda
 censeam, & ad Hermandum castellum illicò deflectendum, ut eius expugna-
 ticæ castelli comœatu, qui non erit exiguus, universus recreetur exercitus, de-
 pulsoque famis periculo, ad reliqua, uti usus docebit, belli consilia redeamus.
 Aberat id castellum ab Exechio decem milibus passuum, in quod plerique Tur-
 carum uxores suas et liberos, atque item preciosiores sarcinas contulerant, qui-
 bustuendis rebus viginti circiter Turcarum præsidium fuerat impositum.
 Erat Castello coniunctus pagus intercedente non magna fossa: murus au-
 tem quadrati ambitus ex vetere structura erat sine extantibus propugnaculis,
 sic ut Balthasar affirmaret nullo propè negotio expugnari posse. Laudatur
 ab omnibus consilium, ipseque author Pamphilus præmittitur ad exploran-

dos castellanorum animos, occupandumque pagum, arridet cœpto Fortuna, sed in dedito pago tritici multò minus opinione sua reperit: vini tamen inveniuntur aliquot vegetes, cuius copia languentibus militibus opportunissima fore credebatur. Itaque ad eam famam signa convelluntur, & ad Hermandum castra moventur: secunda noctis vigilia ita turbatè confuseque disceditur, ut agmina vix agnitis vexillis malè coherencia fugæ potius quàm profectionis speciem præberent. Nihil tamen Turcæ se commovent, insidias veriti, & quòd soluz obfisionis commodo sublevati, nihil temerè noctuque præsertim conandum existimarent. Vbi perventum est, duces caverunt, ne pagus primorum incurfu diriperetur, ad iniuriam subsequentiū agminum, quibus æqua portio totus is commeatus erat dividendus. Tum verò castellum ex pago provehentis tormentis oppugnari cœptum, protractoque certamine usque ad meridiem, quòd lateritius murus quassationi difficilior quàm existimassent, reperirent, & Turcæ quanquam paucissimi fortissimè propugnarent, debilitati tamen vulneribus deditionem fecerunt, quum in eo certamine quinquaginta fere ex nostris milites cecidissent. Aperto castello bina tantum farinæ tritici, & totidem milij vasa reperta sunt. Tum verò videre licuit duces occulto quodam pavore consternatos & tristes, quòd pro amplissima præda, & multo in plures dies suffecturo commeatu aliquot tantum mulierculas & pueros reperissent, & vix in toto pago castelloque tantum commeatus nacti essent, quantum in biduum cunctis sufficere posse videretur. Dissimulatur tamen id incommodum à ducibus, & stolidæ suæ credulitatis vitium mustantes incusant: pollicentur tamen exercitui amplissimam commeatus copiam instaurato ponte subiecti fluminis. Siquidem Bodrogo amnis ab adversa parte oppidi decurrit, ita profundus atque cœnusus ut vadari nequeat: proptereaque Turcæ muniendi sui causa, revulsis aliquot sublicis & demptis asseribus pontem sustulerat. Igitur advocantur fabri, adnitentibusque omnibus continenti trium dierum labore pons reficitur. Sed ea contabulatio nequaquam tantæ erat firmitatis, ut maxima tormēta, quæ erant ponderis ingentis sustinere posse crederetur. Castris interim fossa munitis, qua hostium repentini insultus sustineri, & currus qui valli loco castris erant circumdati commodè transvehì possent. Quarto die currus totius exercitus transvehuntur cum minoribus tormentis, secundum hæc è maioribus sex transmissa sunt: sed sub septimo quod erat longè maximum, pons tanto sub pondere fatiscens est interruptus: quamobrem coacti sunt duces illud, ne tanto spolio potiretur hostis, ex calefacto metallo, malleis diffingere. Septimo autem die cunctis rebus commodè traductis, pons iterum insequenti hosti pateret, disiecta tignorū materia, succisisque sublicis est intercisus. Superato Bodrogo, atque eius ponte corrupto persequendi nostros facultas Turcis eripitur, nisi paludem illam multorum milium passuum itinere circumire, quàm periculosi amnis vadum tentare malint. Hic rursus in consilio disputatur, an maiora tormenta ad expeditius iter confringenda sint, ne his potiatu hostis. Eius sententiæ secundus author existit Gazzianer, profiterurque se peculiari suo sumptu si cupri fragmenta inter currum sarcinas distributa convehantur, brevi refecturum: scalas autem & reliqua bellici apparatus instrumenta, ne hosti cedant igne absumenda censet, & quanto expeditius iter haberi possit, versus Valponium celeriter capiendum, ubi copiarum ab aliquot dierum inedia iam seminecæ varijs esculentarum rerum copijs recreari queant.

quantitas alij per Posslegam redeundum dicebant, & oppidum Iuvancha exi-
 nere protinus expugnandum, quum in eo magna frumenti & vini copia à
 Barbaris & incolis servari diceretur. Pari quoque celeritatis impetu aliud in
 proximo castellum nomine Gara omni genere commeatus plenissimum ex-
 pugnari posse videbatur, priusquam Turcæ circumdata palude longum id iter
 emensi ad insequendum supervenirent: neque tormenta usque adeo præcipi-
 tipudendoque consilio quæ essent nobilissimum totius provinciæ præsidium
 atque ornamentum diffringenda, sed potius ut in præsens eorum usus hosti e-
 ripiatur, si id extremi casus necessitas ferret, stilis ferreis per spiramenta adaectis
 esse configenda. Postremo nihil esse turpius, quàm ut rebus infectis de receptu
 cogitarent. Trahitur in hanc sententiã ipse Cazzianer, indictaq; processione,
 quod ex cõtinuis imbribus iter difficilius reddebatur, ipsa quoq; tarditate tor-
 mentorum impeditis in locis sæpius heretur atq; substititur. Ita progressu lon-
 ga passim mora præpedito, magna cum difficultate tria milia passuum confi-
 ciuntur: eoq; modo vespere nostri pariter atq; hostes singulari diligentia lon-
 gissimum emensi iter, uno tempore ad Iuvancham perveniunt. Sub hoc castel-
 lotenue erat oppidulum, in quo nullus Turca remanserat. Oppidani nostris
 statim portas aperiunt: neq; milites ingressi à præda contineri queunt, vinum
 cuius non modica erat copia dum certatim potant, vegetibus effundunt. Illinc
 tamen a ducibus graviter increpitanibus depelluntur. Eadem nocte hostes
 oppidum succendunt, & tam ædificia quàm ea omnia quæ nostri non diripue-
 rant, corrumpunt: cõclamatur ad arma, quod hostes undiq; nostris immine-
 rent, in albescenteque cœlo diversis in locis acri certamine dimicatur: sed longè
 vehementissime ubi Bohemorum turmæ locum tenebant. Ibi dum nostros
 Turcæ equites acrius urgent, Petrus Raschinius Bohemorũ legatus, quẽ Ma-
 reschalcum vocant, indignatus usq; adeo insolenter incumbentes hostes, con-
 secto ex fortissimis globo, eos facto impetu ita summovit, ut pulsi multis acce-
 ptis vulneribus late dissiparentur. Sed Barbari morè suo in pugnam celeriter
 revertentes, & recentibus suorũ subsidij adiuti, victrices nostrorũ turmas cir-
 cumsistunt, & laxatas per partes concidunt. Acciditq; ut Raschinius ipse fortis-
 sime dimicans, vel totis undiq; proteclus armis unã cum suis caderetur. Tum
 verò nostri duces de processione statuentes, quaternos currum ordines insti-
 tuunt, qui incedentium agminũ utraq; latera protegant. Principia minus vali-
 dis militibus dantur, firmo tamen præsidio in fronte constituto: agmen clau-
 debant maxime strenuæ atq; integræ cohortes & turmæ. Per hunc modũ val-
 lato utrinq; agmine procedentibus nostris, sicuti frequentes occurrebant tu-
 muli plerunq; nemorosi, qui iter præpédiebant: ita hostes à circumveniendis
 infestandisq; nostris opportunè prohibebant. Hac re animadeversa Mahome-
 tes expeditos Ianizeros & Martellosios, qui viarum & nemorum compendia
 nosse, præmittebat, attributisque eis parvis falconibus qui rotis agebantur,
 angustias præoccupare, & in his nostros laceßere iubebat, & quum in aperta
 loca egrederentur, ad alias ultteriores angustias insidendas refugere: alas verò
 equitum quæ apertis in locis perpetuò iter habentibus instarent, atq; agmina
 distinerent. Qua Barbarorum astuta velocitate nostri sæpe victi laceßiti que
 multa passim vulnera atque incommoda referrent, eoque iniquius, quod nul-
 la Barbarorum manus paulò firmior usquam consistere, neq; nostrorum im-
 pressionem expectare auderet: sed uti erat a duce præceptum, à congressu re-

fugere, & carptim sagittis & glandibus, falconumque globulis, uti locus posceret, rem gerere cōsueffet, quum tamen ad fauces paulo patientioris campi esset perventum, & nostri Vsarones audacter prēlium miscerent, augerenturque agmina Turcarum, & edendæ nobilioris pugnae occasio oblata videretur, ipse ante alios Paulus Bachitius adhortator & bellator insignis falconis globulo ictus atque interfectus est, quum & plerique alij viri fortes ex suis Hungaris tardius explicato certamine cecidissent. Eo interfecto qui inter nostros duces militaris ingenij solertia, atque ingentis animi fortitudine plurimum eminebat, magnus timor totis castris incussus est, quum nemo esset, qui eo ductante dimicanteque adversus Turcas de victoria dubitaret, quando & tum, & alias ¹⁰ ne eo unquam prosperè dimicatum fuisse meminissent. Eo tamen praelio qui Hungari urgere Turcas, & sui ducis mortem ulcisci contenderent, tanta vi hostes repulsi sunt, ut multis suorum amissis, falconum currus deferere cogerentur: sed ea fuit apud pedites nostros animorum & corporum imbecillitas, ut præcurrere, & currus destitutos occupare, reduceréve nequierint, & ex adverso hostium pedites pedum velocitate mirabiles, ipsique præsertim Ianizari ¹⁵ sylvis equites nostros glandibus impeterent, à persequendisque suis opportune deterrent, & recepta rursus tormenta incolumes aveherent, ex institutoque suo nostrorum agmen præcurrere atque laceßere perseverarent. His incommodis, omnisque generis commeatuum inopia afflicti nostri milites, quum ²⁰ neque ullo adversus famem subsidio nutantia corpora, neque ulla auxiliorum spe animos sustineret, extremæ calamitatis casum omnes horrebant, coque trepidantius, quod Mahometem nova validaque recentium copiarum auxilia Belgrado, Samandria, atque Nicopoli expectare, vel incertis rumoribus audivissent, simulque prospicerent ex Vsarionibus plures præsumpta fuga salutem consulere, neque ulla aut consolandi aut minuendi timoris ducibus attonitis inesset authoritas, qua alias lætis atque magnificis alloquutionibus consternatæ metu copię confirmari consueissent. Quum verò in campum satis pateantem oppido Garæ subiectum esset perventum, multorum confirmatione nunciabatur, hostes proximas & cōtinentes sylvas, per quas nostris eundum erat, ²⁵ de cisis passim & transversis obiectis arboribus prælepisisse, ne pereas vel tormenta vel currus traduci, & equites nisi dissolutis turmis induci possent. Ea res evulgata in castris ultimæ desperationis mœrorem attulit, eoque etiam gravio- rem: quoniam Ladislaus Moreus, atque alij locorum periti dicerent, duas tantum evadendi vias superesse: alterā qua per sylvas itinere decē milium passuum ad Valponium ibatur, eamque quod interfecta sit, novo Barbarorum opere dimissis impedimentorum curribus, relictisque maioribus tormentis esse penetrandam: alteram porro versus castellū, quod Zenthuerzebeth vocāt, quod ipsius Ladislai Morei erat ditionis, & aliquot milibus passuum à Gara distabat. Quæ ³⁰ via si caperetur, hostes proculdubio propter locorum angustias à nostris persequendis necessario cessaturos. Verum in consilio præfertur via, quæ ducit ad Valponium, quod illic commeatum esset satis, & pecunia à rege Ferdinando in stipendium missa, quæ sufficeret in totam hyemem Valponiana in arce servaretur. Itaque dimissis illis tormentis, quæ convehi non poterant, succensoque pulvere tormentario, atque corruptis reliquis exercitus instrumentis & sarcinis, quæ equis imponi nequibant, properandum esse: obiectos siquidem arborum truncos facile disijci, & parvo vel ipsorum tantum ³⁵ arigarum

rigarum labore repurgari iter posse prædicabant, & quemlibet ex ductoribus atq; præfectis curare debere, ut ipsorum equites et pedites expeditissimi sint, et dato signo statim proficiscantur. Profectionis verò signum futurum esse instrumentum quoddam musicum, quo fistulator è sacris turribus in Germania, Viennæque præsertim adpropinquantem auroram prænunciare solet. Id tibi genus Germani Schalmeyen appellant. Signi dandi cura inchoandaque profectionis ipsi Cazzianeri data est. Huic ultimæ deliberationis decreto nonnulli qui adversarentur reperti sunt, & dicere auderent, hostium multitudinem multo minorem esse nostro equitatu, atque eadem serè qua nostri urge-
10 rentur, cibarium inopia premi. Præterea Barbaros cum gravioris armaturæ equitibus nostris iusto prælio cōgredi nunquam ausos, sed latronum more ex insidijs tantum nostros adoriri, & quum ex viarum angustijs nostræ copiae explicantur, illico refugere. Cæterum non esse adeo immunum castellum & oppidum Gara, ubi hostes castrametati sint, ut expugnari nequeat. Proinde viris fortibus, necessitateque multarum rerum astrictis, experiunda omnia, & tandem audendum esse aliquid: nam fugam non solum turpissimam ipsis du-
20 cibis, qui salutis periculo famæ decus anteponunt, sed cunctis qui nihil præter vitam respiciant perniciosissimam omnino futuram. Quod si profectio noctu fiat, futurum esse ut palantes, vagique per diversos tramites nemoribus
30 inerrent, neque in tenebris posse dinolci ab ignavia virtutem. Vsarones qui p-
peante alios nullo pudore diffugituros: Turcas autem castris nostris adeo propinquos esse, ut nulla ratione eos discessus noster celari queat, præsertim si pulvis tormentarius succendatur, & tormenta maiora inclusi ignis violentia diffingantur, propter necessarium bomborum & malleorum strepitum. Quibus de causis confligendum omnino esse iudicabant, nec credendum falsis rumoribus, qui de novo hostium exercitu spargerentur. Magnum profecto Deum ipsosque divos cœlites pro religione, & Christiani nominis gloria decertare paratis proculdubio certissimam opem allaturos. Tum vero cœpta est consultatio de ægris, qui curribus vehebantur, aut inter impedimenta collo-
40 cati, a novissimo militum integrorum agmine cogeantur. Apparebat enim tantam ægrorum & sauciorum multitudinem intellecto profectionis decreto, planctu & questibus, uti miseris & desertis necesse erat accidere, tota castra completuram, quorum lamentationes & ciulatus aucturi pro certo illi credebantur, qui vel fratres vel consanguineos conturmalesque suos & amicos usque adeo miserè & scèdè derelictos nunquam postea visuri essent, cuius universæ perturbationis tumultum & voces necesse foret pervenire ad aures Barbarorum, qui non longius abessent quàm intra minoris tormenti iactum. Propterea unumquemque corpore atque animo debere adniti, ut tantulum id iter quod pertinebat ad Valponium fortiter atque alacriter conficerent,
50 quando bona etiam spe occursum essent multis curribus recentipane, variisque cibarijs abundè onustis, quia Valponio in castra submittebantur, sicuti à certis nuncijs esset auditum. Eo comiteatu siquidem recreatis viribus, susceperique subinde amico oppido, esulentorum omnium copia plenissimo, reliquos omnes præsentis difficultatis atque periculi casus ex tuto superaturi essent. Ut verò sauciorum & ægrorum salutis ratio haberetur, affirmabant eos iugalibus currum & quadrigarum equis posse imponi, eorumque infirmosimos insidentium equorum clunibus arcto complexu posse sustineri. Postre-

mō magnificis verbis eleuando hostium vires, vanissimeq; et iactenter attollē-
 do suas, id quod tum iter salubri consilio caperetur, non turpis fugæ quidem,
 sed honestæ profectionis debere existimari, quando ipsi non equitatus modò
 genere & numero hostibus superiores essent, sed peditatu etiam ipso vel gra-
 uiter morbis attenuato pares & firmiores, si non iniquissimo loco sit dimican-
 dum. Hæc quum pugnantibus sententijs in consilio iactarentur, res eò deducta
 est, vt quisque ducum perturbato iudicio alienas à communi salute cogitatio-
 nes susciperet, nullaque dedecoris cura habita, in vnam tantum vel ambiguam
 spem salutis fugam meditaretur. Ex aduerso Mahometes certissimis viis ex-
 ploratoribus, & de omnibus nostrorum incommodis per singula propè ho-
 rarum momenta certior factus, suamque inde victoriam prælagiens, intentus
 excubijs, & inseslis longè lateque per alternantes equitum turmas itineribus,
 vigilantissimè nostrorum motus obseruabat eo consilio, vt quum nostri castra
 mouerent, atque agmina proficiscerentur, ex pristina sua consuetudine dis-
 unctos, & vt accidere necesse erat, impeditis in locis sæpè dissipatos, apud
 opportunas locorum angustias inuaderet. Ita enim equitatum peditatumque
 suum omnem circa notos nemorum saltus disposuerat, vt magna quadam lu-
 nati flexus indagine circumdatos inclusisse videretur. Erat iam propè exactum
 secundæ vigiliæ tempus, insomnesq; omnes sollicitis mentibus ita exundig-
 num expectabant, vt minimum quodq; moræ spatium apprimè ingratum & 10
 incommodum singulis videretur, & clari nonnulli duces vecordi instinctu
 moras abrumperent, & iniussu discedere atque anteire cæteros properarent.
 Huius flagitiosi discessus initium ortum esse aiunt ab Vsarionibus Hungaris,
 qui tramitū & nemorum notitia freti, Valponium versus cursum intenderunt.
 Hos Ladislaus Moreus in honesto exemplo imitatus ad Zenthuerzebeth ca-
 stellū suum contendit. Hos quoq; Stiriaci omnes obliti pudoris Ioanne Hūga-
 noto præfecto duce, qui tuendo cogendoq; nouissimo agmini fuerat destina-
 tus, tumultuose properantibus turmis sequuti sunt. Idem fugæ consiliū sibi quo-
 que præsumperat Antistes Zagabriensis, cuius ingens laterna per syluas erra-
 bunda noscebatur, minore tamen aliquanto infamia quàm cæteri, quū viri- 15
 cratus nunquā arma induere, aut in pugnam prodire sui muneris esse putaret.
 Interim Cazzianeri trepidè nunciatur Vsarones effugisse: idem fecisse Ladisla-
 um & Hungenotum cum Stiriacis turmis reliquos nihil expectato, vt institu-
 erant, tibiæ cantu instruere se in eandem fugam. Tum verò planè vecors & at-
 tonitus imperator equū conscendit, oblitusq; signi dandi, q̃ cæteros, vti postea
 dicebat, iam præcessisse crederet, sese inermis in eandem eiecit fugam, deierito
 vtiq; prætorio, quod erat argentea supellectile, cæterisq; ornamentis opulen-
 tum. In eo dilabentiū tumulto Lodronius excitatur, et quum ministri impera-
 torē effugisse dicerent, intrepidè respondet, proculdubio fieri non posse, vt ab
 illo tam turpiter, & tam perfidiosè desereretur, atq; ita sicuti erat multarum no- 40
 ctium peruiiglio & diurnis laboribus grauiter fatigatus, in tabernaculum redi-
 ens quieti se reddidit. Nec multo post perlato castrorum strepitu ad aures Ma-
 hometis Barbari omnes consurgunt, & sese ad inuadendos hostes comparant.
 Sed Mahometes quod hostes tentarent certius cognoscendum, atq; ideo expe-
 ctandā lucem censeret, suosq; instructos subsistere, et prodeundi signum, quod
 equestris tympani leui pulsu per ordines dari solet, silentio expectari imperat.
 Dux enim vetus planeq; senex multis aduersus nostros exercitatus prælis de
 simulata

simulata fuga subdubitans, in pugnam nisi loco suis æquissimo incautè per-
 trahi nolebat, utpote qui antea non iusta quidem acie confligendo, sed carpen-
 do per partes suo more bellum conficere statuisset. In albescente cœlo rursus
 excitatur Lodronius: imminentium Barbarorum quendam audit fremitum,
 & se a multò maxima copiarum equestrium parte desertum videt, frustra se
 proditum queritur: nihil tamen animo se demittit, & pedites alloquitur, hor-
 taturque ut pristinae suae virtutis memores esse velint, & quod tum iniqua
 rerum sors discrimen afferret, una animi fortitudine superandum existiment:
 viris quidem fortibus de honesta morte, non de turpissima fuga, quæ etiam fu-
 10 tura esset incerta, esse cogitandum, sibi omnino cōstitutum esse, qui sæpius eos
 multis bellis feliciter ductarit, repulsis hostibus in pacata loca reducere, aut u-
 nāsecum egregiè pugnando non indecoro vitæ exitu mortem oppetere. His
 sermē verbis ad Lodronium milites cōfirmantem Carinthij equites, atq; item
 Saxones, Austriaci, Bohemiq;, qui probè parentes imperijs profectiois signū
 a duce indictum sibi dari frustra expectabant, nec ignominiosæ fugæ comites
 esse voluerant, concurrerunt tanquam ad virum longè fortissimum, obsecran-
 tes, ut pro desertore duce imperij munus susciperet & impleret: ipsos enim quæ
 iuberentur facere minimè recusaturos, & quā diu vires atque arma superes-
 sent pro religione, proque optimo rege pertinacissimè cum Barbaro hoste pu-
 20 gnaturos. Non suscepit delatū munus Lodronius à generoso quodam pudore
 indignum professus: id tamen pro sua pietate magnitudineque animi tanti
 exercitus indignam sortem miseratus, quam diu à fortuna licuit cum præfatio-
 ne susceptum exercuit. Ferunt eum quum concionaretur ad milites, atque o-
 mnem fugæ spēm detestaretur, & vehementer improbaret, repertum fuisse
 Germanici nominis veteranum militem, qui comiter nec insulse dicere aude-
 ret: neque verò Lodroni, dux optime, usque adeo turpis fuga apud te videri
 potest, quum eam nobili equo vectus circumspectare existimari possis. Intel-
 lexit Lodronius veterani militis argutiam, ingentiq; animo descendens in
 pedes, stricto gladio equi sulfragines detruncavit, præclare exclamans, hodie
 30 commilitones me ducem pariter & militem pedibus pari sorte vobiscum pu-
 gnantem habebitis. Vos date operam ne opinionem meam sefellisse videami-
 ni, ut victores evadatis, aut non inulti decoro mecum vitæ exitu militiam fi-
 nialis. Reliquos porro equos peculiāres suos pari humanitate notis sibi mili-
 tibus, qui languerent ex vulneribus aut morbis dono dedit, & in his Picenar-
 do Cremonensi cohortis præfecto, quum tum fortè rigida febre quateretur,
 & se fuso cursu è manibus hostium eriperet. Vix primæ turnæ, primæque le-
 gionum cohortes sublati vexillis castrorum septis exierant, quum Barbari
 undique ingruentes sese truci ululatu edito ab omnibus partibus circumfuder-
 runt, & multa simul prælia exitinere ab equitatu conseri cœpta sunt, eo even-
 40 tu, ut nostri modò egregiè sustinentes, & modò renovantes impetum, Barba-
 ros insolenter urgentes latè propellerent. In his diversis prælijs Antius Macer
 Fuchstatus Saxonicae stirpis Carinthiorum dux ardentissime pugnans, quum
 ab insignium ornamentis Imperator à Turcis esse putaretur, est obtruncatus,
 parique sorte amplius viginti quatuor illustris nominis equites capto ab ho-
 ste eorum signifero trucidati sunt. In his fuere tres reguli Andreas Relchius,
 Christophorus Hernaus, & Georgius Himelbergus. Alio autem in loco cru-
 entissimum editum est certamen cum Saxonibus, Misnjs, Thuringis atque

Franconibus, qui Saxonum equitum vexilla sequebantur. Horum enim vel
 eximia virtute depugnantium supra triginta sex splendidiore, aut præfecti
 aut signiferi, aut alarum legati occubuerunt, Chuenrico Saxonum primario
 duce capto, qui postea in vinculis apud Barbaros interijt. Inter eos qui in-
 terfecti sunt nobilissimi fuere Sebastianus Methescus, & Iacobus Scullen-
 burgus. Eadem quoque irritæ virtutis sorte Austriani elabente Nicolao Tur-
 riano eorum præfecto, aliquandiu resistentes, ad extremum deleti sunt, quum
 ex his virtute atque natalibus clari cecidissent Fettaius, & Hofschirchius reguli,
 & secundum eos Hohenfelder & Aanspurger, atque item duo e Naidegalanu-
 lia clarissimi proceres, & cum his Lambergerus, & Velezerus viri honoratissimi te
 cecidissent. E superiore etiam Austria Rhetia finitima desiderati sunt Gual-
 mus Folgehenstorfus, Leonardus Lambergus, Bernardus Scharfembergus,
 & Gaspar Bergcheim, & Schellembergus, qui domi & foris cum dignita-
 te conspicui fuerant. Verum longè maxima cædes edita est in Bohemos
 equites in quos è transuerso à Ianizeris continenti glandium procella per-
 turbatos veteranae Turcarum turmae acriter inuectæ grauibus & incuris
 gladijs frustatim cædendo arma, & clavis ferreis pertundendo cassides passem
 sternebant, quum nemo circumuentis opem ferret, & dux ipse gentis Albertus
 Slithius è media cæde, maturius quàm oporteret se recepit. Peditum verò
 phalangem è quodam superiore nemorosæ paludis margine a Ianizeris 20
 pisq; qui nusquam congressi sclopettis tantum atq; sagittis eminus rem ger-
 bant, magno affectam detrimento & planè fluctuantem Amurathes cum Bos-
 nenlibus alis è diuersa parte inductis turmarum cuneis ita perfregit, vt dilata
 conturbatis vexillis & implicatis hastis tota solueretur, atq; intercurrente feroci-
 ter hoste gladijs atq; securulis concideretur. Lodronius ipse equitum in curia
 atq; impetu raptus in palustrem locum adactus est. Ibi quum grauius saucius,
 & lubrico præpeditus ceno supremæ virtutis conatum edidisset, adhortanti-
 bus eum Barbaris vt se dedere quàm interfici mallet, cum tribus cohortibus
 quæ ei superfuissent ita in deditionem est receptus, vt cum reliquis suis omni-
 bus, tanquam eximia virtutis hominibus proiectis ad terram armis seruare 30
 iam enim vel immites Barbaros multoq; nostrorum cruore conspersos cædis
 satietas cœperat, vsq; adeo vt plerisq; languescerent manus, & ad prædam au-
 dissimè verterentur confectantes eos qui dispersim hostiles manus vacillante
 & trepido passu effugere crediderant, eò quidem successu vt magnus numerus
 pro mancipijs caperetur, pauci pedites euaderent, & reliqui penè omnes qui
 non ante prælium vt diximus effugerant, toto campo cæsi spectarentur. Hoc
 enim pudendum Exechianæ stragis incommodum superiorum temporum
 funestissimas Christiano nomini illatas clades superasse ferebatur: nam hos
 equitum & peditum inauspicati ducis temeritate & culpa, potius quàm hosti-
 um virtute deletus interijt, sicut omnes ferè prouincias assiduo luctu funesta- 40
 rit. Nunquam enim antea acciderat, sicuti videre fuit, è Sigismundi Cæsaris,
 Ladislaique regis aduersis prælijs, vt Barbarus & victor & incruentus euade-
 ret, ita vt nostros qui ad Exechium ferè inulti ceciderint, & detrimentum ac-
 ceptum graui etiam ignominia cumulasse videri possint. Mahometes nullo
 prope suorum sanguine tanta potitus victoria, & direptis castris nostris, in pra-
 tulo quodam cadaueribus repurgato confedit, epulatusque hylariter, nobiles
 captiuos et splendida spolia, vexillaque in primis ad se deferri iussit, laudatisq;
 palam

palam his omnibus praefectis, qui egregiam eo die navassent operam, signatae pecuniae plures culeos a quaestoribus sibi afferri iussit, a quibus depromptos de manu aureos & argenteos nummos pro meritis donativi nomine militibus dabat, productosque captivos ad unum omnes, qui non essent gregarii diligenter inspexit, singulorumque nomina & dignitates in commentarios per scribas praesens redigi iubebat. His vero qui detruncata capita, aut decisas nostrorum vultibus nares, & anulatas dextras afferrent, statim pecuniae praemia tribui iubebat. Lodronius quum gravi ex vulnere iactationem ferre, nec vivus cum reliquis captivis Byzantium perducii posse videretur, a custodibus
 10 est interfectus, caputque eius postea transmissum. Nam sicuti nonnulli viri nobiles, & in his Laurentius Strejtpergus & Dietmarus Losenstainus retulerunt, qui redempti reducesque ad uxores & liberos penatesque suos postluminio reversi sunt, inter captivos, qui a Mahomete cum vexillis conspicuisque aliquot castrensis apparatus instrumentis, splendidisque praesertim & inauratis thoracibus & galeis per legatos Solymano offerebantur, tria summorum ducum capita argentea in pelvi conspecta, agnitaque sunt. Ea fuere Pauli Bachithij olim transfugae, & Antij Macri, qui Carinthiaco equitatu praefuerat. Ludovicique item Lodronij, qui pedestres copias imperio regebat. Ea tyrannum obliquis oculis aspexisse, & tanquam tabo fluentia averlatum: ceterum
 20 atroci nutu iussisse, ut captivi illico caederentur: sed deprecantibus Ianizeris, ut quos strenue pugnantes sub fide coepissent, tanquam viros fortes servare vellet, qui in servitute fortem etiam operam ipsis praestare posse crederentur, remisisse vultum, militibusque obtemperando humaniter multos fuisse conservatos. Ipse autem Gazzianer castrorum signorumque suorum impius desertor, quum profugisset ad Castellum suum, a cunctis proditoris exercitus accusabatur, & tanquam inexpiabilis infamiae totius patriae labes, & publicae cladis author maledictis incessabatur, sic ut nec prodire in publicum, nec coelestem lucem aspicere posse diceretur: tanta siquidem deflagrabat invidia, tantoque odio apud omnes regiae aulae ordines laborabat, ut in eum famosa carmina argute factitata per omnes Germaniae urbes a pueris cantarentur, sic ut
 30 eum pro tropheo quod referri debuerat, coronaque victoriae furca & laqueum meruisse dicerent, adderentque pari merito ei supplicij consortes Schlitum Bohemum & Vngenotum Stirianum, ac Stambechium Carinthium, qui ducum omnium fugacissimi fuissent. Quibus execrationibus misere perstrictus Gazzianer, postulavit a rege, ut sibi tuto venire ad dicendam causam liceret: nam paulo ante scripserat ad senatum provinciae Carniolae praefectos, famam suam contra ius & aequum a calumniatoribus inimicis suis maledicentissime lacerari: propterea se iturum Viennam purgandi sui causa, & inique obiecta
 40 praeclaris insignium virorum testimonijs diluturum, sperareque se pro sua antea vitae cunctis in bellis fide, virtuteque, ut quum multas res pro regis dignitate atque amplitudine prospere gesserit, pristinam ab eius clementia gratiam recuperaturum, quando ea calamitosi belli errata fatali potius impulsu, quam hominum errore provenissent. Concessit rex ut tuto veniret, exceptusque est ambiguo vultu: sed quum eius causae cognitio disceptatore rege aliquanto longius quam reus volebat, protraheretur, atque interim honesta sub custodia servaretur, Gazzianer morae impatiens, & de damnatione saluteque subdubians, effugere, quam iudicium expectare maluit: simulato namque morbo lateri-

tium sub cubili pauimentum noctu sensim per commissuras cultello scalpens, vno atq; altero facile exempto laterculo subiectam testudinem aperuit, atque inde ex linteis lodicibus effecto fune se demisit & foeliciter effugit, quum paratos extra arcem ex condicto equos ad fugam celeres arripuisset. Nec multo post uti erat fluctuoso atq; præcipiti ingenio vir, desperatis rebus ad Turcas transiuit, eum libenter excipiente Mahomete, pollicenteq; ei præter opima stipendia totius Croatiae præfecturam, ad intaginem beneficiarj regni, si Solymano sincera fide ad subigendas Austriani imperij vrbes operam præstaret. Tum verò constituta iam præscriptis legibus transitione, ut cum aliquo munere ad Mahometem rediret, cum Nicolao Sdrinio eiusdem prouinciæ regulo, sibi uti rebatur amicissimo, fidentius agere cœpit, ut vnâ secum transiret, in spem certissimi præmij, quando Solymanus erga ambos, non secus ac cum Ioanne rege liberaliter egisset, beneficentissimè acturus existimari deberet. Promissum Sdrinius, aut certè se promittere simulauit, in sententiam inuitantis concessurum, parataq; & instructa transitione cum ala familiarium equitum ei transeunti comitem futurum. Verum Sdrinius conuerso animo impietatis deducus, & tanti sceleris facinus secum reputans, in amicum veterem vel nihil tale domi suæ expectantem, perfidiam exercere, quàm regem aut religionis nomen ostendere maluit, Cazzianeremq; post epulas dirus hospes obtruncavit, ita ut detruncatum caput inuisi & merito damnati ducis ad regem mitteret, in præmiũque honestæ perfidiæ interfecti à se amici castello, atque omni illius substantia potiretur.

PAVLI IOVII NOVO

COMENSIS EPISCOPI NV

CERINI, HISTORIARVM

SVI TEMPORIS

LIBER XXXVII.



RORTISSIMIS Germanici atq; Illyrici nominis gentibus vetere sua bellicæ laudis gloria ex fœdo receptu ad Exechium spoliatis, altera ad huc militiæ parte, quæ maritima est, et nauali scientia continetur, Barbaris potiores esse videbamur. Quandoquidem Veneti ante alios, & Genuenses, rei naualis disciplinam ab inueterata maris possessione, clarissimisq; rebus gestis, præstantissime tuerentur. Sed huius maligni seculi Fortuna aliena prorsus & infensa Christianis, labante scilicet veterum disciplina, virtuteq; obsolescente, eò summis vtriusq; gentis ducibus in aleam experiundi periculi perductis, ita Barbaris fauit, ut nostri ad Actiacum promontoriũ collatis improspere viribus, in fugam acti tota nauali existimatione exuerentur. Quomodo

autem

autem id usque adeo infelicitate euenerit, breuius quam potero ex ordine rerum & temporum enarrabo. Veneti diuersis Turcarum iniurijs terra marique insolenter exagitati, quum Solymanus Corcyra vrbe impotenter oppugnata, multoque immanius peruastrata insula, superbe pacem abrupisset, et tum in Peloponneso Epidaurum & Nauplium ipsorum ditionis vrbes per Cassimum Bassam continenter obsideret, atque oppugnaret, nullam sibi moram attulerunt, quin aduersus tyrannum nullas vel iustae satisfactionis, vel de mulae deprecationis rationes admittentem, bellum gerendum censerent, inuitantibus eos Caesarianis, & Paulo Pontifice pro sua dignitate plurimum cohortante: nam recentis periculi metu adducti, quum Salentinos Hariadenus inuasisset, preclare admonebantur, vt Italiae cauendum existimarent, postquam Ottomannica clas- sis nimio plus quam liceret insuefacta nostris litoribus aliquando non Salentinos modo, sed ipsas Hadriatici sinus vrbes aggredi, sicuti manifeste appareret, ausura crederetur. Caesar quoque graui cura cum Sicilia, tum Africae rebus prospiciendum ratus, ingentem suo nomine triremium & nauium numerum, quae Venetae & Pontificiae clasibus iungerentur, in id bellum se collaturum promittebat. Itaque per totam hyemem quae subsequuta est, per legatos diligentissime elaboratum est de numero genereque classium: de militibus imponendis: de asciscendis socijs, comparandaque pecunia, diuidendisque sumptibus, vt quam validissima atque ornatis- sima clas- sis in proximam aestate, distributa in singulos principes impensis portione, pararetur: & in Graeciam aduersus Barbarum tyrannum educeretur. In id consilium Paulus Pontifex ad sextum Idus Februarij in Vaticano senatum habuit, & quod bene verteret populo Christiano foedus percussit ad stipulantibus Ioanne Manrico Aguillario pro Carolo Caesare: Marco autem Antonio Contareno pro Veneto senatu, sub his conditionibus vt Caesar octoginta duas triremes instrueret, totidem Venetus, ipse vero Pontifex triginta sex pararet, vt ducentarum triremium numerus efficeretur. Venetus postulanti Pontifici quot vellet fabrefactas, armamentisque omnibus instructas triremes mutui nomine ex arce sua nauali daret, remigibus & propugnatoribus a Pontifice in eam expeditionem implendas. Caesar autem, atque item Genuenses onerarias naues militariter instructas quibus com- meatus & pedestres copiae conueherentur, subministrarent. Renunciati quoque sunt clas- sium duces: Caesarianae ipse Andreas Auria: Venetae Vincentius Capellius, Pontificae autem Marcus Grimanus Patriarcha Aquileiensis, cui comes & adiutor adderetur Paulus Iustinianus, nauali prudentia virtuteque alias inter Patritios cum laude spectatus. Cautum vero est vt terrestribus copijs, si descendendum in hostile litus foret, Ferdinandus Gonzaga Siciliae praefectus cum imperio praesset: & si quid Christianis armis de Barbaro hoste pararetur siue in Graecia, siue in insulis, ipsaque Dalmatia, id totum optima fide Veneto imperio, toties antea a barbaris lacerato adderetur: Caesar autem ex sua liberalitate, quantum vellent socij, tritici Siculi venalem copiam aequo pretio praerberet, atque eam sine ullo vectigali atque portorio exportari sine- ret. Hisdem autem temporibus quibus Solymanus in Epirum venit, tentataque frustra Italia apud Sulentinos, & direptis Corcyreis cum Venetis antiquae pacis foedera abrupit, Alfonsus Vastius in Subalpina regione expugnatis magna vi validissimis Gallorum praesidijs apud Cherium, Albamque Pompeiam, atque Clarascum, eorum Gallorum duces amittende totius eius prouinciae perij-

culo calamitatis adegerat, ut imminutis militum præsiidijs, & absumptis com-
 meatibus, de retinenda tuendaq; Taurino vrbe desperarent, et ad regem in
 Galliam accuratè perscriberent, se armis circumuentos, & frumenti inopia la-
 borantes, nisi maturam opem afferret, cuncta hostibus fame compulso esse
 concessuros. Ferunt regem quum in venatione esset occupatus, & certum de
 suorum periculo nuncium accipisset, aliquandiu in equo immobilem stentis,
 et rigentibus oculis crebro barbam demulcentem, atq; itidem frontem atque
 oculos dextra perfricantem grauisimè suspirasse, sed ingenti statim animo re-
 diisse ad rationem, decretoq; secum facto ferendi auxilij consilium suscepisse,
 tanta firmitate magnitudineq; animi, ut semihoræ spatio, quid sibi in eam ex-
 peditionem ituro parandum foret incredibili celeritate describeret: aduocatis-
 que demum proceribus, ipsoq; præsertim Anneo Memorantio, in equo iectis
 munia singula idoneis hominibus acri iudicio imponeret, ut ea quæ ad paran-
 das copias conuehendosq; com meatus pertinere videbantur, summa diligen-
 tia in spem pœnæ aut præmij certissimam expedirent. Rex namq; qui omnes
 propè suæ ætatis tenaci atq; expedito immensæ memoriæ captu, perenni-
 gore superauit, quid & quantum peculiaris com meatus vnaquaq; provincia
 suppeditare posset, quæ nam itinera, quæ flumina ad conuectiones faciora vi-
 cinioraq; forent, & è quibusnam statuiis aut hybernis equitum ala accersendo
 celerrimè conuenire possent, mira ardentis ingenij figuratione atq; velocitate
 repræsentabat, sic ut eum rationes itinerum & nauigationum præcipuasque
 rerum omnium copias, vel remotissimarum etiam ciuitatum tanquam ex indi-
 ce memoria tenere, vsu rerum periti proceres rerentur. Ab eo namq; sub-
 ario belli decreto statim perspectum est quantum rex ipse, cum ingenij mag-
 dine, tum quodam memoriæ inenarrabili robore, propter singularè rerum
 rum notitiam valeret, vel mollissimis interdù voluptatibus occupatus: & quan-
 tæ essent Gallici imperij facultates, eiusque gentis quanta essent ad parendi
 studia facilè apparuit. Paucissimis siquidem diebus, quod cunctis maxi-
 mè fuit admirandum, tanta vis omnis generis com meatus liberali provinci-
 alium studio, curaq; vel ab ipsis extremis Pyrenæi montis partibus, atq; Arme-
 ricis Oceani ciuitatibus collata est, ut singuli amnes quibus Gallia omnis
 incomparabilem conuectionum commoditatem per nauigatur, et cuncta de-
 niq; itinera innumerabilibus nauigijs & carris complerentur, omnesq; ad edi-
 ctum com meatus, suos imperatis vecturis ad urbem Gratianopolim peruehi-
 rent, quò etiam equitatus, et pedestres copiæ conuenire iuebantur, ut inde va-
 rijs tramitibus per Coctias Alpes in Italiam transcenderetur. Ferunt crepisse
 per dorsum Alpium supra triginta milia sarcinarij generis iumenta omnibus
 annonæ copiis onusta, quibus rex ipse præsidio ibat, quum antè Henricum
 filium cum Memorantio præmisisset cum expedita parte exercitus. Ipse Ger-
 manos Gulielmi Fustembergi (hi circiter septem milia censebantur) addu-
 cebat: quibus non magno interuallo Heluetiorum sex milia, atque Italicorum
 quatuor milia iungebantur. Reliqua pars peditatus ex Vasconibus, & ex de-
 lectu Gallicarum legionum ad parem ferè numerum constabat. Grauis arma-
 tura equestris nouissimo loco succedebat, tormentis ante per abrupta atq; in-
 uia summa celeritate transuectis: paucorumque dierum labore superata sunt
 summa Alpium iuga atq; inde mollioribus passim callibus descendi coëptum,
 Vastius cognito regis aduentu ad Montecaleriū oppidū castra fecit, præmisitq;
 Casarem

Cæsarem Masium Neapolitanum, & Camillum Columnam Romanum, qui opportunos ad descensum hosti saltus certis præsidijs occuparent. Hos Henricus ipse regis filius & Memorantius septi nobilium equitum globo, qui dimissis equis per anfractuosos tramites pedibus rem gerendam putabant, dillecta passim glacie niueq; tanta vi adorti sunt; vt Masius & Columna pulsi dillectiq; locum quem cœperant amisissis equis desererent, et Memorantius inde sinistrorsum paratos commeatus cum valida equitum & peditum manu, ad Taurinenses inedia laborantes maturè transmitteret. Exinde Francisco rege subsequente, Sebusiana via Gallorū agmina se demiserunt, neq; quisquam hostium obstiruit, moxque ad Vilianani oppidulum peruentum est, vbi Neapolitanus centurio cum paucis antiquæ turri præsidio impositus, subiectum iuxta viæ militaris impediēbat, nec vllam deditionis significationem dabat. Cuius stulta pertinacia offensus Memorantius, quod indignum esset regem nisi pacato itinere transire, ni statim se dederet necem comminatus, tormenta produci iussit, atque oppugnare turrem cœpit. Nec mora præsidij intellectu periculo animum despondentes necessitati cessere. Sed Memorantius centurione conseruato, quod sibi dissimiles nactus esset milites, & regis stipendijs adscripto, milites eius præsidij ad vnum omnes laqueo suspendit, qui importuna temeritate tantam vim regij exercitus se ferre posse credidissent. Ab hac Vilianæ turre Franciscus compositis copijs per plana loca descendit, præcurrente Gulielmo Langæo cum ala leuis armaturæ equitū vsq; ad Montecalereum, quo in oppido ad Padum posito Petrus Ciconius Insuber expediēdis commeatibus præpositus, ingentem frumenti viniq; et pecoris, reliqueq; annonæ copiam ex ipsa incolarum messe atque vindemia contulerat, vel improbante Vastio quiddam oppidum ab initio defendi posse minimè confidebat. Ad primum itaq; Langæi aduentum Ciconio imparato, & deferente commeatus suos omnes, occupatum est Montecalereum, regiusq; inde exercitus parto de hostibus per amplo cōmeatu sese affluentissimè aluit. Constat Vastium ipsi Ciconio vehementer iratum fuisse, quod ille in spem priuati quæstus tantam vim commeatus in alia tutiora vtiq; & commodiora oppida, vti ipse iusserat, non esset dispersitus. Propterea quum Ciconianis carris, qui oppido oriusti educabantur occurrisset, trahentibus plaustra bobus erura manu sua præcidisse, interficiq; iussisse, vt ea quoq; iactura Ciconius afficeretur. Cui facto fugæq; Ciconij superueniens Langæus, regi non illepide renunciauit, eo die se luculentissime cœnaturum, postquam sibi duo hostium clarissimi, cum pistoris & caupo nis, tum lanij operam præstitissent. Ciconius scilicet qui dignitate erat comes, atq; ipse Vastius tanti nominis imperator, postquam hic occisis bobus præpingue parasset obsonium, ille verò albicantis coctæ Cereris, & optimi vini cadis onusta plaustrareliquisset. Cogitauit subinde Vastius circūiectis oppidis propere communitis, vel impar viribus hostes ad pugnam lacerare, instructo vniuerso equitatu qui per nocturnum tempus regia castra inuaderet, & Gallos more suo audacter in pugnam erumpentes ad instituta insidiarū loca, vbi peditatum, ipsosq; præsertim sclopettarios disposuisset, ex occasione pertraheret. Sed ea nocte susceptus labor Cæsarianis, quum nusquam se obtulisset hostis, in irritum cecidit. Audiui ego postea à Vastio non iusta pugna, sed tumultuario tantū prælio hostes aggredi cupiuisse, quoniam peculiare suum robur in Germanico pedite constaret, quem Federicum Fustembergum superiore æstate

adduxisse memorauimus, qui eius Gulielmi Gallo regi militantis germanus erat frater: ita ut nequaquam rectè fraternæ acies in pugnae discrimen conferendæ crederentur, quandoquidem uterq; frater alterum deprauare, & ad se traducere contenderet: quâ in re Gulielmus astu & viribus superior tanquam fratrem facile Germanico sanguini parsurum, et à victore iam rege amplissima præmia relaturum in partes facile perducere posse quibusdam suspicacibus ingenijs appareret: quanquam Federicus virtute religioneq; animi melior, constantissima fide suū decus tueri statuisset. Quum Cæsariani regniq; pari studio suarum partium oppidis nouo præsidio, nouoq; conuincatu confirmandis occupati essent, et Vastius intentè prospiceret, quo nam vexilla regia verterentur, è Belgio literæ allatæ sunt regi, quibus certior fiebat illustrium sceminarū aspicijs inter ipsos certantes armis principes propinquos suos inducias percussisse. nam Eleonora regis vxor, & Margarita item soror virilis ingenij mulier, quæ Nauarræ regina vocabatur, ad Mariam Pannoniæ reginam Cæsaris germanam contenderant, detestantesq; diri belli causas tanquā inanes vsq; adeo appositè egerant, ut Maria ad idem utriq; parti vtilissimum pietatis decus vehementer accenderetur, hisdemq; fere condicionibus, quibus antè septem annos ea immania diuturni belli incendia restinxerant, induciæ dicerentur in eam descriptæ formulam, quam principes in spem mutui colloquij certissimæque pacis essent probaturi. Itaq; Memorantius Vastio significauit inducias esse factas, matureq; ipsum a Cæsare resciturū, quibus condicionibus in posterum ab armis esset discedendum. Harum induciarum beneficio maximè lætatus est Vastius, vel ob id quod pecuniæ inopiâ plurimum angeretur. nam si procedendo bello expedienda essent stipendia et confirmandi in officio milites, necesse fore prouidebat ut immanibus tributis impositis Galliæ Cisalpinæ ciuitates expilatas diu antea euerteret. Menstruam siquidem per id tempus iussu Cæsaris pecuniam ex censu cunctis omnis generis provincialibus imperarat, tanta quæstorum exigentium acerbitate, ut populus passim diri seculi calamitatem lugeret, neq; ipse Vastius suo pte ingenio liberalis, & minime rapax abstereret à lachrymis, utpote qui firmiorem Cæsari eius dominatus possessionem futuram arbitraretur, si Cæsar beneuolentiâ iustoq; amore continere populos quàm impotentibus avarissimisq; imperijs coercere mallet. Nec multo post à Cæsare de hisdem inducijs certior factus, dignum se ipso humanitatis officium suscepit, & ad Carmagnolam regem castra habentē honoris causa inuisit. Profectus est è castris suis cum ornatisimo præfectorum & centurionū equestrico mitatu, ut quibus fideret viribus, virisq; polleret Gallis ostentaret. nani Hispani ante alios ornatui mirè studentes vetera victoriarum suarum insignia, aureos torques & cristas, ut maximè essent conspicui desumpserant. Federicusque ipse Fulstembergus quum Vastij lateri hæreret, fratrem tanquam degenerantem à familia obliquis & trucibus oculis nihil porrecta dextra salutauit. Rex enim copias suas qua transiturus esset Vastius hostiū imperator ita digesserat in ordines, ut cuncta pedestrium maximè copiarum præsidia ostenderet. Exceptus est vastius læta tormentorum omnium dispoitione salutatus, deducen-
teq; Memorantio magistro equitum honoris causa inter regem Delphinumq; filium medius est receptus, tanta humanissimi regis comitate, ut sicuti ipse hospitem, ita tot eius duces et centuriones à Gallis qui eosdem ducerent ordines complecterentur, & salutandi regis causa singuli ad dextrā osculandā deduce-
rentur

rentur. Multa demum rex ipse cum Vastio colloquutus, repetita veterē familia
 nate, de induciarum ratione & tota spe pacis luculentissimē disseruit, quæ ne-
 quaquam operæ prætium esse putamus ut hoc loco referantur. Constitutis
 autem inter se finibus Subalpini imperij & præscriptis legibus, quibus utriusq;
 prætidij milites uterentur, Vastius Mediolanum reuersus est, & rex ipse Alpes
 rursus transcendens in vltiorem Galliam cœpta iam hyeme rediit, sic ut huc
 aduentus regis in eos ipsos dies inciderit, quibus Ferdinandi regis copiæ ad
 Exechium victæ deletæque sunt. Per eam verò quæ subsequuta est hyemem
 Paulus Pontifex enixè operam intendit, ut Carolus ipse Cæsar & Franciscus
 reipublicæ causa in colloquium venire minimè grauarentur. Cui honestissi-
 mæ postulationi neuter se aduersum præbuit, quod is conuentus multis de cau-
 sis utriq; multum expedire censeretur, vel si publicum decus Christiani nomi-
 nis respicerent, vel si priuatus prouinciarum suarum incommodis, quæ tot di-
 tanni belli detrimenta pertulissent, consulendum existimarent. Summæ liqui-
 dem pietatis munus suscepturos apparebat, postquā Solymanus vndiq; Chri-
 stianis clades importaret, si ipso sacrosancto Pontifice sequestro pacis atq; con-
 cordiæ controuersiam multarum gentium malo diu alitam finire maturarent,
 ut Europeis gētibus certę pacis tranquillitas pararetur, atq; obiter de sacro bel-
 lo aduersus impios gerendo coniunctis viribus cogitandū esse iudicarent. Op-
 portunissimā autem omnibus futuram conuentui sedem Pontifex decernebat
 apud Nicxam Prouinciæ urbem, quæ erat disionis Caroli Sabaudij Allobro-
 gum principis. Is utriq; arcta propinquitate coniunctus, & utriusq; dissidētis
 iniuria multo maxima regni sui parte spoliatus, ius sibi reddi perpetuis queri-
 monijs postulabat, putabatq; eo principum colloquio disceptationeq; in inte-
 grum restitui debere, postquā tam diu pessimè mulctatus frustra hætenus di-
 vum atq; hominū fidem implorasset. Itaq; ad magnā spem futuræ concordie,
 & Cæsar ipse ab Hispania adducente eum Auria in portum Herculis Moneci,
 qui Villafranca hodiæ dicitur, secunda nauigatione peruenit. Franciscus au-
 tem quum Pontifex ipse cum maxima senatus parte ad Alexandria excipiente
 eum ipso Vastio cum legatione Mediolanensium, Niceam peruenisset, profe-
 ctus per Prouinciā ad Villanouæ oppidum ultra Varum amnem terrestri
 itinere magna omnium lætitia peruenit. Cæterum Pontifex qui tantum itine-
 ris laborisq; exactæ ætatis senex studio reipublicæ susceperat, impetrare non
 potuit, ut ipsi reges in complexum atq; colloquium se postulante præsentēq;
 deuenirent: uterq; tamen seorsum in villa quadam suburbana Pontificem Chi-
 stiano more venerati sunt. Eleonora autem regina cum Margarita priuigna
 lectissimorum morum puella, Ioanne Lotharingiæ Cardinale, atque ipso
 neo Memorantio classe deducētib; Cæsarem fratrem inuisit. Erant qui tum
 existimarent neque Cæsarem neque Franciscum, postquam è tam longo ter-
 rarum tractu ad Pontificem peruenissent, à colloquio (ut credi par est) abhor-
 ruisse, sed quodam occultiore consilio Pontifici tantæ voluptatis & laudis fa-
 mæque successum inuidisse, quasi existimarent Pontificem nequaquam stu-
 dio religionis, sed priuatim sui commodi spe ipsorum colloquium expetisse:
 quoniam Margaritæ Austriæ, quæ Alexandro Medici nupta fuerat, nuptias
 pro Octauio nepote affectaret, & Clementis exemplo Victoriā nepre in
 mui regis coniectis, in Vandomium oculis inserere percipere videretur. Cæ-
 sar tamen per internuncios Francisco pollicitus est, se in eius complexu priu-

quam in Hispaniam renauigaret, uti mox euenit, deuenturum. *Pau*
 dies Vastius, quum in colle qui portui imminet castra haberet, in morbum
 cecidit valde periculosum, quo impeditus quum ad eundi regis officio fun-
 quiret, me qui ipsi languenti aderam, ut ipsius munus implerem, ita ad re-
 gem misit, ut ad eum nobilissimus Insubrum proceres, qui produci cupiebant
 trireme mecum adueherem. Excepit singulos humanissime rex in omni re ad
 parandam beneuolentiam & gratiam proclinatus. Erant enim illustrium fa-
 miliarum honestissimi scilicet Vicecomites, Bonromei, Somalij, Pusterui,
 Galeraeti, & Cribelli. Sed ea in re Vastius opinione sua mirum in modum de-
 ceptus est, quum de concordia regum fidentius sperasse videretur. Volebat
 enim summæ nobilitatis Mediolanensium primores suo beneficio conserui-
 Francisco, qui ex usu futurae concordiae Insubrum imperio potiturus esse crede-
 batur. Nam fama erat, Caesarem Mediolanensis imperij possessionem Cero-
 Aureliano regis filio ex autoritate Augusti imperij collaturum, ut parta paci-
 tum demum aduersus Turcas amplissimis Gallie opibus vteretur. Sed quum
 rerum valebant, atque intimos vtriusque principis sensus iam pridem inuolu-
 xissent, liberè prædicabant, neque Caesarem vlla pactione opulentissimo Insub-
 regno decessurum, neque Franciscum ex aduerso donec eo potiretur arma poti-
 turum. Hoc tamen obtinuit Pontifex, ut inducias à reginis, ut diximus, in bel-
 gio conceptas & promulgatas ipsi reges in nouem annos solenni ad stipulatio-
 ne sancirent. Quum de his rebus commeantibus à Nicæa hinc ad Villafran-
 cham ubi constiterat Cæsar, & illinc ad Villanouam ubi erat Franciscus, crebris
 legationibus ageretur, inusitati casus res accidit, aspectu quidem primo inopi-
 natè terribilis, sed mox ridenda iocoso exitu. Stabat in anchoris Caesariana na-
 sis in ipso Villafranchæ portu, ita ut prætoria ipsius Aurie quadriremes na-
 mui qua susceptus erat Cæsar, ipsiusque etiam cubiculi fenestra subicerent, et
 reliquæ triremes diuersas anfractuosi portus stationes obtinerent, magna que
 naualis turbæ reliquorumque hominum multitudo per ea litora vagaretur,
 quum nonnulli sub meridiem otiose maria & colles à tergo in altissima Alpium
 iuga assurgentes prospectarent, densam nubem fumi instar in altum eleuati
 conspiceret atque ita notare cœperunt, ut quum è proxima turrata villa eaderet,
 nec ea densi pulueris nubes desineret, sed ex interuallis continenter augeretur,
 plerique ex his qui spectabant proculdubio significationem esse aduentantis mi-
 micæ clasfis affirmarent, & tanquã Barbarossa ad opprimendos summos Chri-
 stiani nominis principes Pontificem & Caesarem aduentare proclamarent.
 Ea vox famaque delata in portum, peruagataque oppidum incredibilem cunctis
 pauorem attulit, sic ut ubique magnopere trepidaretur, & Vastius ipse è taberna-
 culo profiliens turbatè induta galea, & abrepto scuto ad Caesarem cum ipsa sta-
 tionis cohorte descenderet, hortareturque ut in accliuia atque ardua illarum rupium
 cependura, & relis atque lapidibus aduersus Barbaros si fortasse illac ascendere
 conarentur, rem gerendam censeret. Stetit impavidus Cæsar, nec de periculo
 quicquam temere credidit, tamen si Auriam tolli anchoras iubentem, & tumultu-
 tuosissima clasiariorum festinatione triremes obuerti, atque omnes demum vel
 incolas, vel externos animis maximè perterritos esse conspiceret. Quum vero
 iam speculatoria nauigia ab Auria statim emissa, vndique pacata maria renun-
 cialsent, & ad turratam villam exploratum plerique processissent, compertum
 est, à villico eam nubem densi pulueris, quæ fumi speciem referret excitatam
 fuisse

fuisse, quum ille in area fabarum acervum cribrando & ventilando à siliquis secerneret. Multis siquidem ex intervallo ventilationibus, quæ triginta sex triumphantium repræsentabant, ab initio notatæ numeratæque fuerant, ut primam Barbaricæ classis anteeuntis partem esse, vel nautici homines iudicarent, quanquam nullum omnino ullius classis, vel ab altissimis tectis & collibus, aut velum, aut malus, aut antenna apertissimo in pelago conspiceretur. Quo præclare agnito factum est, ut omnes ex summa trepidatione in risum inconditosque cachinnos solverentur, sic ut ipsoꝝ principum & ducum intellecta præproperè credulitatis contumelia, non obscurus pudor mentes perfunderet, atque is inaudite trepidationis inanis metus iocosus omnium sermonibus celebraretur. Actum subinde est inter Cæsarem atque Pontificem, uti antea cõpositum fuerat, de suscipienda navali expeditione adversus Turcas: nam nova legatio à Venetis supra veteres legatos ad Pontificem Cæsaremque pervenerat, cuius principes erant Nicolaus Teupulus, nobilium literarum fama clarus, & M. Antonius Cornelius, qui Venetijs senatoriæ eloquentiæ laudè reliquos penè omnes anteibat. Hi siquidem æstate iam adulta festinandum esse, atque apparari classes postulabant, postquam Venetijs cuncta iam parata essent ad navigandum, magnoque incommodo futurum esse disserrerent, si reliquos æstatis menses effluere sinerent, quibus mari res geri posset. Nec multo post Franciscus discedens à Pontifice in regnum suum est reversus: Pontifex verò Genuam pervenit, exceptusque est hospitio in Fliscorum ædibus, quæ sunt excelsa in loco ad Violatæ templum positæ. Exinde classem conscendit, partimque mari usus, partim terrestri itinere post solstitium ad Urbem pervenit. Cæsar autem ad Massiliensium oram delatus, circa Fossas Marianas ex condicte regem eò descendente cum liberis sua quadriga prætoria humaniter excepit, atque arctè complexus est. Impetrante quoque Cæsare Franciscus Andræ Auricæ superiorum temporum iniurias facile remisit, quum ad excolandam dextram produceretur, subindeque plures horas arcanis sermonibus principes impenderunt, tanta vel eorum qui aderant, vel illorum quid postea ab alijs didicissent, exultatione, ut ferè nemo reperiretur, qui non plane existimaret, Reges ipsos deteris odijs conciliatos fraternæ amicitie fœdera concepisse in spem maturæ pacis atque concordie. Vnus tamen Paulus ipse Pontifex pro veteri sua prudentia, ut id crederet adduci non potuit, postquam parum pio, subagrestique amborum principum consilio colloquijs exclusus, eius clam appetitæ amicitie ratio, quæ nullam synceræ virtutis & religioꝝ specieꝝ præ se ferret, nequaquam compositi animi diuturnam simulationem habitura putaretur. Mutua siquidem ambitione correpti, quum hic parta armis, possessa que retinenda omnino, defendenda que statueret: ille vero Galliam Cisalpinam, quam nuper non obscuro iure possedisset, pro dignitate sui nominis reperandam arbitraretur: nullo siquidem concordie arbitrio sibi opus esse existimabant, qui utrique aliquid detrahendum concordie causi iudicaret. Certa quoque inter utrumque eminebat obrectatio asciscendi sibi Pontificis: quoniam is omnino cui Pontifex socius accederet altero multis rebus potentior evasurus videbatur, sic ut uterque potius cavendum putaret, ne Pontifex alteri æmulo in societatem applicaretur, & gerendo bello socium se præberet, quam ut eum magnis concessis muneribus promerendum arbitraretur. Gravius tamen in eam rem incumberebat Cæsar, utpote qui antea Nova

riam urbem Petro Aloisio Farnesio expetente Pontifice dono dedisset, & tum
 filiam quoque viduam Octavio Farnesio, vel adhuc prætenere adolescenti in
 gratiam vi Pontificis in matrimonium maturatis nuptiis collocare minime
 gravatur. Cuius contractæ affinitatis factum Cæsaris consilia altius detexit,
 quum spreto Cosmo Florentie principe, qui id coniugium supplex expetebat,
 filiam vel tum renuentem immaturæ ætatis adolescentuli thoro illigare, quæ
 non Pontifici morem gerere maluisset, quin & Cæsar paulo post etiam non
 obscure impedit, ne Victoria Octavij generi soror Cosmo iungeretur, quod
 nequaquam in rem suam fore provideret, si Romana potētia cum Etrusci im-
 perij opibus in unum belli & pacis fœdus misceretur. Qua de causa Cosmus no-
 nestissimo usus consilio Cæsaremque respiciens, cuius se clientem esse probeba-
 tur, ab eo prolis causa uxorem postulavit, qua maximè fideli & verecunda po-
 stulatione permotus Cæsar, quod legitimi atque æquissimi iuris videretur, ei de
 manu sua clarissimi generis puellam Federici Toletani Albæ reguli inter pri-
 marios Hispaniæ procures virtute animi, fide, atque opibus præstantissimi, ne-
 ptem desponsavit. Hæcerat Eleonora Petro ipsius Federici filio pro rege Nea-
 politano genita, quæ magno Deo utique & divis approbantibus Cosmum pul-
 cherrima prole in spem lætissimæ successionis parentem fecit. Ceterum quum
 enavigaturus esset Cæsar, ad eum legatio Mediolanensium pervenit, deplora-
 tura iniurias, quas Hispani milites seditiosè ad arma consternati, et ab authori-
 tate Vastij discedentes, corum agris inferebant. Coiverant siquidem e Subalpi-
 nis præsidij audito induciarum nomine singule cohortes, ut merita stipendia
 flagitarent, quæ aliquot mensium sibi deberi predicabant, usque adeo prætere-
 atque insolenter, ut uno consensu profiterentur, se neque imperio Vastij audien-
 tes futuros, priusquam sibi alicundè tot debita stipendia præsentī pecunia sol-
 verentur, sic ut interim ex præda victitando fertilissimæ atque amœnissimæ re-
 gionis vicos vexatis atque direptis agricolis impudenter atque atrociter perva-
 starent, miserrimique incolæ iusto terrefacti metu desertis messibus diffugere co-
 gerentur. Eo modo Hispani e militibus immanissimi latrones effecti, occupa-
 ta universa messe: nam tum defecta erant frumenta, aut in agris, aut in arvis ra-
 pientium prædæ exposita. Latrocinantium autem vexilla, castraque fuerant con-
 stituta ad peramplum Galeritæ oppidum, mercatu celebre, ita appellatum de
 nomine olim Galeritæ legionis, quæ à C. Iulio Cæsare in his locis confedisse,
 cōdidisseque coloniam existimari potest. Id est positum media ferè in regione a-
 gri Insubram, quæ oppidis & vicis frequens summam fertilitatis & opportu-
 nitatis obtinet claritatem. Ea siquidem Ticino amne clauditur, uberrimisque
 diffusa campis ad Abdum usque sese extendit, sic ut urbs Mediolanum quan-
 dam umbilici speciem præbeat. Consternatæ autem multitudinis ea erat licen-
 tia, impunitate sensim aucta, ut nequaquam ea regione, quam obtinerent, con-
 tenti remota etiam oppida truculētis imperiis terrarent, atque ab eis quotidiana
 tributū numeratæ pecuniæ vectigal exigèrent, & segniter parentibus omnē
 cædis atque incendiōrum cladem denuntiarent. Quamobrem Baptista Ar-
 chintus civili facundia insignis, qui erat legationis princeps, in hunc ferme mo-
 dum Cæsarem est alloquutus: Perampla Mediolanensium civitas immensis
 nuper opibus potens, sed recentibus diribelli ærumnis atque miseris defor-
 mata, quum suis malis finem imponi, & sibi ad diuturnam tranquillatem sub
 tutela tui nominis aditum pandi, in hac præsertim tanta spe futuræ pacis faci-
 le cre-

le credidisset, inopinatio novam, & prioribus quidem malis acerbiorum cladem subit: nam si calamitosum est bello ab hoste diripi, multo quidem miserius est in pace vastari à socijs, atque inexpiabilis contumeliæ detrimenta & iniurias pati. Proinde miseri Insubres, æquissime Cæsar, ad te confugiunt, & vehementer orant, ut pro Augusta tua virtute, religiosique animi clementia & pietate se defensos & conservatos velis ab immanitate impudentissimorum latronum. Hi sunt veterani Hispani tui milites, qui dum victorias de hostibus tibi pararent, ea licentia opes nostras iampridem, sicuti calamitosi & violenti seculi iura postulabant, prædæ sic habuerunt, ut etiam nunc extremum nobis sanguinem exhaurire contendant, quum te debitorem suum ex dilatis stipendijs rapaces & immodici petulanter effingant, ut causam non iniqui militaris iuris se nactos appareat, unde liberè & impune oblata quæque diripiant: gravi quidem offensione æquissimi tui nominis, sed multo graviore rerum nostrarum incommodo: vel ob id quod quæ imperaveris ex usu tuo à nobis pecuniæ subsidia ad egestatem reductis in posterum præstari non poterunt. Occupavere illi nefaria seditione excitata Insubrum agri opulentissimam regionem, interceptisq; messibus cuncta in prædam vertunt, & in proximam quoque vindemiam avidissime spectant, nimirum qui ab authoritate Vastæ ducis, tenatusq; & deniq; à maiestate tui nominis inverecundè rebellant, consilijq; armis Insubri nominis homines tanquam ad obsequia iussaque tua paratissimos facile contemnant. Matura itaq; ope tua, iustissime Cæsar opus est, ne dum frustra conquerimur de iniurijs, miserabili excidio fertilissimæ regionis mulctemur. Duplex siquidem ferendæ opis ratio tibi offertur Cæsar: nam aut stipendia, quæ milites improbè reflagitant, si iusta sint, præsentis pecunia persolvenda sunt, aut si iniquiora peti videbuntur, neque tibi præsens auri facultas suppetat, nobis concedas obsecramus, ut impune salvoque maiestatis tuæ numine nostras iniurias de perversissimis latronibus domesticis freti armis ulciscamur. Æquum enim est, ut illi qui tuas victorias insolentissimis maleficijs deformant, & tibi undequaue victori, optimoque principi hac impunita scelestaque defectione veræ virtutis tuæ laudem, & denique speratam apud omnes gentes gloriam eripiunt, dignas inusitata contumacia, atque impia rebellionis poenas pendant. Cæsar nihil ad ea respondit, sed contracta fronte, austeroque vultu Archintum tanquam nimis libero ore loquutum, ad Peronotum Granuelium summis negocijs præpositum remisit, ita ut ipse Cæsar perianitorem continuo eum permoneret, ut legatum audacius loquutum asperis castigaret verbis, vel ob id præsertim, quod non obscure prædicaret, Insubres extantis contumelijs ad arma excitos, nisi Cæsar provideret, Hispanos ad unum omnes tanquam improbæ extremæq; malignitatis & avaritiæ homines parvo negotio concisuros. Itaq; Granuelius ad euntem legatū contumeliosè prope reprehendit, quod nimia oris libertate usus, principis maiestatem arroganter offendisset. Quam in re Archintus eo modo officij sui necessitatem excusavit, ut multo plura atq; atrociora Mediolanenses facturos testaretur, ut res suas atque universæ immeritæ civitatis iniurias vindicarent, addens spumanti ore, Ergo Granueli, qui Cæsaris consilio præses, si non omnino ferus sis, pati poteris, ut ea civitas qua nulla aut fidelius, aut accuratius Cæsaris nomen colit, indignis perpetuisq; nefariorum militum latrocinijs evertatur, quando ea vos omnes non modo præbitis stipendijs ditet, sed universam etiam Cæsaris aulam à

multis annis alere consueſcat. Cæterum neque à Granvelio, neq; ab ipſo Cæſare his graviſſimis obteſtationibus quicquam aliud impetratum eſt, præter litteras, quibus Vaſtius admonebatur, operam daret, ut aliqua paſſionis ratione tanto provinciæ incommodo mederetur. Hæc ubi ſub ipſum Cæſaris à Nicæa diſceſſum ex legatione renunciata, & per urbes Ciſalpinę Gallię evulgata ſunt, uſq; adeo tantum ex rei indignitate odium Cæſari crevit, ut omnes ex rerum deſperatione facile defecturos appareret, ſi mitior & clementior, qui dedentes reciperet dominus offerretur. Immoderatis ſiquidem pace belloq; tributis oppreſſi, novam etiam cum menſtrua exactiois onera pertulerant, quę nuncquid deſitura boni mortales crederent, donec viveret Cæſar, atque Italiæ imperio potiretur. Sic ut non alia de cauſa victorias de hoſtibus quæſiſſe exiſtimari poſſet, quàm ut ſerendo bella ex bellis perpetuo milites aleret: atque ideo ſubactas provincias immiti dominatione ad egeſtatem redigeret. Optabant ſiquidem provinciales, ut Cæſar nequaquam ſimilis evaderet quibuſdam ſuperiorum temporum Cæſaribus Germanis, qui non in amore atque benevolentia ſubieſtarum gentium, ſed præcipuum potentia ſuæ robur in veterano milite præda alito reponere conſueviſſent, ob idque Henrici, atque utriuſque Friderici, & Ludovici Baiorij, & Caroli quarti exemplis miſeras Italiæ civitates, quæ liberæ atque opulentiffimæ dicerentur, ſibi prædæ deſtinarent poſtquam illud vetus inclytæ laudis & famæ ſtudium, quo generoſiſſimi olim principes præclaras res bello geſſerint apud huius ſæculi principes vigere deſierit. Paucis ſiquidem poſt Carolum magnum ad veræ pietatis & gloriæ decus raviſi ſunt, quum nemo ferme arma tractarit, ut bona pace paria fruere-
tur, & admirandis iuſtæ virtutis monumentis ſæculum ſuum florentias & luculentius efficeret: ſed ut victorijs & bellis nunquam modum imponendo inſatiabilem animi libidinem poſteris teſtaretur. Id enim hodie præclarum atque magnificum videtur ad mutuas clades inteſtinis graſſari bellis, ut immanem illam belluam ab oriente noſtris diſſidijs excitatam provocemus vaſtaturam procul dubio cuncta, quum nos valido concitata impetu affectos viribus miſereque diſſidentes invaſerit. Porro Vaſtius his acceptis à Cæſare litteris, quum pacandis militibus, & ad officium revocandis ſatageret, ſingulorum eorum tribunos, quos ex urna ſorte eductis nominibus cum poteſtate imperij ſingulas hebdomadas creabant, & propter publicæ cauſæ patrocinium honoris gratia electos appellabant, ſigillatim pertentabat, anteaſque omnis maleficii impunitatem & præmia inſuper pollicendo mollire contendebat: ſed veteratores eximijs, quum ex opimis rapinis diſceſcerent, & ex tanta licentia luxurioſiſſimè viverent, nec quicquam timerent, nihil ſani conſilij contempſis Vaſtij monitis, atque promiſſis ad animum admittebant, utpote qui corruptis moribus in delicto perſeverare quàm ad vetera militiæ munera reverti mallet. Quamobrem eò res utrinque altercando deducta eſt, ut Vaſtius, qui multis de cauſis Cæſari obtemperare velle videbatur, vel rebellibus nullo pacto vim admovendam eſſe iudicaret, ſed imperandum populis pecuniam, quę ſeditioſo, ac ob id atroci poenam merito militi præberetur. Ea imperata, ad ſummam undecim myriadum, quum paucorum dierum ſpacio exigi non poſſet, neque milites promittenti duci fidem adhiberent, Vaſtius non recuſavit filium eis obſidem tradere, ut interim dum repræſentaretur pecunia à maleficijs abſtinerent. In ea tranſactione cautum eſt, ut milites à Gallia Ciſalpina de-

decedentes, uti iubebat Cæsar, navali bello, quod tum adversus Turcas enixe parabatur, operam navarent. Deducti itaq; sunt ad classem, quæ in Liguria exornabatur. Fuere hi qui classem impleverunt circiter quinquaginta milia hominum. Reliqua verò pars per Tridentinas Alpes in Germaniam est traducta, ut in Pannoniæ præsidijs disposita Turcarum incursiones sustineret. Accidit autem, ut quum secundo Eno flumine deveherentur, duo navigia illisa petris rapido profluente paucis enatantibus mergerentur, ita ut Cisalpinae Gallicæ homines à multis execrationibus eos ultore Deo magno meritis maleficij pœnas dedisse crederent. His fœderibus, quæ antea Romæ inter Cæsarem & Venetos, socio atque authore Pontifice percussa fuerant, & de congressu Cæsaris, & Francisci regis, Pontificisque protectione, Byzantij nunciatis, Solymanus, quum adversum se maritima arma parari prospiceret, Hariadenum Barbarussam exornare classem iussit, ut maturè Helleponto egressus hostibus occurreret, & quanta posset detrimenta, aditis, vexatisque insulis, Venetis inferret. Quo accepto imperio Barbarussa ingenti cura, laboreque classem refecit, deductisq; ad litora, quos antea descripsisset, provinciarum remigibus, navis implevit, atq; omni militari apparatu diligentissime instruxit. Helleponto, Gallipoli que proventus in Cretam insulam cum centum triginta navibus, quæ remis agerentur, cursum direxit: primumque omnium superato Cyamopromontorio, quod hodie Spatae nomen obtinet, Caneam urbem, quæ Cydonia olim fuit, adortus magnam suorum partem temerè exposuit: nam Gritio patritio prætore firmis præsidijs tuente urbem, Turcarum impetus eum habuit inconsultæ audaciæ successum, ut quum undiq; è mœnibus & propugnaculis cum multo reboatu maioribus, & minoribus tormentis peterentur, atq; Italicę duę cohortes eruptione facta perturbatos hostes invasisent, multis suorum amissis Barbarussa receptui canere cogeretur. Constat eum quum suos revocaret ad classem, nimia navalis pugnae trepidatione supra mille Turcas, qui longius prædatum à litore procellerant, deseruisse, qui ad unum omnes non multo post ab armatis Cretensibus interfecti sunt. Exinde Drepano promontorio, quod Melacham vocant, superato in Amphimaleum sinum, qui hodie nautis Suda est, classem intulit, quum Ioannem Morum totius insulae præfectum multis millibus Cretensium coactis, atque adiuncto Italicarum aliquot cohortium præsidium Cydonis opem celeriter allaturum didicisset: inde ad Rithimnam, quæ est hodie Retimum, urbem nobilem processit, pariq; eventu ab ea urbe munitissima repulsus est, quod priusquã triremes ad oppugnandum appropinquarent, Rithimnenses contortis in eas maioribus colubrinis, non parvoq; detrimento illato eas avertissent. A Retimo ad Dion promontorium, quod Fraschea hodie dicitur, profectus est, moxq; deflexit ad urbem Candiam, ab hoc Dionis promontorio decem millibus passuum distantem. Hæc urbs olim Cytheum fuit, hodieq; toti insulae nomen suum præbet. Hanc Barbarus contemplatus, quod eam longè omnium munitissimam rebatur adori, non est ausus: sed sese ad orientale insulae caput, quod est Salmonium, convertit, Ceciliamque oppidulum, desertum ab incolis, succendit, atque ita Cretensibus litoribus abscessit. Nam Vincentium Capellium Venetæ classis præfectum, qui iam Corcyram appulisset, Cretensibus rebus maturam opem allaturum intelligebat. Quade causa Alexandrum Bondemerium cum suo insigni galeone, atq; altero ingenti navigio, quod Barciam vocabant, omni tor-

mentorū copia, præsidioq; militum instructissimo comitante Pasqualico patritio cum viginti quinque triremibus Zacynthum pervenisse speculatores renunciabant. Per idem quoque tempus veluti maligno quodam exorto sydere, par diræ consternationis insania invalit Africanas Hispanorum cohortes, quæ aliquandiu meritis stipendijs fraudatæ, atq; ea frustra postulantes seditiosè tumultuari apud Guletam cœperant. Propterea Bernardinus Mendocius Hispanicæ classis præfectus non temerè Numidarum atq; Afrorum propter incertam gentis fidem, arma veritus, quum seditiosorum tumultum, oratione & precibus sedare non posset, ea labe hominum exonerare Africam cogitavit, ita ut eos omnes in Siciliam transveheret. Nam eis neque stipendia a prorege Siciliæ, neque alimenta in ipsa summæ fertilitatis regione defutura pollicebatur. Sed postquam in Siciliam pervenere, quod neque Ferdinandus Gonzaga prorex expeditam pecuniam se habere diceret, neq; Siculi tot externos hospites privato sumptu alendos æquis animis susciperent, Hispani, ut erant veterani ad sex milium numerum, agros atq; oppida impetu facto invadere cœperunt, indignantes quod ex forti fideliqu; tot Punicis bellis navata opera, ingratiè demum speratis stipendijs excluderentur, nec quibus inferam vitam cōfecti vulneribus & morbis, & egentes tueri possent, ex agris, miniq; benignis incolis alimenta reperirent. Quibus de causis necessitate quadam eius flagitiosæ secessionis scelus obtegentes, signa & duces atq; signiferos dele-
runt, & qui erant iuxta Messanam apertos pagos diripere aggressi sunt, celsereq; eis in prædā ante omnia vici nullis obsepti muris, Castaneta, Montefortis, S. Lucia, quorum incolæ ad munita oppida confugientes, & de suis incommodis frustra conquerentes atrocis & verè hostilis iniuriæ famam excruciorum impotentis impetu per totam Siciliam excitabant. His scedè direptis ad Castrum, munitum oppidū perrexerunt, murumq; undiq; corona expugnatæ conati defendētib; sese Castrensibus ita repulsi sunt, ut amissis ad quadraginta militibus, multisq; relatis vulneribus, quod fortè sæva tempestas cum denso imbre exorta sclopettorum funiculos extingueret, re infecta se recipere coacti sint. His cognitis rebus Gonzaga, Alvarem Sandeum, castrorum magistrum, qui incolas Siculos in unum cogeret atq; armaret, & in seditiosos imperum lacturi speciem præberet, in loca opportuna præmisit. Sed usq; adeo his pagorum direptionibus elseratæ erant Hispanorum mentes, ut proregis deprecationes, atq; imperia contemnerent, nullamque pacati animi, ut redire ad sanitatem se velle ostenderent, significationem darent, sed effusius quotidie atq; crudelius in Siculos grassarentur, uti tum accidit, quum Sandeus cum armata agrestium multitudine in conspectum se dedisset. Hispani nihil his territi minis, minime dubitarunt, quin interiectam vallem illico transirent, factoque impetu, omnem eam Siculorum turbam profligarent, & in præaltos montes aufugere cogerent. Exinde præsectorum & signiferos loco, qui a seditiosis discesserant, nec tam fœdæ consternationis socij esse volebant, tribunos crearunt, qui electi dicebantur. Horum imperium triduo finiebatur, atq; eis alij succedebant, omnibus tamen qui certo perpetuæ potestatis iure præesset, quendam Hærediam cunctis suffragijs extulerunt. Hunc erudita facundia præpotentem, quod antea cucullatus sacerdos, & in sacris concionibus exercitatus fuisset, supremi scribæ & consiliarij munus implere iuebant. Huic autem attribuerunt rerum capitalium ministrum Mondraconem Cantabrū, qui oblatos quosq; equos arripiebat,

triebat, quos apparitoribus suis distribueret, exornataq; inde numerosa ala,
 ad parandos commeatus, rapiendamq; omnis pecoris prædam, regiones pro-
 ximas percurrerebat. Primum omnium Hæredia persuasit militibus, ut in Ro-
 cella oppido, quod nobilis Siculi è Spataphora familia ditionis erat, omnia
 impedimenta & sarcinas, scortaque & inutilem famulantium puerorum tur-
 bam deponerent. Quo facto ad oppidū Randatium, quod est ad radices Æth-
 næ montis positum (id olim Triatium fuit) hostili animo duxit. Randatiani
 ubi formidabiles ad se Hispanos venire cognoverunt, ad eos cum infulis sacer-
 dotes præferentes crucifixi Dei Christi vexillum, qui iniuriam deprecarentur,
 emiserunt, eisq; bina cœnobîa perampla, quæ erant extra oppidum, hospitali
 iure concesserunt, ita ut si à maleficijs temperarent, quotidie ab oppido se ciba-
 ria gratuito summissuros pollicerentur. Confederunt satis æquo animo in cœ-
 nobijs Hispani: sed fortè accidit iniqua oppidanorum sorte, ut Hispanus miles
 è muro glande sclopetto emissâ sit interfectus: quo casu faciliè permoti milites,
 non obscure exoptatam expugnandi oppidi occasionē arripuerunt: sic ut con-
 citati ad arma ad motis proximæ portæ ignibus, fores concremarent, & val-
 vas ardentes multo hastarum nixu intus propellerent, & in oppidum irrum-
 perent, quumq; media ferè nox esset in foro constitutis ordinibus nusquam
 discurrêdo consisterent. Tum vero animadversum est, oppidanos per adver-
 sam potam, quæ dudum semiobstructa fuerat agrè effugisse, & in domibus,
 non parvam rerum suarū copiam, et scēminas natu grandiores deseruisse: Atq;
 ita Hispani potiti oppido, Hæredia iubente partiti inter se hospitia, per regio-
 nes vigilias instituerunt, tresque ibi menses per hyemem usq; ad prima Veris
 signa opiparè & copiosissimè omnibus abundantes rebus hybernarunt. His
 tantis maleficiorum contumelijs affectus Ferdinandus, tamen vera vi, atque
 armis ea latrocinia coercenda, atq; omnino vindicanda existimaret, ad horran-
 tibus præsertim Siculis proceribus, & suam peracrem in conficiendo negotio
 operam pollicentibus, nihilominus alia prius ad sanandas seditioforum men-
 tes experiunda remedia iudicabat, quod veteranam atq; in victam militum ma-
 num, nisi multo cum sanguine, & funesto utrinq; successu superari non posse
 provideret. Neq; enim militibus pares videri poterāt Siculi, vel in universum
 viri acres armisq; dediti, ut qui semper inter se contentiosi sanguinariq; sint,
 & privatim quitq; lorica aut thoracem & galeam, vel in pace induat, & varijs
 atq; mortiferis quibusdam utatur telis, quæ in hostem eminens cōtorquentur.
 Ea sunt spari tripedales acuto præfixi ferro, & manubriatæ fundæ, quibus ex
 coriaceo nidulo volema saxa Balearico more iaciunt: & huius generis armato-
 rum hominū supra viginti milia se coacturū Simeon Vintimilia, Hieracensis
 regulus pollicebatur: vir quidē corpore pusillo, sed generosa animi magnitudi-
 ne præditus, & peramplis opibus potēs, qui vetustū Siciliæ decus adversus ex-
 ternos tueri magnopere cupiebat. Sed proregi Ferdinādo tum Cæsari, tum Si-
 culis calamitosum fore videbatur, si is tumultus temerè excitatus, uti accidere
 necesse erat, dubio & cruentissimo prælio finiretur, utpote qui reputaret sum-
 mis viribus milites, qui iustis & militaribus armis essent instructi, desperata sa-
 lute esse dimicatuuros, neq; Siculos multitudine sua, atque ineptis in acie fretos
 armis, veterani militis impetum diu laturos intelligebat. Igitur alio modo libi
 agendū ratus, ut seditiosos pacaret, & ex tuto eorū improbitatem atq; insolenti-
 am ulcisceretur, per idoneos eorum præfectos, qui apud contaminatum sce-

leribus exercitum remanere noluerant, & in officio apud proregem perſiſte-
 bant, agere cœpit. Hi fuere ipſe dudum caſtrorum magiſter Alvarus Sandeus,
 & Ioannes Vargas, & Sancius Alarconus, & Alſonſus Vives, qui apud mili-
 tes eximiam authoritatem obtinebant. Per hos agebatur apud milites, ut ad ſa-
 nitatem redire vellent, poſtquã prorex eis integra fide omnis malefici impu-
 nitatem promitteret, & quatuor menſium ſtipendia præſenti pecunia perſolu-
 turũ polliceretur: quod ſi milites ſibi uſquequaq; Siciliam magno Cæſaris in-
 commodo pervallũ ad ſam ſuſciperent, nemini unquã ad penates reditũ in Hi-
 ſpaniam fore, atq; omnes ſimul tanquam perfidię damnatos hoſtilia totius Si-
 cilię arma adverſum ſe publico edicto concitata infelicitè expeturos. His de-
 nunciatis Hæredia, fortunę ſuę ignarus, gravem & luculentam concionem ad
 milites habuit, facileq; perſuaſit, ut oblata ſtipendia accipere, & redire ad offi-
 cium, quã iratis Siculis obijci, notatiq; infamia patrię exilio mulctari malle.
 Suſtulere univerſi dexteras, & conditionem approbarunt, modo ſibi de impu-
 nitate caveretur: & multi quidem Gonzagæ ſeveritatem nõ temere veriti po-
 ſtularunt, ut ſibi liberorũ natu maximus pro obſide traderetur. Sed res dedu-
 cta eſt ad iuſiurandum, et ad ſacramenti religionem: eo pacto atq; ordine, ut a-
 pud vicum, cui Linguægroſſæ nomen eſt, medio ferè itinere inter Meſſaſonem
 atq; Randatium inſtitutis ſolennibus ſacris, & prorex & legati exercitus con-
 venirent, id magnoperè probante Ioanne Varga, quem pleriq; veteranorum
 parentem appellantes maximè colebant. Primos enim honores geſſerat in e-
 exercitu per annos viginti, quum Aurantius, interfecto ad Hiſpellum Ioanne
 Dorbino, hunc præcipuè Vargam illius ſigniferum ſupra cæteros Hiſpanos
 plurimum extuliſſet: ſic ut milites ſalutem ſuam fidei eius committere mini-
 mè dubitarent. Erant Hiſpanorum vexilla viginti quatuor, e quibus delecti
 ſunt ſinguli, qui ingenij ſolertia, & corporis habitu maximè præſtarent, & le-
 gatorum nomine cum ipſo Hæredia, dandi accipiendiq; ſacramenti munus o-
 birent. Itum itaq; eſt ad Linguægroſſam vicum, ubi præſto adſuit ipſe Ferdi-
 nandus, compoſitisq; rebus ſacra peragi cœperunt. Quum verò ad medium
 ſacrorum eſſet deventum, quo redemptoris Chriſti hoſtia populo oſtenditur,
 in eam præeuntibus verba hinc Varga, illinc Hæredia eo modo iuratum eſt, ut
 legati ſimul & prorex ipſe dexteras attollerent, atq; ita ea quam diximus de im-
 punitate atque ſtipendijs conditione tranſactum eſt. Accidit autem, ut quum
 à præeuntibus verba ad attollendas dexteras vocarentur, & legati omnes id ex-
 pedire ſeciſſent. Ferdinandus autem cunctantius facere videretur, unus e lega-
 tis nomine Villalobos præclare vocem attollens: Si cuncteris prorex, inquit,
 iurare, nec dextram ſyncero animo extendis, nos quoque ab huius ſacramenti
 fide diſcedemus. Tunc verò prorex oborto pudore præaltè manum extendit.
 Fuere qui ab ea proregis cunctatione exiſtimarent, eum pro conſcientia ſacra-
 menti votum ſuſpendiſſe, conceptisque verbis ex animo iuraſſe tam ſœdæ pa-
 ctioni, quæ vi neceſſitatis exprimeretur (uti eventus poſtea docuit) nequa-
 quam ſeſtaturum. Per hunc modum peractis ſacris & cunctis lætè ad ſtipulan-
 tibus conſtitutum eſt, ut cohortes per urbes atq; oppida ſpargerentur, ut com-
 modius ali, præbitisq; ſtipendijs in officio contineri poſſent, veteresq; præfe-
 cti quos diximus, ad ſua munia redirent, quorum iuſſis milites ex diſciplina ob-
 ſequerentur. Nec multo poſt ſingulæ cohortes ad Auguſtam, quæ Megara o-
 lim fuit, Syracuſas in Leontinos, Calatamque Hieronis, & Taurominium,

aliaq; oppida sub vexillis contendere. Quum esset Tauromini Ioannes Vargas, ad eum Gonzaga scripsit, ut ipsum Herediam atque Carantium, qui designandis hospitij apud seditiosos praefuerant, comprehenderet, victosq; sibi navigio celeriter Messanam devehendos curaret. Prestitit officium Vargas, & nihil tale timentes ambos, uti praecceptum fuerat, Messanam devehit iussit, ubi illico arctae custodiae traditi sunt. Ad alia quoq; oppida simili ratione Gonzaga perscripsit, ut singulae cohortes suum electum, qui sacris interfuisset, victum praefectis arcium traderent: atque ad unum omnes illi viginti quatuor diversis in locis uno tempore comprehensi, perductique sunt Messanani. In eos autem iustae iracundiae suae Gonzaga usque adeo severe & graviter evomuit, ut uno die damnatos ad furcas, latronum more laqueis suspendi iussit, ut furcae toto litore, ut a praeternavigantibus spectari possent, erectae sunt. Ex his altissimam Heredia detruncata prius per carnificem dextra, honoris causa promeruit, cui comites fuere hinc Mondraconius, atq; Carantius, illinc Villalobos, qui inter sacra iurantem Gonzagam arroganter interpellarat. Sed horum omnium supplicio conceptus alte dolor in Gonzaga expiari non potuit: dedit enim operam, ut quos maxime facinorosos extitisse didicerat, omnibus modis atque omnibus locis interciperet. Quam in re praefecti arcium, & praetores urbium, quum de scripto monerentur, operam sedulo praestiterunt, usque adeo diligenter, ut qui neq; excipi, neq; deduci Messanam poterant, custoditos necarent, & cadavera in subiectum mare proijcerent. Hoc enim incolumi sua fide ab his praesidibus peculiari suo iure fieri debere Ferdinandus censebat: quoniam qui antea quum arcium & oppidanorum praefecturas acciperent, Caesari sacramentum dicentes, se cunctis in rebus iustitiam obnixè culturos promississent, ideoq; in reos maiestatis, indicatis singulorum nominibus, lege agerentenerentur. Verum Alvarus Sandeus apud Messanam truculentiorē carnificinam instituit: nam multos, qui Messanam ad forum rerum venalium exornandi sese causa veniebant, vel invitatos ad cenam, & varijs modis per aleatores lenonesque pellectos comprehendebat, statimque per servos Aethiopes perneccatos in mare proijciebat. Id supplicij genus maturabatur spitamali quodam ligno, ad cervices laqueum intorquente, quod Hispani Garotum appellant: sic ut ad multa Siciliae litora, a Messana ad Taurominium, & inde ad Syracusas atq; Augustam, cadavera Hispanorum illisa scopulis, & sordē fluctibus lacerata spectarentur. Quare certius comperta reliqui Hispani tanto terrore concepto concuti coeperunt, ut plerique quæsitis frustra navigijs excedere insula niterentur. Interdictum namque fuerat omnibus nautis, ne quemquam militem navigio exciperent, aut alio aveherent, sic ut multi in ea cogitatione, abeundi que consilio mature comprehensi saeviente in eos Alvaro, scelerum suorum poenas darent. Ad extremum reliquam militum partem, quæ novis multiplicatisq; stipendijs exaturari nequibat, Gonzaga ipso Vastio multo severior inexorabiliorq; praebito menstruo stipendio, navibus avehēdos in Hispaniam imposuit. Quam ignominiam usq; adeo graviter milites tulerunt, ut postquā improbitatis atq; perfidiae notati in patriam aveherentur, animis contumeliā ferre nō possent, cōmilitonumq; exemplo se laquei poena puniri male predicarēt. Ab hac tāta animadversione in seditiosos carptim patrata, eā Ferdinandus sui nominis famā tulit, ut Siculi suis cōmoti iniurijs, singulas cohortes tanq̃ maleficientissimi generis hominū ex vetere disciplina decumari debuisse

na decubuisse prædicarent: Hispani autem eum tanquam hominem præduræ
 severitatis, & supra æquum inhumaniter atrocem, avidumque prorsus Hispani-
 nici sanguinis in occulto maledictis laceratum diris execrationibus onerarent,
 & ex adverso ab recēti facti memoria, Vastij lenitatē pari seditionis crimine
 offensi, laudibus immodicis in invidiam proregis attollerent, qui ea in rema-
 ximè benigna ingenij temperie usus, necis pœnam delicto graviolem iudicaf-
 set. Ideoq; tantum monendo molliendoq; animos militum, & stipendialibere-
 raliter persolvendo, totū compescendę tollendęq; seditionis negotium ex sen-
 tentia cōferisset, utpote qui Hispanico sanguine progenitus, extra omnē pœne
 suspicionem universæ consternationis maleficia sincera fide singulis condo-
 nare, quam ullius omnino sui militis sanguine generosas manus scelerare malue-
 rit. Ceterū tantū absuit, ut id Gonzagæ factum à Cæsare minus probaretur,
 ut præclare ei succenseret, quod indulgentius agendo cohortes singulas nequa-
 quam repetita severitate decumasset, & in Vastio indignam iusto militarique
 duce ineptē quæsitam clementiæ laudem effusē detestaretur. Quo iudicio Cæ-
 saris & Vastius multum de pristina sua apud Insubres gratia amississe visus est.
 Gonzagā verò ipsum vel indignantibus Hispanis ad amplissima præmia pro-
 vectum fuisse constat, quum ex adverso nonnihil de concessis antea stipendiis
 atq; muneribus, Cæsaris iussu, per quæstores Vastio detractum fuerit: Gon-
 zagam tamen Hispaniæ magistratus ad dicendam causam citarunt. Verū
 comparatis ad defensionem luculentis orationibus, ut in Hispaniam profess-
 ceretur, & iam navigaret, prohibuit Cæsar, ne pervulgata per Hispanias tot
 scelerum & suppliciorum labes, animos provincialium altius offenderet. Nec
 multo post Sicilienses cohortes collatis quæstorū indicibus, quibus nomina
 militum describebantur, circiter trecentos commilitones desiderarunt, atque
 hæ transvectæ in Italiam, classem Cæsaris apud Tarentum atque Brundisium
 conscenderunt. Sunt qui asserant Sicilienses cohortes, non quum statim ab A-
 frica transvectæ in Siciliam fuissent, seditionem ad Randatium miscuisse, sed
 quum sequenti anno post maritimam expeditionem in Siciliam reportatæ fu-
 issent: verū nihil ad rei notitiam pertinere putamus, an tum, an postea admis-
 sæ seditionis pœnas penderint. Eo siquidem tempore antecedentibus Vene-
 tis, Andreas Auria superato Messanæ freto, sublatiſque passim militibus, ad
 Corcyram insulam cursum intendebat: eò namq; Vincentius Capellius cum
 imperio atque universa Venetorum classe pervenerat, coniunctisq; eo modo
 classibus apparebat Barbaros tantam vim Christianæ classis non esse laturus,
 & congressum & pugnam omnino vitaturos. Tum enim Hariadenus Barba-
 ruffa Ambracio sinu cum tota Ottomanica classe se continebat, & de adventu
 nostræ classis certior factus, ut illac nostri intrarent propter arctas fauces ex-
 clare videbatur, tanquam ex æquissimo loco dispositis utrinq; tormentis in-
 trantes oppressurus. Paulo siquidem antè Grimanus Patriarcha cum Ponti-
 cijs triremibus à Corcyra progressus, ad fauces eiusdem Ambracij sinus, Pre-
 vesam oppidum in ipso Actiaco promontorio positum, ad motis triremium
 proris oppugnare adortus fuerat. Sed is conatus explorandi causa susceptus,
 eum habuit eventum, ut quum Iustiniana triremis Paulo duce audacter arctas
 intrasset fauces, atque aliquot hostilium tormentorum sinistro navis latere pi-
 las excepiſset, expositi sint in terram milites cum tribus tormentis, quibus & à
 terra, & à triremibus aliquandiu quassatum Prevesæ castellum fuerit, sic ut
 appa-

appareret expugnari potuisse, nisi Turcæ, ab Aetolia acciti, ab obsessis cum valida equitū & peditum manu supervenientes, nostrosq; magno clamore edito aggressi aliquot interfectis & vulneratis, reliquos in mare umbilico tenus ad scaphas triremium cōfugere coegissent: quanquā Alexander Interamnias, peditum præfectus, vel graviter faucibus aliquandiu constanter Turcarum impetum sustinisset. Per hunc modum Patriarcha repulsus, sublati in naves, quæ exposita fuerant tormentis, Corcyram rediit, nihil eius consilij pertæsus, postquam quales essent angustiae sinus explorasset, atque hostium classem toto sinu ad anchoras stantem ex propinquo prospexisset. Concesserant tum classes nostræ in Gomuntiae portū, quæ est contra Corcyram in continenti, ad eum locum uberrimæ aquationis, qui antiquitus Regij fontis nomen tulit, atq; ibi præfecti omnes, quidnam primum tentandum foret, dictis sententijs consultabant. Referente autem, quæ viderat, Patriarcha, ante alios Ferdināus Gonzaga eius erat sententiæ, ut expositis militibus atque tormentis Preveise castellum magna vi expugnandum censeret. Quo expugnato, constitutisq; in promontorio, castelliq; ruinis maioribus tormentis elabi non posse hostem, atq; eius classem summis detrimentis affici atque deleri posse discebat. Nam ut egressus hosti totus eriperetur, in ipsis faucibus onerarium navigium lapidibus magnis minutisq; repletū demergi subebat: atq; item tres galeones, qui erant e tota classe tormentis instructissimi contra ostium earū faucium produci constitutiq; valido atq; obliquo rudentum nexu in anchoris iubebat, ut si Barbari sinu evadere in altum conaretur innumerabilium pilarum procellam in limine faucium exciperet, atq; ibi omnino demergeretur. Ad ea Auria respondit, id Gonzagæ consilium dictu quidem speciosum, sed factu, atque exitu periculosum atq; difficile videri. Nam primum omnium exponere in terram milites ancipitis periculi rem esse, quod credi par esset, Aetolicas copias, uti dudum Grimano teste fecerint, minimè defuturas, quin oppugnatis atque obsessis suis maturam opem ferrent: quorum superventu nostros pedites vim incumbentis equitatus ægrè toleraturos appareret, & si quid eis iniquo in loco opinione durius accideret, naves profecto onerarias destitutas militari præsidio, quod esset inferrimum, hostibus præde futuras. Ipsi porro peditatui iam in terram exposito grave periculum imminere: nam si aliqua autumnalis tempestas ita incideret, ut onerariæ naves pariter, atque triremes à scopuloso litore se recipere, & altum ad salutem vela dare cogerentur: unde tum suppeditari posse alimenta, non modo desertis inimico in litore, sed ingruentes undique hostes pugnando sustinentibus. Id certè evenire posse nemo maritimarum rerum peritus dubitavit, sic ut fortissimis viris spes omnis receptus, & fugæ importuna malignitate subitæ tempestatis eripi posse iudicemus. Cælum quidem autumnale ex mutabili natura temporis ad repentinos ventorum turbines edendos paratum non insanis nautis esse pertimescendum, uti iam multis recentium naufragiorum exemplis compertum esset. Propterea si hostis extra sinum ad pugnam elici non posset, ipsis tutius atque utilius videri, superari Leucadem, ipsamque Neritum saxis asperam, & directo cursu in Naupactum sinum classem inferre, ubi & expugnari posse Naupactum oppidum, mœnibus non magnopere munitum, & multa obiter oppida, quæ ad intimum sinum Corinthiacumque lithmum pertineant, impunè diripi atque evastari posse, Græci homines prolixè confirmarent, quod na-

vigationis iter si teneant, accidere posse ut Barbarussa vel pudore adductus, vel ingenti periculo permotus, sinu egrederetur, & conferendæ pugnae facultatem ipsis optantibus & paratis præberet. Hanc gerendi belli rationem quam Gonzaga propositas difficultates infirmare & tollere contenderet, Capellius ipse & Patriarcha probare visi sunt, utpote qui maritimo potius quam terrestri conatu audendum esse censerent, subitaque tempestatis pericula potius quam hostes, quos æquo mari contemnebant, non temerè formidarent, Naupactumque si expugnaretur, quod Veneti imperij Methonensi bello fuisset, ipsis ex lege fœderis accessurum sperare possent. Exinde Auria constitutis totius classis ordinibus è Gomenitiæ portu profecturus, onerarijs navibus, 10 quæ erant septuaginta duæ, Francum Auriam gentilem & propinquum suum præfecit, quod magni usus maritimis in rebus haberetur. Ex his tamen quatuordecim Alexandro Bondelmerio attribuit. Is enim universam ancire classem & Franci navigationem observare iubebatur. Sed quinque etiam triremes (eæ siquidem in universum erant numero centum & triginta quatuor) delectæ sunt, remigio & velis maximè agiles atque expeditæ: proptereaque speculatoriæ vocabantur, quæ galeonem contra sinus fauces dare anchoras, & consistere iussu præcederent, atque hostilis classis motus explorarent. Turcæ namque triremes quatuor cum expeditis totidem biremibus sinum egresse per fauces in altum evaserant. Sed conspecto galeone ut triremes nostras, quæ 10 adversum se directis rostris impetum facturæ videbantur, effugerent, eludendo rursus intra fauces se receperunt. Itaque Auria dato signo, ut reliquæ classes consequerentur, ad Prevesam contendens, universas triremes extendit, ut ab hostibus facile numerari possent: quoniam si minora navigia suopectu voluntateque classem comitantia recenserentur, iusta supputatione supra quinquaginta & ducentorum navium numerum implevissent. Quo spectaculo magnus (ut aiunt) timor Barbarussæ animum incescit, qui tametsi natura intrepidus, nostrorum virtutem & disciplinam non magnoperè formidandam putabat: ingētis tamen classis amplitudine atque apparatu vehementissimè permovebatur. Neque enim maior à priscis temporibus in Ionio nostrorum classis 20 conspecta fuerat, ita ut quidam Eunuchus ex Solymani ianitoribus Barbarussæ comes datus, eum cunctantem subtimideque perplexum inurbanis & plane superbis verbis insolenter obiurgaret, quod in provocantes Christianos & pugnam cientes, non statim sinu erumperet, atque eos adoriretur: quia in re non salutem suam, qui conspectum hostis ferre non posset: sed Solymani imperatoris decus respicere deberet, qui gloriæ suæ multum splendoris ea turpi cunctatione detrahi nollet. Pro dignitate siquidem Ottomanici nominis experiri 30 das esse vires. Nam si bello fortis & pugnax esset, uti profiteretur, non desperandam esse victoriam. Quod si fortuna votis virtutique Turcarum invideret, non defuturos Solymano trierarchos, ipsis si vincerentur meliores, & Ponticas sylvæ 40 vastantam ad cōficiendam classem materiam suppeditaturas, ut duplo maior & ornatior viris atque remigibus classis edificari facile posset. Postremo id quoque addidit Eunuchus, Barbarussæ cavendum esse ne metu honestissime mortis, quæ adverso etiam prælio esset incerta, ab irato Solymano fœdæ necis periculū subiret. Nec mora vociferante adhuc Eunuchō, conversus ad Salechum archipiratam: Ergo, inquit Barbarussa, vir fide virtuteque præstantissimè, nobis ut video, vel iniqua conditione pugne fortuna tentanda est, ne huius semiviri

latrantis delatione pereamus, atq; ita classem educere coepit, quum iam Auria ad Leucadē vela flecti iuberet, ratus hostem his faucibus timore prepeditum egredi non ausurum. Tenebat propositæ navigationis cursum Auria, & secundo usus vento ad Leucadē provehebatur, quū a speculatoribus, qui in carchæio summi mali galeonis Bondelmerij constituti erant, Auria significatū est, hostilē classem exire sinus angustias & sinistrorsum secundū litus flecti. Hanc oram, quā Barbaricæ classis sinistrum cornu lambebat, paulò antè Grimanus præoccuparat, eo consilio, ut si hostis ab angustijs prodiret, cōmoditate litoris excluderetur. Sed non multo post iter mutare iussus, atq; inde recedens ad reliquas sociorū triremes se contulerat, atq; ita evenit ut Barbarus terræ litus obtineret. Nam callido pro necessitate utens cōsilio, si ab nostra classe impotenter urgeretur, proris in hostes obversis terræ puppes applicare, expositisq; militibus a terra classem exarmatā viris atq; tormentis, uti usus posceret, mitiorē navigiorum, quā virorū iacturam fore iudicans, defendere decreverat. Cæterū Auria ea erumpentis hostiū classis significatione cōmotus, ut qui iam triremes ad stationem sub Leucadē, quæ Sueisula dicitur, adegerat, tametsi quod non putarat accidisset: animū tamen egregie componit, & classem uti imperatum antea fuerat, ad ineundam pugnam comparare sese, & prætoriae suæ signa sequi iussit. Iam tota Turcarum classis in apertū pelagus evaserat, eo ordine, ut

10
20
30
40
50
60
70
80
90
100
110
120
130
140
150
160
170
180
190
200
210
220
230
240
250
260
270
280
290
300
310
320
330
340
350
360
370
380
390
400
410
420
430
440
450
460
470
480
490
500
510
520
530
540
550
560
570
580
590
600
610
620
630
640
650
660
670
680
690
700
710
720
730
740
750
760
770
780
790
800
810
820
830
840
850
860
870
880
890
900
910
920
930
940
950
960
970
980
990
1000

Hariadenus ipse mediam teneret aciem, ubi eius prætoria purpureis pluribus vexillis exornata cōspiciebatur. Dextrum latus obtinebat Tabaches: sinistrum vero Salecus pari propè triremium numero instructi, qui Tunetanis præliis inclaruerant. Nam eo die Barbarussā produxit octoginta septem triremes: biremes autem rostratas circiter triginta robore triremibus pares: leviores verò triremes & mioparones tot erant, ut navigiorū omnis generis centū quinquaginta, quæ remis agerentur, summā efficerent. Mediæ autem aciei cohærebant cornua, tanto ordine, ut quo verteretur prætoria alas extendentis aquilæ speciem præberent, fatēreturq; mirabundus Auria, sicuti hæc cum postea narrantem audivi, neq; habilis, neq; firmitus, aut omnino decentius classem à perito duce educi potuisse. Antecedebant Barbarussæ classem triremes circiter viginti, partim rostratæ, partim leviores, quæ omnium erant velocissimæ, cui præerat Draguthes archipirata, multis postea in nostros maleficijs clarus. Constat Capellum ineundæ pugne avidū, e sua puppe in scapham descendisse, adventūq; ad prætoriam Auria, illum compellasse his verbis: Quid tibi, inquit, princeps, hac proposita prælii edendi longè pulcherrima occasione faciundum sit vides: ego certè, si me fortè cum Venetis triremibus te gnaviter sequuturum dubitas, iam à te ad declarandam Veneti senatus voluntatem, studiumq; meum primam aciem deponco, primaq; prælii pericula fortiter subibo: splendidumq; thoracem, quem induerat, ostendens, & palma pulsans: in hoc enim uti pium & impiigrum decet Venetum præfectum, aut gloriosè vincam, aut victus honestissimè occumbam. Egit gratias Auria, laudatoq; eius ingenti studio, rogavit, ut se præeuntem subsequeretur, & quid fieri oporteret, intētus observaret: se enim quid fieri vellet, opportunè signum daturū. Iam prima biremium manus ad galeonē appropinquabat, & aliquot triremes à Saleco missæ, id ingens navigiū oppugnabant: ea tamen conditione, ut quū non multū appropinquaret, nec ob id multum nocere possent, neq; in eos pariter è multo spatio Bondelmerius tormenta contorqueri sineret, non multum utrinq; proficeretur. Ex-

pectabat enim vir rerum naualiū apprimē peritus, vt propius accederetur, ex improviso ſæuam omnis generis tormentorum procellam in ſubeuntes effuſurus. Neq; cum ſefellit opinio: nam Turcæ audacius accedentes, adeo graui glandium & pilarū grandine perſuſi ſunt, vt inhibere remos, & magno accepto detrimento trepidē ſe recipere cogerentur. Auria interim reuocabat naues, quæ præceſſerant, & galeonem ſuum remulco protrahi iubebat, & triremium trierarchos intercurrentibus per nauiculas nuncijs hortabatur, vt ſeſe animis ad ineuridam pugnā confirmarent paratiq; eſſent ad imperia, quū tubæ canu atq; explicato maximo vexillo ſignum daretur. In eo autem conſilio, decretoq; erat Auria, vt niſi onerariarū nauium fretus præſidio, conſligendum ſibi non eſſe iudicaret, vt poſtea confirmatione maiorum minorumq; ducum, qui adorant, didicimus. Idem pariter aſtutus hoſtis prouidebat, qui pari vtrinq; triremium concurſu procul ab onerarijs, quæ caſtellorum erant inſtar, dimicare cupiebat. Nam tum fortē ventus omnis ita ſubfederat, vt æquora ad edendam nobilem pugnam pacata fluctibus & planē conſtrata præberentur, et Patriarcha prouectus ad Auriam eam inuadendi, delendiq; procul dubio hoſtis facultatē non prætermittendam prædicaret, tantoq; ardore vociferaretur, vt propinquiores trierarchi inuitantis vocem audirent, maximeq; mirarentur quod Auria rem prælio committere dubitaret. Is enim onerarias naues in vnum coeuntes ingentibus gyris atq; meandris ſubſequentē triremium ordine circuibat, & ex nauali peritiā, nouum aliquod atq; inexpectatum hoſti facinus editurus videbatur, ſic vt id ipſe perſpicax & minimē præceps Barbaruſſa, vt poſtea compertum eſt, facile crederet. Id Auria crebro rotatu claſſem ſuā circuens, earum faciebat, vt ad ſe hoſtiles triremes perliceret, & in prouectas e caſtellis exciſiarum nauium propius & certius tormenta dirigerentur, atq; ipſe demū in perturbatas, quæ erat certa vincendi ratio, directis proris inueheretur. Interim ſubſiſtente Barbaruſſa, & quorſum ea hoſtis flexuoſa nauigatio recideret ſpectante, quod dolum aliquem ſuſpectaret, cornuum ſuorum triremes, iam vergente ad occaſum ſole, diuerſis in locis rem gerebant, pars in oppugnando galeone fruſtra perſeuerabat, pars aggreſſa onerarias duas, in quarum altera Buccani³⁰ gra cum ſua Hispanorū cohorte vehebatur, in altera erat Macinius Mongaia Cantaber, vſq; adeo grauiſſe coniectis in eas pilis afflixerat, vt perrupto malo incenſisq; velis, & multis Hispanorū & nautarum interfectis, periturę crederentur. Alia verò pars duas onuſtas commeatibus circumuentas naues, quarum altera erat Venetia, altera Dalmatica, coniectis ignibus concremaret: paucis in ſcapulis deſilientibus, aut ad propinquas ſociorum naues adnatantibus. Duas etiam triremes ſub ipſum crepuſculum, quæ lentiore utebantur remigio Salecus interceptit, quarum trierarchi erant Mozenicus Venetus, & Bibiena Etruſcæ ſtirpis vir ſacratus. Secundum has triremes capta eſt Aloisij Figaroæ⁴⁰ Hispani nauis, tamen ſuæ cohortis milites aliquandiu pugnaciffimē ſe defendiſſent. In ea captus eſt cum ipſo Figaroa patre filius adoleſcens nobiliſſimæ formæ, qui poſtea deductus ad Solymantum Mahometis ſacra ſuſcepit. Is quum principis cubiculo aſſueuiſſet, poſt tertium carceris annum miſero patri libertatem impetrauit, donatumque liberaliter in Hispaniam remiſit. Tum verò cum tonitru turbatis nubibus grauis imber & procella flantibus Euri exorta eſt. Nec dubitauere noſtri, quum vidiffent Barbaros attollere dolones, quin & ipſi præuente Auria dolonibus ſimul et maioribus expansis velis, ſe in
de expli-

de explicarent, & quò ventus ferebat, ad Corcyram unde venerant verterentur, usq; adeo dissipatis agminibus, ut intèto etiam remigio nequaquam se recipere, sed confusè & turpiter effugere viderentur: sic ut Auria tanti usus, tantæq; peritiæ, & tantæ deniq; existimationis mari dux, eo die nullus Imperator extiterit. Ferunt Barbarussam nostros eodem vento ad aliquantum spacium persequutum, nec quem hostes elabendo cursum tenerent, per tetebrias planè cernentem substituisse: quoniam nostri duces in singulis suis prætorijs lumina extingui iussissent, quæ erectis ad puppem ingentibus laternis præferri solita sunt. Proinde ipsum in cachinnum versum sæpe repetisse hæc verba Hispanico sermone prolata: Ergo Auria lumen abijcit, ut certius fugam suam tenebris recondat? Quasi miraretur nostros tanquam magno metu occupatos, omnis decoris, modo se eriperent, oblivisci, quam manus conferere maluisse. Ea verò apud omnes Corcyræ applicantes opinio fuit, ut præclaro oborti repentè venti beneficio, vel cum ignominia è summo periculo se ereptos faterentur. Cæsariani autem præcipueque Ligures, ut Auria nomen ab omni infamia vindicarent, tam foedi exitus culpam ex obliquo in Venetos referebant, quòd ab initio præsidium Hispanorum militum, quòd distribui in Venetas triremes debebat, ut propugnatoribus firmiores in congressu hostium evaderent, superbe repudiassent. Venetis namque triremibus non planè confisum Auriam, & propterea temperasse à prælio diserebant: ob idque præsertim, quòd evadente angustias Barbarussa, illæ fermè omnes collectis velis & per iuncos ad antennis subligatis, eas ad summitatem mali celeriter eduxissent, scilicet ut repente præciliis iuncis, expedita ad quem vellent fugæ cursum vela ventis inflant da præberent. Quum in ea mutui erroris obtrectatione, mœsticiaq; & dolore turpissimi eventus versarentur, Macinij Cantabri navis, vel quæslata perforataque quæ periisse credebatur, Corcyram applicuit: eius autem Macinij miræ constantia fuerat defensa. Nec multo post ipse Barbarussa non contentus nostro dedecore, nec hostes inopinata procella sibi è manibus ereptos æquo animo ferens, ad Paxum insulam provocabundus ad pugnam pervenit. Ea insula nonnulli ferè stadijs ab ultimo orientali, quòd Phalacrum olim fuit, Corcyræ promontorio distat: sic ut exprobrare nostris fugam, & si è portu prodirent, cū eis acie congressurus esse videretur. Quamobrem Gonzaga fremens, ut qui superbi hostis arrogantiam ferre non posset, singulos adijt duces, rogavitque, ut pro dignitate Christiani nominis animos viresque componerent, & feliciore virtute insolentis Barbari vim omnino retundere niterentur: resque eò deducta est, ut Capellius, quòd antea nihil tale iubente senatu suscipere recusarat, Hispanorum certa præsidia quæ præferrentur, se in triremes recepturum polliceretur, quaternaue acie Barbaros invadere decernerent. Quartam enim aciem Ferdinando Gonzagæ honoris causa attribuerant. Verum hæc consultatio tam diu prolata est, ut Barbarussa adversam circa nonas Octobres metuens tempestatem retrocederet, & sibi abundè satisfactum existimans in sinum Ambracium reverteretur. Ab ipso autem hostis discessu de expugnando Dyrrhachio cogitatum est: sed quum à Capellio totius Dyrrhachini litoris stationes navigijs malè fidæ prædicerentur, non multo post in Rizonicum sinum, quem Catareum vocant, cursum direxerunt, ut Castronovum Turcicæ ditioris oppidum, in eo sinu positum expugnarent. Ea enim forma est & natura sinus, ut tutissimum atque ingentem præbeat portum, mareq; sese ad Orientem

intorquens in intimo recessu Catharum, oppidum Veneti imperij alluat: sicut per quasdam fauces, quæ protracta cathena præcludi possint, nauigij adca-
tur. Totaregio apricis, & egregiè cultis collibus peramœna est. Sed Catharum, obstantibus ad dextrâ montibus, ita opacum redditur, vt incolæ sub brumam breuissimis solibus vtantur. Castrum autem nouum, quod multis antè annis Chersego regulo a Mahomete fuit ademptum, apricius est, sed nequaquam Catharo munitius. Castrensiu ædificia ab infima oppidi parte, quæ mare al-
luitur, & turritam munitionem instar arcis habet, per dorsum collis assurgunt. In summo autem Castellum habet natura potius, quàm arte munitum. Oppi-
dani partim Dalmatici, & partim Epirotici sunt generis: sed qui iampridem¹⁰ immixti Turcis à Christiana religione defecerant: mercaturæ student, & par-
uis nauigij quæstum faciunt. Nulli Turcæ milites erant in præsidio, quum
binæ tantum quas diximus infimæ munitionis & superioris castelli arces, a
paucissimis Turcis custodirentur. Itaq; intrantibus sinum clasibus, magna
vt motis tormentis, priusquam oppidum ab incolis aliquandiu defensum
caperetur, socij nauales Venetæ claslis per remos murum scandentes ad in-
nam partem intrarunt, & mox ab expositis Hispanis oppidum quoq; per p-
muro captum est, quum ibi duo insignes cohortium præfecti Buccaniga
Hispanus, & Cæsar Iohas Firmanus interfecti cecidissent. Multa etiam oppid-
sed nequaquam pretiosa domesticarum rerum præda fuit: sed ingens omnis¹³
ætatis & sexus incolarum multitudo in seruitutem abducta est: quanquam
multi ex his nunquam se à cultu Dei Christi discesisse dicerent. Triduo post,
superius castellum præsidarij Turcæ frustra pacti incolumem fore libertatem,
& vitam, dediderunt. Quum id oppidum communibus viribus captum ex
fodere Venetis deberetur, occupatum est ab Hispanis, quos Auria Ferdinan-
dusq; Gonzaga extra Italiam alere cupiebant. Itaq; vel ægrè permittente, &
e Venetis super ea re senatus consultum expectari debere frustra postulante
Capellio, Franciscus Sarmentus cum quatuor millibus veteranorum mili-
tum, qui apud Insubres à scelerata secessione, regionem ad Galatium oppi-
dum peruastarant, Castronouo præpositus est. Eam rem molestissimè tulisse
natus, quod id oppidum communibus partum armis non sibi ex lege foderis,
sed Hispanico præsidio concessum fuisset. Suspectabat enim Hispanorum in-
genia auida imperij, atque assueta rapinis & maleficijs, tanquam ex occasione
Catharensium rebus vim allatura: vsq; adeo indignanter eam iniuriâ patris
æstimantibus, vt auerso à Cæsarianis animo susceptæ eius detrimentolæ expe-
ditionis singulos patres pœniteret, & decemuiri in spem pacis inducias à Soly
mano petendas esse decernerent: quæ vel ob id opera Laurentij Griti, iqui An-
dræ principis fuerat filius, benignè atq; celeriter impetratæ sunt, quoniam
Galliæ regis legatus Antonius Rinco Byzanti purpuratos opportunè docue-
rat id fœdus, quod apud Neapolium cum Cæsare à Venetis dissentiente multo¹⁴
maxima senatus parte perculsum fuisse, inuitisq; demum ferè omnibus id re-
cens bellum susceptum esse memorabat. Quum hæc agerentur, nunciatum est,
Barbarussam, vt Castrensis opem ferret, eduxisse classem: sed quum ad Sa-
xonem insulam peruenisset, aduersa tempestate oborta non modo retentum
fuisse, sed aliquot triremium, quas atrox ventus Africo atq; Austro permixtus
Acroceraunijs cautibus illisisset, iacturam fecisse diceretur: vti facile appare-
bat ex armamentis, eiusque naufragij fragmentis, quæ toto fere Dalmatico
litore

litore natantia & eiecta visebantur. Ea re certius cognita Capellius eius animi fuit, ut eductis classibus Barbarussam eo incōmodo perturbatū persequeretur, cui cōsilio favebat & ipse Gonzaga, qui amissum decus ad Leucadē nobili aliquo facinore edito redimendum esse disserebat. Sed Auria multis de causis tanquam importuni ausus consilium facile improbens, sibi in Italiam redeundum ita statuit, ut continuo vela ventis daret, plurimum indignante Capellio, qui advocatis suæ classis trierarchis omnibus contumeliosam rationem in Auriam effudit, ita ut seipsum detestaretur, qui se alieno imperio subiecisset, eosq; moneret, ne unquam externi cuiusquam præfecti imperia subirent, postquam

10 vel ignavia vel malignitate homo Ligur, Veneti nominis antiquus hostis, conceptæ atq; exploratæ victoriæ deesse, & Italicæ navalis disciplinæ existimationem, scēdo importunæ cessationis & fugæ exitu dedecorare voluisset. At Auria consilio apprimè gravis hæc verba, atque hosce vel adversos de se rumores facile contemnebat, quum cuncta quæ ageret, ad commodum Cæsaris revocare esset solitus: ita ut per ironiam Valerius Vrsinus, qui tum aderat Venero stipendio addictus, nihil nisi peritissimè & consultissimè ab Auria administratum atque omnino gestum diceret, quando Venetos cum Solymano commisisset, & diuturno maximè bello ianuā, uti exoptare videri posset Cæsar, vel

20 ipsis nolentibus Veneris aperuisset: & id certè ne amisso quidem ullo navigio probe præstitisse iudicari deberet. Non deerant siquidem factiosæ malignitatis homines, qui interpretarentur id contractum cum Turcis bellum, magno Cæsari commodo cessurum, quod Venetos tanti irritati hostis vim terra marique diu non esse laturos appareret: ideoq; eos tanquam exhaustos opibus, atque pecunia, eò brevi redigi posse asseverarent, ut his terrestres eorum imperij urbibus, superioribus temporibus impotenter occuparint, aut vi, aut aliqua demum pactiōe, quam necessitas exprimeret, uti nuper conspirantium regum bello fecissent, decedere cogèrentur. Cæterum Castronovo capto, atque his, quæ diximus, Hispanorum præsidij Sarmiento duce impositis, atque obiter abeuntibus classibus eam in iuriam usque adeo graviter atque superbe Solymanus tulit, ut magno apparatu id oppidum, terra marique repetendum decerneret, augeretque iratus Veneris in Peloponneso copias, quibus & Nauplium & Epidaurus acriter oppugnarentur simul & vehementer obsiderentur. Singulare autem gaudium concepit, quod totius propè Christiani nominis classes, quas antea plus æquo magnificare erat solitus, adversum se coactas Barbarussa omnibus propè rebus inferior omni existimatione spoliatas, toto mari effugere coegisset. Incunte igitur Vere, Barbarussa refecit classem, & novos remiges in supplementum maritimis regionibus imperavit: atque eum, uti oportebat, propugnatorum ex Ianizeris præcipuè numerum, & exercitissimum quemq; ex alijs ordinibus, in classem descripsit, duasq; ingentes onerarias naves, quas Mahonas vocabat, ad ferenda totius tormentarij apparatus, & castrensis instrumenti onera celeriter ædificavit. Decretus quoq; est in id bellū dux alter, qui terram gereret Vlamanes Persa. Is bellicæ virtutis commendatione in demortui Vstrephi locum in præfectura Illyrica, quam Bosnensem vocant, suffectus fuerat. Hunc enim alibi a Tammaso Persarum rege transfugisse memoravimus. Hic operam dedit, ut septem minores Sanzachi cum eorum equitum assuetis turmis è proximis regionibus sibi adiungerentur, conduxitque non multa pecunia pedites eius generis, qui Haidones, V-

scochi, Martellosij, Chymeriotæ, & Morlachi vulgo appellantur: agreste ho-
 minum genus, syluis atq; nemoribus prædandi causa assuetum: sed durum &
 velox, indomitiq; vigoris aduersus omnes cœli iniurias, & in omne bellifa-
 cinus paratum atq; expeditum: utpote qui nudis pedibus, aut tantum carbati-
 natæ per rupes & cautes confragosarum vallium asperrimorumq; montium
 crepidines, mira, uti in capreis videri est, celeritate discurrant: & sagittis & fun-
 dis eminens, cominus autem præpilatis quibusdam sparis, paruisq; securibus,
 ab incipiti mucrone, quum eas nonnunquam contorqueant mortiferis, in
 hostes utantur. Hos enim Vlamanes, non qui pugnarent modo, sed qui opus
 facerent, munitionesq; erigerent, maximè idoneos (ut Turcis parceret) & pro-
 pè sibi necessarios existimabat, quibus omnibus Testegim Turcam præfec-
 rat, qui Habraimi Bassæ citharædus fuisse, & improba delatione illius damna-
 tionem maturasse dicebatur. Itaq; adulta ætate, quum Barbarussa educta Hel-
 lesponto classe in Rizzonicum sinum peruenisset, eodem tempore Vlamanes
 cum triginta millibus equitum & peditum in summis montibus sese ostendit,
 Barbarussa prius quàm primas sinus fauces intraret, Draguthem & Corle-
 tum piratas cum triginta validis biremibus, quas galeottas vocant, ad explo-
 randum præmisit, ita ut Castronoui mœnia accedentes, sinu quodam a tor-
 mentis se protegerent, indeq; aquatum ad proximum fontem, quem Arma-
 rium appellant, in terram exirent, in quos extemplo Sarmentus Macinum
 Mongaiam cum sua cohorte, et Lazarum Coronæum cum turma equitum e-
 rumpere iussit, commissioq; certamine Turcæ multis eorum interfectis & cap-
 tis terga dare, & ad Galeottas adnatare coacti sunt. Exinde Barbarussa appu-
 it cum nonaginta triremibus, & tribus quas diximus Mahonis, totumq; vi-
 duum absumpsit in exponendis tormentis, erigendisq; eorum munitionibus,
 quæ nisi noctu administrari perficiq; poterant, propter perpetuam tormen-
 torum omnis generis pilarum procellam, quæ in opus facientes ab Hispanis
 effundebatur, sic ut eo triduo Turcarum amplius mille tormentis icti interfe-
 ctiq; sint, in quæ & ipse cecidit Agis Hariadenus, qui in Africa ad Taioream
 urbem iuxta Tripolim sese regem effecerat: cuius morte Barbarussam non me-
 diocri dolore affectum ferunt, quod inter veteres amicos longè omnium pru-
 dentissimus atq; fortissimus haberetur. Barbarussa multo cum labore cædeque
 suorum perfectis quæ instituerat operibus, supra quinquaginta quatuor maio-
 ris generis tormenta promouit, in quæ erant duplices colubrinæ septem, stu-
 pendæq; item magnitudinis quatuor basilisci, qui ferreum amplius centum
 pondo globum euomebant. Reliqua erant eius generis quæ duplices mediq;
 canones vacantur: præter sacros & hierofalcones: atq; item mortaria quæ lapi-
 deas immanes pilas in sublime iaciebant, ut supernè decidentes terribili ruina
 domorum tecta deformarent. Ex hoc numero, uti oportebat, circiter quartam
 partem Vlamani impertitus est, ut à Septentrione diuersam a sua oppugnatio-
 nem institueret. Ipse enim ab oriente è triplici loco diuisis muneribus cum Ta-
 bache & Halileuano viro Hispano, qui iam pridem ad Mahometis sacra de-
 lapsus Tunctano priore bello singularem peritiæ militaris laudem eximiosq;
 inde honores apud Barbarussam & reliquos Turcas promeruerat, quater mu-
 rum coeperat. A mari quoq; Salecus ad motis triremium proris certum propug-
 naculi locum oppugnare iussus, eum ferendi muri tenorem seruabat, ut quoti-
 die sub auroram, & quum sol inclinaret in vespèram denis per vices promotis
 triemi-

triremibus murum verberaret. Vsq; adeo autem per aliquot dies acriter & continenter quassata sunt mœnia, vt Sarmentus vel opportunè intus contra procedentem murum noua munimenta noctu præcipuè erigens, ægrè patefacta loca refarciret, & tam multa tormentorum verberatione magnopere terreretur. Nam tametsi integros nouem menses vacuos à bello nactus, nihil parcendo militibus aduersum hostes, quos omnino venturos ad oppugnandum ominabatur, nouos aggeres erexisset, & reliqua in rem opportuna opera perfecisset: duabus maximè de causis angebatur, quòd saxeo in loco glebam & cespitem ad construendas ex disciplina munitiones desideraret, nec à quoquam maturam opem sibi afferri posse speraret. Nam tametsi ab Auria, qui Brundisino in portu Cæsarianam classem continebat, duo nauigia onusta commectibus, atque his rebus, quæ ad apparatus tormentorum pertinerent, superioribus diebus acceperat, multaq; adhortatione ipsius Aurie subsidia pollicentis fuerat confirmatus, nihil tamen eum deducta in pugnae periculum classe, qua ipsi subueniretur, tentaturum arbitrabatur. Itaq; quum Sarmentus tot ruinis vno tempore vario in loco sese opponere conaretur, Turcæ per amplam turre, quæ muro interiore quadrato cingebatur, potiti sunt: eo successu, vt ad terrendos nostros in fastigio Barbaricum vexillum erigerent, atq; ex ea munitione, quæ erat circa turrem, sclopettis atque sagittis primò, mox etiam tormentis inde collibratis Hispanos impeterent. Quum impigrè resisteretur à nostris, Sarmentus ad ima fundamenta cius munitionis cuniculum agi iussit, quem vulgo Minam vocant, vt suppositis ex tormentario puluere ignibus, quum Turcæ maxime vrgerent, & in oppidum irrumpere conarentur, ex repentinis flammis disruptæ munitionis ruina, inopinantes opprimerentur. Sed ea res aduersum habuit euentum: nam quum ingruentibus Turcis opportunè cuniculo ignis subderetur, ea collata materia incendiarij pulueris, importuno quodam lentore concepto, tardè & segniter flammam corripuit: ita vt frustra in hostes exitum quærens repulsa flamma in nostros reuerberaretur: multosq; igne correptos absumeret, & in his ipsum cuniculi magistrum Michaelē Firminum, è Cæsarea Augusta citerioris Hispaniæ. Accidit etiam vt eodem tempore apud superiorem oppugnationem Vlamanes aliquantam ab attigua arcemuri partem prosterneret, & Barbari tanquam victores sublato clamore plurimum exultarent. Quibus rerum difficultatibus adductus Sarmentus edixit, vt qui milites essent sauciati, neq; operam pugnando præstare possent, sese in inferiorem arcem reciperent, quo Aloisius Arius, et Macinius Mongai incommodè vulnerati concessissent: reliqui autem supremum bellicæ virtutis conatum edituri, medio in foro se conglobarent, vt non inulti extremum communis Fortunæ casum subirent. Nec mora cruentissimum irruentibus Turcis certamen est editum, sed nostris iniquius, quum plenus imber sclopettarum, qui vni omnium peritissimè rem gerebant, funiculorum ignes extinxisset, & necessario non hastis modo, sed gladijs vterentur: æquiore Turcarum conditione, qui innumerabiles sagittas in nostros spargebant. Multi præter ea hostium equestri ordinis, pedibus pugnare iussi, prælatis equestribus peltis incuruos suos enses ita in nostros exercebant, vt galeas ferreaq; humeralia facile discinderent, atq; ad vnum ferme omnes vel fortissimè repugnantes trucidarent: sicut vtraq; pars ardore prælii accensa per strata cadauera peruadere ad suum hostem, & confertis manibus pugnare minime dubitaret. Cecidit in eo conatu

fortissimè dimicans Cusanus Burgundus, qui propter sæpius spectatam in prelijs virtutem Hispanicæ cohortis præfecturam meruerat. Sarmenus ipse tribus sagittis intra galeam os confixus, fessusq; longa vigilia & diuturno pugnae labore, in vestigio aliquandiu tela vitabundus fortiter perstitit, & quum pugnando honestam mortem oppetere quàm pedem referre mallet, & Santicum Friam cohortis præfectum fugam circumspectare conspiceret, cum leuerrave voce increpitans manu comprehendit, et locum tueri iussit, sic ut secum congruentibus hostibus consistere, atq; occumbere cogreretur. Is namque Frias turbidis & peruersis consilijs salubria Sarmenti iuniora sæpè contempserat, & improbitate quadam malignitateq; ingenij meliora, atque opportuna ad salutem suadentibus transuersum se præbuerat, & omnium seditiosissimus apud Insubres fuisse ferebatur. Itaq; ambo, nequaquam pari virtute, detruncati ab hostibus in vestigio conciderunt: cæteris omnibus pari sorte, sed non eadem generosi animi fortitudine ad vnum interfectis. Nam quosdam abieciisse gladios, uti erant longa dimicatione fatigati, confectiq; vigilijs, salutem a Barbaris frustra passis manibus petiisse ferebatur. Interfecti sunt in eo tumultu cohortium præfecti Ioannes Cantaber, Dominicus Arriadanus maior, Seronius Taraconensis, et Oliuerius Valentinus. Qua suorum terribili cæde terrelactus Arius, & qui cum eo in inferiorem arcem confugerant, quòd nullis viribus, quibus sustineri posset victor hostis, niterentur, deditiōis vexillo expanso significacionem hostibus fecerunt, atq; ita eos integra fide Hariadenus in seruitutem vita incolumi facillè recepit. In his fuisse præter ignobilem militum turbam, præfecti spectatæ virtutis & dignitatis, ipse Arius, atq; Macinus, Ducusque Maschafa. Præterea viri Græci strenuissimi equitum præfecti Lartus ipse Coroneus, et Andreas Scrapula & Nauplio. Reliqui quibus expediam deditio saluti fuit, fuisse omnis generis hominum circiter octingenti, in quibus eminebat Hieremias Ligusticæ stirpis, qui eius oppidi episcopatum impetrarat. Hi omnes à Barbarussa in seruitutem Byzantium asportati sunt, prætervnum Maciniū Mongaiam, qui cum ab eo quæreretur, sollicitareturque impensis, ut ad sacra Mahometana deficeret, atq; insolentius oppugnata & conseruata naus suæ casum iactaret, Barbarussa ei iratus ad proram triremis ceruices abscindi iussit. Sarmenti cadauer inter tot occisorum acervos agnoscere non potuit, quanquam id Barbarussa multæ pecuniæ & libertatis proposito præmio diligentissimè perquisisset, quòd caput eius ad Solimanum mittere decreuisset. Exinde inflatus victoria, & quòd iam Rizzanum castellum in propinquo positum Veneti custodes tot hostium conspectu perterriti Turcis deditissent, Catharo vrbi inhiare coepit, ita ut vrbis prætorem minacibus literis sollicitaret ad dedendam sibi urbem, ac nisi continuo portas aperiret, se moenia tormentis aggressurum denunciaret. Erat is prætor patritij ordinis, nomine Ioannes Matthæus Bembus, insigni virtutē constantiaq; animi præditus. Is per literas Barbarussæ respondebat, nullum Catharo in vrbe Ottomanis ius esse, propterea si vim inferret, cum recentium induciarum, quas concessisset, leges violaturum non sine contumelia sui imperatoris, qui nunquam iniurandi fidem fallere consueisset. Quod si iniquo iudicio rem ad arma deducere cuperet, ipsum qui cum imperio præesset vrbi, daturū operam ut improbè vim illatam paribus tormentis propulsaret. Ad ea subiratus victor Barbarus in vltimū sinus recessum aliquot triremes promouit, disploisq; tormentis oppugnaturis speciem

diem præbuit. Cui Bembus prætor egregiè constans & impaudius, totidem tormentorum suorum bombis & pilis strenuè respondit, & præsidium armatum in incenibus Barbaris ostendit. Quare animaduersa Barbarussa inhibuit remos, reuocatisq; anterioribus nauigijs ad Castronouum est reuersus, delin-
 rusq; exinde prætoris Bembi muneribus, nihil expectata induciarum fide, quam paulo antè de scripto exegerat, sinu excessit, rogauitq; Bembum, vt prædaro induciarum testimonio præbito, quibus posset rebus Vlamane Illyricæ prouinciæ præfectum amicè subleuaret. Castronouo per hunc modum, vt diximus, à Turcis fortiter expugnato, atq; inibi Hispanis ad vnum omnibus aut trucidatis, aut si qui ex deditioe cædeq; superfuissent ad transtra triremum relegatis, nostrorum ducum animis non dubius cum pudore timor incescit, facile reputantibus quales quantæq; forent Barbarorum militum vires, quantæq; opes Solymani superbî hostis terra mariq; ad propulsandam vindicandamq; iniuriam nuper extitissent: sic vt prijs animis homines intestina bella atque disidia principum magnopere detestari inciperent, & de concilianda pace sacroq; bello communibus studijs cogitandum arbitrarentur. Quum verò Vastius Mediolani fortissimæ legionis interitum deploraret, Insubres ipsi tacetælabantur, diuicq; Donati numen frequentatis paslim altaribus impensè percolebant: cuius numen ritè factas à populis immaniter dereptis in Hispanos execrationes nequaquam inanes esse voluisset, postquam ipso die annuo eius memoriæ dicato, ad septimum Idus Augusti rapaces homines maleficiorum pœnas dare coegisset, & id aliquanto cumulatiùs quàm non planè decumatis Sicilienlium Hispanorum cohortibus accidisset. Admonebantur autem nostri principes attenuatis opibus infirmi, vt magis & magis cogendo auro vacarent, quod vel cum incomparabili subiectorum eorum imperijs populorum iniuria acerbitateq; diligentissimè faciebant, honestam sacri belli suscipiendi causam præferentes: vanissima tamen, & semper vsurpata ratione, postquam priuato potius commodo cupiditatiq;, quàm publico decori publicæq; salutis studere consueuissent: maximeque mirarentur, cur Solymano ab inexhaustis thesauris, tot pecuniæ in bellicos sumptus suppetere, quum ipsi vel semper expilando prædandoque, vnus tantum belli copijs ægerrimè stipendia solueretur: & Barbarum ex aduerso, pluribus simul in locis terra marique diuersa alere bella perspicerent, vt tum acciderat quum, eodem anno Otto mannica arma ad opugnandos Lusitanos in Indiam vsque protulisset. Adificata siquidem, vt diximus, ad Suetiam, olim Arsinoes, portū Rubri maris ingenti classe Solimanus Eunuchus cum Moro Alexandrino, sinus Arabici angustias egressus, præteruectusq; Persici maris sinum ad Indum vsque amnem peruenerat: magnisq; viribus Dium urbem, Lusitanorum portum, ad fluminis fauces positum oppugnat. Cuius belli is exitus fuit, vt Eunuchus post op-
 40 pugnatos per multos dies terra mariq; Lusitanos, quum eos indomitæ virtutis esse reperisset, incepto abstinere, & desertis maioribus tormentis ad Ademanum, nobilissimi emporij urbem, redire sit coactus, vbi planè fractus animo, quod nihil ex voto prouenisset, ipsum Ademanum regem, sub fide ab se vocatum, in antenna prætoris suæ laqueo suspendit, eiusq; gaza omni surrepta, urbem claustris complectentium se montium, & lapideo insigni muro munitissimam, occupauit. parq; fauitia appulsus ad Zidæ portum, vnde terrestri demum itinere Mecha vrbs, totius Arabiæ sepulchri Mahometis religione

clarissima aditur, Zibitinum regem, sumptuosis muneribus gratiam eius appetentem interfecit, praesidijs eius aule omnibus sub fide immaniter trucidatis, sic ut mox ille semiuir apprime rapax & cruentus ad Mecham deferretur, ut se apud pseudoprophetae fontem expiandis tot sceleribus religiosè ablueret, Moro cum classe ad Suetiam redire iussu. Huius Rubri maris siue Arabici sinus longitudo à Suetia ad ipsas freti angustias mille, & quadringentis passuum millibus extenditur, quum latitudo maior vix ducentorum milliarium summam impleat. Id verò totum quandam humani cruris figuram exprimit, quandoquidem abscedentibus vtrinque litoribus sensim se aperiens magis ac magis paulatim dilateretur, donec ad angustias quas vocant Azanias in fauces coarctetur. Ab his olim Oceanum à meridie Austri flatibus intumescens illac violento impetu se infudisse ac deuoratis terris eum sinum effecisse perhibent, multis refertum insulis & scopulis, proptereaque nauigantibus importunum. Insularum longè maxima circa medium sinus affirmatur Camerana, quæ tamen tota ferè inculta est, extantibus tantum quibusdam arcium vestigijs. Incolæ Æthiopici coloris sunt, & tuguria palmarum folijs intexta inhabitant, præcipitumque piscationi operam impendunt, sic ut plerumque virnantes conchas margaritarum in profundo legant. Ab alto fretum intrantibus sinistrorsum sinuatur mare, ubi est insula nomine Delacia, quæ proximæ continentis regno subiecta est. Id Barnagasium vocant, & magni Preteianus Abysfinorum regis imperio parer: cuius etiam ditionis sunt cuncta ea litora, quæ usq; ad Suetiam in infimo sinu positam protenduntur. In hoc litore Eocochus portus visitur Abysinae regionis, è quo Indiae merces ad interiora Æthiopum regna trans Nilum amnem deferuntur. In aduerso autem Arabico litore Zida per celebris portus reperitur, quo applicant peregrini, qui religionis causâ ad urbem Mecham duorum dierum terrestri itinere distantem contendunt, ut Mahometis sepulchrum inuisant, quanquam id pleriq; inanè esse asseuerent, quum illum apud Medinâ Talnabim ex humanis excessisse, atque ibi tumultatum fuisse prædicent, quæ vrbs pertinet ad fines arenosæ solitudinis, quæ Arabes à Syris determinat. Extra autem freti angustias ad læuam Adenum occurrit, celeberrimum, ut diximus, Fœlicis Arabiae emporium. Inde ad Orientem nauigatur ad aliud fama & celebritate par emporium, nomine Ormutium, ad fauces Persici sinus in insula positum, indeq; reliqua Indorum regna, usq; trans Indum, & Gangem, & auream Chersonesum adita subactaq; à Lusitanis versus Sinarum regiones, eorum clasibus adeuntur. Egreredientibus verò Rubri maris fauces, immensum illud Australis Oceani pelagus dextrorsum occurrit Troglodyticoque in litore Selana Mombazanaq;

& Melindia regna, ad insulam diui Laurentij atque ipsum extremum Æthiopiae promontorium, Bonæ spei vocatum, anfractuosis & lacinatis litoribus protenduntur.

PAVLI IOVII NOVO-

COMENSIS EPISCOPI NV-

CERINI, HISTORIARVM

SVI TEMPORIS

LIBER XXXVIII

AM plures dies Genuæ subfederat Cæsar confirmandæ valetudini intentus, quæ paululum commota fuerat ex in clementia Prouincialis cœli: vnde vastatis legionibus, tot milia hominum; Germanorumq; præsertim, contagiosa tabe perisissent. Vehementer etiam erat occupatus explicandis grauisimarum rerum consilijs, quæ perpetuo curarum nexu, ex rebus in Gallia parum secundæ gestis succreuisissent. Quamobrein monebatur ab Auria, ut peragenda conficere maturaret, priusquam hybernis tempestatibus recrudesceret mare, quod subessent brumales dies, nec certa esset per Alcyonios dies maris tranquillitas, quæ sicuti nequaquam ad certam diem stata, sæpe præueniēs, & nonnunquam seriùs aduentans, nauigare ausis non semper arridere confuisset. Cæsari enim in Hispaniam erat enauigandum: sed duæ res maximè retardabant, quæ dignitatem eius, & iam ardente bello in Subalpinis rerum securitatem respicerent. Arx siquidem Mediolani priusquam ipse Italia excederet, Hispano custode, Hispanoq; præsidio munienda videbatur, & Montisferrati imperium, quod esset ex Cæsariana lege beneficiarium, legitimo heredi adiudicandum. Id censebant Cæsarianorum partium studiosi, quum eius regionis opes magno momento ad sustinendos Gallos, eo bello futuras prospicerent, propter Padamque validorumq; aliquot oppidorum opportunitates. De hæreditate enim eius imperij grauis oborta erat controuersa, diuq; ea magna competitorum contentione iactabatur: constitutis namque à Cæsare iudicibus, & contestata litè, prolatisq; antiquissimorum iurium documentis, tres simul litem ferebant, Federicus ipse Gonzaga, Carolus Sabaudius, & Franciscus Salassus, diuerso ambitu, diuersaque spe ingressi litem, ius sibi reddivno tempore flagitabant: spes eorum alentibus iureconsultis: utpote qui priuato quæstui, & factionibus facile deseruirent. Cæterum præclarum omnino ius erat Federico, in cuius matrimonio erat soror Bonifacii, qui ex lapsu currentis equi perisisset, non obscura hæres fraterni imperij, quum Sabaudij atque Salassii iura nimis obsoleta et incerta putarentur. Salassus ab recenti merito, quod deserto Gallo rege ad Cæsarem opportunissimo belli tempore se contulisset, non obscuram præmij spem præferibat. Sabaudius verò nulla sua culpa, sed causa Cæsaris, cui vel malo suo studendum iudicasset, magna parte principatus miserè expoliatus, resarciri sibi incommoda Montisferrati dominatus concessione, ex benignitate Cæsaris postulabat. Sed his in rebus Cæsar æquus disceptator, & iuris sui consultissimus, crecto tribunali, ita litem

diremit, vt secundum Federici iura meritaq; pronunciaret, et Aluarum Lunam, à quo Federicus in ditionem duceretur, eligeret. De arce autem Mediolanensi pari celeritate transactum est. Nam Maximilianus Stampa vetus custos, post Sfortiæ mortem se Cæsaris nomine in custodia permanfurum professus, nullam moram attulit, quin arce excederet, quanquam ex vetere suo maximeque fideli obsequio, & studio insigni in Cæsarianum nomen, relinqui possem eadem præfectura sperauisset. Sed Cæsar Hispano potius viro quam Insubro, quanquam generoso spectataq; fide prædito, fidendum ratus, cæteris in rebus Stampæ postulatis tanquam studioso partium, Insubrumq; procerum splendidissimo, collata Soncini oppidi ditione, benignè atq; indulgentissimè fecit. His confectis rebus dimissisq; ab se totius prope Italiæ regulis, ipsoq; præcipue Alexandro Medice genero, & Federico Mantuano, qui Catalam Montisferrati caput ab Alvaro Luna deduceretur: nactus idoneam tempestatem Hispaniam secundissimè nauigauit. Sub id tempus Gallorū duces per ea, quæ nuper occupassent, Subalpinae regionis oppida, diuisis copijs, præsidia conitmarant. Erant hi ferme omnes Itali, quod Gallos magna ex parte ad prædium terræ patriæ, quum Cæsar in Prouinciam irrumperet, Franciscus reuocaret. In his fuere præter Paulum Renti Ceritis filium, & Annibalem Conzague cognomento Nouellarium, Guido Rangonus, Cæsar Fregosius, Caninusq; Gonzaga, qui paulò antè nequicquam tentata Genuæ expugnatione, ad Subalpina Gallorū oppida se receperant, & quædam minora castella pulsis Cæsarianis occupant. Excubabant autem in eam curam, vt proferrent fines, opportunèque aliquo ad gerendum bel. uin oppido ex insidijs potirentur. Hoc idem ne facile accidere posset, sedulo præcauebat Vastius. Is paulò antè ex Transalpina prouincia regressus, Puerino in oppido Hispanorum, Italicorumque cohortes recensuerat, animaduersisque ac exploratis Gallorum præsidis atque consilijs, Cherium instar vrbs ingens oppidum, Taurino ad quantum lapidem propinquum, ex itinere aggredi, atque expugnare cogitabat. Sed tra re adactis tormentis vix dum cœpta, quod ibi Rodericus Ripalta castrorum magister, oppidi situm mœniumque naturam specularando, ictu minoris tormenti fuisset interfectus, & Annibal Nouellarius extructo insigni propugnaculo, cum delectis cohortibus oppidum tueretur, ad Astam in hiberna concesserat, Ioanne Barga in præsidio Villanouæ constituto, & reliquis item cohortibus per circumiecta castella distributis. Huic negotio præpositus erat Franciscus Marchio Salassus, qui à Francisco rege ex fluxa fide discedens, ad Cæsarem Galliam inuadentem se contulerat, præbueratque non obscura malignitate callidam operam, vt Fossanum oppidum ab inopia com meatu a Gallis præsidians Antonio Leuæ dederetur: sedulo enim dux ille apprimè astutus & vaser Salassum quibusdam offensionibus à regijs ducibus alienatum, multa pollicendo, à Regis amicitia clientelaq; ea condicione diuulserat, vt ei præfecturam Hispanici peditatus Cæsaris nomine promitteret, quam Daualæ domui a multis antè annis præclaro fidei atq; virtutis merito rex Ferdinandus concessisset. Ei quoq; Leua filiam nuptui se daturum pollicebatur: quibus emolumentis inuitatus sine pudore fidem mutare, regemq; deserere potuerit, sed iusta cum obtreptione Vastij, inuidiaq; multorū, id infamis consilij præmium appetisse apparebat, quanquam Hispani cohortiū præfecti, & centuriones nonnulli, malignis ingratissq; ingenijs cum probro Vastij ipsum Salassum tanquā

verum

verum opportunumq; ducem, ideoque efficacius atq; nobilius arma tractaturum, impudenti adulatione complecterentur, utpote qui sibi licere cuncta, & impunè rapere posse omnia ex indulgentia novi nec adhuc à Cæsare confirmatitudinis sperarent, uti videre fuit, quum apud Caragium oppidū, devicto Turrisano Gallicarum partium tumultuario duce, trahenteq; secum ad bellum inconditam agrestium multitudinem, inusitatae crudelitatis caedes ederetur. Salassus namque Hispanos, ut in deditam & ad terram arma projicientem miserrorum hostium multitudinem, atrocissima caede grassarentur, immaniter fuerat cohortatus, eo eventu ut ingens hominum multitudo mortem suppliciter deprecantium crudelissimè fuerit trucidata, quod usquam antea vel ab effertis & Barbaris factum fuisse nemo meminerat. Qua crudeli indulgentia Salassus se bene auspicatum fuisse promissae praefecturae honorem, & conciliasse sibi hostili sanguine & praeda Hispanos insolentissimè iactabat. Substiterat Albæ Pompeiæ Federicus Gonzaga, expectans ut ex sententia iussuque Cæsaris à Casalensibus in urbem reciperetur, & Montisferrati princeps populari acclamatione præclaro iure hæreditatis appellaretur. Sed Alvarus Luna ad tradendum de manu urbis imperium solenni cerimonia in urbem præmissus: ea in re nō alienas modò, sed planè rebelles civium voluntates reperiēbat. Erant plerique principes Guelphi nominis, qui antiquissimi dominatus ditionem patriamque in potestatem Mantuani, novi ignotique sibi principis devenire iniquissimis animis ferebant, malebantque parere Gallis, opulentissimique regis imperio, qui Cisalpinæ Galliae possessione, eiectionis Cæsarianis, potiturus esse crederetur, quam perferre Cæsarianorum acerbitates, qui perpetuis æstivis atq; hybernis amica oppida miserabiliter vexare, ac evertere consuevissent. Vigebat etiam tum memoria apud Casalenses Gulielmi principis, qui Gallicam aliam ducere, & Regis gratia magno civium suorum commodo pollere erat solitus. Nam quisq; uti erat genere nobilis, & spiritu alacer in aliam equestri stipendio scribebatur, sentiebantq; fermè omnes cives, ex ea militia & peculiari Regis benignitate non obscura emolumenta, quæ erant honestissima, his præsertim civibus, qui principis benevolentiam ex fide virtuteq; aut in aula foris, aut in aula domi meruissent: quarum rerum nihil speraret ex dominatu Mantuani, quod Cæsarianæ militiæ honores & præmia nequaquam ad Italos, verum ad Hispanos atq; Germanos & Belgas verterentur. His depravatos opinionibus Casalenses duo ante alios, ut ad Gallos deficerent, assidua cohortatione sollicitarat Gulielmus Blandratus, professione iureconsultus, sed ingenio seditiosus & acer, planeq; militaris, & Christophorus Guasus, Guelphæ factionis princeps apud Alexandrinos, qui eius ardentioris studiū nomine extorris & exul factus Gallis militabat. Itaq; Casalensium quorundam civium opera accersuntur Galli, hisq; ad ingressum porta proditur, populo inexpectata re tanquam ignaro eius consilij vehementer commoto atq; exterrito: sed mox subticente, & nihil sese ad arma commovente, quod publico nobilitatis consilio id facinus patratum fuisse crederet. Burria Gallorum præfectus primus omnium urbem intravit, promptissimos Vasconum peditum, in equitum tergis confessores, festinandi causa secum adducens, edicensq; ut alij atq; alij pedites & equites ex Varulengi oppidi præsidio deducti se præeuntem consequerentur. Eo modo ad conditam à proditoribus horam quietissimè in urbem receptus, circumvallare arcem parat, ne quis inde in aream erumperet.

reposit. In eam namque Mantuani ipsius legati cum Alvaro Luna confugerant. Nec mora, Gallis impigrè operā navantibus, Burria, Blandratus, & Guasclus arcis egressum circumvallant atque præsepiunt, fossa quæ subitam operis satis lata profunda quæ perducitur, lunatus quæ erigitur agger, in quo adversus erumpere tentantes præsidium imponitur. Cæterum occupatis in opere Gallis, eius rei gestæ nuncius ad Vastium illico defertur. Is tum exercebatur apud Aftam in ludo parvæ pilæ. Hac re audita nihil ipso ore perturbatur, sed erecto animo expeditum capit consilium ferendæ opis, id quæ miro silentio contegit, ac signum tuba dari iubet, ut milites illico arma capiant, & se proficiscentem summa festinatione subsequantur. Parent edicto milites, & perlutulentissimi nera summa alacritate viam capeunt, rati se properè perducere ad occupandum aliquod hostile oppidum, unde opima præda peteretur. Sed non prius consilium aperuit Vastius, quàm ad Alferium vicum est perventum. Tum verò advocatis præfectis, quam stultè atque arroganter Casalenses ad Gallos defererint, patet facit: eorum perfidiam extemplo vindicandam edocet, speique omnem ulciscendi hostis in celeritate positam ostendit: hortatur singulos, ut vel difficilissimi itineris laborem impigrè sustineant, ut paratæ victoriæ fructum contendendo atque accelerando secum percipere velint. Itaque tota ea nocte, vel præ alto impeditum cæno iter nusquàm fuit intermissum, indignantibus Hispanis, quod Casalenses usque adeo scædum facinus admisissent, ob idque ad eos accensis spe prædæ animis celerrimè pervadunt. Orto iam sole percontum est ad arcem: continuo quæ Vastius ab Alvaro Luna, Ioanne quæ Pescherio arcis custode perdiscit, quas munitiones Galli contra arcem erexerint, quo animo sine Casalenses, quibus viribus nitatur Burria Gallus. Speculanti autem muri altitudinem Vastio, eius equus, è quo dudum descenderat, ex transversa hostium munitione tormenti pila interficitur. Sed nihil eum id inane ostentum terret, postulat quæ sibi extrorsus ab arce dimitti scalas, quibus murum ab arce ad Padum pertinentem aggrediatur: Nam milites per arcem receptos (quominus expeditè atque audacter ad invadendam hostium munitionem progredereatur) pons arcis ligneus, prolatus fortè gravioris tormèti pondere effectis alleribus interruptus, importunè retardabat, & dispositi post aggerem hostium idopettarij in ipsos erumpere audentes subitam glandium procellam se effusuros intentis ignium funiculis ostendebant. His igitur scalis arreptis & apposis, non dubitavèrunt milites, quin audacter conscenderent, & sese in urbem deicerent, quod vetus agger mœnibus appositus, ex veteri consuetudine introrsus esset acclivis. Verum Galli è munitione, ab altisque privatis ædibus sclopetis rem gerentes, multos eminus vulnerabant, atque sternebant. Quare animadvertit Vastius exteriorem fossam scalis coniungi, superiectisque alleribus contegi atque erigi in muri coronam præcipit, ut conferta acie milites tanquam per acclivem pontem conscenso muro in urbem intrarent, auctoque eorum numero, qui iam transcenderant omnium animos confirmarent, & in arcem conglobata acie deferrentur. Non desuèrunt sibi Galli quin acerrimè prælium committeret, sic ut aliquandiu cruentissimè dimicaretur. Nam ut ad manum quoque ventum est, dubia victoria videbatur. In eo enim congressu Heronymus Mendocius, Rhodiæ militiæ adscriptus, & in Peloponneso virtute clarus, qui erat Hispanorum princeps, glande traiectus cadit. Petrus Giaena mortifero sclopetti ictu sauciatur, occiditurque immoderatè fortitudinis adolescens, Vgo-

ne Mon-

ne Moncata genitus, quem navali prælio iuxta Salernum ab Aurianis victum, interfectumque fuisse docuimus. Exarsere ira Cæsariani, prodeunteque & cohortante Vastio, in hostes impetum redintegrant. Nec Galli impressionem ferre possunt, statimque profligantur, diffugiuntque per privatas domos, quas perforatis parietibus inter se ad permeandum coniunxerant. Sed passim expugnatis domibus hostes ferme omnes aut trucidantur, aut se victoribus dedunt. Capitur ipse Burria: Blandratus feliciter effugit. Gualcus dum tentaret Vadum in Pado, quum nullam veniam speraret, si in Vastii potestatem venisset, se temere commisisse amni, & perisse creditus est, quod nusquam postea comparuisset. Casalenses vel Guelphi Gibellinique nominis ad unum omnes admissi facinoris in vestigio poenas dederunt, quum capti a milite pecunia se redimere cogerentur. Vastius templorum decus, mulierumque pudicitiam cordi habuit: multos servavit: accitusque Federicus liberalitatem suam in multos suarum partium cives exercuit, in luctuosaque victoria, quæ voluptate peculiari minimè careret publico consensu receptus est. Nec multo post Vastius præmisso Burria, qui in arce Mediolani custodiretur, Mediolanum contendit, eo animo ut Iacobum Medicem, fratremque eius Baptistam comprehenderet, quod ab inimicis iniqua delatione consensisse cum Gallo hoste dicerentur. Erant enim Medicei propter antea acti belli memoriam avarissimè & crudelissimè Larso in lacu gesti, magnæ apud Mediolanenses quosdam principes expositi invidiæ, sed qui a Francisco Sfortia earum rerum veniam essent promeriti. Quum ambos Vastius post epulas cœpisset, his suspicionibus ita sese Iacobus explicuit, ut pro vetere sua clementia Vastius eos nequaquam capite puniendos existimaret, ne alienæ libidini, malignitati que servivisse diceretur, reiecto que ad Cæsarem iudicio, eos demum recipit in gratiam, atque eis ablata quæstoribus argentum restitui iussit. Quum Vastius Mediolani veterum Saturnalium more natalitia Dei Christi festa celebraret, apud Florentiam inusitata perfidiæ, summæque immanitatis facinus postridie nonas Ianuarias admissum est à Laurentio Medice in Alexandri principis atrocissimam eadem. Cuius execrabilis facti causam & modum quam brevissime potero explicare pro instituto operis, operæpretium esse putaverim. Alexander ubi nuptijs cum Margarita Cæsaris filia Neapoli confectis, Florentiam est reversus, opportunis civilium actionum decretis, institutisque præsidijs dominatus opes confirmavit, & maximè compositi & diligentis futuri principis specimen dabat, ignoscendo veteribus inimicis, studiososque Medicei nominis & propinquos beneficijs sublevando, & quod erat gratiæ popularis, rectissima ratione inter cives ius dicendo, quum infirmorum etiam civium preces & querimonias benignè ad aures admittere nunquā pigeret. Sextum & vigesimum nato annum corpus obvenerat mediocris certè staturæ, sed valida atque habili nervorum compage firmissimum, militiæ laboribus utique par, atque omni ingenuæ exercitationi quum expediret, aptissimum. Sed eius animus levitate juvenili in Venerem usque adeo procax erat & præceps, ut ei novæ nuptiæ forsederet thoros, ac dignitatis suæ & valetudinis, & denique salutis curam abiecit credere, quum Laurentij patris exemplo, novis semper stupris ac adulterijs obnixè gauderet. Ea de causa noctu per urbem cum armatis sæpe ita vagabatur, ut nonnunquā contracto cum obvius cruento certamine summum vitæ discrimen adiret. In eius intumam familiaritatē sensim sese miro astu insili-

nuarat Laurentius Medices, effictis moribus, & his in adulationem et destina-
tum dolum callidissime compositis, quibus infatuatum atque deceptum prin-
cipem opprimeret. Erat is Medicorum omnium Alexandro sanguine maxi-
me propinquus, ætate ferme æqualis, ipsisque paternæ domus cubiculis adeo
coniunctus, ut secretiore ostio ad commeandum committerentur, communi-
catis scilicet seræ clavibus, quibus quum utrique luberet, sine arbitro conveni-
endi facultas daretur. Nam unde facile capi princeps poterat, amatoriarum cus-
piditatum, quibus ille insatiabilis & vagus semper arderet, unus ipse Lauren-
tius & conscius & arbiter erat effectus. Eruditi siquidem & arguti ingenii ille-
cebris ad omne lenocinium erat paratus, & efficax, adeo ut non absurdos ver-
sus, qui essent instrumenta libidinis, pangere, nec inamœnas Etrusca fabule
comœdias factitare, & in scenam edere soleret: simulabat enim se unicam ex
his studijs delectationem petere: propterea abdicare penitus arma a latere, quæ
cæteri ex aula gestarent, cruorem reformidare, & prorsus se imbellem esse, acq-
uocij avidum ostendere. Ad hæc pallente vultu & fronte contracta deambula-
bat solus cum paucis parcissime sermones serens, vasta & silentia urbis loca fre-
quentans, & non obscuras ebullientis atræ bilis notas ita præferens, ut non mi-
li eum irridere tacite inciperent: alij acutiores eum aliquod insolens & truc-
ulentum facinus coquere, prorsusque meditari suspicarentur. Nam quibus ant-
ea in aula & suspectus & invisus esse cœperat, quod Neapoli cum Strozza exa-
libus consilia de interficiendo principe miscuisset. Sæpe enim apud exules
ledicentissimo ore in Alexandrum fuerat inductus, quum ille incerta adue-
Cæsaris soceri gratia suspensus, spurcissimis inimicorum libellis & delationi-
bus oppugnaretur, dixeratque se maturè viam inventurum, qua communis
patriæ tyrannus ex tuto tolleretur. Cæterum geminata veluti perfidia, quid e-
xules cogitarent, quidve molirentur, ad Alexandrum illico deferrebat: prolatis
que nonnullis literis & syngraphis, præclaram studio, officioque suo iynceræ
sedulitatis fidem adstruebat. Id quum rescisset ex suis speculatoribus Petrus
Strozza, versipelle Laurentij ingenium, tanquam duplici ancipitique perfidi-
a infame generosè atque indignanter detestatus, Pandulpho Puccio veteri
suo sodali fortè obvio, quin de ea re præceps colloqueretur linguam moderari
non potuit, apertè dicens: Ecquam ineptus est & sui ignarus, Pandulphe, hic
vester Alexander, qui Laurentio Medice summæ perfidie adulate tantope-
rè delectatur, quando is quotidie nobis se illum omnino interfecturum iactan-
ter repromittat. Non defuit officio suo Puccius, uti erat ex amicorū cœtu præ-
cipuus, sermonemque Strozze totum principi detulit. Nec multo post Ale-
xander Laurentium in cubiculum vocat, quid audierit enudat. Ad ea ille abso-
lutæ simulationis proditor, composito vultu subridens, ita respondit, ut cun-
ctæ ea quæ Strozza dixisset, vera esse fateretur, verum non inepto artificio iam
pridem ab se instituta. Quonam (inquit) princeps, tutiore aptioreque modo
mihierunt exacti speculatoris partes implendæ, nisi ut me tibi ex arcano ini-
micissimum esse prædicem? scilicet ut hac subtili simulatione secreta omnia e
præcordijs inimicorum eruantur, & salutis dignitatiq; tuæ egregiè prospiciam,
vel hac mea diligentia, quanquam ea meo nomini periculosa & turpis appa-
reat. His verbis, uti credi par est, antea meditatis, suspensionem omnem facile a-
vertit, apud principem iam planè fato suo obstrictum, & nihil de homine cun-
ctis amicitia, gratiaque iuribus, & peramplis beneficijs coniunctissimo suspi-
cantem,

tantem. Cæterum ut certius atque lethalius falleret, his tantis delationum arti-
 ficijs, etiam fraudulenta omnis lenocinijs obsequia solerter addebat: nonnun-
 quam principem ab effræni licentia intemperantem, ad sacratas virgines per-
 ducens, quarum ipse nefarijs amoribus usq; adeo perditè delectari consueffet,
 ut nequaquam magni Dei ultoris numen timeret, quòd eius sacrilegij reos ne-
 quaquam serò uti impios teterrimo vitæ exitu, vel hoc præclaro amborum e-
 xemplo damnare conspiciamus. Itaque Laurentio supra sesquianum in hac diri-
 sceleris cogitatione versato, nec alienæ fidei quicquā temerè committenti, for-
 tuna infesta principi, per sequestram venerem patrando facinori exoptatæ se-
 10 curitatis occasionem præbuit: saluti namque quum ante omnia cavendum ar-
 bitraretur, ut post editam tyranni cædē (sicuti aiebat) liberatæ ab se patriæ gau-
 dio gloriæq; suæ salvus interesset, multa hætenus tanquam parum tuta expe-
 diendæ fugæ loca & tempora repudiaret. Fortè tum erat in ipsa principis vici-
 nia matrona pernobilis, venustæq; formæ, sed certissimæ atq; inexpugnabilis
 pudicitia. Hanc quòd mirè placeret principi, ad tendendas insidias idoneam
 ratus, conciliando eius amorì operam suam atque ingeniū athanti obtulit,
 eoque propensius, quòd ea sibi esset arcta propinquitate coniuncta, atque ideo
 maximè familiaris. Itaque ea nocte, quæ Ianuarias Nonas antecessit, postquam
 cœnatum est Laurentius cōposito dolo in aurē Alexandri insusurrans, per-
 20 fidioseque mentitus, dicit in adamata muliere vel ingenuè casta, & diu relu-
 ctante, expugnatum esse pudorem persuasionibus atque promissis, eademque
 nocte eam in complexū eius deventuram: ea tamen cōditione, ut totum id re-
 ligioso silentio cōtegat, & quæ eius nomine ex sua fide præmia pepigerit, libe-
 raliter præstet. Simulabat siquidē à muliere mutua pecuniæ subsidia peti, quæ
 ipsius viro, uti iam princeps norat, nō obscurè decoquenti suppeditarētur, con-
 firmandis scilicet eius Fortunis & mercaturæ rationibus, quæ vehementer es-
 sent conturbatæ. His postulatis tanquam honestissimis facile annuit Alexan-
 xander, matura spe exoptatæ libidinis incensus, statimque cœnaculo exiens in
 domum attiguam ipsius Laurentij (uti sæpe alias) deducitur, ablegareque ab
 30 se cubicularios duos, qui aderant, iubetur: ne illi quicquam ex re composita in-
 stantique subodorari possent. Sistitur ergo incautus princeps in cubiculo, ip-
 soq; etiam proditoris lecto, ut ibi tantisper conquiescat & expectet, donec in-
 tempesta nox adsit, & silentia adducat, per quæ utrique, uti expediat, tutissi-
 mus trāsitus paretur. Breve siquidē spaciū angustæ viæ inter principis postia-
 cum & matronæ fores intererat. Parato expectare, extentoq; in thorū principi
 suadet, ut gladium discingat, quo mollius cubet. Id quum ille fecisset, Lauren-
 tius gladij capulum vaginæ baltheolo dissimulanter, ut sæpe fit, ita convolvit,
 ut si eum præsidij causa repeteret princeps non facilè vagina educi posset: hor-
 tatur demum ut obdormiscat, donec ipse rebus compositis & instructis rever-
 40 tatur. Discedens Laurentius reliquit lumen, circumductoque ad lectum co-
 nopeo, cubiculi fores post se trahit, quæ ultronea sera claudebantur. Tum ve-
 rò cōpositis è sententia insidijs Laurentius iuvenē, Scoruncunculum nomine,
 sibi à pedibus famulantem, cui ipse homicidij reo vitam à principe impetrarat,
 ad se vocat, hortaturque ut sibi fortem operam, sicuti antea promississet, presta-
 re velit, in confodiendo insigni quodam homine nomini suo inimicissimo: a-
 nimis tantū opus esse, neque eius aspectu debere permoveri, quòd res extra
 periculum transigi possit. Ille alacriter respondet, se non recusaturum, quin ut

aliquam accepti beneficii gratiam persolvat, quantumlibet insignem virum si iubeat ipsum, denique principem obruncet. Ad hæc Laurentius egregie divinati, inquit, mi frater, ipse est, inclusumque eum hoc cubiculo, dormitantemque tenemus. Nec mora ad apertis tacite foribus cubiculum ingrediuntur, ascito etiam comite vili agasone familiari, cui tanquam elumbi atque tardipedi a contrario sensu Freccia cognomen erat, quæ vox Italicè sagittam exprimit. Laurentius expedito breviori gladio stertenti costas transadigit. Ille exterritus tanto vulnere, in adversam lecti spondam se deiecit, repensque manibus & genibus subter lectum emergit. Ei sese erigenti Freccia malam discindit: alij arreptum scabellum presenti animo pro scuto opponentem circumstunt, atque ictus ingeminant. Ille rabida feræ persimilis Laurentium inuadens, proditoremque adeo alta voce vocans, ut tota domo (sicuti ex mulierum testimonio constat) ex audiretur, leuæ manus pollicem dentibus apprehendit atque perfregit: quod dolore correptus, opem sibi à Scoruncunculo afferri postulavit, ab eoque iugularus princeps multum euomens cruorem prosternitur: confossusque demum alijs vulneribus lecto impositus est, nec quisquam ad tantæ rei strepitum è familia accurrit, quod Laurentius multum antea ad fallendos familiares cum sedalibus eo in cubiculo multa cum vociferatione scabellis & scutis, hastisque colluctari, ad imaginemque iocosæ exercitationis perstrepere consueisset, ut in eam dolum pararet. Interfecto per hunc modum principe, quum percussori detegenda cædes, idque facinus desecto atque exposito interempti capite omnino propagandum, & vocandus ad libertatem populus foret: stetit ei aliquandiu attonita, & valde suspensa mens ex cogitatione patrati sceleris, usque adeo ut oblitus suæ gloriæ, quam unam à tanta perfidiæ labe se petisse postea iactabat, in ipsam salutis suæ curam totus incumberet. Propterea ad Angelum Martium illico contendit, qui principis occupati, aut absentis vices implere erat solitus: ab hoc facile impetrat equos publicos, & aperiendæ urbis portæ tesseram: simulatis fratrem in Cafagiolia villa mortiferis ventris torminibus torquent, quem condendi testamenti causa omnino ea nocte invisere percuperet. Indoluit petenti Martius, quod iniussu principis nemini præterquam ei singulari gratia pollenti erat concedendum: atque ita ille acceptis & incitatis equis, sicarios suos educens Bononiam, atque inde Venetias pervolavit, ut optatissimum Philippo Strozze nuncium afferret. Constat eum in discessu T. Zephio, qui domesticis rationibus præerat, funesti cubiculi clavem dedisse, iussisseque ut ante diluculum ingrederetur, & quid reperisset certis civibus nunciaret, quibus Medicei dominatus felicitas gravis & invisa videretur. Implevit iussa Zephio, sed nemo ex his hiscere, aut se omnino commovere ausus est, quod neque Zephio, neque ipsi Laurentio tanquam ab ambigua fide suspecto satis crederent, seu id esset effectum experiundis civium animis, ut qui properi forent nimia credulitate in noxæ capitalis crimen precipites darentur. At sole iam exorto duo cubicularij, quos ab se Alexandrum, quum proditoris domum intraret, ablegasse diximus, quum tota nocte eum frustra perquisissent, trepidi id totum deferunt Innocentio Cardinali, qui uti erat propinquitate atque amicitia coniunctissimus, honestiore in parte ædium habitabat. Is quid acciderit principi, perturbata mente divinat, accersiturque statim in consilium Franciscus Campana, epistolarum magister, amboque nihil dubitant, quin incautus princeps à Laurentio in ipsius cubiculo sit interfectus, comprehensoque

soque dolore ereptum proculdubio principem internis tantum lachrymis lugendum, nec usquam querendum censent, postquam renunciatum est Laurentium mutatis ad celeritatem iumentis per Apoeninū iter extendisse. Egre-
 gie autem compositis vultibus simulant, edicuntque civibus de more in aulam ad salutandum principem venientibus, illum obdormiscere, quod tota nocte ludibundus cum sodalibus vigilasset, foreque ut quum pransus esset, periona-
 tus prodiret, in eiusque rei simulationem multa vestis lupercalibus & theatra-
 libus apta ludis circumferretur. Cæterum per tabellarios eximia pernicitatis
 Alexandro Vitellio, Rodulphoque Baleoni perscribunt, ut magnæ periculo-
 saque rei causa, quantas maximè possent copias ex Aretinis & Cortonenlibus
 agris celerrimè cogant, Florentiamque perducant. Idem ut faciant præcipitur
 præfectis cohortium descriptarum in Mugellano agro, cuius tractus incolæ
 fortissimi deditissimi que Mediceo nomini existimantur. Nec prius principis
 corpus quæsitum conspectumque est, quam primis tenebris, ne id in plebe ad-
 huc ignara veræ cædis tumultum excitaret. Itaque pauci familiares ita iubente
 Cardinale rapeti involutum in Laurentianam ædem clam detulerunt. Erat
 tum in Trebia villa Cosmus Medicus, decimumoctavum ætatis agens annum,
 ad quem nihil tale expectantem secundissimo cursu Etruci imperij Fortuna
 ferebatur, ipso Ioanne Medice duce fortissimo ex Maria Salviata genitus, quæ
 Germanis ad invadendam vastandamque urbem Romam ingruentibus, ter-
 vituræ mox Italiæ fato potius quam suo, ad Mincium tormenti ictu cecidisse
 docuimus. Is quum patritiæ iuventutis sodalibus venationem edidisset, ex fre-
 quenti & repentino incolarum concursu cohortes tanquam urbani tumultus
 causa Florentiam accersi videt, Laurentiumque Medicem in singulis militaris
 viæ mansionibus equos mutavisse, & recta per Apoeninū extendisse iter com-
 perit, nec inani coniectura statim adducitur, ut principem à Laurentio inter-
 sectum, aut omnino vulneratum esse non dubitet, eoque firmius quod duos
 principis familiares post aliquot horas eadem festinatione prætervectum per-
 secutos esse didicerat. Sed admiratur cur sibi à matre diligentissima femina
 nihil sit enunciatum. Id verò accidebat, quod nemini ad exitum portæ urbis
 paterent. Nec multo post ingruente iam nocte, supervenit vir agrestis certissi-
 mum interfecti principis nuncium afferens: cuius cædis editæ certior factus,
 accurata vultus simulatione cum dolorem ex acerbissimo principis casu, tum
 læticiam ex Laurentij parricidio statim cōmiscet, & silentio contegit. Nam sicu-
 ti illum ex animo amabat, colebatque, ita hunc maxime oderat, tanquam insidio-
 se malignitatis adversariū: nam ei litem intenderat Laurentius de paterna atque
 avita hæreditate valde gravem, ob idque explicatu difficilissimam, quod in ea pro-
 trahenda supinus princeps Laurentio non obscure favere putaretur. Tum ve-
 rò ea re paucis communicata Cosmus sibi ad urbem eundum censet, cohortan-
 tib; quibusdam patris militibus veteranis, qui cohortes ad iter paratas addu-
 cebant, & se custodiæ causa eunti comites offerebant. Sed eis gratias eius ob-
 lati officij agens, & nocturnum iter multis de causis vitandum existimans, id
 armatorum præsidium repudiat, proficisci que eos, nec quicquam de festina-
 tione remittere iubet, dicens se prima luce subsequiturū. Nolebat enim videri,
 quum ad urbem applicaret, armata præsidia quæsisse. Postero igitur die quū
 intrasset, modicum trahens comitatū, passimque ab obvjs miro studio salutaris
 sur, perrexit ad principis ædes, ascenditque petasatus & penulatus ad Cardinalem

lem: professus ideo se venisse ut communibus lachrymis ereptum principem lugeret, & quā posset patriæ principe defensoreque orbatae fidelem operam præstaret. Complectente eum Cardinale, & ut bene speraret, seduloque conceptam spem dissimularet admonente, ad matrem se contulit, frequenti populo, omni que turba prætorianorum, qui armati vestibulum domus tuebatur, ita avidis oculis, propensisque animis intro euntem inspectante, ut læto exortomurmure advenisse eum iuvenem summæ spei integriq; pudoris, magnanimi patris spiritum gerentem prædicarent, qui principatum exciperet, & id totum parricidij scelus egregiè vindicaret. Nec mora pleriq; ex paternis amicis benevolisque civibus eum adeuntes arctè complectuntur, suadentque ut sese erigat, & de principatu adipiscendo bonā spem induere velit. Ipsos enim cum amicis & propinquis primorum civitatis ordinum enixè curaturos, ut proclara atque certissima senatus suffragatione sublevetur. At ille uti rei gravissimæ momentum postulabat, à summis viris edoctus, molliter respondit, seq; miravultus tranquillitatis alienum à cogitatione dominatus ostendit, ut qui mediocritate Fortunæ suæ contentus foret, modo urbanis rebus non incerta securitas paretur, & sibi cives honestum inter patricios in republica locum relinquant, usque adeo demisso animo sermoneque reiectis amicorum adhortationibus, ut nonnulli indignantes subirati que in eo tanquam nimis humilem, algentisq; spiritus habitum reprehendere auderent, addentes, eum nequaquam Ioanne magnanimo patre genitum videri, qui ad magna imperia, ingentemq; semper gloriam aspirare, generosoq; ausu decora quæq; appetere, & maxime ardua fortiter complecti, virtute duce, consueffet. Quibus de causis fiebat, ut adolescens ingenui pudoris plenus, verecundia vehementer angeretur, quod amicorum faventium studia ineptè & periculosè parvifacere crederetur, parumq; virili animo tantæ spei occasionem elabi sineret. Sed expediebat hos rumores astuta aure transmittere, commodeq; sapere in præsens, quando spes omnis posita esset in dissimulatione, qua capi facile conciliariq; præsidēs apparebat, quorum mentibus hæreret illa ipsa non obscurè grata omnibus imago deploratæ libertatis. Erant hi quadraginta octo viri, apud quos numeratis suffragiis componendi civitatis status, declarandi que principis summa erat potestas. Horum ferè omnium una mens erat, abolere principis nomen, veterem que excitare libertatem, quæ tantis belli incommodis sepe erepta, & virili consilio semper recuperata nunquam bonis & strenuis civibus defuisset. Sed primores civitatis infaustum popularis status nomen horrebant, ad quem sublato unius dominatu continuo recidendum esse providebant, recenti maxime exemplo, quum eiecta Medicea familia, populares, plebei que homines impudenter Remp. invasisent, quibus insolentissime atq; acerbissime dominantibus, irrita prostrataq; nobilitas fuisset, & civitas importuna imperitorum civium obstinatione in ultimū terribilis excidii, & veræ demum servitutis discrimen perducta conspiceretur. Itaq; singuli ferè primates, qui solertis ingenij atque inveterata prudentiæ autoritate valebant, quanquam avidissimi essent repetendæ libertatis, & patriæ amantissimi: media tamen consilia in eo negotio salutaria fore iudicabant, ne iterum invictissimi Cæsaris præpotentia arma provocarent. Placebat enim moderatæ potentiæ princeps, qui patriæ legibus obtemperaret, ipsorumque optimatum perenni consilio uteretur, scilicet ut plebs curiæ muneribus exclusa ad opificia sua rediret, assuesceretque parere

parere melioribus, & patritio ordini, quem tantis affecisset contumelijs, meritas improbae temeritatis poenas penderet. Plebi & mediae classis hominibus maxime erant infensi Franciscus Guicciardinus, Matthaeus Strozza, Franciscusque Victorius, & Robertus Acciaiolus, iam pridem gravissimarum rerum consilijs assueti, qui moderatae potentiae dominatum terre, in quo ipsi se gratia auctoritateque insignes fore minimè dubitarent, quam ab ingratis-
 10 mis & sordidissimis civibus iniuriam pati malebant. Ab his quum honestissimus quisque in sententiam traheretur, quadraginta octo viri per apparitores ad consilium vocati sunt. Habitus est is senatus ex dignitate Cardinalis, supe-
 15 riore in coenaculo Mediceae domus. Valida autem armatorum praesidia, & in compito exteriori, & intus in cavedio ad scalas, singulasque ostiorum valvas, ab Alexandro Vitellio disponebantur, qui dudum singulari usus celeritate cum cohortibus advenerat, & Cosmo studiosissime favebat. Quum senatus cogeretur, & Cosmus è penatibus suis ad Cardinalem fautoresque suos redire statueret, mater eum retentare atque obtestari coepit, ne ea cupere aggredi-
 20 que properaret, quae ipsum in valde periculosam salutis & dignitatis aleam perducerent, propter malignas & occultas multorum voluntates, & insitum naturae Florentinis omnibus arripiendae libertatis studium, cui, uti paulo ante exper-
 25 ti essent, nisi cruentis armis resisti non posset. Ad ea adolescens non dubiae ar-
 30 ridentis Fortunae suae conscius: Desine me, inquit, pia mater tam sollicitè adhortari: nam eo mihi omnino eundum est, quo Fortuna vocat, quae hanc ipsam pa-
 randi summi decoris occasionem tam honestam, quam necessariam nomini nostro benignè demonstrat: nec eam utique si negligatur, uti reor, ad nos pos-
 stea redituram. Neque enim fas est deesse nobis ab ignobili metu, quum Dns nequaquam invitis ad oblatum decus rapimur, ut fidem fati virtute sequamur. Meminerat siquidem à Basilio mathematico, Graecoque item ariolo, ex inspec-
 35 ctione volae manus, ingentis opulentiae hereditatem sibi portendi, quod in ipso geniturae horoscopo idem Capricorni felix astrum mirabili cōspirantium syderum aspectu irradiatum esse dicerent: sicuti olim evenerit Augusto, & ho-
 40 die Carolo Quinto imperatori, qui propter inventum subactumque ad occi-
 dentalem plagam novum terrarum orbem, ipsa prope immensa imperij am-
 plitudine Augusto æquiparandus videri possit. Cum hoc animi decreto ad Cardinalem pertendens Cosmus, senatores qui iam confederant, neque seve-
 ra, neque demissa fronte salutavit, ne conceptam spem intuentibus proderet. Cæterum amicissimi, quos diximus, pro eo ita pensabant, ut magna pars se-
 natus, nequaquam de eligendo principe, sed de ordinanda Republica, se pro-
 45 lixè consultaturam crederet, utpote quae vexilliferatum, tanquam imaginem temporarii principis erigendum arbitraretur, quo aliquis ex ipso ordine or-
 nandus atque attollendus foret, qui publici imperij dignitatem solita honora-
 50 bilis personae maiestate tueretur. Tum verò Cardinalis, Cosmo in subdiale pavementum ad deambulationem se recipere iussit, ne uti compositum fuerat, sententijs senatus interesset, exorsus ab immanitate parricidij periculoque ci-
 vitatis, patres (inquit) quod est Deorum immortalium munus, uno avulso non deficit alter aureus, qui affectae orbataeque Reipublicae subveniat, Cos-
 mum preclare indicans, qui certe nobilitatis, temperatiq; ingenij atq; incor-
 ruptae probitatis adolescens, tanquam Alexandro maxime propinquus, ex
 Caesaris tabulis in administranda Republica successor esset designatus: ipsos

ergo probè recteq; facturos, si eam Cæsaris legem observarent, à qua discedere nefas sit. Neque ex usu commodoque civitatis videri possit, si violata fide, quibusdam aliò flectendas esse voluntates appareat, ut novus rerum status inducatur. Iura siquidem Florentini imperij ex ipsorum voluntate, autoritateque Cæsaris, addicta familiæ Mediceæ, & solennibus codicillis cōfirmata, nisi stultissima prævaricatione, à quoquam extra perniciem violari non posse. Quandoquidem eius improbè initi susceptiq; consilij authores necesse sit in ipso malefici vestigio pœnitere, tam propinquis scilicet atq; expeditis Cæsarianorum copijs, quæ omnem infidelitatis suspicionem celerrimè ulcisci queant. Porro Cosmum tanto cive genitum, qui nuper intermortuum militiæ decus apud Etruscos ad æternam laudem excitavit, tantisque nobilitatis eximiae ex Salviata matre propinquitatibus septum, non alio quàm ipsorum usurum consilio, daturumq; operam, ut ipse rerum rudis & imperitus publico consensu obloquentissimi & moderatissimi principis famam consequatur. Serebant inter se tacitos sermones patritij, perplexique animis consideratius atque languidius deliberabant. Nam Canisianus, ineptus & futilis senator de subrogando Alexandri filio ex concubina vix trimo, ad quem Cardinalis paulo ante respicere videbatur, mentionem intulerat: & Pallas Oricellarius se neq; principem, neq; ducem in Rep. velle professus, non recusare dixerat, quin pro alba suffragi faba capitis pœna plecteretur. Sed hunc Franciscus Victorius modestiæ admodum, ut federet iussit, suoq; suffragio, quod inter tot senatores tantum modo unum foret pro insana libidine, uti luberet, uteretur. Illum vero vehementer increpavit, quod spurius infans contra ius tabularum Cæsaris, patriæq; bonum & æquum adulatione vanissima Cosmo iam planè viro natuq; legitimo & matuta virtute cōspicuo præferendus videretur. Guicciardinus quoq;, cuius cum summa erat autoritas, quod popularis factionis statum in patritios grassari solitum vehementer abhorreret, & de libertate, quæ optimatum cōsensu regi atq; defendi posset, desperare videretur, Cosmo non obscure favens, præclara voce differebat, se non passurum, ut Sciumpi iterum regnarēt. Sciumpos enim vetere Etrusco vocabulo ad cōtumeliam appellabāt ex populi fece proletarios & despiciatos homines, quorum audacia fretus Michael Landus avorum memoria, è lanificij taberna prosiliens, urbis dominatum eiectis miserabili cum iniuria patritijs invasisset: identidem dicens ad salutem civitatis expedire, ut aliquod in Rep. caput emereret. Atq; ita nonnullis è primo ordine civibus in sententiam traductis, in proximum cubiculum secessit cum Roberto Acciaiuolo, Franciscoq; Victorio, & Matthæo Nicolino iuriconsulto, qui in unam ferè sententiam conspirabant, opinioneq; prudentiæ, & civili autoritate multos vel dissentire paratos, aut certè perplexos in sententiam perducturi, uti evenit, credebantur. Secedendi autem causa fuit, ut unà constituendi principatus conditiones perscriberēt. Volebat enim Guicciardinus inter eos facile princeps certis legibus astringi potentiam dominatus, atq; abolere odiosum in libera civitate ducis nomen, toties in Medicea familia repetitum, non obscuro quidem patriæ studio, quod non inepta ratione dissimulabat, utpote qui præclare diceret, ducis nomen nequaquàm gratum Cæsaris auribus futurum: qui antea non temerè Alexandrum ipsum, vel etiam generum in literis, quas ad eum perscribere esset solitus, nunquàm Florentiæ ducem appellavisset, vel ob id præsertim quod recepta civitate, constitutaq; Rep. neq; Clemens Pontifex, neq; civitas id tituli de-

tus ab se, qui tum rogandus fuerat, et maiora benignè concesserat, nequāquā
 petivisset: nam uti cautus & prudens iurēconsultus minimè tum de ducis no-
 mine controversiam importuna mentione commovendam esse existimabat,
 nec creandi ducis iura, quæ ad liberam civitatem omnino pertinerent, imperia
 te ad Cæsarem inepto præiudicio transferrentur, quando quidem non crea-
 di, sed confirmandi tantum, quæ ipsi sua civili antiquissima lege sancirent atq;
 decernerent, facultas esset apud Cæsarem. Conditions erant hoc modo per-
 scriptæ: Cosmus quod bonum faustumq; esset, Reip. præficeretur, nec dux, sed
 caput modestiorē nuncupationē vocaretur. Neminem nisi civem, quum ipse
 abesset, in civitate vicarium relinqueret, quod elata nobilitatis ingenia superio-
 ribus temporibus, & Gori Pistoriensis, & Passerini Cortonenſis, & demum
 Statij Romani iussa fastidissent: & quod Etruscæ frugalitatis fuit, duodecim
 milium aureorum nummum summa in anni domestici apparatus sumptum
 contentus foret, quod æquo gravioſam impensam fecisset Alexander, qui de-
 cem & octo milia quotannis in convivio absumere consueſſet. Quum hæc per-
 scriberentur, deferrenturque ad singulos senatores, ac his omnibus prolixè ana-
 nueret Cosmus, & in senatu diversæ sententiæ aliquanto lentius dicerentur,
 quā faventium Cosmo studia postularent, exortus est in compito ex ignobili
 rixa, ingens apud milites armorū strepitus, quo exaudito pleriq; senatorum
 timore concuti atq; palleſcere cœperunt, nec temerè quidem, quod à Vitellio,
 ex vetere odio paternæ necis civitati inimicissimo incitari milites ad prædam &
 cædem facile suspicari possent. Ad fores quoque eius cœnaculi audita vox est
 cuiusdam admonentis, ut quod vellent senatores decernere illico maturarent:
 quando Vitelliani, vel ipso ducis imperio diu reprimi non posse viderentur,
 quin captis tam armis ad obviorum prædam & cædem discurrerent. Eares si-
 ve orta casu, si ve conficta consilio, senatores ad ineunda suffragia opportune
 compulsi, præclaroq; omnium assensu, quem præsentis periculi necessitas exa-
 primeret, Cosmus reipublicæ caput est renunciatus. Is è subdiali in senatū vo-
 catus, & universis gratias agens, ea quam dedissent summi honoris potestatem
 non alio quàm ipsorum iudicio consilioque se usurum testatus est, ad apertoq;
 senatu, tanta acclamatione, tantoque applausu omnium perstrepuerit domus, ut
 milites prædæ avidi admixtiq; plebeis, gratulandi causa, ad Cosmī matrem ir-
 rumperent, domumque totam, frustra ea prohibente, sed tamen filij felicitatem
 impensè læta diriperent, & ex magno simul metu solitudineque tota civitas
 ad hilaritatem verteretur. Nec multo post Laurentius Medices parricida & pa-
 triæ hostis ex senatusconsulto declaratus est, bonisque proscriptis, præmia eius
 percussoribus aureorum septem milium constituta, & domus eius ad perpe-
 tuam ignominiam à tecto ad ima fundamenta lato hiatu proscissa est. Paulo
 etiam ante Cardinalis quum in attollendo Cosmo obnixè satageret, ab eo, si prin-
 cipatu potiretur, hæc postularat, scilicet ut nihil unquam ad gratiam aut o-
 dium flexus iustitiam exactè colendam arbitraretur, nec unquam ab authori-
 tate Caroli Cæsaris discederet: Alexandri indignam cædem graviter vindica-
 ret, et liberos eius pupillos ex concubinis susceptos, benevolentissimè comple-
 cteretur. Quæ omnia postea cumulatè implevit: nam admirabili prudētia ius
 dicens, & noxios plectens, perpetua non iniquæ severitatis, atque clementiæ
 moderatione, iusti nomen promereri postea contendit, & fidelī obsequio,
 liberalique studio erga Cæsarem grati animi sui existimationem tutatus est,

eo quoq; maiore gloria, quod inexpectata quadam lenitate summam clementiæ laudem tulit, quum à nemine, vel propinquo, affineq; rogatus, sed sponte uno edicto exules, & relegatos omnes ab Alexandro in patriam reduxisset, & sincerissima fide in gratiam receptos, oblitus veteris iniuriæ perpetuo fovendos suscepisset: ipsum verò parricidā usq; adeo intenta diligentia est persequutus, ut quum ille è Gallia Byzantium profugisset, eum Solymanus hominis perfidiam execratus, avi Baiazetis exemplo, qui Bandinum tanquam impietatis reum olim tradidisset, capiundum dedendumq; censeret, nisi ille insidias veritus properè Venetias se contulisset, ut ibi aliquot post annos cum avunculo Soderino trucidaretur, haud dubiè in gratiam Cosmi, duobus Volaterranis militibus Bebio scilicet, qui fuerat ex prætoria cohorte Alexandri, atque Cecchino Bibbona ultro superioris domini mortem vindicantibus, & ob id quidem generoso magis animi decreto, quod proposita publicè à senatu præmia repudiassent, quum se satis lucri facturos existimarent, si exoptatum Cosmo, de parricidæ cæde facinus liberaliter edidissent. Iulium autem liberaliter educari iussit, & Iuliam patris ora atq; oculos referentem Restantio Cantelmone Præcutinis pernobili regulo, nuptui dedit. At ubi Romæ & per omnes Italiæ urbes, nunciatum est Alexandrum, unius civis, eiusdemq; gentilis & propinquum, adeoq; amicissimū sodalis perfidiosa manu fuisse trucidatū, triduoq; post Cosmum Medicem, ei in eodem honore principatus ex senatus consulto rogatum, mira omnino res videri cœpit, quod civitas suo pte instinctu erecta in spem libertatis, in tanto interfecti principis murmure nihil prorsus se commovisset, quando nulla essent in urbe militum præsidia præter unam satellitum custodiæ corporis centuriam, quæ nec pueris explodentibus & more patrio saxa vibrantibus suffectura videretur. Quibus de causis Laurentius percussor diversissima nominis sui fama iactabatur: uti sunt ferè cunctis in urbibus factiosa ingenia, quæ cuiusque magnæ rei editæ rationes excutere, subijcereque censuræ suæ insolenter & proterve solent, ut partibus, quibus sese seneci addixerint, propensissimo studio, sermoneque palsim & perscriptis undique literis opportune deserviant. Vni omnium Florentini, præcipueque exules Laurentium miris laudibus in cœlum sic attollebāt, ut eum M. Bruto gloria parem dicerent, qui amore patriæ divinum libertatis revocandæ studium, contempta vel amicissimī tyranni gratia ostendissent. Multos utiq; illum laudis confortes ex senatu adiutoresq; & conscios pensitati patratiq; facinoris habuisse: hunc verò nemini, quod diu concoxerat pulcherrimi ausus consilium detexisse, satisfecisseq; sua manu communi voto, simul & patriæ caritati, ut civibus, si animos viriles induerent, ad excutiendum servitutis iugum tuta atq; expedita via pararetur. Ast alij hæc omnia in universum, uti humaniores, æquissimiq; homines secus interpretabantur, quod Laurentius nequaquā studio asserendæ libertatis, sed incredibili malignitate, vecordiaq; impię mentis adductus, ad id patrandum scelus descendisse videri posset, postquā cuncta humanitatis, amicitiae, propinquitatis, & deniq; tenerioris sodalitij iura subverterit. Quando quidē eum ignobili fraude interficiendū suscepit, qui omnes sibi timendos præcavendosq; ratus, ipsi uni optimo iure salutem cōmitteret, utpote qui esset fortunarū omnium & tanti etiam principatus ex autoritate Cæsaris præclarus hæres & successor designatus, nisi magno suo incōmodo perversus & impius parricida damnaretur. Cur enim inde laudē nisi falsam ac omniū ferè iudicio

dicio turpem, odiosamque insuper truculenti nominis famam expeteret: unde nullum patriæ commodum, nullum familiæ decus, & nullam deniq; sibi privatim ab ulla vindicata iniuria voluptatē, aut publicè gratiā pēperisset. Quandoquidem id admissum scelus omnem vesanę feritatis estimationem diro pondere exuperasse censeatur, qua sanctissimos penates, in quibus inclytus ille superior Cosmus progenitus natusq; sit, & illud ipsum patrum atq; avorum geniale cubiculū, socialisq; lecti culcitras, tanti amici atq; hospitis cruore defœdavit. Num interempto ut videri volebat impotēti regnatore prius sibi celeri fuga prospiciendum fuit, quā repræsentanda civium oculis atq; animis exoptata potius quā quæ sita libertas? Detegere herclē cædem illum oportuit, nec occisum lodicibus occultare, ut populus antiquo servorū more ad pileum vocaretur. Sed in fatis erat, ut sine perturbatione amplissimæ civitatis adstrueretur Cosmo imperium, & percussor omni sua spe deceptus detestabilis flagiti sui non seram vel diu profugus & exul pœnā subiret. Nec hac in re prætermittendum videtur, quod falsè & graviter de Laurentio mecum loquens Guicciarditus protulit, illum scilicet quocunque animo fuerit, tria quæ ei contrario eventu responderint, ab eo facinore edito quę nollet quæsiuisse, quum amicissimum principem occiderit, inimicum capitalis odi ad principatum extulerit, & patriæ graviolem quā volebat diuturnæ servitutis conditionē invexerit.

Ferunt nonnulli eum non tantum amore patriæ, sed immensa quadam magni alicuius edendi facinoris cupiditate, vehementer exarsisse, quo oblitterata, aut obscurata recentis infamiæ nota claresceret. Vivo enim Clemente ut studium gentilium suorum eruditæ virtutis & elegantię æmulari videretur, antiquis Romæ statuis capita detruncans ab arcu præcipuè Constantini noctu abstulerat, fremente populo Romano, et frustra illum, quisquis esset, ad supplicium trahi iubente Pontifice. Sed non diu immanis furti author abscondi potuit, quum ille cognita ira Pōtificis defossā præda Vrbe profugisset. Itaq; Clemens stultissimæ levitatis atque libidinis scelus execratus, ita eum Mediceæ familie probrum & labem appellavit, ut populus Romanus eum ex iusta iracundiā in Capitolio asperrimis decretis perpetuo exilio damnaret, senatorque urbis potestate consulari eum non impunè modò, sed cum præmio etiam Romæ occidendum ediceret, & in academia Romana, quod ad eam quoq; tanta iniuriā pertinere censeretur, Marius Mossa Mutinensis in eum luculentissima oratione perscripta, maledicentissimè invecus eternæ infamię notam inureret. quibus virulentis telis undiq; confixus, suoq; pudore excito insanabilem sentiens dolorem, consilium suscepit, priore quidē scelestius, sed quod honestissimæ laudis ex eventu speciē præferret, scilicet ut novitate & magnitudine anteeuntem iam latè famam obscuraret & obrueret. Prædixere Alexandri cædem, & Cosmi imperium, is ante omnes, quem diximus Ariolus Græcus, magno multorum miraculo, quum & illi non modò cædem, sed certū quoq; percussorem indicasset, qui esset ipsi intimus, habitu gracili, vulticulo buxæo, & suspensa taciturnitate ferè cæteris in aula insociabilis. Cosmo autem pro constanti pollicetur brevi fore, ut hæreditate cresceret opulenta, audiente quidem Alexandro & subridente Cosmo, quum absumendus mortē prius foret magnus propinquorum numerus, quā ulla ad se vel tenuis hæreditas perveniret. Iuvenis quoq; Perusinus minister à dapibus nomine Horatius, quum febre torqueretur ex vapore, uti credi par est, atrebilis, ter noctu visum habuit, quo principē

à Laurentio iugulari apparebat, quæ rerum imagines ægrum perpulerunt, ut Paschalis principis medico enunciaret ad principem referendas. Sed Paschalius officio sollicitè fungens, ea mente principem reperit, ut eam somniantis agri fabulam esse diceret, admirans cur tota domus in Laurentij odium conspirasset. Hæc præclaro Cosmi principis testimonio scribere voluimus, ut non semper de futuris vanam esse diuinationem curiosi mortales intelligant. Eo die (is fuit quinto Idus Ianuarias) quo Cosmus ad principatum bene auspiciatò prouehabatur, in ipsius villa Castellia suburbani tractus, mira et planè prodigiosa omnis generis florum vbertas, cunctis stirpibus erupit: quum rigore pertinaci vicina prædia adhuc inhorrescere viderentur, & vni ferè omnium (quod mirum esset) Cosmiani horti ad adulti veris similitudinem singulari iucunditate florescerent. Eadem nocte quæ creati principis diem sequuta est, Alexander Vitellius composito multum antea in eam occasionem, ut plerique existimant, insigni dolo, arcem occupauit. Præfecerat ei ab initio Alexander princeps, Paulum Antonium Parmensem, fide quidem integra, sed nullo militia vsu viriliq; astu præditum, qui, quum fortè nocturna in rixa, dum principem protegeret, sibi decissæ nares fuissent, eius opimi muneris præfectura fuerat donatus, ut deformati oris fœditas aliqua ex parte eo beneficio pensaretur. Huic Vitellius delectos ex suis Tiphernatibus milites, custodiæ causa attribuerat, sub Mendula astuto vasroq; centurione genere Salentino. Per hunc persuasis militibus ex composito excitata est in arce repentina seditio falso rumore excito, quod præfectus noctu pecuniæ culeos è muro demitteret, atque arcem in spem ingentis præmij exulibus traditurus esse diceretur. Ex ea vociferatione perfidiosaq; insolentia tumultuantis turbæ, quum sese purgare præfectus vellet, impetu conspirantium factò, consilij & virium inops comprehenditur, Mendula claues extorquet, & vti significatione facta conuenerat, Othonem Montacutum Vitellij præfectum, qui eum cohorte ad extimos fossæ cancellos peruenerat, ad apertis portis introducit. Aduenit etiam illico Vitellius ipse, extrusq; per minas & contumelias Parmensem custode, tota arce positur, nouasque vigilias disponit, et Cosmo principi nunciari iubet, sedatam esse seditionem, rem in tuto esse, atque arcem in eius potestate futuram pollicetur: egregio hercle tum animo, nisi postea, ut aliqui existimant, voluntatem maioris præmij spe adductam magno quidem Cosmi detrimento mutauisse diceretur. Cuius conceptæ suspicionis nomen ut auerteret, apud Cosmum præsentibus senatorum amplissimis proluxè testatus est, se nemini præterquam ipsi Cosmo, sicuti iure deberet, dediturum arcem, modo is in fide clientelæque Cæsaris permaneret, proptereaq; se duos è liberis promissi obsides daturum, sed id pignus tanquam minimè necessarium Cosmus generosè abnuit, ut nondum confirmati hominis conscientiam arctius atq; nobilius obstringeret. Ferunt nonnulli, Vitellium Mediceæ gazæ oculos adieccisse, quam Margarita Austria orbara coniuge, mœroreque & metu occupata, in arcem deducente Cardinale confugiens, planè totam, vsq; ad ignobilis instrumenti supellectilem secum asportarat: utpote qui eius partem, uti postea accidit, in præmij nomen sibi obuenturam sperauisset. Nec multum inde Vitellius, ad Cæsarem syngrapham misit, qua arcem securitatis causa ab se occupatam, ipsius Cæsaris nomine defensurum promittebat: neq; ulli traditurum vnquam, nisi ex voluntate eius id facere iuberetur. Dum hæc Florentiæ aguntur, & Romæ de cæde Alexandri certius

dri certius cognoscitur, exules Florentini, Bartholomæo Valorio, & Antonio Francisco Albicio cogentibus, ad Salviatum Rodulphumq; Cardinales concurrunt: de recuperanda libertate vehementer consultant: cōsiliū Maconium Galliae regis legatum adhibent. & quum nunciaretur Cosmum in interfecti locum ex senatusconsulto fuisse subrogatum, amissam omnes recuperandæ libertatis occasionem dolent: conqueruntur de pigritia, ignaviaq; civium, qui opportunissimo tempore nihil se commoverint: senatum incusant, atque patrios imbecillitatis, importuniq; timoris, qui tyranno fortiter, opportuneque sublato, Cosmum nimis præcipiti deliberatione, expeditis suffragiis suffecissent: sic ut nō excutere iugum dominatus, sed mutare dominum tanquā priore mitiorem cupivisse videri possint. Itaque ardentibus animis paranda arma censent: properandumque Florentiam decernunt, ut priusquam novi principatus vires coalescant, tanquam præteneræ adhuc & invalidæ, excitatis ad liberandæ patriæ studium civibus, convellantur. Incensos proclinosque ad bellum Cardinales, cæterosque exules incitat Paulus Pontifex, conferenteque pecuniam Maconio, in Vmbria, Pontificijque imperij provinciis milites conscribi sinit. Suis namq; rebus atq; consilijs cum privatis tum publicis conducere indicabat, si Etruriæ imperium æquabili restitutæ Reipublicæ consilio, potius quā unius principis nutu atq; auspicio regeretur. Agnoscebat siquidem non obscuro metu, infensoq; hoste fuisse liberatum sublato Alexandro, qui gravissimè de subagresti avaritia, inhumanaq; duritie ingrati Pontificis fuerat conquestus, quod defuncti Hippolyti Cardinalis supellectilem, in qua erant vetera Mediceæ familiæ ornamenta, ad hastam vendere, quā sibi æquā pecunia redimere cupienti concedere, maluisset: qua ex re tanquam inexplabili iniuria exacerbatus, multis nominibus ingratum Pontificem appellare consueisset, & testari se aliquando eius contumeliæ dolorem expiaturum infesta populatione, quod esset valido cum equitatu expeditisque cohortibus, ad cremanda Farnesiæ familiæ oppida usque ad Vlsinensem lacum irrupturus, sic ut non temerè Pontifex eadem pericula converso in Cosmum odio præcavenda duceret: quandoquidē erecto novo principatu, & vigente eadem causa privatae similitudinis, nomen tantum non animum principis esse mutatum existimare posset. Itaq; Cardinales expedita pecunia Paulum Rentio Cerite genitum conscribere cohortes, & in Aretinum agrum contendere iubent. Ipsi ab Urbe profisciscuntur, & Florentiam ire pergunt. At Cosmus de eorum consilio certior factus, per Vitellium, Rodulphumq; Baleonum copias cogi atq; opponi transituris iubet, accersitq; in agrum Fesulanum Hispanorum cohortes, duce Francisco Sarmiento, & quæ sibi in urbe præmunienda erant diligenter instituit. Eo etiam securiore fiducia quod ad Hispanos accesserant duo vexilla Germanorum ex his, qui ab Algeriano bello in Hispaniam delati in Italiam demum venissent. Nam Alexander dubij, & in officio Cæsaris non obscure nuntantis Pontificis consilia suspectans, & in eum capitale propè odium coquens, sese externis præsidijs confirmare statuerat, & Vastius cognita Alexandri cæde Pyrrhum Scipicianum, qui Cosmo, uti expediret, Cæsariani nominis præsidia compararet, Florentiam miserat. Fama erat ideo venire Cardinales ad patriam, ut publicarum rerum statum componerent, quasi neq; rectè, neq; ex usu civitatis, optimates subrogato novo principe publicis rebus consulissent. Quamobrem fiebat, ut Cosmus eorum adventum miraretur, quod uterq; ip-

sum arcta propinquitate contingeret, ipseque Saluiatus esset auunculus: eorum vero consilium rideret potius quam timeret, quoniam propinquis confusus copijs, nihil de optimatum fide, constantique erga se studio dubitaret. Hi namque ius suum tueri volebant, existimationemque iudicii sui, factique causam se defensores esse testabantur. Interim Cardinales & exules ad Montem Politianum recepti, ubi de aduentu Hispanorum ad urbem certius discunt, & Baleonus cum equitibus ad Clanis pontem peruenisse nunciaretur, tantisper subsistunt, & per idoneos homines ciuitatis animos explorant. Præmiserant Cardinales cum literis ad primores factionis Georgium Ridulphum. Is quod esset exul tanquam temere ingressus comprehenditur, magnoque correptus metu, quas¹⁰ deferret literas profert, postmodumque dimittitur. Tum vero per mutuas legationes actitatum est, an colloquijs potius quam armis de publicis rebus esset disceptandum. Cosmus honoris causa venientes ad se cum inermi comitatu in urbem recepturum profitebatur: sin cum copijs quas adduxissent venire malent, ipsum quoque introductis Hispanorum præsidjs saluti suæ & dignitati consulturum. Saluiatus non satis sibi virium adesse cernens, quod se plurimum consilio & colloquijs apud ciues valiturum confideret, suadet Ridulpho, atque item Gaddio, qui tertius impellentem Maconio vel nolens accesserat, ut omnino in urbem iretur inermi comitatu, sicuti sacerdotes pacis potius quam belli auidos deceret. Eos Cosmus obuiam honoris causa progressus, tanquam pro¹⁶ pinquos spectabilesque sacri ordinis ciues hilariter suscepit. Sed intrantibus urbem non aliter à populo acclamatum est, quam ut pilarum nomen ingeminatis clamoribus attolleretur. Qua significatione animorum Cardinales ex spe suscepti consilij sui, ad paternas domos deducti sunt. Nec multo post inter crebras salutationes ciuium frustra pertentatis voluntatibus Saluiatus Cosmo suadere cepit, ut abdicato principatu honestissimo inter ciues loco contentus esse vellet, qui ei maximè gloriosus atque tutissimus foret in libera ciuitate suis legibus viuere florereque solita. Id si faceret, mansuram ei dignitatem amore & gratia ciuium amplissimam, qua maiores ipsius ab ciuili moderatione principes ciuitatis euassissent: collaturamque ei ciuitatem ex senatus consulto insigni præmium annui redditus, quo adiutus supra paternas opes splendidissimi ciuis disciplinam & cultum tueretur. Repeteret ipse animo, quo spiritu, quæ animorum constantia, ciues paulo antè libertatem appetierint, partamque demum defendere conati sint, & quam non diu regnari impositus Tyrannus, vel apud desertos ab omnibus socijs subactosque conspiratione totius Europæ atque omnibus demum exutos armis. Hæc à se commemorari libenter atque lubentius, quod extra pudorem & bonus esset ciuis, ac propensius auunculus. Dñi boni facerent, ut optima consilia quæ secura essent atque honestissima ad mentem inani ambitione vacuam admitteret. Fore etenim ut ipse hoc officio veræ pietatis, & is summæ gloriæ spe ductus iusto melioris animi decreto incomparabilem ferret laudem, nec eam quidem villo vnquam tempore perituram. Ad ea Cosmus virili constantia respondit, se neque vllum honorem iusto maiorem in patria, neque principis locum Alexandro crepto quæ siuisset, sed integro pudore repudiare noluisse quæ vno consensu senatus ex lege Cæsaris detulisset, ne ineptus foret, si degeneri animo oblatae dignitati se minime parem esse fateretur. Eum qui esset auunculus hac Fortuna sua lætari debere, nec inimicè aut certè parum pudenter hortari, ut non usurpatum, sed collatum

collatum ultrò dictaturæ nomen stultè deponeret. Se quidem auspicio invicti
 Cæsaris Rempublicam gesturum civili æquitate, non impotentis principis
 more, sperareque, se ex rectis consilijs probitateque vitæ, multos sibi ex inimi-
 cis amicissimos esse redditurum, daturumque operam, ut potentie suæ nomen
 nemini bono civi invidiosum foret. Salutem porro suam Dñs immortalibus
 cordi futuram se credere, qui ex benefactis nemini probè pieq; regnanti atro-
 cem unquam vitæ exitum attulissent. Itaque desineret secum agere dere tran-
 facta: sibi namque in animo situm esse quid fata obtulerint, quidve ultra etiam
 promittant, virtute duce prosequi atque suscipere: firmissimoque decreto non
 10 deesse fortune arridenti. Quod si armis sibi vis afferatur, ostensurum se ea con-
 stantia esse præditum in retinenda dignitate, ut non prius extrema omnia ex-
 periri & perpeti, atque armatum si oporteat interfici, quàm honore iam rece-
 pro & feliciter inchoato deijci malit. Salviatus ab hoc colloquio discedens, fa-
 cile sensit, quos spiritus gereret sororis filius, vel imberbis adolescens, & quàm
 angustè sibi esset sperandum de civium voluntate, iudicioque populi, quum
 nemo sese cupidum rerum novarū, aut omnino popularium partium studio-
 sum ostenderet. Proinde irascebatur iam sibi tanquam nimis properè rem dif-
 ficilem ingresso, quæ respectu propinquitatis certum & non dubium quoque
 metum afferret, tot scilicet Cosmi præsidjs eorum adventus causam improban-
 20 tibus. Milites namq; passim dispositi domos Cardinalium dissimulanter ob-
 servabant, sicut interdium noctuq; adeuntes cives notarent, nihilo secius tamen
 Cardinales ipso stolato cultu & senatorijs insignibus tuti, quum nihil de insti-
 tuto consilio remitterent, specieque quotidiani convictus nonnullos invitare,
 & familiarius complecti solerent, eis Cosmus per Vitellium renunciari iussit,
 ut urbe excederent, & sese ad sua munia senatoriæ dignitatis reciperent, ne in
 ipsos militi invisos odia atque arma verterentur. Valorio quoque per acerbè
 cædem interminatus est. qua periculi denunciatione Cardinales extemplo ur-
 be profecti, Bononiam se contulerunt: quibus in Apœnino obvius factus est
 Philippus Strozza exulum princeps, quo cum eadem quæ dudum improspe-
 30 re venerant, belli gerendi consilia instaurata sunt. Negocium itaque parandi
 atq; inferendi belli Petro Strozze ipsius Philippi filio permittitur, quod secū
 nonnullos ex prima nobilitate exules traheret, & summo navandę operę stu-
 dio ardere videretur. Is pecuniosi patris opibus fretus, auctusque militari lau-
 de, quod Gallis apud Taurinū non obscura fama militasset, non defuturas sibi
 copias existimabat. Venerat in spem occupandæ eius urbis, cui Burgo sancti
 Sepulchri nomen est, in finibus Etruriæ, qui ad Umbriam pertinent. Per id e-
 nim tempus Burgenses intestina discordia laborantes, mutuis inter se cēdibus
 desæviebant: forteque evenit, ut nonnulli his de causis prætorio iudicio extor-
 res facti, Strozze urbem occupandā se præbituros pollicerentur, creditumq;
 40 est ab hac proditione civitatis præfulem minimè dissensisse. Is erat Alexan-
 der Rondinellus vetere odio, sed accuratè compresso Mediceis intentus, ad
 quem colloquendi causa Franciscum Pactium & Philippum Valoriū filium,
 Bertoldumq; Corsinum ex numero exulum intrasse constabat. Cæterum ubi
 ex non incerta fama percrebuit, Strozzam cum cohortibus adventare, & iam
 eius vexilla conspici, in universum Burgenses, ne ullam infidelitatis suspicio-
 nem darent, ad sonitum campani æris, arma capere atque egredi porta cœpe-
 runt. Quo cognito Strozziiani elusi spe sua, & oppidanorum multitudine

perterriti, adeo celeriter signa verterunt, ut Apœnini dorsum illico transcendere, & ad Sestinum ignobile castellum improuiso occupandum verterentur. Sed non minore fide virtuteq; Sestiniani, quàm Burgenfes, vel nullo militari præsidio defendente, subeuntes Srozzcanos pepulere, aliquot eorum interfectis, & in his Nicolao Strozza, & Moretto Signorino exulibus, ac reliquis tanto impetu deturbatis, ut in præcipitem fugam se darent, & per alueum Arimini amnis, qui Mariza ab incolis dicitur, intra Pontificij imperij fines se reciperent. His aduersis partium conatibus nihil animo se demisit Strozza, communicatisq; iterum cum Saluiato cæterisq; exulibus, tertiæ expeditionis consilijs, maiore apparatu, grauioreq; impetu Etrurię incumbendum esse constituit. Quarum rerum factus certior Cosmus, valida etiam ipse præsidia, felicioraq; (vtri euentus docuit) adula iam æstate comparabat: ampliore fiducia vel ob id expectandos esse hostes existimans, quod iam sui principatus iura ipsius Cæsaris propensissima voluntate confirmata, ex bullatis & solennibus codicillis acceperat, & id quidem vberiore Cæsaris benignitate, quod hisdem titulis atq; honoribus, quibus antea Alexandrium generum consentiente ciuitate indulgenter exornasset, Cosmum quoq; principis & ducis nomine appellandum censuerat. Ab initio siquidem per Auerardum Serristorium legatum Cosmus à Cæsare postularat, ut quicquid senatus Florentinus ex ipsius auctoritate ab initio receptæ vrbis institutus, Alexandro concessit, id totum quoq; sibitribuendum decerneret. Qua significatione amoris & gratiæ viq; adeo corroborata est apud omnes Cosmi existimatio, ut vetera in Mediceos ciuium odia detergi, & penitus extinguere confirmari autem amicorum studia & subinde exulum conatus contemni posse facile appareret, Vt verò in nuptialem thorum Margaritæ filiæ ex sponsalibus succederet, quæ viduæ puellæ neque inepta, neq; ingrata videri possent, impetrari non potuit: quod eam iam Octauio Pauli Pontificis nepoti ex arcano despondisse fateretur. Tertio loco reddi sibi arcem petebat, quam Vitellius iniussu Cæsaris se minimè redditurum asseuerarat. Ad id ita Cæsar respondit, ut non in præsens concedi debere diceret: sed integram ei spem, nec optato euentu cariturâ relinquere videretur. Cæsar enim suo pte ingenio nunquam plenissimè de quoquam externo bene suspicari solitus, Cosmum propinqua spe illata recipiendæ arcis in officio continendum rebatur, postquam ei filiæ nuptias denegasset: admirantibus cunctis, quod Mediceo florentis ætatis & formæ iuueni, in non dubiam Etrusci imperij possessionem recepto, Farnesius incertæ adhuc indolis & Fortunæ, duodecim annorum puer, præferretur. Verum inualefcentibus Gallorum armis, & incumbente Solymani classe, vnus antè omnes Pontifex, cui Nouaria dono data minime suffecisset, aliquo insigni munere conciliandus erat, ut Gallo regi, tanquam impiè Turcas ad communem Christiani nominis perniciem euocanti, sese hostem non iam perplexè sed aperte futurum esse pronunciarer. Hi duo principes ætate nostra (vtri existimare licuit) supra reliquorum regum ingenia, non eximia modo admirabilique prudentia: sed occulta ambitione, profundoq; astu insignes, commodis tantum suis, nullo ambiguae fidei cum pudore seruibant: Pontifex, ut suæ domus opes vel malo publico vehementer augeret, Cæsar porro ut finitimis subactis, vetus sibi imperium, in Italiaq; præsertim, assereret: ut inde amplificatis viribus & dignitate confirmata, sicuti innata virtus & aspirans Fortuna promitterent, maximæ partis Europæ dominatu

natu potiretur. His sensibus nunquam planè synceris plerunq; fiebat, vt inter
 se per inania promissa colluderent, et quantum integra amicitie dignitate fieri
 posset, vterq; callidis semper consilijs mutuas simulationis artes inducerent, ne
 alter ab altro decipi, aut traduci facile posset. Neq; enim ab hoc Galliae rex ho-
 nestè deferendus, neq; ab illo etiam tutò contemnendus Pontifex censebatur,
 quando vtrinq; cuncta ad mutuum commodum praesenti lucro aut futura spe
 non ineptè pensarentur. Per id tempus in Subalpina regione Galli cum Cæsa-
 rianis ita gerebant bellum, vt detrimenta atq; pericula diuersis rerum euenti-
 bus vtrinq; exaequata videri possent. Nam per heymem exercendo militi conti-
 nuandoq; bello varijs susceptis expeditionibus vtriq; ex hostili agro aliquot
 oppida aut expugnarant, aut oppugnata ab aduersarijs cruento saepe certa-
 mine defenderant: enimuero sicuti superiore aestate Cæsariani Fossano potiti
 fuerant: ita per heymem Galli Italicis aucti copijs Bargiam vi expugnatam, cap-
 to ibi Annibale Brancatio Neapolitano, in potestatem redegerant, & Raconi-
 sum oppidum per amplū, noctu inuadente intranteq; per arcem Petro Stroz-
 za, atq; ei subsidia equitum adduciente Cæsare Fregosio, ita coeperant, vt com-
 misso per regiones tumultuosissimo certamine, Cæsarianos oppresserint, ca-
 dentibus eo in prelio ex victoribus Thoma Ronchio Nouellariae cohortis pre-
 fecto, & Latino Vecchia Romano: Quæ duo incommoda non multo post
 Cæsariani Caragiana cæde & Casalensi victoria rependerint. Sed ineunte vere
 Salassius quum occupata Carmagnola, arcem, quam Stephanus Balia Muti-
 nensis pertinacissimè tuebatur, oppugnare pararet, tormentumq; librando in
 propugnatores dirigeret, glande ipse traiectus occubuit. His vero animis ex-
 ceptus est Salassii interitus, vt non Gallicarum modo partium pleriq; sed & æ-
 qui homines in neutram inclinantes partem, eum tanquam perfidia nota infa-
 mem, meritò occisum dicerent: Hispani vero tanquam virum fortem laudibus
 prosequerentur, & Vastius dissimulata offensione, interioreq; letitia, seuerius
 fortasse quàm oporteret, Stephanum non multo post protracta & demum des-
 perata defensione, laqueo suspendi iuberet, vt ea victima æmuli Salassii mani-
 bus parentare videretur. Eo autem successu incommodum vtrinq; æquatum
 videbatur, quò paulo antè Galli Annibalem Nouellarium, qui nobilitate atq;
 virtute par esset, apud Buscham ignobile castellum, nocturna oppugnatione
 fortuito minoris tormenti ictu interfectum desiderassent. Sub id tempus Hu-
 merius, nouus dux Gallus, cum recentibus copijs ad reparandum bellum à re-
 ge missus, ab Alpibus descendit: cuius aduentum summumq; imperium Gui-
 do Rangonus, Gallicanorum ducum quos diximus, vsu belli, ingenijq; soler-
 tia longè optimus, non diu ferens, à militia regia profectus in Galliam disces-
 sit. Nec multum inde secundum Guidonē & ipse quoq; Caninius concepta ex
 leuissimis delationibus cum Fregosio simultate, à Gallis sese alinauit, singu-
 lari certamine cum eo certaturus, prouocatorijs in ea controuersia editis li-
 bellis, quibus Itali milites superbis insanisque ingenijs ferociam animi osten-
 tare, & inane decus tueri, cum exitio saepe turpi, foedoque fortunarum & no-
 minis detrimento, pertinacissimè student: secus ac exteræ gentes, quæ fe-
 rè omnes honestiore decreto, militiae et in acie tantum aduersus publicum
 hostem virtutem ostendere fas esse iudicant. Cæterum Humerus, qui magna
 virium & nominis famam, quod Delphini nutricius fuisset, specie ferox ad-
 uenerat, satis celeriter opinione hominū decidere visus est: quū sese nequaquā

pro natura Gallorum pugnacem, & in consilijs explicatum, sed planè timidum ostendisset: Quod opportuna quæq; gerendo bello consilia, vel non incepta occasione inducta, & oblata à cæteris ducibus, tanquam periculosa respuer. Delatus enim ad Astam, recenti validoq; impetu eam urbem occupaturus existimari poterat, si paululum sese prouehere, & Astenses nudatos iusto præsidio, & in Gallicum nomen ex antiqua dominatus consuetudine proclinos, ostentata acie tentare voluisset. Tuebatur siquidem eam urbem Antonius Aragonius non magna manu militum, sic vt Vastius eius periculo vehementer angeretur. Antonius de salute sua, vt iuuenis opulentus atq; pernobilis, maximè sollicitus, nec bello abundè exercitatus, anxie à Vastio opem sibi ferri postularet. Accidit autem, vt quum subsidio cum semiplena Hispanorum cohorte Franciscus Ruicius aduenisset, Antonio animus confirmaretur, obidque Humerio obtinendæ vrbs facultas spesq; omnis minui atq; adimi videretur, retrocedendumq; inde statueret, quod aduentare Vastium ex inani rumore, & prelio certaturum arbitraretur: frustra reclamante Paulo Cerite, qui inuadendæ, oppugnandæque vrbs sibi nihil periculi verito aut recusanti, id munus demandari postulabat. Is detestatus regis consilium, qui pro impigro bellico quoque duce ciuilis modestiæ fideiq; & suspicacis naturæ hominem, secus ac aliàs esset solitus, trans Alpes misisset, abeuntis exercitus terga peculiarium delectorum præsidio firmavit. Apparebat enim Cæsarianos alacriter hostes castra mouentes erupturos: arque ita mox euenit, vt à nouissimo agmine conferta pugna certaretur, & Paulus audacius proruentes excipiens, expedito cohortium flexu multis hostium vulneratis, & quibusdam interfectis, incumbentium audaciam reprimeret, & eo congressu Cola Toraldus nomine Hispanicæ stirpis Neapolitanus interficeretur. Humerius nihil ultra lacerantem hostem, ad Albam Pompeiam profectus, extra urbem statim castra posuit: quo cognito Vastius & ipse iuxta Astam inter duo cœnobica castra metatus est: Sanfeuerinū Besennianum regulū qui vniuersis equitibus præerat, turmas omnes secundum Tanari amnis ripam extendere iubens, vt quid moliretur hostis, paratus ipse ad obsistendum certandumque emissis speculatoribus expectaret. Quum Humerius segnius cunctari prospiceretur, & Vastius animaduertente in dies augeri Gallorum copias, & de aliquot oppidorum fide dubitaret, à Ferdinando rege duas sibi, ad præsidium Subalpinae regionis, Germanorum legiones mitti postulauit, idq; celeriter cum publicæ causæ & fratris Cæsaris cōmodum iustis Vastij precibus Ferdinandus tribuisset, dux legionum Federicus Fustembergus, inclyti inter Germanos nominis regulus, Tridētinis Alpibus descendit: quibus in legionibus pleriq; ex Norica atq; Vindelica iuuentute nobiles, & procerū propinqui nomina dederant. Erat hic Federicus, eius Guliermi qui Gallo regi militabat germanus frater, dissimili ingenio vir: utpote qui fratrem peruerso iudicio, neglectaq; religione, militaribus rapinis, & improbo semper quæstui, defraudatis stipendio militibus turpissimè deditum, & quod nefarium videbatur, contra Germanici nominis decus externi atq; inimici regis auspicia sequentē, probo ore, atq; exacte virtutis fame superaret. At Humerius aduentu Germanorum cognito, vt viribus atq; animo hostibus impar, copijs quas habebat dispartitis, oppida tuenda cōmisit, ea ratione diuisis muneribus, vt singulos duces oppidis præficeret: Azaliū è Togata Gallia virū iactabundū potius quàm fortem, Cherio imposuit, attributis ei præter Italicos milites duobus

bus Vasconum vexillis: Clarascum autem opportunum oppidum, Cæsari Fregosio defendendum dedit. Albæ verò præpositus est Iulius Vrsinus, eo Mario genitus qui Florentiæ maioris tormenti pila ictus occiderat. Fregosius ea conditione demandatum munus suscepit, ut se fortem operam aduersus omnem hostium impetum præstaturum testaretur, si ab Humerio, sicuti ille prolixè fidem dabat, intra quadragesimum diem certa commeatus & militum supplementa summitterentur. Iulius Albanis inspectis mœnibus, quarum vitia passim eminebant, & ea nisi longo labore aggeribus permuniri refarciriq; possent, tutelam loci cum excusatione inopiæ multarum rerum susceperat. Humerij ad hortationibus & spe promissæ opis excitatus. Cæterum Humerius constitutis præsidij nihil sibi moræ attulit, quin inglorius in Galliam reuerteretur, & Vastius non multos intermitteret dies, quin ad oppugnandum Chærium omnem tormentorum apparatus conueheret. Oppugnatio autem cœpta est ab ea parte mœnium, quæ diui Augustini templum respicit, quod murus ab ea parte debilis appareret. Azalius satis peritè atq; opportunè ex disciplina munitionem erexerat ingressuris hostibus, tabulata æquata solo eminentibus præcutis clauorum stimulis, quibus pedes ingruentium configerentur, obiecerat: multumq; sulphureum ignem, qui de more aridam materiâ corripere, occultis in locis excitandum ita instituerat, ut egregiè prospexisset periculo videretur, si eundem animum ad ingenij solertiam afferret, quem antea iactando prætulisset. Nam ubi adactis maioribus tormentis murus quasi diruiq; cœpit, tantoq; spatio continuata quassatione patefacta essent mœnia, quanto satis foret ad inuitandos milites, proponente pugnae signum Vastio, Itali Hispaniq; pariter in oppidum per-ruperunt: quo tumultu acerrimæ inuasionis, Azalius vsq; adeo trepidanter atque imperitè se gessit, ut nemo ferè suorum in eo loco pugnaret, nec ipse, ubi periculum deposcebat, conspiceretur. Eo namq; impetu Cæsariani Azalias munitiones superarunt, ut nihil eos per strata tabulata eminentes clauorum cuspedis retardarent, nec ea sulphureorum ignium fomenta, quæ ad edendam flammam erant parata, suo tempore ignem conciperent, & dux ipse fœde animum despondens, vitæ discrimen effugeret, continuoq; trucidatis aut captis præsidarijs, turpi in latebra caperetur. Dum Cæsariani in urbem penetrarent, Vascones timore præpediti ad id propugnaculum, quod superiore anno Annibal Nouellarius erexerat, se contulerunt: atq; inde (nihil ibi consistere ausi) ut se in longiorem fugam proriperent, exterius in fossam humore carentem se demittere cœperunt, quod eius munitionis agger satis esset humilis, facilèmq; descensum præberet. Id conspicatæ Germanorum cohortes, quæ constituta phalange, subsidiaria in acie constiterant, eos ad vnum omnes numero amplius trecentos, vel vltro sese dedentes, impetu facto trucidarunt. Totius verò oppidi mulieres, quæ pauore attonitæ in turrem confugerant cum carissimis ornamentorum suorum rebus deditionem fecerunt, cesseruntq; in prædam. Didaco Arzio castrorum præfecto, qui id coniectura futurum iudicans, & opimiorum prædam quærens, primus omnium aduolarat. Cæteri vicatim singulas domos diripientes, captos earum dominos, pecunia se redimere coegerunt. Azalius verò ipse perductus ad Vastium, cunctis risui fuit, quod nihil ei tot rerum apparatus, quum oportuit, vsui fuissent, & idcirco oneratus infamia rei male gestæ, multo auro se redimere coactus est. Expugnato per hunc modum Chærio Vastius ad Clarascum mouit castra. Nec mora exploratis ad-

versariorum viribus, animaduersaq; per speculatores ea mœnium parte quæ nouis munitionibus careret, maluit eam partem adoriri, quam vllam aliam, quæ faciliorem oppugnationem ostenderet: vel ob id præcipue, quod nulla extantium propugnaculorū, quæ latera subeuntium ferirent, munimenta haberet. Volebat enim Vastius quàm maximè posset militum parcere sanguini, incruentisq; victorijs lætari potius, quàm à cædiū sæuita saniam parare. Quod tamen secus accidit ac volebat. Nam tametsi hostilis murus vel antiqua vel noua munitionis proiectura penitus carebat, ob idq; milites nisi à fronte ab ipsis defensoribus peti feririq; & facile propelli possent, tamen satis profunda vallis intererat, quæ profossa totam muri faciem muniebat: vsq; adeo diffidentem cum descensum in eam, tum & ascensum ad præruptam vi tormentorum mœnium coronam habebat, vt quum magna muri ruina edita esset, & milites ardente animo pugnae signum sibi dari flagitarent, hoc impetrato in descensu atque ima fossa, quæ erat lutulenta, & in ascensu demum perfracti & cadentis ceterius muri ruina conflictarentur, & maiorem quàm putassent conscendendimuri difficultatem reperirent: quod non plane ad amussim, quantum exteriora fossæ labra à mœnibus distarent, & quàm præceps descensus, ardensq; inde ascensus foret, oculis metiri potuissent. Verum propter ea accepta hostium telis detrimenta, non refrixerat ardor militum, nec Vastius forte incerto ab sistendum ratus, ab expugnandi oppidi spe deciderat, sed vt prælium instauraretur crebro summis recentibus præsidijs atque etiam Germanis (iptis id obnixè postulantibus) quanquam agrè, locum ad inuadenda mœnia concesserat, vt Germani qui se ad bellum natos existimabant, Hispanorum atque Italorum virtuti & audaciæ contemptis periculis æquarentur. Itaque redintegrato ardore omnium, tanquam amulatione decoris aduersis gentibus certaretur, asperrimo conatu conscensum dimicatumque est, maiore Cæsarianorum detrimento, quod Fregosiani milites per noctem, Petri Pratenlis ingenio, munitionem in summa prærupti muri coronam bitariam erexissent, comportatis ibi madentis fimi cumulis, quibus propter mollitiem tormentorum pilæ hærebant, nec lentore prohibente, penetrare in oppositas hostium cohortes poterant: quæ ea repentina nouaq; munitione protectæ, ex tuto propugnabant: sic vt euadentes in summum ruinae supercilium hostes sclopettis traiectos, alabardisque & lanceis acriter repullos, in fossam præcipitarent, terribili cum ruina succeditum, & subire, magno nixu conantium, quum magno cum fragore armorum collidentium, sese viui pariter atque exanimis debilitati artubus cumulatè canosa in fossa volutarentur. Hac peracri contentione quum aliquot horis esset dimicatum, amplius ducenti interfecti, & supra ferè quingenti mortiferis glandibus & saxis vulnerati sunt: & in his Vulcanus immoderatæ fortitudinis adolescens Guberni Rocandulphi clarissimi ducis filius, ex Germanis occubuit, æquato cum aduersarijs detrimento, quod Liuius inclyti imperatoris Liuiani filio propugnandi ingentis tormenti pila caput fuisset ereptum. Huic Fregolius rapida grauatus febre suas partes cum imperio, quod esset magnæ spei adolescens, & militibus carus, concesserat. Eius immatura morte Fregosius vehementer permotus, tentatus importuno atq; acri morbo, & Humerianis auxilijs diffidens, quod tempus in id condictum per aliquot dies effluxisset, & tormentarum pulueris inopia laboraret, nec satis ampli commeatus copia superesset, se dedere constituit,

si à Vast-

si à Vastio honestis conditionibus acciperetur. Atque ita non diu post ab
 Aloisio Gonzaga, qui erat apud Vastium Fregosio arcta cognatione atque
 amicitia coniunctus, res tractata & confecta est æquisimis legibus, quod Va-
 stius offensus & ipse Vulcani immatura morte, & fortissimorum quorundam
 iactura, reliquorum militum periculosis laboribus et sanguini parcendum pu-
 taret, compertumq; haberet aduersariorum animos tales esse, ut in defensione
 fortiter oppetere, quam contra decus pacisci mallent. Erant enim apud Frego-
 sium acerrimi cohortium præfecti Cæsarîa Salentinus, & Baptista Corîus
 cognomento Lega, quorum maiores Corsicæ insulæ imperium tenuissent, &
 præter hos duo Veronenses Antonius Beuilaqua, & Ludouicus Montanus,
 atq; item Philippus Corîus, vetus cohortis dux. Deditionis condiciones in
 hunc modum perscriptæ sunt, ut Cæsari Fregosio saluis rebus, incolumiq; præ-
 sidio, & explicatis vexillis excedere liceret: tormēta ipse relinqueret & commea-
 tum: sed ei quod sua pecunia coemisset, frumentū à Vastio solueretur, & oppi-
 danis nulla afferretur iniuria. Atq; ita comitatē Cæsarianoū equitatu, atq; eum
 passim ab iniuria defendente, ad Penarolum oppidum peruenit, indeq; in Gal-
 liam profectus est, ut regi rerum difficultates explicaret. Clarasco autem poti-
 tus Vastius Hieronymum Sangrium, & Cherio Ferdinandum Lofredium
 præfecit: & ad expugnandā Albam continuo duxit. Animaduerso autem eius
 urbis situ ultra Tanarum amnem tormenta perducta constitutaq; sunt, eo Va-
 stij iussu, ut binæ & penè inter se coniunctæ quassationes fierent, quarum alte-
 ra Hispanis, altera Italîs ad inuadendum erat assignata: quod Germanis par-
 cendum idcirco Vastius iudicabat, tanquā campestri prælio aptioribus, quam
 subeundis muris: quod id munus agiliora militum corpora atq; expeditiones
 animos requireret. Erat in castris euulgatum, quosdam Hispanorum signi-
 feros acerbis à Vastio verbis fuisse castigatos, quod sibi et gregarijs suis, pro
 cono parua vexilla galeis imponere iussissent: utpote qui ante alios ad prome-
 rendam laudem, ac murū & prima pericula se subituros insolentius iactassent,
 nec demum murali in pugna ostentatæ audaciæ fortiter respondissent: qua ob-
 iurgatione Hispani in vniuersum permoti, quod Clarasei perficere nequiuis-
 sent, Albæ ingentibus animis se præstituros testarentur, exorta inde apud Ita-
 los æmulatione, quod sibi præcipi decus indignarentur: cuius obtrectationis is
 extitit successus, ut Itali proximos loco Hispanos æquandi aut superandi cupi-
 ditate, ante acceptum signum, manipulatim ad cursum se incitarent, & in præ-
 ruptum murum, nec satis quidem apertum euolarent. Hac insana sed planè de-
 cora quorundam signiferorum properantia accidit, ut multi viri fortes intra
 urbem irrumperent, & Cæsariana vexilla, cum intus ab hostibus, tum extra à
 Vastio totoque exercitu in summis mœnibus & decussis muri pinnis specta-
 rentur. Sed Iulius Vrsinus introrsus à muro ad iactum lapidis firmam mu-
 nitionem erexerat, ex vimineis turriculis more militari gleba & cespite repa-
 letis: atq; etiā accelerandi causa ligneis ibidem vinarijs dolijs contra hostes con-
 stitutis: quo munimento cohortes tutæ à maioribus hostium tormentis, quod
 essent depressiore in loco, in primos hostium subeuntes, incensis sclopettis
 glandium procellam effunderent, atque audacter munitione egressi ingredi-
 ausos, quominus ferociter inuaderentur, reiectos extra in præceps propelle-
 rent. Qua repentina scandentium perturbatione, Antonius Lofredius Cicchi
 senatoris Neapolitani filius, qui primus in murum euaserat, impigrè reli-

stens occubuit, & Scipio Montebellia cohortis signifer postratus, cum vexillo captus est: Marcus vero Priuerans, qui primum illato signo virtutis decus affectarat, ita se explicuit, ut incumbente hostium multitudine, incolumis cum vexillo ad suos reueteretur. Neque enim facile qui primi subierant a subsequentibus confirmari poterant, quum magno casu ingens & vetus populi arbor, quae erat interiore in aggere, forte succisa hostilis tormenti ictu, transuersa ita procidisset, ut ea casus inclinatione tanquam noua munitio obiecta, irrupentibus magno esset impedimento: proptereaque irritato conatu, qui iam ascenderant, pulsi ab interiore hoste, & iniquitate loci deterriti, omnes extra properarent: quibus sese recipientibus grauior incidit clades ab infimo propugnaculo, quod erat eminens in fossam, & sua proiectura hostium latera conspiciebat. Id erat concameratum lateritia testudine, & per idoneas fenestellas ex occulto emittendis tormentis facultatem praebebat, Casamactaque militari nomine vocabatur. Hanc cum manu sclopettariorum tuebatur Marconius Volaterranus, qui certos atque mortiferos ictus est destinato sese recipientibus inferebat, et nifi fumus admodum densus interius spatium nullo ad effugium inuento foramine, multa edita caligine sclopettarios praepedisset, magnum profecto hostium numerum inde tanquam ex insidijs interfecisset. Hic ille est Marconius qui apud Viennam, uti supra memorauimus, Italicas cohortes ad arma constrictas, & multis de causis nequaquam in Pannoniae praesidio heymandum cessantes, turbulentissima concione in castris habita, perpulit, ut in Italiam reuerent. Eo ex Casamacta periculo, post non paruam militum iacturam, an noster uerso, Vastius receptui cani iussit, ut aliunde tormenta aprius et efficacius moueret, quum Iulius audacia & multitudine Caesarianorum perterritus, desperansque opem sibi alicunde ferri posse, quod nihil de Gallicis auxilijs audiret, ad exemplum Fregosij se dedidit: hisdem fere conditionibus quibus ille Clarasco excessisset: sed aliquanto iniquiore sorte, quoniam ab his qui praesidio dant, ut in fines Gallicos deducerentur, excedentium impedimenta latrocinio modo, in itinere direpta fuissent. Neque eam illatam vim, admissumque iniquitatem Vastius vindicauit, quanquam praedatores equitum praefectos, & in his Rosalium & Iuaniam Hispanos, & Bellottum Sequanum, Epirotamque Zaccum, seueris verbis castigasset. Alba in potestatem redacta, motis castris ad Penarolum illico contendit, eo animo, ut id oppidum, quod tormentis expugnari non posset propter loci natura atque arte muniti difficultatem, longa saltem obsidione fatigaret: Taurinoque simul commeatus spem, quantum excursionibus effici posset, paulatim abscinderet. Hoc tanto rerum successu Vastius supra recepti Casalis victoriam mira celeritate partam, Cherio demum et Clarasco, atque Alba vrbe intra octauum atque vigesimum diem fortiter expugnat, pristinam virtutis suae animique magnitudinis opinionem, non modo apud amulos, ipsosque etiam hostes mirifice confirmauit & auxit. Hisdem diebus quibus Vastius expugnatis, aut deditione in potestatem redactis aliquot oppidis aduersus Gallorum duces prosperè bellum gerebat, Florentini exules repetendae rursus Etruriae consilium susceperunt, cohortante Saluatore Cardinale, & concitantibus Gallis, ut undique Caesaris vires distraherent. In id bellum Philippi Strozze persona poscebatur, quia esset summae existimationis inter exules, & maximè pecuniosus haberetur. Sed uti erat armorum imperitus, & parum fortis ad perferenda castrensiu laborum incommoda,

moda, negabat se id munus esse suscepturum, ne postquam duo ipsius liberi Petrus atque Robertus his periculis immiscerentur, nullum ipse salutis & Fortunarum discrimen esset aditurus. Hæc ita firmo animi decreto differebat, ut Petrus filius gerendi belli cupiditate iuveniliter inflammatus, patrem ipsum vehementi, & planè in verecunda obiurgatione castigaret, nec obscure ei atrociam comminaretur, si in ea spe recuperandæ patriæ tot patritijs deesset, & nihil sibi generose conandum esse statueret. Quibus verbis Philippus à filio, quem uni-
cè diligebat, vel reluctans expugnatus sese non modo socium, sed etiam urgen-
te fato antesignanum præbuit. Inter armatos exules eminebat ipse Petrus
Strozza, & Bernardus Salviatus Cardinalis frater, constanti, compositoque
ingenio vir, militiæ maritimæ assuetus. Hi Capinio Mantuano operam na-
vante, cohortes apud Mirandulam conscripserant, & Bononiæ conductis pas-
sim militibus copias auxerant, quod Pontifex eius consilij gnarus, & non oc-
cultus uti credebatur belli concitator, hæc fieri pateretur. Favebat autem exu-
libus mirifice Hieronymus Pepulus Bononiensis, cuius erant multæ in Apen-
nino montanorum hominum clientelæ, descendensque in Etruriam, tu-
ta itinera per paternas possessiones, suggerendis comitatibus opportunas
demonstrabat. Hæc tamen occultè apud Bononiam pararentur: de his tamen
sigillatim Cosmus princeps certior fiebat: & quanquam esset præsentis pecu-
niæ difficultate oppressus, quod eas publice sine gravi offensione civium im-
perare non poterat: eas tamen ab amicis atque affinibus mutuas exigebat, ut
militari præsidio totam confirmati iam à Cæsare principatus existimatio-
nem tueretur. Erant in eius consilio præter Innocentium Cardinalem, & quos-
dam togati ordinis cives, Alexander Vitellius, & Pyrrhus Stipicianus acerrimi
duces, iamque valida & fidelis militum manus undique accersita Florenti-
am ita coiverat, ut nihil de intestino tumultu dubitaret Cosmus, hortatuque
ducum, adventanti hosti non fortiter modo repugnandum, sed obviam audas-
ser eundem decerneret. Primum autem omnium Pistorio cavendum cen-
set, ne hostis studio amicæ partis fretus, ea opportunissimâ urbē potiretur. Pi-
storij liquidem duæ vigeant factiones, æternis inter se odijs cruentissimè de
potentia dimicare solitæ, quarum altera Guelphi nominis Cancellariâ voca-
batur, favebatque popularibus Florentinis: altera autem erat Panciatica, Gi-
bellinæ & Medicæ factioni addicta. Huius princeps erat Nicolaus Braccio-
linus vir militaris & maximè cruentus. Illius verò pari autoritate se duces fe-
rebant Franciscus Habraus e Gatesca familia, & Battus Rospillofus. In hunc
etiam modum Pistoriensis erat divisus ager, ut Panciatici planis & campestri-
bus in locis nobilitate atque divitijs præstarent: Cancellarij autem montanis
in locis numero ampliore hominum æquatis opibus valerent: propterea fie-
bat, ut Cosmus Panciaticæ factionis vires, introductis in urbem eiusdem fa-
ctionis agrestibus confirmare contenderet, ex adverso exules concitatis ad ar-
ma Cancellarijs invadendæ urbis spem conciperent. Sed Cosmus confirman-
dos nominis sui studiosos militari præsidio, atque urbem tuendam existimans,
Pistorium præmisit Federicum Montacutum cum duobus delectorum pe-
ditum vexillis, accersitusque e summis montium pagis Castagninus Tana-
rius Panciaticis favens cum multitudine armatorum suæ factionis descendere
parabat. Quibus cognitis rebus exules per Mattanam Cutellianum seditio-
sum & sanguinarium hominem, & eum quem diximus Battum, sævâ incerta-

dia in adversæ factionis ædificijs excitari iusserunt, ut Panciatici conflagranti Penatium suorum terribili calamitate adducti, ad vindicandam iniuriam elicerentur, Pistorioque exire, & ad sua defendenda proficisci, nec ideo Cosmianis rebus ullam opem ferre cogerentur. Iam exulum copiarum per Apenninum ad Fabricam vicum pervenerant, aliquanto lentius & tardius quam expediret confectis itineribus, quod in iugem bidui pluviam incidissent, ita ut eorum principes Philippus atque Valorius cupiditate invisendæ Etruriæ fatali festinatione reliquos anteire maturarent, & ad montem Murliumque descenderent, existimantes eius regionis hominum studia ad occupandam Pistorium, invadendamque Florentiam sibi minime defutura, quod proprias quas & validas vires traherent, quibus nullo modo Cosmus resistere posset, qui neque diu alere copias sine pecunia posse, nec quas haberet adversum se ducturus crederetur, ne civitas parata ad recipiendam libertatem tumultu excitata, tanquam præsidio nudata rebellaret. Mons Murlius collis est in extremitis Apennini radicibus, qua desinit in campos, metæ modo in acclive fastigium ductus, præaltam in summo antiqui operis habens domum insitarum, duplici muri corona, sed ea vetere & passim collabente permunitam cum lata area amoenissimi prospectus. Eam arcem ademptam olim Florentinis, Castruccium Lucensium Tyrannum adiecta munitione confirmasse annales tradunt. Totus collis undique oleæ, vite & pomiferis arboribus ita est constitutus, ut certis etiam gradibus ubi fruges serantur, aratrum admittat. Via militari imminet, qua à Pistorio Florentiam itur. Ab hoc septem milibus passuum: à Prato autem tribus distat. Tanta verò fiducia exulum principes in villa constituerunt, ut nihil omnino timerent, & Valorius villam suam, quam Baroniam vocabat, ab se non civili, sed regio prope sumptu ædificatam, tenuis inde stadio securus inviseret, spaciareturque ociosus in xystris, villicum de futura vindemiâ speque oleæ, & de proventu insitarum arbuscularum, & de perdicum aucupijs diligenter interrogans: sic ut nonnulli mirarentur hominis insaniam supra modum, privatæque Fortunæ conditionem ædificantis, & nihil ille de adverso rerum eventu, quem fortuna temere progressis adveniret, dubitare videretur. Philippus contra cæco percussus metu, ut qui nullam circa se præsidium cernebat, deambulare solus, & sæpe sciscitaretur Zanobium Nerlium villæ dominum, an in tuto esset: nec suspirare desineret, donec procul conspectis Petri filij vexillis animo sese confirmaret. Petrus enim præsidio foret his qui inermes ad montem Murlium processerant, disunctus à gravi copiarum agmine provolarat, castraque ad radices montis iuxta viam militarem collocarat, constitutis idoneo in loco quatuor minoribus tormentis, quæ secum advexerat. Nec multo post Fedinus ex numero exulum impletus & audax, cum aliquot equitibus prædatum emissus usque ad Pratum, ereptos agricolis boves, & minoris pecoris aliquantam prædam ad exules retulit, improbante id factum Philippo, qui intempestivo atque improbo militum suorum maleficio susceptæ pro libertate adipiscenda expeditionis nomen scadari nolebat: indignabaturque mirum in modum, quod Battus & Mattana veteribus factionis odijs studentes, sævo incendio cuncta prope eius tractus domicilia delevissent, quasi Barbarorum more incendijs & caedibus ex usu victoriæ sævituræ forent, quum incolæ beneficijs atque humanitate, parcendo, nec factionum agnoscendo odia, alliciendi & conservandi, potius quam detri-

detrimētis afficiendi non infatis ducibus viderentur. Præmiserat Cosmus ad Pratum equitum turmas duas ducē Poctio Insubrē, Rosa item Viciō pātris veterano impigro cum expeditis sclopettarijs equites consequi iussit. Poctius explorandi causa usque ad hostēs processerat, levique pugna edita, amissis duobus equitibus retrocesserat. Huic tendēdas insidias tanquam inconcussē iterum erupturo Strozza ratus, Sandrinum Filicarium cum iusta manu sclopettariorum, Parusianæ villæ tectis (eā est militari in via) sese occultare iubet, nec se commovere, donec hostilē exeuntis Poctij agmē pertransiret, quod demum à tergo invadideberet, ut Poctius interclusus a tergo simul & à fronte caderetur. Ipse enim Strozza ē castris suis stadia duo progressus ad pontem torrentis aquæ delectorum signa statuerat. Sed longe aliter quā putarat, insidiarum eventus cecidit. Cosmus enim de consilio suorum ducum in celeritate summam belli rationem reponens, adoriendos hostes esse censuerat, antequam reliquæ eorum copiæ quæ sequebantur, primo agmini Strozzaque sese iungerent. Rei gerendæ consilium hoc ordine explicatur, ut ipse Cosmus in urbe consistat, emissaque Margarita Austria, ut Polista quam tutiore in urbe commoretur, bellica munia Vitellius & Pyrrhus suscipiant, maximeque occultata profectio noctu ad hostes contendant. Cæterum Cosmus qui Sarmentum cum Hispanis ē Fesulano agro acciverat, astuto consilio eis designari, pararique hospitia certis in urbē regionibus iubet, subindeque admitti in urbem eorum impedimenta, & inutilem servitiorum turbam, ut species ingressuri præsidij hostium speculatoribus præbeatur. Primis autem tenebris obserari cuncta urbis portas præcipit, ne quisquam exeat, & Hispanorum cohortes extroffus prætermœnia, ad Pratum iter intendere iubentur. Parent Hispani egregiē Sarmento duci suo, & plenis passibus ire pergunt. Interim per portam arcis Alexander & Pyrrhus Italicas cohortes educunt, easque Rodolphus Baleonus cum equitatu subsequitur, & omnes simul Pratum intempesta nocte perveniunt. Nec quiescendi ultra semihoram, qua paratis obsonijs & poculis modicē tentarent, spaciū militibus datur. Nec mora Vitellius educit agmē, præcipitque Gaspari Prateni iuventutis præfecto, ut occludat portas, caveatque diligenter, ne quisquam egrēdiatur, qui certum nunciū de adventu suo itinereque ad hostes perferre possit. Hoc vero ordine ad hostes contendit. Præibat cum suā prætoriam cohortē, atque expeditis sclopettarijs Borghesius, cui cum turmā equitum cohærebat Poctius. Hos modico intervallo cum Italicis cohortibus subsequēbatur Otho Montacutus, eius agminis frontem lectissimis centurionibus firmatam ita perducens, ut ei Rodolphus Baleonus universos, quos habebat equites, ad dextram applicaret. Succedebant peditum agmini ipsi duces Vitellius & Pyrrhus: secundum vero eos Sarmentus Hispanos accelerare iubebat, qui ideo in postremo agmine collocati erant, ut tanquam subsidiaria acies, quantum fieri posset, integra atque intacta servaretur, quod in his extremis cohortibus Etrusci imperij salus constaret. Eo modo incedentes Cosmianæ copiæ ad Parusianam, quam diximus villam, ubi Sandrinum in insidijs à Strozza collocatum fuisse diximus, pervenerunt, nemineque hostium se commoventē, ad pontem & ad Strozzeana demum castra contenderunt. Neque enim, uti iussus erat Sandrinus, sibi prius crumpendum esse iudicabat, quam hostile agmē, quod exiguum fore putaret, totum pertransiret. Atque ita quum manus & continet

totius exercitus agmen, vel obscura nocte transire cerneretur, ut ducis sui imperio pareret, erumpendi occasionem amisit, seque eiciens extra viam militarem altiore circuitu, ad pontem, ubi Strozza constiterat, regredi coepit. Sed is fuit properantium hostium, equitumque invadentium impetus, ut Strozza deceptus suo consilio funderetur, & ut quidam existimant, quum pugnando resisteret, ignotus ab ignoto equite caperetur, sed se felici conatu & complexu hostis statim, ut erat nixu validus & pedibus velox eriperet: hostes vero in castra eius, ut nulla munitione consepata, eodem cursu pervaderent, captisque à Borghesio tormentis, ea repente diriperent, quòd Strozzeani nullo ordine constitutis, nec displotis his levissimis falconibus, tanquam perturbati & disiuncti viribus, in fugam præcipientes se dedissent, nemine consiliter, aut in unum corpus sese conglobare auso: quoniam uti in tenebris accidit, Aurora fortè nymboseior omnem spectatæ virtutis & ignaviæ casum absconderet. In eo tumultu Michael Angelus Romanus Strozzeanæ turmæ præfectus impigrè resistens equo deturbatur & capitur. Ipsi Baleono equus per armos glande traicitur. Cadit etiam constantissimè repugnans Ioannes Mastriacius è Togata Gallia vetus centurio, paucis quidem interfectis aut vulneratis, sed multis captis, quum Baleonus cum equitatu dispalatos, & in montes effugere conantes, per tria miliaria esset consectatus. Eo tam levi certamine Vitellius potitus hostium castris, vexillis, atque tormentis tanquam rebus gestis, regrediendum esse iudicabat, ne superventu Salviati cum iustis copijs, qui non amplius quatuor milibus passuum abesse & properare dicebatur, partæ victoriæ successum in discrimen adduceret. Sed Pyrrhus atque Otho clamantes felici cæpto audacter incumbendum, expugnandamque omnino arcem, ubi hostium capita essent, sine consilio, nudataque integro præsidio, utendum Fortuna censebant. Atque ita concedente Vitellio, & Hispanos cohortante, ut ad prædam Italos subsequerentur, Otho portam primæ munitionis, quæ in arcem exteriorem perducit, occupat, aliquot ibi utrinque desideratis, & ad alteram portam facto impetu provolat, quæ per arcem in villam arci, ut diximus, similem aditum præbet. Hanc exules interius tumultuaria materia obstruxerant, desertaque corona exteriore, quæ podij effigiem ostendit, sese in superiorem pinnatam ædificij partem contulerant, inde sclopettis & prægrandibus saxis sese defendentes. Sed ita eius inferioris coronæ spacium undique Cosmiani occupant, ut nemo ex propugnatoribus caput exerere auderet, quin illico pluribus simul glandibus peteretur. Oppugnantibus tamen maximè infesti erant tres sclopettarii, qui è sacra turre exterioris templi terga & latera scandentium & invadentium destinatis ictibus feriebant. Dum aliquandiu acriter certaretur, & iam cecidissent nonnulli, & ante te alios cohortium præfecti Mendula Salentinus, & Sebastianus Pisanus, Otho fores coniectis facibus eo euentu succendit, ut flamma intus congestam in aditu materiam omnem corripere, ardereque iam coniuncta portæ cœnacula inciperent, & totum cavedium, superioraque arcis cœnacula, ubi exulum principes erant, fumo & terrore complerentur, eoque trepidantius, quòd Caccia Altovitus egregiè prudens & fortis peditum præfectus, in defendenda porta cecidisset, qui solus ab initio locum tanquam hostium audaciæ expositum, aut properè vel tumultuario aggere muniendum, aut celeriter deferendum esse censuerat. Milites quoque per subterranea loca, quod

adin.

ædificium substructionibus impositum, subtus ubi cisterna erat, totum erat
 permeabile, in superiora revulsis ferreis fenestræ clatris emergebant, ita ta-
 men ut nonnulli properantes incumbentium reliquorum impulsu uti in ob-
 scuro facile accidit, in cisternam nullo ad os circumseptam podio præcipientes
 darentur, & demum portulam, quæ in lævo latere arcis erat, aperirent. In-
 terim nihil incendiij flammæ aut prunas veritus Ocho, uti erat protectus ar-
 mis, scuto ad os prælato, per ardentem portam irrupit. Hunc pari audaciâ &
 contemptu ignis alij atque alij secuti, cavedium, & circumambientem porti-
 cum occuparunt, exulibus iam in extremo vitæ metu adeo perculis, ut ve-
 lum è fenestra proferrent, quod erat deditionis signum: momentoque tem-
 poris occupata ab hostibus arce, exules ad unum omnes capiuntur, Bambalino
 Aretino audaci cohortis præfecto, Philippum Strozam sibi notum
 comprehendente, quum se Strozza Alexandro Vitellio commendaret. Nec
 mora Vitellius & Strozam, & reliquos equis imposuit, Floréntianque per-
 duxit. Unus qui expeti poterat Petrus Strozza feliciter (ut diximus) elap-
 sus, ad Salviatum cum universis copijs adventantem pervenit. Eadem no-
 cte horaque qua hæc ad montem Murlium fiebant, felici quodam augurio
 geminata victoria Cosmo affulsit: nam egressus Pistorio (uti constitutum fue-
 rat) Federicus Montacutus Othonis frater, Cancellarios ad Abbatiam, quam
 vocant Pactianam adortus, quum viri agrestes armatæ cohortis impetum
 minimè ferrent, ipso Mattana interfecto, Battoque fugato, ac reliquis caesis
 & profligatis victoriam retulit, Bracciolino in adversæ factionis inimicos us-
 que adeo immaniter animi sævitiam effundente, ut captum & deditum im-
 herbem nobilis familiæ adolescentem cruenta manu iugularét. Battus ipse
 pernecitate pedum usus evasit: Franciscus verò Habraus, qui ad Poggiolinum,
 ut diximus, constiterat, ut Tanarianos descendentes invaderet, frustra to-
 tam noctem observavit: audita & conspecta oculis sociorum calamitate, qui
 cum Mattana fuerant, & cognita ex crepitu sclopettorum montis Murlij ex-
 pugnatione, eodem cursu quo Battus ad Salviati copias se recepit, quo iam
 Petrus Strozza pervenerat, certum cladis acceptæ nuntium perferens, &
 Salviatum adhortans, ut descendere maturaret, & hostibus dissolutis ac præ-
 da occupatis victoriam eripere vellet. Sed ille ipso Strozza cautior, negavit
 in id iuniperetum (aspera & senticosa loca eius itineris ostendens) se demis-
 surum: quas tamen haberet copias & tormenta, postquam infensæ Fortu-
 næ reluctari non liceret, maturo tutoque reditu servaturum. Atque ita trans-
 versis Alpium tramitibus per Ferrariensis ditionis fines, Mirandulam ite-
 rum cum Capinio se recepit. Nuntiata est Cosmo victoria, quum esset in
 templo Nuntiæ Deiparæ virginis, ut ibi pro ea vitæ vota susciperet, quæ ei
 cumulatè lætior extitit, quod ipsis Augusti calendis inciderat, quo felici die
 Augustus Cæsar olim nutantis imperij nomen Actiaca victoria confirmas-
 set, quum ipse Cosmus eundem, uti Augustus, horoscopus in genitura na-
 ctus Capricorni sydus pro argumento in insignibus gestare consueisset. Per-
 actis sacris reversus domum, productos ad se exules ea fronte suscepit, ut ni-
 hil victis insultaret, sed dubia severitatis & lenitatis signa miseris relinque-
 ret, blandè monens, ut eodem animo, quo bellum suscepissent, adversi exi-
 tus Fortunam ferrent. Exinde minoris classis captivi, qui antea damnati
 iudicijs, & recenti facinore maiestatis rei fuerant, in foro pars securi percussi,

pars laqueo necati, triste spectaculum populo præbuerunt. Principes autem Valorius ipse cum Philippo filio, alteroque Philippo gentili suo, eius Nicolai filio, qui à Leone Pontifice detecta Boscolana coniuratione summa dementia servatus fuerat, & secundum hos ipse Antonius Franciscus Albicius turbido instabilique ingenio vir, & vetus, peracerbusque exul, rerum capitalium iudicibus Octoviris atque tortoribus traditi, confessi que cuncta conceptæ perfidiæ atque malignitatis consilia, in carcere securi percutiuntur, cadaveraque eorum affinis maiorum sepulchris inferenda conceduntur, tantibus eorum supplicio plerisque ex populari factione civibus, quod ipsi idem Albicius atque Valorius, vel seras veteris delicti merito vitæ exitu perire nas darent, quando eos detrudendi è summo magistratu detennalis dictaturæ, atque urbe expellendi Petri Soderini, authores & principes ante viginti quinque annos fuisse meminissent. Ab his enim ereptam civitati libertatem, Mediceorumque inductum dominatum, quem tyrannidem vocarent, vel parum libero ore prædicabant. Ambo enim ab eo facinore edito, quum honestissima tulissent præmia, rursus à Mediceis defecerant: Albicius quum perverso eius ingenio nullus gratiæ vel dignitatis locus, nullumque extraordinariæ liberalitatis præmium in patria satis placeret: Valorij verò profundæ cupiditati nullæ opes quantumvis magnæ satis forent, utpote qui vecordi superboque ingenio ad summum civitatis imperium aspiraret, usque adeo male occultatis sensibus, ut à Philippo Strozza, ipsoque item Albicio dissentiens, ad montem Murlium in deliberatione, ad iurgium intempestivamque altercationem contumeliosis ferè verbis descenderent, & unusquisque ceteros celeritate præcurrere, & præoccupare in urbe hominum studia niteretur, quæ ipsis præproperis immatura festinatio proculdubio perniciem attulerit. Horum siquidem trium diversa erant consilia, sicuti in questionibus & tormentis protulerunt. Valorius, ut diximus, ab ætatis honore dominatum affectabat perpetuæ dictaturæ nomine, sicuti antea Soderino obvenisset. Philippus populari favore, & gratia totius iuventutis, quam comitate, largitione, honestisque atque inhonestis artibus, uti tum urbis mores ferebant, sibi conciliarat, validissime subnixus: & uti habebatur pecuniæ ditissimus, ac affinitatibus potens: liberum supra magistratus omnes iucunda conditione principatum in urbe sibi destinabat, Laurentio Medici prosocero similis evasurus. Cæterum Albicio nihil nisi turbulentum cogitanti ea mens erat, ut in veteres inimicos odium exerceret, eorumque sanguine & Fortunis truculentum exaturaret animum. Quibus de causis, uti verissimo constat argumento, Philippus Strozza Valorij immodicam ambitionem, & diram Albicij crudelitatem prædamnans, utrique necem afferre cogitavit, quum in eorum cædem allekti præmij, se promptissimas manus allaturos pepigissent Sandrinus Filicharius, & Cecchinus textoris filius, iam pridem ab adolescentia Philippo addictus. Hic in fuga captus, proditorum more in foro suspensus est: ille è prælio effugiens, aliquanto post, quum in suspicionem mutatæ fidei Strozze venisset, ab his (ut fertur) Ferrariæ trucidatus est. At quum diu Strozza in arce à Vitellio, & demum à Ioanne Luna, cui arcem tradi Cæsar iusserat, custodiretur, miserque auro oblato, & datis impensè muneribus sese redimere frustra contenderet: ad extremum Cosmus à Cæsare impetravit, ut sibi traderetur, de nece Alexandri atq; Hippolyti Cardinalis quesituro,

lituro. Quod ubi Philippus rescivit, nē perferre immitia tormenta, & in perniciem amicorum arcana fateri, & indignam natalibus suis necem subire cogeretur, animum tam generose quā impie despondens, gladio, quem Hispanus carceris custos temerē exiens reliquerat, gutturi apposito, eo nixu & corporis pondere incubuit, ut quum exeuntem Hispanum adactō statim vāde ostio exclusisset, nec citō postes cardine revelli possent, patefacto aliunde ingressu exanimis cruento in pavimento reperiretur: relicto in mensa chirographo, quo testabatur, se qui rectē vivere nescivisset, generoso animo vitæ & miseris finem imposuisse. Indignus certē eo vitæ fœdo exitu, quum ingenio erudito, apprimēque liberali, summē gratosus apud cives, & elegantissimus evasisset, nisi de superis atque inferis malē sentire, apertiusque illudere Christianæ disciplinæ præceptis esset solitus: atque inde procacius quā deceret Vestalium virginum amoribus servire crederetur. Ferunt Cosmum mīti ingenio clementiæ laudem excipere paratum, servare Strozzam quā supplicio afficere maluisse, quod Ioanni patri amicorum atque sodalium intīmus fuisset, nec suoptē ingenio, sed Petri filij impulsu, & inimicitias, & denique fatale bellum adversum se suscepisset. Quod ideo credere facīle fas sit, quum in eadem causa Paulum Valorium, ipsius Bartholomæi supplicio damnati filium, Philippique Strozzæ generum designatum, Bracciumque item Guicciardinum, Verium Castellionem, T. Canisianum, & Chiurlium Macchia-vellum, quos iure occidere poterat, diuturni tantū carceris pœna dignos iudicasset: & Ioannem Adimarium, Americūque Antinorium, & Lepro-nium Rineriū ab Hispanis captos, sese pecunia (quum æquo iure id posset vetare) redimere permisisset, quod parcendum edendis supplicijs, & finem acceptæ iniuriæ, conceptoque odio imponendum arbitra-retur, & gentilibus damnatorum bona liberaliter adiudi-carer,.

PAVLI IOVII NOVO-
COMENSIS EPISCOPI NV
CERINI, HISTORIARVM
SVI TEMPORIS

LIBER XXXIX.



CÆSAR ab Hispania per mediam Galliam in Belgiam profectus, non Gallorum modo suopte ingenio exoptata facile credētium, sed principum omnium animos magna pacis expectatione suspenderat. Neque enim perid rerum, qui æquissimo iudicio, & studio maxime libero vigerent, fieri posse existimabant, ut regum longè maximus, ingenio gravis, & veræ gloriæ percupidus, Francisci regis antiquas spes publico omnium consensu confirmatas diutius frustraretur, quā tanto apparatu, tantisq; honoribus exceptus, nihil apud generosum Regem de salute subdubitans, vultuque maturæ pacis spem præbens, clarissimas Galliæ urbes percurrisset. Postularat quoque Cæsar à Pyrenæis digressus, ut legati communi consilio ad Venetos mitterentur, qui nunciarent deterfa animis odia, amicitiamq; subinde sincera fide renovatam, ea mente ut præclaro fœdere icto, consilijsq; Christiana pietate dignissimis ingenti animo susceptis, in Solymanum dirum verumque hostem totius Europæ arma verterentur. Descenderant itaq; ut legationi maior inesset auctoritas cū ornatissimo comitatu ipse Alfonso Davalus, Cæsaris in Italia dux summus, & Hanebaldus ab insigni fide & vigilantia Gallicis copijs ad Taurinum præpositus, exceptiq; fuerant admirabili pompa, quum eis Landus princeps solenni thalamago, quod buccentaurum vocant, & multis exornatis triremibus occurrisset. Erant tum Veneti ab recenti Turcico bello varijs acceptis incommodis vehementer afflicti: nam præter Corcyram, multis millibus hominum in servitutem inde abductis, latè vastatam deformatamque crudelibus incendijs, & Obrovacium in Illyrico infœlici temeritate tentatum, etiam Creta, & insulæ Cyclades gravissimas clades acceperant, negociatoresque Veneti non modo Byzantijs, sed tota quoque Syria ac Ægypto capti, in cathenis servabantur, bonaque eorum & preciosa mercimonia Barbari præsidēs in fiscum retulerant, neque sublato commercio & deserta navigatione ulla spes erat exercendæ mercaturæ, ob idque privatæ opes, quibus publicæ steterant, everfis multorum Fortunis concidebant, adeo ut post pacem ad Hidruntem unius trierarchi turbido, insolentique ingenio abruptam, temere sumpsisse arma adversus tantum hostem, improvideque fœdus cum Cæsare percussisse poeniteret, cum periculosi belli, cuius prima vulnera, damnaque ad ipsos recidissent, prægrave exitiosumque onus se subisse perspicerent, in nullam præsertim spem victoriæ terrestri, sed debellandæ tantum classis, cuius animi ac virium nuper cum ignominia ad Leucadem periculum fecissent. His de causis à Solymano inducias impetrarant, adiuvante, uti suprâ memoravimus, Gallorum rege, qui eos à fœdere amicitiaque Cæsaris divellere cupiebat, ut

Auriana

Auriana demum classis numero longarū navium impar, Hariadeno vacuanti maris possessionem concedere cogeretur. Induciarum verò iam prope totum tempus effluxerat, incideratque Venetijs tanta inopia frumenti, ut sæva famēs in propinquo spectaretur: neque eos Cæsar, vel id ex fœdere postulantes, frumento Siculo sublevabat, quod tum multo gravius quàm antea vectigal aiporantibus imposuisset, adeo ut illud tritici venalis pretio & vecturæ pariter æquaretur, nec ulla omnino paratior spes erat frumenti comparandī, quàm ē Macedonia & Græcia, si cum Solymano ad antiquam pacem amicitiamque recurrerent. Is enim paucis antè annis pari penuria laborantes liberaliter adjuverat, ingenio nequaquam Barbaro, præfatus inhumanum esse & principe indignum ex aliena calamitate lucrum expectare, quum alendos iudicaret, qui ex ira Deorum immortalium interceptis frugibus miserabile vitæ periculum subirent. His de causis plerique optimatum ad non dubiam spem avertendæ famis, antiquam pacem repetere, & tantis sumptibus, qui maxime diuturni ac intolerabiles futuri viderentur, finem imponere cupiebant. Erat quoque liberis sermonibus evulgatum, Cæsarem præalto avidoq; ingenio, sed eo in omnem modestiæ simulationem probè composito totius Italiæ, & denique Europæ omnis imperium affectare: unos autem Venetos omnino esse reliquos, qui obstarēt, & vigilanter libertatē suam tuerentur, quum cetera imperia inultrato quodam & prorsus fatali arridentis Fortunæ munere in eius potestatem devenissent. Proinde illum validis subnixum rationibus non ineptè quidem expectare ex eo prægravi bello, ut Veneti publica privataque ac singularum quoque imperij sui urbium, consumpta pecunia, attriti ac inopes, opportuniq; iniuriæ redderentur: quandoquidem ipse Cæsar & Ferdinandus frater non obscuro, sed diverso iure septem illis Venetiæ urbibus imminerent, quas antea Maximilianus avus Gallo coniunctus, armis cœpisset. apparerebat enim socias civitates, si pecuniam conferre cogerentur, uti acerbius ex-pilatas fidem facile mataturas, quum duorum fratrum consilio concitatis Germanis, qui undique fines clauderent, repentinum bellum inferretur. Propterea senatus magnopere dubius, in ancipiti sententia versabatur. horrebat enim Turcarum arma à ducentis annis Veneto nomini semper funesta: instantem timebat famem, obscuraq; Cæsaris consilia suspectabat: quarum rerum pericula, una statim cum Solymano confecta pace tollerentur: sed non deerant, qui eam vehementer improbarent, ex ipsa scilicet quorundam potentium factione, quæ iam pridem depravatis antiquis moribus malo reipublicæ enata erat, confirmataque demum Neapolitano fœdere, quo nihil toti Italiæ importunius accidit: ex obliquo siquidem, ut Cæsari faverent, pacis authores sententis atque suffragijs oppugnabant, quando ea pax non ingenti modo auri ponderē, sed maxime damnosa atque turpissima duarum urbium concessione ab infido immanique Barbaro redimi videretur. Erant ea Nauplium & Epidaurus, quæ reliquæ ex omnibus ante bello amissis in Peloponēso Venetis parebant. eminebat etiam in ipsa mentione pacis subeundæ invidiæ ac ignominie non obscurus pudor, quum Venetus præpropèro decreto ac infami præiudicio, uti subtracto navali apparatu quo plurimum polleteret, Italiæ oram Barbarorum classibus evastandam prodere videretur. Is erat animorum habitus, quum legatis a lectissimo civium ordine in curiam deductis datus est senatus. Coiverat autem tanta hominū multitudo, ut amplissimo conclavi comitis di-

cato, minimè caperetur: multi enim Hanebaldum Gallorum ducem bellica laude florentem intueri, sed omnes maximè Davalum cum sua proceritate & dignitate oris conspicuum, tum rerum gestarum fama clarissimum, orantem audire cupiebant. Is à latere principis exurgens, in hanc fermè sententiam præclara militarique facundia locutus est. Præclara magna numinis, divorumque omnium providentia factum esse reor, serenissime Dux, huius amplissimè natus, ut duo longè maximi Europæ Reges, qui modò perpetuis armis inter se contendebant, non dubia tacti religione in mutuos sinceræ amicitiae complexus devenerint, in id unum protuldubio cōsiliū, ut constituta pace, conturbatis, & tam diu affectis Christiani imperij rebus dignam ipsorum nomine tranquillitatem afferant, & suscepto sacro bello tot acceptas a Barbaris dades ulciscantur. Hoc ut vobis viri Veneti nunciaremus, Reges ipsi nos huc miserunt, ut pari studio, quo vos semper arsisse pro dignitate huius amplissimæ civitatis compertum est, opportunè incenderemus. Vos siquidem unos præ omnibus, qui tantum navali apparatu disciplinaque, & maritimis copiis valentis, in sacri belli, speratæque victoriæ societatem asciscunt, & dignos existimant, qui peculiares totius victoriæ fructus nanciscamini: quandoquidem renovato conatu & coactis tot classium viribus nemo non videat Barbaros marionino inferiores futuros, tametsi se ad Actium victores dudum evanile iactent, quum non virtute, sed inexpectato intempestæ procellæ beneficio, victrices iam prope manus nostras evaserint. Nobis enim certa ratione pietatis innum tantas undiq; vires conferentibus, cuncta cœli & terræ marisque numina propicia aderunt, atque animos profectò ut vinci discant, Barbaris erigunt. Quamobrem de terrestribus etiam copiis nostris bene sperare fas est, quandoquidem ad eas, quas modò Cæsar ad Viennam ipso Barbarorum imperatore in fugam coniecto in aciem produxerit, accessura sint non modò totius Gallie equitatus & peditatus perampla auxilia, sed suos etiam magni roboris exercitus Sigismundus Sarmatiæ rex, religionis atque virtutis nomine contra impios feliciter pugnare solitus, nulla interposita cunctatione sit adducturus, sicut de explorata iam prope victoriā minimè sit dubitandū. Hæc itaque præmissa consilia, quod Christiano nomini secundissimè cedat, Cæsar atque Franciscus ut suscipiatis, & iustæ gloriæ atque victoriæ spem votis ritè nuncupatis, complecti velitis, plurimum cohortantur, vosque salutari decreto ab amicitia Barbarorum pios fortesque animos avertere suadent. Generosis enim animis vestris omnino turpissimum videri potest extendisse inducias, & infamem atque insidiosam pacem pio atque iustissimo bello prætulisse. Neque enim opulentissimam hanc rempublicam, vel magnis propositis belli sumptibus, à bono & æquo deterreri decet: nam quod præsentis est & diu exoptatæ occasionis, si semel vicerimus uno aut navalis aut terrestris victoriæ provenitu cuncta superiorum temporum accepta incommoda, incomparabili vestra cum laude farcientur. Ad ea Landus publico nomine respōdit, Nihil unquam ab ulla patrum memoria Veneto senatui vel specie legationis ad dignitatem honorificentius, vel ad publicam securitatem ipsa spe pacis optatius ac opportunius evenisse, postquam duo longè maximi Reges duobus præstantissimis ducibus legatis missis certam inter se cōcordiam & maturam pacem nunciarent, ipsis certè ad sempiternæ laudis nomen maximè gloriosam: Venetæ autem Reipublicæ tantis difficultatibus circumventæ apprimè salutarem, mi-

rem, mirumque in modum etiam reliquis Europæ principibus expetendam, si publico consensu confociatis viribus de sacro bello sincera & religiosa fide cogitarent. Tum enim Venetos neque sibi, neque reipubl. defuturos, quin inducias, quæ cum Turcis essent, nequaquam fœda pace, sed constantibus armis atque victoria finirent: proinde supplicandum esse Deo maximo, divisque omnibus, ut Reges totam eam spem pacis, quam mutuis colloquijs complexibusque afflicto terrarum orbi pollicerentur, pio decreto & felici eventumaturè & gnaviter implerent. Sequentibus porro diebus legatos de morè in collegium paucorum vocatos lectissimi senatores interrogarunt, an quicquam de legibus scirent, quibus ea pacis & amicitiae fœdera sancirentur, ac obiter, putarent ne, Cæsarem in usum pacis Cisalpinæ Galliæ imperium Francisci regis filio concessurum? Subticente ad id Hambaldo, Davalus nihil plus exploratum se habere quàm convenisse inter se Reges, idque appetisse Cæsarem respondit, qui gravissimis de causis fessæ & labanti Christianæ reipublicæ succurrendum existimarit: id verò quod vel cæci præclare intuerentur, nequaquam expediri posse perficique foeliciter, nisi Cæsar pro magnitudine animi plurima concedendo, donandoque Francisci regis votis annueret, voluntatemque redimeret. Gênerosus, inquit, patres conscripti, gravem etiam rerum suarum iacturam facile contemnit, quum amplissima veræ laudis ac ingentis famæ commoda latè prospiciat. Erant hæc dictu valde magnifica, grataque auribus, sed inveteratæ prudentiæ homines nihil penitus ad animum admittebant, ut Cæsarem, cuius vel intimos sensus tractando explorandoque sæpius novissent, temerè crederent Mediolanensi imperio decessurum. Id enim unum Gallus repetebat, pro quo per viginti fere annos commoto & perturbato terrarum orbe infelici contentione dimicasset. Movebat senatum novæ ac inusitatæ legationis auctoritas supra veteres legatos Didacum Mendocium Hispanum & Gulielmum Pellicerium Gallum qui aderant, ob id maxime suspecta, quod nihil certum discussumque præter spem futuræ pacis attulerat, ita ut plerisque magno Cæsaris commodo ad fallendum instructa atque adornata credideretur. In eo enim totius artis momentum verti videbatur, ut Venetus in spem concordiae communis adductus, consilium cum Solymano de prorogandis inducijs & petenda pace penitus abijceret. Eam autem alieni arbitrii aleam subire seniores imprimis periculosum atque omnino insanum esse iudicabant: quid enim ipsis sperandum, si Fortuna conceptæ paci successum eriperet? nisi ut deserti ab omnibus, obiectique immanibus Barbaris stultæ credulitatis gravissimas pœnas darent? Sed vel inanem spem pacis Marcus Antonius Cornelius haud obscure Cæsari favens mirifica, illustrique facundia sustentabat: disserebatur contra à Francisco Donato, qui principe loco dignus antiquam divini & maxime constantis ingenij auctoritatem sententij suis affererebat. Itaque senatus veluti magno in æstu diversis magnisque fluctibus iactabatur tanta contentione, ut patres in curia consultando, expendoque integras fere brumales noctes absumerent. Erat tum senatus instar quassatæ navis rimarum plenus: hac & illac enim perfluebat, quod antea nunquam acciderat, usque adeo ut sententiæ, decretaque inexorabili antea silentio religiose custodita, non modo ad præsentes legatos, sed in provincijs quoque literis emanarent: tanta enim erat insania susceptæ semel actionis, in clarissimis etiam senatoribus, qui ex professo noscebantur, ut an-

tiquum illud decus optimæ reipublicæ odiosa paucorum ambitione & venalibus studiis atque suffragiis prodi videretur. Propterea animadverso vitio Marcus Foscarus profunda prudentia vetus senator dixit, rempublicam prodi multitudine & malignitate suffragiorum, breviq̃ue perituram, nisi paucorum fidei iudicioque salubriter commissa maturè sanaretur. Erant enim ex ordine rogatorum, qui dicerent sententiam, & in suffragium irent homines ferme ducenti. Hac multitudine offensus ad quinquaginta viros, qui usurerum, fidei caritateque patriæ probarentur, gravissimi atque maximè arcani consilij summam revocabat. Itarebatur multorum infaniam paucorum sapientia superari, sed tanta mox Foscarus invidia deflagravit apud multitudinem, quum ea se consilij excludi, notariq̃ue infamia levitatis atque imperitiæ minimè pateretur, ut vir ille inter summos senatores facile excellens, & quo nemo gravitate iudicij potior habebatur, rogatorum ordine sit eiectus, spoliatusque omni honore, diu in singulis comitijs pudendam reipublicæ repulsam tulerit. Verum ei non multo post, quod divinè & sapientissimè providisset, magnæ gloriæ celsis, detectis his qui reipublicæ arcana prodiderant, severissimeque damnat. Hi fuere patricij ordinis Mapheus Leonius, & Constantinus Cabatius decemviralis collegij scriba. Reliqui autem complices cum Francisco Valerio, qui patritio patre ex damnato coitu genitus, perfidiosæ largitionis minister, & interpretes extiterat, laquei poenam inter geminas columnas in foro miserunt, quum paulo antè Leonius, atque Cabatius in Galliam profugissent. Ceterum ea de pace contentio hunc habuit exitum, ut senatus urgente præsertim fame, concordie principum dissidens: & tamen eventum expectans, tres legatos decerneret: ex his duo ad Cæsarem Franciscumque regem explorandis eorum consilijs mitterentur: tertius, qui erat Aloisius Badoerius forensis eloquentia insignis, ad Solymanum maturè contenderet. huic adiunctum est, ut desperatæ inter Reges pacis famam præoccupare niteretur, sed daret operam cunctis ingenij artibus, largiendoque præsertim, ut Nauplium & Epidaurus Veneto nomini servarentur: quod si id ab astuto insolentique Barbaro impetrare nequiret, necessitati daret manus, & quavis conditione pacem conficeret: eam enim decemviri è Republica fore existimabant, secretoque de deditioe urbium in mandatis adscripserat, veriti scilicet imperitiæ multitudinis vim atque tumultum, quæ inde veluti satis honestam nata causam reclamandi intercedendique, proculdubio saluberrimi consilij decretum evertisset: neque enim in dubium vertebatur, si cunctarentur, & serò pacem peterent, quin Solymanus ex aliena imbecillitate necessitateque impotentis animi cupiditatem extenderet, nec daturus esset pacem afflictis atque desertis, nisi quod esset ipso Venetæ urbis excidio penè acerbius, Cephalenia, Zacynthus, ac ipsa denique Corcyra traderentur. Itaque Davalus & Hanebaldus, qui ea de causa venerant, ut cum Turca pacem impedirent, nihil omnino diligentius effecere, quàm ut eam Veneti proviso rerum suarum periculo conficerematurarent. Fit enim plerunque in consilijs humanisque rebus, ut alioqui rectè speratus, & facilis successus nimia diligentia & cura corrumpatur. Neque dubium fuit, quin Hanebaldus in speciem tantum personam legationi præstitisset: clam verò per Guliermum Pellicerium veterem legatum pacem ac amicitiam cum Solymano persuasisse crederetur: atque ita evenit, ut quum Badoerius apud Byzantium, impetrandæ pacis gratia

gratia certam pecuniā vrbium loco polliceretur, Solymanus eum tan-
 quam impudentem mināciter obiurgaret, ac non aliter se daturum pacem,
 quā acceptis vrbibus, testaretur: quoniam de decemuirali decerto certior
 factus, eius rei transigendæ potestatem legato datam esse ex literis ostenderet.
 Quamobrem Badoerius cum pudore redargutus, perfulsusque non dubio
 mortis metu, vbi arcana mandatorum Solymano, & purpuratis detecta esse
 conspexit in eas condiciones pacem accipere coactus est, quæ Nauplio, atque
 Epidauro traditis sanciretur. Quibus etiam Peloponnesi vrbibus accesserunt
 duo Dalmatiæ castella, Nadinum, atque Labrana: graui quidem cum dolore
 10 uniuersi senatus, postquam de tam iniqua transactione Venetijs est rescitum:
 vnde mox Badoerius atroci inuidia deflagrauit, quum ea dedisset, quæ ex
 mandatis dare non posse credebatur, vsque adeo in eius nomen asperè con-
 citato populo, vt vix demum detecta Cabati perfidia, quin exilio, & bonis vel
 infons mulctaretur egerrimè seruatus sit. Interea Cæsar dimissis Francisci re-
 gis liberis, qui officij causa persecuti Valentianum vsque processerant, quum
 de concordia perscriptis conditionibus acturus esse crederetur, integrum
 tractandæ pacis negotium in aduentum Ferdinandi fratris reiecit. Is tum è
 Norico, vt explicandis consilijs interesset, Rheno deuectus aduentabat. Ni-
 hil enim dum esset in Gallia Cæsar egerat de pace, nihilque præter iucundissi-
 20 mos sermones audierat: quum id antea consilio, vt mox apparuit, subtili
 potius quàm honesto per Anneum Memorantium petisset: ne si alienæ po-
 testatis factus in solo nuper hostili minus liberè minusque utiliter de pace
 transigeret, totius institutæ liberalitatis suæ gratiam defloraret: quando ea de-
 mum apud omnes opinio foret, quæ facile tolli non posset, vt ipse nequaquam
 ex animo & satis generosè, sed ignobili metu, & cæco pudore circumscriptus
 ad iniquas pacis condiciones descendisse crederetur. Id verò faciliè recepe-
 rat Gallus, quum certo excelsi animi decreto hospitales mentas, quibus regina
 ipsius Cæsaris soror cum lectissimo scæminarum comitatu ad hilaritatem indu-
 ceretur, nulla penitus amaritia perfundendas existimaret. At Cæsar ab ea
 30 mora dilationeque Gallorum animis in vltiores spes opportune traductis,
 contrā ac plerique arbitrabantur, Gandauum rectā contendit, præmissa Ger-
 manorum legione, adductisque secum Belgarum alis, quibus antea vt præsto
 adessent locum diemque præscripserat. Gandauenses desperata Gallorum
 ope, quod pacem cum Cæsare occultè confectam crederent, occulto metu con-
 territi, & præoccupati celeritate Cæsaris, in pompæ morem gratulantes se ef-
 fuderunt: sed ea erat apud salutantes recentis facti conscientia, & contra is oris
 habitus portam intrantis, vt hic non natalis soli vrbem, et patriam altricem
 pueritiæ, sed inuisa & prorsus inimica mœnia tecta que subire videretur: illi
 porro cum in oculis Cæsaris dubiam lenitatem agnoscerent, tristi vultu, &
 40 summisso murmure se poenitere faterentur, quod non pro patria armis forti-
 ter desumptis, portas ab initio clausissent. neque enim vi subigi expugnari que
 poterant, quum amplissima ciuitas vel subitario tumultu supra quadraginta
 hominum millia facile armarer: sed Gandauenses cum iuri suo tum viribus au-
 dacius consili grauiorem quàm putassent contumeliæ noxam subierant, eo-
 rum consuetudine qui vbi facinus admiserint, vt id demum extenuent, cul-
 pam sua potius quam aliena conscientia metiuntur: siquidem, vti memorauimus,
 tanquam liberi & immunes Mariæ reginæ, quæ Belgis præerat, pecuni-

am in Galliei belli sumptus imperanti insigni contumacia restiterant, adeo ut paratam victoriam interpellasse viderentur. Id facinus altè admodum & grauiter in pectus Cæsaris descenderat, quòd ab ea ciuitate in qua esset natus initium detrectandi imperij exortum videbat, summo quidem rerum suarum periculo, quando in eadem causa prouinciæ omnes perpetuis tributis exhaustæ ad non dubiam rebellandi occasionem Belgarum exemplo vocarentur. Nam Hispania omnis dudum conferendis pecunijs fessa, & ob id consternata animis, in conuentu liberas voces ediderat: Insubres quoque ex opulentissimis ad egestatem redacti, diuque vel in pace immaniter vexati, frustra apud furdas Cæsaris aures præsidium acerbitem querebantur: Neapolitanum vero regnum, quo nihil spoliatiùs vnquam fuit, euersum exutumque omni pristina dignitate conciderat: & in Sicilia cum annuis tributis tum nouis retributariæ victigalibus, & frequentibus Hispanorum æstiuis hybernisque euastata, occasio potius rebellandi qua consensus deesse videbatur. Itaque Cæsar ulturus iniuriam, quum iam pacato planè animo videretur, dispositis per urbem custodijs multos vno tempore comprehendi iubet. Nouem ex his, quos turbido ingenio aut facundia insigni & militari præsertim audacia compererat, iudicio damnatos, uti reos maiestatis interfecit: his paucos postea sexdecim desiderio libertatis, & populari potentia suspectos addit: de quibus pariter in foro, conterritis omnibus, supplicium est desumptum, Ab hac reorum poena veteres demum ciuitatis immunitates vno edicto abrogat, leges dissoluit, totum id ius abolet, quo magistratus creabantur, ingentique pecunia ciuitatem mulctat, quæ in sumptum ædificandæ arcis transferretur. Instituebat enim per amplam arcem opportuno vrbis loco, insigne templum atque cœnobium diui Beonis memoriæ dicatum complexus, ut Gandauensium iugum seruitutis ex merito ceruicibus impositum sentirent. Erant qui in eos aliquanto grauius, quam expediret, animaduersum arbitrarentur, quòd per uicacis ac indomitæ gentis is esset animus, ut vi subactus conspecto semel croore odium iramque reconderet, nec ullis subinde lenimentis hæcteretur, ut ex toto demum in vindictam exercendæ seuitiæ locum aperiret. Damnantur primis seueritatem Cæsaris totius Germaniæ liberæ ciuitates, horrebantque imprimis impolitæ arcis nomen, uti nouum & maxime infestum libertati, ita ut Gandauensibus tanquam socijs, si Cæsarem casu aliquo Fortuna defereret, recuperandæ libertati maturam opem laturos uiderentur. Sub id tempus Ferdinandus ad Cæsarem venit, expectabaturque sollicitis legatorum animis toties iniriæ nec vnquam tamen confectæ pacis euentus. Venerat per eos dies sub fide publica Villermus Cleuensis regulus, affinitate ac amicitia Gallogi arcte coniunctus, is a Carolo Gheldrio, qui sine liberis decesserat, hæres testamento scriptus Gheldriæ regionem sibi finibus coniunctam obtinuerat, inuito iratoque Cæsare, qui suo Augustali iure dicendi instituendique principis authoritatem sibi ereptam indignabatur. Cupiebat enim eum conciliare obligareque certis beneficiarij principatus legibus, ut, quod erat in intimo sensu, conducendi è Germania milites Gallo regi facultatem eriperet. Nam è Menapijs atque Sicambris, qui hodie Cleuenses Gheldrijque vocantur, nunquam Gallo regi mirifice cohortes legionesque proposita mercede defuerant. Nihil Villermus de pacis euentu dubitabat, Gallumque ex commodo suo neglectis socijs atque clientibus, modo Mediolanum reciperet, cuncta facereum arbitra-

arbitrabatur, ob id se conferre ad auctoritatem Cæsaris, eique pro Gheldria sacramentum dicere, Christiernamque (ea Francisco Sfortiæ nupta fuerat) ex Cæsaris sorore genitam, vxorem ducere paratus erat, sed Gheldriæ ducis, & principis nomen, dum vita maneret, concedi, conseruarique sibi beneficio Cæsaris postulabat. In ea re tribuenda Cæsar nihil vnquam, nisi ex maiestatis dignitate facere aut pati solitus quàm expediret, durior est inuentus, quum præfecturam tantum abrogato principis nomine se concessurum respondisset. adeo enim decoris erat tenax, vt futura commoda facile contemneret, modo præsentia vel ancipiti periculo tueretur: sed pari ingenio & Germanica constantia Villermus quum speciosi susceptique simul tituli honore spoliari nollet, pro quo armis certari & nauiter occumbere minimè recusaret, se consulturum prouinciales suos dixit, & sub ea qua venerat fide intra fines est reuersus. Iam enim paratæ pacis metus multorum dierum mora refrixerat, & Galli eum oportune monuerant, ne quid temere transigeret, quum varijs coniecturis non infirmas modò, sed penè extinguitas esse spes pacis significassent. In eodem quoque metu fuerat Henricus Britannix rex ab inextinguibili iniuria, qua reginam repudijs dolore ad mortem adegerat, Cæsari auersus. Summæ enim dignitatis legatos in Belgium miserat, qui in rem Cæsaris multa pollicerentur, vt tutum, si pax fieret, ad eius amicitiam receptum pararet. Commouerat & ea colloquij fama Solymannum vsque adeo, vt indignabundus inconstantis ingratiq; animi Gallum regem incusaret, iamque timere inciperet, ne in se à coniuratis regibus Christiana arma verterentur. Ob id Antonius Rinco legatus atrocis supplicij percussus metu speculatorium nauigium occultè parauerat, quo se per noctem celeri fuga in Pontum eriperet. Germani quoque principes, qui Francisci studia secuti cum Austria domo graues infestis armis simultates susceperant, non obscure admonebantur, vt priuatim rebus suis consulerent. quas enim vltiores spes ipsis relinqui, vt dignitatem & denique penates tuerentur, si Gallus commodo suo conciliatus Cæsari ipsos desereret atque, irato merita poena plectendos obijceret? Iam enim Cæsar & Ferdinando ostentato pietatis studio dederant operam per idoneos homines, vt principum liberarumq; ciuitatum legati Haganoam in Tribocibus mitterentur, vt ibi colloquendo disceptandoque de placitis, & verò dogmate rerum diuinarum maior denuum & augustior conuentus apud Vangiones indiceretur: quo illam auditu foedam, et valde pestilentem Lutheri de religione controuersiam finirent. erat hic præclarus admodum prætextus, sed in recessu animi Cæsaris graue consilium incubabat, quo scilicet potentiæ suæ maiores opes astrueret. Iudicabat enim Germaniæ regulos multa & maximè liberali indulgentia, dissimulatio- neque earum rerum, quæ religionis causam moresque respiceret, et multa denique lenitate alliciendos. Sic enim ab amicitia Gallorum auerti posse, sic dissolui occultas coniurationes & clientelas, nudarique certo atque expedito præsidio Galliam rebatur. hæc in arcanis erant, palam verò communis omnium concordia, & consensus in religione, & digna Germanico nomine ingentia auxilia aduersus Turcas petebantur. Ceterum Cæsar diu cum frater collocutus, quod diutius extrahere moras, suspensasque hominum voluntates incolu mi pudore tenere non poterat, conceptum antea inconcussum decretum protulit, misitque ad Franciscum regem cum mandatis Pelusium familiarem

suum, qui Ioannem Lotharingum Cardinalem, ipsumque Anneum Memorantium conscribendis pacis conditionibus antea delectos euocaret. Summa mandatorum hæc erat, Cæsarem nihil lubentius complecti quam pacem, quanquam Reipublicæ potius quam sibi profuturam, proinde multo ampliora augustioraque, quam Franciscus expeteret, communis concordie causa concessurum. Imprimis asciturum sibi in generum Carolum Francisci filium, eundemque sororis suæ priuignum, atque cum ex iure Augustæ maiestatis, & dotali nomine Belgarum regem effecturum, quo nihil honorificentis atque beatius exoptari posset: quando Franciscus in sua domo alterum e duobus liberis iam regem Galliarum designatum, alterum nouo & maximè decoro florentis, & contingui regni diademate insignem esset habiturus: qui mutua fraterna que ope, coniunctisq; sensibus opulentissima regna tuerentur. Neque remotas spes maximarum rerum, quæ in abditis fatorum essent, obiter spernendas videri, quando eas sapientissimi viri præalto alendas consilio, & bonis euentibus commendandas semper existimarint. Posse enim Fortunam, quæ suaprelibidine mortalium votis illudendo varietate casuum magnopere guaderet, Philippo pariter, & Hunrico inuidere prolem, & quod Dñi penitus auerterent, immaturæ etiam ætatis vitam abrumpere. Tum enim Carolum aut certe ex eo communis sanguinis stirpem, totius ferè Europæ regna legitimo hæreditatis iure, & rara felicitate complexurum. Quod verò ad Galliarum Cæsariæ imperium pertineret, cum sibi cum Ferdinando fratri ineptum simul ac infaustum videri inde decedere, sicuti antea cum totius Italiæ præcibus aliquid dandum arbitraretur, liberali animo decessisset. nihil enim aliud esse quam Italiæ humeris detruncari caput, quo reliqua eius imperij membra regerentur. Periniquæ autem malignitatis esse, quod ea regna plerique mortales Fortunæ suæ penitus inuiderent, quæ nequaquam quæsitæ armis, aut impotenti cupiditate, sed quodam humanæ sortis iure atque ordine oblata collataque ad manus felici hæreditate peruenissent. Porro non esse ex usu iuris & equi, obstrui sibi aditum & portus ab Hispania in Liguriam venturo, quum Genuenses commodo suo Mediolanensis imperij Fortunam subsequantur, subindeque etiam tolli tutum atque expeditum iter in Germaniam, quæ sibi pro maiestate nominis nequaquam alieni arbitrij beneficio repetenda uideretur. Ad ea Franciscus quanquam, uti spe opinioneque deceptis plerumque accidit, vehementer animo commoueri videretur, pacato tamen, sed renidenti vultu respondit, se gratias agere Cæsari, quod multo ampliora speciosioraque quam ipse sperasset tributurum incredibili benignitate polliceretur: cæterum se usque adeo non esse inuerecundum, ut illi auita regna, & denique natale solum eriperet. Proinde potiretur Belgicis regnis, quæ optimo iure sua essent, eaque posteris possidenda transmitteret: itaque æquum videri, ut de compositione loqui desinerent, postquam ipse aliena non cuperet, & ea tantum quæ antiquo et multiplici iure sibi deberentur, uti Fortunæ casibus interceptarepetisset, emprurus etiam ea graui pretio, et magno Cæsaris emolumento, ut afflictis vtriusque imperij gentibus certa, & maximè diuturna pax cum publica laude redderetur. Erat enim noua atque inexpectata conditio, quæ offerebatur, multum aliena a rationibus Galli Regis, opportuna autem Cæsari, qui publicæ pacis cupidus existimari volebat, quum iam totius ferè Italiæ imperij compos factus, e certis veluti opibus cuncta quæ animo conciperentur sibi

sibi facilia fore prospiceret. Hæc autem à Cæsare tanto silentio tegebantur, ut ne Farnesio quidem legato communicanda iudicaret, quòd hercle ingenio pioque principe indignum non insulsis videri poterat: quando ille in tanta conuentus opportunitate ab auo Pontifice gratulatum missus, vel infesta hyeme, & niuosis Alpibus in Galliam peruolasset: sacras enim opes conciliandæ paci, cunctasque item Pontificij imperij facultates obtulerat, si fœdus pacemque percuterent, atque obiter de componenda religione, & de indicendo sacro bello digna ipsis consilia flagranter expedirent. Sed legatus auito ingenio iuuenis cuncta vel ex colloquijs illustrium fœminarum planè didicerat, ita ut in Granuelium totius arcani Cæsaris conscium, cuncta illiberali silentio supprimentem, enudando quæ ipse rescisset, ut pudorem intempestiuæ taciturnitatis exprimeret, falsâ comitate iocaretur. Cæterum id quoque legati animum valde pupugerat, quòd se in consulto ad Hoganoam legatorum Germaniæ conuentus esset indictus. Quid enim vel ad dignitatem religionis, vel ad Germaniæ salutem, vel ad Christiani orbis prælidium auspiciò consuli perficique posset sine auctoritate sacrosancti Pontificis? qui earum rerum summus arbiter & disceptator esse deberet: postquam eximia pietate illustrique studio insignem semper dedisset operam ut disidentes componeret, neque vnquam in tantis navigationum, ac itinerum incommodis grandæuius senex ætati aut vitæ pepercisset, profectò malis artibus de pace agi, quando ruente Republica ad confirmandas tantum augendasque priuatas opes omnium studia verterentur. Nec multò post, quòd diutius manere nequaquam suæ dignitatis esse statuebat, in Vrbem rediit, relicto apud Cæsarem Marcello Ceruino eximiæ grauitatis & fidei familiari, cui paulo antè Pontifex senatorij ordinis ornamenta transmiserat. His etiam rumoribus admonitus Badoerius Venetus legatus, qui Byzantijs Solymano aderat, pacem conficere maturauit: quæ tametli periniqua erat, concessis vrbibus (quando nullus nisi admodum infelix et luctuosus suscepto bello exitus foret expectandus) apprime tamem necessaria in eo grauiore rerum periculo videbatur. Scio me aliquando liberius quàm deceret totius præsertim orbis gesta perscribentem in explicandis principum consilijs, quibus haud dubiè perituri sumus, ab instituta breuitate discessisse, sed certè boni mortales in hac publici doloris, & iam propinqui luctus causa longius prouectò facilem omnino veniam dabunt, quum intelligent, quanta inlania summi reges præclaram occasionem non propulsandi modò, verum ingenti victoriâ delendi eius hostis amiserint, qui accersitus vltro in ceruices nostras cruentum gladium securus exercet, exercebitque tamdiu insolenter atque fœliciter quàm diu vigeant reges, qui nulla pietate, et summa vecordia perdendo orbî nefarijs inter se armis depugnent: scilicet ut postquam mutuas vires attriuerint, occidentis quoque imperium cuncta iam ex tuto fidenter inuadenti Barbaro fœdè relinquant. Enudato Cæsaris consilio ac ob id desperata concordia, quum induciæ vbique vigerent, exortum est in Pannoniæ bellum repentina morte Ioannis regis, qui tum in Transyluania prouinciæ præfectos minus dicto audientes armis persequabatur. Sed quoniam ab hoc initio perpetuas nobis clades lubet ominari quum dissensionis nostræ nullum finem videamus, ut cuncta sua ordine clariora legentibus fiant, paulò altius cœpti belli causas repetemus. Confecerant inter se pacem Ferdinan-

dus atque Ioannes pari desiderio quietis & otij, ambobus certè utilem, sed
 ex eo rerum statu necessariam potius quàm honestam, maximè autem ex-
 optatam Hungaris, quibus vel diductis in partes cauebatur, vt Fortunæ in-
 columes manerent, vel his qui antea exules Ferdinandum secuti solum ver-
 tissent: vrbes quoque, oppida, vicos, arces, quæ tum in potestate essent suo
 quisque præsidio tueretur. Ioannem verò Ferdinandus regem appellaret,
 quum eum antea sermone, ac literis Vaiuodam è veteri Transylvania præ-
 fectura vocare esset solitus. In tabulis autem conscripti obsignatique fœderis
 disertè fuerat appositum, subscribentibus nonnullis Hungarorum principi-
 bus, vt si Ioannes vita excederet, Ferdinandus totius Pannoniæ imperio pon-
 retur: eatum condicio in arcanis habita suppressaque est metu Solymani,
 cuius id regnum esset, tanquam belli iure captum, & beneficiario tantum no-
 mine Ioanni liberaliter attributum. neque enim erat putandum, si id resciret,
 vtille natura Fortunaque sua plurimum superbus insolensque omnis conta-
 meliæ, id regnum tantis sumptibus atque periculis partum, defensumque in-
 grati hominis testamento, ad inimicæ gentis hæredes transmitti pateretur.
 Quum de concordia enim Ioannes ageret, consuleretque super ea re Solyma-
 num, is non probarat modo, sed humaniter etiam amiceque suaferat, vt ærum-
 noso, ac ancipiti bello certam ac honestam pacem præferret, vtpote qui contra
 Parthos in Asiam traiekturus vllam omnino noui belli materiam in Europa
 relinqui nollat. sed in tantæ rei arcano syncera silentij defuit fides. Ferunt
 enim Hieronymum Laschum pro Ferdinando suscepta legatione Constantino-
 polim contendisse, detexisseque omnia Solymano, publicatis inter Ballas pur-
 puratos criminosisque legibus, quibus pacem duo reges inter se consecuturi
 vt inde longè maximum ac inexpressibile odium Ioanni conflaretur. Tantum
 vir ille multis alioqui eximiæ virtutis ornamentis valde conspicuus, iniuriæ
 dolorique dederat, quum à cæde Gritti, sicuti suo loco memorauimus, custo-
 dia traditus, vixque dimissus Sigismundi regis precibus, à Ioannis amicitia
 discesisset. Exinde Solymanus Ioanni vehementer iratus, vt eum summe
 contumeliæ nomine cumulatè oneraret, ingratum appellauit, conuersusque
 ad Luphtibcium, quàm indignam, inquit, infidis capitibus Christiani hi duo
 reges coronam gestant: postquam impostores longè turpissimi nullo homi-
 num pudore nulloque Deorum metu deterrentur, quin ex commodo mu-
 tuæ fidei sacramentum dissoluant. Cæterum Ioannes re cognita sibi vehemen-
 ter timens, per idoneos homines operam dedit, vt eius facti calumniam multo
 auro multisque donis oppurtunè dilueret: sed tantam postea contumeliam,
 quæ non suam modo, sed Reipublicæ salutem in discrimen deuocaret, à Fer-
 dinando sibi indignè impositam apud principes grauiter est conquestus, mis-
 so ad id Statilio, Albæ Iuliæ Episcopo, qui ad Venetos Paulumque pontifi-
 cem, ac demum ad Franciscum in Galliam probrosum eius iniuriæ nomen de-
 tulit. Nec multo post Ioannes regno in spem antiquæ foelicitatis singulari
 diligentia restituto, Budaque præsertim admirandis operibus opportunè com-
 munita, vxorem duxit Isabellam Sigismundi Sarmatarum regis filiam, virili
 eruditoque ingenio puellam, & quod alliciendi animi multum interfuit, Ita-
 lico lepore, & venustate Polonica peramabilem. Abhorrebat à nuptiis Io-
 annes, vti iam in eo ætatis flexu valetudine tentatus, sed procerum Hungaro-
 um precibus id dederat, suadebant enim amicorum præcipui ac ipsi familia-
 res, vt

res, ut cælibatum abrumperet, daretque operam liberis, ut Hungarici sanguinis proles legitimo & maxime illustri coniugio pararetur, quæ regnum exciperet, renouaretque Zapolia familiae nomen, quod esset in ea domus orbitate periturum: nam Georgius regis frater, quem Mugaciana clade cum Ludouico rege cecidisse meminimus, nullos reliquerat liberos. accedebat & vetus cognatio cum Sigismundo: nam is in priore coniugio Ioannis sororem habuerat. apparebat enim finitimi regis noua affinitate amicitiaque res Hungaricas maxime confirmari. Probabat & has maxime nuptias Solymanus, qui antea in Ioanne cælibis vitæ statum religiosa voce damnauerat, quod eas ex amicissimi sociique regis sanguine expetitas videbat: sed non æquè placuerat Ferdinando, quanquam & ipse Sigismundi filium regem Sarumatiæ designatum sibi generum asciuisset, utpote qui liquido prospiceret Hungaros, præcipuo contemptu atque odio externæ gentis superbos, si puer ab his nuptiis susceptus foret, extemplo in sui sanguinis prolem studia conuersuros. Cæterum Ioannes iam noua nupta in spem virilis proles aluum gestante expeditionem aduersus Transyluania præfectos suscepit. Erant enim Maylatus Gritti cæde celebratus, & Balassus quem ipse Maylato collegam addiderat, quum fallaci arrogantique ingenio hominem suspectum haberet. is enim falsidito præfecturæ nomine, stabilis imperii certas opes & noui denique regni decus affectabat. Pari namque ambitione atque perfidia petierat à Solymano, ut ex eius autoritate Transyluania rex appellaretur, vetere Deceballi Dacorum regis exemplo, qui à Traiano Cæsare bello victus, in eadem prouincia regnarit, id si impetraret, sacramentum Ottomannis imperatoribus se dicturum pollicebatur, quotannisque pensurum tributi nomine certum auri pondus, cuius non parua copia in beato ac admirabili Transyluania solo fruticante natura sponte uasceretur. Verum Solymanus infidi hominis impudentia commotus, quod cum antea Gritti & Turcarum cæde cruentum oderat, totius negotii literas ad Ioannem misit, ut vel inde moneretur, quorum hominum fidei summæ opportunitatis ac opulentia prouinciam commendasset. Ita Maylatus contumeliosè reiectus à Turca, Ioanniq; detectus, commutata consilii ratione ad Ferdinandum se conuerit, ne postquam regni spe decidisset, præfecturæ quoque honore vindicante id facinus Ioanne, cum perfidia nota pelleretur. Erat tum in partibus Ferdinandi Thomas Nadaustus, erudito nobiliq; ingenio vir Hungarus, qui sororem Maylato nuptui dederat: is certa prouinciae pactione propinquum suum in partes facile traduxit, egitq; ut Maylatus Transyluanos ad defectionem occultè concitaret. Idem etiam Balassus ipse facturus putabatur, quem Ferdinandus per Melchiorem illius fratrem ad transeundum antea sollicitarat. Sic enim nutabant apud utrunque regem iura pacis & fœderis, ut verbis amicitiam colere, animis autem liuore atque adio turgidis bellum parturire viderentur. Nam Liscanum Hispanorum peditum præfectum, summa licentia veteranorum more in Italia prædari solitum, agrestes Hungari cum maxima cohortis parte ad Cassoviam trucidarant: quum eis vindemiarum & messis collectos fructus impotenter eriperet, multisque decimum maleficijs utrinque æditis transcensisque limitibus fœdera violarant. Accidit autem peropportune turbandis rebus, ut Ioannes Transylvanis pecuniam imperaret, qua Solymano tributa biennio intermissa penderentur. Id erat novum peracerbumque validæ ac indomitæ genti, quæ vel ob

id iniuriam ferre non poterat, quod aurum enatum patrio in solo ad immanes Turcas proprios ipsorum hostes indignè deferretur. Itaque consternati ad arma, non obscurè imperia detrectabant, Maylato scilicet Balassoque rem proclinatam adiuvantibus. dicebant enim ea pecuniæ summa decem annis sustineri posse inimica Turcarum arma, nisi patriæ virtutis honos, concessis ultro & traditis omnium Fortunis, adeo foedè & turpiter proderetur. Igitur Ioannes ubi videt eorum contumaciam rebellionem proximam ad arma spectare, serpentis mali initijs occurrendum esse statuit, premisisque Valentino Thuracco, Petroque Pereno, & Petro Vicchio summæ dignitatis ducebus, ipse quanquam ex recenti morbo tenui adhuc ac infirma valitudine, in Transylvaniam rheda peruolat. Commendarat autem reginam Ioanni Staro atellæ magistro, res vrbanas Aconi præfecto vrbis, arcis custodiam et regiam suppellectilem Benedicto Baioni, summa vero belli & pacis consilia Gregorio Peschenio seni fortissimo, qui antea Budam cum Gritto contra Germanos insigni cum laude defenderat. Itaque diuisis inter se copijs regni duces diuersas vno tempore regionis partes inuasere, circumlatoque terrore belli atque ostentata clementia regis, qui cum adesse nunciaretur, ita rem gessere, ut plures qui præfectorum impulsu defecerant ad officium redirent, nonnulli contumaciæ poenas darent, & pauci denique præfectos iam planè coniectos in fugam sequerentur. Maylatus enim viribus impar, & ex conscientia saluiperrimum timens, nusquam in pugnae casum se obtulerat, incertis itineribus euagabatur, modò percurrere campos, è syluis improviso erumpens, modò se notis vallibus, atque nemoribus occultabat, ut persequentibus nequaquam abiecti, sed constantis intentisque animi vestigia relinqueret, ad extremum errando fessus quum vndique vrgeret hostis, & Balassus longius abscessisset, in oppidum Fogaras se contulit. in id opere naturaque munitum thesauris Gentem prædæ condiderat. Itaque percupidè regis admotis castris prolatisque tormentis obsidere atque oppugnare cœperunt. Constitit Ioannes ad Sibinium per amplum Mysiæ oppidum, quod itinere vnius diei distat a Fogaris. Ibi in consilium aduocatis prouinciæ honestissimis, qui vel in magistratu essent, vel dignitate ingenioque præstarent, quum de Maylati perfidia graueret esset conquestus, docuit quantæ necessitatis esset Turcarum amicitiam tueri, à qua nisi magno cum incommodo & certa clade discedere non possent: propterea quum Barbaris tributum esset exoluendum, ad tranquillitatem opulentiamque prouinciæ pertinere, ut præsentem non admodum graui damno, spem certam futuræ vtilitatis anteponerent, quando ea pax legitimo tributum nomine parata, ad amplificandas priuatorum opes, vberimos demum rerum omnium prouentus manifestè promitteret. se itaque ventis, ut inspectis prouincialium Fortunis, imperatæ pecuniæ onera leuaret, moderaretur exactio-⁴⁰ num rationes, vectigaliaque minueret, ac in opibus parando plurimum indulgeret. Hæc salubri æquitatis ac imperij temperamento administrantem, quum Transylvanorum animos ad obsequium flexisset, acrior inuasit morbus, quem inter suscepti belli curas, à solstitio graues æstus, & longi itineris citata vectatio, non planè sanis & diu quassatis visceribus attulerant. Obsidebatur interim Maylatus, quum decumbenti, & affectis tremore membris remedia paranti, allatum est reginam foelici partu mirè indolis puerum

puerum edidisse. Tum verò Hungari in credibili lætitiâ exultantes regiam complent, ad regem gratulatum irrumpunt, tormenta de more disploduntur, adueniunt è castris duces, gaudium in exercitu dispensatur, paraturque conuiuium, in quod vel inuitus rex ipse procerum cohortantium manibus infertur. id ei omnium lætissimum atque supremum fuit, nam quum festæ hilaritati & perpotantibus amicis deesse nollet, incautius ac liberalius genio indullit: ex indereuocata est febris quæ iam planè defecerat, cuius vim diu sustinere non potuit. Quum verò finem vitæ adesse conspiceret, filium testamento reliquit hæredem, Georgiumque Varadinensem antistitem propter eximiam fidem, & Petrum Vicchium sanguine sibi coniunctum, tutores instituit, obtestatusque est singulos procures per antiquum Hungarici nominis decus, ut sui sanguinis potius quàm externæ atque inimicæ gentis regem in Pannonia regnare paterentur. Futurum enim esse, ut Solymanus regni tutelam susciperet, si ad eum legati cum muneribus properè mitterentur, qui puerum ex eius autoritate regnaturum paterna conditione reciperent. Fuit Ioannes pacato clementiq; ingenio, & ad beneficentiam æquitatemque maximè propenso. Aberat enim illa innata Hungaris ferocia militaris, quum literarum studio & multis vtriusque Fortunæ calibus eruditus, nequaquam virium imperu, sed accurata consilij ratione regeretur, nemo enim eo cautior, & vigilantior in negotio, nemo quum animum remitteret in otio vrbanius atque iucundior fuit. Is virorum fortium clientelas perpetua hospitalitate & beneficiâ partas, certos principum thesauros esse dicere erat solitus: quòd grati et memores vna sæpe forti fidelique opera omnes sumptus cumulatè perfoluerent, ingrati verò cum ignomina alienæ virtutis testimonium ferre viderentur. Suppressa est tantisper mors eius, dum cum Maylato de compositione transigeretur: significarant enim regem in tanta suscepti filij lætitiâ pristinæ gratiæ locum, & denique ipsum præfecturæ munus ei liberali clementia relicturum, si in suum filijque legitimi futuri regis nomen iuraret. Non detrectauit conditionem Maylatus pluribus malis circumuentus: atque ita cadauer à Sabinio, comitante magna parte exercitus, delatum est Albam regalem, vbi sepulchra regum visuntur, solenni que die, ac insigni cerimonia noui reges coronantur: sed priusquam à Sabinio mouerent castra, consilio habito, eandem, quæ ornata instructaque viuentem rege fuerat, legationem ad Solymanum decreuerunt: iereque confestim summæ dignitatis legati Ioannes Exechius Quinque ecclesiensis antistes, & Stephanus ipse Verbetius iam natus grandis, & scrinij regij magister, quem Romæ sub Leone legatum vidimus. Tuleremunera pateras ex auro eximij operis decem, cæ lato autem argento inauratas centum: item sericas purpureas & amethystinas aureasque textili opere figuratas, more Barbarorum, in talaris vestes quadraginta, auri que simul Hungarica nota signati quinquaginta pondo, quæ biennalis tributi nomine penderentur. Ita à Sabinio rectis itineribus relicta ad læuam Valachia, superato que in Triballis Danubio per Thraciam Byzantium peruenere. Interea apud Albam regalem insigni pompa apparatuque regis funus est celebratum, impositaque infantis capiti solennibus ceremonijs antiqua illa ex auro corona, quæ Stephani Hungarorum primi regis fuisse dicitur, asseruabaturque religiosa admodum custodia in arce Vicegradensi. Neque enim Hungari satis rite factum legitimumque regem arbitrantur, qui eam publicè delatam ca-

pite non gestarit. Propterea & regi infantilæto auspicio dum sacro fonte ablueretur, Stephani nomen indiderant, renouata memoria antiquissimi regis, qui id regnum foelici virtute condidisset. Cæterum ius imperij Isabella reginæ communi procerum studio delatum, ea lege, vt in publicis literis filij matrisque nomen præscriberetur, eodemque titulo regia moneta cuderetur: sed in Georgio summa imperij potestas eminebat. præerat enim ærario, tesseræque arcium tenebat. Porro arma, milites, vexilla penes Valentinum vixebantur. Medius inter hos Petrus Vichius, quod regem sanguine contingeret, tutorque esset adscriptus, neutri suspecta & proinde stabili nominis auctoritate florebat. Sed quoniam Georgij nomen hoc funesto bello, quod scripturi sumus, perillustre fuit, operæprimum putauit aliqua de ingenio eius enarrare, vt quibus artibus gestum sit bellum, nobileque id regnum Hungarorum infamia ad Turcas deueniret posteris prodatur. Natus erat Georgius in Croatia, citioris Pannoniæ Illyricique finibus propinqua, educatusque ab ineunte ætate in domo Ioannis, apud quem virtuti ac industriæ certissimus erat receptus, quum antea sacris temere initiatus, vitæque duriciem sero pertæsus, a suscepta professione discesisset. Itaque miro obsequentiq; ingenio Ioannem regno possum exulantemque securus, tantam in dubijs asperisq; rebus fidei, pietatis, ac expediti consilij laudem promeruit, vt Cibaccho Gritti scelere ad Braxouium interfecto, Varadinensem ipiscopatum sit adeptus. Exinde validis opibus confirmata auctoritate, aulam regnumque regis commodo semper fidus circumgegit atq; foeliciter rexit: sed tanta erat naturæ diuersitate, vt quum in omni actione expediti præstantisq; viri personam indueret, compositus ex contrarijs moribus & ad omina natus esse videretur: in peragendis enim sacris feriarumque ieiunijs Christianæ disciplinæ tristitiam demisso vultu sermonemque ita implebat aut effingebat, vt is idem esse credi non posset, qui in grauib; demum belli pacisq; negotijs tantam vim erecti ardentisque ingenij gnauiter afferret. Optimorum siquidem equitum turmas alere, thoracatus in aciem prodire, frequentibus conuiuijs, atq; muneribus milites conciliare, magnorumq; ducum more pœna & præmio dignitatis nomen tueri erat solitus. Nemo præterea eo diligentius regni opes inspexit: nemo vectigalia, aurifodinas, pastiones, salinasque vtilius locauit: nemo subtilius cogendæ pecuniæ rationes adinuenit, qua vna re certissimus apud reges gratiæ locus paratur: vsque adeo, vt Ioannes præcipua se eius viri industria regnare fateretur, & ipse Ferdinandus hostis sæpe diceret, nihil se prorsus inuidere Ioanni, quam vnum cucullatum, qui galeatis decem millibus tuendo regno potior haberetur. Igitur Georgius suscepta pueri tutela, in omni ciuiliū militariumque rerum officio multus esse, providere ingenti cura, vt in vnum Hungari consentirent, ne vllus alicubi nouarum rerum tumultus oriretur, quo infirmi adhuc regni initiaturbarentur. At Ferdinandus nunciata morte Ioannis, repetendæ Pannoniæ cupidus, nihil dubitat quin arma paret, ac eam omnino occasionem, quæ à Dñs immortalibus oblata videretur, festinanter arripiat. Aderant enim pleriq; reguli ducesque Hungari eius secuti partes, & antè alios Alexius Thurso, Ferentius Genarus, & Petrus Bachithius, Pauli fortissimi ducis frater, cuius morte Turcarum victoriam ad Exechium nobilitatam fuisse docuimus, itemq; Balthasar Pamphilus, Franciscus Capolnaus, & Ioannes Castelamphus, qui à Varania principū Camertium domo stirpem ducebat, & ipse denique Scredus Gaspar,

virtute bellica illustris, sed latrocinij & multiplicis rapinae infamia notatus. li omnino vnum illud esse tempus docebant, quo in patriam cum dignitate reduci possent, & eo quidem autumnio confici posse bellū, si maturarent, quando Turcarū aduentum propinqua hyems excluderet, nec plane in vnum consentirent Hungari proceres, qui reginae studia sequerentur: non enim adduci posse viros nobiles, vt Georgio cucullato desertori sacri ordinis deseruirent: postquam ille varijs simulationum artificijs deprauato reginae ingenio, praecipue occupatisq; thesauris, solus regia potestate potiretur. Iplis porro, qui rectē
10 sentiendo exules facti viderentur, patere locum non honestae modò, verum etiam paramplae dignitatis & gratiae apud reginam, hortatore praesertim sponseq; Georgio, si ad infantis pueri aulam, & denique ad propinquos, paternosq; lares redire vellent: sed dedisse fidem vel externo regi, qui virtute fideque praestaret, altero scilicet repudiato qui vel gratisimum Hungarici sanguinis nomen praetulisset. Proinde Ferdinaudum imperitè ingrateque facturum, si ea quae adesset praetermissa occasione suscipiendi belli consilia traherentur. Quid enim foedius accidere posse magno regi, atq; eidem Caesari designato, quàm si viros strenuos fidelesque, ipsius auspicia nomenque secutos, turpi cunctatione defereret, qui mirificas equitum alas ductantes insignem ante a-
20 lios in ipsis praeliorum periculis operam pollicerentur? Nec minore studio Germani duces bellum suadebant, utpote qui militiae dediti aut primos honores, aut alarum & cohortium praefecturas in exercitu se adepturos sperarent, vnde stipendia primum ac inde laus, praedaq; praesertim, praecipua laborum ac vulnerum praemia, peterentur. At Laschus, vir Sarmata, belli pacisq; artibus abunde instructus, consilio potius quàm armis repetendū Pannoniae regnum summa oris libertate praedicabat. Nouerat. n. ille regum omnium ingenia, moresq; gentium, quum totum penè terrarum orbem, regiasq; omnes varijs legationum muneribus functus percurrisset. Summa sententiae eius haec erat, vt regnum à Solymano peteretur, eo beneficiarij iuris nomine, quo id dono datum Ioannes accepisset. Posse enim supplicando adulandoq; facile impetrari
30 ab homine generoso, & ab insita Barbarorum animis vanitate, ineptè sepe gloriam affectanti, quod vi atq; armis minimè posset extorqueri. Abunde se nouisse Solymani spiritus, et praetumida purpuratorum ingenia: illum contemnere opes, et tot regna fastidire: hos vero in explebili avaritia & arrogantia ingenti, nihil magis optare ac suadere quàm bellum. Proinde cauendum esse, ne eo repentini belli strepitu parata atque intenta Turcarum arma excitarentur, quibus resisti non posset, nisi coactis totius occidentis viribus bellum inferretur. Id autem vno omnium consensu expediri posse, sed ne id videant, fatali caliginè suffundi regum oculos, atque ita Christianorum concordiam longè lateque deploratam à Dñs superis in meliora tempora reseruari: postquam reges
40 nuper à mutuis complexibus infecta pace discessissent. An non, inquit, Gallus elusus spe sua, ac vti cupit existimari, mirè traductus ad hanc nouam peracerbi doloris offensionem recrudescente antiquo vulnere implacabile odium refumat? Faceat omnis simulatio magnis inimica consilijs, atq; omnem prorsus adulationem vel ingrata regis auribus veritas anteuertat. Ille profecto non de generis animi, vti caeco dolore conuulsis plerumq; accidit, irate atq; inimicè dabit operam profuso auro, quo multum abundare dicitur, vt grauiore difficultates Caesaris consilijs innectat, designatos Germaniae conuentus pertur-

bet, principum distrahat voluntates, sibiq; eos in primis largitione obnoxios reddat, qui Romani imperij decus æqua sorte virtuti ac meritis dari dispensariq; solitum, Austriæ domui vehementer inuideant, vti quæsitum hæreditate: quando iam in hac tot Cæsarum perpetua serie, vti ab longa consuetudine, legitimi iuris nomen induerit. Occultè itaq; conspirabunt naturaque cessatores eximij nullam omnino aut certè seram opem ferent, quum Turcarum auxilia ad tuendum puerum regem aduolabunt. Neq; est cur quisquam finitimos perfectos speret huic causæ vel retardante heyme defuturos, honestam enim & planè decoram ferendæ opis speciem præferentes, haud dubiè pupilli & viduæ iniurias defendent, vt occultæ cupiditati ad occupandum regnum aditus parètur. Contracto namq; semel certamine, vel si Fortuna primis ausibus nostris arrideat, æternum profectò tibi erit bellum cum eo hoste qui inexhaustas opes, inuicta robora hominum, indomitos spiritus, & deuotos in necem nostram militum animos sit allaturus. Ita fiet, vti auguror, & vtinam sim fallus vates, vt si Pannonia petatur armis, tibi demum de Austria, auitoque imperio sit dimicandum. Ad ea rex respondit, vera esse quæ diceret Laschus, sed in arcano consilio si proferretur, aliquid residere, quo adduci posset, vt existimaret omnino mouenda arma. Illud verò magnopere probare, vt Solymani animus illustri legatione tentaretur. Neminem verò potiorē ipso Lascho, qui Barbaro gratus, familiarisq; purpuratis omnibus, eandem fere superiore anno legationem suscepisset. Non recusauit id munus Laschus, & paratis rebus omnibus quæ in negotio opus erant, à Vienna Byzantium est profectus. Sed Ferdinandus nihil à priore sententia discedit, bellum parat, præsentis fratris opibus subnixus, nec obscurè diffidens Hungarorum ingenijs, quibus ea transfugæ causa satis honesta semper fuit, quæ præsentis commodi speciem præculerit. Imprimis Nicolaum Salmam, quem Cæsar virtutis opinione in illustrium equitum ordinem cooptatum aurei velleris torque donauerat, ad reginam mittit, qui tabulas nouissimi fœderis proferat, hortetur eam, vt regio decedat, quòd recenti pactione alieni iuris esset factum. Porro etiam atque etiam moneat, ne suas & pupilli pueri spes morando & tergiversando corrumpat. Concessurum enim puero Ferdinandum Sepusianam prouinciā, vti antea disertè ex tabulis ambo reges conuenissent, & ipsi quoque reginæ per amplios redditus, & quicquid in dotale nomen obueneret. Quòd si ea legitimi fœderis obliuisci vellet, ei tum opportunè denuntiaret, neque Carolo Cæsari, neque Ferdinando regi defutura arma, quibus regnum repeterent, tanquam antiquo iure, & nouo multorum Hungarorum consensu Austriæ domui contributum. Exceptus Budæ Salma agrè impetrauit vt ad reginam admitteretur: Georgius enim & Vichius muliebri ingenio diffidentes, denegatum colo qui officium nimio reginæ dolore et lachrymis excusabant, quum se peculiari munere mandata audire referreque paratos esse dicerent, postquam viduæ reginæ regisque pueri tutelam demandante, obtestanteque Ioanne rege suscepissent. Sed eam regina de se imbecilli iudicij opinionem, quam tutores conciperent, ad contumeliam reuocabat, quum Sarmatice et Sfortiano sanguine progenita, non viriles modò, sed planè regios gereret spiritus, diceretque sibi in necem manus se allaturam, nisi legato aditus in cubiculum daretur. Id erat atratum obscurumque, vt pote quòd de more cœlestem lucem excluderet, ipsa ignobili in strato residebat, neglecto ornatu, & pallida facie, sed oculis nihil tum

hilitum in lachrymas proclatis: voce tamen & cervicis gestu ita composita, ut diuturno defessæ luctu exaruisse potius lachrymas, quam discessisse ex animo moerorem ostenderet. Foëming liquidem mentem regnandi cupidolam invaserat, atque ita possidebat, ut omnia imminētis belli pericula contemneret, ac ipsos denique Barbaros, ut regium nomen tueretur, omnino evocandos existimaret. Itaque Salmæ cum multo verborum honore mandata explicanti demissè respondit, eam esse Fortunam sexus ac ætatis suæ, ut orbatâ rege coniuge, & diuturnis corporis ac animi doloribus perturbata, neque suscipere, neque terminare consilium queat, quum in re longe gravissima

10 Sigismundum patrem omnino consulendum existimet: eius autem Regis tantam esse virtutem atque iustitiam, ut Ferdinandus nullo alio disceptatore atque arbitro in ea controversia uti velit. Proinde se petere spacium ac idoneum tempus, quo pater consuli posset. Se enim ab eius sententia minime discessuram, ac idem facturos proceres Hungaros arbitrari: quod si id moræ spaciam denegetur, atque armis agendum putent: egregiam certè laudem non ferent, inquit, Cæsar & Ferdinandus, si viduam fletu consumptam, & vagientem in cunis puerum Regem oppugnatum advenerint. Salvo à eo modo dimissus, quum ad Ferdinandum redisset, reginam in potestate Georgij esse, nec eam agere aut effari quicquam, nisi prius ex ore illius ac nutibus acceptum

20 retulerit. Illum enim regnare cupere: reliquos verò Hungaros partiri inter se honores & præfecturas: postremo homines quæstus & potentiæ avidos infantis Regis nutritios & regni procuratores esse malle, quam effectas & spectatores magni atque externi Regis, qui præferocem gentem lingua moribusque dissimilem, & Hungarico nomini prorsus inimicam in Pannoniam condendis passim coloniis esset adducturus. Hæc se audisse explorasseque: propterea sibi videri spem omnem positam in armis, sed celeritate utendum, ut imparati & à Byzantio legationis eventum expectantes, penè priusquam arma caperent, aut consilium expedirent, Buda pellerentur. Neque enim temerè reginam totam spem pacis ad arbitrium Sigismundi patris reiecisse, qui

30 tum in ultimam Lithuaniam ad Moscovitarum usque fines abscessisset: ita enim integrum circumagi posse annum priusquam responsa vel per celeres tabellarios referrentur. Interea parari præsidia exciri que posse Turcas, ac inde conflari bellum multo maius & gravius, quam putarent. Proinde si in Pannonia regnandum arbitraretur, abiecta omnia cogitatione parare classem, & copias cogere maturaret. Nec mora Ferdinandus suppeditantè pecuniam Cæsare, conscriptis cohortibus, ac evocatis equitibus, congestoque in naves satis amplo comœatu, iustum exercitum secundo amne Danubio Strigonium demittit. Ea urbs Pauli antistitis constanti studio erga Ferdinandum, Ioannis imperia, & bellicos conatus semper eluserat. Præerat Austrianis co-

40 pijs cum imperio Leonardus Vellius è Rhætia superiore Tridentinis Alpibus propinqua. Is ad Germanicum animi robur perspicacis ingenij vim addiderat, multisque de causis aperiendum iter ad Budam arbitrabatur. Occurrebat enim a Strigonio euntibus Budam medio fermè itinere Vicegradum: id in supercilio editi montis arcem habet cum sua altitudine, tum pulchritudine operis longè lateque conspicuam: despectat enim præterlabentem Danubium, ripanique fluminis perpetua munitione sibi coniungit. Nam ab arce per declivem præruptamque crepidinem deductus est murus:

isque ubi in extremam ripæ marginem desinit, egregij operis turrem habet, quæ tormentis instructa navigantibus opponitur: claudit quoque & ipsum terrestre iter, quum portæ immineat, per quam invito custode nemini aditus patet. Intra portam autem angusta, sed oblonga planicies adverso flumine se extendit, ubi villa regia visitur, ad voluptarios secessus inchoata antiquitus à Sigismundo Cæsare, absolutaque demum ingenio Matthiæ regis, qui virtute & gloria Hungarorum Regum ultimus fuit. Ab his ædificijs hortisque Vellius tormenta promovit, oppugnavitque perpetuis diebus novem resistente acriter præsidio, cui præerat Valentinus cognomento Litteratus, inter Georgij clientes fide & constantia insignis: sed ea vis erat ingentium tormentorum, ut perrupto muro propugnaculi interiora nudarentur, multoque propugnatores testudinis, tectique ruina obrutos nihil cessantibus tormentis opprimeret. Tum verò Litterati pertinacia periculo victa, atque obiter accensi suorum cæde Germani milites inter deditionis significationes irruerunt, primis interfectis, reliquis captis, Litteratus ipse servatus est, ut veteres captivi Budæ custoditi, permutatione facta reciperentur, in ea permutatione Vellius ad ducentos milites impigros desideravit. Tum deinde à Vicegrado proventus classe, cui Budensis numero & magnitudine navium inferior nihil obstiterat, amnem transgreditur, Pestumque occupat ab hostibus desertum, & ad Vacciam eadem celeritate contendit, eamque sine vi-
nere redigit in potestatem: nec mora ad citeriorem ripam conversa classe revertitur, promotisque inde castris ad Budam est profectus, ut per colloquia Budensium animos tentaret, exploraretque reginæ consilia, & ex propinquo ostentatis copiis atque tormentis civitati terrorem incuteret. Iam enim Perrenus ipse inter Hungaros nobilitate atque opibus facile princeps, quumquam filium Solymano fidei obsidem dedisset, ad Ferdinandum transierat, oneratus scilicet ingentibus promissis: nam ab ipsa statim victoria regni scrip-
ni, sigilli-que magister in locum Verbetij futurus erat, dabanturque ei dono aliquot opulenta oppida, quæ ambiguo iure in potestate Thursonis erant. defecerant etiam à regina Stephanus Rascaius, & Franciscus Francapanes Agrien-
sis antistes summo loco natus, pietatisque studio & severæ vitæ disciplina mirabilis, quem conciliandis regibus ad Cæsarem cum Brodarico suscepta legatione Neapolim pervenisse docuimus. is magnam professione religionis auctoritatem secum afferebat, quasi integro iudicio Ferdinandi causam probasset: sed ei postea Georgius intempestivi ambitus levitatem, criminosis epistolis obiectavit, quod purpurei galeæ honorem commendatione Cæsaris affectasse videretur. Cæterum Vellius obsessurus potius quam oppugnaturus urbem, ad Aquas Calidas castra locaverat: eg vergunt in occasum, distantque à mœnibus stadijs ferme duodecim. mirabilis autem earum natura fertur, quum scaturientis aquæ tantus sit fervor, ut pede vix tentari possit, & in eam à
lanijs proiecti sues facile depilentur, nec ranæ tamen inteseant, quæ frequentes innatare conspiciuntur. Agebant undique prædas Germani, idque iniquo animo à socijs Hungaris ferebatur, quum plerique aut sua aut propin-
quorum pecora diripi, ac incendi pagos, & trahi vinctos imbelles agricolas viderent, ita ut sæpe cum Germanis deprecando, prædamque extorquendo, armis contendere cogerentur. Ex altera parte Budenses equitum alas emittebant, quibus Germanos egressos castris invadebant, & finitimos vi-
cos ab

cos ab iniuria hostium tuebantur. Nam Valentinus Thuracus virtute bellica nemini secundus, qui militare imperium obtinebat, mirificum levis armaturæ equitatum in urbe acciverat. Summa eius consilij erat, ut nihil in discrimen adduceret: expectabat enim alacriter ut Germani promotis castris ad oppugandum portis appropinquarent, aut si Velsius cunctaretur, spaciumque præberet: interea Turcarum auxilia supervenirent. Dum eo modo ad Aquas Calidas Germani sederent, Balthasar Pamphilus inter Hungaros duces admodum clarus, quum progressus à castris ante portam urbis evageretur, postulavit à custodibus potestatem sibi fieri cum Valentino colloquendi: cupere etenim plurimum salutare veterem amicum, & aliqua deferre, quæ ad commune Hungarici nominis decus pertinerent: nec mora, concedente Valentino, cum turma suorum est receptus, aliquantoque post in castra rediit, afferens se cum ducibus comiter ac hilariter compositasse, collustrandoque urbem inspexisse præsidia, tormenta, aggères, quibus Budam, nisi ampliore apparatu, & commodiore anni tempore, ac multo maioribus copiis expugnari non posse crederet. Ea res Velsium vehementer commovit: lucis spicaci ingenio Germanorum more de externa gentis fide uti lubrica, incertaque magnoperè dubitantem usque adeo, ut iratè succensendo Pamphilum castris excedere iuberet, quod iniussu Budam intrasset, ac insolenti privataque libidine cum hostibus colloquendo adaugendoque eorum vires, totius exercitus animos fracta spe victoriæ debilitasset. Itaque Velsius nihil tentata oppugnatione discedens, ad Vicegradum iterum se convertit, ut præaliam illam arcem, & regiæ coronæ custodia celebratam, tormentis expugnaret. nec diu Hungari præsidio impositi vim ingentium pilarum tulerunt, quum eadem ruina, qua turris ad Danubium ad aperta conciderat, nobilissimi ædificij testudines, pinnæque & propugnacula, nihil intermissis ictibus concussa frangerentur. Eo modo interfectis aut in deditiōnem acceptis Hungaris arx capitur, minore aliquanto militum iactura, quam turris inferior paulo ante fuerat expugnata. nec multo post ad Albam regalem contendit, ut per colloquia civium principes tentaret: nam Perenus, cuius apud Albanos insignis erat auctoritas per idoneos homines adhortando pollicendoque immunitates ac præmia nonnullos perpulerat, ut à regina deficerent: dicebant enim in consilijs & coronis, calamitosum civitati fore, si infantis regis adolescentiam omnino expectandam arbitrarentur, postquam Ferdinandus cum suis tum validissimis Cæsaris opibus innixus, in proximo spectaretur, qui apud ipsos legitime coronatus, iure potior ac armis atque Fortuna superior stultæ ipsorum pertinaciæ iniuriā evastato agro ulturus esse videretur. His sermonibus celeriter est effectum, ut civitas, quæ vi armisque expugnari non poterat, multa consilij ratione, mollibusque colloquijs ad Ferdinandi fidem redierit, præsidiumque acceperit. nam quum eo Valentinus advolasset, oclusisque portis non admissus, ac ob id graviter iratus, suburbanam popularetur, Albani Perennianos equites acciverunt, quorum præsidio non urbem modo, sed proximos etiam pagos tuerentur. His rebus gestis Velsius ad Strigonium castra reduxit, vel ob id quod Germani cum Hungaris rixas miscerent. Vtraque gens enim ab innata feritate & truci contumacia, quum in implacabilem iram cruentis semel armis exardeat, deprecantium ducum imperia facile contemnit: nam per eos dies adeo atrox certamen

inter se ab levi causa contraxere, ut quum praefecti incurrerent, ducesque ipsi dirimendo praelio corpora sua opponerent, Perenus lapide ictus, & Vellius in crure vulneratus, ab ea contentione discesserint. Verum ad haec gravior quoque in Pannonia bellum gerentibus hyems suberat, & turbidis vocibus à milite gregario stipendia petebantur: quas ob res Vellius renum etiam morbo vehementer affectus, in hyberna copias dimisit, Pestumque imprimis praesidio imposito, & novis erectis munitionibus firmavit: propterea quod frequentibus nuncijs, nec incertis rumoribus afferebatur, Turcas in propinquis eorum limitibus arma parare, ut Budensibus auxilio festinanter advenirent. Nam ubi regina à Ferdinando copias cogi, navigijs tormenta inponi, ac expediri commeatus certius cognovit, decernente Georgio, nihil ad salutem opportunius habuit, quam à finitimis Turcarum praefectis maturam opem implorare. Ierant Vstrephus Bosnensis, & Mahometes Belgradensis, & Amurathes, qui trucidatis copijs nostris, & Clissa supra Salonam capta, in Dalmatiae finibus constiterat. Vstrephus praefecturae honore, ceteros Europae Sanzacos anteibat. Illyrici siquidem vexilla omnibus praeferruntur, cuius amplissimus est equitum numerus, & regio longè latissima. Is locum beneficio potius quam virtute fuerat consecutus: quoniam Basazonis filia in matrimonio eius fuit, eratque tum in senium vergens, ac inera octo praepinguis, tuebaturque praefecti nomen singulari virtute alumni sui Amurathis, qui ad laderam armatum Venetorum equitatum subita incursione profligarat. Propterea facile reginae postulatis respondebat, se copias inconsulto Solymano minime finibus educturum. Eadem ferme responsa erant Mahometis: nam provincia pedem efferre iniussu Imperatoris ne eas esse dicebat: sed is ex itinere à Lascho praecipuus magnis promissis atque muneribus, ut nihil se commoveret, diuque cessaret, prolixè quaestui, atque item aemulationi serviebat. Vstrepho enim homini ignavo parere, ac eius signa sequi vir longè fortissimus ac aetatis honore superior indignabatur. Neque Amurathi tutum erat à Gradisca Illyrica discedere, ubi erat in statione adversus Crovattos, nisi iussa signaque praeeuntis Vstrephi sequeretur. His de causis regina diu frustra, ut opem ferrent, Turcas praefectos obtestata, ad legatos qui Byzantij erant omnium difficultatum suarum articulos perscribebat, ut per eos Solymanus imminentis periculi certior redderetur. Nondum pervenerat Byzantium Laschus, morbo scilicet currendi diligentiam subtrahente: sed praemiserat Ptolemæum Ariminensem medicum ad purpuratos, Luphtibeiūque imprimis familiaritate sibi coniunctum, magnisque antea ex cultum muneribus, per quem omnia se impetraturum sperabat. sed frustra fuit Ptolemæi adventus, tametsi suspendendis Barbarorū consilijs cum Bassa, ac ipso denique Verbetio collocutus opportuna, nec ingrata auribus, attulisset. Solymanus enim, qui ius suum ac beneficium defendere suae dignitatis esse statuebat, magno sibi commodo ac magnae item gloriae futurum rebatur, si ostentato pietatis studio viduam, pupillumque in tanta calamitate protegeret. Itaque advocatis legatis, tribusque purpuratis assistentibus, se eo animo Ioanni regnum concessisse dixit, ut ad liberos eius transmitteretur, tam diuque posteris eius stirpis Pannoniae regno potirentur, quam diu accepti beneficii memoriam retinerent. Proinde ad declarandam liberalitatis suae constantiam, se arma sumpturum, daturumque operam, ne Germani hostes il-

lati belli exitu lætarentur: tradiditque demum legatis, puero regi deferenda, firmatæ amicitiae, susceptæque tutelæ insignia, purpuream auro intertexto regalis cultus togam, & clypeum elaborato umbone rotundum, ferream item clavam manubrio aureo, & incurvum gemmata vagina gladium. exinde Vîstrepho, Mahometique præfectis severissime perscripsit, ut exemplo deductis copijs reginae opem ferre maturarent, nec ulla adversæ hyemis excusatione uterentur: quod si tarditate aut negligentia detrimentum acciperetur, ipsos continuo capite poenas duros. Vix dum Hungari legati cum donis prælæticia Budam redire festinantes discesserant, quum Laschus Byzantium
10 pervenit, ibi edoctus è Ptolemæo de successu legationis Hungaricæ, quum mandata exponeret, & æqua conditione regnum petere pergeret, multusque in ore eius esset Carolus Cæsar, uti fratrem excitis totius Germaniæ copijs adiuturus, commoto ad id Solymano, custodiæ traditur, obiurgantibus itidem purpuratis, Rostaneque præsertim Solymani genero, iuvene elato atque iracundo: dicebat enim ultimo supplicio dignum, qui insolenti orationis libertate sereni vultus maiestatem offendisset, ludificatusque regem regum amicitiam peteret, quum interim impudenter in Pannonia bellum gereretur. Interca Mahometes & Vîstrephus nihil deterrente hyeme dispersos in hybernis equites ad signa vocant, navales socios conquirunt, classemque Dravo & Sa-
20 vo fluminibus in Danubium deducunt. Neque enim perite & commodè in Pannonia bellum unquam geritur, nisi subsidio magnæ classis tormenta, com meatus, impedimenta que ad opportunitates utriusque ripæ convehantur. Sed tantus per eos dies adulta hyeme & diu perflante Borea, rigor extitit, ut astricto præalta glacie Danubio, cuncta navigia ad Tolnensem ripam vadis inhæserint, usque adeo ad tollendam navigationem marginibus latè gelu concretis, ut vix in medio tantus amnis, quum iam planè in ipso cursu pigresceret, apertus & liber profluere spectaretur. eares magno incommodo Turcis fuit, tardavitque eorum adventum, quum necessariò ad tuendam classem consistere, atque ibi castra ponere, ferreque sub tentorijs præduræ hyemis as-
30 peritatem squalenti in solo cogerentur. Incredibile dictu est, quum inde discedere flagitiosum, & capitale quidem putarent, quanta animorum pertinacia & patientia corporum, rerum omnium difficultates superarent, vel equis, quibus nihil apud eos carius existimatur, frigore ac inedia consumptis, & concepto inde morbo passim intereuntibus. sed mitescente hyeme aperuit sese annus, Favoniusque primo Vere in vecto Aquilonibus successit, exoptatus Turcis reginaeque lætissimus. Nihil enim cunctatus Mahometes, remiges supplet, pedites Martelosios ex Illyricis montibus accersit. Ii sunt latrones eximij pari feritate, pernecitateque speluncis & cavis arborum pro domibus utentes, parva secure & brevi spiculo armati, sed Numidarum more duces habent, & stipendio muneribusque trahuntur, ita ut facile compendia viarum ac mon-
40 tium fluminumque naturam exercitiis demonstrant. Idem quoque facit Vîstrephus, ambobusque Valentinus è Buda obviam profectus cum valida Hungarorum manu coniungitur. Regina præfectos muneribus colit, com meatum suppeditat, ænea tormenta, quibus inimica oppida expugnent, haud cunctanter attribuit. Itaque inuito consilio Danubium copias traducunt, & ad Vacciam deferuntur. Ea urbs nequaquam militariter defensa capitur, trucidatisque nonnullis Barbarorum more protinus incenditur. Inde Pestum op-

pugnatum ire pergunt, & ab occasu castra locant. Præerat Pesto Barcocius Hungarus, prætorianæ alæ præfectus: sed aderant plerique Hungari duces, & imprimis Germanorum dux Otho Fotiscus cum decem cohortibus. Ab his quum Turcæ tormentis murum quaterent, equitatuque circumeundo urbem magnum terrorem obsessis incuterent, oppidum egregiè defenditur. Nam Turcæ in equo pugnare soliti ex propinquo aggredi murum, ruinasque subire & contemnere hostium tormenta (conspicua præsertim intus hostium phalange) stultum ac miserum putabant: quod Ianizeri pedites, quorum virtute cuncta facile perumpant, nulli aut paucissimi in castris essent: Illyrici vero Triballique classiarj pedites, & quos diximus Martelosj, rudes ad id pugnae genus, ac ingenio prorsus armisque inhabiles viderentur. Equestribus tamen prælijs certabatur, quum sæpe Hungari erumpendo vagantibus Turcis occurrerent. Erat in oppido Marius Spicecasius, è Neapoli militaris architectus, is adversus hostium castra, more Italico, quadratum aggerem multa conseptum materia ad instar latissimæ turris erexerat, in summitateque tormenta collocarat, quibus Turcarum munitiones atque tentoria ab editiore loco petebantur. Similiratione, & ab arce Budensi interfacente fluvio ad Pestinæ ædificia pilæ ferreæ volitabant. Regina interim parcius com meatum Turcis præbebat, utpote quæ sibi annonam, nisi parcè metiretur, priusquam frumenta maturescerent, defuturam timeret: quoniam Cæsar è Belgio in superiorem Germaniam profectus, ad Ratisponam conventum habere, novosque exercitus parare nunciabatur. His de causis, & quod multi equi conceptis antea morbis agminatim interirent, Turcæ re infecta, trajecto rursus Danubio restitutisque egregia fide tormentis intra fines redierunt: sed in receptum non defuere Hungari, quin erumperent, & novissimos cædendo ad multum spacium persequerentur: Ferentio Gnaro imprimis impigrè rem gerente. Eo enim die Achomates, qui cogendo agmini præerat, insignis inter alarum duces ab insequentibus Hungaris est interfectus. Eadem hyeme in Vangionibus totius Germaniæ legatorum habitus est conventus, in quo Peronotus Granuelius insigni gravitate pietateque religionis casum deploravit, obsecrando Germanos nomine Cæsaris, ut tantis atque adeo diris dissensionibus speratum toties & nunquam impetratum finem imposerent, quibus diviniæ humanæque res pudenda miserabilique insania in præceps traherentur. Luthero enim hæresiarcha adhuc superstite, qui ante viginti annos eadem in urbe ac eodem Cæsare conventui præsidente, inducta placita defendere conatus fuerat, impunitusque discesserat, plerique alij novas diversasque à Luthero sectas condiderant, publicatisque dogmatibus antiquas hæreses excitant, quas superioribus seculis sanctissimorum Pontificum & sacerdotum decreta, concilijs toto terrarum orbe celebratis, legitimè sustulissent. Miserat eo Paulus Pontifex Thomam Campegiū Feltrensem episcopum, atque item perillustres Theologos, qui de sacrarum literarum interpretationibus disputarent adversus Lutheranos. Ii novum sibi nomen induerant, Protestantesque appellari malebant: quoniam deserti Ducis mores planè dissolutos & scædos concepto pudore damnaverant, qui vel in ipsa Germania pristinae virtutis eius existimationem evertissent: horum princeps erat Philippus Melanchthon, qui Latinæ facundiæ deditus, nova & ipse placita mitiore ingenij veneno publicarat. Pro catholicis stabat Ioannes Ecchius,

vetus atq; admodum robustus sanæ eruditionis propugnator, & Iulius Pluggius præful designatus Numbergensis. His unis datus est loquendi locus in confesso legatorum, præfidente Granuelio, alternisque diebus dixerunt ac responderunt. Iamque de peccato originali protestantes se cedere fatebantur, utpote qui astuto consilio quum dociles, tum veræ doctrinæ cupidi existimari cupiebant, ut conceptam infamiam obstinatæ dissensionis effugerent, & tum demum in reliqua veterum sanctionum capita ad convellendam Romani Pontificis auctoritatem sævius atque liberius grassarentur, si in re nequaquam levi à priore sententia discessissent. Sed eam alternæ disputationis contentionem Granuelius, quasi iam bonæ spei plenus, quod aliquid pio pacificatore non indignum consecutus videretur, ad Ratisponensem conventum reiecit. Primo enim vere Cæsar à Rheno ad Danubium profectus, Ratisponam Germaniæ regulos liberarumque civitatum legationes evocarat. Perveneratque eo ab Roma legatus Cardinalis Gaspar Contarenus eximia virtute atque doctrina clarissimus. Nec multo post affuere plerique reguli antistitesque Germani, & ante alios Albertus Cardinalis Maguntinus omni officio ac pietate catholici dogmatis & Pontificiæ potestatis causam complexus, ediverloque Philippus Lantgravius, Cattorum princeps, Austriæ familiæ non obscurus hostis, qui in exorabili pervicacia, tanto ferocis ingenij spiritui Lutheranorum vela inflabat, ut Cæsar, ne rem summæ spei ad publicam salutem foeliciter inchoatam ulla animi commotione perturbaret, Bucerum damnatæ sectæ Theologum in illius porticu concionari pateretur. Eminebat enim in Cæsare studium veræ pietatis, idque semper exactis Christianæ vitæ ceremonijs ostenderat, sed humanarum rerum curis plurimum angebatur: propterea dissimulandum, indulgendumque in præsens obduratis cæco errore, & longa impunitate corroboratis hominibus existimabat: ut eos molissimè conciliatos, in his quæ religionem respicerent, ad patrum maiorumque suorum instituta reduceret. Id enim ad optimi non modo pñque, sed & longè etiam maximi principis nomen parandum pertinebat. Nam si ipso auctore disceptatoreque ea de religione contentio, atque omnis discordia tolleretur, compositis statim Germaniæ rebus nemini dubium aut difficile futurum erat, quin Turcarum armis egregiè resisti, Pannoniæ regnum recipi, & Gallorum contundi spiritus: & denique firmus atque peramplus in Italia dominatus constitui posse videretur. Itaque magno consilio Cæsar Augustani conventus formulam ex conscripto atque edito libello subsecutus, constituit, ut à ternis utrinque theologis Christianæ legis veritas indagaretur. ñ fuere à catholicis, ipse imprimis Ecchius, Iulius Pluggius, atque Groperius. Defendebantur autem Protestantium partes à Bucero, Melanchthone, atque Pistorio, quorum disputationibus delecti præsidebant, Federicus Palatinus vir magnitudine, probitateq; animi inter Germaniæ regulos facile excellens, quem universis imperij copijs ad Viennā præfuisse meminimus: huic aderant principum ac liberarum civitatum studio apppositi aliquot sacrarum literarum professores, qui auscultantis Cæsaris auctoritate regebantur. Quum in hunc modum ad Ratisponam religionis causa iactatur, Ferdinandus de Pannonicis rebus discessuque Turcarum certior factus, alacri animo ad eandem spem obtinendi eius regni continuo redit, Caroloque fratri facile demonstrat, nequaquam incepto abistendum, postquam Fortuna satis foelicibus initijs arrideret,

nec reversuri essent Turcæ, qui adverso tonatu asperitateque hyemis & com-
 meatus inopia fatigati, deserta regina intra limites concessissent. Itaque novæ
 copiæ in supplementum Velsiani exercitus antea conscriptæ, quum id de Tur-
 carum adventu crebri rumores postulassent, e Norico in Pannoniam mittun-
 tur, præficiturque eis Vilermus Rochandulphus regiae aulae magister, qui
 dudum ut Pestanis opem ferret, Posonium usque descenderat. is viridi admo-
 dum senectâ, ore militari, constantique ingenio, gravissimi ducis habitum
 præferebat. nam Veneto bello ante triginta annos cum laude ordines in Ita-
 lia ducarat, Pannonicæque regionis peritus habebatur, quod tutante semper
 nobis Ioanne rege, Budam vel infeliciter oppugnasset. Vellius etiam non
 armorum usu aut studio militum, sed ætatis tantum ac officij dignitate infe-
 rior, locum facile concedebat, quod laceffente morbo videretur inutilis, invi-
 susque esset Hungaris, & à Pereno contracta simultate dissentiret: sed nihil
 quoque in oppugnanda urbe strenue facturus credebatur, quod antea apud
 deliberantem regem oppugnandæ Budæ consilium exquisitis disciplinæ ra-
 tionibus improbasset. Fit enim sapissimè, militiæque præsertim, malignitatis
 atque superbia humani ingenij, ut plerique vinci malint, quam victoriâ po-
 tiri, quæ alieno consilio parta susceptæ semel ex adverso prolataque opus
 nis famam ad dedecus extendat. Nec mora Rochandulphus, triumphum men-
 sium commeatu, qui secundo amne deferretur diligenter instituto, muralia
 tormenta à Viennensibus mutuatur, itemque à Bohemis & Slesitis atque Mo-
 ravæ auxilia accersit, veteræque exercitu inspecto acceptoque Budam profe-
 ctus eam obsidere, oppugnareque instituit: sed ab alijs omnino locis secus ac-
 cipe antea animo concepisset. Immutata enim erat urbis facies: nam ingenia
 propugnacula peritissimè constructa, novarumque turrium moles admira-
 batur, quas Ioannes architecti Bononiensis ingenio fretus muniendis portis
 addiderat. Imprimis ab ea parte, qua ipse Rochandulphus decem ante annis
 magna edita murorum strage mœnia verberarat, admirabilis è lapide constru-
 cta munitio visibatur. Ea nobilium Horsacorum ædes complexa in Corum
 ventum prominebat, obtusiorque angulo ac insigni projectura, cui tormen-
 tariæ inerant fenestræ, diversa utrinque mœnia defendebat, ita ut longè om-
 nium facilimus ad oppugnandum aditus demonstrato periculo tolleretur. ab
 ea enim parte excelsus atque perpetuus collis, in quo Buda opportunè posita
 conspicitur in planiciem desinit, quum ab aquilone orienteque activo, unde
 Danubium despeçtat, accessus maximè arduus ac impeditus, per angustis &
 tortuosis callibus ostendatur. In Sabatina quoque porta, quæ Budam veterem
 ad lævam Vicegradumque perducit, iustæ amplitudinis propugnaculum e-
 rat eductum, quo directâ in meridiem mœnia libratis sedulo tormentis ad al-
 titudinem scandentium hostium facile raderetur. Ad orientem porro Solem,
 ubi arx est sumptuosius tot regum operibus ad latissimum undiq; prospectum
 ædificata, lapideam per amplam turrem mediocri altitudine opportunè con-
 struxerat, quæ ita iungebatur adhærebatque arcibus, ut exterius cum ponte por-
 tam haberet, qua liber egressus descensusque tutissimus ad flumen per fossam
 concisa rupe, excavatoque solo, vel septenis in acie armatis non incommode præ-
 beretur. Neque enim antea ab arcibus nisi per urbem magno circuitu ad Danubium
 aditus patebat, sed mons præaltus ex adverso arcibus urbiq; imminens, inter-
 cedente valle, atque ea, quam diximus, fossa, ita assurgebat, ut media montis

arcis fastigium æquaret: summo autem cacumine regiones plateæ, interiora
que urbis tormentorum ictibus subiecta spectarentur. In eo templum erat
divo Gerardo, à quo nomen ducit, dedicatum, cuius numen pestilentia rite
invocantibus salutare esse pictæ imagines, & persolutis votis appensa donaria
cumulatè testantur. In hunc montem Rochandulphus, quod eum ad oppu-
gnandam arcem, terrendamque reginam idoneum rebatur, tormenta per-
duxit, vehementerque adeo quassavit novam turrem, ut ingentibus disrup-
tilis collapsura videretur: summa enim corona, pinnæque deciderant, sed
triplex erat arcis murus, durioresque ob id expugnandi atque invadendi, in-
tercedente præsertim valle, difficultates ostendebat, verum nemini dubium e-
rat, quin summæ arcis ornamenta præaltæque testudines, uti ad Vicegradum
acciderat, refringi diruique posse viderentur: sed Rochandulphus suo au Re-
gis consilio incertum, nobilissime reglæ parcendum existimabat, quum exor-
natas porticus, & per picta laquearibus aureis cœnacula brevi concasura con-
spiceret, quæ ab ipsis demum victoribus, neque desiderari, nisi magno cum
dolore inanis pœnitentiæ, aut instaurari, nisi immenso auri pondere, & longo
temporis spatio censerentur. Cæterum per præcones, quibus ad commean-
dum induciæ perpetuæ inviolabili iure gentium manebant, reginamhorta-
batur, ut servitutis compedes abrumperet, quas Georgius intestinus hostis si-
mulatò tutelæ nomine, ipsius & pueri cruribus innexisset: paratum enim esse
amplissimum principatum liberalitate Regis, in quo ipsa cum dignitate ad se-
curitatem conquiesceret, puerumque nutrirer: quod si ea omnino munera, uti
mentis inops, ac ignara periculi repudianda arbitraretur, ac imminentis cala-
mitatis casum obstinatè contemneret, se daturum operam, ut maioribus tor-
mentis ac ingētibus mortarijs, quæ in sublime casura demum ad excidium te-
ctorum marmoreas ingentes pilas excuterent, totius arcis ac reglæ contigna-
tiones exitiabili cum fragore frangerentur. Ad ea Georgius respondit, non
esse adeo insulso ingenio reginam, ut Pannoniæ regnum Sepusiano principa-
tu permutare velit: Rochandulphum verò sibi valde delirum ac insanum se-
nem videri, quod quum antea in hisdē folsis graviter vapularit, id modo stoli-
dè quærat, ut ad perniciem cumulatæ temeritatis pœnam mulctetur. Proinde
viros fortes pro patria regeque Hungaro adversus temulenta agmina sobriè
propugnantes terrere desineret: nihil enim eos immanium globorum strepi-
tu commoveri, verum se unum ex omnibus à Rochandulpho privatæ huma-
nitatis iure comiter postulare, ut tormenta aliquanto mitius disploderet: esse
enim sibi scropham domi unicam prægnantem, quæ tot sclopis, & bombis ex-
territa, abortum magno convivarum suorum dolore factura videretur. Erat
enim Georgius perurbanus & dicax, atque adeo Germanorum contemptor,
ut quum ex his duos milites regijs in hortis ædificia succendentes, à Budensi-
bus interceptos supplicio affecisset, in eadem furca totidem pariter porcos ad
ignominiam suspenderit. Nec multo post Rochandulphus à monte Gerar-
do ad sepulchra Iudæorum nihil loci nomen abominatus, motis repente ca-
stris omnem tormentorum apparatus transtulit. Is locus à Iudæa porta
inter orientem atque meridiem non iniquus, quanquam sensim acclivis,
ad proxima vineta protenditur: sed longinquam, & propterea periculosam
habebat aquationem, quum intentis semper ad insidias, & repentinis Valen-
tini equitibus, Danubius magno circuitu peteretur. Sed Germani dispositus

custodijs, certoque praesidio aquatoribus adiuncto, egregie cunctis difficultatibus occurrebant. At Georgius ubi hostem ad sepulchra castrametantem vidit, nihil de solita urbanitate ad iocandum remittens, à Rochandulpho petiit, ut errati veniam daret, quod eum nuper falso delirum senem appellasset: quoniam in aequiora loca traductis castris sapiens omnino mentisque integer evasisse videretur: postquam proprio in loco, & ipsi exactae ætatis seni, multumque irritò labore fatigato, & damnatis pariter copijs aptissimo confedisset. At Rochandulphus ferream curulem caveam, uti feræ belluæ, Georgio comminatus, à duabus simul partibus ad distinendos hostes oppugnare constituit. Hungari Pereno duce, atque his adiunctæ Bohemorum cohortes inter Horsacam munitionem, & Sabatinam portam tormenta protulerunt. Ipse cum Germanis à Iudæa porta ad arcem, qua regni videntur horti, tantallvi quassavit murum, ut pars concussa perfractaque procideret: pars verò premente atque impeente interno aggere, quem intus Budenses subitariae munitionis causa mœnibus adstruebant, inexpectato casu in exteriora laberetur. Eares propugnantes magnopere conterruit, quod ens veluti adversis ipsorum diligentia se cus ac sperassent, irreparabili damno repente edito novum periculū attulisset, sed tantæ occasione defuit Rochandulphus, sive re nequaquam satis liquido perspecta, quum inter perpetuam tor dispolis utrinque tormentis fumi caliginem, elatique ab ruina pulveris densissimam nubem omnia conderentur, sive quod pro ingenio cunctantius & suspiciacius cuncta administranti expediti consilij vim omnem mora fatalis eriperet: nec Germani statariæ pugnae assueti facile adduci possent, ut in extraordinarijs & repentinis oppugnationum casibus Hispanorum, ac Italarum, Gallorumque more alacriter atque celeriter murum subirent. Caeterum utique adeo mœnia tormentis adaperata prostrataque cernebantur, ut in longitudinem unius ferè stadij eminente tantum ad altitudinem stature hominis antiquo aggere, vel brevibus scalis se facile scansuros, ac in urbem irrupturos milites dicerent. Iamque nox aderat apud Germanos curandis corporibus quam rei gerendæ aptior. Ex vetere etenim gentis disciplina tenebras ac insidias perosi decora tantum ea vulnera existimant, quæ spectante exercitu in præclara luce susceperint. Itaque aliquot prolatae sunt scalæ, & per tenebras magno silentio iuxta ruinas appositæ eo consilio, ut sub aurora non compositis ordinibus conferti milites subirent. Caeterum Budenses ab hostili mora spacium nacti, incredibili diligentia, omnisque generis sexusque hominum frequentia, novum intus aggerem protinus erexerunt, animadversisque hostium scalis eas continuo rapuerunt. Porro Germani sub auroram instructa acie per acclivia subeuntes tanta vi munitiones sunt adorti, ut Otho Fotiscus in perruptam domum, quæ muro coniuncta erat audacissimè penetrarit, cæteræque cohortes, quum præeuntem quemque militem succedens humeris sublevaret, in ruiis vexilla præfigere niterentur, sed Budenses mira constantia irrumpentium impetum tulerunt, cohortante, propugnanteque Georgio, qui deposita cuculla galeatus toto aggere volitabat. At Germani quum aliquandiu periniquo loco multis acceptis vulneribus irrumpere conati essent, nec armis modò, quibus acerrime cominus cedebantur, sed valida etiam corporum impressione scutatis a fronte vehementer incumbentibus urgerentur, nullo ordine se recipere cœ-

cipere cœperunt, sed receptus perturbatos in fugam confestim vertit, atque eo quidem maiore cum incommodo: quoniam uti videre licuit, quanto longius à mœnibus recedebant, tanto atrocius atque frequentius omni missilium genere & tormentarijs maximè glandibus sternebantur. In eo tumultu Rochandulphus supra octingentos milites amisit: nam quicumque paulo gravius sauciati in castra se retulere incuria & contemptu vulnerrum putrescentibus facilè plagis interibant. Perijt & paucos post dies distracto vi tormenti, resilienteque lapide haudquaquam ab initio lethaliter ictus Hieronymus Iadarensis, Austrianae classis præfectus. Pari quoque eventu, sed minore accepto detrimento, Perenus ad Sabatinam portam repulsus ab oppugnatione discessit. Exinde Budenses adeo animos despectis hostibus sustulerunt, ut erumpere sæpius auderent, ignaviamque exprobrantes contumeliosis significationibus è muro Germanis illuderent. Tentavèrè demum Austriani duces effossionibus atque cuniculis murum subruere, inditoque ac demum succenso intus tormentario pulvere, ad apertisque mœnibus subitarium in urbem aditum parare, quod plerique adessent milites è Rhætia argentarijs fodinis assueti, Bohemique præsertim insecturis metallorum operam navantes. sed Budenses deprehensis hostium consilijs atque operum inijs, nota atque instituta ratione, dum fossas introrsus ex obliquo pertraherent, certaue erupturis incendijs spiramenta relinquerent, diligenter atque foeliciter occurrebant: urgebantur tamen tanta variarum rerum inopia, ut nequaquam paulo longiorem obsidionem pati posse viderentur, & famè laborantis populi querelis locus esset, usque adeo, ut urbana multitudo tumultuarijs vocibus imponendum esse finem inediae, publicoque periculo, & deditionem omnino faciendam succlamaret: sed tanta inerat Georgij ingenio auctoritas cum summa in omnes casus urgentium rerum industria, ut quum concionanti similis in forum prodiret, quò vellet vel corruptos alienosque civium animos impelleret: parum tamen abfuit, quin urbs ipsa, quæ vi capi non poterat intestina fraude proderetur. Erat inter Budenses vir Hungarus in iure dicundo prætoria functus potestate, nomine Bornemissa: is Georgium vehementer oderat, quòd in iudicio, & civili contestata lite, à Iudæo decoctore multus steterisset, qui astuta consilij simulatione nequaquam suo, sed Bornemissæ malo susceptæ mercaturæ rationes conturbabat. Itaque livoris plenus vindictæque percupidus, Francisco Revalio, qui in Austrianis castris ius dicebat, se daturum ad ingressum exoletam portulam promisit: ea erat in sepulchretis solennis templi Deiparae virgini cognomento Germanicæ dedicati, eratque usui pacis tempore per dechvia peccantibus flumen: rem igitur ad se per Revalium delatam ita probavit Rochandulphus, ut nihil tamen Hungaris in tantæ spei negotio committendum arbitraretur, secus ac ipse Bornemissa præcipue deposcebat, utpote qui sine sanguine tot infontium civium, quorum salutem privato facinore proderet, rem patrare exulibusque omnino Hungaris uti vellet, quibus erga patriam & propinquos, notosque ipsis pietatem & clementiam minimè defuturam speraret, quando Germani per se crudeles, totque incommodis & contumelijs irritati, noctu præsertim irrumpentes, ne pueris quidem, & foeminis parfuri viderentur. Cæterum Rochandulphus more gentis ad inanæ prudentiæ nomen, nemini integram fidem præstare solitus, ut exclus

sis Hungaris solus conceptæ victoriæ famam usurparet, usurum se Hungarorum opera simulat, Revaliumq; decipit à quo etiam filium obsidem acceperat: nam ad constitutam horam intempesta nocte omnibus nihil sese per castra commovere, & conquiescere iussis, delectas quatuor Germanorum cohortes silentio ad portulam præmisit, Condeo filio cum ala Germanorum equitum in statione constituto, ut quum à receptis intra urbem Germanis proditoribusque, uti convenerat, maior, & militaris viæ porta refringeretur, confestim cataphractus equites induceret. nec Bornemissæ in ipsa perfidia fides defuit: ad aperta enim portula, quam diximus, cohortes magna ex parte suspensis vestigijs sunt introductæ: sed quum Bornemissa singulis intrantibus Revalium summissa voce requireret, neque alio quam Germanico fremitu responderetur, intrepido alioquin animo, uti plerunque accidere deceptis solet, improvisus obrepit pavor, ita ut anceps atque incertus consilij, nec præcunctibus, ignaris scilicet quem primum urbis locum occuparent, dux esset: nec Germani contento iam gradu in tenebris fraudem suspectantes alacriter procederent, quum respectare ac ab ultimis itineri & gerendæ rei signiferum petere cogerentur, nō fecellit Budensium excubias incedentium agmen, quum vel leviter calcata humus, offensaque arma perstreperent, accensisque filopetorum funiculi latè spectarentur. Itaque petito nec ab hoste reddito tellure nomine ad arma conclamatum, sed id serò erat, iam semicapta urbe, nisi divi Budensium telares deprehensis & errantibus adversi, tanti iam patrati facinoris audaciam in subitum metum vertissent: tanta enim animorum consternatione regredi, portulamque repetere tumultuosius quam Germanos milites deceret, properarunt, ut in angustissima porta affligerentur, impedireturque exitus hastarum strue, quam primi proiectis armis effecerant, ut levius ac expeditius in castra profugerent. Urbanus Bacianus, qui vigilias ea nocte circubabat, primus cum expedita cohorte evadentibus supervenit, adductæque eo sunt à Vichio latè iam cognito auditoque tumultu validæ peditum atque equitum manus, quæ more militiæ in foro ad incertos belli casus excubabant, ita audacissimi Germanorum, qui primi irruperant cum novissimi agminis facti in fugam se converterent, trucidantur, capiunturque nonnulli, & in his Bornemissæ familiares: nam ille inter primos evaserat. de his autem Revaliisque item amicis à Georgio quæstiones habitæ, erutaque est varijs cruciatibus totius proditoris series, & de confessis fœdi crudelisque spectaculi supplicium est desumptum, Revalio in castris se ingrâte maligneque proditum conquerente, & lugente plurimum Bornemissa, qui parto proditoris patriæ cognomento, omnem substantiam amicis ac affinis miserè perditis amisisset. Itaque Rochandulfus, quod consilia & conatus omnes Fortuna præverteret, & totis castris inconsultæ, pervicacisque superbiæ vel gregariorum militum iudicio damnaretur, nec dolorem ac infamiam corruptæ tantæ occasionis atque victoriæ animo sustineret, reliquas belli cogitationes ad obsidendos hostes convertit. At Solymanus his rebus, quæ à Cæsare fratreque eius adversus reginam parabantur, opportunè cognitis, tuendi proferendiq; imperij explicat rationes, hostium consilia & facultates expendit, adhibetq; in consilium purpuratos Bassas, ac ingenti animo, divisis copijs delectisque ducibus, uno tempore locis omnibus statuit occurrendum. In primis Solymanus Arcarnan Eunuchus in Mesopotamiam mittitur, qui Babylone consistat, Tammam-

masun
 sectus
 brim
 ad D
 tum,
 fici
 Mah
 Mah
 Barb
 10 detr
 ante
 nos
 den
 Poe
 Mu
 Ca
 her
 gn
 M
 10 rat
 co
 M
 su
 te
 C
 q
 ti
 a
 30 v
 40
 masun-

masumq; Persarum regem à Tygridis ripa deterreat. is nuper Ægypto præ-
 fectus, multis ædificatis triremibus enauigatoq; Arabico sinu, et superatis Ru-
 brimaris angustijs, in Indiam peruaserat, interfectoq; Ademi rege, Lusitanos
 ad Dium emporium vehementer oppugnat: Mahometem verò purpura-
 tum, natione Dardanum, qui obsessæ reginæ opem ferat, in Pannoniam pro-
 ficisci iubet. deligitur & Vstrephus ex Illyrico quartus ordine purpuratus, qui
 Mahometem subsequatur, subsistatq; Belgradî, intentus ad ferendam opem, si
 Mahometes validiores hostes inueniat. attribuitur & sua clas sis Hariadeno
 Barbarussæ, cui antea maris imperium erat delatum, vt daret operam ne quid
 10 detrimenti in Græcia atque Epiro ab Auriana classe reciperetur. Paulo enim
 ante Auria Siculis Neapolitanisque triremibus sibi adiunctis Turcas & Pœ-
 nos Turcis faventes, Clupea, Neapoli, Adrumento, Ruspina, Tapsoque, &
 denique tota ea Africæ regione, una excepta urbe Lepti, quæ Mahomedia à
 Pœnis, Aphrica à nostris dicitur, ad Mænicis usque insulæ Syrtes depulerat,
 Muleasisque Tunetani regis imperio parere coegerat. Eæ urbes hodie sunt
 Calibia, Susa, Mahometa, Monasterium, Sfaxia, & Africa, quæ Pœnis Me-
 hemedia dicitur: tum enim Auria ingentem exornabat classem, ut ad expu-
 gnandum Algerium in Mauritaniam transfretaret. Et quoniam Solymanus
 Maylatum in Transylvania Ferdinandi rebus studere, bellumq; moliri didice-
 10 rat, aduersus eum Mustapham Nicopolitanum præfectum superato Danubio
 contendere iussit, imperauitq; Petreio Moldauo Valacchorum principi, vt
 Mustaphæ bellum gerenti præsto adesset. Is Turcarum copijs triginta milia
 suorum equitum adiunxit, magnoque astu Maylatum, vt mox dicemus, in po-
 testatem redegit. Ipse autem Solymanus plus æquo Christiana arma veritus,
 Cæsarisq; imprimis consilia & totius Germaniæ facultates, non absurda, quā
 quam tum maximè vana ratione, animo reputans, Hadrianopolim proficisci-
 tur, tertium ex propinquo exercitum, si opus foret, subsidio duobus præeun-
 tibus purpuratis allaturus, retento secum Rostane genero, quem inter Bassas
 ascuerat, Luphtibeio scilicet gradu pulso, relegatoq; in Macedoniam, quod
 10 vxori, quæ Solymani soror erat, desertum sibi relinqui conjugalem thorum pe-
 racterbe conquerenti, obiectantiq; dissolutas libidines, indignè ac insolenter
 manus inieciisset. Igitur Mahometes, rei gerendæ pariter ostendendæq; virtu-
 tis cupiditate incensus, iustis confectis itineribus, paulo post solstitium in
 Pannoniam peruenit, adiuncto sibi ex itinere altero Mahomete Belgradensi:
 accitisq; item Bosnensibus copijs, quibus Vstrephus dudum fato functus, Pe-
 stano bello præfuerat. Huic in præfectura successerat Vlamanes Persa. At
 Germani, vbi de aduentu Turcarum certius cognoscunt, varijs inter se dictis
 sententijs decertant. disputatur enim in consilio, præstet ne obsidionem solue-
 re, an contra ire hostibus prælioq; certate: sed impellentibus fati, vt Turcæ Pan-
 40 noniæ regno potirentur, Rochandulfi sententia vicit. Is nihil tutum quod
 esset indecorum putabat. Pestum namq; transire, aut Vicegradum Strigoni-
 umq; redire, vt aliqui suadebant, adeo flagitiosum turpeq; rebatur, vt ingenio
 tota aduersis conatibus perturbato, vrgenteq; Fortuna, vinci atque emori in-
 columi constantiæ laude, quàm exercitum seruare malle videretur. Castra
 itaque in aduersam vrbis partem ad Gerardi montis radices transferuntur,
 qua mons inter Budam & castra positus, recedensque à flumine latam ab
 oriente planiciem relinquit, eo consilio vt aduentantes Turcæ, quos nihil

à classe flumineque discessuros videbat contra rectam tormentisq; munitam castrorum frontem procedere, & per iniquo loco transitum tentare cogentur. Ea enim erat natura loci ut castra hinc præalta imminenti montis crepidine, illine vero ad læuam præterfluenti Danubio munirentur, in tergo autem præualidus agger erat erectus, contra portam turremque, quam Budenses, quod flumine abluatur, Aquariam vocant. Nam ab excelsa urbis arce, duo brachia pinnati muri per decliues præruptosq; descensus ad flumen ducta erant, tantumq; loci in ima ripa intercipiebant, quantum in summo tota arcis amplitudo complectebatur. In eo spatium cum stabulis regijs vetera erant naualia, binisq; portis ac turribus præcludebatur id iter, quod iuxta flumen haud multum lato ripæ margine in campos perducebat. Porro in dextram ab ipsa fronte Rochandolphus perpetuam munitionem in aduersum montem traxerat, ibique minora castra in queis erant Hungari, editiore loco posuerat. Parua quoque insula ponte constrato castris iungebatur: in ea erat lunatus agger, maioribus tormentis egregie munitus, quibus & subeuntia hostium nauigia, & ea, quam diximus lata planicies ex obliquo peterentur. Cogitabat etiam stabili atque perpetuo consertis inter se nauigijs ponte constructo, Pestanis mœnibus castra committere, indeque nouas copias opperit aduenientis hostis impetum sustinere, diuturna q; maxime obsidione Budenses premere: nam tantus commeatus tantusq; rerum bellicarum apparatus ad Pestum fuerat institutus, ut vel in multam hyemem abunde sufficeret. Cæterum appropinquantibus Turcis Valentinus cum duodus millibus equitum legati munere functus occurrit, quid hostes parent, quales, quantumq; sint, utrumque Mahometem diligenter edocet, opportuna ponendis castris loca demonstrat. Itaque Mahometes Bassa audacter promotis agminibus quinque ferme stadiorum spatium ab hoste confedit, circumdatque sese celeriter ingenti fossa per Asappos pedites, quibus in opere faciundo Turcæ plurimum videntur, totamq; cam planiciem tabernaculis innumeris complet: Belgradensis vero Mahometes rei bellicæ pertissimus, per colles, qui sese molliter inflectunt, Gerardoque monti relicta planicie coniunguntur, editiorem caput locum, Hungarorum magis quam Germanorum castris propinquum. Tum vero legati Turcæ ducum nomine ad salutandam reginam urbem intrant, magnam maioris minorisque pecoris multitudinem ex Hungarorum tamen pascuis abactam dono dant: mirantur subitarios aggeres, terrificosque hostium conatus, Budensium constantiam laudant, profitenturq; se eorum iniurias celeriter ulturos, excultiq; donis discedunt, Budamq; demum pariter ac ipsa castra mutua securitate commeantibus utrinq; Budensibus & Turcis patuerunt. Tanta autem apud vrrunq; Mahometem, cum verbis, tum omnibus officijs humanitas atque prudentia spectabatur, ut nequaquam simulata aut temporaria inter Turcas & Hungaros amicitia, cuius nomine ad ferendam opem aduenissent, sed maxime sincera & diuturna vel ab astutis pueri nutritijs crederetur. Grauib; enim dictis sententijs, Georgio imprimis Vichioq; et Valentino suadebant, ut deposita similitate, reuocare exules vellent, communi careque eis solitos honores, et denique in vnum Hungarici sanguinis corpus consentire: omnes enim, nisi desiperent, dum rex Stephanus adoleceret, securæ atque beatè regnatos, & deniq; postquam sub tutela præsidioque maximi atque iustissimi imperatoris tuti essent, Germanica arma facile contemp-

turos,

viros, quæ neque valere per se possent, neque omnino commoueri, nisi con-
 citantibus Hungaris, quibus patriæ desiderium satis iusta belli causa videre-
 tur. Cæterum binis vtrinq; eo modo constitutis castris, binæ quoq; classēs ac-
 cedebant: in Austriana erant biremes vigintiquatuor, maioris minoresque
 Nasadæ, quarum formam nauali prælio ad Stringonium factō, supra retuli-
 mus, circiter octoginta, onerariæ verò naues & magni lintres paulo minus
 centum: Turcarum verò clas̃is omnis generis nauigij, dimidiō minor cen-
 sebatur. Hanc tortuosi litoris cubitus in altum exporrectus, effecto intus la-
 10 tisimo sinu, opportunè ab hostium tormentis protegabat: pari quoque ratio-
 ne prominentis ripæ, Austriana in altero consimilis profluentis flexu, deli-
 gatis ad ripam proris, tutissimam stationem obtinebat, actuariæ autem obie-
 ctu paruæ insulæ tegebantur. Nam Turcæ proximam huic Cæpelliam insu-
 lam è regionē castrorum occuparant, in superioreque partē, vbi Danubius
 veluti rostro scinditur, munitionem erexerant, indeque paribus tormentis par-
 uæ insulæ aggeres & commearitia nauigia diligenter infestabant. Cæpellia
 quadraginta amplius millibus passum in longitudinem extenditur, pagis
 ædificijsque referta, ac ideo opportuna, vt si eam ab initio Rochandulphus,
 sicuti iudicabant Hungari, occupandam muniendamque suscepisset, appare-
 20 ret Turcas nequaquam castrametandi facultatem habituros, aut omnino re-
 licturos classem, si ad occidentem, vbi antea Rochandulphus constitierat, mag-
 no circuitu castra ponere voluissent. Quid enim eo consilio insanius, ac exitu
 calamitosius amissa classe Turcis accidere potuisset: sed nemo vel exactè pru-
 dens cuncta prouidet, quum euentus supra cladis incommodum infelicitibus
 reprehensionis etiam grauem notam relinquat. Non putabat enim diuiden-
 das esse copias priusquam noua è Norico auxilia superuenirent, quum frequen-
 tibus prælijs & graui autumnō ingruentibus morbis, vehementer atten-
 nuatæ, nequaquam Turcarum numerum adæquarent, & Budenses totis co-
 pijs diuersoque latere ad omnes Turcarum motus erupturi viderentur. Pug-
 nabatur quotidie minutis prælijs circa planicem ab equitatu, & ad superiores
 30 munitiones, ac in montē ab extraordinarijs peditibus. Nam Mahometes
 Bassa præter sagittarios Afappos, egregiam etiam Ianizerorum manum,
 & Belgradensis Illyricos, & Triballos adduxerant: sed equites vtrinque pari
 alacritate pugnam ciebant, quum promptissimus quisque aut paulo nobilior
 eques ad ostentandam virtutem ex aduersa acie parem sibi eum, qui armis ac
 insignibus conspicuus obuersaretur, ad singulares concursus prouocaret, vsq;
 adeo iucundo pugnae genere; vt militari comitate per aliquot horarum in-
 ducias, cessantibus hostia fide sclopettarijs; vt vera virtus emineret, hastis
 tantum & gladijs certaretur. In his exercitationibus Germani sæpius inferior-
 40 es Turcis euadebant, vtpotè qui robustis atque prægrauibus equis, ac ob id
 statariæ præsertim pugnae assuetis, more gentis vterentur, quos si procurrere,
 aut denique refugientem hostem consectari vellent, segnius omnino quàm
 oporteret incitarent, & tum faciliè eludendo breuem eorum impetum,
 Turcæ agiles è manibus elaberentur, nati scilicet ad liberas excursions è ve-
 tere disciplina, in qua celeriter insultare ac euitandis ictibus equorum cur-
 sum inflectere, reuertique demum, & cum dispersis cominus pugnare
 consueuerunt: sed similes edocti artes Hungari exules, paribus armis ac
 animis, vel multo plures Turcas faciliè sustinebant, quum latis protecti scutis,

validisque pariter ac pernicipibus equis insidentes, loricati galeatique magna ex parte Turcarum inanes hastas sagittasque contemnerent. Erat inter Germanos duces insignis Risciacus Suevus: huius filius impiger adolescens, quum ignaro patre in aciem prodisset, strenueque decertans spectante ante alios atque admirante virtutem patre, a cunctis vel ignotus effuse laudaretur, priusquam se explicaret a circumfusis hostibus est interfectus. Tum vero Risciacus casu equitis vehementer commotus, ignarusque suae sortis, conuersus ad alios duces, omni, inquit, laude perornandus videtur hic quisquis sit equitum longe fortissimus, ac omnino publici funeris honore tumulandus. Id quum ab omnibus pari pietate probaretur, infelicitis filij ad longe iniserrimum patrem cadauer est relatum, verioresque tum omnibus obortae sunt lachrymae, sed in patre repentinus dolor profundius ad vitalia peruasit, atque ita ille paulo post, quum rigentibus oculis steterisset, nihil effatus interijt. Exinde Rochandolphus graui edicto quemquam pugnandi causa castris exire vetuit, adeo seuera lege, ut vnum atque alterum egredi pugnareque ausum in furca suspenderit: continendos enim milites existimabat, quod Germanicus equitatus omnibus rebus esset inferior, quod Ianizeri sclopettarii miscere pugnarent, quod expectare nouas copias oporteret, quae res adeo suorum animos imminuit, & Turcarum spes in immensum adauxit, ut contemptius ac insolentius Germanorum munitiones aggredi auderent, ac intra castra proximos vallo sagittis & glandibus vulnerarent. Germani liquidem quum castris perducerent fossam, imperite excauantes, ac exterius omnem glebam proicientes, alterum propere aggerem, intercedente fossa, hostibus valem effecerant. Inde etiam superiore loco improuisi, nec plane conspectum stationem iaculabantur. Solae Pereni turmae ab editioribus castris saepius in comimeantes a Buda Turcas erumpebant: ita ut paucis tantum insidiarentur, & quum Turcae aut Valentini equites valida manu vrgerent, intra munitiones & ad maiora castra se reciperent. Iam transierant multi dies ab aduentu Mahometis, magisque ac magis Turcis atque Budensibus animi viresque crescebant. Porro apud Austriacos ad non dubiae cladis omen, debilitata virtus, attritae vires, inexplicita consilia, & denique quo vno subsidio res humanae bellicaeque praesertim constant, spes fractae viscebantur: sustentabant tamen animos frequentes literae Ferdinandi, peramplaque existimatio Caesaris, nequaquam in eo rerum discrimine fratri germano copiis atque pecunia defuturi, atque ipsa demum ducis constantia, quae apud eum omni ratione potior erat, ut inde celerius in sua fata traheretur. Eo modo quum vtrinque quotidie tormentis maioribus atque minoribus certaretur, Turcae ab editioribus locis, & ex proximo Cepelliae promontorio conspectati segnes in insula Germanorum stationes, communicato inter se consilio, ut ex duobus castris vno tempore diuersas hostium munitiones inuaderent, in albescente caelo in insulam cum expeditis nauigijs aduolarunt, adortique magno silentio semisopitos, penes priusquam sentirentur, aut sese Germani captis armis conglobarent, supra sexcentos milites trucidarunt: reliquis vero ex repentina clade tantus incidit pauor, ut quum perfugerent in castra: nec perturbatos angustiae pontis facile caperent, multi vtrinque decidentes profluente mergerentur: transeuntes vero ex Barbarorum classe, quae in aduersum pontem proras adegerat, confixi sagittis interirent. Tumultuatum est vehementer totis castris

castris, quum Turcæ pluribus simul locis magno clamore edito, & ingenti strepitu tormentorum munitiones invasisent, parique metu atque periculo à reliquis Germanis Bohemisque ac ipsis Hungaris desperato penè subsidio certaretur. Sed ad recuperandam insulam, neque his Germanorum cohortibus, quæ in extremo ad flumen aggerè in statione constiterat, neque socijs navalibus, aut expediti consilij celeritas, aut præsentis animi magnitudo defuit. Nam cohortante Heberstulfo castrorum magistro, ne à Barbaris Christiana signa atque tormenta rapi paterentur, Marioque simul Neapolitano, qui tum classi præerat, biremes maioresque Nasadas propugnatoribus plenas ad insulam appellente, tanta vi Turcis cadavera spoliantibus, ac ut tormenta capta protinus aveherent ad naves propellētibus incubuerunt, ut trucidati compulsi que in naves, ac à terra simul & à circumfusis biremibus profligati, tormenta simul ac insulam victoribus equata clade reliquerint. Ferunt ea die Barbarorum classem deleri potuisse, si nostri victoria utentes, adiutique secundo cursu atque impetu tanti amnis in puppes fugientium rostratas proras adigere, commixti que descendere voluissent, sed tormenta quæ in ipsa Capellæ fronte, & in adversa castrorum ripa à Turciserant constituta, anceps omnino descenditibus periculum ostendebant: facile enim multa demum post confectum subitæ rei certamen animadversa sunt, quæ in ipso commoti discriminis articulo opportunè provideri non poterant, quum vel expeditis atque fortissimis ducibus plerunque consilium ac mentem repentini casus eripiant: Barbarorū tamen Nasadæ quatuor demersæ sunt, & tres captæ, multique in eo tumultu aut tormentis discerpti, aut absorpti flumine perierunt. Heberstulphus ipse, quum ante signa fortissime dimicaret, tribus sagittis per apertam galeam receptis grauter vulneratus discescit. Sequentibus autem diebus Turcæ tametsi villa in partē munitiones expugnare nequiverant, propugnaculoque Bohemorum semicāpto inde multis acceptis vulneribus expulsi fuerant, magis tamen ac magis trepidatione nostrorum alacriores facti, tanto contemptu ex omnibus locis laceffendo prouocandoque infestabant castra, ut nullum ferè quietis spatium succedentibus in stationem cohortibus relinquerent, et nostri diutius castra se tueri posse, crescentibus præsertim hostium copijs, atque animis, desperarent. Nam Vstrefus Bassa à Belgrado recentes quotidie milites, receptis ad se ægris atque faucijs, suppeditabat, & Valentinus adiuncta sibi delecta Turcarum manu Ianizerisque sclopetarijs, è superioribus castris Perenianos equites depulerat, occupatoque Gerardo monte, ad eum vsque locum, vbi ingens lignea crux erecta conspicitur, multis hostium stratis ita pervenerat, ut auersa castra ad Aquariam turrem vergentia audacter iuaderet, magnusque totius castris tumultus oriretur, quum nostris vndique circumfuso hosti esset repugnandum. Sed præter singularem Germanorum Bohemorumque in omni labore atque periculo perseverantiam, magno vsui fuerunt Pestanorum tormenta, quibus Valentini copię intercedente Danubio petebantur, sic ut plerosque equites libratis ad descensum maioribus colubrinis interficerent, & reliqui in tutum se recipere cogerentur. Ferunt ea die Valentinum nihil Hungaris exulibus, sed Germanis maxime insensum, certo iure priuatae humanitatis ac amicitiae, perfidum equitem Pereno suasisse, ut se Hungarosque omnes festinanter imminenti clade eriperet, quoniam bellua ingens quæ vniuersos vno hiatu deuoraret, aduentare nunciaretur, Solj manus

enim cognitis his rebus, quæ à Cæsare Ferdinandoque pararentur, ratus eos ad Budam cum magnis copijs descensuros, statuit tantæ occasioni, quæ nobili prælio, gloriosæq; victoriæ casum aperiret, magnis itineribus occurrendum. Itaque Perenus apud Rochandulphum ducesque libere locutus, quæ accepisset, retulit, testatusq; est, nisi de receptu decerneretur, sibi atque Hungaris ad salutem esse consulturum. Quum sententiæ variarent, sed omnes tamen Pestum noctu perfugiendum arbitrarentur, vnus Rochandulphus fatali obstinatione pernegabat, se iniussu Ferdinandi regis a Buda discessurum. Itaque Salma celeri mioparone Viennam mittitur, qui regij iudicij decretum referat. Interim vrgente metu, frementeque Pereno, statuunt noctu silente luna quatuor com meatibus ad Pestum transire. In primo tormenta maiora & Hungaros, in secundo equites Germanos atque Bohemos, in reliquis peditatum omnem cum castrensis impedimentis collocabant. Toti autem nauali negotio præfecti sunt, qui sine tumultu transueherent, Barocius Hungarus & Germanis Balthasar Pocanius. Neque enim Danubius (vtri antea se facile perfecturos crediderant) per petuo ponte iungi potuit: nam eo iam cœpto & pene contabulato, vis tanta ventorum & tempestas oborta est, vt amnis ingentibus excitatis fluctibus sæuus, tot nauigiorum dissoluta compage, iuncturarum trabes violenter effringeret, atq; inde magni lintres abruptis anchorarum funibus, profluentis impetu raperentur. Itaq; primis & secundis transeuntibus Fortuna non defuit. Nam tametsi cœuntia in vnam partem nauigia Budenses Turcæq; per diem ab æditis locis despectantes, id quod erat facile suspicarentur, & varias quisq; pro ingenio noui motus causas adduceret, nihil tamen de repentina hostium fuga providebant, sed ea commeantium nauium frequentiam, tentos & diligenter speculantes diu nequaquam sefellit. Nam Virones duo perfugæ ad Georgium Valentinumq; institutæ fugæ consilium derulerunt, ab his extemplo certiores facti duo Mahometes totis penè copijs ad oppugnanda castra contendunt, tormenta curulia producuntur, præeuntibus lanizeris, cæterisq; peditibus, iuniores equites dimissis equis succedunt, terribiliq; vultu edito stationes adoriuntur. tum verò Austrianis detecta ipsorum fuga animus concidit, resistunt tamen acriter Bohemi, pariterq; ij Germani, qui iuxta flumen ad insulæ pontem excubabant. Tumultuatur autem totis castris & in ripa maximè, quum quisque pauore concepto naues conscendere, nullo ordine nulloque pudore, vel per mutua vulnera properaret: cuncta enim terribiliora, vel fortibus viris reddebat nox intempesta & nubilo tum cælo perobscura: Rochandulphi autem in tenebris, tantoque fremitu suorum a hostium clamore, reboantibus vndique tormentis, nullum erat imperium. Istum supra ægritudinem animi, admirabili & prorsus fatali casu vulneratus decumbebat, quum fortè literas ad regem perscribenti, ex hostium castris ferrea falconis pila tabernaculo incidens arcamque oppositam ictu perfringens, resilientis tabulæ fragmentum in læuum eius humerum grauiter adegisset. Cæteri porro peditum duces, quum iam transuectis equitibus sceleratam fugam, quæ sibi eriperetur, vehementer inuiderent, vtri proprio occupati metu, nec publicum discrimen priuatæ saluti præferentes, hærebant potius, quàm irruentibus hostibus repugnabant. Itaque superiora primum castra, vbi Perenus constiterat, à Belgradensis Valentiniq; copijs occupantur;

Germani;

Germanique toto Gerardo monte præcipiti fuga dispalantur. Neque interim Budenses paratæ occasione ad intercludendos hostes defuere, quin ab Aquariæ turris porta, et per eam fossam, quam à Ioanne rege perductam ad flumen diximus, confestim erumperent, & ab aduersa castrorum parte stationes iam planè desertas inuaderent, coniectisque in hostes igniuomis globis tentoria incendere niterentur. Georgius autem tam subito quàm foelici consilio ad stabula regia pabuli strues succendit, tantaque inde latè refulgens flammæ repente emicuit, ut quum Danubius nitido vndarum æquore igneæ lucis splendorem exciperet, repercussuque diffusum ad Pestanam vsque ripam diurno lumini persimilem euibraret, tota ea, cum terrestris tumultus, tum naturalis fugæ fœda facies spectaretur. Tum verò tormenta vndique in fugientem classem directæ contortæque sunt, ut non solum ab Aquaria turre, summaque arce à Budensibus, sed ab inis etiam Turcarum castris & e Cepellia, vel ad incertos ictus conturbata nauigia peterentur: tanta quoque locis omnibus inuicta luce, Cassonus qui classi præerat, expeditiora nauigia, remis per aduersum flumen contendens, in latus hostilis clasdis incitauit. Itaque conferto nauali prælio, quum à nostris iniqua ubiq; Fortuna certaretur, linthes onerarij aliquot militibus pleni capiuntur, nonnulli tormentis perforati demerguntur, repletur totus amnis cadaueribus; miserabilique præsertim turba natuarum & militum enatare conantium. Nam quum inferiorem munitionem Ianzeri, stratis primis cohortibus perrupissent, reliqui; Germani per pontem in insulam perfugerent, ac in tergo falcatis ensibus cæderentur, honeste mortis metu in amnis gurgitibus turpissimam mortem queræbant, quum aut præaltis rapti vorticibus, aut à nauigijs hostium armis repulli detrusi; crudeliter interirent. Trecentis ea nocte nauigijs incredibili conturbatione inter se commixtis & aliquandiu hærentibus totus penè amnis vno veluti ponte constrictus apparuit: sed Austriang biremes maioresq; Nasadæ desperatis rebus incolumes sese celeriter e manibus Turcarum explicantes, à puppibusq; hostes tormentis submouentes, ad Comaram ascenderunt. Terrestres verò copię in castris eandem Fortunam tulere, sed decoro maximè vitæ exitu Bohemi impauide repugnantes, & Othonis Hecchijsque summi peditum ducis cohortes aduersis vulneribus conciderunt: nonnulli autem per iuga Gerardi montis euadentes, quum instante hoste ad crepidinem quæ castris imminabat peruinerent, obscuritate & metu animos confundente, præcipites decidebant. Multi etiam à Decumana porta, quum Budensibus occurrerent, & quisque hostium vario ingenij habitu clementiam aut crudelitatem exerceret, cæli aut seruati sunt. Vbi verò Sol oriens nostrorum stragem Barbarorumque victoriam detexit, circiter tria milia hominum omnis generis, quæ accliu tumultu more militiae sese ad Gerardi templum erectis vexillis conglobarant, à circumfusa multitudine trucidata sunt: eorum temen pars ferè tertia, quum proiectis ad terram armis salutem peteret, deditionem fecit, ut maiore demum vitæ ludibrio, ad spectaculum ipsa morte turpius seruaretur. Eodem quoque tempore Cassonus victrice classe ad Pestanam ripam delatus tantum terrorem his qui euaserant, tuerique moenia facile poterant, vel solis clamoribus & tormentorum bombis intulit, ut equitatus trepida fuga, quum se portis effunderet, in angustijs affligeretur. Vsq; adeo enim Germani pristinae virtutis obliti, ad

Turcarum nomen trepidebant, ut quum in nauigijs linteata capita conspicerent, relicta mensarum argentea supellectile, ac omnibus carissimarum rerum sarcinis, et curribus desertis, attoniti inermesque profugerent: hæseretamen Vsarones Hungari, apud quos omni metu mortis prædæ auaritia præualebat, diripiendis mercatorum tabernis occupati. nam omnis mercimonijs nobile ac opulentum emporium Pesti fuerat institutum, confluentibus scilicet vndique mercatoribus in tutam sedem muniti commodissimiq; oppidi, quod extra belli periculum, militaresq; tumultus, modico faciliq; traiectu castris iungeretur. Ceterum Cassonus nemine mœnia aut portas defendente protinus irrupit, prædantiũque aliquot cecidit. Tanta autem feritate peruagando oppidum, Christiano cruore lætatus est, ut ne ægris quidem, quorum magnus erat numerus, & sceminis lixarum more Germanorum castra sequi solitis parceretur. omnes enim promiscue Barbari trucidabant, nisi quos aut ad seruitutem forma & robur, aut teneræ ætatis flos, ad spem libidinis reseruarent: ita ut eo bello supra viginti millia Christianorum capitum varijs casibus interempta tradantur. Capta autem sunt Pesti & in castris, insulaq; et in nauigijs in ripam nondum expulsa exactæ pulchritudinis muralia tormenta triginta sex, minora autem quæ canteris & curribus imponderentur, centum & quinquaginta. Porro tormentarum pulueris pilarumque ferrearum ac armorum atq; telorum & parati com meatus in totam heymem adeo ingenti copia potitus est hostis, ut ea præda multo maxima pars victoriæ Barbarorum æstimatione censeretur. sed nostri qui iudicio prudentiaq; valerent, nihil vel tantæ opulentia iacturam, quando sarciri instaurariq; mediocri pecunia posset, reputabant, quum verum detrimentum, ac insanabile susceptum vulnus vel tacitis animis agnoscerent, quo Germanicæ virtutis ac disciplina existimationem, iniuriatam antea Romanis imperatoribus, vna atq; altera ad Exechium, & Budam, pudenda Christianis omnibus fuga, sine vulnere hostium penitus amisissent. Ipse autem Rochandulphus, quum expugnata munitione medijs in castris pugnaretur, & concidi in tabernaculo quam tantæ cladi superesse mallet, vel renitens & fremens a medico cubiculique præfecto, qui iacentem deferere volebant, sub
latus nauiculæq; impositus ad Comaram insulam ascendit, atque ibi paulo post, Samario in vico vulneris ac animi dolore extinctus, funestam diræ obstinationis atq; superbiæ suæ memoriam Germaniæ populis reliquit.

PAVLI

PAVLI IOVII NOVO-

COMENSIS EPISCOPI NV-

CERINI, HISTORIARVM

SVI TEMPORIS

LIBER XXXX.



AT SOLYMANVS, qui maioribus, quàm vnquam anteà, confectis itineribus aduentabat, vbi de suorum victoria certius cognouit, institutam properandi diligentiam remittens, quintis castris Budam peruenit. Nam tanta celeritate cōtenderat, vt prætorianę cohortes, præter eorum disciplinę consuetudinem, festinantis equitatus cursum adæquare cogerentur. cupiebat enim interesse prælio, neq; Augusto mense volebat excludi, qui mensium
 20 omittium occulto quodam auspicio sibi in primis patriq; Selymo militiæ felicissimus extitisset. Nam & magnum Hysmaelem in Calderanis campis, & Campsonem Gaurium Memphiticum regem ad Singam, & postremo Ludouicum atq; Hungaros ad Mugacium vltimis Augusti diebus acie deuictos memorabant. Quum & plerique duces eodem etiam mense à Baiazete Methonem expugnatam meminissent. Consedit autem in aduersa ad Budam veterem regione, offensus odore cadauerum & foeditate amnis tot corpora per omnes ripas euoluentis, vt purius atq; nitidius aquaretur, & Strigonien-sibus ex
 30 propinquo terrorem incuteret: nam Tartarorum agmina magno à castris intervallo præcurrere solita, ad Vicegradum extendebantur. Victore itaque exercitu ad se traducto, atque vnis omnino munitis castris, arte omnia vtrumque Mahometem impensè collaudat, sed Belgradensem, cuius eximia virtute consilioque sine iactura militum administratum & confectum bellum fuisse didicerat, totius Græciæ equitum magistrum dicit, alios pro merito adauctis stipendijs datat, vel ad præfecturas prouehit. Exinde captiuos produci iubet. erant circiter octingenti, qui prælongis vincti restibus ante ora ducum instructosque ordines ludibrii causa trahebantur. ex his notos duces nobilesque aliquot, quibus parceretur, delecti sunt, & ante alios Balthasar Pocanius, quem funesta ea nocte, transfuchendis copijs præfuisse docuimus, & Tayf
 40 cus dux vetus, eo bello vigilum præfectus, reliquos ad vnum omnes barbarus imperator, alioqui clementiæ laudem quærens, & nunquam anteà in nostros crudelior, è conspectu abductos tironibus trucidandos dedit, truci nutu, & seua voce prolocutus, talem eos omnino mereri poenā, qui quum per legatos nequaquā syncerè de pace agerent, astute bellum intulissent. Eminebat inter captiuos excelsę proceritatis Noricus miles: hunc in contemptū Germanicę gentis pomilioni, qui erat in delictis filiorū, capite præalta captiui genua vix adæquant
 ti, occidendū tradidit, ita vt indignę necis iniuriam crudeli contumelia cumu-

laret, cum diu incuruo puerili acinace, per lulum risumque cæsis cruribus prostratus vir ingens iugularetur à nano, qui inter adhortationum ludibria repetitis ictibus, dum ægrè perfoderet, eo spectaculo principum oculos satiarat. E captiuis autem vnus omnino Bursichius Bohemorū dux nobilis incolumis euasit, reginæ beneficio & Mahometis indulgētia paulo antè redemptus. Patrata ea ignobili & sæua cæde Solymanus regi puero dona misit phaleratas tres equos eximiae pulchritudinis, frænis habenisque aureis & gemmatis ephippijs exornatos, totidemque ex auro textili regales vestes: proceribus autem Hungaris præter singulas talaris togas, aureos etiam torques. Legati qui munera tulere perhumaniter à regina postularunt, vt puerum regem cum proceribus in castra mittere, omniq̃ue dubitatione deposita cuncta sibi ac filio secundæ atque foelicia sperare vellet. Ea enim magnitudine animi esse Solymanum, qui reges omnes non modo potentia Fortunæque, sed pietate atque iustitia superaret, vt puerum, quem semel paterno iure tutela sua ac amicitia dignum omnino defendendum suscepit, comprobante demum victoria non modo conseruatum velit, sed amplioribus antiqui regni spatijs ad augendum existimet. Proinde cupere regiam prolem coram intueri, agnoscereque paternam indolem, infantemque de manu amplexandum tradere liberis suis, vt bene auspiciatis renouatæ tutelæ initijs perpetuo tenore cum Ottomannis firmæ ac ideo immortalis amicitiae fundamenta iacerentur: ipsam verò filiamque loco incolumi dignitate semper habiturum. quod eam autem secus ac amanter cuperet, non inuiseret, prohiberi eo humanitatis officio antiquis Ottomannorum institutis, quibus principes suos ac alienas mulieres in aeneis tectis intrare vetuissent. Porro Solymanum non vsque adeo temperantia honesti decoris esse oblitum, vt socij beneuolentissimique regis filiam eandemque beneficiarij ac amici regis nuper vxorem, & in similem regis Fortunæ maiestatem crescentis pueri matrem ætate formæque florentem, in castra atque adeo in intimum tabernaculum admitti pateretur: ne integrum eius pudicitiae nomen, quod in reginis vnica & perillustri cura esset tuendum, vllis suspicionibus inuolueret. Ad eam tum regina, non occulto metu teneros sensus in materno affectu facile confundente, perplexè admodum respondit, sed monente demum obtestanteque Georgio, ne dubitantis suspicionem leui & nihil profutura cunctatione Barbarorum animis iniiceret, puerum regalibus crepundijs exornatum carpentoque aurato impositum cum nutrice lectissimisque matronis in castra misit, comitantibus cunctis serè proceribus, quibus dona legati detulerant. Excepere aduentantem progressæ aliquantum è castris honoris causa ornatissimæ turmae equitum, inter castrenses vias prætorianæ cohortes, illatumque in tabernaculum, Solymanus humaniter inspexit, perblandè cum nutrice collocutus, liberos suos qui aderant complecti atque exosculari latè vagientem iussit, certo amoris pignore obligantes, quem beneficiarium atque amicum, quum pariter adolefceret, essent habituri. Ii erant Selymus & Baiazetes Roxolana matre geniti, aui & proaui nomina referentes. Mustapham enim Circhasia priore vxore susceptum, regio & planè militari spiritu iuuenem, veluti ablegatum ad Magnesium in Ioniae præfectura reliquerat, quum ingenio viribusque vigentem & non obscuro militum studio subnixum iam planè metuendum existimaret:

inductus

inductus enim, uti planè vxorius, Roxolanæ blanditis, aut sicuti plerique
 ferebant, per Trongillam Iudaicæ sectæ nobilem magam amatoris vene-
 ficijs deprauatus, Selymum; excluso Mustapha, successorē imperij desti-
 nabat: quod Mustaphas intempestiua atque neferia cupiditate nimis sera fata
 patris aui Selymi exemplo præuenturus esse uideretur. Cæterum Soly-
 manus, quum Hungari proceres cum purpuratis pranderent, certos duces,
 quibus antea negotium dederat per simulationem vitendæ vr̄bis immis-
 sis cohortibus Sabatinam portam occupari iussit, vsque adeo tacitè & dissimulan-
 ter, ut nec custos satis otiosus commeantis turbæ spectator, portæ aditum
 10 alienæ potestatis factum sentiret. nam quum frequentes sedato passu ma-
 nipulati intrarent, multi etiam ex composito, ut patrandæ rei suspicio-
 nem auerterent, veluti iam lustrata vr̄be, in castra redibant, modo plate-
 is foroque & compitis omnibus celeriter occupatis, & nusquam tumultu
 edito prætorianorum præfectus per regiones pronunciari iussit, ut Buden-
 ses omni timore deposito limine se continerent, matureque si vitam ac liber-
 tatem & denique Fortunas incolumes vellent, arma traderent: paruere im-
 perio ciues, prolatisque armis in fidem recepti Turcas hospito receperunt.
 Tanta autem exitit Barbarorum tranquillitas atque modestia ex seueritate
 disciplinæ, ut nemo hospitum asperiore dicto factoue sit violatus. Tum
 20 verò Solymanus ubi renunciatum est, pacato & nihil resistente populo,
 vr̄bem in manu esse, puerum, quanquam nox incumberet, ad reginam re-
 misit, retentis apud se proceribus. Erant ñ Georgius ipse Varadinensis anti-
 stes, ærario præfectus, & Petrus item Vichius regis propinquus Ioannis te-
 stamento tutor relictus: Valentinus quoque copiarum dux summus, & Ste-
 phanus Verbetius epistoliarum & scrinij regij magister, & Baciauus Vr̄ba-
 nus, custodiæ præsidijque vr̄bis præpositus. Ea uis impotentis Barbari ino-
 pinantibus improuiso illata, singulorum animos magnopere conterruit: auxē
 re etiam pauorem minus familiares purpuratorum vultus, verbaq; intempesti-
 uis querelis inuoluta. nam perductos in confessum, tam seuerè, quàm impu-
 30 denter interrogando criminandoq; iustæ propè questionī subiecerant, ita ut
 grauissimarum rerum consiliorumq; omnium rationem repositum viderentur.
 At regina, ubi vr̄bem serio doloque occupatam, & proceres in castris retentos
 videt, metu & dolore perturbata supplices libellos ad Solymanum perferre
 orat ut fidei datæ, quam recentibus mandatis prolixè ac humaniter confir-
 marit, & denique pristinæ suæ lenitatis & clementiæ obliuisci nolit: ideoque
 proceres ob egregiam fidem fortēque operam de se, Turcicoque nomine
 benemeritos, incolumes remittat. Agit hæc per Rostanem, atque eum muneri-
 bus explet, missa etiam è suo cultu corolla per insigni ex vnionibus cum gem-
 mato emblemate, quæ eius vxori Solymani filiæ mitteretur. Exinde per qua-
 40 tuor dies de Pannoniæ regno apud Solymanum pugnantib. sententijs disputa-
 tum ferunt: Mahometes et Custrephus parum inter se diuersi puerum regiæ
 prolis, principesq; gentis Byzantium abducendos censebant, committendam
 autem Budam præfecto, non tam acri quàm moderato prudentiq;, qui molli-
 ter imperando indulgendoq; Hungarorum animos seruitutis metu liberaret,
 conseruatq; omniū Fortunis paulatim ferendo iugo insuefceret. At Rosta-
 nes ingenio mitior, atq; eo quod utri generi firmiore gratia valebat, ab omni vel
 cupiditatis vel adulationis suspitione remotior, totius deliberationis summam

ad decus reuocabat, quum diceret longè maximo atque optimo principi, qui nullo vnquam dedecore nominis famam onerasset, nihil omnino esse turpius quàm contra ius & æquum susceptæ antea tutelæ ac defensionis, parta demum victoria, fœminæ pariter ac infanti puero fidem fefellisse. Ex aduerso Mahometes Belgradensis, qui Iahaoglis vocabatur, nunquam nisi peracerbus in nostrum nomen & maximè truculentus leniora consilia vehementer improbat. Erat enim Turcici sanguinis patre, nomine Iaha Bassa, Mahomete quondam purpurato progenitus, exercueratq; Hungarica arma per multos annos ab Illyrico limite, sub Balibeio præsertim fratre, quem Mugaciana acie claruisse meminimus, sed demum ex calamitate nostri exercitus ad Exechium, & hac quoq; ad Budam Germanorum infelicitate, tantam militaris consilij ceperat opinionem, vt extra ordinem in consilium cum purpuratis admitteretur. Is rogatus sententiam, scio, inquit, Solymane, quum postremo loco sententia dicitur, dissidentis nomen inuidiæ expositum videri, neq; promde fieri posse, quum planè dissentiam, quin oratio mea vestris auribus ac animis grauis molestaq; sit, sed non recuso vel arrogantis nomen, modo malignitatis & ignorantiae notam deuitem, dum ea recolo quæ ex vsu præsentium rerum tuis commodis tuæq; amplitudini mirificè conducant. Concedi enim aliquid ætati meæ, & si dicere liceat, etiam rebus gestis, iure postulo: quum belando, dimicandoq; in Pannonia senex factus, ea de statu atq; opibus huius regni, ingenijsq; hominum didicerim, quæ prolata in medium magno vsui esse possint, vt de hac re quæ decreti pœnitentiam non recipit, rectissime statuas. Quinquies iam per hos viginti annos armatus in Pannoniam venisti, & ego non obscurus omnino aut dux aut miles, omnibus non modò bellis, sed prælijs interfui, puto vt vindicares iniurias, imperij fines proferres, & deniq; optima pace potirere: quæ certa esse non potest, nisi armis atq; victoria pareatur. Itaque Belgradum infame domicilium asylumq; latronum immanium, & quondam funestis maiorum nostrorum conatibus nobilitatum, forreiter expugnasti, quum inde Hungari per inducias patre tuo Parthicis occupato bellis, Mysorum & Illyricorum fines impune vexauissent. Eosdem porre quum post annū, quod nefaria crudelitate & terribimo supplicij genere legatos nostros interfecerant, vna acie cum rege ipso trucidasti, Budaq; potitus, vt præclarum magnitudinis animi tui, vel remotissimis nostri nominis hostibus specimen daretur, delegisti ex reliquijs profligatæ gentis, quem diademate protinus ornares, non regio quidem ortum sanguine, & nullo hercle alio merito cognitum, quàm quod dudum & priuatus & publicus hostis extiterat, quū validissimas contra te è Transyluania adducens copias, fratrem virum ipso fortior gladio nostro interfectum amisisset. Exortus est demum nouus hostis rex Noricus, qui Hungarum beneficio tuo regnantem expelleret, atq; ita aduersus Germanos tertium bellum suscepisti, vsq; adeo vehemens, vt reducto statim rege fugatisq; hostibus non modò Viennæ mœnibus, sed interiori etiam Germaniæ terrorem intuleris. At biennio vixdum exacto idem rex neq; pacem pati neq; bellum ferre solitus, quum præsentis Caroli fratris opibus inniteretur, Budamq; nostro defendente præsidio frustra oppugnasset, te iterum exciuit, iniurias cædibus ac incendijs vindicantem, quod tuæ dignitatis esse statuebas, eum tueri armis, quem inuisitata liberalitate regem effeceras, maximeq; optares cum duobus fratribus de occidentis imperio, nobili pugna edita, decernare.

Sed illi,

Sed illi, quum urendo vastandoq; avita eorum regna percurreres, adventantis fremitum non tulerunt: secutaque demum pax est inter Hungarum atque Germanum te indulgente probanteq; quum adversus Persas ire properares: sed eam Germanus ita fregit, ut nisi ego ad Exechium deleti ingenti eius exercitu, perfidiam opportunè vindicasset, tu omnino Babylone accersendus viderere: sicuti modo Byzantio, multis itinerum superatis incommodis advolasti, ut nobis maturam opem ferres, daresque supremam operam, sicuti planè speraverim, ut rebus in Pannonia firmissimè constitutis, tot laborum ac sumptuum incommoda, pro alieno commodo quinque suscepta finiàntur. nisi
 10 uti video aliquos optare, nunquam tibi tutelam hanc pupilli & viduæ censes dimittendam, infiniti scilicet laboris atque periculi plenam, cui par pretium non sit ea gloriæ species, quæ animo tuo excelso honestique semper decoris avido, ab his uti arbitror, nimis sapientibus obtenditur: verum hanc uti planè rudis sapientiam gloria redundantem non intelligo, quæ in ipso cursu victoriæ nervos elidit, nec in castra à peritis imperatoribus unquam admittitur: quo fit ut te maioribus tuis, qui duodeviginti regna in hoc imperium contulerunt, quum scilicet omnino cupiam, sapientiorum esse nolim: quid enim insipientius dici potest, quam semper esse stultum? hoc est aliena curantem sua omnia, salutem, opes, dignitatem, in discrimen sæpissimè devocare? Satis
 20 fecisti, uti arbitror, & cumulate quidem officio pietatis & fidei, atq; etiam gloriæ, si ea potius mansuetudine, clementia, lenitate, quam invicto consilij robore, pertinacique vigore militaris animi comparatur. his enim instrumentis ardens semper & invicta virtus Ottomannos provexit & extulit: illæ autem, uti mihi videntur, adumbratæ laudis imagines ocioforum & desiderium regum animos delectent, armatis certè nunquam maioribus tuis, nisi post debellatos hostes, triumphosque actos, ac erecta trophæa, placuerunt. Sed hæc arbitrio, iudicioque tuo, cui maiora ingenia concedunt, tribuantur. Ego certè si bellorum casus, & non incerta rerum momenta longè prospicio, eam minimè quam animi libido suadet, consilij rationem sequar, quum ipsa, quæ cunctis
 30 rebus dominatur, & me vehementer urget, multo meliorem necessitas ostendat. Ante omnia Hungari, ut ipsis minimè confidamus, præclare nos admonent, quum rapinis, transfugijs atque perfidia infames, inter se dissentiant: nec eorum exules desint, qui Germanos concitent, & continenter bellum gerant: reginæque item & pueri opes infirmæ, quæ tantæ esse non possunt, ut præpotentem propinquumq; hostem sustineant. Necessè ergo erit alienum regnum nostris tueri auxilijs, quæ minora iusto exercitu sine magno nostro discrimine, detrimentoque adduci nequeunt. Magnis porro, uti solemus, peditatu, tormentis, classeque instructis exercitibus singulos per annos, tanti itineris & laboris expeditionem suscipere, extremæ dementiæ opus videtur. Neque enim ex Ottomannici nominis dignitate putaverim, quotannis ad plorantis
 40 petentisque opem foeminæ preces commoveri, nisi arma sustinere, quam inferre utilius atque nobilius putes. Itaque censeo hoc regnum uti iure belli toties captum defensumque more maiorum in provinciam redigendum, reginam patri remittendam, puerum alendum Byzanti intra septa regiæ, nostrisque legibus imbuendum, proceres necandos, evertendasque eorum arces, ac ex omni regione familias insignes, quæ ferociores spiritus gerant, in Asiam traducendas: reliquam porro multitudinem, quæ agros colat, atq; urbes inha-

bitet, impositis praesidijs conservandam. hoc uno siquidem decreto, Solyma-
ne, & Hungari se perdomitos intelligent, & Germani, nisi temerè ^{ne ac} infœliciter de Styria atque Austria dimicare velint, Pannoniæ finibus abili-
nebunt. At Solymanus priusquam de re tanta decerneret, sacrificandum ratus,
tertio Calēdas Septembris, qui dies Mugaciana victoria erat insignis, Budam
cum liberis intravit, delecto celebri templo, quod Deiparæ virginī erat dica-
tum. Illud enim antea sacerdotes Mahometano ritu expiantes, divorum scili-
cet nostrorum sublati altaribus, imaginibusque deletis, Deo maximo conse-
crarant. Nec multo post eo temperamento decretum edidit, ut singulorum
sententias appositè moderatus, parem omnino viam securitatis simul ac digni-
tatis tenere videretur. Budam enim Turcico praesidio custodiendā censet, re-
ginamque obiter monet, ut æquo animo urbe atque arce excedere velit: ipsam
enim cum puero ultra Tybiscum in Lippa regnaturam, regione admodum
pacata atque opulenta, & quod non mediocri etiam solatio esse possit, Sigis-
mundi patris finibus propinqua, donec Stephanus puer agnoscendo regno
scelicitè adolescat. Eisdem porro eum tutores atque nutritios habiturum:
Vichium quoque Temesvariensis praefecturae Sanzachum maximè illustre, em-
atque potentem fore: Verbetium verò senem, ut legum totius regni urbana-
rumque rerum peritissimum, Budæ Hungaris ius dicturum: se verò daturum
comites e praetorianis alis, currusque & sarcinaria iumenta, quibus mundus
muliebris, gazaque omnis regia in Lippam aveherentur. Itaque regina vel cum
lachrymis & tacito gemitu, tyranni perfidiam detestata, sed tum necessitati dis-
simulante cedens, arce atque urbe excessit: ea a Barbaris imposita lege, ut for-
menta aeneæ, & quicquid militaris instrumenti armamentarijs inerat, & com-
meatus in horreis omnino relinqueret. Proceres quoque unà profecti sunt: qui
tamen si peracerbo rerum eventu tristes incedebant: recepta tamen libertate sa-
luteque, de qua per triduum desperarant, perquam effusè letabantur. Solus o-
mnium Valentinus antiquum Barbarorum odium presenti perfidia sensit, in
castris sub custodia retentus, quod circa Balatonem lacum praevalidas oppor-
tunasque arces obtinebat, quod novem antè annis ad Neocricum, uti memo-
ravimus, in profligatos Cassoni equites crudelissimè desævisset, quod vir in-
genio maximè pugnaci, indomito, liberali, Hungarorum multitudinem milite-
tandi studio sibi devinctam, quò vellet impellere posset. Eius enim viri vir-
tus spectata militiae, cum Turcis omnibus, tum ipsi maximè Belgradensi, qui
eum ambiguis criminibus obiectis odiosum reddiderat, omnino formidan-
da videbatur. Emanarat quippe fama, neminem ex Hungaris exulibus equi-
tibusque Germanis evasurum fuisse, nisi Valentinus Perennii hostium ducem,
ut sese imminenti clade cum suis celeriter eriperet, opportunè monuisset. Ne-
que id ille vel captus pernegabat, quum generosa & contumaci fronte, idem
semper se facturum fateretur. Quid enim, inquit, nobilius esse potuit, quàm
nostræ nationis auxilia, quæ cognationis & sanguinis privataeque benevolen-
tiæ necessitudinem includant, externis verisque hostibus detraxisse: Vt hisci-
licet minore nostro cum periculo vincerentur, & illi clade erepti superessent,
qui ad referendam gratiam insperati, ac ideo insignis beneficii memoriam re-
tinerent: Egit tamen regina sedulo, quanquam proprio mœrore occupata, ut
Valentino libertas impetraretur, & id quidem à Rostane per Agurchum Si-
gismundi patris legatum, virum inter Sarmatas genere & bellica laude illu-
strem,

strem, qui victoriam de Germanis partam gratulatum advenerat: sed id tantum humaniter est impetratum, ut Solymanus, quum nihil Valentino se notitiorum promitteret, non incertę libertatis spem præbere videretur. Dum hæc Budæ fiunt, Ferdinandus belli eventum Viennæ expectans, ubi suos fœdè profligatos, & ducem mortifero ictum vulnere in Comaram evasisse, adventareque Solymanum didicit, Leonardum Velsium quanquã sæva diuturni morbi rabe afflitum, quod paulò antè non infœlix dux oppugnandæ Budæ consilium improbareret, in Comaram descendere iubet, qui reliquias fusi exercitus excipiat, fugientes undique sistat, speque auxiliorum comitatus atq; stipendiis territos, & rerum omnium inopes confirmet. optimum quoque ratus victori Solymano moram iniicere, qui Viennam usque repentina incursione pervasurus esse credebatur, legatos ad eum mittit, qui oblatiis novis conditionibus pacem peterent. ij fuere Nicolaus Salma, quem felici sua sorte pridie quam castra à Turcis caperentur, ab exercitu legatum ad regem missum fuisse docuimus, & Sigismundus Lithestanius præclara nobilitate rogatus senex. Tuiere munera excelsum Germanico more ex auro poculū, lectilissimis exornatum gemmis, eruditeq; insuper admirationis argenteam machinam, in qua non horarum modo spacia: sed errantium etiam syderum motus, menstruiq; Solis ac Lunæ coitus, exactissima ratione monstrabantur: intus scilicet dentatis rotis certisq; ponderibus, admirabili momento, vel in multum ævum minutissimas temporum mensuras dispensantibus, quum inter celeres tardosq; orbes, in tam vario inæqualiq; polorum ordine audaci quadam supremi motoris æmulatione cuncta congruerent. Ea à peritissimis astronomis excogitata, perfectaq; Maximiliani Cæsaris fuisse dicebatur, cuius ingeniū nobili semper studio, nec deterrente unquam sumptu, rara atq; admiranda concupivit. Cæterum legatos appellentes egressosq; navigijs Cassonus oblatiis equis quibus veherentur, in castra perduxit, deditque eis conspicuo in loco tabernaculapicta, eximijstapetibus constrata, missaque sunt à Rostane castrensis lautitiæ munera, vinumq; imprimis nobile, tam ipsis lege vetitum quam nostris; Germanisque præsertim expetitum. Purpurati postero die, dum Solymanus non procul in prætorio pranderet, legatos prandio exceperant, ita ut in gratiam nostri moris non in solo, uti solent, collectis cruribus, sed altiore in mensa cathedris humilioribus purpura contextis, sedentes una discumberent: solus Belgradensis extra ordinem virtutis ac ætatis honore admissus, in pulvino infra purpuratos assedit. Legatorum verò comites ex singulis nationibus iuvenes generosi spectandi studio famulantes, apud tetrarchas epulati sunt; numero quadraginta sex. hos Turcico nomine Sanzachos vocant, hoc est signiferos, quod militari cum imperio provinciis præsent: singulis enim pro insigni, equina cauda hastæ præfixa antetentorium figitur, prodeuntique in aciem sericis demum vexillis vario colore turmas atque alas distinguuntibus; illa eadem pallsis crinibus nivea cauda præfertur. Epulæ Barbarorum è Danubio facile potantium una oriza, unisque omnino vervecinis carnibus cœptæ finitæque sunt, adeo simplici astrictoque apparatu, ut non obscure nimiam luxuriam nostris exprobare viderentur, qui mensarum decus, quo uno præcipuè uobilitatem ac insaniam ostentamus, nequaquam naturæ desiderio, sed immensa gulæ libidine definiant: ut obiter non sit mirum, eos consilio atq; armis invictos & semper victores evasisse, quum talem voluptatē

tem, quæ in hac nostrarum gentium vita longè potissima censetur, uti capitalem bellicæ virtutis hostem, domi & foris penitus abdicarint. Igitur remotis mensis legati ad Solymantum sunt introducti, ita ut singulos bini purpurati in medio arreptis brachijs quadam honoris specie sustentantes ad dextræ osculum perducerent. neque enim Turcæ externos homines ad tyrannum aliter admittunt, quàm ut sinum scrutentur, an ferrum sub veste lateat, implicatisq; eo modo brachijs commovendæ manus potestatem facinus ausuris dissimulanter eripiant, quanquam assidenti in thoro circumposita, paratæque ad manum clypeus cum acinace clavaque ferrea, ac item arcus & sagittæ conspiciantur. Illata quoque est illa machina succollantibus duodecim servis, quæ Solymani animum, & Barbarorum oculos admiratione complevit. Adduxerant enim artificem, qui solutis machinæ fibulis interiora admirabili rotatione circumacta repanderet: is libellum quoque detulerat, attritæ vel luxatæ machinæ remedia continentem, tradentemq; præcepta, quibus tot orbium cursus nunquam interitura ratione regeretur. Ea enim ingenij subtilitate Solymanus fuit, ut non modo sacris literis, quibus superstitionis suæ leges continentur esset eruditus, sed Astronomiæ Cosmographiæque præsertim curiosè operam daret, Hammone medico ex Bethica oriundo perdocente, quum vir acutus singulas terrarum regiones, sinusque maris in membranis, depictisque orbibus demonstraret, ut inde regius animus per otium utili & per amœna delectatione caperetur. Petebant legati, ut Pannoniæ regnum Ferdinando concederent, hisdem ferè conditionibus, quibus id paulò antè Byzantijs Laschus petisset. Tributum enim sicuti Ioannes pendere consueisset, quotannis se petiturum pollicebatur, adducturumque in eadem pacis ac amicitiae fœdera Carolum fratrem, ut in tergo ab omni bellico metu liber, quod maximè percipere videretur, exemplo Selymi patris ad Orientem imperij fines extenderet. Neque enim ipsum dicebant, vel generosè vel rectè facturum, si Ioannem factum, vel infantem eius filium, qui hæres minimè putaretur, ulla in re Ferdinando regi compararet, quod ille neque officij merito, sed alienæ Fortunæ beneficio sublatus, alieni iuris locum invalisset. non cum hercè Regem impotentibus armis ritè factum videri, quum nec procerum omnium consensu rex acclamatus, nec legitimè coronatus fuisse videretur. Præclara quidem iura Austriarum principum vigere, quanquam tum oppressa armis, eaque aliquando valitura, quibus freti Pannoniæ hæreditatem sceleriter adirent, nisi iniquitate Fortunæ intercepta raperentur. Cæterum dimisso antiquo iure, nihil se potius habere, quo illati belli nomen excusarent, quàm recentis in itæ pacis tabulas, quibus Ioannes solentini tot procerum astipulatione Ferdinandum regni successorem reliquisset. Illum profectò certi iuris conscientia permotum, vel ipsum authorem defensoremque suæ dignitatis præiudicio vehementer offendere, quàm Christiani nominis causam impiè prodere maluisse, quum prævaricatione turpissima, beneficiarj iuris oblitus, fidem sacramento interpositam, tam ingratè quàm astutè sefellisset: ut ipse qui inter reges potentia magnitudineque animi excelleret, & bello paceque iustitiæ nomen tueri videretur, postquam ingrati hominis contumeliam neglexisset, Ferdinandum tantis affectum iniurijs amicum et beneficiarium mallet, quam perpetuum hostem. Nihil enim ei, vel ad æquitatis famam honestius, vel ad diuturnæ pacis securitatem utilius, vel ad liberalis animi laudem omnino gloriosius

riosius futurum, quàm si antiquissimæ stirpis regem, virtute, fideque præstan-
 tem, delectum a Bohemis, ab Hungaris exoptatum, à Germanis autem Romæ
 tributario nomine Pannoniæ regem appellaret. Solymanus iucundo vultu
 laudatis muneribus biduo post per Rostanem respondit, Ultimam hanc esse
 pacis ac amicitiae conditionem, ut Ferdinandus urbes, oppida, arces, quæ in
 ditione Ludovici regis antea fuissent, continuo redderet, ac in posterum Pan-
 noniæ finibus abstineret: se verò qui toties bello laceratus graves sumptus
 gravesque labores subisset, levi pœna contentum fore, eam esse ut ad confer-
 vandum invictæ maiestatis decus Austriæ tributum imponeret, tum verò i-
 nita amicitia solenne fœdus percussurum: quòd si ea conditione gravarentur,
 obiterque bellum, quam pacem mallent, se adnixurum continuis armis, ut
 Pannonico regno adempta, evastatis Austriæ regionibus vindicaret. At le-
 gati quanquam ad tributum nomen tantò fastu, tantaque Barbarorum arrogan-
 tia inductum, quum summæ potentiæ, summæque dignitatis fratres indignè
 contemni quererentur, in iustam propè iram exarserant, ut susceptæ legatio-
 nis propositum tenerent, afflictisque rebus spacium daretur, inducias postu-
 larunt, per quas Ferdinandus atque itidem Carolus Cæsar consulerentur: sed
 nec id impetrari quoque potuit, quum inducias astute peti perspicerent, qui-
 bus gerendarum rerum inclinante iam autumno, vertenteque se in iuges plu-
 vias, occasio tota deperiret. Petivêre demum ut Balthasarem Tayscumque
 duces captivos pretio redimere liceret: hos enim in cathenis viderant. Ad id
 Rostanes respondit eos, si pax ea quæ dicta esset conditione pararetur, sine
 pretio dimissurum: porro si bellum foret, non de futuram occasionem, ut ca-
 ptivorum permutatione redderentur. Licuit autem legatis circumducente,
 monstranteque Rostane opulentiam atque ordinem castrorum intueri: sed
 quum munimenta, quæ intra fossam clicellatis camelis perpetua serie cathena-
 tis, currulibusque tormentis constabant, atque item stationes attributaq; di-
 stinctis militum generibus tentoriorum spacia mirarentur, silentium ante o-
 mnia peræquale atque perpetuum in tanta frequentia stupendum fuit. neque
 enim aliter quàm significatione manus, & nutibus parati intentiq; milites re-
 gebantur. Solymani porro insigne prætorium, uti par erat, cunctis excelsius
 & sumptuosius, quum quadratæ arcis effigiem exprimeret, oculos pulchritu-
 dine & maiestate operis adimplebat. à quatuor enim angulis totidemque me-
 dijs ab omni latere fastigiatis, pinnatisque turribus cingebatur. Intererant ad
 commeandum latissimæ porticus, sic ut area in palæstræ modum, in medio ad
 domesticas exercitationes relinqueretur. Interiora quoque papilionum vela-
 menta, Babylonici operis acu picta, sericique funes, quibus tenderentur, us-
 que adeo elaborata pretiosaque fulgebant, ut æstimationis nostræ modum ex-
 cedere viderentur. Adnotatum est omnium ordinum tabernaculis, tentorio-
 la esse coniuncta, quibus latrinæ inerant, eo institutæ ordine, ut novæ scrobes
 quotidie fierent, repletæque statim arena iniecta tegerentur. In macellis quo-
 que pariter profundæ fossæ visebantur, in quibus lanij totius exenterati peco-
 ris exta sedulo tumulabant. Ita fiebat, ut castra nullo odore retro afflata, non ad
 salubritatem modo, sed ad iucunditatem repurgatis omni in parte regionibus
 non Barbarorum, sed eorum qui militiæ disciplinam condidissent, castra cen-
 serentur, prædamnatis hac in re stativis nostris, in queis præter ingratam na-

ribus atque oculis multarum rerum foeditatem, pestilentes enasci morbos sat-
 pifsumè videmus. Legatis multiplici veste, pecuniaque donatis atque dimif-
 fis, Solymannus Belgradensem, latè longeque citra Danubium Austrig fines
 populari, ac incendere: Caſſonum verò voluntarijs equitibus præpoſitum in
 Moravos, qui Marcomanni antiquitus fuerant, excurrere iuſſit, ſed præda-
 bundos, magno inſperatoque earum gentium commodo plenis imbris
 inflati amnes opportunè morati ſunt. Exinde vir Hungarus, nomine Soly-
 mannus, qui ab incunte ætate bello captus Mahometis ſectam ſequebatur, à
 Solymanno Budæ cum imperio præſicitur, qui cum Verbetio daret operam
 ſumma æquitate ius dicendo, popularesque quondam ſuos familiarius ello-
 quendo, in ſpem diuturnæ tranquillitatis adduceret. His rebus confectis, dies
 circiter viginti ex quo venerat Budæ commoratus in Thraciam redire conſti-
 tuit, quòd autumnales pluvix matureque hyemis frigora ſuberant, & magni-
 tudine multorum annium, quibus Pannonia ex omni parte ad diſſicultates i-
 tinerum irrigua præcincta que eſt, intercludi poſſe vereretur. Ex itinere autem
 Laſchum legatum, ſuffectum navigijs liberaliter dimiſit. Eum enim privato
 virtutis eius ac amicitix nomine in gratiam receptum, Byzantio ſecum addu-
 xerat: ſed demùm nova offenſus iniuria cuſtoditum reliquerat Belgradi, quum
 ex ſpeculatorum literis Antonium Rinconem, veterem apud ſe Byzantiæ le-
 gatum, remittente cum mandatis Franciſco rege è Gallia redeuntem, in Pado
 anne à Cæſarianis interfectum cognoviſſet, ſed Laſchus per literas præclatè
 oſtendit, Ferdinandi regis nullum eſſe in Italia imperium, easque regiones
 Caroli fratris præſidijs teneri, potuiſſeque Rinconem hoſtilis terræ inſtanti-
 ne temerè navigantem, iure capi ac interfici, quando ei tanquam exuli capitis
 poena damnato, quòd natale ſolum in Hiſpania vertiſſet, ad hoſtesque trans-
 fugiſſet, omnibus Cæſaris imperij finibus eſſet interdictum. Sed Laſchus diu
 eo beneficio uti nō potuit: reſeſſum enim in Sarmatiam conceptus antea ve-
 hemens oppreſſit morbus, ita ut plerique ex aula Germani fatum ad invidiam
 vertentes non tabifico quidem fluentis alui vitio, quo diu laboraſſet, ſed lenis
 tyranni venenis omnino ſublatus contenderent, quum vir ille omni virtutis
 ac elegantix laude inſignis, & longiore vita dignus, in ea rei publicæ Fortuna
 vel ab ipſo Rege lugeretur. Cæterum redeunti in Thraciam Solymanno, ad
 Dravum amnem nunciatur, Stephanum Maylatum Ferdinandi ſecutum par-
 tes, ac ex profeſſo Turcarum hoſtem dolo comprehenſum in Petri Moldavi
 poteſtatem deveniſſe, pacatamque ex omni ferè parte Tranſylvaniam in fidem
 conceiſiſſe. Bare Solymannum magnopere lætatum ferunt: Maylatum enim
 hominem bellicoſum, ingenio contumaci, regnandi cupido, pronoque ad mu-
 tandam fidem vehementer oderat, quum ab eo Grittum & Turcas interfe-
 ctos menſiſſet, Tranſylvanosque indomitam gentem ad arma natam, du-
 bioque bello potius quàm certa pace gaudentem, ab eo concitatos perſpiceret,
 quos moderato benignoque imperio pacare quàm iuſta vi ac armis ſubigere
 malebat. Sed quoniam in Petri Moldavi perfidioli cruentique hominis men-
 tionem incidimus, operæpretium putavi, quo dolo Maylatum cœperit, & qua
 Fortuna ſævitiaque in recuperando regno uſus ſit breviter enarrare, ut ſicuti iam
 planè tempus nos admonet ad Germaniæ concilium, conſiliaque Cæſaris nihil
 intercifa rerum ſerie opportunè redeamus. Solymanno in Pannoniam cōten-
 dente, Moldavus adverſus Maylatum evocatus, uti ſuprà memoraviſimus, cum

Achomate

Acomate Nicopolis præfecto castra coniunxerat. Erant enim præter pedites, quorum numerus more gentis erat exiguus, supra quinquaginta milia equitum. nam & suas quoq; Transalpinus, alter Valachus imperatas antea copias præmiserat. Maylatus multitudine hostium circumventus, imparque viribus desperatis auxilijs, quæ à Ferdinando maiore belli mole occupato frustra postularat, uti superiore æstate prementibus regijs foeliciter accidisset, in oppidum Fogaras confugit. ibi enim, uti loco natura atque arte permunito, totius substantiæ & bellici quoque apparatus instrumentum, ipsaq; præsertim Gritteæ prædæ spolia servabantur. ad motis copijs Achomates postquam vi atque tormentis, non nisi multo temporis spacio, multoque labore arcem expugnari posse videt, dolo ac insidijs vincendum ratus legatos ad Maylatum mittit: hortatur ut Solymanno se dedat, appellariq; ab eo amicus, quam iudicari hostis malit. cuncta enim ab eo prospera atque secunda sperari posse, qui vel hostibus regna dono dare sit solitus: se verò qua polleret autoritate apud Imperatorem amicè daturum operam, ut eius clementiæ & liberalitatis fructum sentiret, ornareturq; ipsa Transylvaniæ præfectura, quam paulo antè sibi concedi tributi nomine concupisset. tantis siquidem copijs circumfello nihil esse tutius, quam honestis conditionibus pacisci, idque salubre consilium celeriter expedire, quo præter certam salutem opes conseruet, dignitatemque retineat.

Adventare enim cum victore exercitu Solymannum, qui inaniem spem sustinendæ oppugnationis certo supplicio vindicaret, si eius imperijs parere præferoci vel obstinato animo intempestivum esse videretur. Ad ea Maylatus, qui pacis atque concordiae consilia dubio bello potiora providebat, se neque pacem abnuere, si non iniqua conditione pararetur, neque Solymannum in peria, quæ summe æquitatis esse consueissent, detrectare, graviter respondit: Proinde si obsides darentur, se colloquendi causa, ut de conditionibus coram ageretur in castra venturum. Postulabat autem ut filius Achomatis impiger juvenis pro obside traderetur: id quum se facturum pater negaret, quod filius à pueritia Solymanno de more dono datus, paterni iuris potestatem evasisset,

pro uno insignes quatuor alarum præfectos daturum pollicetur. Accepit conditionem Maylatus paratæ fraudis ignarus, magnoque ac ornatissimo comitatu educto, Gritteas exuvias superbe ostentans, in castra hostium contendit. Exceptus est comiter atque magnificè: sed ex prima salutatione colloquium, ut non incipi modò, sed commodè etiam finire posset, in sequentem diem differtur: quo Moldavus notum sibi hospitem solenni epulo exceptum comprehenderet. Eo modo Maylatus fervente convivio in rixam arridente dolis Fortuna pertrahitur: ex composito enim à Moldavi compotoribus importuni primò sermones, ac inde maxime criminosi adeo protervè ac petulanter inducti sunt, ut vel obscuræ contumeliæ vir insolens, & natura quidem iracundus, minaci dextra gladij capulum perstringens è mensa se proriperet: ita insurgentibus convivis frustra fremens, seque proditum inclamans comprehenditur. Nec mora concursu Moldavorum tabernacula diripiuntur, comitatusque eius omnis, qui pretioso cultu avaræ gentis oculos ad prædam illexerat, armis, equis: & denique rebus omnibus exuitur, & capitur. Vociferante adhuc Maylato supervenit Achomates: tam acerbè, quam simulanter Moldavum reprehendit, quòd hospitalis mensæ iura cunctis intemerata gentibus immani facinore edito subvertat, quòd ab se præstitam securitatis fidem vio-

let, fortissimosque viros Turcici nominis obsides ad necem prodat. Ad eam Moldavus specie contemnentis, respondet, se gravi de causa Maylatum cepisse, eumque porro inculumem Solymano servaturum, ad quem omnino pertineat sententiam ferre, iure an iniuria captus fuerit. Nec multo post arx ipsaliberatis obsidibus deditur: incertum metu an perfidia custodis, quod de salute Maylati, totiusque eius comitatus libertate sollicitus, aut non obscure magno, inductus pretio, deditionem maturasse diceretur. Ita duo Hungarorum longe nobilissimi duces Valentinus, atque Maylatus, qui uni omnium antiquum illud Hunnici sanguinis decus intestinis primò odij, & mox Turcarum armis foedè proculcatum erigere possent, invicti certè armis: sed perfidia decepti, in potestatem Barbarorum devenerunt. Occupatis Fogaris Transylvani ferè omnes, concedente demum Solymano, in Stephani pueri Regis nomen inclinatissimis animis iuraverunt, quod iustum miteque imperium Ioannis patris in ea provincia per triginta fermè annos fuisse meminissent, tulereque sæpe dona puero, fidei pignora, quum Isabella mater cum Georgio Vichioq; tutoribus in Lipa regione confedisset. Eam multarum rerum abundantem Maros amnis Hercynijs saltibus effusus interfluit, præcipitiq; demum cursu in Tybiscum evolvitur. Hunc plerique Sergetiam antiquis vocatum alleverant, in cuius aversi & mox reducti fluminis vado Decebalū Daciæ regem, urgente victricibus armis Traiano Cæsare, thesauros condidisse ferunt, quum Barbarum in ea rerum desperatione se ipso crudelior, ne latebræ secreta prodarentur, artifices atque operas ad unum omnes in vestigio perfecti operis necavisset. Cæterum ad confluentes Marum atque Tybiscum Segadino celebri in oppido, nova à Turcis præfectura constituta est, quam eo nomine salutarem ominamur, si donec adolescat puer, obtinendi regni prærogativa videatur, quod minimè credi par est, in hac perditæ vel insipientis seculi Fortuna, postquam immani Galli regis & Cæsaris dissidio, dum Germani cunctatores eximij turpissimè bellum gerunt, non Pannoniæ modò regnum, sed universam quoque Christiani nominis rempub. Barbaris hostibus impiè prodi conspicimus. Cæterum de Petri Moldavi ingenio, uti suprâ polliciti sumus, ex rebus ab eo gestis liquidius patebit, si aliqua de Valachia regno, regionisque litu, & gentis moribus, uti ignota multis, ex instituto operis referantur. Imprimis Valacchiæ regulos antiquissimæ stirpis ferunt, repetita origine à Flacco præside Romano, qui illustri virtutis argumento suum nomen provinciæ reliquerit. ab eo enim tempore Mysiam, quæ ultra Istrum ad Scythicas gentes extenditur, Flacciam appellari cœptam constat, quā demum corrupta leni voce in Valacchiam abiisse perspicimus. Apud Valacchos enim non Romane modò disciplinæ certi mores & leges vigent, sed ipsa quoque Latinæ linguæ vocabula servantur. Ea gens equitatu pollet: nam quisq; vel egētissimus domi equum alit, quo prædatur & militat: scuto, hasta, gladio, uti Hungari solent, & nonnunquam lanceamissili, atq; arcubus rem gerunt. Equi eorum pectorosi robustiq; non pernecitate quidē in cursu, sed perseverantia & viribus maxime probantur: proinde tenellis mos est nares proscindere, ne angusta respiratio ne fatigentur: quando nec mediocris equi sit laus triduo vel per æstivos soles bellicæ agitationis laborem pertulisse. Deum Christum colunt, sed Græcorum ritus secuti, deceptiq; opinione à nostris dissident. Apud eos patrum nostrorum memoria regnavit Dracula belli pacisq; artibus clarus, & diu Turcarum hostis

hostis, sed ex calamitate Ladislai regis, qui ad Varnam ab Amurathe superatus interijt, certo inito foedere tributum pendere coactus est. Ab hoc Dracula Petrus pronepos, qui hodie regnat, imperium accepit, vir ingenio quidem militari, sed maxime turbulento, crudelitatemque simul atque perfidia infamiam cum finitimis belli pacisque studium nequaquam stabili fide, sed in diem occasione & commodis metitur, suaeque pariter ac aliena arma nemini unquam certus hostis, sed improvisus semper exercet. Ceterum Valacchia omnis in duas partes, duoque imperia distinguitur. Altera ad meridiem vergit terminata Danubio, atque item ab occasu Transylvaniae fines attingens ad oppidum Severinum, ubi Traiani pontis admirabiles pilae triginta quatuor, nequaquam totas obruente Danubio visuntur. Ab oriente autem piscosum habet lacum, quem Hierassus amnis, ab accolis Pruthes vocatus, efficit: suisque demum aquis adauctum & late stagnantem relinquens, in Istrum evolvitur. Ad septentriones autem finitur Hoyna in nobili flumine, & directis ad Istrum terrestribus terminis, curvata admodum regionis fronte contra Peucem insulam, spargente se tum primum in ingentes ramos profluente Istro, antiquis scriptoribus notam, quam hodie Barillatiam dicunt. Haec Valacchiae pars a nostris Transalpina: a Turcis autem communi utriusque nomine, quod nigrum frumentum ferat, Carabogdana minor vocatur. Regulus qui in ea hodie regnat, regiamque habet Ternovizam, continuo parendi obsequio Turcarum amicitiam tuetur, aureorumque nummum myriadem tributum nomine quotannis pendit: ac ea vel indecora pace perfruitur, quod impune fidem mutare nequeat, quum in opposita Danubij ripa, Serviae Bulgariaeque praesidia in antiquis Triballorum, Myforumque sedibus spectentur. Coluit & per amplis annuis muneribus Ioannem regem, cuius praesenti ope adiutus rebellantes Transalping procures oppresserat. Altera Valacchiae pars agrorum & pastionum amplitudine maior, armentisque & militaribus equis opulentior, ab amne, qui mediam interfecat, Moldavia dicitur. Is ortum habet paulo infra Hierassi fontes in Transylvaniae montibus, quibus antiqua Dacia ad ingentis theatri similitudinem obversa in occasum scena praecingitur, delapsusque Zucaviam Petri regiam praeterfluit, atque inde violentus Hoynam, Dobovizam, Argiamque parvos, sed perennes amniculos secum trahens in Oltham effunditur. Oltha vero qui antiquitus Alutas fuit, non Transylvaniae modo, cuius partem ab adversis montibus descendens rigat: sed Moldaviae & Transalping minora flumina in orientem reflexus ad Nicopolim in Danubium rapit. Omnium vero amplissimus Tyras, qui ab indigenis vocatur Nester, ab Aquilone Moldaviam terminat: ortus enim est Carpatho Sarmatiae monte, & recta in Euxinum contendens, Russiae, Podoliae, & Tartariae demum fines attingit. Tenere autem has regiones antiquitus Roxolani, Arpij, & Tauroscythae, ita Moldavia ad Pontum usque protenditur, tantumque orae maritimae ad orientem intercipit, quantum ab ultimo Istri ostio, quod antiquis Lithostomum fuit, a Tyra profluente relinquitur. In hoc litoris tractu Moncastrum insigne oppidum, in vestigio Harmonacti antiquae urbis conditum, Ottomannis parer, Moldavo multis ante annis ademptum, quum Turcarum arma ad expugnandum Theodosiam, quae Cassa dicitur, in Tauricam penetrassent. Sed pro Moncastro, quod vel ob id amissum videretur: quoniam a Christianis Dracula stetit, Matthias Rex, ut eius Draculae fidem volunta-

temque redimeret, Cizoum Cechillam oppida dono dedit. Ea sunt in extrema Transylvaniae parte, qua per saltum Moldaviae iungitur. Sed in Petro proferendi imperii libido ingens his omnino finibus minimè terminatur. Cum Sarmatis in Podolia repentinis incursionibus bellum gerit, quum id totum quod intra Tyram & Hierasum Moldaviae inseritur, sue ditionis esse contendat, quin & Transylvaniae quoque animum adiecit, quum Ioanne & Ferdinando dimicantibus, in contrariaque studia diductis proceribus, Pannoniae regnum alternante Fortuna iactaretur. Confugerat Ioannes ad Sigismundum Sarmatiae regem Ferdinandi armis Buda pulsus, & desertus ab Hungaris, quibus natura mos est insitus cum Fortuna fidem mutare, quod nihil inde eorum modo utile sit, arbitrentur, nec rerum suarum consilia in spem longinquam, sed ad praesentis commodi casus expediant. Ita Petrus Perenus, Valentinusque Thuracus, praecipui Ioannis duces ad victorem transferant, & ut externo Regi operam fidemque probarent, oppida Transylvaniae, quae Ioannis praesidio tenebantur, circumductis copiis expugnabant. Sed Moldavus, scedum id facinus praeventente Fortuna, inexpectatus hostis in Transylvaniam irrupit, utpote qui Cizovio Cechillaeque timendum putaret: quae oppida ab Vladislao, Ludovicoque regibus repetita atque oppugnata meminerat. Ferdinandum quoque Germaniae copiis & Caroli fractis opibus fretum, longè maximum, sibi què obiter metuendum, Pannoniae regem futurum existimabat: vel ob id maximè, quod Solymanus Persici belli cogitationibus occupatus, nequaquam grave bellum pro Christiano rege suscepturus esse videretur. His de causis Moldavus Austriacos, oppida passim expugnantes, non longè à Braxovio in Barzae campis adortus tumultuario atque improvise pugnae genere profligavit, & quo maior & clarior victoria redderetur, omnibus etiam tormentis exuit. Nec mora Ioannes ea hostium clade magnopere laetatus, per legatos inexpectati atque ideo summi beneficii Moldavo gratias agit, postulatque magnis precibus atque promissis, ut sibi ad repetendum regnum adesse velit. At ille successu rerum seipso ferocior, nequaquam alieno commodo victoria utendum ratus, invadendae Transylvaniae consilium capit, confusus maximè tormentis de hoste captis: nam aeneis atque muralibus antea caruerat, quum exilibus & ferreis rudi què artificio fabricatis uteretur, quae circa oram Ponticam navigantibus extorta, aut parvo empti pretio comparasset. Primo itaque impetu Vestrictim insigne oppidum occupatum est, atque eodem terrore pagi aliquot in potestatem sunt redacti: postremo ij omnes qui irrumpenti denegato commentu hostiles animos ostendissent, gravibus affecti incommodis infesti victoris vim atque saevitiam senserunt. His extemplo cognitis Ioannes ditionis suae iniurias deprecatur, id nisi incæpto abstat, Solymanum iniquo animo laturum ostendit: sibi què demum reddi Vestrictim postulat, sed id quidem humaniter. Neque enim tum gravius succensendum existimabat, ne ferocis importuniq; hominis vim iniquissimo rerum suarum tempore acrius exagitaret. Ad ea autem ingenio suo utens Moldavus amicè quidem respondere, prolixè admodum adventus sui causas referre, & quo demum periculo pro aliena salute atque potentia conflixerit iactanter enarrare. Postremo dicere se eius animi non esse, ut cuiquæ vel insigne beneficium oblectari velit: verum à regia dignitate minimè alienū arbitrari, si Ioannes in victoriae præmiū beneficiq; memoriam

riam id oppidum ab se manu captum, Cizovioque propinquum condonaret, vel ipsius Solymani exemplo, cuius liberalitate Pannoniæ regnum accepit. Sed paucos demum post dies Moldavus, sive quod supra spem ea expeditione profecisset, vel quod Solymani nomen in ea causa offendere vereretur, ab acta ingenti omnis pecoris præda in Valacchiam rediit, conversusque demum in Sarmatas, qua cum gente de finibus, uti supra diximus, sæpissime dimicabat, Pochutiam vastabundus percurrit. Ea est regio inter Hierussam & Tyram ultra Chamenetium Podoliæ emporium, in ulteriore Poloniæ ditionis ripa, contra Zuhannam Tyræ impositum. Neque enim veteres termini, de quibus ambigere exercendo arma, quam ex æquo & iure disceptare, atque odium pati Moldavi maluit, Cheronio vado finiuntur. id enim locus est ad Hierassiamnis traiectum longè facilimus: nec Sarmatæ adversus improvisum hostem numerofo equitatu & tormentorum cuncta quatientem consistere audebant, priusquam suorum auxilia supervenirent: sed adventu demum Ioannis Tharnovii, qui prætorianas cataphractorum alas adduxerat ad Obertinum castellum se cōglobarunt. Erat Tharnovius militaris disciplinæ peritia, & consilij gravitate antiquis ducibus exæquandus. Moscos enim ad arcem Starodubam ingenti prælio superarat, sæpeque Tartarorum irruptiones felicivictoria vindicatis iniurijs represserat. Is in temeritate hostis victoriæ spem reponens, perpetuo carrorum munimento castra vallaverat, magnaque timoris simulatione suos continebat. Tum verò Moldavus, qui pugnae avidus tum tota mole copiarum advolarat, ostentare aciem, pugnam ciere, exprobrare imbelles animos, & circum munitiones magno clamore edito decurrere: postremo quum nemo in aciem prodiret, prolatis tormentis munimenta castrorum verberare atque prosternere. At Tharnovius, qui aliquandiu singulari patientia, ut in contemptum deveniret, militum ardorem monendo obtestandoque represserat, ubi videt currus maioribus globis diffringi, indeque perturbari ordines vallo proximos, gravique fremitu a tota acie, ne inulta ac ignobili morte cadendum foret, prælium deposci, confestim ab hostium temeritate suorumque periculo erumpendi consilium capit: constanti atque lætissimo vultu insignes quosque equites nominatim atque signiferos adhortatur, ut acerrimo impetu in latrones, suo more contra vim fuga uti solitos, erumpant, maximè conferti pugnent, intentisque mucronibus inermia pectora perfodiant. Erant circiter septem milia equitum, quorum maior numerus fulgentibus armis protectus visebatur, in tres omnino acies distincta, totidemque castrorum obversa portis, ita signo dato Decumana porta panditur prima acies, in quam dux moris hostium peritus non temerè pugnacissimum quemque contulerat, in Moldavos erumpit: magna editur cædes, totisque agminibus tumultuatur. neque enim insolentes Barbari tantæ virtutis facinus Sarmatas ausuros crediderant: sed mox adcurrente & cohortante Petro universa Valacchorum multitudo circumfusa in perrumpentes Sarmatas convertitur. Nec occasione deest Tharnovius: à dextro enim lævoque latere castrorum duabus ad apertis repente portis, instructas ad id secundam & tertiam acies in latera hostium inducit: ita Moldavi inermes à cataphractis triplici certamine distracti circumventique in medio conciduntur, & in fugam vertuntur, sequentibusque peropportunè equitum victoriam peditum cohortibus, universa tormenta capiuntur. Petrus ipse, qui acerrimè dimicando totam penè pri-

mam aciem oppreſſerat, cum globo delectorum equitum ſeſe è manibus hoſtium eripiẽs ſuſcepto vulnere profugit. Eo prælio Valacchorum quatuor millia cecidere : nobiles verò notique duces ſupra quadraginta capti, in quibz fuere Clogoffetes conſilij & ſcrini magiſter, atque item familiæ præfectus, & pari nobilitate ac forma iuvenis pocillator, quorum deſiderio & cladis & vulneris magnopere dolorem intenderat. Hos omnes & tormenta circiter quadraginta octo, in quibz Ferdinandi Regis gentilitia inſignia eri incifa viſebantur, Tharnovius ad Sigismundum regem Cracoviam perduxit, cuiusque pugnae atque acti triumphii ſimilitudinẽ egregiè depictam ad memoriam poſteritatis in templo dedicavit. Exinde Petrus tanto accepto incommodo, animi ſiſque præſertim Auſtrianis tormentis, quibus ſubnixus ſe formidandum ſinitimis oſtendarat, aliquandiu conqueſcere eſt viſus : ita tamen ut Moldavi à latrocinijs nihil ceſſarent, nec à Tranſylvanis, vel iſſis quoque Tranſalpinis ſuggentis ſinibus abſtinerent: ſed antiquo recentique odio Poloni infeſti, in eandem Pocchutiam incurrendo prædandoque indomita arma ſæpius exercerent. Quibus de cauſis Sigismundus, ne ſemper adverſus repentinas, diverſasque vagantium incurſiones iuſtus exercitus magno & inutili ſumptu cogendus foret, invadendæ atque delendæ penitus inquietæ gentis conſilium ſuſcepit. Nihil tamen prius conandum ratus, quàm Solymani animum exploraret, quod Petrus Vylacchiq; omnes in clientela Turcarum eſſent, quorum amicitia atque præſidijs tuti viderentur, Byzantium legatos miſit, qui quotidianas propè adverſum ſe Petri & Moldavorum iniurias deferrent, ac antiqua limitum documenta literis & picturis oſtenderent, peterentque demum ut ſibi liceret amicitia incolumi ſalviſque foederibus immanium latronum iniurias vindicare : ſe nuper ea tantum poena, quam iſſi nefaria ac ob id inſoliti temeritate ad Oberrinum contraxiſſent, contentum fuiſſe, quum Poloni facile perſequendo, ac in intima Moldaviæ penetrando, proſtigatos cum ſcelerato principe ad internicionem delere potuiſſent. Ad ea Solymanus reſpondit Ottomanici moris eſſe clientes ſuos, qui probè imperio & dicto audientes ſint, ab externa iniuria conſtanter tueri: eoſdem porro ſi humani iuris obliſcantur, arroganterque delinquant, graviter punire. Propterea Sigismundum hunc ab ſe fidelis amicitiae fructum relaturum, ut nullo ſuo cuni labore atque periculo hoſtem, qui vel toties humaniter caſtigatus furere non deſineret, merita poena mulctatum videat. Oderat enim Petrum Solymanus, uti violentum, indomitoque ingenio ubi arma valerent cuncta perturbantem : utpote qui Gritum ab eo abrupta fide deceptum atque obtruncatum, inſontesque demum eius liberos in Moldavia crudeliſſimè necatos meminifſet: ſed nec tributum quotannis pendi ſolitum ab eo Byzantium mittebatur : cuius officij nomen adeo arroganter contemnebat, ut quum nulla ambiguae libertatis ſigna forti regulo præferenda prædicaret, ſe bellica virtute immunem factum profiteretur. Stephanus quoque per id tempus Petri Germanus frater, tanquam imperij æmulus ſuperbè domo expulſus, detectis multis ſcleribus, in- viſum antea fratris nomen apud Turcas infame reddiderat. Nec multo poſt Solymanus cum ingentibus copijs è Thracia proſectus, Iſtro ponte iuncto iuxta Peucem in Valacchiam pervafit : cuius adventu territus Moldavus, quod viribus eſſet impar, & à ſuis defereretur, cum paucis per nemora & ſolitudines in fugam ſe coniecit. In arce ſiquidem Zuchuae, quam numerat

obſidionem

obsidionem veritus, se continere, aut in campis cocto equitatu consistere minime ausus, errando fallendoque insecutos hostes, in Transylvaniam cursum intendebat, quum Transalpinus imperio accitus in id bellum a latere incumberet, & armata Polonorum manus in finibus spectaretur, diffusaque Turcarum agmina vndique perurgerent, & ad Ponticam oram appulsa hostium classis naualis effugij facultatem eriperet. Itaque diu circumeundo, quum magna aliquot flumina incomparabilis equi virtute foeliciter transisset, ad Aluiam amnem, tum maxime imbris inflatum, saevis vorticibus natandis equi vires superantem, peruenit. Erat usque adeo lassitudine, inedia, doloreque perditarum rerum & foede mortis metu consternatus, ut mergi fluctibus mallet, quam ab infenso fratre, vel a Turcis ad supplicium capi: sed haec animo volutanti non defuit Fortuna extremis mortalium casibus illudere solita: oblatus enim est piscator Transylvanus, qui forte admota naucula ripam subierat: ab eo siquidem magnis promissis et precibus impetrauit, ut traiceretur atque eo duce pedibus per syluos notosque tranites Cizouium duceretur. In eam enim arcem cognito Turcarum aduentu uxorem et paruos liberos carioremque suppellectilem, ut quantutissime seruariantur, paulo ante praemiserat. At Solymanus ubi Petrum ex certis fugae vestigijs per auias solitudines euadentem Valacchia finibus excessisse fama comperit, Moldauos in fidem recipit, eos omni timore liberat, Stephanumque Petri fratrem Moldaviae regem constituit: sed quum ad veteris tributi summam nihil adderetur, certam agri partem adimit, quae Moncastro proxima videbatur: atque his confectis rebus in Thraciam reuertitur. Interea rex Ioannes ad Solymani motum excitus, cum triginta millibus equitum in Transylvaniam peruenit: in speciem quidem, ut studium suum ostenderet, tanquam in id bellum vires suas additurus, sed occulto consilio, ut provinciae fines tueretur: nam magnopere timendum putabat, ne Turcae per simulationem petendae Moldaviae reflexo cursu in Transylvaniam penetrarent. Secundum enim eam pacem, quum cum Ferdinando rege secretis conditionibus initam fuisse docuimus, quod legatus Laschus priuato dolori nimium indulgens Byzantij cuncta prodidisset, usque adeo se iniusum suspectumque apud Solymanum fuisse meminerat, ut cum multis legationibus eius facti suspicionem aigre diluisse videretur, vix multa largitione apud purpuratos gratiae nomen sustentaret. Itaque ea sollicitudine liberatus, ubi Petrum desertum a suis, ac exutum regno in Cizouium confugisse didicit, ad obsidendum eum festinatus aduenisse tempus, quo veteres iniurias vlcisceretur, gratisque inde operam Solymano praestaret, & Stephani quoque animum eo beneficio promerendum arbitraretur. Pro inconstanti enim & turbulento alterum fratrem noua imperij Fortuna contentum, ac in tutela Solymani quiescentem, regno finitimum exoptabat. Duravit obsidio supra quatuor menses, suppettebantque obsessis alimenta, idemque animus nullis fractus incommodis Petro aderat, ut ad supremas spes usque fortiter obduraret. Sed non eadem erat constantia in defensoribus: non erant partim Transylvani, partim Moldau, qui ex uxoris comitatu in oppidi custodia remanserant: facileque dissentiebant, quum non vna omnium persistendi causa videretur. Rex namque omnibus extrema supplicia denunciarat, nisi postquam effugia perpetuis stationibus circumsepta conspicerent, ut iam vndique desperatis auxilijs, triduo ad certam

veniam se victos deditioe faterentur, ea res in Moldauo contumaces spiritus fregit. Itaque vir acutus, eorum more qui ex ipsa necessitate periculi habile ingenium ad prudentiam flectunt, prius quam suorum dissensio in apertam cruentamque seditionem erumperet, maturandum ratus, liberali facta deditioe portas aperuit: id tantum praefatus, ideo se ipsum vxoremque & oppidum fortunasque omnes dedere, quod planè sciret, Ioannem regio prorsus animo, aliquanto facilius iniuriam obliuisci, quam vilius beneficij memoriam deponere consueſſe. Proinde se tantam spem nequaquam temere desumpsisse, ut planè consideret sibi misero apud eum, qui in persimili calamitate aliquando miser fuisset, humanitatis & clementiae locum minime defuturum. 10 Ioannes hominem complexus consolatusque bono animo esse iussit, confirmavitque data fide se Cizouio contentum fore: quod oppidum uti Pannonicae ditionis superiores reges reperissent: ceterum arcis possessionem apud ipsum vxoremque vno tantum mutato praesidio permanſuram, in qua tuti ab iniuria, certique salutis meliorem rerum euentum expectarent. At Stephanus ubi fratrem deditum in potestate Ioannis esse didicit, per legatos Solymanum orat, ut Petrum sibi tradi imperet: eo enim viuo Moldauiam nunquam dicto parentem, nunquam pacatam, nunquam externo aut intestino bello vacuum fore. Nec mora Solymani literis frequentibusque nuncijs deponitur. Ioannes ius & æquum datae fidei proponit, negat se tantum sceleris admissurum, ut miseri sponteque dediti salutem prodar: id autem Solymani imperio cui parendum esse fateretur, se daturum, ut Petrus: quo omnis amittendi regni metus Stephano demeretur, tam diu quam Solymanus veller, in eadem custodia permaneret. Postremo quum seuerioribus literis repeteretur, quod iam purpurati ea cunctatione lædi maiestatem existimarent, medium, ac ob id Petro admodum salutare consilium sumpsit, rescribens, se Petrum non captiui more, sed legati nomine Byzantium cum insigni comitatu transmissurum, ut eorum obiecta crimina diluat, et si fas sit, veniam quoque impetret: modo Solymanus à magnitudine animi erga prostratum, seque imprimis religione datae fidei obstrictum, non incertam clementiae & lenitatis spem praebcat. 20 Non discessit ab humanitate Solymanus, utpote qui seruandae fidei necessitudinem honestissimo excusationis nomine apud regem vel tacitus probaret, nobilemque illum expetitum magnis regibus, sed raro oblatum à Fortuna clementiae laudis fructum decerpere cuperet. Itaque non obscura significatione confirmatis amborum animis, Petrus suis opibus studioque Ioannis exornatus Byzantium mittitur: commendatus praeceteris purpuratis Lophitibeio, cui ampliora dona detulerat, ut praepotentem ex aula patronum sibi in dicenda causa compararet. Dedit & gemellos vniones superbi piri magnitudinem adæquantes, qui ex Grittea praeda fuisse dicebantur, ut his pro inauribus Solymani filia Rostani desponsata in nuptijs ornaretur. His sibi 40 conciliatis, ubi admissus est, adeo luculenter causam dixit, ut quum susceptorum a se bellorum causas atque successus, ærarij inopiam, Gritti causam, fratris & procerum dolos, ac antiqua iura finium cum Polonis enarrasset, veniamque supplex petisset, indigne mulctatus a Fortuna videretur. erat enim eius viri excellens bello virtus, quanquam ingentibus vitijs atque sceleribus æquaretur, militaribus Turcarum animis ad admirationem spectata grataque, usque adeo ut purpurati vel nulla largitione corrupti virum fortem tantis illustrem

illustrem casibus, neque impotenti Fortunæ invictum animum conceden-
 tem, omnino defensori crederentur. Verum Solymanus suspensio iudicio ne-
 que damnavit reum, neque penitus absolvit, ne Ioannis nomen abruptæ fidei
 contumelia sugillaret, vel ipse parum sceleribus infensus abiectâ severitate vi-
 deretur. Itaque Moldavus in Peram Ligurum coloniam est relegatus; bene-
 ficio quidem ingenti, quum ibi nequaquam obversantibus Turcis ad lenien-
 dum exilij dolorem alendamque spem recuperandi regni, cum Christianis ho-
 minibus versaretur. Erant ei præter numerosam familiam plures Hungari
 comites liberaliter instructi. Græci quoque quibus cum religionis ritus erat
 10 communis, & mercatores Italici, Turcæque item, ut epulando vinum pota-
 rent, domum eius frequentabant, ita ut vir ille comitate cunctis obviis, prin-
 cipalis aulæ speciem referret. Nec diu voto eius Fortuna defuit: Stephanum e-
 nim avarius ac iniquius quàm putassent regnantem populares obtruncât. Fit
 magnus in Moldavia tumultus, quum sublato Rege multitudinis studia in
 Petrum verterentur, & contra nobilitas ei vehementer infensa, quemcunque
 alium præferendum putaret: nequaquam temerè meritis pœnas pertime-
 scens, si iratus & sævus ab exilio vocaretur. Sed Boiæres, qui sunt ex ordine o-
 primatum, ipsa populi multitudine auctoritate, atque opibus potentiores a-
 dolescentem Moldavum nomine Alexem regis stirpis, qui diu in Podolia i-
 20 nops exularat, celeriter evocant, principem constituunt, in Zucavaque regia
 appositis præsidij confirmant. Hæc ubi Byzanti nuntiata sunt, Petrus ani-
 mos attollit, purpuratos novis muneribus aggreditur, prehensat omnes: sed
 in Luphthibeio recuperandi regni summam spem reponit. Interim Molda-
 vorum legati à Boiæribus instructi Byzantium perveniunt, postulantes ut
 Alexes regis sanguinis, uti omnium expetitus votis & publico consensu rex
 acclamatus, postquam Stephanum fata sustulerint, Solymani liberalitate con-
 firmetur. Tum verò Petrus purpuratos obsecrare, ut nihil de pseudoregulo
 eminenti regiam stirpem temerè crederent, illius nomen & genus antea in-
 cognitum testari, idque inductum commento & malignitate Boiærum dicti-
 30 tare, ut ipse avita regni sede per summam iniuriam excludatur. His de cau-
 sis Moldavi minus æquis auribus auditi sunt: vel ob id, quod nequaquam
 modestè & reverenter in deligendo creandoque Rege properantes Soly-
 mani liberalitatem atque iudicium prævenissent. Itaque legati continuo ad
 suos domum perscribunt, angustas omnino spes sibi ostendi, ut quicquam
 pro Alexe impetrari posse credant: præoccupatas enim esse purpuratorum
 voluntates occultis magnisque muneribus, commovereque sese vehemen-
 ter Petrum, atque contendere ut per Turcas reducat. Proinde sibi diffici-
 les aditus præberi, frigidaque ab omnibus & plena pudendæ dilationis respon-
 sa reddi. His cognitis Boiæres, ut tyrannum veluti non dubiam cladem ipsis
 40 allaturum novis consilijs regno penitus excludant, legatos dissimulato ha-
 bitu ad Carolum Cæsarem, Ferdinandumque regem mittunt, qui doceant quo
 in statu periculoque Moldavi novi principis res sint, peditum auxilia implo-
 rent. Ea si impetrentur, Moldavos icto fœdere promittant Christianorum
 regum socios, & Turcici nominis perpetuos hostes futuros. Rem autem præ-
 sentis necessitatis in eo occasionis momento verti, ut si decem millia peditum
 submittantur, ipsi cum quadraginta millibus equitum omnem vel maximi
 Turcarum exercitus impetum sustinere audeant. Sed Ferdinandus fratre

Cæsare peragendis conuentibus occupato, quòd multas longum id iter difficultates habere videretur, nec conducendo militi pecunia suppetere, ei negotio, quod maximè liberalis officij celeritatem exigere videbatur, adesse non potuit. Cæterum ea legatio, quæ diu celari non poterat, per speculatores Byzanti nunciata vsque adeo in Petrum Turcarum studia accendit, ut Solymanus supplicem ac adiutum purpuratorum precibus, clientemque se & denique fidelem seruum Ottomannici nominis iureiurando profiterem in gratiam receperit. Nec multo post Himbrachor stabuli magister, dignitate & virtute bellica illustris, qui Petrum regis ornatum insignibus in Moldauiam reduceret, est delectus: paucisque inde diebus coæto exercitu ad Danu-¹⁰ bium ponte iungendum contendit. Tum vero Boiæres metu perculsi, quum desperatis Christianorum auxilijs multitudinem consternatam, & magnopere Turcarum arma formidantem conspicerent, summo concepto scelere obruncandi Alexis consilium desumunt: neque enim antiquæ rebellioris noxam, nisi immani aliquo perfidiæ facinore deleri posse iudicabant. Nunquam enim accidit, ut mortalium animus scelere semel occupatus, quum in præsentis periculo timor ingruit, facile vel inusitati sceleris infamiam contemnat. Ita infontis ac intempestiui principis coniuratorum concursu patratur cædes, accumulataque feritate iacenti caput deciditur, ut Boiæres veluti expiata vetere perfidia atrocem aduersum se tyranni animum eo cru-²⁰ ento munere mitigarent. Arrisit Petrus exoptata dona ferentibus, placati-que animi speciem præbuit, quum diligentiam maturati beneficii simulata oratione laudasset: utpote qui sæui vltorisque animi decretum recondere vellet, donec abiret Himbrachor. Is egregia omnium voluntate passim receptus, Petro Zuchauia regis in sede constituto, acceptisque muneribus, in Thraciam rediit. Nec mora Boiæres circiter viginti detegente odium tyranno, alius alia de causa comprehenduntur, & securi percutiuntur: non ini-³⁰ quo quidem iure, vel ob id supplicio damnati, quòd veterem iniuriam apud tyranni animum recenti beneficio pensari posse existimarint. Hæc sunt quæ de Valacchia, vno scribendi tractu sub vnum aspectum prodenda censuimus, nihil in hoc temporum seriem rebus gestis adæquantes, ne maiora bella quæ imminet, concisa in partes, & variè passim intermixta, quod maximè fugiendum videtur, confuso planè ordine, ac ob id dissipato historiæ lumine referantur. Hisdem fermè diebus quibus Röchandolphus ad Budam cum Turcis Budensibusque Hungaris bellum gerebat, & Solymanus aduentare dicebatur, Carolus Cæsar Ratisponæ conuentum dissoluit, confestimque magnis itineribus in Italiam est profectus. Is autem Germanorum con-⁴⁰ uentus, qui Christianæ religionis commodo ad sanandas Lutheranorum mentes indictus fuerat, hunc habuit exitum, ut postulante Cæsare, Germani proceres & liberæ ciuitates decreta persciberent, quibus Guillelmus Cleuensis regulus, quòd neglecta Augusti imperij auctoritate Gheldrensis principatus hæreditatem adisset, hostis iudicaretur: contra vero Carolus Sabaudius, qui Gallorum armis regno exciderat, publico totius Germaniæ consensu sumptuque, ut iam receptus in clientelam, reduceretur, seuerissimoque obiter edicto caueretur, ne quisquam Germanici nominis miles Gollorum stipendia mereret: fratri vero ad Budam cum Turcis rebellibusque Hungaris bellum continuum alenti auxilia præberentur. Hæc ut facilius impetrari possent.

possent, Carolus totas eas conceptę hæresis opiniones Luthearnis nihil pñ, sanique consilij ad animos admittentibus condonavit, ita ut cunctis, quæ velent de divinis rebus & placitis, impunè sentirent, donec indicto celebratoq; sacrorum antistitum concilio omnis oborti erroris controversia supremis disputationibus tolleretur. Id autem Cæsar, ut intra biennium fieret, cum Paulo summo Pontifice curaturum promittebat, ita ut vel abnuente Contareno legato, concilio locum in ipsa Germania delecturus esse crederetur, vel exitiali præiudicio Pontificiæ authoritatis, damnoque Gallicarum nationum, quæ salutem ac libertatem inimicæ gentis arbitrio commissuræ minimè viderentur. Propterea Cæsar discessurus e Germania obnixè postularat à Pontifice, ut sibi in Italiam venienti ac in Africam traiekturo, ad Lucam occurrere vellet, quod mutuis colloquijs deliberando, de tota ratione consilij statuendum esse videretur. Erant qui dicerent, eò verti consilia Cæsar, ut consilij nomine, quo sacri imperij dignitas in discrimen vocaretur, Paulo Pontifici non ambiguum terrorem incuteret, atque ideo sollicitum in officio ac amicitia, quam arctissimè contineret, & Germani obiter, sive concilium cupèrent, sive ex conscientia neglectæ perturbatæque religionis iuris & æqui iudicium formidarent, præclarè admonerentur, totius negotij summam ipsius arbitrio atque sententia contineri. Nec Paulus eius colloqui aut loci conditionem abnuerat, pristinæ suæ pietatis & constantiæ tenorem secutus, utpote qui semper antea consilij censuram ultrò deposcere, neutrumque se & sincera utrinque fide medium inter dimicantes Reges profiteri consuevisset. Non defuere Germani proceres gliscente fama de adventu Solymanni, Rochandulphi que secordia, qui discedentis Cæsar, nomen tam falsè quam improbè lacerarent: qua in re Philippus Lantgravius ironico lepore multus erat, ut qui non temerè Cæsarem oderat, neque Romani imperij Fortunam ex æquo antea virtuti egregiæ expositam, dignissimis proceribus exclusis in Austriæ domus hæreditatem concessisse pateretur: dixisse enim eum in convivio ferebant, Carolum mirè fortem ac impavidum imperatorem videri, qui tanta esset animi magnitudine, ut Turcas quanquam multos uti inermes imperitosque militia faciliè contemneret, & nobilioris victorię triumphum in transmarina provincia quærendum arbitraretur, dum Solymanno Ferdinandus frater obfisteret, cuius tam expedita & vehemens virtus, & tam paratæ facultates forent, ut in Austria domo uno tempore geminata victoria parari posse censeretur. Alij porro apertius ac indignantius dictitabant, neque constantem, neque strenuum imperatorem videri, qui urgenti à fronte nobilissimo ac infensissimo hosti terga daret, patrimoniumque Barbarorum incendijs expositum, atque inde fratrem accepta clade perterritum, impiè fœdeque defereret, ut de immanis piratæ spadone servo victoria levis in terra Africa quæreretur. Nihil enim profici, vel ad ipsius laudem, vel ad Germaniæ salutem ac dignitatem, si quum Itatorum ac Hispanorum cohortes accersendæ in Noricum forent, e Norico detractæ Germanorum legiones in Africam ducerentur. Cæsar enim Hispaniæ precibus adductus expeditionem susceperat, adversus Asanagam Tunetano bello illustrem, qui Algerij cum imperio à Barbarissa fuerat relictus. Apud eum prædones Turcæ coibant, Hispaniæ que litora prædabantur, tanto oræ maritimæ damno metuque, ut Hispani à Gadibus ad Pyreneos montes dispositis in ora speculis atque præsidijs ad incertos ca-

sus excubare sublata naviigatione cogerentur. Propterea Cæsar classem parau-
 rat, cohortesque in Italia, Sicilia, ac Hispania conscripserat, totusque
 animo in Africam ferebatur, utpote qui antea Solymantum minime ventu-
 rum putasset, & satis virium ad expugnandam Budam in Rochandulphi
 diligentia & foelicitate fratris positum arbitraretur. Fuere qui existima-
 rent, Cæsarem constantiæ suæ ac innatæ virtutis nunquam oblitum, eos tum
 aduersos de se rumores, aliquo certè cū pudore, sed insigni patientia contemp-
 sisse, quum vir eximiè prudens neque salutem, neque existimationem suam
 Turcico bello implicandam putaret, in quo veræ dignitatis ex interlic co-
 natu iacturam facturus esse videretur, si temere ac importunè consistere, &
 vanitate pugnacis animi potius quàm certa virium fiducia inductus congru-
 di vellet cum eo hoste, qui immensis copijs ac opibus subnixus vel totius
 annatæ Germaniæ impetum multitudine equitatus esset elusus. Consilia
 enim cogendi magni exercitus, qui victoriæ spem præferret, tempus ipsum,
 & maturatus Ratisponensis conciliij exitus excludebant: quando nec de-
 creta pecuniâ, nec expediti commeatus, nec satis explicatæ procerum vo-
 luntates forent, vsque adeo ut non incertum esset aliquos ab impio luore
 calamitate potius quàm Cæsaris victoriæ gauisuros: verum multo grauiori
 cura Cæsar angebatur, ne si in Pannonia nequaquam pari spe vultus,
 & metu incommodi occupatus hæreret, Galli arrepta occasione Cuiaspi-
 nam Galliam inuaderent, quum interceptis legatis inducias violatas esse
 quererentur, ac in alijs demum Italiæ partibus bellum erumperet, cuius
 enata iam semina spectabantur. Nam per eos dies Ludouicus a Bononia,
 Armeæ familiæ iuuenis, turbido ingenio vel ancipitem nominis famam
 quærens, apud Senenses multa vsus largitione egerat, ut consilio male sana de-
 prauataque moribus ciuitas, ad Gallos à Cæsare deficeret: sed fluxa eorum
 fide, qui dum muneribus explerentur defectionis initium se facturos pro-
 miserant, belle proditus in potestatem Hispanorum deuenerat. Contendens
 in Italiam Cæsar in Tridentinis Alpibus Octauium Farnesium, miræ indolis
 adolescentem adscitum sibi generum cum insigni comitatu obuium habuit,
 moxq; ad Athesium Alfonsum Vastium qui Insubrum nobilitatem insigniar-
 morum cultu exornatam, ac item delectos ex Hispanis veteranos adduxerat, ut
 comitatus è Germania per se exiguus, intentusq; itineri, ea illustri auctus fre-
 quentia dignus Cæsare spectaretur. Affuit properanti supra Veronam insig-
 nis legatio Venetorum, præbitaq; sunt præter gratuitos commeatus, munera
 magnis hospitibus in itinere dari solita, nihilque inde Cæsar Cremonæ Lau-
 dæque Pompeiæ commoratus, Mediolanum contendit, exceptusque est incre-
 dibili studio ciuitatis, nec leui quoque sumptu reliquarum vrbiū, quum ni-
 hil augustius & opulentiū in ornamenta triumphalis pompæ excogitari præ-
 stariue potuisset, tegerenturq; obiter coloratis velis vniuersæ regiones, quibus
 à Romana porta ad templum maximum, & in veterem Vicecomitum prin-
 cipum curiam, tanto hospite parem, sub vmbella aurea duceretur: sed ipse atra
 in penula vilique pileolo spectari voluit, multis lugubrem habitum admiranti-
 bus, quum scæminarum & plebis curiosa simplicitas pictam ex auro trabeam
 & fulgentem gemmis in Cæsaris capite coronam expectaret. Nec dis-
 similis animi habitus in graui parūque hilari eius oculo notabatur, ita ut cla-
 dem, quæ

dem, quæ pridie accepta ad Budam fuerat, prælagire videretur. Reuocauit tamen eum à feueris cogitationibus Maria Aragonia ipsius Vastij vxor; cunctas ætatis suæ fœminas excellentis formæ, præclaræque virtutis, & fauentis Fortunæ muneribus antecedens: nam quum sæpe antea illustrem pudicitie famam fœlici fœcunditate nobilitasset, tum fortè marem pepererat. Huic summi honoris causa Cæsar, quum sacro fonte lauaretur, humaniter præstito Christianæ pietatis officio adesse voluit, eumque de nomine Carolum appellauit. Ita vt mox comiter in ea festa hilaritate nobiles matronas ad tibiarum modulos saltantes spectaret. Aduenere demum legati singularum ciuitatum, menstrui tributio nera peracerbè afflictis populis imposita deprecantes: sed eas preces vel iustis querelis suppliciter additas ita audiit, vt parum clementer in aliud tempus reñceret, triduoque post nullam indulgentiæ spem, sed eundem & quidem ab ipsa remedij desperatione grauiorem miseris gemitum relinquens, Genuam contendit, vbi ex Ferdinandi fratris literis de Germanorum clade; Turcarumque victoria, & Solymani aduentu certius cognouit: quo nuncio adducti Vastius atque Auria dictis sententijs suadebant, vt petendæ Africæ consilia in verum tempus differret, & cum his quas conscripssisset Italicis cohortibus & Germanorum legione quam adduxerat, in Italia moraretur, vt inde ad opem fratri ferendam deterrendosque Barbaros; reuersuri speciem præberet, tuereturque interim Italiam aduersus Gallos, quos nulli omnino occasione defuturos prospicerent, si aliquod forte incommodum, aut vi Pœnorum, aut iniuria tempestatis acciperetur. Nihilo secius Cæsar stabili proposito constantiæ nomen vel magno discrimine retinendum ratus, in Africam abnuente etiam Fortuna transtretare constituit, vt Turcas in Pannonia bellum gerentes contempsisse potius quàm timuisse videretur. conuersus enim ad eos qui in consilio erant, magna, inquit, ratione, vt in Italia permaneam suadetis, sed multo maiore arbitror in Africam contendendum: nam si substitero, è Germania certè reformidatis Turcis diffugisse videbor, cuius admissi dedecoris opinio tolli non poterit, nisi susceptis innixi consilijs exoluendo promissis fidem, & maturè trahendo, iudicij atque animi nostri famam bono euentui commendemus. Fortunam enim, quæ nos terra deserit, per fluctus fortiter audendo experiri lubet: quum Algerium multis de causis, priusquam maria hybernis aquilonibus claudantur, expugnari facile possit: cuius voti si me Dii compotem fecerint, contemnemus certè Gallorum minas, atque his profectò clasibus & copijs, quibus stipendia graui sumptu persoluta videtis, si temere sese commouerint, vltro eorum audaciam retundemus. Interea Paulus Pontifex ab Roma æstuoso itinere Cassiam emensus viam Lucam peruenit; improbantibus medicis, quod lethale foret, nisi pleno imbre infractis caloribus ab Urbano cœlo discesisset. Sed is vel exactæ etatis senex, certo semper ingenij vigore, & temperata ob idque fœlici vitæ disciplina, ita fallebat annos, vt cuncta ætatis pericula quæ publicam salutem includerent facile contemneret. Quid enim mihi vita opus est, sæpe dicebat, nisi vt hæc suprema officia, quæ vnâ omnino sacri nominis personam respiciunt, cadenti reipublicæ optima fide persoluamus? quandoquidem diuinis ita monemur fatis, vt pietati & voto pu-

blico vel morte ipsa satisfacere, quàm infami desidia vitæ cupiditatem extendere malimus. Quòd si insanire principes pergant, & magnus Deus à salute Christiani populi penitus auersus susceptis votis adesse nolit, natura quidem vel in otio, vel in labore non intempestiuum vitæ finem afferre poterit, præclari certè studiij perpetuæque voluntatis honestam famam nulla vis inuidiæ nobis eripiet. Nonnulli quoque senatores euntem retentare conabantur, imprimisque Francisci regis legati, qui in nullam spem pacis ituro, postquam ab ea Cæsar auersus obduraret, non modò valetudinis in commodum, sed parum etiam synceræ equitatis calumniam imminere differebant, quoniam timerent, ne Cæsar honestissima petitione in belli Punici sumptum pecuniam impetraret, quæ demum occulto consilij exitu ad excidium Narbonensis Gallie verteretur. Magnorum enim principum congressus atque colloquia absentibus semper suspecta, in alienamque perniciem verti occulta conspiratione existimantur. Propterea Franciscus, ne se incauto atque imprudente Prouinciam admota classe repentinus hostis inuaderet, ad Masiliam & ad Rhodani pontes legionarios Gallicæ disciplinæ pedites, & veteranas equitum alas vt præsidio forent maturare iusserat. Sed Paulus vt frustra aliàs ad Niceam recrudescencia pereuntis reipublicæ vulnera omnino Cæsari detegenda, indicandæque vitia serpentis pestis existimabat, vt vno concordiae remedio sanarentur, ac præclerè Dñs ac hominibus testatum foret, neque ardens studium, neque vehementes preces, neque in summe vitæ contemptu diligentiam in optimo sacrorum principe defuisse. Ea quoque de causa vt ire pergeret magis ac magis accendebatur, quòd suboritur erat inter Franciscum & Cæsarem noua simultas, veluti inducjs Rinconis atque Fregosij cæde violatis, veterisque odij flamma, compressa aliquandiu induciarum fide, in multo atrocius quàm antea belli incendium exarsura credebatur. Egerat per aliquot annos Byzantijs Antonius Rinco Francisci regis legatus apud Solymanum, vt sæpe diximus, remissusque a Barbaro paucis antè mensibus in Galliam ad regem peruenerat, comitante cum ala equitum Cæsare Fregosio, ne per Bergomatium fines & Volturæ nam vallem, ad Curiam Rhætiarum transeunti a Cæsarianis insidijs tenderentur. Cæterum acceptis nouis mandatis à Rege, quæ ad confirmandam amicitiam pertinebant, rediturus Byzantium, superatis Pœninis Alpibus in agrum Taurinum inter præsidia Gallorum descenderat, vt inde se Venetias proriperet, ac demum tutissima nauigatione in Epirum adueheretur. Placebat Rinconi per se obeso, & fortè ceruice ac humeris exstillicidio laboranti, vt iactatio vitaretur, duobus nauigijs secundo Pado deuchi, frustra improbante Fregosio, qui vel in publica induciarum fide cum regij commodi, tum priuatæ salutis rationem Hispanorum ingenijs minimè committendam ratus, per easdem vel asperas Rhætorum Alpes reuerti aut certè noctu pernicibus equis Placentiam peruolare mallet. Sed fatalis illius pertinacia huius prudentiam facile peruicit, vt amborum interitu dirus Christiano nomini casus incideret, quo intestinis affecta malis respublica, nihil iam non ausuris in perniciè nostram Barbaris proderetur. Ab Hispanis enim qui per speculatores cognita eorum nauigatione in insidijs terra pariter ac flumine diligenter excubabāt quum, meridie ad Ticini hostiū peruenissent, ab armatis

lintribus

lintribus, qui tecti fronde ex occulta statione repente prodierant, circumuenti iugulatiq; sunt. Perijt cum Fregosio Bonifortius centurio, seruatus autem est Camillus Scffulanus Fregosianæ alæ præfectus, isque cum omnibus nautis ne patratae cædis fama certo indicio vulgaretur, Cremonam deuectus est, & in arce custoditus. Alterum porro nauigium, in quo erant comites cum scrinijs multaue pecunia, occupatis hostibus in aduersam ripam intactum sciliciter euasit, indeque vectores simul, & nautæ terrestri itinere per memoratos calles occultati Placentiam allato rei gestæ nuncio peruenerunt. Cæterum cadauera post duos menses elapsi custodia nautæ, iuxta confluentes

¹⁰ Padum & Ticinum semisepulta, ob idque discerpta feris, & tabe consumpta monstrauere, ita ut Fregosij manus ex antiquo vulnere vno manca digito facile nosceretur, ac augendæ repræsentandæque iniuriæ causa ad Franciscum, ab vxore, quæ casum deplorarat, auulsa cadaueri & loculo condita deferretur. Scio Gallos non inepta suspicione, nequaquam eos statim interfectos putasse, sed prius in quæstione cruciatis, ut arcana legationis tormentis elicerentur: sed de hac subtili coniectura, quum nihil adhuc compertum sit, rem utique dubiam in medio relinquemus. Verum ab eo atroci facinore Alfonso Vastius, qui Cisalpinæ Galliae cum imperio præerat, incredibili inuidia deflagrauit, quod inducias in nouem annos ad summam spem pacis

²⁰ Niceæ indictas, violasse, & contra naturam generosi eius ingenij, inhumana cæde cruentus euasisse videretur: tanquam famæ suæ minime parcendum putarit, modo apud Cæsarem, vel ignobili & criminoso officij genere gratiam mereretur. Sed Vastius eius impolitæ contumeliæ notam vel iure, vel perscriptis, ac ideo publicatis libellis ita diluit, ut id postquam iure cognosci non peterat, vel singulari certamine, si dignitate compar offerretur, diluturus esse crederetur. Cæterum complures Rinconem iure cæsum existimarunt, quod inuidiosissimæ legationis munere suscepto, aduersus Christianum nomen Barbaros concitare, occasionesq; gerendi belli indicatis Cæsaris consilijs demonstrare diceretur. Fregosio autem immerenti vitæ malignitate atq; odio ereptâ di-

³⁰ cerent, quod vir bellicosus & acer, ad Genue totiusq; Liguriæ principatû aspi-raret, vigente adhuc apud populû non ingrata Iani patris memoria, qui Genuensiu princeps extitisset. Itaque Pontifex Lucam venit, præmisitq; Alexandrû Farnesium Cardinalem, qui Cæsarem ad Viæ regiæ stationem triremibus ad-pulsum, venientemque ab octauo lapide exciperet. Ad portam autem affuere Cardinales ac antistites, atq; item ordo Lucensis, qui intrantem sub umbella de-ducerent. Curia prætoria, vbi decuriones sedent, Cæsari data, Pontifex ad anti-

⁴⁰ stitis domos templo maximo coniunctas diuertit. Ter Cæsar ad mutua colloquia Pontificem adiit, ille Cæsarem semel. Introductusq; est Moninius Galliae regis legatus, ad id tum missus, ut quereretur Fregosium atq; Rinconem captos, atq; eos sibi reddi postularet: neq; enim tum interfectos esse constabat. Cæsar ad id, apud se ius induciarum inuiolatum esse inuiolabileq; mansurum respon-dit, quicquid verò illis dissimulato habitu nequaquam nomen profitentibus, dum in Pado nauigarent, præter spem accidisset, iniussu suo & se ignaro penitus accidisse. proinde si admisi facinoris authores indicarent, eos omnino com-prehensurum, et ad supplicij pœnam Gallis traditurum. Res uti in Pado acta erat, per nautas indicata non obscuram habebat coniecturam: neque Paulus

induciarum, quarum ipse ad Niceam author extitisset, disceptator esse poterat. Quoniam de his an starent, vel eo scelere violatae essent, iudicium ferre intempestiui atque omnino ancipitis negotij res fore videretur. Facile demum fuit Pontifici optimis literis ac humanis rebus vehementer erudito, apud Caesarem in tanto praesertim recentique ad Budam accepti vulneris dolore, singulas plagas, quas nobis Barbarus hostis inflixerit enarrasse, ostendisseque pericula, quae affectae ruentique Reipublice de caelo imminerent: postquam infami contumacia ad exitialem insaniam, dum priuatas rationes intestinis armis tuemur, ruina publica oppressi perituri simus. Erant non iniquae pacis conditiones, & Carolo quidem Sabaudio longè gratissimae, quibus Franciscus pro Carolo filio Mediolanense imperium praecipuo Caesaris munere deposcebat, quum inde demum cunctas Galliae facultates, & copias sacro indicto bello collaturum profireretur. Contra Caesar iratus Gallo toties victo actum indomitos spiritus gerenti, quid antiqui & recentis sui iuris, quid denique suae securitatis ac dignitatis foret grauisimè differebat, inuidere proflus Fortunae suae Gallum caeco liuore corruptum, qui perturbare omnia, impedireque victorias solennibus votis pie conceptas, & denique Barbaris ad commune excidium irrupturis viam sternere mallet quàm ipsum pati verè esse Caesarem, Augustoque in Italia imperio potiri: ad quod non ambitiosis armis, sed optimo iure et praecleara atque inopinata quidem haereditate pervenerit. Neque se adeo Italicarum rerum imperium, aut igniarum Gallicae consuetudinis, ut si Mediolano liberaliter decedat, minimè timendum existimet, quin à Gallis noua semper ac immoderata cupientibus reliqua Italiae atque Siciliae imperia protinus inuadantur. Eam enim, inquit, pacem semper optauerim, quae ad honestum decus persequendis Barbaris occasionem aperiat, non quae ad insignis ignominiae nomen intempestiuè liberalem auitis regnis expoliet. Pontifex ubi nihil de pace impetrauit, suadere conatus est, ut quas in Africam copias esset traiecturus, postposita nauigatione Turcis opponeret, ad fratris Austriaeque praesidium, si ea recenti victoria Solymanus vteretur. Sed Caesar fatali innixus consilio in sententia permansit: nihilque magis eo colloquio decretum est, quàm ut concilium, quod perebat Caesar, & Pontifex uti rectè peragi posset exoptabat potius quàm sperabat, in annum sequentem indiceretur. Id verò decretum plerique diuinarum ac humanarum rerum usu periti, & libero voto publica tantum commoda respectantes intempestivae atque praeposterae voluntatis esse iudicabant: quando nihil absurdius videretur, quàm vnum in locum atque consensum totius Christianae professionis antistites euocare, qui de sacris dogmatibus morumque censura constituent, priusquam inter reges positus odijs humanarum rerum controuersiae finiantur. Expetendam enim prius atque parandam pacem, maturae demum salutarem synodum foelici foetura parituram. Propterea non temere veteris seculi patres regesque illustri pietate ad coelestia bona potius quàm terrena ingentibus animis anhelantes, pacem optimam optimae & iustissimae parentem appellauisse, quum tranquillae & securae pacis beneficio coeuntibus regibus plures sublatas haereses infinitaque Reipublicae vulnera concilijs ubique terrarum celebratis, obducta atque sanata meminissent. Quas enim vel odiorum nubes, vel bellorum rempestates, Claramontensis synodi serenitas non disiecit & depulit: quem demum dignitatis amplitudi-

amplitudinis & gloriæ prouentum Christiano nomini non attulit? Sed cum in sacrosancto Pontifice summa vigeat authoritas, religiosa populorum omnium veneratione conciliata, corroborataque maximorum regum obsequiis, ac ardentibus studiis: ita ut illi Gottifredum ad Hierosolymas sacra vadentem via subsecuti, verè Christiani Heroes, Federicus Anobarbus imperator, Ludouicus Galliarum, Richardus Angliarum, & ante eos Boemundus Apuliæ reges, milleque alij reguli magnitudine animi maximis pares, auita regna facile contempserint, de iure suo decesserint, lites & grauissimas ultro simultates Reipublicæ condonarint, quæsitæ scilicet pacis laudem odiorum libidini tactis religionis animis præferentes. Quoniam haud dubius in cælum aditus mirifica pietate, & decora bellicæ virtutis monumenta æternis eorum nominibus pararentur. Sed illi non ideo ad Niceam, de Turcis, de Persis ad Antiochiam, & de Saracenis ac de Ægyptijs ad Hierosolymas Christiana trophæa defixerunt, ut cum summo dedecore, pudoreque huius seculi, successoribus suis dementiam, impietatem, atque secordiam exprobrarent: quando ab illis gloriöse parata, & iam pridem scædæ amissa recuperari posse diffidimus, nec iam in tanta nostra desidia, tantoque Barbarorum audaciæ successu, a uersis à pietate atque concordia omnium animis, patrimonia, aras, & penates satis alacriter tueamur. Cæterum Pontifex, Deum maximum diuosque omnes de more, ut nauiganti Cæsari sceleratè aspirarent, suppliciter precatus, quum Octauium Farnesium ad ponendum militiæ rudimentum in soceris Cæsaris contubernio, studiij sui atque beneuolentiæ obsidem collocasset, per Pistorienses montes Bononiam contendit, atque inde per Æmiliam atque Flaminiam modicis itineribus in Urbem est reuersus. Interea Cæsar Italicis cohortibus, quas Camillus Columna, & Augustinus Spinula subitario delectu conscripserant, atque item sex millibus Germanorum, quorum duces erant Georgius Ratisponensis, et Baro Seisnecus natalium claritate nobilior, in oneratis naues distributis, è Lunensi portu soluit, cum triginta quinque rostratis nauibus, edixitque magnorum nauium magistris, ut ad Baleares insulas cursum intenderent. Sed in altum prouectas quum oborta tempestas in conspectum Corsicæ detulisset, atque ita disiecisset, ut per biduum aberrarent, Cæsar mitioribus demum ventis in Syracusanum portum, quem hodie ab oppido præcisæ rupi imposito Bonifacium vocant, classem intulit. Id oppidum in extrema parte insulæ Sardonio freto imminet, despectatque Sardiniam modico traiectu in austrum exporrectam. Collectis demum nauibus & pacato mari ad Hypsitanas aquas flumine Thyrsu portuque & Algarensi noua vrbe nobiles prouectus est. Eo quo appulit die, bicipitem vitulum agrestis mulier Cæsari dono obtulit, auersantibus cunctis id monstri omen, postquam in primo cursu venti instabiles ostentatæ serenitatis fidem improbe fefellerant. Inde quoque quum Baleares peterent, alteram ab Africo subiit procellam, prima quidem labore atque periculo sæuiorem, quum fractis quorundam antennis velisque discriptis per aduersus fluctus longa vehementique remigum defatigatione in minoris insulæ portum, Barchini Magonis nomine celebrem, contendissent. Ab hac demum Cæsar in maiorem Bailearem tota classe traiecit, singulari affectus lætitia, quod Ferdinandus Gonzaga, Siciliæ præfectus, per opportunè cum Siculis triremibus onerariisque Italicis centum quinquaginta nauibus appulerat: is nautici præsertim panis &

reliqui commeatus ingentem copiam, vel longo bello suffecturam attulerat. Expectabatur autem ab Hispania cum sua classe Mendocius, sed ille Cōri flatibus coactus, quum imperatæ nauigationis cursum tenere nequiuisset, vltimi consilij propositum ad tempestatis occasionem flectens sc̄lici compendio Algerium rectā contenderat. Ita Cæsar diligentia Mendoc̄i nihil diffusus, ratusquē id omnino euenisse quod acciderat, hortante Auria secundo vento vela dedit, biduique nauigatione Algerium peruenit. Quum appropinquaret clas̄is, admirabilique ordine expansa atque directā in conspectu hostium constitisset, duæ prædonum biremes, quæ ab oriente Algerium petebant, à promontorio oram legentes imprudenter in sinum delatæ sunt. Earum maiorem Viscontes Cicada trierarchus rostratæ suæ nauis ictu demersit, altera veloci remigio incitata intra portus molem incolumis euasit. Mendocianæ interim triremes promontorium Apollinis, quod hodi Casineum vocatur, superantes, magna lætitiæ significatione displosis omnibus tormentis Cæsarem salutarunt, et subsequenter Hispanicam classem non procul abesse nunciarunt. In ea erant Cantabricæ Belgicæque naues magnæ supra centum, sed multo plures lenunculi, quos Hispani Scarzapinos vocant. Sustulerant autem præter peditum cohortes, magnum equitum numerum ex totius Hispaniæ iuuentute: nam plerique nobiles, neque conscripti, neque nominatim euocati, sed priuato sumptu armis & equis liberaliter instructi, ut Reipublicę operam præstarent, naues summa alacritate conscenderant. His præerat Ferdinandus Toletanus Albæ regulus, non modo sua virtute superioribus bellis inclytus, sed priuato & quidem pernobilī voto perillustis. ingenti namque pietate magnitudinēque animi exc̄tus, Garcie patris mortem vltum ire properabat: hunc enim in Mœnice insula ad Gerapolim, contra Pœnos occubuisse docuimus. ceterum hæc omnia nauigia velis agebantur, neque ex malacia promontorium superebant. Iam enim venti summa serenitate inuecta perflare desierant, sed à recenti tempestate mare commotum & vehementer adhuc fluctuosum ita planis litoribus allidebat, ut nullo pacto exponi milites in siccum possent, nisi vmbilicotenus marinis vndis abluerentur, quo incommodo milites affici nolebat Cæsar, ne per se tædio maris atque nausea confectos repentinis ac audacibus Barbaris etiā madidos atque rigentes obijceret, & Hispanos quoque duabus de causis expectandos iudicabat, ut vniuersis admotis copijs cum maiore vī tum maiore etiam spe victoriæ oppidum inuaderet, & communicare integram reigerendæ laudem Hispanis vellet, quorum precibus studioque & insigni liberalitate adductus bellum suscepisset: sed ea vel bidui tantum fatali mora, quanquam recta atque honesta ratione duceretur, non exploratam modo victoriam interpellauit, verum ingenti nostrorum incommodo sæuituræ Fortunæ occasionem aperuit. Interea Cæsar idoneum hominem ad Asanagam cum mandatis misit. Is significatione facta parit̄que à Mauris reddita (excusso enim linteolo fiebat, ut colloquendi causa in portum tuto descendi posset) humaniter admissus postulauit, ut oppidum vi & fraude ab Horuccio occupatum, & demum ab Hariadeno Barbarussis fratribus ad perniciem humani generis communitum, ex templo dederet Carolo Cæsari terrarum domino, qui immanium prædonum vltor aduenisset. Id si faceret, & Turcis abeunde quod vellent, & Mauris incolis incolumi omnium Fortuna, suis lagibus viuendi potestatem

testatem fore: ipsum porro ingentia bello paceque præmia laturum, mudo se
 in Sardinia natum, & sacro ablutum baptismate meminisset. Pulcherrimam
 enim offerri occasionem, quæ ad veri numinis cultum redire, maximique o-
 biter imperatoris fidem & liberalitatem complecti posset: ut de crudeli tyran-
 no exactæ virilitatis iniuriam vindicaret. Quod si cunctandum, & vim tanti
 apparatus expectandam arbitraretur, inclusos proculdubio eundem pertina-
 cæ exitum luros, quem funesto exemplo ad Tunetum pertulissent. Ad ea
 Asanagas respondit, insanum omnino sibi eum videri, qui oblata ab hoste con-
 silia sequeretur: interrogavitq; renidenti ore, quanam fiducia adductus Cæsar,
 10 oppidum expugnare posse confideret, quum ille extemplo hoc, digito osten-
 dens classem, quem videtis, tormentorum apparatu, veteranorumque pedi-
 tum ac equitum virtute respondisset: & nos quoque in risum effusus subiecit
 Asanagas, pari præsidio atque artificio mœnia defendemus, ut locum binis
 iam vestris cladibus nobilem, nova Cæsaris calamitate clarissimum reddamus.
 Erat enim vulgatum Algerij anum grandævam magicis artibus & mirabili
 vaticinio maximè celebrem, quæ antea Didaci Verræ & Vgonis Moncatæ
 naufragia & clades prædixisset, Algerianis publicè dixisse, ita ut oraculo tem-
 pus præscriberet, quo Christianus imperator oppugnare oppidum ausus, ab
 infelici conatu, magnam terræ & mari calamitatem esset aditurus. Eius
 20 autem vaticinij famam in spem secundi eventus confirmandæ multitudini
 opportunam, ita aiebat ac excitabat Asanagas, quanquam magicas vanitates
 astuto militarique ingenio non admitteret, ut non iam erigere suorum ani-
 mos: sed nostrorum quoq; mentes, quum se importuoso in litore in hyemem
 coniectos perspicerent, terrere videretur. Erant in præsidio Turcæ tantum o-
 stringenti, sed magna ex parte equites, summæ spei summiq; roboris manus.
 a paucos enim Asanagas erat redactus. nam multi viri fortes Mendociana,
 ut diximus, navali pugna perierant: multi cum Draguthe archipyrata, ab Au-
 rianis in Corsica capti fuerant: deleverant & aliquot eorum navigia varijs in
 locis Rhodiæ, Neapolitanæ, Siculæque triremes: sed multo plures etiam desi-
 30 derabantur, qui tum fortè ipsius permissu aberant, & apud Sciriphum inte-
 rioris Mauritaniæ regem religionis authoritate ac armorum gloria floren-
 tem, adversus Lusitanos ad Athlanticum Oceanum militabant. Reliqua
 multitudo vix quinque millium numerum implere ferebatur. Constabat au-
 tem partim ex Mauris indigenis, partim e Granata Bathicæ oriundis: acce-
 debant & multi e Balearibus insulis, qui superioribus temporibus cœpta re-
 bellione ob idque pœnam timentes ad Mahometanos ritus confugissent. Sed
 Numidarum duces magnum equitum & peditum numerum effecerant, qui
 extra urbem vagi patentibus in locis noctu ac interdiu lacescentes nostrorum
 agmina perturbarent. Hos diligenter Asanagas proposita mercede missis
 40 que muneribus ad optimæ spem prædæ suopte ingenio nobis insensos e pro-
 ximis regionibus evocarat. Neque cuiquam vel parvos liberos vel uxores ex
 oppido in tutiora loca & remotas arces educere, aut ulla omnino signa timo-
 ris dare liberum fuit, indicta scilicet supplicij pœna, si quis animo consterna-
 tus, parum alacrem in periculo ostendisset vultum, aut minus virilis consi-
 lii vocem edidisset. Cæsar per Auriam exploratis litoribus ab occidentali par-
 te, quæ frequentibus scopulis erat incommoda, & superioris naufragij recor-
 datione infaulta videbatur, ad tutiorem ab Oriente stationem classem appli-

cuit: eo ad descensum ordine constituto, ut sexaginta rostratae onerarias subeundo demittentes se milites exciperent, exceptosque statim scaphis, acriusque naviculis imponent, à quibus in litus continuo deferrentur. Tanta autem fuit in obeundo munere omnium diligentia expeditaque celeritas, ut quum insilientium multitudini plures scaphae, inter se alacriter officijs certantes, abunde suppetere, peditatus omnis, nihil praeter arma ferre iussus, momento temporis in litus descenderit. Caesar quiete & cibo recreatis militibus tres acies numero militum pares instituit: erant enim praeter equites, & evocatos, ac officio & voluntate auctoritatem atque fortunam Caesaris secutos, circiter viginti millia descriptorum peditum: singulis autem aciebus ter-
na currulia tormenta ad deterrendos procurfantes Numidas attribuit: progressusque inde aliquot stadia non procul ab oppido consedit loco tuto atque opportuno: nam castra ea ratione locata erant, ut binis utrinque fossis naturam munirentur, quas delapsi iugis torrentes, sicuti repentinae aquae fert impetus, adeo profundè excavarant, ut subter exesis defractisque marginibus, neque equiti, neque pediti commodus nisi per pontem transitus daretur: ad levam porro ita assurgebat collis, ut e ductis in verticem tormentis interiora oppidi aedificia dirui atque infestari posse viderentur. Algerium olim Iubae regia, uti alio loco diximus, à Romanis Caesarea Iulia vocata, in tergo asperos & excelsos habet montes: directa autem muri fronte ad septentrio-
nem mari alluitur. Insula verò parva, arce nuper insignis, eam Hispani Pinonem vocant, obiecta oppido portum efficit, sed neque tutum à Borea, neque multarum navium capacem, quanquam Barbarussa, uti alibi meminimus, erepta Hispanis arce atque ea diruta ad insulam egregio conatu molem adiecerit, ut continenti iungeretur, quum translatis in id opus è classe Christianis remigibus ingentes lapides è Tipasae ruinis asportasset. Ceterum oppidi moenia sensim e ducta in colles ad meridiem: ita molli flexu cuneantur, ut erecti trianguli faciem procul ostendant. in summo enim fastigio propugnaculum inductae calcis albo conspicuum ad parvae arcis & speculae similitudinem exurgit: privata autem introrsus aedificia, quum à planiore iuxta li-
tus regione sensim recedant, in montem veluti extenduntur, decenti vel ob id serie, quod supra tecta singularum aedium alienis extantibus fenestris subiecta maria despectantur. Curvatur autem litus lunato flexu ab oppido ad promontorium Matafusium, in quo antiquae urbis Tipasae, quondam à Romanis Caesaribus Latij iure donatae, extantes adhuc reliquiae visuntur. Toto autem eo tractu oblonga, sed angusta planicies extenditur. nam ubi à litore aliquot stadiis recesseris, sensim enascentes tumuli desinentem planiciem excipiunt. inde enim tota regio innumeris collibus intumescit, absceditque sensim augente natura in altissimos montes, qui longa serie oppidum à tergo praecingunt. Vltiora ad Numidas pertinent, qui more suo divagantes
translatis armentis atque mapalibus non infertiles agros, concessis ad annuam quietem glebae inducijs foeliciter arant, & multo pecore, quo uno summae eorum opes censentur, herbidi soli campos depascunt. Caesar tribus per nationes distinctis castris, ab oriente oppidum complexus, in maximam spem veniebat expugnandi oppidi, quod sibi ad eam partem tormenta producere, atque acriter oppugnare statuenti classem magno usui futuram iudicabat, quum è triremibus, summisque malis atque carchesijs magnarum navium
propu-

propugnantium hostium latera ex obliquo tormentis peti posse prospiceret: murus enim per acclivia perpetuo collis dorso erectus, uno extructo aggere, sicuti planis in locis opportunè fieri videmus, neque protegi, neque defendi poterat. Hispani sub præaltis montibus editiora loca tenuerunt, circa medios colles Germani iuxta prætorium confedere: Itali autem planioribus locis ad mare, acideo portæ oppidi magis propinquis. Interim dum tormentorum apparatus administrante Petro Cova, qui ei negotio cum imperio præerat, navibus educitur, & equi per trochleas moliendo suspensi, demissi quæ funibus exponuntur. Numidæ in summis montibus supra Hispanos magno clamore edito se ostenderant, omni telorum genere desuper subiectos facile ferientes: notis enim montium tramitibus se demittebant undique veloces & repentini, sed more gentis procul lacecendo potius quàm cominus urgendo pugnam ciebant, quibus præliolis toto integro die ad noctem usque certatum est, nullo quidem periculo, sed longa Hispanorum defatigatione, nam inductis etiam tenebris Barbari, alij alijs succedentes, neque a loco, quem infederant, neque ab instituta iaculandi consuetudine discesserunt. Vbi enim excitati ignes viscebantur, in eas continuo partes magna vis telorum, lapidum quæ præsertim modo grandinis effundebatur: cui incommodo nostri extinctis repente ignibus occurrebant, silentio expectantes lucem, ut tandem collato pede certaretur. Ita sub exortum Solis cohortante Alvaro Sandedo castrorum magistro Hispani vel per ardua atque impedita fortiter enitentes deiectis, pulsisque Numidis montium vertices occuparunt, nactique pastores casae, ad quas in speciem munitionis se reciperent, conglobati constiterant. Eo die tanta confluit Numidarum multitudo, ut nostri penè circumventi, quum duas acies fecissent, in orbem pugnare cogerentur. Sed Siciliensium cohortium virtute Numidarum audacia premebatur: hastati enim fulgentibus galeis atque thoracibus muniti, iacula facile contemnebant, & sclopetarii a lateribus insultantes, plumbeis emissis glandibus avertebant. Numidæ pedites è iuventute deliguntur, seminudi, promissa cæsarie, nihil præter iacula gestantes, equitibus se permiscunt, atque ita mutuo consilij præsidio rem gerunt, tanta quæ pedum velocitate congressus nostrorum devitant, ut à statarijs non facile vulnerarentur. Equitum vero prælongas & præfixo utriusque ferro ancipites lanceas, ad aversos etiam ictus arte mirabili quassantium ea erat agilitas, ut nemo nostrorum acie excederet, quin statim interceptus lethali cuspide figeretur, scutis ad effigiem cordis è corio oblongis & levibus sese atque equum in occursum receptum quæ usque adeo habiles protegunt, ut exiguo summi periculi præmio ad condictum proposito, septena iacula intorquenti se offerant, singula quæ vel hastæ celeri commotione detorqueant, vel scuto in obliquum exporrecto certissime declinent. Interea dum Numidæ in noctem usque ex omnibus locis decurrendo ante castra volitarent, & cuncta apud nostros, quæ bellica ratione institui explorari quæ poterant, egregie provisæ viderentur, fortuna Christiano nomini multo quàm unquam antea gravior ac infestior spes Cæsaris interruptit. Ipso siquidem tormenta, equos, commeatus, ac impedimenta exercitus expectante, imber à prima statim vigilia maxime gelidus ac procellosus adeo intempestive & graviter est effusus, ut quum tota nocte nihil remitteret, totus exercitus ingenti accepto incommodo perfunderetur, turbulentissima quæ obiter tempestas mari repens

tè orta, classē iactatam immensis fluctibus compulsamque vehementer vectorum turbine, miserabilis naufragij periculo in litus adigeret. Excubabant extra castrorum fossam, quam lapideo ponte iunctam diximus, tres Italicae cohortes, quas Camillus Columna medijs ferme spatijs ab oppido & ponte inter acclives tumulos ficus arbusculis consitos ita collocarat, ut sensim per ardua collium extensis manipulis ad Germanos usque pertinerent. Eæ quum densissimæ pluviae, sævique frigoris iniuriam tolerantes integram noctem in statione perstitissent, tot malis usque adeo confectæ sunt, ut nec afflictis corporibus animos, nec corpora languentibus animis sustinerent. neq; enim vel stare, vel humi procumbere facultas dabatur: quum eius soli plana pariter atque ardua præalto & lubrico cæno, quod ad suras usque impressa vestigia devoraret aut eluderet, impedita tenerentur. In has cohortes in albescente cæno Turcæ equites, Maurique pedites intermixti, qui summa vigilantia nostras stationes observabant, intellecta occasione celeriter eruperunt, tantaque vi undique magno clamore edito sagittis, iaculis, & multo maxime lapidibus adorti sunt, ut quum iam à pluvia extinctis funiculorum ignibus lagunculis, sulphurei pulveris madefactis sclopettorum usus penitus esset ereptus, pauci hastati ingruentium impetum sustinerent, & reliqui omnes in fugam vertentur. Sed consistere ausos ab longa utique vigilia ac inedia semivivos, algoreque trementes Turcæ celeriter obruncarunt, interfectoque signifero Cæliae cohortis, vexilloque discerpto, fugientium tergis institerunt, tanta audacia persequendo cædendoque, ut quum trepidos in castra compellerent, nonnulli hostium fossam superarint, ad tabernaculaque pervenerint. ex his præferocem Maurum cominus congressum Lucius Romanus quanquam succiatus fortiter interfecit. Ex auditu fugientium tumultu Camillus à Caesare missus protinus eò devolarat, conglobatasque aliquot cohortes ultra pontem in hostes eduxerat, Barbarique iam confirmatis nostrorum animis repulsi atque impetum remittentes, veri aut certe simulati timoris & tumultuarii receptus signa dabant: quum Ferdinandus Gonzaga, cuius prima secundum Caesarem in exercitu erat authoritas, iratus cohortibus loco pulsus supervenit, cohortatusque viros fortes, ut fugæ dedecus nobili conatu diluerent, in hostes impetum facere atque acriter persequendo intra portas compellere iussit: id verò Columna nisi magno cum periculo fieri posse testabatur: sed Gonzaga generosi ardoris plenus vel iniqua sorte, gravique periculo ignominiam Italicae omnino demendam existimabat, irrumpendi in oppidum occasionem dari posseratus, si coniunctis in fugam Barbaris intermixti tutique ob id à tormentis ad portam incitato cursu convolarent. Nec mora cohortes duce Augustino Spinula magna alacritate, magnoque impetu hostes invadunt, in fugam concitant, cædendoque terga intra portam compellunt, tanta viceleritateque ut nostri obductas repente valvas in porta contingerent, & multi hostium exclusi, notis itineribus ad averfam portam, & in montes elaberentur. Tum verò Barbari ex ipsa muri corona in temerè progressos omnis generis tela & tum maxime lapides iacere, sauciare, sternere, terrereque clamoribus, & illi qui extrinsecus refugerant ad pugnam reverti: porro qui portam clauserant, rursus erumpere, & hærentes nostros aut se recipientes adoriri. Neque Italici, quum calentibus animis advenissent, vigoris constantia deerat, si tutam ad receptum viam Fortuna reliquisset: multis enim obruti strati-

stratiq̃ue tormentis, uti in ipso conatu spe deceptis facile accidit, consilij inopes, ora atque animos in fugam verterunt, non confertis quidem: sed per diversos calles dissipatis agminibus. Erant enim tyrones collectitij generis subitario delectu festinante Cæsare in unum coacti, ita ut milites inter se ignoti essent, nec in una legione à quoquam alienæ cohortis centuriones atque signiferi noscerentur. Ita peropportunè erumpens Asanagas, qui ex oris habitu cultuq̃ue regio facile nosci poterat, immisis Turcarum turmis & Mauris peditibus nostros in fugam præcipites egit, uni ferè omnium Rhodij equites, qui sub navali vexillo pedibus pugnabant, egregiè repugnando per sinuosas convalles constantissimè se receperunt, amisso signifero atque aliquot fortissimis viris, qui punicea in veste candida cruce prætexta galeati toracatiq̃ue in postremo agmine constiterant, sed persequentium Barbarorum vim ac insolentiam paucorum veteranorum mirifica virtus retardavit. In his fuere cum ipso Spinula Franciscus Balneus nobilissimè stirpis è togata Gallia cohortium præfectus, Titus item Amerinus, & M. Antonius Porretanus, qui ad ligneum pontem (is non longè à porta distabat) intrepidè consistentes excepta thoracibus iacula in hostes remittendo, hastisque maioribus provectos & inermes fodiendo aliquot acceptis illatisque vulneribus spatium fugæ, & ob id multis salutem pepererunt, sed ea erat inæqualis & lutulenti loci diversitas inter cavas vias & tumulos ad mare declives, ut Barbari regionis usu periti, undique validè ac intemperanter urgerent, intermixtiq̃ue nostris, & à suis interclusi, ubiq̃ue tumultuosissimo & nostris iniquissimo pugnae genere versarentur. Erant Barbari cum numero peditum & telorū genere, tum locorum notitia opportunitateq̃ue pluviae & tanto casu obortæ tempestatis, ac ipsa denique Fortuna nostris superiores, quum sclopettarijs, in quibus ad non dubiam hostium perniciem certa spes victoriæ posita videbatur, ab imbre displodendi facultas esset erepta, & pedites Mauri balistis arcuferreis, more iam apud nostros exoleto, veruta vel loricatis lethalia, & arcubus frequentes sagittas intorquerent, pavoreq̃ue & cursu pariter exanimati nostri pedites ab insultante Turcarum equitatu sternerentur. Eo modo nostri qui ab initio audacius procurrerant, quum novissimi agminis in receptu facti essent, cædente terga hoste, quinque stadiorum iter ignobili cadentes morte cadaveribus compleverunt, atque hi ante alios qui ad mare ex fuga deflexerant. ibi enim à Numidis, qui conspecto classis naufragio ad prædam devolarant, circumventi trucidatiq̃ue sunt. Sed prima nostrorum agmina tanta trepidatione ad lapideum pontem, & ad castra fugam intenderant, ut nemo ducum in tanta & repentina rerum iniquitate publicæ salutis & militaris consilij rationem perturbato animo retineret, & Dñs iratis cuncta ad summam cladem terra marique uno tempore deleta crederentur. Verum ipse unus omnium Cæsar adversus omnem urgentis Fortunæ contumeliam invictus & intrepidus, sibi atque alijs eo die summus imperator fuit: quum perditis prope rebus opem ferens, opportunissimo tempore cum Germanorum legione decurrisset, præmissis è legione tribus vexillis, quibus fuga sisteretur, & castra certo recentiq̃ue præsidio ultra pontem firmarentur: sed tantus fugientium animos pavor occuparat, tantusq̃ue erat incumbentium Turcarum impetus, ut Germani non temerè aliàs terga hosti dare soliti, tanquam linteata capita formidantes, neque aspectum oculis, neque arma hostium firmis pectoribus susti-

nerent, sed continuo cœdē conversi eodem fugientium agmine raperentur. Tum vero Cæsar provectus equo districtum tenens gladium & fugam increpitans, phalangem promovit, oreque maximè celso ac impavido, Germanica utens lingua: Quando, inquit, commilitones insultanti hosti frontem ostendetis, si quum in vestigio pro dignitate Christiani nominis, Germanicæque gentis gloria, & pro salute omnium sit dimicandum, præsentē Cæsare, paucosne & inconditos inermesque Barbaros timetis? Nec mora quum hæc diceret, ad non dubij pudoris motum exorto alacri fremitu, indignabunda legio, quod ad præstandam operam cohortatione indigere videretur, sese contra hostes effudit. Eius adventu permoti Barbari, & quod iam nobilium ducum virtute Italica acies planè restituta spectabatur, subsistere pedemque resistere cœperunt: seu veriti tormenta curulia impressionemque nostrorum, seu se satis eruptione profecisse iudicantes, quum ad summā consecuti belli victoriam, horribili tempestate quassatam classē perire conspicerent, & multi, Maurique, præsertim, ad spem certioris prædæ, ubi nullum omnino periculum ab hoste foret, ad subiecta litora properarent. Inusitata enim & planè fatali diversorum ventorum coniuratione, ad ciendam atrocissimam tempestatem, usque adeo mare commotum intumuerat, & totis litoribus immani fluctuum repercussu frangebatur, ut iactatæ naves nutantibus malis atque inter se proris adversis ac puppibus fervente æstu concurrentes, anchorarios funes & quosque validos rudentes abrumperent, collisæque demum atque diffractæ spectante exercitu mergerentur. Eundem quoque tempestatis casum tulere Hispaniæ naves, & ad unum Scarzapini omnes, quæ Calsineum superare nequiverant. Ita ut totum id litus ab occasu ad Cercellum usque oppidum, quod paucis ante annis Andreæ Aurie infelici conatu nostris cognitum à Turcisque possessum suo loco diximus, eiectarum navium fragmentis ac hominum & equorum cadaveribus sterneretur. Numidæ enim alij atque alij pariter e montibus inspecta nostræ classis calamitate celeriter se demiserant, neque inermibus eiectitijs neque fœminis parcentes, secus ac Cercellani Turcæ, qui enatantes vel avarè, vel humaniter ad servitutem conservare, quam interficere malebant. Periēre paucissimis horis circiter centum & quadraginta navigia, quæ sine remigio quadratis velis agerentur. Rostratæ porro quum à media fermè nocte in multam diem pertinaci remigum contentione & magistrorum diligentia in anchoris perstitissent, neque diutius tempestatis iniurias ferre possent, obruique timerent, iacturam trirēmis facere ac sese in litus remis & velis vehementer incitare minimè dubitabant. Sed enatantes à Numidico equitatu totis discurrente litoribus, semivivi & frustra se dedentes in ipso salutis limine cædebantur. In his Lazarus Amareus è Genua nobilis trierarchus est interfectus, videreque erat omnis generis liberos oblata servitute servis remigibus Barbaris salutem cum fletu commendantes, ut illorum qui modo conversa Fortunæ conditione catenas ad transstrare liquerant, & ad libertatem exultanter enatabant, significatione & vocibus à Numidarum sævitia tegerentur. Eratque spectaculum diversis casibus valde atrocis & ubique maximè funestum, quum quisque pro animi habitu, natandique peritia in ipso certæ cladis ancipiti metu, dum genus mortis præoptat aut refugit, vel merfus undis, vel hostili lancea transfixus, ad suum omnino vitam finem destinante fato raperetur. Nemo tamen erat, qui non maximè cædem & vulne-

vulnera perhorreret, navisque discrimen, & tempestatis eventum expectare, quam prævenire vitæ exitum mallet. Eo modo facile accidebat, ut ea immanis hostium sævitia, uti vehementer reformidata nautis atque vectoribus, multas triremes, quæ ad naufragium decreto atque incitatione paventium litus appetebant, aliquandiu conservaret. Sed postquam rostrata insignis, qua Ianetinus Auria vehebatur, uti maxime propinqua litori cohærentiumque triminium pulsata ictibus propelli ac arenis impingi conspecta est, non sustinuit Cæsar, ut spectatæ virtutis juvenis, & præfectura multarum triminum clarus, nullo ferente opem in oculis ipsius avunculi Aurigæ Barbaris trucidatus interiret, statimque Antonium Aragonium cum tribus Italicorum cohortibus ad litus misit, quarum adventu coniectis in fugam Numidis ille quidem ita servatus est, ut eius salutem aliquot triminium iactura sequeretur: multi enim Numidarum timore liberati, consiliique præsidio, ut se quoque maris periculo & tot tempestatis incommodis expedirent, proras in litus intulerunt, ac nisi aliquot intrepidi navarchi damni dolore ad acerbitatem & contumaciam ingenia vertentes, districtis gladiis per foros discurrendo & mortem comminando, nisi remos inhiberent & se continerent, vectores & remiges deruissent, maxima pars rostratarum exemplo superiorum omnino deperisset. Ipse Auria non tam sibi quam Cæsari iratus, qui disciplinæ navalis rationem & certos inclinantes autumnii dies, navigantium observatione prædamnatos neglexisse videretur, incredibili animo contra tempestatem indomitus permansit, suadentiumque preces, ut se conservaret, adeo fortiter reiecit, ut eos acerrimis verbis tanquam publicæ salutis proditores ad imam carinam descendere iuberet. Pari quoque perseverantia Virginii Ursini Anguillarij quatuor triremes, totidemque Rhodiæ earum æmulatione, vincente metum pudore, & Siculæ aliquod ac Neapolitanæ atque Hispanicæ cuncta tempestatis incommoda foeliciter pertulerunt. Eo casu quindecim omnino triremes desideratæ sunt, quarum detrimento supra tot navium onerariarum naufragia, etiam tum sæviente ventorum rabie, tantus cum luctu dolor, tantaque rerum desperatio, in valde lugubri supremæ cladis expectatione, totum exercitum occupavit, ut nedum tyrones & milites de sua tantum vita solliciti, sed longe fortissimi duces de publica salute cogitantes animos desponderent. Nunquam enim ab ulla annalium memoria ullas bello copias graviore calamitatum concursu, vel seipsa sævior Fortuna perculerat: quum cibarijs omnibus eo triduo consumptis, nullus quo tantisper in ediam ferrent, commeatus adesset, tabernaculaque deessent, quibus in tanta perpetui imbris iniuria, & lutulentæ regionis tœditate ad quietem laborare, inedia, frigore, vulneribus, confecti milites tegerentur, in tantisque demum incommodis ingens cura & præterito metu quidem acerbior, omnium mentes magnopere conturbarat, reputatione immanis naufragij, quum tot amissis navibus exoptatus in patriam reditus, in terram Africam proiectis & miseris, fato Cæsaris interceptus esse crederetur. Afflictorum tamen spes, quas apud mortales nulla sortis iniquitas penitus abrumpit, constantia Cæsaris egregie sustentabat. Ipse enim mirabili alacritate cuncta munia providentiæ militaris ac humanitatis officia cunctis invictus malis, & conspectu maxime serenus adimplevit: nam postquam castra constitutis præsidij atque vigilijs contra obstrepentes Barbaros firmata sunt, defati-

gatis ducibus, imprimisque Albanio in ipso pugnae tumultu magnopere fesso, foedeque madenti, ut sibi parcerent, quietique se darent, imperabat: solabatur faucios, ac in ea tabernacula quae forte substiterant (nam cuncta penè vis ventorum everterat) referri foverique curabat, ut quum sibi ipsi loricato madefactoque non parceret, pleniore cum laude voluntates militum promereri videretur. Desideravit eo die hostili occisos manu milites circiter trecentos. In his cedere praefecti, aut noti centuriones, Ioannes Calaber, Pancratius à Neapoli, Cancinius Ligur, Mirabilis Insuber, & Iacobus Strasoldius è foro Iulio, e numeroque Rhodiorum equestris ordinis Didacus Hispanus, Georgius Arvernus, & Guido Roscius Neapolitanus. Vulnerati autem multo plures ducentis, & in his Sulmonensis princeps Philippus, Caroli Lanoii filius, sub illo sagitta ictus: sed maximum in demersis nautis detrimentum acceptum esse censebatur, quorum iacturam innumerabilia tormenta aenea mari hausta plurimum augebant, & ob id cumulatione damno, quod in potestatem Barbarorum, quum pacatum mare urinantes admitteret, ad publicam perniciem perventura providerent. Nec multo post Andreas Auria, uti erat in praesentendis tempestatibus unicus naturae maris, & coeli, nubiumque spectator, distans loco, ad Matafusium promontorium cum classe se proripuit, quod tutiorem ibi stationem & sine crepidine litora ad consensiones militum commodiora didicerat: commonefacto Caesare, ut illuc terrestri itinere contenderet. Ita Caesar comprobato consilio, ad sublevandam inediam equos & primo quidem iugales ab initio trahendis tormentis ante omnes classe eductos, ac demum militares interfici iussit, cohortibusque divisit. nam ad excitandos ignes ex naufragijs ligna affatim suppetebant, Fortuna veluti uno eo beneficio torum iurias compensante. Postridie Caesar ab Algerio discedens, quum triplicis agmine & aëris atque faucibus in medium receptis, septem millia passuum confecisset, persequente & circumfuso undique Barbarorum equitatu, ad torrentem, quem Punica lingua Alcaraz vocant, pervenit. Is imbribus valde inflatus, retroque ad ostium ventis pariter, ac irati maris fluctibus compulsus tantum excreverat, ut qui paulo ante humilem vel infirmo pediti vadum praebat propter aquae rapiditatem ac altitudinem, nec à valido quidem equite transiretur. Castra itaque eo loco atque ordine necessario posita sunt, ut quum trianguli formam referrent, eius duo latera utrinque mari & flumine: reliquum verò perpetua armatorum statione munirentur, neque enim à mari tanquam à certo ad levam munimento quaerendis humilioribus vadis erat descendendum. Quamobrem multis tranare ausis, cursuque amnis celeriter abreptis, Caesar ex reliquijs navium malos ac antennas passim nactus, subitarij operis pontem perfecit, atque eo non omnino in commodè Italos atque Germanos traduxit: Hispani enim in superioribus locis vix suras adaequantia profluentis vada repererant. Neque postea Turcae, qui insequerentur, conspecti sunt. re-
40 vocarat enim eos Asanagas persequendi & lacessendi negotium Mauris & Numidis relinquens, qui quum iam a sclopettarijs currulibusque tormentis, quae unicuique agmini gentique ad praesidium attributa fuisse diximus, egregie peterentur, in aëros maxime debilitatosque vulneribus à nostris destitutos, atrocissime se viebant. Nulli enim erant, qui inter angustas spes salutis, proprio metu occupati, alienae calamitatis misericordia moverentur. Sequenti porro die, superato alio minore flumine, ita ut milites summa aqua pectoribus extarent,

tarent, tribus tandem castris ad classem est perventum, quæ quam Matalusii promontorii modico flexu tegeretur exercitus omnis in Tipasæ antiquæ urbis ruinis iuxta mare confedit, loco ita opportuno, ut cadentium murorum reliquæ ad admirationem Romanorum operum adhuc extantes, adversus Barbarorum audaciam non inutile munimentum præberent. Iam mare remissioribus fluctibus agebatur, ventique perflare desierant, ac ea erat consecuta tranquillitas, ut exercitus in naves imponi ac in Europam reportari commodè posse videretur. Itaque Cæsar lætis omnibus edixit esse navigandum. eo præscripto ordine, ut primò Itali: deindeque Germani, ac Hispani demum
10 peculiare ipsisque notas naves conscenderent. sed tot navibus naufragio absumptis, quum onerariæ naves tantam militum multitudinem vel angustè collocatam capere minimè posse censerentur, pronunciatum est gubernatoribus, dominisque navium, ut equos ad unum omnes in mare projicerent, quod pietate Cæsaris indignum foret, vel generosos & incomparabiles equos gregiorum militum, aut denique lixarum saluti prætulisse. Ea res procerum dominorumque præsertim animos vehementissimè perstrinxit: non privari enim modo se ad belli usum inestimabili carissimarum rerum instrumento, sed
20 militarium equorum florem, nequaquam supremæ necessitate ultro intercidi, & in reliquum tempus extinctis admissarijs, irreparabilem orbata Hispania, præcellentium equorum sobolem interire prædicabant. Spectabantur itaque cum dolore ac inani misericordia generosi & militares equi toto pelago elatis cervicibus ad proximas quasque naves irrita spe salutis tanquam ad litora tendentes, quum demum longa defatigatione superati, consumpto spiritu mergerentur. Sed vix dum dimidia pars militum conscenderat, quod scapharum inopia vel cupidè properantibus tarditatem attulisset, quum Vulturnus & Eurus, alijque mox venti, in orbem conspirantes, secundam penè primam vehementiorem tempestatem excitarunt. Quo casu nihil expectatis imperijs una quæque navis sublato plena militè, ne in scopulos adigeretur, eò direxit cursum, quò vis ipsa ventorum plenè velis per alta maria rapiebat. Abierè quidem
30 celeriter, è conspectu disiectæ penitus in contrarias regiones, naufragij famam ac penè omnium interitum commemoratione periculi in omnes insulas ac Italiae portus deferentes. Sed nec quæ à multis narrantibus audivi, superata pericula & miserabiles casus, susceptaque pro salute vota in templis deorum immortalium suspensis imaginibus religiosè persoluta narraverim: quum astrictæ brevitatis studio, quo in explicanda gravissimarum rerum veritate in tanto volumine maximè tenemur, legentibus ad ineptam ingenij gloriam amœna diverticula quæsiuisse dispudeat. Eum tamen tempestas habuit eventum, ut aliæ quæ naves iam planè quassatæ, sensimque absorptæ in conspectu aliarum perierint: ex alia autem promptiores scapham occupantes, pereuntium sociorum
40 testamenta supremasque preces ad uxores & propinquos retulerint. Sed mirabilem casum duæ naves Hispanis militibus plenæ subierunt, quum in primo cursu reflantibus ventis ad Algerium detortæ, magnisque rimarum hiatibus integros fluctus admittentes fatali in litore defecissent. Concurrerat ad litus Numidarum equitatus subsequente Maurorum multitudine, ut eiectiones & desertos à fortuna trucidaret. non enim Barbari spontè se dedere paratos, & nihil præter salutem sub fide publica postulantes recipiebant, sed expetito sanguine circumvenire & vulnerare magnopere contendebant. Qua se

ritate atque insolentia permoti Hispani, virilibusque animis indignantes, quod apud Punicam gentem neque iura humanitatis neque militiæ leges valerent, avaritiaque eorum omnis, quæ apud inopes rerum omnium ac egentes summa semper esse consuevit, immani crudelitate vinceretur, arma protinus expederunt, densatoque agmine in orbem pugnantes, ad oppidum contenderunt, usque adeo constanter & fortiter emenso spacio, ut coronam hostium multis illatis vulneribus à fronte sæpius effringerent, & à lateribus intro vectos prælongis hastis egregiè summovent. Tum verò effundentes se Turcas appellarunt, & per eos si vita incolumi reciperentur, Asanagæ in servitutem se dedere nunciarunt: quod in homine Sardo Christianis orto parentibus & tot præcipuè libertis & familiaribus Hispanici nominis stipato, neque humanitatem neque fidem omnino defuturam sperabant. Ita prodicens Asanagas præclaro iure voluntarijs servis fidem præstitit, depulsisque Numidis ad unum omnes humaniter conservavit, quum solerti ingenio vel semivir, è tot mancipijs tanti proventus lucrum, cum honesta etiam clementiæ laude coniunctum, secus ac Barbari mirum in modum æstimaret. Ipsi autem Germanis ea terra marique accepta incommoda, contagiosam penè pestem attulerunt: quoniam montani homines & è mediterraneis regionibus ad non conspecta antè maria deducti, neque perturbantis nausæ, neque diuturnæ navigationis tormenta tolerarèt, quod & antè corruptis visceribus profluvio laborare cœpissent, quum ex inedia toto eo triduo, quo ad Typasam est deveni-
tum, palmularum bulbosis radicibus & cepis agrestibus velcerentur, quibus malis & aliquot demum naufragijs effectum est, ut ne tertia quidem eorum pars incolumis in Germaniam redierit. Sed unius magnæ navis longè durissimus eventus omnium funestos casus miserabili calamitatis exitu superavit. Hæc enim quum in ea quadringenti fermè omnis generis milites veherentur, inusitatis atque diversis erroribus ita mediterranei maris sinus atque insulas omnes circumivit, ut quum portus appeteret, nova semper ventorum commutatione, è conspectu ipsoque limine tutissimarum stationum ac urbium raperetur, hominesque paulatim consumptis edulijs fame tabescentes, ad insolitam in vivis corporibus maciem, oraque lurida pervenirent. Post quinquagesimum autem diem, quum serò admodum navis exoptatam terram attigisset, alimentisque se milites refovere contenderent, neque ullis omnino cibus veluti iam extincto colore proficerent, paucissimis diebus ad unum fermè omnes alius alio celerius aut tardius omnino perierunt. Cæterum Cæsar, obtestante Auria atque imperante, invalescentem procellam effugiens, cum rostratarum classe prætervectus Africæ litora ad Orientem in Holcathitem sinū se intulit, in quo sita est Buzia, antiquitus Vzigatha Ptolemæo dicta, quæ suo loco ab Hispanis duce Navarro manu captâ atque direptam fuisse memoravimus. Castellū tribus munitū turribus in ea parte urbis, quæ mari allui-
tur, paucorū Hispanorum præsidio tenebatur: urbs autem ipsa paulo antè gymnasium & nundinis ac Horucij Barbarussæ, qui dextram ibi manum tormenti ictu abreptam reliquit, calamitate percelebris, ab ea clade deletis incolis penè tota perierat. Nec Hispani plus suburbani agri possidebant, quàm quantum tormentis & armis adversus obsidentes Numidas tuerentur. In præsidio autem perexiguus omnino commeatus est repertus, sed maioris minorisque pecoris non ingrata, quanquam tenuis, copia viros insignes recreavit.

Quum

Quum verò in maximam spem com meatus devenisset Cæsar, quod Ligustica navis, cognomento Furnaria com meatu onusta lætis omnibus in conspectum se dedisset, tempestas invaluit, navisque arantibus vada anchoris, in litus ad naufragium eiecta est. Ita tamen, ut eiectionis & salsa alluvione semicorruptis rerum penè omnium cibarijs, excipiente ea confestim navali turba, crescentem inopiam opportunè sublevaret. Interea Cæsar quum plures iam dies inflato mari, ac alternantibus ventis conturbato, in multa idoneæ ad navigandum tempestatis expectatione substitisset, & spe novi com meatus omnino decideret, nec habitæ supplicationes, vota que suscepta divorum iracundiam mitigarent, Siculas duce Gonzaga Rhodiasque triremes ab se dimisit, Boreas enim in Corum se verterat, præbebatque spem ad experiendam mari & fluctibus Fortunam, omni cunctatione tutiorem, ita quanquam turbulenta: scelici tamen navigatione, in Vtica portum, qui Farinas hodie vocatur, celerimè delatæ sunt, ibique præstò affuit Muleasles rex Tunetanus, Gonzagamque plurimum exoptatis esculentarum rerum muneribus liberaliter adjuvit. atque inde demum incolumes ad unum omnes Drepanum traiecerunt. Nec multo post, à Cucchio montanorum Pœnorum regulo legati ad Cæsarem venerunt, intra paucos dies com eatum affatim et magna item auxilia adversus Turcas pollicentes: sed eos Cæsar Punicæ fidei liberalitatique diffusus amicæ voluntatis ac officij nomine pecunia donatos remisit: quæ legatio demum evulgata per Barbaros magno incommodo paucos post menses regulo celsit. nam tanquam amicus Christiani nominis Punicique hostis ab Asanaga regno fuit expulsus. Iam defatigatis planè ventis usque adeo resederant tempestates, ut mare sedatum atque tractabile videretur, & periti nautæ cum metu periculorum imminentium, tum præteritorum tedio navigationi se committere minimè dubitabant. Disputabatur omnibus prope horis in concilio navarchorum, sententijsque dictis, quum alij in Sardiniam aut Corsicam, alijsque eodem lecto Africæ litore, & tutiore cursu Siciliam petendam esse dicerent. Tandem aspirantibus Euris, Cæsar ad Baleares cursum direxit, divæ etiam Catharinæ maligno sydere tranquillam nactus tempestatem: atque inde demum ad novæ Carthaginis portum appulit, tantis acceptis detrimentis seipso vel admiratione suorum vel inimicorum iudicio planè maior & augustior, quum durissimis terræ marique iniquæ sortis casibus invicto semper animo conflictatus, suæ propriæ, nec ulli ducum aut militum communicatæ laudis triumphum de devicta Fortuna reportasse videretur.;

PAULI IOVII NOVO-

COMENSIS EPISCOPI NV-

CERINI, HISTORIARVM

SVI TEMPORIS

LIBER XL



NDVCII S Rinconis atq; Fregosij morte sublati, Franciscus, uti maxime de cuit, longa pacis expectatione decip-
 ptus, suæ dignitatis esse statuebat quamprimum ulcisci
 iniurias, ac uno tempore summisque opibus, non modo
 Subalpinis oppidis in Italia, sed ipsi quoque citerioris
 Hispaniæ, Belgarumque finibus arma inferre: neq; prius
 abstinere incepto, quam honesta pactione Cisalpinæ
 Galliæ imperio potiretur, aut postremo superatus & Gal-
 liæ exutus regno in eadem adversa belli Fortuna concideret. Omnes enim in
 eundæ concordie cogitationes abiecerat, quum præclaris admodum conie-
 cturis, Cæsaris ingenium stabili decreto, ab ea rerum compositione, quæ Me-
 diolanum eriperet, penitus aversum esse deprehendisset, gravi quidem incom-
 modo ac infamia Annei Memorantiæ magistri equitum, cuius consilijs, ut ali-
 qui dicebant, parum synceris se totum Rex adaptus, nec de æquitate Cæsa-
 ris desperans, traducendum fallendumque tradiderat. Ille enim induciarum
 author, & expetitæ pacis interpres, quum summa gratia intemperanter abu-
 teretur, ex sermone Cæsaris ad regem cuncta secunda ac exoptata retulerat: si-
 ve id ex fide colloquij crederet, si ve publico Galliæ commodo mentitus, quod
 ea toties funesto eventu damnata belli causa aliquando deferenda videretur,
 postquam Franciscum ab occulto fato Cæsari minimè parem, tot bellorum e-
 xitu, Fortuna iudicasset. Sed Galli procures adduci non poterant, ut quic-
 quam à Cæsare de reddendo Mediolano prolixè vel liberaliter promissum ex-
 istimarent, quum nihil ab eius ore nisi grave ac insigni sobrietate definitum
 excidere consueisset. Dicebant enim Memorantium conciliaisse sibi Cæsarem
 parum fidelibus officijs: idque unum non occulto astu contendere, ut regem
 decoris avidum, iustaque ob id & necessaria arma meditantem, ad turpe exi-
 tialeque ocium devocaret, certa que subinde indoles, & innata vis bellica filio-
 rum Regis, sublati armis desidia & voluptatibus enervanda proderetur. Eo
 modo, qui militiae atque aulae maximis honoribus potens, totum regem unus
 occuparet, diutissimè regnaturum. Itaque rex privato iudicio convictum, et pu-
 blicam invidiam ægre sustinentem, in Centeliam villam manentibus hono-
 norum titulis relegat: eam ipse in Bellovacis regio sumptu ad maximæ Fortu-
 næ voluptarios secessus extruxerat. Nec quisquam omnium repertus est, qui ru-
 enti opem ferret, quod non modo filios Regis & procures, qui facile ubi ex tu-
 to nocendi locum adversæ sortis casus ostendit, vel levis contumeliæ meminisse
 decorum existimant: sed illustres quoque aulae foeminas inexorabili vindi-
 ctæ libidine gaudentes, propensissimo in eas rege varijs offensionibus alienas-
 set, usq; adeo, ut eum Ludovici undecimi gravi exemplo, qui Aloysiū Lucem-
 burgum

burgum capite punivisset, tollendum censerent: quoniam eo damnato invidiosum illud summæ equitum præfecturæ nomen tolleretur, quod propter nimiam, ob idq; sanis regibus suspectam potestatem non temerè antiquatam struendæ ambitiosi hominis potentiæ revixisset. Sed Franciscus in omni re clementiæ laudem querens, mitissimo pœnæ genere contentus fuit. Cur enim rex generosus vel ingratum & invisum acerbius vulneraret? Cur denique Solymanni barbari principis sævitiam imitaretur? qui Habraimum pari suspectæ fidei nomine, pariq; odio muliebri, ac hisdem ingenij moribus & immensæ gratiæ fortuna Anneo similem occidisset? Cur denique vel magna delicta spectatis virtutibus minora non duceret, in eo præsertim, qui secum ab adolescentia familiariter educatus, vigilantia, sobrietate, industria, militarique laude cæteris Gallorum ducibus superior haberetur? Amoto Memorantio rex ipse consiliorum omnium summam præparato animo ad gerendum bellum sibi desumit, gravissimarum rerum literas sub brevi ac ob id fallaci compendio offerri solitas, intenta cura perlegit, suoque fretus ingenio responsa notarijs dictat, ærarî rationes excussis quæstoribus diligenter inspicit, in omniq; obeundo munere nova diligentia, novoque labore veteris incuriæ nomen emendat. Eo tempore Langeus, qui Taurino Gallicisque præsidijs in Italia præerat, solerti ingenio dabat operam, ut decreti belli consilia tegerentur. Si qua enim controversia cum Cæsarianis de finibus ac iniurijs oriretur, compressis suprum armis, per legatos apud Alphonsum Vastium de iure militari expresscriptis conditionibus disputabat. Ita induciarum imaginem sustentare conabatur, ut quum occasio rei bene gerendæ adesset, in hostem improvisa arma proferrentur. Nam statim à Rinconis atque Fregosij cæde vehementer fuerat intentus sollicitandis ad defectionem oppidis, quæ hostium præsidio tenerentur, inclinatis multorum animis ad mutandam fidem, quum æstivis ac hybernis Cæsarianorum militum ad extremam redacti inopiam, mitiora omnia apud Gallos futura existimarent. Sed Alexandria detecta proditio incertam adhuc induciarum fidem exolvit, & deprehensi cum literis speculatores suspecta utrinque consilia atque arma reddiderant: quibus de causis Davalus novas cohortes conscripsit, ut maiore præsidio propinqua hosti oppida confirmaret, dubiæ incolarum fidei parum credens, & sæpe insidias à Langeo suspectans, quem contra Gallorum morem eruditæ pacis bellique artibus instructum ingenio semper excubanti paratoque non temerè cavendum intelligebat. Quina utrinque oppida, quæ gerendo bello maxime opportuna didicerant, paribus præsidijs tuebantur: regij Taurinum & in proximo Montemcalerium descensu Regis ab Alpibus interceptum, Sabinianum item, Penarolumque & cinctum palude Varulengum: Cæsariani autem præter Astam coloniam, & Vercellas urbes, Vulpianum Taurini cervicibus impositum, Fossanum item, foelicium Antoni Levæ operum supremum, & Cherium & Clarascum & Albam, quæ ab initio belli nequaquam temerè à Gallis occupata: sed neque fortiter demum aut foeliciter defensa, Davalum magna vi terrefactis, superatisque præsidijs recepisse docuimus. Minora porro oppida, uti inclusa certis limitibus, quos induciæ in mutuos consensus antea præscripsissent, raro aut certè nullo stabili milite tenebantur, quod ea vel una incolarum fide & domestico præsidio satis custodita existimarent. Clarascum cum tribus cohortibus, alaq; una Cremonensi tuendum susceperat

Hieronymus Sangrius Neapolitanus. Is à Daualo per literas monitus, ut ab hostium insidijs diligenter caueret, vigilias circuibat, & præsidia idoneis locis collocabat: sed quū militū animis propter rei frumentariæ causam minus propensis vteretur, Galli intēpēsta nocte à tribus simul partibus ad orn, scalis oppidum cœperunt, ab eo loco quo Centalius Allobrox ascēderat. nam ab ea parte, qua à Daualo quassatū expugnatumq; oppidum diximus, Vasconū cohortes fortiter repulsi fuerant, & Blandratus excitatis hostium custodijs irritō conatu ad portā hæserat. Quum irrupentium Gallorum clamor audiretur, Sangrius qui in medio foro submittendis quōpericulum vocaret præsidjs aliquandiu constiterat, desperatis rebus in arcē se recepit. milites dimidia ex parte capti sunt: reliqua manus ut profugeret, ex muro occupatis hostibus se demisit. Fuisse qui putarent non defuisse occultæ perfidiæ suspicionem his manipulis, qui nullo propè accepto vulnere stationis locum negligentia & metu reliquerunt. Ceterum biduo post Sangrius, quod nullum antea comineatum pararat, quam iumenta aliquot onusta cibarijs sub præsidio Tanarum vade transiētia, quæ Pyrrhus submittebat, in proximo spectarentur, certa pactione, ut inde saluis rebus & duobus tormentis abiret, arcem reliquit. Sed alia Gallorum manus, quæ eadem nocte ad tentandam Albam contenderat, dissimili euentu audaciæ ac diligentiae suæ periculum fecit. adorta siquidem vrbis annos, eximia Francisci Landriani cohortium, quæ intentæ excubabant, virtute depulsa est. Albanis incredibili studio atque animo propugnantibus, adhortante præsertim pro salute patriæ decertantes eorum antistite Hieronymo Vida, poeta celeberrimo. Sub id quoque tempus, duce Ludouico Birago quatuor Gallorum turmae, quæ sclopettarios celeritatis causa in equis celeriores acceperant, Varulengo ad oppidum Verucam, quod Pado inuener, profectæ, alam, quum Epirota dux Zucerus abesset, negligenter æstiuantem oppresserunt. His rebus cognitis Daualus, quod Gallorum consilia iam planè abruptis inducijs ad gerendum bellum verterentur, imperata vrbibus pecunia Germanorum cohortes mercede conducit, ex Insuorum iuuentute delectum habet, profectusque Mediolano vltra Padum ad veteres copias contendit. ei-
us aduentu permoti Galli in eadem oppida, in quæ æstiuarant, maturè concesserunt. Ipse autem deductis & coactis in vnum omnibus ferè præsidjs in minora oppida impetum facit: quoniam Clarascum valido vigilantique tutum præsidio non nisi magnis copijs magnoque apparatu expugnari posse didicerat. Itaque celeri cursu ad duodecim oppida in potestatem sunt redacta: in quæ fuere Villanova, Raconisium, Carmagnola, Caramanum: quorum accessione Daualus tametsi Gallorum audaciam abundè compresserat, nequaquam tamen Claraschi amissi iacturam vel captis tot oppidis æquasse videbatur. At Franciscus, qui antè initium renouati in Italia belli cuncta, quæ longo grauisimoque suscepto certamini abundè sufficerent, inexhaustis ad id Galliarū opibus, insigni cura compararat, inferendi belli munia liberis dispersit, peritosque rei militaris duces, qui ætatem consilio manuque regerent, attribuit. Generosi etenim iuuenes matura iam indole ætateque florentes vnum illud ingentibus animis, quod tantæ Fortunæ deerat, bellicum decus quærebant: nec eorum alacritati nobilique voto rex deerat: utpote qui tenero gaudio perfusus, præclara cupientes emittere, & famæ ostentare percuperet. Henricus tacito ingenio, pallida facie, grauibisque oculis, materni aui spiritus gerebat.

rebat. Carolus verò patri similior, fulgore rosei vultus, vigoreque liberalis animi ac eruditis apertisque moribus amari, quàm metui malle videbatur. Hic Belgarum fines invadendos desumpsit, illi Hispania citerior decreta est. sed huius consilij famam silentio compressam volebant, ut simulatione Italici belli deceptus Cæsar, & Davalus ambiguo distractus metu, ubi opus foret, periculumque vocaret, nequaquam maturè expeditis præsidij occurrerent. Henricus enim quum citra Rhodanum milites cogeret, in Italiam per Coctias Alpes transitori speciem præbebat. Interea Belgarum fines diversis & repentinis Gallorum incursionibus vexabantur. incumbere enim è
 10 Morinis Arthesiæ provinciæ Vandomius adolescens, ad quem certo stirpis ordine, si Francisci soboles interiret, Galliæ regnum redibat. Is adiuncto sibi Obiesio, totius regionis equitum præfecto, magnum terrorem ad apertis hostium vicis intulerat. Forteque dum Tervannam urbem, Britannico bello claram, comiteatu & novo item præsidio muniret, Belgarum equitum alam profligarat. Ea erat Hadriani Beureni, aulæ Cæsaris magistri, cuius imperio eius tractus præsidia regebantur. Carolus autem Aurelianus, cui aderat Claudius Guisus Lotharingiæ reguli frater, de Germanis Lutheranae factionis nobili victoria clarus, superato Mosa flumine ad Lucemburgum Leucorum olim urbem penetrarat. Ea regio ab urbe metropoli nomen ducit, per-
 20 tinetque ad Arduennam sylvam, atque hinc ad Eburones, & illinc ad Trevirorum fines extenditur. Nec Lucemburgenses valido ac improvviso hosti diu restiterunt, quin se dederent, quod eæ copiæ, quæ à Maria Cæsaris sorore coagebantur, nondum advenerant, & tantus erat apud gentem nequaquam pro vetere gloria belli satis peritam urgentium Gallorum metus, ut mutare fidem, quàm belli clades subire mallent. Ita nullum ferè oppidum fuit, quod Aurelianus ad apertis portis non reciperet, præter unum Enuosium, quod præ alta fossa, latoque muro, & à tertia ferè parte palustri aditu munitum, Germani milites præsidio impositi tuebantur. Sed Aurelianus nihil earum rerum difficultate deterritus, magna vi oppugnare coepit, quassatusque aliquandiu murus est, & repetito militum conatu fortiter tentatus: egregiè repugnante Ger-
 30 mano milite, ita ut oppugnatio alacriter coepta, quum opinione durior ac asperior evaderet, militumque vires ac animos hebetaret, omittenda videretur. Id consilium iuvenis dedecoris metu & spe laudis adductus non probabat, vel suadente Guisio, & patre Rege per literas revocante. Is enim secundis adversisque rerum suarum exemplis dux peritus, & vetus miles filium monebat, ut pertinaciæ, quæ exitiali insanitiæ esset persimilis, finem imponeret, nec se longius à rationis finibus cæca cupiditate abduci pateretur. Fortunam enim quæ eius belli initij & medijs benignè cumulateque faverit, æquo animo ferendam esse, etiam si conversa nequaquam postremis successibus arrideat. Ita-
 40 que abscedere incepto turperatus, locum mutare, & in tumultum tormenta transferre constituit: quibus singulari militum studio laboreque subvectis, tanta vi propugnacula deiecta, defensoribusque nudata sunt, ut perculsis metu oppidanis Germani mercenarij milites, pacti ut sibi sub vexillis abire liceret, atque omnium Fortunæ incolumes præstarentur, deditionem fecerint. Eo successu Aurelianus magnopere lætatus, cum Germano milite liberaliter egit: oppidanos verò ad spem immunitatis excitatos in fidem recepit: summa quoque cura adhibita, ut Guisio docente ac administrante oppidum novis

adiectis operibus inexpugnabile redderetur. Dum hæc ad Lucemburgum fierent, Guilermus quoque Cleuensis regulus, Martino Rossemio duce, in Brabantia bellum excitabat. Is enim, uti supra retulimus, cum à Cæsare tum nimis duro seueroque, ut Gheldriæ princeps appellaretur impetrare nequiuisset, ad Franciscum in Galliam se contulerat, percussioque solenni scedere, et Franciscus sororis filiam ex Henrico rege Nauarræ susceptam desponderat, ut geminata propinquitate quàm arctissimè iungeretur. Ludouicus enim Francisci socer, eius nominis rex Galliæ duodecimus, ex magna Cleuentis amicitia natus erat. Ab hac affinitate societateq; maximi regis Guliermus in spem ueniebat, ut Gheldriam, quæ sibi ex Caroli auunculi testamento in hæreditatem obuenisset, vel non ferente Cæsare facillè tueretur, atque eo quidem facilius quod ei foederi socius abscriptus erat Daciæ atque Noruegiæ rex Christianus, qui Christierno propter nefariam eius crudelitatem impiosque mores in carcerem ad uitæ exitum coniecto opportunè successerat. Huius erant ditionis Cymbri in Chersoneso continentis siti (eos Indigenæ Holsatios & Danos uocant) terribilis quondam Romanis, sub bina cæde Marianisque uictoriis deleti, hoc demum sæculo celebres esse desierunt. Promittebat Christianus magna opet uendis regnis armatum equitatum armatasque fortissimarum gentium legiones, & quam magno usus futuram crederent, validam classem, quæ secundum Frisiorum & Batavorum littora duceretur. In intimo enim sinu eius peninsulæ in Gothicum pelagus excurrentis, Lubecum, portu nobile emporium, innumerabilibus mercatorum nauigijs frequentatur. Indeliquidem ad Gothorum & Suecorum regna, per insulas urbibus refertas, vasto maris anfractu, Liuoniæ Sarmatiæque, & postremo Moscouiæ quoque littora clasibus petuntur. Fauebat Cæsar damnatæ Christierni causæ: quamquam hominem rabidæ feræ persimilem, ac idè cauæ inclusum oderat, hortabaturque Federicum Palatinum, illis transmarinis imperijs ab eximia uirtute dignissimum, ut ingenti animo ea regna capesseret, quæ sibi certa uxoris hæreditate prouenirent, duxerat enim Palatinus Christierni filiam, ex matretera Cæsaris genitam. Propterea nouus rex Christianus firmando regno ad augendisque opibus nouas amicitias nouasque societates sibi ineundas existimabat. His constitutis rebus, ac animo ad bellum parato, Cleuentis cum regia pecunia domum reuersus per Rossemium è Menapijs atque Sicambrijs lectissimas copias coegit. Erat enim celebre gratumque militibus Rossemij nomen, quod dux uetus & impiger prædæque auidus, cuncta ea uel aspera factu quæ astuto grauique ingenio secum agitaret, manu fortiter atque foeliciter conficere consueffet. Excitari siquidem uetus disciplina uidebatur Francisci Cechingi, cuius memoria apud veteranos rapinis assuetos adhuc erat insignis: quum ille, uti suo loco docuimus, in summa licentia & latrociniorum impunitate, ad corroborandam infamis militiæ disciplinam exactæ seueris leges inuenisset. Propterea plerique etiam nobiles, qui inueteratiorum consuetudine sese clientesque suos latrocinijs alere nequaquam turpe ducunt, ad Rossemij signa audissimè confluebant. Nec erat quisquam, qui uel belli causam, uel omnino quod duceretur sciscitando perquireret, cuncta enim ad uictoriam ac opimam prædam diligentissimè prouisa milites putare, nihil fore inuium arbitrari, ac eos denique iure optimo hostes censere, aduersus quos dux ipse vexilla uel incertis auspicijs explicaret. At

regina Cæsaris soror, quæ Belgis præerat, ubi fama perlatum est à Rossemio tot copias cogi, ad Guilelmum legatos mittit, qui eius animum explorent, coactique in ipsius finibus tanti exercitus causam perquirant: ille ambigua respondet: putare scilicet eam militum manum ab initio, ut contra Turcas duceretur, à varijs ducibus conductam, ac ideo finibus excessuram: ipsi porro nihil opus esse copijs, quum undique bona pace cum finitimis utatur. Populis autem ad arma natis liberam semper fuisse potestatem, eorum auspicia sequi, quorum vel occultato nomine stipendia præberentur. Nec multo post Rossemius, motis castris in Eburones, ad Legionem clarissimam urbem, quam hodie Leodium vocant, iter intendit, ut consilium altè conceptum, compressumque silentio diversi itineris simulatione tegeretur. Ad immensas enim opes Antuerpiæ urbis tacitus anhelabat, neque arduum rebatur opulentissimo totius occidentis emporio potiri, si populos, qui iam pridem à patrum memoria finitis bellis pingui ocio & mercaturæ studijs dediti nunquam arma, nisi in ipsis spectaculis induissent, imparatos & nihil hostile timentes improvisus invaderet. Petebat ab Eburonibus, ut sibi in Galliam copias ducenti transitus daretur: At illi armatis externorum copijs spontè iter, commeatumque præbere, ex dignitate eius gentis esse pernegabant, cuius amplissima urbs & nomen & claritatem ex calamitate Romanæ legionis integra adhuc bellicæ virtutis gloria retineret. Itaque Rossemius, quod à vetere proposito discedere nolebat, in lævam iter flectens, ad Mosam singulari celeritate contendit, repudiatis humilioribus vadis, ut Brabantinorum custodiæ fallerentur: nam regina virilis animi mulier atque æmula fraternæ virtutis, quot potuit equitum præsidia, & subitarias item cohortes irrupturo hosti periculosis in locis obiecerat: quibus rebus solerti coniectura prospectis ac exploratis, Rossemius ad Ravasthenium pertendens lintres atque naviculas nactus flumen traiecit, populatusque Toxandriam regionem, tantum toti ferè Brabantiæ terrorem intulit, ut pagis fortunisque relictis & dispersis pecoribus agrestes in munitiora oppida confugerent, ac urbes quoque ipsæ inusitato pavore complerentur. Eo modo, qui sine maleficio ierat, direptis ac incensis pluribus vicis capta, aut in miserabilem fugam coniecta magna hominum multitudine, ad Roiam insigne oppidum pervenit: quo capto direptoque ad Verembecium & Horscotum progressus, atque inde passim vastabundus per Berliam descendens, ad Hostratum castra promovit. Id est oppidum inter Belgas arcis ac mœnium structura domorumque elegantia: & denique rerum omnium amœnitate pulcherri-
40 mum. in id ingens scæminarum & puerorum turba confugerat: multi quoque nobiles undique carissimarum rerum sarcinas comportarant, sed quod magnopere deposcebat Rossemius, in eo magna vis pilarum & tormentarij pulveris servabatur: qua una re plurimum indigeret ad expugnamdam Antuerpiam: id enim in voto erat, idque unum ad susceptæ expeditionis finem explendis infinita præda militibus ante omnia petebatur. Hostratenses præsentis instructique exercitus minis territi (omnibus enim cædem atque ignem tectis, ni extemplo se dederent, sævus hostis truculenta voce denunciabat) desperata defensione animos ad maturandam deditionem inclinarunt, atque ita quum scæminarum ac imbellium deprecationes fortium virorum consilijs officerent, danti fidem Rossemio portas aperuerunt, nec in lauro-

num duce præclarè defuit fides : nemine enim violato nihil ademptum est, præter ea quæ in ipsa deditionis conditione postularat, sulphurei scilicet pulueris cados centum, pluresque item ferreas pilas, & quatuor tormenta muralia. hæc enim ad expugnandas vrbes circumferendumque terrorem magnopere pertinebant. Quum ad Hostratum milites plenissimi oppidi copijs recrearet Rossemius, per exploratores didicit, Renatum Aurantium Nanfoi filium, summæ inter Belgas potentia iuuenem, Breda paterno nobili oppido cum validis copijs exisse, ea mente, vt Antuerpiensibus auxilio accurrens hostium aduentum celeritate præueniret : iam enim Rossemij consilia non inanibus coniecturis noscebantur, omnesque vni præsertim Antuerpiæ, Ambuaritorum olim coloniae, cauendum putabant : qua vrbe defensa gentium omnium fortunæ seruariantur, neglecta verò & perditæ, reliquæ Belgarum ciuitates eandem summæ calamitatis cladem subirent. Necesse erat vtrique diuersa & pari propè via Antuerpiam contendenti, Briscotum petere, quod erat castellum septem milium spatio vrbi propinquum, ad id vix militares in vnum coibant. Rossemius expediti et durati in armis exercitus studio & diligentia foeliciter vsus, vt hostibus iter præcideret, ea celeritate præcurrit, vt Aurantiani magna ex parte tyrones, vti ad laborem solemque ferendum insoliti, vix tres post horas pari emenso itinere spatio peruenerint. Erat ante Briscorum lata planities, Rossemio minime opportuna tendendis insidijs, quod arboribus tumulisque careret : is enim adulescentem pugnae audum, & nihil præter alacritatem pugnacis animi ad conferendas manus afferentem, quonam astu eliceret & circumuenire posset intentissime cogitabat. Igitur inepta ad id, quod perfici posset, regionis solique natura, commentum nouitate mirabile, a solerti ingenio desinuit. Legiones enim toto campo pronis pectoribus procumbere iubet, & equitatum, cui præerat Longaualles ipsius Cleuensis equitum magister, ad aduersam castelli partem diligenter occultat : duabus tantum turmis via militari præmissis, alaque demum vna grauis armaturæ constituta inter raras achumiles arbusculas, quæ sub oppido ad amoenitatem consistit ociosis tenuem umbram præstabant. Ductabat Belgas equites vir impiger nomine Libertus : is haud magno spatio antè peditatum prouectus quum raram & exiguam apud hostes equitum manum ac inter arbusculas non multos equites & pedites versari conspiceret, antecursores tantum aduenisse, grauioraque agmina tardius sequi ratus, & profligari posse paucos, & castellum præoccupari facile iudicauit. Nec mora a pluribus res ipsa vti inspecta iudicataque fuerat, ad Aurantium defertur. Is cohortes ad properandum cohortationibus incitabat : miro autem assensu Liberti consilium probatur : nec ille sibi vllam omnino moram affert, quin extemplo galeati sequitibus ad inuadendos hostes procurrat. At Rossemiani primum impetum fortiter excipiunt, sed mox, vti fuerat imperatum, dant terga tanquam impares, cæterum in fugam coniectis extemplo fert opem alagrauis armaturæ, quæ inter arbores constitierat, æditurque insignis pugna : crescentibus verò Belgis Rossemiani partim consilio, partim necessitate atque impetu vrgentis hostis laxatis habenis longissime fugiunt, eodemque cursu Belgæ intemperanter terga credentes ad arbusculas pertrahuntur, eas enim Rossemius hastatis hostium cataphractis magno impedimento futuras ante

ante providerat. Festinabat Aurantius cum peditatu, ut victoriæ equitum interesset: quum dante signum Rossemio legiones veluti nouo miraculo terra æditæ repente prosiliunt: attolluntur vexilla, timpana crepitant, & quo maxime terreri hostis potuit, erectarum hastarum ingens sylua conspicitur, prodeuntque simul cum Longaualle equites ex inlidys, & in terga lateraque hostium alas recuruant. Tum verò Belgæ perterriti, ac indagine veluti inclusi, neque viribus neque animis pares undique profligantur. Libertus temeritatis dat pœnas & capitur: cohortes nè tentato quidem certamine ad terram arma proiciunt. Aurantius ipse, quum inter confertos hostes versaretur, erumpente equo fuga elapsus, certum suæ cladis nuntium Antuerpiam tulit. Incredibile dictu est, quantum eius aduentus ciuitati per se antea metu consternatæ terrorem attulerit. ex ea enim re male gesta desperatis auxilijs plerique ciues ad graues armorum tumultus insoliti, in ipsis custodijs pallentia ora præferebant. Sed respublica in consules egregie fortes inciderat, Lucium Vrsulum et Nicolaum Schermerium: creatique fuerant virtutis eximie prefectus vrbis, dicundique iuris prætor, & Marchio summus omnium signifer, qui darent operam, ne vllus omnino vel negligentia vel exercendæ perfidiæ locus inquilinis aut malis ciuibus relinqueretur. Externos namque opifices, genere Sicambros atque Menapios, ad dicendum conceptæ erga Cæsarem fidei sacramentum adegerant, expulsis qui dicere recussissent. omnes qui arma ferre possent, in cohortes descriptos priuatis aut publicis armis instruxerant. ad hæc pomerium cum multa priuataram ædium ac hortorum strage fuerat dilatatum, nouusque agger institutus, vbi vetustate collapsa moenia delineabant. Quotidie etiam magna vis priuati æris ex domesticis vasis ad fabricanda tormenta conflabatur, per singulas quoque vrbis regiones certam tormentarii pulueris mensuram dictim conficiendam vicomagistris imperarant, cauereque se uero edicto, ne quisquam e custodiæ stationisque loco vel in fortuito incendijs discrimine, vti mos erat, ad restringendum ignem discurreret: fraudem enim atque perfidiam suspectantes omnes excitandi tumultus causas accurate sustulerant, ut ne horæ quidem nocturnis diurnisque officijs spatia populo nunciantes vllò in loco pulsarentur, edictoque sublatus esset in sacris turribus campani eris sonitus, ne coniuratis ad patrandum facinus signum daretur, nam suspectos aliquot & cogitatæ proditiõis ex quaestione reos custodiae ad pœnam tradiderant. Sed tantis custodijs quum vrba multitudo in tanti ambitus vrbe minimè sufficeret, nec vti imperita bellicarum rerum operum labores atque vigilias alacriter ferret, peregrini mercatores reipublicæ fortem fidelemque operam nauarunt. Italicorum prima liberalis atque promptissimi studij laus fuit. in his eminebant Ambrosius Bustius Insuber, & Paulinus Fundrius Lucensis, qui in Italia ordines duxerant, & tum maxime ad componendas acies instruendosque tyrones spectato grauique munere fungebantur: horum æmulatione Lusitani, Germanique, et item Britannii negociatores longè ditissimi vexilla sustulerant. Magno quoque præsidio aderant tres urbanæ societates, quæ antiquitus institutæ per dies festos voluptatis causa militaribus armis exercebantur, quum in certamine ad proposita præmia arcubus ligneis ex disciplina Britannica sagittarent: alij præpilata veruta, arcu ferreis balistis emitterent: alij autem validioribus sclopetis uterentur. His forum diuisis excubijs erat attributum, ut inde dubijs in rebus

contra hostem per tesseram consulum iussu ducerentur. His rebus ad vrbis custodiam summa consulum diligentia constitutis, ac inter spem & metum erecta ciuitate Rossemius sine suorum vulnere & sine tæde hostium opimam spolijs victoriam consecutus, ad urbem castra promouit. Nec mora regio more araldus cum mandatis in urbem mittitur (hunc vel arroganter & acerbè proloquentem ne verbo quidem violare fas est) Postulat ut in fidem Galliae Daciaeque regum se dedant. Horum auspicijs Rossemium multis victorijs illustrem bella gerere, nec quicquam durius à ciuibz petere, quàm iusiurandum: leges enim illis ac immunitates veteris libertatis præclare et liberaliter adauctas perpetuò incolumes futuras, quod si vim expedire, quàm sanis consilijs parere mallent, daturum operam ut prolatis tormentis, immissoque veterano ac inuicto milite funestum contumaciae exitum quammaximè lugerent. Ad ea consules grauissimè responderunt, ciuitatem ea esse dignitate atque ea virium existimatione, ut fidem mutare longè turpissimum putet: ea verò potentia atque animi magnitudine, ut latronum immanium castra despiciat, breuique iccirco Rossemium, si congrederetur mœniaque subiret, merito supplicio tot scelerum poenas daturum. Iratus itaque Rossemius frumentarias molas quæ latis rotarum radijs excepto vento voluebantur latè disiecit. Confederat ad Donnum vicum, non longè ab vrbe, intererantque frequentes suburbanæ arbores ita ut prospectum adimerent, ac earum densitate castra tegerentur, quòd è mœnibus, qui in statione erant, vel ad incertos ictus tormenta displodere nunquam cessarent. Crescente periculo crescebat metus, suspensa que ciuitas noctis euentum expectabat: quum valde timeret, ne tormenta occultata defensa que tenebris ad mœnia proferrentur. Propterea populus metu sæuus, cum magno pudore consulū & summo dolore nobilitatis postularat, & quod necesse fuit quamquā indignum maiestate tantæ vrbis, etiam impetrarat, ut per ampla sacratarum virginū cœnobiaz, Carthusianumque venerabile templum, quòd subessent mœnibus, iniecta flamma delerentur: ne edito ob idque opportuniore tormentis loco potitus hostis, tutius ac audacius in oppugnatione versaretur. Acciuit etiam consules à Flandra regione, quæ est secundū Scaldem vrbis propinqua circiter duo millia validorū agrestium. Horum turbam, quòd esset inermis, thoracibus, lanceis, atque securibus instruxerant, ut populo tot noctium dierumque laboribus atque vigilijs fatigato requies daretur. Nec multo post Rossemius ab eo singulari externorū et ciuiū consensu & diligentia, occupandæ vrbis consilio depulsus discedere, ne tentata quidem opugnatione constituit. paratiores enim quàm antea credidisset hostium animos, & firmiora præsidia repererat, et tum maximè mirabatur nullum triduo popularem editum tumultum, nullam obortam seditionem, nullumque omnino excitatum incendium. quis enim plebem inopem in tanta vrbis opulentia, alienæ foelicitatis inuidam, prædæ appetentem, in fide ac officio permanfuram putasset? Sed eam profectò dadem Fortuna vrbis auertit. ferunt enim Rossemium attonito similem, pecunia corruptum inuitis & improbantibus cohortium alarumque prefectis, devictoria nulla ratione desperasse: quum non vno in loco, nondum perfectis aggeribus, ea inuictorum militum robor, ad primos impetus in urbem peruasura crederentur. erant enim supra duodécim millia delectorum peditum, et armatorum equitum duo millia, nec ampliorem numerum se deposcere Rossemius

semius dicebat, ut cum duplo maioribus copiis ad certam spem victoriæ aper-
 to in campo confligeret. Itaque discedens concrematis miserabili incendio subur-
 banis delicijs, Louanium Grudiorum olim clarissimam urbem iter intendit.
 Nec maleficijs ac incendijs finem imponebat, Ramsto & Dufella oppidis ex
 itinere direptis, Lira vrbe nequaquam tentata, quum prætereuntem Liren-
 ses emisiss pluribus tormentis auertissent. Louanienses quoque et ciuium multitu-
 dine, & munitione urbis, & peregrinæ iuuentutis præsidio confirmati, hostis
 aduentum atque impetum fortiter tulerunt: in eam enim urbem liberalium ar-
 tium gymnasio clarissimam, magna hominum multitudo confluxerat, fama ta-
 10 men valuit, ciuium primates salubri consilio, ne patriam in discrimen publicæ
 salutis adducerent, sese multo auro à latronum iniuria redemisse. Cæterum
 Rossemio Brabantiae fines euasante Henricus Francisci regis filius, sicuti de-
 cretum erat, Narbona profectus, ad Pyrenæos montes perrexit, ut Perpennia-
 num, quod est in aduersis montium radicibus occuparet. Id minore cum inui-
 dia peti videbatur, quod nostra memoria Gallicæ ditionis fuisset. Eam enim
 urbem à Marco Perpenna Sertorij percussore conditam, Carolum octauum
 Ferdinando Hispaniæ regi tradidisse docuimus: quum hic maioribus suis bel-
 lo ademptam repeteret, ille verò inuadendi Neapolitani regni cupiditate in-
 census, in Italiam deferretur, nec eius litis occasione quicquam hostile ab Hi-
 20 spania timere vellet. Recepta itaque est ab Hispano, aut infami aut certè parum
 honesta condicione, quum eius belli se spectatorem fore, nec ideo Aragonijs
 gentilibus consanguineisque suis opem laturum promitteret, & tum fama esset,
 Turpenium quæstorem infido venaliq; ingenio hominem lagenis argenteis
 moneta aurea repletis corruptum, qui inconsultæ regiæ liberalitatis auctor ex-
 titisset. Erat Henrico spes omnis occupandæ urbis in celeritate posita, ut prius-
 quam auxilia conuenirent, inopinantes ac imparatos inuaderet, neque enim
 Gallorum consilia diu regi potuerant: ipso præsertim Alfonso Daualo sæpius
 ad Cæsarem perscribente, ut Hispaniæ finibus caueret: illac enim irrupturos com-
 pererat, quod nunquam ei, cum in omni re semper liberali, tum in hac utilissi-
 30 ma militiæ parte maximè profuso ad exploranda hostium consilia, vel certissi-
 mi nuncij, vel audacissimi speculatores defuissent: præoccupare enim officij
 merita per amplis donis, & larga demum secretaque manu præmia soluere
 erat solitus. Tantis verò quibusdam Cæsariæ aulæ proceribus ab elato
 animo Gallorum inerat contemptus, ut nihil de eorum aduentu creden-
 dum putarent, respondereturque propterea Daualo, ut de alieno pericu-
 lo sollicitus esse nollet, ipseque potius prouideret, ne conuerso ad Italiam
 hoste rebus suis timere cogeretur. Sed ubi levis armaturæ equitum ala
 intra fauces penetrauit, Perpenniano tantus incidit pavor: ut ciues, qui à
 multis annis pacem colendo arma nunquam induerant, paruos liberos ac
 40 vxores & pretiosior supellectilis in munitiora oppida comportarent, & de
 salute magnopere dubitare viderentur. erat enim murus vetere structura per
 se tenuis & infirmus ad vim tormentorum perferendam, & propugnacula
 antiquitus aduersus balistas erecta his maximè fenestris carebant, quibus ac-
 cedentium ad fossam hostium latera ferirentur. Cæterum Henricus modi-
 cis confectis itineribus parum viles moras trahens, muniendo firmandoque
 oppido spatiū hostibus dedit. Expectandas enim Helueticorum legiones existi-
 mabat, quæ superato Rhodano ardentissimis solibus confectæ tardius seque-

bantur, ut tota mole exercitus intra hostium fines irrumperet, utpote qui de celeritate remittere, quā equestribus & expeditis cohortibus tantā rem aggredi mallet: ne si parum scēlici conatu tentaretur, imminuta dignitate Hispanos primo successu lætos à concepta formidine ad animi constantiam revocarēt; sed quantum existimationis ac virium, & in omnes etiam casus certæ securitatis ea cunctatione quærebat, tantū pulcherrimæ occasionis ad exploratam victoriam deperibat: coactis enim in unum copijs Henricus aliquanto serius, quā prima consilia in festinatione posita requirebant, Perpennianum pervēnit. Moverat à Leucata, quod est ultimum Galliae Narbonensis oppidulū, transieratque inter stagnum & Pyrenæos montes, ut Salsas castellum, anti-
 10 quis Salsulas vocatas evitaret. Petitur enim Hispania via militari inter mare & stagnum exaggerata: cui eximiæ munitionis id castellum imminet, tanta loci opportunitate, ut inde si Hispani custodes velint, quemque tormentis accessu facile prohibeant. Id Carolus, Perpennianum fraude sibi ereptum indignatus, uti memoravimus, interfecta in expugnatione citioris Hispaniæ nobilitate, diruerat. Refecerat statim Ferdinandus, adeoque firmo præsidio munitur, uti Ludovicus demum exorto Neapolitano bello id frustra vel maximis viribus oppugnarit, præcurrente Italico equitatu ac obvia in prædam vertente, magnus terror hostili provinciæ est illatus, prima scilicet excursione interceptis aliquot illustribus scēminis, quæ Perpenniano excedebant, ut in munitiora castella confugerent. Henricus ad urbem castra promovit, perductæque sunt fossæ ad altitudinem hominis depressæ tortuoso notoque opere, ut milites à tormentis hostium protecti erectis demum vimineis pluteis tutissimè
 20 commearent, tormenta que producerent: quibus confectis ad arcem, pinnarum corona, editioraq; propugnacula petebantur, nec consistendi in muro, et propugnandi hostibus potestas foret. Sed Galli firmiora omnia paratioraque quā antea putassent, apud hostes reperiēbant. Magno enim incommodo Gallis cesit, Helvetios expectasse, securitatiq; potius, quā festinationi studuisse, & quod minus expediret, traxisse etiam moras inutiles expediendis omnis generis cōmeatibus. nam Gallorum consuetudine non ad inedia modò,
 30 vel opulenter avertendā in hostili terra, sed ad conviviorū quoq; apparatus à Tolosatibus, remotisq; populis vina affatim & sumptuosa obsonia petebantur. Inter hæc igitur Gallorum moras Albanus regulus in urbem venerat, & Maciucca, Cerbellioneq; notis in Italia veteranis, munitioni custodiæq; præpositis, ad cogendas cohortes Gerundam discesserat. Mendocius quoq; castris præfectus ad oram urbi proximā sociorum navalium egregiam manum, duce Bezerra, viro impigro, & tormenta cum peramplo pilarū & sulphurei pulveris apparatu peropportune & diligēter advexerat, commotaq; universa Hispania Cæsar edixerat regulis omnibus, ut quā maxime peditum & equitū copię pararentur. Neq; Davalo ferendę opis cura defuit: cū Andrea enim Auria col-
 40 locutus, veteranas quatuor Hispanorū cohortes ex Subalpinis præsidijs triremibus in Hispaniā advehendas deduxerat, Legionēq; item Germanorū unam, quę onerarijs navibus imponeretur: misso etiā Petro Gevarra rei bellicę admodū perito, qui instruendis regēdisq; tyronib. vetere suo castrorū magistri munere in Hispania fungeretur, iniunctūq; fuerat Antonio Aurig, et Garcie Tolitano, ut cum Neapolitanis Siculisq; triremibus Africanas cohortes e Sicilia atq; Sardinia in supplementum earum, quæ ex præsidijs detractę essent, Savo-
 nam

nam transportarent. His cognitis rebus Henricus perplexo tentantiq̃ue simili, an oppugnanda vrbs foret, cum ducibus disputabat: nondum enim maiora tormenta protulerat, quibus mœnia grauissimè quaterentur. aderant autè alios summæ auctoritatis Hanebaldus et Brisaccus, qui peditatui præerat, Paulusque Rentij Ceritis filius, leuis armaturæ peditum præfectus, & Stamprius genere & regis gratia pernobilis, qui honoris causa Heluetjs erat præpositus: quòd vir opulentus liberaliter epulando largiendoque auidæ gentis studia prometeri posse videretur. Hi ab ipso statim initio sententijs inter se discreparant, quum Paulus diuersam muri partem (ea erat à conspectu arcis remotior) validè quassandam non ineptâ ratione censuisset. Reliquis Hanebaldo libenter assentantibus, cui minime decòrum foret à sententia discesuisse. Fit enim plerunq; militiæ, vt duces vanissimo iudicij genere deteriora, quæ sua sint consilia sequi malint, quàm probare meliora, quæ videant: quòd alienis ingenijs cedere turpissimum putent. Itaq; tormentorum magistri, ex Hanebaldis consilio, in decutiendis pinnis nihil omninò profecerant: quū ex aduerso Hispani & ab arce, & à portæ propugnaculo, pares pilas in ora tormentorū hostilium certissimis ictibus contorsissent; rotasq; curruū cum nece proximorum opportunè perfregissent. Eam enim portam, quæ Elitensis dicitur, ita obstruxerant, vt antemuralis turricula; vbi pons ligneus subductilis erat, multo cespice multa; arena ad altitudinem præaltæ contignationis compleretur, è qua demum tormentis impositis ac in solido collocatis, hostium castra atq; opera peterentur. Acciderat quoq; sed aliquāto maiore ludibriò, quàm damno, vt quū cohortibus, quæ operibus atq; tormentis præsidio erant, tardius in statione succederetur, propterea; ieiuni in sextam horam milites ardentissimisq; solibus perusti sensim vt pransum iretur, locū tanquam periculo vacuū relinquerent; Maciucca repentinus erūperet, paucos fugaret, potitusq; tormentis, ea ferreis stilis in spiracula coniectis, ita vt minime displodi possent, configeret. Sed id patratum facinus abducere etiam tormenta contantibus nequaquā lætitiæ fuit: superuentu nanq; Vasconum Italicarumq; cohortium Hispani intra portam cum cæde compulsi, Brisacco ante alios, vti ducem decuit, vehementissimè dimicante, foelicis audaciæ laudem tardi receptus, cruenta pœna æquatam ipsorum confessione retulerant. His casibus euenerat; vt nemo esset in consilio, qui discedendi sententiam non maximè probaret. adiuuabant rem proclinatā alarum duces, quòd consumpto vndique pabulo, equi nobiles macie confecti cum summo dolore equitum aridissimis in locis interirent. Suberat etiam non occultus pauor, nec temere quidem ex tanto Cæsaris apparatu conceptus. Is enim maturare nunciabatur, & aliquot iam cohortes ab Albano præmissæ (has veteranus Oliuar ductabat) nullo prohibente in vrbe peruenierant: quarum accessione tantus iam erat Gallorū contemptus vt pecus ab initio intra urbem receptum, sub mediocri præsidio in proxima prata pastum emitteretur, integrisque gregibus, frustra insidiante ac insultante hoste in urbem reduceretur. Verum id adeo licenter, impuneque facere obsessos non diu passi sunt Sanpetrius Corsus, & Ioannes Thurinus. Nam conditis in conualle cohortibus Hispanos quotidiana consuetudinè armentis præsidio audacter prodeuntes, improuiso acrique impetu adorti, multis interfectis & captis, ipso spectante Henrico, intra urbem compulerunt, qui Sanpetrium virtutis causa aureo torque, & cohortem pecunia donauit. Hi quoque duo

præfecti Paulum Rentij filium cum delecta manu equitum excurrentem ad Helnam, quæ Ebura olim fuit, secuti Hispanos circiter ducentos obsesibus auxilio venientes in itinere peracri edita pugna deleuerunt: in qua Vicinij Vrsini iuuenis virtus enituit, quum ei equus ab hoste suffossus fuisset. Cæterum Henricus, postquam omnia in dies difficiliora fore prospexit, abunde officio votoque satis factum ratus, si incolumi exercitu in Galliam rediret, Miglîs & Hillia oppidis ex itinere direptis ad patrem est reuersus. Is ad Volcarum urbem, Monpelerium hodie vocatum, citra Narbonam confederat, ut ex propinquo communicatis consilijs in omnem occasionem ferendæ opis paratus adesset: porro venientem & quodam nobili pudore perfusum quod cœptis Fortuna defuisset, complexus, festiuè admonuit, ne fraternæ laudis obtreccatione plus æquo angeretur, si Fortuna cœptis suis minus alacriter arrisisset videretur (aderat enim Carolus rebus prosperè gestis à Belgis reuocatus) satis eum his cœptis claritatis & nominis esse consecutum, postquam Hispaniæ fines euastasset, redissetque incolumi exercitu, & nullo accepto detrimento: uti secundis demum votis Fortunam constantis animi virtute superaret. Redcuntibus copijs enata est controuersia iudicij militaris, quum Hispani captarum nobilium scæminarum propinqui, eas sibi liberaliter reddi postularent, negantibus Italis iurè belli captas sine pretio dimissuros, suffragabantur Hispanis ipsa ratio humanitatis, & mos antiquus, quod imbellè genus omni vexatione indignum censeretur. proderat autem Italis recentis Romanæ cladis exemplum. Constabat enim non matronas modo, sed infantes etiam pueros summana Hispanorum acerbitate multo auro redemptos fuisse. Sed rex apprime liberalis donatiuum militibus ex merito per quæstorem dari iussit, exultasque muneribus scæminas dimisit. Eadem quoque liberalitate usus est erga Germanos, quos fluctuante nauigio ad Stechadas à Genua delatos Virginij Vrsinus ad motis triremibus numero ferme trecentos cœperat: & eo quidem maiore clementiæ laude, quoniam Cæsariani multos Subalpino bello captos ad triremes atroci cum iniuria relegassent. Fuere qui existimarent, inuadendæ Hispaniæ consilium in occulta spè venturæ Turcarum classis ab initio fuisse collocatum: Barbarussa enim ea æstate se Hispaniæ litora vastaturum promiserat. Eo autem in mare nostrum prouecto nemini dubium videri poterat, quin obsesibus portubus Aurianæ nauigationes interclusæ tollerentur, Hispaniaque duplici petita hoste vires distrahere cogeretur. Propterea Henricum classis expectatione suspensum, neque ab initio maturasse iter, neque demum, quin celeriter se reciperet, oppugnandæ vrbi herere voluisse: patre itidem reuocante, quum Dexius à Rhodia militia trierarchus ad euocandam classem Byzantium missus, indeque reuectus Masiliam certum negatæ classis nuncium retulisset. Quomodo autem ea res, quæ Francisco non mediocrem inuidiam apud quosdam Cæsarianæ factioni addictos peperisse videtur, Byzantij agitata sit, operæpretium erit explicare. Interfecto Rincone Franciscus Antonium Polinum, qui institutæ legationis munere fungeretur, ad Solymantum misit. Is erat ex Langæi disciplina sobrio, solerti que ingenio, & quod intererat, corpore ad perferendos itinerum labores egregiè subactò. Militabat enim Subalpino bello, legati que nomine ad Alfonso Daualum confirmandis inducijs sapius ierat: quo suscepto munere, eam excellentis industriæ opinionem erat adeptus, ut Daualus prudentiorum eo neminem Gallum se nouisse testaretur. Itaque

Polinus

Polinus per devios tramites Venetias delatus, atque inde enavigato sinu Sibiricum usque, quod antiquis Sicum celebre oppidum fuit, transversis itineribus per Illyricum Mysiam ad Solymannum Budam redeuntem pervenit. Munera ei allata sunt, quum nemini sine dono ad Barbaros aditus pateat. Fuere operosae suppellectilis, ad usum ornamentumque abaci, argentea vasa sexcentorum pondo. Purpuratis vero praetorijque praefecto, atque item ianitoribus sericae omnis generis, aut ex cocco laneae talaris vestes quingentae. Solymannus perlectis literis, auditisque mandatis, quum Rinconis casum graviter ferre videretur, Polino promisit, se regi Gallo iusta arma propter violatas inducias adversus hostem Carolum paranti, neque mari, neque terra, quin opportune opem ferret, defuturum. de his autem rebus nihil explicari posse apud properantes, tum vero quum Byzantium pervenissent, purpuratos ad postulata ex communi consilio responsuros. Perebat ante omnia, ut classis, Harriadeni Barbaruffa duce, ad oram Provinciae, excipienda Gallicis portubus futura aestate mitteretur, peteretque Solymannus a Venetis, ut cum Gallo rege contra Carolum foedus percuterent, & sociam arma in communem omnium hostem verterentur. Non intermisit studium Polinus, quin sibi ad rem impetrandam, toto itinere purpuratorum animos, ampliorum quoque spe munerum propitios pararet. Quum vero ante calendas Decembres Byzantium esset perventum, Solymannus quae antea promiserat se praestaturum pollicitus, Polino persuasit, ut in Galliam cum literis reverteretur: atque inde a Rege suo inferendi belli terminata consilia referret: interea se missurum ad Venetos Iunusbeium, saepe antea eo legationis munere perfunctum, curaturumque, ut quam amplissima classis pararetur. Polinus eo responso maxime laetus, dona retulit binos insignes equos, & gladium gemmatum, mira quoque celeritate ad regem contendit. Is tum confederat ad Abelleium Fontem in villa, agresti in loco, ad venationes suo ingenio & regio quidem sumptu aedificata. Eo usus ocio Franciscus per triduum Polino operam dedit, descriptisque locis atque temporibus, quibus arma inferre statuerat, datisque amplissimis mandatis, cum nihil remissa festinatione Byzantium reverti iussit. Polino Venetias delato, Iunusbeius nondum applicarat. In ea autem expectatione, ut nihil temporis ad maturandum deperiret, Pellicerius vetus legatus, & cum eo nonnulli ex Gallica factione Veneti homines adire tentareque senatum. Apparebat enim Venetos commodo suo consilia mentientes ad ineundum foedus, hortante praesertim Solymanno, facile descensuros, quum Maranum oppidum ad Venetas paludes citra Aquileiam in ipso Venetiarum limine positum, percussi foederis praemio cessurum videretur. Id ante triginta annos Austriacis Germanis proditum Beltrandus incola adiuvante Turchetto centurione Germanis fraude eiectis occuparat, sublatoque Gallico vexillo Petrum Strozam Florentinorum exulum principem, ad praesidium cum cohortibus circa Venetias conscriptis evocarat. Id patratum facinus ita senatui displicebat, ut in spem recuperandi oppidi deveniret, & ipsi Galli non imprudenter evulgarent, si Venetus Francisci regis amicitiam repudiaret, ac ideo percutere foedus nolle, id oppidum finitimis potius Turcis dono daturum, ut Barbarorum classibus receptus foret, quam passurum, ut Germanorum armis repeteretur. Venetis autem nihil molestius ac omnino perniciosius incidere poterat, quam e Veneto portu spectare ambiguae suspectaeque fidei Barbaros navigationum

suarum cursus infestis reddētes, admixtis scilicet prædonibus, quibus ex com-
 posito oneratis culpæ nomine maleficia tegerentur. Itaque Polino senatus da-
 tur: is Francisci regis causam luculenter agit, interfectorum legatorum casum
 deplorat, Cæsaremque tanquam conceptæ inchoatæque tyrannidis invidia
 oneratum graviter perstringit. Illum enim nequaquam vera virtute ac animi
 magnitudine ad summam potentiam niti, sed multo fūco multisque fallacis
 secus ac superiores contenderint: illos namque tyrannis eiectis civitates ser-
 vitute liberasse: hunc liberis prægrave iugum imponere, & dissimulanter
 quidem, ut imperiti rerum verborum lenitate adducti decipiantur. Per hunc
 modum Cisalpinæ Galliæ civitates primò licentiā militari, & ea semper im-
 punita crudelissimè direptas, & demum immanibus tributis deformatas
 spectari, & occupatis arcibus Etruriæ compedes iniectas esse: Seneciles sub
 Hispanico præsidio servitutem ferre, quum civili dissensione libertatem ami-
 serint: Lucensibus ita libertatem relinqui, ut eam quotannis pecunia redime-
 re cogantur: Siciliæ verò atque Neapolis tantæ modò dignitatis ac opulen-
 tiæ regna, usque adeo spoliata esse Fortunis omnibus, uti opportuna præse-
 ctorum avaritiæ, ut Turcarum imperia ad miseriarum finem exoptent ipsos
 porro Venetos, qui rerum omnium periti, suarumque præsertim actionum
 accuratè memores esse consueverint, quantam fidem ex Neapolitano foedere
 Cæsar præstiterit, satis præclare confiteri, vel ob id quòd inedia subactis, ea
 quæ paulo antè Barbarus vel ex professo Christiani nominis hostis humani-
 ter dederat, vitæ alimenta denegarit. Proinde senatum tempestivè, si un-
 quam antea & sapienter ad eum se recepisse, apud quē data fidei ac humanita-
 tis iura servarentur, quum in socio parum æquo astutoque veteris invidiæ &
 cupiditatis documenta prospiceret, ad invadendas scilicet eas urbes, quas fa-
 tali bello ereptas, Francisci demum ope recepisset. Quibus autem artibus
 Cæsar, quum per mediā Galliam summis exceptus honoribus in Belgium
 pertransiret, regem deceperit, ipsos novisse, quum ab ea promissæ pacis osten-
 tatione, affirmante coram Davalo, ut ad traducendum legationi maior inef-
 fet auctoritas, par prope discrimen rerum suarum adierint, eiusque rei fabula,
 in ea scitè agenda Cæsar totum maiestatis pudorem consumpsisset, orbem ter-
 rarum fama compleverit. Propterea Franciscum vindicandis iniurijs inten-
 tum contra Cæsarem bellum parare, ut donec sua recuperet, aliena continen-
 ter invadat, orare Venetos tanquam veteres socios amicosque Gallici nomi-
 nis, ut sibi adesse velint. Ipsi herclè uno consensu bella gerentibus, ea quæ op-
 tarent victoriæ præmia minimè defutura: quòd si forte abnuant fœdus, & se-
 dere, neutrumque iuvare utilius putent, ambos proculdubio dijudicante For-
 tuna graviter offensuros, ut demum à victis odium referant, & à victoribus ini-
 uriam expectent. Decreto autem initoque fœdere, quod plurimum interes-
 set, Solymano rem longè gratissimam facturos. Eum enim valde commo-
 tum lacessitumque recentibus iniurijs in Pannoniam cum innumerabili exer-
 citu proficisci statuisse, pariterque exiturum cum ingenti classe Barbarissam
 adversus communem hostem, quibus consilijs communicandis Iunusbeius
 Venetias mitteretur. Nec de belli eventu quicquā dubitandum videri, quum
 ipsi uni Veneti proprijs usi viribus satis esse videri possint, ut Cæsarem ex osum
 populis, & rapinis milites alentē, à duobus potentissimis totius orbis regibus
 undiq; terra mariq; petiitum, Cisalpinæ Galliæ impotenti dominatu celeriter
 detru-

detrudant. Ad ea Senatus per aliquot dies extracta mora, ut interim Iunus-
beius applicaret, graviter respondit, amicitiam Francisci regis, quàm studiosè
percolerent, ornamento sibi non oneri esse debere: parè quoq; observari cum
Cæsare, à quo discessisse videri nolint, tametsi fastidito eo gravi fœdere, quo se
Neapoli parùm fœliciter implicassent, ad Solymannum eius hostem amicitia
repetita contulerint: proinde patres conscriptos, ac omnes civitatis ordines è
Republica existimare, tueri pacem, uti multa duris temporibus incommoda
perpeffos, quæ vel sero tranquillitatis ocio sarcirètur. Cæterum si explicata si-
gna & planè inchoata bella conspiciant, tum maturè deliberaturos, tuerine
10 pacem expediat, an bello permisceri, quum trium maximorum totius orbis
principum amicitia perfruantur. Appulerat interea Iunusbeius, publica-
que domo, latè instructa exceptus fuerat. Is petebat, ut leges renovati fœderis à
Badoerio Byzanti conscriptæ senatus auctoritate sancirentur, Francisci-
que Regis causam ita senatui commendabat, ut nihil plus peteret, quàm ut eam a-
mititiam, quam cum Gallo tuerentur, propensiore studio, novisque officijs
adaugere vellent, postquam ipse Solymannus, fratrem appellatum, gratia at-
que opibus iuvandum adversus Carolum Hispaniæ Regem suscepisset. Ni-
hil enim, ut fœdus pecuterent, aut arma caperent, postulabat, secus ac Poli-
nus & Pellicerius vehementissimè cupiebant: utpote qui fervidè instando,
20 denunciandoque cuncta facile impetrari posse crederent, ob idque Barba-
rum frigidè proloquentem, auro corruptum suspicarentur: verum ut postea
pro certo constitit, tanta eminebat in mandatis ac literis Solymanni, alioqui
superbi, æquitatis atque modestiæ ratio, ut nihil ab invitis exigere vellet, quod
ex commodo præstari minimè posse videretur. Itaque Polinus frustra contri-
tis apud Venetos aliquot diebus trireme publica Ragusium devectus, ac in-
de mox discedens magnis itineribus Byzantium contendit. Quum festina-
ret, Achomati magistro equitum in Pannoniam properanti, in Thraciæ fini-
bus occurrit: hunc de Germanorum apparatu, cœptoque itinere, & de Fran-
cisci consilijs edocet: ubi verò Byzantium est perventum, cuncta spe sua du-
30 riora apud Barbaros invenit. Pernegabant enim purpurati educi posse clas-
sem, quòd serius quàm oporteret, ad rem impetrandam advenisset. Verni
certè æstivique temporis, ad navigandum aptissimi, tres iam menses effluxe-
rant: ita ut Polinus ingenti cura doloreque vehementer angeretur, quòd ne-
que Venetjs, neque Byzantijs, in tractando utroque negotio, satis felix aut
tempestivus extitisset. Advenerat etiam Dexius trierarchus, ut adventantis
classis nuncium in Galliam deferret. Is in Belgarum fines latè penetrasse, &
Hispaniam invasisse regios liberos cum ingentibus copijs enarrarat. Proinde
Polinus, uti alienà fidè deceptis ac inanis industriæ suæ successum deploranti-
bus facile accidit, sese graviter affligere, perversos ac instabiles Barbarorum
40 mores execrari, implorare fidem Solymanni, conventosque privatim singu-
los purpuratos obtestari, ne Regem spe classis in Hispaniam provectum, &
Belgarum fines invadentem desererent. Ea enim celsatione neque honesta i-
pſis neque utili, sui regis decus prodi, interpellarique victoriam, quæ iam ex-
plorata, partaque è manibus emitteretur. In his autem obtestationibus adeo
multus erat ac assiduus, ut fastidio quàm gratiæ propior videretur, iudicaretq;
Solymannus Eunuchus eius querelę causam gravi oratione finiendam, atque
ita evocato in prætorium Polinio assidentibus collegis, quibus ipse quoq; Ha-

riadenus propter præfecturæ maris dignitatem addebatur, ad eum conversus:
 Hic, inquit, locus, viri Galli, expediendis gravissimarum rerum consilijs opti-
 mi Imperatoris iudicio fidelibus servis datus, uti decet, quotidie ingredienti-
 benevolentia atq; odio vacuos excipit, & præclare quidem admonet, ut libere
 loquamur. Neque velim, ut hæc oris libertas nuncia veritatis, atque ideo fide-
 lis amicitie custos auribus vestris acerbæ molestaque sit. Nam postquam rex
 vester Ottomannici nominis socius atque amicus est appellatus, neque remit-
 tere amoris officia, neq; amicitiam vestram fastidire iam possumus, quum vos
 mirifice amet imperator, vosque suis opibus vehementer adauctos: devictisq;
 inde hostibus potentia & dignitate maximè florentes velit: sed postulatis ve-
 10 stris nulla inest æquitas, nulla modestia, ita ut vos iniquos in verecundosque
 vocemus: alij verò minus benevoli, veris nominibus importunos ac impuden-
 tes appellent, postquam uti nimis improbè procaces, amicitie rationes inae-
 prissime conturbatis. Fœdera enim paribus commodis, exequatisque sumpti-
 bus, & mutuis periculis confirmantur. Quod si studia atque officia negligendo
 nihil rependeris, celeriter obsolescunt. Ita vobis evenit, viri Galli, qui in
 nostro periculo semper obliviosi supiniq; in vestro semper erecti & egregie
 memores, nequaquam factis, certisq; auxilijs, quum opus fuit, sed manibus
 tantum literis atque legationibus amicitiam coluistis. Dicite obsecro, quod
 unquam studij vestri, vestræque operæ signum apparuit: quo saltem hostium
 20 nostrorum animus vel ambiguo metu diltingeretur? quum Carolus totius occi-
 dentis copijs instructus in Pannoniam venisset, atq; interim in Græcia Corone
 Patraq; hostili classe quaterentur, Tunetumq; cœnium tantis periculis
 caperetur. Sed hoc vobis condonamus, illud certè vix ferendum videtur, quod
 nec tantis iniurijs nostris, uti par erat, indoluitis, quum cruento cœnium hosti
 tot nostri nominis crudeliter interfectis, officiosè gratulandum existimaveri-
 tis. Pervenit demum ad Aulonem noster imperator, magno vestro commo-
 do in Italiam traiekturus: sed nec tum, quæ à vobis iactanter largeq; promissa e-
 rant, Apulorum erga vos studia in appulsu nostræ clasis reperta sunt: nec vos
 in superiore Italiæ parte valide incumbendo commovistis: ita neque nobis op-
 30 portuni, neq; vobis unquam tempestivi vel utiles bene gerendorum rerum oc-
 casionem semper amissistis: nec neque tum, neque postea vestro consilio & con-
 sociatis armis unquam eguimus. Venetus enim suo malo & vim pariter, & si-
 dem nostram expertus est, & reliqua Mars iniuriarum nostrarum præclarus
 ultor secundissime confecit, quum arbitrio vestro inducijs cum communi ho-
 ste confectis ad nos invadendos, eius vela tam iniquè quàm impudenter inflas-
 setis. Ceterum sine vestra ope tantos hostium impetus egregie retudimus, quum
 hic ipse Hariadenus & classem ad Ambracium profligarit, & latrones Hispa-
 nos ad Castrum novum felicissime trucidarit, indeque receptis nostris urbi-
 bus alienas cœperimus. Nullius ergo meriti causa vobis tenemur, sed harum
 40 rerum oblivisci malumus, quàm vobis semel in amicitiam receptis deesse. Fa-
 ctis enim fidem tuemur, sed spectare tempora, pericula metiri, occasiones a-
 gnoscere, eius est, qui non temere Fortunæ aliquid committendum existimet.
 Tardius quàm oporteret, ut clasis educeretur, advenistis. Præcipiti namque
 æstate pestilens imminet autumnus, ita ut neque mature conscribi remiges, ne-
 que in naves contrudi tuto liceat. In longissima enim navigatione quis nava-
 lem turbam ad insoliti cœli mutationē morbo tentari solitam, vitæ periculum
 mini-

minimè adituram credat: quis naufragia vel in reditu non pertimescat: quum hic ipse Hariadenus Augusto mense tantus in re navali magister ad Acroce-
 raunios scopulos illisus, tot triremes amiserit. Hyeme refici, Vere adornari at-
 que educi classis debet, estate navigatur tuto, bellumq; geritur. Id ut fiat, reipu-
 blicæ causa, Imperatori persuademus. Neque enim emilla semel classis vel mul-
 to auro, quo vel immenso, & per tot secula congesto Ottomannica domus
 potitur, restitui potest. Tu hæc amicè dicta, si sapiis, æquo animo feres, impera-
 tor porro ipse viderit, an tibi sit indulgendum. Illi certè & nobis libero voto
 10 satisfecimus. Hæc verba ab Eunuchò severe pronunciata, eo gravius Polini a-
 nimum perculerunt, quòd ex ore Solymanni mitti videbantur, & is quoque
 auscultasse omnia credi poterat. Imminebat enim à tergo confidentibus pur-
 puratis fenestra æreis obsepta clatris & obtenso velo protecta, ut ipse impera-
 tor, quum vellet, nec omnino sentiretur, gentium omnium querelas & lites
 audiret, notaretque ingenia iudicantium, quorum ex eo metu æquitatis atque
 iustitiæ cura multo intentior redderetur. Nec Polinus ab hac repulsa purpura-
 tos detestatus spem abiecit, deditque enixè operam, ut per Capiagam ianito-
 rem largitione conciliatum ad ipsum Solymannum sibi aditum pararet. Pre-
 stitit officium Barbarus: atq; ita Gallus, quòd paucissimis nostrorū hominum
 20 antea licuerat, in intimum prætorium est introductus. Aderat Bederius inter-
 pres, per quem actitata recensendo magnis precibus rogabat, ne regem triplici
 bello hostes invadentem, ea promissæ classis expectatione frustraretur. Ad ea
 Solymannus clementi ore & paucis admodum verbis, non sua voluntate, que
 esset stabilis atque mirifica, sed ipsius tarditate, ac æstatis inclinatione occasio-
 nem educendæ classis elapsam respondit, pollicitusque est, se primò verè du-
 plo maiorem, quàm peteret, classem amico fratrique suo regi adversus Caro-
 lum communem hostem, sine dubitatione transmissurum. Cum eo itaque re-
 sponso Dexius trierarchus in Galliam reversus, uti supra docuimus, effecit, ut
 Franciscus extemplo filium ab Hispania revocaret. Redeuntibus autem copijs
 quum hybernorum subesset tempus, nec in Belgis, propter anni tempus quic-
 quam ultra moliri vellet, Helvetios ferme omnes, atq; item aliquot signa Ger-
 manorum persoluto stipendio divisit. Italicas autem cohortes Hanebaldo tra-
 didit, quæ in Italiam ad Subalpinum bellum ducerentur. Provinciàm enim,
 quanquam fructuum omnium copijs abundantem, commeantium tamen mi-
 litum frequentibus affectam incòmodis, hybernorum vacatione sublevandã
 existimabat, & in Italia alendū omnino bellum rebatur, vel ob id quòd & Ger-
 manorum integram ferè legionem, & veteranas Hispanorū cohortes in Hispa-
 niam subsidio missas intelligebat. Itaq; Hanebaldus durissimis nivosisq; Al-
 pium itineribus in Italiam profectus ad oppugnandū Cunium oppidum con-
 tendit. Id ad radices Alpium in plano sitū, præcinctumq; duobus parvis amni-
 40 bus, in Tanarū confluentibus, magnam habebat opportunitatē ad gerendum
 bellum: quòd Fossano proximū esset, Montevicoq; finitimū. Oppidani præ-
 claro studio Cæsari favebant: sed ut præsidium acciperent nunquam adduci
 potuerant, vel admonente obtestanteq; Davalo, ut à Gallis maximè caverent.
 Tanta enim erat metus Cæsarianorū militum, summa licentia ac impunitate
 sociorum fortunas in prædã vertentium, ut vim hostium minore cum peri-
 culo sustinendam arbitrarētur. Sed ubi adventum hostium certius senserunt;
 non de vano conceptus pavor usq; adeo apud infirmos viribus crevit, ut quod

antea repudiarant, à Davalo militare præsidium postularent. Misit itaque Petrum Portum à Vicentia, nobilem strenuumque alæ præfectum: is cum sexaginta galeatorum equitum manu, acceptis in clunes totidē confessoribus sclopetarijs, usus tenebris per stationes hostium ad oppidum penetravit. Eius adventu Cuniates bona parte metu liberati, impositum extruendi intus aggeris munus alacriter susceperunt. Nec multo post quàm Davalus de oppido salute sollicitus, ad Petrum Ciconium, qui Fossanum præsidio tuebatur, sæpe perscriberet, ut Cuniatibus maturè opem ferret, Blalsius Summanus cum cohorte una eadem fœlicitate, qua Portus ierat, per medios & semisopitos hostes ad oppidum pervenit: amissa tamen circiter dimidia militum parte, quum alij obscura in nocte rectum iter tenere nequivissent, alij periculo territi segniusque sequentes retrò per devia dilapsi amisso in tenebris pudore vexilla reliquissent. Hane baldus ad motis maioribus tormentis magna vi murum quatiebat, pinnatum ruina fossam compleverat, duosque aditus ad irrumpendum parabat. Portus & Blalsius diruta mœnium obiectis lanarum saccis, congestaque omnis generis materia & gleba sarciebāt. Omnibus propè horis certabatur, impigre populus militibus intermixtus propugnabat, usque adeo pari omnium studio, ut fœminæ nequaquam tormentorum ictus formidantes, comportando onera corbibus, & militi cibaria ministrando virilem operam præstarent. Galli instauratis per triduum prælijs conscendere murum conati, semperque repulsi multis suorum occisis, pluribus vulneratis, desperata expugnatione oppidi discesserunt. In postremo certamine Guiliermus Blandratus, qui antea, ut diximus, Casalem urbem Gallis prodiderat, glande traiectus interiit. Sanctius Corsus in adversum os lapide excepto deformiter vulneratus, Ioannis Turino brachium scalarum ruina debilitatum, viri fortes supra centum desiderati, & in his Italarum & Vasconum signiferi quatuor, & insignes nonnulli equites Galli, qui pedibus pugnare iussi alacriter subierant. Quum sereciperent Galli, & maledictis incescerentur, honesta quædā alioqui mulier, sed tum nequaquam integro pudore, ut abeuntibus illuderet, nudatos clunes sub iata veste feriendos è summis mœnibus ostentavit. Cuniates spectatæ virtutis merito, Portum & Blalsium præmia donatos dimiserunt: nec multo post Hane baldus, nullibi cœptis arripebat fortuna revocatus in Galliam, in Alpibus nivium procella obrutus penè interiit, multis ex comitatu, & in his fratris filio multa mole nivium miserabili mortis genere sepultis. Nec multis inde diebus Langeo, ab rege in Galliam evocato, profectoque, Cæsar Maxiùs à Neapoli in usitatæ calliditatis dolum reperit, quo Taurinum belli arcem Gallis eriperet. Discessu siquidem vigilantissimi ducis minus intentas diligentesque custodias futuras ratus, quatuor agrestes carros, per quos venale fœnum in urbes conveyitur, adeo solerti ingenio concameratos fabricarat, ut quum exterius virentis fœni speciem præberent, interius seni loricati milites conderentur, qui demum ingressis portam carris, in medio aditu laxatis machine fibulis repente profiliarent, hastisque hostium correptis, quæ ad parietem per rastrella dispositæ ad manum essent, custodes confoderent, & tandiu angusto in aditu carrisque occupato locum tuerentur, donec instituta ad succurrendum una atque altera validorum atque pernecium sociorum manus adcurreret. Franciscus enim Isclanus, Hispanusque Mendocius, modico intervallo idoneis in locis occultati fuerant, ut carros ingredienti celerrimè consequerentur. Sed his aut animus, aut certè fortuna, quæ

na, quæ dolis illudebat, importunè defuit: quum primus enim carrus ab igna-
ris doli bubulcis, foeliciter esset introductus, erumpentibusque armatis inidi-
g nudarètur, cataraçta à fabro ferrario, qui fortè aderat, opportunè demissa sub-
sequentes exclusit. Ita primi frustra socios expectantes, decurrente ad excita-
tum clamorem Buterio duce, à Vasconibus sunt interfecti, uno tantum capto
conservatoque ab Italis Alexandro Magio, nobili Insubre, ut auctorem atque
ordinem insidiarum aperiret. Isclanus quoque qui ad patrandum subitæ rei
facinus, sed non in sua fata ferus adcurrerat, è muro glande percussus interiit:
milites verò tormentis pariter petiti è conspectu sese celeriter eripuerunt. Ea res
10 uti novo insidiarum genere instructa atque perducta penè ad exitum, Gallo-
rum animos magnopere conterruit, admonuitq; ut nullam omnino custodiæ
diligentiam adversus Maxij ingenium superfluam putarent, quum ab eo ad
rendendas insidias parato paucis antè annis: ipso etiam ægrè defendente Bu-
terio portæ eiusdem propugnaculum noctu scalis captum meminissent. Cæ-
terum Langeus, qui iter in Galliam susceperat, nivosis in Alpibus concepta
gravi pituita, citra Lugdunum interiit, vir animi virtute, ac optimarum litera-
rum notitia Gallis omnibus ea ætate superior, & dignus herclè longissimo vi-
tæ cursu, quum supra Bellaia nobilis familiæ nomen, sobrij & maximè con-
stantis ingenij mores, quod paucis eius gentis viris militaribus contingit, ad
10 bellum attulisset.

PAULI IOVII NOVO-

COMENSIS EPISCOPI NV-

CERINI, HISTORIARVM

SVI TEMPORIS

LIBER XLII.



VB id tempus Germania omnis, excitata Ferdinandi
regis precibus, gravissimisq; Hungarorum procerū ob-
testationibus permota, adversus Turcas bellum suscepit.
Nemo enim erat, qui animo dolorem ac ignominiam ferre
posset: postquam propinquis & fratribus ad Exechium
foeda in fuga trucidatis, & nuper ad Budam Rochandul-
phi exercitu turpissimè fuso, delectoque, vetere belli glo-
ria decidissent. Nec quisquam erat, vel Austriæ domui
40 graviter infensus, qui acceptum dedecus nobili ausu sarcendum, Budamque
omnino repetendam esse non duceret. Admonebantur & desides non dubio
vicini periculi metu: quoniam apparebat, Turcas nusquam vinci solitos, per-
petuoq; bellandi studio & consuetudine procedendi, prædā & prolati imperij
famam quærentes, occupata Pannonia minimè quieturos, breviq; futurum ut
Germani, nisi Hungaris diro bello obrutis opem ferrent, irrumpente victore
Barbaro, iniqua domi conditione pro focis ac uxoribus & liberis certare coge-
rentur. Celebris tum erat Nurnberge regulorū, & legatorum omnium pro-

pè gentium conventus, diuque in eo Pontificij cum Lutheranis de Christiani dogmatis veritate contenderant, sed ea contentio eum habuit eventum, ut Lutherani insigni contumacia placita sua defendentes, concilio locum in ipsa Germania deligi postularent. nunquam enim id concessurum Pontificem rebantur, ne Constantiensis concilij exemplo dignitatis atque salutis aleam subiret. Sed id petentibus, uti mox dicemus, Pontifex probitatis ac innocentiae suae fiducia, publicae concordiae votum secutus, liberaliter indulxit. Cæterum decreto bello, imperata adductaque sunt à regulis & liberis civitatibus ad triginta millia peditum, & equitum armatorum septem millia Germanici nominis, in his eminebat Mauritius Saxo nobilissimæ stirpis regulus. Legionibus magna bellicæ virtutis opinione præerat Conradus Hessius, direpta urbe Roma ingentes divitias consecutus, & Volfgangus Theodoricus è Suevia nobilis. Supremi autem militaris imperij nomen delatum est Ioachimo Brandeburgensi regulo, quem Turcico ad Viennam prælio interfuisse docuimus: ita tamen ut summa consilij potestas ad Octoviros pertineret. Hos natu grandes rerumque peritos in concilio delegerant, qui imperatori non multum foris in militia versato adessent: Ioachimus enim uti parum efficax nihil ferè præter generis nobilitatem & regij cultus instrumentum, liberalesque convictus in castra detulisse videbatur. Vbi Viennam est deventum accessere Ferdinandi regis copiae: nam præter Austrianos nominatim evocatos, Hungarotus Stry-¹⁰riæ præfectus circiter decem millia equitum effecerat. In his erat Illyricorum ala, Bartholomæo Croato duce impigro, cultu insignis, virtuteque mirifica, & Nicolaus Sdrinius cæde Cazzianeris hospitis æque laudatus & infamis: Hungaricus autem equitatus quindecim millium numerum efficere dicebatur. Nam Gaspar Seredius vir impiger, laudis & prædæ avidus, cis Danubium multos Vsarones rapinis assuetos, ad signa convocarat. alia quoque validior manus Andreæ Bathoris vexilla sequebatur: veteranas verò turmas, quæ circa Agriam ultra Danubium hyemarant, ducebat Perenus Petrus auctoritate, potentia, usuque militiæ Hungarorum nobilissimus. Nec ipse Georgius Varadinensis antistes, quem à Solymanno in tutela regis pueri, reginaeque in¹⁰ Transylvania ad Lippam relictum diximus, tanto excitatus apparatu, Christianæ causæ defuturus esse credebatur: sed astuto constantique vir ingenio, cum nihil sibi ante belli eventum temerè præmoliendum arbitraretur, ita fortissimè tantibus regijs, amicisque veteribus verba dabat, ut transeundi spem præberet, nec obligaret fidem ullo literarum testimonio, quo Turcis inita consilia proderentur. Paulus quoque Pontifex, quod erat mirificæ voluntatis & liberalis officij munus, tria millia delectorum peditum Viennam ad exercitum misit, hisque ducem attribuit Alexandrum Vitellium: expetente rege magnis precibus, ut is præcipuè mitteretur, qui spectatis operibus pugna-⁴⁰cis & egregij ducis famam quæsiisset. Italos enim duces & milites rex ipse, uti maximè idoneos expugnandis urbibus querebat: nam paulo antè Philippum Torniellum cum aliquot cohortibus mercede conduxerat, & Iacobus Medicus Danubianæ classis præfectus alterum iam annum in Pannonia secunda nominis fama militabat. Sfortia quoque Palavicinus, summæ spei, summæque nobilitatis adolescens, per eos dies ornatissimam sexcentorū equitum alam, circa Padum conscriptā in Pannoniam adduxit. Descensum est secundū dextram præterlabētis Danubij ripam, miro quidē ordine, sed adeo modicis ac intermissis itinere

itineribus, ut Itali Hungarique duces iam adultæ æstatis meliorem partem gerendis rebus opportunam segni ac inutili mora absumi testarentur: fremebatque ob id ante alios Medices, qui multum antea regem fuerat adhortatus, ut ad prima Veris signa, prius quam Turcarum præsidia adaugeri & confirmari novis militibus possent, expeditas copias cum classe dimitteret: futurum enim esse, ut strenuè atque celeriter invadendo non Pesto tantum, verum & ipsa quoque Buda potirentur, quod Solymanus Budæ præfectus, quem natione Hungarum & professione Turcam conciliandis Budensium animis à Solymanno imperatore relictum diximus, pestilentia absumptus interfecit, eumque pari fato subsecutus esset Stephanus Verbetius, qui propter summum in Germanos odium Turcarum beneficio apud suos cives prætoria potestate fungebatur. Sed ea consilia peritè atque salubriter oblata Ferdinandus, aulæ suæ principibus immodicè credens, in eam maximi apparatus occasionem distulerat. Mos enim erat amicorum intimis obrectare alienæ virtuti, improbè suspicari, mentiri, & neminem in aula pati, qui certa virtute ad regis gratiam niteretur. Hisdem artibus nulloque pudore, omnibus ærarij fisci, & opibus immaniter direptis, summæ benignitatis & clementiæ regem, avitoque ingenio bellicæ laudis appetentem, militari existimatione spoliarent. Nunquam enim eorum adulatione circumvento hostilem aciem videre licuerat, quum per legatos gerenda bella & regij nominis maiestatem nequaquam manu, sed consilio procul à periculis tuendam suassent, recenti quidem exemplo fortunæ Cæsaris, qui per duces tot trophæa de Gallis hostibus erexisset, quum duo Pannoniæ reges temerè in aciem progressi, occisi, & ipsorum genti & nomini valde insignem calamitatem attulissent. His de causis Ferdinandus in una securitate prudentiæ nomen reponens, tam procul à periculo quam à fructu speratæ laudis remotus, Viennæ substitit expediendis com meatibus, qui navigijs secundo flumine in castra deferretur. Iam enim Ioachimus, quum tantæ tarditatis infamiam ægrè sustineret, vel maximè lentis itineribus ad Strigonium usque pervenerat. In promovendis castris talis ordo perpetuo tenore servabatur, qui tametsi nullo usui fuerit, & ad periculum faciendum eventum crederit: prodendus tamen, quia optimus, ad exemplum posteris videtur. Tributa sub signis Hungarorum turmæ, moris hostium locorumque peritæ explorandis regionibus anteibant. Pontificiæ cohortes sequebantur, eæ siquidem primi pedestris agminis frontem obtinebant, Vitellio lætanter & alacriter Germanis ducibus gratias agente, quod sibi potissimum, uti primis obiecto periculis, nobilem ostendendæ virtutis locum dedissent. His uti par erat Sfortiani splendentis armaturæ equites ad mutuam opem ferendam erant coniuncti. Succedebant continenti ferè ordine tres distinctæ maiores alæ, prima Pereni et Bathoris, secunda proregis Hungaroti, tertia Germanica gravis armaturæ: deinde modico intervallo peditum legiones quadratis agminibus. Apud has tormenta leviora falcones & minores colubrinæ ad campestris usus supra quinquaginta equorum iugis trahebantur. In dextro latere legionum adequitabat imperator cum robore Germanorum equitum, qui fulgentibus protecti armis (nam & plerique ferrea tegumenta equorum pectoribus & clunibus indiderant) insuperabilis, & longè pulcherrimi agminis speciem præbebant: longa verò series carrorum atque rhedarum, quarum apud Germanos infinitus erat numerus, extra aciem ducebatur, ita ut irrupturis hostibus esset

obiecta, intercedente duorum stadiorum spacio, quo explicari posset equita-
 tus. Inclinate sole castra ponebantur, ea instituta ratione, ut lunato circuitu
 connexis curribus & pluribus simul tormentis, Germanici nominis copias
 circumvallarent, reliqui omnes Itali atque Hungari excluderentur, et una tan-
 tum Germanorum equitum manus extra munimenta pernoctaret. ob eam
 rem Vitellius ut contra subitas hostium incursiones tutior foret, editos colles
 & nemorosa loca sedulo quæritabat. E singulis autem legionibus singula co-
 hortēs, quæ circa rhedas in statione consisterent, sorte ducebantur, & si quis
 hostium incursus tumultum excitaret, duo millia equitum descripta erant, qui
 dimissis equis pedestri ordine, cohortibus opem ferrent, vallumque defende-
 rent: ad lævam reliquum castrorum latus alluebat amnis aquationibus, & in
 omnes comitantis classis commoditates opportunus. Nunquam enim a Da-
 nubij ripa discedendum esse didicerant superiorum ducum exemplo, qui in
 Pannonia militassent, & recenti monitu Ioannis Tarnovij Sarmatæ, qui Mol-
 davica victoria clarus, uti summus bello dux eo exercitu, multorum iudicio
 votoque ad certam spem victoriæ, longè dignissimus habebatur. Is enim in-
 vitatus à Rege, quum tanti muneris operam præstare nolleret, ne Sigismundum
 regem suum, in vetere Turcarum amicitia quiescentem offenderet, salubre
 consilium dederat: præclare monens, ne unquam à ripa discederēt, nunquam
 se vel à refugientibus & perturbatis hostibus ad pugnam in campos elici pa-
 terentur. Nihil enim aliud Turcas omnibus ludificandi artibus instructos, eo
 bello quæsituros, quàm ut nostri aviditate conferendæ manus progrediantur,
 à flumineque discedant, quo se celeriter ad ripam insinuent, circumfusoque in-
 numerabili equitatu & laxatis latissimè turmis cataphractorum impetus elu-
 dant, & demum intercluso commeatu nostros etiam, uti Ludovico regi mise-
 rè accidit, aquatione prohibeant: quod ad Budam vero pertineret, severa voce
 dixit, bis antea parum fœliciter tentatam, tertio etiam periculo tentari posse,
 capi que, sed existimare munitiones adauctas, & Turcas aliquanto Hungaris
 constantiores, ad interitum usque pugnatuos, quo animorum decreto nostris
 militibus insuperabiles iudicaret. Nec de invicta gente, quæ vetera uo & ma-
 ximo polleret equitatu, magnam insignemque victoriam ratione concipi &
 rectè sperari posse nisi beneficio Deorum immortalium parva concordia, om-
 nes totius Christiani nominis equites, & opes in unam aciem congererentur.
 Erat enim fama edita in vulgus, Solymannum cum ingentibus copiis amitten-
 dæ Budæ periculo excitum in Pannoniam rediturum, aut si ipse subsisteret,
 missurum auxilio Europæi equitatus magistrum, qui suo more commoveri
 minimè posset, nisi equitum sexaginta millia ducerentur. Sed eius consilij e-
 ventus secus ac putarant, ancipitem casum tulit. nam sicuti ad decernendas co-
 gendasque copias magnopere contulerat, ita ad deicendum continuo matu-
 randum magno incommodo fuisse videbatur. Gravis enim nec insolitus de
 Turcis timor, quanquàm magnificis verbis egregiè tegeretur, Germanorū ani-
 mis incesserat, usque adeo, ut planè rudis imperator, quanquàm ingenio fortis, mi-
 nimè festinandū putaret, ne sui gentis exercitus in ea loca demitteretur, à qui-
 bus adverso demū flumine, nisi parva victoria difficilis esset receptus. Ex arca-
 no enim cōsiliij decreto statuisse ferebatur, nullā pro Pannoniæ regno, vel dimi-
 cationis, vel certi periculi aleā subire, sed tueri tantū Noricos fines, & Germa-
 niæ vires ostētare, quib. deterreri posset Barbarus, si veluti cōcessa Pannonia mi-
 nimè

timè contentus, Germanos quoque laceſſere cogitaret. Sed certi demum ſpe-
 culatores è Samandria reverſi, quum eos omnes de Turcis falſos rumores ex-
 tinxiſſent, tanti dedecoris tardidatem ſuſtulerunt. Nam viſ mille lanizeros
 pedites, & biſ totidem equites Budam advenſiſſe, & claſſem numero genereq;
 navium regiæ multo inferioreſſe eſſe nunciarant. Valebat & plurimum ad
 timorem minuendum cunctationemq; tollendam Hungarorum opinio ple-
 na bonæ ſpei, plenaque rationis atque iudicij, affirmante præſertim prædican-
 teque Pereno, nullam Turcarum manum, quæ vel mediocris & exigui exerci-
 tus nomine digna videretur, ad Budam inventuros, ſi continuoſcenderent,
 10 nihilque amplius iam penè corruptæ occaſionis inſigni flagitio perdi pateren-
 tur, quòd Solymanno alternis æſtatibus bella gerere ſolito, is annus ſtatè quie-
 tis & ocij foret, nec ullam omnino validæ iuſtæque expeditionis ſuſpicionem
 adduceret. His de cauſis quum omnium militum animi ad profectionem cre-
 cti viderentur, & iam ipſe Ioachimus abrumpendam moram putaret, Danu-
 bium tranſire conſtituit: id non probabat Medices, qui quum Strigonij inte-
 grum annum in præſidio fuiſſet, Turcasque ſæpius ad portas excurrere auſos,
 multis interfectis & captis, latè reſpreſiſſet, rebus Budenſium diligenter explo-
 ratis, petendum regni caput eſſe diſſerebat, monſtrabatq; iter expeditum, quo
 facile in conſpectum Budæ biduo pervenirent. Idem erat Pereni iudiciũ,
 20 eadem Hunganotique voluntas, ſed cum ducis, tum conſultorum omnium
 mens erat, ante omnia Peſtum oppugnare, quòd minore cum labore fieri poſ-
 ſe videretur, atque inde demum perſpectis hoſtium conſilijs, cognitisque vi-
 ribus ad veteris Budæ ripas reverti: tum enim milites multò alacrius expu-
 gnandæ Budæ pericula ſubituros, ſi Turcas, quòd bono omni foret, in prima
 contentione deviciſſent. Hæc opinio magnopere probabatur ipſi Barcocio,
 Othonique Foriſco, qui paulo ante Peſtum contra Mahometem inſigni cum
 laude defenderant, locorumque naturam & mœnium vitia, & quicquid inſti-
 tutis ab ſe nec perfectis munitionibus deeſſet, exactè noverant. Cæterum ea
 res aliam quoque moram attulit: nam Danubius in inſulam ſancti Andree,
 30 & inde ad Vaccianam ripam traiecturis gemino ponte & laborioſo quidem
 opere iungendus erat. Vno demum atque altero ponte flumine conſtrato pe-
 tendenda erat Vaccia urbs antea nobilis: ſed Mahometis bello, uti antea diximus,
 incenſa, & demum evaſtata à noſtris copijs penè tota corruerat. Nec erat quiſ-
 quam qui ante alios adire atque explorare locum vellet: occultas enim in re-
 ctis atque ruinis inſidias timebant: quòd nemo adhuc hoſtium eſſet conſpe-
 ctus, nec ulla ſubeſſet cauſa, cur aſtutæ & promptiſſimæ gentis conſilium, ad
 metum potius quam ad dolos ac inſidias referrent. In ea cunctatione, adhor-
 tante Ioachimo, Vitellius alacriter id munus ſuſcepit, ita ut fidem daret im-
 perator Germanorum cohortes poſtero die ſecuturas. Itaque Vitelliani cæ-
 40 leriter conſecto itinere urbem ab incolis deſertam intrant, nec quenquam ho-
 ſtium, qui ſe in conſpectum daret, inveniunt, ita univerſus exercitus ab inſu-
 la in ulteriorem ripam eſt traductus. Descendit & uno tempore Medices or-
 natiffima claſſe, ut aliam minorem inſulam à fano divæ Margaritæ nuncupa-
 tam (ea eſt paulò ſupra Budam) occuparet, nec obſtitere hoſtes, qui tota ripa
 ſeſe diffuderant, è Budaque veteri minoribus tormentis claſſem tranſitu pro-
 hibere conabantur. Sed claſſis ſingulari militum alacritate, & contentione re-
 migum incitata, adiutaq; plurimum ſecundo rapidiſſimi fluminis curſu, pau-

cis acceptis vulneribus, insulam apprehendit, classemque hostium subeuntem coniectis in eam maioribus pilis ad suburbanam Budæ stationem compulit. Porro inter insulam & continentis ripam, ubi iam pontem effecerant, in spacio duorum stadiorum erecta quadrata munitione, parva castra, quæ septem cohortium præsidium acciperent, constituta sunt, ut onerariæ naves duplici defensæ præsidio nihil timerent, & qui sub sarcinis in castra contendebant, securè commearent. nam & interdum aliquot turmæ equitum cohortibus addebantur. Quum magno circuitu, vitandis Budensium tormentis, ad Pestum ire pergerent, ex transfugis reperiebant Balim Epirotam, qui mortuo Solymanno Hungaro urbis præfecturam excepisset, in præsidio habere circiter duo millia equitum: tria verò ex Illyrico Vlamam Persam adduxisse. Is deserto Tammafo Persarum rege Solymannum secutus, uti supra memoravimus in expugnatione Castrì Novi ad Rizonicum sinum insignem operam navarat. Ad hos accessisse mille equites Amurathe Dalmata duce, Obroarij & Clissæ cladibus nostris claro. Advenisse autem Byzantio ex numero prætorianorum Ianizeros pedites mille, quibus præerat Segemenes Acarnan, eximia virtute chiliarchi locum meritis. Reliquos pedites ex genere latronum agrestium Martelosios aut Mysos remiges esse, quos faciundo operi potius quàm exercendis armis idoneos exigua mercede conduxissent. Classem verò constare paulo plus sexaginta Nafadis, decem biremibus, paucisque magnis lintribus, quos undiq;educta sponda crassis asseribus contabulassent. Imperasse autem cunctis Solymannum, ut Budam & Pestum cæteris omnino neglectis oppidis, summa vi defenderent, propositaque esse præmia fortibus, & supplicia ignavis: si quid porro propugnantibus durius accideret, Achomatem magistrum equitum (Bellerbeyum ipsi vocant) e Triballis accerterent: confedissem enim eum ad Sophiam urbem, ut maturè opem ferret, monuisseque Sanyas, ut parati profectionis imperium expectarent. His rebus exploratis castra ad oppidum promoventur, Turcæ conspectis nostris Vacciana porta trumunt: Hungari singulari alacritate equos incitant, tumultuarie prælio concurretur, sed paucis utrinque cadentibus, pari successu vires experiri, Turcæ in oppidum, Hungari in castra revertuntur. Vitellius à Septentrione, qua una in parte oppidum tutò oppugnari posse videbatur, propinquum muro locum cœpit. Germani vallatis castris paulò remotius tetenderunt. Oppidi mœnia quadratam figuram efficiunt, & à Meridie profluente Danubio, & per angustam ripæ marginem relincente, opportunè muniuntur. Vtrunq; autem latus ab Oriente pariter ac Occidente, tormenta maiora, hinc ab arce Budæ, illinc à Gerardo monte, ad certos ictus constituta, ita detergebant, ut sine certo exitio, neminem nisi imperitum & insanum usq; adeo infestis in locis castrametari posse perspicerent. Buda enim editis collibus imposita, dirimente Danubio Pestum in plano situm contrà respicit, dominaturque latè campis longo prospectu, ita ut nullam partem à tormentis metu vacuam relinquat, præter eam, quæ ad Agrianam portam obiectu oppidì protecta spectantibus eripitur. Postero die quum Vitellius, ut statuendis tormentis locum exploraret cum tribus cohortibus & duabus Sfortianis turmis ad mœnia processisset, nec quisquam hostium conspiceretur, Turcæ repentina eruptione è duabus portis nostros invaserunt, initumq; est certamen paribus primò animis ac viribus: sed postquam nova manus peditum & equitum subsidio suis advenit,

nostri

nostri pedites primò, mox & equites perturbati dissipatiq̃ue Ianizerorum vim ferre nequiverunt. secus enim ac nostri crediderant. Ianizeri summa agilitate suspensa ad utrunque latus anteriore tunica, peritissimè longioribus sclopettis utebantur, celeritateq̃ue mirabili, ubi aliquis è nostris concideret, aut occiso equo sterneretur, iacentibus capita detruncabant. Nec lato scuto protectus eques, longioreq̃ue hasta prævalidus, & gravi gladio aut clava ferrea galeas pertundens armatum nostrum equitem timebat. In ea pugnae iniquitate perterritis militibus, Vitellius conglobata cohorte una, accensiq̃; pudore suorum animis, insolenter urgentes Ianizeros gravi impetu summovit
10 atque disiecit: quibus expulsis, quod decorum Vitellio fuit, per opportunè servati sunt Vistarinus nobilis adolescens è Laude Pompeia, equitum præfectus, & Ludovicus Trechius à Cremona, primus Sfortianæ alæ vexillifer, qui vulneratis & cadentibus equis, sub multo armorum pōdere in manibus hostium iam penè colla cēdentium prociderant. Sed Laurentio Camerti, cohortis præfecto, opem ferre non potuit, eandemq̃; Fortunam tulere Mazza Cortonensis vir egregiè fortis, & duo cum totidē signiferis ex Umbria centuriones. Explicante se Vitellio & suos recipiente, apparuit Turcas, si ampliore exissent numero, maioreq̃ue impetu incubuissent, nostros ad unum prius quàm succurri possent, delere potuisse: sed in eo repētini prælii tumultu, quum vires ad
20 conandum Barbarorum audaciæ defuissent, non usque adeo animi nostrorum sunt imminuti, ut esset quisquā qui ad abolendum dedecus in aciem produci non cuperet. Ita Vitellius ad sarcendum incommodū dolore vehementer incitatus, satis iam cognita natura hostium & perspecto pugnandi more, cōfirmatis accensiq̃; militibus, hosti insidias parare constituit, ante alios Perenum admonet, ut occasione gerendæ rei paratus & intentus esse velit. Considebat Vitellius in hortis regijs muro præcinctis, qui æquali mille passuum spacio à maioribus castris & ab oppido distabāt: ex his hortis duodecim cohortes sub signis educit, reliquas intra septa cōsistere iubet, progrediturq̃; magno circuitu ad inferiorē fluminis ripam. Nec hesterno successu elati hostes, quicquā
30 morē sibi affarunt, quin cōspecto nostrorum agmine Orientali porta Flumentanaq̃; pariter erumpant, & ad nostros magna alacritate deferantur. At Vitellius suo periculo cautior factus, uti statuerat ac optarat, Turcarum impetum densatis ordinibus excipit, sclopettarios ab hastatis protectos, & sese in dextrū genu proclinantes, displodere iubet, vehementi strepitu prælium miscetur, multi cadunt, & Turcæ pertinaci audacia invec̃ti cuneis nostrorum aciem effringere conantur, sed cohortes fortissimè resistunt. Interim, quū iam Turcæ equites atq̃; Ianizeri frequēti multitudine portis exissent, & multi pariter à Buda cōtemplati certantiū agmina, ut victoriæ interessent, transvec̃ti navigijs citiorem ripam cōplevisent, Vitellius opportunè timorē simulat, sensim sed
40 conferta acie se recipit. Tum verò hostes clamorem tollunt, & vehemētius ex omni latere nostros perurgent, & equites ad cædenda terga discurrunt. Id Perenus attentè conspicatus, ubi iam satis magno spacio Turcas insequendi cupiditate abductos, à portis discessisse videt, expeditas turmas inter oppidum & aversos hostes inducit, celeriter turme locū occupant, & regressurum hostem portis intercludunt. Adcurrit cum reliquis Perenus, validaq̃; Germanorū equitū manus duce Mauritio Hungaros cōsequitur. Tū verò Turcæ, animadverso periculo, pedem referre, indagine se clausos intueri, in fugam ora atq̃; a-

animos cōuertere. Nec consilio votoq; Vitelliani defunt, promoti enim hasta
 torum agmine & vtrinq; sclopettarijs in cornua expansis Barbaros inuadunt,
 eos vndiq; circumfusæ Hungarorū turmæ & occurrentes Germani equites in
 medio trucidant. Tantus erat conuersis & fugientibus illatus terror, ut pleriq;
 præcipiti cursu ad portā delati intentis hastis luorum terga configerent, illi q;
 in angustijs & mox cadentes sequentibus ingressum obstruerent. Multi quoq;
 quum ē ripa, propellente equitatu, in flumen præcipientes agerentur, & naues in
 tanta perturbatione conscendere nequirent, aut interfecti, aut abrepti flumine
 perierunt, Nafadaq; vna nudata remigibus in litore capta demersaq; est. Eo die
 Segemenes Ianizeros supra centum desiderauit, quum ex reliquis ad quadrin- 10
 gentos omnis generis amisisset. Huius editi facinoris summa laus ad Vitelliū
 peruenit, qui egregie atq; foeliciter structis insidijs suorū cædem celerrime vin-
 dicarat: secunda omniū confessione data est Pereno, qui per opportuno tempo-
 re & acuti & pugnacis ingenij insignē operam præstitisse ferebatur. Spectata
 quoq; est & nobilis virtus in Mauritio, qui inuectus acriter in hostes, & ab his
 circumuentus equoq; deiectus, tanto periculo fortiter se eripuit. Ab hac vel par-
 ua victorian nostris adeo creuerunt animi, ut Ioachimus proferri tormenta, &
 continuo quati murū iuberet. Itaq; erectis vimineis corbis, quos multa gle-
 ba ad altitudinem staturæ hominis replebant, ut pluteorum more tormenta
 protegerent. Productus est omnis tormentorum apparatus: sed longius quam 20
 oppoteret tormeta à Germanis constituta murum quanquam veterem, nec
 plus quinq; pedibus latum, languidissime feriebant. Quod si paulo demissius
 aut æquo altius librata essent, facile accidebat, ut pilæ vanis ictibus solo incide-
 rent, aut trans Pestum ad Budam vsq; iacerentur. Animaduerso vitio Medices
 atq; Vitellius monendo docendoq; à Germanis impetrarunt, ut propius ad-
 mouerentur. Eo modo quū murus quadraginta maioribus tormentis assidue
 quatretur, magno hiatu ad ingressum patefacto, repente corruit. Nec dubita-
 uit Vitellius se primū profiteri, qui primi periculi locū atq; discrimen subiret,
 si Germani cum expedita legione, ascendentes Italicas cohortes à latere seque-
 rentur. Annuere Germani, atque id se facturos sublata manu promissere, segni 30
 mox ac indecora cunctatione à fide discessuri. Plerumq; enim accidit, ut qui an-
 tè periculū fortem operam pollicentur, in ipso demū discrimine turpissimam
 præstent. Ab alio autem latere Hungari pedites, agreste hominū genus, & cæ-
 teris audacior equitum iuuentus, quæ ad æquandum parī virtute bellicum de-
 cus dimissis equis pedibus pugnare minimè recusabat, locum desumpserunt,
 truciq; vlulatu edito, quo præstande operæ studium ostentabant, Italos tumul-
 tuario procursu ad subeundum murum inuitarant. Expectantibus cunctis, ut
 ineundæ pugnæ signū daretur Vitellius non pluribus verbis suos cohortatus
 quàm ut se in Italianatos in conspectu fortissimarū gentium pugnatos esse
 meminissent: ipsis enim & patriæ maximè decorū fore, si antè alios nobili ausu 40
 ad hostem prouecti, præcipua virtutis laude potirentur. Neq; enim de pugnæ
 euentu foeliciq; victoria dubitandum, quū pro superis & dignitate Christiani
 nominis, cum inermi atq; foedisima gente dimicarent: manere victoribus am-
 plissima præmia ab optimo liberaliq; Pontifice: egregie autem fato functis, uti
 optarent, æternæ foelicitatis in cælo sedes. Simili modò delectos veteranosq;
 socios nauales, quos ē nauibus eduxerat, Medices accendebat. Perenus Hunga-
 ris, Germanis Hessius aderant. Mauritius Saxo, & Torniellus ad tormenta
 cum

cum magna manu equitum & peditum in statione constiterant, ut si hostes more suo erumperent, munimenta tuerentur. Erat mirum apud hostes silentium usq; adeo, ut nonnulli traiecissee hostes crederent: Ségemenes enim exactæ disciplinæ veteranus compresso omni strepitu tacite cuncta administrabat. Is novum ab Vlamane præsidium acceperat, fossamq; intra murum præaltam declivi utrinque marginè perduxerat: interiora autem in labro vimineos corbes more nostro, atq; item vinaria dolia arena, cespitemq; repleta collocarat. Post eam munitionem Ianizeri confidebant: secundum eos sagittarii, & demum equites hastati, scutatiq; qui pedibus pugnare iussi erant. Ad utrumq; verò fossæ caput fenestratum aggerem erexerat, ut qui è nostris conscenso per ruinas muro in fossam se demitterent, non maioribus tantum tormentis ab utroq; latere emissis discerpti: sed flamma etiam expulvere sulphureo, aridisq; virgultis repente excitata ad unum omnes correpti delerentur. Signo dato quatuor signiferi, sequentibus cohortibus, audaci cursu in murum per ruinas evolarunt: sed dum vexilla defigunt, & fossam munitionesq; hostium mirantur, & pari spe metuq; ad descensum animos parant, repentina grandine sagittarum & glandium obrutuntur. Nihilofecius adhortante Vitellio, alij atq; alij intrepide succedunt. In his eminet Carolus Meliteus, nobilis adolescens, cui Vitellius erat avunculus, & cum eo præfecti aliquot, & strenui centuriones. Cæterum Germani pedites neq; spe victoriæ, neq; sociorum periculo permoventur. Helsius, alienæ cladis spectator, conferta legione sub mœnibus consistit. Hungari quoq; qui alacriter procurrerant, nec conspecto quidem hoste à mœnibus recedunt. Ita fortuna, iam pridem Italicæ virtuti plurimum infesta, nostros deserit: Meliteo humerus glande traicitur: præfecti cohortium Rufus & Fiolla Tiphernates cadunt, occisisq; signiferis vexilla deferuntur. Nec Turcæ occasione defunt, partim è propugnaculo, quod biennio antea Barcocio ac Othone Fotisco defendentibus erectum diximus, partim à transverso aggere profiliunt, & tota muri corona diffunduntur, spirantibus spolia detrahunt, & capita detruncant, et mox glandibus, sagittis, & multo maxime lapidibus deiectos, nec se recipientes nos incessunt. Eadem quoq; telorum vis legioni Germanorum incidebat, ita ut multo plura, quàm quæ nihil audendo, uti egregia cunctatrix, vulnera devitarat, ab ignobili demum constantia exciperet. Pudore siquidem locum tenebat, ne que turpiter sub mœnibus hesisset, si se prima reciperet, secundi dedecoris infamiam subire videretur. Idem spectans, sed diversa ratione, Vitellius nullum timoris, nullum receptus signum dabat, utpote qui universas cohortes multas sterni, quam ullum vel minimæ laudis locum legioni relinquere mallet, quum se ab ea desertum, & penè proditum, maiore ira quàm dolore quereretur. Audita præclare vox est Turcæ Italica lingua proloquentis, Cur vobis Itali viri fortes non parcitis, nec segnibus Germanis pugnae locum relinquitis? mens una nobis est Italici parcere, & Germanis uti maxime ignavis temulentiam excutere, ne amplius nos laceant. Tum verò Helsius, pertinacia multis vulneribus expugnata, legionem reduxit, & cohortes Italicæ continuo se receperunt, adeo dissipatis omnium ordinibus, quum à tormentis hostium celeri fuga se eriperent, ut multorum opinione constaret, si Turcæ omnibus portis erupissent, magno detrimento nostros affici, & castra ad singularem ignominiam conturbari posse viderentur. Eo conatu potius, quàm prælio septingentos è nostris desideratos ferunt: sed aliquanto plures ex fœditate vulnerum: nullis aut certe absurdis ad ea reme-

dijs toto demum itinere perierunt. Medices quoque dum ad cohortandos milites discurreret, immanis tormenti afflatu potius, quam ictu humi cum equo prostratus summum vitæ periculum adiit. Quum in muro pugnaretur loachimus ipse & Hunganotus vsque adeo infami consilio & loco ab omni tormentorum discrimine subducti pugnae euentum expectabant, vt Tornellus atque Fotiscus ad eos accersendos non obscura eius flagitij cum obiurgatione contenderint, vt confirmandis militum animis collocandisque praesidijs, qui vni summae imperij potestatem tenerent, adesse & conspici vellent. Sed nostris fortiter repullis Barbari nihil se commouerunt, ita in castris sublatus est omnis tumultus, & curandis vulneribus militi quies data: sub noctem vero Ioachimus duces in consilium vocauit, disputatumque est grauibz sententijs, an abscedere incepto quam expugnandi oppidi discrimen iterum subire satius foret: quum à plerisque Germanis ea, quæ tutissima, vti longè optima, probaretur. Tum Vitellius, an hoc, inquit, turpe sit, vos ipsi videritis, viri Germani, qui vobis præcipuum militaris disciplinae decus perpetua laude ab inuictis maioribus vestris traditum, non iniquo iure vindicatis. Quis enim vel gregarius miles est, qui Christianæ militiæ nomen, si pari cum ignominia tam propere reuertimur, quam tardè descendimus, non in præiens modo (tanto scilicet admissio dedecore) quam in reliquum tempus existimatione spoliari non uideat: exultabit certè Barbarus, vti iam aliquot inflatus victorijs, & Germaniæ vires, Romanis olim gentium victoribus formidabiles, inani tantum fama constare conspiciet. Ego quidem & cohortes meas, vel accepto incommodo, alacres & prælium poscentes video, nec oppidum posse capi diffido, si vno atque altero in loco murum quatiamus, paribusque animis ac vno simul tempore, triplici constantique acie inuadendos hostes arbitremur. Necque enim fortis, vel eximius imperator esse potest, qui non omne vel inique fortis periculum contemnit, vt publicæ dignitatis & priuati nominis decus defendat. Hæc dicente Vitellio introductus est speculator, qui Achomatem superato ad Belgradum Sauo, ad Drauum peruenisse referebat. Huius aduentu vel astutè simulato, vel inaniter credito, Germani deliberationibus finem imponunt, atq; inde mouenda castra, redeundumq; Viennam censent: quod præcipiti autumnio matura heymis suberat, quod multi ex legionibus vulgatis morbis deperibant, quod maximè timendos imbres diuturna serenitas prænunciret, quod deniq; fossa interior, ante spem conceptæ victoriæ nostrorum cadaveribus replenda videretur, nec tutus demum receptus foret, si Achomates expedita suorum agmina de more præmissurus, ad Tolnam traiecto L. harentibus in oppugnatione oppidi superueniret. Erant militum omnium animi, si iterum mœnia quaterentur, ad præstandam supremi conatus operam intenti paratiq;: sed dux ipse reputatione periculi, ab omni sua parata laude discesserat, vti ignarus belli, aut certè, quod potius de generoso credi velim, oculo uirali iudicio cricum scriptus: quanquā hesternò certamine, dum cuncta armis tormentisque perstreperent, ita crueto spectaculo subtractus fuerat, vt nusquā conspiceretur, vno fermè ex omnibus regulis Mauritio Saxone excellenti virtute Germanorum decus tuente. Ob id veteres pleriq; Germani milites, eius ignobilis consilij dedecus, confusis tristi pudore animis non ferebant, atroci quodam fremitu indignantes paucorum ignauia publicum inuictæ gentis nomen prodi: & Hungari quoque feris vlulatibus anuissam spem recuperandæ patriæ

patriæ deplorabant, inculcantesque Deos atque Germanos, de infesta ipsorum
genti fortuna querebantur, usque adeo, ut tanti roboris exercitu dignus Impe-
rator inanibus votis optaretur. Maximilianus quidē Cæsar Germanis: Mat-
thias verò Corvinus Hungaris, qui iam pridem consummata belli gloria fato
functi posterorum ignaviæ locum reliquissent. Cæterum Ioachimo decreti
propositum tenente, Itali duces, qui discessum dictis sententijs improbarant,
ægrè impetrarunt, ut sequenti die in speciem renovandi certaminis, tormen-
tis mœnia quaterentur, nihilque milites ad iter pararent, sed sub signis, nullo
tumultu edito, in statione consisterent, quo susceptæ profectionis consilium
10 tegi posset, & distineri hostis, qui nullam ad insequendum moram facturus es-
se videbatur. At Segemenes ubi nostros tanto fortissimarum cohortium de-
trimento perterritos videt, prima luce equitatum omnem & validas peditum
manus, quæ refugientibus equitibus præsidio forent, audacter emittit, pluri-
bus in locis cum Hungaris pugnatur, nec virtute, aut eludendi arte nostri ho-
stibus cedunt: resque eo deducta erat, ut in conspectu Germanorum ac Italo-
rum indictis inducijs singulari certamine, ex utraque acie conspicui & prom-
ptissimi quique infestis hastis concurrerent, usque adeo fide integra, ut utrin-
que Barbari Hungaris, & Hungari Barbaris inviolata comitate miscerentur,
nostrique duces tanquam ludicto spectaculo virtutis ac ignaviæ iudices inter-
20 essent: acciditque, ut insignis dux Turca Vitellium sibi ostendi posceret, atque
ad eum (nam armis satis erat conspicuus) virtutis nomine amplexandum pro-
curreret. Eo die supra quingentos equites nondullis utrinque interfectis
ac vulneratis concurrisse constat. sequenti porro nocte, reducto omni tormen-
torum apparatu, exercitus ad classem ripamque Danubij iter extendit. Tum
verò Barbari nostros discessisse conspicati, sese omnes effuderunt, clamoreq;
sublato, quo nostris turpem fugam exprobrarent, postremis agminibus instite-
runt. Traiecerat & ipse Vlamanes, premebanturq; adeo nostri, ut nisi magno
accepto incomodo sese explicare & agmen consequi posse viderentur, nisi Vi-
tellius vexilla sisti convertiq; ordines suos iubens monuisset Hungaros, & se-
30 cundum eos Germanorum cataphractos, ut impetu facto, & densatis turmis
urgentem hostem impeterent. Ita armatus equitatus intentis hastis inVectus
non summovit modo hostem, sed proturbatum & frustra terga dantem late
cecidit. Nam postrema Turcarum agmina, uti procul à periculo, nec perspe-
cti nostrorum acie, quæ repente se converterat, nondum equos ad oppidum con-
terant: ita primi intemperanter urgentes præcipitis audaciæ poenas dede-
runt. Duravit ea tumultuosissima hostium fuga, pugnaq; in multam noctem,
quum clausis portis exclusi hostes ad Danubium usq; secundum mœnia cursum
intenderent, nostriq; avidè persequerentur, & cuncta tormentis undiq; emis-
sis, in communi periculo perstreperent. E nostris autem ducibus, suprema in-
40 signis virtutis opera egregiè navata interiit Iacobus Truces nobilissimæ stir-
pis Valpurgæ regulus, qui Suevorum equitatu præerat. Is quum equo ex vul-
nere procumbente oblatum alterum conscendere conaretur, interfectus est,
caputq; eius hastæ præfixum ad Vlamanem miles detulit. Trunco autem no-
stri potiti sunt, qui demum Vacciæ omni funeris honore collato tumulatus
est, hoc ipso publicæ pietatis officio dignissimus, quod eius sacri suscepti belli
præcipuus adhortator extitisset. Eo accepto incommodo, multisq; desidera-
tis Vlamanes equitatum continuit, patuitq; inde expeditum iter nostris infami

festinatione Germaniam repetentibus, quibus magno usui classis fuit. Medicis enim præfecti diligentia, tormenta omnia in naves sublata sunt: ægrorum tamen perampla manus segniter extremum agmen subsecuta classem conscendere nequivit, ita ut superventu Barbarorum septingenti ferè Germani semianimes, crudelissimè in oculis nostrorum obtruncarentur. Duces verò nostri iam tertio ac infelici ad gravem ignominiam conatu, Turcarum vim atq; peritiam experti, amissum militare decus tristi cogitatione deplorabant, quum iam Pannonici regni obliviscendum, & pro salute Germaniæ consilia capienda faterentur, postquam summi reges, obliti veri decoris, veræq; pietatis dum privatis odijs decertant, rempublicam Barbarorum commodo, enervandam, perdendamque immani animorum obstinatione suscepissent. Italis ab rege dimissis, redeuntibusq; in Italiam egregia fide stipendia persolvit Angelus Medices præfecti classis frater, quem Pontifex ob singularem industriam Vitellio quæstorem dederat, ut fratrem Vitelliumque hisdem sensibus coniunctos in amicitia contineret. Ab rege autem, cum multa virtutis commendatione, Vitellio atque Angelo aurata pocula dono data. Sed eas copias per Villacum & Carnicas Alpes atque Veneriam domum iter habentes lentus potius, quam sævus morbus à castrensi illuvie, ac alieni cœli, & pestilentis autumnii iniuria conceptus, vehementer afflixit: usque adeo, ut ferè dimidia pars militum desiderata sit, & Tiphernates principem civem, cum meritis laudis laurea redemptum ex domesticis funeribus atra in veste susceperint. Sfortiani quoq; equites cunctis ferè equis macie cunctis, pedibus in patriam redierunt. Cæterum ut rei malè gestæ fœdus exitus, ad minuendam infamiam avertendosq; hominum sermones alicuius insignis facti novitate tegeretur, Perenus Petrus affectati regni suspicione, regionumque livore circumventus in arce Strigoniæ à Liscano Hispano iussu regis capitur, traditurque extemplo Medici præfecto classis Viennam deducendus. Quum caperetur, avarè ac inhumani: er agens Liscanus aureum torquem collo detraxit, exiitque veste quæ pretiosis Sebelinarum pellibus suffulta erat. Id factum, uti clarissimo viro atque infanti indignum, adeo Hungarorum animos contumeliæ dolore consternatos perturbavit, ut supra duodecim milia equitum maledictis Germanicum nomen incessendo sublatis continuo signis domum redierint. per eos enim dies nunciatum erat, Pereni filium ex aula Solymani à Rasciano servo fœlici astu eductum in Transylvaniam evasisse. Is admodum puer Solymano fidei obses datus intra septa regiæ cum nobilibus coætaneis adoleverat. Nam Perenus patre victo sublatoq; Ludovico, quum Ioannem nequaquam regia stirpe progenitum, Pannoniæ regno potiri vehementer indignaretur, ad Ferdinandum, uti summæ nobilitatis principem, Cæsaremque in concilio Germaniæ designatum transierat: ea spe ut primum sibi post regem in Pannonia potentiæ locum pararet. Sed pari quoque ingenij mobilitate, quod omnia apud Ioannem sub maiestate Solymani tuta atque fœlicia: apud Ferdinandum autem dubia ac infirmissima spectarentur, cogente pudore (ne Germanis æternis hostibus Hungarico sanguini imperij decus erepturis favere videretur) auctore Habraymo Bassa, cum Ioanne in gratiam rediit: agrè ut reciperetur impetrante Solymano, quum Ioannes Perenum fixa fide, vario instabiliq; iudicio hominem testaretur: proindeq; iterum ab se defecturum esse prædicaret. Ad ea Solymanus in hanc sententiâ gravissimè respondit, sicuti ab his qui sermoni interfuerunt, didi-

dicimus. Quid tu igitur, Ioannes, ad gloriam maioris à Deo magno, si sapi-
 expotare potes, quam ut Perenus à fide discedens, dum ingrati atque improbi
 nomen subit, generose clementie decus tibi relinquat. Exinde Perenus in ho-
 nore habitus integra fide regem coluit; sed mortuo demum Ioanne ad inge-
 nium rediit, quum Georgium tutorio nomine regnantem ferre non posset, &
 à Ferdinando sollicitatus eadem ambitiose affectata transfugii præmia inanem
 spe præsumeret. Itaque filius Byzantio fuga elapsus, quum incredibile gaudium
 afferre videretur, summam calamitatem misero patri attulit: à regis enim i-
 gnavisq; hominibus, quibus aliena virtus oneri, & calumniæ virtutis odio ge-
 nita magno questui semper fuit, excitatus erat rumor, Perenum adolescentem
 10 simulata fuga elapsum, cum Solymano transegisse, ut pater Hungaros propo-
 sitis rerum omnium immunitatibus ad Turcarum studia traduceret, præmium-
 que illi foret Pannonici regni præfectura, in spem quoq; propinquam regni
 nominis, si fata Stephano infanti Ioannis regis filio, adolescentiam invideret.
 Perenus quoq; non levem aut obscuram vim famæ suspicionique præbuerat,
 quum per hybernorum tempus ab Agria cum præfectis Turcarum comiter
 & liberaliter agendo amicitiam mutuis magnisque muneribus coluisset, & id
 quidem aliquanto studiosius & luculentius quam deceret, cum eo præsertim
 20 hoste, cum quo nullum esset ab adversa religione commercium, nec ullæ tum publi-
 cæ ad ocium induciæ vigerent. Sed tantus inerat Pereni ingenio fastus & splen-
 dor propè regius, ut ei ferme centum generosi & militares equi, vacui sessoribus
 præducerentur, ob idq; Ferdinando regi parum cultu decoram aulam aut certè
 exhaustas opes exprobraret: quum ille usquequaq; à familiaribus suis immani-
 ter direptus tenui apparatu, ægrè regni nominis splendorem tueretur. Ea lu-
 xus ostentatio regionum animos nefariæ direptionis conscientia perculsos, ita
 altè perstrinxerat, ut cuncti ad opprimendum Perenum coniurantes, eum di-
 gito commonstratum olere diadema regium, nec privatum pati nomen pos-
 se prædicarent, adeo pronis & suspicacibus ad id Ferdinandi auribus, ut quum
 vera testataque de familiaribus minimè crederet, genio deceptus, falsa de alie-
 30 nis libentissimè ad animum transmitteret. Eam quoque affectati regni nutan-
 tisque ingenii suspensionem vehementer auxerant literæ; Pereni ipsius manu
 ad quosdam duces Hungaros scriptæ, proditæque regi à Francapane Agrien-
 si antistite. hic enim Pereno valde infensus erat, quod ille militari licentia to-
 tius Agriensis sacerdotii peramplos redditus alendis suis equitibus interceptis-
 set. his autem literis opima novaq; stipendia suam auctoritatem sequentibus
 polliceri videbatur. At Perenus cum omni honore verborum à Medice Vien-
 nam perductus, quum portæ appropinquaret, audiretque obviam Medici ad-
 venisse Philippum Torniellum, rogavit ut sibi ad aperta rheda alloqui viros
 fortes generososq; liceret. Id verò facile concessum est, quod tanta viri claritas
 40 & spectatæ virtutis studium non custodia modo & carcere, sed nec ambiguae
 fidei suspensione digna videretur: isque ad eos conversus: Me miserum, inquit,
 quem in fontem immanis invidia circumvenit: sed multo miserior Ferdinan-
 dus, cui domestici latrones & fortunas, & amicos; & deniq; regium decus eri-
 piunt. Ita enim fit, ut hac præcipiti delati nominis mei iniuria Hungaricam gen-
 tem à studio fideq; penitus avertat, ac ob id de Pannonie regno non temere de-
 speret, postquam mihi claritate natalium nulli secundo, & iam tribus bellis fortis
 fidelisq; navatæ operæ præmia ab iusto rege promerenti, de filio Barbarorum servi

tute erepto lætari non licet : quum pro incomparabili gaudio iniqua mea forte , non dubius vitæ metus antè oculos obuerfetur . An delatores ignauia suæ confciji, in ipsa de me calumnia præcipui testes , capto custoditoque parcent; qui nec famę vnquam regis pepercerunt. clarissimus enim quisq; vel criminis insons quum capitur, non conceptæ quidem noxæ pœnas, sed aduersam fati sui sortem subit, me tamen animus integer scelerisque insons, quod vnum Dii certi iudices calumnia circumuentis & miseris solatio relinquunt, hac cura liberat, liberabitq; hoc crudeli infamiae onere Ioachimus imperator, cui oborta suspicio tale mihi periculū imminere prædixerim, et me obiter insonem interfici malle, quàm iudicio corā non adesse, confirmarim, et tum quidē,¹⁰ quū tantis meis septus copijs nullius vim timerem. Hæc obsecro nobilis officij verba Ferdinando renunciate, vt in discrimine mei captis maturè generoseque deliberet, & quantū inter amicos & delatores intersit, suo non alieno ingenio fretus intelligat. Nimis profectò miseri sumus duces, si re male gesta ita plectimur, vt præuertisse belli Fortunam videamur. Deserti certè ad Exechiū scædęq; amissi exercitus Cazianer iustas fortasse pœnas dedit, quū inultrato oppreßus metu imperij munus defereret, nec in ipso duce dedecoris quàm mortis metus grauior esse videretur, vltro enim sese custodię dedens, ita cōcepti pauoris crimine damnatus est, vt desperatis causæ suæ præsidijs effracto carcere, tam scelesto quàm infœlici consilio ad Turcas transfugerit. Sed neq; summū imperium a-²⁰ pud me dudum fuit, neq; nos victi sumus : si non vicimus, quod nobili certè receptu persequentis hostis insolentiā egregiè reprefferimus. Pannoniæ autem regnum affectare & tum promereri beneficio Solymani facilè potui, quum Ioanne rege morte sublato, expedienteq; arma Ferdinando, clientelæ opesq; meę & Hungarorū in me studia, non leui ad victoriam momento valitura spactarentur: nec absurdam ob id, vel intempestiuam spem consilijs viro Christiano indignis afferrent. Pugnaui igitur, pugnaboq; dum viam contra Turcas, si se æquum Ferdinandus in hac calumnia inimicorū malignitate conflata iudicem præstiterit. Perorantem Medices, vt in clementia æquislimi regis spem reponeret humaniter adhortatus est, moxq; fidele officiū præstitit, ipseq; demū Tor-³⁰ niellus venantē nactus regem, ne quid durius de Pereno statueretur, opportunis precibus molliuit. Nec multo post Perenus, quū in dicenda causa, vt palam audiretur, imperare nequiuisset, in ciuitate noua custodię traditur, vel nouę perfidiæ, vel, vt credi par est, antiquę leuitatis diuturno carcere pœnas daturus. Ita tres omnino reliqui antiquissimæ stirpis Hungari principes promerendo Pannoniæ regno pares, Valentinus atq; Maylatus, ac ipse Perenus, paribus propè insidijs virtutis inuidia circumuerti, omnē spem excitandi Hungari regis discordi ac ob id afflictæ ipsoꝝ genti sustulerunt: quū hic fera instabilis iudicij sui pœnitentia sortem lugeat, illi verò ad Euxinum Pontum, in cathenis mortem miseriarum finem expectent: grauiorē tamen Pereni conditione, quum illis a re-⁴⁰ ligione desciscendentibus, maximi militiæ honores a Solymano liberaliter offerantur : hic vero nihil a deprauato rege mitius expectet, quàm vt in carcere mœrore ac illuuię confectus intereat . Hunc habuit euentum id bellum ex concilio Germaniæ aduersus Turcas susceptum, quod magnæ cladi plerisq; æquandum videretur, quum Ferdinandus a Bohemis & Slesitis atque Morauis, qui militū delectum collata pecunia redemerāt, subsidia instantis belli nequicquā absumpserit, amissaq; existimatione Germaniæ viriū, vt in iuriæ

expositus

expositus ac inermis, audaces alioquin Barbaros, & tum ab ipsa victoria insolentes aduersum se concitarit. Sub id tempus Paulus Pontifex suo vetere indicendi concilij proposito innixus, Tridentum tanto conuentui maximè opportunum delegit: cupiebat enim satisfacere Cæsari, indulgereque his Germanis, qui ab auctoritate Romani pontificis Christianisque ceremoniis impiè descuiissent, actum maximè vllam urbem extra Germaniæ fines ipsis tutam aut commodam fore pernegarent. Eò autem, vti plerique putabant, audaci periculoque decreto, Pontifex eleuandam omnem timoris suspensionem existimabat: quo celebri edicto, si qua omnino aut cæci metus, aut improbe cunctationis nota superioribus Pontificibus inhæssisset, peculiari sua cum laude penitus detergi atque aboleri videretur. Ita enim fiebat, vt Tridentinos Germanica loquentes lingua in ditioneque Cæsaris constitutos, nec ipse quidem Lutherus hæresiarcha insanie pœnas veritus, reformidaret: quum patrum memoria Vicleffium & Husium, pari impietatis nomine damnatos & Constantiæ concrematos audisset. Sed postea præclarè compertum est, Pontificem hac in re Cæsari in spem priuati commodi obsequi voluisse. Igitur circiter calendas Nouembres, anno à partu virginis supra millesimum quingentesimo & quadragesimo secundo, Pontifex ex senatus consulto, tres senatorij ordinis Cardinales Tridentum misit, qui bene auspicato inchoandæ synodi futuræque,

10 tot gentium frequentiæ sedem pararent, Paulum Parisium diuini ac humani iuris professione insignem, Reginaldumque Polum Britannum, qui supra regis stirpis claritatem, & latinæ facundiæ laudem nemini sere fœlicius partam, perfectum Christianæ virtutis habitum præferēbat, Ioannemque item Moronum, secunda morum atque doctrinæ fama per omnes Germaniæ conuentus legationis munere perfunctus. Hos secuti sunt aliquot præclari nominis episcopi: nam Pontifex ad representandam eius ordinis dignitatē, excellenti ingenio doctrinaque supra centum descripserat, qui de veritate rerum diuinarum saluteque labantis Reipublicæ in confessu gentium omnium disputarent. Venientes

20 Christophorus Madrucius, Tridentinus episcopus, pari splendore humanitateque vir liberaliter excepit: nec multos post dies Peronotus Granuellius ab Hispania Genuam triremibus delatus, profectusque inde Tridentum, inchoatæ synodi famam excitauit. Cæsaris enim occultè mandata detulerat, quibus indicti concilij decretum locumque ad eam celebritatem opportunè atque rectissimè delectum approbabat, testabaturque eo vsurum esse Cæsarem maximo Reipublicæ commodo. Quoniam ipse ad prima veris signa naues consensurus, vt corrigendis publicis moribus censuram ageret, impiasque aut certè obscuras in religione opiniones inuecta vera luce reuelleret, concilio adesse statuisset, nobili pioque Sigismundi Cæsaris exemplo, qui Constantiæ rebus

30 ritè compositis terrarum orbem diris erroribus & pestilentissimo seclis liberasset. In eam quoque sententiam Antonius, ipsius Granuellij filius, præcellentis ingenij iuuenis, Atrebatum antistes, luculentam habuit orationem, non obscure emisit quibusdam aculeis Pontificium nomen, quod facrorum principes perpetuis ludificandi artibus, tam diu tergiversando, necessaria atque ideo suprema publicæ salutis remedia distulissent. Negauere tres legati se quicquam publicè de mandatis audituros, ne vno eius aduentu synodus ritè cœpta crederetur. Eam enim grauisimarum rerum & dogmatum cognitionem ad vniuersas Christianę professionis gentes pertinere expectant

40

dosque propterea sacratos viros, qui ab vltimis Hispaniæ Galliæque finibus, & à Germanico Sarmaticoque Occani litore venturi crederentur. Tum enim de Republica optimè sperandum videri, quum saluberrimo omnium consensu ad impetrandam pacem sanandosque mores, & decernenda pia arma aduersus Solymanum, ingentia studia, ac vniuersæ denique omnium opes conferrentur. Eo enim Graueilius tendebat, vt Pontifex terrore concilij iniecto, ab instituta sacrosancti parentis ac iudicis æquitate discedere, proferreque arma aduersus Gallum pro Cæsare cogeretur: cum immani enim hoste foderatum, exitiosamque in immensum Christiano nomini, Barbarorum amicitiam colentem, eo titulo maioribus quondam eius maxime specioso, quem præferret, indignum dicebant. Putarat etiam ab initio Cæsar, vetere suo incensus odio aduersus Gallos, Pontificem in partes facile preducturum, vti maximis obsequiis atque munèribus deuinctum concessa paulò ante Noua, ria, prælataque demum Farnesia domo, in qua (repudiatis aliquot illustribus generis, ipsoque præsertim Cosmo Etruriæ principe excluso) vnicam filiam, Mediceas opes dotali hæreditate secum trahentem, nec tum Octauio quidem coniuge ad nuptias satis maturo liberalissimè collocasset. Quibus de causis amarior factus Cæsar, legem in Hispania promulgarat, ne cuiquam externo pensiones, auctoritate Pontificum sacerdotis impositæ, soluerentur, Michaelēque Syluam Lusitanum Cardinalem legatum, prius as dignasque periculo cohortationes afferentem contumaci contumptione reiecerat: quum Syluæ collega Sadoletus Cardinalis in Gallia perhumaniter esset auditus. Certissimis enim speculatorum nuncijs ac literis comperit habebat Pontifex, Solymanum ea quæ imminabat æstate terra marique atrox bellum Christianis illaturum, & tum quoque circiter quatuor Hispanorum milia ad extremos Sabinorum fines hyberna protulerant, immincebantque ita per Valeriam viam Tyburtinis montibus, vt quum non longe à Pontificijs finibus Fabritius Columna, & Franciscus Vrsinus (ille paterna ditione exutus, hic iudicio rerum capitalium absens damnatus) exules versarentur, non inanem metum Romanis incuterent, omnino similes ex funesta memoria valde atroces Columniorum & Cæsarianorum casus facile timentibus. Sed in Pontifice ad nulla vnquam terricula trepidanti, & Reipublicæ nunquam oblito, ea inerat æquitatis atque iustitiæ cura, vt priuato nomine ingratus, quàm publico incommodo parum grauis disceptator, Christianiq; officij prorsus imperitus existimari mallet. Prouidebat enim Franciscum, præclaro recentique suo & superiorum Galliæ regum studio de Pontificio nomine benemeritum, nequaquam temere alienandum: vt pote qui lacessitus iniuria, à Romani Pontificis auctoritate indignanter discessurus esse videretur. His de causis plerique senatores in contraria studia diducti, vt anteà capti sacerdotiorum muneribus magnæ partis senatus cum pudore ac infamia diuerditæ libertatis Cæsari & Gallo diuersis sententijs fauebant, vsque adeo intemperanter, vt Dionysius ex ordine seruorum cucullatorum in senatum traductus, Franciscum auito Christianissimi cognomine spoliandum, persequendumque armis & diris imprecationibus diceret, obstrepente senatu intempestiuæque facundiæ insolentiam reprehendente: quum Dominicus Cuppius Romanus, Senatus princeps, interrogando respondisset, in cuius ergo tutelarei Romane salutis et dignitas erit?

si pro

si pro Cæsare, à quo proditi perditique summæ calamitatis incommoda pertulimus, contra eum quem insigni merito liberatorem vr̄bis fatemur, diuina ac humana arma nefario decreto expediamus? Non infacetè quoque alius senator ad proximos conuersus subiunxerat, *Parcite*, inquit, patres, non iniquo enim iure latrat, qui famescit: ad opimum enim sacerdotium inops Dionysius quum anhelaret, liberalitatem Cæsaris peracri studio prouocare nitebatur. At Pontifex sermones graui admodum aure exceptos ita contracta vel remissa fronte transmittibat, vt nihil ea patrum contentione grauari putaretur: ingenio siquidem egregiè composito, & per omnē ætatem senatorijs artibus exaggerato, maximū
10 prudentiæ munus existimabat, detegere hominū studia, nudare volūtates, scrutari atque introspicere sensuū recessus: in magnos scilicet vsus publicarum actionum: quæ omnia tum solerter adsequebatur, quū in negotio dissentienti materiā simulata consultatione præbuisset. Hinc collecta parataque habebat responsa, quæ legatis daret, excusationeq; legitima in alternos vsus opportunè translata vtriusque principis offensiones eruditissimè deuitaret. Detexerat & tum late profundeque principum animos, tamē si eos antea, tanquam à concordiae nomine plurimum abhorrentes, satis habebat exploratos: quum forte Cæsar ad eum vti communem omnium parentem, sacrosancto que iure omnis humanæ litis disceptatorem literas perscripisset, quibus in Franciscum vehementer
20 inuectus superiorum temporum iniurias, ruptaque toties fœdera, & concitatum ad Christiani nominis perniciem Solymantum querebatur. Nec ideo dubitasset Franciscus, quin publicato ad defensionem insigni volumine obiecta confutaret, adeo vt binis criminosis libellis ad inexpressibilem contumeliā editis, vtrunque regij honoris fama immaniter dilacerata spectaretur, eaque obiter arcana prodita, iniustæque diræ factorum notæ omnem spem conciliandæ pacis excluderent. Ea siquidem maledicta in grauisimo momento læsæ maiestatis insanis peruiacibusque animis, vti verè propria ducebantur, quando omnis calamitas conflagentis orbis non ad ipsos, sed ad miseras aliasque gentes pertineret: quum integro pudore tueri regium de
30 cus vellent, & tamen hoc duorum & viginti annorum curticulo supra ducentas vrbes euastatas, castella amplius tria millia deleta, totaque ea contentione ducenta millia hominum Christiani sanguinis interfecta faterentur, & subinde nihil permoti vel acerbissimo humani generis odio, Deos ipsos, vti nunquam miserorum precibus affuturos, abdicata pietate contemnerent. Cæterum Granuellius Tridento profectus, eadem, qua venerat, celeritate ad Germanos peruenit, qui conuentum ad Nurembergam indixerant. Deferebat enim certissima Cæsaris animi decreta, quibus grauisimarum rerum munus expediret. Ante omnia Guilelmus Cleuenlis regulus ad auctoritatem Cæsaris erat traducendus: cohortandæ liberæ ciuitates, vt Ferdinan
40 do regi tuendo Pannoniæ regno adessent: Saxonum, Cattorumque principes Henrico Brunswicensi conciliandi, quorū armis propter sacerdotij controuersiam ditione nuper esset expulsus: prouidendū ne Germani milites impune ad Gallorū stipendia transirent: & commouenda denique omnium studia ad conciliū celebrandum: qua in re Lutheranorū voto potius quam exquisitè Pontificis causæ fauere videbatur. Neque enim conciliū libero gentium omnium concursu celebrari poterat, nisi prius pax ipsa regumque concordia pararetur, atque ita fiebat, vt promissiones Cæsaris, quibus Lutheranorum animos promerabat, nec

ambigua ad id Pontificis voluntas, tanquam inanes nihil ad causam profuturæ à plerisque irriderentur. Quis enim ab Hispania clarus antistes (quum in Gallia Georgius Maximiliano Cæsare genitus Valentinus episcopus, in itinere sub ipsam Rinconis atque Fregosij cædem esset interceptus, & Oceani Mediterraneiq; maris navigationes Punicarum et Gallicarum clasium metus sustulisset) Tridentum omnino eundum esse arbitraretur? Quis demum in Gallia insignis vir sacratu per Rhæticas Alpes in eam urbem se conijcere auderet? quæ ad vnum buccinæ cantum in potestate Germanicæ multitudinis futura crederetur, vel nolente obstanteq; Ferdinando, cuius eximiam fidem in ipso periculo implorasse frustra esset. Nemini enim in dubium verti poterat, quin legitimum atq; solenne concilium ipsa pace natura posterius censeretur, quoniam sublati vndiq; bellis humanas res tranquilla pace constitutas rerum quoq; concordia sequeretur. Sed hæc cunctis exoptata parari minime potest, nisi viri Christiani de interitu religionis valde solliciti, pacem ante omnia ab obstinatis principibus vel coniurantes expostulent. Interea tantis in Belgio detrimētis affectus Cæsar, & vehementer indignatus, Gallos ab se toties devictos, se præsentē Hispaniæ fines intrare ausos, ingens bellum parabat. contulerat enim sibi nouo fœdere Henricum Britannia regem, vt eius gentis auxilijs, quibus Galli antiquitus magnopere terreri consueuissent, ditissimiq; regis auro adiutus, multo quàm antea validiore impetu Gallia fines ingrederetur. Fuit ea societas ingrata suspectaq; Pontifici, vtpote quæ sacrosanctæ maiestatis nomen maligna contemptione suggillaret. Vix eam enim homines qui pacem sperarent, non initam modò, sed ne tentatam quidem credebant: mirum enim plerisque videbatur, Cæsarem tanta pietate, tantaq; honesti decoris estimatione præditum, summas iniurias animo deponere, inexpressibilibsq; odij penitus obliuisci, vt quum in Gallum atroci odio deferretur, atque ei omnino grauisimè nocere vellet, nullam vel Pontificiæ dignitatis vel obligatæ fidei rationem habendam putaret. Henricum antea Clemens Catharinam uxorem, quæ Cæsaris erat matertera, per iniqua animi libidine repudiantem, filiamq; subinde, vt spuriam à regni successionē procul addicantem, postulatē te vrgentēq; Cæsare, sacris interdixerat, iusta quidem, sed intempestiua seueritate: quum ille contumelia perturbatus ab auctoritate Romani Pontificis repente discesserit, sacrorum imperium & templorum opes inuasit, ac immani demum truculentia Rossensem Cardinalem, & Morum, Christianæ virtutis exempla, multosq; item sacratos ac infantes viros occiderit. Non se fellerat quidem eximie alioqui prudentiæ Pontificem eius ancipitis iudicij euentus, sed Cæsari iusta petenti prolixēq; item pollicenti, nunquam se cum Henrico sine auctoritate pontificis in gratiam rediturum, supremæ potestatis officium diuino iure vel negari vel differri non poterat. Itaq; exitialis ea simultas causa commodoq; Cæsaris suscepta, eò recidit, vt Henricus omnem iracundiæ suæ impetum in Pontificium nomen verteret, consumptoq; ob id vetere odio, Cæsari iungeretur, repudiata paulo ante Gallorum amicitia, quod Iacobum Scotia regem antiquo ipsis iure fœderatum, ascitumq; à Francisco generum, contra Anglos de finibus contententes adiuiuissent. In ea autem contentione quum æquatis cladibus esset dimicatum, Iacobus florenti corporis specie insignis (veneno an fato suo incertum) subito certè correptus interiit, defecitq; in eo Stuardæ familiæ generosa progenies, quæ à Roberto rege, eodem nomine quinq; Iacobos

tobos reges non intercisa stirpis serie tulerat. Sed occulta & admirabili sorte id
 regium decus singulis maximè funestum fuit, primò scilicet à coniuratis in con-
 clavi trucidato, secundoq; demū diffracti tormenti, dum id probaretur, violen-
 tia discerpto, quum mox tertium parricida filius, iusta acie ad Sterlingum oc-
 ciderit, ut is demum ordine quartus, nobis memoriæ prodentibus, ab Anglis
 ad Floddon prælio cæsus, meritas sceleris pœnas daret, quintoque filio eā-
 dem infaustæ domus damnata regni hæreditas pararetur. Eo mortuo re-
 gnum, rege orbatum, ambiguis primò hæredibus, vagiente scilicet in cunis
 regia prole, ac mox victoris Henrici arbitrio gubernandum celsit. Scoto-
 10 rum enim procures, & in his Maxuvellum regulum auctoritate insignem,
 exoptata libertate multoque insuper auro donatos, eo consilio in Scotiam di-
 miserat, ut Anglicam factionem excitarent, cuius auspicijs rex novus, eoque
 beneficio Anglis astrictus, qui ad Henrici nutus imperaret, corruptis comi-
 tijs crearetur, pulso antè alios Davide Betonio Cardinale, qui Anglis æternis
 hostibus prodi patriam paucorū flagitio pati non poterat. Is non multo post,
 uti suo loco dicemus, cum Grimano Patriarcha Pontificis legato, qui è Gallia
 in Scotiam traiecerat, communicatis consilijs Anglicos conatus fregit Gallo-
 rum ope, & fortissimarū gentium auxilijs reductus, quæ priscæ virtutis ac in-
 nocentiæ decus tuentes, Picti olim dicti, hodie Sylvestres appellantur. Is Sco-
 20 ticarum rerum tumultus Henrico, cur à Gallis discederet, non inanem cau-
 sam præbuit, paravitque inexpectatam occasionem Cæsari, qua recentis ini-
 mici opibus frētus antiquos hostes Gallos persequeretur. Itaque Cæsar cum
 Britanno ictis fœderibus, & ad gerendum bellum tempore constituto, Hispa-
 nia excedere ac in Italiam, ut in Belgas properaret, ad navigare constituit: antè
 omnia Philippū filium sextum decimum ætatis agentem annum, Hispaniæ re-
 gem appellat: ei totius regni civitates per legatos sacramentū dicunt: deligitur
 ipse Franciscus Covos, qui adolescentis ætatem regat, & negotiorum omnium
 summæ præsit: Ferdinandus verò Toletanus Albanus regulus militaribus
 copijs præficitur. Peractis autem conventionibus, in quibus multa Cæsar, suppli-
 30 cibus libellis subscribendo indulgendoque liberaliter concesserat, supra qua-
 draginta myriades aureorum nummūm conferuntur, rexque Lusitaniæ Ioan-
 nes grandi pecunia Cæsaris tantos ex futuro bello sumptus subeuntis inopiam
 sublevat. Erant enim uno tempore conscribendæ cohortes, quæ secum naviga-
 rent, & quæ præsto essent, ut eas Martinus Corduba, Alcaudetis regulus ad-
 versus rebellantes Tremisenios in Mauritaniam transportaret. Postremò
 quæ per Oceanum, in Belgas ad Gallicum bellum ducerentur, earum nume-
 rus duodecim millium Hispanici generis peditum summam implebat. Ger-
 mani verò ab Genua superiore autumno ad Perpennianum transvecti, Hi-
 spaniæ præsidio relinquebantur. His administratis & confectis rebus Cæ-
 40 sar Auriæ perscripsit, ut rostratas naves ad idus Apriles Barcinonem addu-
 ceret, ut quum onerarijs equitatus esset impositus, expeditè conscensuro nul-
 la omnino mora ad navigandum afferretur. Non defuere plerique procures,
 qui eo discessu Cæsaris, uti minimè redituri, non obscure gauderent, quòd sub
 nimis magno principe, imminuta licentia, seipsis minores facti viderentur.
 mos enim erat Hispaniæ regibus eos indulgenter observare, à quibus coli
 quàm metui mallent. Ita fiebat, ut nobili pudore potius quam terrore regiæ
 potestatis adducti imperijs & legibus parerent, quum incidente bello, rogati

humaniter liberali studio graviq̃ue sumptu operam navare consueſſent. Elata enim generosaq̃ue ingenia certam fidem præſtant, nec ab æquitate diſcedunt, at ſi contempſeris facile coniurant. Propterea Cæſar Padillianæ rebellionis, tantiq̃ue tum popularis periculi memor, liberas quorundam voces indignas regijs auribus, famoſosq̃ue itẽ libellos, & atrox Mendocij Infantiſiorum reguli facinus, mira prudentia devorarat, ut Philippo conciliata tranquillaq̃ue omnia traderentur. Mendocius enim, quod ad exemplum memoriæ prodendum videtur, in ipſo ludorum equeſtrium ſpectaculo præfectum rerum capitalium, ſceptro turbam ſuperbè dimoventem, quod nec ſibi parceret, diſciſſa gladio facie violarat. Is conſpectus cruor proiecti ad pedes acinuriam deplorantis uſque adeo Cæſarem commovit, ut quum in reum lege acturus videretur, univerſi Hiſpani procereſ ſpectaculo, ac ipſo denique Cæſare deſerto ad Mendocij domum accurrerent, vel contra prætorianos, ſi vis afferretur, ianuam deſenſuri. Sed Cæſar gravi iudicio totum iuſtæ vindictæ impetum ad diſſimulationem revocavit. Hiſpania enim eo tempore quanquam non infida Cæſari: aliena tamen ab eius conſilijs, quibus bella ex bellis ſerebantur, videri poterat: quod perpetuis pecuniæ collationibus, varijsq̃ue delectibus per tot annos graviſſimè fatigata, magnum incommodum publice ſentiret: tanta ſiquidem vis auri contra legem commeantibus præſertim Ligutijs triremibus fuerat exportata, ut illa grata oculis Ferdinandi, ac Iſabellæ aurea nomifmata nuſquam comparerent: nihil enim ad publicas opes pertinere cenſebatur, ſi qui milites, aut quæſtuoſos in provincijs gerentes magiſtratus conveſta in privatas domos peregrina præda divites evaſiſſent, & publico malo virorum paſſim in oppidis numerum ipſa ſceminarum multitudo ſuperaret, nec requieſcendi coaleſcendiq̃ue provinciæ auri atque hominum feraciulla ſpes, exercente Chriſtiana arma Carolo relinqueretur: quum Hiſpanorum legiones ſingulis prope annis, non in omnes modo Europæ regiones, bellicoſæ gentis victorijs atque ſepulchris claras, & totam denique Africam: ſed ad Beatas quoque novi orbis inſulas in tanta ſiri gemmarum & auri colendis colonijs advehantur:.

PAULI

PAVLI IOVII NOVO-

COMENSIS EPISCOPI NV-

CERINI, HISTORIARVM

SVI TEMPORIS

LIBER XLIII.

10 **M**AGNVS, & nunquam antea gravior orientis undique belli metus, usque adeo desperata pace Europam invaserat, ut nemo esset, qui non maximè timendum putaret, ne Solymano clasicum canente, concursuris inter se vesano impetu nostris regibus, humana divinaque omnia miscerentur. Conspecta quoque naturæ prodigia, quæ non temerè maioris semper mali prænunciâ creduntur, multorum mentes novæ cladis expectatione suspende-

20 rant. Rubentes enim locustæ, satorum dira perniciës, stupendis agminibus ab oriente per Illyricum in Italiam convolarant: quo itinere Turcarum adventus portendi videretur. Tanta autem famelicis erodendi rabies inerat, ut præter absumptas segetes, prata quoque vel rigua, viriditate graminis, & magnas frondosasque arbores, ocissimè toto foliorum honore spoliarent. Tremuerat etiam in Etruria, iuxta Florentiam, Mugellus ager, in radicibus Apœnini, qua Seva fluvius decurrit, cultura, amœnitate, frequentia nulli secundus. Ea subita clade, quæ noctu circa solstitium incidit, Scarpariam oppidum totum ferè prostratum, aut magnis deformatum hiatibus vidimus: quum septingenta nobiles aut rusticanæ domus in eo tractu centum stadiorum oppressis multis mortalibus miserabili ruina corruissent. Lato tamen Cosmi principis augurio, quum tot ædificijs circumquaque laceratis & haustis, una ipsius Trebia

30 villa stupente populo illæsa constiterit. Qua de causa Paulus Pontifex cognito Cæsaris decreto, ac exploratis Solymani consilijs post indictas supplicationes Vrbe profectus, Bononiam iter extendit, vel nivoso Veris initio, atque eo maximè senibus maligno. Neque enim gradevus princeps vel in præsentis vitæ periculo committendum existimabat, ut de pace desperasse videretur. Maturata siquidem profectioe Cæsaris adventum præoccupare, atque item Tridentinis actionibus, si frequentes episcopi undique convenissent, ex propinquo venturi famam præbere cupiebat: sed arcani consilij aliæ graviores causæ suberant, quum Mediolanensis imperij dominatum affectaret, quod præsentis pecunia comparari posse videretur ab egente Cæsare, & ad Belgi-

40 cum bellum properante. Quo suscepto itinere ita Romanorum obtestationes, detrimenta vectigalium, propinquorum preces, & quorundam senatorum incommoda contempsit, ne suo peculiari officio deesset, ut alterutro eventu certam laudem petere crederetur, quum propositus esset amplissimus laborum fructus, si ipso pacificatore atque auspice reges ad concordiam redirent. Quod si illi fatali correpti morbo insanire pergerent, nihilo secius virtute & pietate æquè magnus & scælix esset, cum sua saltem illustri conscientia; tum bonorum omnium iudicio, postquam vel obscuri vel desidis animi suspi-

tione atque onere liberatus totum quæsitæ pacis eventum Dei optimi provi-
 dentia reliquisset. Discedente Pontifice, Rodolphus Pius Carpenſis Romæ
 legatus, eximie virtutis atque prudentiæ Cardinalis, urbanarum rerum cu-
 ram suscepit. Alexandro autem Vitellio, qui præſidijs bellicisque operibus
 præerat, Leoninæ urbis muro cingendæ munus impositum, ut postquam
 Roma ad orientem Solem vasta intus & antiquis utiq; mœnibus à frequentia
 ædium remotis, recte communiri non poterat, vel parvis copijs defendi, cer-
 tum saltem & temporarium ad salutem perfugium in repentino periculo per
 Aelium pontem ad Vaticanas ædes populo pararetur. Id opus insigni iudicio
 sumptuque Nicolaus Quintus inter optimos Pontifices literarum amore per-
 illustris, inchoarat, intermiserat successor Pius scribendi potius, quam ædifi-
 candi laudem sequutus. Paulus quoque Martianæ suæ domus amœnitate ca-
 ptus, confususque longiori vitæ distulerat. Inde Sixtus invidiose pertinuit, ne
 ad auctorem primum, si perficeretur, cœpti simul et consummati operis gloria
 rediret. Innocentio autem defuit voluntas, quum Vaticanæ domus elegantia
 quam securitati studere mallet. Alexander porro inaurasse testudines, arcumq;
 Hadriani insigni corona nobilitasse contentus, ut vel Dñs invitis filio impe-
 rium strueret, alio quàm oporteret, ingenium detorsit. Iulium item excelsa ac
 admiranda pæssim infans prope sumptibus inchoantem, exorta bella ab eadem
 cogitatione revocarunt. Nec Leo extructis in Vaticano præaltis porticibus & ad
 portu ad Centumcellas magnificè repurgato, in ea aurea rei Romanæ tran-
 quillitate, quæ beatus videri poterat, de imminente clade dubitavit. Ab Ha-
 driano autem ad vitæ exitum properante urbs ipsa neque planè cognita, ne-
 que tota conspecta est, ut ipse demum Clemens appetente quidem ingenio, sed
 deterrente sumptu, dum fatali negligentia destinatum ad publicam salutem id
 opus differt, molienti Vrbi exitium Fortunæ limen aperiret. Hisdem ferme
 diebus, quibus Pontifex Roma discedere maturabat, Polinus Gallia regis le-
 gatus hyemantem Hadrianopoli Solymanum, appetentemq; Verem Panno-
 niam grave bellum parantem secutus, accuratis precibus impetravit, ut Otto-
 mannica classis Hariadeno Barbarussa præfecto Malsiliam mitteretur, quæ i-
 nimicis litoribus infesta distraheret opes Cæsaris, valida belli mole Gallia
 finibus incumbens, interclusoque Tyrrheno mari insularum ac Hispaniæ
 navigationes impediret. Ea res multis purpuratorum deliberationibus agita-
 ta graves difficultates habuerat, contradicente præsertim obstanteque eodem
 Solymano eunucho, qui post Lustibeium, uxoris iurgio dignitate exutum,
 Bassarum ordinis princeps evaserat, valebatque ingenio & ingenti auctorita-
 te, Indicis, Parthisque bellis quæsitæ. Is non obscure oderat Barbarussam, ob-
 trectationeq; laudis omnem eius existimationē tantis laboribus mari partam,
 ocio navali convellere contendebat, ita ut perorando nullam aliam educendæ
 classis causam, quàm ut imperator vel periculo publico privatis Hariadeno
 commodis indulgeret, se videre testaretur. Nec defuere qui eum à Cæsarianis,
 & Venetis pecunia inductum putarent: nam postea literas à Ferdinando Gon-
 zaga, Sicilia præfecto, sibi scriptas Polino tradidit, quibus ille per idoneum
 hominem Hispanum promissis muneribus petebat, ut eius ingenio solerti-
 que opera Solymanus cum Carolo Cæsare honestius amicitia legibus iunge-
 retur, & ipse quoque Barbarussa quatuor aureorum nummum myrades ab
 Hieronymo Zanio legato Veneto sibi oblatas iactanter retulit, si ea astate
 mini-

minimè navigaret. Erat enim formidanda Veneto Barbarorum classis, totius maris impotenti imperio superba, quæ aflueret litoribus Christianis, & magni sumptus necessitatem adduceret, si ornanda classis foret, quæ Adriaticum sinum & insulas tueretur. Itaque Polinus, qui inter tot curarum æstus, desperata classe animum desponderat, nuncio decretæ classis exhilaratus Solymano gratias egit. Is enim, auditis & gravi iudicio repudiatis suorum sententijs, datam fidem præstare suæ dignitatis esse statuebat, vel cum discrimine tantæ rei, cuius iacturâ vel immensum auri pondus minimè refarciret. Biduo post Rostanes gener: ac ipse demum eunuchus, quod ita cordi erat Solymano, Polinum honoris causâ solennibus epulis exceperunt, amicitiam & gratiam eo classis munere benignè adauctam gratulantes. Polino demum dono datæ sunt pretiosæ ex auro textili talaris togæ: bini quoque insignes equi eximie phalerati, & pocula aliquot argentea. Dignioribus verò ex eius comitatu sericæ vestes impositæ. Discessuro autem Solymanus, classem ut incolumentum præstaret atque reduceret, magnopere commendavit, ei que literas in hanc sententiam conscriptas ad Franciscum regem deferendas dedit: præscriptis quidem glorioso fastu tot regnorum titulis. Classem, qualem quantamque petisti, omnibus rebus ornatissimam Polino fraterna liberalitate concessi. Imperatumque est Hariadeno maris præfecto, ut eius consilijs obtemperet, ac arbitrio demum tuo cum hostibus bellum gerat. Tum verò rectè amiceque feceris, si classis rebus sceleratè gestis Byzantium reducat. Cuncta autem tuis meisque votis prosperè cedent, si gravissimè caveris, ut ne iterum Carolus rex Hispaniæ æternus hostis tuus, pacis mentione decipiat. Tum enim æquissimam pacem dabit, quum regiones eius omni belli clade vastatas exuileris. At Polinus exemplo Byzantium reversus, classem ab Hariadeno, qui diu noctuque multus in navalibus fuerat, egregiè refectam instructamque remigibus reperit, tanta adhibita celeritate, ut ad quartum Calendas Martias conscenderint: petita prima Eubœa ad Caristium promontorium, quod hodie Mantelium vocant, ut inde coniunctis sibi aliquot triremibus, quæ tardius exornatæ sequebantur, ad Maleam contenderent. Superata autem Malea, tota classis, reflantibus Etesijs, in Laconicum sinum coniecta Matapanium caput, quod Tenarum antiquis erat, superare non potuit. His adversis ventis allata mora est novem dierum: sed secunda demum tempestate Hariadenus Methonem adiit, atque inde cum classe centum & decem triremium: biremium verò circiter quadraginta, quas prædones adduxerant, lonium prætervectus ad Messanæ fretum pervenit. Conspecto Rhegio prædones descenderunt, Barbarussa ad idoneam stationem classem promovit. Rhegini deserta urbe profugerant: sed Didacus Gaetanus Hispanus arcem tenebat. Is Polino colloquium petenti, quum nihil responderet, & in subiectis collibus prædones spectarentur, tres Turcas tormentis interfecit. Eo sociorum casu accensi prædones urbem irruperunt, & quod inanes essent domus incenderunt, agrè id ferente Polino, & Barbarussa incendiarios ad pœnam à trierarchis deposcente. Inde quoque tormenta muralia in adversum arcitulum comportata. Ea paucis ictibus ita Hispanum, lachrymante uxore, terruerunt, ut se atque omnia dedens muro demiserit. Ei Barbarussa, orante Polino, uxori que & liberis libertatem concessit. Reliquis autem in templo ab iniuria custoditis, arcem militi diripiendam dedit: in his fuere circiter septua-

ginta Hispani milites, & multo plures Rhegini cives, qui in servitutem abdu-
 ti sunt. Sed demum Didaci filia, eximiae venustatis virgo, in quam senex
 Barbarus procaces oculos coniecerat, ad prætoriam navem sic perducta est, ut
 eam illico Mahometanis initiatam sacris legitime uxoris loco habuerit, & Di-
 dacum patrem aliquot post menses ad portum Herculis invisentem filiam,
 tanquam socerum humaniter, liberaliterque suscepit. Hisdem ferme die-
 bus circa solstitium, quibus Barbarussa magnæ Græciæ, & citra Meisana fre-
 tum Brutiorum oram percurrerebat, Carolus Cæsar, aliquot cohortibus, & se-
 ptingentis circiter equitibus in onerarias naves distributis cum quadragin-
 ta triremibus à Barcinone Genuam pervenit, tardiore ob id navigatione, 10
 quod onerarias extra conspectum rostratæ classis minimè relinquendas exi-
 stimabat, ut si mare tranquillum, & solstitiali malacia constratum foret con-
 cidentibus omnino ventis: rostratæ demum onerarias, vel immobiles remul-
 co, ad conficiendum cursum protinus adiuverent, elusa & despecta Gallo-
 rum classe, quæ tutissimo in portu, ut errantes aut vento destitutas invade-
 ret, ad Malsilienses insulas excubabat. Exceptus est Cæsar ornatissimo Au-
 rianæ domus apparatu, præstoque ei affuere Alfonsus Davalus, & Ferdi-
 nandus Gonzaga, ipseque mox à Florentia Cosmus Medices, ac à Bononia
 missus à Pontifice Petrus Aloysius Farnesius, Octavij Cæsaris generi pater.
 Hic adolescens diu in Hispania socero comes eadem vectus prætoriam navem in 20
 Italiam redierat, iturus ad uxorem, quæ Ticinum usque progressa patrem, &
 maritum expectabat. Cæterum Farnesius, qui ea de causa venerat, ut ad ex-
 plicanda maximarum rerum consilia, colloquio dies & locus diceretur, ad
 id prædurus atque difficilem Cæsarem reperiebat. Erat enim tum Cæsar
 contracto vultu, sermoneque factus amarior, quod Hispanico simul & Bel-
 gico lacepsitus bello, nullam opem ab affine Pontifice, atque eo sapientius ab se
 amicè ac liberaliter exculcto, contra Gallos impetrasset. Propterea minimè,
 uti alias, familiaris, nihil sibi in Germaniam properanti colloquio opus ef-
 se respondebat, ne reliquum æstatis tempus Sicambrico destinato bello,
 inutili mora deperiret, quando recentibus iniurijs affecto nullus concilian- 30
 dæ pacis locus esset relictus: nec decorum Cæsari videri posset de concordia
 cogitare, nisi prius vindicatis iniurijs, tum demum matura & certa pax ab i-
 pso victore peteretur. In hanc quoque declinandi colloquij sententiam ab-
 ruptè filiam à Bononia literis acciverat, ut eam ex itinere apud Ticinum in-
 viferet, postquam Pontificem minimè visurus esse videretur. His cognitis
 Pontifex Cæsarem reipublicæ causa demulcendum ratus, Alexandrum Far-
 nesium Cardinalem magnis itineribus Genuam misit, brevi que eius juvenis
 maximè illustri, solerti que ingenio, quum summa quoque ad persuadendum
 inesset auctoritas, Cæsar adductus est, ut ad Buxetum cum Pontifice iungere-
 tur: id est oppidum Palavicinæ familiæ inter Cremonam atq; Placentiam: sed 40
 ea conditione, ut triduo plus colendo, audiendoque Pontifici se daturum ne-
 garet. Fuere qui existimarent, Cæsarem ad id se invitum trahi videri voluisse,
 ne Britanniae regem, dudum non obscuro foedere contra Gallos percuss-
 so sibi coniunctum offenderet. Hominem enim ingenio suspicaci repenti-
 noque eo congressu alienari posse putaverat: quoniam ex divini iuris censu-
 ra impietatis crimine damnatus Pontificium nomen immani odio persequeretur.
 Sed Cæsari arma paranti cogenda imprimis erat ingens pecunia, quæ
 expe.

expectari posset à Pontifice, si Octavius gener, ut fama ferebat, Mediolani princeps Augusta auctoritate crearetur. ea res videri poterat decora Cæsari, honesta Pontifici, & Venetis longè gratissima, quod ille seie eo liberali facto, affectatæ summæ potentiaë invidia liberaret, filiamque obiter tanto dotali munere supra Alexandri Medicis titulos ornatam, beatiorem efficeret: hic vero singulari cum laude exoptatam afflictis gentibus pacem pararet, ut inde expedita arma Turcis inferrentur, & Veneti Neapolitano societati iuncerent satisfactum esse iudicarent: quum in conditionibus prolixè cavissent, ne quisquam Austriani sanguinis Mediolani princeps a Cæsare diceretur. Apparebat quoque Franciscum Galliaë regem, qui pari iudicio Sfortiam Mediolani principem tulisset, ac eum denique à Cæsaris iniuriâ magnis opibus defendisset, haud gravatè expectationi Veneti senatus, & voto Pontificis assensurum. Quid enim commodius Gallo quæri, vel exoptari melius posset? si attenuatis atque defessis Galliaë viribus expedita requies quæreretur, quam ut Gallia Cisalpina Hispanis atque Germanis militibus exonerata, Carolus Sabaudius reliquis Subalpinis populis, ac Octavius Insubribus imperarent: quum ille dimidio exutus regno ab infirmis opibus opportunus iniuriæ fieret: nec Octavius, si fata Cæsari longiorem vitam inviderent, hostium Gallorum impetum esset laturus. Verum tantæ rei negotium magnas ad explicandum difficultates includebat: quod præalto consilio Cæsar, si transigendum foret, suis omnino præsidij munitas arces tueri vellet: nec ipsi Pontifici, pari solertia rationes subducenti, expedire pecuniam placeret, nisi omnino libera, atque integra ditionis possessione potiretur: nec aliter quoque Venetus senatus Octavij tutelam esset suscepturus. Huic consilio unus omnium Alfonsus Davalus vehementer incumberebat, quum diversi Gonzaga, atque Auria gravissimè dissentirent. Is enim præclaro studio Cæsari simul atque Pontifici gratum factururus, eò tendebat, ut Insubres, apud quos in honore militari viginti annos fuisset, pietatis & clementiaë nomine ab acerbissimis tributis ad inopiam redactos investita pace sublevaret. Propterea in eam spem à Cæsare missus Parmam, ad Pontificem venerat. Sed Cæsar vetere suo innixus consilio, ne Mediolano unquam excederet, in itinere cum Cosmo deredimendis arcibus opportunè transegit, ita ut supra ducenta millia aureorum nummum in bellicos sumptus solverentur, Florentinaë quoque arcis, ac item eius quæ est ad Liburnum præsidia nutu & sacramento Cæsaris tenerentur. Eas inimici Cæsaris, ad cumulandam concepti dominatus invidiam, & hostes Cosmi, ad elevandam eius existimationem, Etruriaë compedes appellabant: quasi Cosmus temporario beneficio regnare videretur, & Cæsar dissimulanter, ac ideo lentis passibus ad Italiaë principatum contendens, & tempus idoneum expectans, quo Etruria in provinciam redigi tuto posset, Cosmo Fortunam atque potentiam, uti aliundè ab initio partam, invideret. Ea itaque celebri liberalitate Cæsar insignem benefici moderatiquæ animi laudem tulit, quum malignis suspicionibus extincta invidia inexpectatus occurrisset. Nec minore præstantis ingenij iudicio expetiti muneris beneficio Cosmus respondit: deductis enim omnibus Hispanis, qui in arcium præsidij erant, non Italis demum ut plerique crediderant: sed Germanis ac Hispanis ab se delectis custodiendas arces attribuit, ad declarandam gratissimi & maxime fidelis animi magnitudinem, ut aliquanto arctius be-

neficio nobiles animos obstringi, quàm metu contineri Cæsar agnosceret. His de causis Pontifex, cum personæ, tum Reipublicæ dignitatem domesticis commodis anteferre non dubio pudore coactus, privati eius consilij cogitationes penitus abiicit, in eamque unam omnino curam totus incubuit, ut Cæsar, repræsentando Ferdinandi fratris periculo, & propositis æquissimis de pace conditionibus ab instituto bello contra Solymanum verteretur. Pontifex prior Buxetum venit. Postero autem die, occurso totius aulae Cæsar exceptus est, complectente demum Pontifice, & honoris causa supra medium conclave summa arcis cœnacula tanto hospiti concedente, ita ut bina cohortium & equitum præsidia, sub signis pari propè numero, parique vigilia, arcis ac oppidi portas æquata securitate custodirent. Cæterum Paulus vel tridui colloquio, quanquam singulari memoria, summaque prudentia, & pietate ea sedulo commemorasset, quæ gravi momento ad impetrandam pacem pertinerent, prædurum inveteratoque odio à Gallorum amicitia penitus abhorrentem expugnare non potuit. Totus enim Cæsar, ira turgidus in Clevelensem intento ad vindictam animo ferebatur, tanta vehementis ingenij contentione, ut quum Austriam Barbarorum incendio brevi arsuram crederet, nihil se eam patrimonij miserè deflagrantis flammam respecturum esse testaretur. Indignum enim esse nomine Cæsaris à subditis imperio, beneficiarijsque suis contumeliam ferre, nec ulcisci eos, qui malignitate atque perfidia inducti, nullaque provocati iniuria geminato scelere, & ab se, legitimo Augustæ potestatis imperatori, & quod nihil flagitiosius patrari posset, ad infestissimos hostes defecissent. Francisci porro regis amicitia nunquam se consilurum, quod ille toties ruptis fœderibus fidem fefellisset, quod more gentis immodicos ac aliena semper appetentes spiritus gereret, nunquam pacem pati posset, nec toties fracta, atque perdomita arma deponeret. Cæsare pacem abnuente, Pontifex postulavit, ut postquam ipse hortando nihil profecisset, senatores Cardinales de concordia reipub. Christianæ commodo diserte verba facturos audire minimè gravaretur. Pertinere enim plurimum ad elevandam, vel parum æqui, vel omnino pertinacis animi opinionem, si in senatu libera voce proferret, cur à communi concordia dissentiret. Id verò Cæsar honoris natus facile tribuit: nec multo post vocatis Cardinalibus Marinus Grimanus eius ordinis princeps, ita locutus est: Nisi longè maximū, quod Reipub. diuturnis affectu malis discrimen imminet, Auguste Cæsar, omniū animos vehementissimè commoveret, rem profectò toties actitatam, rursus agere maximè absurdum putassemus. Sic enim hic frequens senatus cum pristinae tuæ constantia, tum modestia suæ meminit, ut privatis colloquijs vigilantissimi, atque optimi Pontificis officio gravissimè satis factum intelligat. Sed dirus hostis in limine crudelia arma concutit, mareq; Ionium magnis eius classibus constratum esse nunciatur, & tu tanta animi magnitudine, tantis opibus, & tanta deniq; fortuna summus imperator, neglecta Pannonia, deserto fratre, Italiae Siciliaeque litoribus Barbaro penè proditis, aversus in Belgas contendis, scilicet ut quū ignobili vindictæ studio rebellantem regulum debellaris, perversæ laudis famā quæras: quasi rectissima, & perillustis laus aliunde, quàm à confecta pace, susceptoq; sacro bello petenda videatur. A quo igitur animo tuleris, Auguste, si decreti tui novitatē non insulsi homines admirantur. nam quū in periculo publica sit salus, occultas cōsilijs tui rationes excutiunt, omitti victoriā, pa-

rari

rari cladem, religionem altius revelli, maximè dolent, agnatasque Cæsaribus, & tibi proprias virtutes requirunt, veræ scilicet gloriæ cupiditatem, de decoris metum, & præsentis animi pietatem: quarum rerum quum tibi esses omnino persimilis, præclara, non uno in loco, & quidem imitanda posteris documenta reliquisti. Sed in te una maximè pietas refulsit erga Deum divosque immortales, qui te hac incedentem via, & ritè vota nuncupantem nusquam fefellerunt. Nosti enim quanta eventus foelicitate responderint, quum in Pannonia Solymanum tantarum virium tumentem fastu, solo propè castrorum tuorum fremitu profligasti, Barbarussamque acie devictum ac exutum regno in terra Africa depulisti. At illi tibi demum ad intestina bella, si non iniquè, im-
portunè tamen converso minus arriserunt, scilicet ut salutem tuam non victo-
riam sibi curæ esse ostenderent, & præclare monerent, ut à Christiano sangui-
ne temperares. Redisti siquidem è Provincia incolumis, quum tertia fere pars
exercitus non hostili gladio, sed tabe consumpta perierit: verum aliquanto
certius deorum numen apparuit, quum è Germania Solymano ad occupan-
dam Budam adventante, in Africam transire properasti, quum à te supplex
frater opem imploraret, retentarent Germaniæ procures, moestique Hunga-
ri tuo discessu se proditos quererentur: traiecisti scilicet durissimo anni tem-
pore, ut cuncta terræ, marisque pericula, ad exiguum nec satis nomini tuo de-
coram victoriæ spem subires. Neque enim & Eunuchus, & servus Asanagas
cum ipso nobilissimo imperatore hoste, tum præsertim Christiana terga im-
maniter cædente, videri poterat comparandus. Sed te, nosque tecum omnes,
capitis tui aleam subituros, Dñi superi præclara miseratione conservarunt, us-
que adeo clementer, ut tibi in eo calamitatum omnium concursu, incompa-
rabile trophæum de devicta Fortuna concesserint. Ergo si tam grata, quam
pia mente Deorum beneficio commoveris, te ipsum hodie profectò vinctes:
quod certè magis pulchrum decorumque fuerit, quàm Fortunam rerum om-
nium dominam admirabili constantia superasse. Hæc quidem agno-
scis, Cæsar, & quæ tua iudicii atque memoriæ vis est, ad gloriam tuam, & se-
culi foelicitatem pertinere confiteris: sed cum Gallo nunquam stabilem ami-
citiam, nunquam securam pacem parari posse contendis, quod tibi ea gens
è summis regni opibus facile infrænis, alienæ ditionis appetens, nova spe, no-
va libidine semper inquieta videatur. Hæc certè suspicantem à communi
concordia avertunt, avertentque semper. Nulla enim gravior pestis hu-
mano ingenio insidet, quàm altè concepta suspicio. Ea enim quum teme-
rè semel irrepperit, egerimè vel maximè illustri ratione convellitur. Noli,
generosè, pieque Cæsar, ullo modo pati, ut in te vel minima suspicacis inge-
nij notaresideat. Patere autem si quid prædurum in intimis sensibus obcal-
luit, ut id totum Christiana pietate molliatur. Honestissimis siquidem no-
mini que maximè decoris conditionibus, quas prudentiam & Reipublicæ a-
mantissimorum hominum iudicio descriptas dudum perlegisti, rex Gallo-
rum pacem petit, affinitatem, opes, copias offert, occupata restituet, ut Me-
diolano tua liberalitate, beneficiarique iuris nomine recuperato, communem
hostem Barbarum coniunctis armis persequatur. Ut nihil porro vel occul-
tæ fraudis, vel parùm sinceræ fidei pertimeas, qui nihil unquam invicti ani-
mi fretus altitudine timere didicisti, cuncti fere principes, inita societa-
te foederum sponsores vadesque aderunt, ut iustis armis sanctas pacis leges

iuraque omnia tueantur. Hanc à te pacis conditionem ante alios orat & exigit Carolus Allobrogum regulus, innocentia tantum sua depulsus regno, & quod longè miserrimum videtur, per septem annos ancipiti duorum propinquorum iniuria fatigatus. Hanc item Veneti, tanquam ex fœdere debitam repossunt. Eandem regna tua, perpetuis tributis enervata, tuorumque præsertim ac hostium rapinis crudelissimè divexata, suppliciter efflagitant. Valeant aliquid, obsecro Cæsar, fraterna pericula, Hungarorum supplicantium lachrymæ, senatus preces: Valeat, ipsa sacrosancti Pontificis authoritas, pijs, atque optimis nunquam sprete regibus, ut Christianus orbis, luctu, miserijs, & Barbarorum metu liberatus, possit impetratam tuo incomparabili munere pacem atque concordiam secundissimè reflorescat. Ad ea Cæsar, ut à veteri consilio discederet, nihil omnino, vel amplissimi viri facundia, quæ in Grimano summa censebatur, vel eius sacriati ordinis dignitate permotus, graviter respondit: Nihil à se in toto vitæ cursu, vel ad gloriam, vel amplitudinem comparandam publica pace commodius & melius concupisse, quàm ut exoptata seculi securitas, cum tranquillitate rerum omnium pararetur, nihilque demum antiquius habuisse, quàm pace potiri, ut inde adversus Barbaros arma distringeret, cuius voti ac instituti sui præclara exempla in Pannonia, Grecia, Illyrico: & tota denique Africa rebus gestis ostenderit: sed laceratum Gallorum iniurijs, retractumque à nobili incœpto bella conficere nequisse. Ne mini enim tutam pacem, utiliorem, cariorumque videri, quàm ex, ad quem iure optimo ex sacri belli victoria, cum speciosissimi spes triumphus, tum inimitata laudis proventus obvenirent: sed Gallos semper nova odia ex antiquis simultatibus ferentes, ipsius semper, maiorumque suorum obtruncasse laudibus, ac potentia, amplitudini, & legitimis regnorum hæreditatibus invidisse, quod ritè nuptas lectissimas virgines impudentissimè repudiarint, sacramenta fœderum abiurarint, nihilque unquam sanctius habuerint, quàm quum ex commodo luberet, à fide ac amicitia defecisse: id præclare perspectum esse planeque cognitum imperatorijs comitijs: quibus multo auro suffragia prævertere conati ambitiosæ malignitatis, atque stultitiæ gravi sumptu ignominiam retulerint. Postremò ab ipsis concitatos Menapios atque Sicambros, ut Brabantiorum regionem incenderent, evocatumque nefaria crudelitate ad omnium perniciem Solymanum, ut Austrianae domui quam maximè noceretur, quum nunquam antea in eam maleficio & contumelia temperassent. Ab his autem obiectari sibi inducias Rinconis atque Fregosij cæde violatas, cuius patrati facinoris ipse prorsus fuerit ignarus, & poenam denique Georgio patruo pecunia redempto nuper exoluerit. Proinde nunquam se ad animum concordia mentionem admissurum, nisi Belgæ suorum iniurias de rebellibus incendiarijsque latronibus vindicaret. Id enim dignum videri Cæsaris maiestate, omnia belli detrimenta æquo animo perferre: sed nullam dignitatis pati contumeliam. Sibi autem & summi Pontificis, & totius denique senatus gratiam honori, ac emolumento esse debere, non detrimento atque dedecori: quid enim in re sua potius quàm aliena sapienti, & satis superque Gallorum fidem experto, absurdius atque dementius, quàm iniqua pacis conditione, Cisalpinæ Gallia imperio spoliari, ut Francisci regis minori filio, Britannia citerioris hæreditate penitus excluso, novum ex alieno patrimonium paretur: quo demum Gallicæ au-
geantur

geantur vires in Italia, & suæ proutinus minuantur. Ea quoque insana aut
certè præpostera liberalitate, liberas navigationum, ac itinerum sibi eripi fa-
cultates, quum repetere Hispaniam & Germaniam invisere singulis propè
annis necesse foret. Malle se Augustæ dignitatis penitus oblivisci, & accla-
matum Cæsaris nomen ultro deponere, quàm indignanter pati, ut terra ma-
riq; portus, hospitia, transitus à dubijs vel ingratis clientibus impetranda vi-
deantur. Postremo Cæsar sensim exardente facundia eadem ferè cōmemora-
vit, quæ superioribus annis, cum Romæ, tum Nidæ etiam & Lucæ, expeten-
tibus pacem responderat, quum eam causam diserte atque accurate peroraf-
10 set. Adeo enim constanti ingenio præsentis potentiæ suæ iura defendebat,
ut remotas etiam spes amplioris Fortunæ solerti ratione tueri, proferreque,
non imperitis rerum non obscure videretur. Ita verò flagranti animo in
Clevensem iracundiam intenderat, ut Solymani impetum facile contemne-
ret, neque multum fratris periculò commoveretur; & mihi demum (quod
minimè prætermittendum videtur) ipsius discedentis manum oseulanti, ala-
cri, familiarique vultu diceret: Expedire te, inquit, Iovi, calamòs oportet, ut
quæ iam gesta sunt in Historijs tempestivè perscribas. nam hoc armorum mo-
tu, magnus profectò tibi novi operis labor paratur. Cæterum Pontifex quan-
quam conciliandæ pacis consilio deiectus, rationem & studium æquitatis,
20 veræque gloriæ decus, alioqui semper eximium in Cæsare: cæca obstinatio-
ne superari mirabatur: Ferdinandi tamen regis pericula, Reipublicæ pariter
ac amicitiae causa se minimè neglecturum Cæsari confirmavit. Nec multo
post Baptistam Sabellum prætorij præfectum, & Iulium Vrsinum cum tri-
ginta cohortibus tuendo Norico ad Pannoniæ fines transmisit. Quinque
diebus eo colloquio frustra consumptis, & Cæsare in Germaniam conten-
dente, Pontifex pari digressu Bononiam est reversus, ut festum diem Petro A-
postolorum principi dicatum, solenni cerimonia celebraret, quo die Barba-
russa à Pontijs insulis ad Tarracinensium litora delatus, Ostiam pervenit, tan-
to terrore hominum ab ora in montes refugientium, ut populus Romanus
30 subito metu concitatus in fugam, Urbem omnino deserturus esse videretur,
nisi à Polino literæ ad Rodolphum legatum conscriptæ, perlataeque Romam
per Tarracinensium prætorem tumultum magna ex parte compressissent. in
in hanc enim sententiam ille perscripserat: Clasis, quæ à Solymano ad præsi-
dium Galliæ Barbarussa præfecto mittitur, ex præscripto mihi paret, ut nemi-
ni, præterquam hostibus nostris noceat: itaque edicto Romanis, cæterisque
Pontificiæ ditionis oram incolentibus, ut nihil hostile à nobis timeant. Nus-
quam enim fidem ab eorum imperatore mihi præclare datam Turcæ viola-
bunt, & vos pro comperto habetis Franciscum Galliæ regem nihil habere an-
tiquius quam ut rem Romanam non incolumen modo, sed maxime floren-
40 tem, ac ideo ab omni impiorum iniuria defensam velit. Eadem quoq; usus di-
ligentia Polinus, Neptunianis ac Ostiensibus adeo animos confirmavit, ut ex-
petentibus Turcis venale pecus, & reliqui commeatus copiam adducerent, &
ex navigijs Campano venali vino onustis, quum ea in portu hæssissent, trierar-
chis aliquot amphoræ, in usum servorum remigum præsentī pecunia vende-
rentur: acciditq; ut nonnulli quaternis arietibus aut binis iuvcncis singulos ex
Brutijs captivos à prædonib. impetrarent. Sed civitas nocturno præsertim me-
tu cōsternata, vel ipso legato ex aliena promissione propriā obstringente fidē

& vultu interrito animi securitatem in eo periculo preferente, ut quicquam de salute publica Barbaris crederet adduci non poterat, quanquam & P. Antonius prætor, cum præfecto vigilum, multis accensis funalibus ad coercendam fugam per omnes regiones discurreret, passimque abire classem nemini infestam, & nihil propterea metuendam pronunciando, timore in fugam præcipites retentare conaretur. In Sabinum enim agrum & Tiburtinum trepidæ mulieres cum parvis liberis effundebantur, eratque eius nocturni tumultus facies, sicuti mox decedente periculo Roma iuventuti, ita tum omnibus fœda & miserabilis, quum matronæ, nobilesque puellæ, & sacratæ quoque virgines è claustris in publicum se proriperent, oblitæ pudoris, ab obvio quoque in tenebris, ut ad proximas portas iter monstraret, lumenque præferret luctuosis vocibus exorantes. Romani interim cives & divites inquilini concursu ad legatum facto, apud quem erat Vitellius ad ferendam opem opportunus, ut præsidia pararet acciretque ad Urbem copias, flagitabant: nulli enim erant in Vrbe ad custodiam cohortes, quum antea nihil ab ea classe hostile veritus, non temerè ad inanes metus ærario parcendum iudicaret. Sed ita demum evenit, ut quum salva Urbis dignitate præsidium negare vix sibi tutum foret, subitariæ cohortes è proximis Tuscis, & abeunte iam classe, in Urbem gravi ac inutili sumptu vocarentur. Barbarussa autem ad ostium Tiberis aquationem longè optimam nactus, triduo post inde discessit, Etruriæque oram atque Liguriæ sine maleficio prætervectus Malsiliam rectâ contendit. Eodem quoque tempore & ipse Solymannus ab initio maturandum sibi ratus, ne ultra Budam provecto, æstatis tempus ex natura Pannonij coeli in pluvias autumnales præceps, in cursu gerendarum rerum deficeret. Itaque Savo flumine ponte traiecto, Amurathem Dalmatam, Persamque Vlamam, ad expugnandum Valponium præmittit: hos quoque Achomatem Europei equitatus magistrum subsequi iubet. Erat id oppidum ad Dravi fluminis ripam positum, non longè ab Exechio, fœda Austriani exercitus fuga, & Bachitij Pauli, Ludovicique Lodronij fortissimorum ducum cæde per celebri. Tuebatur autem locum præsidio ex clientibus imposito, Petri Pereni uxor, eadem & Alexij Tursonis soror, quæ marito ab Rege custodiæ tradito, virilem animum induerat: sed defensores quam egregiè munitum erat, vim Turcarum non tulerunt. Amurathes enim Hungaros omnes in deditionem clementi consilio accepit, servavitque, ut qui agros colerent proposita libertate in provincia relinquerentur. Inde vero ad Socles Perennianæ etiam ditionis oppidum exercitus ductus: ubi aliquandiu, & quidem acerrimè invadentibus Turcis repugnatum est, quod amplius ducenti nobiles Hungari, uti erant veri Turcarum hostes, multitudinem incolarum ad perferendos labores, contemnendaque pericula cohortando, ante alios fortissimè Turcarum audaciam propulsarent: sed ubi multis acceptis vulneribus, territaque & recedente à muro Socdensium turba, irrupentium hostium impetus sustineri non potuit, in arcem confugerunt, ut inde Valponiensium exemplo, facta deditione salutem ac libertatem impetrarent: sed his iratus Amurathes, nulla pactione, sed arbitrio se dedentes egredi passurum respondit, atque ita exeuntes porta ad unum omnes interfecit: ut ea crudelitate reliqui, qui spem in armis potius, quam in Solymanni clementia reponerent, collata utriusque oppidi fortuna terrerentur. His cognitis rebus

rebus Solymanus capta oppida Amurathi dono dedit, & paratis exploratisq;
 rebus omnibus, è Buda cum uniuerso terrestri naualiq; exercitu ad expugnan-
 dum Strigonium contendit. Erant in præsidio Liscanus Hispanus, arcis cu-
 stos, senioris Liscani propinquus, qui ad Cassouium, uti supra docuimus, ob
 ereptas fruges ab agrestibus fuit interfectus, uir cogendo auro aptior, quàm
 bellicis muneribus obeundis. In urbem autem missus ab rege Salamanca pa-
 riter Hispanus, non admodum peritus belli, & ante periculum uanissimus ho-
 stium contemptor. Is præter paucos Hispanos eius amicitiam familiaritatēq;
 secutos, Italicas cohortes duas effecerat ex his militibus, qui Medice præfecto
 10 classis, Alexandroq; Vitellio in Italiam redeuntibus, in Pannonia remanserāt,
 Alexij Nardoij & Vicentij Matricij signa sequētes. Ad hos accesserant uexilla
 duo Germanorum, quorum duces erant Tristanus Fortaler, & Franciscus
 Munechius, qui militum omnium numerus mille & trecentorum summā ef-
 ficiebat. Paulus autem Strigoniensis antistes, præclaræ erga Ferdinandum fi-
 dei, in pacatam regionem abierat, quod desperata uenia à Solymano certum
 cruciatum expectaret, quod eo deprecatore in gratiam Ioannis regis semel re-
 stitutus, iterum ad Ferdinandum defecisset. Strigonium in præalta ripa arcem
 habet, indeq; Danubium subterlabentem latè prospicit, ex aduerso editum ha-
 bet collem, qui portæ urbis imminet, moenibus autem extantia propugnacu-
 20 la defunt, per quæ emissis tormentis subeuntium hostium latera feriuntur. Is
 structuræ mos antiquis erat, quum nondum reperto bombardarum artificio
 arietibus & balistis ingentibus & turribus ligneis urbes caperētur. Propterea
 Vitellius & Torniellus superiore anno ad inspiciendam loci munitiōumq;
 naturam à rege missi, ægerrimè defendi urbem à maximis præsertim copijs op-
 pugnatam retulerant, quod ab eo colle tormentis statuendis ab Barbaris oc-
 cupato, cuncta introrsus supernè conspecta ferirentur, & ea esset natura mœ-
 nium, ut quanto propius hostes succederent, tãto tutius protecti ab imo sub-
 ruere murum possent: quibus difficultatibus, ueteres peritiq; milites, qui Stri-
 gonij præsertim hybernarant, nouis operibus occurrebant, magnaq; alacrita-
 30 te ante periculum, ut iactabundis accidit, mirificæ uirtutis operam pollicentes
 Sy omani aduentum expectabant. Sed ubi Barbarus hostis undique promo-
 ris castris latè cāpos collesq; omnes, erectis tabernaculis occupauit, classēq;
 pariter ornatissimam aduerso flumine subeuntem prospectantibus ostendit,
 nemo erat qui non deposita animi ferocia magnopere de salute dubitaret,
 quod pauci, quāquam eximia uirtute, cum numerosissimis hostibus, atq; his
 pertinaci admodum deuoti animi proposito mortem petentib. pugnaturi ui-
 derentur. Adauxit quoque metum legatorum aduētus, Solymanus enim tres
 prætorianos è gente Christiana iam pridē ad Mahometis sacris traductos, Ita-
 lum scilicet, & Hispanum atque Germanum, cum præsidium ex his constare
 40 didicisset, ad urbem miserat, ut quisque sine interprete suæ nationis homines
 alloqueretur. Hi namq; admissi, per ampla præmia atque stipendia se dedenti-
 bus ita promiserant, ut quum prolata constitutaq; iam essent tormenta, abnuē-
 tibus extrema supplicia denunciarent. Ad ea quum à signiferis præclara uoce
 responderetur, milites fide uirtuteq; præstantes, neque præmijs turpiter capi,
 neque minis ad ignominiam terreri solitos, extremas spes in armis habituros,
 Turcæ in castra redierunt, eodemq; die tormenta in collem imminentem ur-
 bis summa celeritate subuecta sunt, & delectę toto ambitu ad oppugnandum

infirmiores mœnium partes, tanto quidem Barbarorum iudicio, ut neque peritius, neque opportunius quicquam ad nocendum excogitari potuerit, uel ab his, qui cuncta interius diligenter explorassent, ita ut credi par sit, non Fortunam modo Christianis hominibus, sed fidem quoque aduersus Barbaros omnino defuisse. Salamanca, diffusis suburbanis munitionibus, secus ac antea iactanter nequaquam se deserturum predicarat, in urbem se recepit, quæ hodie Castellum nomen habet, superioribus enim hybernis exteriores Strigoniæ partes antiquitus muro cinctas, usque adeo milites, naualesque socij deformarant, ut sublati ad usum ignis tabulatis & contignationibus, semicadentia tecta spectarentur. ea frequenti tractu per decliua ad flumen usque pertinebant, ubi tabernæ, & nobiles quoque domus à fortunatis Hungarorum regibus extructæ uiscebantur. Cæterum Achomates, Europei equitatus magister, eam ad oppugnandum muri partem accepit, quæ episcopalibus hortis annectitur. Vlamani autem Persæ data est quassanda subruendaque turris, quæ portæ Budanæ imminet. Is enim ingenio solerti horumque operum maximè perito, eam merita laude famam apud milites fuerat consecutus, quum in expugnatione Castrinoui ad flumen Rizonicum cum Barbarussa, admirabilis artifex extitisset. Asappi ad opus faciendum idonei, gregatim à singulis ducibus ad perducendas fossas, attolendosque aggeres ducebantur. Incredibile dictum est, quanta ui tormenta dispendi coepta sint: continenti namque ordine nusquam cessabatur, & erant colubinae ingentis magnitudinis, quarum ictibus non modo superiora mœniū decussis pinnis nudabantur, sed turris ipsa, derafo iam fastigio quassata interius ac immanibus pilis perforata, nequaquam defensores, uel adire, uel consistere aules admittebat, adeo ut proxinius extantis coronæ murus omnis cum ingenti fragore prorueret, & terribili continuoque terræ motu cuncta quati uideretur, nec consistendi in muro propugnantibus facultas erat. Nam Ianizeri sclopetarij, aut per fossas subter summa obiecti aggeris labra dispositi, aut e superiore loco protecti equitum scutis, quum maiora tormenta cessarent, excitatusque inde fumus subsideret, certissimis ictibus apparentiū capita feriebant, & multi interius in statione perseuerantes, incidentibus ab alto sagittis vulnerabantur, sed multo grauiorem cladem fragmenta lapidum nostris inserebant, dū disrupta minutim, dissipataque tormentis, euitari non possent, illisacque mœbris militum inutiles redderent quos attigissent. Quibus malis adducti milites, deserta exteriori corona, interiores munitiones celeriter erexerunt, ut minore cum periculo in defensione uersarentur. Nec animus Barbaris defuit, quin audacter subirent, ter enim instaurata pugna magno clamore edito in urbem irrumpere conati, ad congressum usque nostrorum peruenerunt, sed densissimæ phalangis frontem prælongis hispidam sarissis, Barbarus hostis leuibus hastis equestribus, & graui gladio, aut parua tantum secure armatus percurrere non potuit, locoque detrusus multis acceptis vulneribus se recepit. In ea contentione Baltaces Selimbriae, quæ ad Pontum est, nobilis Sanzacus, quum suos ad irrumpendum uehementer urgeret, interfectus est. Subierat ad eam ripam, quam diximus, Turcarum classis, ac omnia quæ ad oppugnationem pertinebant, tormentorum instrumenta, com meatumque affatim à Buda subuehebat, nostrisque uehementer occupatis, classiarij milites & remiges ad suburbanas domos tanquam in forororum uenaliū ociose uersabantur. Id nostri ab arce despectantes impunè fieri non tulerunt, conglobatisque repente, ex sua quisque cohorte, singulis ceteris,

Michael

Michael Rauaspurgus Germanus, Nardousq; Italus eruperunt. Tātus fuit eorum impetus, ut Turcæ improuiso hostiū superuentu perterriti, quum pars arma capere, pars ad classem cursu se proripere uellet, tumultuosissimo pugnae, fugæq; genere, aut intercepti caderent, aut adnatantes rapti flumine mergerentur. Sed qui in classe erant opportunam planè profligatis & perditis opem tulerunt, sagittis enim & glandibus in nostros coniectis, ita incumbentium impetum retardabāt, ut iam ad motis undiq; nauigijs, aliquanto quietius, quàm paulo antè, & tutius suos exciperent. Periere è Barbaris circiter ducēti, & ipse Zirmar natione Persa, cuius erat classis imperium, ut eius audacis facti nomen maximè celebre redderetur, quum in eo discrimine perturbatis opem ferens, & fugam increpitans prætoriam biremem admonuisset, glande traiectus interiit. Dum hæc fierent, & Barbari stratis mœnibus, effosisq; cuniculis, quibus turris excinderetur, ualidiore indies impetu expugnandæ urbi uires intenderent, & contra nostrorum animi cum multis acceptis incommodis, tum una maximè auxilij desperatione frangerentur, senex Calaber è Crotone artificio tormentorum assuetus, ad Barbaros transfugit. Eius autē nefarii impiq; facinoris causam prædicabat, quod plura sibi seni & inopi stipendia rex deberet, ac ideo liberalis militiæ dominus, uitato præsentis uitæ periculo, adeundus esse uideretur. Is benignè susceptus à Solymano, interrogatusq; diligenter à purpuratis, si urbe Strigonio maturè potiri uellent, Aquariam turrim omnino expugnandam esse perdocebat. Erat ea turris in extrema ripa, sub ipsa arce Strigonijs, loco, ædificioq; Budanæ persimilis, quum eodem machinationis artificio aquam exorbendo è flumine haustram, uarijs siphonibus in arcem effunderet. ab ea enim Nasadæ subeuntes onustæ commeatu, directis ad aquæ libram tormentis, magno Turcarum incommodo ita petebantur, ut noctu tantum, & secundum ulteriorem amnis ripam pilarum uolitantium metu solliciti nauigarent. Hanc Habraimus Eunuchus, Asiatici equitatus magister, ad motis tormentis expugnandam susceperat, sed irritò conatu cuncta moliebatur, quum ripæ margines statuendis tormentis perangustæ magnas Turcis afferrent difficultates, & milites præsidio impositi, directis ex aduerso falconibus constantissimè repugnarent. Monstrante itaq; trās fuga insulam in Danubio desertam, quæ contra frontem turri obiecta spectabatur. In eam Vlamanes noctu scaphis traiecit, erectoq; subitario aggere, conuectisq; eo tormentis, nonnullos ex defensoribus interfecit, nudauitq; eorū latera, ita ut Asiatici non apparentibus pro metu nostris murū subire auderent, & scalas expedire properarent. Interea Turcæ è maiorib. castris exteriora urbis undiq; maximis tormentis uerberare, prægrandib. uerò globis per ænea mortaria in sublime iactis, ut cū ruina tectis inciderēt, interiora deuastare, subterq; magnos cuniculorū specus, sicuti aliàs in expugnanda Rhodo perfecisse docuimus, excauare non cessabant, in quibus Barbari, corpore pariter ac animo aduersus omnes bellici laboris asperitates indomito, interdium noctuq; cibum & somnum cum multa nostrorum admiratione capiebant. Accidit autem, ut ænea crux inaurata, ob idq; percussa Solis radijs latè refulgēs, qua maximi templi fastigiū ornabatur, assiduo collimantium Barbarorū studio cōtortis in eam pilis reuulsa, atq; deiecta frangeretur, qua cadente Solymannū foelicis ictus casum, more gētis ad letū auguriū facile uertentem exclamasse ferunt, expugnatum esse Strigoniū, postquam signum inani superstitione à Christianis hostibus adoratum è tēplo des-

cidisset: neq; id omen pro uano à nostris acceptū est, defensis enim territisq; militibus, quibus nulla gleba faxeo in solo ad extruēdas munitiones suppetebat, Liscanus & Salamanca de rerum exitu timidè deliberantes, & secreto demum inter se collocuti, seruare sese, & deditiōē facere decreuerunt. Erat Liscanus parum militiæ uersatus, & multo ex continua præda congesto auro prædiues, sic ut sibi planè opulento, pro inani constantiæ laude, Barbarico cædi gladio nimis miserum putaret. Idem quoq; effugiendi periculi sensus erat in Salamāca, apud quē certa salus, & bona peculij, labore ac industria castrensi parata, omni, uel maximè decora laude potiora ducebantur. Cæterū eius occulti consilij fama adeo astrictè cōtineri non potuit, quin ad milites emanaret, quorū terris ferè pars, aut interierat, aut ægra morbis, & vulnerib. debilitata decumbebat, una tamen omnīū uox audiebatur, satis adhuc uirium superesse, ut interiora defendi posse minimè desperarent. Sed centuriones atq; signiferi, præfectus adulari soliti, si honestis conditionibus à Solymano fides præstaretur, omnīū certissimæ neci, & nihil demum Ferdinando regi profuturæ, deditiōem præferbant. Fortibus enim uiris, aut egregiè pugnando cadendū esse, aut postquam suprema necessitas id ferat, honestissimè paciscendum. Nec multo post noctu demissus ē muro signifer, acceptaq; per interpretem fide, Salamācam exiit, ut is æquiore conditione de deditiōe transigeret. Nec mora occultè exiens ad Achomatem contendit, admonitis prius Aquariæ turris defensoribus, ut inde ad salutem celeriter in urbem se reciperent. sed eo nuncio territis, & cum tumultu euadentibus nostris, Turcæ intenti, animaduersa fuga protinus intraperunt, interfectis quibusdam, qui tardius elabentes efferendis sarcinis occupati inhonestè conciderant. At Salamanca ad purpuratos deductus, qui accuratè loquendo multa sibi concedi postulasset, nihil explicatius, aut mitius impetrauit, quàm, ut maturè se dedentes, cuncta quæ salutē libertatemq; respicerēt, ex liberalitate clemētissimi imperatoris expectarēt. Itaq; Hispanus acri iudicio Turcarum ingenijs diffidens, nec tamen desperans, quum redire uetaretur Liscano quæ retulerat perscribit; monetq; si saluus esse uelit, ex templo & maximè liberaliter sese atq; urbem dedat. Acceptis literis Liscanus ad milites prodies, deditiōis necessitatem, & propositam spem uitæ & libertatis cūctis exponit, nec mora ambiguo, & fremente adhuc milite, Halis aperiri sibi portam, ex deditiōe in castris facta, lato potius quàm feroci vultu postulat, eaq; statim parata à Liscano introducitur, clauēq; traduntur. Ianizeri pacato agmine ingressi munitionem, totamq; muri & aggeris coronam occupant, milites nostros secedere iubent, imberbes ex his ad unū secernunt, reliqui hastas deponere, & sclopettos in unum aceruum projicere coguntur. Nemo est omnium qui recuset, edictoq; non pareat. Improviso namque & contra spem nimis accelerato prætorianorum introitu terrefacti, se ipsos demissis pudore oculis intuitentes pristinam animorum ferociam exuerant, nihilq; nisi ualde sæuū à Barbaris expectabant. Id enim deceptis & circumuentis facilè euenit, quibus expediendi consilij ratio omnis & uirtutis usus excutitur. Intēdit quoque nostris pauorem casus insolitus, nam quum milites, uti imperatum fuerat, ipsas etiam cum sclopettis sulphurei pulueris lagenas in aceruum coniecissent, ab accenso fortè funiculo excitata repente flamma, earum rerum cumulum corripuit, usq; adeo cōsternatis ira metuq; Barbaris, ut nō temere insidias ueriti, ē nostris nō nullos interfecerint, sed deprecantibus præfectis, & nihil dolo, sed casu factum,

ctum, oris & manuum gestu significantibus, ipsoq; Hali facile persuaso, & celeriter commota claua lignum dante, Ianizeri à cædibus temperarunt. Tum uero Halis, cōpresso tumultu, apud nostros per interpretes pronunciari iussit, parata fore per ampla stipēdia ac honesta militiæ loca his omnibus, qui ad Solymanum transire uellent, nec plures quàm septuaginta ex omninatione milites reperti sunt, qui conditionem acciperent. Barbororum enim perfidiam timentes, & de uita solliciti, abnuentibus parari cædem & cruciatus, propter naturæ immanitatem, existimabant. Hos Hali comiter allocutus, & cum his, quos diximus, delectos impuberes nauigijs deuehi Budam iussit, reliquos ab omni defensos iniuria ad repurgandam arcem, æquato cum Turcis labore delegauit. At Liscanus, qui ut aurum seruaret, admissi flagitij dedecus, subsequenterq; ob id pœnam ac ignominiam contrito pudore neglexerat, aureum torquem, quo tam auarè quàm insolenter Perenus fuerat spoliatus, dono dare cogitur, quum illum Hali alioqui per uim erepturus militari comitate, tanquam nouum apud Turcas ceruicis ornamentum expetisset. Eo namq; munere Hispanus reliquæ suæ prædæ periculum redimi posse cogitauit: sed auaro imbelliq; Fortuna nihil indulgit, nam quum insignes equos aleret, ut his arce excedens in pacatū eueheretur, signatumq; aurum in ephippijs subter puluinos accuratè condidisset, ei postremo Barbarus equos ià ephippiatos conditumq; simul intus aurum ridendo ademit, quod nauigaturo nihil equis opus esse diceret. Atq; ita duces militesq; omnes exuti, præsertim galeis atq; thoracibus, ac ad naues deducti traiectiq; incolumes in ulteriorem Danubij ripam, Posoniū pedibus cōtenderunt. Ibi autem Salma iussu regis Liscanum & Salamancam proditiōis accusatos custodiæ tradidit, & cum his laxiore tamen custodia Matricium, Alexiumq; Nardoū, & Tristanum Germanū, ut quomodo deditio cœpta patratq; esset, in ipso de reis iudicio testarētur. Occupato Strigonio Turcæ egris nostris ac vulneratis, qui unà proficisci nequiuierant, omnia pietatis officia usq; adeo diligenter præstiterunt, ut quū recreati demum dimissiq; ad Tornielum in Comaram peruenissent, reliqui milites tantā in Barbaris humanitatem exitisse mirarentur. At Solymanus expiato tēplo, & uti Budæ fecerat, ad sacrorū suorum cerimonias traducto, superis gratias egit, quod eo præsertim die quo Biazetes auus Methonem cœpisset, Strigonio capto se quoq; similis uoti compotem fecissent. Erat is dies Augusti mensis decimus: diui Laurentij memorie consecratus. Nec mora accitis Buda fabris, atque omni propè genere militum ad opus coacto, admirabili structura celeritateq; urbem restituit, atque muniuit tanto quidem studio apparatusq; uti in posterum Christianis recuperande urbis spem omnem adimere uideretur: exprobrata herclè segnitie, ac imperitia Germanis & Hungaris, qui per quatuordecim possessam annos pingui semper in otio munire nesciuissent. Nec multo post Solymanus Ossa ino uiro impigro Strigonij custodiæ præposito, emisissq; ad læuam Tartaris Scythijs, qui ad Albam Regalē prædabundi excurrerent, ad expugnanda Tattam, quæ olim Theodata fuit, iter intendit. Id oppidum ualde exiguum, arcē dixeris, distat à Danubio introrsus, contra Comaram paucis miliaribus Hungaricis: ei Tornielus Hanibalem Tasiū Bononiensem, & Antium Germanū cum octoginta militibus præfecerat. Hi siquidē ante alios id munus sibi dari deposcentes, quod quæstui simul ac laudi futurum rebantur, omnē uim Turcarum se contēpturos affirmabant: siue quod Strigonium egregiè defensum iri crederent, siue quod

Turcas ad ignobile castellum, cum tota mole copiarū minimē deflexuros putarent. Sed capto demum Strigonio, & aduentantiū hostium cōspectis castris, & Achomate qui præcedebat, si uim experirentur, grauissimos cruciatus denunciante, quin se extemplo dederent, uti uiribus impares & uitę cupidi, nullā expediendo consilio moram fecerunt. Exeuntes Solymanus, & scripto ab eundem fidem accepturos, de more sericis uestibus donauit atq; omnes dimisit. Tatta uero funditus euersa est, uetere Ottomanorū instituto: quū raris, sed ualidis omnino præsidijs partas bello prouincias, minorib. passim deletis arcibus, tuēdas existimēt. Torniellus autem, ipsum Hannibalē frustra humani iuris equitatem pro salute implorantē, aliquāto seuerius atq; turbidius, quā ea ualde lugubris rerum cōditio postularet, capitali supplicio affecit. Eo enim pergraui discipline exemplo intelligi edici, que uolebat cunctis, qui muniti loci custodiam præellent, turpissimę mortis metu egregiam constantissimē propugnando mortem minimē fugiendam. Antium porro, quod erat Germanus ad Ferdinandi regis arbitrium reiecit, quum præclare similem de Liscano & Salamanca, uti grauiora meritis, sententiam ferre uideretur. Sed rex ingenio mitis ac facilis, & nunquam cruentus, de Hispanis lenissimē statuit & diuturni tantum carceris pœna contentus fuit, quum Antium ad parem cum Tassio supplicij sortem atroci Tornielli iudicio reliquisset. Acquata solo Tatta, Solymanus ad expugnandam Albam profectus, circa lacum paruum, aquationi maximē opportunum, positis castris, non procul ab urbe confedit. Ea urbs ob id Regalis cognomentum tulit, quod ibi perantiquo solenniq; gentis ritu noui reges coronentur, ac eodem in templo priusorum regum sepulchra cum rerum gestarum titulis uisuntur. Caterum Buda, Strigonium, & Alba Pannonici regni nobilissimę urbes, paribus ferē interuallis inter se distantes, trianguli figuram efficiūt, cuius ambitu, dimensisq; lateribus, miliaria circiter centum includuntur. Albam, reliquas duas alluente Danubio, perpetua palus undique præcingit, situ quidem aduersus hostes ualde mirabili, nisi per æstatem consumptis hyemalibus aquis, decrescētēque palude foret insalubris. Ab urbe tres lati, præaltique aggeres (iacentis rotę radios dixeris) ad extremam circumfusę paludis marginem porriguntur. Hi longorum pontium similitudinem reddunt, habentque suburbanas domos, & utrinque hortos, intercedente lata regione, qua uiatores in continentem deferuntur: ad extremam uero frontem ubi definit palus, ac inde exitus atque aditus in urbem datur, erecti firmi aggeres singulas portas communiunt: quas Albani, suspectis tantum belli temporibus, obserare noctu solent. Suburbanę itaq; domus trib. his portis, ab hostib. sunt tutę: quū interiecta pōtib. spatia palus latissimē inundet, propter cœnosa uada omnino inaccessa equiti, præpedientibusq; iuncis & calamis natanti plurimum importuna. Vrbs autem interior, muro satis firmo, & præalta fossa, quę paludem excipit, ad circum præcincta, difficilem habet oppugnationem. Quibus de causis, aduentante Solymano, in eam præ metu, tanquam in arcem longē tutissimam, magna hominum agrestiumq; præsertim multitudo præ se actis pecorib. cōfugerat. Albanis præsidio erant uexilla duo Germanorū & ducenti fermē equites, ex eorū numero, qui in custodia a Leonardo Veltio relictī fuerāt: quū Albani mutata fide a regina defecissent. Ad has quoq; copias accesserāt quingēti Hūgarī equites, ex his qui in pace, quū bellū desit, latrocinijs se exercēt, infamīq; nomine Vsarones appellātur. Sub id uero tēpus, quo Turcæ Strigoniū oppugnabāt, Torniellus cū

Italicis

Italicis cohortibus lauarinum peruenierat. Hunc Ferdinandus, de Strigonen-
 sium Fortuna sollicitus, & Albanis quoque rebus uehementer timens, literis ac
 nuncijs hortabatur, ut tuenda Albæ munus susceperet, ipse enim, tum cogen-
 dæ pecuniæ intētus, in Bohemiā conuentus peragebat. Id se alacriter susceptu-
 rum pollicebatur Torniellus, sed graui, uti regis uidebatur, adiecta conditio-
 ne. Quippe dux uetus & periculorum casuumq; militiæ cautus assumator, ea
 præsidia postulabat, quæ opportuna forent capeßenti iter, ac imprimis ituro
 per infecta loca Tartarorum incursionibus, & demum defensuro urbē aduer-
 sus eos hostes, qui nunquam irritō conatu cœptis abscessissent. Hæc omnino
 1º erant Germanicæ cohortes quatuor, alaq; una equitū grauis armatura, & tor-
 menta decē, atq; itē centū currus, quibus de more apertis in locis castra permu-
 niret, & ante omnia trimestrem pecuniam petebat, ne tractu lōge obliuionis,
 inter tot linguarum milites, uti plerumque accidit, tumultus cōflagratis frustra
 stipendijs oriretur. At regij togati homines, quibus ærarij facultates erāt per-
 tenues, quoniam pecunia omnis superiore annō a Bohemis contributa, Pestā
 no bello consumpta perierat, ante omnia periculum profectiōis eleuare, sicut
 urbis atque munitiōnē extollere, incolarum & militum, qui in præsidio essent
 numerum augere, polliceriq; non defuturos diuites Albanos ciues, qui pecu-
 niam conferrent, liberaliq; studio milites inter se distributos priuatim alerent,
 2º postremo confirmare, testariq; nō magno discrimine ab his insignem gloriam
 peti, qui clarissimam urbem omnino defendendam conseruandamq; suscipe-
 rent. Ad ea Torniellus, ut quicquā de ea re statuatur, priusquam singula explo-
 ret, adduci posse negat, mittiturq; Albam Octauianus Scrofaçtus Insuber, qui
 post Pestanū bellū in Pannonia remāserat. Is foelici usus profectiōe redituq;
 retulit Albā inexpugnabilem reddi posse, si aliqua excogitata atque antē pro-
 uisa inchoatis operib. adderentur, pleniq; imbres inclinante autumnō minimē
 defuturi ad augendam paludem, replendasq; exteriores fossas opportunē de-
 ciderent. Tantam uerō cōmeatus, & maioris minorisq; copiam ē uicinis pagis
 in urbem esse conuectam, ut famem, uel tota hyeme minimē timendam puta-
 3º ret, & eam esse præsidij ac urbanæ multitudinis alacritatem, ut hostes iam pla-
 nē despici uiderentur. Fortē enim Albani sustulerāt animos paruo admodum
 successu, quum excurrentibus illac Tartaris in eorum postrema agmina ali-
 quot interfectis erupissent. His cognitis Torniellus, nihil temere de se consti-
 tuit, nec sibi ullo modo eundum censet, mediam tamen consilij uiam tenet, mit-
 titq; Albanis auxilio quatuor præfectos, ante omnes nauāda operæ cupidos,
 cum singulis cohortibus. Hos cum ala equitum Barocius sequitur, apud quē
 iussu regis suprema erat militaris imperij potestas. Vbi Albam est peruētum,
 extemplo Solymanus nō procul abesse nunciatur, itaque Barocius præfectos
 cēturionesq; oēs in cōcilium uocat, unā etiā conuenit Birrous Albanorū præ-
 4º tor, cū toto ordine decurionū. Disputatur appositē atque acriter an suburba-
 na ædificia, quæ diximus, deferere atque incēdere præstet, q̄ tueri, ut tecta Bar-
 baris desint, & urbis interior paludis circumfusæ munitiōne tutissimā, minore
 militum labore, minoreq; periculo defendatur. Conclamant repentē Albani,
 nec se passuros dicunt, ut suburbia tot tēplis & ædificijs magnitudine urbis æ-
 quata, euersis subinde multorum ciuium fortunis deleantur. Quid enim tam
 deformē ac miserū cogitari posse? quā ad incitandam Barbarorum audaciā
 extremi timoris significationem dare, ac ea ultro subditis flammis excindere,

quæ forti manu, nisi animis turpissimè deficient, egregiè tueri possint? Fauebat Albanis Octavianus, uti cæteris eius urbis ac regionis, superiore anno sapius exploratæ, usu peritior, docebatq; pari conditione periculi, & urbem & suburbia defendi posse, quandoquidem pari paludis beneficio muniarentur, nec etiam, si quid extra pugnantibus ab hoste durius accideret, defuturus esset tutus atque certissimus in urbem receptus, quo demum tēporis spatium, inclusi urbe, supremi consilij deliberationes expedirent. Postremo exurgēs, cum suotū publico impulsus fato: Quod, inquit, uiri fortes, uirtutis specimen dabitis? quam uel demum nauatæ operæ laudem feretis? si tantæ claritatis urbem suburbij quam brachijs ante periculum detruncatis deformatam ultro, & nimis celeri desperatione deuastatam defensuri estis? Nihil certè uel ad utilitatē regis, uel ad spem gloriæ profeceritis, nisi Alba, si Dijs placet, incolumi atque integra, integrum ab animi magnitudine decus petatis. Hæc eo dicente cuncti conflurgunt, prudētes gnariq; militiæ imperitis atque ferocibus parent, ipseq; Barcocius, ancipiti suspensus cura, uanissimoq; aliorum iudicio planè uictus, fatali sententiæ accedit. Fit enim sapius, ut qui pericula ratione solerter cōpendunt, ac ob id de rerum exitu timidè deliberāt, & fortiores plerunque pugnacibus sententias dicant, quā alienæ temeritatis comites esse, uel ad non dānam mortem, quā ab ignobili decreto minus fortes uideri malint. Eo modo Barcocius, nouæ uel simulatæ spei plenus, & repenti factus alacer, ad milites egreditur, cur suburbia defendenda censuerint, edocet, ac hortatur, ut patem decoro cōsilio uirtutis operam præstare uelint, ipsum autē enixè curaturum, ut opportunè parentur, quæ ad uictoriā pertineant, & fortissimè propugnantib. supra perennem facti laudem, & triplicis stipendij prouentum, honesta mansuraq; ipsis ac posteris præmia persoluantur. Hæc lato ore prædicabat, ut Albanorum animos eo beneficio in seruanda fide uehementer obstringeret, regetq; timorem nequaquam temere conceptum, utpote qui sapius Turcarum uires infœliciter expertus minime dux fortis & strenuus apud milites haberetur. Itaque promiscuo cōcursu studioq; militum ac urbanæ multitudinis suburbia muniuntur, instruunturq; idonea loca maiorib. tormentis, & custodiæ, diurnæ nocturnæq; diuisis spatijs certis ducib. tribuuntur. Sed Turcæ appropinquantes, Budanæ tantū portæ suburbij incubuerunt, explorato namque situ, & per speculatores Hungaros faciliè cognito, sicciore ab ea parte paludē reperiēbant, solumq; ibi ualde sabulosum, & cespiti atque aggeri faciundo penitus importunū esse didicerant, quā à reliquis duabus portis terra nequaquā arida, sed deuexę paludis humore crustosior, & latas passim glebas & solidos cespites ad opus egregiū largissimè præberet. Perspecto hostiū cōsilio Barcocius Italos Germanosq; omnes à reliquis portis ad Budanam traducit, Hungaros agrestes, qui in urbem confugerant, itemq; Albanorū iuuentutē in ducti præsidij locum succedere iubet, institutumq; antea propugnaculum educere atque perficere aggreditur. Id erat inter bina tēpla diuo Frācisco, & Deiparæ uirgini dedicata, prominebatq; exterius nota ratione, ut bina utrinq; munitionis latera, directis tormentis cōtra subeuntes Barbaros defendi possent. Hæc parante administranteq; Barcocio, quum prima Turcarū agmina in cōspectum se darent, atque procurrerent, Vsarones, & secundū eos Germani equites, adiunctis peditib. Italici alacriter eruperunt, cōsertaq; leui pugna utriq; ad suos se receperūt, eodemq; modo ac ordine per triduū est decertatū, nullo tamen

tamen memorabili euentu. Nā duces proximam portæ regionē, certo breuīq; spatio ad procurrēdum nostris præscripserāt, & Turcæ prouolantes celeriter cedendo gyros dabāt, ut incautos, aut graues armis Germanos lōgius elicerēt. Vbi uero Solymanus aduenit, cōplexusq; latē urbem spectantes admirabili, atq; stupenda castrorum specie conterruit, nostri obstructis repente portis, omnes exitus sustulerunt. Ea res Vsarones, liberis excursionibus assuetos, tempestiuē admonuit, ut sibi cōsulerent, nec se munitionib. includi paterentur. Ita quum missionē peterent, nec tutō retineri possent, frustra deprecāte Barocio, & reiectis Albanorū precibus, nocturno syluestriq; itinere protinus abierunt.

10 Interea Turcæ, cōfectis plurib. uineis more nostro, perductisq; sinuosis fossis ad munitiones intra sagittę iactū processere, tecti namq; antē præfixis frondib. ita opus ex tutō faciebant, & summā aggeris coronam sagittis & glādis detergebant, ut nemo iam nostrorū cōspici posset, quin binos ternosq; simul graues ictus ostensa parte corporis exciperet: & ea uis erat ingentiū tormentorū, ut totam planē munitionem pilæ perforarent, fractisq; & per aera dissipatis texentis materiæ stupitibus, uel distantes inde milites vulnerarent. Ob ea nostrorum pericula, subeuntibus Asappis tutum erat implere fossā, uti ualde siccā tam serenæ æstatis solibus, abscessuq; paludis omni penitus humore destitutā. Id fiebat multis uirgultorum fascibus arena seriatim superiniecta. Per-

20 petuo enim totus exercitus labore, quum equites lignatum irent, & pedites in opere uersarentur, in omnes usus cum frondosa tum solida pariter materia suppetebat, & Diī nostris irati, expectatos imbres cœlo & nubibus suspensos pertinacissimē denegabant. Exaquata itaque fossā, Barbari audaciter subeuntes propugnaculum ab imo scalpere, suffodereq; coeperunt, ut agger interior subtracto fundamento concideret, quod nequaquam ex solida constructus gleba, sed ea ualde sabulosa fluenteq; astringentibus tabulis & tignis, non ad robur sed ad inanem ferē speciem esset erectus. Verū animaduerso hostium conatu, ita a nostris parī cuniculo obuiam est itum, ut quum infœlici cœpto, atque exitu, præparatus intro ad Barbarorum exitium sulphureus puluis fortuito flāmam concepisset, multi ex nostris nemine hostium concremato fœdē

30 perierint. Post id factum Turcæ, uera uidentēs, triplici acie instructa propugnaculo successerunt. Præcedebant Asappi, uti minimæ iacturæ homines, a duobus primis periculis obijci soliti: hi pro scutis planas tabulas, ostiorum ualuis similes, recentibus boum corijs protectas, ne deiectæ muro cuppæ ardentes nocerent, in capita elatas bini terniq; testudinis modo præferebant. Sequebātur ex equitū ordine scutati pedites, cū equestrib. hastis, aut districis incuruis gladijs: ab his Ianizeri tegebātur, qui dextro genu supplicato sclopetris lōgioribus ad destinatos ictus rē gerebant. Singulis autem ordinibus suus dux, adhortator, & uirtutis ac ignauiae testis aderat, sæpe ferrea claua segnes castigans, vulneratosq; subducens, & recenti milite felliam aciē reparans, & id quidem mira celeritate, cū ad circumductæ clauæ lignum omnes intentis oculis obedirent. Certatum est amplius tribus horis, parī spe uirtuteque, sed

40 ad extremū Turcæ, multa iniquæ pugnae vulnera perferentes, occilis & deiectis nostris, propugnaculum coeperunt, ac expedito statim consilio tres in eo paruos falcones statuerunt: ut utrinq; ē tota munitione propugnantes & discurrentes nostros deturbarent. Eodem quoque tempore bina templa ab irrupentibus occupata sunt, eorum parietibus usque adeo quassatis & per-

foratis, ut per hiantes rimas & pilarum uí patefacta foramina ex occulto cōspe-
 cū nostri sagittis & glandibus peterentur. Verū munitiones cohortium Ita-
 licarū mira constātia, adiuuātibz etiā focminis cucullatisq; sacerdotibus egre-
 giē eo die sunt defensæ. Is erat diuo Ioanni Baptistæ decollato dedicatus, quo
 Barbari Belgradum expugnatum, & cæsum in acie Ludouicum regem memi-
 nerant. Ob id rebantur augurijs & dierū sortibus dediti, auspicato mēse & fœ-
 lici die, oppugnare adortis uictoriam minimē defuturā. In eo certamine, quod
 minimē prætermittendum uidetur, excelsæ staturæ Hungara mulier, cōscenso
 inter milites aggere, uirilis audaciæ facinus edidit, quum prægrandi fœnaria
 falce, scandentibus duobus Barbaris uno ictu colla secuisset. Vnus autem an-
 te alios Carolus Ruffus è Brixia, qui cōponēdis ordinibus apud cohortes offi-
 cioungebatur, aduersus laborē atq; pericula indefessi atq; inuicti prorsus cor-
 poris ac animi laudem tulit. Signiferi etenim plures præfectiq; ac ipse quoque
 Barocius de cuntu prælij magnopere dubitantes, ut celerius in urbem se reci-
 perent, interiore in loco sub ipsa munitione constitierant. Ferunt Solymanū ad
 se in prætorium uocatos Habraimū, Achomatem & Halim grauissimis casti-
 gasse uerbis, quod propugnaculo fortiter atq; fœliciter occupato, nulla denū
 peracri facta impressione, & quod pudendum esset, nimis celeri receptu parte
 propē uictoriæ defuissent, iussisseq; minaci vultu, ut tridui spatio cuncta que
 usui forent, diligenter pararent, nec ad se nisi Alba capta reuerterentur. Ad eas
 duces nihil plus responderunt, neque enim uel culpa uacantibus excusare fœ-
 licet, quā ut confirmarent breui futurum esse, ut uoto ipsius & militum uir-
 tuti Fortuna responderet. Itaque in unum supremi certaminis conatum, dele-
 ctis accensisq; militibus, postridie calendas Septembris prælij signum dede-
 runt, terribiliq; impetu ab omnibus partibus munitiones adorti, magnum ter-
 rorem stationibus nostris intulerūt. nacti enim matutinam crassio rem nebulā,
 ut palustribus accidit in locis: non prius à nostris in dubia luce conspectū sunt:
 quum nec ab usitato eorū disciplinæ silentio sentiri possent, quā ad congres-
 sum peruenerint. Pugnabatur maximo tumultu, clamoreq; edito ad diui Fran-
 cisci templum, sed uehementissimē ad eam munitionem, quæ est inter propu-
 gnaculum, ut diximus, ab hostibus occupatum, & Deiparæ uirginis eadē, quo-
 niā ualida Ianizerorū manus in eū maximē locum incubuerat, qui ad tuendū
 Germanis erat attributus. Ii densata acie, descensum Turcarū expectantes, ita
 peracliuem aggerem inclinatas hastas continebant, ut extantes earum culpi-
 des in summa munitione conspicerentur, idcirco mirabili astu Barbari, ne re-
 mere defiliendo, irruendoq; sese hastis induerent, oblōga tigna capitibus ferē-
 tes euadentesq; in summū aggerem, trāuersa ea supra hastarum seriē in subie-
 ctos Germanos prouoluerūt, casu usq; adeo repentino infestoq; ut primorum
 ordinū milites confusis manibus & brachijs hastas deferere cogerentur. Tum
 uerò Turcæ clamore sublato præcipiti agmine saltuq; proruerunt, nec quis
 quam fuit, qui ingruentium impetum sustineret, eodem quoque tempore Ita-
 licæ cohortes, multitudinem hostium potius quā uirtute superatæ, delectæq;
 toto aggere, terga uerterunt. Sed paucis festinatus ad salutem receptus pro-
 fuit, quum perangustus ad cancellum, qui exteriorē portæ aream uestibu-
 lī modo claudit, aditus pateret, & Albani nulla fugientium misericordia per-
 moti, muralis portæ pontem sustulissent: natura enim plerunque fit, ut
 præsentis periculi metus sine pudore perfidiam excuset. Per totum itaque
 suburbane

suburbanæ regionis spatium cædendo terga, sternendoq; Barbarus procelisit. Cecidere in ea rerum perturbatione egregiè propugnantes conantesq; retentare inclinatam in fugâ aciem, Carolus Siccus, & cum eo aliquot centuriones, atque signiferi. Octavianus quoque, qui uanitate consilij tantam cladem attulerat, trucidatus, temeritatis suæ poenas dedit: ipse uero Barcocius, quum incitato equo ad portam se proripuisset, nec ingressus per cancelli portulam equiti daretur, oraretque frustra fugientes, ut maiorem cancelli ualuam apperirêt, Ianizerorum superuentu conciditur, dextraq; ei manus multis gemmatis annulis adornata detruncatur. Dominicus etiam Torniellus, aurata casside insignis, in eadē defiliendi cunctatione ex equo deturbatus, interiit. Huc aliquē diu defenderat signifer egregiè fortis, nomine Cecolinus, quum intorto circa hastam uelo serico, acri cuspide inermia Barbarorum pectora perfodiens, honestè cadere quàm præfectum deserere mallet. Reliqua autem multitudo, quod cancelli portulam occisorum cadaueribus obstructam, ac Albanorum malignitate sublatum pontem uidebat, ad ultimam uitæ spem, in fossam præaltis aquis profundam se coniecit. Ea fugæ facies maximè fœda & miserabilis erat, quum plerique tranantes ab imperitis natandi crurum complexu mergerentur, alij euadentes ad certos urbis aditus, capitibus ac humeris frequentes sagittas exciperent, alij uero per cœnosæ paludis uada fugam querentes, deuoratis cruribus impliciti, per ludibrium ferienda sagittis & glâdibus tergepræberent. In his fuere. C. Motta Nouariensis, & Rapizonius Vercellensis, nobiles adolescentes, qui sagittis confixi in ipso traiectu fossæ perierunt. Carolus autem Rufus, desperatis rebus ad urbem fœliciter enatauit. Erant in urbe Germanorum equitum præfectus, & Vscasales Cremonensis, qui ex vulnere domi substiterat. Hi confirmato animo reliquias militum colligentes, in muro præsidia posuerunt, tanta Albanorum trepitatione, ut nullibi publico consilio locus esset, & præpta cibaria, quibus labore metuque exanimati milites reficerentur, minimè reperirent. Iam enim conspecta nostrorum strage, Birrous prætor & senatores primarijque ciues animos desponderant, nec ab armis atque præsidio, sed ab una Solymani clementia petendam salutem existimabant. Nam multis antè diebus, prius quàm noui præsidij cohortes à larinino mitterentur, Albani quidam (priuato an publico consilio incertum) ad notos ipsis Turcas nuncium miserant, pollicentes, si Strigonio potirentur, nullam demum quin continuo se dederent, Albæ appropinquantibus moram allaturos, ob id facilem ueniam sperabant, parata excusatione, quod id præstare præsidij regij metu, nequiuisent. Hac de causa fiebat ut defensionis studium tota urbe remitteretur, Vscasaliq; omnes & Rufo, ea manu, quæ supererat urbem se defensuros ingenti animo pollicentibus gratias agerent, & iam nequaquam perplexè responderent, cunctis omnino de conditione deditiois esse cogitandum. Prodituri enim uidebâtur, & suam ipsorum salutem & totius uicinæ fortunam, si desperatis auxilijs ab rege, apud remotas gētes occupato, exitiabili defensione superbos uictoresq; Barbaros irritassent. Itaq; Birrous de muro cum Turcis colloquitur, petit ut tuto liceat mittere legatos, qui à Solymano deditiois cōditiones accipiant: id facile concedit Achomates, quo cognito, nostri milites Rufum deligunt, qui unâ cum legatis eat, & corâ de salute, libertateq; præsidij paciscatur. Legati ad purpuratos deducti, per Hungaros interpretes postularunt, ut in fidem sese deditibus libertatis & ciuitatis iura seruarent.

tur. Sed his ea data sunt respōsa, ut non omnibus uenia dari uideretur, quod promissæ deditōnis iusiurandum fefellissent, minuebat tamē eorum metum, quod ad paucos eius rei conscios ac authores pœna pertineret. Rufus porro perhumaniter susceptus, omnibus uitā ac libertatē & res incolumes, & tutum deniq; ad Viennā reditū impetrauit, eandē conditionē obtinente Germanorū præfecto, qui Rufo comes adhaeserat. Quū uerò datæ fidei diplomata scribe-
rentur, Solymanus Eunuchus purpuratorū princeps Rufum comiter inuita-
uit, ut Solymano imperatori militaret, proposito liberali stipendio, ac oblata
quingenariæ cohortis præfectura. Sed quum abnueret, quod sacramento mili-
tari præoccupatus à rege, nondū militiæ tempus impleuisset, purpurea uelie,
aureis distincta floribus, uirtutis ergo donatus est. Notus enim erat uel ipsi
Turcis ab ænea barba, quod sæpius in aggere spectatus, longē omnī acerrī-
mē dimicasset, indicantibus etiā Strigoniensibus trāsugis, qui tū aderant Bar-
barico cultu cōspicui, atq; eū Eunuchi monitu uehementer hortabātur, ut ho-
noratioris militiæ certā spem dubijs atq; tenuibus stipendijs præferret: quid
enim forti ac egeno militi sperandum, si quum bellum uigere desineret, supen-
dia penitus interirent. In his erant Ioannes Neapolitanus, Vincentius Vene-
rus, & Hieronymus Fauentinus notī militiæ, potius quā domi clari, qui ad-
missi sceleris notā eo nomine protegebāt, quod nequaquā ad Mahomens sa-
cra defecissent. Legatis in urbem reuersis, ac omnia clementer & commodē im-
petrata narrantibus, ciuitas paulo antē perculsa metu ad spem salutis, & ue-
niæ, pro quibus uota susceperat, extemplo rediit. Nec multo post Achomares
per singulos linguarum interpretes, in forum præmissos, pronuntiari iussit I-
talis, Germanisq; militibus, ut in crastinum diem, ea quæ profectiōni oppor-
tuna uiderentur, collectis sarcinis expedirent, diligenterq; cauere, ne quā-
quam Hungarus ipsorum agmini misceretur. Albanis uerò grauius impera-
tur, ut limine sese contineant, donec externi milites emittantur. Exiure ad con-
dictum Itali, Germanique, duce agminis Homare alæ equitum præfecto, qui
proficiscentes ab iniuriā tueretur, & ad regios fines integra fide deduceret, nec
quicquam nostris ademptum est, præter sclopettos paruos, quos nouo more
hastati equites Germani ab ephippijs, uti mortiferum atque habile telum su-
spendunt. Hos maximē concupiebant Barbari, nouitate capti, quod ita mirū
esset artificium, ut sine succenso funiculo, quum luberet, per machinæ paruæ
rotulam, percussio pyrite lapide, ignem repentē cōciperent, & celerrimē dispo-
derentur. Barcoij quoque currus, ab Homare sine tumultu retētus est, quod
interfecti ducis supellex nullos hæredes respiceret, sed ipsos tantum uictores
lege bellica sequeretur. Petijt etiam comiter Homar ab Vscasale, ut sibi non
iniqua muneris permutatione thoracem auratum plicatilem dono daret, quo
alacriter exuto traditoq; Vscasales contra spem ab Homare nobilem equum
retulit. Per totum autem id iter Tartarorum excursionibus infestum, nostros
Homar singulari fide laborēque tutatus est. Euolabant enim Tartari passim è
syluis, tanquam ad oblatam prædam, & in sarcinas præsertim impetum facie-
bant, & si quem tyronem imberbem, aut armigerum puerum uidissent, arre-
ptos cursim celeriter asportabant, ita ut reluctantes in equi ceruicibus colloca-
ti capræ pecudis modo raperentur. Nostris erant auxilio Turcæ equites, quī
intercurrendo, comminandoq; turbam aspectu fœdam atque terribilem abi-
gere & fugare properarent, neque enim quisquam Tartarorum sagittas expe-
diuit,

divit, aut omnino gladium eduxit: conspecto enim Turcarum præsidio, non certam & cruentam uti ab hostibus: sed à dubijs socijs, et negligentibus fortuitam prædam petebant. Sed postquam ad regiones fines est perventum, Homar- que discessit, nostri in multo infestiores socios Tartaris hostibus, Hungaros inciderunt, qui iusta propè pugna conferta laceffentes multis illatis vulneribus nullam prope evadendi spem nostris reliquerant, nisi regij equites è proximis castellis maturam opem circumventis attulissent. Alia porro Albanorum conditio fuit: nam Solymanus emissis, qui in urbem confugerant, & solitos agros colere iussis, eos, qui antea dedendæ urbis spem dederant, conqui-
10 sitos comprehendit, atque eos pariter Albanos cives, qui in magistratu fuerunt, quum civitas à reginæ, infantisque regis fide, introducto Germanorum præsidio defecisset. Ex eo numero aliqui interfecti sunt, cæteris partim Budam, partim Belgradum relegatis, quod recentis perfidiæ nota vel alieno vindice punienda censeretur. Cæterum Solymanus, Balibeio Albæ præfecto, munireque urbem iusso, satis sibi gloriæ partum ratus postquam duabus summæ claritatis urbibus in potestatem redactis Germanorum & Hungarorum animos contudisset, Byzantium redire constituit. Iam enim non dubia ingruentis hyemis signa maturandum omnino reditum indicabant. Nunciabatur quoque ab exploratoribus, Torniellum in insulâ Comara Danubij sinis-
20 tram partem, validis sublicis in vado defixis, & cratibus intertextis subituræ classis aditum præsepisse, eo consilio, ut eius insulæ oppidum maius atq; validius, cum reliquis cohortibus tueretur: & iam Pontificiæ cohortes, quæ integræ & ornatissimæ legionis numerum implebant, Baptista Sabello & Iulio Vrsino ducibus, Viennam pervenerant. Nec longè aberat Ferdinandus, adductis Marcomannorum & Bohemorum auxilijs, ut ascensuro hosti, & com meatum atque tormenta navibus advehenti, terra & flumine obviam iretur. Sed qui perditis iam rebus opem laturus serò advenerat: tempore demum exclusus, ut amissa recuperaret, nihil regio nomine dignum perficere potuit. Discedente autem Solymano, unus ante alios vetus imperator, & nostris maxime
30 cladibus insignis, Mahometes Iahaoglis (is à præfectura Belgradensis dicebatur) gravi iudicio delectus est, qui toti Pannoniæ cum imperio præsideret. Ab hoc prædabundis agminibus vehementer vexata est ea regio, quæ ad Iavarinum & Quinque Ecclesiensium fines pertinet: cui malo quum à nostris occurrî minime posset, quodam genere induciarum impetrato coactas copias rex utili consilio dimisit, & Pontificiæ cohortes in Italiam redierunt. Toto autem eo bello Georgius Varadinensis episcopus Stephani pueri regis tutor, qui summæ auctoritatis atque potentiae nomen apud Transylvanos obtinebat, nihil se commovit: quanvis eum Solymanus cum eius gentis auxilijs evocaret. Se etenim prohiberi distincique Moldavorum incursionibus, quom-
40 nus imperio pareret, prædicabat, quum provinciam ipso custode præsidioq; vacuam irrupturis hostibus minime relinquendam arbitraretur, & satis superque satisfecisse officio videretur, postquam ingentem com meatus copiam in castra transmisisset. Ita vir ille eximie fortis & cautus, incolumi vel in speciem tantum apud subiratum Barbarum in amicitia, sese atq; provinciam Christiano nomini conservavit. Eam rem enim dissimulatione transmittendam Solymanus existimabat, ne inanibus minis illum offenderet, quem omnino amicum fide, quam patefacto odio certum hostem experiri mallet. Tanto au-
AA

tem in Pannonia accepto detrimento non defuere, qui ab insigni publicæ pacis & sacri belli studio vecordiam principum execrantes magnopere latarentur, quando nulla iam alia spes parandæ concordia superesset, quam ut dimicantes inter se reges ab extremo ignominia pudore ad pietatis decus revocati, territique metu tanti hostis insanire desinerent.

PAVLI IOVII NOVO

COMENSIS EPISCOPI NV

GERINI, HISTORIARVM

SVI TEMPORIS

LIBER XLIIII



EMPVS & ordo, quibus unis rerum gestarum series, ratioq; omnis totius historiae certissime constat, & scriptor explicatus perpetui operis sui fidem tuetur, nos admonent, ut unde discessimus opportunè revertamur. Neque enim æmulatione pictorum fieri potest, ut quae diversissimis in locis uno tempore gesta sint, ea scriptor tanquam in tabulam collata, sciteque depicta, sub unius oculorū aspectum legentibus ostendat. Igitur Cæsar ab Italia Pontificeq; discedens ad Belgicū profectus bellum, ad Bonnam Vbiorū oppidum, iuxta Coloniam Agrippinam copias cogit atquerecensuit. In his fuere Germanorum peditum quatuordecim millia, mercede conducta, atque item singula quaterna millia Itatorum & Hispanorum. His præerant duo tribuni, Alvarus Sandæus, & Ludovicus Peretius: illis verò Camillus Columna & Antonius Auria, qui illos ex sibi notis, veteribusque militibus in Italia conscripserant. Ad hos quoq; Aurantius regulus Belgarum peditum duodecim: equitum verò armatorū duo millia ad Cæsarem perduxit. Aderāt autem partim Germanici & partim Sequanici nominis galeatorum equitum quatuor millia, & Italici, Epiroticique generis levis armaturæ equites sexcenti. Cæsar divisimuneribus, Stephanum Columnam, autoritate militari virum insignem, ut eo bello operam navaret à Cosmo Medice sibi traditum, castrorum magistrum effecerat. Tormentis autem præfecerat Iacobum Medicem, quem bellicæ virtutis meritò iam pridem dignitate Marchionem appellarat. Totius verò equestris levis armaturæ tribuerat Francisco Atestino, qui erat Ferrariensis principis germanus frater. His tamen omnibus vices Cæsaris implens, imperabat Ferdinandus Gonzaga, cuius virtuti Cæsar plurimū tribuere erat solitus. Quibus inspectis ordinatisq; copijs Cæsar cunctis agminibus sese armatum, aurataq; purpura paludatū ostendens, adhortansq; ut ad prædā & laudem ire pergerent, ad Duram oppidum tertijs castris pervenit. Id erat primū in Eburonū finibus, quod tanquā eximia munitionis adventanti Cæsari obiectum, Guliermus opinione sua, uti mox apparuit, inexpugnabile rebatur. Id

Id lateritio muro & fossa duplici ita erat præcinctum, ut inter exteriorem, interiorēque fossam perpetuus agger ea altitudine esset erectus, qua totius ferè muri ambitus, usq; ad summam coronam protegeretur: apparerētque murum nequaquam commodè tormentis posse quati, nisi prius tanti aggeris deiecta atque proscissa munitio, tormentorum globis viam aperiret. Ea verò neque facile dirui poterat, neque sine certa invadentium pernicie conscendi, intercedentē præsertim priore fossa: quoniam toto aggere opportunis in locis propugnacula eminebant, in omnes aspectus ad usum tormentorum aptissimè fenestrata, quæ Durense tormentis instruxerant. Vir quoque Menapius, nōmine Flattes, præsidij præfectus, qui validas cohortes in oppidum adduxerat, & Durensem iuventutem armaverat, se omnium salutem, & antiquum Sicambrorum decus adversus Cæsaris iniuriam constantissimè defensurū profitebatur. Neq; enim deerant veteris historiæ regionisq; periti, qui non longè à Dura, sub Titurio Sabino, & Caio Cotta, Iulij Cæsaris cohortes olim concissas fuisse memorarent: nec eius gentis milites tanquam astutos maximeq; pugnaces, Cæsariani contemnebant. Nam biduo antè levis armaturæ equitum alam exploratum præmissam, hostes egregia ineundæ pugnae, & mox fugæ simulatione in insidias pertractam, subito provolantes è sylvis, & more Germanorum per equites sclopettarios rem gerentes, insigni illato detrimento perturbant, quum ante alios ex præfectis Vbertum nobilem Mantuanum, & Marcum Bulvanum illustris nominis Epirotam occidissent, Ioanne etiā Zucero vetere Græcorū duce intercepto. Cæsar ex propinquo, nec sine periculo loci situm contemplatus, ut repentinum hosti metum inferret, primis conatibus celeritatem adhibendam iudicavit, extemploq; confici & promoveri vineas, & tormēta produci iussit. Expugnandi autē, invadendiq; oppidi negociū, pari cōditione Hispani atq; Itali tanquā agilitate corporis, ac ingeniorum expedita vi promptiores, primaq; pericula cōtemnere soliti, desumpsēre, quū in proximo Germani gemina phalange constituta, quadratisq; totidem equitū agminibus instructis cōstitissent, ut oppugnationis successum, adventumq; exteriorum hostium, parati ad prælium expectarēt. Nam rumor increbuerat, non longè abesse Martinū Rossemium cū validissimis Menapiorū, & Sicambrorū copijs, qui Cæsarianos in oppugnatione oppidi occupatos adoriretur. Is Belgarū populis superiore anno, Antuerpiensibusq; præsertim (ut diximus) profligato Aurantio, grave detrimentū, multo maximū terrorem intulerat. Sed eos rumores de Rossemij adventu, nequaquā importunè excitatos, victoria Cæsaris paucissimis horis extinxit. Nanq; oppugnatio quadraginta maioribus tormentis ante auroram cœpta, neque per totam ferè diem unquam intermissa, eum habuit eventum, ut deiectis ex corona defensoribus, & perfossis undique, lateque disruptis editioribus propugnaculis, milites Itali Hispanique pariter æmulatione laudis, iniussu, nulloque accepto signo certatim procurrere, prioremq; fossam, non superante umbilicum aqua transire, & in aggerem conscendere minimè dubitarent: graviter primò id ferente Gonzaga: sed mox eorum audaciam, quā imperio reprimere non poterat, bono eventui commendante. Erat enim atrox spectaculum, quum nō qui aggerem occupant, expositi ad hostiles ictus, è muro assidua glandium procella, & maioribus pilis sternerētur, necessarioq; aut in exteriorem, aut in secundam fossam deturbati prociderent. Verū qui audaciæ & temeritatis poenas dabant, ne in-

ulti caderent, incredibili animorum fortitudine in præaltam fossam sese gregatim intulerunt, hastis & plicatilibus usi scalis, quas ad murum deferebant, & acriter tumultuososq; impetu ad conscendenda moenia transfatarunt: quamquam multi gravati armorum pondere, pressiq; ab alijs incumben- tibus absorberentur, atq; itidem in transitu ab imminente paratoq; hoste vulnerarentur. Erat muro coniuncta excelsior domus, in qua Flattes cum delecta suorum manu versabatur, magnaq; inde hostium strages edebatur: nam & aggerē & fossam hostium cadaveribus cōpleverat: quo animadverso detrimento magistri tormentorum demonstrante iubenteq; Cæsare, maiores aliquot in eam domū globos statim coniecerunt: perfractisq; tectorum contignationibus, & Flattem & reliquos omnes, ingenti ruina oppresserunt. At Flatte cum promptioribus miserabiliter interfecto, Duren- sibus usq; adeo cōminuti sunt animi, ut iam languidius sese defenderent: atq; ita eorum pristinus ardor remitteretur, ut Cæsariani sese sublevantes, reptantesq; per ruinas, in murum vexilla efferrent, contemptisq; ignibus inanum circularū ex resina & pice ardentium, vasorumq; huiusmodi scitilium, quæ provolvebat hostis, muro atq; urbe incredibili celeritate potirentur. Duren- ses ad unum omnes, & præsidij milites, sæviente victore trucidati sunt, eò acerbius, quod ex Italis ac Hispanis sexcenti fere auri in promurali aggere occupando, aut in superanda fossa perijissent. Ex his longe promptissimos centuriones Facium Pisanum, et Sanseverinū Neapolitanum, qui ceciderant, spectator pugnae Cæsar, virtutis nomine publicè laudavit. Quū verò muralis coronæ decus premiumq; duo ante alios signiferi peterent, alter Randolazus natione Cantaber, & alter Ligur, cui Gregorio nomen fuit. & uterque testes suos produceret, accensis utriusq; gentis ad favendum studijs, res ad iudicium Cæsaris delata est, qui Gravi consilio suspensa sententia, ut neutrum offenderet, amborum spes longissimè extraxit, ne ex ea contentione augerentur odia iam pridem multis de causis ab utrisq; concepta, quæ non semel aliàs in cruentam seditionem exarsissent. Eo modo Sicambrorum urbs Dura, ad septimum Cal. Sept. tam fortiter capta, quā sævè trucidatis civibus direpta, subditis facibus, aut spontè exortis incendijs tota conflagravit. sic ut templum cum sacra turre, insigni fastigio conspicua, penitus cremaretur. Existimabat enim Cæsar eam cladem meritò rebellibus incidisse, utpote qui Duren- sium acerbissimo exemplo reliqua hostium oppida perterreri vellet. Nec cum opinio fefellit: nam proximæ urbes Ruremunda & Vantholium, quæ Guilermi præsidij duce Cortopia tenebantur, admoventi iam castra Cæsari continuo portas aperuerunt. Nec multo post ipse Guilermus Duren- sium clade perculsus, usq; adeo animum despondit, ut salutis & fortunarum suarum reliquas spes omnes in Cæsaris clementia collocandas arbitraretur, in castraque deductus à Brunsuicho atque Aurantio deprecatoribus supplex à Cæsare veniam petit: eaque conditione in gratiam est receptus, ut in posterum principis nomine abstineret, præfectusque tantum authoritate Cæsaris Gheldrensis appellaretur, eiusque nomine Gheldrensis imperaret, & Gallicæ amicitia penitus oblivisceretur. Ei Cæsar ad genua provoluto, dedentique se nihil arrisit, quum infensi severiq; oris habitum cum dignitate retineret, quamquam postea ei Ferdinandi fratris filiam nuptui dederit, quando iam pridem sponsalia dissolvisset, quæ cum Henrici Navarrae regis filia suo loco celebrata fuisse docuimus. His pactio- nis legibus cognitis Guilermi mater virilis animi mulier, concepto animi

animi dolore indignabunda excessit è vita. Cæsar quoque Martino Rosse-
 mio clementer ignovit, ac eum cum sua legione, tanquam rei bellicæ peritum
 acerrimumque ducem, militiæ suæ adscripsit, & adversus Gallos cum ingen-
 tibus copiis est profectus, inito per eos dies fœdere, cum Henrico Britanniae
 rege, ut ex composito duobus exercitibus Galliae fines invaderent. Quum
 plerique mirarentur, quod Guilelmus adeo properè abiectis belli consilijs,
 vel pudendam pacem non indecoro dubij belli periculo prætulisset (quando
 ei cum frequentes, tum exercitatae fidorum militum copiae, peritique duces
 Longavalles, atque Rossemius superessent, quibus nuper Arescotum Belga-
 10 rum ducem castis atque tormentis exuisset, & aliquot quoque oppida, ca-
 stellaque ad sustinendam vim hostium mirificè munita dicerentur: nonnul-
 lique item amicorum Francisci regis auxilia intra paucos dies superventura
 differerent) reperiebamus duas commutati repente animi causas fuisse, qua-
 rum altera ferebatur, quod à quibusdam eius primatibus, qui Reipub. potius,
 quàm privatæ Guilelmi dignitati studerent, populares inductos affirmabant,
 qui ingruentis belli incommoda formidantes, arma deprecari & pacem expe-
 tere liberis vocibus auderent, quod parum necessaria ipsis incolis, & valde
 importuna Gallorum amicitia putaretur, propter quam princeps graviter of-
 fenso Cæsare, ad excidium totius provinciae bellum longe gravissimum invē-
 20 heret: alteram porro fuisse Gallici auxilij irritam spem, Francisco rege scilicet
 in continendis in fide Leucorum oppidis, quæ ceperat occupato. Neque e-
 nim rex iustas copias, uti Sicambrorum pericula flagitabant, celeriter cogere
 atque summittere potuit, quum minus expedita ipsius consilia vis ardens Cæ-
 saris, miraque celeritas anteisset. Galli per vernum æstivumque tempus supe-
 rioris anni Carolo Aureliano in Leucis prosperè bellum gerente, & Vando-
 mio inferiores Belgarum fines pervasante, gravia detrimenta Cæsarianis in-
 tulerant, Landresiumque oppidum, id metu deferentibus incolis occupant,
 propinquum Cameraco, quod est urbs libera & immunis, mediaque inter
 Gallos & Belgas: utpote quæ pari studio Belgarum principum & Galliae re-
 30 gum amicitiam colat. Cameracum antiquitus Samarobrinam, Iulij Cæsaris
 hybernis celebrem fuisse nonnulli existimant. Nos cam hodie sancti Quinti-
 ni oppidum potius esse credimus, quod Sonimæ fluvio adiaceat, & Samaro-
 brinæ cum oppidi, tum præterlabentis amnis nomen fuisse locorum peritis
 videri possit. Landresium itaque quod ad invadendos hostium fines ma-
 gnā opportunitatem esset habiturum, rex Franciscus ingenti studio ita mu-
 niendum existimavit, ut suis inde frequenter erupturis, & facilis egressus, &
 tutissimus receptus daretur. Regis studium procures æmulantur, suoque sum-
 ptu singula propugnacula, conductis undique operis, erigenda suscipiunt, us-
 que adeo fervidis singulorum ingenijs, ut intra paucissimos dies perpetuam
 40 munitionem extruxerint, & sibi quisque totius impensi sumptus, absolutique
 operis nomen honestissimæ laudi cessurum duceret. Perfectis aggeribus, op-
 pidoque egregiè undique permunito, Landa præficitur, vir apprimè fortis &
 strenuus, cui collega & adiutor additur Deceius, cum expeditis equitum tur-
 mis. Landresio per hunc modum in oculis Belgarum iustis Gallorum præsi-
 dijs confirmato, proximi Cæsarianæ ditionis incolæ, utpote qui quotidianis
 Gallorum iniurijs se expositos providebant, magnis precibus à Cæsare postu-
 larunt, ut ante omnia Landresium ex hostium manibus eripere, regionemq;

gravi incommodo atque periculo liberare vellet, prius quàm in anteriora Gal-
 lia pervaderet. Hoc idem vehementer expectabat Arescotus peculiari incensus
 dolore, quòd Landresium eius ditionis fuisset. Indulsiť facile Cæsar requisi-
 mis suorum precibus, quod crepta vindicare suæ dignitatis esse statuebat, co-
 actoque exercitu per Cameracensium fines ad Guisam, non longè à Landresio,
 profectus est. Subijcitur Guisa oppidum, antiquissima turre insigni, his à ter-
 go collibus, è quibus Scaldis fluvij fontes erumpere dicuntur. Non longè au-
 tem ab oppido Gonzaga positus ad Marollam castris confedit. Hæc opu-
 enti permunitique cœnobij vicus est, unde Guisam, si ex comodo fieri posset,
 adoriri cogitabat. Sed iam eum imminentem novi præsidij adventus, & Fran-
 cisci Atestini casus facile averterunt. Petrus enim Strozza lectissimos sclopetta-
 rios numero ferè quingētos, qui ad conficiendū iter, ut integris viribus rem ge-
 rerent, singulis equis vehebantur, per opportunè in oppidum introduxit, qui
 fortè Atestinus exploratum incautius procurrisset, conspectoq; hoste & con-
 cidente equo ferè inermis & pedes esset interceptus. Amisso levis armaturæ e-
 quitum præfecto, nihilque tentata Guisa, Ferdinandus ad Landresium se con-
 vertit: ad id enim oppidum Arescotus, & Hadrianus Beurenus è Croia fami-
 lia summi Belgarum proceres, Mariæque reginæ copiarum duces multis an-
 tè diebus castra posuerant. Apud eos fuere præter Belgarum copias quatuor
 millia Germanorum, & Hispanorum tria millia peditum, quæ ab Hispania
 per Oceanum advecta fuerant à Petro Toletano, cui Nocturno cognomen
 fuit. Iuxta eos, Britannorum exercitus, qui ex fœdere paulo antè in continen-
 tem traieciisset duce Galoppo, vallatis castris constitit. Britannorum copiae
 ex sagittarijs magna ex parte constabant, quum vix quarta pars hastis nō mul-
 ti roboris, aut alabardis uteretur. Equites levis erant armaturæ, semermes, e-
 xili laneca, aut levibus iaculis pugnantes, qui seorsum à Belgis sua castra, con-
 nexis inter se curribus, interpositisque tormentis claudebant. In ipso autem
 castrorum umbilico parvam munitionem erexerāt, in quam tormentarij pul-
 veris copiam omnem procul ab omni incendiorum periculo contulerant. In-
 ter eorum tormēta viscebantur patuli oris mortaria, quibus interiora hostium
 ædificia, more iam pridem apud nostros exoleto, decidentibus è sublimi lapi-
 deis globis diruerent. Gonzaga iussu Cæsaris, qui valetudinis causa Canovo
 in oppido subsederat, universum exercitū Landresio admovit, ab ea parte ca-
 strametatus, qua decurrens amniculus sua castra à Belgicis atque Britannicis
 dirimebat: sicut inde tres exercitus aquarentur, & a triplici loco certatim ad-
 motis tormentis Landresiana propugnacula verberarent, maximeq; unam o-
 mnes lateritiā turrem, quæ muro prope coniuncta altius eminebat, diruere
 conarentur. Sed veteris structuræ tanta erat firmitas, ut quum mediā turris nō
 cava & inanis, verū solida, terrenoq; repleta esset, omnem vim tormentorum
 facile perferret, elisaq; tantū incrustatione indomita persisteret. Qua in re per-
 agenda Britanni simul, & Belgæ pertinacius hærentes irritò conatu magnam
 vim tormentarij pulveris & pilarum acerrimè sese tuentibus Gallis consum-
 pserunt, & Gonzaga studium, operamque omnem ab oppugnatione ad ob-
 sisionem, scalpendasque subter aggerum radices vertendam censebat: quòd
 Landa vir indefessus & acer rerum inopia potius, & auxiliorum desperatio-
 ne, quàm vi tormentorū subigi posse videretur. Sæpius enim eruperat, noctu-
 que semel egressus, grave tormentū sopitis Belgis, et nequicquā demum exper-
 rectis

rectis ademerat, & impunè per fossam vel profunda aqua redundantem erga-
 tarum funibus extraxerat. Neq; Deceiani equites unquam cessarant, quin e-
 rumpendo pabulatores & lixas hostium interciperentur. Per hunc mo-
 dum quum Belgæ, Britannique in ea pugnatione multos dies contrivissent,
 & qui ab imo fundamenta operum subtrahere conati fuerant, uti crebro tor-
 mentis istius nihil proderent, Gonzaga fit certior, Franciscum regem, ut Lan-
 dæ opem ferat, adventare: visaque est Cæsarianis sese offerri occasio (uti maxi-
 mè cuperent) conferendæ manus. Itaque pugnae avidus, Arescorum & Beu-
 rennum, atque ipsum Galopum opportune admonet, hortaturque ut motis ca-
 10 stris, superatoque flumine sibi se coniungant: quoniam Gallis adventantibus
 is amniculus minimè erat superandus, & ipse ad excipiendū regis impetum fu-
 turus esset infirmior, nisi ad se in una castra copias traducerent, quando disun-
 ctæ singulorum vires nihil ad victoriam parandam prodesse possent. Sed viri
 ingenio pertinaces inanibus inducti argumentis, neq; animos ad salubre con-
 silium admove, neque ulla ratione adduci potuerunt, ne in suis veteribus ca-
 stris permanerent: sic ut Gonzaga spe sua deceptus imperitis & obstinatis pa-
 rere mallet, quam solus in dubiæ pugnae discrimen devenire: atque ita se sper-
 ni amittiq; pugnae atq; victoriæ occasionem querens, ultra fluviolum ad eos
 castra sua traduxit. Interea Franciscus sibi indecorum fore iudicans, si Landæ
 20 de se bene meriti salutem negligeret, sineretq; amitti oppidum tanto sumptu,
 tantisque laboribus permunitum, generoso consilio totius Fortune virtutisq;
 suæ supremum periculū facere constituit, nihil reformidata pugnae alea, quam
 proculdubio subiturus esse crederetur. Providebat enim summi discriminis
 esse rem, quando Cæsar omnium ferè gentium auxilijs confirmatus, numero-
 sas & ex recenti victoria præferoces copias, in aciem esset producturus. Sed an-
 tiquum Galliæ decus tot adversis amissum prælijs, ut aliquando reciperetur,
 magnanimum & ad arma promptissimum regem plurimum accendebat, eiq;
 non incertam victoriæ spem faciebant Helvetiæ legiones, quæ Germanis dis-
 ciplina pares, & æquato numero, quibusdam etiam rebus superiores forent:
 30 quando his lectissimæ etiam cohortes Italarum & Vasconum accessissent, &
 præter has nova legio Gallicæ iuventutis ex ordine nobilium, spontè gratuito-
 que nomina dantium, decora armis, plenaq; ingenuæ alacritatis insignem spe-
 ctanti regi operam præstare percuperet. Equitatus quoque ex omni Galliæ
 provincia nominatim evocatus, se domum non nisi victorem rediturum pro-
 fitebatur, cui neq; animi virtute, neq; equorum robore, neq; armorum peritia
 Cæsariani equites comparari posse vidererentur. Ab hoc animi decreto Fran-
 ciscus, uti erat egregie pius, sacris instauratis, religiosa lustratione sese & libe-
 ros ab omni criminum labe puriter expiat, & à Guisa oppido explicatis vexil-
 lis descendit, confectoque decem miliarium spatio, acie instructa ita Landresio
 40 appropinquat, ut in conspectum hostium atq; obsellorum daretur. Primo a-
 gmini præerat Henricus Delphinus: securdo rex ipse duplici subsidiaria acie
 circumseptus. Subsequebantur carri complures & sarcinaria iumenta, quibus
 magna vis commeatus obsefsis importabatur: Claudebat agmen Hanebaldus
 dignitate Amiras. Quum rex appropinquaret, atq; hostes coniuncti in unum,
 instructisq; ordinibus parati ad pugnam nihil se comoverent, levem armatu-
 ram equestrem Brisacco atq; Decarso, impigris ducibus emisit, qui excitatis di-
 verso in loco levib. prælijs, hostes distinerent, universq; pugnae spem & speciẽ

præberent. Non defuere Cæsariani, qui pari pugnae studio incitati procur-
rentibus Gallis occurrerent, intercurſuque expeditorum peditum contracto
tumultuosissimo certamine præliarentur. Interim Franciscus dextro cornula-
tè extento, præmissaque peditum atque equitum valida manu, quos advexe-
rat commeatus in oppidum intromisit, præsidiumque labore atque vigilijs
confectum recenti milite renovavit, egroque & multum defesso Landæ Var-
minium suffecit, summa in his conficiendis rebus usus tranquillitate, quum
Ferdinandus, nisi laceſſeretur, nequaquam sibi universo prælio decertandum
existimaret, quod equiorem loci situm, quem ultra flumen paulo antè tenuer-
at, culpa sociorum amisisset, nec absente Cæsare collatis pedestribus copijs
dimicare vellet, quem Martini Rossemij, & Mauritij Saxonis copias expecta-
re intelligebat. Franciscus totum id quod propositi sui fuerat egregio ausu con-
secutus, ad Cambrasinum vicum, inde centum fere stadijs distantem castra ver-
tit, moratusque ibi integros dies duos, Cæsarianis committendæ pugnae po-
testatem fecit: quandoquidem Cæsar è Canovo oppido ad exercitum perve-
nerat, auctus his quas diximus Rossemij & Saxonis auxilijs, usq; adeo avidus
ineundi prælij, & in eam occasionem intentus, ut intra minoris tormentia-
ctum, castra castris hostium conferret, ipseque prodiens cum imperatoris in-
signibus equestrem hastam experiundo corriperet, & uti mox cōcursurus eam
ad femur alacriter coaptaret. Pugnabatur enim continenter omnibus horis et
locis ab levi armatura, cui sclopettariorum dispersæ manus miscebantur. Non
nulli cadebant, multi vulnerabantur, præliumque atrox & varium alternante
eventu passim edebatur, sicut neutri, aut vindictæ cupiditate, aut nimia spe vi-
ctoriæ accensi, instante nocte facile dirimi, reduciq; possent, & legiones ex
propinquo in acie constitutæ, spectantesque modo sociorum ægre sustinen-
tium, modo hostium gnaviter urgentium alternos impetus, non diu quin gra-
dum inferrent, pugnamq; capeſſerent, contineri posse viderentur. Et tum ani-
madversa fuerat, a quibusdam ducibus non iniqua occasio invadendi regis, si
proximos collium vertices undiq; hostibus circumiectos promotis castris oc-
cuparēt, quod fieri nō poterat, nisi copię omnes amniculū, quem diximus, tra-
ducerētur, qui propter abruptas & cœnoscas ripas nequaquā commodè tran-
siri posset, ob id præsertim, quod inita eius consilij ratio celeritatem exigeret.
Non deerat tamen Castalius, in locum discedentis Stephani Columnæ castro-
rum magister effectus, qui se naviculis subitariaq; materia pluribus simul in lo-
cis angusti eius amnis ripas coniuncturū, & maturè copias omnes constrato
ponte transmissurum polliceretur. Cæterū Cæsar, quod diei serum esset, & uti
hybernis et caliginosis diebus tum accidit, parum lucis superesset, in posterum
diem eius consilij rem differendam censuit: ob id quoq; libentius, quod equos
levis armaturæ, sclopettariosq; præsertim pedites, longo fessos prælio, univer-
sæ pugnae casus posceret, nimio labore fatigatos nolle: per quos illustres sæpe
victorias esset cōsecutus. Multi enim utrinq; cōsauciati fuerant: in partibus sci-
licet Gallorū Audovinus, Delphini gratia clarus eques glande traiectus occu-
buit: apud Cæsarianos vero Hieronymus Pacecus, Hispanorū tyrōnum, qui
nuper ab Oceano ad Belgicā oram venerat, præfectus. At Franciscus qui se eo
cōsilio venisse meminerat, ut Ladrensiū obsidione liberaret: abundè dignitati
sue satisfactū esse ratus, quod hostes pugna detrectasse videri possent, de secun-
da vigilia castra movit: nōnulla impedimēta et varij cōmeatus vasa, ignesq; de
industria

industria relinquens, ut praesentis exercitus speciem hosti praeberet, nec prius quam dilucesceret, de eius discessu hostis certius cognovit. Accidit autem, quod minimè pretermittendum videtur, ut Salazarius vetus alioqui, & astutus miles, dubia sub luce speculatum missus, renunciaret hostium castra eodem loco, quo interdiu fuerant, Helvetiasque legiones in statione conspici, & maiora aliquot tormenta obversa spectari. Verùm non multo post eius errorem certior dies detexit: nam eas quas putarat hostium copias Germanorum esse, & quæ tormenta apparuissent, arborum truncos fuisse compertum est: sic ut is diu apud Cæsarem ridiculus & infamis extiterit. Perspecto itaque hostium
10 discessu, Cæsar serius quam oporteret levem armaturam & expeditos pedites postremum abeuntium agmen insequi iussit. Verùm Franciscus ad Guisam iter extendens, Delphinum tueri terga, & idoneo in loco inter sylvas consistere iusserat, ut hostes si persequi auderent, avideque & festinanter more suo tanquam ad paratam prædam longius à castris proveherentur, ex insidijs invaderet atque reprimeret. Nec inanis consilij res fuit: nam uti Franciscus præsenferat, quum plures hostium disinctæ manus insequerentur, in Delphini turmas inciderunt, à quibus repente factò impetu facile cæse pulsæque sunt, iniquiore sorte Germanorum equitum, qui ex ala Brunsvici reguli fuerant: nam in eos ardentissimè res gesta est, à Græcis præsertim equitibus, quos summæ
20 peritiæ atque virtutis dux eorum Theodorus Bedenius Spartanus, ex insidijs in perterritos emiserat, eo pugnae eventu, ut nonnullis interfectis & captis, reliqui ferè omnes in facie fœda vulnera susciperent, mira Græcorum agilitate, qui in apertas subducta buccula galeas transversim graves gladios adigebant. Delphinus re bene gesta patrem est consecutus, qui iam totum iter quietissimè confecerat. Huius strenuè initi consilij, foeliciterque susceptæ expeditionis eventum, ita plerique rerum periti laudabant, ut non immeritò inter præclara fortiaque Regis facta numerarent, quanquam hostes pleniorẽ ei laudem inde obventuram fuisse dicerent, si se patrato negotio maturius explicasset, quando nequaquam cauti, bonique impratoris fuerit, sese ex bidui
30 mora, ad maximè periculosi certaminis discrimen ferocissimis & invictis gentibus obiecisse. Quid porro alienius à disciplina, quam propter inane ostentationis decus, non necessarium cum sæpe victoribus, æquato etiam virium numero, pugnae casum subijisse? Cæsar verò quod hyems iam suberat, & lethales morbi ex ventris profluvio vulgari inter corpora militum cœpissent, itineraque maximè essent lutulenta, & cœlum pluvia niveque turgidum videretur, nihil ultra sibi tentandum decernens, exercitum ferè totum dimisit, & à Cambresio ad Cameracum profectus est: ubi aliquandiu peculiare aulæ suæ copias in hybernis continuit, quod ea civitas erga Gallos æquo propensior visa esset, utpote quæ se toto eo bello gravia detrimenta à Cæsari
40 anis copijs perpeti quereretur. Sed primores Senatus adventanti continuo portas aperuerunt, ab hisque factus est intempestive consternationis author, & reus urbis antistes, cui quod esset ex Croia familia, facile Cæsar ignovit: sic tamen ut levis populi, qui novū & inane neutralis (ut aiunt) studij nomen arroganter delumpserat, cervicibus munitam arcem imponderet, qua se nō dubij, sed Cæsariani iuris esse in posterum faterentur. Nec multo post Cæsar ad cōventus peragēdos, quos Germanis indixerat, Spirā Nemetum urbē ascensurus, Ferdinandū Gonzagam, & cū eo Castalium, in Britannia ad Henricum regē misit.

ut eum adversus Gallos diu antea multis de causis, multisq; legationibus concitatum, ad trañciendum in proximam Galliæ continentem, adhortando sollicitarent, & quæ usui ad bellum terra gerendum videri possent, sigillatim perdocerent. Gravissimum enim uterque bellum, antiquis atque recentibus odijs incitatus, adversus Gallos moliebatur. Ferdinandus Gonzaga ad Cæsarem reversus, Henricum regem, à quo elaborati argenti pretiosa supellectile ad ornamentū abaci fuerat donatus, renunciavit, suopte ingenio adversus Gallos vehementer esse concitatum, sequentiq; æstate proculdubio cum ingentibus copijs in continentem Galliæ traiecturum, ut totius Britannici regni prolatis opibus longè maximum Galliæ bellum inferret. Neq; eum vel gravissimo sumptu posse deterreri, quo minus liberaliter Cæsari expetenti in stipendia militum pecuniam cōferret, sicuti antè à Maximiliano eius avo Nerviorū & Morinorum bello largissimè suppeditasset. Interim Cæsar omnibus consilijs ad Gallicum bellum intentus, operam dabat, ut quosdam Germanos proceres in fide atque amicitia contineret, qui per causam Lutheranae seditionis à veterē erga se Austriamque domum officio discessisse ferebantur. Id enim unum Cæsar sibi contendendum existimabat, ut quamplurimos è bellicosis regionibus Germanos militiae suæ adscriberet: nullos verò, quantum per leges severissimi edicti fieri posset, invitantibus, magnaq; proposita mercede conducentibus Gallis relinqueret. Transeuntibus enim in Galliam, perpetui exilij intercep-
tis verò ultimi supplicij poena imponebatur. Sed populosissimæ liberæq; gentis viri militares, tanquam uberrimis invitati præmijs, nullo poenæ metu deterreri, nullaq; custodiarum diligentia prohiberi poterāt, quin in Galliam manipulatim inusitatis præsertim tramitibus transirent: tantum enim valebat apud quosdam odium contra Austriam domum conceptum, tantaq; erat uti certissima Gallici auri spes, ut cuncta edicta facile contemneret, & quisq; ex egentissimo longè ditissimum exiguo tempore se evasurum arbitraretur. Guilielmi Fustembergi exemplo, qui nuper à rege repudiatus & exauthoratus, quod legiones prædæ habuisse, regiamq; pecuniam intervertisse accusaretur, inæstimabile auri pondus domum retulisset. Eiusdem anni Augusto mense, quo Strigonium in Pannonia à Solymano captum, & Dura in Belgis à Cæsare expugnata est, Hariadenus Barbarussa ad Nicæam Provinciæ classem admovit. Fremebat etiam Barbarus quod tantum maris spatium emens, frustra venisse existimari posset cum iactura suæ dignitatis, postquam rex Gallus magno hostium suorum cōmodo, inita agitataq; toties consilij ad gerendum bellum explicare terminareq; nesciret, & totius suscipiendæ maritimæ expeditionis tempus segniter effluere pateretur. Eius siquidem ignaviae vel ineptæ cunctationis, se in primis reum Byzantij futurum: Solymanū verò, qui amicissimo regi opem ferre, eiusq; hostibus maxime nocere percuperet, egerrimè laturū, si tanto sumptu instructa, & in extremas maris oras trāsmissa classe, inanē opem socio, & tum validis hostium armis circumveto, tulisse diceretur. Ipsi verò nequaquam segniter, quū tempus ferret rerum occasione ad expedienda arma uti solito, multum existimationis & pristinae laudis deperiret, si tota iam ætas in autumnum præceps Malsiliensi in portu, ubi cunctis per ignaviam torpescerent manus, absumeretur. His de causis idem Polinus qui a Byzantio classem adduxerat, et legationis munere apud Barbarussam fungebatur, ad regem contendit, expositisque ordine rebus, quæ in negotio opus forent, & Barbarussa super-

superbo convitio flagitaret, regis decretum ad classem retulit, quo Niceam ag-
 gredi & oppugnari terra mariq; iuebantur. Iudicabat enim rex, nequaquam
 ab æquitate discedens, ea quæ suæ ditionis antea, nec omnino dubij iuris essent,
 armis repetenda. Niceam namque urbem à maioribus suis urgentis belli neces-
 sitate, pecuniæque inopia coactis, Sabaudio regulo oppigneratam fuisse con-
 stabat, quā oblata eadem, amplioreq; pecunia, iustis primò precibus, & gravi
 demum obtestatione sibi reddi frustra postulasset. Neque enim aliò Turca-
 rum arma vertenda rebatur, quod odiosum nomini suo, & infame prorsus fu-
 turum prospiceret, si immanium Barbarorum classem inexpiabiles & fune-
 10 stas allaturam clades, Christianis litoribus immitteret, quando infensi, infe-
 sti que sibi Cæsaris iniurias miserorum & nihil tale merentium populorum
 detrimenta minimè sublevarent. Prefecerat Gallicæ classi Anghianum ado-
 lescentem, è Borbonia familia regiæ stirpis, Vandomij reguli germanum fra-
 trem, ut trierarchi, & nonnulli item Galli nobiles è classe, qui Virginij Vrsini
 tanquam externi ducis imperio probè prudenterque obedire nollent, nobi-
 lissimo suæ gentis præfecto obsequentissimè parerent. Classis constabat vi-
 ginti duabus rostratis, & decem & octo navibus onerarijs, quibus imposita
 sunt octo millia peditum, præter commeatus in multos dies suffecturos. Qua-
 20 terna enim millia Polinus in Narbonensi Gallia, è Vasconibusque præsertim:
 altera verò quaterna Scrocchius, Sabaudio ex privatis odijs factus hostis & e-
 xul, ex citeriore Provincia, gentibusq; Lemano lacui & Alpibus propinquis
 conscripserant. Classis è Malsiliensi portu lambendo oram in Monæci Her-
 culis portum se intulit: biduoque post eodem cursu Barbarussa cum centum
 & quinquaginta navibus, quæ remis agerentur, subsecutus est. Primùm om-
 nium Polinus, iussu regis, Genuensibus scripsit, ut nihil timerè vellent. Tur-
 carum enim classem quæ regijs auspicijs regeretur, nemini præter quàm Ni-
 censibus, ni se dederent, esse nocituram: & ut regiæ voluntatis decretiq; fidem
 30 faceret, nonnullos Ligures in biremibus cathenatos à Turcis impetravit, eos-
 que Genuam remissos propinquis & parentibus insigni benignitate restituit.
 Nicenses verò humaniter est adhortatus, ut veterem iustumque ipsorum prin-
 cipem, non minus liberalitate quàm potentia inclytum suscipere, quàm supre-
 mæ cladis discrimen subire mallēt, eius egentis perplexiq; principis gratia, qui
 quū à Cæsare, tum ab ipso rege cunctarū prope regni sui urbiū dominatu spo-
 liatus, nullum omnino alium difficultatibus suis exitum reperiret, quàm ut u-
 trique impotenter occupanti, fortunæ suæ reliquum iniquissimæ prædæ sci-
 ens & volens esse sineret. Nemo enim eo tempore principum omnium ipso
 Sabaudio miserior videri poterat, quum eius regnum paulo antè opulentum
 ultra citraque Alpes, avitæ atque antiquissimæ hæreditatis, à propinquo re-
 ge, pariter & ab affine amicoque Cæsare indignè lacerari conspiceretur. Pro-
 40 inde Nicenses nihil omnino vel in præsentia tutius atque salubrius, vel in po-
 sterum fructuosius ac honestius esse facturos, quàm si necessariæ deditionis
 consiliū celeriter expedirēt, quando ipsi ultro se dedentes summa beneficia pu-
 blicè & privatim expectare possent ab eo rege, qui idcirco eos expeteret, ut in-
 dulgentissimè complecteretur, & urbē Malsiliensium coloniā novis immuni-
 ratum cōmodis augeret & perornaret. Decuriones nihil se fide potius habere
 responderunt, quam tueri vellēt erga Carolū Sabaudium, quod eum putarēt
 legitimum esse principē, & æquitatis clementiæq; nomine longè optimū ex-

perirentur. Proinde literis & nuncijs cives sollicitare desineret: se enim eos omnes, qui se in conspectum darent, pro hostibus habituros. Hæc eadem oratores à senatu ad Anghianum missi detulerunt. Itaque Gallia cohortationibus ad vim consilia atque arma vertentes, expositis copijs, trinisque promontorijs castris, urbem oppugnare cœperunt. Nicea excelsa adiacet promontorio, quod initium habet ab Alpibus, perpetuoque dorso descendens in mare excurrit. Huius extremo in iugo arx posita est antiquorum Provinciæ regum opus, clarissimorum sæpe ducum carcere, & misero vitæ exitu nobilitatum. Hæc subiecta maria latè despectat, arduoque calle urbi coniungitur. Sub rupe iuxta litus salubris aquæ copiosissimus fons erumpit, maximarum classium aquatationi peropportunus. Mœnia urbis, uti vetusti operis, non magnopere munita sunt: sed ea paulo antè Nicenses novis propugnaculis adauxerant, docente atque administrante Paulo Simeone arcis præfecto. Is magnum habebat militiæ usum, & uti erat Rhodiæ militiæ adscriptus eques, à prædonibus olim captus, Barbarussæ aliquandiu servierat, hortabaturque cives, ut Turcarum vim constantissimis animis contemnerent. Hoc ut alacrius & pertinacius facerent, uxores eorum & liberos, imbellemque turbam in arcem receperat, & quicquid militaris instrumenti præsens periculum deposceret, studiosè suppeditabat. Polinus ab ea muri parte, quæ vergit ad septentrionem, portamque habet ad Villafrancham perducentem oppugnabat. Anghianus intercedente amiculo, qui torrenti similis saxoso alveo non longè à mœnibus decurrit, subductus in acclivem locum tormenta contulerat. Turcæ vero non longè à Polini castris admirabili celeritate atque peritiâ productis operibus, constitutisque tormentis, mœnium coronam decusserunt. Gallorum interea classis circumvecta promontorium, in urbem ita tormenta dirigebat, ut nonnumquam prætervolantes pilæ in adversa Turcæ castra deciderent. Quo animo adverso periculo Turcæ ad eam partem, quam Leo Strozza iuxta Polinum verberabat, sese applicarunt. Id erat propugnaculum nequaquam durata calce confirmatum, uti paulo antè à Nicensibus ædificatum. Itaque tantum muri, tantumque eius propugnaculi à Turcis vehementissimè rem gerentibus, dirutum prostratumque est, ut prælatis vexillis conscendere auderent, parique audacia Etrusca Leonis cohors emulatione virtutis Barbaros æquare conaretur. Verùm Nicenses magno præsentique animo propugnantes, multis interfectis & vulneratis, Turcas simul & cohortem per ruinas depulerunt. Eo die captum est Turcarum vexillum interfecto signifero: alterum verò Leonis discerptum, quum eum tamen vulneratus vexillifer egregiè pugnans servavisset. Perire ex Turcis aut tum, aut postea ex vulneribus, paulo minus centum, ex cohorte viginti duo. Sed mox Barbarussa vim omnem conferri iussit, ad diruendam eam turrim, quæ portæ imminabat, maximeque emissis inde tormentis oppugnantibus nocebat: qua non diu quassata lacerataque & prostratis non uno in loco mœnibus, Nicenses desperatis auxilijs, præsidioque suo militari, quod erat exiguum, magna ex parte sagittis convulnerato, de deditioe è muro proloqui cœperunt, eaque conditione Anghianus eos in fidem recipit, ut iureiurando confirmaret, eos hinc legibus sub rege futuros, quibus hætenus sub Sabaudij imperio fuissent. Veritus aut Polinus, ne Barbari tractæ deditioe pactioes impediret, doloreque amissorum commilitonum, & spe prædæ irritati, in urbem irrumperent, ab Hariadeno impetravit, ut milites revocaret, & ad classem redigi iuberet. Qua de causa non

nō multo post Ianizeri uti fraudati sua spe, Polinum & Leonē à colloquio Barbarussæ redeuntes interficere conati sunt. Vrbe in potestatem redacta, consultatum est de expugnanda arce, cuius consilij duæ rationes à Barbarussa proponebantur: quarum altera in custodia urbis posita uidebatur, ne eam ab arce improuisus hostis inuaderet, & in tutandis suburbanis campis ne alicunde hostes in oppugnatione occupatis superuenirent. Altera erat posita in administratione tormentorum, ipsoq; quassandæ urbis negotio. Vtram mallent muneris cōditionem accipiendam Barbarussa Gallis offerebat: se paratū professus uel adoriri arcem tormentis, uel tutari campos. Visus est Polinus hære
 10 re, quum non facile in uestigio quid sibi potius eligendum foret explicare posset. Atque ita Barbarus nostrorum ingenia tanquam ad bellicum facinus audendum minime prompta contemnens, explorato in loco, & celerrimè suis aggeribus permunito, tormenta septem collocari iussit, in quæ fuisse duo eximæ magnitudinis, quum reliqua iustam more nostro amplitudinem non excederent. His summa arcis propugnacula idoneaq; ad excubias ædificia celerimè perfregit: sic ut propugnatorum in corona consistere auderet nemo, & imbellem turbā uel impauido Simeone magnus inuaderet pavor. Galli etiam partiti inter se munera, ab alijs uehementer oppugnabant locis, singularemq; cum summa agilitate Turcarum peritiam in producendis dirigēdisq; tormentis admirabantur.
 20 Verum tot ictibus ad tantam deuentum erat tormentarij pulueris & pilarum inopiam, ut hæc Polinus, aut mutuo, aut pretio a Barbarussa petere cōgeretur: fremente atque obiurgante Barbaro, quod in Gallia alieno apparatu indigerent: qui Mafsiliæ multis uini dolijs, quàm rebus ad bellū necessarijs nauigia onerare maluissent. Neq; enim uir seuerus & ferox à facendis probris abstinebat, querebaturq; se elusum spe rerum ingentiū, quas Polinus Byzantij longè amplissimas promississet: & tanta quidem iracundia ut Polino cathenas se iniecturum minaretur, qui eò ipsum à Byzantio perduxisset, ubi aut existimationis iacturam facere, aut classem consumpto tormentorum instrumento inutilem reddere necesse foret. Quibus de causis uehementer Gallis iratus, repente diuanium indixit, id est militaris consilij genus,
 30 ad quod erecto pro castris tribunali alloquendi cōsultandiq; causa trierarchi, præfectiq; omnes, signiferi & centuriones aduocantur. De reditu namq; ad Orientem, maturaq; profectioe se decreturum dicebat, postquam apud imperitos rerum, saepeq; mendaces & ignauos secus ac polliciti fuerant, cuncta imperata reperisset. Qua pronuntiatione Gallis, Polinoq; præsertim nihil grauius accidere potuit: sic ut mente perculsus, ad infimas preces deprecationesq; turpissimas adulando pollicendoq; descendere minime dubitaret: multa atque opima, non Barbarussæ modo ipsi, uerum sigillatim cunctis Ianizero
 40 rum centurionibus præmia, ex regia liberalitate pollicendo: quæ tota penitus essent peritura, si rege eluso abruptaq; amicitia importunè discederent: cuius temere facti nomen grauem omnino molestiam Solymano, ipsis uero non dubiam poenam esset allaturū. His promissis & precibus, ipsoq; præsertim Anghiano iratum senem lenissimè demulcente, non ægrè est impetratum, ut indictæ profectioe consiliū abijceretur: nec ab instituta arcis oppugnatione discederetur. Sed uix dum pacato, & ad belli gerendi cōsilia conuerso Barbarussa, interceptæ sunt literæ Alfonsi Vastij, ad Paulū Simeonem arcis præfectum scriptæ, quibus eum prolixè hortabatur, ut tantisper hostium uim sustineret, donec

ipse præmissis iam expeditorum militum cohortibus, cum toto robore grauis armaturæ superueniret: se enim per maritimarum Alpium tramites iter facere, affuturumque biduo, ut cum Turcarum cæde, ipsum atque arcem omni periculo liberet. Ex his literis celeriter in castris euulgatum est, Vastium qui non procul abesset, cum iustis ad confligendum copiis aduentare: qua emanante fama, adeo grauis & repentinus timor Turcarum pariter & Gallorum animos incelsit, ut quum fortè ea nocte ad cōsternandos nouo incommodo milites procellosus atque densissimus imber ingruisset: cuncti munitiones atque tormenta deferrent, armaque relinquentes, per arduos calles superato dorsi iugō præcipiti iuga descenderent, & ad classem confugerent. Sed dies qui mox perterritis illuxit, & nusquam conspectus hostis, & obortus inde pudor animos restituere. Nec multo post quum arx ipsa omnium propè iudicio uti excelsa in rupe posita ægerrimè tormentis quati, neque cuniculis subter rupem excauatis, nisi longo difficilique labore, atque item dubio euentu, capi posse censeretur, reduci tormenta comuni consilio coepta sunt. Ea in re administranda mirifica fuit industria Turcarum, qui non sua modo, sed Gallorum agrè molientium quæque grauiora humeris reportabant: non obscure his increpita segnitie, qui corporibus atque animis nimis cito fatiscere uiderentur. In eo discessus decreto tum multuarioque labore, Barbari imperio contineri nequiverunt, quin in urbem celeriter irrumpentes cuncta diriperent, & in tectis saua incendia excitarent. Discessum autem est à Nicea, quum iam Scrocchius aliquot oppida regionis, hortatu suo atque authoritate, qua multum apud eas gentes ualebat, ad deductionem compulisset. Atque eo modo quum Anghianus ultra flumen Varum copias reduceret, Barbarussa ad Antipolim cum uniuerfa classe concessit, ubi quum stationem haberet, ad insulam Lerinam, quam Margaritam nautæ uocant, cognitum est Vastium atque Sabaudium cum Auriana classe in Villafanchæ portum peruenisse, cuius in ingressu Vastius summum naufragij periculum adiit, quum triremis, qua ipse uehebatur, exorta repentinè turbis procella iam sese scopulis illideret, nisi quidam miles rei naualis non impetratus, sublato statim dolone proram inflexisset. Eadem uis subitæ uehementis, que procellæ quatuor triremes Aurianas, sese in apertum mare eripere conantes, in rupes exelsi promontoriij transfusas egit, usque adeo uiolentis fluctibus ut seruis ad transtra cathenatis ad exuendas compedes spatium defuerit, atque ita submersi ad unum omnes interirent, & tormenta hiantes carinas grauantia profundo mergerentur. Eo hostium periculo aduentuque cognito Polinus tanquam explorata occasione delendæ hostium classis Petrum Angelium Bargaum poetam, uirum Græcæ peritum linguæ ad Barbarussam legatum misit, quod ei usque à Byzantio notus esset: qui insignem ab hoste procellaque oblatam pulcherrimi edendi facinoris occasionem demonstraret, studiosèque eum hortaretur, ut eximiæ laudis certissimique prouentus eduçta in hostem classe fructum percipere maturaret. Annuit consilio Barbarussa, sibi que, ubi laus spectaretur, minimè defuturum promissit: sed quo minus id audacter expediteque tentaret, perflantes Euri prohibere uisi sunt, quibus tamen citò subsidentibus, quum fluctuosum mare mitesceret, ipsæque eduçta classe contra consuetudinē consideratiùs & segniùs prouheretur, circa Antipolitani litoris uineta cursum suppressit, admirantibus primò, & mox ridentibus trierar-chis atque Sanzachis, usque adeo liberè, ut per ironiam dicerent, æquum esse
ut Ha-

ut Hariadenus Auriae tanquam fratri, & ex piratica conspiratione legéque ad mutuam salutem foederato, nihil officeret, párque illi beneficium optima fide redderet, quod aliquot antè annis ad Hipponam liberaliter accepisset. Ex his qui eam cunctationem carpendo ad inuidiam uerterent, erat Cayeroglis, Sanzacorum facile princeps, eius Memphitici Cayerbei filius, qui prodito Campsone Sulthano, totius Aegypti praefecturam à Selymo meruerat. Eius autem omiffae rei nomen, & tum & Byzantij Hariadenus ita refellit & diluit, ut diceret multa sibi exactae ætatis duci, uel hebetibus oculis, clarius & certius quàm iunioribus uideri, & quum de Cayerogle mentio inferretur, renidens

10 inquit ad suos conuersus: ergo non dissimili ratione magna mihi præmia ab hostibus erunt expectanda, dum eis lubenter parco, postquam pater eius ad Singam ab suo dextro cornu obiectos hostes Turcas non inuadens, cessantis operæ præmium Aegypti præfecturam ab hoste uictore tulerit. Cæterum desinente procella, mitescéntéque mari, Salechus cum uiginti quinque triremibus, & cum totidem Gallicis Leo Strozza, ad portum contenderunt, potitíque sunt eius naufragij reliquijs, sic ut per urinatores alligata funibus tormenta è profundo ergatarum molimine extraherent. Nec diu post Barbarus sa uersus Massiliam ad Tolonis portum, qui Taurenta antiquitus fuit, est reuectus. Vastius autem cum Sabaudio Niceam inuisit, laudatóque Simeone,

20 miseris ciues consolatus est, & inspectis Turcarum operibus eorum solertiam ac artificium in construendis aggeribus sic mirabatur, ut nostros Barbarorum comparatione huiusmodi in rebus multo inferiores sibi uideri nobis hæc scribentibus fateretur. Exinde Vastius cum his copijs, quas metu Barbarussæ conscripserat, aliquot etiam additis cohortibus, ad oppugnandum Monteuiicum, quæ est amplissima ciuitas inter Subalpinas urbes, duxit. Nam in ea erant ualida Gallorum Heluetiorumque præsidia, quæ duce Carolo Drosio indigena, uiro egregiè forti, frequentia incómoda Cæsarianis inferebant. Itaque magno sumptu magnóque labore adductis tormentis, urbs non uno in loco quassata est, usque adeo uehementer, ut muri undique collaberentur, ue

30 rum enixè & uigilanter defendente Drosio res eò reciderat, ut Vastius penè de expugnatione desperaret. Nam fortè continuis imbribus cuncta oppugnandi munia tardabantur, & uix miles aduersi coeli iniurias ferebat, quàmquam ex omnibus locis cohortes murum alacriter subirent, & inter ruínas acerrimè certaretur. Sed deditio, quæ ab obstinatis hostibus ui atque tormentis exprimi non poterat, dolo quodam, quod prætermittendum non uidetur, expressa est. Implorarat sæpius opem Drosius à Buterio, qui summæ rei Gallicæ imperium apud urbem Taurinum obtinebat. Hoc ex difficultate periculóque hostium, interceptis eorum literis, Vastius didicerat. Quamobrem literas Buterij nomine Gallica conscriptas lingua effingit, quibus gemmæ eiusdem

40 sigillum apponit, exemptum ex ueteribus literis. Eæ erant in hanc sententiã, ut sibi consuleret, neque opem expectaret, quoniam rex Belgico bello occupatus, supplementa cohortium in Italiam submittēda non putaret. Idcirco, si rebus atque opibus suis diffideret, nec defendi urbem posse his quas obtinebat militum & necessariarum rerum copijs arbitraretur, æqua atque honesta deditiois conditione accepta, cum hoste pacisceretur. Has literas Vastius resignatas, tanquam ab se interceptas, Drosio mittit, hortatúrque ut pertinaciæ finem faciat, ne sese totque milites egregiè suo munere functos, & im-

bellum ciuium turbam in non dubium summæ calamitatis discrimen deuocet. Se enim deditionem extemplo facienti ea omnia integra fide, quæ honesta conditione tribui possent, concessurum, ne sibi necesse sit multo sanguine uictoriam parare, quæ iam esset explorata. Drosius perlectis literis Bute-ri signum agnoscens, nec quicquam de earum fide subdubitans, multumque in Vastij hostis clementi ingenio reponens, uti multis rerum difficultatibus circumuentus, deiectusque ipse auxiliorum deditionem facere constituit, scilicet ut urbanam multitudinem, copiasque omnes, & sese seruaret. Itaque paciscitur, ut sibi cum præsidio saluis omnium rebus, sub uexilis egredi licet. Id unum postularat Vastius, ut castellum, quod erat in proximo Drois præsidio custoditum, sibi dederetur. In eo filium puerilis admodum ætatis Drosius habebat. Verum abeunte iam Drosio, quid se dediturum promiserat, & suas copias præcunte, quum custos castelli, idemque pueri nutricius, Cæsarianos, qui eo ascenderant, nequaquam admittere renunciaretur, utpote qui esset in colligenda suppellectile sollicitus & trepidè intentus, Vastius subito in iram exarsit, iussitque nominatim quibusdam equitibus, ut Drosium continuo persequerentur, eumque tanquam fidem fallentem retraherent. Tanta autem fuit aliorum equitum, uel simul præstandæ operæ, uel (quod credi par est) prædæ cupiditas, ut integræ turmæ tumultuario procursu, uluo se primis aggregarent, & quum Drosius pernici equo uectus, in fugam se extenderet, milites præsidij, ipsosque præsertim Heluetios lentius suo more iter habentes, nec tale quicquam uentis hostiliter inuaderent, multisque occisis & vulneratis inusitata crudelitatis & avaritiæ facinus admitterent, uel reclamante Vastio, & unum tantum Drosium deposcente. Sed tanto tumultu inconsulte proruentium Hispanorum res coepta patratæque est, ut Vastius penè serò perturbatis, & direptis, malæque mulctatis opem attulerit. Id uero præter spem, & secus quam imperaret Vastij animo molestissimum incidit, tanto cum dolore pudoreque perturbatæ mentis, ut omni benignitatis officio illata detrimenta refarciri iuberet, occisorumque propinquis & vulneratis dona conferret, opportuna placandæ feritati eius gentis, quæ truculentis uocibus & minis contra ius gentium insigni se affectam detrimento querebatur. Hoc apud Vastium receptæ urbis atque uictoriæ lætitiæ minuebat, sic tamen ut nulla scueritate erga suos, qui authores cædis fuerant, uteretur, quum Heluetiorum dolorem paucis capitis supplicio punitis expiare posse uideretur. Nec multo post diuisis per municipia ueteribus cohortibus, nouisque dimissis Astam concessit, indeque instauratis copiis uicina oppida iam pridem occupata à Gallis in deditionem recipit, Ludouicum Vistarinum, qui erat Cherij, cum omnibus eius præsidij copiis egredi, & Carmagnolam adoriri iubet. Is iussa facit, dudentibusque se oppidanis, arcis tormenta admo-uet, eaque potitur. Gallis tum id erat consilij, ut deductis præsidij uires congregent in tutiorem locum, infirmioræque oppida ita deferrent, ut ea muro & munitionibus nudarentur, ne Cæsarianis paulo longioris moræ ad ea receptus foret. Itaque Ossimius Vasco, & Vico mercatus Insuber, equitum præfecti, & cum his Azalius sclopettariorum cohortem adducens, Carinianum uenerant, ad munitiones euertendas exportandosque commeatus, quo in opere quum essent occupati, Vastius cum globo equitum in aduersa Padi ripa se ostendit.

se ostendit, monuitque Vistarinum qui non procul aberat, ut equites suos Padum uado transire, abeuntēque hostes aggredi imperet. Federicus Douaria, uir impiger, adhortante Vistarino nihil dubitat, quin tranando cum turma sua in ulteriorem ripam euadat, Gallōsque laceſſat, eoque audacius, quod ei Vastius maturē opem se laturum polliceretur. Eius namque equites turmatim ad ducem undique confluebant. Iam accensa erat ardentissimē inter Ossumium atque Douariam pugna, quum Vicomercatus & Azalius, qui Vastiū planē cum ex ipso cultu, tum præclara uoce alloquentem cognouerant, Ossumium adhortantur, ut contentioni finem imponat & se recipiat, quod in
 10 conspectu esset Vastius, qui multitudine suorum equitum ipsos esset confestim inuasurus. Ossumius studio pugnae incensus, quum delendi Douariæ cupiditate teneretur, nihil eius consilij ad animum adhibet, & multo uehementius præliatur. Illi suo innixi consilio se expediunt, & quo iter intenderant proficiscuntur. Nec mora laboranti Douariæ auxilio superuenit Hieronymus Sylua, cum ala equitum à Vastio submissus, à quo Ossumiani equites profligantur, ipseque equo deiectus capitur, & apud Vastium se à Vicomercato per ignauiam desertum queritur. Quibus ex uerbis superbē iratēque
 20 prolatis, delatisque ad Vicomercatum, orta est capitalis odij controuersia, usque adeo accensa similitate, ut Vicomercatus Ossumium tanquam improbē mentientem, & iniquē contumeliosum ad singulare certamen prouocaret. Sed rex multorum testimonijs comperto eius bellici incursus euentu, litem authoritate sua diremit, decusque præcipiti contumelia ereptum Ossumius Vicomercato restituit. Re bene gesta Vastius Carinianum intrauit, animaduersaque loci opportunitate, quæ erat maxima atque idonea, ad perturbandos Gallos, oppidum munire præsidioque confirmare constituit. Erat enim in umbilico medioque propè sinu eorum municipiorum quæ Gallorum præsidij tenebantur. Probato ab omnibus consilio, restitutisque operibus, & instituta noua munitione, eius oppidi tutelam Pyrrho Stipiciano, cuius ingenio uirtutique multum confidebat, attribuit, & nonnulla inde oppida ad deditionem compulit. Nec multo post diuisis in hyberna copijs, Mediolanum
 30 est reuersus. At Barbaruffa Tolone susceptus, quum ingenti regionum præsidium studio & totius Prouinciæ copijs largiter alaretur, inspecta classe, uiginti quinque triremes delegit, quas prædatum ad Hispaniæ oram emitteret, attribuitque eas Salecho & Affani Celebo, arcta propinquitate sibi coniuncto. Ii præteruecti Narbonensem sinum, prædabundi & Caput Illyberis oppidum, antiquæ olim urbis uestigium, in eademque ora Cadechesium, & Rhodam, quam Rosam uocant hostiliter inuaserunt, superatoque promontorio Veneris, quod Creum à nautis uocatur, circa ueteres Emporias magna præda potiti sunt, nactique onerariam nauem, & triremem unam in portu,
 40 qui dicitur Palamos. His captis Algerium, ubi imperatum erat, ad deponendam prædam, hyemandūque traiecerunt, ut primo uere ad Barbaruffam in Prouinciam redirent. Is ea hyeme quum partem classis reficeret & nonnullis armamentis renouato apparatu instrueretur, Genuensium, ipsiusque præsertim Aurix amicitia comiter utebatur, qui quodam maritimo iure per causam redimendorum captiuorum, quæ usui forent Barbaro lubenter suppeditabat. Ligures enim omnes amicē conseruatos, & nusquam uexatos rex Fran-

ciscus præstabat, in id accepta à Barbaris fide, imperio atque authoritate Solymani confirmata. Neque enim Auria exiguis in apparatus rei naualis obsequiis importunè denegatis, hostilem animum ostendere uolebat, quanquã se Cæsaris ducem profiteretur, ne patriæ noceret, quam expositam tanta Barbarorum classis ad omnem iniuriam conspiciebat. Hisdem ferme diebus quibus Hariadenus Barbarussa legendo Italiæ oram, ut Galliæ præsidio foret, Massiliam est profectus, Muleasses rex Tunetanus in Siciliam traiecit, eo consilio, ut Cæsarem ab Hispania Genuam deuectum conueniret. Causa susceptæ navigationis ferebatur, ut à Cæsare maiora præsidia aduersus Turcas impetraret. Nam Turcæ Hariadeni clientes aliquot opportunas regni urbes hîmîssimis uiribus obtinebant, in hisq; præsertim Constantinam, mediterraneam urbem eximiæ munitionis, quam antiquitus Cyrtham fuisse alibi ostendimus, & in ora Leptim paruam, quam hodie Mahemediam Pœni, nostri uerò Affricam appellant, atque item Adrumetum, quæ Mahometa hodie uocatur. Eo autem ordine ex Africa discessit, ut in regni tutela sibi maxime fidus atque acerrimos uiros relinqueret: Mahometem in primis qui urbi præfideret. Is tum erat in summo apud Tunetanos magistratu, qui Mamphætos uocatur, & propter oris titubantiam Temtes appellabatur. In arce quoque constituit libertum, genere Corsum, cui nomen erat Fares, quod alacrem exprimit. Copiis Amidam filium præfecit, qui suburbanos campos ab hostium Turcarum & Numidarum incurfionibus tueretur. Afferebat autem Cæsari munera, pretiosi operis tapetes uariâq; ornamenta lectorum, atque item aliquot nobiles gemmas, & duos eximiæ proceritatis Numidicos equos. Verum quum è Sicilia soluisset, rectâ cursum Genuam tenere non potuit, aduersisque uentis, Caietam primò, & mox Neapolim est reiectus. Ei prorex Petrus Toletanus, hospitalis munificentiae munera, domumque lautissima suppellectile exornatam contulit, Neapolitanis nouum gentis cultum, uescendiq; morem, & odoramenti omnis generis exquisitam luxuriam admirantibus. Cunctis namque dapibus insani sumptus unguenta insarciebant, constabatq; pauonem cum duobus phasianis à structore ex regiae culinæ disciplina conditum, centum aureorum impensam excessisse. Quippe non coenaculum modò, quum in mensa concideretur, sed domum uniuersam, nouo suauissimoque nidore compleuisse ferebant, tanta inhalatione, ut à tota uicinia huius inusitata & non citò euanescentis uoluptatis odor sentiretur. Exinde terrestri itinere ad Cæsarem proficisci constituit, mare reformidans, Barbarussæ hostis classibus occupatum. Iamque Rodolphus Pius, Romæ legatus, in gratiam Cæsaris, uel alienos colentem deos, regem Barbarum, præmissis qui inuitarent, lautâque hospitia offerrent, erat suscepturus, nisi eum Neapolim subsistere Cæsar iussisset. Erat enim uehementer intentus grauissimis rerum consilijs, Buxetòque in oppido cum Paulo pontifice collocutus ad Sicambricum bellum iustis itineribus contendebat. Sed ego postea ab ipso Muleasse regno pulso, orbatòque luminibus didici, eum supra illas quas diximus susceptæ navigationis causas, idcirco Africa libenter excessisse, ut magnum quod sibi imminabat periculum effugeret. Nam uti erat astrologiæ peritissimus, fatali astrorum influxu amittendi regni, & seque necis cladem sibi portendi diuinabat. Quum unum uerò maxime Barbarussam sibi timendū existimaret, propterea se facile

se facile credidisse eam classem quæ Byzantijs ornabatur, aduersum se omnino parari. Quid enim absurdius uideri posset, quàm Ottomannicam classem, nō excidio sicuti soleret, sed auxilio Christianis aduenturam iudicasse? Atq; ita iudicio suo potius quàm syderum monitu deceptum, in eam calamitatē fuisse precipitatū, quàm tamen & exul & inops, & utroq; captus oculo fortissimè perferret. Dum Neapoli moraretur Muleasses, intenteq; spectaret, quorsum Barbarussæ consilia euaderent, qui tanta instructus classe, irrito incepto ab oppugnatione Niceę discedisset, quid Solymanus Strigonio atq; Alba Regia clarissimis Hungarici imperij urbibus expugnatis moliretur, quo deniq; Cæsar post

10 Duram urbem in Sicambris manu captam, arma uersurus esset, certis ab Africa nuncijs didicit Amidam filium ex repentina defectione regni Tunetani sedē inuasisse, interfectisq; ipsius amicis atque præfectis, & gynæceo incesta libidine profanato, arcem occupasse. Quibus cognitis rebus grauissimè perturbatus, in Africam omni postposita mora traicere, & perditis rebus uel seram opem afferre constituit, ratus se excitatæ rebellionis initia, filiumq; prius oppressurum, quàm ille collectis uiribus sese confirmaret. Illum namq; præcipiti consilio asciturum sibi Turcas in auxilium putabat, qui ex Lepti, Adrumento, Cyrthaq; facile accersiri possent, ut Hispanis apud Guletam opponerentur, si ipsius Muleassis causam tueri uellent. Itaque quanta potuit festinatione prolata pecuniâ milites conscribit, probante Petro Toletano prorege, & ueniâ exulibus concedente, qui nomina darent, in Africamq; traicerēt. Ad huius edicti famam, malefici, iudicijsq; damnati homines Neapolim confluxere, adeo frequentes, ut ex eo genere hominum iustus exercitus conflare posse uideretur, quum quisq; stipendia facere, exilij nomen abolere, atq; experiri dubij Martis Fortunam mallet, quàm domo profugus & nemoribus inerrans, à conquisitoribus rerum capitalium teterrimam laquei necem expectare. His ducem se præbuit e Patritiorum ordine Ioannes Baptista Lofredius ingenio acer, gloriæ militaris & certi quæstus ex præfectura impensè cupidus. Is cum Muleasse trimestre pactus stipendium, quod statim persolueretur, delectum habuit, conscrip-

20 ptisq; cohortibus, milites mille & octingentos nauigijs imposuit, retēta apud se magna parte pecuniæ profectus in Africam, cum rege ad Guletam applicuit. Quomodo autem Amida filius à Muleasse patre defecerit, & quis eius cruentæ rebellionis fuerit exitus, non alienum erit ab instituto operis strictim enarrare. Erant apud Amidam summæ authoritatis procures, qui iuuenem alieno consilio obnoxium facileque parentem pro libidine regebant, & ante alios Mahometes eius Bohamaris filius, qui regnāte Mahomete fuerat Maniphætes. Huic Muleasses potitus regno, defectis uirilibus contumeliosam necē intulerat, obtrectatione amatoria incensus, q; Rhahamanam incōparabilis formæ puellam Abderomenis arcis custodis filiā, quam ipse deperirer, maturatis

30 nuptijs præripuisset. Ab hac paternæ necis iniuriā Mahometes capitale in Muleassem odiū conceperat, quod ideo multis cōpressum annis fuit, ut demum ex occasione patrandæ ultionis grauius erumperet. Secundum hunc erat uetere gratia insignis alter Mahometes cognomento Adulzes, ex Granata Maurus, sclopettorum mirus artifex, quē Muleasses per cōtumeliam nequissimum feruorū appellare solitus ab se totum alienarat. Ii cum paucis coniurantes excitationis falsis rumoribus, effingunt Muleassem apud Neapolim fato concessisse, ad-

missoq; supremæ impietatis flagitio, prius quàm moreretur ad Christiana sa-
 cra defecisse. Hac uerò fama repentè permotum excitatumq; Amidam circun-
 sistunt, adhortanturq; ut ad paternam sedem properè aduolet, ne Mahometes
 frater, Christianis ad Guletam obses datus, studio fauoreq; Touarris, qui ex-
 peditas haberet uires, ipsi præferretur. Erat enim Mahometes duodeviginti
 natus annos, toto ore atque ingenio auum referens, & propterea Tunetanis
 ab ea indole gratissimus. Itaq; Amida nequaquam impiger ad capellendam
 patris Fortunam, citato cursu è statuiis castris Tunetum contendit. Populus,
 qui nihil de regis morte audierat, ambiguus vultibus eum excipit, & quum
 plerique mirarentur, cur iniussu patris ad urbem temere uenisset, prodit ipse
 Maniphætes, ut diximus cognomento Temtes: hic Amidam seuera obiurga-
 tione tanquam capitalis audaciæ facinus ausum uehementer increpitar, & ut
 in castra reuertatur suadet, resitantemq; occursum multitudinis extra urbem
 propellit. At Amida consilio deiectus, deceptusq; sua spe, ad Martiam re-
 gionem deflexit, quæ à portu Vticæ ad promontorium diruta Carthaginis
 pertinet, insignium ædificiorum frequentia, & regionum hortorum amœnitate
 pernobilis. Cæterum Maniphætes reiecto Amida celerè nauigio ad Touar-
 rem se confert, ut si quid aduersi rumoris ex Sicilia allatū esset, ab eo certius ex-
 ploratusq; cognoscat, & de Amidæ temeritate, intolerandaq; audacia cōque-
 ratur. Erāt apud Touarrem dati obsides Abdalages, ipsius Maniphætes fra-
 ter, & Corsi Faræ arcis custodis filius. Cum his diu colloquutus Maniphætes,
 reuersusq; Tunetum in suspicionem uenit perfidiosi inīti cōsiliij, quum ipso au-
 thore subleuanteq; Touarre Mahometes obses paternum regnū aslectare dice-
 retur. Poeni siquidem suopte ingenio mobiles, repentini, suspicaces, incertis
 rumoribus facillè seruiunt, & quæ audierint, sapissimè etiam falsa temere in-
 terpretantur, pro commodo scilicet, studioq; suarum factionum, quibus perti-
 nacissimè sese addicunt. Exoritur itaq; per urbem rumor ambiguus, & gliscen-
 te suspicionis fama non leuis populi tumultus. Nec diu post huius turbu-
 lentæ commotionis casus, causâque per quosdam ciues quibus odiosum e-
 rat Muleassis nomen, ad Amidam Martijs in hortis crebro suspirio Fortunæ
 suæ indignantem, celerrimè defertur. Is ab eo nuncio redintegrata spe, & cer-
 tis augurijs confirmatus, Bohamaris & Adulcis, suorumq; omnium hortatū,
 Fortunæ rursus non semper incertæ bonoq; euentui occurrendum ratus, Tu-
 netum reuertitur, patentiq; ingressus porta, ad Maniphætes domum decurrit,
 quo absente, propinquos eius & familiares crudeliter obtruncat, patrataq; cæ-
 de cruento cum agmine ad arcem continenti cursu protinus ascendit. Ingressu-
 rum Fares custos, cancellata exteriori ianua, prohibere conatur, comprehen-
 sisq; audacter equi habenis inuectum urgens retro auertit. Sed Fares ab Ae-
 thiope, Amidæ promptissimo satellite, adactō per latus mucrone confoditur,
 renouatoq; equi impetu Amida per expirantis prostratūque Faræ corpus æ-
 quum adigit & irrumpit, repertūque Maniphætem extemplo iugulari iu-
 bet, & per hunc modum unius horæ momento urbe, arce, regnoq; potitur.
 Exinde in minores patris liberos cædibus grassatus est, usque adeo insolent-
 ter conturbatis rebus omnibus, ut patris etiam concubinas cruentus sine
 pudore constupraret. Harum rerum uti acciderant Muleasses certior factus,
 nihil differendum esse iudicans, cum tumultuarijs ut diximus copijs in spem
 recuperandi regni in Africam traiecerat. Igitur Franciscus Touarres rege
 atque

atque Lofredio appulsis, uti erat prudenti perspicaciq; ingenio uir, ideoq; solerti ratione, imminentes casus expendens, regi suadere cœpit, ne his cum copijs Tunetum ire properaret, prius quàm de Tunetanis rebus, ciuiumq; animis certius cognosceret. Suspectabat enim Punicam fidem, & uenaliū Arabum insidias. Eò autem grauius ac apertius Lofredium, ne ire pergeret admonibat, quòd in mandatis, quæ discedenti prorex dedisset, disertè perscriptum erat, ne regi auidè ituro procedentiq; pareret, nisi ualida Numidarum manus auxilio uti promiserat, aduenisset. Sed regem atque Lofrediū in sua fata præcipites uehementer incitabant aliquot Afrorum procures, qui simulatione officij egressi urbe præstò fuerant, eiq; solenni cerimonia gladijs iuguiò admotis more gentis, fidei militaris sacramentum dixerant, testabaturque Amidam pudore metuque perterritum, ubi ipse in cōspectum se daret, urbe arceq; arrepta fuga protinus excessurum. Nec mora Touarre frustra obtestante prædicenteque, ut à Punicis insidijs sedulo cauerent, Muleasses explicatis uexillis ad Tunetum iter intendit, subsequente alacriter Lofredio. Nec defuere nonnulli periti militiæ ex cohortium præfectis, & ante alios Cola Thomas, & Iacobus Macedonius, qui Lofredio suadere niterentur, ne inexplorato progredi, & fallacissimæ gentis promisso incautè credere uellet, sed tantisper cunctaretur, dum promissa expectataque ab rege propinquorum Numidarum auxilia superuenirent. Ad quos superbo ore conuersus Lofredius, desinite, inquit, qui foedo metu correpti estis, ea impudenter commemorare, quæ uiris fortibus animos comminuant. Tantum uerò abest, ut paratæ uictoriæ deesse uelim, ut rectius me facturum arbitrer, si uos ad consternandam inani metu multitudinem, quàm ad feriendum hostem promptiores, ultimo supplicio puniendos iudicem. Ad ea Thomasius respondens, Fortuna, inquit, Lofredi, non fera unquam temeritatis ultrix, breui ut uideo, utrique nostrorum testandæ uirtutis expeditum iter aperiet. Ego certè præfecturæ honori, quem dedisti non ignobili uitæ exitu honestè satisfaciam, tu uerò uideris, an tuo munere, qui tuorum monita usque adeo superbe fastidis atque contemnis, malè consulendo inconsultèque pugnando satisfacturus sis. Antecedebat rex cum ala familiarium, uexilla regionum insignium præferens, subsequebantur compositis ordinibus cohortes: iamque ad cisternas, ubi Cæsar cū Barbaris paucis antè annis conflixerat, tertio ab urbe lapide erat peruentum, quum magna celeritate Hispani equites à Touarre missi superuenerunt, nunciantes à Barbaris proculdubio instructas esse insidias ad oliueta, quòd multa Numidarum agmina in his condita ab exploratoribus referrentur. Sed hæc rex ipse atque Lofredius facile contempsere, quū in fata sua proruerent, & tam feruide quàm incautè ad eam portam prouherentur, quæ naualibus portuiq; imminet. Tum uerò è moenibus conspecto Muleasse Afrorum equitum ualida manus hostili impetu porta erumpit, & magnis clamoribus editis pugna committitur. Ala regia familiarium erumpentes egregiè sustinet. Sed Muleasses impiè hastam quatiens, & obuios quosque saucians in fronte vulneratur. Cruenta regis facies suos magnopere conturbat, & terga uertere cogit. Nec mora ex oliuetis frequentes equitum alæ, peditumq; cohortes sese undiq; Lofredianis circumdant, in quos nostri aliquot minora tormenta curulia emittunt. Verum his semel displotis ad iterandos ictus spatium nostris deest. Tanta enim incurrentium Barbarorum uis atque celeritas fuit, ut nostris, ubi se circumuentos ac

indagine clausos uiderunt, animi conciderent, & foedè abiectis armis occupante pauore in paludem se cōijcerent, & enatando apprehendendoq; nauiculas sese à Barbarorum gladijs eripere niterentur. Eæ nauiculæ magno usui fuere profligatis, quum instructe minoribus tormentis Barbaros, admissis etiam in plaudem equis, nostros auidè consectantes displodendo perterrerent, atque ipsos adnatantes exciperent. Lofredius inopinato hostium incursu attonito similis, equum Thraicium, natare solitum, in paludem adegit: ubi nequicquam per uoraginosâ uada eluctante equo, ut in siccum rediret litrus, ac honestius eaderet, à Barbaris cōfossus atq; equo deturbatus in palude periit, & cum eo Carolus Toccus illustri Græcorum sanguine progenitus. Solus ferè omniū Cola Thomasius, uti prædixerat, constantissimè occubuit, adhortatus notos centuriones atque præfectos, ut secum impigrè dimicantes, decoram pro dignitate antea actæ militiæ mortem potius oppetere, quàm turpissimè in paludis cœno perire mallerent, atque ita multis Barbarorum confossis & obtruncatis inter cadauera hostium non inulti ceciderunt. In his fuere, infaustæ uirtutis laude digni, Iacobus Macedonius, Antonius Grandillus, & Laurentius Monfortius, Neapolitani honesti ciues. Reliquos hausit palus, aut hostilis gladius absumpsit, quum meliore sorte Franciscus instruendis aciei magister, cum Antonio Buccaplana, & Lucio Brutio incolumis enataisset. Muleasies suo cruore & multo puluere foedatus, quum inter turbam terga uertentium profugeret, nulla alia re magis eum hostibus prodente, quàm unguentorum odore, agnitus captusq; est. Desiderati sunt ex ea cæde supra mille & trecenti, reliquos Touarres uestiendos recreandosq; curauit, qui non multo post transportati in Siciliam, à Messanæ freto pedibus redeûtes, ab egestate squaloreq; deformes, eam cladem Neapolî miserabilem fecere. At Amida uictor nihil antiquius habuit, quàm ut patrē adempto ei oculorum lumine immaniter obcæcaret, quod fiebat candenti scalpello, profcissa utriusq; oculi pupilla. Eandem fraternæ sœuitiæ iniuriam tulere Nahasar & Abdalas cum Muleasse patre capti. Francisco autem Touarri significauit apud se seruari paucos, & hos quidem imberbes captiuos. Muleasî uerò patri atrociora promerito, uti ille fratribus suis olim fecisset, oculorum se usum ademisse, reliquisse autem uitam, ut cæteris crudelissimè sœuiantibus exemplo foret, & ipse erga perfidiosum patrem à clementiæ nomine non abhoruisse testaretur. Firmauit demum certis conditionibus eandem, quæ cum patre fuerat amicitiam: quum eam sibi magno usui, in ea præsertim noui regni perturbatione, futuram existimaret, nihil aspernante Touarre, quod præsentî commodo seruire posset. Nam percussis inducijs Amida aliquantum pecuniæ repræsentauit, quæ stipendiij nomine præsidarijs Hispanis solueretur, reddiditque nonnullos captiuos, & in his è Rabatinorum ordine circiter uiginti equites Christianos, quos custodiæ antea tradidisset, tanquam in fide patris contumacissimè perseuerantes. Ad hæc quoque restituta sunt cuncta ad unum Lofredij uexilla, cadauerque eius, adempto tamen capite, ad sepulturam remissum est. Dedit etiam oblidem Sehitem filium annorum nouem, quod nomen apud Pœnos benè fortunatum significat, ea tamen conditione, ut si ex his inducijs, quæ temporariæ uidebantur, pax esse nō posset, atq; inde oriretur bellum, Sehité sibi Touarres incolumē continuo redderet. Impetrata quoq; sunt à Touarre Lofrediana tormenta, quorū iacturam quanquam non magnifaceret, Tunetanis tamen hostibus aliquando profuturam

turam iudicabat. Eæ induciæ quanquam non iniquæ & multis de causis necessaria uideri poterant, ideoq; à multis probarentur, nequaquam tamen Touarres ex dignitate Cæsaris esse statuebat, quod indignum foret eū potiri regno, qui immani perfidia nefarioq; scelere, id contra Cæsaris auctoritatem occupasset. Quamobrem Touarres noua agitât consilia, quibus uel ingrati, uel auari animi ratio inclusa uideri poterat, accersendumq; legitimæ hereditatis regem statuit, qui nutu Cæsaris Amidæ iniuria uehementer offensi, apud Tuncum Christianis auspicijs imperaret. Erat apud Numidas Abdamelech exul ab eo tempore, quo Roscetem ad Barbarussam cōfugisse docuimus. Hunc quod
10 esset Muleassis germanus frater, ad spem regni euocat, confisum Anemlethæ Numidarum reguli opibus. Nam apud hunc, benignè exceptus hospitio, diu permanserat, quum è Biscari mediterranea urbe, occupantibus eam Turcis, ad interiora Numidiæ profugisset. Nec oblata occasione decst Abdamelech, hortante præsertim Numida, & prædicentibus iam pridem astrologis, eum proculdubio regem euasurum, & regni compotem in ipsa regia Tuneti excessurum è uita. Patrandæ autem rei peropportunum tempus aduenisse uidebatur, quod tum abesset Amida, uti compositis urbanis rebus, ad Bisceram profectus, ut ibi piscosilacus magnum uestigal exigeret. Itaque Touarres, ut pactionis fidem tueatur, Schitem puerum nauigio Tunetum remittit,
20 excipiturque ab eo Abdamelech qui noctu maximè cōtectis itineribus ad Guletam peruenerat. Is celeritate speculatores preuertendos ratus, paucarum horarum quietem equis recreandis tribuit, & cum globo Numidarum ad Barbaruecam Tuneti portam peruolat, ingressusque confestim ad arcem contendit. Nec eum portæ custodes morantur, rati eum esse Amidam, qui à Biserta rediisset. Nam Abdamelech foelici dolo totam faciem linteis sudarijs inuoluerat, Poenorum more, qui eo uelamento uti solent, ut ora à solibus puluereq; defendant. Eo cognito attoniti custodes, quum ad arma discurrerent illico trucidantur, unusque ante alios aduersari ausus primæ custodiæ præpositus Nanferhalla, natione Siculus, confoditur, atque ita Abdamelech deter-
30 ritis cæteris, & nihil præ metu se commouentibus, admissaque in arcem Tunetanorum ciuium manu, rex salutatur. Is ante omnia Schitem puerum custodiæ tradit, & in eandem formulam Touarri tributum pollicetur, qua Muleasses à Cæsare regnum accepisset, eique in partem stipendij aureorum nummum sex milia dinumerat. Nec multo post in lethalem incidit morbum, & ut diuinantium mathematicorum fidem impleret, trigessimosexto imperij die uita excedens regio funere elatus est. Potentissimi autem amicorum & Tunetani principes obnixè fauente, cohortantéque Touarre, Mahometem filium, annorum ferè duodecim regem crearunt, eique statim adhæserunt qui ætatem eius regerent, muneraq; rerum publicarum ex arbitrio obirent, Abdalages Maniphætes, qui interfecti Temtis erat frater, & qui tum erat Mesuar
40 Abdelchirinus, quæ uox seruum exprimit liberalem. Secundum hos Scyrriffus Mahometanæ peritus legis, ex Bugæa origine Maurus, & Ioannes Perellus ex equitum Rabatinoium ordine, patria Tarentinus. His cuncta parebant, sed Abdelchirinus intempestiuæ probitatis atq; prudentiæ consilium coquens, quum diceret Tunetanæ ciuitati nequaquam puero rege esse opus, sed statæ ætatis maturique ingenij uiro, qui alienis consilijs circumduci non posset, exitium sibi citò peperit. Excogitans enim quonam modo regiæ stir-

pis regem efficeret, frustra circumspiciens, nec consilium maturè explicans,
 præoccupantibus collegis est interfectus ea crudelitate, ut nec propinquis e-
 ius nec clientibus parceretur. Eo sublato ceteri, quos diximus, summe poten-
 tiæ ueracq; tyrannidis triumuiratum condiderunt. Sed Perellus gynæceum
 inuasit, quod ei tanquam professione Christiano tum licebat, & in libidinem
 effusus Amidæ concubinas ad unam omnes constuprauit, singulari cum do-
 lore Amidæ, qui Tuneto exclusus, errabundusq; ad Leptim, atque inde nau-
 gijs ad Sceccum Gyrapolitanum Mœnicis peninsulæ regulum confugerat,
 passim ab omnibus opem implorans ad repetendum regnum, quod à nefaris
 hominibus summa perfidia occupatum indignissimè uastaretur: quum regi
 puero impotenter atque improbè dominari, quàm ei syncera fide in admini-
 stranda Republica adesse mallent. Hæc eadem uera esse Tuncetani sentiebant,
 querebanturque de Abdelchirini morte, qui optimatum princeps, paterque
 patriæ, à perditissimis hominibus nefariè fuisset interfectus, neque patipote-
 rant ciuitatem gubernari à triumuiris, qui nullum avaritiæ libidini atque seu-
 ritæ modum imponerent: quorum dominatu, si regis pueri maturior ætas so-
 ret expectanda, crescēte indies licentia, multo durior ac acerbior euasurus cre-
 deretur. Dum eo modo Amida notos sibi adiens, & à singulis auxilia poscu-
 lans, ciuium erga se uoluntates excuteret, multisq; pollicitationibus non
 passim sibi amicitias parare contenderet, Muleasles pedore carceris, & fluxa
 laminitis deformitate miserabilis, à fratris filio rege impetrauit, ut ante egredi
 adireq; templum sibi liceret Ameti Benaros, uiri olim sanctissimi, quod apud
 Afros in urbe Tuneto asyli inuiolabilis nomine augustissimū habetur. Nec
 diu post, quū Bernardinus Mendocius, Hispanicæ classis præfectus, ad Gule-
 tam applicuisset, expectēte Touarre, è templo ad stagnum, atq; inde nauigio ad
 Guletam perductus est, ut consultationibus interesset, quibus arma aduersus
 Amidam, totiusq; eius oræ Turcas pararetur. Muleasles antea Tuncetorum
 sibi ualde infensorum gladios effugerat, mulierculæ inopis misericordia fenna-
 tus, quæ cū anili pietate in scrobe multis alij fertis cooperitum aduersus qua-
 riantes abscondisset. Nec minore quoq; salutis sorte mortem effugit, quum
 opportunè ad Guletam esset aduectus, quando ei Amida uir sæuus, qui mox
 Tuncetū repetijt, uel in augusti templi asylo, uti ipse referebat, minimè esset par-
 furus. Muleasles paulo antè filiæ nomine Meluccam, quæ uox Angelam expri-
 mit, Touarre auspice puero regi, uel improbantib. Tuncetanis, delpōderat. Ea
 res ciuium animos ita exacerbauit, ut Amidam euocare literis, nunciq; accer-
 fere maturarent, quibus ille confusus, ne occasione iam planè suo arridenti uo-
 to decisset, è Gyrapoli profectus, biremibus Turcæ prædonis, cui debilitati cru-
 ris uitium Cladi cognomen fecit, Leptim aduchitur, atque inde coacta equi-
 tum manu Tuncetum peruenit: tanta celeritate, ut regi puero uix euadendi,
 & scapham conscendendi spatium daretur, cunctaque ei paterent, nec quis
 quam arma corripere, aut hincere auderet. Primum omnium Amida Perellum
 è latebra erutum omnibus tormentis excruciat, abscissisq; uirilibus, uiuum
 in foro comburi iubet. Nec Perello animi constantia defuit, quum oblato ui-
 tæ munere adduci non posset, ut à Christiana religione deficeret. Nec multo
 post, quæstione habita, Maniphætem, quem Abdamelech crearat, interficit,
 atque item urbis prætorem, & secundum hos ex ordine Rabatinorum circi-
 ter quadraginta, quorum cadauera rex inhumanæ feritatis laceranda canibus
 obiecerat,

obiecerat, alias solitus in vivos etiam homines mordaces molossos, diuturna-
 que fame, ut asperius sævirent, efferatos immittere. In eo quoque supra crudē-
 litatem incesta libido vehementer efferbuit; quum nec sorori quidem parce-
 ret, & in omnem sexum, ubi forma ad genium responderet, improbissimè de-
 baccharetur. Cæterum Muleasses non diu apud Guletam subsedit, ut ipse aie-
 bat, Dovarris avaritia graviter offensus. Querebatur enim ab initio deposi-
 tam apud eum regiam gazam nequaquam integra fide tam iniquè à Fortuna
 mulctato redditam fuisse, pretiosæq; supellectilis partem cum insignibus gem-
 mis, certoque auri pondere sibi misero iniquissimè surreptam. Quum autem
 10 eius contumeliæ notam Tovarres pluribus argumentis diluere properaret,
 eò res est perducta, ut Tovarres ab rege furti & peculatus apud Cæsarem reus
 efficeretur, & uterq; in Germaniam contenderet. Verum Cæsar ad equitatem
 facti controversiam adducens, composita potius quam dñjudicata lite eo exitu
 utrumque dimisit, ut Tovarres ex Guletæ præfectura detractus sit: Muleasses
 verò in Siciliam perduceretur, publico Siculorum sumptu alendus. Filius au-
 tem eius Mahometes, qui obses fuerat, ad ultiores Numidas Lentigesæ avig
 propinquos, ut fraterni imperij successum tutus ab insidijs expectaret, avijs i-
 tineribus confugit. Quum ex itinere Muleasses Romam venisset, exciperetur-
 que convivio ab Alexandro Farnesio Cardinale, ita se ad varias percunctatio-
 20 nes humanum facilèq; præbuit, ut insigni cultus & gestus gravitate veteris
 Fortunæ maiestatem tueretur. Nam ab elati ingenij more Barbaris insito, de-
 ductus ad Pontificem nequaquam maiorem honorem impendit, quàm ut ei
 genu tantum oscularetur, & qui oculorum orbes lintea vitta occultatos ge-
 rens nihil intueretur: obstipa tamen & erecta cervice regis superbix insolenti-
 tiam referret. Ab eo demum narrante multa literarum memoriæ digna, de re-
 centibus bellis, Punicisque rebus & institutis didicimus: & quum non ineptè
 de philosophia sermones illati essent, quanquam per idiotas interpretes collo-
 quèremur: perspicuè tamen eum Averrois studiosum, & sectatorem disputan-
 do deprehendimus. De natalibus autem suis ita disseruit, ut Chorrææ familiæ
 30 nomen, ex qua ipse præalto stemmate natus est, ad Homarem, Mahometis
 pseudoprophetæ consanguineum atque discipulum referret: cuius stirpis Tu-
 nerani reges, nihil intercala, aut alieno sanguine depravata serie, per non ingenti-
 ros supra quinquaginta quatuor annos regnariot. Propterea affirmabat Tu-
 netatum regem, augustiore cognomento, appellari Emir Mumenim, hoc
 est, in religione optimè credentium principem. Memorabant autem familia-
 res eius, neminem ei virtute equestri, peritiaque armorum posse comparari;
 quum ex adulatione iactarent eum, quod ad venatoriæ artis decus pertineret,
 non multis ex quo imperasset annis, ducentos amplius iubatos leones in syl-
 vis equestri lancea confixisse, quorum tergora siccata repletaq; paleis, ad ima-
 40 ginem vivorum, testimoniumque virtutis, tanquam decora, proximaque mi-
 litix honestissimæ exercitationis trophæa, in peramplis hortorum portici-
 bus spectarentur. Quibus de causis Muleasses tam sævo diræ calamitatis infor-
 tunio prorsus indignus nobis etiam videri possit. Eodem hyemis initio, quo
 Muleasses ab adversa Fortuna acerbissimè mulctatus est, & Barbarus à Niceæ
 arce nequicquam oppugnata ad Tolonem in hyberna concessit, Franciscus
 rex à Belgico bello honesta cum laude reversus, quod Landresiano præsidio
 opem fortiter attulisset, productaque acie Cæsari maximis gentium fere om-

nium aucto copijs, pugnae potestatem fecisset, nova copiarum supplementa in Italiam misit, ut amissi Montevici detrimentum Buterius novo ausu resarciret. Iam enim Hipporegiam tormentis adortus, eo praesidium Caesarianorum adduxerat, ut prostrato muro ægerrime Gallorum impetum sustineret, & deditiorem brevifactorum videretur. Sed adventu Anghiani, novi ducis ex Gallia, Buterius quum ab eo cessare, opperiri que se iuberetur, cum recentibus scilicet copijs appropinquantem, ut praelio & expugnationi urbis interesset, indignabundus ita impetum represit, ut hosti ad erigendos novos aggeres, confirmandosque animos spatium daret, & partæ propè victoriæ decile mallet, quàm eius propè confecti negotij laudem cum adolescēte imperatore communicare. Is erat regiae stirpis e Borbonia familia, quem Malsilia Barbarusam excepisse docuimus, cui Buterius vetus miles, & dux ingenio turbido, nihil præter honoris nomen militiae concedendum existimabat, amissæq; proinde victoriæ eventum malignè lætaretur, quā ille importuno imperio, iuveniliq; libidine interpellasse videri posset. Hoc enim ingeniorū habitu, & tum, & sæpè alias Galli duces inter diras obtrectiones bella administrare ita erant soliti, ut rempub. post privatum decus facile haberent: neq; ob id poenam à mitissimo rege vererentur. Galli etiam per eos dies Crescentinum oppidum tormentis quassatum, & Desannam, sanctiq; Germani vicina oppida, Caesarianis ademerant, magno cum dolore Vastij, qui frustra diu postulata à quaestoribus Insubrum pecunia, ut novas conscriberet cohortes, imparatus, inferiorq; multis rebus per hyemem bellum gerere cogebatur. Processerat tamen Novariam usq; quantis potuit coactis copijs, ut provinciae praesidio foret. Nam Galli intra Montisferrati, & Sabaudiae ditionis fines se intulerant, & circumfessuri Carinianum oppidum, quod est iuxta Padum positum, videbantur. Id Vastius paulo antè occupatum (ut diximus) validis aggeribus munitat, præfeceratq; ei Pyrrhum Stipicianum summæ virtutis atq; constantiae virum. Et autem aderant Fœlix Archius, cum Germanorum cohortibus tribus, & Michael Hispanus, cum totidem Hispanorum vexillis: congestisque omnis generis commeatu Gallorum impetum expectabat, quod summæ opportunitatis esset id oppidum ad gerendum bellum adversus Gallos, qui obiectu eius munitissimi loci magnopere tardabantur, ne ulterius proferrent vires, & liberius reliqua oppida tentarent. Gaudebat Vastius accessione eius oppidi multis de causis, eaque præcipue quod amissi superiore anno Claraschi par detrimentum hostibus rependisset. Itaque obstinatis animis, & Vastius id tueri & Anghianus obsidere, atque recipere contendebāt, tanto studio, ut Anghianus longam obsidionem institueret, castris in conspectu hostis positis, & Vastius e Germania in auxilium duas legiones accerferet. Tota namq; utriusq; imperij, existimationisq; ratio in eius oppidi defensione, expugnationeq; posita erat: sic ut pleriq; facile prædicarent, uti mox evenit, eam contentione universæ pugnae casum allaturam, quod antea per octo annos inter perpetuum gerentes bellum nunquā accidisset. Proinde futurum ut una insigni pugna diurno bello, intolerandisq; miserorum incolarum calamitatibus finis imponeretur. Iam plures menses Pyrrhus obsidionem atq; in ediam fortissime sustentat: sic ut praesidij lectissimi milites ab inopia rerum, extremaq; desperatione auxilij de eruptione cogitarent. Sed eos Pyrrhus animo corporeq; ad perferendas totius inopiae difficultates paratissimus, blandis honorificisq; alloquijs in-

officij continebat, quum nullam edendo prælio, si erumperent, occasionem ad victoriam ostendi differeret: proindeq; eum conatum felici eventu cariturum: quoniam Galli nequaquam temerè, uti alias, sese circumvallassent, multisq; tormentis atq; equitatu essent instructi, sperarentq; sine sanguine victoria potiri: quando etiam ab oppugnationis cōsilio propter mirificos aggeres, præstantisq; præsidij opinionem, non ineptè discessissent. Neq; demū de Vastij studio diligentiaq; esse dubitandū: eum enim & suæ laudi, & publicæ causæ, totq; militum obsessorum salutis magnificè atq; impigrè satisfacturum. Propterea equis animis vini desiderium tantisper ferrent, & his, quorum copia ad huc superesset, vitæ alimentis cōtenti essent: postquam viri fortes non ad fures tantū, se ad inusitati generis cibaria, pro cōmodo principum, peculiariq; sua laude aliquando descendissent. Ea quoq; erat Pyrrhi comitas externis iucunda militibus, ut vini lagenas, quas sibi expetenti Anghianus hostis humanitatis causa duo mittebat, nequaquā sibi reservaret: sed viritim præfectis atq; signiferis quadam parvi calicis libatione, quod pleno potui non sufficeret, hilariter dispartiretur, Germaniq; vel natura vini appetentes, patientes & iucundè puteali aqua sitim lenirent, & cuncta obsidionis incommoda prius se fortiter perpeffuros, quàm indignum quicquam vetere gentis constantia de dedicatione auribus admitteretur, per centuriones atq; signiferos confirmarent. Vastius quoque eorum animos per literas, quum speculatorum facultas dabatur, bonæ spei implebat, salutemque totius præsidij, & singulorum præfectorum decus summæ curæ sibi futurum pollicebatur. Eo tempore Cæsar veteribus suis innixus consilijs, ingens agitabat bellum, quo Galliam ineunte æstate invaderet, experireturque maioribus coactis viribus, an Franciscus rex elici pertrahique posset ad summam dimicationem universæ pugnæ, in spem amplissimæ victoriæ, quā sibi nuper ad Landresium propositam, è manibus elapsam fuisse iudicabat. Hoc ut assequi posset assiduè dabat operā per legatos, ut Henricus Britannia rex in Galliam maturè trañceret, suo pte ingenio, & more gentis Gallico nomini insensissimæ magnopere concitatus. Cum eo namque ita

30 foedus percussisset, ut Gallia regnum certa conditione cum Anglis partiretur. Tantum enim Cæsaris odium valebat adversus Gallos ab avorum usq; memoria conceptum, ut gravissimarum offensionum ex repudiata adacta q; ad necem materteræ penitus oblivisceretur, nec iniquum, & fide sua indignum existimaret, ad contumeliam Pontificij nominis; cum eo rege foedere coniungi, qui propter everfa sacra, despectamque & convulsam Romani Pontificis existimationem, Christiano iure anathemate à Romano senatu fuisset damnatus; ipso præsertim Cæsare id orante postulanteque, quum se in Britanni regis gratiam nunquam rediturum iurasset, nisi Pontificiæ dignitati Henricus satisfaceret, & ad veteres sacrorum ritus, pristinamque Romani Pontificis auctoritatem se conferret. Quod autem erat reliquum, assiduè invigilabat, ne Germani milites Gallicis stipendijs allekti in Galliam transirent, propositis edictis, atrocibusque pœnis, his qui id ausi, deprehensique essent. Pari diligentia pagorum Helvetiorū principes aggrediebatur promissis atq; muneribus ut Gallorum delectus in conscribendis cohortibus impedirent, aut retardarent, quando in eius gentis auxilijs salutem Gallia positam esse prospiceret, quæ Germanicis legionibus tanquam exæquata virtutis opinione opponi possent. Ne verò Italiam negligeret, ipsumque præsertim Mediolanum novis

Anghiani copijs ad prædam expositum, Neapolitanosque Barbarussæ classis reditum extimescentes: duas Germanorum legiones in Italiam misit, quibus iniunctum est, ut Vastio operam præstarent: ac demum si ita usus posceret, mari Neapolim deveharentur. His præerant duo Scaligeri procures, Christophorus, & Brennor, qui stirpis veterum Veronensium principum esse dicebantur. Harum spe legionum confusus Vastius, quod erant ex delectu Vindeliciæ, Baioarij, & Norici, splendentibusq; thoracibus & galeis Mediolani fuerant instructi, è Vercellis Astam se contulit, & magnum inde sarcinariorum iumentorum usq; à Mediolano, agrestiumq; carrorum numerum contrahi iussit, quibus magna vis instituti & antea parati commeatus omnis generis, Carinianum ad oblectos convehetur. Et quanquam non multi apud se essent Hispani, nec plenæ admodum essent veterum Germanorum cohortes, quas Barro Seifnechus ductabat: tamen non deterrebatur quin prodiret, confirmatus præsertim Italicis cohortibus, quæ amplius sex millium militum numerum implebant, eorumq; magna ex parte sclopettariarum, qui assueti, inveteratique perpetuis Subalpini belli expeditionibus, egregiæ exercitationis opinionem fuerant consecuri. His omnibus præerat Robertus Sanseverinus, princeps Salernitanus, cui adiutor, & propè magister à Vastio fuerat attributus Cæsar Malsius, è Neapoli vetus peditum præfectus, quo nemo plura stipendia meruerat, quum per triginta annos Cæsari integra virtutis & fidei fama operam navasset. Vna tantum Vastius angebatur equitum paucitate, infirmitateque, cum vix septingenti galeati recenserentur, qui etiam levis erant armaturæ, comparatione Gallorum equitum, apud quos iusti roboris cataphractorum alas esse didicerat: quarum impetum Cæsariani apertis in campis nequaquam laturos viderentur: ob id præcipue, quod illustres aliquot iuvenes, quorum principes erant Vidamius, summo loco in Carnutibus natus, & Asseius Arvernus, Galeoti totius Galliæ tormentorum præfecti filius, pugnae studio è Gallia hortatu regis in castra venisse, secumq; adduxisse plures eximiae alacritatis equites, exploratum habebat. Quibus de causis coactus est confugere ad Cosmum Medicem, implorando ut sibi in tanto periculo, tantaq; exiguitate temporis novos conscribere milites nequeunt, ab Etruria equites submitteret. Cosmus tamen cavendum sibi ab insidijs exulum, quas adversus se parari audiebat, & tuendam à Barbarussæ impetu maritimam oram arbitraretur, quando aperto iam Vere Barbari ad navigandum idoneum tempus habere viderentur: Cæsari tamen, cui summa omnia debebat officia, & Vastio equa postulanti, communi in rerum discrimine deesse noluit, misitq; Rodolphum Baleonum, Malatestæ filium cum insigni ala veteranorum equitum: cuius accessione Vastius adeo lætatus est, ut in spem veniret confirmandi equitatus sui, experiundæq; prælii fortunæ, quum peditatu superior, aut certè par tuto configere se posse speraret. Nam eo animo hostes, duce Anghiano, apud quem erant periti atq; acerrimi duces Termeus atq; Buterius, ad villam Stalloniam castra posuerant, ut Vastium illac pertransire conantem, iusta edita pugna adoriretur. Erant nonnulli, togatiq; præsertim qui pugnae casum Cæsarianis, tanquam minus necessarium, omnino vitandum esse prædicarent, ob idque ducendum quomodo bellum, ut Gallorum fervida gentis impetus, non collatis in aciem viribus: sed uti sæpe alias, spatio & mora, levibusq; prælijs frangeretur: nec tamen adversas, quæ summæ erant in negotio, difficultates explicaret: sic ut Vastius ea

stius ea tanquam vetera, & in præsenti rerum momento parum opportuna aptè refellèret, atque eas quæ aliter evadi nequirent, fortiter audendo superandas esse demonstraret. Nam præterquam quod receptus omnis, segnisq; cunctatio ignominie & durissimi exitus pericula ferrent, triplex etiam incommodum, quod immineret, cum magnopere de summæ rei eventu sollicitum reddebat, hortabaturque ut suscepti consilij propositum teneret. Primum erat pecuniæ inopia, instantibus iam stipendijs: quando per mensarios curata Genuæ vel magnis usuræ impendijs ægerrimè repræsentaretur, nec quæ erat Insubribus imperata, tanquam ab assidue expilatis, facile exigì, & comportari posset: sicut non temerè timendum foret milites posse dilabi, qui sine stipendijs, propinquo præsertim valido hoste, contineri non possent. Secundum positum erat in salute tot fortissimarum cohortium, quæ cum Pyrrho, cui propter datam fidem deesse non poterat, extremum vitæ ac existimationis discrimen se adire, literis & varijs significationibus ostendebant. Postremum erat defecturi citò commeatus timor. nam ex continua pluvia, durisque subvectionibus per lutulenta itinera, penuria adeo creverat, ut paratus ad sublevandos obsessos commeatus in alimenta præsentis exercitus absumeretur. Porro apud Gallos cuncta erant paratiora, & rerum omnium opulentia pleniora. Nam Anghianus, quanquam adhuc imberbis imperator, veterum ducum suorum consilia secutus, Carinianum duplici fossa, perpetuaque munitione circumvallarat, binos in Pado pontes statuerat, lunatisq; aggeribus utraq; pontium capita munierat, per quos quotidiana omnis generis comeatus copia nusquam impeditus utebatur, & ad villam Stalloniam, qui est vicus ultra Padum, positis castris, atque his aggere & fossa permunitis (ut supra diximus) hostium adventum expectabat. Erat in conspectu Carinianum, intercedente Pado: ad dextram relinquebatur Carmagnola oppidum, & ad lævam Montecalerium, quæ Gallicis præsijs tenebantur, ita ut Cæsarianis inter castella præsidiaque hostium ab Asta moventibus, iter esset habendum. Interim Vastius misso ad Montemclaram Salernitano cum Itatorum cohortibus, quum illac se transi-
30 turum simularet, eo non multo post revocato, ad lævam per superiora versus Summaripæ oppidum exercitum duxit, eodemque die Montatam castellum, quod ex itinere occuparat, pervenit: ratus se postero die Summaripam, tertio Casalem, quod appellatur Crassum: quarto Carinianum omnino perventurum. Cuius suscepti itineris rationes disertè explicabantur, quod superioribus locis Padum vado transire, eoque itineris flexu Transpadanos hostium commeatus intercipere, & si hostes supervenirent, erumpentis præsidij certissima opè, ancipitique acie inclusos, aut avertere, aut profligare soluta obsidione sperabat. Verum hæc vel appositè consulta Fortuna irrisit, uti impotens bellicarum rerum pro libidine gubernatrix. Nam cælum densa nube tur-
40 gidum, tantam vim imbrium iter habenti superfudit, ut rivi agrorum dudum sine aqua in speciem amnium atque torrentium intumescerent, itinera præalto obsita cœno carrorum rotas devorarent, equi tenaci luto semihauisti ad incessum cogi nequirent, & milites amissis calceis ægrè eluctando madefacti, iniquitatem itineris, nec desinentem cœli iniuriam deiectis animis non perferrent. Augebat tanta incommoda commeatus propè imminens desperatio: Nam assiduo imbre infusus humor, cruda pariter & cocta cibaria corrumperat, tam sœdo, tristisque incommodo, ut milites quatuor dierum cibaria secum

ferre iussi, cum publica tum privata alimentorum iactura magnopere turbarentur. Tum verò Vastius frustra indignari infestæ Fortunæ, ab Asta novi commeatus supplementum adduci iubere, consolari passim milites, ut id pluviae detrimentum constanter ferre, & non dubiam cœli serenitatem ad victoriam expectare vellent. Interim per Salernitanum Italicasque cohortes castellum Sancti Stephani expugnari iubet, gravioraque duo tormenta ibi deponit, quòd ea, propter iniquitatem itineris, vel duplicatis equorum & boum iugis perducere non possent. Cunctis difficultatibus remedia quæ ferri poterant, diligenter adhibet, & cohortando milites spe prælii atque victoriæ implet. Non deerat peritus locorum Vistarinus, qui è Cherio per Federicum¹⁰ Dovariam Vastium hortaretur, ut omissa priore via, ad se iter converteret, quòd Sanctanna amnis facile vado superari, & Cherij amplissimo oppido exercitus aliquantisper recreari posset: indeque apparatus pontibus, obicibus opem ferendi, & si hostis sese offerret æquiore conditione configendi facultatem esset habiturus. Iam designati itineris quartus elfluxerat dies, quum Montata nondum excelsisset, gravissimis atque inopinatis rerum casibus retardatus. At Galli de consilio itinereque hostium non inani coniectura iudicantes, è villa Stallonia, ubi aliquandiu confederant, motis castris, ut hosti propinquiore essent, ad Carmagnolam oppidum se contulerunt, intentique & cuncta explorantes, ad omnem pugnae occasionem corpora atque animos parant¹². Sequenti die Vastius, quum sol vel ambiguus cœlum serenasset, unum statuerat, iter à Montata ad Summaripam direxit. Ipse ad dextram cum manu equitum ad Stallonia castra unde hostis discesserat, & ad Carmagnolam usque lustrando loca provectus, reperit hostes contra consuetudinem ad levia certamina elici non posse, eosque tormentis tantum instructos in muro consistere. Excepit tamen duos milites fortè vagos, à quibus eadem, quæ de hostibus antea didicerat, certius cognovit: paratum scilicet esse Anghianum prælio decertare, eumque ornatissimo abundare equitatu, quo se certis rebus parem, hosti superiorem, & denique victorem evasurum consideret. Vastius interea, quod magno usui fuit, ex itinere Ceresolam vicum à præeuntibus occupari³⁰ iussit, eique Guterium Chesadam corporis custodiæ præfectum cum ducentis sclopettarijs præsidio imposuit. Et quanquam ad Summaripam, quòd magnopere cupiebat, pervenire contenderet: Ceresolæ tamen necessario castra ponere coactus est, quòd Germani tardius subsequerentur, propter tormenta, quæ nisi difficili magnoque conatu pertrahi non poterant, & Hispani ad postremum agmen relictî, ingruente iam nocte, redintegrataque pluvia, à reliquis longè abessent, ac Salernitanus Italos, varijs atque durissimis afflictos incommodis, extremaque lassitudine fatigatos adduxisset: quibus omnibus si Summaripam petere vellet, vallis frequentia aquarum voragine & alnis, multisque huiusmodi arbusculis impedita, per tenebras erat su⁴⁰peranda, atque eo incommodius, quòd nisi valde angustos & raros aditus ab agrestibus subdita materia constratos transitoris præberet. Ultra eam vallem paulo antè extraordinarij recentioresq; Itali levis armaturæ processerant, durante Cæsare Malsio, cœptisq; & protractis levibus prælijs propinquo hosti speciem præsentis atq; instructi Cæsariani exercitus fecerant, sic ut Galli qui densa acie incumbabant, aliquandiu sustentati atq; repressi, transeundæ vallis consilium abijcerent, quâ si transissent, Cæsarianis profectò magna & certa clades

clades erat expectanda, uti postea Vastius animadverso disiuncti imparatiq;
exercitus sui periculo, confessus est. Is postero die à Ceresola discedēs cunctum
exercitum tormenta que traduxit, sic ut distincta suorum agmina adventantē
à Carmagnola hosti, patentibus in campis ostenderet, & per levem Italorum
armaturam pugnam accendi iuberet. Nec defuerunt oblatae pugnae Gallo-
rum duces, qui se alacriter ad committendam pugnam accinxerant, eam mul-
to tubarum clangore deposcentes. Iam utrinq; levis armatura disperso tumul-
tuarioq; certamine pugnaverant, quū fortē Itali tormēta duo audacius in aciem
producta Gallis ademerunt, indeq; clamor ingeminatae victorae sublatus est.

10 Tum vero Anghianus universas copias hoc ordine constitutas promovit in
media acie Valcones, & reliquos Gallici nominis veteres pedites optime ar-
mados, decoro cultu cristisque fulgentes, ita collocarat, ut eis Helvetiorum iam
pridem Subalpino bello inveteratorum, validam manum applicaret, quibus
tota frons latē extensa & æquata certo subsidio firmabatur. Dextrum cornu
Helvetijs, qui nuper advenerant, insigni animorum ardore pugnam poscen-
tibus attribuit. In sinistro autem cornu constitere Grueri non multi usus, &
subagreste militum genus. Hi erant ex regionibus, quæ ad Losannam & Ge-
nevam, Lemantumq; lacum pertinent, Helvetijs Bernensibus & Sedunis fini-
timi. His admixtae erant Italicae exulumq; præcipue Insubrū & Allobrogum,

20 Subalpinorumq; aliquot cohortes, acies quidem magna multisq; vexillis con-
spicua: sed quæ ex tyronum magna ex parte diversa utentium lingua, & tumul-
tuarijs delectibus conflata, nullam propē certæ virtutis, aut firmi consensus o-
pinionem præberet. Triplicem peditum aciem, triplex equitum agmen di-
stinguebat: nam intervalla, quæ relicta erant inter utrunq; cornu, & mediam
aciem, divisi per alas equites occupabant. Inter hanc & Helvetiorum phalan-
gem constiterat Thermeus, apud quem erat tota vis levis armaturæ equitum,
unius cataphractorum alicuius præsidio confirmata. Buterius cum reliquo equita-
tu Grueriorum apertum latus tueri iubetur. Ex adverso Vastius hostium or-
dines conspicatus integram Germanorum phalangem, quam invicti roboris

30 existimabat, mediæ hostium aciei, ipsisq; Vasconibus opposuit, eo ordine, ut
in prima fronte Aliprandum Madruccium Tridentini Cardinalis fratrem, i-
pso id ad decus deposcēte collocaret. Nam superioribus etiam diebus genero-
sus, & egregie pugnae juvenis alacriter fuerat professus, se Helvetios, quorum
impetum nequaquā imperitè Vastius vereri videbatur, cum sua tantū legione,
quæ trium millium summā non implebat, invasurum & strenuē prostraturū.
Secundū eum Scaligeri fratres vexillis in mediam aciem collocatis suas cohorte-
res confertis ordinibus ductabant. Cornu dextrum Gruerijs oppositum, Hi-
spanis concedit, sic ut his statariæ militiæ quinq; Germanorum cohortes duce
Seisnecho adiungeret. In sinistro Italos omnes constituit, iussitq; ut sese in tu-
mulum, qui à modica valle leniter exurgit, sensim tanquā in æquiores locum

40 erigerent, nec inde se commoverent, ne inordinati ab Helvetijs, qui erant in
adverso loco, uti disciplina impares funderentur, sed persistentes in acie Saler-
nitani & Malsi iussis obtemperarent, & uti fors prælii deposceret, per sclopet-
tarios operā præstarent. Philippus Belga, Lanoij filius, qui toti præerat equita-
tui, eo spatio, quod inter Germanos & Hispanos intererat, consistere est iussus.
Idem ut faciat Baeonius, Thermeo oppositus, iubetur. Præcipit autem Carolus
Gonzagæ, ut Buterianos contra instructos diligenter observet & invadat.

Eo modo constituta directaque utrinque acie, & displosis utrinque tormen-
tis, signa cecinerunt, appropinquareq; acies cœperunt, inter quas magno cum
periculo volitantium undique pilarum & glandium Vastius obequitans, col-
lustrando cuncta oculis Germanos segnius quàm volebat progredi animad-
vertit, sic ut propius accederet, & præfectos ad intendendum gradum comi-
ter hortaretur, in vultu Scaligerorum fratrum deprehendit non dubia, ab in-
usitato tristicique pallore, lethalis metus indicia. Proinde conversus ad familia-
res Scalengū, Landrianumq;, & Saiavedram, qui eum ad excipienda reddendaque per acies imperia sequebantur: Deus, inquit, magnus hoc omen aver-
tat, & uti maximè indigemus, hodie præsentī numine nobis adsit, postquam
in his Germanis, in quibus tota spes & ratio parandæ victoriæ posita est, quod
antea nusquam accidit, præsentē provocanteq; hoste ad dimicandum nullam
alacritatem conspiciamus. Primi omnium accepto pugnae signo, quod Vastius
suorum hortatu dederat, Thermei & Baleoni equites concurrerunt, usque a-
deo gravi impetu, ut multi utrinque sternerentur, magnoque ardore post ab-
iectas hastas clavis atq; mucronibus res gereretur. Ibi Thermeus, quum in pe-
dites Italos procurrisset, ab his repulsus, vulnerato & cadente equo, à tyrone
pedite capitur. Baleoni autem ala, quæ numero equitū erat inferior, quæquā
virtute præcelleret, cataphractorum invadentium vim sustinere non potuit,
sic ut multi in eo peracri congressu, in hisq; Iulius Actius, tyranni Tudertis fi-
lius caderent, ipseque Baleonus suffosso, & moriente equo oppressus vix eri-
pereretur, & pedes & faucibus ad Italos pedites se reciperet. At in altero cornu
Fortuna ludo quodam prælii eventum alternare solita, Hispanis & veteribus
Germanis arridere visa est. Nam Raimūdo Cardonio & Seisnecho ducētibz,
exporrecta sclopettariorū ala, quam manicā vocant, tanta vi Gruerios invale-
runt, ut eorū aciem totam perturbarent, & in fugam verterēt, rusticāq; casa, ad
quā se applicarant, & aliquot tormentis potirentur, & alam Gallorū equitum
fufis subsidio missam cruenta conditione perrumperēt. Cecidere in eo conatu
Strochius, & Carolus Drosius, qui in eo cornu summā nominis auctoritatem
obtinebant. Aseius quoq; summæ spei iuvenis servidius irrumpēs; Germani-
cis hastis ab ephippio deiectus, ex geminato vulnere triduo post interijt. Eo
celeri quanquā incerto victoriæ provētu, Hispani accensī animis, fufos ad mul-
tum spatium persecuti, ita procurrerunt, ut cædēdo, capiendōq; ad Carmagno-
lam usq; cursum intenderent. Eodē tempore Germani, qui humi procubue-
rant, ut tormenta vitarent, imperante Vastio consurrexerunt, collectumque
pulverē, quæ est vetus & religiosa eius gentis cōsuetudo, post terga proiecerūt,
quum ea cerimonia conciliari victoriæ numen arbitrarentur, promotisq; si-
gnis hastas inclinarūt. Aliprandus qui in prima phalangis fronte constiterat,
paucis passibus extra aciem prodicens, Molem in Gallica acie ducem, insigni-
bus conspicuum, manu ad singulare certamen provocavit. Nec detrectante
Gallo ita concurrat, ut mutuis ictibus ora perfossi ambo corruerēt, Mola qui-
dem lethifera cuspide supra oculum ad oram galeæ recepta, & Aliprandus ge-
na usque ad aurem perforata. Cadentibus itaque ducibus asperum & maxi-
mè cruentum prælium à primis ordinibus confectum est, quum utrinque ro-
bora lectissimorum militum & centurionum pro dignitate nominis & pro
victoria dimicarent. Aliprandi aciem ardentius promotam, Scaligeri aliquan-
to lentius quàm oporteret, secuti sunt, propter depressi & inæqualis loci im-
pedimen-

pedimentum, quo neque hastæ æqua serie ferri, neque aptè coherentes ordines densari poterant. Eodem temporis momento, quum inter utramque mediam aciem commissa pugna ardentissimè certaretur, Cæsariani equites sinistrum hostium cornu, ubi cum suo agmine Buterius ad procurrendum paratus & intentus videbatur, adorti sunt: alacri quidem, sed inani, & mox uti apparuit maximè incommodo & fœdo procursu: nam provec̃ti ad hostilem aciem, nulla facta impressione, nec inclinatis hastis sese in gyrum lunato cursu provolverunt, sive ut levem hostium armaturam equestrem extra cataphractorum subsidia ad pugnam elicerent, sive quod aciem perpetuo rigentem ferro ipsi levius armati tentare non auderent, sive adducti incerta voce à Gorto, ut dicebatur, præfecto edita, qua equos flectere iuberentur, quasi non collatis equorū pectoribus, & conferta acie: sed per iteratos incursus & recursus, Maurorum more, cum cataphracto hoste foret dimicandum. Ea sese præter spem inflectentium species admirationem primò Gallis, & mox socijs non incertæ fugæ suspicionem præbuit: sicut repentè Buteriani terga vertentium valido procursu insequerentur, nec Cæsariani, clamante, increpitanteque Vastio, sisti possent, sed præcipiti cursu in transversam Germanorum phalangem deferrentur, eamque paululum post signa laxatam veluti adacto cuneo totam aperirent atque proscinderent. Quo casu Galli hisdem vestigijs in matum per-

ruptæ phalangis insinuati, cunctos eius postremos ordines fœdè turbatos, quod neque galeis, neque thoracibus, uti anteriores essent muniti, parvo negotio trucidarunt, quum latis & prægravibus gladijs, quos à venatorijs cultris non absimiles suspensos ab ephippijs gestabant, integros inermium artus facile detruncarent. Tum verò Helvetij, qui Italici erant oppositi, conspecta Germanorum fluctuatione & cede, neglectis omisisque Italici, ad Germanos infesta signa verterunt, utpote quos ab naturali odio veros propriosque hostes ducerent, nec Italos per cavum & inæqualem locum adoriri possent, & deletis opportunè Germanis partem fore victoriam iudicarent. Is repentè suscepti consilij casus non dubiam salutem Italici: Germanis verò certissimam

attulit cladem. Nam sicuti illi armis & numero inferiores conspecta præsertim suorum equitum fuga, Helvetiæ impressionis impetum nequaquam diu laturi videbantur: ita Germani, qui à fronte Vascones & veteres Helvetios summa vi certantes constantissimè propellebant, invadentium ex obliquo Helvetiorum recentem vim sustinere nequiverunt, sicut à socio equitatu vesana & miserabili irruptione perturbati, & à nemine adiuti, quum in tergo à Gallis equitibus cederentur, & in fronte urgente hostium peditatu amissis ducibus stratisque vexillis terga verterent, ad unum prope omnes interficerentur. Cecidere cum Scaligeris fratribus viri illustres, aut varijs militiæ honoribus clari, præfectique cohortium ante alios Vulcanus Fustembergi reguli filius, Michael Preusinger, in regenda ductandaq; phalange Brennoris Scaligeri legatus, & Antius Vrsus multorum stipendiorum fama notus, & præter hos Hildebrandus Tunnius, Balthasar Chaldesijs, Iacobus Figer, Martinus cognomento Bursa, Adamus Bralijs, & Baro Grinistenius. Aliprandus verò Madrucius multis vulneribus susceptis, inter suorum & hostium cadavera semianimis repertus, in Anghiani potestatem devenit. Eam verò cladē meritò Germanis incidisse tanquā impijs, Lutheraneq; superstitionis piaculo damnatis, multi prædicabant, quod pridie, qui fuerat resurrectionis Dei Christi solentis dies, sa-

cris interesse noluerint, talisque sæpe, quum ad iactus levigata marmora queritarent, in altariorum sacratis mensis lussissent, & ligneam Christi servatoris statuam diris contumelijs, & multo demum cœno conspurcassent. At Itali ubi strata phalangis vexilla, & equites iusto cursu in fugam extensos conspexere, necessario & utili, uti mox apparuit, potius quàm honesto consilio subducere se in tutum reformidato victore, & per depressum, quem diximus locum: conservatis tamen ordinibus se recipere cœperunt, nulla validiore hostium manu eos laceffente aut persequente: eoque modo ante mediam noctem Astam pervenerunt. Eò multo antè Lanoius cum suo equitatu integer applicat: sub occasum verò Solis ipse Vastius supervenit, quum sclopetti glande per ferream¹⁰ ephippij frontem, supra genu vulnus accepisset, aliquotque clavarum ictibus collisa calside nequaquam hosti cognitus, gladioque se defendens, e medio adversæ pugnæ tumultu se eripuisset. Tum enim secus ac aliàs soleret, non imperatorijs insignibus, sed atro & mediocri sagulo, ne facile agnosci posset, usus fuisse dicebatur. Cur autem Italos Gallicus equitatus nec invaserit, nec sit persecutus, hanc fuisse causam reperiēbamus, quòd amisso Thermeo duce, sese dispersim ad opprimendum dextri hostilis cornu milites convertissent. Hispani enim Seisnechanique Germani, qui Gruerios latè profligarant, longèque fusos fuerant persecuti, quum redirent, perfusi navatæ fortiter operæ gaudio, sociorumque ignari cladis, suspensis stupentibusque animis ad conspectam stragem, in victores Gallos inciderunt, à quibus circumfuso equitatu tanquam indagine clausi, propè sine vulnere capti sunt, quòd viri fortes perditis rebus Fortunæ cedere, quam stulta exitiali que pertinacia repugnare salius existimarent. Ante alios sese deditit Raimundus Cardonius castrorum magister, eius filius qui cum Gallis, Gastoneque duce ad Ravennam improspere confligit, & cum eo Hispani clariores cohortium præfecti, Ioannes Beamon-²⁰ tius, Ludovicus Chexada, Consalvus Hernandius, atque Chevedius. Baro autem Seisnechus oblato sibi equo periculum evasit: & Carolus Gonzaga, quum pedites turpiter effugere conspexisset, ne id dedecus subiret in Gallos irrupit, deiectusque equo captus est. Pari etiam pudore, sed iniquiore honesti³⁰ conatus sorte accensus Hercules Martinēgus, illustri loco Brixia natus, quum in confertam hostium aciem cum ala sua sese, uti Vastij alumnum decebat, vehementer intulisset, cum Attilio fratre interfectus est. Pugnatum est ad Ceresolam postridie Idus Apriles, quarto & quadragesimo anno supra quingentesimum atque millesimum Christianæ salutis. Occisa autem referuntur ad duodecim millia hominum, sed multò maxima ex parte Germanorum. Neque enim, quum in acie utrinque æquato serè numero supra quadraginta millia peditum constitissent, omnino incruenta victoria Gallis obtigit, sinistro præsertim eorum cornu magnis cædis & fugæ detrimentis affecto, & aliquot ex illustri Gallica nobilitate desideratis, quorum cadavera Anghianus exquisito⁴⁰ funeris honore prosecutus, in Galliam ad sepulchra maiorum deferri iussit. Dum Vastius acceptæ cladis dolore, & totius summæ rei periculo perculsus, servatas vel ex turpi fuga copias colligeret & inspiceret, in spem venit victores Gallos his præsidij posse sustineri, dissimulabatque non obscura quorundam delicta, eo vultu ut nemini palàm succenseret, & de una tantū Fortuna querere tur: Baleonū verò eximia ornaret laude, quem ferè unū, fortissima edita opera, & Cosmo principi à quo erat missus, & paterno avitoque suo nomini egregie satisfec-

risfecisse, attestante etiam Thermeo, differebat. Hortabatur autem Lanoium, ut fatalis erroris notam nova virtute abolendam existimaret. Salernitani quoque & Malsi consilia probabantur, qui in eo perangusto atque difficili adversæ rei momento cohortes Cæsari magno usui futuras servavissent. Verum eius iusto prælio invicti antea ducis existimationem, præsentemque omnem militaris providentiæ diligentiam, odium (uti sæpe fit) ex re male gesta repente obortum, & plerique ex amicis obtrectatores facti vehementer obtrebant: iniqua hercle & plane misera imperatorum cōditione, quod saluberrime cunctationi periculosam pugne aleam prætulisse diceretur, quasi flagitantibus quibusdam
 10 suorum, qui hostes arroganter despicerent, dimicando obtemperare, ne pristini sui dedecoris iacturam faceret, quā bono publico prælium vitare, differreque maluerit. Sed uti postea ex eius ore accepimus, nunquam futurum putarat, quin alioqui metuendam Gallici equitatus vim per sclopettarios, sicuti ad Ticinum sceleriter accidisset, sustineret & funderet, ipsoque robore densatæ phalangis hostium peditatum egregiè superaret. Sed cuncta eo bello prælioque vel rectissime ordinata, unum, ut credi par esset, divinum magni ultoris numen violenter evertisse, scilicet ut elatos, virtutisque insolenter confisos, & nihil de victoriæ eventu dubitantes leniter castigaret, & Germani obiter foedo impietatis scelere contaminati gravissime plecterentur.

20

PAULI IOVII NOVO-

COMENSIS EPISCOPI NV-

CERINI, HISTORIARVM

SVI TEMPORIS

LIBER XLV.

36



OSTeam pugnam in subiectis Ceresolæ campis a Cæsarianis male pugnata, Anghianus victor, quanquam effuse lætaretur: sese tamen commovere, ultraque progredi in Insubrum fines, & denique victoria uti non potuit, quod multis rerum difficultatibus esset circumventus. Ante omnia veteranæ cohortes, promptissimo quoque militum occiso aut vulnerato, vehementer attenuatæ, orbataque multis centurionibus atque signiferis, novo
 40 supplemento erant iustaurandæ, & cuncti pariter equites, & pedites ex veteri militari consuetudine, uti acie victores, dignum fide, & sceleritate generosi, novique imperatoris donativum postulabant: quod tamen prolixa pollicitatione, & datis vadibus differri, extrahique posse videretur: nihil tamen quæstorum inopiam sublevabat: quoniam Helvetijs persolvendi stipendij dies aderat, quibuscum nulla excusatione utendum foret. Cuius negotij difficultates, neque facile, neque celeriter poterant explicari, propter præsentis rei nummaria defectum, quæ nequaquam commode nisi ab argentarijs

Lugdunensibus dissolvi posse censebatur, & ob id aliquanto ægrius & tardius quam temporis exiguitas, & præceps occasio postulare: quum audendi procedendiq; ratio omnis in festinatione posita putaretur. Novum quoque expediendis consilijs impedimentum attulerant Helvetij, quum inconsultis pagorum suorum magistratibus se Cæsaris fines invasuros pernegarent. Dicebant enim se ea præcipue de causa in Italiam missos fuisse, ut Subalpinæ ditionis oppida, quæ regijs præsidijs tenerentur, à Cæsarianorum vi, iniuriaque defenderent, atque obiter integra fide renovati sæpe fœderis iura tuerentur, quæ vigerent inter Helvetiam gentem, cui Grisones socij antiquitus essent annexi, & ipsas Mediolanensis imperij civitates, quibus tanquam vicinitate finium, & 10 mutuo mercaturæ commercio amicissimè coniunctis, inferre arma neque ex fœdere liceret, neque ex commodo suæ gentis expediret. Sed quanquam Helvetij precibus & severa obtestatione, aut aliquanta demum pecunia suo more flecti, in sententiamque perducì posse viderentur, illud unum præcipue progrediendi tentandæque iterum Fortunæ deliberationes suspendebat, quod relictis in tergo tot hostium præsidijs nequaquam prius in Insubres signa ex tuto verti possent, quàm Carinianæ obsidionis eventum expectarent, propter quam multo susceptam labore, & singulari perseverantia continuatam summæ rei discrimen dimicando subire, quàm inde irritò incepto abscedere maluissent. Quantum verò qualeque præsidium obsideretur, quantamq; op- 20 portunitatem id oppidum, si reciperetur, ad parandam victoriam esset habiturum, peritiores Galli facile intelligebant. Itaque Anghianus, qui mederi prius suis malis, quàm properantius quicquam audere moliri que volebat, Telsium qui pedestribus præerat copijs, ad occupanda Montisferrati oppida, cum parte copiarum misit, & Carinianum arctius obsidere constituit. Pyrrhus enim, nihil adverso Vastij successu terrefactus, hortanti comminanti que Anghiano, ut dijudicatæ belli Fortunæ cederet, desineret expectare novam opem, & pertinaciæ finem imposeret, postquam virtuti, existimationique suæ tam diu perpeßus inedia cumulatè satisfecisset, elato animo respondebat, ipsius atque omnium militum, qui essent in præsidio, unum esse decre- 30 tum, perferre cuncta obsidionis incommoda, donec extremæ alimentorum quisquiliæ superessent: his verò consumptis ad cruentam eruptionem corpora atque animos parare. Ab alia quoque parte Vistarinus è Cherio sæpe erumpendo obsidendoque itinera, magna quotidie inferebat detrimenta, sæpe raptis impedimentis, & equis iugatis, qui tormenta conveherent, interceptis: aut ad suffragines, ut operi inutiles forent, graviter vulneratis. Hoc facile Gallis accidebat, quod se victoriæ fama tutos rati, plerunque remissa diligentia inexplorato & sine præsidio, inter amica hostiliaque oppida commeando, in in prædatores inciderent. Certior etiam fiebat Anghianus Vastium integris Salernitani cohortibus, & incolumi toto fere equitatu confirmatum, si ipse 40 progredi inciperet, continuo provehenti sese vestigijs institutum, aut adiuncto sibi Vistarino, & eductis, coactisq; in unum omnibus præsidijs, Pyrrhum obsidione liberaturum. Istum ab Asta secundo Pado ad Ticinum urbem descenderat, ut vulnus quanquam minimè sævum, & obortam inde podagram curaret, & ex propinquo Mediolanenses præsidēs, reliquarumque urbium præfectos hortaretur, ut timere desinerent, confirmarentque præsidia, & studiosissime, uti semper fecissent, in stipendia pecuniam expedirent, sustinendo hosti,

hosti, si fortè vel garviter affecto, & semilacero exercitu, conari aliquid, & progredi auderet. Nec multo post Anghianus ut captivorum multitudine exoneraret castra, uberioreque annona exercitus aleretur: generoso consilio omnes dimisit, ea conditione, ut Hispani in Hispaniam, Germani in Germaniam, per Galliae fines reverterentur. His praesidium est datum, quod passim inviolatos praestaret, atq; deduceret: edicto quoq; regio cautum est, ut commeatu transfuentibus pagatim preberetur. Ière Hispanici nominis milites sexcenti, & quadraginta tres: Germani vero supra mille: liberavitq; demum certa permutatione Raimundum Cardonium, & Carolum Gonzagam, ut Thermum, cuius vir-
20 tuti plurimum tribuebat, pro duobus acciperet, quibus etiam liberaliter additus est Aliprandus, Cardinale Tridentino fratre eum accuratis precibus impetrante. Interea Vastius crebris speculatorum nuncijs certior fiebat, regem Franciscum uni Louic consilio maxime incumbere, ut Anghianum novis augeret copijs, & bellum multo priore acrius & intentius in Italia accenderet, ut Caesaris & Henrici impetum avertere aut retardare conaretur. Eos namque adversum se refricatis odijs acerbissime concitados bellum parare didicerat. Apparebat enim Caesarem, si amittendae Cisalpinæ Galliae periculo distineretur, remissione quam statuisset virium apparatu Galliam invasurum. Quamobrem Petrum Strozam, qui Florentinorum exulum erat prin-
20 ceps, regiaeque domui arcta propinquitate coniunctus, per Rheticas Alpes in Italiam misit, datis secretioribus mandatis, quibus Gallicæ factionis studiosos ad navandam operam excitaret, quibuscum communicatis consilijs, & coactis copijs, instauratoque properè bello Caesarianos adoriretur. Erat Strozza elato, ardentique ingenio, & optimis exculso literis: sed eo plerumque infræni, & adversus pericula prorsus indomito, quum ardua quæque atque aspera tentando, excelsæ & immodicæ laudis famam appeteret. Is navandæ operæ cupidus, totius obeundi atque implendi consilij vim omnem in una maxime celeritate positam iudicabat. Itaque quæstores Gallos nihil
30 expectandos decernens, ex sua pecunia circiter septem millia hominum conscribit, & apud oppidum Mirandulam cogit: quibus Georgius Martinengus nobilis Brixianus cum ala equitum adiungitur. Inde Venetias pervolat ut cum Hippolyto Atestino Cardinale, apud quem instruendæ rei & consilij explicandi summa erat autoritas, colloqueretur. Is acciverat Petrum Mariam Roscium Italicis cohortibus Belgico bello praesse solitum, & Galeotum Picum Mirandulæ Comitem. Quum de tota itineris capiundi, faciundæque irruptionis ratione disputaretur, Roscius id maxime iter recta per Æmiliam viam probabat, quò paucis antè annis Caesar Fregosius Guido Rangonus, & Caninius Gonzega ad oppugnandam Genuam contendissent. Futurum enim esse, ut prius Placentiam & Derthonam preterveherentur, quam
40 Vastius pares numero expediret copias, quas ad praecupandum impediendumque iter conferto agmine transitoris opponeret. Anghianum autem cognito sociorum adventu, minime dubitaturum, quin illico partem equitatus, quæ adventantes opportuno praesidio confirmet & excipiat, Tanarum amnem transire iubeat. Altera erat quorudam opinio, aliquanto maturior atque securior: sed quam vel tantulae expectationis mora plurimum infirmaret. Dicebant enim eas omnino expectandas esse copias, quæ Romæ parabantur, iustisque coactis viribus, uno consensu, gravique impetu bellum gerendum.

Quum verò ad Placentiam in una castra pervenirent, si id perterritæ gentis Insubrum fama, & imparati hostis motus deposcere viderentur, superato Pado, rectâ ad Ticinum urbem, & Mediolanum usque signa promoverent: excitò scilicet ad communem victoriæ spem Anghiano. Quòd si vel ille nihil se commoveret, vel urbes Insubrum opinione firmiores forent, tum secundi consilij occasionem sequerentur, & continuato itinere per Æmiliam viam contenderent, coniunctisque viribus cum ipso Anghiano imperatore gerendarum rerum consilium explicarent. Sed Strozza cui omnis tum inepta tum adversa audacibus eius consilijs tarditas erat, se suo usurum consilio & bellum gesturum dixit, illacque perducturum copias suo sumptu conductas, quæ eius suscepti belli Fortuna iter monstraret. Proinde æquo animo perferrent, si non ignarus rerum suarum ab aliena sententiâ dissentiret, & celeritate sibi utendū arbitraretur, quando ipse peculiari suo periculo, quòd salutem, famam, et opes respiceret, sui studij operam insignem regi esset probaturus. Hippolytus hæc Strozza deposcenti, enixeque volenti vel invitus concessit: ratus eum ex arcano consilio quod detegi nollet, nequaquam temerè: sed exploratò aliqua tentaturum, quæ subsequenter copijs Romanis, aperiendæ victoriæ initium præberet. Habebantur interim Romæ, omnibusque Pontificiæ ditionis regionibus militum delectus, pari studio Cæsarianarum & Gallicarum partium, quum utrinque factiosi proceres, Cardinalesque beneficijs obstricti per cuniam proferrent, in neutram partem inclinante Pontifice. Franciscus Vrsinus, magni Pitiliani nepos, & cum eo duo Sanseverinæ familiæ reguli, exules Neapolitani Sommeus, & Capaccius aliquot veteranas cohortes ex factiosis, Guelphoque nomini addictis, instruxerant: parique contentione Martius Columna, & Iulianus Cæsarinus veteres suos milites, partiumque studiosos ad signa vocaverant, magno armorum strepitu in Galliam Cisalpinam properantes, hi ut Vastio laboranti opem ferrent: illi verò ut Strozzeanis copijs iungerentur. Verum Cosmus Etruriæ princeps, expeditione cœliciorumque in Cæsarem studio labantem Mediolanensium rerum statum, & Vastium asperrimis difficultatibus implicitum, opportunissimo tempore, exiit atque firmavit. Is enim post adversam Ceresolæ pugnam perspecto summæ rei discrimine, nihil antiquius habuit, quàm ex templo delectas parare copias, quibus Vastij vires, quæ erant exiguæ atque disiectæ, perturbatosque item metu Insubrum animos Etrusci auxilij nova spe confirmaret. Itaque connecto maximè consilio quid paret, ad Andream Auriam perscribit, postulatque, ut sibi classem viginti triremium ad Etruscum litus mittat, quòd ea auxilia, multo celerius ab Genua Mediolanum, quàm alio itinere, perventura iudicet. Probatur ab Auria consilium, missisque triremibus, duo millia veteranorum peditum imponuntur. Hi summa celeritate Genuam devecti, minimamque sibi ad quietem horam tribuentes, Apœnini iugum transcendunt, incredibili que festinatione Pado, Gravalone & Ticino superatis, Mediolanum magna omnium alacritate perveniunt, adducente Rodolpho Baileono, qui eis obviam ierat, ut singulos ad conficiendum iter hortaretur. Præerant cohortibus Otho Montacutus, Federicusque eius frater, & Iulianus Strozza egregiè viri fortes. Hæc conspecta manus, quòd ex veteranis, notisque militibus constabat, Insubrum iuventuti, quæ iam animos, consilij & opis inops propè desponderat, pristinam spem alacritatemque restituit. Fama enim

enim erat edita in vulgus, ab his qui Gallico nomini favebant, Strozza multo maiores quàm haberet, trahere copias, & Gallos occupata Novaria in Ticino pontem parare, quo paucissimis horis Mediolanum pervolarent. Quibus fallis rumoribus, in tanto tumultu metuque urbanæ res erant, ut nonnulli senatores trepidè vasa colligerent; alij cives opulenti cum liberis & uxoribus se conicerent in fugam, & Vastius ipse perterritis, omnibus egerrimè nomen imperij sustineret. Strozza enim sua usus celeritate, eductis Mirandula copijs, Padum traiecerat, ad Casale maius oppidum: indeque recreatis copijs oppidi commætu, prætervectus Cremonæ mœnia, Abduam amnem iuxta
 10 Castellionem naviculis coniunctis ita superarat, ut in margine ulterioris ripæ erecta statim munitione, primi qui transierant, dum reliqui transveherentur, egregiè sese ab hostibus defenderent. Eo namque Hieronymus Sylva cum duabus turmis equitum, & quibusdam Cremonensium peditum vexillis advolarat, ut Strozzeanos amnis transitu prohiberet. Sed in ea contentione Sylva glande brachium traiectus, ab eo conatu sic discesserat, ut hostes quò velent, nemine qui resisteret invento, iam adesse trepidis agricolarum nuncijs crederentur. Timebat Vastius Laudi Pompeiæ: propterea eò Caldaronem Hispanum cum turma equitum miserat, qui Laudenses in fide contineret.

Verùm Mediolano multo maximè timere cogeatur, quòd cum Strozza
 20 Pallavicinus Vicecomes adventaret, qui apud Insubres tanquam ex veteri principum stirpe ortus, magnas & illustres habebat cognationes, multasque popularium clientelas, quibus inductis & concitatis, tumultus facilè posset excitari in perampla civitate, quæ assiduis ac intolerandis tributis alienata, parata credi poterat ad novandas res, ut invisum & prægrave Hispanici imperij iugum excuteret. Sed postquam Rodolphus Baeonius, ad quem antea Cosmus ad reparandam alam dono pecuniam miserat, Etruscis cohortibus obviam profectus, redire atque adducere magni roboris auxilia nunciatus est, deferbuit in populo conceptus timor & trepidatio, mira que tranquillitas urbi dudum attonitæ reddita est. Nam callidè & compositè Baeonius cohortes certis flexibus iterato circumductas, ut amplioris multitudinis speciem facerent, ea ordinum celeritate populo avidis oculis spectanti gratulantique ostentarat, ut tanquam conservator publicæ salutis à quibusdam primoribus appellaretur. Quibus rebus cognitis Strozza, quòd Etruscarum cohortium celeritate se victum videbat, nec sese populus, uti sperasset, commovere sentiretur, inanesque omnino Pallavicini exulis spes esse conspiceret, ad lævam deflexit, Lambrumque amnem subitario ponte iunxit, eo quidem indignantius & properantius, quod Anghianum, secus ac eum facturum crediderat, nihil sese in earum occasione provehere: sed Cariniano lentè obsidentem inefficacius & pertinacius quàm oporteret hæerere didicisset.
 40 Is namque paulo antè præclarè audenti, atque expedita inferenti arma literis ac nuncijs significarat, se nullam rei ex composito bene gerendæ occasionem esse prætermitturum. Interim Vastius explorato, animadversoque hostium itinere, multum diverso ab eo quod antea fuerat suspicatus, tanquam liberatis metu Insubribus, lectica sese efferri iubet, eductisque copijs Lannoium cum equitatu ad Belgioiosium oppidum præmittit: pedestres vero copias administrante Cæsare Mafio idoneis in locis, quæ hostis impetum sustineant, & motum observent, properè disponit, leviamque passim prælia ab ex-

traordinarijs committi iubet. Sperabat enim se hostem magnis inclusum fluminibus, raptoque tantum sese alentem planeque irretitum, nullo negotio deleturum. Tum verò Strozza, qui ad Orium vicum castra habebat, proviso rerum suarum periculo consilium quod necessitas afferret, repente commutat, & ad Padum soluto Lambri ponte, ne per eum hostis insequeretur, signa convertit. Id iter concepti timoris plenum, tumultuosæque fugæ simile, ac exitu perniciosum videri poterat, nisi Petrus Aloysius Farnesius è Placentia aliquot lintres ad parandum transitum peropportune atque amicissimè suppeditasset, sicut eius matura opportunaque ope Strozza sublevatus summum quod instabat salutis discrimen evaserit, quum ex adverso Vastius oblatam delendi hostis occasionem insperato effugio sibi ereptam frustra quereretur. Erat eo tempore Farnesius alieno erga Cæsarem animo, quod à patre Paulo Pontifice, Parmæ atque Placentiæ princeps & dynasta constitutus, nunquam id Pontificium munus vel in gratiam Margaritæ filiae enixè orantis Cæsar Augustali auctoritate confirmare voluisset. Hæc enim gemellos pueros rara felicitate, in spem aviti principatus Octavio pepererat, durioresque in ea re concedenda patrem Cæsarem fuerat experta. Sed in Farnesio irritæ petitionis dolorem mirum in modum augebant multa adversa, quæ de Cæsaris animo nusquam sibi propenso nunciabantur. Nunquam enim eum vel in præscriptione litterarum, vel in legatorum colloquijs honestiore titulo ducem aut principem appellare voluerat, ne vel inanis tituli præiudicio imperatorij iuris auctoritatem abrogare videretur. Qua contumelia offensus studium suum ad Gallicas partes convertisse credi poterat, non ignaro, aut dissimulante Pontifice, qui in omni actione Tridentini cōcilij Cæsarianos præsides Pontificiæ dignitati graviter maligneq; adversos extitisse cognovisset, & Britannici foederis contumeliam subamaro animo toleraret, Cæsare id totum de Paulo, Farnesioque facile suspicante, cum aliquot in rebus nequaquam levissimis, tum eo præsertim lintriumbeneficio in Strozzam collato gravissimè perstrictus, parem iniuriam Fornesio aliquando se relaturum palam dixisset. Cæterum Strozza circa Placentiam recepto, multis ex numero suorum militum dilabentibus, Pitilianus, qui erat Farnesio arcta propinquitate coniunctus, sese cum Romanis, quas adduxerat copijs Strozze coniunxit, ut secunda suscepti belli consilia, postquam eos prima fefellissent, novo consensu sequerentur. Coniunctis apud castellum sancti Ioannis in una castra copijs, Strozza ad Padum se convertit, occupatoque Rivofredo oppidulo, quod est Padanæ ripæ finitimum, traiecturi speciem præbebat, ut hostes distineret & falleret. Nam eum Vastius Pitiliani auctum copijs, confusumque Placentinorum navigijs, id ausurum non temerè suspicatus, adiuncto sibi cum equitatu Philippo Lanoio, & adducta Germanorum & Hispanorum manu ad tuendam Padi ripam, è Ticino sese contulerat (præmissis antea Salernitano cum reliquis copijs ad vicum, qui antiquitus, nō procul à Clastidio, Iterobvium appellabatur: hodie verò Stratellæ nomen habet, Æmilie viæ impositum) eo consilio, ut Salernitanus, ubi arctior est via, aditu conciso præseptoque transversam munitionem erigeret, tormentisque in ea constitutis adversarios illac perrumpere audentes deterreret, & locum hosti iniquissimum summa suorum securitate tueretur. Eius institutæ rei negotium Salernitanus ita opportunè atq; celeriter exequutus est, ut Strozzam cuncta explorantem suscipiendi eius itineris tota spe deijceret; proptereaque hostis

multum

multus versaretur in simulatione trañciendi amnis, quum ad ripam semel atque iterum signa verteret, & rursus copias in castra reduceret, utpote qui per asperos montes ad lævam secundum Apœnini radices agmen ducere decrevisset, quod omnino insanum arbitraretur, vel Salernitani munitiones aggredi, vel contemnere insequuturi hostis equitatum, si per loca plana id rectum iter esset habiturus. Itaque provisis quatuor dierum cibarijs, silentio noctuque se proripuit in montes, arduumque iter Placentinis usus ducibus insigni studio & tolerantia militum per impeditissimas convalles, & confragosa collium iuga, triduo confecit, sæpe lacesitus in tergo, & in lateribus ab his qui Salerni-

10 tani iussu abeuntium vestigijs institerant. Is enim cognita hostium profectio-
ne, Cæsarem Massium & Rodolphum Baleonum, qui novissimos consectarentur, Sfortiamque item sanctæ Floræ Comitem, & Sfortiam Pallavicinum, qui notis tramitibus, altioreq; circuitu hostes antecederent, & circa saltus demorari, retardareque contenderent, cum expeditis equitibus & sclopettarijs præmiserat. Ipse vero, ut imperarat Vastius, recto viæ militaris itinere Vicum Iriæ & Derthonam prætervectus, ægrè raptatis atque demulsis cohortibus, quæ tot itineribus fatigatæ certa stipendij subsidia flagitabant, tertijs castris ad Scriviam flumen pervenit. Id ex Apœnino præceptum datum, ubi Liguriæ rupes desinunt, ad Saravallē oppidum, uti per plana loca diffusius vadabile se præbet, innominatumque antiquis scriptoribus, ab uno tantum Paulo

20 Diacono Scrivia vocatur. Iam Strozzeana vexilla conspici, appropinquareque cœperant, quum Lanioius cum suo equitatu Salernitano se coniunxit, & ij qui per montes persequuti hostes fuerant, e iugis ad castra descenderunt. Nec mora levibus & tumultuarijs prælijs certari cœptum est. Quum vero Strozzeanæ cohortes amnis vadum superantes ad accliviam vineta metu equitum se subducerent, & lentior ad vada amnis esset pugna, Cæsarianæ aliquot cohortes proximum hosti collem occuparunt. Id non ferentes Strozzeani, eas usque adeo vehementi impetu adorti sunt, ut neque consistere, neque vim sustinere possent, & compulsi in fugam tormenta duo amissis signis deserere

30 cogerentur. At Strozza secundo suorum successu, tanquam oriente victoria maximè lætus, cohortante Matthæo Forosemproniano præfecto audaci potius quam perito se continere non potuit, quin e vinetis erumperet, ingeminatæque victoriæ clamore edito Petiliani agminis præfectos admoneret & accerferet, ut cum phalange postrema subsequi intento passu, & cœptæ victoriæ adesse vellent. Pitilianus ipse in crure, suo an alieno gladio incertum, graviter vulneratus, Placentiæ substiterat, sic ut apud eius copias non unus, sed plures imperij authoritatem obtinerent: nec peritioribus præfectis, sed honore præstantibus regulis milites parerent. Quamobrem exaudito victoriæ clamore, quanquam Sommeus atque Capaccius densata phalange, eundum

40 esse ad vineta præciperent, novi milites contineri nequiverunt, quin dissolutis ordinibus procurrerent, extenuatoque agmine hostium equitibus occasionem irrumpendi præberent, cui non defuit Salernitanus increpitis equitibus, qui aliquandiu infami segnitie cessatores neque equos tanquam fessos acriter incitare, neque alacriter phalangem adoriri voluerant. Quando (inquit) acceptam dudum ignominiam prælio Ceresolæ aliquo forti facinore abolendam existimabitis? si hanc fessi hostis laxatis ordinibus raram aciem ex transverso non invaditis? Erubuit eques, & extemplo vehementer equos

incitavit, irrumpenteque ante alios Bartholomæo Græco Volaterranæ stirpis Baleoni alæ præfecto, prærupta est hostilis acies malè cohærens: invadenteque demum ex omni parte equitatu, & consequentibus cohortibus tota sædè profligata dissipataque est, eo eventu, ut paucis occisis, integri ferme omnes caperentur, renovata memoria incruentæ patrum nostrorum militiæ: nam Italus clementer deditis parcebat, spolio contentus. Nec aderant Germani Hispanive, quorum sævas manus cædibus gaudentes, pauci effugissent. Bona quoque sorte Sanseverini proceres Sommeus atque Capaccius exules Neapolitani, qui capitis non dubium discrimen adibant, dimissi sunt, quum quisque miles Vastio & Salernitano sanguine coniunctos, humaniter potius dimittendos, quàm severè ad necem deterrimam externo iudicio tradendos existimaret. Vnus omnium nobilissimi sanguinis, & summæ spei indolis adulescens Vlyxes Vrsinus in acie glande traiectus cecidit. Ipse Strozza cum Nicolao Pitiliani filio, Flaminioque Anguillario in fines sociorum Gallorum proximos evasit, sæpe detestatus Telsij segnitiam, non obscura malignitate coniunctam, qui uti promiserat, alam equitum è proximo Montisferrati oppido sibi obviam non misisset: eius enim equitum præsidio fama que hostes deterreri, superarique potuisse multi prædicabant. Sed Telsius neque alam summittere sine pedestri subsidio, neque idcirco è suis castellis, tanquam paratis ad defectionem, præsidia deducere volebat. Cæterum rapaci in homine, expilandisque Montisferrati populis intento, publicum commodum privati quæstus messis opima superabat, quàm adventu tot Italicarum cohortium steriliorem sibi obventuram iudicaret. Nec multo post Strozza, qui in adversis invictos spiritus gerebat, experiri iterum Fortunam inulitata, sed felicitè meritate constituit. Confluentibus enim ad eum ex fuga militibus, conquisitisque multis equis, & nemini communicato consilio, quod tutum sua celeritas faceret, inopinantibus hostibus rectà per Æmiliam viam Placentiam est regressus, quum rubræ crucis insigne militaribus sagis insuisset, ut passim iter habens, Cæsarianæ alæ speciem præberet. Eo modo accelerans, nec usquam conquiescens, ita obvios quosque insolita ora mirantes fefellit, ut mox non obscure à quibusdam pro hoste notatus & agnitus vix sesquihoræ spatio è manibus persequentium multo sudore fatiscentibus equis elaberetur. Is ad Placentiam receptus, milites colligere, suoque sumptu cohortes scribere cœpit, vel id consilium nequaquam probante Anghiano, qui sollicitus de Gallici belli eventu, quando iam Cæsar & Henricus terrarumque ex composito valida inferrent arma, nihil ultra tentandum perspecto Strozzeanæ expeditionis fœdo exitu iudicaret. Sed Strozza nihilo secius pertinaci incitatus studio sublevandam novo ausu partium Fortunam ratus, inefficaciaque Gallorum ducum consilia, nec ea quidem usquam tempestivè satis explicata despiciens, collegit copias, inulitatisque tramitibus per Ligustica saxa, ad Montoculum Flischorum castellum eas perduxit, atque inde com meatu adiutus in Pulciferam se dimisit vallem, eo tutius atque facilius, quod sese Genuenses in neutram partem commoverent, pacatumque iter transeuntibus præbere montanos Ligures iuberent, graviter id ferente Figaroa Cæsaris legato, qui civitatem eos, quos Cæsar inimicos duceret, pro hostibus habituram persuasum habebat. Eo enim tempore senatus Genuensis Gallicum nomen, quod id negotiationibus, & mercaturis, ipsorum navi-

navigantium magnopere conducere, amicè colendum esse statuebat. Itaque Strozza intra Gallica præsidia sine ullo incommodo penetravit, Albamque Pompeiam adortus eiectione Capinio Mantuano, qui urbi præerat, in potestatem redegit, amisso ibi Matthæo Forosemproniano, quem intempestivo hortatu suo victoriam corrupisse ad Scriviam supra docuimus. Hisdem diebus, quibus Strozza conscribendis cohortibus erat intentus, ut acceptum ad Scriviam detrimentum aliqua ex parte refarcire conaretur, Ioannes Vega Hispanus ad Vastium ab Vrbe pervenit, ut collegæ nomine administrandis rebus esset adiutor. Is apud Paulum Pontificem Cæsarianæ
10 legationis munere fungebatur, vir efficax, & severè gravis, & quod Republicæ intererat, partium maximè studiosus. In conscribendis enim Italicis cohortibus, quas diximus, conquirendaque pecunia, enixè operam dederat, ut Vastio certa spe auxiliorum maturè confirmato Cisalpinæ Galliæ succurreretur. Discesserat demum à Pontifice alienato planè animo, quod illum à Gallica amicitia non abhorre, Cæsaris incommodo atque periculo latri, eumque gravibus diversis belli difficultatibus implicari, præmiq; percipere crederet. Eius adventus quanquam Vastio parum gratus, & Salernitano præcipue gravis non obscura honoris obtreptione videretur: tamen in
20 unum communicatis consilijs Cæsaris causa consenserunt: Vega se apertior rem & æquior præbente quàm crediderant. Præferebat enim ingenium more gentis elatum, & vultum ab Italica comitate prorsus alienum: sed qui suas partes inspiciendis præsidijs & parandis comitatibus diligenter obibat. Neque tamen Strozzam per Apœninum evadentem impedire, neque per præmissas cohortes & equites eum consequi potuit, quanquam ex Strozzeanis multos dilabi, ducemque deferere ex itinere coegisset. Convertite demum Vega ad oppugnandum Anxianum oppidum, quod eo eventum expugnatum est, ut oppidanos ad unum omnes cum præsidio trucidari sine-
30 ret, sævas manus ad eam cædem præbentibus Hispanis & Germanis, qui servatos ad Scriviam hostes ab Italis nequaquam eo die sanguinarijs, ægerri-
me ferebant. Vega quoque eius cruenti facti sævitiam invidiosa severitate cumulavit, quum deditos præfectum præsidij, & signiferum cum centurione, nonnullisque militibus Insubri nominis, ad subgrundia porticus laqueo suspendi iussisset, quod aliquanto pertinacius & insolentius quàm deceret adversus Cæsarianos tanta vi oppugnantes propugnassent: victique demum extrema necessitate sese ad arbitrium victoris dedere, quàm in ipso suscepti conatus vestigio constanter interfici maluissent, sic ut Itali iniquis animis eam Hispani novi ducis acerbiter ferrent, quando n̄ qui sese perseverantius pugnando cum fidei, tum militiæ decus tueri vellent, inhumano prorsus more latronum supplicio punirentur, & eo quidem indignantius, quod ipso-
40 rum cohortes post diu oppugnatum murum ex ipso cruento conatu Vega revocasset, ut succedentibus Hispanis, qui recentes & integri fuissent, expugnati oppidi laus, ipsaq; præda omnis pararetur. Sed Vega severioris eius facti inclementiam eo nomine excusabat, quod transfugas et exules apud Gallos stipendia facientes, tanquàm Cæsarianæ ditionis iusta pœna damnandos iudicasset. Ab hoc etiā terrore hostibus resistere paratis illato, Vega Andesana oppidum sine vulnere recepit, ob idq; gratiæ ei actæ sunt ingentes a Carolo Sabaudio: quoniam ipsum Vercellis comorantem, propinquos urbi Gallos hostes;

& perpetuis incurſionibus infeſtoſultus, utroq; erepto oppido, in reliquum
 tempus non obſcuro metu, & ſumptuoſa cura liberaffet. Nec multo poſt his
 rebus geſtis Vega ad ſuum ſuſceptæ legationis munus Romam eſt reverſus,
 ipſo Vaſtio diſponente præſidia, & Carinianæ obſidionis ſucceſſum, Anghia-
 niq; motus obſervante. Nec multis inde diebus Pyrrhus extrema alimento-
 rum inopia compulſus, honeſta conditione Anghiano deditiorem fecit, ita
 annuentibus Germanis pariter & Hiſpanis, quos diu ſpe eruptionis ſuſtenta-
 tos, in officio continuerat. Ea autem re tranſacta Vaſtius Pyrrho vehementiſ-
 ſimè ſuccenſuit, quaſi falſo ſibi enunciata cibariorum omnium penuria ſolici-
 tus & properantius quàm neceſſitas periculoſæque prælii aleæ caſus flagita- 10
 rent, ſibi opem ferri poſtulaffet, importuno maxime tempore, coeloque plu-
 vio, quibus tantum Cæſarianis partibus incommodum eſſet acceptum. Qua-
 draginta ſiquidem amplius dies, poſtquam ad Cereſolam fuerat dimicatum,
 obſidionem tolerarat. Quo ſpatio citra periculum inedia concedo, maturius
 & apparatius opem ferre, & cum hoſte conſtigere potuiſſe Vaſtium appare-
 bat. Verum priores difficultates nova plenioris com meatuſ copia ſuſtulerat:
 reperta quidem in reconditis abſtruſiſq; oppidanorum horreis, ſatagentium
 & cuncta ſcrutantium militum diligentia, quanquam Vaſtius ex dolore ac-
 cepti detrimenti ſuccenſus, eam Pyrrhi ſatisfactionem ægre acciperet, eoque e- 20
 tiam gravius, quod eduſta eſſe Cariano multa iumenta didiciſſet, quibus occi-
 ſis totius abſumptæ frugis defectus tolerari potuiſſe crederetur. Cuius rei opi-
 nionem præclare confirmabant obſeſſorum vultus, nequaquam uti ab inuſi-
 tatis cibis accidere ſolet, ulla macie, aut inſolito pallore deformati, quum gre-
 garij etiam milites ora ſaluberrimi coloris præferrent. Hiſ vero conditionibus
 deditio facta eſt, ut Germani in Germaniam continuo redirent: Hiſpani extra
 veteres Subalpinæ ditionis fines, quò vellent, demigrarent, neq; intra quartum
 menſem Cæſare militarem operam præſtarent. Pyrrhus ipſe ſub fide dimiſſus,
 ad Franciſcum regem in Galliam ſtatim proficiſceretur, & ab regia clementia
 libertatem peteret. Bellicus vero apparatus omnis, qui Cariniani eſſet, Gallis
 cederet. Eo modo Pyrrhus à Gallis Cherium deductus, non multo poſt ad re- 30
 gem ſe contulit, à quo ſingulari humanitate ſuſcipitur: nam Franciſcus vel in
 hoſte veræ virtutis admirator facile eum ad liberale ſtipendium invitavit, ab-
 nuentem affecit donis, & ut tranſiret ad Cæſarem, poteſtatem fecit. Sed præ-
 ſectus Hiſpanorum, cui cognomen fuit Sanctus Michael, nequaquam ſyncera
 fide conditionibus ſtare viſus eſt, quòd nonnulla à Gallis ſibi violata fuiſſe di-
 ceret: atque ita connivente Vaſtio, ſecundo deveſtus Pado, ad Brixellum A-
 teſtinorum ditionis cohortes expoſuit, expeditiſque tormentis oppido ita po-
 titus eſt, ut præſectum oppidi cognomine Bellingambum tormentis extrucia-
 ret, & oppidani gratuito uberioreque convictu Hiſpanos alere cogereſſent.
 Hoc indulgiſſe Vaſtius non invitatus credi potuit, quòd eius oppidi copijs co- 40
 hortibus alendas putaret, atque odium in Cæſarem Hippolyti Ateſtini Cardina-
 lis ulciſceretur. Is namq; Gallicas profeſſus partes, omnibus rebus Strozzi ad-
 iuverat. Hiſdē ferme diebus, quibus hæc inter Cæſarianos & Gallos in Subalpi-
 na regione geſta ſunt, honeſto pioq; cōſilio rex Frāciſcus Barbaruſſa cenſuit di-
 mittendū. Barbarus namq; ſibi ſatagere, undiq; prædari, neq; otium pati ſolitus
 querebatur, ſe nō ſine cōtumelia ſui nominis retineri, utpote qui neq; Gallo u-
 tilis, neq; Cæſari hoſti infeſtus foret, et ſibi opportunū ad navigandū tempus e-
 12bi

elabi prædicaret, quo minus flantibus Etesijs Byzantium reverti posset: id eo-
 que excludi prorsus reditu, nisi discedere maturaret. Accedebat ad hoc regij
 promissi fides, qua eodem anno ad Solymantum se rediturum fuerat pollici-
 tus. Ea porro mora Gallis inutili, sibi que damnosa emarcescere ignobili ocio
 remiges, hebetari navalem disciplinam, & sub alieno cœlo Turcas inortiferis
 morbis absumi, cōvitiosa voce dictitabat, addens si iuberetur, & rex Cæsari im-
 placabili suo hosti in Galliam irrumpenti æquo iure nocendum putaret, se pa-
 ratum fore, ut expedita & strenua excursione totius Hispaniæ oram summis
 ferro atque igne illatis detrimentis, à primo Pyrenæi promontorio, ad Gad-
 10 tanum usque fretum pervastaret. Id consilium rex ab insita sua pietate prorsus
 alienum, quanquam amicissimè oblatum continuo repudiavit. Cur enim
 Christiani nominis gentes nihil tale meritas, parentesque tantum imperio Cæ-
 saris, immanibus Barbaris delendas concederet? Cur in hoc tam atroci facto
 sui vetusti cognominis oblivisceretur? Cur denique usque adeo detestabilis &
 impiæ cladis invidiosam sibi, & posteris memoriam relinqueret? Admone-
 batur quoq; rex ut provinciæ incōmodis ac oneribus finem imponeret, quod
 Barbari lignatū euntes, non modò consita vastarēt: sed vagos etiam homines
 insidiosè corripere, et ad transtra cathenare dicerētur. Itaq; in supplementum
 20 demortuorū Turcarum cōdonavit ei rex Turcici Puniciq; nominis servos o-
 mnes numero ferme quadringentos, qui essent Gallicis in triremibus ad remū
 damnati, ipsoque instructe omni genere commeatus: multa que insuper mu-
 nera in ipsum Barbarussam congerente, Ottomannica classis oram solvit: te-
 nuitque rectà cursum à Leronijs insulis ad Vada Sabatia, qui est portus Savo-
 næ propinquus. Ibi ab Genuensi senatu multa tela serica, multisq; recentibus
 cibarijs benignè donatus est: indeque exiens professus se in Liguria nemini no-
 citurum, ad Iluam insulam contendit. Vbi verò appulsa est tota classis, Barba-
 russa literas ad Appianum, eius insulæ Populini que regulum, in hanc senten-
 tiam perscripsit. Scio apud te servire adolescentem Turcam, Sinæ præfecti tri-
 remium cognomento Iudæi filium, iam pridem Tuneti captum. Hunc velim
 30 ut amicè restitutas, quod munus ostendam mihi fuisse gratissimum. Nam hæc
 nostra ingens classis dum prætervehetur ab omni hostili iniuria & maleficio
 integra fide temperabit. Quod si mihi obsequi hac in re gravaberis: scito eam
 cladem in ora ditionis tuæ esse expectandam, quæ ab infensissimo hoste infer-
 ri possit. Ad eas literas Appianus ita respondit, ut dissimulare metum ostenta-
 tis in muri corona armatis hominibus, & munitioni loci confidere videretur,
 diceretq; se quo minus petenti obtemperaret, prohiberi religione, quod ado-
 lescentem Christianis initiatum sacris sine piaculo tradi non posse sacerdotes
 confirmarent. Cæteris autē in rebus cuncta humanitatis officia transeunti præ-
 stitutum, & iuvenem nequaquam servi, sed filij loco ab eius commendatione
 40 semper habiturum. Addidit etiam munera recētis commeatus, quibus minus
 grati responsi sui conditionem leniret. Hæc ubi à legato suo renunciata sunt,
 Barbarussa vehemēter iratus Appiano, quod cunctātus & perplexius, quam
 ipse cuperet, respondisset, occupatis cunctis insula litoribus, ut milites descen-
 siones facerent, & ad prædam discurrerent, pronunciavit. In Ilua, quæ Æthalia
 etiam dicitur, gemini sunt portus, procurrente inter ambos enormi quodam
 concili litoris anfractu, ad latioris isthmi similitudinē, cuius dextra pars in ob-
 longā ex porrecta frontem promontorium efficit, iuxta Magnetis rupes, quod

caput Liberum incolæ vocant. Huic introrsus subiacet portus, quantumvis magnæ classis capax, sed Vulturni & Euronoti flatibus expositus. Is propter sinus hiantis longitudinem, Longonis nomen obtinet. Alter vero in diversa insule parte, qui olim Argous fuit, & hodie Ferrarius vocatur, vergit ad septentriones, & adversam Etruriæ continentem spectat, contra Baractum antiquæ Populoniæ portum: Longone quidem tutior, atque nobilior, vel ob id, quod adunco molliori, pelagi sinu profundissima atque optima vel octoginta triremibus statio arctis adeo faucibus includitur, ut cathena adversus omnem impetum præcingi possit. Binis quoque editis arcibus latè maria spectantibus, & portum aptissimè protegentibus, quas hodie Cosmus Medices opportuno inaccessæ utrinque rupis supercilio imposuit. Harum alteram ab ipsa radion ædificij figura Stellam, alteram ab excelsa structura Falconem appellavit, ut portus usum Barbaris prædonibus metu imminentium tormentorum eripiat: eo etiam graviore consilio, quod magnis circumductis operibus per amplam coloniam ad tuti celebrisque emporij nomen condatur, maxime salubri in loco, piscosoque litore, ad quam incolis omnibus conspecto hoste tutissimus sit receptus. Primum omnium Barbari oppidum, Caput liberum de proximi promontorii nomine vocatum, ea celeritate aggressi sunt, ut oppidanos ferme omnes interciperent, effusi que undique ad prædam incolas frustra in rupes senticosas, & nemorosa loca fugientes, venantium more consectarentur: conversique inde ad Vulturium excelsum prærupta in caute castellum, missilibus frustra tentarunt, lateque munita loca prædati ad classem redierunt: qua suorum calamitate nunciata Appianus, ne eius insulæ, quæ sibi ferrariæ secturæ, multarumque rerum uberrimum vectigal præbet, supremum excidium lugeret, consilium mutavit, redditoque adolescente pacem redemit, non temerè iudicans se tantæ classis vim non esse laturum, si irati Barbari imperus esset expectandus, quanquam Cosmus integræ cohortis præsidium sibi præmisisset, id cum publicæ causæ faciliè tribuens, tum privatæ item amicitiæ, quæ Salviata ipsius matertera in Appiani matrimonio esset. Itaque recepto adolescente Barbarussa ab reliquis insulæ oppidis & maleficijs abstinens, adolescentem, quem Salecus adduxerat, Italica insigni adornatum veste, tanquam fortissimi viri, veterisque sodalis sui filium, paterna caritate complexus est, gratiasque agens Appiano promissi fidem nusquam ei postea iniurius implevit. Hunc adolescentem honoris causa septem triremibus præfecit, sic ut postea mitteretur tanquam postliminio redditus ad patrem Sinam usque, ad Suetiam Rubri maris portum, Memphi urbi propinquissimum, qui antiquitus Arsinoes fuit. Ibi enim Sinas propter navalis discipline peritiam, magnumque usum in re militari ædificandæ, adducendæque in Indiam classi adversus Lusitanos à Solymano fuerat præpositus. Verum senex inexpectatam singularemque ex recepto filio lætitiā diu sustinere non potuit, quum præ gaudio supremum animæ deliquium incurrisset. Erat Sinas, ut sæpe alibi diximus, ipsi Hariadeno opinione virtutis ferè par & ætate æqualis: prudentia verò æquitateque iudicij faciliè superior, vel ipso captivorum testimonio, qui eum Barbarussa, uti sæpe iracundo atque acerbissimo, mitiorem dominum experti fuissent. Interim Cosmus per Græcum speculatorem, quem opimo stipendio in ipsa Barbarussæ nave prætoria diu aluerat, de profectiōe, arcanisque etiam Barbari consilijs certior factus, sicuti Etruriæ principem deceret, frequentibus literis Seneca-

nenſes admonebar de adventu Turcarum claſſis, hortabaturque ut quàm maxima poſſent præſidia per oram ipſorum ditionis accuratè diſponerent, ne aliquod repentino Barbarorum impetu detrimentum acciperetur, quod Barbaruſſam inhiare Etruſcæ oræ portubus, & tutam ſibi ſtationem in Italia parare velle didiciſſet, Gallorum maximè hortatu, impulſuq; etiam Leonis Strozæ, quem rex Franciſcus cum aliquot triremibus Barbaruſſæ comitem dederat, una iturum cum munere legationis ad Solymanum. Propterea ad averſendam communem immanium hoſtium perniciem, quaſi ſe haberet paratas peditum atque equitum copias illis offerebat, ſi eas intra fines reciperent, ut
10 eius oræ litoribus, atque hoſti quum expediret, eſſent propinquioreſ. Coſmus namque communicatis cum Stephano Columna conſilijs (hunc enim Etruſcis omnibus copijs præfecerat) in ſpem veniebat Turcas, ſi deſcenſiones facerent, ſubito atque inexpectato impetu facilè repelli ad naves, inſignique illata clade perturbatos, in mare detrudi poſſe: quoniam tormenta triremium nulli uſui futura viderentur, quæ niſi pari cum periculo in permixtos expediri, diſplodique nequirent. Sed Senenſes nuſquam ſibi tempeſtivè conſulentes, uti homines natura ſuſpicaces, veriſque & antiqui Florentini nominis hoſtes, ea tota conſilia atque præſidia repudiarunt, quòd finitimorum valida arma intra fines recipere minus tutum putarent, ſtultaque ratione proprijs vi-
20 ribus Barbaro reſiſti poſſe conſiderent. At Barbaruſſa Ilua excedens, Telamonemque delatus, expoſitis illico tormentis oppidum adortur, iuxtaque arcem qua murus erat debilior, magna pinnarum ſtrage edita ingreſſum ſui parat, quo periculo territi, qui exiguo præſidio præerant Hieronymus & Ambroſius cum Verdone centurione perforato muro ad adverſam oppidi partem effugere conantes, a Turcarum circumfuſorum corona capiuntur, oppidumque ita diripitur, ut Barbaruſſa in domum Bartholomæi Telamonij igne deſcenderet, ſepulchrumque eius paulo antè deſuncti violatis oſſibus diſſiceret, quòd is ſuperioribus annis Pontificiarum præfectus triremium prædabundus ad Leſbum inſulam uſque proſectus, Mitylenæum agrum, pater-
30 naſque Barbaruſſæ poſſeſſiones evaſaſſet. Eadem vi celeritateque Barbari introrſus a litore octo millibus paſſuum diſtans, Monteanum oppidum noctu pervenère, Monteanenſesque ad unum ferè omnes miſerabili captura oppreſſere, ſic ut pauci tantum aratores & agricolæ, qui in opus exierant ſervarentur. His nuncijs territi Senenſes, quum Barbaruſſam ad Portus Herculis, oppidum imperitè invalideq; munitum, contendere ſerò providerèt, Ioannem Lunam urbis præfectum cum manu Hiſpanorum, & tumultuarijs civium cohortibus, ad mare deſcendere iuſſerunt, & quòd hæc præſidia infirmiora, quàm periculum flagitaret fore perſpicerent, ad Coſmum tandem confugere coacti ſunt, atq; ita Ambroſius Nucius legatus, mutatis ad celeritatē equis, ad Coſmum con-
40 tendit, poſtulavitq; ut rem Senenſem in ſummū adductam periculū & prope oppreſſā, celeri ope præbita ſublevaret. Coſmus etſi eos indignos putaret auxilijs, qui nuper ſecus ac oportuiſſet, tanquā ſuſpecta repudiaſſent: tamē ne rei. que religionē & Cæſaris commodū ſimul reſpiceret, de eſſet, ad dignitatē Etruſci nominis, obliſcendū ſub agreſtis contumeliæ, & opem maturè ferendam cenſuit, ſic ut ſtatim Stephanus Columna cohortes deduceret, et feſtinādī cauſa Cepinius Vitellius cum duabus turmis equitum, & expeditis ſclopettariorum cohortibus præmitteretur. Sed interim Barbari ſingulari uſi diligētia atq;

incredibili artificio eductis in præaltam rupem tormentis suppositam arcem,
 ipsumque oppidum tanta vi diverberarunt, ut Carolus Minutius Senensis, et
 Coranza Hispanus inusitato summæ cladis periculo territi, cum præsidio in
 servitutem se dederent: oppidum incenderetur à Barbaris, & Chisianæ magni-
 ficentissimæ domus delitiæ vastarentur. Chisius enim Senensium vir elegan-
 tissimus, qui summæ opulentæ erat publicanus, hoc oppidum operosis ædi-
 ficijs exornarat. Fumante autem oppido Luna serus advenit, & quum amisso
 deflagrantiq; oppido opem ferre non posset, in oppidum Orbatellum, quod
 in palude media situm est, se intulit. Is locus admonet, antiquis parum celebra-
 tus, ut regionis faciem brevi descriptione legentibus ostendam. In medio fere
 totius Etrusci litoris spatio à Tiberi ad Macram nullum omnino maius atque
 porrectius promontorium visitur ipso Herculeo, quod hodie Argentarium
 vocant. Id præcis undique cautium lateribus ita exurgit, ut tanquam naturæ
 circino circumductus sese reflectat introrsus in geminos sinus, qui cervici ex-
 tentæ, qua continenti iungitur, aptissime cohærent, & humani capitis affixi
 trunco, corporis figuram exprimunt, non secus ac Peloponnesus Corinthiaco
 isthmo Achaïæ connexus cernitur. In his cavis sinibus utrinque ad continen-
 tis humeros patefcunt gemini portus: ad ortum quidem Solis, qui Herculis vo-
 catur: ad occasum vero Stephanus, ab antiqua æde sancti Stephani sic voca-
 tus. In summo autem promontorio, planicies lætissimi prospectus, purgatissi-
 miq; aeris fontibus scatens, olea & palmis, lauro & myrto convestita, in
 spatium centum ferme stadiorum expanditur, condendæ prorsus magnæ &
 perbeatæ urbis sedem ostendens, si regibus nostri seculi inesset laudis amor
 & extendendæ famæ studium, uti olim id in Græcis atque Romanis, Gallisq;
 Transalpinis viguisse perspicimus. Quando duo tutissimi portus, ad omnes
 mercaturæ invectiones fructuumque exportationes commodissimi, & ager
 intus frumentarius, & uberrimæ alendo pecori pastiones, sylvæque cæduæ,
 & vitiferi colles urbi nondum conceptæ, neque unquam fortasse nascituræ,
 rerum omnium copiam, & non dubiam toto anni tempore fertilitatem re-
 promittant, & supra hæc benigno naturæ munere argentarijs fodinis ditescere
 re possit, quum etiam in tergo piscosissimo lacu inter utrumque portum dite-
 tur. In hoc lacu, qui à quibusdam olim Prilius fuisse putatur, situm est media
 in insula oppidum Orbatellum angusto ponte continenti iunctum, contra om-
 nem prædonum & hostium vim munitissimum. In id, uti diximus, Luna
 cum præsidio se contulerat, Barbarussa que invasurus credebatur, quum ab
 expugnatione oppidi Portus Herculis nihil eius peritiæ & violentiæ imper-
 vium fore constaret. Iam enim cæsa materia parabat rates, quibus maiora tor-
 menta oppido admoventur. Qua re animadversa tantus Lunæ præsidioque
 incessit timor, ut uno consensu, desperata defensione, inde perfugere cogita-
 rent, & nemo vel Senensium civium, quibus imperare poterat ex senatus
 authoritate Fantocius Senensis, consistere auderet. Sed hunc terribilem me-
 tum opportune sustulerunt adventantes Cosmianæ copiæ, præeunte Vitellio,
 qui intravit oppidum, moxque uti erat vir impiger, in hostes in litus expo-
 sitos cum ipso Luna erupit, sicut productis equitibus & sclopettarijs hostes,
 præsertimque Strozzeanos, qui audacius in litus exierant, in mare propel-
 leret, & qui scaphatim accedebant Turcas descensione prohiberet. Quam-
 obrem Barbarussa, quod sibi ab armato equitatu, quem turmatum augeri con-
 spiciebat

spiciebat; militaribusq; cohortibus quæ sub signis in conspectum se dabant, non temere cauendum existimaret, & capta iam pascim multa præda satis in Etruria profecisset, ad Igilium se conuertit. Hæc insula suauissimo uino celebris duodecim milliaribus à portu distat. Itaque extemplo facta descensione, ac expugnato tormentis oppido, magnum numerum omnis sexus & ætatis mortalium in seruitutem abduxit. Hoc subito, ac propè inexpectato Barbarorum discessu Orbatellani non præsentis tantum timore, sed grauioris etiam futuri incommodi suspitione liberati sunt: quod Barbarus suo pte ingenio peracutus, edoctusque impiè à nostris hominibus, uti quibusdam rerum peritis facile ausurus credebatur, ibi sedem minime figendam iudicasset. Cur autem rei aggrediendæ perficiendæq; occasionem omiserit, has fuisse causas reperiēbamus, quoniam Byzantium eadem æstate omnino redeūdum esse statuisset: ideoque iusto maiorem moram nusquam trahendam, ne in dubias incerti autumnī tempestates incideret, quibus superioribus annis, uel nondum adulto autumno bis naufragium, semel ad Acroceraunios Chimæ scopulos, iterum in Propontide ad Cherronesum, quā Marmora uocant, multis amissis trirēmibus fecisse meminerat. Neque tum sibi satis paratos Gallos, ut oppidū Portus Herculis instaurare, munireque, & firmo demum præsidio teneri posse prouideret: quanquam occultiore quodam grauioreque consilio, una temporis exiguitate se excludi & deterreri fateretur. Vir enim immensæ prudentiæ, ac imperij gloriæq; auidus, cogitarat (sicuti didicimus) ab ipso Stephanio portu fossam ad altitudinem commeantium trirēmium, perpetuo seruorum labore perducere ad proximam Orbatelli paludem, quā inde non plus quā ad Ligitræ iactum abesse iam pridem nouerat, scilicet, ut ibi capacissimum & aptissimum tantæ classi portum efficeret, ad infestanda maria, inuadendūque totius Italiæ imperium, ad quod non obscure Solymanum aspirare didicisset. Quandoquidem nullis se inde uiribus, uti gnarus nostræ infirmitatis atque discordiæ depelli posse confideret. Quum præterueheretur Linariū promontorium olim Pyrgæum, quod supra Cētumcellas eminet, eam urbem inuadere, atq; incendere uelle comminatus est, ex eadem causa qua Telamonem deleuisset. Sed deprecante Leone Strozza ne tanta inde Francisco regi inuidia cōflaretur, uix impotenti iracundiæ obstitens, ab iniuria temperauit: indeq; directo cursu in Aenariam delatus odij sui ad Niccam in Alfonso Daualum concepti, omnem acerbicatem effudit, quum nocturna descensione facta, undiq; insulam complexus, omnes propè incolas, nequicquam in altissima Abocœti montis culmina euadentes interceptisset: tresq; præcipuos eius insulæ pagos, Forinum, Panfam & Varranium euastasset. Ipsum uero oppidum Pithacusas, Dauali sedem, abrupto in colle disiunctoq; à mari positum, quum tormentis egregiè esset permunitum, aggredi non potuit. Exinde abradens Prochitā illato minore detrimento, quod incolæ demigrantes magna ex parte Pythecusas confugissent, in Puteolanum sese intulit sinum, eo ordine ut classis à Miseno ad Auernum toto Baiano littore extenderetur, tutaque esset à tormentis eius excelsæ arcis, quæ est ad Baulos antiquis Hortensij oratoris delijs nobiles. Tum uero Salecum cum parte classis in aduersum littus transire, & tormentis à mari Puteolana moenia ferire iussit, ut si quid de expugnatione effici posset, explorata urbis munitione tentaret. Magnus incesserat Puteolanis timor, quod nullo militari præsidio confirmarentur, consciique essent ipsorum ino-

piæ, nec eis in triduum molita frumenta sufficerent. Accidit etiam importu-
 nè ad terrorem augēdum, quòd Hispanus Saiauedra uir militaris, dum in mu-
 ri corona discurreret, tormento fuisset abreptus: sic ut Puteolani ingenti pe-
 riculo essent circumuenti. Sed prorex ipse Neapoli Petrus Toletanus cogni-
 to Turcarum aduentu, nullam sibi moram attulit, quin Neapolitanos circuen-
 do singulas tribus ad capienda arma splendidissimis adhortationibus excita-
 ret: statimque nihil recusantes, & pro patriæ dignitate salutēque armatos ad
 opem ferendam Puteolos adduceret. Fuere cum eo amplius mille galeatie-
 quites, & secundum eos tumultuaria strenuorum peditum manus, quorum
 multitudinem descendente è collibus conspicatus Barbarussa, descensiones
 militum suorum inhibuit: segniūque iam Puteolanos oppugnāte in Salecum
 reuocauit: ne si ut acrius murum feriret tormenta maiora in littus exponere, &
 militum uim ad mouere cogeretur: inermes turbæ naualis cohortes, tot arma-
 tis equitibus proculcandas obijceret: quod erat prorsus alienum à consilio:
 utpote qui improuisis tantum, & tutis sibi expeditionibus obuia tentare, nec
 exposito milite usquam cum armato hoste congregi statuisset. Atque ita Bar-
 barus uno tantum Hispano equite cataphracto, iuxta proregis hortos interce-
 pto, quòd ille audacius procurrisset, oram soluit, sub Capreis cursum diri-
 gens, quū in tergo Ioannes Auria cum rostratis uigintiquatuor è Pauonis por-
 tu, Euripòque Nisita insulæ prosiliens, nouissimi agminis hostium nauigia,
 tormentis procul impeteret. Superato autem Athenæo promontorio, quod
 nautæ Campanellam uocant, ea mente in læuam deflexit, ut urbem Salernum
 inuaderet. Verum oborta tempestas, eam ab amoenissimo littore perniciem
 auertit: eo euentu ut disiecta classis inualescētis Cori flatibus ultra Palinurum
 raperetur: Brutiisque littoribus, & Carreato præsertim oppido, lucuosa in-
 ferret detrimenta. E Brutijs clemum multa onustus præda profectus Liparas
 quadraginta maiora tormenta exposuit: eiusque insulæ urbem usque adeo
 pertinaci atque terribili oppugnatione concussit, ut Nicolai primarij ciuis me-
 ticulosi hominis opera deditionem exprimeret: ipsoque uno tantum Nicolao
 conseruato: ceteros omnes Liparitas comprehensos in seruitutem abduceret,
 qui septem millium humanorum capitum summam impleuere. Hæc clades
 euerso oppido longè omnium miserrima uideri potuit, quum nefarius ciuis
 uitam & libertatem suam publicæ saluti turpissimè prætulisset. Tantam au-
 tem omnis generis mortalium prædam, qui in classe erant, fuisse retulerunt, ut
 in toto cursu ad Byzantium directæ nauigationis, plura captiuorum enecta fa-
 me, siti, mœroreque corpora, uti erant in infimis carinis inter naturæ sordes
 angustissimè constipata, omnibus propè horis in mare proñcerentur: exe-
 crantibus cunctis immites Galliæ regis & Cæsaris animos, ideo studentes ue-
 teribus odijs, ut subditæ ipsorum imperio gentes nihil tale merita plecteren-
 tur: quandoquidem ex sua effræni obstinataque libidine, à communi abhor-
 rentes concordia tantis calamitatibus graui cum infamia causam præbere di-
 cerentur. Hunc annum tot diuersis clarum bellis subsequutus est quadagesi-
 mus quartus supra quingentesimum atq; millesimum à partu Virginis, post
 grauissimum bellum inexpectata pace ualde insignis: quanquā ea uti maximè
 exoptata, non ita firmis ex æquatisq; legibus constituta esset, ut diu statura cre-
 deretur: utpote quam necessitate potius, quā sincera regum uoluntate expres-
 sam hi mortales iudicarent, qui rerum periti, gnariq; consiliorum & sensuum
 Cæsaris

Cæsaris atque Francisci regis nunquam fore stabilem arbitrarentur, nisi utriq;
 eorum aliquid scruera transactione demeretur, quod ab ambob. non planè con-
 ciliatis sponte præstari nō posse intelligerent. Cæsar siquidem & Henricus Bri-
 tanniæ rex, antiquis atque recentibus incitati odijs, aduersus Franciscum ita cō-
 spirarant, ut consociatis uiribus uno tempore diuersas Galliæ regiones irruptu-
 ri, exuturiq; procul dubio eum magnæ partis Galliæ regno putarentur: nam
 imperitè prorsus & segniter superiore anno ad Lādresium bellatum fuisse me-
 minerant, existimabātque Cæsar Franciscum è manibus sibi elapsū, quū
 ille contempto ingenti conferendæ pugnae periculo, post solutam Landresij
 10 obsidionem, tumultuoso quodam receptus genere, congressum dimicaturi at-
 que insequentis hostis non temere deuitans, & obscuræ noctis tenebris utens,
 in pacatam Galliæ regionem abscessisset. Tum uerò apparebat Gallos nequa-
 quam tantas habituros copias, ut in diuersam regionem utrique disiunctim ir-
 rumpenti iusto cum exercitu obsistere possent: quū hinc Cæsar totius Ger-
 maniaæ atque Hispaniaæ robora cum bona spe uictoriae in aciem esset productū-
 rus: inde uerò Britanni olim maximæ partis Galliæ imperio potiti, qui omni-
 bus ferè prælijs superiores ingentes Gallorum aliquot exercitus eorum etiam
 rege capto, prostrauissent, vulgò Gallis essent formidabiles: quippe qui ipsam
 Parisiorum Lutetiam, ubi arcem, gloriosum uictoriae suæ monumentum, reli-
 20 quissent, repetituri dicerentur. Eo autem Henricus cæteris regibus, qui unquā
 bellū Galliæ intulissent, grauior atq; ualidior Gallos inuasurus uideri poterat,
 quoniam sublato Scotiae rege, qui Galliæ regibus antiquo iure foederatus esse
 consueisset, nulla omnino spes esset inferendi belli Britannicis finibus, quo mi-
 nus audacter Angli in Galliam trañcerent, domestico metu atque periculo re-
 tineri possent: quandoquidem Scotici regni hæreditas ad uagientem in cunis
 puellam peruenisset, nec ullus ei certus adhuc adesset primarius tutor, cuius
 auctoritas esset tanta, ut ad sumenda arma, inferendumque ultro Angliæ bel-
 lum ualitura putaretur: uiolatis præsertim inducijs, quas non temere Scoti
 in uniuersum recenti atque funesto Iacobi regis exemplo admoniti, religiosè
 30 obseruandas ducebant. Terrebat autem Gallos non mediocriter Anglus,
 auri potens, bellicosus & acer, præter opinionem multorum Cæsari concili-
 atus, foedereque coniunctus. Quā in re Paulus Pontifex Cæsarem, ali-
 quanto iniquius quā Christiana pietas flagitaret, & Pontificia maiestas re-
 quirere uideretur, Anglo adhæsisse in contumeliam suam assidue prædicabat:
 quod ille hæreseos notatus, uti sacrorum expilator & euersor, & super hæc in
 infantes probitatēque cōspicuos crudeli sauitia infamis, ob idque in gratiam
 ipsius Cæsaris à Clemente damnatus, ab authoritate Romani Pontificis di-
 scessisset. Ita ut Cæsar cum promissi sui tum religionis obliuisci, quā con-
 cepto in Gallum odio non satisfacere maluisse uideretur: prædicaretq; se æquis
 40 sumo iure contra Gallum arma coepisse: quod ille accitis Turcarum classibus
 Europe littora peruastāda obijceret: qua noxa omne scelus implere & supera-
 re à pijs hominibus credi posset. Cæsar è tota ferè Germania legiones quatuor
 lectissimarum cohortium conscripserat. In his plurimum eminebant duces,
 qui paulo antè hostes fuerant, Martinus Rossemius Flandrico bello clarus, &
 Guilelmus ipse Furstēbergus, qui multos annos Gallica stipendia meruerat,
 indeq; maximè diues factus, sed propter auaritiam, malignitatēque impij &
 ualde rapacis ingenij, crescente undique in eum odio, Galliæ finibus exactus,

Cæsari sese applicarat, & secundum hunc Conradus Hexius Italicis bellis illustis: Mauritius quoque Saxo nobilissimæ stirpis, cuius Pestano bello spectatam uirtutem fuisse meminimus, armatorum equitum ingentem alam adduxerat, alteramque ei parem uirtute, & numero Albertus Brandenburgus. Reliqui equites erant partim Belgæ, partim Menapij, & Burgundiones, qui uarijs præfectis parentes, unum præ ceteris Maximilianum Burrum, singularis animi regulum, obseruabant. Veteres autem equites, Italicis & Gallicis exercitati bellis, sub præfectura erant Francisci Atestini Ferrariensis, qui superiore anno ad Guisam captus, non multo post à Francisco rege in gratiam Hippolyti fratris Ferrariensis Cardinalis humaniter fuerat dimissus. Reliquæ copiarum Hispanicis cohortibus constabant, quæ septem millium peditum numerum implere dicebantur. In his duo primores duces, reliquos omnes autoritate nominis antebant, Aluarus ipse Sandeus, disciplinæ militaris corrector acerrimus, tam bello militiæque probatus, quam Hispano militi propter suam in exigenda poena acerbicatem odiosus: secundum eum manebat egregiæ uirtutis fama penes Aloisium Peretium, & Alfonso Viuesium. Eo bello Cæsar Italico pedestri subsidio incommodè caruit, quod superiore anno Italici, quia stipendijs egrè sibi persolutis, nequaquam honestè atque amanter habiti fuissent, ueluti indignantes ipsorum Romani ducis inclementiam, & subagrestes erga se contumelias, ad Gallica, Britanicaque stipendia, tanquam uberiora certioraque, se contulerant. Nam tum apud regem gratia maxime ualebant, qui Italicis obnixè studerent, Petrus Strozza Florentinus, qui ualidam Etruscorum & ciuium suorum manum circum se habebat, & Petrus Maria Roscius sancti Secundi comes, apud quem ex omni Italiæ factionis regione Gallici nominis studiosi milites facile coibant. Penes hos fortissimo cuique notoque militi ad liberale stipendium erat locus: utpote qui non in lucro interuersis militum stipendijs, sed in laude & gloria uerum militiæ fructum reponerent. Cæsar quoque ad suas lectissimi generis copias maiorem quam unquam antea tormentorum apparatus adiunxerat. Ante omnia autem quæ sui iuris antea fuissent manu repetenda iudicans, ad Lucemburgum, uti ferunt urbem olim Leucorum, recta duxit. Eam Galli paulo antè Aureliani uirtute in potestatem redactam, magnis operibus additis, peregre munierant: & quum aliquanto post à Cæsarianis oppugnaretur, ita per Sergianum Caracciolum Melphitanum regulum, quem rex concliliato torque nobilitatis atque uirtutis causa donauerat, omnium rerum copijs, ui facta, foeliciter illatis opportunè seruauerant, ut in ea supra septuaginta mediocris maiorisque generis ænea tormenta relinquerent. Sed non satis magnum aut ualidum armatorum præsidium, quod mœnia tueretur, ibi restitit, neque tantum penuarij commeatus in urbe reconditum ab initio fuerat, ut obsidio diu sustineri posset. Atque ita usu euenit, ut Cæsar celeritate usus, omnem hostium diligentiam præueniret, & inopia potius rerum premendos, quam tormentis adactis uera ui subigendos esse statueret. Præerat præsidio uir nequaquam animo fortis, ideoque aliquanto uitæ salutisque cupidior, quam egregiæ laudis. Is itaque per sesquimensem, quo spatium annona ei egregiè suffecit, incorruptus est, sed mox adeo ignobilem fecit deditionem, ut territus amplitudine castrorum hostilium, & desperatis auxilijs, tormenta Cæsari, atque arma concederet. Lucemburgo per Gonzagam in potestatem redacto, Cæsar qui

far qui in Mediomatricibus subfiterat, Arduennæ sylvæ finibus egressus, & Mosa flumine superato, ad oppidum Comersium rectâ duxit, prolatoque toto tormentorum apparatu & constitutis uineis, grauem Gallorum oculis uti mox oppugnaturi speciem præbuit: quo terrore adducti qui erant in præsidio quatrîdûi spatîo deditiorem fecerunt. His duobus oppidis foedè amissis, magnus illico Gallis omnib. incessit timor, ob id præsertim quod Cæsar ipsorum opinione celerius coactis copijs, & confectis itineribus in Galliam perripisset. Putabant enim Cæsarianos omnem adipiscendi commeatus spê & facultatem in eius præsentis & nondum maturæ aut desectæ segetis esse posituros.

10 Sed Cæsar omni superioris anni frumento diligentissimè conquisito, nō nouo, sed uetere commeatu, ideo sibi utendum censuerat, ut imparatos hostes, nec adhuc collectis aut reconditis frugibus perturbatos adoriretur. Quo admissio consilio apparebat etiam regem aliquanto tardius, quàm usus imminentis belli posceret, Heluetiarum legionum auxilia accersenda curauisse, quandoquidem penè improuisus Cæsar Lucemburgum occupasset, & Galliæ fines terribili expeditoq; exercitu prius intrasset, quàm Helucij, in quorum auxilio præsentique manu regni constaret salus, nondum erectis uexillis, ad professionem parati dicerentur: admirantibus plerisque tanta in re uel ipsius regis incuriam, uel quæstorum segnitiam, qui cunctantijs pecuniam in eius gentis

20 stipendia depromendam existimassent: quæ una res non mediocriter incommodum & dedecus Gallico nomini postea parasse uisa est. Gonzaga Comersio potitus, inde properè discedens, ad Ligniniû castra posuit. Id oppidum satis frequens, uetereque arce munitum rex omnino defendendum esse censuerat, quod Briennium & Rosinium, è Lucemburga familia regulos, quorum ditionis erat oppidum, nouis auxilijs confirmasset: eò scilicet intromissis duabus Etruscis cohortibus, & totidem Gallicis, duce Sceneio Tintauilla iuvene impigro. Gonzaga nihil spatij hostibus dandum ratus, Ioanne Iacobo Medice, qui tormentario negotio præerat, appositè atque celeriter administrante, à quatuor partibus tormenta mœnibus admouit. Is autem erat

30 oppidi situs, ut duobus aduersis utrinque collibus subiectum, tanquam media in ualle facillimè cum grauissimo etiam interiorum ædificiorum detrimento uerberaretur, & à planioribus item locis directus murus tanto impetu quateretur, ut ingenti ruina edita, peramplus aditus non pediti modo, sed equiti ad irrumpendum paratus esset, nequicquam laborantibus Gallis, qui nouos aggeres introrsus erigere contendebant: Nam tanta erat uis incidentium undique pilarum, ut nemo in munitione consistere auderet, quum magna ipsorum pars, tormentis discerpta periisset, aut debilitata vulneribus tueri locum nequiret. Quibus rerum difficultatibus Galli duces facillè perterriti, uti ex mutuo susfurro deprehendi potuit, de deditiione cogitare cœperunt, ob

40 idque festinantijs, quod Hispanos iam ad irrumpendum paratos in acie conspiceret, quorum uim & multitudinem multis de causis se nequaquam laturos esse fatebantur: quanquam aliqui non deessent animo firmiore, qui indecorum cunctis, ipsique præsertim regi maximè detrimentosum fore testarentur, cum hoste pacisci priusquam eius uirtutis atque audaciæ periculum facerent. Cuius sententiæ princeps erat Petrus Paulus Tosingus, nobilis exul Florentinus, quanquam ei contradiceretur à Vincentio Taddeo collega, qui quanquam egregiè strenuius, in sententiam regulorum, nihil ex uano hostis

uim formidantium inclinabat. Illi namque malefana periculosâque in resis-
 tendo constantia publicam omnium salutem, sui que patrimonij oppidum in sum-
 mæ calamitatis discrimen adducere nolebant. Itaque Rosinîus per auersam
 portulam ad colloquium Gonzagam sub fide uocauit, demissèque se uictos
 confessus, & accuratis precibus molliores conditiones à uictore impetrare cō-
 tendens, se uero & duriore quàm putarat in ea re Gonzaga repperit, eo mo-
 do deditiōem fecit, ut cuncta præter omnium uitam, uictoris arbitrio conce-
 deret. Nec mora Gonzaga cum familiarium militum cetera in oppidi pos-
 sessionem manu ductus Briennium ipsum atque Rosinîum, ipsūque Sce-
 nium iure belli captiuos fecit, & ad exprimendam grauiorem redemptio-
 nem, in castella Cæsarianæ ditionis separatim custodiendos misit. Ea in expe-
 ctata fœdâque prorsus trium insignium oppidorum deditiōe Franciscus ma-
 gnopere perturbatus, intentiore cura, quæ ad sustinendum bellum oppor-
 tuna uidebantur, parare cœpit: ita ut nobiles quosque è singulis prope regni
 oppidis equites euocaret, & per eos extraordinaria usus opera, remotius con-
 uehi frumenta, & quæ nondum in agris defœcta essent comburi, & proprios
 hostium commeatus obsessis itineribus intercipi iuberet. Quibus cum talis
 muneribus intentum, & incautè sese offerentem Surionum è Borbonia fami-
 lia domui regiæ propinquum Cæsariani equites interceperunt. Resectente
 ad Ligninium per Gonzagam gesta, Cæsar singulari affectus lætitiâ, quod
 nusquam Galli in aciem prodirent, & negligentissimè singula oppida, per
 quæ transire hostes oporteret, permunisse uidebantur, castra promoueri
 iussit ad proximum oppidum satis munitum atque opulentum, a templo fan-
 cti Desiderij à Gallis Sandesirium appellatum. Id in satis magna, purgataque
 planicie situm, à Septentrionibus mediocri interiecto spatio Matrona anne
 permunitur, reliquis partibus circumdatur densissimis syluis: marum autem
 habet nouis operibus auctum. Ibi namque Hieronymus Marinus, Bononien-
 sis architectus, opportuno in loco mœnium propugnacula fenestris lateri-
 bus accuratè perfecerat, nouasque quotidie munitiones instituebat. Præerat
 præsidio uir Gallus, singulari uigilantiâ fortitudinèque animi, nomine Lan-
 da, quem superiore anno cum insigni gloria apud Landresium binas uno tem-
 pore Cæsarianorum & Britanorum oppugnationes pertulisse memorauimus:
 Ea autem uis oppugnantium fuit, ut à meridie subuecta tormenta a spatio tre-
 centorum passuum incredibilem procidentium mœnium ruinam ederent, &
 duo turrata propugnacula ab utroque mœnium angulo assidue colubrinis te-
 rebrata quassataque prosternerent: sicut prius quam à Gallis interior agger
 tuto erigi posset, illac Hispani non omnino incommode in oppidum peruen-
 pere se posse dictitarent. Sed ea militum alacritas ducibus inanis & periculi
 plena uidebatur, quoniam tametsi oppidi in plano siti murus tormentis abra-
 sus erat, & solo penè æquatus, frequētiore tamen ædificiorum pars in mollem
 tumulum, qui in medio oppidi paululum assurgebat, ita erat subducta, ut in-
 uasuris denum ferè pedum scalis opus esse perspicerent, prius quàm ad para-
 tos in statione Gallos conserendis manibus perueniri posset. Hoc impedi-
 mento deterriti Cæsariani duces, in labro fossæ quadratum & solidum ag-
 gerem, turris instar, è cespite glebâque erigere cœperunt, in cuius superio-
 re platea aliquot maioris generis tormenta educenda constituendaque cense-
 bant: ut his superante altitudine hostes depresso in loco consistentes uer-
 berarent.

berarent. Id uero opus quum ab hostibus inchoari Galli duces animaduertissent, præmonente demonstrantēque Marino, parem ex aduerso munitiōnem ædificare cœperunt, tanto animo, tantāque industria frequentissimis tormentis propugnantes, ut multa quotidie hostibus detrimenta inferrent, nec ullam perterriti animi, aut demissæ spei significationem darent. Accidit autem Idibus Iulijs, ut Renatus Aurantius regulus, qui Belgicum adduxerat peditatum, iuuenis omnibus naturæ atque Fortunæ muneribus ornatisissimus, ideoque Cæsari longè carissimus, tormenti mortifero ictu vulneraretur. Is enim quum fortè ad Gonzagam, ad opus faciendum milites cohortantem, assidentēque in fossa munitiōnis superuenisset, eique honoris causa ille assurgens sellam suam concessisset, paulo post in eum locum directo ab hostibus tormento ita globus ferreus aggeri incidit, ut diffracti resiliētiſque lapidis frustulo lethaliter in humero vulneraretur. Eum iacentem humaniter inuisit Cæsar, expirantēque complexus, nequaquam fictæ beneuolentiæ in ea casus acerbitate lachrymas effudit. Nec multo post Hispani milites non satis animaduerso periculo, ab incondita quadam alacritate à ducibus postulant, ut adoriendi oppidi signum dare minimè dubitarent. Ipsos enim accepta uictoriæ tessera in oppidum fortiter atque sceleriter irrupturos. Laudauit eorum alacritatem magnitudinēque animi Gonzaga, atque ita eos periculi admonuit, ut prius locum propius explorare præmissa perniciū sclopettariorum manu, quam murum aggredi iuberet. Sed res ita cecidit, ut quum audacissimus quidam Hispanorum nomine Chirosa, Aloisij Brauij cohortis signifer, id munus explorandi loci deposceret, & sublato uexillo ad murum oppidi ire contenderet, reliqui ad unum signiferi omnes æmulatione laudis eum auidè atque certatim subsequerentur, atque uniuerſi demum milites, eadem spe potiundi oppidi uehementer incitati, quin fossam superarent, & per ruinas crepere conarentur, nullo uetantium & deterrentium præceptorum imperio retineri possent: tamen si nullum adhuc committendæ pugnae signum à ducibus esset propositum. Qua effreni atque immoderata militum cupiditate permotus ipse castrorum magister Aluarus Sandeus, uti erat singulari animi fortitudine præditus, ne in omnem temeritatis atque Fortunæ euentum certus dux suis deesset, inuocato magna uoce uictoriæ nomine, quin procurrentibus se immisceret minimè dubitauit: hunc statim subsequente collega Aloisio Peretio, qui uirtute animi nequaquam ei inferior putabatur. Verum ubi ex eo tumultuario procursu ad hostes appropinquatum est, inanis ea alacritas & plurimum funesta extitit, nam Landa peritissimè tormenta collibrari, & sclopettarios continuo displodere iubens, tantā in subeuntes & confertos tormentorum omnis generis procellam effudit, ut totius fossæ spatium intersectorum cadaueribus compleretur. Nam quod antea à Cæsarianis animaduerti nequiebat, hostium tormentarij magistrj binas in aduersis duorum aggerum lateribus fenestellas in eius dici usum astutè constitutas, & tenui gleba contactas, repente aperuerant, è quibus directis in latera colubrinis miserabilis fortium uirorum strages edita est. Ad hæc etiam Galli fictilibus, & tubis ligneis, nota atque usitata ratione, bituminosi & sulphurei ignis flammæ iacentes, quæ thoracibus & galeis adhærerēt, multum profecerant: tanta quidem propugnantium simul atque inuadentium constantia, audaciæque, ut Germani hærentes Hispanos, & planè magno cum incom-

modo repulso conspicati, insilire in fossam cisque succedere minimè recusarent. Verùm nequaquam tanta fuit apud Germanos perseuerentia, ut egregio conatu, iam reiectis Hispanis ferre niterentur: Nam ubi appropinquatum est, paria propè ac Hispani pilarum, uolitantiumque ignium vulnera susceperunt: eo exitu ut aliquanto celerius quàm pugna appensissent pedem referrent. Ea die ex Hispanis ad quingentos, partim in fossa occisos, partim grauius affectos vulneribus, desideratos serunt. In his perire signiferi tres, saluis tamen uexillis, Saccaratus, qui pridie inauspicato ad Mendociae cohortis praefectum uirtutis nomine fuerat traductus, & Romerius Solerius, atque Spinosa. Ex praefectis autem Alfonsus Caruaial nobilissimo ortus genere, & Monsalaus Valentinus atrocibus flammis circumuentus. Ceterum ipse Aluarus Sandeus manus atque ora deformiter ustulatus, & Aloisius Peretius femore glande trajecto, uix sese è tanta clade eripuerunt. Germanorum autem qui ceciderunt inclyti nominis, fuere Eytelfricus Hohenzollernus & Ludouicus Curtauilla. Chirosa ipse, qui exitiosae temeritatis author fuerat, quum omnium uoce damnaretur, poenam ueritus, neque cognarus seueritatis Caesaris, ad Barium oppidum Gallicae ditionis periegit. Biduo post rescitum est Landam pari prope sorte, qua Auratius è uita sublatum est, tormento creptum fuisse, cui cum imperio successit Sanferrius regulis iuuenis impiger, sed fortitudine animi, usique militiae nequaquam Lande par, eo Sanferrio patre genitus, quem apud Mediolanum Helucio praefectus cecidisse memorauimus. Eo tam audaci atque improspere suorum conatu permotus Caesar, usque adeo appetenter Italicae legionem desiderasse dicitur, ut se parum prouidi consilij sui poenitere fateretur, quod Italicos parcendo pecuniae ab initio, secus ac alias fecisset, & nuper ad Durain fuisset expertus, non conduxisset. Expeditas siquidem atque promptissimas aggrediendis muris Italicorum cohortes Hispanicis admixtas proculdubio in oppidum peruasuras arbitrabatur, quod Germani armis atque corporibus graues, neque suo opte ingenio multa agilitate pollentes, quandam incessus tarditatem è disciplina campestribus praelijs requisitam praeferebant, quae aliena prorsus à subitarijs extraordinariisque inuasionibus censebatur, quibus id oppidum proculdubio capi posse uideretur. His de rebus existimabat Caesar huiusmodi certamina minimè instauranda repetendaue, quum in his aspernis conatibus florem militum absumi, augetique inde hostibus animos, tanquam ex aequissimo semper loco pugnaturis, manifestè prospiceret. Itaque ut cuniculis res ageretur ducibus praecipit, quibus supposito atque incenso tormentario puluere hostium agger superstantibus defensoribus excinderetur. Quo iam inchoato productoque opere, cognitum est hostes ex aduerso pares cuniculos, uti disciplinae consuetudo postulabat, diligenter instituisse: sic ut ea oppugnatio ad obsidionem deducta uideretur: nec tamè Cesarianos expugnandi oppidi totam spem abieccisse appareret: nam magno molimine machinae instituebant, instar antiquae testudinis, quam subiectis rotis ergatarum beneficio ad murum producere cogitabant. Eius latera permunita erant crassis asseribus, ac exterius lanarum saccis conuestita, supernè autè pedalibus tignis inter se confortis ualida concameratione protegebatur. Tanta uero erat amplitudinis, ut integram, & in ordine constitutam fortissimorum militum centuriam contineret, qui densata acie, sublati statim à fronte pluteis, quum satis promota foret

foret machina, per ruinas munitionesque hostium peruasuri, atque inde deiectis propugnatoribus in oppidum irrupturi credebantur. Sed eius operis labor subtiliter institutus successu caruit. Nam Cæsar consilium mutare coactus est: quum certior esset factus Gallorum equitum & peditum peramplam manum ad Vitriacum oppidum, duodecim inde millibus passuum distans, Brisacco duce peruenisse. Is aliquam non omnino periculosam ferendæ opis occasionem expectans, inde ad obsessos penetrare statuebant. Propterea Cæsar, ut obsessis expectandi auxilij spem minueret, & quantum nouus hostis in congressu ualeret statim experiretur, eum nocturno prælio adoriri constituit. Ita-
1. que sub occasum Solis missus est Franciscus Atestinus cum Italico equitatu, cui ducenti Sequanici generis galeati equites adiuncti fuerant. Datus est etiam Franc. comes Castalius dux uetus, & secundum hos Mauritius Saxo, cum duobus millibus Germanorum equitum, cuius uestigiis hærebat Gulielmus Frustembergus cum peditum suorum legione, qua cum septem muralia tormenta trahebatur. Cōtinenti igitur agmine euntes, interfectis ex itinere Gallorum excubijs, ad secundum à Vitriaco lapidem trecentorum equitum alam, que hostium motum præsenferat, atque equos ascenderat, acri impetu facto profligarunt, multis utique interfectis & captis. Tum uero Brisaccus ex suorum fuga cognito hostium aduentu certius agnoscendi hostis, explorandique suorum
2. casus cum ualida manu prouehitur. Circiter autem duo millia peditum, quæ partim ex Gallicis partim ex Italicis cohortibus constabant, in acie consistere iubet, reliquas equitum alas præterfluentis Matronæ amnis pontem tueri, iussaque sua operiri præcipit. Eo modo Brisaccus feruido ingenio prouectus, in Atestini equites incidit, & quum conferta statim pugna incumbentium hostium impetum sustinere non posset, ad suos refugere coepit, ita à tergo instantibus hostibus, ut grauissimè premeretur, & nequaquam contentis habenis tumultuoso incursum peditum suorum ordinem perturbaret. Quo casu puncto temporis tota Gallorum acies dissipata est, eo euentu ut nisi Sampetrius Corsus sclopettarios suos urgentibus Cæsarianis opposuisset, ipse Brisaccus in uado fluminis opprimeretur, & permixti Gallis hostes in oppidum irrumperent. Reliqui Gallorum equites continuo fugæ se mandarunt, & bona pars peditum interfecta est, Sampetrius tamen, qui ducem seruasse uideri potuit, cum ea, quam diximus, manu infestos hostes glandibus coniectis repellens, seipsum cum cohorte tenebris tectus seruauit. Ex numero Gallorum Italicorumque peditum circiter trecenti in templum se contulerunt, quod erat iuxta oppidum, atque inde sclopettis emissis se defendere coeperunt, frustra eos Atestino atque Castalio hortantibus, ut se dederent, neque tormenta, quæ cum Germanis adducebantur, expectanda ducerent. Id uero milites egregiè fortes minimè credebant, quum hæc terrendi sui causa ab hostibus dici arbitrarentur, atque
4. eo modo his conditionibus, quæ militare decus offenderent, repudiatis, in eodem proposito sustinendi hostis per aliquot horas perseuerarunt, donec Frustembergus superuenit. Is dum templi situm inspiceret, glande circa ceruicem ictus, ideoque crudeli ira percitus, templo suorum legione circumdato, admotisque muralibus tormentis, id immaniter quatere coepit: ita ut perforatis lateribus & perfractis columnis, integra propè testudo concideret, obiterque infœlicis uirtutis atque constantiæ homines, ne fornicum & totius

contignationis ruina opprimerentur, clamore sublato, ad easdem quas repudiabant deditionis condiciones recurrerunt. Sed eo tempore neque Atestini neque Castalij apud inexorabiles Germanos iustæ deprecationes ualebant, utpote qui deditis seruare uitam cuperent: atque ita patefacto templo à Germanis ad unum omnes crudelissimè trucidati sunt, oppidumque direptum. Apparuit uniuersum Brisacci equitatum, magno regis detrimento, quòd ex nobilissimis Gallicæ iuuentutis constaret, deleri potuisse: si Saxones equites iter conficere maturassent. Quo casu Germanicos equites suo graui & contento incessu tranquillius & tardius equos agitare solitos, stataria in pugna, quam in procurfationibus fortuitorum certaminum aptiores & firmiores esse perspectum est. Hæc nocturna uictoria nunciata Cæsari, & obsessis ad illudendum significata, mirum in modum eorum animos contriuit: nam uti erant auxiliorum expectatione suspensi, & ad summam multarum rerum: tormentariisque præsertim pulueris inopiam redacti, de Fortuna sua conquerebantur: quandoquidem plerique eorum amissis commilitonibus, acceptisque uulneribus & perpetuis uigilijs semienecti, iamque deficientibus esculentis nequaquam abundè recreati, de deditione cogitarent, nec pari authoritate, ac antea facere solitus esse Landa, Sanferrius desperantium animos confirmaret. Cæterum Cæsar Vitriacum suis copijs obtinendum ratus, ut hosti eriperetur, ibi in præsidio quinque cohortes Furstembergæ legionis remanere iussit, quæ demessa frumenta colligerent, & ea munia capefferent, quibus hosti maxime nocere possent. Sed Germani triduo consumptis omnibus com meatibus, quum ibi diutius subsistere nollent, concremato oppido iniussu Cæsaris in castra redierunt, ita ut subiratus Cæsar Gulielmo acerbissimè succenseret, & in locum earum cohortium, quæ oppidum deseruissent, Aliprandum Madruecium Tridentini Cardinalis fratrem cum quatuor cohortibus, & quadringentis equitibus suffecit. Per eos dies Calendis Augusti aliquot Galli equites, quum in syluis aliquandiu Cæsarianorum exploratorum oculis obuersati essent, speculantes occasionem ferendi obsessis auxilij, ingenti ausu globo facto triginta equites ad Sandesirium percurrerunt, singulos tormentarij pulueris sacculos à tergo deferentes. Sed is eorum exitus fuit, quanquam citatissimis equis uterentur, ut non omnes, aut metu deterriti, aut intercepti à Cæsarianis, oppidum ingrederentur. Qua re ex captiuis cognita, Cæsar facile intellexit summam esse apud obsessos sulphurei pulueris inopiam, sic ut milites æquiore iam conditione murum se inuasuros, si Cæsar iuberet, pollicerentur. Read Vitriacum à Cæsarianis bene gesta, nihilo secius Galli pleni fiducia rei bene gerendæ, si hostis mœnia repeteret, uigilantissimè oppidum tuebantur, cunctaque opportuna ad defensionem ex Marini architecti præceptis solertissimè comparabant, quum repente oppido emissus tubicen postulauit, ut sub fide legatos colloquendi causa obsessis emittere liceret, factaque potestate Vicontius, Riueria & Sineus cohortis præfectus ad Gonzagam uenerunt. Summa mandatorum hæc fuit Sanferrium, quanquam ea uirtutis atque constantiæ documenta dedisset, ut sibi nullo pacto timendum arbitraretur: alienum tamen non esse à deditione oppidi, si honestis conditionibus ageretur. Petebant Galli ut ipsis excedentibus arma, resque omnes, & cuncta tormenta concederentur, mensis unius induciæ fierent, intra quas nisi rex iusto cum exercitu obsessis opem ferret, & Cæsarem soluta obsidione depellerent, continuo oppidum

Cæsari

Cæsari traderetur, ea tamen conditione, ut reficere mœnia, & construere no-
 uas operum munitiones intra sex menses Cæsarianis non liceret. Hæc tanquã
 insolentius postulata Ferdinandus ita reiecit, ut legati faciliè intelligerent quan-
 ta speratæ uictoriæ confidentia hostis niteretur, atque eo modo redeuntes
 in oppidum, non multo post iterum atque iterum æquioribus cum mandatis
 remitterentur, atque eo die præter omnium opinionem de oppidi deditio-
 ne transigeretur, his conditionibus: duodecim dierum induciæ sunt, intra id spa-
 tium si Franciscus rex promotò exercitu obsidionem soluat, Sanferrius oppi-
 do statim excedito, à Cæsarianis exeunti præsidij causa duo tantum tormenta
 1. concedantur: Gallis omnibus sub uexillis ad tympanorum sonitum more mi-
 litiaæ abeundi quò uelint, potestas esto, reliquum omnem tormentorum appa-
 ratum totamq; comæatus copiam Cæsari relinquendo, de hisq; rebus qua-
 tuor obsidibus caueto. Ab hac pactioe acceptis obsidibus Gonzaga in op-
 pidum intromisit Hispanum equestris ordinis nomine Contreriam, qui accu-
 ratè obseruaret, ne Galli noctu uel interdium munitiones augerent. His conse-
 ctis rebus, quum id rescisset Franciscus, nec ut opem ferret ex usu esse iudica-
 set, à Sanferrio integra fide traditum est oppidum. Ferunt Sanferrium fictitijs
 Claudij Guisij primarij ducis literis deceptum, aliquanto maturius quàm ex-
 pediebat ad deditiois consilia descendisse. Hæ literæ apud Granuelium con-
 2. fictæ fuerant, & exempto ceræ sigillo ex ueteribus Guisij literis usque adeo ar-
 guta falsarij manu exarata, ut pro ueris agnoscerentur, ab his præsertim qui eo
 obsidionis periculo sollicitis & trepidis animis celeriter eximi cupiebant. His
 siquidè literis Guisius Sanferrio respondere fingebatur, tâquam intempestiuè
 ferri sibi opem postulanti, regem graui de causa alienum esse à cogitatione feren-
 dæ opis, ne sese, & liberos, Fortunâsq; omnes regni in unius pugne non ne-
 cessarium discrimen adduceret. Proinde ipsum, qui amplius quadraginta die-
 bus insigni regis commodo summâque sua laude acerrimorum hostium uim
 sustinuerit, si urgeretur acrius & desereretur à Fortuna, non indecorè aut turpi-
 ter facturum, si sese atque præsidium honesta pactioe conseruandum existi-
 3. maret. Quibus literis à Gallo lixa presenti pecuniâ corrupto in oppidum delatis,
 qui eas calceo insutas ad simulandam periculi diligentiam afferebat, & in co-
 rona à Sanferrio perlectis, nemo militum fuit, qui à deditioe dissentiret. Per
 hunc modum non sine risu Gallicæ simplicitatis Sandesirio potitus Cæsar, quid
 sibi agendum foret in consilijs agitabat, ualde perplexus an Catalaunum oppi-
 dam, quod Sciallonum hodie Galli appellant, in eodem ferè itineris cursu se-
 cundum Matronam amnem positum oppugnaret, an ad Lutetiâ usq; progre-
 deretur. Huius explicandi consilij ratio in eo uertebatur, quòd duces ferme o-
 mnes confirmarent difficilem atque ærumnosam fore munitissimi oppidi ex-
 4. pugnationem. Id enim ualidis atq; recetibus copijs firmatū auctumq; magnis
 operibus, & instructum magna tormentorū copia fuisse cōstabat, uti regē ex
 tanto Sandesirianæ obsidionis spatio prouidisse credi fas erat: ita ut ex ea inu-
 tili propè, quanquam decora ad Sandesirium mora, adeundæ Lutetiæ occasio-
 nem pleriq; milites prædè auidi amissam fuisse quererentur. Regem porro, qui
 Helueticorū auxilia diu expectata, dudum in castra recepisset, aduenissentq; ei ue-
 teres nouiq; Vascones, ita esse confirmatū periti milites dictitabant, ut quum in
 proximo castra haberet, prælio dimicaturus esse censeretur, si non iniquo loco
 periculi faciundi facultatem nancisci posset. Erant enim multæ undique coactæ

peditum atque equitum copiae, ut refutandus potius quam laceſſendus à cau-
 tis maximeque prudentibus, qui erant apud Cæsarem, crederetur: uel ob id
 præſertim quòd multis ex numero Hispanorum aut interfectis aut grauiter de-
 bilitatis, & rareſcentibus Germanorum legionibus, Cæſar neque peditatu ne-
 que equitatu ſuperior exiſtimari poſſet: propterea Henricum regis filium id
 pro comperto agnoſcentem, pugnaque auidum, ſegniam & parum generoſam pa-
 tris conſilia deſteſtari vulgò prædicarent. Sed hos ſermones grauiter expen-
 dens Cæſar, in arcano pugnae cupidus ita admittebat, ut ſecretum tegeret, o-
 ſtentandique animi cauſa ad Catalaunum caſtra moueret: tanquam oppugnare
 uellet, hoſtibus metum iniecturus. Cæterum ſuo innixus conſilio, repente
 motis caſtris ad Aſpernæctum oppidum deſtinato itinere impoſitum conten-
 dit, præterque opinionem regis atque hoſtium co poſitus, opulenta omnis ge-
 neris commeatus copia largiſſimè ſeſe recreauit. Tum uero rex adiuncto ſibi
 cum reliqua copiarum parte Claudio Guſio promotis caſtris in conſpectum
 Cæſaris ſe dedit, intercedente Matrōna amne, qui uado tranſiri non poterat,
 certatimque utrinque excitata per agros incendia uifebantur: quum Gaſſi ſua
 omnia, ne his potiretur hoſtis, ultro peruafarent, & Cæſariani Germanique
 præſertim, ut Gallis maxime nocerent, incendijs effuſiſſimè graſſarentur. Er-
 rat eius horrendæ cladis aſpectus planè miſerabilis, quum fertiliffimæ regio-
 nis incolæ, neutram in partem opportuna ipſorum malis remedia reperirent.
 Ab Aſpernæcto Cæſar in Pariſios iter habebat, quum in altera amnis ripa re-
 giorum agmina uiſerentur: ideo pari inſtructa acie, ut ſi Cæſar in amne pon-
 tem faceret, aut uado tranſire conaretur, in margine fluminis prælio decerta-
 rent. Quod cum à Cæſare ex non iniqua conditione tentari poſſet, Guliel-
 mus Fruſtembergus, odio ſuo peculiari in regē incenſus, quòd ueteribus ſu-
 pendijs cum ignominia exauthoratus fuiſſet, uti erat peritus regionis, noctu in
 amne tutum uadum quæritabat, uerum incautè ripis inharens à quibuſſet ex-
 ploratoribus Gallis pro ſpeculatore interceptus eſt, deductusque ad regem &
 agnitus, cunctis propè eum ad laquei necem depoſcentibus, cuſtodie tradi-
 tus eſt. Eius uiri caſu ſpe pugnae decidit Cæſar, quum in eius audaciſſimi ho-
 minis induſtria ſuperandi amnis conſerendaque pugnae facultatem ſe reperi-
 re poſſe confiſſet, & regem tumultu Lutetiano percuſſum nō temerè pugnae
 poteſtatem facturum arbitraretur. Peruaſerat enim ad Pariſios uſque non fal-
 ſus rumor, Cæſarem paſſim expugnatis oppidis uictorem appropinquare: tā
 ta omnium perturbatione, ut urbs totius Europæ ampliſſima & copioſiſſima
 ingenti metu quateretur, atque incolæ confuſiſſima trepidatione cariores res
 ſuas, liberos, & coniuges nauigijs imponerent, ut per Sequanam elaberentur,
 & nemo ferè eſſet ex indigenis Gallis qui arma caperet, ut ſeſe & patriam ab
 hoſtis iniuria tueretur: neque ipſe Medonius Cardinalis, qui Lutetiæ regio-
 nomine cum imperio præſidebat, tantum ualebat authoritate, ut fugam per-
 territi populi uſquam ſiſteret. In eo tamen tumultu peregrini omnes, qui ibi
 per gymnaſia liberalibus ſtudijs operam dabant, arma ſumpſerunt, præben-
 te ſe eis ducē Caracciolo Sergiani Melphitani reguli filio, qui Lutetiæ ſacerdo-
 tium inter cucullatos opulentum liberalitate regis fuerat conſequutus: impi-
 gro nanque ingenio iuuenis, uti militari patre genitus, armis potius quam pijs
 ad diuos ſupplicationibus immanes hoſtes arcendos exiſtimabat. Quæ arma-
 ta manus ſtudioſæ iuuentutis alacriter diſgeſta in cohortes, tametiſi impar ſuſti-
 nendis

nendis hostibus uidebatur, nouo tamen & numeroſo armatorum ſubſidio populus confirmatus, quod pari paſſu inſtructo exercitu regem aduentare didicerat, fugam repreſit. Quum eo modo nullo congreſſu, ſed crudelibus incendijs bellum gereretur, de pace per idoneos homines agi cœptum eſt: nam paulo antè per Bartouillam equitem Lignini captum dimiſſumq; per Iacobum Medicum & Franciſcum Somalium Inſubrem uirum clariſſimum, qui Cæſaris conſilijs adhibebatur, Hanebaldo Amiranti ſignificabant, Cæſarem uſque adeo diri atque exitialis belli pertæſum eo eſſe animo, ut ſi honeſtis conditionibus pacem rex peteret, ab æqua concordia minimè diſceſſurum, ipſos autem Medicum atque Somalium, ueteris ſuæ militiæ ſtipendijs & beneficio regis addi-
10 ctum, proſiteri fidelem operam ſuam, quam ea in re non ingratham Cæſari futuram ſcirent. His à Bertouilla nuncitatis, neque ipſe Amiras, neque rex poſtea ſurdas aures præbuerunt: ita ut Bertouilla cum Bailiuo Digionio rerum perito ſene cum mandatis remitteretur, quibus colloquio locum & diem pri-
marijs conſtitui poſtulabant. Eius autem actionis exitus fuit, ut Granuelius atque Gonzaga cum Hanebaldo atque Nulleio uiro togato colloquuti, eo faci-
lius de pace tranſigerent, quod in eius rei negotium iam antea Gabriel Guſma-
nus Hiſpanus cucullati ordinis à regina Galliae ad fratrem Cæſarem miſſus, ſe
Chriſtianæ pietatis nomine inſinuallſet. Dum hæc in ſpem pacis tractarentur,
20 Cæſar Antonium Peronotum ipſius Granuelij filium, tampridè ad arcana ſcri-
niij conſilia admiſſum, ad Henricum regem Bononiam oppugnantem miſit, ut
per eum Britannus natura ſuſpicioſus de his rebus, quæ de pace actitata fuerant,
ſed nondum planè conſtitutis legibus tranſacta, accuratiſſimè doceretur. Sed
plerique exiſtimarunt Antonium peculiari de cauſa ad Henricum fuiſſe tranſ-
miſſum, ut Cæſaris difficultates, ad eundæque Lutetiæ conſilium explicaret,
peteretque ut caſtra in Pariſios mouere uellet, ut communibus uiribus Lute-
tiam occuparent. Quod ſi proprio occupatus bello id facere noller, ſaltem hoc
ſibi indulgeret, ut incolumi ſœderis amicitia, de pace cum Franciſco tranſigere
liceret. Quamobrem Henricus ſua certa ſpe expugnandæ Bononiæ innixus
30 Antonio ita reſpondit, in poteſtate Cæſaris fore cum Gallo rege de pace paci-
ſci, idque ſe æquo laturum animo, modo recentis inter ipſos iſti ſœderis iura
nequaquam præuerteret. Pluris namque Henricus propinquam obtinen-
dæ Bononiæ ſpem, quàm Lutetiæ poſſeſſionem exiſtimabat, quod Morrel-
lum quoque magnis uiribus à Talboto oppugnatum, ſibi ceſſurum confide-
ret. Itaque Cæſar redeunte Antonio conſilia pacis explicauit: nam plerique
nihil ſtultius & pernicioſius fore iudicabant, quàm ſi Cæſar in urbem Lute-
tiam longè omnium ampliſſimam irrumperè properaret: inſtante ualidiſſimo
regis exercitu, quandoquidem irrumipientes milites ad prædam ita dilapſuri
crederentur, ut non facile, quum exterior hoſtis ingrueret, cogi, aut in aciem
40 produci aduerſus regiones poſſe quiſquam ducum exiſtimaret, quandoquidem
certa fames obſidente ſuburbana rege uictoribus & incolis extimeſcenda cenſe-
retur. Quod ſi cuncta proſperè Cæſari prouenirent: nihil tamen cum tanto
periculo quæſiturum apparebat, quàm ut alieno commodo ſalutem & digni-
tatem ſuam intempeſtiuo tempore periclitaretur: quoniam ſœderi erat adſcri-
ptum, ut ſi parta uictoria Pariſiorum Lutetia potirentur, ea urbs, uti ſupe-
rioribus ſeculis fuiſſet, non Cæſari ſed Britannico imperio cederet. Urgebat
etiã Cæſarem ad complectendam pacem pecuniarum inopia, uſq; adeo, ut quum
FF

fremerent Germani, præteritaque iam & instantia stipendia arrogantius flagita-
 rent, ipse ingenti animo ad milites prodiret molliēdis eorum animis, sic ut pau-
 corum dierum sibi dari spatium, ut debita dissolueret, indignis prope precibus
 peteret: & se ipsum in promissæ pecuniæ fidem, in ipsorum manus dediturum
 esse profiteretur. Quo pudore adducti milites Germani, ad unum omnes ma-
 num sustulerunt, quod erat pacati animi signum: atque inde Cæsaris vexilla in
 Suefiones uersa sunt, apud quorum urbem perscriptæ sunt distinctius pacis le-
 ges: cuius compositionis tabulæ postea, hinc atque inde modo ad Cæsarem mo-
 dō ad Regem delatæ sunt, donec in hunc maximè modum consentiente utrius-
 que uoluntate, & Cæsar & Franciscus conditionibus subscripserunt: quæ pari u-
 trinque lætitia susceptæ fuere, quum Franciscus grauissima calamitate miseros
 Galliæ populos liberatos perspiceret, & Cæsar ipse difficili periculosoque ne-
 gotio cum dignitate se explicasset. Vnus omnium ægerrime tulisse pacem Hen-
 ricus Delphinus traditur, qui Cæsarem raptō uiuentem, copiasque eius multis
 affectas incommodis, sibi que impares, ē manibus eripi, bellici uigoris atque
 ira turgidus, uel in coronis perstricto patre differebat. Sed Franciscus factio læ-
 pe, & improspere quidem Fortunæ suæ periculo, quum Cæsaris genus re-
 formidare diceretur, cuncta Cæsari concedenda rebatur: modō ei uel iniqua
 conditione Galliæ Cisalpinæ imperium eriperetur: quod quæ suæ paulo ante
 ditionis fuissent, pro dignitate Gallici nominis uel ingenti pretio redimenda
 statueret. Eo etiam sollicitius atque cupidius, quod Cæsarem ad totius Italiæ
 imperium aspirare plerique prædicarent, uel uno argumento, postquam Pon-
 tifici, ne usquam uti publicæ libertatis defensor commouere se posset, graues
 Tridentini concilij compedes iniecisset: quæ eo nomine videbantur honestis-
 simæ, quando quidem ex eo digna sacerdotibus morum censura, & deprauata
 Luthero Christiani dogmatis salubrior interpretatio, & constitutio querere-
 tur. Quam rem tamen Pontifex non obscure prouidebat: tamen ad reuocandā
 synceræ pietatis existimationem, non prius producti concilij quibuldam san-
 ctionibus odiosa disputatione ad decretum relatis admonitus est, quam se acer-
 rimè perstringi, nec iam perplexè offendi uir prudentissimus agnouit: ita ut ex
 authoritate Pontificia, quæ malignitate quorundam subornatorum præsulum
 in dubium reuocari videbatur, de suspensione translationeq; concilij apud Bo-
 noniam cogitare inciperet. Itaque inter reges dissidentes totius causæ iugulum
 ab utroque grauiter petebatur. id enim unum & certum erat Mediolanensis im-
 perij expositulatio, quare impetrata, Franciscus se domui suæ peregre regie consu-
 luisse uidebatur. Cæterum Cæsar adeo perplexa dubiaque conditione id se
 concessurum promittebat, ut neque Pontifex neque pleriq; alij ullam ob signa-
 to fœderi fidem haberent: quando ea liberali concessione reliqua Cæsaris con-
 silia euertere iudicarent: appareretq; Cæsarem ea astute polliceri, ut aliquod ma-
 ius inde nancisceretur munus, aut aliquam non omnino indecentem uel ine-
 ptam a fœdere discedendi ex interuallo temporis causam reperiret. Summa si-
 quidem conditionum incunda hæc erat, ut uterque ueterum contentionum
 & odiorum memoriam ex animis expelleret, & nouo affinitatis vinculo iun-
 geretur. Promittebat Cæsar se aut filiam, Philippi Hispaniæ regis designati,
 successorisque sui sororem, Carolo Aureliano nuptui daturum, cui dotali
 nomine Belgarum regna obuenirent: aut siquid hanc affinitatem impediret,
 loco filiæ Ferdinandi fratris Pannoniæ atque Bohemiæ, Austriæq; regis filiam
 eidem


eidem Aureliano in matrimonium collocaturum, quæ dotali iure Mediolanensem principatum secum traheret. Qua in re deliberanda Cæsar octimestre spatium deposcebat: quo spatio tum ipsius Philippi filij, tum Ferdinandi fratris uoluntates certius exploraret, ut inde intra quatuordecim menses, hoc est post integrum annum, cum alterutra uirgine nuptiæ celebrarentur. Si autem Cæsari magis expediret fratris filiam quam suam ipsius natam Carolo desponsare, confectis statim nuptiis Mediolanensis imperij possessionem Aurelianus hac lege acciperet, ut donec masculam susciperet prolem, Mediolani & Cremonæ arces Cæsariano præsidio custodirentur. Tum uero Carolo Sabaudio cuncta quæ illi uel in Allobrogibus, uel in Subalpinis adempta fuissent, optima fide restituerentur, liceretq; Gallo regi eas retinere arces tandiu Gallicis præsidij custodiendas, quandiu Galliæ Citalpinæ arces, quas diximus, Cæsariano præsidio tenerentur. Reliquæ uero conditiones intractatæ pacis atque periculi foederis eo pertinebant, ut de iurisdictione quorundam oppidorum Belgicæ prouinciæ præclare diffinirent, restituerenturq; ea omnia utrinque quæ mutuis armis ex usu belli occupata fuissent post inducias ad Nicæam Prouinciæ auctore Paulo Pontifice confectas, relinquereturque locus his principibus nominatim tanquam socijs atque amicis, si noui foederis beneficio uti uellent. Hi fuere ipse Henricus Britannicæ, Sigismundus Sarmaticæ, Ioannes Lusitanicæ, & Christiernus Danimarchicæ reges: atque item singuli sacri uel prophani iuris Germaniæ proceres, qui ad dicendum creandumque Cæsarem suffragiorum iura obtinent: & præter hos dabatur etiam aditus ad idem pacis & foederis beneficium Helueticorum reipublicæ tredecim pagis, cui annexa est trium Grisonij nominis gentium foederata ciuitas: atque item in Italia, principi Venetorum: atq; item Dynastis Carolo Sabaudio Allobrogum, Cosmo Medici Florentiæ, Herculi Atestino Ferrariæ, Guidobaldo Urbini, liberisq; ciuitatibus Genuensium, Senensium, atque Lucensium. Hæc confecta transactaq; sunt apud Crepinium in Suefionibus castellum, ad stipulantibus utrinq; mutuo sacramento Cæsarianis, & Regijs ei negotio præpositis. Hi fuere Nicolaus Peronotus Granuelius Cæsariani scriniij magister, & Ferdinandus Gonzaga, primam apud copias post Cæsarem in exercitu militaris imperij auctoritatem obtinens. Ab regis uero Hanebaldus ipse Amiras, & Nulleius senator supplicibus libellis præfectus. Dati autem sunt obsides in fidem concepti foederis duo Cardinales, Ioannes ipse Lotharingus, & Medonius, quem dudum Lutetiæ in eo propinqui belli metu, tumultuq; præfuisse diximus. Ad hos sacros uiros accessere Valleius citerioris Britannicæ opulentissimus regulus, & Agnódeus adolescens ipso Amirante Hanebaldogenitus, decimo quarto Cal. Octobris, quarto & quadragesimo anno supra quingentesimum atq; millesimum à partu Virginis. Hoc confectæ pacis nomen incredibilem cunctis mortalibus letitiâ attulisse uisum est, propter speratam diu exoptati omni tranquillitatem. Sed non deerat qui eam successu carituram prædicarent, quod Cæsar tam graui pondere obligatæ fidei distentus esset, ut ægrè promisso staturus crederetur. Nam apparebat eum summo cum incommodo alterutra quam uellet nuptiarum pactione, aut patrimonio Belgico cessurum, aut Mediolanense imperium importuna sibi ratione in dotem collaturum. Neque enim erat existimandum tantæ grauitatis tantæque religionis principem adduci posse, ut eius initi foederis leges, arctèque obligatam fidem suam ulla ex parte uiolaret. Sed Fortuna,

Cæsaris uotis & commodis secundissimè semper arridens, ex arcano fatorum
 uiam inuenit, ut eum damnosæ trasactionis sollicitudine curaq; uel in alteram
 partem, si à fide data discedere uellet, probroso pudore atque dedecorosa inui-
 dia liberaret. Carolus enim Aurelianus postquam in complexum Cæsaris de-
 uenisset, in pestiferum incidit morbum, ita ut paucissimis diebus apud Firmum
 monasterium sæua morte eriperetur, iuuenis omnibus corporis atq; animi quæ
 conferri à natura possent muneribus, totius Galliae iuuenū florentissimus, quæ
 unum præter ipsos Gallos, populi Insubres tanquam exoptatū summæ benigni-
 tatis principem maximè luxerunt, quum de fortunis suis & tranquillitate seculi
 facile desperarent. Caterum rex Henricus post expugnatam Bononiam, atq; 10
 eam expulso Varuenio, Obici Marechalchi prouinciaq; Morinorum præfecti
 genero, Anglicis præsidijs confirmatam, & desperatam Motrelli oppidi dedi-
 tionem, quod Obicius defenderat, pacem cum Gallo rege facere recusauit, uel sa-
 tagente plurimum in eam rem Ioanne Bellaio Parisiensi Cardinale. Quibus
 de rebus contendente iam Cæsare ad Samarobrinam, quæ Cameracum dicitur,
 uniuersæ Gallorum copiae duce Delphino discedentis Henrici regis & Britan-
 norum vestigijs ita institere, ut pene nouissima hostium agmina consequeren-
 tur, atque eos multis impedimentis exuerent: conuersisq; continuo signis Del-
 phinus Bononiā repentinus inuaderet, tanto impetu, ut inferiore oppidi par-
 te, multis Anglorum interfectis, atque obiter magna præda potiretur, uideriq; 20
 posset graui metu hostium, superiore etiam oppido, in quod Angli confugerāt,
 uim ad mouere cum bona spe uictoriæ potuisse, nisi hæc strenuè audentem ad-
 uersæ tempestates ventorum & imbrum, quæ tolerari non poterant, impedi-
 mento fuissent. Instituta demum est à Francisco rege cum terrestris, tum naua-
 lis obsidio: nam præter copias quæ opportuno in loco castra fecerant, atque
 importari commeatus è proximis regionibus prohibebant, ad onerarias ingenti-
 tes naues, quæ passim ex Armorici Oceani portibus cogebantur, rostratæ e-
 tiam naues Malsiliensesque triremes, per fretum Gaditanum Hispaniam cir-
 cuire iussæ, onerarijs nauibus accesserant. Quarum agilitate Britannicis nauig-
 ationibus multa inferebantur ditrimenta, usque adeo ut Hanebaldus, cui a- 30
 derat Petrus Strozza & Leo frater triremibus præfectus, prælio nauali cum
 Dumbleio Henrici præfecto, magna loci, & ventorum conspirantium oppor-
 tunitate prosperè certaturus crederetur. Quibus de rebus fiebat, ut Henricus
 longè maximis sumptibus fatigatus, ad consiliū pacis, quod nuper reiecerat,
 reuerteretur. Ea uerò celerius opinione omnium confecta est hac lege, ut Fran-
 cisco regi Bononiam certo auri pondere redimere liceret: quod aurum reār-
 ciendi bellici sumptus octo pensionibus in singulos annos à Gallis pendere-
 tur. Sed per hunc modum Henricus & Franciscus nequaquam diu ea parta
 pace letari potuerunt. Henricus enim iam planè in seniumurgens, & multo
 succi abdomine grauis & ineres effectus, lacescente atroci febre propter sæuam 40
 inflammationem in crure uirulenti herpetis, uitam cum morte commutauit,
 quum ætatis annum quinquagesimum septimum ageret, & ferè triginta octo
 annis regnasset, relicto regni hærede Odoardo puero ex Ioanna Semera susce-
 pto, ea conditione, ut à Thoma Semero auunculo instruendus regni administrā-
 di artibus regeretur. Post quinquagesimum autem diem ab Henrici morte, ipse
 quoq; Franciscus rex apud Rambuletum oppidum in finib. Parisiorum atroci
 eum, quatiante morbo è uita migravit. Natum ei erat circa sedem malignum
 ulcus,

ailcus, quod serpendo ad uesciæ penetrallā peruadebat, & cuncta humani ingenij remedia respuerat. Is erat duobus serē annis Henricō ætate minor, ceteris in rebus uera æstimatione morum, & naturæ deitum plane æqualis, nisi Henricus in grauescente ætate oblitus ueræ pietatis, nobile alioquin ingenium Lutheranis superstitionibus deuouisset. Cæterum Franciscus decumbens, quom æquissimo animo fatalem horam sibi adesse præsentiret, & Christiano ritu sese religiose & puriter a delictis exprolasset, Henrico filio pietatem in omnire constantissimè colendam commendauit, & quædam ei arcana uiuendo regno opportuna communicauit, & quibus maxime artibus gentium subiectarum certissimum studiū promerere, præcepit, ut populorum tributis propter immodicos alendi belli sumptus a se necessario institutis, & acerbius quam deceret exactis subleuaret, scilicet ut hac liberalitate firmior, atque antiquis Galliarum hostibus superior euaderet. Peculiari autem nomine Hanebaldum Amiratē propter spectatam eius fidem atque uirtutem missicè commendauit. Antecesserat pariter Franciscum regem, eodem fortè mense dieq. superioris anni Alphonsum Daualus Vastius, propter admirabiles corporis atque animi uirtutes, quas eximia liberalitas aptissimè condiebat, regali Fortuna dignus, cui in imperio copiarum, Mediolanensisque dominatus præfectura Ferdinandum Gonzagam Cæsar suffecerat. Sed prius quàm horum duorum insignium regum interitus incideret, Cæsar acre bellum suscepit, perdomandæ Germaniæ causā, quæ non modo multo maxima ex parte ab institutis maiorum suorum placitisque religionis impiè descuerat: sed etiam à maiestate imperioque Cæsaris arrogantissimè rebellarat. Deficientis autem Germaniæ duo duces erant, Philippus Lanigravius Cattorum princeps, & Ioānes Fridericus Saxonum antiquissimæ stirpis regulus, qui cōtumaci animo pro uenda libertate Germanici nominis, excitis in id bellum liberis ciuitatibus, arma sumpserant. Cæterum Cæsar prodignitate sua nequaquam id seuum bellum reformidans ita illud inchoauit, ut quum initio parum paratus arma cepisset, in Vindelicia aggre promptissimorum atque urgentium hostium impetum sustineret, & sese in Rhoariam amicitia Gulielmi principis frenus, recipere cogeretur, donec ex Italorum treueratissimæ legiones, & sex centenariæ galeatorum equitum alæ à Pontifice Paulo religionis atque amicitia nomine trans Alpes missæ opportunissimo tempore iuxta Lanzutum oppidum Farnesio Cardinale legato, & Octauio fratre duce superuenerunt: quas Pontificias copias statim subsequente sunt uicerant Hispanorum cohortes. Quibus tantis confirmatus auxilijs Cæsar bellum quod inferebatur cōuersa Fortuna ita hostibus intulit, ut protracto bello per aliquot menses, fractoque Germanorum imperu, quum nusquam iusto periculo fuisset dimicatum, germania omnis intra Danubium, & Albim, & Rhenum incredibili felicitate gloriaq. subacta sit, utroque etiam duce capto, eo rerum cursu, ut ipsis uinctis atque productis nobilissimum de subacta Germania triumphum, quem Romanis olim ducibus denegatum constat, instituere potuerit.

FINIS.

INDEX RERVM MEMORABILIVM QVAE IN HOC SECUNDO TOMO CONTINENTVR.



- A**
- Abdamelech** Tuncti Rex moritur. 575
- Abdamelech** Tuctuaro iuuatē Tuctu netū oppugnat. 575
- Abdelchirinus** à Collegis interficitur. 576
- Abiatum** expugnatum à Ioanne Medice. 9
- Abilchirinus** Hariadeno respondet. 258
- Abyssinorum** regio. 382
- Achangi** qui. 215
- Achelous** amnis. 335
- Acomates** Michaloglis. 115
- Acomates** cadit. 232
- Achomates** Moldauium acerbè simulanter reprehendit. 463
- Achomates** interficitur. 438
- Acroceraunij** Chimeram montem incolentes suscipiunt consilium inuadendi regij tabernaculi Damiano quodam duce. 232. 333
- Actiacum** promontorium. 354
- Adamus** Centurio Genuensis Hipponem missus ut classem instaurantem Barbarussam opprimeret, re infecta redit. 299
- Ademanum** regem Eunuchus ad se sub fide euocatum suspendit. 381
- Ademum** ad nobilissimum emporium se recipit Eunuchus. 382
- Adurnius** Antonium Auriam liberabat ut sibi apud hostes defensor existat. 67
- Adurnius** sine prole moritur. 67
- Adurnij** Genuenses exules expugnata Genua restituuntur. 8
- Adurnij** Fregosios incaute excubantes adoriuntur. 66
- Adurnij** & Fregosij Gibellina stirpis. 71
- Affrica** urbs antiquitus parua Leptis fuit. 299
- Aegyptij** quidam reges adnitentes mare Rubrum mediterraneo immittere ab opere destiterunt. 327
- Aegyptum** & Syriam Selymus sibi adiecit. 4
- Agis** Hariadenus Rex ab Hispanis Castronouensib. tormento discerptus. 378
- Agmina** in itinere faciundo cui ductanda. 83
- Aiax** & Barbarussa Corcyram speculantur, ac Solymano inexpugnabilem renuntiant. 333
- Alba** oppugnatur. 549
- Albae** regalis descriptio. 546
- Albam** Galli Duces sub inducijs infeliter tentant. 494
- Albam** in deditionem capit Vastius. 408
- Albam** oppugnant Caesariani Vastio duce. 407. 408
- Albam** Pompeiam Strozza capit. 595
- Albam** regalem Velsius ad Ferdinandi fidem redigit. 435
- Albani** a Solymano castigantur. 553
- Albani** milites ab Hungaris oppugnantur. 553
- Albani** milites excedunt. 552
- Albani** militibus recipientibus se pontem subtrahunt. 550
- Albani** quibus conditionibus se dedunt. 551. 552
- Albani** cuniculis Turcis obeuntes, se ipsos exurunt. 549
- Albanus** regulus Perpennianum intrat. 502
- Albertus** Petra dux Heluetiorum cadit. 7
- Albertus** Slithius se recipit. 352
- Alexander** Bondelmerius. 365
- Alexander** Contarenius sua temeritate magnam Italiae utilitatem attulit. 350
- Alexander** Farnesius Pötifex salutatur. 235
- Alexander** Florentiae princeps Laurentio Medici dicit quæ ex Puccio audiuisset de insidijs sibi ab ipso paratis. 388
- Alexander** Florentiae Princeps adulterris deditus. 387
- Alexander** Medices describitur. 387
- Alexander** Medices arcem Florentiae perficere maturabat. 275
- Alexander** Medices Cesare Cosmianis ædibus excipit. 311
- Alexandro** Medices Cibous Massiliensis episcopus necem parat. 302.
- Alexander** Medices Valerium Vrsinum cum ala equitum Cesari addit. 314
- Alexander** Medices Florentiae dux occiditur. 390
- Alexander** Medices quare Paulum Pontificem ingratum appellaret. 359
- Alexander** Medices Dux Florentiae. 85
- Alexander** Vitellius cum tribus Italorum milibus Germanis Viennam mittitur. 602
- Alexander** Vitellius de occupata arce Florentiae, certiore cura partem reddit. 398
- Alexander** Vitellius milites disponit ad praesidium seu ius Florent. 602
- Alexander** Vicius quo ordine arce Florentinam occupat. 608
- Alexander** Vitellius. 70
- Alexander** Vitellius Neapoliconem Vrsinum funari, cruciug. uexillis in triumphum redit. 612
- Alexandro** more predicta & permissor inuicatus, & à quibus. 398
- Alexandriam** caput Lorrethius. 74
- Alexem** Moldani ab exilio uocant in regem constituunt. 470
- Alexem** principem Moldauum trucidant, ac eius caput Petro offerunt. 472
- Alfonso** Daualis, & Lambertus L. ad Venetos. 311
- Alfonso** Daualis Vastius quando mortuus. 607
- Alfonso** Petrucci Cardinalis sua morte multatus. 3
- Alfonso** Strozza. 31
- Agerium** olim iuba regis à Romanis Caesarea Iulia uocata. 482
- Algerij** expeditionem Caesar suscepit Hispanorum precibus inductus. 450
- Algerij** situs. 452
- Algerij** uires. 482
- Algrunium** olim Iulio brigata. 5
- Almeda** cadit. 51
- Aloysius** Guicciardinus Vexillifer. 15
- Aloysius** Gritius. 125
- Aloysius** Alamannus. 132
- Aloysius** Gonzaga dictus Rodomontes. 29
- Aloysium** Praesendam Genuæ natum interfici iubet Barbarussa. 279
- Alpes** transcendunt supra triginta milia sarcinatorum uentorum. 356
- Altburgum** Solymanus expugnat caesis Bohemis omnibus. 117
- Aluarius** Gometius sibi manus infert. 299
- Aluarius** Sandeus Hispanos quos astute ca p

INDEX.

- capit, interficit. 369
Amalphi incolæ Magnetis usum ibi re-
pertum asserunt. 47
Ambracius sinus 208
Ambracij sinus siue maris Rubri descri-
ptio. 382
Ambrosius Florentinus persuadet Lotre-
chio Romam exercitum duci opor-
tere. 26
Americus à Dacia capite truncatur
 239
Amicus Arsula interficitur. 163
Amida Mosopotamiæ ubrs ab incolis Ca-
ramida. 229
Amidas quibus instinctoribus à Muleas-
se patre defecerit. 571
Amidas unus hore spatio Tuneto regno
potitur. 572
Amidas Tuneto exclusus undiq; noua au-
xilia sibi parat. 576
Amidas Muleass filius Tuneti regnum
occupat. 571
Amidas à Tunetanis euocatur. 576
Amidas Christianos Rabatinos quadra-
ginta interficit. 576
Amidas feritatis ac libidinis immensæ.
 577
Amidas Maniphatem interficit. 576
Amidas patrem obcæcat. 574
Amidas patris liberos interficit ac concu-
binas stuprat. 573
Amidas Perellum Tuneti Viuum exurit.
 576
Amphimaleus sinus, hodie Suda dicitur.
 365
Amurathes è Sico oppido ciuis ad Ma-
bometis sacra deficiens bellis incla-
ruit. 336
Anconam Photificiæ diuisionis fecit Cle-
mens. 219
Andeanum Cesariani recipiunt. 595
Andreas Quirinus patritius Venetus te-
terrino supplicio afficitur à Turcis.
 271
Andræ Apostoli sepulchro Amalphi li-
quamen emanat. 47
Andræolus Nicolinus Malatestam dicit
capite truncandum, à Malatesta vul-
neratur. 168
Angelus Ranuccius. 108
Angelocastrum Corcyæorum castellū
frustra Turcæ oppugnant. 314
Anghianus Gallicæ clasīs præfectus.
 563
Anghianus ad Barbarussam mittit, eum
edocens classem Aurianam deleri pos-
se. 566
Anghianus captiuos Cesarianos dimittit
ac quosdam alijs captiuis permutat.
 557
Anghianus castra ad Stalloniam mouet.
 580
Anghianus quare uictoria uti nequi-
uerit. 588
Anghianus classem ad Niceam exponit.
 564
Anghiani acies describitur. 583
Anguillotus Pisanus infœliciter pugnas
suis cæsis capitur ac post occiditur.
 140
Annam Boleniam Henricus Angliæ Rex
deperit. 216
Anna Bolenia Henrici Britannicæ Regis
uxor capitali supplicio affecta.
 325. 326
Anneus Memoratius totius Gallia equi-
tum magister. 320
Anneus Memorantius ab officio amoue-
tur. 493
Aunci Memorantijs fides suspecta. 292
Annibal Nouellarius cadit. 403
Annus 1527. omnium Italiæ pestilenti-
simus. 64
Antipolis à Cesare capta ac direpta.
 313
Antistites Hungari non satis firma fide.
 187
Antius Macer Saxo Germanis equitibus
præfectus. 339
Antius Macer fortiter pugnando cadit.
 351
Antius supplicio affectus. 546
Antonius Surianus Legatus Venetus
ad Florentinos. 34
Antonius Auria Genuam ad patriæ opẽ
ferendam mittitur. 318
Antonius Barbadicus et Hermolaus Bar-
barus Venetæ clasīs præfecti Alexan-
driæ custodiæ traduntur. 328
Antonius Canicula scomma in Leuam in
corona dicit. 61
M. Antonius Columna tormento maiore
mortuus. 7
Antonius Fonseca. 9
Antonius et Hieronymus Adurnij ab
exilio Genuæ principes constituti.
 8
Antonius Franciscus Albicius arcem in
deditione Pisana capit. 23
Antonius Franciscus Norius Medicearū
partium fautor. 19
Antonius Leua Ticinum cum Germa-
nis defendit. 10
Antonius Leua reprimat Gallos. 300
Antonius Leua in secreto suaserat Cæsa-
ri ut Galliam inuaderet. 312
Antonius Muscella Neapolinus Cesaris
Legatus Clementi Cesarem reconci-
liare maturat. 84
Antonius Nerlius factiosus sacerdos ad
sonandas campanas confugit. 16
Antonius Perenotus Atrebatum antistes.
 525
Antonius Perenotus ad Henricum Bri-
tanniæ regem mittitur. 609
Antonius Polinus legatus Francisci ad
Solymanum cum donis proficiscitur.
 504
Antonius Polinus ad Solymanum admit-
titur. 509
Antonius Polinus apud Solymanum de
mittenda classe sollicitat. 532
Antonius Polinus ex Barbarussæ classe
ad Rodolphum legatum scribit.
 539
Antonius Polinus Genuensib. scribit, Bar-
barussæ classem nemini nocituram
præterquam Nicensibus. 563
Antonius Polinus Venetys et Byzantijs
nil proficit. 507
Antonius Rincus legatus Bizantio fugit.
 423
Antonio Polino Barbarussa catenas mi-
nitatur. 568
Antonio Polino Byzantijs ex decreto So-
lymani respondetur. 507. 508
Antonio Polino Venetys Senatus datur,
ac regis causas dicit. 506
Antonium Polinum, et Leonem Stroz-
zam Turcæ ad Niceam interficere
conantur. 565
Antonium Polinum Franciscus Rex Bi-
zantium mittit. 505
Antonium Carasullam morionem in car-
cerem Stincum Florentini coniiciunt.
 139
Antropophagi qui Canibales appellan-
tur. 305
Antuerpia Ambuaritorum Colonia.
 498
Antuerpiæ Lucius Vrsulus et Nicolaus
Schermerius Consules egregiè fortes.
 499
Antuerpiani Consules Rossemij Araldo
respondent. 500
Antuerpianos quibus conditionibus Ros-
semius in deditionem petit. 506
Anxianum oppidum Germani et Hispani
Vega duce expugnant. 598
Appianus Iudæi Sine filium restituit.
 598
Appianus ad literas Barbarussæ respon-
det. 597
Appullus Calcella tormentorum magi-
ster cadit. 256
Aquæ Calidæ ad Budam. 434
Aquæ infectæ suspicio quæ magnos con-
tagiososq; morbos Gallorum exerci-
tus intulit. 251
Arabicus sinus à Lusitanis interclusus.
 327
Archintus legatus à Granucllio asperè
castigatur. 363
Arctini portas aperiant. 114
Argonis portus. 598
Arrianū oppidū Cesariani deripiunt. 40

INDEX.

cerum dux dicit.	345	Baiardus irritè Cremonam oppugnat.	9	Bohemi maximè tulerūt calamitatē.	352
Balthasar Pamphilus iniussu Velsij Budam ingreditur, quare castris excedere iubetur.	435	Baro Sisnechus Germanorum dux.	580	Bohemorum militum descriptio.	200
Baptista Archintus legatus Mediolanē. ad Casarem.	362	Barolum munitur à Cerete.	77	Boetius Hispanus Ramada, idest abiuratus à Christianismo tormentum subuehit.	257
Baptista Cibous Massiliensis episcopus Alexandro Medici necem parat.	302	Basilus Mathematicus Cosmo ex horoscopo opimam hereditatem prædixerat.	393	Bonnæ Caesar copias recenset, ac militū numerus quis.	554
Barbarussa Aenariam deuastat.	601	Battianus & Docia Hungari Grittiū ad maiora aspirare instigant.	277. 278	Bononiam Caesar quibus apparatib. uenerit.	100
Barbarussa classē in Aurie conspectū educit.	373	Baucius Caualcantes.	132	Boloniam quam obsidione recuperandam putauit Rex Franciscus.	615. 616
Barbarussa classē refecit, ac Mahonā extruit.	377	Bebio & Cechinus Bibbona Laurentiū Medicem interficiunt.	396	Bonus ciuis existimatus nullus, nisi quis Mediceo nomini ex professo aduersus	30
Barbarussæ classis ad Præuesam descriptio	377	Belge ad arma consternati expilationes à Carolo Ceurio nolentes ferre.	5	Borbonius glande ictus moritur.	15
Barbarussa Cretam insulam inuadit	365	Belge ad triremes missi, quibus uita concessa in eum usum erat.	278	Bornemissa Budam traditurus fallitur opinione.	443. 444
Barbarussa cum præda Bizantium traiecit.	602	Belge cum Gallis tumultuarie præliantur ad Teroannam.	324	Boscum oppidum capit Lotrechius.	14
Barbarussa Didaci filiam captam in uxorem ducit.	534	Belgarum ars auleorum sericorum texendorum.	225	Bosphorana Selymi uxor unicum habuit filium Solymanum.	4
Barbarussa duabus de causis mature ab Italia discedere statuebat.	601	Belgradum antiquitus Taurunum.	338	Braxouium	466
Barbarussa Gallos increpat quod naues uiuo magis, quam tormentario puluere implere maluissent.	565	Belgradum expugnatum.	6	Brancadora factio.	35
Barbarussa Hostiam peruenit cum summo Romani populi terrore.	539	Bellum nouum in Apulia Veneti mouent.	76	Breda.	498
Barbarussa instinctu Gallorū aliquē tutū portū sibi in Italia querebat.	599	Belli origo & causa inter Othomanicos & Sophios.	260	Eriscotum.	498
Barbarussa Massiliam peruenit	540	Belli noui inter Casarem & Gallum uarij rumores & coniectura.	274	Brixellum Casariani capiunt.	596
Barbarussa Polino duas conditiones de oppugnanda Nicæ arce proponit.	565	Belmares equitum alam in Matalonio oppido expugnata Gallorum statione delet.	55	Brugnotam Casariani capiunt ac diripiunt Gallis cæcis aut captis.	316
Barbarussa Prouocabūdas ad Paxū.	565	Beltrandus Russius Parmensis nobilis cadit.	37	Brundusini Lando portas aperiunt.	47
Barbarussa quid de Anria ad Præuesam se recipiente diceret.	375	Beluederia uilla.	49	Brutiorum duæ Centuriæ à Marmaldo deficiunt ad Ferruccium.	152
Barbarussa instinctu Gallorum aliquem tutum portū sibi in Italia querebat.	599	Bernardus Baldinus gemmarum æstimator.	147	Buccanigra Hispanus, & Iosias Firmannus cadunt.	376
Barbarussa quare Hariadenus uocari uoluit.	98	Bethlis oppidum in finibus Persici imperij.	225	Buccerus.	439
Barbarussa Lesbos patria ortus.	98	Blandratus qui Casalem Gallis tradiderat ictus cadit.	510	Buccerus, Philippus Melancthon, atq; Pistorius Protestantium Theologi.	439
Barbarussa cum præda Bizantium traiecit.	602	Ad Bicoccam Lotrechius prælio commisso cum Gallis funditur.	7	Buda discedere Regina cum proceribus iubetur.	458
Barbarussa Rhegiū capit ac incēdit.	533	Bichius saleone ictus cadit.	141	Buda per fraudem à Solymano occupatur.	455
Barbarussa Telamoniū expugnat.	599	Biordus Agnesius Neapolitanus ad Gallos à Casarianis fugit edocens classis statum.	43	Buda semicapta inimici fortiter expelluntur.	444
Barbarussa uiginti quinque triremes ex Telona portu in Hispaniam prædatum mittit.	569	Bisamnem fluuium Genuæ olim Peritorem appellabant.	318	Buda situs, ac immutatio describitur.	440. 441
Barbarussa uisa classe ad Præuesam extimuit.	372	Biserte situs.	255	Budam Solymanus capit.	15
Barbarussam dimittrandū censuit Gallus	596	Bisertani audito nomine Roscettis Turcas oppido recipiunt.	255	Budam nauem capit Solymanus.	126
Barbesius Aurie insidias intendit.	70	Boelo nulla libertate promissa adduci poterat ut Ioanni Regi iuramentum dictum uiolaret.	122	Budenses fame premuntur.	443
Barbesius nouus Gallicæ classis præfectus Lando se coniungit.	52	Boclo in carcere moritur.	ibid.	Budensibus Turcæ arma deponere imperant.	455
Barbatus Græcorum fortissimus hortatur Maccicaum & Hispanos ad suscipiendam expeditionem.	230	Bodrogum amnem Cazxianer traiecit ad pontem succindit.	346	Burgū sancti Sepulchri occupare irritō parant Strozzei.	401
Barchinone oram soluit Caesar.	276	Boemus Rex in pronuntiando Casare qua præeminentia polleat.	200	Burria capitur ac Mediolanū mittitur.	387
Bargiam Galli expugnant.	403	Bohemi impauide repugnantes cadunt.	452	Burria Casali recipitur ac arcem obsidere parat.	385. 386
Baronam uillam Valorius inuifit.	410			Butretum à Barbarussa direptum, ac ciues in seruitutem ducti oppidum denique deletum.	335
Baiardus Gallorum dux.	4			Buziam, olim Vxicatham Caesar appellat.	490
				Byzantium potuisse capi ac Græcos ad	

INDEX.

rebellionem adigi potuisse.	210	Cesar cur cum Francisco Gallie rege pa-	fortissime pugnacissimeq; inuadit.
C		cem post expugnatum Sandesirium	290
Abellonē Franciscus Rex conten-		consecerit.	610
dit ac castrametatur.	320	Cesar cum Francisco Gallie rege ad Fos-	Cesar ipse promotus aliquot cohortibus
Cacciadiabolo Portuadum cedit		sas Marianas colloquitur.	Numidas inuadit.
ac classem capit.	98	361	290
Cesar Algerio castra mouet.	488	Cesar Franciscum Gallie Regem ad	Cesar ipse exploratum it.
Cesar Algerium peruenit.	480	singulare certamen prouocat.	281
Cesar sua persona Andream Pötium cir-		310	Cesar in Italiam spreis dicacium dictis
cumuentum à Numidis seruat.	290	Cesar ad Franciscum Regem cum man-	contendit.
Cesar ad Asanagam Algerium mittit		datis Pelusium mittit.	474
urbem in deditiōem expetens.	380	423	Cesar in Italiam uenit.
Cesar armatus ad tumultum accurit in		Cesar Franciscum Gallorum Regem	107
crepans, qui stationū locum deseruif		multis de causis uidere non sustinuit.	Cesar inuictus & intrepidus suos ad re-
sent.	283	10	sistendum stricto gladio cōpellit.
Cesar Balistariorū alā desiderabat.	290	Cesar perhūmaniter Frāciscum Regem	486
Cesar in Baioariam se recepit declinans		captiuum reficit.	Cesar Lazarum Coroncum stricto gla-
primū Germanorum impetum.	618	10	dio insequitur.
Cesar in Barchini Magonis portū clas-		Cesar Fregosius Genuam obsidet.	290
sem inducit.	499	65	Cesar ad legatos Germania de Solyma-
Cesar Bononiæ à Pontifice excipitur.		Cesar dum in Gallia esset nihil de pace	no resistendo.
100		egit.	184
Cesar Bononiam uenit.	100. 101	421	Cesar letis omnibus in Europam nauig-
Cesar in Britannia.	5	Cesar Gallum sibi suisq; uictorijs inui-	gandum dii it.
Cesar Carolus V. per Oceanum Hispan-		dere dicit.	439
nam deuectus.	4	Cesar Genuæ ab Auria hospitio exci-	Cesar manuū regnū dare quā accipe-
Cesar castrametatur inter duas turres		pitur,	re.
Aquariam & Salinariam.	281	219	104
Cesar castra metatur ad Aquas Sexias		Cesar Genuā applicat, Hispaniq; pro-	Cesar Medelinum & Guassum effrin-
supra Masiliam.	317	prijs Genuensium penatibus suscepti.	geli ergastuli aurores pecunia &
Cesar cauet ne qui ueteraniē suis statio-		93	ueste donat.
nibus ad noui belli spem nomina det.		Cesar Gözagam de Hispanis seditiosis	297
276		quoddā supplicium sumpsisset laudat,	219
Cesar cognito Solymani recessu in Ita-		ac muneratur.	Cesar morientem Aurantium compie-
liam redire constituit.	202	369	fitur.
Cesar constanti animo in Africam traj-		Cesar Guletanis summam uim intendē-	607
cere uelle explicat.	475	dem decernit.	Cesar Muleassi respondet ac tentorium
Cesar constitutis rebus in Insucribus fœ-		285	tēdi, & cetera necessaria tradidit.
liciter in Hispaniam nauigat.	384	Cesar potius Guletta & Hariadēni clas-	288 289
Cesar coronatur.	106. 107. 108	sem occupat.	Cesar Muleassem in Sicilia alendum de-
Cesar cum paucis simulata persona Ro-		286	cernit.
manū uisit.	309	Cesar Heluetios quando belli spectatō-	307
Cesar disponit quo ordine in Italiā pro-		res esse cupit.	Cesar Muleassem admittit.
ficisci uoluit.	306	304	187
Cesar duobus exercitibus in Galliā pro-		Cesar Henricum Angliæ regem sibi con-	Cesar Muleassem quibus conditionibus
rumpendum statuit.	305	iungit, quo facto Pontifex suggillari	Tuneti regno restituit.
Cesar edicto cauet ne quis scortum aut		uidebatur.	209
puerum classi imponat.	278	528	Cesar multis donat. omnibus Italia Prin-
Cesar edocetur à Muleasse quibus Bar-		Cesar Hispanos, Italos, Germanos uete-	cipes sibi astringit.
barussa uiribus constet.	288	ranos ad se euocat.	118
Cesar expedito ingenio anteuerendū		185	Cesar nullis modis induci potuit ut con-
Gallos (si uellent.) arma parat.	275	Cesar ex Hispania in Herculis Monēci	stantiam de pace mutaret.
Cesar Federicus Gonzagam Montis-		portum aduchitur.	97
ferrati imperium adiudicat.	383. 384	359	Cesar nihil sibi colloquio Pontificis esse
Cesar Fœdus percutit cum Venetis ac		Cesar ex Hispania per mediam Galliā	opus dicebat.
Pontifice contra Barbaros.	355	in Belgium profectus.	Cesar nullo modo ad pacem induci pe-
Cesar Ferdinando concedit omnes Ita-		416	testi.
licas cohortes.	202	Cesar in Hispaniam Auriana classe ue-	Cesar oram Barchinonæ soluit.
Cesar Feremusca Cāpanus Romam ue-		hitur.	Cesar pecunias cogit.
nit Caesaris literas afferens.	314	219	Cesar peralacriter Iouium hortatur ca-
Cesar ad Forum Iulij copias inspicit.		Cesar hortatur Alexand. Med. ut proli-	lamos ad futura perscribenda para-
314		bis studeat ad seipsum in primis ab	re.
		insidijs caueat.	Cesar Philippum filium Hispaniæ re-
		Cesar hortabūdus singulos ordines per-	gem constituit.
		currit.	629
		292	Cesar & Pontifex ad Buxetum triduo
		Cesar sui Imperatorij iuris memor Pon-	colloquuntur.
		tifici iurat.	536
		95	Cesar & Pontifex Luce recipiuntur.
		Cesar increpat eos qui suadebant ma-	477
		turē Africa discedendum.	Cesar præferēs gregarios milites nobi-
		291. 292	lissi. equis, omnes equos interfici iu-
		Cesar quo ordine castra ad Tunetum	bet.
		mouet.	489
		ibid.	Cesar pugna audius castra ad Catalax-
		Cesar initio Lantgrauij impetum ferre	num mouet.
		uix potuit.	613
		618	Cesar quare Bononia coronari decre-
		Cesar Iouio iniungit ut Clementi cau-	uerat.
		sam apprehensionis Hippolyti tran-	105
		scribat.	Cesar queritur sua liberalitatis decus ab
		206. 207	Aurantio occupatum.
		Cesar ipse in acie constitutus Numidas	76
			Cesar quid de Caiana uilla Mediceorū.
			211

INDEX.

- Cesar* quid de *Caiana uilla Mediceo*. 311
Cesar quid ad Pontificem genu flexo dixerit. 107
Cesar Romam uenit. 309
Cesar Romæ cōcionatur omnium principum legatis propè presentibus. 310
Cesar Ratissone conuentum dissoluit, ac quid ibi egerit. 472
Cesar in Senatu coram Pontifice ad Grmani orationem respondet. 530
Cesar septem procures equestri ordini ascripsit. 111
Cesar seruos liberos dicit, pecuniam nauigia & commeatum donat. 296
Cesar in Siciliam ac inde in Italiam traiecit. 299
Cesar signum ad oppugnandam Gulettam militib. exhortabundus dat. 286
Cesar sororem matrimonio Regi Gallorum coniungit. 10
Cesar studebat Paulum Pontificem in suas partes traducere. 526
Cesar summa benignitate clementiaq; Franciscum Sfortiam restituit paternæ hereditati. 103
Cesar Ticinum uenit ut locū oculis intueatur sua uictoria Gallorumq; casu nobilem. 219
Cesar totus describitur. 101. 102
Cesar tres nationes per tria castra distinguit. 482
Cesar triginta milia nummum ex arcis cisterna Vastio donat. 295
Cesar apud Vangiones comitia indicit. 423
Cesar Venetos sibi ascisit. 303. 304
Cesar Viennam classe deuectus singula castra inspicit. 199. 200
Ces. aciei ad Viennā descriptio. 201. 202
Cesaris apparatus & naualium & terrestrium copiarum inimicos in pace continuit. 276
Cesaris Castra ad Algerium. 482
Cesaris constantia omnes ad Algerium egregie sustentabat. 487. 488
Cesaris copiarum quantitas, quique duces. 603. 604
Cesaris dicta, dum signa canere iubet ad Tuncetum. 293
Cesaris diploma recipiunt Florentini ac illud obseruaturos se iurant. 178
Cesaris diplomata ad Florentinos deferuntur, quibus Alexandrū Medicē ducem Florentiæ constituit. 177. 178
Cesaris exercitus ad Masiliæ fame morboq; laborat. 317
Ces. exercitus numerus ad Viennā. 201
Cesaris exercitus numerus. 314
Cesaris fortunā sequi statuit Clemēs. 35
Cesaris natura. 207
Cesaris prætoria graui cum periculo uado haest. 279
Cesaris responsa ad legatos Florentinos. 93. 94
Cesaris uis ingenij. 27
Cesari bellum machinatur Gallus. 226
Cesari Casoni crista datur. 197
Cesari ad Landresium amplissima uictoria è manibus elapsa. 579
Cesaris regionum inuentarum descriptio. 306. 307. 308. 309
Cesari in Sardinia Africam petenti biceps uirulus dono oblat. 479
Cesarum Carolus V. potentissimus. 3
Cesarianus exercitus regionatim Neapoli per idonea loca distribuitur. 41
Cesariani ad aquas cisternas currentes uel ab ipso Cesare uix reprimi poterant. 292
Cesariani arcem Romanam capiunt. 11
Cesariani Casali acerrimè Gallis depugnantib. profligant, ac Burriam capiunt. 387
Cesariani classem conscendunt. 479
Cesariani equites ad Cerisolā in Germanorum phalangē incurrunt. 585
Cesariani Florentinos cadunt. 140
Cesariani Gallos insequuntur ad Landresium. 561
Cesariani Gallos ad Ticinum capto Francisco eorum Rege profligant. 10
Cesariani Gallos ad Vitriacum profligant. 609
Cesariani Ianizeros & Numidas in Gulettam compellunt. 284
Cesariani Leua duce Borbonium capiunt exercitumq; fundunt. 82. 83
Cesariani in litus descendunt. 477
Cesariani à Neapoli discedentes uexillis tormentis impedimentisq; exeunt. 58
Cesariani Numidas oppugnant. 483
Cesariani Numidas in urbem compellunt. 484
Cesariani posteriora agmina Gallorum inuaduunt. 404
Cesariani post aduersam naualem pugnam nihil se animis remittunt. 47
Cesariani quas urbes tuendas, aut Gallici uicissim putabant. 493
Cesariani seditiosi designant hebdomadam præfectos, quos Electos appellabant. 364
Cesariani Strozzi insequuntur. 593
Cesariani Strozzeanos fundunt ac profligant. 594
Cesariani ad Troiam perueniunt. 37
Cesariani tumultuosissima pugna commissa ferè Gallorum stipendia auferunt. 52
Cesariani uarijs rebus moti ad Gulettam expugnationem. 285
Cesarianorum ad Cerisolam cesorum nomina. 585
Cadentium fortiter pugnando nomina, cum à socijs, qui fuga sibi salutē querebant, essent destituti. 351
Caierbens. 4
Calaber Crotoneatus ad Solymanum transfugit, ac ipsum edocet unde Strigonium faciliè capi possit. 543
Calceuitus Heluetiorum dux cum uigintimilibus Helue. Gallis succurrit. 319
Cameracum olim Samarobrina. 615
Cameraci Cesar arcem ponit. 562
Camerana insula Ambracij sinus. 382
Camillus Columna, & Cesar Masius Neapol. oppugnantur à Gallis. 357
Campanella olim Athenarum promontorium dictum. 43
Campegius signifer captus. 39
Capsō Mēphiticus Sultā ingenti classe Lusitanos India arcere studuerat. 326
Cadalius regius iuuenis istum capitur. 52
Cancā urbem, quæ olim Cydonia fuit, Barbarussa oppugnat. 368
Caninius cum Fregosio simultatē init. 483
Canisianus ineptus & futilis Senator. 394
Capellius ad Aurie prætoriæ scapha uectus, offert se promptissimum ad prælium inuendum. 373
Capellus suadet Venetis ne alicuius extranei hominis imperio se subijci patiantur. 377
Capelli & Auria ad Zaccynthum mutua classica salutationes. 209
Caponius absolutus summo omnium comitatu ad suas ades deductus. 89. 90
Caponius cum tribus alijs ad Casarem Legati mittuntur. 93
Caponius suam causam dicit. 86. 87
Caponius moritur. 94
Caponio dictatura aufertur, ac Franciscus Carduccio delatur. 86
Caponio a plebeo dictū tam falsè quam insolenter. 31
Caponius Venetus dux uocatus à Florentinis. 32
Captiuatius Strozzi captus redimitur. 164.
Captiuorum mortuorumq; nomina in nauili prælio hominum memoria cruentissimo ad Vrsi caput commissum. 46
Capuani Gallis introitum negant. 57
Caput Liberū Barbarussa capit. 598
Capita septem Procerum Solymano oblata renidenti ore illudit. 118
Caradinus Turca Muleassi firmum præsidium. 29
Caradinus Turca tormenta mittit. 254
Carapula olim promotoriū hodie Battaliū Poeni Gyra Flumar appellat. 99
Carducci dictatura se abdicat, sufficitur Raphael Hieronymus. 69
Carduccius litteras publicas mandati transmissus monitur. 91
Carduccius monasteriorum xenodochio-

INDEX.

rumq; bona uendenda censet.	92	Casohus à Solymano pradatū mittitur.		Nicolaum Sdrinium abducere con-	
Carduccius mutata persona mutatur et		195		tur, ab eodem interficitur.	354
studio.	90	Casonus à prada rediens arbitratus Soly		Cazzianer signorum castrorumq; defer	
Carduccius nil remittit quod ad muni-		manū Guintij inuenire fallitur.	196	tor impius.	313
tionem urbis bellig; apparatus per-		Casonus cadit.	197	Cazzianer turpissimè fugit.	350
tinere uidetur.	95	Castagninus Tanarius Páciaticis fauēs.		Cazzianeri aliud consilium.	349 350
Carduccius nunquam tranquillum Rei-		409		Cazzianeriani singulis horis in cōsilijs.	
pub. statum nisi manibus pedibusq;		Catharina Ciboa omnibus ornamentiis		342	
Mediceorum sanguine ablutis futu-		spoliata.	35	Cazzianeri prescribunt legibus ne qui	
rum asserit.	31	Catharina in Galliam uehitur.	224	miles sub capitis poena Turcam uiuū	
Carduccius Scimitarra uocatus	31	Catharina neptis Clementis ad Vestales		capiat.	342
Carduccius solerti ingenio.	86	à Florentinis inclusa.	30. 31	Cazzianeri iterū consultant.	346. 347
Carduccij studium in eis quæ muniende		Catharinā iuniorē Larent. Medice geni		Cazzianeris leuia praelia conferere cum	
urbi necessaria uiderentur.	91. 92	tam Henr. Frā. Regis filius ducit.	223	Turcis inuenerit.	342
Carduccio aulicore iuuenis Florē. armo		Castellum Sancti Angeli Laudēsi uia Le		Ceciliam oppidulū ab incolis desertum	
rum gestadorū licentiā impetrat.	31	ua expugnat.	96	succendit Barbarissa.	369
Carduccio egregium scomma Antonius		Castellum Genuense oppidum à Vene-		Cecottus Tolingus ad Did. itorem.	170
Albertus in corona impingit.	92	tis oppugnatur.	63	Centum & quinquaginta hominum mi-	
Carinianum Anghianus obsidet.	578	Castellimaris Stabiæ olim.	55	lia aut casa, aut in seruitutem à Soly	
Carinianum deditur.	596	Castelli in uilla Cosmiana, eo die quo		mano abducta.	119
Carinianum honesta deditione Gallis		principatum adiit, omnis generis flo		Cencius Strabo de seripto Ducum nomi	
traditum.	596	res extemplo crumpunt.	196	ne respondit.	158. 159
Carinianum Vastius munit.	569	Castelletum expugnatur.	8	Cepeliā occupant Turcæ ac manūs.	447
Cariniani Casariani fortissime Ang hia-		Castelleri arx euertitur.	73	Cerisole pugna.	594
no respondens.	588	Castrenses à deditione in seruitutem de-		Cerisolan occupari iubet Vastius.	582
Cariniani Cas. fortiter obsidionē ferūt,		ductos, ac direptos, post quam Soly-		Ceriscus Regis Cadauer indicat.	13
ac de eruptione cogitat.	578. 579	manus didicit, criminis aushores pu		Cherium oppidum expugnare Vastius	
Cariniano & Carmagnola potitur Gui		nit, ac Castrenses liberos dimittit.	335	statuerat.	384
do Rangonius.	319	Castronouū à Tur. expugnatur.	378. 379	Cherium Vastius oppugnat.	405
Carmagnola Casarianis deditur, ac arx		Castronouum obsident Turcæ.	378	Christierna Francisco sformā nitit.	27
expugnatur.	568	Castronouum quomodo Turcæ oppu-		Christianus Dacie & Noruegia rex se	
Carmagnolam expugnat Vastius.	403	gnare constituunt.	378	dux cum Cliuenti habuit.	196
Carolus Aurelianus moritur.	615	Castriū oppidum Salentinorū Turcæ in		Christiani Rebatti oppidulū extra Tunc	
Carolus Borbonius.	9	deditionem capiunt, ac post diripiūt,		tum habitantes templi & sanium	
Carolus Cesar Imperij competitorē ha-		ac ciues in seruitutem deducunt.	330	habentes.	254
buit Franciscum Gallie Regem.	3	Castrum in Sicilia frustra à seditionis Hi		Chrystiani Casari signum dant occupa-	
Carolus V. Cesarum potentissimus.	1	spanis oppugnatur.	366	ta arcis Tuncetane.	298
Carolus Ceurius Belgas expilat.	5	Castruccius Lucensis Montem Murlium		Christiani serui Tuncetanum arcem oc	
Carolus Francisci filius qualis	495	Florentinis ademit.	410	piunt.	395
Carolus Gonzaga, cum pedites turpiter		Catalaunum oppidum olim, hodie Scial		Christianorum ala equitum præconiana	
effugere uideret, in hostes se fortiter		lonum.	611	pro Mulasse.	254
confert.	586	Catianer alacritate quadam inanis &		Christophorus ad Franciscum Regem	
Carol. Lanoius Belga Frang. Gallorum		peruicax.	18	Gallie confugit.	207
Regē in Hisp. captum perducit.	10	Catianer Turcas fundit.	198	Christoph. Pallauicinus per mediā Tur-	
Carolus Lanoius cum Garmanis & Hi-		Caucasus pater montium.	265	carum classem una triremi ad Coronem	
spanis in Italiam triicit.	13	Causa cur An. Auria à Rege desciiuit.		ses obsessos confirmandos.	210
Carolus Lanoius obses.	14	69. 70		Christophorus Vlderici filius petierat	
Carolus Lanoius Belga & Piscarius co-		Causa cur Florentini promptiores Gal-		aliquot oppida paternæ hereditatis	
piarum Casarianarū Imperatores.	9	lis quā Casari sauerint.	34	sibi donari.	327
Carolo Aureliano Frā. F. Cas. suam, aut		Causa quare prima fronte Casaria, cum		Cicchus Butet & Roscio trasfoditur.	140
fratris Ferd. filiam promittit, & qua		Lotrechio & Gallis Venetijsq; ad		Ciconio Vastius iratus quod commeatus	
dote.	612	Troiam non cōsfixerint.	38	non ex prescripto distribisset.	357
Caruenna urbs Numidie.	250. 251	Cazzianer ad Caprunzā oppidū.	340	Ciuerius interficitur. capitur Ioannes	
Caruennæ Africæ situs.	259	Cazzianer ad Veruezæ arcē peruenit.		Portundi filius.	98
Casalenses ad Gallos deficiunt.	385. 386	340		Ciurlius Machiauellus statuæ Leonis	
Casalenses rebelles ad suscipiendum Gō		Cazzianer cum Viennam causam suam		dextrum oculū spiculo perfodit.	33
zagam Principem.	385	purgaret, ac sub honesta custodia te-		Clarasum inter inducias Galli noctū oc	
Casonus Austriana classē inuadit.	451	neretur, effregit ac fugit.	354. 355	cupant.	494
Casonus quatuor Hispanorum & Italo-		Cazzianer deliberat de castris mouen-		Clarasum Vastius oppugnat, ac in dodi	
rum cohortes fundit.	196	dis.	343. 344	tionem accipit.	406. 407
Casonus quatuor milia captiuorum ad		Cazzianer de trasfugio cum Mahomete		Clarice Medices Philippo Strozze nu	
unum omnes interficit.	197	certis legib. pepigerat, ac cum secum		pta Syluiū urbe discedere iubet.	22
				Clarice	

I N D E X.

Clarice odij causa 22
 classis Caesaris quot nauibus & triremibus constabat 279
 classis caesariana oppugnatur 23
 cum Hariadeno Gallie regi mittitur 533. Turcarum prius in Ionio quam Veneti maris praefectum creassent 329
 Classsem exornant Caesariani quingenta hominum milibus 365
 Classses Venetorum Gallorum & Auriacae separantur 69
 Classium Caesaris, Venetae, ac Pontificis imperatores qui 355
 Claudius Guisus de Lutheranis nobili uictoria clarus 495
 Claudius Velleius Legatus Galliarum Regis ad Florent. 34
 Clissa oppidum admodum opportunum ad sustinendum Turcas 336
 Clissani Turcarum munitiones adorti in fugam uertuntur, ac profligantur 336
 Clissani uiso capite Croficcij fugientes uacuum oppidum Turcis relinquunt. 337
 Clemens Anconam quam nuper suae ditionis seceerat, proficiscitur 219
 Clemensangebatur quod Caesar Rhegium & Mutinam Alfonso Atestino adiudicasset 218
 Clemens ex 30. Cardinalibus quos asciuerat neminem laudabat 234
 Clemens Caesaris fortunam sequi statuit. 35
 Clemens Caesarem Bononiae excipit. 100
 Clemens clades Christianis praedicebat postquam Hispani Coronem deseruissent 263
 Clemens immodicae parcimoniae obnoxius 234
 Clemens cum Iouio de Florentinis ingratiss & familiae decore 35
 Clemens Lotrechiano foedere offensus 84
 Clemens Massiliam proficiscitur cum Rege collocuturus 224
 Clemens magnopere letatus ex Vgonis Moncaete & Caesaris Feramuscae nece 47
 Clemens moritur 234
 Clemens neminem oderat, cum neminem amaret, praeter eos quos ab oculiore causa conciliarat: 234
 Capucia tegumenta capitum 43
 Clemens pontifex certiozem Regem reddit de Atria uiuante 70
 Clemens Pontifex & Veneti arma in

Caesarianos conuertunt. 11
 Clemens quatuor uiros Gallos Massiliae in Senatum assumit 226
 Clemens quid Massiliae apud Fraciscum egisse existimabatur 247
 Clemens quid saepius de Florentinis ingratiss dixerit 31
 Clemens reddita Corone inducias decennales a Turca redimi cupiebat. 263
 Clementis gestus de Mutina, & Rhegij Caesaris sententia conquerentis. 225
 Clementis & Leonis statuae in templo Deiparae transfixae a Florentinis 33
 Clementis laus non modica ab Italis, quod Caesaris exercitum dissipasset 218. 219
 Clementis mortis causa Curtius medicus 235
 Clementis sententia de Henrici Regis Britanniae repudio 217
 Clementis studium in restituendo Sfortia 96
 Clementi nequaquam studio fuit Florentiae excidium sed incolumi patria opus habebat 158
 Clupeae promontorium, hodie Calibia dicitur 299
 Clupeae promontorio antiquitus Mercurij pulchri 281
 Coelae alpes 356
 Coim oppidum in Armenia maiori. 264
 Columbariae ad Ebuscum classe Portundus pugnat, & cadit 97
 Columbus Ligur 305
 Columbus apud Hispaniam defunctus. 305
 Columniae familiae oppida a pontificis militibus incenduntur 13
 Columnneum promotorium quod olim Lacinium dictum fuit 209
 Comersum Caesar capit 605
 Communitiae, olim Regius fons 332
 Concilium apud Vangiones Germanis proceribus Caesar indicit 6
 Concordiae ineundae conditiones inter Caesarem & Franciscum regem. 612
 Conditiones inter Florentinos & Gallos in percutiendo foedere 34
 Conditiones quibus Cosmus a Senatu Reipublicae caput constituitur. 395
 Coniuratio Petruciana 3
 Conradus Hessius uetus Germanorum dux felix aleator 158
 Consalvus Barathra Lusitanus cucullatus concionatur ad Caesarianos classem in Gallos ducentes 43

Constantina urbs olim Cyriha fuit: 258
 Copias Feltrij submouent Germani. 14
 Corbana regio 338
 Corcyrae obsidionem, susceptae expeditionis peritus, Solymanus soluit. 334
 Corcyra suburbana excinduntur, ac imbellis multitudo extruditur summo luctu 334
 Corcyram oppugnare constituit Solyman. 333
 Corcyraei pagani in seruitutem abducti 333
 Corcyraeis uno bello supra sexdecim milia utriusque sexus in seruitutem abducta 335
 Coronatio Caesaris quibus ordinibus constabat 106. 107
 Corone deditur a Turcis 212
 Corone descriptio 211. 212
 Corone oppugnatur 212. 213
 Corone reddita poterat redimi induciarum decent annorum tempus: 322
 Coronem obtulerat Caesar Christianis principibus 263
 Coronem pestis inuadit ac Hispani natalis nauigia ablatis tormentis una & ciuib. urbem uacuum relinquunt 232
 Coronei Hispani ad Androssam cum Turcis pugnant 231
 Coronei Hispani in hostes educi postulant 229. 230
 Coronei Hispani se recipiunt 231. 232
 Coronei media laborant 229.
 Cortona oppugnatur ab Aurrantio & Vastio 113. 114
 Cortona deditionem facit 114
 Cosmus aduentantes Cardinales sibi ex affinitate propinquos miratur 399
 certior de inimicorum consilio factus, quo ordine eos oppugnare parat 411. factus certior de exulibus aduentantibus exercitum conscribit 399. duo milia ueteranorum militum Vastio mittit 590. eodem tempore, quo Strozzeanas copias deuicit, duplici uictoria gauisus 413.
 eundem horoscopum habet quem Augustus habuit 413. exules in patriam reducit 396. de exulibus aduentantibus certior factus, quantum possit pecuniae cogit ab amicis nutuo 409
 Cosmo Florentiae & Liburni arces a Caesare donantur 535
 Cosmus Florentiae princeps a Caesare uxorem postulans, Eleonoram, petri Neapolitani Proregis filiam ducit GG

INDEX.

ducit	362	Gallie	163	domus gratulatum uenientium	30
Cosmus Reipu. Florentine caput constituitur	395	Crescentinum oppidum Galli tormentis oppugnant	533	Despositis Rascie patrimonium subegit	
Cosmus Hispanorum et Germanorum cohortes in Fesulanum agrum euocat	399	Cretenses supra mille Turcas interficiunt	365	Belgradi praefectus	138
Cosmus à matre obtestatur ne cuperet, aut aggrederetur dominatum	393	Croatia	338	Deßanna & S. Germani oppida Galli capiunt	573
Cosmus Medices Florentiae princeps Margaritae Austriae nuptias expectabat	362	Cucchius Caesari breui abunde comestum affore promittit	491	Diellator Caponius Remp. Florentium administrat	84
Cosmus Medices Florentiam aduolat ex Trebia uilla, ut certior fieret quid perpetratum esset	391	Cumerum promontorium extremum Indiae	265	Didacus Abyla signifer uexillum in hostili aggere desigere conatus cadit	284
Cosmus Medices Florentiam aduolat ex Trebia uilla, ut certior fieret quid perpetratum esset	391	Cuniat fortiter Gallis resistunt	509	Didacus filiam Barbarusse uxorem inuisit	514
Cosmus Medices Matri quid responderit	393	Cuniatibus Daualus subsidium mittit	510	Didacus Samenti cadit	156
Cosmus Medices Stellae & Falconem arces in illa extruit	598	Cunij oppidi situs	509	Didacus Touares cadit	311
Cosmus Medices Vastio Rodolphum Baleonem mittit cum ala equitum	580	Cusanus Burgundus fortissime dimicans cadit	379.380	Didacus Verra exercitum amittit	3
Cosmus omnia humaniter impleuit à Cardinali sibi iniuncta	395.396	Curfula antiquitus Corcyra nigra fuit	333	Dimidia pars classis Venetorum ex morbis contractis in Iurdis moritur	69
Cosmus Philippum Strozze uita donare decreuerat	415	Cuselbasse & Cacepe qui	260	Dinanium indixit Barbarussa ad Niceam Gallis traus	565
Cosmus Pistorium in praesidium mittit Federicum Montacutum	409	Curcius Medicus causa mortis Clementis	235	Dionysius ex ordine Senonum euocatur	56
Cosmus Pratum duas equitum turmas Poetio duce mittit	411	Cyamum promontorium hodie Spate dicitur	365	Direpta Genus	8
Cosmus à quibusdam priuatis amicis increpatur quod tardior in appetendo dominatu uideretur	392	Cymbri in Chersoneso, Holsatij & Dani sunt	496	Docia discerpitur	247
Cosmus in Senatum ueniens salutans à Cardinale egredi iussus	393	Cytheu olim hodie urbs Candia	365	Dominicus Cuppius Romanus Gallicas partes in senatu tuetur	516.527
Cosmus uenientes ad se Cardinales cum inermi comitatu excipit	400	D		Domus lignea plicatilis instar Regiae	5
Cosmus uiriliter Saluato ut abdicaret principatum suadenti respondit	400	Dammartinus regulus	323	Doraces Muleasis mater	210
Cosmus per Vitellium Cardinales urbe egredi iubet	401	Danthes Castellio ex Strozze comitatu Hippolytum Medicem transire parat	10	Dorax alit honeste Muleassem usque ad aduentum Caesaris	158
Cosmi domus ex letitia à plebeis & militibus diripitur	395	Danybius à Romanis temporibus nunquam plures milites tulit Caesariensis	189	Dorbinus moritur	112
Cosmi impertum et Alexandri cadem qui praedixerint	397	Dardanelli duo castella in Naupacti finibus angustius unum Achiacum aliterum Aetolicum	213	Dorbinus Salsedo ueterano militi in Vastij praesentia disciunt brachium	40
Cosmum quid Cardinalis in eum subleuando rogaret	395	Dariena Paria, Perura, Cuscha regna Caesari inuenta describuntur	306.	Dorbinus & Hesius Guasconum auxiliones oppugnant	69
Cosmi titulum ex sepulchro eradunt Florentini	33	& deinceps		Dracula in Valacchia regnauit	464.
Cosmo Medices dicatur historia	2	Daualus saepius ad Caesarem scribit Gallos Hispaniae finibus cauendos	501	Draguthes	373
Cosmianae copiae Montem Murlum expugnant	412	Daualus duodecim oppida Gallis eripit	494	Drepanum promontorium olim Thracicum uocant	363
Cosmianae copiae quo ordine Prato discedunt	411	Daualus & Hanebal legati in collegium Venetis uocantur	418	Drosius Montenicum quibus conditio nibus dedit	563
Couonus Florentinus Pretor Volateranus cum quatuor cohortibus Volaterram expellitur	147	Daualus in comitijs uenetis orat	418	Drosiani inuaduntur	568
Crassus fluuius	341	Decimionono libro historiarum quid contineatur	3	Ducum fugacissimorum nomina à Caesaris desertores ad Exechium	253
Cremona potitur Lotrechius	7	Decuriones noui Florentiae	173	Ducum nomina qui Castronoui aut cepti aut caesi sunt	380
Cremona recipitur dedente eam Lescuto	ibidem	Deditur Arx Mediolanensis Caesariensis nauante opera Antonio Leua Alfonsoq; Vastio	11	Dura capta omnibus interfectis ac incensa	556
Cremona à Gallis irritè oppugnatur	9	Delacia insula Arabici sinus	382	Dura situs	554.555
Crepinij in Suefionibus tractate induciae inter Caesarem & Regem		Delimethes è Carmania cognomine Delis id est insanus	266	Dura oppugnatur	555
		Delphinus Henrici Regis discedentis uestigijs insluit	613	Durenenses alam equitum in insidias pertrahunt	555
		Demetrius Spartanus Graeculus Taurum incantat pestilentiae sedandae causa	8	E	
		Descriptio Florentinorum ad Mediceas		EBersteinius octo milia Germanorum in Lunensem agrum perducit, & nauas conscendunt	277
				Eburones Rossemio comitatum, & iter negant	497
				Ecceus	

INDEX

Eccius, Iulius Pluggius atq; Gropperius Catholicus Theologi 439
Egrotans Clemens inter cetera neptē quam Florentini inter Vestales incluserant repetit 32
Ennius Philonardus Heluetios sollicitat 510
Empolium oppugnatur à Cesarianis 152
Empolium expugnatur 253
Empolium Ferruccio præsto subsidium mittitur 149
Enuosium deditur 495
Enuosium fortiter à Germanis defenditur 495
Episcopi ad hastam uenales producti 22.23
Eptome quorundam librorum surreptorū quare scripsit 2
Equestris pugna apud Lignarium uicini inter Cesarianos & Florentinos 141
Equos Gallis capiant Hispani 50
Ercocclius portus Abyssinæ regionis 382
Erythræ angustie 327
Etruria tremis multaq; nobilia edificia corrunt 331
Etrusco belli Clemens quantum expensisse ferebatur 189
Eunuchus Adenianum regem sub fide ad se euocatum suspendit 381
Eunuchus maiora tormenta deserit 381
Eunuchus Strymani ianitor Barbarus se comes datus Barbarussam cunctationis increpat 272
Fluo fluuio duo nauigia militum deuicta merguntur 369
Euripus Nisite insula 602
Exechianæ stragis incommodum feda gæcis temeritate, & culpa accidisse 352
Exechium in Possessa communiuit Madometes 338
Exechij Christianis à Turcis sine stussum, ac fædisimum detrimentum illatum est 334
Exercitus ad Exechium inedia laborat 345
Exules Florentini tertio expeditionē in Etruriam parant 409

F

Fabritius Miramaldus Volaterram obsidet 151.152
Factiosi quidā ciues astutē à Caponio in legationes mittuntur 33
Fayes Tuneti arcis præfectus ab Amida interficitur 572
Farnesius legatos omnium que apud Casarem agebatur ignarus, ac iratus

quod se nescio legatorum contentus Hagano esse indictus 425
Federicus Carrasa cadit 78
Federicus Carectus Regulus glande traicitur 281
Federicus Gonzaga Ticinum defendit 7
Federicus Gonzaga Casali recipitur, ac princeps acclamatur 387
Federicus Guerrerie familie princeps Cesarianus 35
Federicus Montacutus Pistorij præficitur 409
Federicus Frustembergus Casari, Guilielmus uerò frater Gallo militat 356.358
Federicus Frustembergus duas legiones Germanorum in Italiam ducit 404
Federicus Frustembergus fratrem Gallo militem uix salutatur 358
Federicus Riccius capite uulneratur à Lucio Alamanno 16
Federicus Saxonie & Philippus Lan-grunus ueteres hostes Austrie domus 182.183
Francisco S. fortia in subsidium mittitur 9
Feltrini in Mincij ripis pugnantē superant Germani 14
Felrij Leone Valis de Bononij Gaidonq; Rimoris à militie disciplinæ seorsum pari errore sententia 82
Ferdinandus aule sue principibus immodice credens 513
Ferdinandus ad Albā regis Rex acclamatur ac coronatur 122
Ferdinandus Buda potitur 122
Ferdinandus Caroli Imperatoris frater Cesar constituitur 181
Ferdinandus classem Danubio Strigonium mittit 433
Ferdinandus ad Clissam duo milia Germanorum mittit 336
Ferdinandus Cortesius ad Mexicana regni terrestri itinere cōiēdit, The-nistiana urbe positur 306
Ferdinandus deprecatur Casarem ut cum copiis iam paratis Ioannē Regem inuaderet 202
Ferdinandus Gonzaga in Angliā mittitur 561.562
Ferdinandus Gonzaga cum duobus gallicis militibus 189
Ferdinandus Gonzaga cum Germanis & Hispanis erumpit Puteolana uia per cryptam ducens 48
Ferdinandus Gonzaga primū omnium hostium ad Tunetum transfixit 293
Ferdinandus Gonzaga successu Vastio

in Mediolanensis dominatus præfactura 617
Ferdinandus imperat omnib. Stirie Carinthiaq; populis, ut nemini Italoparcent 205
Ferdinandus intellecta Ioannis morte arma parat, & quibus Hungaris suadentibus 430.431
Ferdinandus rex inducias cum Turcis abruptis 338.339
Ferdinandus rex quare se Turcis non obijciat 339
Ferdinandus quid de Georgio Varadensi antistite diceret 430
Ferdinandus semper adulatoribus ornatus 913
Ferdinandus ad Solymanum Legatos mittit 284
Ferdinandus ad Solymanum Legatos mittit sed nil proficit 114
Ferdinandus Solymano Legatos mittit cū donis pice expetere 459.460
Ferdinandus Teltanus Alba regulus 278
Ferdinandus Transylvaniam in dedicationem cepit 122
Ferdinandus Sanseuerinus Salernitanus princeps 313
Ferdinandus uera, testataq; de familiaribus minime credit, euisa de alienis libentissimè 523
Ferdinandi exercitus, qui ad Exechiam mittebatur descriptio 339
Ferdinandi legati quid à Solymano peterent 460
Ferdinando quibus rationibus dissuadebatur bellū cum Solymano inire 338.339
Ferdinando Regi pax datur 234
Ferdinando, Bodo & reliqui capiti cum uexillis mittuntur 122
Ferentius Bodo capitur 122
Ferrucius copias suas Pisis euicit suisq; alloquitur 377.159
Ferrucius à Corsis seditionis prope interfectus 152
Ferrucius contra militie decus timida nistam suspendit 152
Ferrucius Volaterrā expugnat 150
Ferrucius interficitur 163
Ferrucius S. Marcellum oppidū paucis cæcis capit 161
Ferrucius subsidium postulat, mittiturq; ei quinque militū uexilla quib. Ferdinandus Gonzaga confligit 149
Ferrucius Pisanos muris modis ad pecunias dandis cogit 159
Ferrucius quatuordecim Hispanos in carcere fame necat, ac demū mortuos ad pinnas arcis suspendit 350
Ferrucius Volaterra ex Senatus

I N D E X.

conscripto euocatur ac quid faciat
edocetur 158
Ferruccius mirè in Volaterranos se-
uit 150
Ferrucius Volaterranis ecclesijs do-
naria detrahit 152
Ferrucij Volaterra erumpunt 154
Ferrucianos Auratius oppugnat 162
Fessani Regni potentia 151
Ficerium 330
Figaroa cum filio captus 374
Flattes Durensibus praefectus 555
Flattes occisus tormento 556
Flisca & Grimaldia familie Guelphæ
factionis 71
Flischi peculiare Fregosiorum hostes 8
Fulcorum edibus ad Violatæ Genue
Pontifex excipitur 361
Florentie in curia tumultus inges ex-
citatur 85
Flotentie qui capitali supplicio affici-
untur 173
Florentie quotidianæ cõciones in Me-
dicæos 182
Florëtina iuuetus potius obsidere quã
obseruare curiæ limẽ uidebatur 31
Florentina iuuetus eubrat gladios ad
deterredos Decuriones 15
Florentina iuuetus Prætorium occupat
Petro Saluiato duce 15
Florentine pacis exëplar 171
Florentini capitali supplicio eos affi-
ciebant qui uel de pace aut de eius
Reip. statu loquerentur, & qui ea
causam mortui 138
Florentini ciues conirationis conscij
capite plectuntur 9
Florentini donaria templis dicata uen-
dunt 147
Florentini duces magistratui de scripto
respondent 168
Florentini erumpunt in Germana ca-
stra 156. 157
Florentini exules conatur Alexandriũ
omnibus spoliare 301. 302
Florentini exules captiui ad Cosmum
ducuntur 413
Florentini exules ad Montẽ Murli ca-
pti secure percussĩ, aut laqueo ene-
cti 413. 414
Florentini exules ad Montem Murliũ
capiuntur 413
Florentini exules Romæ consiliũ de-
recuperanda libertate ineunt 399
Florentini eruptionẽ faciũt 115. 116
Florentini iterũ erũpunt cõmittiturq;
atrox pugna 145. 146. 147
Florentini iterũ atq; iterũ eruptionẽ
solicitant 166
Florentini è tribus portis eruptionem
faciunt 134. 135

Florentini Ferruccij casu nil sese ani-
mis remittunt 154
Florentini ad mediam perducti 157
Florentini ingrati ciues nunquã recon-
ciliandos putabant Cesare & Cle-
mentem 84. 85
Florentini Legati ad Cesarem admit-
tuntur 93
Florentini iterũ de Legatis Cesari &
Pontifici mittendis deliberant 14
Florentini Magistratus Cesaris diplo-
ma recipiunt ac iuranti se obserua-
turos 177. 178
Florentini in Malatestã inuasuri ni Ce-
cotus Tosingus auertisset 170
Florentini mortuo Alexandro promi-
ad appetendã libertatem 392
Florentini numerum militum in socia-
le bellum constituunt 19
Florentini nunquã ingenio pacati sem-
per maligni 21
Florentini operam dant maioribus co-
pijs comparandis 131
Florëtini pacis cõditiones respuũt 168
Florentini Pratum deserunt 159
Florentini prælata Gallorum societate
Cesaris amicitiam importunẽ con-
temperunt 34
Florenti per publicas literas à Lucen-
sibus Mediceos repetunt 22
Florentini quatuor Legatos ad castra
de pace petenda mittunt 171
Florentini redintegrata perfidia con-
stanter animos erigunt 21
Florentini soli in Italia letantur 15
Florentinorũ ciuium decapitatorum
causæ 173. 174
Florentinorũ exulum copiæ ad Fabri-
cam uicũ lentius perueniunt 419
Florentinorum iurantium uultus 178
Florentinorum uultus simulati 20
Florentinis ingratiss quid Clemens im-
poneret 31
Fœdus inter Cesarem & Clementem
quibus legibus 85
Fœdus percussum inter Clementẽ &
Angliæ Regem Venetosq; 10. 11
Fœdus percussum in Vaticano à Pau-
lo, Cesare, & Venetis 355
Fœdus Reipublicæ dirũ percussur 14
Fogaras Ioannes rex obsidet 428
Forestius Gallie legatus ad Auellonem
moritur 330
Fortuna Cesarianis rebus secundissi-
mẽ adesse consuevit 53
Fossanum ab Antonio Leua expugna-
tum 312
Frabata Bassa Gazellem ad Damascũ
cedit 4
Franciscus amoto Memorantio o-
mnium literarum inspector 493

Franciscus Barbarusse omnes Tur-
cas & Mauros donat 597
Franciscus belli munia filijs distribuit,
alteri Hispanos Vexandos præbet,
alteri Belgas designat 494
Franciscus Cesaris sollicitati inuidet
273
Franciscus Delphinus subito morbo
oppressus moritur 217
Franciscus Gallie Rex cum Henrico
Angliæ Rege colloquitur 5
Franciscus Gallie Rex competitor in
perij cum Carolo Cesare fuit 3
Franciscus Gallie Rex Henricum Io-
annis Regis filium parat regno re-
stitucere 5
Franciscus Rex Gallorum in Hispani-
am captus deducitur à Carolo La-
noie Belga 10
Franciscus Gallie Rex in Italian de-
scendit 10
Franciscus Gallie Rex à Cesare ad Au-
gulare certamen prouocatur 20
Franciscus Gallie rex à Solymano fra-
ter appellatus 597
Franciscus Gallie rex Cesare ad Ios-
sas Marinas excipit 501
Franciscus Galliarum rex moritur
616. 617
Franciscus Genuam recipit 207
Franciscus & Henricus Reges arma
parant 12
Franciscus Henricus excipit 504
Franciscus nouum exercitum ad Mi-
randam cõseribi iussit, & ducum
nomina 315
Franciscus Rex Acromontũ ad Cle-
mentem 217
Franciscus rex Antonium Polium ad
euocandum Solymanum terram
riq; mittitur, quod saluum se So-
lymanus fidem dat 505
Franciscus rex Barbarusse Niceã ex-
pugnandam decreuit 516. 517
Franciscus Rex Gallorum capitur ex-
citu profligato 23
Franciscus Rex Gallorum capitur ex-
ercitu profligatio 10
Franciscus Rex in grauem morbum in-
cidit 10
Franciscus rex insignis memorie
556
Franciscus Rex Mediolano potius
10
Franciscus rex mollissimis uoluptatib.
occupatus 556
Franciscus rex mories quẽ nã præce-
pta dederit Henrico filio 617
Franciscus rex qualis accepto nuncio
de suorum in Subalpinis periculo
354. 355

I N D E X.

Franciscus rex quid responderit de Cæsaris oblatione 424
 Franciscus rex Vastium humaniter in suis castris ad Carmagnolam excolpit 358
 Franciscus Solymannū sollicitat, ut Venetis imperet, ut cum Gallis in Cæsarem fœdus percutiat 505
 Franciscus secundis uigilijs ad Cambresium castra mouet 560, 561
 Franciscus Angelius cucullatus Franciscanus Romam mittitur 27
 Franciscus Bardus captus cum sua cohorte 140
 Franciscus Boticeffa pro statua ad Lotrechium 24, 25
 Franciscus Campana & Innocentius Cardinalis egregie dissimulat quid de principe suspicarentur, ac Alexandrum Vitellium, & Rodolphū Baleonem accersunt 390
 Franciscus Cantelmus dux 36
 Franciscus Carducciū dictator capite truncatur 172
 Franciscus Cecchingus Germanorum militum dux 4
 Franciscus Feltrius Vrbians Veneti exercitus dux, & Michael Salasius Federicusq; Gonzaga cognomento Bozulus Gallorum duces Florentiam intrant 16
 Franciscus Habraus Gatescus & Battus Rospiilosus principes Guelphæ factionis 409
 Franciscus Landrianus Albam defendit, ab insidijs à Gallis adortus 494
 Franciscus Maria Feltrius Vrbians regulus 3
 Franciscus è Medelino Hispanie oppido Christianos seruos hortatur ad libertatem arripiendam 394
 Franciscus Niger maligne pecunias apud Laurentium Strozam deposuit, ac deinde auecta 22
 Franciscus Portinariū post multas disceptationes ad Pontificem à Florentinis legatus mittitur 93
 Franciscus Sangallius architectus 92
 Franciscus Sarmentus cum quatuor milibus ueteranorum Castronouo præficitur 376
 Franciscus Sfondratus ad Allobroges legatus 300
 Franciscus Sfortia in arce laborās graui morbo obsidetur 11
 Franciscus Sfortia Christiānam ducit 227
 Franciscus Sfortia euocatur ad Cæsarem 103
 Franciscus Victorius & Nicolaus Caponiū Bozzolo respondent 19

Francisci clemētia in matronas, ac Germanos captos 504
 Francisci Regis liberalitas in Cardinales 225
 Francisci Regis tres filij quales 225
 Francisco Carducciū Caponiū dictatura delatur 86
 Francisci Sfortiæ mors Cæsari nuntiatur, quæ multorum bellorum causa fuit 299
 Francisco Sfortiæ inuident Antonius Leua & Piscarius 11
 Frégosii cæsis & captis Spinulis & cæsis Hispanis Genuam intrant 66
 Fugacissimorum ducum nomina 353
 Fugientes Cæzzianeri copie 350
 Fulmine ala equitum percutitur cæsis equis tantum 55
 Funduntur Florentinæ copie quæ Lastræ in subsidium mittebantur 135
 Furstembergus capitur 606
 Frusinonem oppugnant Pompeius, Vespasianus Ascaniusq; Columnij 14.

G

Gabriel Gusmanus Hispanus ad Cæsarem mittitur 609
 Gabriel Ripeus præfectus suis cohortibus cæsis equum conscendit, ac fugit, ac demum à Pisauo capite plectitur 336
 Galeonē oppugnant Turcæ 373, 374
 Galeritæ castra seditiosorum militum 562
 Galeritæ oppidi situs 562
 Gallæus Barga Liburni arcē tradit 23
 Gallipodi Turcarum clasīs ad obsidendam Coronem educitur 219
 Gallia pernauiabilis 356
 Gallie regis animus in pace ferenda 242
 Gallie reges nunquam ictorum fœderū legibus steterunt 310
 Gallicæ Venetæq; copie sine uulnere cæse 7
 Gallus Cæsari bellum machinatur 226
 Gallus Mediolanum pro Carolo repetit 478
 Gallus quam causam præferebat Subaudiō bellum inferendi 299
 Gallus Turcis potius ad commune excidium uias struit, quàm Cæsarē suā uictoria uti sinat 478
 Galli cum Belgis ad Teruannam tumultuariè pugnant 324
 Galli cæduntur aut capiuntur, Brugno lacq; diripitur 316
 Galli Cæsarem non putabant tam cito copias expediturum 605
 Galli à Cæsarianis deleti 9. Casali profuguntur ac Casale recipitur 387
 Galli ad Carmagnolam castra mo-

uent 562
 Galli Cunium oppugnare desistunt 510
 Galli exercitus numerus 356
 Galli fœdē doliā uini confringunt ac frumenta exurunt 316
 Galli funduntur à Cæsarianis à Neapoli castra mouentes 58
 Galli in insidijs pertrahuntur 48
 Galli Lotrechio duce ad Bicoccā in fœliciter pugnant 7
 Galli Neapolim obsident 42
 Galli ad Niccam Barbarussam obnixè deprecantur, turpissimeq; adulantur 565
 Galli ad Nicea non ad classem relictis tormentis fugiunt 566
 Galli Sabaudum exeuunt inermem suis oppidis 300
 Galli superantur ad Algrunium 5
 Galli capiunt Taurinum, Fossanū, Penarolum, & Cherium 300
 Galli ad Ticinum cæduntur ac Franciscus Galliarum Rex capitur 10
 Galli tormenta amittunt 9
 Galli tormentis impedimentisq; grauioribus relictis fugiunt Auer sam 58
 Galli uarios rumores Mediolani spargunt 150
 Galli Veneti Sfortianiq; Ticinum expugnant 579
 Galli ad Vitriacum à Germanis interficiuntur 619
 Gallorum castra ad Carinianum 581
 Gallorum ducum in Subalpinis nominata 384
 Gallorū ducum nobilissimi interfecti 10
 Gallorū exercitus morbis agitur 54
 Gallorū præsidia à Vastio expugnantur 355
 Gallorum quinq; nobilissimi & fortissimi duces ægrotant 55
 Gallis ad Cerisolanā uictoria non multa cessit 526
 Gallus quantum intererat ad bellum gerendum, Cæsaris ueteranos milites dissipari 218, 219
 Gallindus Hispanus cohortis præfectus cadit 37
 Gandauum Cæsar contendit præmissa Germanorum legione 421
 Gandauenses grauius quare à Cæsare multati 422
 Gandauensibus iugum seruitutis impositum 422
 Gandauensibus pœnitebat quod Cæsari portas non occlusissent. 421
 Garlascum expugnatur 9
 Gaspar Franspergus moritur 318
 Garzia Lasius lapide ictus moritur. 321

I N D E X.

Gazelles copijs Damasco eductis cum
Frabate Bassa fortiter cecidit 4
Gazelles Syrie prapositus rebellat.
4
Genua à Cesarianis expugnatur 8
genua direpta 8
genua à Guidone Rangono cum Gal-
lis admotis scalis oppugnabatur.
318
genua in multas partes discissa 71
genua Decemviralis ordo instituitur.
72
Genua incumbere Guidonem Rāgo-
nium in Cesarianis castris nūcium
fertur 318
genuense Prætorium nullo negotio à
Cesarianis capitur 8
genuenses conditiones pacis à Lotre-
chio datas respuunt 66
genuenses Ferrarium & Lomellinum
ad regem Gallie destinant 66
genuensis libertatis nomē, excusso Gal-
lico iugo arripiunt 72
genuensis senensesq; Legati Cesaris
mandato Templo expelluntur 108
genuenses in uerba regis sacramentum
faciunt 67
Georgius Franisbergus 11
Georgius Pallaucimus à Mauris capi-
tur 100
Georgius stabula regia incendit quod
Austrianis magno fuit detrimento.
451
Georgius Varadiensis antistes describi
tur 430
Georgij responsum ad Rochandulphi
præcones 441
Germania ferè tota à Cesare subacta
618
germaniam cur perdomadam suscep-
rit Cesar 618
germanie libere ciuitates Cesaris se-
ueritatem damnant, qua in Gandauē
ses usus est 422
germanus miles false in Lodronium di-
cit 351
germani Budensi arce dedita ad unum
omnes caduntur 126
germani & Hispani Roma decedunt
37
germani fortiter Cariniani obsidionē
ferunt 579
germani Feltrio transitum prohiben-
te Mincium superant 14
germani & Hispani Genuā duce Pro-
spéro Columna & Piscario expu-
gnant 8
germani & Hispani Romā expugnāt
14. & Hispani ad diripiendā ur-
bem contendunt. ibid.
germani Hungaris succurrendum de-

cernunt ac duces exercitumq; insti-
tuunt 511.512
germani insulam ad Budā Turcis pro-
fligatis recuperant 278
germani Maximilianum exoptant,
Hungari Matthæum Cornuini.
521
germani quo ordine exercitum in Pa-
noniam ducerent 513
germani strati à socio equitatu fortissi-
me pugnantes cadunt 585
Germanorum constantia Hispanorūq;
alacritas in defendenda Neapoli.
54
germanorum militum habitus descri-
ptio 200
germanorum mira barbaries & Tru-
culentia 28
Giassre Ianizerorum præfectus cadit.
284
Giabhenna obsonia interfixa uerubus
ex Gallorum tabernaculis in urbem
desert 51
Gladij capulus Cesari excidit unde ua-
ria omnia præominabantur 111
Gofferus ad Sesthem annem fundi-
tur 9
Gefferius ab obsidione Mediolani dis-
cedit ibid.
Gomenitius portus 371
Gonzaga alam cataphractorū oppri-
mit 55
Gonzaga infeliciter Gallis insidias te-
dit 49.50
Gonzaga seuit in eos qui Hispanis se-
ditiosis præfuerant 370
Gonzaga singulos duces adit ac pro
honore Christiani nominis sollicitat
375
Gonzaga suadet Preuesam expugnan-
dam, Auria uerò quominus id tentan-
dum, dicit 371.372
Gonzaga tardius manum erigens à Le-
gato Hispanorum scditioforum in-
crepatur 368
Gordi 260
Gratia, Lintium, Vienna triangulari
situ à se inuicem discant 199
gratiam urbem Cesariani in deditionē
capunt. 314
Gratianopolis urbs 556
Græcorum nomina qui pro Venetis
Gallis admixtis in Cesarianos bellū
gerunt 77
Grimanus frustra Preuesam oppugnat
370
Granuellus Nurenbergam profiscisci-
tur 527
Gritus ad oppidum Braxonium.
238
Gritus capitis tegumentum detrahit

& dilatando dicit 238
Gritus capitur ac capite truncatur.
24
Gritus exhortatur à Docia 238
Gritus gemmarū cognitione insignis
37
Gritus Ioannis Regis questor 237
Gritus Habraymo uillam suburbanā
dono dat 237
Gritus oppugnatur 240
Gritus in Pannoniam mittitur 264
Gritus cum Solymano colloquitur
quod nemini Christiano ante licuit.
237
Gritus Strigonium obsidet 18
Gritti filius Agriensi sacerdotio dita-
tus 237
Gritti insignis ars in Barbarorum ani-
mis sibi conciliandis 237
Gritti truncum spoliando caruifex in-
uenit loculum gemmarum ualore
40 myriadum auri 242
Gritto Beogli nomen à Turcis ināctū.
ibid.
Gritto innatus Turcicus fastus 238
Grittiani caduntur 241
Guicciardinus præses Parmam descen-
dit 7
Guicciardinus quid de Laurentio Me-
dice diceret 397
Guido Rangonius a Imotis Genua la-
lis coronam obtinere contendit.
318
Guido Rangonius dux Gallie exerci-
tus conscripi ad Mirandulam.
315
Guido Rangonus in Galliam reuer-
tur 403
Guidomani Genua re insecta discedit
ac in itinere Carinianum in deditionē
nem capit 319
Guilermus Cliuensis ad Gallie regem
se confert ac sædus percutit 498
Guilermus Cliuensis Legatis Regine
respondet, copias à Rossenio con-
scriptas in Turcas duci 497
Guilermus Cliuensis regulus hostis
declarat 472
Guilielmus supplex ad Cesaris clemen-
tiam ueniam deprecatur 556
Guilielmus Gofferus dictus Ammiras
in Italiam descendit 9
Guelphi Ghibelliniq; nominis ad unū
omnes Casali pœnas dant 287
Guerreria familia 35
Guerrerus interficitur. ibid.
Guinium oppidū oppugnatur ab Ha-
braimo Bassa 189.190
Guinij duo propugnacula extruit A-
braimus atq; inde propugnat Nico-
lizzam 192
Guleta

INDEX.

Guleta oppugnandi ordo. 285
 Guleta situs. 280
 Guletani amicè respondent & graui-
 ter. 255
 Guletani expugnata munitione se in
 fugam dant. 28
 Guletani tertio erumpunt. 284.
 H
 Habraymus Bassa Visir, id est purpu-
 ratorum princeps. 124. 26.
 Habraymus iugulatur. 272
 Habraymus mirifice Christianis faue-
 bat. 262.
 Habraymus seruus tanquam Solymano
 dono datus. 261
 Habraymus ad Solymanum flexis ge-
 nibus exorare non potuit. 272
 Habraymi bona omnia fere in fiscu as-
 portantur domusq; sua deforma-
 tur. 272
 Habraymi fides suspecta quod diceba-
 tur Christianos fouere. 271
 Habraymi hortatio ad bellu Parthicu
 ac Germanici belli dissuasio secreto
 ad Solymanum 261. 262
 Habraymi odij & subtractionis cau-
 sa. 271
 Hadrianus Beurenus & Philipus Are-
 scotus Taraannam obsident. 324
 Hadrianus Florentius Belga Cardina-
 lis 8
 Hadrianus Pontifex Romæ nauigat 8
 Hadrianus Pontifex moritur. 29
 Hadrianus Sextus Belga Pontifex 7
 Halileuanus Hispanus ad Mahomeis
 sacra defecit 378
 Hadriani Beureni ala equitum profligatur
 495
 Haganoa in Tribocis b. 423
 Haidinus Smyrneus archipirata Por-
 tundum debellat 97
 Halicola Corfus sine alliuus 98. 99
 Halicotus Christianos remiges in sub-
 terraneos carceres detrudit 99
 Halicotus prædo è Cilicia 99
 Halyacmones, hodie Asambaba 330
 Halis Hispanus eruptionem cum Ha-
 riadenis facit 257
 Halis Leuanus è Malacha Batica di-
 lapsus è Christianismo, suadet Ha-
 riadeno ad eruptionem 257
 Halis Strigonienfibus stipendia offert
 qui Solymano militare uellent, &
 quot conditione acceptarint 545
 Halis Strigonienfes liberè dimittit
 545
 Hanebaldus Amiras cōmendatur à Frā-
 cisco rege Henrico filio 617
 Hanibaldus in Italiam per niuos al-
 pes traicit 505
 Hariadenus Aſanagam eunuchum ſur-

dum & Halim Leuanum mittit ad
 recipiendas Africæ urbes 259
 Hariadenus ancipiti deliberatione ſte-
 tiſſe utrum bellum claſſe an terra
 gereret 286
 Hariadenus Barbaruſſa aciem in con-
 ſpectum Caſarianorū ducit 292.
 293
 Hariadeno Caruenna ſola aliquandiu
 reſiſtit 259
 Hariadenus Citarij claſſem quæ ibi ca-
 diſcibatur exurit 248
 Hariadenus diſpoſitis tormentis Gule-
 tanos ſalutat 255
 Hariadenus ſiatri in regno ſuccedit
 244
 Hariadenus in fugam uertitur 293
 294
 Hariadenus Fundos capit 239
 Hariadenus ad gerendum bellum ſe cō-
 uertit ac ad ſuos dicit 280
 Hariadenus ad Habraymu qui ad Ale-
 pum hyemabat mittitur 245. 246
 Hariadenus Hipponam, hodie Bonam
 confugit 295
 Hariadenus Liguſticas naues expu-
 gnat & Deluſuſum interimſſe fer-
 tur 245
 Hariadenus S. Lucidij oppidum quod
 olim Tempa dicebatur
 Hariadenus S. Lucidij oppidum quod
 olim Tempſa dicebatur expugnat
 248
 Hariadenus Magonis portum doſe
 expugnat 302. 303
 Hariadenus non credebatur Caſarē un-
 quam ſe mari commiſſurum 279
 Hariadenus Pontia proſectus ad Biſer-
 tam appulit 255
 Hariadenus Prochitā capit 248
 Hariadenus niſi Sinas diſſaſſet oēs
 Chriſtianos ſeruos puluere tormē-
 tario in cenſo occidiſſet 294
 Hariadenus ſingulos hortatur à Gule-
 ta capta 287
 Hariadenus ad Solymanum dicit
 256
 Hariadenus ab Solymano excipitur et
 de ſuis detractoribus 245
 Hariadenus ſpellūcam capit 299
 Hariadenus Rium capit 245
 Hariadenus Terracinam capit 249
 Hariadenus cum Tunetanis pacem
 258
 Hariadeno increpanti ouinium no-
 mine Sinas reſpondit 287
 Hariadeno reſpondet Achirinus
 258
 Hariadeno traduntur oſties centena
 milia aureorum in ſumptus belli-
 cos 248

Haydinus Smyrneus moritur 297
 Haydones qui ab Hungaris dicantur,
 & ab Illyricis Huſcochi, à Turcis
 Martelloſij 340
 Hebrus fluuius, hodie Mariza, non lon-
 ge ab Amphipoli clariſſima olim
 urbe Seres hodie dicta 329. 330
 Hedinum Franciſcus expugnat 323
 Helna, olim Ebura 504
 Heluctij Caſaris ſines ſe intraturos per-
 negant 588
 Heluctij domitores imperitorū princi-
 pum à Pontifice appellati 24
 Heluctij de more pecunia ſteſcuntur.
 588
 Heluctiorum non obſcure Gallo fa-
 uent 319. 320
 Heluctios Caſar, ne Galliſ opitulētur,
 ſolicitat 579
 Heluctios Caſar ſpectatores belli cu-
 pit 304
 Heluctiorum cohortem trucidant Cæ-
 ſariani Gorgaga duce 55
 Heluctiorum prætoria cohortes pellunt
 Genua 72
 Heraclea ſentica 330
 Heredia atq; Carantius capiuntur, ac
 multis cum ſocijs ſuſpenduntur 369
 Heredia ad ſeditioſos Hiſpanos cōuoc-
 natur 368
 Heredia qui quondā cucullatus mona-
 chus fuerat à ſeditioſis hiſpanis dux
 creator 366
 Hercules Alſonſi Ferrarienſis princi-
 pis filius copijs Florentinis præſti-
 citur 34
 Hercules Rangonius cum ualida equi-
 tum & peditum manu ab Alſonſo
 Ateſtino Florentinus mittitur 136
 Hercules inſula olim Diabata dicta hō-
 die Aſinaria 68
 Hercules Moneci portus, Villa franca
 dictus 359
 Herculei promontorij ſitus. 600
 Henricus Amiras cum Indico Velasco
 ſeditioſos delent 5
 Henricus Angliæ, & Franciſcus Gal-
 liæ Reges colloquuntur 5
 Henricus Angliæ rex moritur 616
 Henricus Britanniæ rex quid Caſari
 per Antonium Peronotum reſpon-
 derit 609
 Henricus Brunſuicenſis in Italiam e-
 uocatur 74
 Henricus Brunſuicus ad Laudem Pō-
 peiam oppugnandam cū Leua pro-
 greditur 74
 Henricus Brunſuicus de Leua conquē-
 ritur 73
 Henricus Brunſuicus in Germaniam
 redit. ibid.
 GG 4 Henricus

INDEX

Henricus Delphinus egrè tulit pacem
factam inter Cæsarem, & Francis-
cum patrem 612
Henricus Angl. expugnata Bononia pa-
cē cū Gallo rege facere recusauit 115
Henricus ad Salas castellū, olim Sal-
sulas, in Pyreneis peruenit 502
Henricus regis filius, & Memorancius
Cæsare Masium, & Camillum Co-
lumnā oppugnant 357
Henricus Francisci Regis filius Catha-
rinam iuniorē Laurentio Medice
genitam ducit 123
Henricus & Franciscus Reges arma
parant. 23
Henricus Francisci filius 495
Henricus Helueticorum legiones expe-
dit 501. 502
Henricus inuadendæ Hispaniæ onus
susceperat sub spe uenturæ Turciæ
classis 504
Henricus re infecta perpenniano di-
scedit 504
Henrici Britannie līs de repudio finitæ
216
Henrici Francisci filij ad perpennianæ
duces 503
Henrici Regis filij nuptiæ cum Catha-
rina Medice celebrantur 225
Hormandum castrum Cazzianer ex-
pugnat, ac ibi pontē reficit 346
Hermolaus Barbarus & Antonius
Barbadiæ classis Venetæ præfe-
cti Alexandriae custodiæ traduntur
328
Hiberorum alē Tammaſo succurrunt
263
Hidrintinum caput, olim lapygium
promontorium 330
Hierassus amnis 465
Hieronimus Canalis Venetus Morū
quasi classe exiit & capit 223
Hieronimus Laschus Ioannem Sepu-
sum excipit fugientem 122
Hieronimus Laschus pro Ferdinando
omnia quæ inter Ioannem, & Fer-
dinandum agebantur de pace Soly-
mano detexit 426
Hieronimus Leus seditionis auctor
iugulatur 195
Hieronimus Pepulus mīre fauebat
Florentinis exulibus 409
Hieronimus Sylus ad Castellionem
Strozianos cohibere conatur 591
Hieronimus Vasionensis antistes ad
Cæsarem Legatus quibus Legibus
fœdus percutit 85
Himbrachor Petrum Moldauum re-
ducit 472
Hipporegiam Galli oppugnant 578
Hispinac Rex Persarum grauiter à So-

lymo confusus 4
Hispanus auaritia cadauer Lotrechij
in uinariam cellam condit 61
Hispanus Prætor. Verticillū qui Cæsa-
rianis magno fuit subsidio Capuæ
suspendit 48
Hispani Castronouēses plus mille Tur-
cas tormentis interficiunt 378
Hispani contra militiæ iusurandū Fel-
trium destituerunt 3
Hispani duo. abrupta sacramenti fide
primi à Muleasse desciunt 265. 257
Hispani ē militibus immanissimi latro-
nes effecti 362
Hispani frustra Laudem Pompeiam
oppugnant 74
Hispani Gallicas & Venetas copias si-
ne uulnere fundunt 7
Hispani & Germani in Prouinciā pro-
fisciscuntur 19
Hispani & Germani Roma cōtra Gal-
los iter Latina uia faciunt 37
Hispani & Germani ad deripiendam
Romam contendunt 14
Hispani & Germani Romam expu-
gnant 14. 15
Hispani irritē eruptionē ad expugnā-
dā Gallorū munitiōē faciunt 50. 51
Hispani parū gauſi de Italorū infortu-
nio cum eandem ignominiam à Ta-
lacchete ferrent 283
Hispani Sandesirium oppugnat 607
Hispani seditiosi ad Athesim 188
Hispani seditiosi Auerſam occuparāt
& inde classe Auriana Coronem
uehuntur 220
Hispani seditiosi Castrū oppugnāt 366
Hispani seditiosi frustra, postquā dissi-
pati essent, naues ad traſciendum
querentes, hinc illinc aut suspendiū
tur, aut necantur 369
Hispani seditiosi ad Guletā in Siciliā
transfuchuntur, ac ibi depredari in-
cipiunt 366
Hispani seditiosi ad Nolā stipendia es-
fligant 40
Hispani seditiosi Siculos proſligāt 366
Hispani alacritas Germanorūq; cōſtā-
tia in defendenda Neapoli 54
Hispanicæ duæ naues militib. plenæ in-
litus deuectæ ad Asanagam perue-
niunt 489. 490
Hispanorū seditiosorū legati cū Fer-
dinando Gonzaga iurant 368
Hispanorū uironū descriptio 80
Hispellū Auratio deditur 11
Hispellum peculiare Baleoni oppidū
112
Holsatij, et Dani, Cymbri sunt 396
Horatius Balconus Præfectus Etruscæ
legionis 38

Horatius Balonus interficitur 50
Horucius Hariadenus Didacum Verā
fundit & paulo post Vgonem Mō-
catam 243
Horucius Hariadenus Tremisenj Re-
gem expulit 244
Horucius Hariadenus interficitur ibid
Horucius Hariadenus Bugeā inuadēs
alteram manum amittit 243
Horacius Hariadenus Algerio & Cir-
cillo potitur 248
Hastafius Rhauennas primus
Ticini muros superat 24
Hoſtratiū in deditionem Roſſemius ca-
pit 497
Hoirechius Belga 108
Humerius inglorius in Galliam reuer-
tiur 409
Humerius nouus dux Gallus in Subal-
pinis uenit 403
Humerius parum bellicosus contra o-
mnium opinionem 403. 404
Humerius in Subalpinis præſidiū di-
ſponit 404. 406
Hunganotus Stirie præſectus cū den-
cem milibus equitum Germanicū
cepit ſe adiungit 512
Hungara mulier duos Turcas obtrun-
cat 550
Hungarus Solymanus, qui ad Maho-
metis ſacra deſciuerat, Bude præſi-
citur 461
Hungarici Regni imperiū quibus ob-
uenire poterat 129
Hungari inſolenter cadunt 13
Hungari hinc atq; illinc transfuge 87
Hungari Turcas cadunt 198
Hungari & Turcæ utriq; quingenti
concurrunt 528
Hungarorum inſania ipſorum regis
ad Turcas deuenit 452
Hugo Moncada naufragiū ad Algeriā
cum Hispanis facit 3
Huſcochi prædones Dalmatiæ 333
Hippolytus et Alexander Medicei de-
creto Senatus Reip. hoſtes declarati
16
Hippolytus capitur cuſtodiriq; iube-
tur 206
Hippolytus Clarice reſpondet 22
Hippolytus exules ſibi aſciuerat ut
per eos Alexandro inſidias para-
ret 301
Hippoxtus bis in Germanorū mani-
bus fugiens periclitatur 207
Hippolytus liberatur ac demum fugit
207
Hippolytus Medices Cardinalis Lega-
tus in bellum Solymanicum deſi-
gnatur 185
Hippolytus Medices de Clemente con-
queri-

INDEX.

queritur quod Alexandrū sibi præ- tulisset 275	Ioannes Sepusius Hungaris quid sua- deat 119	burni portum 69
Hippolytus Medices ductus poeniten- tia à Cesare pacis conditiones peti- titurus 302	Ioannes Rex Solymano obuiā profi- ciscitur 125	Labrum amicum Strozzi transire putantes ab opere desistunt 592
Hippolytus Medices moritur 302	Iosias Firmanus cadit 376	Ladislau rex ad Varnam ab Amura- the superatus interijt 465
Hippolytus ordinem Caesaris abrum- pit 206	Iouium Caesar hortatur ad calamos pa- randos, ut suura conscribat 339	Ladislau Scalcanius foede auaritie ex- probratur à Solymano mortuus 118
Hippolyto & Alexandro Mediceis in fidie structa 22	Isabella Caesaris uxor Ferdinandū pa- rit 104	Ladislai Scalcanij Strigonien. episco- pus Tomorei, Francisci Pereni Va- radinensis anustitius Georgij Septu- capiti ad Solymannum delata 118
Hippolyto & Alexandro Mediceis comes ex Senatus consulto Philip- pus Strozza deputatur 22	Isabella Regina Salma respōdet 433	Landa moritur 608
I	Isabella Regina uoluit Salmam ad se admittit 432	Landa Sandiferij praefectus 606
Iacobus Alamannus Federicum Ricci- um in capite uulnerauit 16	Isabella Regine cōmuni Procerū stu- dio ius regni delatum 430	Landresium comitatum inducit Fran- ciscus 560
Iacobus Alamannus capite trūcatur 32	Isabellam Sigismundi Sarmatarū regis filiā Ioannis rex ducit 426	Landresium à Gallis munitur 557
Iacobus Gerardus tumultū perturba- tionemq; Florentiae in curia exci- tat 85	Isle urbs Pythacuse olim & insule situs descriptio 63	Landresiensibus Franciscus succurre- re parat 559
Iacobus Medices à Cesare relictus ad Taurinū obsidendum 315	Italum nomen tuetur Iouius 2	Laudus Veneto nomine Daualo ac Hā- nibaldo legatis respondet 418
Iacobus Medices tormetorū praefectus 554	Itali ad Cerisulam se recipiunt 586	Langeus lepidae Regi quid Vastio, ac Ciconio dicat 357
Iacobū Medice et Baptistā eius fratrem falso accusatos comprehendit Va- stius 337	Itali duces conscribunt & eorum no- mina 277	Langeus moritur 511
Ianettinus Auria Caesaris imperio sal- uatus 487	Itali duce Vastio ad Cesare praefecto- rumq; nomina 189	Langeus Taurini Gallicis copiis praefec- tus ad rem bene gerendum inten- tus 493
Ianus Docia describitur 242	Itali Hungariq; duces conqueruntur apud Ferdinandum tēpus rei bene gerende eripi 513	Lanouis in Etruriam mittitur 14
Iapygium promontorium, hodie Hi- druntinum caput 330	Itali negant se in Pannoniā tuos nisi aut Vastio, aut Leua, aut ipso deniq; Ferdinando duce 202	Lanouis Borbonio occurrat 14
Ilue situs 597. 598	Itali seditiosi Auriani prestare dice- bāt cum Turcis pacisci ac militare pro eis quā ad castra redire 213	Lantgrauius ironice in Caesarem inue- hit 473
Ilisiam, Aethaliam aliās, depopulatur Barbarussa 597	Itali seditiosi ad Tiliauentum se disso- luunt 207	Lantgrauius profitebatur se uel Cesa- re inuito Vldericum in patriam re- ducturum 226
Igiliū Barbarussa expugnat 601	Itali seditiosi Tribunos militares creat quorum nomina 295	Laschus Byzantium in legationem 123
Innocentius Cibous 16	Itali seditiosis incipiunt 203	Laschus Bizantium mittitur 495
Ioachini Serrallij literarū copiae, qua- rū causa tumultus in curia excitatus erat 86	Itali cladem nō iniquis oculis cō- spexisse Hispanos suspicio erat 202	Laschus Ioanni consulti ab uno Solyma- no opem expetendā 122
Ioannes Baptista Sabellus 116	Italianus Caesarinus 108	Laschus moritur 462
Ioannes Bupae Rex constituitur à Soly- mano 13	Iulius Medices mittitur ad exercitiū 6	Laschus morbo diligentiam subtrahente medico Ptolomeum Ariminen- sem medicū ad purpuratos premit- tit 436
Ioānes Lotharingie Cardinalis ad Ce- sare Legatus Philippū retradat 300	Iulius Medices subrogatur Pontifex 9	Laschus muneribus Barbarorum ani- mos deuincit 123
Ioānes Medices Abiatū expugnat 9	Iulius Vrsinus Albae praepositus 401	Laschus quid in concilio Bizantij Soly- mano per occultam fenestellam au- scultanti dixerit 123. 124.
Ioānes Medices cadit ad Mincium 14	Iulius Vrsinus Albam Caesarionis de- dit 498	Laschus Sarmata Ferdinando bellum dissuadet, ac summa eius consilij 431
Ioannes Medices Pontifici subsidium mittit 14	Iunio Ferrucciū successorī ualde op- pidum Empolium cōmendat 149	Laschum Sigismundus diplomatibus inuat 128
Ioannes Menricus Belga 193	Innusbeius supremæ authoritatis inter pres à Turcis Dragomanos dictus cum duobus triremibus à Venetis captus 331	Lasram Gormani cum Hispanis ex- pugnant 135
Ioannes Padilia Ioannes Brauius & Maldonatus duces seditiose multius dinis cum suis caesi 5	Iurant Florentini praeter socios nun- quam cum Caesaris iniuri 19	Laudi Pompeiē timet Vastius 591
Ioannes Sepusius ad Hieronymū Las- chum profugit 122	Iuanchem Cazianer pariter & ho- stes perueniunt 347	Laudē Pompeiam capit Prosper praef- eunte Piscario 7
Ioannes Sepusius Bude consilium ut nouū regnū defendat nō audet 121	L	Laurentius Medices Alexandro prae- cipi
Ioannes Sepusius Rex acclamatus & coronatus 120	Labronem Cicironis fuisse constat Li	
Ioannes Sepusius nō obscure letatus de Ludouici Regis morte 119		

INDEX

cipi respondet	388	Lescutius parum prospere pugnat	7	him obsidendum	41
Laurentius Medices Alexandrū Prim-		Lescutius prior Pontifici bellū infert	6	Lotrechius deliberat utrum Leua Me-	
cipem interficit	390	Leua astu persuadit Germanos Italia		diolano pellendus, an Romam exer-	
Laurētius Medices describitur	387.	excedere	71	citus ducendus	16.27
388		Leua Gallos reprimis	300	Lotrechius & Lescutius fratres supera-	6
Laurentius Medices hostis patrie ac		Leua moritur	320	bi	
parricida ex Senatusconsulto indi-		Leua S. Pauli Regulā cū exercitu fun-		Lotrechius moritur ac tumidatur in	
catus	395	dit capitiq;	83	eadem uilla Aragonij Montaltubi	
Laurētius Medices inique nato prin-		Leua S. Pauli Regulam acie fundit &		praetorium fixerat	56
cipatu haud diu gausus	3	capit	79	Lotrechius nullo persequente hoste se	
Laurētius Medices quibus modis post		Leua summū decus consecutus ex Gal-		in fugam coniecit	7
patratum scelus aufugerit	390	lis profi gatis	83	Lotrechius pecunie inopia laborat	52
Laurētius quomodo principem inter-		Leua Ticinum recuperat	96	Lotrech. & Veneti ad Ticinū	24
ficere parat	389	Leua uestigal intollerabile excogitat		Lotrechij nullus amicus cōparat qui	
Laurentius Segnius Caponium saluat		81		sepulturā avaro Hispano solueret	
85		Leua exstimatio apud Caesaris aulam		61.62	
Laurentius Segnius et Iacobus Morel-		95.96		Lotrechij uita describitur	53
lius	89	Leua succollantibus baiulis in acie ar-		Lotrechij Ventorumq; exercitus nu-	
Laurentius Venetijs cum auunculo So-		matus	82	muneris	26
derimo in gratiam Cosmi trucidatur		Liberatis repetēda audi Florētini	15	Louanium olim Gradiorum clarissima	
906		Liburni portum Ciceronis Labronem		urbs	22
Laurentianum templum ingressi Florē		fuisse constat	69	Louanienses forū ter latronum incur-	
tini Cosmi titulum scalpellis exci-		Ligninum Caesar capit	609	sus tulerunt	502
dunt	33	Ligninijs situs	609	Lubecum	406
Lecheus portus olim nunc Diui Deme-		Linariū promōtorij olim Pyrgēū	601	Lucania & Apulia pleraque oppida	
trij sub ipsa Corintho	216	Lipparas Barbarissa oppugnat ac in		Gallis se dedunt	40
Legati ad Caesarianos Florentini mit-		deditionem capit, ac omnes in ser-		Lucā Caesar uenit ac quid de urbe Pro-	
tunt	168	uitutem auehit	602	ceres sentirent	311
Legati Flor. missi ad Pontificem pacem		Liscanus aurū quod saluū sperarat de-		Luca Caesar, & Pontifex recipiuntur	
petentes ob insignem auaritiā à Ce-		ditione Strigonij amittit	545	477	
sare & Pōifice explosi potius quā		Liscanus & Salamanca à Ferdinando		Lucenses ex decreto publico Mediceos	
remissi	243	capuntur	545	amicissime excipiunt	22
Legati Mediolanenses ad Caesarem de		Liscanus & Salamanca inter se collo-		Lucenses negant Florētini Mediceos	22
seditionis militibus cōquerētes	362.	quū tur, ac se saluare student	544	Lucemburgū Caesariani recipiūt	604
363		Liuius Liutani filius tormento ictus		Lucemburgum Leucorum olim urbs	
Legati à Pontifice ad Caesarem & ad		cadit	406	495	
Gallum	321	Locuste per Illiricū in Italiam	531	Lucemburgensium oppida se dedunt	
Legati Veneti ad Caesare et Pontificem		Lodronius captus occiditur	353	Carolo Aureliano	405
de expeditione aduersus Turcas	361	Lodronius equum interficit ut pedes		Lucius Vrsulus & Nicolaus Schma-	
Legionem, hodie Leodium, Rossenijs		pugnet	351	rius Consoles Antuerpie, egregie	
contendit	497	Lodronius frustra se proditum queri-		fortes	499
S. Lei castellū inexpugnabile	29	tur	351	Ludi equestres Bononie	104
Leonis & Clementis statuæ lāceis trās-		Lodronius milites qui fuge comites es-		Ludonicus Balbianus	24
fodiuntur in templo à Florentinis	35	se nolissent hortatur fortissimē	351	Ludonicus Lodronius peditum prae-	
Leo Ppofex toxico extinctus	7	Lodronius priuatis amicis agris aut		fectus ad Exechium	399
Leo Pontifex cum Caesare Fœdus per-		uulneratis equos dat	351	Ludonicus Lodronius Germanorum	
cutit	6	Lodronius Turcas fundit	97.98	praefectus	24
Leo Strozza triremib; praefectus	616	Lofrediani ad Cisternas funduntur à		Ludonicus Lusitania Regis frater	178
Leonis Ppntificis dolor ex re male ge-		Numidis	573	Ludonicus Martellius & iohannes Ban-	
sta	3	Lofredius fugiens submergitur	574	dinus, ascitis singuli socijs singulare	
Leonardus Bartolinus sacrarij arma-		Lofredius superbe eos increpat qui eū		certamen ineunt	143
ria perfringit	147	cunctari suaderent	573	Ludonicus Rex Hungariae latusculo in	
Leonardus Glorius inuaditur à laco-		Lotrechius in Alexandrium agrū ex-		gurgite suffocatus moritur	12
bo Alemanno	23	ercitum ducit	24	Ludonicus Rex Hungariae	12
Leonardus Velsius Austrianijs copijs		Lotrechius per Aemiliam atque Flami-		Ludonicus. XII. ex Guisermi magna	
praefectus	433	niam ducit	35	Lues tertiā mortaliū partē absumpsit	
Leopoldij Palatinus Casonum cū Tur-		Lotrechius in Apuliā cū Venetis	36	se ferebatur in Italia	75
cis cedit	197	Lotrechius Bononia hyemarat	75.35	Lustibeijs & Aiax Solymano suadent	
Lerones insula antiquitus hodie Le-		Lotrechius coactis in unum ducibus cō-		arma in Christianos cōuertere	323
res	324	silium inuit	53	Lustibeijs Bassa	123
		Lotrechius cum exercitu ad Neapoli-		Lustibeijs ad Coronē obsidendam mit-	

I N D E X

titur 264
 Laphibeus et Morus quas duas Atria
 nas onerarias acceperat Atria re-
 cipit interfectis trecentis Ianizeris
 222
 Lusibeus præmittitur in Italiã ad ex-
 plorandũ Salentinorũ animos 330
 Lusitania urbes terræmotu conquas-
 sate ibidem
 Lusitani Arabicum sinum classe inter-
 cludunt 326
 Lusitani ad apertos locos exstructis ta-
 bernaculis in urbes fugiunt 101
 Lusitania Oceani inundatione detri-
 mentum paritur 179
 Lusitan scelopetarij tormentorumq;
 magistri pro Tammafo militant
 326
 Lusitanos India peltare studet Soby-
 manus 326
 in Lutetiam urbem qua de causa Cæ-
 sar irrumpendum non putauerit
 609
 M
 Maccicus cadit 231
 Macinium Mongatam capite truncat
 Barbarussa 380
 Macciucca tormenta ad Perennianũ
 ferreis stilis obturat 303
 Magonianus præfectus dedit urbem se
 & uxore cum liberis saluis 303
 Magonis portum dolo expugnat Bar-
 barussa 302
 Mahometes Christianos ab aquatione
 arceat 343
 Mahometes potius uictoria militibus
 donatium præbet 352, 353
 Mahometes quo ordine nostrorũ pro-
 fessionem retardaret 347
 Mahometes in regnum surrogatur Tu-
 ueti 575
 Mahomedes singulis horis de Christiã
 norum consilijs certus 350
 Mahometes Tuneti Rex ducentas cõ-
 cubinas aluerat ex quibus totidem
 proles gignerat 252
 Mahometes ad ultiores Numidis cõ-
 fugit 577
 Mahomet Iahiaoglis Despotis Rasciæ
 patrimonium subegit 338
 Mahometes Iahiaoglis Belgradi præ-
 338
 Mahometus Sâtrapa cognomine Cani
 Babylonie præfectus 265
 Mahometis apparatus ad obuandos
 Christianos qui Exechiũ contendebant
 340
 Mahometis Belgradensis ad Solyma-
 num sententia 456
 Malacha promontorium olim Drepa-
 num 365

Malatesta in ciues tormenta conuerti
 iubet 69
 Malatesta eruptionis difficultatẽ peri-
 culũq; in scripto aperit. 164 &
 deinceps.
 Malatestæ fides Florentinis suspecta
 167
 Malatesta Florentinorũ constantiã nõ
 ex fortitudine, sed rabie proficisci
 dicebat 167
 Malatesta Legatos Florentinos ad se
 missos uulnerat 69
 Malatesta moenia munit 215
 Malatesta nimis longæ & importunæ
 cessationis à Flor. increpatur 144
 Malatesta Baleon. ex auctoritate Re-
 gis Florētini ducẽ creant 92
 Malatesta capite plectendum dicit An-
 dreolus Nicolinus 168
 Maldonatus Hispanus unã cum com-
 plicibus interfectus 3
 Malea 338
 Manfredonia Cæsarianis defendentib.
 obsident Veneti 76 (git 172
 Manphetes Amida lueto discedere co-
 Manphetes iugulatur 572
 Manphetes suspectus Numidis 572
 Manphetes propinqui, & amici ab
 Amida obtruncantur 572
 Manuum sublatio Germanis pacati a-
 nimi signum 610
 Maramaldus Capuam occupat 59
 Maramaldus falso ac insidiosè traditio-
 nis accusatur 54
 Marcus Foscarius Rempub. Venetam
 multitudinem suffragiorum prodidi-
 cebat 420
 Maramaldus Italarum dux constitui-
 tur 202
 Marcus Nerius & T Soderinus Florẽ
 rini Legati moriuntur Neapoli 61
 Marcus Nicolaus Venetus mercator
 iugulatur 227
 Mare tranquillũ conturbatũ exiui tor-
 mentorum oppugnantium Guletã
 285
 Marechalchi officium 322
 Margarita Austria ex Cæsare celibe-
 nata 85
 Maria Cæsaris soror ad Cliuensem le-
 gatos mittit, quare copias conscri-
 beret sciscitatuos 497
 Maria Pacecca seditiosorum ductrix 53
 Marinus Grimanus in Senatu ad Cæ-
 sarem orat 536
 Marius Bandinus Cæsare hospitio Se-
 nis excipit 311
 Marius Vrsinus & Georgius Sancta
 crucius colubrine ictu discerpun-
 tur 137
 Martello sij qui 437

Martia regio ubi 279
 Martia regio circa antiquæ Carthagi-
 nis ruinas Tuneti usq; miserrimo
 spectaculo exurit 254
 Martiam ad regionem adplicat Cæsar
 279
 Martis lucum oppidum seditiosi Itali
 diripiunt 205
 Martinus Columna captus 38
 Martinus Lutherus quare iudicauit
 Christiano licere à Romanis Ponti-
 ficibus deficere 6
 Martinus Rossemius in Brabantia bel-
 lum excitat 496
 Marus & Tibiscus amnes 464
 Maseria oppidũ à Cecchiango tormen-
 tis irritè quassatum 4
 Masilia à Cæsarianis obsidetur 10
 Masilia à Cæsare obsidetur 317
 Matapanium caput, Tenarũ antiquis
 fuit 533
 Mattheus Bemibus Catharum defendit
 380
 Mathias rex Hungarorum ultimus &
 uirtute & gloria 434
 Matrõna amnis 606
 Maximilianus Burra 604
 Maximilianus Cæsar hausio pharma-
 co contra imminens morbum,
 moritur 2
 Maximilianus Iselstenius Belga equi-
 tes adduxit 314
 Maxius carros excogitat ad Taurinũ
 dolo capiendum 510
 Maylatus & Balassus Trãsylvanos ad
 seditionẽ adiuvant 428
 Maylatus Valentinus, ac Perenus, pa-
 ribus propè insidijs, uirtutis inuidia
 circumuenti 524
 Maylatum quomodo Moldauus tradit
 cit 463
 Mecha urbs 381, 382
 Medicei Florentia extrubantur 22
 Medicei Tyranni appellati 16
 Mediceorum bona fisco addicta 16
 Mediceorum domum decreto publico
 diruendam dicit Carduccius 31
 Medicos imitatus Iouius in conscribẽ-
 da historia 5
 Mediolanum obsidere Galli constitu-
 unt 9
 Mediolani oppugnandi Veneti, &
 Galli cogitationem abijciunt
 81
 Mediolanensi, Brixienisq; ex agro Cæ-
 saris copie in Etruriam ducuntur
 164
 Mediolanenses provinciales quid opta-
 rent 364
 Medina Campi mundinis clara fortitui-
 to igni exusta 5
 Mel-

I N D E X.

Melficta urbs à Lando expugnatur		du, Gonzaga, & Salaffus lite con		Muleaffes quibus modis se aduersus	
78		testata simul singuli petunt	383	Rofettem Mefcinemq; parat	253
Melphim expugnant Galli	40	Montis Murlij fitus	410	Muleaffem Hispani duo, abrupta sacra	
Memorantius deditos fufpendit	357	Mortalium memoria nunquam nume		menti fide omnium primi deferunt	255
Memphiticus populus	4	rofior in una urbe numerus homi-			
Mendanius glande ictus moritur	78	num quam Bononiæ	107	Muleaffes Tuneto profugit adeo tur-	
Mendefius interficitur	283	Morus archipirata Alexandrinus	220	turbata mente, ut aurum regaliaq;	
Mendocius Perpennianum tormēta ac		Morus cum Hieronymo Canali in fœli		ornamenta relinqueret	255
magnam copiam fulphurei pulue-		citer pugnat	223	Muleaffes ad Tunetum funditur	
ris infert	502	Moscos ad Starodubam Tharnouius		573	
Mendocius præfectum rerum capita-		superat	467	Muleaffes ad uarias percunctationes	
lium uulnerat	530	Mulearabem Damascenum sacrarum		se perhumanum præbuit	577
Mendocius Tendilij filius Hispanorum		literarum abditiffimarum cognitor		Muleaffes uxorem unam ex cariffimis	
lenis armaturæ equitibus præfectus		Solymano infinuatur	263	duobus aureis redemit	295
278		Muleaffes Auerois studiosus	577	Muleaffis imperium Pœnorumq; mo-	
Medocius Turcarū castra diripit	222	Muleaffes ex Africa in Italiam traicit,		res	250
Merleia infula quæ	331	ut Cafarem conueniat	570	Muleaffis oratio ad Cafarem	287
Mefopotamia urbes Turcarū præfidi		Muleaffes capitur	574	Mura amnis antiquitus Sauaria	202
um accipiunt	267	Muleaffes per castra ductus admiratur		Myriadibus ducentis redimuntur ob-	
Mefuar cadit	257	apparatum forum militumq; tran-		fides Regis filij	78
Mefuar Tunetanos ad arma contra		quilitatem	288	Marcus Fofcarus à Confilijs exclusi-	
Turcas uocat	256	Muleaffes ad Cafarem in castra uenit		tur	420
Merhonē dolo cœperat Saluiatus Rho-		ac Cafaris dextram osculatus	287	Margaritæ infula paulo jupra Bndā	
diarū triremiū magifter	210	Muleaffes coqueritur depositā pecu-		claffe occupatur	515 516
Michael Landus	69	niā apud Touarem minime integra			
Miffinenfis portus antiquitus hodie		fide reftitū	577	N	
Baianus portus	68	Muleaffes cum aliquot alijs exocula-		Nadastus Budenfis arcis præfectus	
Mola Gallus dux cadit	584	tur	574	uir fortis capitur ac dimittitur libe-	
Moldauia Valacchia	465	Muleaffes desperatis rebus profugit		raliter	116
Moldauus Bizantium mittitur	470	258		Nadinum caftellum iaderenfis agri	
Moldauus fugit	468	Muleaffes in direptione arcis tria de-		quo pro fpecula Chriftiani uteban-	
Moldauus Maylatum capit	463	plorat	297	tur Amurathes produone capi-	
Moldani Alexem principem trucidant		Muleaffem alit Dorax ufque ad Cefa-		337	
ac caput Petro offerunt	472	ris aduentum	258	Nafadæ Austriana Comaram iugunt	
Moldani Legati petentes Alexem regē		Muleaffes duodeuiginti fratres per in-		451	
constitui	471	fidias interfecit	247	Nafadæ quid	187
Moldani Legatos ad Ferdinandum mit-		Muleaffes equitandi peritia nemini fe-		Naffous ualido Belgarum exercitu	
tunt	471	cundus	577	Galliam inuadit	319
Moldauio à Ioanne gratiæ aguntur q;		Muleaffes fratres occidit	252	Naffous Peronam obfidet & oppu-	
Auftrianos debellasset	466	Muleaffes Romæ excipitur	577	gnat	122
Molucchæ infule	306	Muleaffes fui filij nuptias fuorūq; ani-		Naffous foluta obfidiōe in Flandriam	
Molycretum Aetoliæ caftellum Sarnē		mos deuincit fibi	253	redit	315
fis obfidere parat	214	Muleaffes in foro ciues orare cœpit		Nauis una ante alias miferime ad Al-	
Molycretenfes Turcæ puluere tormen-		255		gerium quaffata	496
tario insigni constantia incenfo se		Muleaffes Mefchinē profligat	253	Nauale prælium inter Cafarianos &	
caftellumq; penē euertunt	215	Muleaffi militat ala equitū prætoriana		Gallos	44
Moncastrum	465	Chriftianorum	254	Nauale prælium trecentis inter fe	
Mondraco Cantaber rebus capitalibus		Muleaffes à muliercula feruatur	576	nauijjs noctu depugnantibus	
ab Hispanis feditiofis præficitur		Muleaffes de natalibus differit	577	451	
366.367		Muleaffes Neapolis excipitur Neapo-		Nauarrus capitur	58
Mompelerium, Volcarum urbs olim		litanis luxum in dapibus admiran-		Nauarrus fuffocatus in culcitra repe-	
fuit	504	tibus	570	ritur	61
Moninius Gallie regis legatus Rimco-		Muleaffes quid Neapolis expectaret		Naufragium ad Algerium	486
niū reddi à Cafare postulat	477	571		Nauplio, Epidauro, Nadio, atque La-	
Monopolim frustra Vaflius oppugnat		Muleaffes Neapolis milites confcribit		brana, Veneti à Solymano pacem	
78		571		redimunt	422
Monteanum Turcæ capiunt	599	Muleaffei aduersus Numidas prælian-		Neapolio Cafarianos quos in urbe	
Montecaleriū occupat Galli Ciconio		tur	254	aut alibi deprehendit interficit	
deferente	357	Muleaffes cum piratis fœdus percussit		56	
Monteuicium oppugnat Vaflius	567	ut omnium prædarum quintam ha-		Neapoleonem Vrfinum aduocatum	
Mōis ferrati ditionis imperiū Sabau-		beret partem	253	cum copijs Alexander Vuellum	
				fundit	133
				Neapo-	

INDEX.

Neapoli Caesar hyemarat. 301
 Neapolitani multi mutata fide ad Gal-
 los deficiunt, quapropter postea po-
 nas dederunt. 42
 Neapolitani Proceres multi in suis op-
 pidis defiscentes Gallica vexilla su-
 stulerunt. 41
 Nicea Massiliensium Colonia. 563
 Nicea quomodo obfessa ac oppugnata.
 564
 Nicea obsidionem soluunt Galli, & Tur-
 ca post deditionem urbem deripien-
 tes, ac incendentes. 566
 Nicea situs. 564
 Nicæses de deditione ex muro loqui in-
 ciunt. 564
 Nicolaus Bracciolinus Gibellina factio-
 nis Medices addictus. 409
 Nicolaus Caponius. 21
 Nicolaus Caponius vexillifer. 22
 Nicolaus Caponius Reip. clauum tenēs
 optimus ciuis. 30
 Nicolaus Crisia Epirota cadit. 145
 Nicolaus Ridulphus. 16
 Nicolaus Ridulphus Cardinalis. 20
 Nicolaus Salma ad Reginam agrē ad-
 mittitur. 432
 Nicolaus Salma ad Reginam cum man-
 datis, quibus eam regno excedere iu-
 bet, mittitur. 432
 Nicol. Saxoferratus cadit. 149
 Nicolaus Strozza, & Morettus Signo-
 rinus interficiuntur. 402
 Nicolaus Turrianus cum duobus mili-
 bus Germanorum Clissam mittitur.
 336
 Nicolizza Guintianis introrsus muni-
 menta exiit. 190
 Nicolizza sub fide publica ad Turcas e-
 uocatur. 192. 193
 Nicolizza egregie se ab obsidione libe-
 rat. 192. 193
 Nilotica aqua ad cisternas usq; Arsinoes.
 327
 Nouariam Caesar Petro Aloiso Farnesio
 dono dat. 361. 362
 Nobilium captorum ad Cerisolum no-
 mina. 586
 Nomina multorum nobilium Gallica
 factionis morbo morientes. 60. 61
 Noricum praetium militem nano ludi-
 brii causa occidendum tradit Solyma-
 nus. 453. 454
 Norici montes describuntur. 196
 Norius ante magistratus exactum tem-
 pus se abdicat. 22
 Nubes quæ Casarianis ac Regijs maxi-
 mum tumultum ad Villafraçam ex-
 citauit. 360
 Numida dicti Arabes quousque eorum
 regnum extendatur. 251
 Numida cohortes tres in statione inua-

dunt. 483
 Numida equites hyeme, & æstate pelli-
 cea ueste utuntur. 251
 Numida ad extremam perueniunt sene-
 ctam ac latissimi euanescent. 251
 Numida qui cum Meschine aduersus
 Muleasssem bellum gerebant. 253
 Numida Proceres in Muleasssem expedi-
 tionem parant. 253
 Numida Roscetti suadent ut fugeret Al-
 gerium ad Barbarussam. 255
 Numida sclopetis terrentur. 243
 Numida tenuissimo uictu ualetudinem
 tuentur. 251
 Numidarum bellicum iuramentum ad
 Muleasssem. 573
 Numidarum feritas ac agilitas. 281
 Numidarum mira agilitas. 482
 Numidarum aduersus Muleasssem præ-
 lium. 254
 Numidarum patrimonij census in per-
 nici equo. 251
 Numidarum uxores humillimè uiris an-
 cillantur. ibid.
 Nuptialibus ornamentis Matronæ Flo-
 rentinae spoliata. 91

O

Obsides dantur à Pontifice. 28
 Obsides duos dat natu maiores
 liberos Casari Gallorum Rex.
 240
 Obsides quinque à Pontifice dantur ac
 Neapolim ducuntur. 29
 Obsides Romæ dati fugiunt. 28
 Obsidione lenta lataq; Mediolani obsi-
 dendos Casarianos Galli Venetiq; de-
 cernunt. 81
 Obroactiū recuperant Veneti ac diru-
 unt. 337
 Oceani inundatio. 178
 Octavianus Medices, cum socijs incon-
 cussi. 21. 22
 Octavius Farnesius Casaris filiam uiduā
 ducit. 362
 Octavius Farnesius apud Casarem ad
 ponendum militie fundamentum. 479
 Octavianus Fregosius capitur. 8
 Octauio Fregosio duce, Gallico nomi-
 ni addicto Genua expugnatur. 8
 Octouiralis Magistratus Florætiæ insti-
 tutur. 73
 Odoardus Giachinotus capite trunca-
 tus. 173
 Olthastuius antiquitus Alutas. 465
 Oppida & urbes quæ & quibus donec
 Auranus. 75
 Oratio Archinti legati Mediolanensis ad
 Casarem de seditiosis conquerentis.
 362. 363
 Oratio Balthasaris Pamphili Hungaro-
 rum ducis. 345
 Oratio Barbarussæ ad suos. 280

Oratio Caponij. 86
 Oratio Ferdinandi Dauali ad Venetos.
 418
 Oratio Hariadeni ad Solymanum.
 246. 247
 Oratio Mahometis qua Solymanus in-
 ducitur Hungariæ regnum sibi occu-
 pare. 456
 Oratio Marini Grimani ad Casarem
 Buxeti. 536
 Oratio Muleasssis ad Casarem. 287. 288
 Oratio Philippi ad classem. 43
 Oratio Philippi Melioris ad Senatum
 Florentinum de legatis Casari mitten-
 dis. 142
 Oratio Titi Marconij Volaterrani ad
 seditiosos Italos. 203. 204
 Oratio Vastij ad praefectos. 283. 284
 Orbatellum deserere Luna prope decre-
 uerat. 600
 Orbatelli situs. 600
 Orbitum oppidum Tusciæ munitissimū
 fugit Clemens Pont. 29
 Orpheus Anfidius dux casus. 35
 Oricellarius cognomento Cardinalis.
 170

Ostrouizzam expugnant Veneti, ac so-
 lo equant. 337
 Ossunius, & Vicomercatus se inuicem
 ad singulare certamen prouocant.
 569
 Othomanica lex cauet Imperatorem
 nusquam muris confidere. 217. 218
 Othomani omnes gentes quibus cum col-
 latis signis sunt cōgressi, præter unos
 Scythas deuicerunt. 184
 Othomanorum principum mos ex bel-
 lis bella ferere. 184
 Othoin carcerem iniicitur. 136
 Ottho Montacutus Montis Murli por-
 tas incēdit ac per flammās irrumptit.
 412
 Otthonis Hechij cohortes fortiter pu-
 gnantes cadunt. 452
 Othoni Montacuto imperatur, ut Ma-
 riam Saluiatam, & Cosmum puerum
 Medicum comprehendat. 135

P

Paccionus Pistoriensis nullo acce-
 pto premio arcem dedit. 23
 Poccionus Pistoriensis arcem Pisa-
 nam Florentinis dedit. 23
 Pax Bononiæ facta. 104
 Pax inter Casarem & Franciscum Re-
 gem mulierum arbitratu exclusis cō-
 federatis conficitur. 78
 Pacis conditiones inter Florentinos in
 Curia obfessos & obsidentes. 19
 Pacis leges apud Suefiones inter Casa-
 rem, & Franciscum Regem Gallia.
 610
 Paetilianæ rebellio. 550

INDEX.

<i>Pallas</i> Oricellarius, & Canisianus quid in Senatu dicerent. 394	<i>Paulo</i> Strigoniensi, & <i>Petro</i> Pereño ut parcat Ioannes Rex rogat Solymanus. 331	contendit. 561
<i>Palatinus</i> Ferdinandi Regis exercitus dux. 233	<i>Paulus</i> tertius Papa coronatur. 236	<i>Perpennianenses</i> tormenta Gallorum ferreis stilis obturant. 501
<i>Palatin.</i> vulneratur & exercitus Regius in fugā ueretur. 233	<i>Paulus</i> tertius Pontifex Gallum non potuit exorare ut se Casari aduersus Turcas iungeret. 237	<i>Persæ</i> Solymani posteriora agmina inuadunt. 268
<i>Panis</i> difficultate laborant Cesariani Neapoli obfessi. 42	<i>Pecores</i> locus infamis latrocinij apud Neapolim. 49	<i>Persarum</i> ditio à Solymanico exercitu inuaditur. 264
<i>Pannonia</i> noui belli causus à morte Ioannis regis altius repeti Ioannis. 425. 426	<i>Pecunia</i> diuendit Galeries militibus datur. 29	<i>Persuasiones</i> quibus Solyman inducitur fuit Italie bellum inferre. 329
<i>Pannonij</i> belli causas altius resumit Ioannius. ibid.	<i>Peligni</i> Sulmonenses Precutinique in potestatem Valerij. 36	<i>Pestum</i> aduersus Turcas fortiter defenditur. 438
<i>Paria</i> , <i>Dariona</i> , <i>Perura</i> , & <i>Cuscharigna</i> immenso auro refertissima. 117	<i>Peligni</i> uallis natura, & situs descriptio. ibid.	<i>Pestum</i> expugnant Turca. 451
<i>Parma</i> altera parte capta Prosper columna exercitum ad Niccam amnem reducit. 6	<i>Pellicardum</i> uendunt. <i>Vldericus</i> , <i>Christophorus</i> Gallie Regi. 227	<i>Pestum</i> oppugnatur. 519
<i>Parmam</i> Galli oppugnant. 7	<i>Peloponnesi</i> Aetolie Naupacti distant. 213	<i>Pesti</i> mire in Christianos sauit Cassio. 412
<i>Patras</i> oppugnat & capit Auria. 213	<i>Pelusium</i> . 327	<i>Pestis</i> sitis. 516
<i>Patrarum</i> arcem in deditioem capit Auria. 213	<i>Pelusium</i> mittit Casar ad Gallum cum pacis conditionibus. 423	<i>Pestis</i> in Vrbe exorta. 8
<i>Patricios</i> Florentinos recuperata libertatis poenitet 23	<i>Pera</i> Ligurum colonia apud Bizantia. 471	<i>Petilianus</i> cum Romanis copijs se Strozze coniungit. 522
<i>Pauci</i> Gallorum qui ad obsidendam Neapolim uenerant in Galliam reuertuntur. 61	<i>Percussores</i> Parati in eadem Iulij Medices. 9	<i>Petrus</i> Aloysius Strozzeanis lintres ad Padum traieciendum submittit. 598
<i>Paulus</i> Bachitius cadit. 348	<i>Perenus</i> ad Ferdinandum transit. 434	<i>Petrus</i> Auogarius Brixianus. 16
<i>Paulus</i> Bachitius, & <i>Ludouicus</i> Pechri Hungarorum duces. 339	<i>Perenus</i> docet nil esse cunctandum, sed audacter Budam inuadendam. 515	<i>Petrus</i> Croscicinus capitur à Turcis, ac truncatur cepite. 317
<i>Paulus</i> Bachitius, exploratum mittitur ad Zopiam arcem, quam Turca fugientes incendunt. 341	<i>Perenus</i> in gratiam Ioannis regis rogante Solymano receptus. 523	<i>Petrus</i> Croscicinus Clissa regulus. 316
<i>Paulus</i> Casari sacerdotiorum decumas concedit in belli sumptus. 275	<i>Perellus</i> Petrus in arce strigonij ab Hispano capitur, ac rapacissime torque & ueste exiit. 522	<i>Petrus</i> Landus Venecius classis praefectus Molam, Polygnatum atque Monopolim in deditioem rebellantibus ab Hispanis capit. 47
<i>Paulus</i> Ceres captus redimitur. 164	<i>Perenus</i> que audierat libere Rochadulpho dicit, ac sibi Hungarisq; se prospecturum asserit. 450	<i>Petrus</i> Landus quantum potesta Cesarianis comineatus arce Neapoli obfessis. ibid.
<i>Paulus</i> Pontifex Auria gladium sacram mittit. 276	<i>Perenus</i> suspicionem de se inuadendi regni Pannonia satis ediderat. 523	<i>Petrus</i> Moldauus uiginti securi percute iubet. 476
<i>Paulus</i> Pontifex Bononiam uenit Casarem expectaturus. 531	<i>Perenus</i> , <i>Valentinus</i> , & <i>Maylatus</i> Hungari proceres paribus propè insidijs, uirtutis inuidia circumuenti. 524	<i>Petrus</i> Moldauus Valacheru princeps Mustapha triginta equorum milia mittit. 445
<i>Paulus</i> Pontifex Florentinos exules incitat ad recuperandam libertatem. 399	<i>Perenus</i> Viennam intrans ad uiros fortes de sua sorte conqueritur. 523	<i>Petrus</i> Nauarrus capitur. 8
<i>Paulus</i> Pontifex Hippolyti Cardinalis suppellestem ad hastam uendit, cupiente Alexandro redimere. 399	<i>Pereni</i> ingens fastus. 523	<i>Petrus</i> Philippus Pandulphinus in conuentione Laurentianum Cosmi templum diruendum dicit. 132
<i>Paulus</i> Pontifex Medice domus ruinas equo animo laturus. 302	<i>Pereni</i> filius ex aula Solymani à Rasciano seruo felici astu educitur. 523	<i>Petrus</i> Strozza ad Motem Murlium castra metatur. 410
<i>Paulus</i> Pontifex mirus artifex in inspicendo interiores hominum sensus. 527	<i>Perenum</i> diadema olere obrectatores dicebant. 523	<i>Petrus</i> Strozza cum exilib. funditur, & capiuntur. 413
<i>Paulus</i> Pötifex operam dat, ut Casar & Gallus mutuo colloquantur, & locum praefigit. 389	<i>Perona</i> ad Somorobrinam amnem oppidum. 319. 321. 322	<i>Petrus</i> Strozza insidias Poëtio iterum erupturo parat. 170
<i>Paulus</i> Pontifex Petri Croscicini cohortibus ac tormentis inuat. 336	<i>Peronottus</i> Granuellius in Vangionibus legatorum conuentui praepositus, in quo de religione disputatum est. 438	<i>Petrus</i> Strozza inuerecunde patrem obiurgat, ac ad Etrurie expeditionem compellit. 409
<i>S. Pauli</i> Regulus acie à Leua funditur & capitur. 79	<i>Perpennianum</i> à Marco perpenna conditum. 501	<i>Petri</i> Aloysij Farnesij alienati à Casare animi causa. 592
<i>Paulus</i> Sfortia fortiter Laudem Pompeiam defendit. 74	<i>Perpennianum</i> Aragonijs parum honesta conditione adeptum. 501	<i>Petro</i> Aloysio Farnesio Nouariam urbem Casar dono dat. 361. 362
<i>Paulus</i> Simeo Nicae arcis praefectus. 564	<i>Perpennianum</i> Henricus castra mouet. 502	<i>Petruciana</i> coniuratio. 3
	<i>Perpennianum</i> Henricus Francisci filius	<i>Peuce</i> insula, hodie Barillana dicitur 465
		<i>Philippus</i> Amiras egre Lotharingi consilium admitebat. 300
		<i>Philippus</i> Auria classem instituit ad oppugnandos Casa. ad se aduenientes. 43

Philippus

INDEX.

HH 2

INDEX.

Randatum expugnant seditiosi Hispani ac ibi hyemant.	367.	describitur.	375	Valachia possessores.	465
368		Rithimnam, hodie Retimum oppugnat Barbarussa.	365	Roxolana Habraymū quare odio prosequatur.	277
Randatum, olim Triatium ad Aetnae montis radices.	367	Robertus Marchius Gallicae factioni semper addictus.	7	Roxolana & mater Solymani Habraymum Pseudoturcam appellant.	263
Rangonius feliciter pugnat.	176	Rochandulphius Budam oppugnat, ac Regina praefones mittit.	441.	Rubri maris, sive Arabici sinus longitudo, ac situs.	381
Rangonem disputantem an iure belli capius esset, ex sententia liberat Vastius.	62	442		Rubro in mari Campson Memphiticus Sultan classem extruxerat, ut India Lusitanos arceret.	327
Raphael dictator in Malatestam arma uertisset, nisi Cecottus Tosingus auertisset.	170	Rochandulphius cuniculis Budae murum tentat.	443	Rumores per Italiam de Alexandri percussore.	196
Raphael Hieronymus dictator comitia indicit quibus expectandum esset an legati de pace exoranda ad pontificem mitterentur.	137	Rochandulphius moritur.	452	Rumores uarij de bello ingruente Gallicis.	683
Raschinus fortissime dimicans cadit.	347	Rochandulphius nihil tutum quod esset indecorum putabat.	445	Rurmonda & Fantholdum se Caesari dedunt.	596
Ratissone conuentus.	439	Rochandulphij Castrorum ad Budam situs.	445		
Rebellium Neapolitanorum Procerum Nomina.	76	Rodericus Portundus superbus.	97	S	
Recipiunt se Caesariani nescijs Gallis.	39	Rodericus Ripalta Castrorum magister cadit.	384	Sabaudus in Gemanorum ciuitate	472
Regina à Turcis subsidium petit.	436	Rodericus Ripalta vulneratus.	294	Sabaudus inermis à Galis suis oppidis exiit.	299-300
Regiones nouae Caesari inuenta.	305.	Rhodus à Solymano expugnatur.	8	Saiauedra Beticus equitum praefectus Auelinum diripit.	55-56
306. 307. 308		Roiam Rossenius diripit.	497	Salamanca & Liscanus dedere se consiliunt.	544
Rempub. ciuibus reddi petunt Florentini.	21	Roma à Caesarianis capitur.	11	Salamanca ad Turcas mittitur de deditio tractaturus.	544
Renatus Aurantius tormento lethaliter ictus.	607	Roma à Caesarianis pridie nonas Maij capitur.	14	Salassus glande ictus cadit.	408
Renata Ludouici Regis filia Herculi nubit.	34	Roma à Caesarianis expugnatur.	21	Salassus quibus conditionibus inductus ad defectionem.	125
Rentius Ceres quatuor militum milia conscribit.	53	Romae delectus militum tam pro Caesare, quam Gallo fiunt.	590	Salassus moritur.	61
Rentius Ceres infaustus Urbis patrieque sua defensor.	54	Romae Pontifice praesente Caesar Galliarum Regem ad singulare certamen prouocat.	318	Salassus regulus ad Caesarem defuit.	311.
Rentius Ceres foedum sui consilij exitum tulit.	9	Romae Pontifice praesente Caesar ad Galliae Legatos orat.	310. 311	Salernum capitur.	13
Rentius Ceres adipiscende pecuniae spe decidit.	56	Romae Tyberis prodigiosus fames, pestis inenitabilis.	235	Salernitanus Strozam de traiciendo Pado animum commutare cogit.	302
Rentius Ceres copias in Etruriam ducit.	8.9	Romam Capena porta intrat Caesar.	309	Salomon Siculus & Petrus Baucionius Ligur acerrime propugnando Parmam defendunt.	7
Rentius Ceres & Vitellius Tiphernas Columnios in fugam mittunt.	14	Romanus Simon ultimus omnium bello cadit.	79	Salona urbs clarissima.	336
Rentius Ceres per Castra spectatum ducitur.	53	Romulus Amasens.	104	Salisurum Castelli in Pyrenaeis situs.	501
Repulsi Galli Parmensi oppugnatione discedunt.	7	Roscinius Ciarius nobilis Etruscus à Caesarianis interficitur.	42	Saluiatus Cardinalis in Gallia Legatus.	23
Responsum Florentinis de Caesare per Legatum eorum datum.	94	Rossenius Antuerpia discedit, ac Louanium concedit.	501	Saluiatus Cosmo suadet ut abdicet se principatu.	409
Rhium castellum Achaiae in angustijs Naupacti direptum.	213. 214	Rossenius Araldus Antuerpiam mittit qui urbem in deditioem petat.	500	Saluiatus & Capinius se Mirandulam recipiunt.	414
Rhienenses in seruitutem ducuntur.	245	Rossenius Arescotum castris, & tormētis exiit.	557	Saluiatus mauult colloquijs quam armis de Reipub. statu differere.	400
Rinconius Byzantium mittitur, ac ab Hispanis interceptur.	476	Rossenius copias cogit.	496	Saluiatus sibi ipsi irascebatur quod Florentiae statum nimis festinanter tentasset.	401
Rinconius iure casus.	477	Rossenius Hostratum capit in deditioem.	497	Saluiatus uel Petro Strozza hortante induci nequirit ut copias ad hostes deduceret.	413
Rinconem merito occisum apud Solymnum Laschus asserit.	462	Rossenius latronum dux.	498	Samarobrina, nunc Cameracum.	615
Rizonicus sinus, hodie Cathareus.	333	Rossenius qua arte in Aurantio texendus insidys usus.	498	Sandefirium obsidet Caesar.	606
Rizonicus sinus, quem Catareu uocant,		Rossenius ad Rauastenum Mosam traiecit.	497	Sandefirium oppugnat.	606
		Rossenius Roiam diripit.	497	Sandefirij deditio quib. conditionib.	611
		Rossenius Texandriam inuadit.	497	Sandefirij cadentium nomina.	608
		Rossenius Verbecum, Horsecotum per Berliam descendens omnia uastat.	497	Sandefirij Galli legatos de deditioe ad Caesarem mittunt.	611
		Rossenio Caesar liberaliter ignoscit ac suae militiae ascribit.	557	Sancius Ferias cadit.	380
		Roxolani, Arpij, & Tauroschitae olim			

INDEX.

- Sangrius arcem Claraschi dedit.* 494
Sanzaci prouinciarum praefecti. 125
Sanzachos quos Turcae uocant. 459
Sardi insidijs à Rétio adorti funduntur. 68
Sarmentus quare Castronoui angeretur. 379
Sarmentus cadit. 380
Sarnensis Regulus ab erumpente Saleto circumuentus cadit. 282
Saturnensis Theodoro Spinula egre Turcas sustinente succurrit. 212
Sarra Columna. 35
Saxerim occupat Rentius. 69
Saxo insula. 333
Sarz mium. 71
Scaligeri procures Christophorus & Brénor duabus Germanorum legionibus in Italiam mittuntur. 580
Scamter Bassi quis. 261
Scardi montes qui & quorum sint. 529
Scardonu Veneti capiunt ac diripiunt. 315
Scarparia corrui. 512
Scialonum oppidum, olim Catalaunum fuit. 611
Scumitarra uocatus Carduccius. 31
Scipio Columna Reatinus episcopus colatis signis ad Manliana pugnatur. 56
Sciauniam Drausus alluit. 341
Scopia. 330
Scythae soli ab Othomannis inuicti. 184
Syllius cum adolescentibus Medicis exturbatur. 22
Sebastianus Montecuculus discerpitur quod ueneno Fraciscum Delphinum interemisse dicebatur. 317
Sebastiana uia. 357
Seditio militaris Viennae exorta. 194
Seditio inter milites Florentinus ualde periculosa. 172
Seditio nem mouet Hispani ad Lintium. 104
Seditioforum capita inuolutis faccis submergit Vastius. 277
Selania & Hollandia Oceani innundatione uastantur. 179
Selymus Turcarum Imperator ulcere apud renes contracto moritur. 4
Selymi praesides superato Euphrate circa Byrtham incursiones faciunt. 260
Senatus Florentinus non decreuerat principem eligere, sed uexilliferatum erigere. 393
Senatus unum & triginta uirorum à Pontifice institutus. 3
Senenses foeminae inter Italicas spectatissima formae. 311
Senenses intrantem Caesarem eorum fines ac demum urbem liberaliter excipiunt. 311
Senenses subsidium à Cosmo impetrant. 199
Senenses subsidium contra Barbaros ipsis à Cosmo Medicis oblatum respuunt. 569
Sergianus Carracciolum fidem mutat ac Gallis se addicit. 42
Sergianus constantissime pugnans capitur. 40
Sestianum frustra Strozzi oppugnant. 402
Sexdecim annos continuos Florentini cum Pisani bellum gesserunt. 88
Sfortiae Magni interitus miserabilis ad amnem Aternum. 35
Sfortiani Galli Venetique Ticinum expugnant. 79
Sibinicum oppidum, antiquitus Sicum fuit. 505
Siculi profligantur à seditiosis Hispanis. 356
Signiferi sexdecim Florentini constituti. 33
Sigismundus Laschum diplomatis inuolat. 123
Sigismundus ad Solymanum legatos mittit, ut salua Solymani amicitia liceat Moldauos inuadere. 468
Simon Ziegobriensis Episcopus qui ad multam uilitatem castris frumentum suppeditaturum se promiserat. 340
Simulari Florentinorum vultus. 20
Sina mons. 327
Sinas auertit quo minus Christiani serui ad unum omnes interimantur. 294
Sinas pra gaudio recepti filij moritur. 598
Sinas commilitonum nomine Hariadeno respondet. 287
Sinas cum suis ducibus Tunetum profugit. 286
Sinas Smyrnaeus Guleta à Barbarissa praeficitur & suorum nomina. 280
Sinas Smyrnaeus cognomēto ludaeus archipirata. 98
Soderanus auri tenax & uite prodigus. 61
Soderino cincto quindecim annis Patria praesuerunt Medices. 21
Soderini consuetudo Florentiae reuocatur. 22
Soclos Amurathes capit, ac ad unum omnes interficit. 540
Solum hasta cuspide uerrere ignominiosum militiae. 148
Solymanus ad Albe conspectum. 549
Solymanus arma expedit, ut Regina succurrat, ac Regi puero dona mittit. 437
Solymanus astronomia, ac cosmographia peritus. 460
Solymanus Babylonia exercitum educit. 263
Solymanus à Babylonijs recipitur ac ibi hyemari constituit. 266
Solymanus Belgradum peruenit. 189
Solymanus Belgradum reuertitur. 202
Solymanus Budam intrat, ac Reginam cum puero discedere iubet. 458
Solymanus Budam, ac Pestum ceteris relictis defendenda constituit. 516
Solymanus Byzantium iter instituit. 170
Solymanus captiuos nuntiatum in urbem remittit quare Viennam oppugnat. 139
Solymanus captos ad Executium & Byzantium ductos eadi uoluit, sed Lannizeris deprecantibus seruati. 353
Solymano capita trium ducum ex Executiana clade argenteis peluibus oblata. 353
Solymanus Cassimo Bassa imperat, ut Nauplio, & Epidaurio in Peloponneso Venetorum Urbibus bellum inferat. 336
Solymanus castra mouet in Assyriam suadente Vlamane. 265
Solymanus Christianorum armatim tres exercitus in Pannoniam ducit. 445
Solymanus commutato consilio Venetis bellum infert. 332
Solymanus ex cruce deiecta ex summi templi pinnaculo, Strigonium capitum obducitur. 544
Solymanus ultra Euphratem. 242
Solymanus Eunuchus Epirota Aegypti praefectus. 427
Solymanus exercitum in Asiam ductum, ad Niceam congregationem facit. 264
Solymanus expiato templo Strigonij sacra facit. 545
Solymanus Francisco Galliarum fratris & amico classem duplo maiorem in Caesarem quam petierat promittit. 509
Solymanus Gallum fratrem appellat. 507
Solymanus Hariadeno uexillum sceptrum gladiumque, de manu tradit. 248
Solymanus ingratis Galliae Regi, quod pacem maturaret dicit. 423
Solymano ad Iconium obuij Hariadenus Barbarissa, & Sinas cognomēto iuuenis. 226
Solymanus iratus quid de Ferdinando, & Ioanne regibus dixerit. 426
Solymanus Italia bellum inferre decernit. 329
Solymanus Legatos ad Hariadenum. 245
Solymanus litteras ad Caesarem mittit, & eorum tenor. 191
Solymanus Lusitanos India pellere studet. 326
Solymanus contra Moldauum expeditionem facit. 468

INDEX.

Solymanus Moldauos in si lē recipit, ac Stephanum regem constituit. 469	septa aula admittere non consuevit. 123	coronatur. 429
Solymanus octingentos captiuos in fru- sta condi iubet. 453	Solymanus uisus Ludouici Regis & Ma- rie Regine imaginibus quid dixerit. 118	Stephanus Petrum sibi tradi contendit. 476
Solymanus oblidionē Viennę soluit. 131	Solymanus unicus Selymi ex Bosphora nauxore filius. 74	Stephanus Petri frater Moldauia rex cō- stituitur. 469
Solymanus Pannoniā bellū infert. 11	Solymanus uuo tempore multis bellis occurrit. 445	Stephanus Rascius, & Frāscius Fran- capanes a Regina deficiunt. 434
Solymanus ad Pannonicam expeditio- nem proficiscitur. 125	Solymanici exercitus numeris & disci- plina. 191	Stephanus Verbetius suadet regem Lu- douicum Budamē castris abire. 12
Solymanus in Persarum ditiones per- uenit. 264	Solymani literę ad Franciscū cum clas- se misse. 533	Stephanus portus Etrurię. 14
Solymanus Petrum Moldauum in gra- tiam recipit, ac exercitiū ad reducen- dum decernit. 472	Solymani matris Orientis bellum dissua- det. 263	Strigonium describitur. 541
Solymanus pari odio & Christianos & Persas prosequatur. 260	Solymani ordo in ducendo agmine. 268. 269	Strigonium oppugnandum distribuit Solymanus. 542
Solymanus peresus expeditionis susce- pta Corcyra oblidionem soluit. 335	Solymani promissa Viennensibus. 131	Strigonium oppugnatur. 542
Solymanus Polino per Eunuchū grauis sima oratione respondet. 507. 508	Solymani responsa ad Ferdinandi Lega- tum. 124	Strigonium Solymanus reficit, ac mu- nit. 545
Solymanus potitur Buda. 13	Solymanica castra modica estate summa tempestate niuium & imbriū in Per- sia afficiuntur. 265	Strigonium tres pratorianos Solyma- nus mutit. 541
Solymanus Regem puerū suis liberis am- plexandū amittit. 454	Solymanica castra describuntur. 461	Strigonij eruptionem faciunt. 543
Solymanus puerum ad Reginam remitti tur proceribus retentis. 455	Solymanica classis quanta in mari ru- bro. 328	Strigonij porte aperiantur. 544
Solymanus quare nau recta Guinio Viennam profectus fuerit. 193	Solymanica ac Veneta classes mutuo se amicē saluant. 330	Strigoniensibus imperatur arma domi- tere. 544
Solymanus per quatuor dies de Hunga- rico regno consultat. 455	Solymanici exercitus numerus & disci- plina. 400. 401	Strimones amicus Marmarici dicitur. 330
Solymanus Regi puero, & Hūgaris pro- cerib. dona mittit. 354	Solymanici improbi a Persis oppri- muntur. 270. 271	Strozza cum Florentinis quęstionib. se dedit. 60
Solymanus Reginam cum puero in ca- stra euocat. 454	Soncini oppidi ditionem Stāpę Medio- lanensis arcis prefecto Cesar donat. 384	Strozza ad Sarauallē oppidū pugnat. 593
Solymanus Rhodum expugnat. 8	Sophus Hismael Tammassum natu qua- tuor fratrum maximum heredem in- stituit. 259	Strozza apud Mirandulam milites con- scribit. 589
Solymanus per Rostanē Ferdinandi le- gatus respondet, & quibus conditio- nibus Solymanus Ferdinando pacem concere uellet explicat. 461	Sophi Hismaelis filiorum hereditates ac prefecturę quę. 259	Strozza Pittilianus se coniungit. 592
Solymanus per simulationem uiscende urbis Bude portas occipari iubet. 415	Spalaten'es incolę usuri expugnationem Maledicini castelli a Turcis ca- piuntur. 337	Strozza Hippolytus Car. animum Atquli num cōsultat de itinere faciundo. 588
Solymanus se proprium Romani Impe- rii successorem asserit. 163	in Sphragiē insule portum classē de- ducit Auria quem nostri Sapientiam uocat. 210	Strozza mentis rubra cruce fortiter clauditur. 594
Solymanus septem Procerum capita sibi allata tridat. 118	Spinula & Auria familię Gibellinę fa- ctionis. 71	Strozza noctu se proripit. 593
Solymanus suos duces ad se uocatos in- crepat, ac eos nisi Alba expugnata re- dire iubet. 550	Spinulam Fregosij capiunt. 66	Strozza obuiam proficiuntur Vassus. 592
Solymanus suos increpat quod a limine uictorię sese retulissent. 130	Spinula Genuam reuocatur. 65	Strozza omnes moras abruptendū di- cit. 592
Solymanus Taurisum capit ac diripit. 268	Spinula Ligur a Numidis capite trun- catur. 281	Strozza per Liguriam in Galliam cum cohortibus traiecit. 594
Solymanus in Thraciā redit, ac Laschū dimittit. 462	Stabie olim nunc Castellum maris. 55	Strozza plures dicebatur ducere co- pijs quā faceret. 591
Solymanus in Thraciā reuertitur. 131	Stechadē insule portum Masilie effi- ciunt. 219	Strozza simulat Padum trajicere, ut hostes fallat. 592. 593
Solymanus tres statuas Buda Byzantiū auehit cum aliquot tormentis co- lumnisq. 118	Stephanus Balia Mutinensis a Vastio su- spenditur. 403	Strozza sub copijs Padum trajicit 590
Solymanus triremium classē instituit, ut Lusitanos India pellat. 327	Stephanus Bator praeses Pannonia defi- gnatur Prorex. 122	Strozzeani profligantur. 594
Solymanus Viennam peruenit. 117	Stephanus Columna apud Casarem ca- strorum magister factus. 554	Strozzeani exutis tormentis uexilliq. in fugam uertuntur. 412
Solymanus uirum Christianum intra	Stephanus Ioannis filius a baptismo	Stuarda familię Scotię. 518

INDEX.

que interfecti. 4
Sultaniam olim Persarum regiam Soly
manus ad statua contendit. 264
Summa oppidū à Cesarianis noctu iter
facientibus capitur. 55
Surrionius capitur. 606
Sursum oppidum in Sardinia occupat
Rentius. 68
Synodus diuersa Reipub. magnam tran
quillitatem attulisse. 478
Syracusanus portus hodie Bonifacius.
479

T

T Agus in medio sui aluci sicca ua
da ostendit. 179
Talismanes Sacerdos Solymano
dicit dormientes haud uiuos censeri.
172
Tammias à Cesare tormentis iunatur &
socius appellatur. 272
Tammias in Coraxenos abscesserat.
265
Tammiasus Solymani uestigijs insistit.
269
Tammiasus iterum in Coraxenos se reci
pit. 267
Tammiasus magni Hysmaelis filius. 142
Tammias Regia diripitur. 268
Tammias Regiam urbem Solymanus in
trat. 264
Tammias sententiam de bello gerento
perdisit Vlamenes. 264
Tamerlancs Scytharū dux clarissimus.
264
Taruanna à Belgis obsidetur. 324
Tattam in deditionem Solymanus ca
pit, ac euertit. 546
Taurileum dolo capere Cesariani parāt.
510
Taurinum urbem Galli defendere spe
rant. 356
Taurinenses media laborantes à Gallis
succurruntur. 357
Taurisiam à Solymano diripitur. 268
Taurisium Tammias Regia urbs. 264
Taurus incantatus sedanda pestis causa.
8
Teias Agillarius equitum praefectus ca
dit. 39
Telamoniū Barbarussa expugnat. 599
Ternouzia regia Valachia. 465
Ternam partem mortalium lues in Ita
lia absumpsisse ferebatur. 75
Tessius ad Montisferrati oppida occupā
da mittitur. 588
Testegis Habraymi citharædus militibus
praeficitur. 378
Tharnouius dux peritissim⁹ Moscos su
perat. 467
Tharnouius Moldauum fundit, ac tor
mentis exuit. 468
Thermaicus sinus. 330

Themestitana urbe Venetie urbis instar
ponitur Ferdinandus Cortesius. 376
Theodorus Triuultius Venetorum impe
rator captus. 7
Theodorus Triuultius arcem Genuen
sem dedit. 71
Theodorus Spinula egre Zadarē susti
nuisset ni Sarnensis succurrisset. 212
Theodosia quæ Cassa dicitur. 465
Thessalonica. 330
Thermens. 583
Thermens capitur. 584
Tocacie praelium. 121, 122
Thomas Eboracensis Cardinalis author
reputat inter Regem Henricum &
Catharinam Caesaris materteram.
216
Thomas Volscius Cardinalis supplicio
affectus. 325
Thomas Volscius Cardinalis Eboracen
sis Anglia regno pestilentissimus. 325
T. Zephio funesti cubiculi clauis dat
Laurentius Meaces fugiens, honoris
immemor. 390
Ticium capitur ac diripitur. 23
Ticinum expugnatur à Gallis, Sfortia
tians Venetisq;. 79
Ticinum obsidet Veneti cum Lotrechio.
24
Ticinum à Rege menses quatuor obside
tur. 10
Ticinenses statum Antonini Caesaris au
ferri non patiuntur. 23, 24
Tinctus Batifolius cadit. 152, 153
Titus Marconius Vastū praefectosq; cæ
teros Italici sanguinis proditores ap
pellat occidendūq; decernit. 205
Titus Marconius Volaterranus ad sedi
tiosos Italos loquitur. 203
Tocatum castrum. 121
Tolonis portus antiquitus Taurēta fuit.
567
Tolona portus, antiquitus Tauranta.
315
Tormenta relinquuntur, puluis cum cæ
teris belli apparatus exuriuntur.
347-349
Tormenta quot Buda capta in castris
& Pestis. 452
Tormentis Galli exuuntur. 9
Tornellus Albā proficisci retractat. 547
Tornellus Hannibalem capitali suppli
cio afficit. 546
Touares cum Amida quibus conditioni
bus sedus percutit. 574
Touares apud Casarem furti reus factus
à Muleasse. 577
Touares Guletae praefectus suadet Mu
leassi ne tam exiguis copijs Tunetum
proficiscatur. 573
Toxanoriam regionem inuadis Rosse
nius. 497

Traiani pontis uestigia uisuntur ad Se
urinum oppidum. 469
Tranium occupat. Camillus Vrsinus. 77
Transalpina Valachia. 469
Transylvanicae populos in deditionem
Ferdinandus capit. 122
Transylvaniam ad arma ad Americi anti
stis mortem vindicandam. 240
Transylvaniam quare à Ioanne rege rebel
lant. 427
Trecenti milites à niue in peligni ualle
extincti. 36
Tribus de causis constituerat Caesar Gal
liam inuadere. 313
Tridentini concilium indicitur. 525
Tridentini concilij translationem apud
Bononiam cur instituit Paulus III.
Pontifex. 611
Tripartitum diuisi Cesariani iter facien
tes uno quasi tempore Neapolim ue
niunt. 40
Tritemes plicatiles. 327
Tritemes quatuor Aurianae merguntur.
566
Troia situs. 37
Troilus Pignatellus Neapolitanus transfu
ga ad Solymanum inter Antjara
cas ascribitur. 329
Tumultuaria pugna Cesariani cum Gal
lis pugnant. 41
Tumultuariam pugna Cesariani exci
tant in Gallos perficienda munitione
ad Pogium intenti. 50
Tun cum diripitur. 256
Tunetum Turcarum colonia uidebatur.
571
Tunetum uersus Caesar castra mouet.
291
Tuneti Christiani cohortis pratoriana
in praesidio. 254
Tuneti reliquiae Gallorum à Poenis supe
ratorum inuentae. 297
Tunetanae arce serui Christiani potun
tur. 298
Tunetani regni amplitudo. 251
Tunetani conglobantur cum Roschet
tem non uenientem intelligunt.
265
Tunetani cum Hariadeno pacem.
258
Tunetenses ad Casarem cum clauibus.
295
Tunetanos Mesur ad arma suscipien
da Turcasq; obsidendos hortatur.
256
Turca insignis Dux Vitellium sibi oscen
di petit, ac amplectitur. 521
Turca sub auroram Rochadulphi castra
duobus in locis oppugnant. 448
449
Turca Austriana castra inuadunt.
450, 451

INDEX.

- Turca Barbaruffam cum Auria colludere dicebant.* 567
- Turca ducenti equites ab Hungaris caduntur.* 150
- Turca & Germani leuiores. prælijs aliquot diebus pugnant, quod cum fieri Rochandulphus uetat, nostrorum animos minuit, Turcarum auget.* 447
- Turca loco depelluntur ad Execchium.* 343
- Turca nullum extraneum ad Tyrannum admittunt, ni primo de occultis armis inuestigarint.* 460
- Turca Pestum oppugnare desinunt, & re infecta Danubium traiciunt.* 438
- Turcarum capita Viennam deferuntur.* 191
- Turcarum agmina in Coronesium subsidium uenientia.* 212
- Turcarum castra ad Budam.* 446
- Turcarum præfecti suos ad Viennam oppugnandam vulneribus & uerberibus adigunt.* 130
- Turcarum præfecti qui, & numerus eorum exercitus.* 516
- Turcarum cum Venetis pacis abrupta occasio.* 331. 332
- Turcas cedunt Hungari.* 198
- Turcas fundit Catianer.* 198
- Turcas fundit Lodronius.* 198
- Turcica classis magno cum detrimento in Danubio congelata.* 437
- Turisanus ad Caragium oppidum à Cesarianis deuictus.* 385
- V
- V** *Acciam in potestate redigit Velsius.* 434
- Vacciam expugnant Turca.* 483
- Vagnissa amnis, olim Aenantem uocabant.* 332
- Valacchia describitur.* 464
- Valacchia in duas partes dimiditur.* 365
- Valacchia à Flacco præside Romano originem ducit.* 464
- Valacchi Deum Christum colunt Graecorum more.* 364
- Veldemontius legitimus hæres Andegauensum.* 36
- Valdemontius ad Neapoles portas.* 13
- Vallemontonium expugnant Germani, & Hispani.* 27
- Vandanesius Comi presidio impositus.* 7
- Valentinus & Maylatus ueri Hunnici sanguinis fraude à Barbaris capiuntur.* 464
- Valentinus Maylatus, ac Perennus paribus prope insidijs uirtutis inuidia circumuenti.* 524
- Valentinus solus ex proceribus à Solymano retinetur.* 458
- Valentinus Thurac & Bachubius Paulus ambo instabilis fidei.* 186
- Valentino libertate Regina impetrat.* 458
- Valerius Ursinus se dedit posteaq; dimittitur.* 62
- Valerius circumuentis Gallis periclitantibusq; subuenit.* 37
- Valorio mortem interminatur Cosmus.* 401
- Valponium arx.* 342
- Valponium Solymanus in deditioem capit.* 540
- Varanius Spurius.* 35
- Varania familie reguli ueteri dominio depulsi.* 35
- Vascones ultra moenia fugientes à Germanis occiduntur.* 405
- Vastius ex Aenaria à Cesare euocatur.* 279
- Vastius efflictos Italos oratione consolatur.* 283
- Vastius in Arelatensem usque agrum excurrit.* 317
- Vastius, & Ascanius Columna ab Auria in Aenariam exponuntur.* 61
- Vastius, & Ascanius Columna in nauali prælio capiuntur.* 45
- Vastius ad Caesarem de seipso paucissima loquebatur.* 219
- Vastius Caesaris copias in Florentia conspectum ducit.* 104
- Vastius dum studet retentare seditionum agmen periclitatur.* 205
- Vastius ad expeditionem Coronensem venire noluit.* 220
- Vastius & Gonzaga refragantur Leuæ consilio.* 312. 313
- Vastius inducit Auriam, ut Caesaris auspicia sequatur.* 70
- Vastius Italos honoris memores esse hortatur iam ad seditionem procinctos.* 203
- Vastius post inducias Regia castra ad Carmagnolam inuist.* 358
- Vastius preparat se ad Strozzeanos excipiendo. 562. quare de inducijs inter Caesarem, & Gallos percussis gauderet.* 358
- Vastius quare Gallos leuiores prælijs uexandos censeret.* 357
- Vastius scalis in arcem cum militibus. Casali recipitur.* 386. 387
- Vastius scitiosus filium obsidem offert quoad pecunia exoluatur. 364. seditiones ad officium reuocare studet.* ibid.
- Vastius sibi Lanoium adiungit, ac Strozzeobuiam proficiscitur. 564. summum naufragij periculum adit.* 566
- Vastius tribus de causis Gallos oppugnandos censuerat.* 581
- Vastius ad præfectos Hispanos dicit.* 283
- Vastius ad Carinianum Azalium & Vi comercatum fundit & capit.* 589.
- ad Carinianum succurrendum se parat.* 580
- Vastius ad recipiendum Casale promptissime se itinere committit. 386. ad Stalouiam castra mouet. 582. egrotus Regem inuisere nequit, at nobiliores Insubres ad Regem mittit.* 360
- Vastius à Fortuna interceptus, quo minus suscepta ad Carinianum succederent. 581. castra Carinianum uersus mouet.* ibid.
- Vastius Cherium expugnat.* 405
- Vastius duas legiones Germanorum à Ferdinando rege ad se euocat. 404. egregio dolo Monteuicum in deditioem capit.* 567. 568
- Vastius & Auria Cesari Africa expeditionem dissuadent.* 476
- Vastius fortissimam Sarmenti legionem deplorat, Insubresq; laetantur. 381. Gallorum præsidia in subalpina Gallia expugnat.* 382
- Vastius Hispanos castigat, quod pro cono parua uexilla galeis imposuissent. 407. in hostium conspectum se dat.* 583
- Vastius intra uiginti octo dies supra Casale receptum Cherium Clarasum, atque Albam fortissime expugnat.* 408
- Vastius malè apud Cerisolanà ominatur.* 584
- Vastius summergit seditiones.* 377
- Vastius ad arcem Tuneti à Christianis excipitur.* 296
- Vastij acies ad Cerisolanam describuntur.* 383
- Vastij amuli detulerunt non parum decreto numerum militum conscriptum.* 194. 195
- Vastij literæ ad Simeonem missæ à Gallis interceptantur.* 566
- Vaticanum diripitur.* 11
- Vbertus Gambara apud Britannos legatus.* 23
- Vestigal dira cladis Leuæ excogitat.* 81
- Vega ad Cesarianos deficit.* 595
- Vega Anxianum expugnat.* 595
- Vega deditos suspendit.* 595
- Velasus, & Henricus Gallos superant.* 9
- Velsius Budam obsessurus ad Aquas Calidas castra metatur.* 434
- Velsius castra ad Srigonium reducit quod Hungari, & Germani quotidianis rixis inuicem inuaderent.* 435
- Velsius Vicegradum altamq; arcem expugnat.* 435
- Velsius

INDEX.

- Velsius Pestum occupat. 434
 Venetus exercitus in Peligni ualle à ni-
 uibus affectus. 36
 Venetus Senatus Antonio Polino Re-
 gis Galliarum legato respondet. 507
 Venetus Senatus legationem Dauali,
 & Hanebaldi suspectam habebat. 419
 Veneti in Apuliam cum Lotrechio. 30
 Veneti Caesar & Pontifex foedus in Tur-
 cas percutiunt. 355
 Veneti in partes Caesaris trāseunt. 303.
 304.
 Veneti ad excidium Sfortiani imperij
 cum Gallis coniurarunt. 261
 Veneti fame laborantes à Solymano li-
 beruliter adiuti. 417
 Veneti Galli Sfortianiq; Ticinum expu-
 gnant. 79
 Veneti nullo alio Gallia regi foedere alli-
 gari uolebant. 217
 Veneti legatos mittunt ad Casarem,
 Gallum, & Solymanum. 420
 Veneti legatos amplissimos ad Casarem
 mittunt. 105
 Veneti Obroatium recipiunt, ac di-
 ruunt. 337. pacem à Turcis redi-
 munt tradito Nauplio, & Epidauro
 urbibus. 417
 Veneti ad oppugnandum Obroatium
 profecti à Turcis profligantur.
 335. 336 consilia sua commodo
 metientes. 505. Camillum Vrsi-
 num in Dalmatiam mittunt. 337.
 Ostrouizsam expugnant, ac euer-
 tunt. 337
 Veneti quare se à foedere Caesaris abrum-
 perunt. 376
 Veneti Solymanum monuisse fereban-
 tur ne integris copijs ad Viennam
 cum Casare confligeret. 218
 Veneti superbe Hispanorum prae-
 sidium ad Preuesam refutarunt.
 375
 Veneti suspecti quod Himeralē Ambra-
 cio sinu ob Auria metum excedere
 iussissent. 209
 Veneti Turcico bello ualde afflictī.
 417
 Veneti uela iuncis ad antennas colliga-
 tis fugam ad Preuesam uidebātur pa-
 rare. 375
 Venetorum, & Lotrechij exercitus nu-
 merus. 36
 Venetorum Imperator captus. 7
 Venetis Turcarum arma à ducentis an-
 nis semper funesta. 417
 Venetis Solymanus bellum infert.
 332
 Venetijs detecti qui Reip. arcana pro-
 palarent seuerissimè dannati. 420
 Venetijs ordo rogatorum ad quinquā-
 ginta reductus. 420
 Veneta & Gallica classes ad Auriam op-
 pugnandum re infecta decedunt. 63
 Veneta, & Gallica classis à Sardinia
 magnis detrimentis acceptis soluunt. 69
 Venetae triremes quae Alexandriam
 nauigant à Barbaris uectori-
 bus, & nautis spoliatur. 328
 Venetae cum Turcis abrupta pacis occa-
 sio. 341
 Venusini Galli deditionem faciunt. 40
 Verreius cadit. 41
 Verticillus famosus latro Casarianos
 Neapoli obsessos mirifice adiuvat. 48
 Verticillus ab Hispano Praetore spo-
 lijs suis inbante suspenditur. 48
 Vestricium Moldauus occupat. 466
 Vexillifer Nicolaus Caponius, & qui-
 bus conditionib. 22
 Vexillum à Florentinis expetitur qui-
 bus conditionibus à Caponio conce-
 sum. 32
 Vexilliferorum nomina qui primi Al-
 ba moenia superassent. 407.
 408
 Vgo Moncata mortuus ad Amalphin
 urbem tumultatur. 46
 Vgo Moncata cum Pōtifice pacem inuit.
 11
 Vgo Moncata, cum Pompeio Columna
 in urbem irrumpit. 11
 Vgo Pepulus moritur. 59
 Vgo Pepulus Etruscae legioni praeficitur
 à Lotrechio. 59
 Vicegradus situs. 434
 Vicentius Turenus à Francisco ad Cle-
 mentem missus. 35
 Vicus antiquitus Clastidio Ierobuium,
 hodie Sratella nomen habet. 592
 Vidamius. 580
 Vienna oppugnatur. 130
 Vienna obsidet Solymanus. 117
 Vienna moenia cuniculis à Turcis ape-
 riuntur, & oppugnantur. 129
 Viennae moenia prorsus immunita.
 129
 Villacum olim Vacorium usque Tribu-
 ni militares praecuerunt. 207
 Vuillermus Boioaria regulus. 183
 Villermus Cliuensis regulus hares à
 Carolo Geldrio institutus. 421
 Villermus Cliuensis sub fide publica ad
 Casarem. 422
 Villermus susceptum titulum armis de-
 fendere censebat. 423
 Villicus exustis fabarum paleis nubent
 excitans, credebatur signum Turciae
 classis aduentantis Casarianis, ac
 Regijs dedisse. 366.
 361
 Vincentius Cerrasa Montis sacrae
 arcis regulus ad Gallos deficit. 42
 Vincentius Catareus Dalmata Christia-
 nos seruos ad libertatem arripiendā
 hortatur. 29
 Vincentius Capellius Veneta classis prae-
 fectus. 365
 Vincio qui Anguillotto suppetias laturus
 ierat redituō Malatesta laqueū
 parauit. 140
 Virginius Vrsinus Pontificiarum trire-
 mium praefectus uexillum à Pontifice
 recipit. 277
 Vistarinus Gallos magnis incommodis
 afficit. 588
 Vistarinus Vastium hortatur, ut reli-
 cto primo itinere ad se Cherio iter fa-
 ceret. 582
 Vitellius egregiè Pestanis insidias
 struit. 519
 Vitellius Pestum expugnari in consilio
 asserit. 520
 Vitellius Turcas erumpentes Pestum im-
 pellit. 517
 Vitellus ad Vacciam mittitur explora-
 turus hostium insidias. 508
 Vitellio à Ferdinando aurea pocula do-
 nantur. 528
 Vitelliani tumultum excitant ex quo Se-
 natores maturius decernebant. 395
 Vitricum iniussu Caesaris incenditur à
 Germanis. 610
 Vlamanes Persa praefectus Illyrico quos
 milites parat. 377.
 378
 Vlamanes Persa ad Solymanum transiit
 84. 263.
 264
 Vldericus Vuirtebergicus exul à Sueuis
 expulsus. 226
 Vldericus ingenio turbido, crudeli, fu-
 rioso. 227
 Vldericus ab omnibus ferè suis oppidis
 recipitur. 233
 Vldericus Reilingum obsederat cepe-
 ratq;. 226
 Vldericus à Sueuis Virmembergenfi di-
 tione spoliatur. 227
 Vldericus patrimonium emit Caesar.
 227
 Vlyxes Vrsinus cadit. 594

INDEX.

Volaterra Romanorum Colonia Sylla-
narum partium. 17
Volaterræ descriptio, & situs. 153
Volaterrani arcem obsident, ac Ponti-
fici legatos mittunt. 149
Volaterra oppugnatur. 151. 156
Volaterrani Florentiam mittunt alium
Prætores postulantes. 147
Volaterrani prius secundo quàm priore
Prætores mutantur. 149
Volaterranus ager inuaditur ab Alexan-
dro Vitellio. 147
Volfangus Hoder ad Possonium subeun-
tem Turcarum classem magno incom-
modo efficit. 128
Volfangus vexillifer capitur ac à Soly-
mano ueste donatus ad suos dimitti-
tur. 128
Vmblico bello ab Aurantio quibus con-
ditionibus finis impositus. 113

Vno tempore Solymanus pluribus bellis
satisfacit. 381
Vrbium à Medice receptum manibus
nudatur. 3
Vsarones duo ad Valentinum transfuga
de Austrianiis fugam meditantib. Tur-
cas edocent. 450
Vsarones Hungari leui armaturæ equi-
tes. 13
Vrsinus eruptionem facit. 115
Vtica. 255
Vtica portum Africæ Cesar applicat.
279
Vulcanus immoderate fortitudinis iu-
uenis cadit. 406

Z

Z Acyntus insula. 213
Zadares cum septingentis equi-

tibus Turcis Coronem properat.
212
Zadares interficitur. 212
Zafrianum promontorium olim Apol-
linis. 181
Zanobius Bartolinus aliena semper à
Rep. coquens. 114
Zanobius Bartolinus, & Raphael per
urbem uolitant. 116
Zapolia familia. 427
Zeila insula Indiæ nobilissimum empo-
rium. 269
Zida percelebris portus 383
Zidam urbem Eunuchus dolo & imma-
niter capit. 381
Zirmar Persa classis præfectus ad Stri-
gonium occiditur. 543
Zopiam arcem fugientes Turcæ incen-
dunt, 542
Zuccania. 469

FINIS.

38487

B A S I L E Æ

INDVSTRIA ET OPERA
PETRI PERNAE
SVMP TIBVS VERO HENRI-
CO PETRI ET SIBI
COMMVNIBV

Cum Gratia & Priuilegio Cesareæ Maiestatis.

ANNO CIO IO LXXVIII.
Calendis Martijs.